




# 叢書集成續編

## 第一五〇冊目錄

文學類



詩文別集——明

|             |   |       |   |   |     |
|-------------|---|-------|---|---|-----|
| 愁言一卷附集一卷    | 明 | 葉紈紈著  | 卮 | 園 | 一   |
| (一名芳雪軒遺集)   |   |       |   |   |     |
| 返生香一卷附集一卷   | 明 | 葉小鸞撰  | 卮 | 園 | 二五  |
| (一名疏香閣遺集)   |   |       |   |   |     |
| 張文烈遺集六卷附錄一卷 | 明 | 張家玉撰  | 滄 | 海 | 五九  |
|             | 民 | 張伯楨編輯 |   |   |     |
| 靈護集一卷附集一卷   | 明 | 葉世俗撰  | 卮 | 園 | 一四三 |
| 豐草庵詩文集二十七卷  | 明 | 董說撰   | 吳 | 興 | 一七七 |
| 豐草庵詩集十一卷    |   |       |   |   | 一八〇 |
| 豐草庵文前集六卷    |   |       |   |   | 二五四 |
| 豐草庵文後集二卷    |   |       |   |   | 三一四 |
| 寶雲詩集七卷      |   |       |   |   | 三五九 |
| 禪樂府一卷       | 明 | 張煌言撰  | 卮 | 園 | 四四六 |
| 張蒼水集九卷附錄八卷  | 明 | 秦舜昌撰  | 卮 | 園 | 四三七 |
| 林衣集六卷       | 明 |       |   |   | 七三五 |

秋

言

集



序

婦女之事內則備矣櫛鏡笄總外所佩帨刀礪觴金燧箴  
管線纒繫袷衿纓綦屨之屬爰迨醴酒醴苒羹菽麥棗  
栗飴蜜堇苜粉榆兔蕘者靡不滌瀦以滑之而不及乎文  
章歌詠文章歌詠猶之錦繡纂組害女紅者也願大小二  
戴昔稱傳會而十五國風自西河被服槩可邇焉黃鳥金  
罍垂徽后妣肥泉簠竿標芳衛女澣衣匪石寫怨之原飛  
蓬樹諉紆懷之祖大聖人察性考質在所不廢載揆上古  
有娥皇娥真履未晰然聲音被乎閨閫則由來尚矣余內  
人解詩并教諸女文彩斐亶皆有可覽觀焉越自玄默涸  
灘紀年辰會析木季女小鸞芝焚寶碎摧桃折李余為檢

愁言序

其遺香零玉付之梓人庶乎采蠹拊苜竝傳焉爾殺青未  
半又有長女之變逢此百凶命矣如何展其篋笥篇什無  
幾手自錄本題曰愁言遂竝合刻共成帙卷嗚呼詩以愁  
著詎忍言哉曹子建曰愁之為物惟惚惟恍召之弗來推  
之勿往粉飾不澤兼肴不肥火石不消神膏不稀巧笑不  
悅絲竹增悲甚矣夫愁之難釋也我女自十七結褵今二  
十有三歲而歿七年之中愁城為家張衡之所未探繁欽  
之所莫引觀飛花之辭樹對芳草之成茵聽一葉之驚秋  
照半床之落月歎春風之入戶愴夜雨之敲燈悲塞雁之  
南書悽霜砧之北夢泣芙蓉之墮露怨楊柳之啼鶯悵金  
爐之夕煖泣錦字之晨題愁止一端感生萬族左貴嬪之

詠離思跋予望之班婕妤好之賦自悼傷哉悴矣故夫靈修  
數化君臣也周道茂草父子也鬱陶余心兄弟也黃鵠遠  
別朋友也凡厥五倫咸臻一焉而閨房幃屏之間獨無以  
寄其歎歎忤悒之致乎哉此愁之所由寓乎言也自附於  
謝道蘊之憾云爾已矣他如我女懿行芳躅孝恭端恪茲  
弗詳論論其為愁言者如此幸覽者哀其志而金石焉死  
不朽矣

愁言序

三

愁言 芳雪軒遺集

午夢堂全集之二

吳江 葉氏紉紉昭齊 著

五言古詩 四首

春日看花有感

春去幾人愁春來共娛悅來去總無關予懷空鬱結愁心  
難問花階前自悽咽爛熳任東君東君情太熱獨有看花  
人冷念共冰雪

即此一詩一字一淚大概已見無限愁思不必更說矣  
王夫人胸懷自窄耳相去何啻天淵那得不死傷哉傷哉

題瓊章妹疎香閣

妹自有曉起之作即題閣上  
亦邀余作漫拈壁一笑也

朝霞動簾影紗窗曙色長起來初捲幕花氣入衣香中有

愁言

傾城姿春風共迴翔玉質倚屏暖瑤華映貌芳佳人真絕  
代遲日照新妝還疑瓊姓許獨坐學吹簧

秋日睡起感悟

睡餘晚色上四壁蛩聲秋涼月滿庭白寒燈一點愁眇眇  
猶若夢恍惚又謂起醒夢若俱非不知何所似慨然長歎  
息生死即如此

冬夜有感

疎雨滴寒庭幽風弄簷鐵獨坐何寥寥寒燈靜翻閱浩然  
起感歎慷慨向誰說

即是看花之意夜坐翻閱更  
有不翻閱者何人能無浩歎

七言古詩 五首

四時春歌 同兩妹次  
母韻作

東君遍把香塵浥枝頭處處春光及閒心踏草草徧芳淚  
眼看花花盡溼深閨簾捲日長時羅衣乍試春風急游絲  
路上自鞦韆獨坐幃香屏影澁清明寒食斷腸天可憐繡  
陌遊人集畫橋煙暖漲晴波武林花泛漁舟入黃鸞現脫  
燕呢喃揉碎韶華餘幾十一番風雨過欄前滿庭紅紫空  
相拾

夏

碧梧垂蔭薰風起餘花落盡蒼苔紫無端佳節過端陽幽  
香馥郁飄蘭芷一樹榴花妬絳裙滿階萱草搖黃蘗池塘  
過雨芰荷鮮魚紋吹浪翻沙沚輓轡聲轉粉牆西小鬟煮

愁言

茗花陰裏寂寂重簾深院幽玉肌無暑涼如水夢起瀟湘  
枕簟閒冰綃霧縠愁羅綺日落滄江罷採蓮明月東山景  
無已

秋

蘅臯款款秋聲度鴛鴦瓦上光浮露嶂峭西風吹薄寒皎  
潔清光憐玉兔菡萏含愁香半消芙蓉暎水嬌還婢河漢  
迢迢夜未央刻燭裁詩醉飛羽庭前幽桂數枝黃窗外蕉  
聲滴疎雨秋意蕭森幾處悲平林漠漠凝煙樹天涯搖落  
舊青山惟有澄江流日暮催人絡緯太無情閒愁空淚機  
中素

冬

霜冷深閨畫刻紅爐擁遍寒猶惻長天噉噉雁書哀籬  
花零落黃煙織北風颯瑟憂枯條悽雲四野迷江國一夜  
瓊花處處飄紛紛落葉空庭側簾外蕨蕤玉樹多曉來添  
遍千村色粧成呵手試敲冰忽映晴嵐新翠逼愁來最苦  
寒時候高樓欲登怯無力獨有黃昏瘦影橫隴頭人去傳  
消息

送瓊章妹于歸

畫堂紅燭影搖光簫鼓聲繁遶玳梁頻傳簾外催粧急無  
語相看各斷腸鸞臺寶鏡生離色鴛帶羅衣惜別長香靄  
屏帷凝彩扇風輕簾幕拂新粧新粧不用鉛華飾梅雪絲  
來羞並色傾國傾城自絕羣飛瓊碧玉驚相識相顧含情

愁言

淚暗彈可憐未識別離難遙遙此夜離香閣去去行裝不  
忍看欲作長歌一送君未曾擗管淚先紛追思昔日同遊  
處惆悵於今各自分昔日同遊同笑語依依朝夕無愁苦  
春閣連几學弄書秋床共被聽風雨更憶此時君最小風  
流蚤已仙姿媚雪句裁成出眾中新詞欲和人還少往事  
悠悠空自思從今難再不勝悲休題往日今難再但願無  
愆別後期別後離多相見稀人生不及雁行飛杳杳離情  
隨去棹綿綿別恨欲牽衣戀別牽衣不可留揚帆鼓吹溯  
中流可憐此去應歡笑莫爲思家空自愁

詩成而妹死妹死而身隨死豈知一首催粧竟  
作兩邊鬼話天壤之間如何有此慘事異事  
五言律詩十一首

午日感懷

兩重梅初熟庭榴映眼開扇裁明月影蒲切片香堆遇節  
驚時變懷愁對景哀傷心聊泛酒日暮更徘徊

秋日書懷

落魄長如夢憂來喟滿膺眾人皆若醉舉世更難澄紺髮  
向秋暮白雲無路登悽悽對搖落臨眺一閒憑

無一時不愁無一語  
不忍實實鬱死傷哉

秋日村居次父韻作

秋氣多愴慄看山自引醪露寒窗下竹葉落井邊桃藥蘚  
依欄秀層雲出岫高古今搖落盡流水獨滔滔  
羅幃光可鑒明月洞房開木榻藏書卷疎花對酒杯但聽

愁言

四

蟬漸寂不問雁初來蕭瑟西風裏憑几自快哉  
西園聊佇望萱草一庭分石壁堪題畫藤床可卧雲聽蛩  
深獨坐看雁惜離羣無限臨風意鐘聲入夢聞  
荻花兩岸晚秋色曠無邊蒹葭裁衣淨煙霞入佩鮮魚書  
江上水蝶夢故園天蓴菜新堪寄家風五柳偏  
浮生俱是夢堪歎笑狂夫自有清幽僻嘗嫌世俗途捲簾  
除落葉引水拂銀轡江上煙波渺秋來接五湖  
幽居甘寂寞白眼任相看細雨蒼苔溼西風木葉乾征人  
千里月閨怨萬家寒獨有蕭疎趣花前意渺漫  
風月逢秋美村聲入夜悠鳥驚棲復散螢冷度還休幾處  
江帆落三更畫角愁良宵清不寐秉燭上南樓

細風吹遠樹秋色滿松關午睡方消枕斜陽又遠山但憑  
書帙隱自識綺羅閒回首碧雲杳虛庭夜月間

病中

西風滿庭樹黃葉亂雕楹草謝傷心色雲飛故國情病中  
消短夢愁裏過浮生搔首獨長歎寒花落晚英

七言律 四首

梨花

家有舊室做甚余稍修葺之求一齋名於老父  
父曰汝庭外梨花數樹今如此老幹蒼枝皆汝  
太翁手植也我昔與汝翁嚼花醉月其下今杳不  
可得矣王融梨花詩有芳春照流雪之句可名芳  
雪軒余因漫  
作二首呈父

亞粉濛茸透箔融盈盈流雪綴芳叢窗前長鎖三春月林  
下相尋一逕風夢對池塘春草碧香飄庭榭暮煙空新來

愁言

五

幾陣黃昏雨門掩愁消玉鏡中

燕語鶯啼寒食天紅粧不學露桃鮮清含瑤藥飄香雨淺  
放瓊絲拂素煙曉月蕙蕤侵冷豔夕陽縹緲弄輕妍芳魂  
若應能憐我寂對東風共愴然

庚午秋父于京中寄詩歸同母暨兩妹賡作

讀罷家書反更嗟可憐歸計又應賒愁心每幸人皆健望  
眼頻驚物換華淚向來詩長白落夢隨去雁幾回斜天涯  
客邸惟珍重但願加餐莫憶家

傷哉每幸人皆健一時喪  
二女矣字字堪墮血淚

初秋感懷

忽忽悠悠日倚樓不堪蕭索又逢秋流年冉冉侵雙鬢長

夜漫漫起四愁舊事經心空染淚壯懷灰去謾凝眸唾壺  
擊碎還搔首泣向西風恨幾休

壯懷灰去情可知矣豈無天際  
想者看得事事都休那得不恨

五言絕句 七首

立春

綵勝簪春鬢東風遠故枝草煙薰細絲弄影日初遲  
臘向愁中盡春從夢裏來忽驚雙紫燕獨上美人釵

閒居卽事

雨後碧苔長春歸綠蔭濃楞嚴閒讀罷殘日下窗櫳

晚景偶成

遶砌草花媚當窗夕景鮮白雲不復去相與共留連

愁言

六

秋思

井桐黃葉墜秋思入重樓無限樓中意悲秋不爲秋

夢中思隱作

有恨隨流水無緣去入山登樓空極目惟羨白雲閒

題畫

小石連衰草寒松倚翠苔籠香凝望立欲去若徘徊

七言絕句 六十四首

元宵

碧天金鏡忽飛來處處紅粧繡閣開遙想千門燈火夜笙  
歌十里盡銜杯

閨情 十四歲作



薄羅初試柳初黃  
寂寂深閨春晝長  
陌頭風暖清明近  
睡起無言倚繡床

春日感懷

簾幕低垂掩洞房  
綠牕寂寞鎖流光  
近來情緒渾蕭索  
春色依依到海棠  
羅袂消殘舊日香  
啼痕幾度溼年芳  
無情懶向東風立  
有恨誰憐一夢長

春恨

不見春光明戶外  
但聞時節又花朝  
連宵風雨重門掩  
魂斷江南不可招

暮春赴嶺西途中作丁卯

愁言

七

煙樹重重迷故鄉  
雲山疊疊恨偏長  
不知何日是歸日  
杜宇聲聲最斷腸  
故園別後正春殘  
陌上鶯花帶淚看  
何處鄉情最悽切  
孤舟日暮泊嚴灘

暮春

暖日遲遲風正柔  
疎簾半捲影悠悠  
鶯啼燕語春歸去  
草綠花紅人自愁

寄妹

何事寥寥音信疎  
故園春色近何如  
相思不啻經年別  
舊約堪憐已是虛

初夏懷寄兩妹

別來萸萸一番新  
笑語分明入夢頻  
景色清和獨惆悵  
含情幾度欲沾巾

七夕詠牛女

玉樓瓊院暮霞明  
迢遞河橋鵲駕成  
只恐嫦娥容易去  
殘機重理恨難平  
拂鏡開奩畫翠眉  
粧成人出紫雲帷  
一宵相晤經年別  
最是歡時獨更悲

秋思

塞雁初飛月滿樓  
可憐回首又如鉤  
芙蓉落盡秋江冷  
腸斷年華去不留  
砧杵年年擣素秋  
洞庭木落恨悠悠  
西風塞下征人怨  
明月樓中少婦愁

愁言

八

月樓中少婦愁

秋日偶題近作

一番搖落一番嗟  
咫尺天涯夢裏家  
莫道秋來不憔悴  
滿庭都是斷腸花

暮秋夜雨獨坐

漏永香消夢不成  
西風落葉斷腸聲  
寒燈挑盡重門掩  
寥落悽然此夜情

騷體暮秋有感別家

感西風之搖落兮  
奈愁來以填膺  
桂猶芬而菊芳兮  
悵離恨之難勝

寄瓊章妹

前日別後登舟汾湖風景可玩惆悵不能相同偶成一絕

平波萬頃澄如鏡煙樹參差兩岸分回首故園何處是不  
堪腸斷不同君

禾黍初收楓葉乾斜陽幾樹暮光寒蕭疎一片滄江晚惆  
悵臨風獨自看

此即九月五日別  
妹去後之作也

悼婢繡搖  
壬申春日

數載依依共曉昏薰衣籠畔最溫存可憐風雨催零落惆  
悵屏前空斷魂

哭亡妹瓊章十首

病裏俄驚報訃音狂風號野正淒陰歸來哭向殘粧處冷  
月寒花滴淚深

愁言

九

別酒同傾九日前誰知此別即千年疎香閣外黃昏雨點  
點苔痕盡黯然

此別千年只七十  
日耳傷哉傷哉

自喜均非脂粉羣笑談風月共羅裙可憐雁羽傷零落庭  
樹蒼蒼怨白雲

牕花寂寂藥初寒誰向簾前握手看風景不知人有恨月  
明依舊畫欄干

蕉冷翻風剪寸心琅玕夕照影沈沈年來分袂還惆悵况  
復今朝夢裏尋

纔賦催粧即挽章蒼天此恨恨何長玉樓應羨新彤管畱  
得人間萬古傷

蒼天此恨  
復為自寫

月落青軒徹夜光寒桐冰井對銀床遼陽化鶴何時返仙  
路無憑總渺茫

數載相依姊妹情一朝霜露別離輕瑤琴空怨思歸引書  
卷誰將再品評

雲海茫茫隔夜臺重關畫掩鎖蒼苔彩雲日逐吹笙去玉  
骨千秋恨不開

黃埃蕭索草煙粘草色從今帶淚霑斷盡迴腸難再續漫  
將枯管病中拈

此十一月作也病猶未甚尙能握管詎知遂  
為絕筆今又為妹哭乎生死之際豈不痛哉

梅花十首

愁言

十

風飄竹外玉珊珊冰骨稜稜不耐寒贏得騷人無限意夜  
深獨自倚欄干

瀟灑前村對落暉含情雙黛怨江妃無端羌笛高樓奏月  
下氤氳作雪飛

黃昏深院月溶溶小立迴廊情興濃憶得江南曾寄遠半  
含香霧半煙籠

日暮霏霏細雨斜數枝低亞碧牕紗高情不與梨花比清  
韻堪羞桃李華

春來裁練遍江南薄霧濛濛映翠嵐寂寞東風多少恨依  
依和月照清潭

霜雪無情幾度侵亭亭秀出歲寒心揚州何遜曾畱戀惆  
悵

悵離騷不入吟

幽姿不引蝶窺忙  
簾外愁看芳草長  
薄倖東風初作惡  
玉英吹落斷人腸

羅浮夢裏最風流  
月落參橫萬種愁  
別後香魂應化蝶  
年年飛向嶺頭遊

玉貌檀心不許猜  
夜寒長共月徘徊  
角聲嗚咽霜天曉  
縹緲香魂到鏡臺

春風消息入南枝  
淡靄霏霏籠素姿  
瘦影不禁傾國笑  
氤氳無限暗香時

玫瑰花

小院春歸日正遲  
庭花新豔發葳蕤  
暖香芬馥添幽夢  
嫩

愁言

紫葶茸鬪翠眉

日麗風和花影篩  
香魂寂寂露華滋  
可憐朵朵枝頭豔  
不似沈香帶笑時

曉餘初日映霞姿  
鮮豔看來誰似斯  
寂寞小庭春去後  
倚風含笑索新詩

木香花

春事闌珊蝶怨嗟  
小庭花信到瓊芽  
翠條裊裊垂成幄  
穠李荼蘼敢自誇

蝴蝶花

黛色輕勻幾樣姿  
不翻夢粉向高枝  
參差偏繞羅裙簇  
舞遍春風花落時

金桃

濛茸斜倚湖山畔  
色妬佳人額上粧  
檀藥自憐遲日豔  
不隨春日鬪紅芳

洛陽花

小小仙葩五色裁  
娟娟纖質傍蒼苔  
誰人賈誼牕前過  
摘得才人繡彩來

茉莉花

江城五月笛聲秋  
似落梅花帶雪浮  
日暮風清開徹處  
月明香浸一庭幽

紫茉莉

西風吹出魏家粧  
日落鮮鮮燦錦房  
麗色已參紅豔貴  
香魂應妬玉蕤芳

魂應妬玉蕤芳

夜合花

玉質幽情翠作蛾  
多情不羨夜舒荷  
南薰寂寂吹濃麝  
深院飄飄著素羅

蜀葵

名花綽約同芳槿  
灼灼霞姿勝露紅  
翠萼含嬌羞黛色  
錦江春色剪輕綃

秋海棠

盈盈掩婢倚階前  
妬殺新粧鏡裏妍  
盡日含嬌映秋色  
斷腸無語帶人憐

秋芍藥

綽約芳姿韻若仙  
曲欄低護小庭前  
自憐不學東風贈笑  
倚清秋籠淡煙

菊花

嬌黃豔紫不尋常  
秋色盈盈澹曉粧  
薄暮風清簾欲捲  
若憐憔悴怨斜陽

竹枝詞十首

湖月團團湖水清  
春來春去幾陰晴  
不知多少風波起  
斷送行人白髮生  
綠樹陰陰繫釣船  
漁簑常掛夕陽天  
門前野色時時好  
湖上鱸魚歲歲鮮  
繞岸青青楊柳枝  
煙絲長向白鷗欹  
臨流盡日垂金縷  
不

愁言

向春風贈別離

圭

平野春深開遍花  
花開花落過年華  
不知歲月將人老  
但見溪流日又斜  
秋來菱芋味新鮮  
雪白銀魚更可憐  
八月良宵堪賞處  
一村燈火月當天  
白蘋煙盡蓼花紅  
一片秋光似鏡中  
牧笛晚來何處發  
數聲鷺落半天鴻  
霜染楓林葉半疎  
碧天寥廓雁來初  
家家煮蟹沽村酒  
遇得豐年樂有餘  
兩岸西風蘆荻花  
一溪煙樹幾人家  
漁翁曉起將拋網  
渡口移舟日正斜

黃雀來時蟹正肥  
寒蟬催織欲成衣  
江頭白日西風急  
野老田間望黍歸

湖水微茫遠接天  
繞天低樹碧于煙  
湖邊芳草年年綠  
天際征帆日日懸

詞十三調共四十七首

點絳脣

早春有感

小院黃昏一庭淡  
月人聲悄  
梅花開了春信知多少  
又是一番芳草天涯道  
傷懷抱年年憔悴不似春歸早

又

往事堪傷舊遊綠  
遍池塘上閒愁千丈  
暗逐庭蕪長  
自古多情偏惹多惆悵  
添悽愴  
寒宵淡月一片淒涼況

愁言

浣溪紗

春恨

窗外梅花落素英  
隔簾啼鳥弄春晴  
斷腸芳草又青青  
獨倚畫鸞愁日暮  
半籠金鴨怯寒生  
閒思心事暗傷情

又

幾日輕寒懶上樓  
重簾低控小銀鈎  
東風深鎖一窗幽  
晝永半消春寂寂  
夢殘獨語思悠悠  
近來長自只知愁

又

風雨閒庭鎖寂寥  
又看春色一分消  
翠屏斜倚思無聊  
夢覺情踪無處問  
悶來心緒最難描  
帶人殘病恨今朝

書示半消夢殘獨語與夢覺  
情踪夢來心緒一種傷神

又

清晝沈沈掩碧紗困慵梳洗髻鬆鴉蕙爐閒裊篆煙斜  
剪剪輕寒生繡戶霏霏細雨著庭花一窗新夢晚風賒

又

憔悴東風鬢影輕年年春色苦關情消魂無奈酒初醒  
啼鳥數聲人睡起催花一霎雨還晴斷腸時節正清明

又

芳草依依道路斜白雲何處是仙家空餘遠碧暮天賒  
紅淚滴殘清夜月夢魂長繞淡梨花幾番臨鏡黯傷嗟

又

昨夜輕寒透薄羅曉來微雨忽相過紅英一半已看無  
好句漫成嫌未切那知總爲恨難模日長雙黛奈顰何

愁言

好句漫成二語宋人  
道不出情深怨深

又

正是黃昏欲斷疑不堪簾外雨餘聲倚屏愁絕最難聽  
紅燭來時朱戶掩篆香消處翠爐清又看新月照疏櫺

又

寂寂重簾晝影沈網絲牽恨入愁吟淚痕和夢怨春深  
羅袂暗鬆金縷扣惜花潛減舊時心小樓幾日怯登臨

又

燕子初來壘故巢曉鶯啼恨更添嬌一春都是等閒拋  
不怨滿庭風雨惡只教終日夢魂消東風空鎖綠楊腰

風雨作惡歸于不怨有小雅  
風人之致矣然怨正自深

又

一段春慵曉鏡中怕聞花氣入簾櫳夜來思遍舊情踪  
粉蝶迷殘烟草綠晚風落盡海棠紅凭欄千里暮雲重

又

日日枝頭墮粉香東君何事苦匆忙鳥啼花落送韶光  
淚蹙翠山情杳杳悶連青海思茫茫含顰無語立斜陽

悶連青海何等悶  
法那得不死傷哉

又

閒悶閒愁不自持幾回消盡又如絲小庭惆悵日遲遲  
細雨斜風寒食後子規殘月夢回時此情試問有誰知

又

愁言

鬪草亭邊事已遷畫欄花影只依然紫簫淒斷綠牕前  
寥落春深人病酒蕭條香徑柳垂烟東風回首總堪憐

又同兩妹戲贈  
母婢隨春

楊柳風初縷縷輕曉粧無力倚雲屏簾前草色最關情  
欲折花枝喚舞蝶半回春夢惱啼鶯日長深院理秦箏

其二前闕與妹同韻  
其末未盡更作再贈

翠黛輕描桂葉新柳腰嬈娜襪生塵風前斜立不勝春  
細雨嬌聲羞覓婿清臚粉面慣嗔人無端長自惱芳心

又新竹

百尺高抽出畫牆娟娟含粉秀冰霜靜臨深院日初長  
翠靄濛空籠曙色清陰搖月照宵涼南薰池館占風光

菩薩蠻 代閨人 春怨

羅巾拭遍傷春淚夜長香冷人無寐獨坐小牕前孤燈照  
黯然 關情雙紫燕腸斷鴛鴦伴無奈武陵迷恨如芳草  
萋

又 春閨

輕風庭院將寒食海棠雨過嬌無力春思暗縈人春愁更  
斷魂 夢迷芳草遠殢酒屏山掩蝴蝶撲花忙深閨日正  
長

又 早春日暮共兩妹坐小閣中時 風竹蕭蕭恍如秋夜慨焉賦此

遲遲暝色籠庭院小牕靜掩香猶暖風弄竹聲幽蕭蕭却  
似秋 愁懷長自詠共語憐今夜舊意與新情湘江未是

愁言

花

深

寂寥小閣黃昏暮依依恍若天涯遇牕外月光寒映窗書  
幾副 話長嫌漏促香燼應須續幾種可傷心訴君君細  
聽

又 感懷

茫茫春夢誰知道綠楊一霎東風老自恨枉多情浮塵長  
苦惱 草堂青嶂繞曲岸溪聲小何日遂平生相攜上玉  
京

憑君莫問煙霞路悠悠總是無心處人世自顛狂空驚日  
月忙 萋萋階下草日日階前遶切莫繫閒愁閒愁無盡  
頭

又 和老母 贈別

樽前香焰消紅燭可憐今夜傷心曲衫袖淚痕紅離歌淒  
晚風 匆匆苦歲月相聚還相別腸斷月明時後期難自  
知

又 秋思

蒹葭一望連天碧靡蕪消盡傷心色孤雁正橫空夕陽更  
又紅 煙波多少事難作歸山計秋浪拍堤寒浮生共渺  
漫

三字令 詠香撲

疑是鏡又如蟾最嬋娟紅袖裏綠窗前殢人憐羞錦帶妬  
花鈿 蘭浴罷襯春纖撲還拈添粉豔玉肌妍麝氤氳香

愁言

六

馥郁透湘縑

玉樓春 立 秋

微雲日暮庭花紫一葉飄輕淡羅綺扇驚長信泣佳人山  
冷蒼梧悲帝子 樓前莫問相思字深院螢飛照砧杵西  
風燕去幾時歸秋夢芙蓉江上水

踏沙行 暮 春

花落閒庭春歸小院沈沈嫩綠鶯初囀晝長人盡掩重門  
榜嚴讀罷花陰轉 清思幽然塵情盡遣一簾幽靄東風  
晚數聲啼鳥欲黃昏滿階月影澄澄見

又

粉絮吹綿紅英飄綺又看一度春歸矣子規啼破夢初醒

凭欄目斷傷千里 塵世堪嗟流光難倚浮生冉冉知何  
似舊遊回首總休題斷腸只有愁如此

又 秋海棠

媚暈輕粧芳姿映砌檀心一點清香細對人無語似凝羞  
嫣然風韻多流麗 酒意醺酣柔情欲繫盈盈泣向西風  
閉只愁人夢月寒時斷腸無那燈前睇

蝶戀花 秋懷

盡日重簾垂不捲庭院蕭條已是秋光半一片閒愁難自  
遣空憐鏡裏容華換 寂寞香殘屏半掩脈脈無端往事  
思量遍正是消魂腸欲斷數聲新雁南樓晚

繫裙腰 秋懷

秋言

九

窗兒半掩簾兒清庭兒靜袖兒輕春兒老去傷情景兒明  
愁懶把步兒行 黛兒蹙蹙鬢兒傾欄兒倚悶盈盈萋萋  
絲草兒迷斷歸程歎聲聲只贏得病兒成

滿江紅 秋思

桂苑香消芙蓉老白蘋浪起又漸是寒煙古木夕陽流水  
玉笛悲涼秋旅怨金砧淒楚關山思看斷霞明月照涼輝  
黯凝倚 詩酒興消殘矣愁與悶偏無已念啼鶯別後水  
雲煙瀾惆悵不通天際信江南風景空如此聽秋聲蕭瑟  
夜蛩清心如死

秋色澄清煙光淨碧天寥廓正此際悲涼滿目歲華搖落  
鏡裏流光私自惜瑤臺無路愁難託奈新來秋鬢不勝悲

渾蕭索 問何處堪棲泊想蕙帳悲猿鶴更疏籬叢菊草  
堂風籜無奈都成虛負了塵勞客夢何時卻被西風消息  
暗驚心空思著

又 閨雁

梧葉飄翻花陰轉露華明月風正起深閨乍冷羅衣寒怯  
絡緯啼寒催短夢怨蛩聲咽悲長別歎可憐回首又關情  
新鷓鴣 憔悴盡清秋節增悵望腸如結見幾行征雁錦  
書周折淚落西樓飛不定音傳塞北渾難說問天涯歸去  
是何時情淒切

鎖廳寒 憶妹

愁言

十

更那堪近來信稀盈盈一水如迢迭想當初相聚而今難  
再愁腸空結 從別數更節念契闊情悰驚心歲月舊遊  
夢斷此恨憑誰堪說漸江天香老蘋洲征鴻不向愁時缺  
待聽殘暮雨梧桐一夜啼紅血

玉蝴蝶 感春

滿目韶光明麗東風拂拂花影悠悠簾捲重樓十二禁火  
初收草青青遊人金勒春寂寂深院銀鈎暗香浮誰家陌  
上幾處津頭 凝眸天涯信斷王孫何處閨夢多愁雙燕  
無憑日長凭遍小紅樓對鶯花滿懷幽怨臨寶鏡幾許情  
柔空消受月寒錦帳香冷衣篝

天氣困人時節寒輕暖淺煙媚雲流十里春風消瘦酒帶

花憂倚橫欄斷魂難續問錦帶春去誰留鎖閒愁重門畫

永花落庭幽風流凝粧挈伴尋香拾翠何處堪遊一片

閒情無端都上兩眉頭恨庭花飛成黯黯隨去蝶夢冷悠

悠縱休休韶華易老好景難酬

景色濃芳清晝游絲無力嬾嬾輕柔欲挽春光同住堪笑

難留碧煙侵舊時羅袖紅香淡獨自粧樓繡簾幽弄晴啼

鳥喚雨鳴鳩多憂凭高一望江南春色千古揚州回首

繁華斷腸都付水東流黯魂消一番懷古空目斷萬縷新

愁幾時休綠楊芳草春夢如秋

春夢如秋秋夢又當如何傷情怨語

愁言

柳黃條上聲過西樓好夢驚回深院簾捲

蝦鈎霧濛濛杏花無語人寂寂芳草如羞恨綢繆謝娘慵

懶斜倚篔簹薰篝新粧鏡裏東風無計吹破春愁粉褪

香消長門花月半沈浮問年年惱人紅綠看日日伴我幃

幃鎖眉頭黃昏雨後勝似悲秋

芳草如羞東風無計一腔悶懷那說得盡有死而已傷哉

又詠柳

拂地含顰寫黛無端贈折綠遍郵亭縱有風流萬種都是

離情恨攀枝渭城客淚空送別灞岸歌聲舞腰傾年年弱

力無限銷凝春晴樓前凭望東風老去不耐柔縈淡碧

輕黃酒旗村舍半橋橫向園中但傷鬱鬱看陌上莫怨盈

盈黯黯心驚千絲萬縷總是愁生

又秋思

惆悵別來歲換清秋風月幾度悲傷極目蒹葭煙水一片

微茫黯魂飛閒愁空斷還悵望孤悶偏長對池塘紅消殘

碧綠怨初黃淒涼蛩吟小院露寒金井月遠迴廊詩酒

瀟疏舊遊新恨最難忘掩重門臥殘清晝理瑤瑟燒盡爐

香數流光秋燈閃淡無限徬徨

無限徬徨想其此境真是可憐

百字令秋懷

秋光瀟灑正清江收潦芙蓉寫頰扇影辭人涼入苾歎故

國經時別月皎風淒夢回花謝多少鄉情切憑高對酒幽

懷幾度悽結無奈牕戶蕭條閒情冷落篆縷消金鴨客

愁言

夢悠悠何日了舊恨新愁萬疊病骨支離年華屢換羅袖

長啼血可憐雙鬢應知一夜堪鑷

水龍吟次母韻早秋感舊同兩妹作

秋來憶別江頭依稀如昨皆成舊羅巾滴淚魂消古渡折

殘煙柳砌冷蛩悲月寒風嘯幾驚秋又歎人生世上無端

忽忽空題往事搔首猶記當初曾約石城淮水山如繡

追遊難許空嗟兩地一番眉皺枕簟涼生天涯夢破斷腸

時候願從今但向花前莫問流光如奏

蕭蕭風雨江天淒涼一片秋聲逗香消菡萏綠摧蕙草煙

迷遠岫浪捲長空雲輕碧漢薄羅涼透恨西風吹起一腔

閒悶那勝鏡中消瘦寂寞文園秋色這情懷問天知否



簷鈴敲鐵琅玕折玉聽殘更漏淡月疏簾小庭曲檻且還  
斟酒算從來千古堪悲何用空沾衫袖  
補遺

壽祖母七表 己巳

德院春光媚華堂羅綺陳斑衣膝下繞芝草檻前新佳節  
稱眉壽芳樽祝萬春絳桃齊獻罷玉管奏聲頻

詩留祖母處笥稿上竟不及錄故梓時亦遺  
失頃緝完祖母翻閱刻本始憶之檢出續此

無題

曲沼紅香歇平欄綠水清無邊秋色在俱是夢中情  
蝴蝶飛飛亂梧桐日日殘羅衣不耐冷明月好誰看

菩薩蠻

愁言

垂

綠綃笙冷秋光老斜陽護住花枝小薄夢楚天雲英英簇  
素裙 蒲塘流水緩楓葉新紅短人在暮凭欄西風莫驟  
寒

二詩一詞寫一白晝上曼羅衫中  
頃開箱檢其故衣典賣供拾得之

芳雪軒附集

詩

沈宛君

楚辭云悲莫悲兮生別離況於死別更可知矣死別  
 異慘矧又相繼耶余遭三女之變哀莫能伸豈意七  
 十日間又加此禍何昊天不仁至斯荼毒也昔年嶺  
 表尚且牽衣今日岱魂能無銷骨階前細草空自芳  
 菲檻外名花徒然旖旎游絲白日淚與俱飛唳雁清  
 宵腸隨共斷閒雲無意難覓遺踪明月多情還窺空  
 閣前三女亡時因其婚期在邇日夕倥偬又生平未  
 曾經此意中實無慮直待亡後驚悼悲駭不知所  
 出悔云晚矣故長女卧病兩月之內余爲百計營求

愁言附

日禱竺乾慈悲莫救遍尋鴻術參尤無靈終於永別  
 嗚呼痛哉余亦知情緣有限恩愛必離奈俗念未銷  
 填膺難遏聊草數言以志痛云爾

號風凜冽振霜條爲爾泉遊鶴駕遠落日荒荒悽碧漢斷  
 雲漠漠恨蒼霄連摧玉樹辭秋早並擊明珠墜海遙回首  
 從前都是夢劬勞恩念等閒消  
 二十三年是妄眞行踪邈邈隔仙塵昨宵猶作閨中友今  
 日難尋地下人每感生離多慘切豈能死別少酸辛黃梁  
 一枕何時覺覺悟生前定有因  
 此別相逢無再期龍鍾雙袖淚痕滋三聲猿哭江山裂午  
 夜鷓啼天地悲畫閣惟餘書滿架藥欄空見露分鞋堪憐

春到芳菲節手種名花知爲誰

東風吹不到泉臺姊妹長眠甚日開微雨池塘春索寞暮  
 雲煙樹影徘徊半生祇與愁爲伴七載嘗從悶裏催赴暗  
 歸寧傷竟歿可堪哀處更添哀

夢裏難追往日歡疏桐淒影曉風酸鏡中人去粧臺悄爐  
 內香消錦帳寒雨細簾前春寂寂月明院落夜漫漫梨花  
 開後還知否畱得詩篇不忍看

夜深寒月照幽魂風景蕭然靜掩門剪燭豈能同再話檢  
 書何得更重論曲房小檻音容絕彤管芸箋手澤存無限  
 荒涼悲滿目蒼蒼愁結草煙昏

身前事業總休休死後流光徹夜幽欲買青山難遂志故

愁言附

教絳髮漫成愁鳥啼枝上新花發日照天中淑景浮獨有  
 痛腸同逝水潺湲嗚咽兩悠悠

笑語閒評繡閣中于今相憶信誰通難尋靈草招魂返獨  
 剩菱花閉影空吹恨清風偏颯杳照愁明月最朦朧可憐  
 紫燕啣泥候不復簾前賦落紅

欄外霏微滿院香繽紛麗景競含芳千花盡逐年華轉雙  
 玉偏埋春夜長地下應無新歲月人間空自老星霜燕吟  
 絮句俱何在哭向靈几奠酒漿

藏衣篋內付誰披賣取錢爲供佛資汝去灑然多慷慨我  
 今痛極更迷癡亦知幻化原非相未晤真空只有悲但願  
 三生靈不昧相逢一笑葛川時

哭昭齊姊挽歌 七首

葉小紉

西風颯颯響疏林黯黯浮雲長若陰天荒地老愁無盡水  
關山高恨更深當時共酌花前酒今日空悲薤露吟嗚呼  
一歌兮歌始放玄猿清晝啼聲愴

天乎天乎何所為我生不辰遭此罹妹喪未幾姊又死愁  
腸百結淚千垂可憐是夕不得別檢篋空餘相贈詩嗚呼  
二歌兮歌慷慨黃雲慘慘日色晦

年少妖亡愁不已芳名令德遺彤史書卷常存日覆塵琴  
絃斷絕無人理花開桃李自成蹊零落堦前委紅紫嗚呼  
三歌兮歌未終蕭蕭枯木起悲風

憶昔憶昔不再得挽歌數挽終無力兄弟姊妹等閒人列

愁言附

三

俎空設何曾食月冷泉臺長似秋漫漫永夜燈昏黑嗚呼

四歌兮歌思氤幾欲呼天天不聞

陰氣悲悽慄古木寒月霏微弔空屋泉臺杳杳無見期世  
事堪憐多反覆我今顧影自徘徊歸寧父母祇有獨嗚呼  
五歌兮歌正長傍人聞此皆斷腸

煙霞性喜志不違竹窗曾共詠餘暉容言笑語宛如昨靈  
衣飄飄何所歸君去瑤池應有伴我今六合知音稀嗚呼  
六歌兮歌聲咽血淚紛紛寸腸裂

粧閣無人冷畫幃拋餘鸞鏡竟誰收紗窗塵滿朦朧月花  
徑苔深芳草稠舊時燕子還尋主泥香落去空簾鈎嗚呼  
七歌兮歌宛轉愁思昏昏心喘喘

文

祭長女昭齊文

葉紹袁

維崇禎五年十二月二十二日余長女紈紈哭妹來歸卒  
于母寢死以繼死慘深痛盈元日閉門草文陳哀以告於  
我女之靈曰嗚呼人世之悲莫悲於死人世之哀莫哀於  
送死矣矧死者不一而再則送死之情更何如也天散彩  
雲地理玉樹人消靈淑三才之道不幾乎息耶我自十七  
歲與汝母結髮成伉儷迄今二十九年竊幸芳草沿階蘭  
花屢夢庭前學謝閨內齊劉自謂我於兒女因緣情深債  
淺故嘗與汝母私相語曰我雖少丁茫茫之感莞瘁多艱  
今日讓闈白首康居無恙粉曹銀綬忝恩榮遠膝森列

愁言附

四

並無摧折看蠟鳳之爭賞絮風之句或青箱有媿實彤管  
無慙微靈造物亦云奢矣憲室淵菴我又何求庶幾安貧  
以消受此福皇天后土實聞我言故自庚午上令伯之表  
卽杜門掃徑藝草芟花為終遯之計有何罪惡忽焉汝妹  
夭亡纔盈兩月而汝又賦楚些之招也嗚呼痛哉汝祖無  
祿蚤世我時甚小樂武子佐軍之數沈子正對華之年門  
戶伶仃艱辛成立汝母結縞五年未卽誕育汝祖母含飴  
之弄望眼幾穿至庚戌之秋生汝而喜可知也初生之女  
愛逾於男汝又眉目秀映金暉玉潤如奇萼之吐華明珠  
之入掌祖母孤燈久寂得汝開顏不離寒暑朝夕捧抱霜  
天雨夜汝或一啼祖母與母必更番起視顧汝復汝真不

遺餘愛矣未及期歲汝翁若思卽來議姻先是汝祖與汝太翁璽卿公伐木締簪漢衡接野契執李荀之誼交符莊惠之知丙戌曲江並組御柳同遷汝祖以我諸兄早亡故以我過嗣爲子與汝翁若思雁行鶴原也旣稱兄弟更協婚姻先德世雅實爲美譚天啟子丑吾與汝翁又復連鑣馳轂接衽彈冠閭里嫺鄭莫不耳目相詫嘖嘖歎賞誇汝榮盛羨汝多福以爲兩家慶祚自此永永綿綿葛藟瓜瓞光前昌後矣豈意榮盛變爲衰落多福更爲薄命眉案空嗟熊虺夢杳致汝終年悶悶悒鬱而死悠悠蒼天曷其有極嗚呼痛哉汝年三歲教汝讀長恨歌不四五遍卽能朗誦無不驚汝以爲奇慧十三四歲學爲詩詞越今十載矣

愁言附

五

頃檢汝篋中遺墨無幾大半與母妹賡和之什次則怨碧淚紅之語豈傷心所寄不欲多留抑愁緒凝懷芳魂銷骨斷香零玉不成片段故寥寥爾嗚呼痛哉汝德性儉勤識見超曠辭氣和洽禮度端詳御下以寬待人必恕事姑妯間尤愉顏怡色委曲調持靡不尊卑敦睦共得歡心高情逸致與三妹伯仲老成諳達似又過之三妹於丙寅仲春許字張方伯公子汝卽於十月合卺成禮今俱於壬申之冬相繼天歿妹以七年虛眷屬闔門楣汝以七年空名目愁心事一死於將嫁之時含珠母手一死於言歸之日瞑目母前各聳奇哀平分異慘人生至此何以爲情嗚呼痛哉汝丙寅旣婚丁卯年十八歲卽隨翁赴官嶺西龍江

潺湲大庾高插閨中弱女幾堪跋涉山川蒙犯霜露然已事姑嫜豈牽衣泣戀所可挽黃鶴之別止飛鳧之翔哉但念天涯此去必待河陽政最零雨東歸而汝父此身業已沈淪宦海汝祖母又懸車榆景未知何年與汝一家骨肉再相完聚之期興言及此淚涔涔下沾衫袖矣未幾汝婿憶家至浙之青溪卽返我又訥汝婿忍二人之長征一身忽然獨駕歸舸何無妃帖之戀然喜汝相見望溢意外亦更不問汝婿之宜歸不宜歸也是年余絳帳武席約秋間待汝於秣陵藉館攬長干桃葉之勝吊莫愁子夜之遺與汝兩妹當必有錦箋佳句芬芳閨閣而汝竟不果迨玄枵指柄我從石頭掛帆纜抵里門汝翁海上之訃音至矣我

愁言附

六

與汝翁情好素敦拊膺大慟悲哀無已又悼汝家正當隆熾之初遽切衰亡之感汝之福薄更不必言孰意衰門不祜淺福難存玉骨驚塵幽魂泣月嗚呼痛哉昔汝往粵我贈汝詩莫望故鄉輕下淚天涯回首最傷人庚午我在都門汝詩愁心每幸人皆健望眼頻驚物換華天涯客邸惟珍重但願加餐莫憶家嗚呼痛哉詎知汝不傷於煙山瘴水而傷於鬱境愁鄉吾不憶汝於帝輦京華而憶汝於五柳七松之日寶碎芝焚之後愁心每幸連隕二珠望眼頻驚空悲歲月嗚呼痛哉我常見汝於弟妹間言論歡淡語笑恬怡竊私謂汝母長女穎識非凡何胸懷間不一作惡若力爲排遣故爾消融當勝謝道蘊多矣豈知汝口無言

而心結貌不悴而神傷半世情踪七年心緒眉憐自鎖怨  
恐人知繡窗伴妹未嘗偶話憂懷清宵對母並不輕題恨  
字但見汝煙霞痼疾泉石膏肓每思買山築塢逃虛絕俗  
招朋松桂撫懷猿鶴若必不欲見世態紛紜者偶一夕間  
挑燈連榻汝與兩妹競就隱癖汝料入山無緣流涕被枕  
我時聞之深笑汝癡隱豈兒女子事又何至如霞之泣也  
由今追想殆汝胸中固已逆揣終身了無佳境故以憂愁  
憤懣之衷托之沈光鏗影之談明知理之必無自寓其情  
之至鬱已矣嗚呼痛哉汝書法甚佳工於兩妹多愁之暇  
日寫唐人詩數本以為娛玩小楷精端璀璨可愛汝姑於  
去年分授汝數椽之屋汝悉心整理竹牕藤几花欄藥砌

愁言附

七

一一楚雅以為此生聊解悶懷而無多清福亦不容享天  
之待汝何其慘薄心煩冤而誰訴氣哽噎而不平豈止啼  
月之鵲血殘午夜泣嶺之猿斷腸三峽已也嗚呼痛哉汝  
自戊辰以後歸家日多今年因三妹天桃伊邇駁馬將歌  
昔時韓侯百彭我貧乏中一時活鮒故竭蹶監河之粟營  
治奩飾無暇迎汝半載不歸不知汝一腔幽恨永歎肥泉  
須漕之思日鬱鬱更深凝積矣仲秋十日汝誤聞祖母采  
薪駕言松舟親來問候汝時已抱微疴亦以傷風肺病當  
卽瘥耳九月初五日仍返汝家與三妹舉樽歡別預泛茱  
萸之酒還期黃菊之杯汝母云九月二十後卽望汝暨二  
妹歸視小鸞盈門之爛不意九月中宵三妹遽馬瘵疾遂

不復相聞邀接因循彌留至十月十一日  
玉折矣悲哉痛哉女奴報汝汝正作催粧  
飛拊心雨泣汝姑恐汝哀悼傷生延至十  
三妹床前有淚流腮無聲出響容顏枯槁  
汝母固深致驚疑然寧料遂有今日又竊  
女既亡豈復更亡一女生人必無此慘具  
意九月五日汝與三妹一別卽永見無期  
汝拜姑歸來辭汝房櫳別汝几榻又卽已  
嗚呼痛哉當汝疾時猶捻管賦三妹挽音  
千年之句噫嘻千年長別幽明共理更誰  
與三妹重泉冥漠又已執手平生也耶悲

愁言附

姿絕世元是飛瓊後身故其瑤情瓊想伴  
餌芝吸漿之間汝現女人身說法故日語  
大悲神咒幾千萬遍未亡數夕前屢形  
夜夢至武林巒壑間奇嶂天開銀河瀑注  
自題一詩有云尋山還問水重整舊根  
魂魄還歸彼處耶母慰汝曰非也大士  
遣人虔叩天竺為汝祈祐卽應汝武林  
又一日再告母曰夢人以金剛偈四句  
影必非久居人世之理恐致不祥母又  
壞身汝豈不知果如汝夢豈有亡兆耶  
如夢幻如泡影如露如電我佛慈航固

汝病既深懨懨枕縛月餘矣二十二日子候忽喚人扶起對母曰吾病恐不能支奈何母曰四大本假安用戀此端心我佛自無煩惱汝既點首默應抗身危坐歛容正襟合掌禮念作聲一誣通身汗下豁然大悟遂爾瞑逝此旁觀侍女盡目矚汝者也汝此去果生西方我更何悲一時情根愛種忽忽難斷耳昔南唐永興公主每焚香對佛自誓曰願兒生生世世莫作有情之物年二十四坐亡温軟如生汝年與之上下而志與跡與之齊矣嗚呼痛哉靜想汝夢汝今必在靈隱石屋大滌天柱諸山三生石上舊日精魂吟風弄笛直證無生但孤月淒涼寒花岑寂楓葉無紅苔崖空碧誰人伴侶卽三妹否耶三妹詩云何日與君尋

愁言附

九

大道草堂相對共談玄當是前生夙世道友法契妹渡綠水以先去汝駐青山而永歸丹洞玉礪遂汝隱願矣獨汝父母何仇何怨受此顛倒生時何等憐愛死時何等悲哀汝獨不念二十三載父母與祖母幾許深恩一朝辜負汝若有情忍至此耶嗚呼痛哉天可問耶抑夢夢不可問耶以三妹之韶顏明麗而死三妹之僊風清徹而死若謂三妹本瑤池玉女不應墮繁華富貴之中故於將出閣時而死則以汝之含愁抱鬱而死汝之禪心堅忍而死亦死卽以汝處三妹後日境過亦了無足異又何以汝之不繁華不富貴無聊失意而死天真有夢夢不可問者矣嗚呼痛哉若曰有根器人原無長生之法則鄴侯青蓮之僊踪

子瞻魯直之佛理何嘗不壽而三山五嶽間獨不可一日少此二女子耶嗚呼痛哉歲云除矣元日始矣椒花紀頌柏葉裁詩千家爆竹之聲萬戶泥金之字獨汝姊妹永無見期架上春衫兩處淚痕漬溼臺前粧鏡同時塵網縈凝酌汝清觴此屠蘇酒也汝同三妹來飲之否耶嗚呼痛哉

祭亡姊昭齊文

葉世佺

維崇禎六年正月六日姊喪之十有四日弟世佺謹啣哀致祭於靈前曰嗚呼吾姊永離別矣肝腸碎矣黃泉路隔恩情斷絕傷何如矣死生大故自古莫不痛之蓋亦無可如何徒付之歛歔拊躄而況手足之間一當其變再遭其慘雁行斷而復斷離羣惜而又惜則天道寧有此慘刻哉

愁言附

十

自三妹以十月十一日棄世我姊拊靈大慟當是時死者固不可復生送死者亦殊不欲生然不意僅七十日之間我姊竟真不生也嗚呼痛哉哭妹之淚未乾哭姊之腸又斷天慘地愁恨莫如之矣姊雖久恙然歸寧之時猶飲食坐起如故未幾而亡豈其膏肓之入深秦越人不治乎抑哀妹之死傷其神而致殞其身乎嗚呼痛哉佺少時父母命誦毛詩十五國風以及二雅諸頌無不與姊相對几席朝夕吁吟佺有未達靡不悉爲指示半世手足兩年師友情爲何如寧忍復憶時佺六歲性魯好戲所授書不能竟讀則父母夏楚之姊未有不垂涕者矣又嘗以罪過閉佺一室中不許飲食姊必於穴隙間垂涕呼佺告之曰汝何

不成人若此奈何不服父母訓且父母於汝實甚愛之撻汝詈汝所以冀汝進益也汝可不知耶今勿復再犯我力勸父母出之是時佺幼不知姊之愛弟若此及長知之又不能報姊恩於萬一則弟實負姊罪大矣夫復何言嗚呼痛哉且佺始生一夕祖母適遭祛篋之警俗人物議俱以佺爲不祥不敢顯聞諸父母也有與姊言者姊必正色拒之然有口莫辨徒鬱鬱爲佺抱不平而已故嘗語佺曰汝少負外嘗長幸努力無使後日又爲人口實也嗚呼痛哉佺自慚流水竊愧凌雲陸士衡著論之年朱公叔督郵之歲懷帝闔而不見揣陰符以未成董帷寂寞馬帳徘徊無論吾姊愛弟望弟未能圖報而思姊生前之言努力自

愁言附

七

愛則又隕涕不欲生矣嗚呼痛哉三妹之死以爲人世未經有之慘自祖母迨六歲幼弟無不拊號實爲哀甚我姊病於床猶與弟言及此則垂涕曰以七十歲之祖母哭十七歲之女孫處此情事焉用生爲當時汝與兩弟俱在江陰父又偶出我與二姊俱不在家含玉惟母及祖母而已我輩生前何如相處死不得一人送終深爲可恨此不但骨肉之間倍極慘毒聞之者當亦心酸因相顧泣下又謂我今病起定勤修梵行持齋供佛必不與一世事乃不數日而卽亡豈其心已忘世隨滅影離形去耶嗚呼痛哉然令我姊沒於袁氏則彼此一方死生不見實爲孤苦尤覺傷心幸而歸寧在家此數十日中諸弟俱伴宿卧房昏旦

起視臨終扶坐斂容正逝弟輩皆得見姊之端化也不至若三妹生不知病狀死不得永訣兄弟之情契闊實甚則於吾姊庶幾又足自慰乎昔丁卯之春姊擬隨宦嶺西此時倍極生離苦況萬里關山孤風寒月泣桃李而言邁萋春草以興懷以爲古人寫離別之情狀信不我誣嗚呼如以今日則長得生離亦云幸矣忍至此哉心常擣而欲碎神忽黯以如疑既俯仰之跼踖復寤寐之徬徨悼往傷逝古誠有之若死者之骨未寒而生人又已委化相繼瞑目彼此斷腸則古人恐未有此慘也致寸誠於几筵斷干哀於一酌聊陳杯酒少敘生平姊其饗我否耶

祭亡姊昭齊文

葉世偁十六歲

愁言附

三

維正月之十四日戊戌弟世偁告於姊之靈曰嗚呼人之死生天壽亦常也而常之中又有變焉則不可以死生天壽測之矣向者十月十一日喪我三姊以爲此骨肉分離實出奇慘况秣馬將歌一旦長逝是青天白日下忽發一烈風迅雨之震驚而使人茫然不知所出也孰意十二月二十二日我大姊又隨沒乎嗚呼哀哉向之爲三姊服者今且爲大姊服也向之爲三姊祭者今且爲大姊祭也一室之中七旬之內兄弟姊妹之間慘酷有若此乎我姊十一月間雖精神困倦疾寢在床猶作三姊挽詩當此之時我姊於病中歎歎感愴每言及三姊潸然泣下孰意作詩未久而我姊卽爲泉下續乎嗚呼哀哉我姊臨沒之夜弟

以父母命遣弔表叔於當湖不得送我姊終然以爲天下必無之事也及至歸猶欲叩床問疾孰意姊此時則沒身矣若誠知如此則偁告父母寧緩此一日耳竟以他人之喪不得送骨肉之死則爲生者之情能無恨哉悠悠蒼天胡爲而肆此奇毒耶偁嘗聞之作善降之百祥作不善降之百殃天之道也我輩姊妹兄弟或雖無作善亦不至於不善乃始而喪以三姊繼而喪以我姊是天以待不善者待我家也今而後我不敢復言天道而并不能爲天道解矣嗚呼哀哉

### 祭亡姊昭齊文

葉世俗十五歲

某月某日弟世倅痛哭悲傷致祭於大姊之靈曰嗚呼死

愁言附

三

生大矣豈不痛哉憶昔連袂相游歡語談笑曾無一失也不竟犯造物之忌忽於冬初三姊永別弟方深抱離羣之痛恨不能起三姊於九原孰意七十日間手足分離又至於此乎嗚呼哀哉我姊以四月得病未爲沈疴自三姊之逝撫膺大慟遂成不起因此而沒是吾姊深慟妹之死而不知冥冥之中慟我姊者卽相繼而在也嗚呼哀哉死者不可復生詎意生者復因此死乎且倅始生期年姊方十歲深受顧愛後稍長姊教弟讀書曾日月之幾何而手足之情已在天涯之遠矣嗚呼哀哉且自少及長歡然相聚寧知有離別之悲及姊結禱之日以爲今而後姊妹兄弟不能復相聚於茲無一缺矣猶且牽衣滴淚執不忍別然

日後歸寧則固復伸兄弟之情歡聚如舊時矣嗚呼昔日生離之悲豈知今日死別之慘乎今且無論不能復聚手足歡樂如舊時卽思卧病在床父母兄弟之環而奉其湯藥也不亦爲難得也哉嗚呼我姊生前之日雖不得時時歸寧然笑語音容恍然如在也方姊歸送三姊之喪慟哭倒地殊不欲己之生豈知此一歸者固來永別父母兄弟而終無復聚之日乎嗚呼哀哉憶昔我姊病時以爲三姊既沒我姊又病姊妹之悲何至如斯然一遭其變豈復更遇其凶固理之所必無亦情之所必不料者也此夕猶高枕而卧輕置之度外詎意蒼穹不測慘毒洊加七旬之內手足之間兩送其死每一念至愴恨而不能言天道誠不可測而生者則何以爲情也哉

愁言附

西

德輝按世俗原名世倅故文中皆自稱倅

### 祭亡姊昭齊文

葉世倅十四歲

正月朔旦惟我姊喪之二七弟世倅痛哭流涕以敬告於大姊之靈曰嗚呼哀哉昔我姊結禱之時弟生始七歲相聚爲歡日月幾何而卽是永別千秋矣嗚呼姊生平之時終不可得固不必言矣卽疾寢在床相奉湯藥亦不可得矣抑思夫未殮之時而亦杳乎其不可得矣嗚呼哀哉自三姊十月之喪鬱結無可伸憤怨不能舒而又一姊沒至於今弟亦未明姊之死也昔我姊赴任嶺西且以爲數千里之間四五年之別耳雖至於涕泣不忍分袂然弟亦可至嶺西而相見姊亦可以辭任而歸寧則是猶可以自慰



者也尚爲離別之悲而況今乎姊不能去九原而返人世弟未卽離人世而至九原一別千里斷腸萬古其慘又何如矣嗚呼哀哉七旬未久喪吾兩姊則對諸神明而神明不信告諸天地而天地爲奇則爲弟之情何如哉我姊歸寧之日深慟於三姊之前孰知慟我姊者卽在是矣嗚呼哀哉去年之元旦望姊之歸而今年之元旦哭姊之死嗚呼弟生受此痛何不從姊而死也十一月二十日姊寢在床孰知此寢而竟不起也嗚呼哀哉我姊之去脫盡塵凡則父母兄弟固一夢中人耳然而臨終之時尙恐父母兄弟思念之故囑以無苦況弟生於世傷心慘目實親見之其悲不有至極者乎一慘未舒而慘又至傷如之何此

愁言附

五

世之所希聞古今所未有者也相見之期邈無日矣幽明死生遠離隔矣嗚呼哀哉

清明日再祭昭齊姊文

葉世佳

嗚呼自姊徂亡又更暮春墳膺拊臆痛與時新淚痕猶溼歎焉七旬逝彼流水疾如驚輪維茲清明天氣朗淑山花笑紅堤柳爭綠萬物競妍我姊奚伏將與三妹生時絃續飲酒花前題箋故屋然歟否歟或同或獨死生永別人鬼天涯一去不返漠然長埋供僧禮佛遺衫剩釵潛潛出涕渺渺摧懷緬彼北邙壠草蕭條冷風陰雨隨時淒漂豈以我姊與俱悴凋石泉槐火寒食春宵紙錢一佰滴酒空澆誰何寂寞靈何迢遙嗚呼哀哉三妹有言與君尋道相對

談玄共探微妙姊今往矣是否同處大道何歸草堂何所因緣欲話莫恐斷腸吟風賞月幸畱草堂精魂石上尙不相忘還期聚首生死雁行敢告我姊以囑瓊章嗚呼哀哉時移物換春色盈枝風光乍曉落花游絲心焉如焚淚矣如漸一觴敬奠千秋痛思嗚呼哀哉

愁言附

六


愁言附集終



返

生

香



序

嘗聞龜山少女名署玉書南嶽夫人歌聞雲瑛華巔朱履  
因亂世而昇雲劉氏白鵝厭塵氛而度世誠以天姿絕俗  
秀氣凌煙中懷瀟灑林下之風飄飄出塵之想豈能抑遐  
志于金屏老雲翹于珠戶哉蓋吹笙馭鳳非俗世之賓棲  
月乘鸞豈人間之婦是以流霞玉英不同金石之翫琪花  
朱草鮮齊桃李之芳九英之芝莫育于常圃五色之泉不  
流于濁溪何則物有姤而自貴性有異而獨遙殊情孤邁  
雋采易遷斯神明之靈淑固濶濁之所難留也夫古之淑  
媛秀質金閨雅麗之姿椒房窈窕之選亦有明詩嫺禮搗  
賦擅詞令辭敷灑昭宣德聞冊光麗采墨鐫芳華馨播詞

返生香序

人之口照耀文士之目然或蘭摧別苑珠碎高樓長門永  
歎塘上空悲或辭身鄉國崎嶇異域隕魄胡沙埋魂驛路  
莫不泣飲寒聲愁啣弱影琵琶夜月恨與雁而長飛繡嶺  
春風怨隨花而不落爰思淑姿令終多才而寡累者固什  
不獲二三也豈若御青霞入紫霓友素娥而侶宓妃哉余  
甥瓊章葉虞部仲韶之三女也生而靈異慧性夙成長而  
容采端麗明秀絕倫翠羽朝霞同于圖畫輕雲迴雪有似  
神人年十餘知詞賦十三四工篇章并古文及齊梁體皆  
過目能誦操翰成章朗雋道逸咸遵其致十五學琴與奕  
摹古人書畫無師而解其意舉止莊靜不妄言笑史書所  
稱無以過也乃復身存華闈志逸煙巒以婉變之年懷高

散之韻紫水芙蓉之詠半屬遊仙錦書飛雲之編爰思大  
道寓懷雙鶴無非翫水之詞寄意六花盡皆瑞葉之句夢  
越紅泉瑤姬不遠情依碧嶠銀闕非遙斯誠達人之所幾  
詎知才士之所及至年十七將嫁而遽隕逮斂之日玉色  
輝朗朱唇鮮澤舉體輕柔類同尸解稽其既沒之景合其  
生存之辭若符一致固非馮雙之偶降即同蘭香之再生  
矣繇斯以譚心高五岳氣軼層霄方且恥彩鸞之多嫁嘗  
弄玉之有夫焉肯畫眉玉鏡掩袂鳳帷也哉嗟夫神山萬  
里方士望而難來靈鶴千年華表歸而無日金龜月冷爰  
同玉女之壺花砌苔封既是麻姑之石遐哉邈矣孰可謾  
焉母氏宛君吾家道蘊也教三女長昭齊次蕙綢皆知詩

返生香序

屬文而瓊章尤為挺拔如劉家令嫺竟芳年蚤世悲夫惜  
哉仲韶文章才行既顯厥世儒雅風藻洽于家庭故諸子  
能言即知誦詩毀齒即能為文瓊章之沒大小皆有詩文  
祭之雅麗可觀殆其性然歟咸集而著之于世覽者明焉  
時崇禎壬申十有一月沈自炳君晦題

返生香 陳香閣遺集

午夢堂全集之三

十洲記曰西海中洲上有大樹芳華香數百里名爲返魂亦名返生香筆墨精靈庶幾不朽亦死後之生也故取以名集

吳江葉氏小鸞瓊章一字瑤期 著

五言古詩 六首

春日

芳朝麗淑景庭草茸清香簾櫳搖白日影弄春花光粧梳明月髻杯浮碧華觴瑤池諒非邈願言青鳥翔

午日

暄風日正午砌花繞蘿門一一燕子飛掠煙成漪紋榴苞

返生香

競霞紅竹粉縈蛾綠綵絲繫皓腕金杯泛香粟

九日 近作

風雨重陽日登高漫上樓庭梧爭墜冷籬菊盡驚秋陶令一樽酒難消萬古愁滿空雲影亂時共雁聲流

于歸在邇何愁之有而且云萬古也明明識語張方伯棄楚泉而歸卽有此變暗符陶令事甚奇

曉起

曙光催薄夢澹煙入高樓遠山望如霧茫茫接芳洲清露滴碧草色與綠水流窺粧簾帷捲清香逼衣浮聽鶯啼柳怨看蝶舞花愁茲日春方曉春風正未休

池畔

涼風襲輕袂徘徊臨前池欄花映日發婀娜餘芳姿澄波

燦明鏡照我幽人思我思在霄漢颺舉任所之但恐歲月晚相看淚如絲試採芙蓉花何如茹隱芝

遊仙是平日本懷但十六七歲女子何至歎歲月晚淚如絲靈先告之耶

秋雁

西風天氣蕭蕭菽菽梧飄黃征人塞上淚隨雁歸故鄉我無遼陽夢何事飛蒼茫所有一緘書欲致瑤臺傍寄之西王母賜吾金玉漿一吸生瓊羽與我共翱翔

還思曠想自當仙去豈塵世所能久留

七言古詩 七首

山中思 擬騷體

山氣深兮岑寂危巒複兮蒼茫上有長松之欹倚下有古

返生香

礪之清涼俯眺兮平麓遙瞻兮層谷水流兮花開綠崖兮茅屋風淅淅兮落紅葉之蕭蕭草萋萋兮映碧蘿之迢迢白露兮溼無名之綠草枯藤兮掛子規之孤巢閉石室兮理瑤琴蔭林屋兮密森陰渺惆悵兮叢桂黯思君兮我心

重午 己巳十歲

桐陰羃歷靄晴空畫影一簾庭草濃扇圖秦女鴛鴦綠酒滴胡姬琥珀紅金釵繡虎分時樣素簪榴葢浮華叢黃鶯紫燕席邊語沼蓮籬榷生涼風此時羅綺香無汗一曲高歌樂未終

慈親命作四時歌

春雨霏微花氣浥江村處處春相及半庭芳草黛煙濃一

樹梨花粉痕溼數聲啼鳥爲遊絲曉來拂拂東風急東風  
蝴蝶尋香飛新鶯欲語嬌還澁陌上隄邊更可憐香車寶  
馬紛紛相集高樓簾捲畫屏開落花飛絮隨風入榆錢滿地  
更堪愁難買東君又九十折花安頓膽瓶中猶恐春光暗  
收拾

夏

槐陰滿地人初起呢喃掠水風翻紫晝閑只有鶯亂啼香  
氣菁葱浮芳芷池中菡萏羨霞粧簾前茉莉含冰蔗蕉葉  
風清映畫廊畫廊曲繞鴛鴦汀寂寞枝頭落槿花人靜棋  
聲碧窗裏夢回枕簟玉肌涼繡床團扇清如水朱欄倦倚  
晚風多落霞夕霽如明綺漸看新月掛枝梢隔浦採蓮歌

返生香

未已

秋

銀河黯澹流螢度怨蛩脈脈啼秋露砧聲何處擣閨衣夜  
色淒淒泣寒兔蕭瑟西風蔓草衰芙蓉猶落餘香嫋隔窗  
絡緯織更殘銀床梧葉摧黃羽閒雲來往自悠悠空庭滴  
瀝青蘚雨雨絲寂寞柳煙消溼月籠香浮桂樹桂影重階  
不捲簾傷秋人向凭欄暮蕭蕭楓葉落吳江湘鴻幾處雲  
中素

冬

黃昏譙鼓傳初刻重重羅幙寒悽惻一雁孤飛半夜驚千  
林凍色連雲織笛聲吹曉戍樓風漁舟冷遍蘆花國栖鳥

啞啞寒不飛梅花影瘦西窗側天孫剪冰作瑤花美人粉  
染青山色曉來粧罷隔簾看金樽猶恐寒相逼白雪金樽  
酒一卮玉山欲頽嬾無力還思此日征人淚少婦流黃長  
歎息

雲期兄以畫扇索題賦此

春來處處盡芳菲寂寂山花暎水飛水色似明春月鏡花  
光欲上美人衣子規啼老無人處蝴蝶滿山粉落絮邈然  
青天不可攀惟見江水流潺湲江外雲山幾曲重丹崖翠  
岫交蒙茸霏微煙際桃花雨氤氳香前薜荔風松聲一響  
度萬壑下有幽人桂艇泊扣舷長嘯數峯青卧看吹花巖  
下落沈沈谿畔石屏開裊裊游絲綴綠苔碧羅倒掛巨千

返生香

四

尺深山寂靜真幽哉白雲千古悠悠在獨坐對此心徘徊  
前溪流出胭脂水疑是漁郎渡口來

五言律詩 十二首

憶父京師

風雪催殘歲山川隔上都鄉書空北往胡馬日南驅江上  
尊鱸老城頭鼓角鳴何堪一回首千里白雲孤

秋日村居次父韻作

疏煙籠畫箔掃徑酌松醪拾翠猶憐草秋紅不讓桃低花  
欹日暖啼鳥怨風高綠水金徽奏清商調正酒  
徘徊粧罷後迤邐綺櫳開日靜披雲卷衣香覆羽杯兩驚  
殘葉去風送曉涼來數朶芙蓉映穠姿亦麗哉

小院梧桐覆銀牀色不分重幃深鎖月做闌畫飛雲粉障  
堪留影幽花若笑羣爐香銷靜坐微雨隔簾聞

古松依石壁人立翠蘿邊鬢髮花爭豔飄衣色更鮮緘書  
催北雁涼月掛南天試向迴廊看欄杆影又偏

迴文愁織婦金剪憶征夫閨夢真堪淚村歌獨滿途蕭蕭  
看落葉耿耿汲寒轆千里嬋娟暮蒼茫玉映湖

昨宵香透幙曉起倚花看桂已檀黃嫩蓮初黛粉乾清粧  
秋水映芳袖露華寒莫問滄江冷幽庭景自漫

水簾波長靜湘鈎捲更悠繡餘芳草暖書罷夕陽休團扇  
慵題怨雙蛾豈解愁遙思秦弄玉千載一簫樓

秋氣悲搖落清心澹不關竹梢梳白日水面洗青山臨鏡  
花常曉薰香韻自閒幽懷何所寄遠在碧霄間

返生香  
五  
秋夜不寐憶蕙綢姊  
夜色正蕭蕭輕風響竹梢檻桐催葉落岸柳泣絲飄砌冷

蟲喧息燈殘火燼消彈棋曾敘別風雨又連宵  
秋夜偶作用村居內二韻

屋傍清江曲蘋花兩岸分候涼頻聽樹待月每嫌雲浪遠  
漁堪隱沙平雁幾羣階前啼絡緯砧杵隔林聞

迢遞煙霞處翩翩鷗鳥悠溪流樵路斷山抹夕陽休黯黯  
秋雲思瀟瀟暮雨愁西風發爽氣一夜到粧樓

七言律詩 六首  
早春紅于折梅花至偶成

遲遲簾影映清霄日照池塘凍若消公主梅花先傳額美  
人楊柳未垂腰紗窗繡冷畱餘線綺閣香濃透畫綃試問  
侍兒芳草色階前曾長翠雲條

紅于其隨身侍兒  
平日所最憐惜者  
昭齊姊約歸阻風不至

寒爐撥盡燼微紅漠漠江雲做碧空離別遂如千里月歸  
期徧悵一帆風愁邊花發三春日夢裏年驚兩鬢中雨雪  
滿窗消未得定應握手幾時同

秋暮野望有感  
遠浦歸帆帶夕陽一聲漁笛過橫塘疏楊影瘦蟬聲咽禾  
黍風低鳥渡忙北望雲山如恨疊東流日夜似愁長蕭條

返生香  
六  
此際柴門寂極目平蕪總斷腸

平日現歡喜相說法者略無一愁態  
握筆便多斷腸語亦是不祥先識  
庚午秋父在都門寄詩歸同母暨兩姊和韻

別離歲久各咨嗟蕭瑟西風道里賒鄉信幾傳遙涕淚歸  
期屢約黯年華羌夷笛裏寒梅落闔闔宮前御柳斜胡馬  
於今應出塞暫須寬慰莫思家

尚欲寬慰父懷其如一死使父肝腸寸  
寸碎也詩墨猶新入安往哉傷哉痛哉  
偶見雙美同母及仲姊作

昔年西子應慚獨今日東隣卻遇雙黛拂春愁爭對鏡笑  
分花靨共窺窗若非拾翠來湘水定是遺珠涉漢江宋玉  
多情曾賦否高唐神女亦心降

多情曾賦否高唐神女亦心降

多情曾賦否高唐神女亦心降



秋暮獨坐有感憶兩姊近作

蕭條暝色起寒煙獨聽哀鴻倍愴然木葉盡從風裏落雲  
山都向雨中連自憐華髮盈雙鬢無奈浮生促百年何日  
與君尋大道草堂相對共談玄

宴爾已近有無奈浮生之語明明不可留矣此詩與九日作俱絕筆也

五言絕句 六首

春日曉粧丁卯

攬鏡曉風清雙蛾豈畫成簪花初欲罷柳外正鶯聲

時年十二歲初學遂有此等句真是夙慧豈在垂拱四傑之下

遊西湖辰

堤邊飛絮起一望暮山青畫楫笙歌去悠然水色冷

返生香

十三歲女子不喜繁華而喜笙歌去後之水色清冷淒涼之况超凡出塵之骨已兆此矣

戊辰除夕

寒煙淒竹徑梅蕊映簷開落日催年去明朝年又來

己巳春哭沈六舅母墓所

十載恩難報重泉哭不聞年年春草色腸斷一孤墳

小時曾撫育舅家姑母張氏聰麗能文雖夙慧亦其教也君庸悼亡之年張止三十四歲彩雲易散明珠易碎五年之間始甥兩見豈紅顏必薄命耶

題繡扇

芙蓉照水開翠鳥依枝立蝴蝶若憐風盈盈香氣襲

楊花近作

春來卻疑雪點點送春歸豈若瑤臺下瓊葩伴月飛

春來卻疑雪點點送春歸豈若瑤臺下瓊葩伴月飛

本詠楊花而思及瑤臺雪月高情挺上仙則似矣一清徹骨冷氣逼人豈是享年之道傷哉痛哉

七言絕句 五十七首

立春前一日

寒入重簾娟篆煙驚看春意在梅邊殘冬已逐斜陽盡風景無端又一年

元宵

春風輕拂落粧臺高捲湘簾待月來自有笙歌催玉漏梅

燈聊賞共傾杯

寒士家風食貧有素然一燈共賞何等樂境今日至此傷哉

壽祖母七表已

蟠桃初摘玳筵開玉洞羣仙曳佩來寶瑟瑤笙聲徹奏滿

返生香

堂齊祝萬年杯

祖母壽日有人以繡達摩來送者漫作

昔者蘆葦渡達摩今朝喜見繡成圖九年面壁歸何處剩

得乾坤一嚼無

雨夜聞簫

紗窗徙倚倍無聊香燼金爐懶更燒一縷簫聲何處弄隔

簾微雨溼芭蕉

清思韻折可想

寄昭齊姊

月白風清愁萬重夢中不識別情濃欲知無限傷心意盡

在殷勤緘一封

又繼前韻

凌波不動怯春寒  
觀久還如佩欲珊  
只恐飛歸廣寒去  
卻愁不得細相看

若使能回紙上春  
何辭終日喚真真  
真真有意何人省  
畢竟來時花鳥嗔

紅深翠淺最芳年  
閒倚晴空破綺煙  
何似美人腸斷處  
海棠兩晚風前

坊刻西廂牡丹亭二本前有鶯鶯杜麗娘像此前後六絕俱題本上者只恐飛歸廣寒去卻愁不得細相看何嘗題畫自寫真耳一勸欲絕湯義仍云理之所必無安知非情之所必有裨官家載再生事固不乏也忽忽癡想尚有還魂之事否乎

閨怨

返生香

嶺上寒梅幾樹開  
西風人瘦影徘徊  
啼鴉已送千山隔  
空自佳人泣鏡臺

宮怨

千株御柳曉星沈  
瓊珮聲寒玉露侵  
何處笙歌新侍寵  
獨教團扇怨秋深

邊怨

沙磧連天白草枯  
東征將士盡防胡  
笳聲落日戎衣冷  
歸雁書中有淚無

舟行

舸搖秋水碧如天  
兩岸蘋花落日邊  
只有楓江秋色好  
賣魚沽酒盡漁船

輕雲澹澹水悠悠  
野鷺沙鷗浴蓼洲  
楊柳煙斜臨古渡  
小橋深處一漁舟

芊芊芳草綠平川  
遠樹微茫插遠天  
春水一江帆影亂  
野花迎棹向人憐

黃鳥啼時春已闌  
扁舟載酒惜花殘  
遠山如黛波如鏡  
宜入瀟湘畫裏看

梅花十首

仙質亭亭分外新  
欲煙不語半含顰  
凍雲寒月如相識  
雪裏無春卻恨春

堪笑西園桃李花  
強將脂粉媚春華  
疎香獨對枝梢月  
深院朦朧瘦影斜

返生香

牕前幾樹玉玲瓏  
半帶寒煙夕照中  
啼鳥枝頭翻落絮  
惜花人在畫樓東

春色還遲半柳條  
淒風淒雨冷偏饒  
隔簾飄落知多少  
樹下香魂應自消

幽姿偏耐歲寒開  
寄語東風莫浪猜  
最是雪中難覓處  
幾回蜂蝶自空迴

卻憶含章點額時  
鏡臺初展拂粧遲  
近來贏得愁如許  
雁過遙天雪滿枝

瘦影橫牕亂月明  
夢迴紙帳暗香縈  
無端一夜高樓笛  
吹碎瓊瑤滿竹亭

初移日影上欄杆  
消釋東風昨夜寒  
玉暈香痕看未足  
好

教瓊樹莫吹殘

霏霏昨夜雪添粧不辨花光只辨香獨倚小樓人不見南  
枝爭似北枝芳

傲骨欺霜映碧浮數竿修竹伴清幽年年燕子無消息春  
信誰將寄隴頭

亦是淒涼用調無一穠麗氣雪裏無春初恨春之句  
母初見之亦愕然動心或恐不祥不意奇慘至此

垂絲海棠

嫋嫋輕姿淡淡煙數枝斜倚曲欄前風情似怨腰先弱雨  
後含情淚越鮮

蓮花瓣

一瓣紅粧逐水流不知香豔向誰收雖然零落隨風去疑

返生香

三

是凌波洛浦遊

竟若自為  
寫真寫怨

剪春蘿

紗牕誰為理金刀剪出紅綃映碧綃分付東君好收拾莫  
教風雨妬春翹

茉莉花

玉骨含嬌恨日長明珠點點怯斜陽夜來月影迴廊外好  
照幽香送夕涼

蜀葵

碧玉枝頭縮落霞湖山開遍綺羅斜一春何事無粧點艾  
葉榴花共絳紗

錦葵

葉如初出芙蓉葉花似籬邊樅樹花簾外一番新雨後枝  
枝爭似綴明霞

秋葵

誰將綠黛點鵝黃漢額塗嬌惹恨長檀暈心中意無限向  
人偏自怨斜陽

秋海棠

嬌姿婀娜弄芳柔脈脈含情透砌幽無奈西風最蕭瑟斷  
腸還恐不禁秋

秋芍藥

一枝妖豔倚欄杆不向春前鬪牡丹羞學贈人慵去採秋

返生香

四

風獨伴菊花寒

金桃

試向玄都觀裏遊紅紅白白共風流誰知又有黃金蕊塗

罷宮娥亦自羞

淡竹葉

若把琅玕剪碧雲交加翠羽妬羅裙如將月影堦前掃子  
敬庭中一半分

家有草花數十種欲盡為題咏未及  
半而死傷哉當盡驅去不復畱本也

竹枝詞八首

溪水悠悠曲岸迴桃花落處菜花開清波日日流長在春  
色年年去復來

門外枝枝楊柳青東風歷亂拂煙汀無端昨日花如雪化作江頭數點萍

芳草萋萋綠似煙平橋流水日潺潺風來禾黍吹低浪雨後荷花色更妍

荻花灘息白鷗機灘上行人日暮稀人去人來人自老少陽常逐片帆飛

板扉茅屋野人家綠樹陰陰一半遮小艇無風來去穩滿湖明月捉魚蝦

秋入湖邊清若空蘋花搖蕩浪花風漁人網得霜螯蟹深閉柴門暮雨中

蘆花如雪稻初收雁陣來時已暮秋煙樹參差繞湖際浪痕來去送行舟

儂家門外對清溪日日深林鳥自啼春去春來花遍野月圓月缺水平堤

傷一首  
曉起聞梵聲感悟未

數聲清磬梵音長驚動寒林九月霜大士不分人我相浮生端為利名忙悟時心共冰俱冷迷處安知麝是香堪歎

閻浮多苦惱何時同得度慈航

十六歲女子作此偈何等識見胸中無半絲塵罣詞能作詞不知其如此之多

搗練子暮春月夜

春寂寂月溶溶落盡紅香剩綠濃明月清風同翠幙夜深人靜小牕空

後庭花夜思  
朝來煙雨繁金爐香縷翻坐久還慵立眠多愁夢煩掩重門落花流水依稀隨斷魂

如夢令辛未除夕  
風雨簾前初動早又黃昏催送明日總然來一歲空憐如夢如夢如夢惟有一宵相共

雁喚西風天際檻外梅花香細今夜與明朝試共相看不睡且睡且睡守歲何如別歲

惟有一宵相共謂辛未只此一夕耳別歲亦別辛未之歲也詎知王申除夕已無其人乎豈非識語檢閱至此

返生香夫  
雙淚流血不能已矣

生查子送春  
風飄萬點紅零落胭脂色柳絮入簾櫳似問人愁寂凭欄望遠山芳草連天碧深院鎖春光去盡無尋覓

點絳脣戲為一閨人代作春怨  
新柳垂條困人天氣簾慵捲瘦寬金釧珠淚流粧面凝

又暮景  
倚欄杆看盡歸鴉遍輕雲亂涼風吹散新月中天見

又蓮女  
薄捲紅綃斷霞西角斜陽遠畫長無伴閒去題花扇獨

又蓮女  
倚欄杆看盡歸鴉遍輕雲亂涼風吹散新月中天見

粉面新粧淡紅衫子輕羅扇昨宵鄰伴來約蓮塘玩  
棹  
泛扁舟影共蓮花亂深深見綠楊風晚空載閒愁返

又夏景

竹徑深深流雲曉度羅幃靜雨絲幾陣滿地桐花冷  
溼  
翠侵眉纖暈蒼苔影看無盡綺屏人映一片瀟湘景

浣溪紗

春早

燈夕初過冷未平乍看今日試微晴東風已解向人迎  
梨蕊幾時飄弱韻柳條如欲蕩柔情隔墻何處按歌聲

又春思

紅袖香濃日上初幾番無力倩風扶綠牕時掩悶粧梳  
一向多慵嫌刺繡近來聊喜學臨書烏啼春困落花疎

返生香

花

又春閨

幾日東風倚畫樓碧天清靄半空浮韶光多半杏梢頭  
垂柳有情畱夕照飛花無計卻春愁但憑天氣困人休

又春暮

曲曲欄杆遶樹遮半庭花影帶簾斜又看暝色入牕紗  
樓外遠山橫寶髻天邊明月伴菱花空教芳草怨年華

又春閨

曲榭鶯啼翠影重紅粧春惱淡芳容疏香滿院閉簾櫳  
流水畫橋愁落日飛花飄絮怨東風不禁憔悴一春中

又春夜

柳絮飛殘不見春近來閒殺惜花心無聊獨自步庭陰

紫燕未歸餘畫棟黃昏先到怯囊琴燈花月影兩深深

又春暮

一瞬春光最可嗟東風老去夕陽斜斷腸芳草遍天涯  
粉蝶眠春隨夢去遊絲繫樹帶花賒可知春思在誰家

又小窗即事

竹徑煙迷薜荔墻好風搖曳弄垂楊無情啼鳥向人忙  
一曲瑤琴消午夢半爐沈水蒸春香倚欄無語又斜陽

又送春近作

春色三分付水流風風雨雨送花休韶光原自不能畱  
夢裏有山堪遁世醒來無酒可澆愁獨憐閒處最難求

凡壬申年作俱此等語真不解何故問天天遠如何如何

返生香

花

又初夏

香到茶蘼送晚涼荷風輕約薄羅裳曲欄凭遍思偏長  
自是幽情慵捲幌不關春色惱人腸誤他雙燕未歸梁

又秋夕

風透疏櫺景色清淒淒四壁怨蛩鳴夜深微溼露無聲  
砌上落花和月落簾前明月近花明又看河漢半斜傾

又同兩姊妹戲贈母婢隨春

欲比飛花態更輕低回紅頰背銀屏半嬌斜倚似含情  
噴帶淡霞籠白雪語偷新燕怯黃鶯不勝力弱懶調箏

又書懷

幾欲呼天天更賒自知山水此生還誰教生性是煙霞

屈指數來驚歲月流光閒去厭繁華何時驂鶴到仙家

此亦近日所作嗟乎其仙風道骨  
豈塵凡可以自待耶

菩薩蠻元宵無月

畫樓春弄東風軟燈山處處笙歌滿幾點落梅花侯家醉  
麗華 歌聲還喚酒夜色頻催漏雲幙掩娉娥清光不放

多

繁雲遮住瑤天月繡屏圍處珠簾揭風度綺羅香穠姿暎  
畫堂 銀花開火樹一夜星移曙莫羨管絃聲還愁月未

明

又春日

輕煙一抹連天碧簾前規月和煙白翠竹落梅疏相憐雪

返生香

九

霽初 博山香欲燼風透紗牕冷四望寂寥寥閒階花影

搖

又小牕前梅花一樹正開  
為風雪狼藉作此志悼

嫩寒初放枝頭雪倚牕深夜窺花月曉起捲簾看飄零滿

畫欄 飛殘千點白點破蒼苔碧風雨幾時休巡簷索共

愁

又秋

池塘碧浸芙蓉面蓮房怨粉驚團扇何處一聲聲隔溪歌  
採菱 輕雲流影急秋入平蕪色塞雁幾曾還一江煙水

寒

又秋夜

秋聲又到梧桐井半廊花霧籠虛影試喚侍兒來紗牕帶  
月開 浮光憐露葉暗草蛩悽切何似獨愁予新詞吟未

如

訴衷情秋夜

蛩聲泣罷夜初闌香潤彩籠殘多情明月相映一似伴人  
閒 燈蕊細漏聲單透輕寒蕭蕭瑟瑟惻惻淒淒落葉聲

乾

減字木蘭花秋思

暮蟲悽切獨倚疏簾清夜月悵望瑤臺不見飛瓊步月來  
秋光如練江上芙蓉開欲遍流水殘霞斷送西風入鬢

華

返生香

三

又秋思

睡花蝴蝶枕上夢魂輕似葉幾許秋聲惱亂琴心病茂陵  
雲橫霧靄天外青山何處在蕉雨瀟瀟不管人愁只亂

敲

卜算子秋思

天淡水雲平風嫋花枝動羅幙涼生翠袖輕柳外飛煙共  
獨坐思悠揚簫管慵拈弄帳冷西牕一夜香寂寞添幽

夢

謁金門秋晚憶雨

情脈脈簾捲西風爭入漫倚危樓窺遠色晚山雷落日  
芳樹重重凝碧影浸澄波欲濕人向暮煙深處憶繡裙愁

獨立

又秋

秋雨急釀就曉寒相通竹籜淒迷芳徑窄一庭閒翠積

雁字無人寄得落葉紛紛如摘懶捻金針推指澁繡床連

夜濕

清平樂命紅于折  
海棠花

斷煙撩亂霽景穿庭院草色苔痕添一半染得秋光堪玩

流蘇帳曉花開海棠幾蕊簪來昨夜薰籠香冷新寒多

上粧臺

憶秦娥秋思

湘鈎揭梧桐落向銀床咽銀床咽半庭斜日數堆黃葉

返生香

三

繡屏一縷銷香怯花欄又見飛蝴蝶飛蝴蝶怪他輕薄擣

衣時節

上陽春柳詠

無數灞陵橋畔離人淚染一生空自管消魂只贏得腰肢

軟陌上樓頭長見翠絲分線和煙幾度蕩斜暉誤紫燕

歸來晚

又柳絮

點點離魂如雨輕狂隨處天涯不識舊章臺更阻斷遊人

路驀地送將春去燕慵鶯懶飄飄閃閃去還來拾取問

渾無語

阮郎歸秋思

紅綃秋鎖小樓西綠鬢鸞鏡低曉粧初罷思依依徘徊花

影移沈水薰綺櫳垂閑愁不上眉鴛鴦新繡袂羅衣初

寒半暖時

又秋

風飄黃葉愴辭枝樓前處處飛閒來無悶亦淒其方知秋

氣悲堪歎處可憐時倚欄空自知徘徊魂夢欲何依沈

吟黯黯思

虞美人春日

海棠睡惹流鶯惱又是清明過了楊柳水邊多少愁緒縈

芳草杜鵑枝上東風悄碧玉欄前人杳一夜綠嬌紅老

只怨春歸早

返生香

三

鳳來朝春日書懷近作

小院閒無事步花陰嫩苔雨漬弄明光幾疊琴絃膩曲欄

畔清河似靜對聖賢書史一爐香盡消夢思翠幙外東

風起不覺又欲暝矣

東風方起日色已暝春日書懷已兆隕珠之慘傷如之何

滿宮花詠遊春人

日融和花媚嫵粉蝶搖枝嬌舞輕風吹落小桃紅燕子啣

歸繡戶草芊綿人容與共羨春光如許紫驢金勒繫垂

楊拾翠尋芳伴侶

南柯子秋夜

門掩瑤琴靜窻消畫卷閑半庭香霧遶闌干一帶淡煙紅

樹隔樓看 雲散青天瘦風來翠袖寒  
嬌娥眉又小檀鬢照得滿階花影只難攀

庭際花枝嫋簾前漢渚橫斷腸何必問吹笙  
但見海棠葉上露星星 墻月深深照爐香  
細細零誰家閨婦又砧聲 攪得夢魂無賴不堪情

又九日

日暖茱萸好霜飛菡萏衰碧雲山外夕陽催  
自有竹籬斜徑菊花開 煙重迷疏柳陰濃籠濕苔  
畫樓時送暗香來 且去待看明月倒金杯

浪淘沙

終日掩重門鶯燕紛紛晝眠微醒覓殘魂  
強起亭亭臨鏡

返生香

看重整雙雲 倦倚碧羅裙又早黃昏侵階草  
長恨愁痕惟有垂楊千尺線縮住餘曛

薄暮峭寒分羅簾香焚粉墻畱影弄微曛  
一縷茶煙和夢煮卻又黃昏 曲曲畫湘文靜掩巫雲  
花開花落負東君 賺取花開花又落都是東君

又春景

楊柳弄柔黃縷縷纖長海棠風醉豔紅粧  
折取一枝歸繡戶細玩春光 春日對春粧鶯燕笙簧  
橫塘三月水流香 貼水荷錢波動處兩兩鴛鴦

又秋懷

青女降枝頭已解添愁暮蟬聲咽冷篔簹  
試看夜來多少

露草際珠流 身事一浮鷗歲月悠悠問天肯借片雲游  
嫋嫋乘風歸去也直上瀛洲

杏花天

翠煙無意撩書幌帶芳草侵雲漸長晚風初作落花聲  
九十將闌未賞 南園路風光暗想聽喚雨鳴鳩兩兩小池  
水皺萍漪綠泛得紅香恹恹

雨中花

淚雨瓊姿嬌半吐又一夜風搖鬢霧繡陌啼鶯畫梁歸燕  
莫便催春去 脈脈柔情慵未足歎寂寞玉容難賦今夜  
黃昏明朝庭院空鎖重門暮

鷓鴣天

返生香

日上花梢睡未醒繡衾香煖夢畱人依依柳眼天邊碧  
淡山眉鏡裏青 無意緒惜娉婷緣培芳草伴愁生東風  
吹夢知何處空聽流鶯檻外聲

又夏

處處蟬聲咽柳亭隆隆日午正當庭蓮香有水紅粧倩竹  
粉無風翠影停 揮扇子候涼生疏簾小簟卻銀屏南薰  
日暮無行雨喚般啼鳩不耐聽

又王中春夜夢

一卷楞嚴一炷香蒲團爲伴世相忘三山碧水魂非遠半  
枕清風夢引長 依曲徑傍迴廊竹籬茆舍儘風光空憐  
燕子歸來去何事營巢日日忙



春雨山中翠色來，蘿門欲向夕陽開。朝來攜伴尋芝去，到  
晚提壺沽酒回。身倚石手持杯醉時，何惜玉山頽今朝  
未識明朝事，不醉空教日月催。

野徑春來草放齊，碧雲天曉亂鶯啼。紫笙吹徹巖山上，清  
磬敲殘鷲嶺西。紅頰綠萋萋，桃花楊柳共山蹊。遙看  
一抹煙雲處，帶雨春帆近日低。

雨後青山色更佳，飛流瀑布欲侵階。無邊藥草誰人識，有  
意山花待我開。閒登眺莫安排，嘯吟歌詠自忘懷。飄飄  
似欲乘風去，去住瑤池白玉臺。

西去曾遊王母池，瓊蘇酒泛九霞卮。滿天星斗如堪摘，遍  
體雲煙似作衣。騎白鹿，駕青螭，羣仙齊和步虛詞。臨行  
更有雙成贈，贈我金莖五色芝。

自王申啟歲便有遺世之思，此詞得之夢中，尤奇疑其  
前身一山中修煉，羽流然何以此生忽為美麗女子，若  
云塵根未斷，故爾又何以將結納而逝，更不了情緣事，殊不可解。

玉樓春  
南園蝴蝶飛無數，滿院春寒簾幙護。深深人在小樓中，悄  
悄花開寒食路。映階日色時將午，添得羅衣牕影暮。寂  
寥孤館閉閒春，但見斜陽窺繡戶。

鵲橋仙  
題山  
水畫  
柴扉不掩翠微，欲滴斷岸蘆花風寂。遠峯雲樹兩朦朧，曲  
徑杳崎嶇難覓。平波淡淡長松，歷歷玉洞仙牀咫尺。閒  
來看盡思悠然，恨不得將身飛入。

河傳  
秋景  
雲散風淡，疏陰涼淺。碧漢悠悠，玉鈎柳邊掛斜。西畫樓初  
秋，井梧先自愁。小幔輕雲澄練，綺清光美好。把鏡奩比  
倚闌干，鞦韆鬢遠。山秋煙點黛彎。

又  
橋畔鸞扇星鈿，霞釧暫撇。殘機步移，思量去年今夕，時  
其未期先慘離。借得嫦娥初月鏡，窺瘦影，拂拭翠眉整。  
駕雲謁河漢，西淒迷，只愁雞暗啼。  
未期先慘離，遂成  
奇感傷哉痛哉

倚針樓看女牛，莫愁今宵猶未秋。  
團扇新裁，明月影珠簾半上，瓊鈎榴花紅到玉釵頭。綵絲  
宜續命，綠砌遠忘憂。酒泛菖蒲香，玉碎嫩紅雙靨，橫秋  
畫船何處，鬧歌樓蕭蕭煙雨外，還鎖楚江愁。

虞美人  
看花  
闌干曲護閒庭小，猶恐春寒悄。隔牆影遠一枝紅，卻是杏  
花消瘦舊東風。海棠睡去梨花褪，欲語渾難問。只知婀娜  
共爭妍，不道有人為伊惜流年。

看花日日尋春早，檢點春光好。輕羅香潤步青春，可惜對  
花無酒坐花茵。昨宵細雨催春驟，枕上驚花瘦。東君為

臨江仙  
端  
倚針樓看女牛，莫愁今宵猶未秋。

甚最無情祇見花開不久便飄零

句自自作  
摧戕之識

一杯淡茗聊相賞莫怪人惆悵近來多病損紅粧不耐蕭  
條清晝卧琴牀 侍兒漫把臙脂掃委地還餘俏春風著  
意半蹉跎燕子不知花事已無多

又

深深一點紅光小薄縷微微裊錦屏斜背漢宮中曾照阿  
嬌金屋淚痕濃 朦朧穗落輕煙散顧影渾無伴愴然一  
夜漫凝思恰似去年秋夜雨聽時

小重山

起曉  
春夢朦朧睡起濃綠髮浮膩滑落香紅粧臺人倦思難窮

返生香

斜簪玉低照鏡鸞中 徐步出房櫳閒將羅袖倚立東風  
日高煙靜碧綃空春如畫一片杏花叢

踏莎行

早春  
即事  
簷畔梅殘隄邊柳細暖風先送遊人意流鶯猶未弄歌聲  
海棠欲點臙脂醉 鳥踏風低煙橫雲倚湘簾常把春寒

閉無端昨夜夢春闌絲絲小雨花為淚

十六七歲女子正如花之方苞春之初豔  
無端而夢春闌小雨而為花淚總是不祥

又

情  
意怯花箋心慵繡譜送春總是無情緒多情芳草帶愁來  
無情燕子啣春去 倚遍闌干斜陽幾許望殘山水濛濛  
處青山隔斷碧天低依稀想得春歸路

昨夜疏風今朝細雨做成滿地和煙絮花開若使不須春  
年年何必春來住 樓外鶯飛簾前燕乳東君漫把韶光  
與未知春去已多時向人猶作愁春語

又

紫薇  
花  
細剪臙脂輕含茜露芳菲百日濃輝聚紅粧懶去鬪春妍  
薰風獨據珊瑚樹 翠葉籠霞瓊葩綴霧湘簾影捲猩姿  
兩仙郎禁院舊傳名亭亭好伴西牕暮

又

秋  
景  
悴葉零愁清香入繡王孫桂小塗黃就畫簾日影上銀鈎  
松風一枕消清晝 片雨涼生小風波皺疏疏翠玉琅玕  
逗斷雲飛盡碧天長數枝煙柳斜陽瘦

返生香

又

憶沈六  
舅父  
枝上香殘樹頭花褪紛紛共作春歸恨十年客夢未曾醒  
子規莫訴長離悶 回首天涯愁腸縈寸東風空遞雙魚  
信幾番歸約竟無憑可憐只有情難盡

唐多令

秋  
夜  
燈暈伴殘更蕭蕭落葉輕訴窮愁草際蟲聲欄外芭蕉新  
嫩綠仍做出舊秋聲 羅被夜涼清淒然夢亦驚透紗牕  
月影縱橫幾遍雞聲啼又曉空蹙損兩山青

蝶戀花

春  
閨  
春半餘寒猶未褪雨雨風風賺得清明近楊柳垂腰消酒  
困海棠點厯藏春暈 一樹桃花紅雨陣片片飛來鋪盡

蒼苔印燕子不歸難借問東風易去還因甚

又春愁

驀地東風池上路綠怨紅消竟是誰分付不斷行雲迷楚  
樹閉門寒食梨花雨 雨後斜陽芳草處閒把情懷付與  
東君主便向西園飄柳絮不能飄散愁千縷

又秋立

屈指西風秋已到薄簾單衾頓覺涼生早疏雨數聲敲葉  
小小亭殘暑渾如掃 流水年華容易老秋月春花總是  
知多少准備夜深新夢好露蟲又欲啼衰草

悵借流年之意暗中不覺真可黯然

又夕七

返生香

完

飛鵲年年真不誤機石停梭曉映河邊渡清露未銷楊柳  
暮落花借點疏螢度 月色風光都莫負酒酌芳樽不把  
佳時錯女伴隨涼池上路海棠花畔吹簫坐

又蘭花

碧玉裁成瓊作蕊馥郁清香長向風前倚楚曉當年思帝  
子紫莖綠葉娟娟美 自道全無脂粉氣笑殺春風紅白  
勻桃李幽谷芳菲誰得比猗猗獨寄琴聲裏

又秋海棠

淺綠媽紅開幾許誰料西風也解傾城嫵酒量盈盈嬌欲  
伴檀心半吐輕含雨 剪向屏山深處貯似笑如愁旖旎  
憐還憊低鞞對人渾不語斷腸應恐人無緒

千秋歲即用秦少游韻

草邊花外春意思將退新夢斷閒愁碎慵嫌金葉釧瘦減  
香羅帶庭院悄只和鏡裏人相對 過了鞦韆會荷葉將  
成蓋春不語難畱在幾番花雨候一霎東風改腸斷也每  
年賺取愁如海

碧芙蓉

秋思

曲徑繞蒼苔秋意平鋪蕭散無數淡日移階幾度尋花誤  
西風怨露草寒蟻夜天淒霜林煙樹隔橋楊柳翠減長條  
猶自依依故 青山雲去杳紅樓日又催暮羅簾生寒漫  
引新桐句池塘映芙蓉一葉簾幙驚海棠疏雨闌干凭遍  
粧臺漸冷黯黯無語空凝佇

返生香

三

玉蝴蝶

春愁

夢破曉風庭院粉墻花影睡起慙慙幾日雙蛾愁損鏡裏  
春尖看盡他鶯梭柳線都織就霧錦雲縑最難忤催花小  
雨依舊廉纖 堪憐韶光淑景芊芊芳草寂寂鈎簾燕子  
歸來花香都向綠琴添散閒愁流紅泛去消酒困溼翠飛  
粘怯春衫香烘裊裊袖護摻摻

疏簾淡月

秋夜

臆紗欲暮漸暝色朦朧暗迷平楚斷雁淒哀點點遠天無  
數蒼煙染遍西風路剪江楓飄紅荻浦畫欄東角疏簾底  
畔徘徊閒伴 漫贏得長宵如許又錦屏香冷繡幃寒據  
滿耳秋聲長向樹梢來去蕭蕭竹響還疑雨悄窺人嫵娥

寒兔壁搖燈影空階露結怨蟲相語

水龍吟 次父六月二十  
四日作辛未

畫長人靜沈沈綠楊正嫋深深院畫簾低映薄羅無暑汗  
消珠釧蘭畹香清湘筠影瘦翠陰遮遍聽蓮歌處處悠揚  
逸韻半入水風煙片 一霎雨餘明淨晚雲如黛花如鈿  
舟移萍亂芳香袖惹媚風輕扇一色紅粧千重翠蓋參差  
江面更堪憐歸路平波杳杳夕陽斜見

又 秋思次母憶舊之  
作時父在都門

井梧幾樹涼飄滿庭景色仍如舊啼鴉數點斜陽一縷掛  
殘疏柳有恨林花無情衰草風吹重又看輕陰帶雨天涯  
萬里樓高漫頻搔首 記泊石城煙渚落紅孤鶩常如繡

返生香

三

輕舟畫舫布帆蘭柁暮雲天皺水靜初澄蓼紅將醉早秋  
時候對庭前蕭索西風惟有寒蟬高奏  
芭蕉細雨瀟瀟雨聲斷續砧聲逗凭欄極目平林如畫雲  
低晚岫初起金風乍零玉露薄寒輕透想江頭木葉紛紛  
落盡只餘得青山瘦 且問沈沈秋氣當年宋玉應知否  
半簾香霧一庭煙月幾聲殘漏四壁吟蛩數行征雁漫消  
杯酒待東籬綻滿黃花摘取暗香盈袖

曲一首

黃鶯兒

有一女年甚長而未偶  
眾共笑之戲為作此

倚遍玉闌干數春愁幾日間香肌瘦盡腸還斷羅衫漸斑  
鶯花漸殘紅顏老去空長歎掩重關玉簫聲怨何日駕雙

鸞

續七言絕句二首 胡剛將半又於書帙  
中檢得二絕附此

送蕙綢姊

絲絲楊柳拂煙輕總為愁人送別情惟有流波似離恨共  
將明月伴君行

德輝按此行原  
空疑有小注

綠酒盈樽未及銜那堪津樹引征帆情知此別畱難住相  
對無言溼杏衫

擬連珠 九首 劉孝綽有豔  
體連珠戲擬為之

髮

蓋聞光可鑿人諒非蘭膏所澤髻餘繞匝豈由脂沐而然

返生香

三

故豔陸離些曼髻稱矣不屑髻也如雲美馬是以瓊樹之  
輕蟬終擅魏主之寵蜀女之委地能回桓婦之憐

眉

蓋聞吳國佳人簇黛由來自美梁家妖豔愁粧未是天然  
故獨寫春山入錦江而望遠雙描斜月對寶鏡而增妍是  
以楚女稱其翠羽陳王賦其聯娟

目

蓋聞含嬌起豔乍微略而遺光流視揚清若將瀾而詎滴  
故李稱絕世一顧傾城楊著回波六宮無色是以詠曼睩  
于楚臣賦美眇于衛國

唇

蓋聞苗荀生華無煩的絳櫻桃比豔豈待加殷故裊裊餘  
歌動清聲而紅綻盈盈欲語露皓齒而丹分是以蘭氣難  
同妙傳神女之賦凝朱不異獨著壽素之文

手

蓋聞似春筍之初萌映齊紈而無別如秋蘭之始茁傍荆  
壁而生疑故陌上採桑金鑲時露機中織素羅袖恆持是  
以秀若裁冰撫瑤琴而上下纖如削月按玉管而參差

腰

蓋聞玉佩翩珊恍若隨風欲折舞裙旖旎乍疑飄雪餘香  
故江女來遊暹羅衣之宜窄明妃去國嗟繡帶之偏長是  
以楚殿爭纖最憐巫峽漢宮競細獨讓昭陽

足

蓋聞步步生蓮曳長裾而難見纖纖玉趾印芳塵而乍雷  
故素縠蹁躑恆如新月輕羅婉約半蹙瓊鈎是以遺襪馬  
嵬明皇增悼凌波洛浦子建生愁

全身

蓋聞影落池中波驚容之如畫步來簾下春詠花之不芳  
故秀色堪殮非鉛華之可飾愁容益倩豈粉澤之能粧是  
以蓉暈雙頤笑生媚靨梅飄五出豔發含章

又夕

妾聞神女行雲皆由於誕姮娥奔月亦豈爲真故世咸謂  
曾得支機之石私竊以爲未至飲牛之津是以乞巧空傳

誤信蜘蛛之織網填河何據漫言靈鵲之渡人

序一首

秋日同兩姊作詞母命爲序

天邊新雁帶木葉以齊飛簾外餘花挹秋光而更美砧聲  
伴月似將羅袖俱清竹影搖雲紛共綺牕相映蕙香琴閣  
襲佩青青梧冷簫樓隨風嫋嫋月中楊柳猶迷隔岸之煙  
露下芙蓉爭豔西池之錦將棄班姬之扇暫惜流光非同  
宋玉之辭詎悲秋氣聊填短韻漫寫涼思

記二首

蕉牕夜記

辛未  
戲作

煮夢子隱於一室之內惟詩酒是務了不關世事于時九

返生香

香

月既望素月澄空長風入戶葉辭條而自舞草謝色而知  
傷煮夢子攜觴挈壺獨酌於庭中久之月彩西流樹影東  
向觴盡壺乾傲然有懷仙之志悵然作詩曰弱水蓬萊遠  
愁懷難自降素娥如有意偏照讀書牕又嘯殘明月墮歌  
罷彩雲流願向西王母瓊漿借一甌既而入室復剔殘燈  
披卷久之隱几假寐聞牕外簌簌似有人行煮夢子從牕  
隙中窺之見二綠衣女郎俱風鬟雨髻綽約多姿坐於庭  
前石卓之上笑談而歎風月之美俄傾忽各訴衷曲愁緒  
橫於眉黛淚痕融於頰頤所言甚多不能悉記大約記其  
歌意而已大者當風抗袖而歌曰對明月兮懷佳人清露  
滴兮亂愁盈湖山徙倚兮空自悲吟芳心不轉兮幾度含

情小者和而歌之曰垂翠袖兮飄素香懷佳人兮天一方  
仰鴻雁兮思心傷安得借彼羽翼兮共翱翔歌畢餘韻芳  
香襲人不斷啟牕欲問之已振袖而隱蕉叢矣煮夢子曰  
嗚呼豈非蕉之為靈也哉

閩中說變自託名煮夢子固奇煮夢二字造意尤新豈  
黃梁猶未熟一夢到華胥之意歟種種仙蹤有不可盡  
述者述亦  
人未必信

汾湖石記 王申七月

汾湖石者蓋得之於汾湖也其時水落而岸高流涸而厓  
出有人曰湖之涓有石焉纍纍然而多遂命舟致之其大  
小圓缺袤尺不一其色則蒼然其形則峯然皆可愛也詢  
其居旁之人亦不知誰之所遺矣豈其昔為繁華之所以

返生香

美

年代邈遠故湮沒而無聞邪抑開闢以來石固生於茲水  
者耶若其生於茲水今不過遇而出之也若其昔為繁華  
之所湮沒而無聞者則可悲甚矣想其人之植此石也必  
有花木隱映池臺依倚歌童與舞女流漣遊客偕騷人嘯  
咏林壑交美煙霞有主不亦游觀之樂乎今皆不知化為  
何物矣且并頽垣廢井荒途舊趾之跡一無可存而考之  
獨茲石之類乎卧於湖側不知其幾百年也而今出之不  
足悲哉雖然當夫流波之衝激而奔排魚蝦之遊泳而窟  
穴秋風吹蘆花之瑟瑟寒宵唳征雁之嘹嘹蒼煙白露兼  
葭無際釣艇漁帆吹橫笛而出沒萍鈿荇帶雜黛螺而縈  
覆則此石之存於天地間也其殆與湖之水冷落于無窮

已邪今乃一旦羅之于庭復使壘之而為山蔭之以茂樹  
披之以蒼苔雜紅英之璀璨紛素藥之芬芳細草春碧明  
月秋朗翠微繚繞于其顛飛花點綴乎其巖乃至楹檻之  
間登高臺而送歸雲牕軒之際昭遐景而生清風回思昔  
之嘯咏流漣遊觀之樂者不又復見之於今乎則是石之  
沈于水者可悲今之遇而出之者可喜也若使水不落  
湖不涸則至今猶埋於層波之間耳石固亦有時也哉

何必韓柳大家初學古文辭輒能為此真是千秋靈慧  
若使天假之年當在班蔡以上  
古來名媛文君無德左芬無色荀奉倩婦無  
才三者兼備能無造物之忌乎傷哉痛哉

返生香

美

返生香終

疎香閣附集

詩

甥女葉瓊章哀詞

沈自炳

維重陰之沍節歲邁盡而沈臧天窮窮以沈寥氣荒荒而  
悲涼覽萬物之伊鬱悼芳華之彫傷嗟彼美之修能既受  
命于淑良含明慧之哲性更篤靜而有方攬詩書之要眇  
漱細縑之羣芳詠微詞于瑞葉篆紫石之瑤章耀舜華之  
初榮灼朱霞之晨光質姝麗以玉立澹幽思以豫康審靈  
妃之微笑遵玉女之輕翔曳素霓以爲衣飲瓊華以爲漿  
盼青鸞而爲友指倒景以相望樂靈鵝之獨舉羞簫聲于  
鳳凰玉種田而生璧駕銀河以爲梁忽崇蘭之夕悴隕芙

返生香附

蓉于朝霜吳山寂而傷碧江水清以悽愴日宛宛而易匿  
夜遙遙而彌長風瑟瑟以颺帷悄餘響于虛房舉珠簾而  
髣髴拂明鏡而不忘詩未成而遺錦琴罷曲而高張石竹  
燦于羅衣蝴蝶飛于故裳寶鴨寒而香盡燈熒熒而照牀  
重曰鳳朝飛兮秦月缺雁語悲兮金徽絕朱鳥虛兮文窗  
銀蒜懸兮玳押人不見兮倚闌餘粉泥兮翠滅碧苔封兮  
履塵蕙草泣兮珮玦幽扇閉兮歸燕驚梧桐下兮秋風冽  
吹繁筍兮飛落梅梁園皓兮橫暮雪流水去兮不回花辭  
柯兮永別碧海兮丹山玉樓兮銀闕人歸來兮何時思渺  
渺兮煩結

哭三女小鸞

沈宛君

碧天淒淒雲黯然江楓颯颯墮寒煙寒煙冥漠哀猿嘯獨  
對傷心逝水溪憶爾盈盈日遠膝還愁襦結隔重川何期  
泉路悲相促夜雨燈花聽杜鵑宛轉長疑閣上粧粧臺餘  
韻婉清揚綵雲縹緲人何在落盡寒花樹樹霜姊妹兄弟  
長號絕行雁悲鳴哀更裂頻年蠟炬幾燒殘杯酒共傾清  
漏徹問天今日何參商總帷相看淚盈頰巡簷不復笑疎  
香飛絮何由題白雪撫恃深閨十七年幽蘭明月可方妍  
閒時階下尋芳草靜處屏間展素箋素箋春寫梨花句錦  
帳秋吟暮葉蟬折玉碎珠何太早返魂無術心空擣月明  
猶自小闌干舊日音容何處杳空房夜夜紙窗風芭蕉獨  
伴霜天曉本期灼灼天桃賦何意翻成歌薤露恨極江淹

返生香附

亦未聞哀多庾信難堪訴鳥啼寂寂舊簾櫳衰草西風同  
日暮暮日寒光竹徑微比來相見夢偏稀瑤琴彷彿臨風  
韻修竹蕭森怨落暉春草春花爛熳時青樽空對憶芳姿  
秋風秋月愁無語誰把瑤華寄一枝幾度相忘錯喚名幾  
回耳畔恍聞聲驚思已是亡人矣淚眼難乾祇自傾蒼蒼  
白日空長歎渺渺重泉何時旦霜露淒閨畫簾寒青缸凝  
碧篝香斷梅花開兮香霏霏梅花飄兮入絳幃景微茫兮  
色迷離風慘淡兮魂披靡腸寸剪兮何所之書哀辭兮難  
伸悲

哭瓊章妹

葉昭齊

病裏俄驚報訃音狂風號野正淒陰歸來哭向殘粧處冷

月寒花滴淚深  
別酒同傾九日前誰知此別卽千年疎香閣外黃昏雨點  
點苔痕盡黯然  
自喜均非脂粉羣笑談風月共羅裙可憐雁羽傷零落庭  
樹蒼茫怨白雲  
窗花寂寂藥初寒誰向簾前握手看風景不知人有恨月  
明依舊畫闌干  
蕉冷翻風翦寸心琅玕夕照影沈沈年來分袂還惆悵况  
復今朝夢裏尋  
纔賦催粧卽挽章蒼天此恨恨何長玉樓應羨新彤管畱  
得人間萬古傷

返生香附

三

月落青軒徹夜光寒桐冰井對銀牀遼陽化鶴何時返僊  
路無憑總渺茫  
數載相依姊妹情一朝霜露別離輕瑤琴空怨思歸引書  
卷誰將再品評  
雲海茫茫隔夜臺重關畫掩鎖蒼苔彩霞自逐吹笙去玉  
骨千秋恨不開  
黃埃蕭索草煙粘草色從今帶淚霑斷盡迴腸難再續漫  
將枯管病中拈

哭瓊章妹

葉蕙綢

憶昔紅殘綠正肥依依離別尙牽衣月明曾共聯詩句今  
日相思人已非

冥漠泉臺無見期空餘詞賦令人悲暎階日色曛芳草彷彿猶疑學畫時  
庭前風景倍堪嗟疏竹悽風落暮鴉寂寞深閨人不到但  
餘明月伴牕紗  
粧臺靜鎖向清晨滿架琴書日覆塵一自疏香人去後可  
憐花鳥不知春  
平生歡笑恨難追樽酒常依落日悲不信玉顏同物化應  
隨王母赴瑤池  
落木蕭蕭滿眼愁臨風揮涕黯難收臺前寶鏡猶懸月縹  
緲芳魂若處遊  
隱隱斜陽草色荒悠悠此別更堪傷窮泉一閉無相見淚

返生香附

四

滴西風祇斷腸  
生別那知死別難長眠長似夜漫漫春來燕子穿簾入可  
認雕欄鎖畫寒  
每自歛歎歎不平幾迴夢裏聚如生海棠零落秋風早獨  
向枝頭怨鳥聲  
朝暮誰憐我自愁浮生可歎若蜉蝣思君才色真如許一  
日空隨逝水流

哭瓊章妹

葉世倅

喬林鬱蒼蒼黃鳥羣翔翔長依乳哺恩不知離別傷忽然  
狂飈發一鳥忽飄揚飄揚永相隔棘心空徬徨在原聲啾  
啾鬱結喟愁腸憶昔佩蘭觴言笑呼兄妹爲歡曾幾何鬼



錄催人代惋此絕世人芳魂不可再渺忽成天涯何處重  
相會思念幼時景豈不淚漣洏盈盈皓月質纖纖濯柳姿  
尋花多夙慧詠絮驚人思罌罌空鎖閣玉顏何所歸粧臺  
寶鏡冷吟牕彤管垂天枝憐弱態春旛重護持自今長別  
後不愁風雨吹天寒物凜冽日薄影依稀千古北方恨獨  
立空吁歎不如東海鷗羣飛羽何翻有淚空悠悠斷腸不  
復續瑟瑟水中蘆蕭蕭風裏竹還似舊時吹物候獨自復  
昔常連袂遊今有拊棺哭寤寐幾相聚言笑終何卜想像  
披塵帷殘書猶在屋燕爾未成歡旭日詎爲膈天桃葉何  
秦穠李花自馥粧奩簡遺箋盡作斷腸曲但死亦何恨所  
恨人事促亦知萬物態終久離塵埃爾去得所向渺渺住

返生香附

五

蓬萊蓬萊修且阻春風長碧苔光陰自來往羈此修文才  
薜華付流水終古有餘哀萬族皆慘裂我復何徘徊但願  
從爾去猶然得相聚舉世瓦礫鳴何如松柏墓賀賀一世  
人衷情誰與訴兄弟長悽惶獨思淚如雨搔首問青天默  
默不得語梧桐多悲風吹落疎香閣一去不復返不返奈  
何若飲酒痛離羣花前傷寂寞陰雪欲吼天俯仰驚魂魄  
不見耳目人形影俱錯愕風雨逼人悲永懷何以託造化  
何鴆毒人生不得度菁華盡成灰九原不可作我今已忘  
生有淚空如絡一身總是幻仰視浮雲薄

君庸舅曰寫情甚真運筆淡古殊有漢魏風味少年得此可喜爲哀妹之詞又甚可傷也

挽章

張立平

孟冬月既望寒氣何蕭瑟訃音我傷心撫景長歎息歲月  
如飄風一逝何嗟及伊人水中央高門毓奇質少小隨母  
氏從容好書帙詩賦麗管彤悠然秉清逸婉婉自天性柔  
嘉師女則不鄙以字余欣願在異日胡爲方請期忽焉聞  
示疾哀哉遽長往距期僅五日幽明隔終古天道誠茫茫  
不得生相識生爲參與商不得死相別相望天一方別離  
尙不得何況歡樂長肅弔一遵禮筵几餘詞章微風動遺  
照虛室生幽涼耳目如有遇彷彿疑在亡日暮悲風起神  
形兩傍徨愁雲蔽明月衣袂沾露光以此心慘戚悲慟摧  
中腸緣感諒有以生死莫相忘

文

返生香附

六

祭甥女瓊章文

沈自徵

維崇禎五年嘉平之月越十日舅氏徵聞汝喪之後再閱  
月從新安歸始得採芳芷爲殽以告於甥女葉氏小鸞之  
靈曰嗚呼春折穠華風催奇萼珠沈璧碎何慘如之夢夢  
彼蒼益難問矣憶余與汝母少失慈怙伶仃艱苦余雖繁  
兄弟然汝外祖母願恭人所生惟汝母暨余故余猶獨子  
也余又艱於嗣育汝生六月襁褓而來眉目如畫宛然玉  
人羣從昆季見者靡不嘖嘖稱羨迨三四歲口授萬首唐  
人絕句及花間草堂諸詞皆朗然成誦終卷不遺一字余  
恆食貧雖梨栗不具而愛字有加每寒夜擁絮命汝誦詩  
若雛鶯弄聲睨睨不止也比甲子冬汝年九歲余以舖糜

不給仗劍北走塞上汝始不解別苦獨汝遶膝牽衣問余  
幾時歸余黯不能應故余作客遼左馳逐黃沙白草金戈  
鐵馬之中略不憶家獨念及汝未嘗不泫然淚下與胡笳  
聲俱墮也余別去久汝始不祿汝還歸汝母遂博極瓊函  
廣探彤史皆汝母自授汝手爲較閱謝庭詠絮十韻立成  
汝嘗以二詞相憶及七言絕數首寄余燕臺時止十三歲  
也其詞見者炙口社友爭錄其絕句家中丞季父袖示孫  
女今皆散失惜哉余既備嘗險阻閱歷人情味同嚼蠟汝  
母以顧恭人無嗣泣書相勸不得不復爾繼室辛未始挈  
家南歸就去看汝潑墨塗鴉之景彷彿在臆比見則汝已  
長立成人規旋矩折神姿不凡玉秀花明光采耀目余不

返生香附

七

復能識認因問汝曰尙憶少時同汝始雪夜乏爐以瓦甓  
貯火誦毛詩二南否汝應曰憶之因嗚咽失聲終席無一  
寒暄語但低首掩涕余固知汝慧性之特異於人也嗚呼  
何意余歸與汝止此一面遂成長別耶汝既許字張氏汝  
翁方伯公與余京邸虜圍時患難相與過從靡間詢有道  
長者聞汝婿韶秀英才余雖不識面深喜佳兒佳婦他年  
有半子之託汝母數遣使促余以汝出閣期近宜頻來一  
看余適有南陽新安之行略無停軌且余私意以兩縉紳  
締婚余一蹙躡老布衣刺促其間作呈身丈人余惡弗願  
也故知汝母拮据備嫁心力爲竭余若爲勿聞也者余則  
忍矣早知若此余何忍遠出不源源看汝僅止此一面已

哉余猶自幸有此一面以余千里之遠數年之別及見汝  
長成之質今尙可永識於懷也余又謂不幸多此一面見  
汝長成之質使余苦痛切心不若幼小佩觿時景尙未至  
牽淚之深也嗚呼痛哉余雖忍心薄汝私計來歲春明汝  
當歸寧余則掃門返汝先爲汝設館小閣錦茵爲汝雙飛  
之止牙籤芸帙爲汝簡閱之用小箋韻葉爲汝吟詠之資  
洞簫靜琴爲汝閒情之寄投壺玉局爲汝酩酊之娛素馨  
媚蘭爲汝弱質之佩汝繼始與汝年相若不甚癡憨或可  
共語始越女燕產近學秦箏將索汝新詞悉爲譜之擁髻  
剪燈定多一番佳話孰意盡付之夢想也嗚呼痛哉汝  
婚期以十月十六日二十之夕余在新安客邸屈指計汝

返生香附

八

出閣且已四日喜而不寐偶拈紅葉爲題以消永夜忽夢  
見汝曰吾父詠紅葉惟深閨一律若同靈草芳魂返留伴  
金泥簇蝶裙之句爲佳余詢汝有近稿否汝出望江南數  
闕示余止記有金鑑曉寒追短夢玉簫聲遠立空廊二語  
余醒後詳繹語意心甚惡其不祥未幾而家人以汝訃至  
矣汝之歿在十一日而離魂遠告余邪嗚呼痛哉余腸裂  
之餘欲呼天而相詰舉世無鹽宿癩之輩咸得結縞白首  
何至於汝若不可頃刻少延謂天無情何故鍾此異寶謂  
天有情何故肆此奇毒即使蚤殤中天亦未至爲大慘獨  
不先不後摧折於嫁前五日桃李將華肅雝擬駕鳳吹  
遽遠冤藥不靈使骨肉心狂嫺親魂斷造化之虐何至是

歟余冥推沈究而今得其故矣余輩皆學佛人也余以道  
念不堅復墮塵網汝母爲吾家道蘊夙有根器以兒女情  
多未能灑脫汝父與翁亦素究心禪學凡此眷屬皆所謂  
無著天親汝正如龐家靈照視日影而先化以策勵乃公  
乃媪因緣會合之際其故微矣夫我輩情根纏綿飄沒愛  
海吾佛慈悲正於人情最奇最豔甚深甚戀之處猛下一  
剪如鋒刀冷體使人痛極方省恨極始淡見此風花泡影  
明明如是閻羅老子正是老婆心切假使汝關雎宜家相  
夫榮貴玉臺香笥品月評花不過如李易安楊夫人以文  
明一代垂聲來禩已耳汝元從蓋珠碧落而來示現一十  
七年將嫁不嫁完汝蓮花不染之身不惜以身說法蟬蛻

返生香附

九

而逝度茲有情眷屬則汝之來豈偶然者邪余論及此可  
以拭涕而笑矣聞汝母於汝臨歿以殊題字於臂囑汝轉  
生余家爲男子以相報嗚呼余自聞汝歿念同灰冷益堅  
五嶽之心異日者三生石畔吟風鐵笛一笑相逢不昧本  
來面目一段大事因緣余與汝期之矣第今余來汝室筆  
床硯匣闔掩梁塵繡帔羅襦淒迷蛸網痛明霞之易散哦  
麗句以如新歲歲春歸徒瞻燕羽年年花發空詠桃夭入  
抱紫煙未遂聯枝之塚遺奩黃絹誰題幼婦之碑太上未  
幾塵情詎免余能已於悲邪嗚呼哀哉

祭亡女小鸞文

葉紹袁

維崇禎五年歲次壬申十月十有一日余第三女小鸞卒

余神魂荒替死而復生擬抽枯管而寫哀思啣悲填膺濡  
墨失字遷延至七盡之期燒文滴酒告於我女之靈曰嗚  
呼古今名媛閨淑列於紀載多矣未有如汝美而慧慧而  
多才多才而朗識備幽閒靜貞之懿而生僅十有七年十  
七年而僅二十五日之疾一疾而遽亡亡而適遘於出閭  
前之五日無美不具無慘不盈天地黯結雲煙悽愁暄雨  
朝零西風夜哭嗚呼痛哉汝生丙辰季春家貧乏乳甫孩  
六月育於舅始因循時日十歲始歸蔡文姬之夙慧早辨  
聞琴楊容華之曉粧卽疑向月曾協翠雞之夢遂符綵鸞  
之名父母憐之愛之自念諸兒女中汝最挺出輕衫日下  
素質風前同諸姊弟弄草爭花紛然語笑靡不開顏越在

返生香附

十

丙寅崑山大參張公下采葑菲爰締薦蘿高松樛木方幸  
依歸洎今秋杪公以中州右藩遄旋畫錦駕彼四牡迨吾  
七實旭旦告期穠華驟翦七年盟好一旦棄捐簫聲永別  
眉畫長辭致彼歆向感傷舉家震悼靜言思之瑕害不少  
嗚呼痛哉丁卯肇秋隨征白下汝髮初覆盈盈玉映緹灰  
候管秦淮返楫乍發石頭之渚卽聞始母之變汝魂消南  
望淚逐東歸情兼渭陽慕深陟屺而况生汝父母忍忘罔  
極固知因緣垂盡晷刻無延汝卽思戀父母非汝能主但  
汝父母百身誰贖哀哀二人對看寸斷之腸漠漠三秋長  
灑半枯之血嗚呼痛哉庚午一載余滯都門屬以細柳軍  
胥懷歸未得故汝詩云胡馬出塞暫須寬慰芳徽宛覲佳

句如新北雁常飛遙慰天涯之涕南枝未暖忽零故國之  
霜食貧三歲止有平安叢菊兩開又逢卧病昔觀蜡盡我  
賦遂初今纍檀新汝悲永訣兩年父子之聚一世死生之  
別嗚呼痛哉嘗憶倦游歸止暫客還家汝必整容徐步出  
拜趨迎曹大家之女誠夙嫺鍾夫人之閭儀蚤習房櫳動  
處玉女天來衣帶飄時素娥月下或叙離思偶談世事吐  
口應聲選詞入意清機善笑細語誦香自謂世間女子必  
無汝雙忽焉至此飲恨何已出汝不知歸汝不聞即使裙  
翻金縷無異平生終於影閉幽精難親靈淑庭風歎起莫  
逢交守之僊淚點幾乾空似湘妃之竹嗚呼痛哉至若風  
雨晦明之際低眉疾首之時思鬱鬱而未伸景茫茫而生

返生香附

七

感惟汝曠情秀月清韻娛暉玉貌可以怡顏芳辭可以舞  
色能使衛玠百端忘其交集張衡四愁無復煩勞胡然朝  
露永謝起予自分傷心有如庚信實同喪子擬于西河嗚  
呼痛哉倘或噩夢先形預知亡日靈符不驗始問桑巫汝  
病何歿汝死奚兆即當初十之晨猶許結縞之約醫言無  
恙舉室欣然爰迨天明遽生此變荒華之飲弗效於攻蟻  
芎藭之求徒聞於御溼未曾竊藥誰知奔月之期亟欲煎  
香竟乏返魂之術嗚呼痛哉我與汝母千思萬憶念汝姿  
容德性神氣言辭並爲貴壽之徵斷無歿亡之禍如何天  
道到此不測痛眞塗地恨欲傾天無計尋求閒追往事去  
秋曾於茗上爲汝買鏡訝其不佳復往換取初年汝婿家

行禮母於篋中檢得斷玉搔頭半枝分開寶鏡蛾眉墮玉  
匣之春墜折瑤簪翡翠翦金鸞之翼嗚呼痛哉朝干悲而  
掩泣夜萬緒以迴腸擣一葉之雁砧椎心怔忡啼五更之  
鵲月濺血模糊叩蒼彌杳不矜玉樹之摧看碧知愁信識  
彩雲之散以汝明姿迥出神質無倫姱容修態秀外慧中  
嬌入漢宮初餘二八嫺稱劉淑早著三娘薜英柔綽詠婉  
變於周詩蘭佩莊凝歌山河於衛什世所稀矚理必難畱  
我儀圖之汝死一也左嬪之色喬女無才兼厥斯美固罕  
覩矣矧自初垂尤難彤管汝年十二即工詩詞賦香茗於  
綺日吟玉案於芄時摘藻兩京挾華六代自有煙霞之致  
絕無脂粉之靡倘獲帝夢與齡必俾文人遜軌夫造物忌

返生香附

七

才高賢蚤死矧在閨房嫩蕊豈汝憐乎汝死二也德量弘  
雅性情愷懌遠神則秋水讓澄近體則春雲學燦疏花獨  
笑抱幽韻而無言孤月常明鎖清光而共寂兄弟無故姊  
妹相歡父母之前婢女之上心愉貌和氣溫體肅靡有疾  
言曾何倨色首無璣珥之耀衣無羅綺之容鬢髮素簪舊  
衣淡服天姿潔修自然峻整葛覃擬德窈窕美余不善  
謀生家常困乏烹葵啜菽一燈促坐汝必清言斐亶樽酒  
怡愜性航松石志癖煙蘿儉素能甘繁華獨厭豈料淡泊  
場中不獲再相畱汝我命如何汝怨如何嗚呼痛哉才色  
若彼德又若此世鮮兼備汝死三也羅敷未嫁蘇蕙初笄  
弱弄之年恆艱遠識汝學非貫博性若淹通資悟敏明才

辯精晰一言標趣片語生瀾父母共歎兄姊折服坐賞玄  
談聞稱小友漫燒檢書之燭誰同看劍之杯嗚呼痛哉汝  
死四也靈心獨至慧巧繁生異穎雲飛奇資萼發偶窺奕  
旨卽有鶴翔之勢乍引絲桐遂似龍吟之弄爐香銷盡還  
對甄書粧鏡收時早臨衛帖至於草木蒙茸山川紛蔚任  
意染抹具成體致夫世有媿皇之姿后妃之德兼百家之  
藝垂千秋之聲何物女子有是理耶汝死五也大乘無生  
玄詮不死龍池禪寂鹿竈丹飛皆本遐年遠希出世汝芳  
華初茂玉曜乍盈卽已結想園金馳情乳石秋晨一偈春  
夢五詞冥契夙成塵根預脫汝心如鏡我淚空絲枕中菩  
薩誤生長者之家筵上玉妃速返蓬山之駕汝死六也長

返生香附

七

信秋螢明妃塞雁當鑪遺恨胡笳遭亂淑夢遽驚嫺幃早  
寂又有嗟棲燕之難雙愴離鴻之不偶汝於此類並所必  
無雖遜崇榮實叨襲慶護庭樹草則家誦清風梅實標筐  
則門稱通德紅顏薄命至汝而爽豈其然歟汝死七也汝  
有七死我無三疑體非慣疾曷生杯弩之憂家本無妖奚  
辨參汾之祟姊妹兄弟素無此變椒聊蕃衍豈汝獨死何  
期理數無憑泡影不定昨宵幙煖坐接明珠一日屏虛判  
分異路隔悲歡於今昔離骨肉於須臾莫挽牽衣難迴逝  
水黃埃迷霧紫暈摧嗽嗚呼痛哉當此瘁木驚飈層冰飛  
雪日荒易落夜冷難終汝獨安歸聞其不見深閨乍出蔓  
野無垠思汝舉目誰親痛汝徬徨失侶故遣亡婢尋香前

來隨汝仗彼佛力曾送至否桃枝十五本屬穉華玉清爲  
名原歸織女嗚呼痛哉房空幃而塵網簾閉影而蛸縈朱  
欄畫鎖壁粉夜沈清簟凝愁芳衾滴淚去時秋燕還辭掛  
王之鈎盡日懷香獨伴泥金之箔汝所愛書散之昆季汝  
所弄琴存之几榻餘絃委地舊硯生苔膏凍奩芸梳寒匣  
麝羽裙畱碧纖履間紅更有北山之書未鐫紫石滕王之  
圖剩染雲藍素手之芳痕宛在殘脂之膩紙如鮮共清宵  
面對酒恍見挑燈臨曙色以聞窗如聞喚母夜來羅帳猶  
思薰罷之香舊日春衫空認著餘之樣嗚呼痛哉去秋九  
月旣望汝作蕉窗夜記淚痕融頰愁黛橫眉雖屬寓言元  
非吉兆今秋此日適與疾嬰是夕天靜風微萬籟俱寂午

返生香附

西

夜燈殘蕉如鳴泣我與汝母睡中驚寤一簾秋色菖蒲之  
根盡死半庭落葉合歡之花不開似傷卷施之心如搖離  
母之草獨彰怪變一至於斯嗚呼痛哉汝粧幃之外有萼  
綠一樹筠碧數筒冷藥疏枝巡簷每共開簾風動拂檻如  
窺今芳蕤盈綴茂幹箭筈疇昔相依汝還見否斜月黃昏  
空怨玉人何處篔簹淇水永無衛女思歸嗚呼痛哉我四  
旬絲鬢三徑生涯雞肋久拋鼠橐彌破爲汝施鞞勉貸金  
錢然珥乏齊姬環無吳妾被少鄂君之繡茵慙張敞之文  
而針紉方終刀尺纔畢盤匱盈席巾帨在懸儀列於庭人  
亡於室奇哀酷禍夫復何言願我屢遣辭婚第汝婿家不  
信疑我故託恐沮泮冰猶謂微痾或艱於宿沛暫同管仲

就資於城陽以爲應此佳期自當勿藥詎想猝生異變曾  
不崇朝屏收疊綺卽設總帷句冷催粧翻歌薤露鴛鴦瓦  
碎玳瑁梁傾繡額銷雲細絢咽雨五日僅餘翼折填河之  
鵲三星未夕影孤舞鏡之鸞誠扶輿窮巨所未有斯慘也  
嗚呼痛哉閭里相賊眾口沸喧氓之蚩蚩遂謂福薄嗚呼  
福薄之名汝寧甘受豈汝霞情淵曠芥蒂沙塵飄然遺去  
曾何屑意顧誰知霄漢之游祇莫謝論訛之口望汝弘顯  
靈跡昭示世眼使瑤池素女吹落紫笙蓬島僊童飛來青  
鳥桃花源下人知弄玉之仙桂樹宮中共識飛瓊之去庶  
汝父母少慰哀腸非我放言故爲臆說當汝含珠之時宛  
是如生之貌肌膚瑩潤唇脂渥丹七日就木舉體輕軟汝

返生香附

吉

母思念無已朱書瓊章二字於汝右臂臂如削藕冰雕雪  
成非有仙徵曷能若此猶冀來生異世倘有相逢識此臂  
字題痕卽同華表嗚呼痛哉五兒世儋曾夢見汝巖松密  
複翠壑交暎古洞石榻宛然在床卷書置案幅巾靜閱傍  
有侍女茶煙繚起儋欲推扉進觀汝云卽在窗欄外視不  
容入戶儋致父母思念汝仍泣然何入夢之最親而錦書  
之不託豈僊凡路異汝忘我邪漢皇仙女本居三臺之山  
秦帝宮人仍在二華之室汝於諸弟悉所恩撫尋梨散粟  
問字分香每每錯呼時時誤索孰意少君沐食終希還漢  
賈逵墳典卽愴亡韓倘汝兄弟異日萬一微榮倍於歡樂  
之時彌軫哀傷之感茱萸遍插遙想登高之淚雁行中斷

不成人字之文使汝父母永恨衰年觸景生悲將何度日  
嗚呼痛哉初汝訃至崑汝翁方伯公卽檢蜀中美材星言  
馳至桐棺檟樁義重恩深婦道未修蚤蒙此賚懸劍空壠  
啣涕如何痛長夜之悠悠歎何時以報德庶幾向西之樹  
恆表東平入夢之魂長懷結草嗚呼痛哉汝亡未幾汝婿  
來唁英采特達珪璋令器手奠椒醕興言雨泣思慕才容  
膠絃怨續潘安仁之寄想幃屏孫子荆之啣哀日月彼已  
敦伉儷之好斯永懷結髮之悲未有悼亡有如汝婿佳人  
永暮江淹惆悵之詞傾城難遇奉倩傷神之語汝知否耶  
汝聞否耶嗚呼痛哉我家清規貽翼樸德代傳汝父拙守  
迂踪靡敢隕越汝母精虔內典日誦維摩何所作惡而致

返生香附

吉

汝死惡若我作死亦我分韶顏穉齒汝何咎歟屈原徒問  
其如大夢之天莊周有知亦恨逸死之誤親友相勸勗我  
減哀遠膝多兒豈必戀汝嗚呼痛哉卽此一言我腸千斷  
男固宜愛女胡不然女況如汝更非他比故我鍾情尤獨  
在汝汝所知也當汝死時我不欲生白髮慈幃歛歔泣慰  
忍死至今實無生趣汝母謂我天於我情最深我愛獨濃  
之處快鋒斬斷飛劍揮開可以悟道直其然歟若夫搜神  
稗記廣異諸書所載再生之事豈盡子虛之談而獨女渺  
茫杳無靈異我於汝亡後日候汝生刻刻信汝還魂念念  
度汝必返而今已矣似無望矣祝衣七日猶難煮汁之丸  
死樹三年寧有桐謠之驗徒使阡非原氏仍署南陽地不

邇西墳名三女連理無相思之塚東海空女郎之碑嗚呼  
痛哉汝真死耶真一去不返耶我於殉汝諸物雖微必誠  
汝母手寫大悲神咒暨金剛經共二本又繡大士一幅俱  
在汝頂上身傍有汝粧時素用小鏡一圓束慣舊玉玦一  
件沈香數兩石印四枚庶汝芳容好面長麗鏡中玉潤環  
貞恆聞珮響空嗟沈水莫希西域之香爲惜名章不落人  
間之手靈山貝葉依正覺以傳燈天竺先生共拈花而微  
笑望汝早脫茲海之苦卽登彼河之岸父母哀情冥禱汝  
一一檢知否也嗚呼痛哉杳矣邈矣長與隔矣曠終古其  
有盡獨一見以無期惟素幕之飄飄映泉燈之閃閃篝停  
香兮音容何在粧餘鏡兮恍惚誰存襟沾血兮淚滂沱靈

返生香附

花

空床兮魂渺漠紛紛白雪兮悵因風於永絕茫茫青海兮  
歸蔽月以何年傾玄醴兮酌清觴願與汝兮同幽穴汝不  
哭我兮我哭汝人世反覆兮自古如斯嗚呼痛哉

元旦再告亡女小鸞文

嗚呼痛哉汝亡於崇禎五年十月十一日乙亥今爲六年  
之正月元日癸巳以日則未盈百日以年則已更二年嗚  
呼痛哉日月重新玉歷載換椒花柏葉金燕綵勝幽明路  
隔同異如何大姊哭汝來歸一疾不起百年甚速朝露徒  
傷今又九日矣汝父汝母何以爲情今汝姊妹共歸何所  
李太白云同棲煙林對坐松月抱琴卧花高枕相待汝生  
時所最樂也然歟否歟自汝亡後遺簪棄履觸目增哀刺

墨殘殘嬰心生感況今泥金萬家春色乍曉爆竹一聲晨  
光盡開獨汝姊妹並不見此爲悲爲恨夫復何言汝卧房  
略已稍改中供大士几設內典比汝存日更爲清幽倘欲  
來訊我當焚香室中煮茗案上候汝何如汝性喜花庭前  
數樹葳蕤盈枝矣芳草漸生羣鶯自飛見故居之風景愴  
生平於疇昔汝豈無情能不悲哉當使梨花憔悴杏花零  
落海棠萎折芙蓉凋劇可以慰汝靈而銷我恨否也我今  
日以屠蘇酒奠汝汝可邀大姊共飲之與生時九月五日  
茱萸別酒何如嗚呼痛哉心如煎膏淚如散雨汝有所言  
幸托夢中遺集刻竣俟印本裝帙當送一冊致汝九原珍  
重毋忘西來大意爲囑嗚呼痛哉

返生香附

花

祭文

張立平

維崇禎五年十月十一日乙亥張立平原聘室吳江葉工  
部之第三女仙逝若延五日則婚期矣娶女有吉日而女  
死禮則有之不謂平乃實邁斯戚也吾邑距汾湖百里而  
遙越三日戊寅平具醴帛齊衰以弔灑淚陳詞於靈几前  
曰嗚呼淑女特稟慧資幼依母訓習禮明詩牙籤玉笈采  
隱探奇動容有紀發音成辭能琴善畫未欲人知閨中女  
憲塵外仙姿余岳父母爲擇良耦不鄙余愚許字已久媒  
妁請期筮日日某先期五日歸無何有纔聞病耗計隨其  
後且駭且疑猶冀或否近承岳母貽余一緘冠而親迎古  
禮斯敦無俾闕閱令儀以誓旣冠旣笄共此良辰兩地相

望成人儼然齋戒以俟罔敢不虔昊天不弔蘭催玉折七  
載榮思一朝望絕言念及此心焉惓惓人生最悲實惟死  
別死不成別悲誰與說如夢夢杳如影影滅山何寥落水  
何慘淡衰草萋萋寒雲黯黯觸緒興愁中懷展轉胡忽而  
來胡旋而返何緣而聯何業而斷嗚呼哀哉聞靈平日簡  
素靜貞焚香一縷對竹數莖幽光自照莫窺笑顰至臨化  
時惟持佛名視世如幻所歸必真非親蓮座卽履瑤京余  
凡士耳或非其倫臨風一慟聞乎不聞嗚呼哀哉

祭亡妹瓊章文

葉世佺

某月日兄世佺悲涕痛哭致祭於瓊章三妹之靈曰嗚呼  
天之死人常也白髮懸愁槁形委化以垂死之年而終將

返生香附

九

已於一旦此亦夫人之所不免而出於意中者矣至若疾  
病連年自分必死生無益於世死不足爲悲則哭泣之情  
亦有未極者歟夫天下意中之慘猶可言意外之慘不可  
言也嗚呼哀哉孰意我妹而竟遭此慘乎我妹定以十月  
于歸桃夭近矣忽於杪秋得病遂成不起之疾余雖以兄  
妹之情不能忍然亦且視以爲常至若有不諱之事所不  
忍言亦所必不料者也豈以父母兄弟而乃爲我妹抱無  
涯之戚乎前月之十日妹疾寢於床余適往赴試至前別  
妹因問病狀則容顏憔悴神色慘然平日之丰姿體態已  
什不得伍余且驚以爲病未及半月而消瘦一何至此大  
人親執湯藥坐於床前因相對歔歔恐旦暮之間未可卽

望其霍然也嗚呼孰意余去之明日而卽已歿乎余至澄  
江初聞此變雖涕泣無從莫可如何然以爲我妹而遭此  
慘傷終未之信也及歸則已就殮矣嗚呼哀哉其信然耶  
吾與妹且不得終身一永訣生也何故死也何緣回思向  
者別我妹時已永無相見之期矣嗚呼哀哉生不得在側  
死不得視含我不能起九原而魂夢相接爾不能反人世  
而手足相親而欲見焉杳乎其不可得也悠悠蒼天曷其  
有極且妹始生未一歲而出育於舅家余或從大人歸寧  
則少以兄妹敘焉顧亦不得時時相見後十年而歸且以  
爲今而後姊妹兄弟庶相聚於茲無一缺也嗚呼孰意聚  
首止以七年妹已作冥漠人乎至親骨肉聚散若此人世

返生香附

辛

之緣誠不可知我不能爲此生解矣況正當桃夭于歸之  
時佳期旣近而遺恨千秋此其故又寧可得之彼蒼也哉  
若我輩兄弟平時聚論或談笑古今或戲謔笑傲花時酒  
候無不具在亦以見手足之相愛若斯也娛樂幾何而此  
七年不又如夢歟自今以往姊妹兄弟非不相聚而樂談  
笑如舊時顧離羣之痛又深係之其幾何不以涕泣終之  
矣第脈脈魂夢中楚痛常存每一念至若信若疑相對嗚  
咽神情欲絕此黯黯魂銷江文通所不能賦其恨者也且  
夫死者不可復生余旣已知之矣乃妹之死我猶未之信  
也則意者妹忽返人世而復生未可知也方且復敘手足  
之情復生骨肉之愛談語如舊歡笑自若不亦至樂也哉



而不然者不可望矣其終焉已矣將遂信以我妹爲死人乎死者人之常也我無怪也獨計此天地之間而已無我妹之一人則天下更有何不可已之事而猶且買買與今而後我其絕望於我生矣若謂我妹已登仙籍仍返瑤池金闕間則雲衣霞佩在我妹誠何足恨顧於生者之情何如邪嗚呼哀哉我父我母以及兄弟姊妹無不環而哭之而痛之見之不能思之不至招之不來渺渺陰魂其何往邪嗚呼哀哉生死兮情絕幽明兮路隔撫萬物兮心悲恨綿綿兮終古

祭亡姊瓊章文

葉世僂十五歲

某月日弟世僂徬徨哀悼致祭於三姊之靈曰嗚呼我姊

返生香附

三

人生古今姊妹兄弟歡然無失喪之悲弟始以爲斯一家之幸亦夫人生所同具者也今而後乃知亦世之所難有也弟自少及長以來姊妹兄弟未嘗一日相離竊以古今來雁行之多莫過於我孰意素所相聚之人而一旦相悲若此哉嗚呼姊自九月得病弟且以爲病者人所不免未始以爲憂也此時適往澄江亦以數日之別耳及歸則可望其疾之霍然矣然當是時也猶以爲我姊天桃穠李之候佳期既近以就試之故而不得爲河梁之送僂猶且快快於心孰意不數日而忽聞此變乎使我輩兄弟不以吉禮稱慶而以凶服弔哀斯亦人世所未見之慘古今所未聞之事獨於我姊而見之聞之可信邪不可信邪是以弟

在澄江聞此變猶且將信將疑以爲我姊竟以此終其身必不足信姑視之爲往來之言而已及至歸而始信其傳言之真也然邪不然邪嗚呼哀哉由今思之若使我姊而嘗多疾病則生死之途固非人之所能測乃以我姊而遂至於斯真僂之所不解矣昔日與我姊言語談論笑傲戲謔宛然如昨而欲再見姊之形神顏色如昔日之從姊以遊者亦第有付之神交想像焉已爾嗟乎遺文猶在衣香如新而音容長邈更不得形影一相隨也邪以我姊風姿韻度固在蓬萊瑤島之間必不再沈落塵世中也然弟之情則豈能不痛哭欷歔爲我姊抱無涯之戚邪嗚呼哀哉

祭亡姊瓊章文

葉世俗十四歲

返生香附

三

維時十一月弟世僂啣哀致誠敬告於三姊之靈曰嗚呼弟自生及長幸多兄弟惟是相養以共居而手足同安未嘗有失喪之悲也及姊自秋得病半月未瘥我父母日夕憂思旦暮焦心予豈無兄弟之情而不念之亦以人誰無病豈遂至於無涯之戚乎故從諸兄別姊赴試澄江以爲旦夕之事耳嗚呼孰意從此一訣而千秋永別遂香乎不可再見矣乎夫人而歿其常也以姊而亦歿則何如也疾而死亦常也以姊而卽以疾死則又何如也嗟乎姊雖得病僂以爲雖暫相別終當久與相處抑誰料及死而致怨痛於終身也若誠知其如此則豈忍以赴試之故而不送姊之死乎弟恐天道之待人未有如此之爽者矣嗚呼大

才爲造物所忌其信然乎每追念疇昔弟今秋得病姊時亦初病矣父母命俵與姊同飲食共卧起由今思之宛如昨日孰謂弟則幸而存而姊即隨歿於是乎數誠不可測而不可測有如是乎嗚呼哀哉言論依然音容時在不能與姊以笑語顏面而竟易之以涕泣悲傷其謂之何故姊妹兄弟相聚於茲非無歡樂之時而姊神靈杳然此愈樂而愈悲倍歡而倍覺愴然者也嗚呼爲一世之手足第以數年之相聚而光景神情遂俱付之東流則手足之情其又何如也哉嗚呼我姊歿而弟不知形影相散魂夢相離既不能共一世之生又不能送一日之死姊死而漠不聞竇弟之罪其又何尤彼蒼者天我情何極然自今而後我兄弟不能無失喪之悲而未嘗一念不在姊也則姊其知之乎嗚呼哀哉

返生香附

三

### 祭亡姊瓊章文

葉世侗十三歲

年月日弟世侗謹以樽酒蔬菓之奠敬祭於三姊之靈曰嗚呼哀哉弟自初生以來曾未聞死之哀也何意於姊而始聞也嗟夫容顏笑貌宛然如在言語談論猶然如昨而今思之一世之生終不能一日相見也則是我姊之死弟亦難信也每一念至忽然忘生我不難殉死見爾以從姊於黃泉而又何如矣嗚呼此傷心慘念哀悼而不能自己者也至若姊妹兄弟少長畢至獨姊神靈不知所之是歡愉呼樂祇益之悲而使我無情於人世矣若乃生平言語

之所到手足之所動時時而在前此一生所具在也痛何時而得絕愁何時而能解神耿耿而不舒悶鬱鬱而何伸能不中心之如疚而涕泣之如雨也乎嗚呼天地之間盈虛消息之不可定乎一月之內若此其甚也方我姊桃夭之時且以爲極樂也且以爲笙歌之煌煌也弟且將作文送而賀之也乃極樂者而爲極悲邪笙歌之聲而爲涕泣邪弟欲作文以賀之者而乃祭之邪嗚呼追思昔日或聞時謔論辨是較非由今思之果孰是而孰非也嗚呼哀哉九月之望孰謂我姊之於人世無一月矣孰謂弟之相見者亦惟此矣常懷至此不覺泣下痛心斷腸有如此邪天地慘愁草木淒悲日月寒光雲霧沈迷嗚呼哀哉

返生香附

三

諸文俱未成篇章不加點竄傳其真也見兄弟姊妹間其生愛死哀如此若以童穉之年假手欺人盜早慧之名鬼神鑒之

行略

### 亡女小鸞紀略

德輝按前鸞吹載有傳一首與此文同今不復錄

返生香附集終



東莞張伯楨輯

張文烈遺集

新會梁啟超題

張文烈公遺像  
邑後學伯楨題



序

嗚呼昔孟子開宗明義告梁惠王以不言利太史公讀之而掩卷流涕康有爲讀之而慷慨噓唏夫長生難老多財大富高位要路華屋列女娛妻弄子馬車舞道豈非人情之所好哉然則雖偷生延命盜物劫財攘位竊祿覲顏耳恥棄舊迎新五君十主雖天地之大萬物之多皆可忘之而惟有利於己鳴鞭得意顧盼有喜爭雁鷺之餘食爲喪家狗之搖尾嗟乎孟子眞愚人哉卽不知有利也若此大愚不靈之書宜今之毀冠裂冕而廢教也雖然寧爲袁粲之死勿爲褚淵之生此所爲掩面

序

滄海叢書

而畏見劉祥也夫人道賴以立國土賴以持種族賴以強忠信以爲甲冑禮義以爲干櫓故天地之正氣燿如日星浩然流行懦立頑廉興起感動豈有他哉忠義之氣爲之耳古之人云食其祿死其事若任官者棄城而逃望風而靡見賊而屈膝叩首豈復有可守之國哉宜乎一旦而亡也吾鄉東莞張文烈公位不過庶常之下士官無守土之責當明室之亡僅餘尺土而展轉戰于鄉土百折不回蹉跌而益厲全家就死赴義靡回嚴顏豈作降將軍哉今讀其遺集生氣猶懍懍也門人張篁溪刻公遺集沈雄磅礴之氣如見高山大河有仗劍峩

冠之偉丈夫存焉卽其文章皆有道之作蓋眞誠貞忠無往而不可見也鬼神呵護此篇流傳後世其或有以贈世之苟生延命忘恥覲顏者耶

孔子二千四百六十五年甲寅三月鄉後學南海康有爲謹序

序

滄海叢書

序

吾邑代產偉人自熊飛將軍以布衣起義東莞以尙武著考崖山之變英豪痛憤謂蒙古滅中國人人得而誅之熊將軍輟耕隴畔揭竿一呼天下響應卒復韶廣二州終元之世粵人所至橫戈鼓舞怒氣凌雲無日不思爲宋復仇蒙古人種可以得志於中原而不能威加於吾粵者熊將軍威懾之也熊將軍後以起義垂名青史者則爲文烈公文烈公富於種族思想爲明代一革命偉人明亡欲恢復明社首建義旗爲諸豪俊倡東莞遂爲英雄用武地清軍三攻西鄉而兩敗兩攻道滘而一

序

滄海叢書

敗爲國流血者萬餘人東莞之道滘新安之西鄉至今雨晦風瀟猶聞鬼哭父老談之尙舌咋色變目爲鬼門關則當時之戰畧可想矣文烈公以敗爲成十郡雖不自公恢復卒使惠國乞降行朝再造微夫人之力不及此文烈公敗之於東而成之於西所由與陳文忠陳巖野二公同爲佐命元勳也歟文烈公之戰績縉紳先生能言之今誦其遺文風雨驚而鬼神泣龔氏自珍云奇士不可殺殺之傷天神奇文不可讀讀之傷天民不其然歟今遺稿散失存者益寡清初吾家族原輯有南山集爲前清所焚指爲禁書由是文烈公之文字不復播

於人間亦經焚禁後文烈公之文字益爲世重矣伯楨以憂患餘生爲徵文考獻纂成此集都爲六卷乙巳之東澗經橫濱質諸梁新會先生其時擬付梓以廣其傳因僕僕塵途靡暇從事歸國後國事人事百感交集欲竟前志壽諸梨棗問序於康南海先生先生序之促其出版遂以本年八月次第付梓爲之總校訂者則漢壽易君哭盦初校者江甯孫君谷紉番禺沈君太侔也孔子二千四百六十五年甲寅八月邑後學張伯楨序

序

滄海叢書

張文烈遺集目錄

卷一 敕

敕諭工部尙書曾櫻僉都御史郭維經

敕諭九江總督袁繼成贛州巡撫李永茂

敕諭總督南贛尙書李永茂

敕諭江西巡撫曠昭

敕諭管理江西南九二府義兵餉務太常少卿熊

維典

敕諭管理江西瑞州府義兵餉務按察司副使漆

嘉祉

張文烈遺集目錄

滄海叢書

敕諭太常寺少卿兼兵科陳泰來

敕諭江西建昌縣監軍尙寶司少卿鄒魁明

敕諭詹事府少詹兼僉都御史羅大任

敕諭大理寺少卿黃雲師

敕諭兵科給事中曾應遴

敕諭副總兵張安

敕諭提督援兵掛討逆將軍印金聲桓

張文烈遺集

東莞張伯楨篁溪編輯

漢壽易順鼎實甫校訂

卷一 敕

敕諭工部尙書曾櫻僉都御史郭維經

朕觀江右爲半壁上游名賢所萃我太祖定金陵奄有

中原則於是始也爾江右山川苞蓄以名節相尙二卿

又挺然卓有豎立睹此板蕩不投袂奮節誦無衣小戎

之章非情矣光武以布衣起於南陽尙有馬援來於隴

西竇融至於天水朕今間關倡義七閩而江右豪傑未

張文烈遺集卷一

滄海叢書

有至者是讓隗之書忠臣見之不酸鼻流涕義士誦之

不曠若發蒙也曾卿於朕有外屬之親郭維經爲權奸

所挫名聞中外朕行大師廓清江漢若得二卿者番君

吳昺不足多也亦如竇融抗厲威武以應期會勿徒令

劉鈞奏書也秋高氣清將見爾以豁朕懷有知己眷屬

幸備勉之毋違爾音特諭 隆武元年七月

敕諭九江總督袁繼成贛州巡撫李永茂

爾繼成清真特達江南之望也永茂起於鄧州爲南陽

故人而皆綱紀江楚得士民心此天所以資朕也朕爲

閩粵推戴起義東南必資江楚猶人身之有右臂屈伸



是賴必興常武而頌江漢舍江楚奚以乎爾繼成之於  
寧南猶車有轡雖遭奔覆尙可及收寧南有子夢庚生  
而汗血朕不以隄齧棄此千里也御史黃樹亦雋才箸  
績豐沛朕何忍遺之朕將光復舊物惟求才是務舍現  
在而搜草野亦繁難矣永茂慷慨開爽爲朕縫合三省  
以應六師騎天下之脊顧盼東西如射隼高墉之上朕  
於二賢睠望殊深好謀而成戰則必克非一日之力也  
千里咫尺幸體朕懷二督撫官銜且如舊以俟再敘特  
諭 隆武元年七月

敕諭總督南贛尙書李永茂

張文烈遺集卷一

二

滄海叢書

醜虜鴟張人心風鶴內綏外奸全賴撫臣虔中所屬州  
縣錯聯四省巖封尤爲閩疆門戶一切綢繆防備勞爾  
經營朕深嘉念卽今措餉徵兵朕將躬行天討爾所轄  
要害之處固圉宜周欲合衆志成城必使人自爲守家  
國總屬一體衛國正以保家鄉紳世受國恩尤爲士民  
之倡其有招集義勇捐繕糧械大之爲疆場効命小之  
爲鄉里干城爾其宣朕德意俾之鼓勵戎行并一一具  
名奏聞朕定嘉與敕用其餘人等誰無忠義各有身家  
爾其勵以同仇聯其比屋有財者捐貲有勇者出力有  
智者效謀務使各堡各村互相守望同心同力備禦地

方安靜則雞犬無驚奮迅則豺狼遠遁其中有才能出  
眾捐助獨多者或量加獎賞或量給劄授如果戰守有  
功卽與奏明優敘時惟爾責亦惟爾勞爾其欽哉特諭  
隆武元年七月

敕諭江西巡撫曠昭

念卿在鳳陽撫綏多士葛藟之蔭於喬木握手道故何  
日能忘比以留都不靖孝陵重扃朕已徵兵閩粵可十  
數萬劍及於皇屨及於門而諸豪傑以六師一動必須  
萬全欲先合江右之軍次收兩浙之士棲遲顧慮又踰  
一日朕獨居深念枕席之處常有淚痕想卿聞之亦爲  
痛心張目乎虜惡已稔人心思奮温合以西衢嚴而下  
勿頸之士亦數萬人欲發錢塘與大軍相遇卿能率章  
貢之師決鄱陽下蕪采指顧金陵濯足龍江番君之義  
不足高也萬元吉揭重熙與之俱來乎雲臺麟閣何常  
之有屈指故人望卿如歲毋懷金玉而有遐心欽哉特  
諭 隆武元年七月

張文烈遺集卷一

三

滄海叢書

敕諭管理江西南九兩府義兵餉務太常寺少卿

熊維典

義兵久起時糧爲難今特命爾將南康九江兩府錢糧  
澈底清查詳行分別應徵者同建昌監軍鄒魁明察點

兵數量派徵給俾士馬飽騰用壯城守應蠲者速為赦免以彰朕恤民至意毋得縱容胥役藉口勤王濫收妄取其鄉紳矜民好義捐貲并分別差等具名奏聞以憑敘用爾須廉勤自矢佐籌恢勦用膺懋賞欽哉故敕  
隆武元年二月

敕諭管理江西瑞州府義兵餉務按察司副使漆

嘉祉

義兵久起時糧為艱今特命爾將瑞州府各縣錢糧澈底清查詳行分別應徵者同本府監軍李泰來察點軍數量派徵給俾士馬飽騰用壯城守應蠲者速為赦免

張文烈遺集卷一

四

滄海叢書

以彰朕恤民至意毋得縱容胥役藉口勤王濫科妄取其鄉紳矜民好意捐貲并分別差等具名奏聞以憑敘用爾須廉勤自矢佐籌恢勦用膺懋賞欽哉故敕  
隆武元年九月

敕諭太常寺少卿兼兵科左給事中陳泰來

瑞州附近江省夙稱重地近虜寇蹂躪黎民塗炭特晉爾卿銜即監本府軍事爾其益懋忠猷力奮義勇召集訓練自成一軍同建昌監軍鄒魁明聯絡策應遇有寇虜侵據并力驅勦用壯聲援其有鄉紳矜民赴義勤王者察明從撫按委用如有觀望從賊逗遛騷擾者即以

軍法從事務期義旗所指山岳為摧尅日救寧朕有懋賞欽哉故敕  
隆武元年九月

敕諭江西建昌縣監軍尙寶司少卿鄒魁明

建昌負匡廬面彭蠡為南康郡雄邑近附虜寇為江省往來孔道據督臣萬元吉奏爾魁明好義傾貲督率鄉勇屢奏大捷忠勇可嘉茲特晉爾尙寶司少卿管建昌監軍等事爾其申嚴紀律鼓勵同仇將所倡建昌義兵與臺臣周損聯絡策應并聯絡瑞州科臣陳泰來道臣漆嘉祉所倡義兵會同勦守遇有寇警仍前協力堵守用奇設伏扼賊救援陸路其有鄉紳矜民倡義捐貲者察明從撫按委用如有觀望從賊及逗遛騷擾即以軍法從事務令四方嚮應敵愾同心尅日抵定朕有懋賞欽哉故敕  
隆武元年十月

張文烈遺集卷一

五

滄海叢書

敕諭詹事府少詹事兼都察院右僉都御史事管

江西南昌府恢勦事宜羅大任

頃者逆虜匪茹侵犯陵闕兩京淪陷九廟震驚吳越之民慘遭淫掠金陵一帶逼處犬羊朕為臣民推戴正位閩都憤痛國仇誓圖光復業經親行禡類登壇授鉞布置諸路尅日廓清念江右中土名藩南昌省會重地人民蒸蔚禮教漸摩邇來闖獻蹂躪黎民毒罹湯火加以

妖氛憑凌人心風鶴朕深憫惻爾大任豫章偉望詞苑  
名流夙抱忠貞習嫻方畧茲特晉爾官端僉憲畀爾恢  
勦事宜爾其懋殫壯猷矢心王室聯絡遠近激勸紳衿  
或有倡義捐貲或有奮勇敢戰廣行召募多方招徠預  
爲策應之謀以聯臂指之使務期眾志成城金湯屹若  
義旗所指山岳爲摧淨掃氛腥克復畿甸於戲祖宗之  
天命未改河山之帶礪重新爾其懋功朕有盛典欽哉  
故諭 隆武元年八月

敕諭大理寺少卿專管江西九江贛州南康三府  
恢勦事宜黃雲師

張文烈遺集卷一

六

滄海叢書

頃者逆虜匪茹侵犯陵闕兩京震驚吳越之民慘遭滯  
掠金陵一帶逼陷犬羊朕爲臣民推戴正位閩都憤痛  
國仇誓圖光復業經親行禱類登壇授鉞布置諸路尅  
日廓清念江右中土名藩三郡彭蠡重地人文蒸蔚禮  
教漸摩邇年闖獻蹂躪黎民毒罹湯火加以妖氛憑凌  
人心風鶴朕深憫惻爾雲師棘寺風望豫章名流夙抱  
忠貞習嫻方畧茲特晉爾廷尉崇銜畀爾恢勦事宜爾  
其懋殫壯猷矢心王室聯絡遠近激勸紳衿或有倡義  
捐貲或有奮勇敢戰廣行召募多方招徠預爲策應之  
謀以聯臂指之使務期眾志成城金湯屹若義旗所指

山岳爲摧淨掃氛腥克復畿甸於戲祖宗之天命未改  
山河之帶礪重新爾其懋功朕有盛典欽哉故諭 隆武  
元年八月

敕諭兵科右給事中專管江西贛州府恢勦事宜  
曾應遴

頃者逆虜匪茹侵犯陵闕兩京淪陷九廟震驚吳越之  
民慘遭滯掠金陵一帶逼處犬羊朕爲臣民推戴正位  
閩都憤痛國仇誓圖光復業經親行禱類登壇授鉞布  
置諸路尅日廓清念江右中土名藩章貢閩廣要道人  
文蔚起禮教漸摩邇年闖獻蹂躪黎元毒罹湯火加以

張文烈遺集卷一

七

滄海叢書

妖氛憑凌人心風鶴朕深憫惻爾應遴省垣偉望章貢  
名流夙抱忠貞習嫻方略茲特晉爾兵垣右給畀爾恢  
勦事宜爾其懋殫壯猷矢心王室聯絡遠近激勸紳衿  
或有倡義捐貲或有奮勇敢戰廣行召募多方招徠預  
爲策應之謀以聯臂指之使務期眾志成城金湯屹若  
義旗所指山岳爲摧靜掃氛腥克復畿甸於戲祖宗之  
天命未改山河之帶礪重新爾其懋功朕有盛典欽哉  
故諭 隆武元年八月

敕諭副總兵張安

虜入江西蹂躪撫建爾張安舉義拒勦卓有戰功朕今

嘉爾歸命之誠勵爾圖功之勇特晉新銜畀敕獎諭爾其益懋忠猷力建偉績鼓勵原部精兵奮勇堵禦前使部臣曾傳燈頌敕賜爾諒今已到聞閣臣曾應遴集鄉民備米供應爾尙與之同心聽輔督撫鎮楊廷麟萬元吉劉廣胤等聲援策應制勝出奇務求盡掃虜氛復還疆土嚴明約束切切戢暴安民百姓得安是朕中興根本如有淫掠要害不遵紀律者立正軍法俟收拾撫建恢復南京朕卽頒爵賞用答忠勞欽哉故諭 隆武二年二月

敕諭提督各路援兵掛討逆將軍印恢勦豫楚等

張文烈遺集卷一

八

滄海叢書

處兼管土司中軍都督府左都督金聲桓

昔者帝舜三苗之格周宣六月之師雖天行不廢五兵惟人龍可勝九伐蠢茲狡虜敢肆披猖廟社受其震驚神人爲之共憤邇者誓師親討直驅犬羊於幽燕伐罪吊民先集貔貅於彭蠡爾聲桓正氣摩天忠肝貫日樓開鎮遠先朝之召虎生威志渴吞胡此日之范韓攸賴邗水朕識大將之面爾騰無敵之稱茲加爾文銜一品太保豫楚改爲南京爾其效順竭忠力爲恢復造廬推轂早已結念於舊知礪山帶河卽以相期於異日大度朕之天性善後臣之良規汝其懋哉勗哉朕不食言故

諭 隆武元年七月

張文烈遺集卷一

九

滄海叢書

張文烈遺集 卷一終

滄海叢書第二種

張文烈遺集目錄

卷二上 奏疏

直陳起居注官職掌疏

聯絡人心蚤圖恢復疏

謹陳進勦方法以佐折衝以贊策畫疏

恢疆儻有成謀守疆當議實着疏

安慰難民貴在得法安插難民貴在多方疏

條陳四策恭請御覽疏

報明江省情形疏

飛報大捷疏

張文烈遺集卷二上

兩報大捷疏

逃將當誅烈將當卹疏

直陳罪己疏

孤臣被箭腹穿墜馬斷臂血戰將死疏

調兵防虜謹據報聞疏

特舉永勝賢將四人疏

請破格優錄故舊以恤孤寒疏

保薦人才疏

張文烈遺集

東莞張伯楨篁溪編輯

漢壽易順鼎實甫校訂

卷二 奏疏

直陳起居注官職掌疏

欽命翰林院侍講兼編修臣張家玉謹奏為直陳起居注官職掌伏乞聖明赦宥事臣初六日跪捧敕書內諭臣黃道周等近日詞臣罕見直言正色之儒唯侍講張家玉正己不阿遇事敢諫着即日給與筆硯掌起居注時刻在朕左右欽此臣看得起居有注所以書天子之

張文烈遺集卷二上

言動也言則必書動則必書所以俾敬慎於為天子也

自君好諛於其臣而索覽所書者於其臣臣貢諛於其君而獻覽所書者於其君上下相蒙是非矯枉此非人主之過實臣陷人主為非者也臣讀敕知皇上自待厚而待臣不薄臣敢為皇上正告嗣今後臣懋勉於為臣君懋勉於為君倘皇上而多中禮之言而多中禮之行也臣必直書之冊曰某年某月某日某事皇上之言也如此之行也如此天下將傳將羨之曰某年某月某日某事隆武帝之言也如此之行也如此萬世將傳將羨之曰某年某月某日某事隆武帝之言也如此之行也

如此則皇上一聖主也聖也亦皇上自聖臣不能以筆墨為皇上作其聖倘皇上而有非禮之言而有非禮之行也臣必直書之冊曰某年某月某日某事皇上之言也如此之行之也如此天下將傳將駭之曰某年某月某日某事隆武帝之言也如此之行之也如此則皇上一庸主也庸也亦皇上自庸臣不肯以筆墨為皇上諱其庸為人君者當聲為律而身為度為人臣者當是曰是而非曰非將順其美匡救其過古大臣風也臣也不能翹君之過長君之惡古邪臣事也臣也不敢昔唐鄭朗為文宗起居郎奏曰君舉必書使人君一言不敢乖於理道恐千載下累於盛德魏謩為文宗起居舍人奏曰向起居官不詳故事致陛下取看自此文多迴避而善惡不直非史也今者皇上自待不但在文宗上臣愚自待不肯屈鄭魏下而肯依阿取媚陷主為非俾聞風訕笑者指臣所注一書曰此史官張某罪案也更何面目見天下萬世乎嗣今後願皇上無索看所書者於臣如索所書者於臣臣雖死不奉詔也臣家玉不勝激切待命之至

批答

張文烈遺集卷二上

二

滄海叢書

隆武元年七月初七日上奏初九日奉聖旨左史記事右史記言起居注官自古重之據輔臣黃道周薦爾家玉正己不阿遇事敢諫立朝風采朕久注念今覽爾奏侃侃正論卓有古大臣風朕當書疏御屏觸目謹畏爾家玉其殫心厥職副朕相期至意着恤民庫賞旌直銀三十兩以為史臣筆硯之資該部知道

聯絡人心蚤圖恢復疏

欽命監軍永勝營兼理江西軍務察覈地方兵馬錢糧救賜御節聯絡節制招勦便宜行事翰林院侍講兼兵科給事中臣張家玉謹奏為王室有中興之勢英雄動

張文烈遺集卷二上

三

滄海叢書

響應之機懇祈再廣旁求大聲聯絡俾得蚤圖恢復事臣聞聖人作而萬物覩北辰居而眾星拱言有作也必有覩也有居也必有拱也又聞皇極建有極會其有極歸其有極言有建也必有會而歸也逆奴作禍安帝蒙塵焚劫者鬚髮在湯火之中淫穢者枕席有呼天之虐賴我皇上伐罪興師天下以為救我者有大父矣天下以為衽我者有大母矣然而來朝來賀未盡弘通東止達于東浙之東右未闢乎江右之右則行人之足不疾而未能下令如流水也今在徽甯則有精忠貫日浩氣凌霄如倡大義之金聲江觀戴明恩游有倫尹民興夏

雨金福星游麟吳雙等矣在勾容則有詐降滅虜聯結七十二村嘯聚子弟至八千人如朱議從朱議泐何成吾何敏吾張仲區項仲甫胡亦恕吳德孚等矣於此而英雄豪傑指不勝屈矣仁孝精忠久孚民望在池太則有舊冢臣鄭三僉事臣張一鳳者在常鎮則有戶部尙書臣張有譽都御史臣金光宸科臣蔣鳴玉道臣劉呈瑞中書臣馮斐者在蘇松則有詞臣顧錫疇徐沂吳偉業朱天麟徐開禧禮部主事臣張采道臣李模舉人楊廷樞者在口口則有兵部侍郎臣沈猶龍光祿卿臣許譽卿科臣陳子龍道臣秦鏞吏主事臣夏允彝行采臣

張文烈遺集卷二上

四

滄海叢書

者十員同齋與俱限出門百里而一回報二百里而一回報三百里而又一回報又着令經過驛遞反報日期必使人人憤疾必使處處流通夫如是則天下豪傑既與共天下功名天下功名又以聯天下豪傑一聲大呼天下響應孝陵可計日而謁矣臣不勝激切待命之至

批答

隆武元年七月二十一日具奏二月日奉聖旨鼓勵忠義聯絡人心以速響應之機張恢復之勢說得是即給敕書到處分發不必另遣行人以從簡便

謹陳進勦方法以佐折衝以贊策畫疏

張文烈遺集卷二上

五

滄海叢書

包爾庚錢肅樂進士臣吳易黃淳耀李待問沈泓徐家麟評事臣郁汝持中書臣宋徵璧職方司臣何剛者在兩浙則有詞臣葛世振沈延嘉林可任吏部尙書臣徐石麒憲臣劉宗周大理丞臣章正宸太僕卿臣謝三賓行人臣陸培中書臣陶履卓推官臣曹惟才兵禮主事臣陳龍正吳鑄馮元颺義士沈泮知縣臣吳夢白者此諸臣者懷其具有除殘撥亂之才度其心有忠憤同仇之節臣所信之平日者此也伏乞每于兩府敕手書而即着詞臣金聲等精察其果能臨難不屈者即于本地奉爲盟主聯絡維桑便宜授事而又必選其力疾行人

杭嚴相枕而杭奴不敢逼嚴池饒相枕而池奴不敢逼  
饒豈其力不逮哉踟躕却顧則懼微之議其後也今奴  
既陷微則出其左翼東南可以得嚴出其右翼西南可  
以得饒饒嚴既去則廣信必不能支廣信不能支則崇  
關必不能守崇關不守而大事去矣爲今計與其坐失  
饒嚴信不攻而自危無寧進取饒嚴信不守而自固夫  
繇嚴擊微而微奴有左腋之患繇饒擊微而微奴有右  
腋之患左右夾擊微人未附而奴又有心腹之患三患  
至奴可襲而微可復矣然調兵遣將則奈何則請以勳  
臣永勝大軍繇口而建繇建而撫繇撫而分兩路一繇

張文烈遺集卷二上

六

滄海叢書

進賢西向厚攜南昌一繇東鄉東向薄應微饒則請以  
鎮臣施福之兵分以陳順洪旭之兵繇弋陽貴溪而安  
仁餘干而饒州繇饒而分兩路一路浮梁而入祁門一  
路樂平而入婺源則請以鎮臣黃光輝鄭亨之兵會德  
郭芝英之兵繇青湖江山直上衢嚴一帶而襲微歛此  
其大畧也然兵貴速不貴久久則挫銳貴合不貴分分  
則力薄貴戰不貴守守則我以待免之愚長彼蠶食之  
漸終坐老耳臣謬畫此策兵侍臣吳震交科臣陳履貞  
鎮臣施福陳順洪旭方機戴忠陳梧黃庭施傳等皆極  
許不過贊卽日轉臣說于定虜永勝今除臣一面移咨

合勦外一面陳之皇上前備千慮而一得焉則萬祈敕  
下勦閣部臣更加神算而卽令馬上飛催或者未嘗無  
小補也臣家玉不勝激切待命之至

批答

隆武元年十月二十八日具奏十一月十一日奉聖  
旨張家玉慷慨自許朕自委任甚專其佐理勦臣鄭  
彩一軍又近聞久住邵武殊非朕倚用至意還着速  
催鄭彩出關繇建撫立功奏內事情俱屬確畫着兵  
部會同平虜侯議妥一面飛文飭催一面具本回奏  
不可少悞軍機該部知道

張文烈遺集卷二上

七

滄海叢書

恢疆備有成謀守疆當議實着疏

欽命監軍永勝營兼理九江軍務察覈地方兵馬錢糧  
敕賜御節聯絡節制招勦便宜行事翰林院侍講兼兵  
科給事中臣張家玉謹奏爲恢疆易守疆難恢疆備有  
成謀守疆當議實着謹抒千慮之愚仰佐聖明一得事  
臣抵大關徧訊父老述江人戮辱之慘與江人自作之  
孽不得不令臣病又不得不令臣恨寇虜之未至也望  
風奔逃貴者先之富者倡之貧者賤者因焉夫然後一  
二無賴徐徐爲寇虜主人迄今捲其資廬其居妻其妻  
逃者尙冥冥未有寤也臣謂以永勝之忠諸將之勇或



者不難爲彼恢復然爲逃者恢復而我代爲守敵去不  
追將有待免之愚爲逃者恢復而我不爲守敵儻乘虛  
不無狼顧之患臣請立軍令爲江人約大兵到後凡居  
府者歸府居縣者歸縣居鄉者歸鄉居城者歸城其有  
此府而逃彼府此縣而逃彼縣此鄉而逃彼鄉彼  
城者許共燬其廬舍以爲城守之具沒其家資以爲養  
兵之費而卽保甲寓軍政以行之計一縣共幾鄉作鄉  
冊鄉爲之正計一鄉共幾約作約冊約爲之正計一約  
共幾圖作圖冊圖爲之長計一圖共幾甲作甲冊甲爲  
之長甲統于圖圖統于約約統于鄉鄉統于縣其間十

張文烈遺集卷二上

八

滄海叢書

五以下五十以上除老弱不能任者悉教習而精鍊之  
設以金鼓耀以旌旗明以號令驅以賞罰不必遠徵調  
以百里限之不必荒生涯而定日以操之而又開本方  
捐金援納之例爲本方修練儲備之資每鄉掘地爲池  
翻土爲城固以磚石樹以竹木轉接去處容人而不容  
馬其某人率教也則功在某甲甲懋賞其某甲率教也  
則功在某圖圖懋賞其某圖率教也則功在某約賞不  
已也而官之其某約率教也則功在某鄉官不已也而  
遷之夫如是則寇虜逼于前而彼無容懈大兵壓于後  
而彼無所逃功名富貴熱于中而彼又思踴躍而思奮

將見家戰人守出入自然相友守望自然相助矣此守  
疆實着也昔管子天下才也作內政以寄軍令而軌里  
連鄉遂以富強天下其秘安在亦曰無兵有兵天下不  
見有兵之害無餉有餉天下不見出餉之難如是而已  
不然者恢復一州設千兵以守之臣知其難也恢復一  
郡設萬兵以守之臣知其難也恢復一州一郡設千兵  
之糧萬兵之糧以守之臣益知其難也臣聞吏部尙書  
臣張肯堂者有保甲全書最稱碩畫乞取其要妙補臣  
不及而卽爲之刊刻序以皇言頒敕省直撫按郡縣恪  
遵永守而殿最守令者必功罪錄之或亦恢疆守土之  
一助也臣家玉不勝激切待命之至

張文烈遺集卷二上

九

滄海叢書

批答

隆武元年十一月十一日具奏十二月十二日奉聖  
旨帝王不得已用兵專爲保民乃旣爲取復所居之  
城鄉民復不自聯結又令兵代爲守已非理矣守而  
需糧更必取民是兵民終無相安時也此奏內自甲  
而圖約鄉遞至縣則其成功保甲之說固治世之要  
務卽准如奏行總憲臣張肯堂速速再行造印保甲  
書一百部發與張家玉轉發江右各府縣各令其恪  
遵然必行法在人督撫不時察誨務令民不冒而爲

守基兵不殘以作戰助則兵民相爲用地方安矣着速速行該部知道

安慰難民貴在得法安插難民貴在多方疏

欽命監軍永勝營兼理江西軍務察覈地方兵馬錢糧敕賜御節聯絡節制招勦便宜行事翰林院侍講兼兵科給事中臣張家玉謹奏爲安慰難民貴在得法安插難民貴在多方伏乞聖慈敕下直省以廣布皇仁事臣捧詔書內開一段有髮義民無髮難民敢有指難民爲叛民擅殺定令償命臣欽此臣看得有髮無髮皆我朱家赤子也近因各路兵將不分順逆一概妄殺以致難

張文烈遺集卷二上

十

滄海叢書

民進退無路控訴無門萬不獲已有爲虜偵探者有爲虜嚮導者有爲虜餽牛酒餉薪米者甚至殺我偵探以蔽我耳目殺我嚮導以斷我手足腰截我歸路以絕我糧道揆厥所由豈百姓不義哉迫以必死之條脅以必窮之勢則我等陷之之罪也臣體皇上好生之德開天下自新之途一路告誡將吏着令嚴束兵役敢有擅殺一箇難民者抵償命之罪仍出示曉諭各府各縣各鄉各約各圖各甲造冊報名卽給與無髮難民奉旨印信腰牌一面許其井里大書黃旗曰欽撫難民之鄉臣設此法未及旬日無髮者歎呼動地佩湯網之寬感禹車

之泣初來領牌者百數再來領牌者千數又再來領牌者萬數又再來領牌者十萬百萬數臣設此法乃解散之良方收拾之左券也但此中有繁劇之苦有紙札之苦有跋涉之苦臣以機務繁多分身不可此中有沈閣之弊有勒指之弊有賄賂之弊臣以間關人少任人未便今除臣一面分給印信腰牌外計莫如遣人分理于各府州縣鄉落伏乞皇上敕下工部一鈔臣愚疏聖旨告示冊式牌式刻印萬張分爲式樣而卽選伶俐強壯不避艱險承差數十人令卽齎送于各省直撫按守令于刊刻腰牌內給以正官印信而又令卽隨天兵將到未到之際先行解救先行收拾儻真正能收回若干縣者縣彙各鄉冊到卽以縣佐貳官酬之真正能收回若干府者府彙各鄉冊到卽以府首領酬之雖直抵吳越楚蜀秦晉齊魯燕趙諸路可也臣不勝激切待命之至

張文烈遺集卷二上

十一

滄海叢書

批答

隆武元年十一月二十九日具奏十二月初一日奉聖旨這奏安插難民行各府州縣鄉落分理深爲得法着工部卽將張家玉所薦告示冊式牌式刻板刷印萬張吏兵二部選差能承官數十人齎送遭虜殘

害處所地方官徧行粘布其腰牌內用正官印以防  
詐偽差去人役有功量與敘用告示冊式牌式并發

條陳四策恭請御覽疏

欽命監軍永勝營兼理江西軍務察覈地方兵馬錢糧  
敕賜御節聯絡節制招勦便宜行事翰林院侍講兼兵  
科給事中臣張家玉謹奏爲恭請御覽事凡有肆件開  
列於左伏乞聖明再四流連細碎批答儻有當事情神  
風教萬叩聖人嘉納也關外往來動費時日蚤賜批發  
尤臣家玉拜跪以禱一微柄不宜兩操事臣抵關屢接  
錢塘報及一切風聞以至科臣方士亮等語俱道徽州

張文烈遺集卷二上

三

滄海叢書

旦夕可危其說則以爲金聲林貞微有不合也夫林貞  
夙抱謀猷允有才望徽郡一時德之金聲忠足辦虜介  
足服眾徽州人萬命賴之但謂鄉官不可以壓當道則  
林貞相下不可司道不容以壓督撫則金聲欲讓不能  
然則何如以處之請遵皇上之命前者敕金聲也以徽  
甯四府隸之敕林貞也以杭嚴兩府隸之今卽各依前  
說而各分其汎杭嚴功懋則林貞懋賞徽甯功懋則金  
聲懋賞而又敕徽甯兵所聚也則以應杭嚴旦夕之急  
杭嚴糧所通也則以濟徽甯旦夕之貧陸機所云離之  
雙美合之兩傷者此類是也不然者一瓢百與將有決

裂之患十羊九牧終無芻牧之功是在皇上急爲分處  
而決不宜緩視者也一三請聖裁事臣到大關揣度形  
勢謂兵宜分三路一繇建撫陸路西向直搗南昌此中  
權勢也一繇贛吉北向順流直抵臨江此左翼勢也一  
繇廣信西南向順流直抵趙家圍此右翼勢也三路應  
援心同力協金聲桓釜中魚耳但聞聲桓號召甚多降  
服甚眾若盡血刃安在伐謀其勢當用撫以佐之然撫  
之說有三聲桓官開大鎮其貴極招之則必有以勸之  
宜何如以官之此議非臣所敢擅唯聖斷獨裁者一聲  
桓特其首耳其間如王體忠徐一鵬湯郝郭等各擁重  
兵不肯相下招之則必有以連之宜何如以用之此議  
非臣敢擅唯聖斷獨裁者二集數萬之眾招之必有以  
養之而月糧行糧廩俸隨其後目下之賞犒隨其後宜  
何如以處之此議非臣敢擅唯聖斷獨裁者三至若永  
甯急宜獎諭閩兵急宜就撫然總之措餉爲先有餉方  
可言撫亦唯有餉方可言勦伏願皇上併注精神無事  
勞勞他及也則當務先而緩急得序矣一上之化黨有  
術下之結黨無益王道蕩平旦夕可冀黨事風成朝政  
日壞原其始東林也眞君子魏黨也眞小人及其流則  
東林也小人附之魏黨也君子陷之故謂魏眞君子東

張文烈遺集卷二上

三

滄海叢書

真小人則天下之心不服謂東定君子魏定小人則天下之爭愈熾其術奈何臣請兩言而定曰主權尊黨事化夫兩黨之成不成于植黨者而成于朝廷朝廷爵祿之柄植黨者得而操之則附之者自此得其梯航舍此更無捷徑是爵祿者勸黨之招樹黨之的而植黨者竊之為號者耳若夫因事課功定爵功名富貴不出于趨黨者而出于朝廷則趨黨者愈冷趨黨者愈冷則植黨者愈孤植黨者孤而世界靜矣臣故曰主權尊黨事化謂奪其號召天下之具而絕其所趨者也若夫價有低昂心存法戒則自好者立身當有從違而乃借題曰東

張文烈遺集卷二上

古

滄海叢書

林當一竭盡之則南都當事者過也統惟皇上鑒裁一力保清忠輔臣唯皇眷顧終始事臣與同鄉輔臣蘇觀生同出臣兄憲副一鳳之門一鳳尊崇道術樂育人才一為輔臣保舉以成功名一為微臣婚娶以抒困乏臣固不敢暴棄為父兄僂而輔臣砥礪半世尤不可不為皇上陳者輔臣之起家也殘破縣令邊地同知海外督餉應官將有十年家世空存四壁即八旬之母菽水難支迄今俱係臣兄一鳳之子張備月瞻魚蔬為其母壽則其清也千古當此聖安播蕩玉輅蒙塵太祖之金甌幾于殞墜太祖之百姓半化犬羊而輔臣懋勉微臣同

陳萬幾鄭元鼎等出沒于干戈之際徘徊于腥穢之場不肯逃歸為巖穴終老一見龍文五彩即為推戴輸誠則其忠也千古夫以其忠若此其清若彼固天之所遺以資陛下也今以人言微中遂致輔臣踧躅不安臣主之間豈獨輔臣過乎二十四日有宦遊者親密告臣曰蘇相國被論上疏乞歸其意將以諛臣妄揣臣與輔臣有隙也夫臣初至天興實以抱病旬餘朝見未逮而好事者挑釁遂至煮豆燃萁微聞朝野七月十九日皇上召對勉臣等曰粵東惟汝兩人即有後來不能居上又二十九日召對勉臣等曰爾兩人內外要互相炤管毋

張文烈遺集卷二上

五

滄海叢書

致不同負朕切愛嗟乎臣等結髮弟兄真正古人相許而式好無尤之念不能盡諒聖明則臣罪也昔寇賈不合光武誠之廉藺交疎列頸終焉臣等遵君父之命宜學賈復先國家之急宜學相如又況比寇實無部曲之譽比頗實無爭位之事乎當此風雲龍虎肯以千秋自命必定有蘇張姓字隱顯于隆武編年後讀史者曰當日調和將相平勃交歡實自某人首倡也則臣等不朽矣萬乞皇上念輔臣之清忠鑒微臣之敦好眷顧而始終之至中書臣陳萬幾文堪黼黻武堪戡定禍亂伏乞破格大用即謂其功未著則請減臣服俸崇彼職

銜俾得展其驥足也則又微臣家玉以人事君之義矣

批答

隆武元年十月初九日具奏二十七日奉聖旨奏內  
四議徽柄應一當如奏行但聞徽近有失守之信朕  
心憤恨還俟察確再行酌處至于出兵三路開一面  
于從虜之臣朕之親征詔上甚明將在外聞君不內  
制併聞王總等俱准便宜行事何謂不敢言也餉自  
以江餉江以浙餉浙豈有別連出入之理近因修史  
併允平虜之奏欽命魯王監國旨上將黨分部甚明  
千秋是非斯定輔臣蘇觀生心膂重寄大節真忠朕  
久交孚浮議寧動任賢朕自有鑒裁張家玉不必過  
慮該部知道

報明江省情形疏

欽命監軍永勝營兼理江西軍務察覈地方兵馬錢糧  
敕賜御節聯絡節制招勦便宜行事翰林院侍講兼兵  
科給事中臣張家玉謹奏為報明江省情形仰祈早定  
廟算事臣初四日登舟洪塘夕抵荊州點察官兵前驅  
就道初七抵白沙初八抵閩清初九風雨而抵水口  
十一二三日則入延津界矣三五日間續接塘報及所  
在等揭內稱江將謝騰雲白之裔原稱節制之師不謂

張文烈遺集卷二上

七

滄海叢書

騰雲已死之裔來遲萬安一帶將與將戰而又與吏戰  
兵與兵戰而又與民戰百戰憤而殺白將之子也白將  
憤而殺萬安之民謝兵散而屠村落之民也村落恨而  
屠謝營之將雖有愚懇道臣如李文懋劉廣胤于鉉贛  
縣知縣臣金廷詔萬安知縣臣梁于侯等亦止終日勞  
勞和事而止此無怪督臣李茂永之呼天出血也今為  
度計皇上不宜再設兵止宜設治兵之臣設兵是亂絲  
而益以絲也不若設督撫以為治絲者而即以閩粵現  
到之兵如周任鳳之五千周之蕃陳秀之三千餘而又  
以度撫之舊額五千新額四千整頓而操縱之夫居重  
馭輕兵至萬餘即可操而為彈壓宜行之勢其謝兵無  
主者置將領以集之其白兵溢出者操恩威以馭之結  
部曲也必令井井集賞罰也必令楚楚調將吏也必令  
相安和兵民也必令各得夫然後可一心而辦虜也此  
南顧情形而下手易易也至若建昌向為王達之所陷  
王達今為金賊之所擒而守關副將王秀奇楊武烈等  
雄據巖疆有虎豹當關之勢而又傳有禮侍臣王廷垣  
知州臣楊重熙舉人艾南英生員楊師占與羅川永寧  
等恢復建撫偽知府鄔寶鼎者八月十四日已遁出城  
夫皇上親親有極厚之典賢賢無不錄之條若永寧王

張文烈遺集卷二上

七

滄海叢書

等宜何如以酬之王廷垣楊重熙艾南英等宜何如以旌之功懋懋賞似亦不宜拘格也此建撫情形而所當下手處也若夫副總之守大關也以孤軍深入弋陽斬其虜使擒其偽官忠勇之名震于浙直不謂胡人飲恨大舉報仇聞其差往九江與所云童賊者借湯郝郭之兵一萬而又陷有江省五營之兵二千劉一鵬之兵二千部國本之兵一千王體忠之兵二千而金聲桓之三干者不與焉今欲以全力注信與施為難臣得此報而又與萬元吉之來書相合坐卧不寧已促永勝伯副總林習山洪旭等力疾救援儻早出關為施犄角保全廣

張文烈遺集卷二上

六

滄海叢書

批答

隆武元年九月初十日具奏十月初九日奉聖旨度撫今為總督五省事權甚重已用萬元吉了其閩粵現到救援之兵如周任鳳之五千陳秀之之三千度撫新舊九千俱聽新督臣節制調內閣速另給敕諭

王廷垣既有復城之功便着該部察敘十七日速奏永寧羅川二王以親臣而有武功尤為奇義內閣俱准給與敕獎仍令其同恢疆土同滅逃寇自有獎典敘酬勲臣欠餉已面令戶部速行挪借必要速完部臣已面承旨了逃寇聲言報復施福孤行援券着永勝伯火速進兵接濟新督臣敕書速發令其即去受事共奏大功該部知道

飛報大捷疏

張文烈遺集卷二上

九

滄海叢書

為飛報大捷事臣本月初十日接永寧王檄稱撫州圍急隨又接勳臣鄭彩書囑臣督率諸鎮力疾往援臣不暇寢食十一日即東約右鎮陳輝西約中鎮林習南約前鎮蔡欽會兵合擊十三日未時三路齊到共札許灣戍時奸細放火諸鎮意民間偶誤臣切過慮傳令各營令堅壁清野無得亂營救火且令多撥伏路防其從暗乃不幸言中十四日五鼓虜騎大隊小隊四圍衝突忽至矣臣仰仗皇上威德即傳令蔡欽令着前哨洪旭衝鋒旭拚命爭先奮勇堵截斬奴六級砍馬四匹而虜少却臣仍親冒矢石督右鎮陳輝協將陳黃虎李忠明

趙珩等長驅出營大戰十餘合殺虜總二級虜兵三百二十三顆傷馬四匹奪生馬三十一匹器械無數已經解報外不謂午時蔡鎮協將陳有功戰死而人心寒慄虜糾難民數萬鳴鑼吶喊飛箭雨下沿山放火赤地震裂虜總兵王得仁鄧雲龍侯天寵等復書來招副將趙珩令其勸降而人心惶惑沙中耳語趙珩危懼互相疑忌臣慮變起肘腋乃執珩手拔劍斬案曰敵人行間離我兄弟等益當戮力爭氣軍中敢有疑謗者有劍而趙珩遂安人心遂安然戰意則全無也十五日子時臣恭設高帝位關帝位牽諸將泣拜誓決死戰仍出花紅二

張文烈遺集卷二上

幸

滄海叢書

百兩選驍悍郭毓卿李忠明陳良趙珩四將築壇拜之賞賜勞之先令各領死士百人分伏三凹旋拔大營伴走虜選騎兵五千步兵五千啣尾追擊四將發伏蜂起而腰斷之臣鼓噪回軍奮兵轉戰大破之步兵斬捕殆盡死傷狼藉騎兵舍馬渡河溺死過半所獲功級生死馬匹器械另兵三百解關報功而撫州圍解全部復焉此御右先鋒首戰首捷也伏乞皇上念兵將微勞加意優敘臣不勝激切待命之至

批答

隆武元年十一月十六日具奏二十九日奉聖旨覽

露布及奏疏足見將士忠功家玉智畧朕親察功級器械不勝嘉慰着即日優議敘酬以作士氣不得遲緩該部知道

兩報大捷疏

欽命監軍永勝營兼理江西軍務察覈地方兵馬錢糧敕賜御節聯絡招勦便宜行事翰林院侍講兼兵科給事中臣張家玉謹奏為兩報大捷事臣本月十四日親冒矢石督右鎮陳輝副總洪旭等鏖戰十餘合奴兒大敗是日午臣又卽重圍中蠟書令隨征都司黃瑛協同遊擊龐兆魁王評守備黃福詹景陽潘正國潘昌及旗

張文烈遺集卷二上

三

滄海叢書

牌官龐忠等帶健丁數十人披甲持刃從間道奔入撫州縋城而上道逆虜空營而出合營而敗永宣所部謝志良蕭聲等將可乘虛尾後襲其老營不謂永宣等眾行臣計聽臣言卽刻發謝志良等官兵同臣差官黃瑛等搗其老穴虜狼顧失措十六日辰時遂于千金坡地方為臣等夾擊所擒虜死五百餘人馬死三百餘匹從無如此快捷者其營中有婦人二百四十三名酒米五十二挑現宰生豬九隻細鄉鄉人三名臣令飛令箭令各兵收其器械酒米以為賞犒其婦人卽出示着令附近親戚領回不許官兵相近而又解到鄉紳生員等手

書七封臣卽分令焚燬不許宣眾以安反側而一時永勝之兵稱義師焉伏乞皇上垂念陳輝洪旭黃瑛之功優敘永宣王謝志良等之功則將士自然用命矣臣不勝激切待命之至

批答

隆武元年十一月十一日具奏十二月初二日奉聖旨據奏撫州大捷制勝出奇復城殲虜五百餘人殺虜馬三百餘匹足見官兵奮勇鎮臣陳輝副總洪旭都司黃瑛遊擊龐兆魁王評守備黃福等四員旗牌龐忠并永宣部下謝志良閻羅宋蕭聲等俱着分別

張文烈遺集卷二上

三

滄海叢書

功級速議敘以彰激勸該部知道

逃將當誅烈將當卹疏

欽命監軍永勝營兼理江西軍務察覈地方兵馬錢糧敕賜御節聯絡節制招勦便宜行事翰林院侍講兼兵科給事中臣張家玉謹奏爲逃將當誅烈將當卹伏乞聖明大奮乾斷以信賞罰以明勸戒事臣聞將受命則忘其家宿衛則忘其親抱桴鼓則忘其身故濟則君之靈不濟則以死繼者臣等安排爾爾也本月十四五六日許灣之捷千金坡之捷副總洪旭等前鋒斬奴戮馬無算而虜披靡臣與都督陳輝等中權斬奴戮馬無算

而虜披靡臣蠟書遣都司黃瑛等間路約永宣謝志良等搗巢破寨而虜盡披靡副總許象乾護都督蔡欽遙爲後勁此亦難人所易耳不謂虜騎縱橫象乾逃竄逃竄不已而走金谿金谿不守而後縋城非皇上德厚永勝福高微臣臨難不奪則象乾同列象乾左右如洪旭秦良佐等又安能整頓全師助臣血戰以倖今日之微勞小捷也都督陳有功直言讜論上疏曾蒙嘉旨今乃率其部將葉壽以半部之卒當全部之虜血戰不已誓罵不已宣可斷頭而剛其肉若功與壽名當與骨俱香矣馬革裹尸不死婦人女子之手冥冥之中敢負臣友

張文烈遺集卷二上

三

滄海叢書

乎臣等節鉞軍中得專賞罰然所以商之勳部必縷縷入告者以威福還我皇上也皇上儻不斬象乾不旌功壽萬一他時戰或失利臣等抱頭奔竄無所顧忌聖慈能一視同仁釋臣罪否如卽斬象乾以戒後之爲象乾者旌功壽以勸後之爲功壽者則功罪明而人心悅賞罰當而士氣勵臣雖失足半步鼎烹車裂如飴也伏乞皇上以象乾首級賜臣令協同勳部傳示五營以作效尤榜樣而卽日賜功壽祭葬廕諡敕許灣特設祠祀焉則紀律之師無敵天下矣臣不勝激切待命之至

批答



隆武元年十一月二十一日具奏十二月十四日奉  
聖旨賞必當功罰必當罪大法宜然况在行間尤宜  
執持無失朕所操以激勸人心恢弘大業只有此法  
張家玉所奏許灣一事正論侃侃誰則能之許象乾  
護軍在後乃至捐眾竄逃明干軍紀卽着面同承勝  
伯鄭彩勘明立行正法仍傳首宣示各營以警效尤  
陳有功葉壽馬賊身隕義烈可嘉一切卹典及建祠  
俱着從優速議以副朕激勸作忠至意御營該部知  
道

直陳罪己疏

張文烈遺集卷二上

三

滄海叢書

欽命監軍承勝營兼理江西軍務察覈地方兵馬錢糧  
敕賜御節聯絡節制招勦便宜行事翰林院侍講兼兵  
科給事中臣張家玉謹奏爲臣負皇上不忠臣負承勝  
不義伏乞敕議臣罪重則重典輕則放臣歸里事時事  
倥傯非臣子高尚之時况君臣遇合錢塘攀龍獨早弟  
兄結拜洪塘嚶鳴尤最熱乎但古有之量能而授官者  
成功之君也論行而結交者立名之士也皇上諭臣曰  
朕今以子子爾爾當以父父我此何等諄切乃閱月來  
尺寸未效徒以賊虜遺君父憂皇上負臣乎臣負皇上  
乎不忠之罪一也承勝感君肝胆佩臣節俠福京未坐

旬餘臣等交相薦剡爾所否者我否之我所可者爾可  
之此何等意氣乃一日戰守之策不同遂致不能以軍  
國順兄意承勝負臣乎臣負承勝乎不義之罪二也不  
義者決不可與之爲友不忠者決不可以之爲臣不忠  
者對皇上無顏對廷臣無顏對天下萬世無顏不義者  
對承勝不便對諸將不便對各隊各兵不便萬乞皇上  
赦下廷臣公議臣罪可誅則誅之否則放臣歸里俾傷  
痛殘年猶得與八旬之祖父祖母五旬之父母生還相  
見也臣無復恨矣臣不勝激切待命之至

批答

張文烈遺集卷二上

三

滄海叢書

隆武二年正月初十日具奏二十九日奉聖旨張家  
玉北京以七日細綁抗闖賊見其奇節昨以許灣激  
戰見其奇才文臣守關外武臣守關內見其奇勇然  
未能用家玉獨將遂致幾以金簇亡身是朕負家玉  
非家玉負朕也鄭彩朕亦不負况家玉乎且既有先  
守新而後帶傷以監軍之臣作戰伐之事朕甚嘉之  
壯之不應議罪出于至公張家玉朕還另有委任朕  
志萬折不同家玉亦孜孜自誓不必煩事引陳還着  
速來召對御營該部知道

孤臣被箭腹穿墜馬斷臂血戰將死疏

欽命監軍永勝營兼理江西軍務察覈地方兵馬錢糧  
敕賜御節聯絡節制招勦便宜行事翰林院侍講兼兵  
科給事中臣張家玉謹奏為孤臣被箭腹穿墜馬斷臂  
血戰將死懇乞聖慈准假調治或乞聖明親驗重傷事  
本月十六日寅時臣送勦臣鄭彩出兵硝石未時虜信  
報急永勝聞風卽將所帶隨征之兵及所守新城之兵  
盡數撤回促臣入關役凡三至臣以新城者永定屏障  
永定者福京門戶門戶固而堂奧乃安屏障安而門戶  
乃固新城雖小不可棄也而永勝以固關為急竟棄臣  
去城中兵馬盡空城中男婦盡竄臣形影相顧寂然無

張文烈遺集卷二上

美

滄海叢書

人空與知縣李翔仰天慟哭誓死不去計無所出只得  
招集鄉兵十七早臣具猪酒花紅犒金四百樹旗鼓于  
操場父老歡呼雲集響應然鄉隊未成韃兵至矣臣調  
知縣守城臣只得圍隨親兵百名鄉兵二百名與都司  
林雄黃福詹景陽王日嚴守備涂進等血戰城南連戰  
數十合雄與鄉兵等斬其步兵五十餘人步兵披靡少  
時而步兵千餘馬兵數百鼓噪向臣重圍三匝臣傷箭  
墜馬折臂氣絕幸林雄與其弟林四等持破窩衝陣殺  
虜二名斬馬二匹搶臣歸營輿至蕪坊救藥然家人則  
盡鈔盡戮矣令十九日永勝接臣入關送至光澤醫治

他云已有疏聞皇上但臣雖死義不忘君儻得皇上一  
面少陳萬分急着以安聖躬臣雖永訣無餘憾矣臣家  
玉不勝激切待命之至

批答

隆武二年正月二十二日具奏二月初七日奉聖旨  
統兵大將盡走入關獨使文臣陷陣何以自解覽奏  
張家玉受傷折臂彌痛朕心御營該部知道

調兵防虜謹據報聞疏

欽命監軍永勝營兼理江西軍務察覈地方兵馬錢糧  
敕賜御節聯絡節制招勦便宜行事翰林院侍講兼兵

張文烈遺集卷二上

毛

滄海叢書

科給事中臣張家玉謹奏為閩兵之調已來新城之虜  
已退謹據報聞暫慰聖懷事本月十六日未時永勝決  
志守杉關微臣決志守新邑永勝請臣不入道科臣莽  
臣請永勝不出道勦臣怯弟兄之見不同而憂懷君父  
則一也臣守孤城雀鼠俱寂除與忠俠知縣李翔招集  
鄉兵外則惟有用閩一着閩兵之在廣昌也離新邑二  
百餘里十六夜臣嚙指血書呼閩等曰張某死守新城  
不減睢陽故事凡我同盟同井急當力疾奔援為天子  
死死忠為朋友死死義一舉兩得將軍圖之不謂閩兵  
義俠仰聽臣言二十二日午時展轉牀褥間適接廣信

知縣鄧夢禹者文書內稱閩兵來救新城牌到南豐虜  
卽引退且道閩將懇臣面奏皇上給劄給糧聽臣調度  
但臣揣閩兵天下至強亦天下至暴不用其強無以滅  
虜不戢其暴無以安民戢其暴用其強非但文武全才  
不愛錢不怕死者將之遂以空拳辦此也閩差日夜嘍  
嘍謂虜退而關稍寔臣病而光陰虛度懇臣六日往來  
早爲面聖請糧請劄但臣行止先要明白恐議者苛求  
責臣離汎敢先奏報以聞臣家玉不勝激切待命之至

批答

隆武二年正月十九日具奏二十四日奉聖旨閩兵

張文烈遺集卷二上

三

滄海叢書

可用者勇可患者暴朕久知之然朕以赤心置其腹  
上下共此甘苦則又何暴不可化糧餉朕必接濟期  
成中興殊切餘俟張家玉扶傷速速候對了定奪御  
營該部知道

特舉永勝賢將四人疏

欽命監軍永勝營兼理江西軍務察覈地方兵馬錢糧  
敕賜御節聯絡節制招勦便宜行事翰林院侍講兼兵  
科給事中臣張家玉謹奏爲特舉永勝賢將四人伏祈  
溫敕慰諭以鼓前功以圖後效事永勝諸將不可殫述  
其最賢者則左鎮鄭聯也前鎮洪旭也右鎮陳輝之與

中軍吳輝也鄭聯少負不羈慷慨俠烈去年六月十一  
夜與臣擁戴錢塘皇上命拜盟于龍舟八月二十六日  
召對便殿臣面薦而皇上手敕諭之許以有功卽行封  
拜今者破產三千募結死士旌旗整肅號令嚴明一似  
岳家軍之不可撼也知封拜之典聖慈將不負孤忠矣  
洪旭陳輝血戰許灣功高破虜今雖少挫而吞胡之氣  
猶壯從關上來者無不道陳洪兩將軍能撫士也能愛  
民也大勇大忠而幹畧又復優焉至吳輝則尤不可及  
也輝爲永勝中軍諸將有以賄至求炤管者正色却之  
而當爲炤管者密察之周致彼落落而將才獨優者不  
通一札而彼之接應加勤也心術與臣等相同揮霍比  
臣等尤至是豈豚犬輩所敢望其項背哉萬乞皇上親  
揮敕諭慰其忠勞或者柴薪之費少嘉賚焉國士之報  
四臣久已盟心當不負君負友也臣不勝激切待命之  
至

批答

隆武二年二月二十四日具奏二十七日奉聖旨張

家玉是永勝營監軍將之賢否確舉奏聞是其職掌  
這請手敕獎勵鄭聯洪旭吳輝陳輝四將俱准行卹  
民庫仍每賜獎銀二十兩頭號銀牌一面鄭聯昔于

張文烈遺集卷二上

三

滄海叢書

江上擁戴有功仍加給十兩吳輝能却賂秉公今文武中難得著再給五兩銀牌一面以旌其廉四將還各奮建奇功朕必不負酬報行在該部知道

請破格優錄故舊以恤孤寒疏

欽命監軍永勝營兼理江西軍務察覈地方兵馬錢糧救賜御節聯絡節制招勦便宜行事翰林院侍講兼兵科給事中臣張家玉謹奏爲念舊者君父之恩採訪者臣子之職謹報聞皇上故人伏乞破格優錄以恤孤寒事臣合戰許灣招撫流離士民踴躍歸者萬數中有美髯男子自稱爲薦舉廩生曰張世經攜其弟子偕來則

張文烈遺集卷二上

三

滄海叢書

有撫郡生員許其姓試其名者請臣帳下捫蝨而談當世之務臣慰勞不數語試且拜且泣敘其家譜父曰許泰兄曰許諫至嘖嘖皇上則曰昔日父兄故人也今日許試新主也雖道聖孝之隱微甚悉道聖學之淵源甚奧點頭而未敢卽信越次日抄出御製詩歌序讚以至一切往來細碎文字臣捧誦再三覺楮筆間淋漓悲壯大率類孤忠純孝憂思君父者之所爲臣竊異之而亦未敢盡信也又越次日而再出其御筆示臣果然龍跳天門虎卧鳳闕與從前手救賜臣者筆筆相合乃驚喜下拜曰此眞皇上御製也此眞皇上御筆也此眞皇上

故人也昔光武念布衣交不忘嚴子迄今侈爲盛事傳爲美談伏乞皇上做光武故事于許試者破格優隆俾之相助爲理若但曰從我游者吾能尊顯之非臣薦許試意也至若張世經者臣暫留帳中令其招撫難民聯絡義勇功懋另行題敘而許試則聽其匍匐來朝臣不勝激切待命之至

批答

隆武元年十月日具奏二月初六日奉聖旨據奏許試果許諫之親弟許諫乃丘兆麟之鄉知念及疇昔爲之深慨

張文烈遺集卷二上

三

滄海叢書

保薦人才疏

欽命監軍永勝營兼理江西軍務察覈地方兵馬錢糧救賜御節聯絡節制招勦便宜行事翰林院侍講兼兵科給事中臣張家玉謹奏爲臣甥可用可大用可急用事臣甥職方陳萬幾幼而嗜書長而好遊與忠俠生員林漸何如栻游擊張虬鄭元鼎等足跡徧天下所過山川墟里無不登眺城郭弔其遺文至隱君子如賣漿屠狗輩爲臣問姓字者遍邦國焉去六月擁戴錢塘不但以文章勸進見知皇上嗣後屢蒙溫旨一見于輔臣蘇觀生疏一見于督臣朱大典疏一見于萬幾之自爲陳

情乞歸疏然無如皇上之能知不能用何也夫臣面薦之疏薦之明薦之密薦之彙薦而特薦之至再至三不自畏瀆亦實謂其才其品之可用也然臣且曰臣甥可用可急用可大用皇上何由信之則請置臣軍中俾展千里知皇上將爲臣告曰爾甥之果可用可急用可大用也而後知臣之內舉不避知臣之以人事君也伏乞敕下萬幾與臣同事臣不勝激切待命之至

批答

隆武二年三月十五日具奏日奉聖旨陳萬幾爲輔臣觀生所薦召對奉使智辨足稱爾不再舉幾失此

張文烈遺集卷二上

三

滄海叢書

人准在張家玉軍前用原銜贊佐以驗可用急用爲將來大用之地恢復湖東朕到江省必有重敘行在該部知道

江寧孫去疾谷紱初校

番禺沈宗畸太侔覆校

張文烈遺集 卷二終

滄海叢書第二種

張文烈遺集目錄

卷二下 奏疏

招納各將兵疏

請破格寵錫諸將疏

定營制派兵精以圖恢復疏

酌定閩兵營制機宜疏

遵旨開陳急辦事宜疏

全閩水陸關防議實守實戰疏

出閩入粵謹陳利害三策疏

破格收攬以資中興大業疏

張文烈遺集目錄 下

遵旨回奏疏

恭請敕書疏

遵旨薦賢當促就列疏

請錄輔臣之後大彰忠節之名以勵人心敦風俗

疏

恭進武興營兵冊請定餉額疏

恭進武興營節制請裁酌疏

恭進武興營文臣姓名疏

恭進武興營武臣姓名疏

請鑄給武興營文武關防疏

招勦鎮平三渠伏誅疏

召兵措餉早圖撻伐疏

泣血陳情疏

張文烈遺集目錄 下

二

滄海叢書

東莞張伯楨滄海編輯

漢壽易順鼎哭盒校訂

卷二下 奏疏

招納各將兵疏

永勝伯鄭彩四部侍郎臣王觀光翰林院侍講兼兵科給事中臣張家玉謹奏為各將投誠眾兵歸命謹代聖慈招納以彰天與人歸事臣聞光武起南陽而竇融來自河西彭寵來自漁陽耿弇來自上谷以至吳漢寇賈輩後先疏附蓋有天與必有人歸風雲龍虎匪偶然也

張文烈遺集卷二下

滄海叢書

臣彩同臣觀光臣家玉節鉞軍中招徠豪傑前後建撫之捷金谿之捷東鄉之捷宜黃進賢之捷許灣千金坡之捷雖臣等藉皇上威德僥倖微勞而粵將張安謝志良蕭聲曹兌光曹旭升林鼎謝上達馮柏等實大與有力也謝志良等感永寧之忠奮聽臣等之商榷屬職功級已經敘用今承明旨着臣等取冊察閱但接來冊其兵六萬其正總兵六員副總兵十二員參將二十四員游擊四十八員都司九十六員守備一百九十二員文職監紀九員武職監紀五員今欲寬與以官則開濫予蠻觸之漸無以重名器之權欲吝與以官則塞功名之

門無以為鼓舞之實合無于正副總兵上也則署授之以旌前勞于參游下也則實授之以期後效夫既日始授則彼居然官也感天子之恩則奉法愛民自此日始矣然向日署事則彼猶然未實授也仗天子之威則斬將塞旗自此日奮矣受功名者踴躍于簪珥貂璫既無阻抑之患重名器者申明于功罪賞罰更張威福之靈于將士懷恩于朝廷見德計無便于此也伏乞皇上念其功績俯聽臣言准謝志良總兵都督同知准蕭聲曹旭升林鼎謝上達等副總兵署都督僉事而參游監紀以實授之則豪傑歡呼兩都光復旦暮矣臣彩臣觀光

張文烈遺集卷二下

滄海叢書

臣家玉不勝激切待命之至

批答

隆武元年十月 日具奏十二月初一日奉聖旨奏開功名重名器說得是所請署授以旌前勞實授以期後效姑依議行還着尅期滅虜勸忠至意御營該部知道

請破格寵錫諸將疏

欽命監軍永勝營兼理江西軍務察覈地方兵馬錢糧救賜御節聯絡節制招勦便宜行事翰林院侍講兼兵科給事中臣張家玉謹奏為賢主功冠古今大將威騰

夷夏伏乞聖明破格優異事竊惟逆闖肆虐西北土崩  
虜口口山東南地裂一十五國三百餘年皆高帝子孫  
臣庶也然抒國難報家仇寥寥未有口口口豈非忠赤  
豪俠之難其人乎茲者永寧王痛口風之板蕩軫湯火  
之遺黎爰整義旗招徠豪傑捐家破產享士招賢今者  
田園無有第宅無有鐘磬盆盂器皿一切無有日率王  
子慈熒與臣等協謀屢戰屢捷恢疆兩郡斬首萬餘雖  
將士微勞王實與有力也若貽臣等手書則曰功名歸  
之將士正朔一奉隆武豈非其功千古其忠又千古哉  
若永寧王者比東平王蒼而非徒善比安眾劉崇而有

張文烈遺集卷二下 三

滄海叢書

戰功合無效光武時東海劉疆故事益以魯地優以大  
封而或在撫郡或在贛郡統惟皇上獨裁臣不敢定也  
大將謝志良粵東奇傑也結髮從戎背上卽銘鵬舉四  
字前者永州道州一帶盡其恢復斬首不知幾千萬數  
奈以賊兵多寡功名不遂今者發憤殲奴幸其弟鴻位  
其子上達號召英雄同監軍道張安大將蕭聲等出戰  
有功當其永州之捷未費朝廷一文不動太倉一粒也  
且仰天祝曰天生聖人爲萬民主何尙未出乎臣移檄  
招之而彼卽爲拜手稽首曰眞吾主矣表賀飛馳叩天  
遙切豈非推戴心誠爲諸將首乎古有漁陽上谷控弦

萬騎迎漢廣阿又有守河西背隗囂詣雒陽而光武悉  
優遇者若志良等何多讓耶至若其同列兄弟又如黃  
旭升林鼎曹兌光等其忠則同其功不異昨已另同題  
請萬乞皇上垂鑒賢主優隆諸將破格而寵錫之天下  
幸甚 臣不勝激切待命之至

批答

隆武元年十二月初一日具奏十九日奉聖旨據奏  
永寧王勲勞茂著恭順有加朕心甚喜恢復南昌卽  
進封爲親王已有專敕了謝志良等前此捷功已經  
敘賚還應勉圖後效以膺懋賞御營該部知道

張文烈遺集卷二下 四

滄海叢書

定營制派兵糈以圖恢復疏

欽命監軍永勝營兼理江西軍務察覈地方兵馬錢糧  
敕賜御節聯絡節制招勦便宜行事翰林院侍講兼兵  
科給事中 臣張家玉謹奏爲定營制以成紀律之師請  
軍糈以壯飽騰之勢伏乞聖慈接濟俾得早圖恢復事  
臣于本月初一日同勲臣鄭彩部臣王觀光爲謝志良  
蕭聲等代請職銜想天子明見萬里當得俞旨矣但彼  
之營規未定則上下之統不嚴軍糈未請則士馬之飽  
騰無賴恩施不行曷有濟也臣請仰遵御營一體爲蕭  
謝等更定每鎮總兵一員副總二員參遊四員都司八



員守備十六員哨官隊長隨兵多少爲差其上下體統也論缺而不論官尊卑廩俸也論官宜先論缺官多缺少則大將不妨署小將之事如正總署副總副總署參游之事之類是也缺多官少則小將不妨署大將之事如都司署參遊參遊署副總之事之類是也兵多則官多非然者不得濫兵少則官少非然者不得拘每鎮設文監紀一員銜試推官武贊畫一員銜署游擊設督餉一員銜試戶主事其主事之權甚重其責甚專上請于朝廷下請于守令則主事奏疏主事咨文主事差人主事牌票此外別人不得妄有差委有差委者令箭一同

張文烈遺集卷二下

五

滄海叢書

枯竹票印一同故紙其地方紳民止許守令派捐主事不得踵其門奪其柄如是則官專而法整矣至若各鎮監軍當共科臣一員此非極平情極執法至忠至介者不可唯皇上獨裁臣不敢擅也此營制法也若夫無兵難以禦虜無餉難以養民臣請立軍令爲蕭謝約凡江省錢糧天兵當得三分之二義兵當得三分之一如朝廷發三萬也以二萬與永勝一萬與蕭謝等即有三千三百亦如之如郡縣得三萬也以二萬與永勝一萬與蕭謝等即有三千三百亦如之其設官置吏則歸之天子而吏部主之其措糧辦餉則派之守令而主事董之

主事之領糧也有簿非其簿者郡縣不得支銷主事之發糧也有簿非其簿者鎮將不得支銷如是則官有職掌糧有專司不然今日一牌票明日一令箭守令之分應不暇守令之掣肘多方而紛亂益甚矣此派餉法也萬乞皇上俯聽臣言而即日欽降敕印旗牌與謝志良蕭聲黃旭升林鼎等而卽商之勳閣部臣接濟糧餉則恩威并行壯士用命天下自然光復矣臣家玉不勝激切待命之至

批答

隆武元年十二月十二日具奏二十一日奉聖旨這

張文烈遺集卷二下

六

滄海叢書

奏定營制派兵精俱見用心經畫其每鎮設官等級員數俱當以兵數多寡爲差但鎮數尙未開明無從懸定將吏餉議官兵二分義兵一分亦自均停領糧發糧有簿不得混淆甚爲得法監紀贊畫督餉等員俱依議監軍科臣不必另設卽着張家玉兼營將奏內營制兵精會同該督撫議妥來行謝志良等敕印旗牌應否給與卽議覆御營該部知道

酌定閩兵營制機宜疏

欽定監軍永勝營兼理江西軍務察覈地方兵馬錢糧敕賜御節聯絡節制招勦便宜行事翰林院侍講兼兵

科給事中臣張家玉謹奏爲密陳勝算事福兵雖繁獨恐未鍊必欲恢復尙恃閩兵但閩兵天下至強亦稱天下至暴不用其強無以滅虜不戢其暴無以安民然戢之之說有三一曰恩信以結之二曰法紀以行之三則在乎糧餉之贍足糧餉不足則彼之打虜甚爲有辭而我以不近情之理責之翻覺苛而無謂功高罪重此閩兵所以不齒于江右也但若輩不知者禮法而可用者血性機有不投卽車裂鼎烹而彼不憚心懷偶合雖赴湯蹈火而彼無辭是在乎善將者因勢而利導之也所有事宜詳列惟皇上採擇狂愚天下幸甚

張文烈遺集卷二下

七

滄海叢書

一當定營制

閩兵當用二萬人二萬當分四大營每營當用正總兵都督同一員都督僉二員叅遊四員都司八員守備十六員哨官哨長隊長從便增減每隊隊長一人火兵一人挑夫一人閩兵爲永寧輕許後非此無以足所欲耳

一營頭當賜一名號以壯軍聲

如靖寇營之類寇字當改虜字一邊

一當賜敕印

賜之敕印所以專其責所以重其權

一當設文臣一員以總各營

此必不愛錢不怕死功罪嚴明智畧兼到者乃能勝任愉快

一當設監軍文臣一員

監軍不過四事臨陣退縮其責也虛兵冒餉其責也減尅兵糧其責也騷擾民間一草一木其責也而騷擾一件禁之尤要必也不愛財賄不惜情面而又日夜巡行不憚勞苦者能之

一當設總督某營本色折色糧餉及各軍器武官一員糧爲三軍司命而火藥等器尤急若無一忠幹者主

張文烈遺集卷二下

八

滄海叢書

持之則偶然缺乏而脫巾徒搏之患起是不可不爲之專任而責成之也衛臣張鳴鳳儻能之似當專與一敕俾得便宜取之

一當豫備銃炮火藥

虜之長技在弓馬我之長技在火炮今宜卽日着工部做斑鳩銃千門或二千門火藥一百挑或二百挑此二件者寧可工費而精不可省費而粗粗則誤事不小此真正當萬分申飭也

若輩肯來天下事大有可爲但事貴密不貴疎貴速不貴遲此事可爲暫說不爲人有可用暫說別用不然奴

兒奸細布滿中外聞之或腰截于路或行間于彼否則  
豫爲備我無所不工矣至若臣佐永勝兄事惟謹獨不  
肯依臣聯絡閩兵之議不肯依臣同鎮建昌之議不肯  
依臣易周斌殺許象乾之議此所以不能用臣而反議  
臣也然臣功罪自在天下賞罰自在一人臣儻罪輕過  
小鑒原自有聖明若罪當情真有一可議太祖法在決  
不敢冀聖慈寬政也 臣家玉不勝激切待命之至

批答

隆武二年二月初二日具奏初七日奉聖旨張家玉  
久歷行間見聞必確這奏酌定閩兵營制機宜甚有

張文烈遺集卷二下

九 滄海叢書

條理着御營該部看議速奏以憑定奪

遵旨開陳急辦事宜疏

欽命監軍永勝營兼理江西軍務察覈地方兵馬錢糧  
敕賜御節聯絡節制招勦便宜行事翰林院侍講兼兵  
科給事中 臣張家玉謹奏爲遵旨開陳事臣初九日戊  
時蒙恩賜對着臣同樞臣郭維經開列急辦事宜謹遵  
命條陳伏乞萬幾之暇急爲裁定以圖必濟

一臣家玉敕書

事必有敕庶幾可以調度本營彈壓各路

一臣家玉關防

臣銜樞臣郭維經已承旨面擬至關防更乞裁定統  
不敢擅

一督餉林之蕃關防敕書

之蕃督餉總理軍器敕內開明而印文則曰督理定  
江營餉軍器關防 臣與之蕃再三想度兵非二萬決  
決不可蓋少而踳蹙不前虛糜更甚不若兵足二萬  
餉足十五萬而敕內卽爲彼處裁定中興在此一舉  
臣等亦各以全副精神任之矣

一廣東布政敕書

敕其急急接濟應首許其一體敘功不應首嚴其一

張文烈遺集卷二下

十

滄海叢書

體議罪此敕卽與之蕃帶去

一各官敕書關防

監軍用丁丑進士今爲建昌道臣王垣京宜以太僕  
少卿銜與之賜以一敕內開協理軍器印文曰監軍  
定江營協理軍器關防宗臣朱出栢宜以職方原銜  
與之建昌知府臣楊榮宜以僉事銜與之先去招閩  
推官危應紳兵司務尹民昭俱宜以職方銜與之四  
臣印文曰轉運定江營舟車鹽米關防而督餉林之  
蕃前聯絡浙西有功有旨優敘未覆似當與以太僕  
少卿以酬前功以鼓後效

一現帶糧餉

宜即日飭戶部侍郎臣李長倩將二萬兩差官同林之蕃取船取夫押送至贛州安頓以便廣昌寧都一帶取用而兵部畧撥兵送之

一各將劄付

二萬兵當分四大營副總劄付四張每大小將各管三枝該叅將劄付十二張都司劄付三十六張守備劄付一百零八張他日奏明不敢濫用此管束法也至以兵之多寡定官之尊卑則又是一法當日某官管某事江上大壞急宜收拾此單綱目已定皇上當

張文烈遺集卷二下

七

滄海叢書

御筆者筆之當發鑄者鑄之當發行者行之總以全副精神一日完結而其中更有愚臣所不及者乞聖明推廣酌定即再賜對出門以答鳴鳳久出之望則圖報有地抑且圖報有日矣至此事非臣莫辦臣非諸人莫辦諸人非畧加事權莫辦臣砥礪有素而樞臣郭維經則更賢而有才非敢以名器相市實從軍國起見而已伏祈蚤定謹奏

批答

隆武二年二月廿日具奏二十三日奉旨二十四日召對行

全閩水陸關防議實守實戰疏

欽命監軍永勝營兼理江西軍務察覈地方兵馬錢糧救賜御節聯絡節制招勦便宜行事翰林院侍講兼兵科給事中臣張家玉謹奏為聖駕動定宜商臣愚謀畫宜聽伏乞聖明裁斷以便出入事臣初九日伏對便殿蒙皇上諄諄語臣曰不入閩不興不出閩不成又曰有進死無退生此志此言皇上真大有為之主也但臣是日以閩務瑣瀆而聖駕行止一段未詳敢再商之江西近事大壞所乾淨者惟虔州片土耳外此金奴猖獗土寇縱橫似非翠輦安駐之時三楚軍聲雖震然民心初

張文烈遺集卷二下

七

滄海叢書

附叛背初降勲臣何騰蛟併力于進取似有餘分力于扈駕似未足西蜀搖黃一股輔臣黃應熊雖報收拾然三巴修阻聲勢尙遙所恃以為駐足者甌閩八郡耳甌閩為龍飛雲起之地根本宜圖萬一奴騎攔入魚爛粵東無論虔州岌岌有拊背之憂而沃壤財賦所出以供諸路軍者竟爾立錐無地為今計一日議實守以固王基二日議實戰以恢王業全閩水陸關險宜防某險設兵若干某兵給餉若干將兵者何人督糧者何人全盤打算大局已定召平虜而諭之曰百姓責在撫按邊疆責在勲臣全閩固守即爾兄弟之功全閩不守即爾兄

弟之罪如是則事權重而彼無灰冷之念腹心託而彼絕危疑之慮矣此守而實者也至若長驅進取先在湖東湖東力薄則叩關旦夕可虞湖東勢厚則奴兒備我不暇諸關將不守而固矣但戰將若干戰兵若干軍餉出在何處軍器辦在何人坐有成算動有成謀夫然後戒以無逗遛縱奴者罪無赦戒以無冒餉虛糜者罪無赦戒以無殃民騷擾者罪無赦則勁旅成而奇功建矣戰守既定進取可圖獨斷而行誰則敢撓不然者料理未定而浪語出關則行後而滿盤俱亂仍蹈寇萊孤注之危料理既定而關內苟安則守株與井底貽譏王審

張文烈遺集卷二下

滄海叢書

知之所以不足道也臣揣時度勢實酌穩妥乞無輕也尤乞無滯臣不勝激切待命之至

批答

隆武二年二月十一日具奏二十四日召對蒙皇上面諭爾昨疏剴切饒有經濟朕即召文武諸臣如議確行

出閩入粵謹陳利害三策疏

欽命總督武興營軍務兼理糧餉聯絡直浙節制江西招勦救賜銀印捧持御節便宜行事翰林院侍講兼兵科給事中加服俸一級臣張家玉謹奏為彩輦出閩宜

賀彩輦入粵宜審謹陳利害三策伏乞聖明嘉納事臣聞天下形勢關中為上荆襄次之建康又次之下此虔州一塊土尚屬興王地也閩邸報得出閩入粵恢江之旨一下望之而忽傳有南幸羊城之說識者懼矣請以三策為皇上借箸焉虔州左連三楚右達八閩後屏梅嶂兩粵有挽輪恐後之區前跨章江亦有建瓴之勢騎天下之脊而號召之所謂大龍臨江勇氣百倍上策也若暫駐雄州可出江則度庾關下貢水可入楚則遶韶郴出衡岳進止由我緩急由我中策也若入五羊策斯下矣昔景德間契丹寇瀘淵王欽若江南人即勸幸金陵陳堯叟閩州人即勸幸成都臣五羊人計應出此獨恐車駕日南中原失望則不如寇準之為見卓也高宗之南渡也李綱宗澤岳飛等疊請還宮而汪伯彥黃潛善輩力沮抑之卒有明州之難卒有温州之難宋之不競率由東幸失策也夫以彼兩河無恙三吳無恙李綱等繇然以去就爭之矧茲閩粵一隅一失足而大事盡去臣敢以默然不以生死諍哉伏乞皇上依臣上策獨斷行之蓋虔城不滅晉陽萬元吉不滅尹鐸乞皇上必以為歸必以為歸臣雖死不恨也臣家玉不勝激切待命之至

張文烈遺集卷二下

滄海叢書

批答

隆武二年五月 日具奏 日奉聖旨家玉條陳巡幸不減畏敬張良匪但宗澤李綱而止朕爲祖宗救百姓當出度入楚一如爾言楚督何騰蛟已屢疏迎了該部知道

破格收攬以資中興大業疏

欽命翰科臣張家玉願之俊謹奏爲破格收攬以資中興大業事臣聞帝王之興必有跳梁躍冶之輩爲之前驅繇治之亂此輩爲罪之魁繇亂之治此輩爲功之首亦在乎駕御之而已唐用回紇漢用尤來大鎗已事皆

張文烈遺集卷二下

五

滄海叢書

然非今日始也臣偶閱科抄見湖廣撫臣胤錫恭遇非尋常之主一疏不覺拊膺歎曰吾皇上中興在此一舉矣據撫臣稱賊將李錦尙一功等原係分守西北傾慕真主悔罪投誠轉戰千里殺虜踰萬能已見矣及撫臣單騎入營貔虎之士不下數萬吳楚秦晉直欲以氣吞之此真百戰雄師天留之以資陛下也但原疏所謂破格加恩如侯伯等爵見者未免疑之臣獨以此彌服撫臣大畧也嘗讀史漢王追項羽至固陵諸侯期會不至張良勸王睢陽以北至穀城皆以王相國越自陳以東傅海皆以與齊王信梁楚九郡一時分割殆盡似爲非

計然不如是項藉不亡誠以事機頃刻自非可以常見測度也今諸侯一時併侯必有謂其野性難馴者有謂其尾大不掉者然使不少如臣請必且發憤陸梁掉臂而去轉而復合于野皇上度半楚力能辦虜復辦寇乎借使能辦亦須糜餉數萬殺人數萬血戰而僅克之楚力已竭于西北而皇上不得一兵之用矣孰與不糜一餉不殺一人一紙詔書坐收數萬精兵之用哉難者必曰督臣何騰蛟僅晉伯爵而諸降將位列通侯不便節制不知官守戎索原自不同加恩晉爵須出不意非僅恃文法拘牽可以得其死力也使議論稍異意氣稍沮

張文烈遺集卷二下

五

滄海叢書

後日即以五等招之豈爲我用哉而何侯伯之足惜也且使數萬賊眾衝突橫噬諸臣有能爲皇上勦而定之雖欲不侯得乎進則焦頭爛額而退則曲突徒薪臣未見其可耳伏乞皇上念事功難成機會不再大破庸常之見速下招撫之請令胤錫卽監其軍乘彼銳氣會師金陵而我復整舟師浮海溯江以邀之彼將自潰孝陵可計日而見也臣家玉之俊不勝激切待命之至

遵旨回奏疏

欽命總督武興營軍務兼理糧餉聯絡直浙節制江西招勦賊賜銀印捧持御節便宜行事翰林院侍講兼兵

科給事中加服俸一級臣張家玉謹奏為遵旨回奏事  
臣五月二十五日閱邸報見督臣湯來賀一本為功罪  
不可不明良將不可不用等事奏聖旨謝志良十萬之  
眾豈盡精銳糧餉維艱掠奪宜免民不聊生亂必更甚  
謝志良兵現若干着差去翰科張家玉實實簡閱明白  
一面報聞一面即准湯來賀督領張家玉監理文武同  
心大建功績行在該部知道臣欽此欽遵看得謝志良  
夙懷俠烈久歷戎行去歲破家勤王大義也長驅建撫  
大勇也援絕糧盡羅雀掘鼠大忠也未奉皇命亦切同  
舟既捧皇言益深共濟已將其兵按名察閱老弱者歸

張文烈遺集卷二下 七

滄海叢書

農少壯者充伍將領十汰其八目兵十汰其九前者十  
萬今者一萬五款文冊隨卽上呈御覽矣但鎮臣志切  
滅虜微臣志切安民無糧而遽欲出兵猶驅虎豹而饑  
渴之禍更烈也皇上或多給以糧令其掃蕩中原或量  
給以糧令之肅清內地清內地者曲突徙薪之似也蕩  
中原者焦頭爛額之似也但一為上客一無恩澤圖封  
拜者或此冷而彼熱焉統惟皇上裁之督臣湯來賀忠  
清智畧人也皇上無以欲速而敗其成無以入粵而疑  
其志此人旗鼓人也似之伏乞敕湯與謝同行功成日  
可俟矣雖然臣更有請焉難兄志良能以勇名難弟鴻

位能以智著非勇不足滅虜非智無以安民合無於鴻  
位者量授兵曹嚴責以民安兵戢之任或者無韁之馬  
位有其韁無舵之舟位有其舵未必鎮民無小補也所  
請事例千金有奇皇上其無吝之臣家玉不勝激切待  
命之至

批答

隆武二年八月二十四日上奏 日奉聖旨

恭請敕書疏

欽命總督武興營軍務兼理糧餉聯絡直浙節制江西  
招勦賊賜銀印捧持御節便宜行事翰林院侍講兼兵

張文烈遺集卷二下 末

滄海叢書

科給事中加服俸一級臣張家玉謹奏為恭請敕書事  
二月二十九日辰時臣跪接敕書當卽出行不敢久稽  
但募兵非一日之積製器非一人之理臣所以請丁魁  
楚劉柱國顧元鏡等敕書亦謂滿盤打算胸有成竹之  
說也今爾我散漫不相為謀則所謂節節而度之葉葉  
而累之無復有竹矣天下盡忠而且智臣獨忠而且愚  
智愚之間任讓之別也他日有急皇上其無以尹鐸為  
少謹奏

批答

隆武二年三月初一日具奏初二日奉聖旨說得是

即准寫發家玉再留兩日方行御前中書張玄度限  
兩日催給該部知道

遵旨薦賢當促就列疏

欽命監軍承勝營聯絡節制招勦救賜銀印捧持御節  
便宜行事翰林院侍講兼兵科給事中臣張家玉謹奏  
為粵臣當促就列事臣聞中興與守成不同而中興用  
人與守成用人亦不同如龍飛閩甸也則西南當盡起  
兩粵賢者東北當盡起兩浙賢者猶之乎起兩浙也用  
三吳賢者亦如之起兩粵也用三楚賢者亦如之故薦  
賢多非市恩用賢多非濫冒亦曰有非常之主當非常

張文烈遺集卷二下

九

滄海叢書

之時用非常之人多多殊有以也臣去秋遵旨薦賢首  
及同鄉名逾數十皇上達聰明目不以爲訝一奉張家  
玉所薦多人當盡起用之旨再奉張家玉所薦多人如  
何未盡起用之旨而迄今半年來無一至者非敢忘君  
父也誠以難進易退者臣子禮義之大開而肖像圖形  
者君父旁求之大典需殷遇疎厥有故耳臣見里人道  
首輔吾駒冒險驅車忠勞備至繼而詣闕上書促同官  
子壯士俊者屢想當連茹拔茅矣若尙書李覺斯兵侍  
王應華察院梁士濟評事王葵日吏部關捷元中書陳  
世傑譚正國主事唐元揖總漕鄭瑜上林苑張正色推

官張備尹希臨舉人黎遂球尹自選陳鳴瑜楊玄申丁  
邦偵等貢生陳子升李貞等生員何如栻林洵尹體震  
尹弢尹鏗羅耀禎等布衣羅曙雲等臣再三疏薦未蒙  
部覆今除臣一面行催外伏乞皇上即日敕部咨行該  
督撫力疾催來諒諸臣者心君父之心急君父之難遵  
君父之命行當不俟駕也臣家玉不勝激切待命之至  
請錄輔臣之後大彰忠節之名以勵人心敦風俗

疏

張文烈遺集卷二下

十

滄海叢書

科給事中臣張家玉謹奏為請錄輔臣之後大彰忠節  
之名以勵人心以敦風教事去歲六月十一日皇上訪  
臣等于錢塘臣舉禮臣黃道周對龍顏喜曰得此商彝  
周鼎當爲廊廟羽儀臣竊喜喜皇上之知人善任也嗣  
後以兵單將懦身陷虜巢義士歎之以爲國體傷以爲  
士林惜憶客冬臣駐金谿輔臣貽臣手書曰道周老倦  
不能致遠爲皇上爲馬道周老憊不能任重爲皇上爲  
牛或者長夜冥冥提撕醒覺道周其皇上晨雞乎嗟乎  
此一雞也其聲喑喑如鳳之鳴其神軒軒如鶴之立皇  
上失此雞而不深加太息天下文武失此雞而不敢明



相哀也長夜冥冥何時旦哉昔楚人秦人移檄門雞楚人之雞善存少有失利輒垂頭斂翼而退秦雞忠悍好鬥身殉者秦人倣此意者以弋說頃襄王今皇上之後楚人有爲秦人倣此意者以弋說頃襄王今皇上之雞有後其毛爪其口也急取而卵翼之俾文臣知此晨雞武臣知此晨雞天下萬世知此晨雞夫使人人知此晨雞則人人不寐矣人禽之關係此一雞者豈浮鷗野雉得與較量一羽之重哉臣過平虜侯適見其都司柯符者歸自金陵道輔臣忠節不食平虜亦云有林逢經尹民興者誦其忠節等疏俱處處與臣口相合此其本

張文烈遺集卷二下

三

批答

隆武二年 月 日具奏 月 日奉聖旨輔臣黃道周精忠大節炤耀古今朕已御批旨意贈文明伯爵四子俱榮廕有差在鄉立廟日報忠福京立廟日

憫忠春秋致祭樹中興蓋輔坊於家遺詩勒廟門外俱各有旨行在該部知道

恭進武興營兵冊請定餉額疏

欽命總督武興營軍務兼理糧餉聯絡直浙節制江西招勦救賜銀印捧持御節便宜行事翰林院侍講兼兵科給事中 臣 張家玉謹奏爲恭進武興營兵冊伏乞聖明分覽總覽以定餉額事臣營兵冊有綱有目從其目而覽之每營署叅將一員署都司五員署守哨二十五員署隊長七十五員兵一千五十名從其綱而覽之叅將凡十一都司凡五十守哨則二百五十名隊長則七

張文烈遺集卷二下

三

三

百五十名兵則萬五百名此各營分數全營總數也其姓名則籍貫年貌五款犁然在冊冊凡十而方獻其九以火攻一營募在東莞尙容續報其九冊中比前報而稍更一二則以其不堪者臣汰之如都司汰去陳攀而補洪枝守備汰去謝鳳而補劉豹之類是也其不軌者臣殺之如都司殺去陳之靖而補鍾之振守備殺去賴瑞而補林之秀之類是也若夫每冊中或尙少一司兩司每司中或尙少一哨兩哨每哨中或尙少一隊兩隊非叅錯也其兵或膽壯而藝不精或藝精而膽不壯或藝精膽壯而性情凶暴必也推敲幾次而後入冊故挑

選未及者宜虛其名而直告君父決不敢苟且塞責飾觀聽而罔宸聰也竊見今爲督師者懸劄于上曰爾集兵若干與爾總兵懸劄于上曰爾集兵若干與爾參將懸劄于上曰爾集兵若干與爾都守不踰時而百之不終朝而千之不旬日而萬之募兵者以淫掠兩字爲勸駕充兵者以淫掠兩字爲生涯主將只三分賞犒而不自愧爲薄士卒只三分賞犒而不共訝爲廉上下心意非爲皇上出力也非爲皇上滅虜也其耽耽欲食者曰某寨某庄某社而臣故曰兵以無糧之故而寄食于民以苦兵之故而乞命于虜天下事所以至

張文烈遺集卷二下

五

滄海叢書

此極也閣臣王廷麟督臣萬元吉樞臣郭維經忠謀遠慮知某兵之無紀而却之知臣兵之有律而呼之但以無糧不敢輕發伏乞皇上實爲武興營辦足糧餉源源接濟臣雖拋祖父棄墳墓馬革裹尸無復恨也兵册進呈伏祈賜覽 臣家玉不勝激切待命之至

恭進武興營節制請裁酌疏

欽命總督武興營軍務兼理糧餉聯絡直浙節制江西招勦救賜銀印捧持御節便宜行事翰林院侍講兼兵科給事中加服俸一級 臣張家玉謹奏爲恭進武興營節制伏乞聖明裁酌事兵法曰治眾如治寡分數是也

誠得分數而治之什五不爲少百萬不爲多韓信所謂多多益善善其分數在握也臣營營號欽賜武興約兵萬餘中分五營外營兵數相等不等則有此輕彼重之嫌中營兵數相倍不倍則無居重馭輕之勢五營參將五員每參將各統都司五員兵一千七百五十名每都司各統守哨五員兵三百五十名每守哨各統隊長五名兵七十名每隊長各統兵十三名實兵十名挑夫二名火兵一名監軍一員則總稽全營功罪監紀五員則分理各營餉務守備五員則分運各營鹽米而又有附中營者監紀二員參將二員都司四員守備十二員隊長一百名兵一千三百名中分一半爲遊兵一半爲親兵親兵者擁護中營之用也遊兵者策應各營之用也策應捷則呼吸靈擁護尊則彈壓重此全營統轄各營分轄之制李靖所云大陣包小陣大營包小營是也至是文武圍隨古制所重毋務爲多多則糧或漏卮而溢觴之患起毋務爲少少則事多延擱而叢脞之患生臣中道而酌之文臣則取之軍外武臣則取之軍內軍內者抽用而仍歸實用也實用在則內取而非代庖軍外者別用而仍歸合用也合用周則外取而非駢踣試以主將言之則有如中軍旗鼓贊畫參謀之類則有如敕

張文烈遺集卷二下

五

滄海叢書

印旗牌掌號教練之類則有如偵探塘報掌稿書算之類則有如金鼓旌旗寶纛輿馬之類則有如火把竹木油鐵刻印種種工匠之類則有如銃炮火藥衣甲器械種種搬運之類三百員名不足也而儉而制之而取此數以監軍監紀言之則有如輿馬之類則有如家丁之類則有如掌稿帖寫之類各十二名而不足也而儉而制之而取此數此文臣取之軍外者也若夫一叅將也四司者其環衛中司者其中軍矣則當于中哨者撥中隊者以作圍隨一守哨也四隊者其環衛中隊者其親兵矣則當于中隊者撥四卒以作圍隨有全哨者七十

張文烈遺集卷二下

三

滄海叢書

名而用之而叅將之中軍旗鼓種種不乏人矣有全隊者十四名而用之都司之中軍掌號種種不乏人矣有本隊者抽四名而用之而守哨之識字一名馬夫一名認旗一名家丁一名種種不乏人矣武取之軍內者止矣此武畧大畧也小試行道之端暫奏江南之捷由此而千萬百萬焉由此而燕南燕北焉由此而漠南漠北焉皆此物此志也化而裁之神而明之復一統之規模垂萬年之鴻業總曰仗皇上之威之德而已總曰仗皇上之威之德始終勿替而已臣家玉不勝激切待命之至

恭進武興營文臣姓名疏

欽命監軍武興營軍務兼理糧餉聯絡直浙節制江西招勦勅賜銀印捧持御節便宜行事翰林院侍講兼兵科給事中加服俸一級臣張家玉謹奏為恭進武興營文臣姓名伏乞聖明裁酌事語有之曰國以武取以文守又曰以武興以文成言文武兼資偏廢不可也臣營監軍則有公忠端介職方李梓者其人而五營監紀則一日生員黃淵一日生員賴應殿一日生員何如栻一日推官尹希臨一日廩生湯廷璉此五臣者以之治兵則韓范之亞以之措餉則劉趙之輩也而廷璉者忠孝性成經綸素裕久親行伍夙任疆場聞輔臣楊廷麟蔣德璟甚器之則其人亦大概可見矣伏乞皇上加以兵職方銜匡臣不逮而何如栻尹希臨賴應殿黃淵則乞以實推官與之臣不勝激切待命之至

張文烈遺集卷二下

三

滄海叢書

批答

隆武二年 月 日具奏 日奉聖旨所請各官先令以署銜署事還俟兵伍有成督押至贛同督輔察詳具奏方准實授取用行在該部知道

恭進武興營武臣姓名疏

欽命監軍武興營軍務兼理糧餉聯絡直浙節制江西

招勦救賜銀印捧持御節便宜行事翰林院侍講兼兵  
科給事中加服俸一級臣張家玉謹奏為恭進武興營  
武臣姓名伏乞聖明裁酌事臣聞上之奔走乎下下之  
奔走乎上道德而下曰功名而已功名之路已狹則登  
進無門而志士心灰功名之路太寬則梯進貽羞而賢  
豪之路冷前者臣監丞勝一軍所遇非府衙則官銜非  
腰犀則腰玉是皇上鴻圖正在方興之始而諸臣名位  
已在結果之時暮氣從戎天下事所以不濟也然臣營  
雖大副總以上一名不與也五營署參將五員一曰涂  
良臣一曰吳勝一曰徐應欽一曰賴其楹一曰鍾勝山

張文烈遺集卷二下

三

滄海叢書

而參將所部者各都司五員隸涂良臣者則都司涂士  
有涂世旺張昇俊劉興宇丘鼎其人也隸吳勝者則都  
司馬思駿張以達彭應甯古應成古珍其人也隸應欽  
者則都司徐應華宋秋黃勝黃思益賴彩夫其人也隸  
其楹者則都司丘汝謙黃一珍賴蘭夫張侯陳雄其人  
也隸勝山者則都司吳蒙啟劉憲章陳九雲張琦陳清  
其人也而都司所部者各守哨五員涂良臣之都司涂  
士有則有守哨如張士選張士瑞劉興祥涂汝雲涂侯  
者若而人都司丘鼎則有守哨如徐惟啟卜應龍丘輔  
丘弼劉勇者若而人都司張昇俊守哨如葉魁涂翰

古金鍾亮陳權者次第而起矣而都司徐世旺守哨如  
張立昌何顯張習黃運馮旺者亦次第而起矣而都司  
劉興宇守哨如涂殿芳涂畢顯涂應哲賴日運曾昌者  
又次第而起矣吳勝之都司張以達守哨如曾培良劉  
日勝李信鍾勇黃富者若而人都司馬思駿則有守哨  
如范良佐黃榮標黃吉馬驥馬騰者若而人都司彭  
應甯守哨如鄒榮貴李啟新盧日睦吳羣徐球者次第  
而起矣而都司古珍守哨如古應寶古永蘭林洪林衡  
丘寅者又次第而起矣徐應欽之都司徐應華則有守  
哨如徐勝有徐士彥林天毓傅永興徐鳳者若而人都

張文烈遺集卷二下

三

滄海叢書

司宋應秋則有守哨如宋鼎宋秀馮龍巫海馬瑞者若  
而人而都司黃勝全則有守哨如黃汝煥黃桂如黃興  
黃貞鍾福者次第而起矣而都司黃司益守哨如卜尙  
九黃德緒黃汝欽黃一鳳黃唯式者亦次第而起矣而  
都司賴彩夫守哨如賴美夫賴眷夫賴其哲賴鳳賴順  
者又次第而起矣至若賴其楹之都司丘汝謙也則有  
楊時英羅一俊丘純明丘豹者為之守哨都司黃一珍  
也則有謝習通黃應科傅秉祥劉承德陳可美為之守  
哨而守哨賴福賴廷利賴思賴權黃行者則聯屬都司  
張侯焉而守哨黃瑞李茂張福林通謝振者則又為之

聯屬都司陳攀焉鍾勝山之都司蒙啟吳也則有鄉顯  
翼吳孔任張全吳信曹顯者爲之守哨都司陳清也則  
有鍾奇陳進洪新陳華曾實者爲之守哨而守哨杜興  
吳龍馮英曾德陳盛者則聯屬都司陳九雲焉而守哨  
張慶張哲張忠張靈廖興者則聯屬都司張琦焉而守  
哨陳錦林輝鄧昭林孝林春發者則又爲之聯屬都司  
劉憲章焉然合而言之曰守哨則何也夫參游以上官  
尊則祿厚厚則等而殺焉故守也而守之以見大臣上  
所重而虛左之以待懋功懋賞之賢哨職以下官微而  
祿薄薄等而上焉故哨也而守之以見小臣上所念而  
先賞之以俟舉旗斬將之功一營制間而爵賞之秩抑  
寓焉也臣不勝激切待命之至

張文烈遺集卷二下

三

滄海叢書

批答

隆武二年 月 日具奏 日奉聖旨姓名俱知道  
了俱如擬疏內將數百人從之橫之顛之倒之方之  
圓之曲之直之已具陣法中奇正如環之妙家玉有  
能將聲着卽大奏膚功以膺爵賞行在該部知道

請鑄給武興營文武關防疏

欽命總督武興營軍務兼理糧餉聯絡直浙節制江西  
招勦救賜銀印捧持御節便宜行事翰林院侍講兼兵

科給事中加服俸一級臣張家玉謹奏爲恭請武興營  
文武關防伏乞聖明鑄給事皇上賜營武興賜臣銜曰  
監督總理所統馭者兵馬所出入者錢糧任至重也而  
關防未賜舊用文曰監軍永勝營甚爲未便乞皇上定  
文卽敕禮部鑄焉至五營武臣乞賜文曰武興前營關  
防武興後營關防而中左右亦如之親兵遊兵兩營乞  
賜文曰武興前營監紀關防武興後營監紀關防而中  
左右亦如之遊兵親兵兩營亦如之此皆關係錢糧兵  
馬分合出納之用決不可少決不可緩伏乞聖明卽日  
敕部鑄給仍敕御前專官一員立限催發則微臣兵馬  
刻日長驅光復可翹足而待也臣家玉不勝激切待命  
之至

張文烈遺集卷二下

三

滄海叢書

批答

隆武二年八月十五日具奏奉聖旨准卽鑄給發  
招勦鎮平三渠伏誅疏

欽命監督武興營軍務兼理糧餉聯絡直浙節制江西  
招勦救賜銀印捧持御節便宜行事翰林院侍講兼兵  
科給事中加服俸一級臣張家玉謹奏爲萬兵羣集三  
渠伏誅招勦已有成勞中興在此一旅事竊唯潮郡之  
有鎮平也僻處萬山衢通三省東有胡椒石磔之險西

有長潭晉嶺之鞏南北有幽坑峰徑之固崖懸鳥道路掛羊腸先年大墩鍾凌秀虎嘯十有餘萬半壁蹂躪朝廷費數十萬金錢數十萬兵馬不能得所欲後為平虜削平今者蔓延又復四起三月激變攻圍程鄉撫臣劉柱國詞臣李士淳以胆許臣拜而送之令人虎穴臣六月初九日天子重臣有家玉者其人也但初入時半順半逆者有之陽順陰逆者有之臣赤手空拳計無所出萬不獲已集知縣曾文琦職方賴其肖推官應選等議之以為岳飛收楊公不過以寇攻寇班超出絕域不過以夷攻夷今何不可以賊殺賊而一時同事頗善臣策

張文烈遺集卷二下

至

滄海叢書

旋即多金以間之始則斷其手足之助離其心腹之託繼則斷其手足為我手足離其心腹為我心腹手足斷而彼孤心腹聯而我壯于是陳疑境外以張必勦之形但任局中以開可撫之路下令曰爾等為賊為良未得分也今與爾鎮人約妄殺良者為賊能殺賊者為良名節以動之爵賞以欽之利害禍福以危之而一時鼓舞斬捕殆盡又懸重賞以購其首有渠魁陳靖呼夾翼虎賴伯瑞呼秃爪龍鍾獻達呼獨角蛟者不旬日首級獻臣麾下由是鎮將之忠者益忠不得不依臣為命鎮賊之殺者盡殺不能復與臣為難矣此皆仗皇上威靈文

武方略故臣赤手空拳敢于招勦并用若此嗣後與曾文琦賴其肖等親詣各鄉各社點烟戶編保甲嚴夜出之誅申連坐之法皓首歸農者十萬有奇皇上無民而有其民矣蒼頭充伍者十萬有奇皇上無兵而有其兵矣獨恨所少者糧耳夫臣入潮五月閱支糧僅一百三十餘兩此外分文無有投納僅一百五十餘兩此外分文無有而金鼓旌旗火藥銃炮皮牌拒馬種種具備匪若他人兒戲逍遙漫無措辦者比也臣教之坐作進退者三月教之親上死長者三月既云有勇亦號知方匪若他人烏合獸散漫無訓練者比也臣獲首擒渠威厲而鎮人不敢負臣生死骨肉澤被而鎮人不忍忘匪若他人乞命綠林漫無戎索者比也伏乞皇上為臣籌畫餉出何地餉支何項餉運何人則提節制之兵乘不乏之餉恢疆滅虜固本安民臣實足當一面也臣不勝激切待命之至

張文烈遺集卷二下

至

滄海叢書

批答

隆武二年 月十五日具奏 日奉聖旨據奏勦撫鎮平十萬及大憝夾翼虎秃爪龍獨角蛟等足見宗岳方畧朕心喜慰錢糧着何措給發該部速行酌給毋得遲悞

召兵措餉早圖捷伐疏

欽命總督武興營軍務兼理糧餉聯絡直浙節制招勦江西敕賜銀印捧持御節便宜行事翰林院侍講兼兵科給事中加服俸一級臣張家玉謹奏為閣臣呼兵口血已焦詞臣措餉心血已竭謹陳餉有易領之項領有易完之限餉有易督之人伏乞皇上允行俾得早圖捷伐事閣臣楊廷麟貽臣手書曰湖東父老酷遭虜虐日夜望大軍旗鼓一如饑渴雲霓志切聞雞心雄鼓楫實欲執弓挾矢與大賢周旋幸魏公早出以寒賊膽而一日間告急文書凡三至閣臣忠以懇臣則稽延多罪

張文烈遺集卷二下

三

滄海叢書

也詞臣李士淳承皇上練兵措餉之命僕僕興長程鎮間持鉢沿門有如老衲而又遣其子職方李梓極力多端遇富而賢講仁義遇富而愚講利害卒之忠義感發得餉二萬有餘詞臣忠以勞臣則晏安多罪也雖然臣則何敢有罪臣到惠潮支餉止得一千三百餘兩撥納止得一千五百餘兩而臣兵臣將蒼頭一可當百者五百有奇一可當十者三千有奇一可當五者五千有奇而又金鼓旌旗銃炮火藥種種俱備步伐止齊進退分合種種俱熟獨所少者糧耳夫有糧則有制有制則百姓親士豫附百姓親則我勢壯而虜勢孤士豫附則英

雄出而奸宄絕彼孤我壯則且有簞食壺漿之利則且有買賣鹽米之利則且有嚮導偵探之利不然者孤軍深入而殺人求食彼逸我勞彼飽我饑始而我畏終而我害矣此出彼絕則有牽制扼守之助不然者孤軍深入而殺人求食彼熟我生彼主我客始而為虜用終而為我敵矣鄧禹見光武曰廣攬英雄務悅民心韓信料項羽曰所過糜滅其強易弱孟軻曰得乎丘民而為天子之三子者開疆闢土之奇才之三說者定霸圖王之勝算也彼遊說者曰無處非兵無處非餉金陵指日可復孝陵指日可謁此大話騙官小監子耳臣也不然臣

張文烈遺集卷二下

三

滄海叢書

因無糧雖謗書滿篋臣不敢出雖彈章滿牘臣不敢出而或者曰子言誠是矣皇上則知子矣然點金者術窮無米者炊窮聖上雖明如巧婦何則請有說以通之計君相所持以圖恢復者粵餉耳粵餉多則一百二十萬少則一百萬又少則八十萬此外不能不取之撥納不能不取之捐助今者廣州各府現貯有童資三萬餘兩現數有勸助三萬餘兩乞皇上於童資者特遣台臣林之蕃移文領之而更多方以納之於捐助者特遣按臣顧之俊立限完之而更多方以勸之總令督發軍前如是則給有其項完有其限督有其人可不負忠懇之楊

廷麟忠勞之李士淳矣然則問臣何日出兵臣跪對曰糧到之日即是出兵之日問臣何日立功臣跪對曰出兵之時即是立功之時非孟浪也勝兵先勝而後求戰敗兵先戰而後求勝兵法曰先爲不可勝以待敵之可勝又曰善戰者立于不敗之地而不失敵之敗選將練兵儲糧制器則所謂爲之立之之具也曰待者兩軍相持之候曰不失則免起鵲落搗之必及其虛投之必中其瑕是也臣頗講實話伏乞皇上俯而聽之臣不勝激切待命之至

批答

張文烈遺集卷二下

美

滄海叢書

隆武二年八月 日具奏 日奉聖旨據奏閣臣楊廷麟詞臣李士淳措餉召兵知道了有餉則有節有節則百姓親士豫附甚爲根本之論重資捐助二項果有實數該部酌議

泣血陳情疏

欽命總督武興營軍務兼理糧餉聯絡直浙節制江西招勦御賜銀印捧持御節便宜行事翰林院侍講兼兵科給事中加服俸一級臣張家玉謹奏爲泣血陳情事臣祖布衣張明教皈依孔孟學行端純七歲讀書髦而不倦年舞象應童子試不遇輒已不肯趨捷徑緣吹託

坐是終身艱一第晚歲怡情詩酒聽座客談兵輒起舞而老眼卓識尤預知家國廢興大事憶乙酉春臣客遊金陵牽臣衣曰太祖孔子皆聖人也孔子好處在作春秋俾亂臣賊子懼但孔子口教太祖身教口教者立說著書垂訓萬世若我太祖表正華夷蕩除賊亂變辮髮肅冠裳直將孔子全部春秋一身做辦出來老眼觀之孔子賢于堯舜太祖賢于孔子太祖未有不中興者也而南都卿相未善奉行則不先不後今年來年當有白水黃衣奮起建非常之業我孫此去定有遭逢當放出大眼孔大手段爲太祖做一番事而夏六月臣果攀龍

張文烈遺集卷二下

美

滄海叢書

麟附鳳翼遇五彩于錢塘臣祖預識廢興何明效大驗也今秋七月臣祖左股瘡患痛絕書來曰我與孫數年別萬里遠今幸抵惠陽離家僅百里許能否請歸見我一面臣以身任封疆義不敢出只得血書差人代候今不幸八月十一日遺書永訣棄臣死矣臣罪深福薄竟爲鎮平一旅俾我祖孫骨肉摧斷心肝悲切形容衰毀骨立然不敢不哀哀告我君父者一以見臣拋祖父棄墳墓則知在鎮定非道遙一以見我聖人純孝天植慈惠性成必也哀憐其祖孫所有送臣一章勉臣一章與臣永訣絕筆一章大義孤忠仰符聖學萬乞勒之史館



被之管絃無俾海濱逸叟善言善行湮沒不傳則聖明  
慈孝天下之大也臣吞血飲淚整頓貌狝誓必跨章江  
渡采石下淮淝學虞謝諸賢俾臣祖雍容含笑曰吾孫  
善事隆武果不負吾遺囑也則臣報吾君吾祖之日矣  
泣淚哀鳴唯君父少垂憐焉謹奏

乙酉春臣祖明教書扇頭送臣家玉遊金陵一章

胡人猾亂薄弱者引爲事不可支若果參天贊地之儒  
定當有白水黃衣相與于風塵厯落昔靈武之有唐也  
鄯南之有漢也間關仗策類多孫玉其人勉矣前途願  
言珍重

張文烈遺集卷二下

三  
滄海叢書

丙戌春臣祖明教寄書勉臣家玉一章

天下無半上半落之人小人不到十分無以動上天之  
所大怒君子不到十分無以動上天之所大服猶之乎  
相去不遠也是故知之至行之盡君子必立其誠

丙戌八月十一日臣祖明教遺書與臣家玉永訣

一章

家人歸道爾一身關程鎮安危程鎮關潮惠安危潮惠  
安危則輦轂攸係矣今而知曰歸曰歸爾戀祖至情也  
曰歸曰歸而竟不得歸爾忠君大義也夫沈涵于酒荒  
淫于色貨殖自封子聖自雄弗順上下速戾厥躬亡國

主也今盡反其道而行之不貪財不飲酒不好色尊禮  
愛民從諫若流太祖中興隆武其爭氣乎爾家玉其善  
事之無以老人殘喘爲念也余天年盡矣齋戒沐浴扈  
從高皇行將駐杖梅峯盼爾跨章江渡采石下淮淝學  
虞謝諸公搔我一痛則龍車鳳輦定在孝陵松栢間也  
爾果有成余死奚恨 隆武二年八月二十四日上奏

江寧孫去疾谷級初校

番禺沈宗疇太侔覆校

張文烈遺集卷二下

三

滄海叢書

張文烈遺集卷二

滄海叢書第一種

張文烈遺集目錄

卷三 帖諭

諭黃元吉等

諭張吳賴三將

諭家人趙承亨

卷四 書

與楊司農書

致謝鎮北將軍

與佟養甲書

附佟養甲來書

張文烈遺集目錄

答佟養甲書

覆某王書

附某王來書

附李在公來書

答張翰林書

致何師書

卷五 序 祭文

梁都督詩序

祭楊邦達文

卷六 詩

張文烈遺集

東莞張伯楨子幹編輯

漢壽易順鼎寶甫校訂

卷三 帖諭

諭黃元吉等

欽命總督武興營軍務兼理糧餉聯絡直浙節制江西招勦賊賜銀印捧持御節便宜行事翰林院侍講兼兵科給事中加服俸一級張帖諭黃元吉三十六人等本翰科奉敕募民蒐羅豪傑一切草澤翰科俱得而拔擢之翰科俱得而拂拭之爾元吉姓字時在翰科耳中爾

張文烈遺集卷三

十

滄海叢書

元吉性情時在翰科意中也有客傳爾元吉曾一日酒餘狂叫曰元吉不能為治世能臣難道不能為亂世奸雄跡其一種孤憤無聊不勝知己無人之感識者未嘗不憐其才悲其遇也今有同鄉於此上為天子之所信下為蒼生之所倚以之做文而不愛錢以之做武而不惜死而且開誠布公延攬結納此其人果否至誠君子乎果否足為爾主將乎昔岳飛與張用同出相州飛書諭之曰吾與汝同里南薰門鐵路步之戰皆爾所悉今吾在此戰降惟爾用得書曰果吾父也遂歸而平江淮今翰科恩信不減岳侯而元吉不能自比一張用亦大

不倫甚矣易曰匪我求童蒙童蒙求我本翰科未嘗輕  
出一字也而獨於爾致書亦謂天生隆武而有翰科天  
生翰科而有元吉莫爲元吉之上三十六人之侯伯不  
成莫爲隆武之下三十六人之侯伯未卽就也儻再遲  
疑甘自暴棄則元吉眞大愚人眞大不肖人本翰科便  
將馳入爾營數爾罪狀痛罵而出痛哭而別特諭隆武  
六月十三日按是時元吉得書感激  
流涕明日以一萬五千人降而潮惠平

諭張吳賴三將

欽命總督武興營軍務兼理糧餉聯絡直浙節制江西  
招勦救賜銀印捧持御節便宜行事翰林院侍講兼兵

張文烈遺集卷三

二

滄海叢書

科給事中加服俸一級張帖諭張將駝二吳將尙旌賴  
將玄等天地間人之邪正理之是非幾之禍福靡有定  
也智者轉之愚者迷焉大憝黃元吉感邪紳之惑背翰  
科之招嵩口虎踞辱及綸扉永定鳴張陷及城郭屠戰  
萬池爲血焚燒萬寨爲煙罪惡貫盈神人欲殺本翰科  
義不敢赦今爾等密承上意殺此元兇此功名之門而  
富貴之路也昔黃佐感岳飛一言反揚么襲周倫若殺  
其統制陳貴等飛上其功遷佐武功大夫今爾殺元吉  
等其功不出黃佐之下本翰科欲倣武功大夫例爲爾  
等請官爾等豈有意乎毋行宵小之謀堅佩正人之訓

清部曲嚴節制老弱伏之歸農少壯籍之充伍江楚爾  
立功之地寇虜爾立功之人翰科爾成功之將隆武爾  
成功之主功名富貴不可量也金花二樹彩紅二端牛  
酒二種圖爾後効獎爾前勞嗚呼遺正者取禍之基禁  
非者錫福之極爾等爲元吉之反唯爾爾等爲元吉之  
續唯爾特諭

諭家人趙承亨

欽命總督武興營軍務兼理糧餉聯絡直浙節制江西  
救賜銀印捧持御節便宜行事翰林院侍講兼兵科給  
事中加服俸一級張帖諭家人都司趙承亨窮僕築圍

張文烈遺集卷三

三

滄海叢書

是饑作飽聲一不可也我船數隻欲擒大敵是狼作虎  
威二不可也聚衆千百衆行淫掠臭名歸爾三不可也  
亂世只宜好靜不宜好動戒汝三事乃全軀遠禍之道  
耳國破家亡我將及難難至應死無事徬徨所囑者八  
十之婆婆五十之爹爹五十之娘娘爾宜匡助爾宜呵  
護嗚呼天不負我忠我不負爾義切諭隆武二年十二  
月十八日

張文烈遺集 卷三終

張文烈遺集

東莞張伯楨子幹編輯

漢壽易順鼎寶甫校訂

卷四 書

與楊司農書

王室板蕩正賴大君子極力匡扶儻無事則慷慨在衆人之前有事則疑畏在衆人之上此非松柏後凋之概也我輩做人正於患難處做好題目正於患難處見好文章譬之雪裏梅花愈香愈瘦愈瘦愈香譬之霜林松葉愈茂愈寒愈寒愈茂詩曰心契九秋幹目玩三春蕙

張文烈遺集卷四

一 滄海叢書

伊誰契伊誰玩也細讀尊札一則曰杜某不必調來一則曰尙宜調鎮將守程邑匪唯示我以難行之事挾我以必從之勢此以知騶從無來意也今早尊札問來與否不過恐程有事欲以鎮爲退步耳鎮中貔虎數萬矯矯有吞胡氣貝勒發來瓣髮四人招搖勸諭衆將羣起而剛之觀其頰間淡出忠汗奕奕此可用戰至若張將駝二猪婆熊等將皆聞風附弟同心起義已碎虜牌殺虜使以明歸我之篤天下事尙當奮臂而起安可付之無可奈何與巾幗女子爲伍耶家玉罪過深重致隆武徒步踉蹌太公死骨拋棄國難家難交集一躬日夜椎

心仰天恫哭所自憐者家玉才德涼薄不足動高賢感君子徒博孺子之稱安敢怨天尤人自羞寡助哉情隘詞蹙不知所云知我罪我統唯尊命

致謝鎮北將軍

恭惟大將軍麾下浩氣凌霄丹心貫日獨羨軍中韓范僉云閩外孫吳洗耳封狼拭目圖麟大丈夫不當如是耶六月十一日不佞杖策間關隨諸君子後擁戴皇上於杭卽位於閩今三閱月耳闖逆及湖南重賊蕪淪魚趾諸國一聲大呼越裳重諾貢金各百萬計韓淮陰所

張文烈遺集卷四

二 滄海叢書

謂陛下天授匪人力也昔光武起南陽也以高祖九世孫爲長沙定王後建元乙酉卽位六月其兄伯升兼有朱鮪李軼之難今皇上起南陽也則同定王後也則同傳九世也則同建元乙酉卽位六月也而且兄弟之難父子之難常變又無不準也揆之天命旣已如此度之人事又復如彼舍此將奚適耶彼耿弇以漁陽上谷控絃萬騎迎漢廣阿竇融守西河遣使詣雒陽光武兩兩悉優遇之今天子大度遠過光武將軍自待遠過竇耿吾知其必有合也茲乘輿且至矣我等急當戮力中原滅此朝食無以賊虜遺君父憂可也但所囑者萬祈嚴

東部伍勿擾民間一草一木而復不失蒼生之望不傷明主之懷不佞當卽告之君父商之勛閣量于本地設處錢糧當不至三軍枵腹也識時俊傑唯將軍圖之

與佟養甲書

大丈夫得志則立事功失節則存名節名節不姤事功之儒猶事功不姤名節之儒也天下固有事相反而理相需賢豪各有志也玉齋出曲江爲明德後燕京罵賊不屈隆武帝嘉之寵我曰我以子子爾爾以父父我受明恩重下髮背之不忍坐是浮沈賣卜一輩以俟魏天佑至匪係蓄謀懷異欲與麾下爲難也不謂仇怨中傷

張文烈遺集卷四

三

滄海叢書

崑鹿爲馬凡增城東莞一帶招兵告示曰玉告示招兵書札曰玉書札致令塘報吠影吠聲而左右不察或中疑團或動殺機謂玉者當執而誅族之嗟乎明公舉動得失人心向背攸關今旣不能卑牧厥躬禮賢下士而徒以誅族二字危士大夫識者以爲過矣夫留髮召號謂之起義留髮棲隱謂之守節起義者明公之所已也忠則必殺之而快守節者明公之所羨也羨則必殺之而慕玉乃殺而可慕之人非殺而可快之人此中懸絕止尋尺之謂乎昔宋臣忠壯李邈當金人下令髡髮死不屈青史猶亟稱之今玉罪案與李死等耳故不以金

之罪李者罪我而乃借題起義甚賢者之禍快仇者之心毋乃生殺由人爲明公盛德累乎夫髡髮之令苛吾義士李忠壯此金人之虐非敢辭於新法也辦法之令恕吾道士謝昌言此積翁之賢非敢望於明公也請下令曰玉法當死但死於守節者例非死於起義者例則公罪昭明人心悅服雖鼎烹車裂玉其何說之辭

附佟養甲來書

入粵匆匆未遑掘謁高山之仰夢寐爲勞邇者海寇陸梁動稱張府雖圭璋之質不染微瑕而舉動紛紛人言亦大可畏矣邇乃旣叨九里之潤敢邀

張文烈遺集卷四

四

滄海叢書

一顧之榮儻肯脂車觀光羊石則握手之歡固不敢以儕偶相伍如見拒已甚何難立驅健兒以得見君子爲快也何如

答佟養甲書

恭惟明公麾下偉男子也提孤軍下江南驅使英雄網羅賢達望丰采者知爲顏伯希憲一輩劉志呂錢夔諸傑所非敢望萬一也邇者明公應手奏功之會正玉撒手辦節之時成也千古賢敗也千古賢我兩賢固未嘗相厄也不圖仇謗四興飛殃駕禍誣我起義之事成我殺身之名遂致投杼欲執而誅戮之抑何三致告之毒

也明公銜命入粵但能卓立殊勳如張將軍弘範故事  
稱威烈矣而乃勞勞為某報仇高明者固如是耶捧誦  
瑤函恩威交致一似動以爵祿之慕一似危以滅族之  
誅嗚呼善矣雖然天下唯德與仁可以服人明公儻德  
盛仁至天下士願出其門自當有奔命恐後者如徒相  
劫以力相逼以威自好者猶能麾之不去招之不來矧  
孔門高弟太祖孤臣如玉其人者安可以不賢之招招  
平生之殺之惟明公命榮之辱之惟明公命

覆某王書

亡國大夫罪過山積明公既不我棄復念我官厚矣厚

張文烈遺集卷四

五

滄海叢書

矣雖然人各有心不可奪也王之寶惜此髮也拔去一  
髮即禪我以清朝天子猶且不屑拘拘官爵豈足云乎  
已矣先生且休矣

附某王來書

昨奉書左右情詞盡矣不謂訑訑之聲色拒人於  
千里之外也百意所難者得毋雞髮兩字乎夫楊  
子不肯收一千萬利天下軻也譏之某以為苟利  
社稷雖受萬金自當賢豪所薄也然得位行  
道與人言為何如

附李在

燕山握別幾歷滄桑我生不辰彼此應同永歎乎

閩地龍飛萊公宜力許籌之戰新城之守偉矣孔

門鑽鑰非盟翁不可矣若輩愧死奚止采石虞公

當日事乎邇者清明禪受義士非之然某以為溝

瀆自經何如出救蒼生之為大也請以得用大賢

為體某以得薦大賢為快昔張將軍弘範置酒勞

文丞相曰相公心盡矣若肯改事宋者事元將不

失為宰相明公豈有意乎吾聞之聖人不凝滯於

物而能與世推移孔子所為疾固也仰候興居萬

惟珍重

張文烈遺集卷四

滄海叢書

答張翰林書

蘇長公有言女不幸以節見士不幸以忠見不謂兩字  
交萃於玉一身也曩者猥蒙枉盼抵掌時艱澄清之志  
王久矣有愧祖生矣將謂澤畔吟吟浮沈問小意可脫  
風波而免塵點詎料叛賊某其錦青蠅無端流謗俾玉  
既放之冷腸頓成熱血數斗雖然歲旂之舉甲兵固豫  
加乎市而豈非此際乎自如其之在也豈  
不為之痛乎昔仲卿而况諸侯乎東漢之末中歲  
以爲時好也誠恐世之效其節者多矣其  
要為忠臣平昔所為玉節

不屈致有鳳樓之慘七日不食鞭撻不改此皆足下同  
難中目覩殆非屬耳食輩也繼荷大塊得忝里旋賊又  
百計貪緣買囑下尉幸玉銅肝鐵膽不遂鷹謀至隆武  
帝有子我之恩又有登壇拜印之寵猛士雲屯謀臣雨  
集指揮萬里呵叱風雲爲玉也不亦壯哉然猶散髮東  
歸以占風候識者曾已以心折矣何天網恢恢疎此老  
賊不早殲擊又爲犬戎爪翼以快私仇今日設捕兵明  
日出游哨大張威武下合村愚敢有藏逆賊張家玉子  
姓者斬必欲一網幽魂而甘心一族焉甚者伐祖墓墮  
祖祠無祿枯骨亦至此極耶玉與此賊不共戴天勢爲  
騎虎惟足下與玉原屬弟兄而爲韓素志早已共矢覆  
楚亡秦先人有之正不妨再見也茲卜九月初旬爽氣  
秋高龍山落帽斯時也橫十萬之衆登越王之臺大吼  
靈變雲鳥旌旗冉冉三軍指顧中是玉來也豫與足下  
聞之

致何師書

李西平不患無人非裴晉不可老師果有意乎門生卽  
當拜伏道傍遙聽德音曷勝欣禱

東莞張伯楨子幹編輯

漢壽易順鼎實甫校訂

卷五 序 祭文

梁都督詩序

夫詩之傳也豈不以人哉從昔忠臣孝子貞夫烈女或處宗社之變或罹家室之慘每多感憤流連發而成詩古三百篇良有以也年來縉紳士儒好為吟詠覽其詞章句帙類皆褒忠刺佞亦甚豪舉當腥羶流毒拜犬羊為君父者十常八九矣傷哉平日褒忠刺佞一何大相

張文烈遺集卷五

八

滄海叢書

刺謬耶卑卑此輩烏可詩予孤臣也癸未春榮官歷清華上選職兼兵禮兩曹觀載道之狂胡正在提軍斬滅時有梁子化長繼起揭竿誓同義舉以梁子之為人磊落不羈徜徉天地予素奇之及與臨大敵觀其調兵遣將揚威制虜進止有法予鼓掌而稱曰君今世之韓岳也餘奴安足懼間遇清風明月與諸將士把酒談心興懷國事不禁涕泗梁子擊筑行吟予敬而訝之曰子甲冑士也復具此錦心繡口乎梁子遂出笥中明告曰此皆戎馬之暇而成子遍覽其言言血性語語琅玕拍案叫絕歌詠忘疲始知梁子忠義性成非若近代縉紳士

儒巧說文章詞浮於行者也偉哉梁子立功立言二者並茂異日削平胡虜建大業垂大名方之徐常湯鄧諸公比隆昭代夫又奚慚夫又奚慚至登高作賦臨流詠詩殆其餘矣予用為之序永歷元年菊月家玉題於蕩虜營中

祭楊邦達將軍文

大隆武三年月日信官張家玉謹以牲醴庶饑之儀哭奠於故官楊邦達之靈泣而言曰蓋聞丈夫在世必期闔外建功男子挺生還擬沙場豎績是以仲昇投筆覓萬里之封侯孫子棄儒成三秦之巨績邇者中原板蕩

張文烈遺集卷五

九

滄海叢書

日月無光文物腥羶乾坤不旦將軍夙嫻韜畧奮起戎行抱國屈之未伸痛君仇之未雪間雞起舞竊志劉琨擊楫澄清有懷祖遜兩推胡虜舞大纛於軍中三潰虜圍奪赤標於趙壁許灣血戰猛若貔貅新城固守堅如鐵桶謁黃龍而暢飲封白狼於居胥勒石燕然標名銅柱敵尚在而將軍告終師未捷而前軍星隕遂至軍機偶失魄掩重泉一戰挫鋒魂歸長夜淒淒冷露暴戰骨於寒霜慘慘陰風號冤魂於夜月遂使高堂白髮望海角而心悲鴛帳紅顏盼天涯而目斷玉情猶骨肉誼屬同官薄具生芻對長空而哭奠謹書寸誄望靈位而哀



傷靈其歸來格余誠意

張文烈遺集卷五

十

滄海叢書

張文烈遺集 卷五終

滄海叢書第一種

張文烈遺集

東莞張伯楨子幹編輯

漢壽易順鼎寶甫校訂

卷六 詩

園居

脩然小菊林獨枕江皋遠竹籬通復隔花徑窮又轉近  
植旃檀香遠峰青蓮展主人日多暇疎茅手日翦芝田  
故鶴耕蘿幌呼猿捲有時縱短筇獨自下蘭坂寒雲送  
疎鐘遙驚隔林犬歸來到蒲團坐看松雲綯

過江皋留題

張文烈遺集卷六

滄海叢書

幽棲異人境永日息眾紛池塘過涼雨窗戶猶蒸雲石  
奇屢延屐花落自成茵停策聽鶯啼隔水望鷗羣是時  
日在參嘉禾猶欣欣綠醕瀉碧筒香飯煮青芹彼美區  
中人逍遙自采真地偏絕攀援心遠無垢氛伊予秉微  
尚願與木石隣相期拾瑤草永結握蘭芬徘徊長林下  
敬謝修竹君好為開芳徑毋令隔青塵

錄別

鴛鴦戲清池兩兩常相倚羽翼臨當乖風波中道起相  
對尚難知何況萬餘里毛褐雖云賤不奪於紉綺來親  
去者疎毋為貴君子一心抱區區君諒執高誼

阻風江上

涼颼撼江樹驟雨鳴相應引領盼前峰重雲隱飛磴迴  
舟向淺渚遙赴烟林暝雖阻利涉心頗盡沿洄興蒹葭  
共託詠幽蘭相折贈不亂鷗鳥羣翻取風濤靜夷險皆  
有適行止原無定焚香理素琴坐看歸帆競

金陵別陳髯公

雙鴻泊故林弋者忽言慕驚飛來遠天棲遲漢陽樹繪  
繳稍疎脫飲啄方為故擬此暫閒適悠悠狎烟渚薰風  
自南來又爾振其羽江烟半入吳水色猶連楚中道各  
言邁羽翼乖其處我破燕山雲子披錢塘霧燕雀戀低

張文烈遺集卷六

滄海叢書

枝區區何足數振翻凌霄漢翱翔向雲路飛飛念舊羣  
九萬仍回顧落日動離愁含情悵南浦

白門舟中

棲遲白門下行采青溪蔽隔水望三山迢迢不可越中  
路逢勝友相攜理蘭檝霜葉兼帆度江花背棹發東迎  
晨曦出西送素輝沒彼美隔蒹葭一水如天末瓊枝未  
獲攀瑤草何由掇相期赴良晤毋令蕙草歇

遊海淀題石上

稜稜碧山骨奇與巧兼擅似經鬼斧斲誰遣神鞭轉主  
人國柱石搜羅置亭院巖壑相蔽虧峰巒互隱現雲生

蓮勢動雨過苔文綯既藏宛委篇亦豎韓陵片鏗鏗流  
賦響錚錚答歌串生成補天物五色不待鍊岫幌晝常  
開磴道時獨踐會當逐靈槎言歸天漢畔歲早望爲霖  
好作零陵燕

圯上懷留侯

楚楚韓公子意氣何慨慷破產結壯士憤此宗國亡往  
往感異人出身爲連口惜哉博浪椎不獲摧嬴秦既謝  
滄海君還過圯橋旁仙人黃石公素書發祕藏遂揖隆  
準公長驅入咸陽秦摧項亦蹙託身亡何鄉良則能用  
漢非漢能用良至今欽英風激烈動肝腸

張文烈遺集卷六

三

滄海叢書

與瓊敷堂主人論詩

雅樂久不振舉世淫其聲繁絃與急響嘈雜難爲聽之  
子青蓮後山水寄幽情爲我鼓瑤琴指下清泠泠一曲  
猶未終風泉滿座生問君何能爾近得師連成吾聞聲  
音道可以通神明靡曼不足恥所貴在和平願君終祕  
惜勿爲俗耳更

題虎丘慧日上人雪艇

聞師禪坐處舟居卻非水一葉破渺茫高風繼船子大  
地琉璃寒消息梅花裏誰知火宅中清涼有如此

聞警

妖氛日以逼天子正宵衣我武豈不張荷戈常苦饑仰  
給在東西民力亦已疲四郊復多壘患不獨東時寄言  
肉食者大厦誰當支

贈友人小史

玉作雙歡貝編齒引睇一堂漾秋水筵前飛去復飛來  
花底秦宮那似此約畧新詩發萬聲綠楊枝上啼春鶯  
墨花繡研臨池罷坐令屏幃烟雲橫主人向我漫誇說  
每過喚醪共披豁醉向春風玉樹旁欲占穉穉半堂月

採蓮曲

芙蓉花發江風香鴛鴦雙飛入金塘綠楊堤畔誰家女

張文烈遺集卷六

四

滄海叢書

並着蘭橈鬪豔粧玉澈烟殘初過雨越羅衣袂凌風舉  
採蓮一曲遏紅雲卻笑荷花不解語江頭扶荔光陸離  
千樹萬樹紅霞披烟銷初褪玉肌露雙手貽郎不自持  
越來溪水還東注那見當年浣紗處人生行樂須及時  
不用五絲延命縷

鑾江抱月

銀蟾浩波江骨冷散步高原踏槐影清輝盈手笑相貽  
大地玻璃望中靜自從鼓棹去京畿兩見關山圓又虧  
冰心萬里遙相映一任緇塵變素衣

揚州賞牡丹

暖風動地羣芳悅十里香畦怒苞決蒸雲炙日不勝春  
坐見檀心一夜發綠葉枝疎翠箔寧天香國色各爭妍  
楊妃睡起嬌無力鸚鵡杯中紫氣度碧檻雕闌十二重  
牢鎖春風不遣去青蓮學士昔揮毫賦就清平調獨高  
姚黃魏紫黯無色妬殺花前宮錦袍

廣陵行爲林伯隆贈太康校書

楊州春色誇前古百尺危樓瞰江渚翠輦曾聞此地過  
司花來夢矜歌舞夢殘花落掩春衫無復官河漾錦帆  
江上月來空自照臨風誰唱望江南瓊花幻作太康女  
霓裳一曲空中舉憐春惜玉有林君首掛玉釵心自許

張文烈遺集卷六

五

滄海叢書

從君呼酒醉瓊瑤春風無力海棠嬌十二巫山雲雨度  
三千閨苑鶴笙調三千十二誰不羨過眼韶光急於箭  
勸君對酒且盡歡勸君莫負如花面君不見隋堤日暮  
飛楊花堤前垂柳空啼鴉

北上詠雪

冰綃催就鮫人織珠帳透迤施九絨渾河昨日綠千尋  
一點鳴頭留不得塞上平沙漾月華北風翦水作飛花  
閑憑古樹嘯雲際卻似乘來銀漢槎磧西日沒重城閉  
一帶女牆飛白雉玉人何處把瓊枝笑指諸峰挽銀鬢  
山河大地碧琉璃壯士寒威生鐵衣胡兒紫貂遮不迭

無復臨邊散馬蹄紅旗半掩殘霞片細柳營中夜張宴  
將軍揖客坐氍毹綉幙錦箏圍獸炭梅花空憶故園春  
水齧重茵夢不成欲招橘叟手相語更向瀛州賭玉塵

相逢行

瑤池仙女何人謫明玉雕成雲外質記得夜深燭滅時  
光豔猶堪照一室輕盈廣袖來翩翩疑在縵山鶴背懸  
芳蘭竟體直堪把玉樹臨風殊可憐花前一見兩相許  
笑隔天桃私致語竹葉深杯常互持春葱纖手頻相挽  
酒闌背燭解羅衣鴛枕頻催欲就遲梨花院宇沈沈夜  
正是傾情倒意時日光漸透紗窗紫猶倚繡幃嬌不起

張文烈遺集卷六

六

滄海叢書

依依楊柳夢初回綠髮參差雲半委須臾呼茗滌餘薰  
迴眸引睇方殷勤三生寒口曾相締一死從今拚與君  
君情我意方縈繫長指青松對寒歲豈謂歡來不畢輪  
遂使愛深還割袂人前作別兩相看雖復強笑摧心肝  
誰云合易離還易自覺留難去更難與人駕車疾如駛  
咫尺相看成萬里離愁飛過嶺頭雲別淚灑添江上水  
江雨瀟瀟江路漫歸舟永夜夢魂寒春明好赴西陵約  
莫遣東風花鳥闌

讀李煙客集有賦

茫茫塵海無邊際萬里青天蒙氣閉但逢故紙作生涯

誰識筆頭有三昧羨君藝苑獨超羣含毫解作千秋計  
赫蹄片片生春雲墨池飛出羅浮翠

贈瓊敷堂主人

雙龍劍怒吼春雷五色筆落雲霞開共道青蓮李居士  
本爲金粟舊如來誰園深處垂蘿幌一室能該九州廣  
坐擁牙籤萬卷書不羨人間百城長有時醉卧絳紗帷  
落花繞夢風前飛大人先生自高寄鄉里小兒那得知  
與余相視而莫逆把臂入林共听夕花下一杯常互持  
枕中鴻寶互相析羣雞迥然分鶴立丈夫豈合分風塵  
飛騰變化會有日願子爲龍我作雲

遊南山

維舟潭水曲引睇南山麓芳草含朝烟萋萋千頃綠  
萋萋芳草連翠微山中人兮薜蘿衣芝田縱步黃鶴舞竹  
枝脫手黃龍飛芝田竹杖千峯裏回首塵寰成萬里夕  
陽一帶掛荒城但覺寒烟沒江水寒江一片去悠悠笑  
蓉花落西風秋何如半榻松風引仙夢高飛一舉凌滄  
洲

過子陵釣臺

嚴子灘頭釣魚處一簑白雲一竿雨當初羨爾高蹈時  
手捲絲綸入烟渚何期文叔來南陽吐出子陵姓字香

只今漢室已如此奚嫌蚤出相爲理

小憇湘江

小憇依丹壑蕭騷別洞天楓林疎落雁羅徑亂呼蟬客  
路餘千里鄉心還半年前津望不極迢遞隔湘烟

過漳江

千里漳江道何年罷遠征已看三月暮況是客中情遠  
水烟迷樹孤峰雨帶城長歌憐短缺愁逐野潮生

柬徐九夷

我本自懷抱知君更不猶沉深類有道淡薄若無求月  
醉梅花國歌清郢水秋偶因君下榻卻憶舊南州

過戴隱士山莊不遇

爲愛戴安道翛然到竹軒寒雲流古堞綠水漲名園一  
陣秋過雁三聲啼斷猿主人何處去不敢漫題門

茆山別洞訪羽士作

百折蒼苔路松風爲掃除林餘搗藥鳥池有聽琴魚命  
酌傾雲液分題簡玉書遙知烟路近行矣駕鸞車

遊南池用杜韻

地扼全齊要門通萬里船臨流蔭高柳隔水聽鳴蟬荷  
帶拖殘雨蓮衣落暮天何人繼芳躅開徑掃花甃

對雪寄故園諸同好

獵獵北風動天涯雪色新  
瑤階不受日瓊樹向先春  
遠水相思夜空山獨卧人  
一枝春寄否珍重慰情親

其二

土塵飛不盡四野撲衣來  
側想羅浮上梅花應盡開  
何人翻雪浪有客傍瑤臺  
爲問溪橋水騎驢日幾回

贈家將軍

百戰推猷壯千秋買勇餘  
白猿新授劍黃石舊傳書  
廡有烏孫馬門多魯國裾  
只今烽火急肯使老穰苴

蒼梧逢葉二開美

落日山欲暮蒼烟宿未收  
故人勞夢到相憶命孤舟  
帆影問潭月江聲話海樓  
滿船歌吹發相對白蘋洲

張文烈遺集卷六

九

滄海叢書

贈鄧干都

正爾好清話胡能無贈卿  
由來松柏下只是綺羅情  
誰識塵埃裏相逢俠氣生  
春風少拘束淡蕩來江城

山行尋寺

愛着登山屐尋幽續勝緣  
危橋依峭壁斜樹引疎烟  
溪靜鹿羣飲雲間鶴白眠  
聞鐘知有寺吾意欲逃禪

山澗初靜

細雨過山家晴天漾晚霞  
殘流咽幽澗新綠上青莎  
翠浴枝頭鳥紅飄葉底花  
樵歌洞口發歸騎夕陽斜

春望篇

花事蕭條風雨邊登臨長笑倚江天  
北庭又報軍書至南土殊非樂國年  
戎馬亂嘶芳草路戎樓深鎖綠楊烟  
賦詩憶得前人句東望望春春可憐

題王季重讀書佳山水樓

書城何處擁芸屏江上青山獨振衣  
碧澗時浮墨花出白雲長繞翠毫飛  
問奇客至抽元草報午猿啼過翠微  
卻憶匡君兄弟好舉帷曾共采苓歸

答綉水李青來

嘯竹高蹤繼昔賢御風行處亦泠然  
粉香猶着佳人賦俠客爭傳白馬篇  
萬卷足輕南面貴千金難易國門懸  
入林把臂仍嫌晚何待山陰雪夜船

張文烈遺集卷六

十

滄海叢書

金陵春日逢友

鍾陵過雨紫烟開南浦清江隱薄雷  
春水滿隄春草綠故園千里故人來  
鶯聲弱柳傳歌板燕趁飛花落酒杯  
一醉萍踪任分散不勞風笛夜相催

南陽經武侯故宅

眼前非復舊青徐千載瑯琊有故居  
歌舞漫悲漳水雀風雲猶憶漢江魚  
隆中未竟生前略篋裏空藏去後書  
不盡英雄滿襟淚爲君憑弔重踟躕

又

衰柳殘隄鎖夕陽行人猶憶卧龍崗半犁烟雨長吟處  
萬古乾坤一草堂夜月有時歸鶴警秋風無復蒞戎行  
可憐舊業荒蕪盡空博成都幾樹桑

燕郊春暮

曉來清夢破梨雲帝苑餘芳尙帶芬雨雨風風空善妬  
鶯鶯燕燕自爲羣澧蘭沅芷同心見徑李蹊桃一笑分  
紫陌舊斜扶醉去春城無處不氤氳

燕市弔袁督師

黃沙白霧皂雕旗獨賴孤臣兩臂揮齧血作書招死士  
張文烈遺集卷六 二 滄海叢書  
裏瘡臨戰立重圍遂合漢卒聞笳奮共掃妖氛奏凱歸  
勞苦功高誰得似中山何事謗書飛

相思江

津樓欲曙角聲催舟子招招喚渡開鄉樹萬重將目斷  
湍流千尺共腸迴風生水面江神過雲暗灘頭瘴母來  
銷盡孤魂君不見相思江上獨徘徊

烏蠻灘

烏蠻灘上逆春雷不數瞿塘灑瀆堆水似瑤階千折上  
舟如怒馬側盤來歌翻白雪流笙管風引飛濤入酒杯  
笑向湘江相借問年年東去幾時回

誰園探梅

羅浮村徑一林霜飛入君家白玉堂向煖正逢長至日  
窺簾猶報隔年芳檐間鳥入瓊瑤動席上風生笑語香  
東閣詩成稱絕唱風流端不讓何郎

贈宮詹李二何夫子

白水真人來漢朝白衣山人冠唐僚文章兩度壓元白  
干羽七旬格有苗灞上勞軍如見郭關中轉餉不推蕭  
北人牧馬戎南下司馬鴻名已度遼

同容瞻公北上別後卻寄

郵亭風急雪紛紛目斷南天雁幾羣白眼同爲千里客  
張文烈遺集卷六 三 滄海叢書  
青山何事獨留君江南昨夜孤舟雨淮北今朝日暮雲  
處處山城唯戰鼓不堪回首賦從軍

步楊台覺上座靜空題朱秀峯前韻

結宇長依朱秀峯霏霏珠翠滴玲瓏烟霞不捲新朝露  
歲月常懸舊日容封作狼山一塊石標成銅柱萬年功  
撐持半壁君同我肯逐恒河浪寄蹤

附大司空部試觀政進士考入翰林院第一

冬日瑞雪

葭飛元管轉東岑雪舞晴空映素襟色似冰壺翻白浪  
青如玉樹結芳林千門皎潔知臣節一片空明識聖心

更喜堯階春日暖又來化作帝家霖

附范閣部館試第一

御堤柳

帝苑春濃御柳垂東風嫋嫋萬條絲鶯翻葉底調絃管  
鳳舞梢頭振羽儀太白龍池飄翰墨亞夫豹寨拂旌旗  
長楊塞外愁聞笛莫向關山曲裏吹

廣陵曲六章

迢迢邗江道烟花咫尺迷朱樓臨紫陌畫舫接金隄隱  
隱聞歌吹相傳是竹西

五方推利藪到處是羶場夜市千燈豔春醪十里香豪

張文烈遺集卷六

三

滄海叢書

華感行路知道是鹽行

新鶯初學囀乳燕正交飛芳草青絲髮垂楊金縷衣昔

日迷樓下家家擁翠幃

瓊瑤天下種桃李路傍枝愁愛司花女嬌憐來夢兒奔

月何時下爲雲未可知

逶迤錦步障亂轉七香車塵暗九衢月光生滿路花何

因墮珠淚言過玉鈎斜

悄悄舉幃出盈盈卻扇行衣裳秋水染笑語香風生卻

向瓊花觀低頭禮玉清

尋嘉祐寺

英英白雲嬾杳杳青谿暮山僧不出門殘鐘在深樹

泛月

沿月縱蘭橈江烟碧未消清波不相待轉盼失溪橋

又

澄江淨於練歸人浩思發不信捲簾人相思有明月

豔曲

扶嬌下繡幃與郎玉相映欲窺燕尾粧鏡前重引鏡

又

去年笑參商今年咏鴛鴦願郎結同心勿復生他腸

題眞州寄園四首

張文烈遺集卷六

四

滄海叢書

水榭茅堂分峙溪橋石磴相連記得春山深處丹崖碧

洞依然

莫怪愚公移山信有神人鞭石請看一片平蕪幻出數

峯秋碧

紅樹山亭自遠落花一卷無塵雞犬不知有漢魚鳥自

來親人

古道近通楊子名園直偶辟疆借問竹西歌吹何如花

下壺觴

津亭

魚子津亭牽客衣爲言前路去船稀野雲渡水迷江樹



飛鳥蕭條帶雨歸

秋江夜月

霜滿空林紅葉稀捲篷秋露欲沾衣水鳥夜寒棲不定  
雙雙偏掠客船飛

又

前村烟暝幾人家歸客扁舟泊淺沙隔岸漁燈乍明滅  
滿船涼月濕蘆花

湧汀晚泊

孤棹乘流晚更過半溪烟暝起漁歌老翁不管關心事  
自在船頭織綠簑

張文烈遺集卷六

五

滄海叢書

家少參署中早梅

春煖南枝早亞衙半枝疎影上窗紗故園今夜三更月  
香發羅浮幾樹花

過永淳

古渡荒城瞰碧天鳶蘿斜掛夕陽烟寒溪不斷流今古  
楓葉辭秋過客船

聞笛

玉笛飛聲滿客城東風吹送故園情梅花亂落人何處  
唯見關山碎月明

別李烟客

扁舟隨雁出楓林回首禪房積翠深自笑塵緣消未得  
贈君惟有白雲心

過曲江謁先文獻祠

曲江山翠鬱巖岫萬古千秋祖烈存金鑑至今稱國寶  
豈惟勲業擅開元

又

明燭幾先有遠圖可憐風度至今無催花羯鼓聲方闌  
早向漁陽識叛胡

卜居五首

卜築蓬蒿一徑斜池塘新綠映窗紗蒲團坐到忘機處  
不覺春風度落花

張文烈遺集卷六

六

滄海叢書

蕭蕭夜雨拂窗蓬弱草柔條怯晚風卻怪南園數竿竹  
亦隨風動委池中

小園春煖日芳菲畫閣攤書懶下帷求友黃鸝滿深樹  
山童不用款柴扉

丹崖碧洞鎖柴扉中有真人學息機卻笑白雲行不得  
風來又過別山飛

風搖萬綠晝陰陰雙屐穿花不染塵記得斷橋流水畔  
虬枝時伴一溪雲

懷內二首

閨中昨日起離愁楊柳青青送客舟今夕淒涼又何處  
半帆烟雨楚江秋

連江風雨雁爭飛目送南天淚滿衣少婦夜深休閉閣  
征人多向夢中歸

附錄軍中遺稿

讀史十首

讀史高齋日正紅書生子奪笑談中帝秦不是奇男子  
也有強梁向海東

漢使堂堂出朔邊微茫海北鎖寒烟青羝白雪如逢我  
耐得蘇卿十九年

張文烈遺集卷六

七

滄海叢書

順水長驅事已非龍潛虎伏失干旂南陽果係眞天子

定有王豐勒馬歸

宣陽門外漢重圍日落華林掩夕暉國破家亡今古事

肯隨會稽著青衣

晉室傾頽事莫當雞聲啼起鐵肝腸諸君莫灑新亭淚

好向中原識范陽

漁陽鼙鼓動燕京若箇傳來罵賊聲記得當年顏太守

洛陽橋畔舌縱橫

摩詰才名諫一時孤臣噴薄又成詩可憐一片珠江水

翻作當年凝碧池

望斷厓門不忍聞今今昨昨總紛紛礪州縱有黃龍瑞  
丞相傳來不姓文

憶昔懸帆出建陽橋頭卜肆尙傳芳而今不管天人數  
卻笑勞勞謝侍郎

絳闕天魔舞不休義旗昨日起濠州東官曾有誇封禪  
掃却氍毹拜冕旒

讀文文山先生集不覺飲泣集先生句成六絕

南望端門淚雨流衣冠塗炭可勝羞遙憐海上今塵土  
無限斜陽故國愁

風打船頭繫夕陽孤臣性命寄何鄉江山有恨銷人骨

張文烈遺集卷六

八

滄海叢書

南北今年幾戰場

魯連大節豈容磨回首中天感慨多春事暗隨流水去

江山如此故都何

國亡家破見忠臣何事癡兒竟誤身借問一門朱與紫

黃金橫帶爲何人

庭諍堂堂負直聲江南匹士死猶榮幾多江左腰金客

不值人間一唾輕

偃偃乾坤靡所之飄零回首壯心悲素王不作春秋廢

獨抱春秋莫我知

過荒村四絕錄三

幾日經行白骨堆蕭條窮巷哭聲哀亂離我亦亡家子  
總爲君王冒死來  
縹緲前途路欲迷黑雲留雨四村低山靈似笑征人馬  
何事勞勞不住蹄  
野塚蓬垣指顧中青山斷送幾英雄卧龍躍馬今何在  
博得浮名總是空

嘆變

亦知牢落苦奔波其奈冠裳掃地何一自首陽人去後  
更誰重唱採薇歌

傷族罹禍

張文烈遺集卷六

五

滄海叢書

誰計忠成九族殃行藏我亦似文方但能完得君臣節  
磨涅從他也不妨

途中八絕

瘦馬崎嶇不肯前天涯飄泊苦烽烟何時范蠡功成去  
泛泛滄江一小船  
凜烈寒威戰碧蒼蕭蕭原野盡荒涼穠桃嫩李紛零落  
獨看青松不避霜  
馬上看山疊疊青山無地不羶腥誰堪滿目蒼涼處  
俯仰興思一涕零  
燈下嬌姬月下絃風流曾泛太湖船于今回首神京處

腸斷西風憶往年

雲淨天空朔氣寒舉頭何處是長安那堪幾點孤臣淚  
灑向楓林帶血看  
縹緲疎林在隔山數聲雞犬白雲間澗澗一帶寒溪淺  
疑是秦人避此間  
家藏三畧已煙消勳業誰當比漢朝遙憶仙人遺履處  
幾回翹首望圮橋  
高風曾見幾人稱綱紀先朝久已傾獨有南還陳太史  
文章節義兩留名

將發

張文烈遺集卷六

五

滄海叢書

東泊西飄寄一身頭顱空帶楚冠塵千秋獨有文夫子  
同笑迎降賣國人

偶聞童僕夜語

不達時情數蠹奴猶思家業苦嗟吁此身已置存亡外  
寧計田蕪與地蕪

痛悼先塋被發

廬室空餘一炬灰祖骸仍暴委蒿萊可憐忠孝難兼盡  
血灑西風寄夜臺

早行河源

野外燐飛閃閃明奇鷓相叫互悲聲沙場滿眼英雄骨

獨有流波咽不平

自舉師不克與二三同志怏怏不平賦此

落落南冠且笑歌肯將壯士竟蹉跎丈夫不作尋常死  
縱死常山舌不磨

漫興

擬卜幽居絕世塵桃源無路可逃秦朝來怕縱瀟瀟目  
愁見青山換主人

追昔

內苑曾推蓋世豪花磚睡起日輪高如今轉憶宸遊地  
羞見承恩舊漢袍

張文烈遺集卷六

三

滄海叢書

聞雞

惱夢初驚月落時雞聲錯聽赴朝儀鵝班散處彤墀晏  
記得承恩退食遲

春閨寓興

關塞迢迢萬里賒紅顏多少老風沙祇圖肘後黃金印  
誤擲人間幾歲華

竹林啼鳥送春暉何事行人尙未歸惆悵夜來窗月白  
夢魂飛不到金微

春病春愁兩不寬愁連烽火是長安何時得起龍城將  
早向陰山解戰鞍

謁大司馬袁自如先生遺祠

司馬遺忠尙有祠重來客淚灑荒碑長城借得先生在  
肯致中原苦亂離

讀于忠愍楊椒山兩公行錄不覺拍案

前有于兮後有楊鬚眉男子兩堂堂全忠自古難全孝  
何況家亡與國亡

寓目愴懷

三十無成荏苒過眼前羞見舊山河人民城郭皆非昔  
怪得文山感慨多

馬上感嘆

戎馬奔忙日易斜風塵荏苒一長嗟荒村寥落炊煙絕  
愁聽垂楊噪暮鴉

張文烈遺集卷六

三

滄海叢書

郊原繚繞暗戈兵笳鼓聲悲慘客情心折幾回翹首望  
路迷何處是西京

軍中夜感

慘淡天昏與地荒西風殘月冷沙場裹尸馬革英雄事  
縱死終令汗竹香

得蕭年兄西京大捷之札志喜

微臣忽報復西京舉手良深舞蹈情萬國戎師今四集  
九天威福正中興蔡城再見鷺鳴捷淝水重聞鶴唳驚

早晚賢王應授首長驅還擬掃龍庭

夜雨

欹枕更殘夜正深淒風苦雨助哀吟  
蓼莪忍誦思親句犬馬難忘報主心  
望斷江關愁極目夢回京國涕沾襟  
離離禾黍添新恨何日西歸得好音

不寐

蓬窗獨坐氣颼颼擊楫誰憐士雅憂  
撒手已無兒女戀回頭寧有室家謀  
須知白水仍興漢未信西戎可繼周  
惆悵胡塵思欲掃幾回中夜舞吳鉤

雨行馬上縱目山川愴然追念余祖九齡公至宋

張文烈遺集卷六

三

滄海叢書

世傑公皆孤忠表表凜然萬古

處處洶洶苦戰征炎方烽火幾時平  
雨聲偏灑孤臣淚風景空憐異代情  
國破匈奴千古恨心懸明主一身輕  
唐朝宋室家聲在肯使吾曹落後名

丁亥重陽悼陣亡將士

回首天涯憶故鄉忽驚節候又重陽  
斷腸何處啼猿月警夢當階喚鶴霜  
擊楫幾時清海浦枕戈猶未掃機槍  
可憐多少英雄骨空照黃花吐烈香

夜坐

月落孤齋夜色濃成樓深處鼓鼙聲  
身如繞樹南飛鵲

影似傷弓北地鴻往事肯隨春夢散  
斜陽猶憶日輪東英雄成敗非今日  
狐史千秋自有公

月中早行馬上有感

匹馬蕭蕭欲發遲天涯游子去何之  
行人弓箭戎裝早載道兵戈羽檄馳  
淚灑杜陵偏我屬身如王粲好誰依  
那堪淡月疎星夜不似南宮待漏時

謁大司馬袁自如先生遺祠愴然有感

弔罷遺祠淚幾揮遼陽回首事成非  
空留冷廟滄江上不見犁庭鐵騎歸  
星落尙疑陰雨暗風高猶想陣雲飛  
只今羽檄紛馳急那得先生再解圍

張文烈遺集卷六

三

滄海叢書

舟中

西風瘦盡骨稜稜甲猶能日飲冰  
暗地殘氛終北掃經天朝旭正東升  
千秋笑我愚張浚萬古令人唾李陵  
偶讀程嬰忠鑿錄幾回孤憤淚沾膺

夜走博羅

舉目烽煙黯自傷胡笳吹處似邊方  
眞同喪狗生無愧縱比流螢死有光  
力盡張良虛博浪時窮許遠失睢陽  
當存百鍊堅金志捲土重來未可量

匹馬孤軍共一行旌麾凌亂勢蒼黃  
雲崩日落豺狼嘯地黑天昏傀儡強  
報國誰同堅鐵石捐軀吾任笑愚狂

春秋勿謂千年絕身有遺編尙未亡

過馬溪山

縱馬揚鞭趨去程馬溪山上馬蹄輕江聲似寫前朝恨  
山色空留故國情入望烽煙迷遠近窺人豺虎漫縱橫  
孝陵佳氣應長在會見中興一旅成

宿村莊

陰風漠漠冷孤村寥落天涯憶故園勁草也知難偃地  
芳蘭何意思當門夢回旅帳神猶奮淚灑征衫血有痕  
愁絕雞聲催戍角不堪清夜舞劉琨

感遇

張文烈遺集卷六

五

滄海叢書

顛倒蒼蒼亦可憐江山何地是安然宵行秣馬傳餐食  
夜宿連營抱鼓眠雪骨寒梅真我瘦冰心皓月爲誰圓  
從今一斗孤忠血總化春山哭杜鵑  
奔走孤臣膽備嘗死生誰復問蒼蒼獸蹄鳥跡交中國  
霧慘煙荒滿戰場昔日人謀應有定如今天命不予常  
江山無限淒涼淚拭向西風灑夕陽

營中晚坐

轅門坐冷夜悠悠燐火低飛笑鬼幽萬里山河悲戰角  
百年身世負虛舟腥羶我抱淪胥痛冠履誰甘倒置羞  
欲借朱雲當日劍奮來高斬佞臣頭

軍中懷陳長圍

回首羅浮片月娟伊人何處冷風煙離羣忍聽三秋雁  
避難曾同一葉船盃酒不堪論往事南溪猶憶夜流連  
幾回話到中興處未卽聞雞已憮然

憶京華

峇峩天府兩金湯妖氣蒼茫白日荒玉滅香消虛少嬾  
花殘歌散冷朝陽銅駝北望沉荆棘鐵騎南侵滿戰場  
回首可憐關塞月擣衣砧上爲誰忙少嬾朝陽皆宮名

憶朝

憶昔京華玉署連五更清珮入朝天闕闕絲管華燈下  
濟濟夔龍綵仗前虎帳罷收官漏箭螭階初裊御爐煙  
只今羊犬縱橫處誰挽天河洗穢羶

感憤

積弊和戎久已知不圖大木竟難支崑崙漫憶三通鼓  
淝水難同一局棋今古無窮終是幻死生有盡亦何悲  
夷齊去後無知己欲上西山繼採薇

榕溪曉發

風送牙檣復溯流此身漂泊一虛舟雖無諸葛平蠻策  
且作宗生破浪游死去不妨蠅作客生還何必爵封侯  
年來怒髮衝如戟憤處猶堪刺虜頭

憶昔燕畿之變

首逆何人賣國先遂合滋禍竟綿延內廷已失金吾守  
外地宜誇鐵甕堅萬井桑麻鋪戰壘千家城郭靜炊煙  
誰憐去國孤臣遠禾黍興悲幾涕漣

宿田家早起

伊喔雞聲促曙光勞勞人起戒行裝亂離幾厭兵戎苦  
迢遞徒悲道路長半榻雲窩猶未煖一宵萍水又他鄉  
何時得似王摩詰睡聽啼鶯懶下床

哭楊邦達

昨夜西風折義旗今朝邦達竟何之丰標無復張文遠  
酣戰誰方許虎痴忠魂想應隨烈帝英魂猶自繞王師  
睢陽誓志終為厲願壯山河殄裔夷

張文烈遺集卷六

三

滄海叢書

秋宵月夜

刁斗烽煙處處驚長途來往盡遊兵那堪冷月寒砧夜  
又聽西風北雁鳴京國幾年金闕夢鄉關何處白雲情  
憤來按劍轅門坐愁對旄頭斗外橫

舟中月夜

渺渺長江水接天帝京西望轉淒然金戈鐵馬無寧土  
錦纜牙檣有戰船離亂烽煙叢此日風流簫鼓換當年  
誰堪舊日長安月多照平沙白骨連

自弔

命也何當百六秋塵途空戴楚冠遊神能奮處仍飛涕  
石有靈兮亦點頭報國誰堪追定遠傳家我已愧留侯  
姓名他日昭人目幸不遺汚史冊羞

傷我明所用不得人致有今日之禍

徵兵轉餉日何窮少府金錢盡廢供不見犁庭殲醜虜  
惟聞棄甲走元戎摧殘禁苑煤山火零落朝儀建業鐘  
遙憶鼎湖兼雪窖忠魂曾有幾從龍

張文烈遺集卷六

三

滄海叢書

塵兵幾厭民心苦猶見經天太白橫

防邊歲歲事尚征不見顛連九廟驚古堞有城荒白下  
斜陽無語老燕京單于夜嘯巡屯馬上將壇空宿衛兵  
惆悵行吟秋月白不知今夕為何明

番禺沈宗畸太伴初校

江甯孫去疾谷叙覆校

張文烈遺集卷六終

滄海叢書第二種

東莞張伯楨輯

張文烈集附錄

長沙鄭沅題



張文烈集附錄

東莞張伯楨幹竄編輯

漢壽易順鼎哭盒校訂

附邑誌張文烈傳

張家玉字元子邑之萬家租人崇禎癸未進士選庶吉士房考諭德周鳳翔教習學士倪元璐交愛重之甲申三月李自成陷京師鳳翔元璐皆殉死玉被執不屈有陰縱之者得間道歸趨金陵會王師已下江南奔錢塘與蘇觀生鄭鴻逵擁立唐王於福州玉監鄭彩軍至虔駐師廣信聞撫州圍急次許灣時大兵驟至戰于金坡

張文烈集附錄

滄海叢書

嶺少卻明年春復戰于新城南玉傷箭墜馬折臂騎將林雄陷陣奪還以眾少不支請召募惠潮修戰具時流賊寇程鄉玉招之殺夾翼虎禿介龍獨角蛟三渠得勇士萬餘又招降黃元吉眾一萬五千欲趨潮東援楊廷麟延平破遂不果行九月潮餉匱玉還廣州請給十二月總督佟養甲提督李成棟以天旅下廣州玉遂與其師林洵謀起兵三月入到濬號召得眾萬人破邑城執典史趙元鼎投之知縣鄭盜遁走以原訓導張珪攝縣事韓如琰自惠州來會師五日大兵至下邑城張珪死之指揮安宏猷闖家殉節張恂尹鉞亦死玉敗歸到濬

大兵戮到濬玉祖母陳氏母黎氏赴水死妻彭氏大罵斷肢體死玉挈父兆龍弟家珍走新安招亡卒眾復集西鄉民陳文豹毀家佐軍數戰又大敗文豹死玉收殘旅趨鐵岡糾姚金與龍門之眾破博羅據之守五十日糧盡眾潰玉以二十餘騎出走至十五嶺復大集得三萬餘人進攻增城相持城下提督李成棟兵馳至陣亂玉乘馬死戰項中三矢傷一目赴水死帥上其首顏色如生年三十三當玉在博羅洵為謀者所得下獄至是亦誅死

張文烈集附錄

滄海叢書

附明史張文烈傳

張家玉字元子東莞人崇禎十六年進士改庶吉士李自成陷京師被執上書自成請旌已門爲翰林院庶吉士張先生之廬而褒恤范景文周鳳翔等隆禮劉宗周黃道周尊養史可法魏學濂自稱般人從周願學孔子稱自成大順皇帝自成怒召之入長揖不跪縛午門外三日復脅之降忱以極刑卒不動自成曰當磔汝父母乃跪時其父母在嶺南家玉遽自屈人咸笑之賊敗南歸阮大鍼等攻家玉薦宗周道周於賊令收人望集羣黨家玉遂被逮明年南都失守脫歸從唐王入福建擢

張文烈集附錄

三

滄海叢書

翰林侍講監鄭彩軍出杉關謀復江西解撫州之圍順治三年風聞大兵至彩卽奔入關家玉走新城大兵來攻出戰中矢墮馬折臂走入關令以右僉都御史巡撫廣信廣信已失請募兵惠潮說降山賊數萬將赴贛州急會大兵克汀州乃歸東莞四年家玉與舉人韓如璜結鄉兵攻東莞城知縣鄭霖降乃籍前尙書李覺斯等貲以稿士甫三日大兵至家玉敗走奉表永明王進兵部尙書無何大兵來擊如璜戰死家玉走西鄉祖母陳母黎妹石寶俱赴水死妻彭被執不屈死鄉人殲焉西鄉大豪陳文豹奉家玉取新安襲東莞戰赤岡未幾大

兵大至攻數日家玉敗走鐵岡文豹等皆死覺斯怨家玉甚發其先壘毀及家廟盡滅家玉族村市爲墟家玉過故里號哭而去道得衆數千取龍門博羅連平長寧遂攻惠州克歸善還屯博羅大兵來攻家玉走龍門復募兵萬餘人家玉好擊劍任俠多與草澤豪士游故所至歸附乃分其衆爲龍虎犀象四營攻據增城十月大兵步騎萬餘來擊家玉三分其兵犄角相救倚深谿高崖自固大戰十日力竭而敗被圍數重諸將請潰圍出家玉歎曰矢盡礮裂欲戰無具將傷卒斃欲戰無人烏用徘徊不決以頸血濺敵人手哉因徧拜諸將自投野塘中以死年三十有三年永明王贈家玉少保武英殿大學士吏部尙書增城侯諡文烈其父兆龍猶在子爵封之

張文烈集附錄

四

滄海叢書

附王船山永歷實錄二張列傳

張家玉字芷園廣東東莞人年甫廿九中崇禎癸未進士改庶吉士卓犖不隨時俯仰北都陷家玉衣斬衰哭思宗皇帝于東華門扣額搶地血出被面宛轉號啼不能起賊守者義之縱之逸遂南奔歸里思文皇帝立於閩以薦召見上素重其節槩奏對尤稱旨授翰林院編修兼吏戶兵三科給事中為御營贊畫俄奉使至廣東未復命閩陷家居蘇觀生立唐王聿錞要家玉同事不聽上自肇慶以左中允召家玉乃拜命道阻未赴李成棟陷廣州家玉毀家招義兵據東莞與陳子壯相應

張文烈集附錄

五

滄海叢書

巡撫王芊當崇禎末歷官僉都御史與家玉舊相知聞至是遣書敦勸家玉鬚髮出降略云楊子為我拔一毛而利天下不為軻也譏之先生何愛一毛而不以利宗族鄉黨耶家玉得書大罵曰老賊不死乃敢侮孟子因答書責之曰兩都繼陷三君蒙恤玉謂公為國大臣必久已死而尚存乎公豈不聞哭先帝於賊廷者為誰而今欲以淫詞污君子之耳哉芊大怒遣兵攻之家玉扼險拒戰相持數日芊益兵大至家玉騎馬督陣過水次馬驚墜水死義軍口潰芊進兵屠之餘眾走入海永歷二年廣東反正家玉弟以事聞詔贈家玉詹事府少詹

事兵部侍郎諡文烈家玉詩材亢爽於軍中作悲憤詩百餘首其弟梓行之有云真同喪狗生無賴縱比流螢死有光其志操可睹矣

張文烈集附錄

六

滄海叢書

附跋

天下無不可為之時無不可為之事無不可為之人而有不可為之心則天下幾做往淮蔡之亂郡臣斂手爭請罷兵獨一裴中立流涕誓師元濟授首完顏亮入汴都城危在旦夕人主至委宗祏降榻雨泣李伯紀畫之十日而戰守諸具備故時無不可為也安石八千之師淮陰市人之卒虞允文書生也西涼洗氏兒女子也肉脉虎狼澤脉金革何也故曰有其人則事集袁本初控制數州力非不厚心不存王室炎鼎忽焉劉高祖掃平關雒秦晉燕豫之民引首舉踵而盛壺漿志安江左竟

張文烈集附錄

七

滄海叢書

憂今日哉嗚呼士草莽則曰不敢言位臺諫則曰徒寄空言受其事矣得以言矣猶復寒蟬魚睨何耶

芷園血戰辦虜身被重創其賢不肖相去可道里計哉今四郊多壘時事倍艱然豈有八十萬之在淮淝百萬之環酸棗哉有伯紀之精安石之詳敏何患乎強虜若必謂不可為則芷園先生之言為爾導師矣漳海盟弟徐仲吉題

張文烈集附錄

八

滄海叢書

附錄山西聞喜縣張侯廟碑 并序

易宏

余抵晉之聞喜縣鄉落間有張侯廟余過之意其桓侯也翼晨往謁而司廟者已知余名姓氏跪而捧束請爲廟記曰神所命也廟立已四十餘年向者境中常出妖祟民多奇疾蠱賊傷苗忽有神人降於其家曰余增城侯粵人張家玉也爲攘災害以福爾民吾當司爾土也於是立廟虔祀而闔境安然皆神賜也夜來告夢曰晨有吾鄉易君至習知吾事若具請記文足不朽矣故預知而備柬以懇余聞言驚異仰瞻侯像劍履森嚴追想英風慷慨泣下嗟乎侯廟已立數十年而記有俟於宏之不肖宏生也晚侯之奇行逸事宏不足以盡知之况侯忠義在天壤文章在方策宏記何足重而侯以之命宏者侯亦知人間有宏矣宏何以承侯之嘉命哉因誌其事於碑陰而爲之記曰

張文烈集附錄

九

滄海叢書

運匪登三數丁陽九古人不幸而生斯世痛何可言然斯世不有斯人斯道當不至今而已絕矣則斯人也當國家大變不料生死不計成敗知其不可爲而必行之卒之見危受命是以生爲烈士歿作明神古今所傳不可誣也斯土之有侯廟也侯降靈而人祀之降夢而余記之豈偶然哉余侯鄉人也侯才畧膽識睥睨一世氣

節文章高越千古當國祚淪亡之日倡義海隅常以一旅之師屢摧勁敵古之名將無以過之一時英氣可謂盛矣然血戰數年莫爭中原尺寸之土而孰意關山萬里地北天南車塵馬跡所不經者歿而廟食其間哉則其正氣所存固無往而不在也當燕京之陷也侯以翰院詞臣致身許國自分死矣卒留未死之身間關南返旋舉義旗時大勢已盡天命已去而侯獨以海上孤軍挽落暉而爭逝鼎此其百折不回之身頻死者數矣頻死而不死亦天哀其未竟之志而不忍死之不忍死之而不得不死之是以不死於燕而死於粵不死於就獲而死於疆場不死於三年之前而死於三年之後死者其皎然不滓之身不死者其浩然流行之氣也語曰死有重於泰山於侯有焉功雖未就而義自足貫乎天下事不盡錄嶺外人人能言之嗚呼烈矣亂臣賊子戴其行屍其爲魍魎豈待誅鋤之日哉其化爲異物固已久矣惟忠誠之士有殺身以成仁者則歷古今而長存何者誠之所至自無夫不至也曩者斯鄉恒多災患自廟立而土安人和祀典所謂有功於民者祀之侯之廟也宜矣侯諱家玉號芷園廣東之東莞人以進士歷任兵部侍郎歿於陣贈增城侯諡文烈考建廟之年卽

張文烈集附錄

十

滄海叢書

其殉難之次年可謂烈丈夫哉

易宏爲山西聞喜縣張侯廟作碑記事詳邑誌緒紳先生能言之今將此文附錄於文烈公遺集後以誌淵源按文烈公此集原名名山集前清視爲禁書無有敢言付梓者篁溪搜求文獻得其遺稿重爲編訂顏曰張文烈遺集採入叢書內節衣縮食以俸餘所入獨力付梓編成質諸易君哭盦易君慨然擔任校訂之責昔有易宏爲張侯廟作碑今其遺集又得易哭盦爲之校訂易與張殆有夙緣耶甲寅八月東莞張篁溪謹跋

張文烈集附錄

十一

滄海叢書

附錄錫山計六奇所輯明季北畧論張文烈事數則

張家玉

張家玉廣東廣州府東莞縣人崇禎癸未庶吉士三上書于賊責以大義請賓而不臣見賊長揖賊怒縛柱上欲剗之顏色不變異而釋之愈欲其降不可遣人往拘其父母乃降授原官就其抗顏賊廷覩死不惕卽古之烈士何以加焉雖爲親改節以方徐庶非其例矣甲乙史云四月初五庶吉士張家玉上書於自成請表章范景文周鳳翔等隆禮劉宗周黃道周等尊養史可程魏學濂等賊怒縛午門外家玉請死不許凡三日賊喝欲磔之復不動

張文烈集附錄

十二

滄海叢書

張家玉陳情書附記

前明朝翰林院官謹百拜稱賀大順皇帝陛下陳情左右君王既定鼎于天下必以尊賢敬德爲基是故不沒人之忠者所以有忠臣不沒人之孝者所以有孝子家玉得君未及一年有親戚四老此下文氣不續似失一葉君王處此徑當賓禮之而不臣且比例于晉處士陶旌別其門曰明翰林庶吉士張先生之廬庶不傷人臣子之心不辜爾蒼生之望不然臨以刀鋸設以鼎俎家玉者形影相笑從容而樂蹈之耿耿此心誓無後悔

張家玉薦人才書 附記

前明朝翰林院官謹百拜陳情于大順皇帝陛下忠臣  
義士于明為多勸義獎忠于順為盛是故如范景文周  
鳳翔等當亟為明卹贈之而匪但為明卹贈之劉宗周  
黃道周等當急為明隆禮之而匪但為明隆禮之又如  
史可程魏學濂當亟為明尊養之而匪但為明尊養之  
何則明孝著而順人知有父也明忠著而順人知有君  
也至若家玉殷人從周願學孔子但區區賓禮而乞繫  
之以明者蓋不特見君王之高義實我欲遂君王之大  
不寧也當此多方多士尙在危疑驚喜之時莫若將家

張文烈集附錄

三

滄海叢書

玉旌而別之刻其書以布之四方得一仁人以收拾天  
下人心勝精兵十萬可知也如其不允所請家玉決不  
墮泥塗為班皂羞歸鄉里為父母修誓殺身為性少備  
天子大享上帝刀鋸鼎俎諒非負氣守節者所隱忍而  
規避也榮辱惟命生死亦惟命

謹案計六奇謂文烈公後為忠臣上此書蓋借逃  
也又云抗顏賊廷覩死不惕即古之烈士何以加  
焉其節烈自足千古矣同時傾陷文烈公者有李  
覺斯文烈公被誣幾至滅族迄今粵人談張李故  
事靡不為文烈公呼冤而唾罵李覺斯不置也

詞臣殉國記 錄小說新報 卷之二

山淵

魏叔子曰蜀之山峭狹而自上奇險甲天下故人才不  
多生生則必奇余謂斯言也不特蜀為然而粵亦然粵  
地僻處南天羣山參錯而成五嶺蜿蜒北來屹然而止  
峯巒嵯峨高插天際望之若利刃摩空且也大海環之  
驚波駭浪時飛薄奔赴於羣山之脚試振衣於白雲之  
巔延領南望則見海天萬頃汗漫無際浪隨風起作峯  
樹起伏狀觀之而心頓壯此即陳元孝詩所謂五嶺北  
來峯在地九州南望水連天也故居其地者得山性之  
巖巖而濟以水性之活活合二性而冷於一爐遂煅成

張文烈集附錄

四

滄海叢書

一敢死勇往之概雖人材稀於星鳳不足以比擬齊州  
然英傑之士亦往往間世而一出其風概節烈反足以  
推倒一世者此即魏氏所謂人才不多生生則必奇也  
余於明末得一人焉曰張家玉

家玉東莞人字元子號芷園張兆龍之子也丰儀韶美  
爾雅溫文恂恂然有儒者氣象然性質沈毅外柔而中  
剛能耐人之所不能耐幼負大志恆以遠大自期博讀  
羣書而識其大者遠者不屑屑於詞章之學而詞章亦  
豪邁沈鬱有幽燕豪士氣尤喜讀兵法恆究心於孫吳  
之書而默考乎古來用兵之得失及天下形勢之險夷

以爲生當亂世天下分崩離析晉繳充蹊坑阱塞路非  
戎服講經之時而武事不可不講也祖母陳氏母黎氏  
均愛家玉逾拱壁觀其能爲有用之學相顧而喜曰此  
吾家千里駒也是時陳氏年已七十餘而黎氏亦五十  
有奇矣皤然二老銀鬢如絲均飽歷世故深明大義非  
尋常婦人所克晞其蹤恆以忠孝之義勗家玉暇則歷  
引古今忠臣孝子之軼事以爲法戒口講指畫娓娓忘  
倦間述至慷慨激昂之時爲之扼腕泣下恍若身處其  
地忘乎己之爲婦人也者家玉自幼至長既旣聞家庭  
之良訓耳濡而目染若置身於古人之前而親挹其芬

張文烈集附錄

五

滄海叢書

芳其忠孝之念遂盤紆於胸臆中而不去其後卒能殺  
身以成仁不負其初志者陳黎二氏之力也  
是時閩獻已揭竿呼嘯而起羣盜滿天下州縣兵單不  
足以抗賊所過爲墟隴豫秦晉各省均已爲鐵騎所蹂  
躪朝廷簡命討賊諸大臣均畏葸不知兵賊至卽逃拱  
手以城池相贈獻家玉每讀邸報輒泣數行下奮然曰  
海內糜爛至此非男兒報國時耶言已奮袂蹇衣躍躍  
欲動有上馬殺賊之概然僻處南粵去中原絕遠北望  
帝京長安漫漫帝聞不可叫朝廷豈知天下有張家玉  
其人者而委以討賊禦寇之責耶一介諸生兵權不在

掌握雖胸負大志終無補於國家耳思至此又爲之沮  
喪不已是時家玉瑩然一身形影相弔而胸中悶鬱之  
氣舍祖母及母外無可告語者幸有弱妹一人與家玉  
有同情妹名石寶年僅髫齡忠烈之志根於天性且幼  
承母訓熟讀古人孝經忠經女誡女論語諸書故忠君  
愛國之氣日益然萃於其面與乃兄無少差殊隱然有  
先天下之憂獨恨身非男子不能爲國家出力耳家玉  
處外感紛來之衝恆旁皇於室中無以爲計以祖母及  
母均屬風木殘年不敢以家國之感攫其悲傷惟一吐  
之於石寶之前以洩積憤談至庸臣之誤國賊勢之披

張文烈集附錄

六

滄海叢書

猖往往目眦盡裂相對泣下石寶反慰之曰天生我才  
必有用未必忍令七尺昂藏枯槁巖壑男兒報國會當  
有期欲速不達兄幸爲國自愛家玉亦知國勢險夷非  
一手一足之力所克挽回亦惟隱忍以俟時機之至而  
已

家玉雖不喜爲文而文名已重於一時司文柄者爭欲  
羅致之故未幾卽舉於鄉成癸未進士選庶常次年而  
甲申之變作當家玉初選庶常時自思一身已爲朝廷  
所有正盡忠報國之時然恆以討賊之策倡言於朝舉  
朝無應之者朝廷方拜李建泰爲大將家玉知建泰聞



茸泄沓不足有爲抗疏言之反嚴旨切責以家玉年少氣盛不能如老臣之持重是時大臣饕餮放橫傷化虐民小臣則輿金輦璧輸貨權門官嬉於朝兵闕於市舉朝酣嬉若燕雀處堂不知禍之將至者家玉知有明之祚其不臘矣李建泰愚佻短略輕進易退傷夷折劬數喪師徒不旋踵而流寇已薄京城九門之軍不戰自潰家玉欲糾合殘兵堅守城門而兵已潰散無一應者於是京陷帝崩明祚顛覆於俄頃間

賊既入城諸大臣牽羊迎賊俯伏道旁操揚沈之筆上表勸進者實繁有徒而忠烈之士殺身殉國如王章李

張文烈集附錄

七

滄海叢書

邦華倪元璐等不過數十人家玉痛國事之不可爲憤欲自殺旋念不有死者何以勵臣節不有生者何以圖恢復今宜討賊雪恥爲先帝復讐徒以一死塞責置國事於不顧遂得謂之忠臣乎於是含垢忍辱不甘卽死乃志願未酬身已先爲賊執賊高坐堂皇刀劍森列縛家玉至叱其降否則置之死家玉厲聲數賊罪詞氣激昂聲色俱厲賊感其忠義釋其縛而放之然家玉恢復之志未嘗少忘也

未幾家玉瞰賊無備伺間南遁時福王已建都南京亟投福王進以恢復之策而不能用適馬士英援引阮大

誠驟擢高官阮憤東林黨人之敵已盡翻逆案大肆屠戮假題於定從逆諸臣罪而爲報復之計家玉夙與東林聲氣相通大誠陰嫉之列其罪爲五等不死於闖賊幾死於奸臣幸有有力者爲之辨護始獲放歸然而從前隱忍不死之苦心卒無以白於天下天下氣節之士亦疑其失身於賊往往肆口詆譏躋之與楊廷鑿周鍾等末路英雄誠抱難言之隱痛矣

家玉壯志未遂所如輒阻及返鄉哭拜於祖母陳氏母黎氏之前卽欲拔劍自刎以謝悠悠者之口陳氏慷慨言曰大丈夫生不苟生死不苟死祇須光明磊落以行

張文烈集附錄

六

滄海叢書

吾志人言奚恤倘自刎於家何殊愚夫愚婦之自經溝瀆乎吾非恤兒死願兒死得其所耳福王雖以無道自隳其祚太祖子孫尙多散居四方未必盡無賢者且各省義師波瀾水湧人心未死曷常不可有爲一息尙存卽當盡一息之責任吾老矣所望以宏我漢京光我宗族者惟兒兒其勉之家玉涕泣受教未幾黃道周鄭芝龍等果奉唐王聿鍵立於閩道周素知家玉賢上章薦之於唐王王方思振奮有爲力搜羅天下人材乃授家玉爲侍講命旣下家玉單騎就道拜別祖母等而行石寶進酒三爵爲兄壽祝其成功家玉立飲而盡復奉三

爵於石寶泣而言曰余此行生死未卜家無兄弟惟妹一人耳奉事重堂惟妹是望妹其勉之石寶曰諾此余責也母黎氏復訓之曰自古忠孝不能兩全盡忠卽盡孝也吾兒旣委身事唐王自當馳驅於國事鞠躬盡瘁死而後已不可復念及家祖母雖老余能事之古人云匈奴未滅何以家爲吾兒當三復斯語言已麾家玉行家玉涕泣而去

旣謁唐王慰勉備至乃上疏陳江右勦撫事宜洋洋萬言唐王擊節歎賞歎爲奇才然不能用也時何騰蛟在荆岳集兵三十萬拓地數千里以歸唐王惟中隔撫建

張文烈集附錄

九

滄海叢書

等州聲氣不克相通王擬出大兵亟救援建爲通達湘楚之路乃命永勝伯鄭彩爲御營右先鋒統領勁兵出杉關以救撫州并加家玉兵科給事中命監鄭彩軍然彩無統兵禦寇之才豕資跋扈恣行凶忒標狡鋒協好亂樂禍而復膽小若鼷不足以當大敵家玉雖爲監軍徒有空名兵權俱懸彩手偶有所籌畫獻於彩前彩則慙慙自滿拒之而不納家玉已知茲行之必敗矣彩進至廣信畏敵不敢前家玉勸其一鼓作氣驅兵速行乘迅雷不及掩耳之勢敵人不我防備或可一舉而燭之彩卒不從家玉不獲已乃結健將四人各領死士爲先驅

以爲背城一戰之計方與清兵遇前鋒僅交戰彩已捲旆東奔所餘者僅家玉所帥數百人家玉奮勇死戰而衆寡懸殊後無援兵遂大敗士卒盡歿家玉僅以身免彩竟袖手作壁上觀未嘗發一卒一矢以相援救也唐王聞兵敗之耗削彩爵復疑家玉交綏不力恆舉其名以爲諸將士戒亦冤矣哉

家玉旣突圍而出單騎奔馳清兵追之急乃策馬疾行墜身谿谷中折其臂幾爲清兵所得急束臂上馬走新城遂脫於禍痛唐王無知人之明委鄭彩以兵權不戰自潰以至於敗兩都之傾覆皆如彩之類以成清兵破

張文烈集附錄

三

滄海叢書

竹之勢非清兵之盡強我兵盡弱也乃欲募兵惠潮圖再舉支病而行至鎮平有賴寄肖者素慕家玉名以其衆萬餘人從之又有劇盜黃海者所帥流寇萬餘人亡命山澤中家玉挺身入賊砦說以大義黃海感泣帥衆降願効死家玉驟得兵數萬軍氣稍振聞福汀事急驚曰江山殘碎祇此閩粵尺寸地號爲明有倘福京顛覆清兵必長驅入粵縱中興尙有人奈用武已無地何乃亟帥新得之衆兼途往援時黃道周已死閩省空無一兵清兵所懼惟家玉聞家玉將至乃默遣勁旅伺於途而擊之家玉之兵未經訓練黃海所部盡烏合流寇且

家王急於進戰兼途而行行未半途伏兵頓起衆倉皇失色不能成陣而自亂家王雖勉強奮戰新募之兵卒不足以當驍勁之旅犇潰殆盡家王單騎走歸東莞未幾而福州陷亡唐王被虜之耗亦至矣

唐王既虜而北其第聿錫遁入廣州自立桂王亦稱監國於肇慶未幾李成棟舉兵入粵破廣州聿錫亡將長驅下肇慶桂王勢岌岌是時粵中諸烈士紛紛起義師以牽制李成棟使不得西行陳子壯起兵攻廣州破高明而據之陳邦彥起兵破三水清遠諸邑與子壯兵合家王復奮臂而起與舉人韓如璜起兵於道滘據東莞

張文烈集附錄

三

滄海叢書

不辭勞瘁四出募兵士以至誠感之四鄉之民咸願投麾下然兵雖日集餉無所出家王盡傾家產陳氏黎氏又皆出釵環衣飾鬻之以爲軍士糧然不足以供半月餉家王乃說前尙書李覺斯等助資以犒士軍容頗振於是復進兵攻新安破之殺其令鄭鋈與子壯邦彥之軍東西相應果足以掣成棟之肘不得西行桂王獲以從容繕備修戰守之具國體於以麤立皆家王等起兵牽制之力也

是時成棟爲清効命急欲成功而家王等故爲之梗乃恨之刺骨又以家王在東依山爲壘邦彥在西舟師剽

疾往往東西合擊而已坐困其中否則已舉兵西行家王則陰出而襲其後轉而東旆邦彥又縱舟師以擣其虛馴至首尾不能兼顧於是一軍綴家王於新安自統大軍攻清遠破其城執邦彥而磔之乃悉精兵直壓新安是時家王僅據新安東莞蕞爾之地兵不滿數千成棟以十萬之衆臨之若舉炎火以炳飛蓬覆滄海以沃漂炭家王雖死力支持無殊於以螳螂之斧而御隆車之隧雖欲不敗不可得矣成棟攻新安破之韓如璜戰死義師傷亡殆盡家王僅以身遁成棟復乘勝下東莞東莞者家王父母之鄉而家室墳墓之所在者也方

張文烈集附錄

三

滄海叢書

李兵之將至也家王之祖母陳氏括家中餘資盡遣散諸僮僕泣而語之曰大亂頻仍家亡國破崑岡火炎玉石俱焚余死宜也若等豈可無辜而受池魚之殃乎今乘賊兵未至若輩速各自逃生主僕之恩盡於今日余無力以衛若輩并無力以自衛余亦不敢望若輩之衛我幸勿株守孤廬以坐俟屠僂也諸僕聞其語咸涕泣失聲俯伏不願去願與主人俱死陳氏強麾之去亦有終不肯去者及李兵大集繞城三匝礮聲若轟雷矢石交於眉睫城陷在旦夕人民盡豕突狼犇哭聲震天地陳氏集黎氏石寶及家人於庭而議曰聞賊兵破新安

大肆誅戮今此城將破我家爲發難之人必索之維急無倖免理若不聞邦彥之妻子俱就僂乎余老矣行將就木死固其所殉城而死瘡於老病而死多矣余亦奚忍留此老眼以坐視生靈之塗炭耶若等宜急逃易裝微服雜難民而奔或可免於禍倘異日天眷明祚光復舊物若等夫婦父子尙可團圓余亦忻慰於九地矣黎氏曰不可余聞忠臣孝子之家一言一動皆足鼓舞天下尙余輩隱忍偷生坐視姑獨死不義不孝奚足爲天下訓乎陳氏曰余尙貪戀餘生不能就義或爲李賊所執以脅家玉家玉將如之何議未定城已破家人倉皇

張文烈集附錄

三

滄海叢書

來報陳氏顧諸人曰何如事急矣若輩自爲計余自此別矣遂杖筇出門投於河黎氏自後追之哭呼曰姑慢行余亦隨姑去也亦聳身赴水死石寶追至二人已沈仰天哭曰余兄以祖母母氏付於我我不能竭力以衛之何顏復立於圓靈柔蓋間耶亦沈於水而死成棟入城果大索家玉之家遽廬蕭然闔無一人疑其遁懸重金購之踰日始知其死未幾尸浮於水面三人之手互相堅握數人力劈不能開而怒目切齒猶有餘恨觀者皆感泣流涕成棟亦咨嗟不已

家玉既敗匹馬走西鄉忽聞全家殉難耗痛哭倒地指

天誓曰君國之讐未報父母之讐又來千古慘痛集於余躬不殄此醜虜者非男兒也於是收拾殘兵圖再舉計西鄉有大豪陳文豹者復聚衆數千以奉之家玉之軍威復振乘成棟引兵還廣州突舉兵襲破新安復乘勝破東莞而據之所失二縣復歸於家玉之手所傷者全家殉難無有子遺廬舍蕩然盡成焦土耳家玉乃奉祖母三人之遺骸葬於莞水之旁白衣冠祭之搶地呼天淚盡成血精誠所感三軍皆哭時則金風獵獵白楊蕭蕭莞水西流聲聲嗚咽一若掬國破家亡之慘以警衆人者三軍莫不攘臂思奮大呼曰白髮婦人髻齡女

張文烈集附錄

三

滄海叢書

子亦能仗義不屈爲國捐軀矧余儕昂藏七尺之軀乎乃以次插血誓於墓前曰誓當戮力同心扶微救絕驅彼韃虜還我河山死者有知實聞斯語其有寒盟背義爲德不卒者有如此水

成棟聞家玉再破東莞新安怒益甚復集其精銳直搗東莞旌旗遍野鐵騎如山東莞兵民莫不相顧失色家玉歎曰成敗利鈍天也余盡余力而已乃指麾兵士扼金鰲洲之險以拒之振臂一呼瘡痍俱起文豹亦奮勇進戰軍士莫不以一當百鏖戰數日斬馘頗多然衆寡之數懸殊而成棟所帥皆騎兵銳不可當家玉遂又大

敗文豹死於陳中全軍皆飲刃以盡家玉僅帥數騎遁歸道濬成棟既破東莞復進師克道濬時李覺斯怨家玉甚轉乞款於成棟又欺家玉新敗滅其族火其鄉村市萬家盡付一炬更發其祖宗之壟墓暴骨於原野成棟亦命所部之發丘中郎摸金校尉等相與破棺裸屍掠取金寶所過孳突無骸不露復焚其藋棄草莽間斷取頂骨以爲飲器張氏之鄉黨宗族祖宗廬墓於以殆盡家玉聞之痛徹心髓時成棟已統勁兵躡其後思欲生擒之追者數千人其卒不爲所擒者幸也家玉伺其過而自後擊之成棟祇知家玉單騎而遁不復慮有他

張文烈集附錄

三

滄海叢書

變不意伏兵鼓噪而起呼聲動天不知兵從何來驚駭失措軍士自相殘踏以死者無算家王之兵多持耨鋤擊之紛紛落水中成棟僅餘數騎踉蹌而遁自是益知家玉之不輕敵矣未幾家玉復敗於成棟家玉再接再厲略無餒志乃孤身碎鐵岡收合十五嶺義民旬日而成軍以新安東莞之易得易失也乃舍之而攻龍門克之乘勝收復博羅連平長甯數縣進兵攻惠州遂破歸善所至皆捷勢如迎刃惠潮嘉之義士盡歸之復以博羅地形險峻可戰可守乃還兵屯博羅益募兵得衆萬餘人分麾下爲龍

虎犀象四營復進據增城粵省東部之勢已盡趨於家玉矣時粵中當道知家玉未易破以書招其降家玉覆書絕之成棟知其無降意乃集精兵攻增城家玉倚險自固相持十餘日勝負未決一日兩軍大戰於城外家玉戎裝跨介駟挺身搏戰揮刀直突敵陳幾搥成棟胸成棟駭呼麾兵反走家玉帥兵逐之追斬無算距長隄鳴金收軍軍法出張旗入卷旗或奪得敵旗卽麾以入敵軍是日家玉前軍斬獲多旗手喜出望外遽張敵旗入中軍効功後軍望見中軍之有敵人旗也賊曰敵破中軍矣急保壘前軍顧後軍之移動也亦賊曰敵躡我

張文烈集附錄

三

滄海叢書

後矣因是陳勢頓亂家玉大呼不能止成棟乘勢反擊皆不戰而自潰家玉身中九矢幾墜馬下顧視城內敵旗已滿知事不可爲乃策馬赴澗水死踰數日成棟獲其屍顏色如生鬚眉怒張欲動望者悚然而生畏未幾子壯亦被執粵省之義師遂絕家玉屢敗而不死是役大勝而反死其天也耶

山淵曰吾粵陳子壯陳邦彥起兵殉國婦人孺子胥識其名家玉則闇而不彰其實家玉之被禍較二陳爲最酷其百折不撓旋蹶旋振亦較二陳爲尤烈也或以京陷不死爲家玉玷且有言其屈膝以跪賊者

然跪賊之說得諸傳聞安知非阮黨誣捏之詞而其  
不死於京陷之日者則欲留此身以有爲也同時不  
死者更有方以智以智國變後遁跡爲僧人猶哀之  
矧家玉之大節凜凜者乎諸書載家玉皆略而未詳  
於其全家老幼之殉難宗族昆弟之屠慘祖先邱墓  
之發掘尤未及焉余粵人也間嘗渡莞水訪遺鄉憑  
吊陳黎石寶殉難之地而拜於其墓更博採於故老  
之所稱道而所得其遺聞軼事頗詳謹盥手而記之  
以闡發休烈於百世以下且以覘吾粵人材雖不多  
生生則必奇也嗚呼可以興矣

張文烈集附錄

七

滄海叢書

案大墳在道滘爲家文烈公起義地死者如堵河爲  
之塞因叢葬之遂名大墳辛丑冬赴道滘訪葉孝廉  
覺邁借二三同志登大墳吊古爲之嗚咽流涕不忍  
去特倚桂枝香詞一闋以吊之詞云墳同武穆又憑  
吊國殤淚灑盈掬半畝牛眠似昔倩誰修築野花零  
落殘陽裏賸頽垣荒涼斜矗一坏青土千堆白骨傷  
心慘目 念自昔中原逐鹿痛五百田橫同被屠戮  
聞話漁樵對此漫思擊筑腐儒被髮呼天問但江花  
江草凝綠至今行客時時猶聽大墳鬼哭又作一聯  
吊之聯云坏土自千秋無限沙蟲鳴黑月泥城經百

戰祇餘波浪咽清流迄今大墳零落荒烟蔓草觸目  
愴懷聞邑人近日有提倡重修之舉特將此詞及聯  
託醴泉宋伯魯代書付與沙田經理局刻石傳之以  
彰其忠烈田橫五百人安在難道歸來盡列侯誦龔  
子詩不禁爲大墳諸烈士哭也乙卯篁溪釣徒附識

張文烈集附錄

八

滄海叢書

張文烈集附錄終

滄海叢書第二種



靈

護

集



壹伍〇期 86 ½ 版

靈護集序

慨自陋巷請車西河喪明在昔聖門諸賢已不免有肩嗣  
天殤之歎顧顏氏之子至今不朽而卜氏之子於時無聞  
此殆有才與不才之辨也近世則吾父執臨川先生嘗有  
詩云宋時已死王元澤直到明亡湯士遠是則愛子之情  
與憐才之心交迫于中故略彘狂妄之行而特取其少俊  
并忘荆舒執拗之性而與均其至痛耳吾黨天寥居士葉  
仲韶多子多才其生也固數同荀氏之八龍其存者亦尙  
竝寶家之五桂顧獨于威期之歿涕淚併枯肝腸盡裂則  
亦以是子之才較之先殞者爲尤勝海中有寶猶當與世  
共珍惜之而況其爲掌上之珠乎衛玠風流名士哀感路

靈護集序

人羊秉令問夙彰無有繼嗣此其可憫宜何如者往見方  
正學答許廷慎書有云斯文世以爲細事然最似爲天所  
靳惜其賦於人也銖施兩較不肯多與得之稍多者便若  
爲所記憶時時迫蹙督責不使有斯須佚樂此理絕不可  
曉豈其可重者果在此耶不然何獨忌此而悅彼耶是雖  
先生有激之言然事固嘗有其實卽如短折爲六極之一  
豈宜反用以降威于文士而子安長吉之徒概多遭此雖  
其引被掩面而成腹藁嘔出心肝以滿錦囊不免自促其  
生然亦頗似爲造物所索之急遽而不容其需遲歲月者  
仲韶多子多才男也太沖女也左芬男也鮑昭女也令暉  
丙集而講論文義真有謝太傅之笑樂乃疎香芳雪兩種

遺集方斷香閣之魂而今此靈護一編復動藝林之魄則  
爲名父者又將以何方便法而遣情也乎威期日夜工揣  
摩之業一不得志于棘闈而遂以長往故其所殫精者率  
在制舉家言乃其於古文詞聊一染指便足擅場非其才  
甚異不能爾雖止吉光片羽然可望而辨識其爲鳳毛矣  
崇禎庚辰歲中元日吾家山人周永年撰

靈護集序

吳江 葉世俗威期 著

賦二首

夢遊崑崙山賦 戊寅作

嘗讀山海經十洲拾遺諸記云崑崙山王母之所治也  
神物之所生聖人神僊之所集也余欣然庶幾旦暮至  
之遂感夢焉乃為之賦

夫何天柱之峻極兮標增城而建閭風奠地首之縱絡兮  
左玄圃而右瑤宮既仰偃而俯蓋兮復下狹而上窿高三  
萬而挺嶸兮馭日月于九重規百丈而圓削兮攬沆瀣以  
彌中其為狀也峯峯兮岌岌嶸嶸兮崢嶸冠眾靈以苞峙

靈護

體岑峭而頽嶼直崔嵬以窈窕渺匝沓而亭騫氣龍從以  
繁合勢崛吼以紆邇初曠莽而浩衍乍邃幽以夷延岩崑  
不斷之岫劣崩無階之巔迴屋峯畢而巨壑銅柱嶙峋以  
入天邈絕磴以飛軒竦危峯而振旆繚風穴之蕭騷盤雲  
根之靈壽玉女似睇而披衣金鑣欲駕而乳萃華池高嵩  
室之船醴泉漱神明之瑞巒集隼于斯暈瀑璫流以響珮  
碧嶂磊砢而多姿丹崖灼爍而積績邇晃朗以爭奇遐窅  
寥而角隊儼肅列以疑賓歛詭立其如魅而迺鴻濛軒翥  
溟泮忽荒晴霓煜層嵐擘煌澄蟾停影于八樹炬龍息  
御于九光霞六甲而吸噲霧三日而旁唐露皆甘而輕瑪  
璫雪恆絳而錯琳琅暮煙霏而扶輿混冥朝雲布而宇宙

蒼茫爾其石也穆天子之所未升女媧氏之所莫鍊圓嶠  
駁錦之文昆吾水晶之劍南潭螭化之腸西沼龜浮之面  
或蛻白而流黃亦霽蒼而雨濺髓盈洞其瓊飴脂日滴而  
成饌織女遜其支機貞婦虛夫嬋媛神人鞭之而腳行仙  
真坐馬而腹辨超五嶽而最靈總八溟之巨甸木則奇柯  
瓌幹森梢繁直翹芳競穎靡可殫析琅玕在其東西璿璫  
挺乎南北葉自然而千華萼無名以百色玄流之桂堪舟  
寒英之桃表赤龍月之花開三影水仙之漿飲七日不死  
之林宜床止怒之枝恆黑類蒼荀而分香異檳榔以毓德  
青羊千歲之精白鵲四衢之跡又有芝田蕙圃沃衍從衡  
層則為九羣仙是耕青絲天棘紫脫華萃嘉榮夾穗葳蕤

靈護

敷英帝女化而善媚瑤姬夢馬感情菖補聰以益壽菊輔  
性而延齡苔夜明而照室芸辟蠹以披庭玉紅黃渠之本  
金藍翠坑之朋冰谷崆峒之蔓石膽琥珀之苓薜荔掛侵  
雲之蒂女蘿結如屋之藤優曇奚貴于佛域鬘華徒載于  
方經矧唐昌之玉蕊詎凡卉之敢京若其遨翔茂林栖依  
豐草同心著名希有共表焦明南飛幽昌北矯鳩鵲鳴和  
鸚鵡容皎鸚鵡迴風以銜丹鶴淚霜而冲晶海應潮于蒼雞  
僊傳書于青鳥聽鳳凰于清簫舞雙鸞于春曉陋睨睨之  
倉庚薄泥香之燕爪豈若紅閨佇泣于鴉魂紫塞空悲乎  
雁杳爰及浣火之鼠吹寶之麟噴光比月縮髻猶人環獻  
瑞而鹿久蘆沈水以駝神君子之化猿善嘯仙翁之登鹿

能馴駟虞好生而西伏開明震威以東蹲紛下窟而上巢  
類曹分于彼此餐墮月之琪葩飲流花之澗水水潺湲以  
練澄澗透迤以脩止寒漪凝碧于幽澗碎石淙珠而澌齒  
細草纖纖以入鏡飛雲飄飄而過底非桃花源而路迷似  
羽觴隨而曲只于是瑤臺五城廣千步焉玉樓九柱敞萬  
戶焉金殿長春銀宮不暮臨光碧于丹邱屬翠華于霄路  
蕊珠之闕流精紫瓊之房霞布夜光錯落于螭楣翡翠飛  
梁而虹度珠簾以玳瑁鉤風瓊屺以珊瑚承露拂瑋欄而  
奏笙竽啟晶牕而舒雲霧一萬里之圓海無波三千年之  
碧桃如故悵姬駿之不重來何離龍之所能賦是乃玄都  
秘府洞靈神京西華王母控浩斯憑方瑤躡履冠戴晨嬰

靈護

主

光儀淑穆晝霞姿明秦皇求之不覓漢武降焉來庭夫人  
則上元居首侍女則次第飛瓊樹五靈于阮華彈八璫于  
子登成君拍湘陰之磬雙成吹雲和之笙或有煮石初爛  
燒丹遂成駕鶴天漢驂鸞太清金壇授籙琅笈題名靡不  
于此望而羽升偃佺以松實方目叩疏以石髓駐形青鳥  
服洵而得道赤斧煉砂而身輕洪崖倚床而投博浮邱挹  
袖以餌精羨門佩節于蒙嶺安期遺鳥于阜亭斯皆真圓  
之位列允矣寶章之美英忽緬思而感夢豈遐覽其無情  
披蕙蔕之陸離衣芰裳之昭朗駕八景之飈輪乘灑氣之  
清爽嗽雲瓶之甘津掇奈花于仙掌受霄函于婉矜嚼玉  
蕤于鴻沆友瓊鸞而為侶神縹緲而決滌居兮白雲之卷

舒行兮青霞之相賞實乃至人兮所歸吾將舍此兮馬往  
是其覃精刻意之作故閱蒐博擷語多華腴

遠遊賦甲戌

洋夜子遊于曠垠之野徘徊沆漭之鄉縱覽太極流衍溟  
滄濯髮湯谷亢首九陽思絲邈而非窈神颯灑其靡常策  
煙衢以抗迹逐霞道而擷芳寄遐想于寥廓聳飛情之淋  
浪駕高颺以容與橫四海而遨翔于焉瓊天矯路瑤水浮  
航羽人汎楫曼轂騰驥吸風餐兮露飲曳雲裾兮霓裳旣  
疾徐之有節復旋往之無方朝馳驚于西溼夕歸次乎扶  
桑直余佩之陸離聊逍遙以徜徉雖寤歌于一室已周覽  
乎八荒

靈護

四

洋夜二字殊甚無謂問之世侗云取其汪洋于夜也存  
之不忘其志并識余痛為觀者一笑

詩

閒居卽事

俱小時作丙子  
以後卽不作詩

室內琴書靜庭前花草鮮清文堪自賞容與一雷連

草橋

草橋橫野渡雲樹出江亭欲羨漁舟笛飛聲遶洞庭

臨江有感

秋光愴慄氣初寒把酒臨風獨自看千古英雄寥落盡長  
江日夜一漫漫

登樓看雨

和四  
弟韻

風吹木葉正蕭蕭細雨無情濕畫綃莫向樓頭望南陌半  
天秋色五湖遙

夜景

碧寥無際影清清斷續霜汀幾雁聲自有梅花知我意移  
開瘦影月斜明

和白樂天

小庭草色正芊芊如簾捲春風入夢餘寂寂紗窗人不到一  
床兄弟與琴書

哭兄七言律十首

刻記  
雁哀

擬父貧病作

荒徑清貧悴葉飛病餘獨坐掩柴扉貧憐病况時時在病

靈護

五

結貧愁日日非休問藥鐙留病用幾看炊甑與貧違庭前  
景色徒然好貧病何心對寂幃

天漢歌

何潢波之浩衍兮共長天以一色通晝夜而不盈兮歷箕  
斗而難測乘浮槎以問津兮視牛渚之流雲卜支機于星  
石兮挹秋水之清沄

深山

山崔嵬兮巖崿窈窕兮窈窕兮控瀛碧苔兮遶澗翠微兮分叢  
春煙兮朝槿秋雨兮晚菘古樹生兮橫嶺女蘿帶兮長松  
茅屋兮臨溪石磴兮依峯攬飛霞兮可喻友閒雲兮相從  
吸清風而舒嘯侶明月之遐蹤聽猿聲于絕峽聞啼鳥于

新茸歎青山兮不改羨流水兮無窮哀塵世之多艱一回  
首兮成空

哭母擬離騷體十二章

刻記  
雁哀

序一首

壽友人序

戊寅代叔  
行叔作

太昂分光降祥煙而縹緲紫薇流瑞集芬靄而氤氳風來  
瓊島百草爭菲日暖芝田千花競笑水晶簾捲人迎僊院  
之輝玳瑁筵開庭啟瑤池之宴萊彩歡騰于膝下椿枝慶  
溢于堂前春濃麗色共羅綺而俱陳鳥弄歌聲雜笙簧而  
迭奏青鸞集樹白鹿啣枝進佳節於千年祝芳樽之萬壽  
友人文星降世嶽秀挺生熊羆叶夢早稱男子之祥

靈護

六

日月臨懷預卜賢人之瑞衣荷製芟性慕幽貞吸露餐英  
心存高尚東阪荷鍾棲遲衡泌之鄉南畝勤耕偃息蓬池  
之戶蒼林鬱翠照明月于柴扉古木垂陰來清風于澗牖  
勁表丹霄高貞白石鶉衣百結猶憐范叔之寒塵甑徒懸  
恆餉王孫之飯化高許子名擬陳君人修守劍之操里伏  
瞻廬之愧鴻聲遠著敷惠教于當時餘慶遐垂貽清節于  
後裔已而穎粒衍芳孫枝吐茂燕山之桂秀發三柯晉國  
之槐榮成連幹既龍鸞之並躍復蘭玉之交輝雄彩騰飛  
識珪璋之令器異材霞映知英偉之靈姿殫厥父儀成茲  
令嗣望天衢而神奮瞻雲路而思馳人傳鄧執實嚴訓之  
居多家集劉經由義方之克式久哉懿德之休爰躋斯年

之美國招賢士公孫應聘之年運啟升平叔子成功之歲  
乃值青陽之節適逢降誕之辰筠庭擢秀錦色絢而初開  
蘭畹滋芳異香繞而不散炬列龍銜齊看舞袖杯浮蝦鏤  
共奏繁絃爛彩借簾光相映簫聲與笛響俱清闌葉驚華  
瑤枝簇彩羣仙雜至爭持方朔之桃王母飛來咸上安期  
之棗借玉醴于樂巴遠期瀛海採金芝于商老遙祝南山  
龜啣玉柄允為獻壽之丹鶴進瓊卮卽是駐齡之藥握紫  
陽之真訣持關尹之靈方日與彭錢而俱遙年並王喬而  
偕永

記二首

遊黃山記

靈護

七

維時二月余在澄江春風和暢萬卉挺茂與大兄雲期遊  
于黃山山在城東門外六七里其下皆長松大柏榮蔚森  
秀過此則皆蕪巖荒徑路不盈尺倚崔嵬之絕壁俯眎無  
際其上則有石磴石梁可坐數十人皆天生洞穴而廣如  
室者恍乎別有天地非人間也其間崖巒不齊凌空絕險  
臨乎大江浩浩洋洋渺無涯岸此黃山之大觀矣峯回路  
轉山之境益奇而遊人之興有倦而不能至者乃大兄必  
欲窮其勝振履而上披蒙茸綠荊榛而余遂弗能從也一  
步一折委曲而上其上始平坦拂衣可坐雲色晦靄蒼茫  
混冥惟見江水灤洞入目而已須臾日暮尋徑而還忽見  
僧七人于溪橋間吸水談飲余問之不答而去明日復訪

之已不知其所之矣

臥室記

洋夜子隱于一室之內了不關世事曰此余寓意之所也  
或曰我與子隱于深山之內流泉左右碧巘參差同棲煙  
月共挹雲霞或醉花卧石或吟風嘯雨四時之光景不同  
而我與子之樂亦無窮矣何所不寓意而獨於是乎洋夜  
子曰非也山中之樂猶是人間之樂也若此室之中恍乎  
其別有境矣入而卧焉則義黃百代之聖人可以寤寐而  
遊閻風瑤池之上不待穆王八駿而往也覺而于于焉徐  
徐焉圖書分列琴几宛然迴清夢于布衾曙晨熹于紙帳  
天色又將曉矣嗚呼庶幾惟此真可以忘世乎

論一首

紀信論

論者以漢之王皆出于紀信之詐降我以為此一時之僥  
倖而非萬全之謀也夫項王之強甚矣紀信不詐則圍不  
解圍不解而漢王終死矣安能受此四百年之天命哉則  
紀信之功亦莫有大焉者耶雖然此僅可以誑項羽而不  
可以誑他人也城中食盡漢王出降此則當素車白馬而  
出耳何以乘王屋而從者二千餘人也使項羽稍有疑焉  
軍士不許東觀且因而擊之則陽必不保而漢王終為  
虜矣尚安得以誑楚為忠哉且亦幾于賣漢而非誑楚也  
惟天心興漢故生項羽之莽而成紀信之功吾故曰此固

一時之僥倖而非萬全之謀也

表一首

擬上因皇太子加冠講學敦念皇太后增崇尊謚覃

恩中外廷臣謝表

崇禎十二年

伏以桂宮初服霞騫玉藻之聲椒掖遺思日耀金泥之彩  
誕溫文而表裕清漢霄澄遡睿則以揚休祥光氣藹敢效  
微忱于五福聖德同天宏昭錫類于千官臣心隕地臣等  
誠惶誠恐稽首頓首上言竊惟周稱上嗣魚開黃鉞之符  
漢首昭靈雞表赤珠之兆濯龍門內能彰教授之風駐鶴  
堂中卽挺岐嶷之質體凝神液緱山毓美于塗山芝茁靈  
根伊水發祥于瀉水道先止孝昭馮翼于璇宮本係宗祊

靈護

九

茂芳英於瑤序敬成人于禮樂典重三加崇造士于詩書  
學端四術春深玄圃徒誇袖挹浮邱秋靜紺林漫和香傳  
上德好學名聞東海藻擅銅扉加冠賜自西京制殊金球  
賓升廟禱方知周道之尊主信臣忠卽是魏侯之寶非無  
航陳客醮終虛霖雨之星亦有席敞師絃莫念昊天之日  
疇昔游衣之所月冷晴絲泊更躋祊之餘春寒晝鏤薦櫻  
桃于故寢第襲先儀拂脂澤于空床暫流悲涕塘上蒲生  
之後何年重覆玉衣筐邊燕墮之時祇睹還存石字縑裙  
畱筭三星掩泣淒然象簟生塵六月含飴邈矣彼韋布繩  
思祖愛猶低徊致慟寒芹矧宮庭孝翼孫謀寧旦夕忘情  
陟屺茲蓋伏遇皇帝陛下百靈受秩萬卉翔春紫陌晨煙

塗舞勸農之詔彤墀夜月夢寒弊吏之箴歌湛露而嘉惠  
宗支演縈磐石步縉雲而聿興小學經置鼓吹騰言九廟  
之神靈承祧爲大因念三王之啟佑務學宜先爰定緝熙  
訪落之期竝舉備道醮成之典煌煌袞色朱綵彩散流霞  
藹藹宸光翠組華垂繁露曉日雞人傳漏簾外鳴珂春風  
燕史添香案前獻櫛金疊酌醴奩呈贊御之笄玉導簪紘  
盥設賓筵之悅樂千春而奏響風送清商禮三會以昭容  
雲飛羽蓋蟬顏初纒卽登紅杏之壇雞戟遐臨遂入青藜  
之閣苑通博望宛來恆嶽之仙館啟宣猷似類華英之市  
羽陵蠹跡盡資銀榜菁英汲冢蝌文咸化金華汗彩迺十  
六字執中傳禹恫然還想堯門方八百國抗法觀成愾爾

靈護

十

興懷文母悼禕禎之弗御蜃輅聲虛撫輦鑑而長號鳳奩  
香冷流凱風于春曉寂闕音容散泣露于秋原森凝隧路  
前星曜朗彌悲夢日之恩貫月光銷追表捫天之瑞誕布  
誥于皇天列祖敬增崇于寶號徽稱聿新鐘鼓之靈對揚  
顯命備潔苾苾之盛侑妥明神玉版輝煌鳳吹傳碧霄之  
響金璃燦爛龍旗漾紅日之光瓊笈瑤箱巨虹梁而上映  
眞妃仙女紛霓羽以來翔縹緲香浮恍惚降河洲之範氤  
氳靄密依稀聞嵩室之呼慶大禮之告臻百靈呵護預純  
麻之旁邕四海昭敷雨自九天鳩鵲遙沾于鶴室雲多五  
色蓬萊先被于芸章臣等恭際熙朝欣承盛事狎非江總  
敢陪彈瑟之遊文謝王褒詎博洞簫之喜晨炊雞饌或堪

致賞于林宗夜永熊丸僅足微稱于僧孺倘司軍旅毋忘  
戒琇之憂欲濟時艱每念命琨之訓劍芟黑水未清玉壘  
之塵箭劈黃雲遽沐金鑿之貺璐壺革帶寵逾楊賜之衣  
銀艾犀緄恩溢馮魴之賞昔桓榮稽古祇膺車馬之頒卽  
魏絳和戎亦僅軒懸之賜豈如今日褒及家倫一命微榮  
人捧告身之印六卿崇秩門開資廕之班競踰飛率舞于  
無前寧洗骨鑄心而敢後伏願疇修八政壽衍三朋端冕  
垂纓俾共勵請纓之志豐碑冊謚期大弘錫謚之公羣玉  
藏書毋寶白珩而寶善幅巾任將不遺繡袷而遺威則楚  
樹春秋兩五百而靈圖永固虞節日月三六千而福祉咸  
臻矣臣等無任云云

靈護

上

此題孝將示余以爲闈中秘密俗與佳俱作兄弟各自  
爭奇意欲奪元而刻程也齋志而歿天乎奈何父天寥  
識

此與崑崙賦俱極華腴鏤心而出一欲傳世一欲名世  
也

碑銘一首

泗洲寺橋碑銘 丙子代  
父作

竊聞秦帝東巡始雷鞭石之跡周王西幸爰有造舟之詠  
蓋津堦有阻而必通川澤非梁而莫濟是以惜民乏政早  
稱單子之明居令無才每勤薛宣之歎晉傳杜預之績病  
涉無人漢籍李冰之功行師有地故夏陽當險是鑄鐵牛

河北多艱用沈石鼈岸非千里曾表大夫之名橋異七星  
亦是崔公之惠况復如來說法懸般若于金橋菩薩悲心  
接恆沙于彼岸恢弘象教原爲共入之門開設龍宮自作  
經行之地者哉維茲泗洲古剎實在汾湖北潁葭風蓼月  
舊號江鄉漁笛征帆夙稱澤國鷺山之宮闕隨接鳧洲鹿  
苑之幡幢卽臨鶴渚惟杠梁之未成歎往來之乏濟靡不  
人患褰裳車勞濡軌斷岸蒼茫莫負泳游之懼修途恫怛  
奚辭揭厲之艱徐道人弘宣誓願大濟沈黎就蓮宮而啟  
建懸石磴之穹窿長螭巨而橫渡落雁下而臨波影入清  
溟乍疑龍伏梁栖濁霧恆似虹飛虛駕重流妙應斜星之  
制跨連絕岸高分半月之輝春風楊柳濯濯層欄秋水芙

靈護

上

蓉依依畫柱朝來入市無煩鸚鵡之舟暮欲歸田奚俟沙  
棠之權文成未遇或逢授履之仙武騎來過還表題書之  
志兼且隅樓四起朱拱相臨重閣三層雕簾間出菴羅蓄  
翠臨鐵鎖而垂陰簷葡萄花香拂石梁而結蔭山僧持鉢時  
來王舍之城士女燒香常入維摩之室豈特紫宮南渡徒  
法牽牛夏墓東來空傳飲馬而已銘曰

巍巍崇橋實河之梁除道編成在寺之陽臨江列楹安壓  
修塘橫絕春水駕凌流湯川連岸近路接堤長跨道龜浮  
乘空雁行用濟車徒以續舟航風行帆疾花落水香欄稱  
漢帝柱表秦皇方彼元凱河橋舉觴

誄一首



亡姊瓊章誄

瓊章余第三姊也性植端凝夙成明慧珠簾飛絮才驚謝  
雪之吟玉軫調桐穎識蔡琴之辨朝霞映日有如入畫之  
容翠羽嬌春無異神人之美加以天情開藻百莩能通逸  
思彫華諸家咸習誠飛仙之偶降非才士之所及詎期昊  
天殄我靈淑享年不永卒于崇禎五年十月十一日春秋  
十有七也嗚呼哀哉瑤玖雖美不長寶于敝匣芷苴信芳  
豈終育于常固玉摧貽怨珠碎啣悲恨與雁而長飛腸隨  
猿而共斷昔年月下花前常尋梨栗今日淒風苦雨空痛  
山邱撫素手之織痕宛追淑韻觀殘香之膩紙還憶芳詞  
爰作斯誄用以彰之誄曰

靈護

三

六造毓靈爰聚瑤池寶婺降芬乃誕玉妃琪葩敷彩閨蕊  
舒枝幼而異哲高挺慧枝馥郁蘭襟綽約芝儀琅情閒逸  
玉光朗輝明采秀軼清韻娛暉鑄才錦字藏影金閨粲若  
雪積爛若雲披少嫺女史長習名詩動容成法發語能辭  
東薪言秣桃夭于歸碧天忽悴紫簫永離銀河傾槎鈿鏡  
孤飛嗚呼哀哉姍容間出修態天然姮娥遜麗織女讓妍  
肪體玉頰素靨朱顏瓌容豔冶瑋質幽閒鉛華非飾黛粉  
無權芙蕖嬌日梨花睡煙游龍方婉驚鴻乍翩細語生芳  
美睐流精鬢髮垂鑿蛾眉含英絳霞天未明月中庭胡然  
柔綽宛其莊凝羅衣香嫺弱步芳盈欲顧憐影未笑傾城  
人或西子仙則飛瓊惠茂班蔡符比娛媼温明晰靜穆

端方嫺詳愷悌弘睿慈良兄弟姊妹胥咸樂康潔炯琬琰  
馨香芬芳獨抱澄韻寂鎖清光寒日方煦春雲初翔曠懷  
迥絕霏雪偏香幽襟允耀麗模未彰句驚瑞葉頌叶椒花  
揆菁擣藻芸思無涯揮珠灑玉萸翰能嘉漪迴晴瀾杼布  
絢霞何體不嫺何辭不葩冊函湘綺帙著縹華觸懷成興  
寓日鏤思琳琅響發紉組色靡織颺翠管敷瑤墨泯靈心  
虛運慧巧無師局窺奕旨兩集星離征鴻赴沼羣鵲依枝  
廣陵究律敏協桐絲明光曲奏楚妃淚滋書裙染練雲行  
露垂畫蟬榻蝶斐疊英蕤丰神瀟灑晚暖生情性厭繁俗  
思習澹清煙戀逸致霞壑高盟游仙寄詠步虛飛聲裳規  
芰製餐懷落英希挹石髓期採蕊翼蓉城偶謫蘭香再生

靈護

西

方來碧澗忽返紫瀛雲駟鼓瑟鶴瑄吹笙去此塵宇還彼  
瑤京嗚呼哀哉瓊姿帝子異世長隔玉貌仙人徒為過客  
神襟猶在奇方可述往駕弗續音容永失嗟兮賢媛何年  
太迫雪散華顏露銷貞魄乍背華門獨守荒陌幽域千年  
紙錢一佰嗚呼哀哉匣無餘澤衣有遺香爐灰空冷瑤琴  
靜張鏡沈石黛燈孤畫房珀枕虛懸羅帳徒颺壁月暗彩  
繁雲結觴蕙折纖枝蓮彫豔芳泣血滂沱愁肝裂腸山色  
淒碧帝閣阻蒼嗚呼哀哉泉燈閃閃總幕飄飄香容永絕  
絮酒空澆靈幃何寂芳魂何遙北風斯凜陰雨恆漂白楊  
嗚咽青草蕭條杜鵑叫壠鷓鴣悲宵吁嗟嬋娟邈焉悴凋  
嗚呼哀哉亂曰玉樹兮摧折彩雲兮飛散花辭條兮長落

雁分飛兮永斷嗟佳人兮一去殫終世兮不見瞻平原兮  
窈深無涯觀流波兮蒼茫失岸望彼天兮虛寥寥怨九原  
兮情漫漫視白日兮無光拊悲膺兮長歎嗚呼哀哉

靈護附集

挽什

不肖有小啟奉求名賢垂光幽壤聊伸永痛惠徵椽筆尚寥寥也容俟續刻今以至親近戚及自一家哀悼之作先綴於此

輓葉威期世盟

周永年

曾見臨川哭阿遽汾湖淚雨更何如孤貞得伴全生苦先  
未弱女非男慰意虛有大病豈知加小愈有棺  
那使出無車晉人空自誇能達宿命都緣結恨除  
仙壇舊識雁行斜公向有語云君歲在龍蛇信可嗟叔  
寶故應談絕倒賈生弗及賦懷沙六龍下食今番滅七業  
俱興兩度賒此日逋翁猶未老非熊奇事豈爭差

靈護附

悼亡甥葉威期

沈自然

欲哭難為聲欲言難為文豈真有此事掩耳不忍聞出入  
無次第聘貽停空雲嗚呼亦何歟舛錯誰能分  
所悲非一端萬事常決絕生死苟不昧哀哀向誰說老親  
堂上號少婦閨中咽子亦誠忍人胡能遽相割  
爾母中歲殂爾昆卯角亡兩姊從風凋幼弟隨妖殤慘毒  
併一門兩淚流穹蒼豈獨至親人餘哀泣路傍  
慙慙狂妄流醉飽安無恙志士稟幽貞坎壈遭天喪不惟  
不得老抑且不得壯悠哉輔嗣魂何處談玄暢  
爾生孩抱時娟娟如玉珪我翁性孤抗見爾亦解頤十五  
游庠序循飭多令儀倏忽成陳跡追憶肝腸摧

森森寶樹林圍繞羅庭前燦燦冰玉姿彩質耀相宣一日  
逢摧頹眾美缺不圓雛嬰未匝月良眷僅逾年

憶昔聚西齋新文喜華縟琅琅水龍吟篝燈照夜讀攜酒  
花下戲散髮林間沐當日歡笑聲誰知變成哭

昧昧存亡際惻惻縈我懷理窮人意促世變天心乖陽和  
二三月冰雪兼陰霾東風如箭攢蕊落花不開

憂愁能傷人知子有何愠佚樂能戕生秉躬復端慎年少  
卽幽塗朱棺蓋青鬢冥冥造化心茲理何絲問

雜肴陳兩豆清酒傾一壺我死爾奠我我翻奠爾乎生死  
槿花光閃爍只須與魂兮早來歸鑿此傷心無

哭亡俗七言絕句四十首

葉紹袁

靈護附

哭盡殘燈永不逢片時回首卽千重空餘白髮蕭蕭影獨  
伴靈床怨曉鐘

茫茫魂去欲何依夜靜天高月正微莫道啼猿在三峽故  
鄉春色最沾衣

誰將玉樹遽長埋繡佛幡前四日齋作十日佛事祈保方及四日花散  
維摩天女現卻教阮婦折金釵

暮雨瀟瀟閉笛門悽然冷色暗黃昏挑燈忽憶微之句又  
復重添兩淚痕元微之詩消遣又來緣爾母夜深和淚有經聲

一病侵尋半載餘茂陵無路返相如依然四壁家徒立賦  
草何年奏子虛

舊京兄弟上書歸江上秋風送落暉卽使鍛殘雙雁羽如

何行斷一孤飛

無限雄心挫未伸  
橫几空有研雷塵  
青春年少歸何處  
老眼模糊哭子人

滿篋清文自泊如  
半間斜屋鎖玄居  
尋常兀兀編蒲柳  
黃卷猶存薤葉書

兄弟相依二十秋  
破床敝幕未曾羞  
怪來貧骨天生定  
貧到今年又不留

一回慟哭一魂銷  
把酒臨風帶淚澆  
醉後不知兒是死  
再呼煮藥待明朝

閒來愁看薛墻西  
曾對荆花掩淚題  
又折一枝紅萼去  
那教人不萬行啼

靈護附

三

猶憶辭家別故幃  
一帆南浦挂霜威  
也憐病起歸應早  
年去春歸更不歸

元宵風雪沍春寒  
冷斷鄉思旅鬢殘  
猶幸子規催夢緩  
病容愁緒得親看

異鄉客久似飄蓬  
贏得沾巾淚眼紅  
汝去九原兄去越  
三人生死各西東

扶病歸來強戴巾  
偶過方丈暫栖神  
怡顏猶自憐諸弟  
那道黃泉作故人

渭陽原上結瓊鞋  
畫媼曾憐幾日眉  
燕子不歸簾月冷  
三更翡翠泣孤幃

阮郎貧徹漫嗟吁  
母去誰人更作孺  
雷得舊衣燒卻後  
故

箱還有剩衣無

雨橫風淒奈若何  
閉門空有淚痕多  
不知今夜兒誰宿  
可共諉闈一處過

無情無緒淚常潛  
荒草空庭盡日閒  
祇有鷓鴣啼不住  
一雙啼去復啼還

弔客紛紛舊日盟  
素車白馬古今情  
文章黃土成何事  
誰叩皇天叫不平

少婦閨中哭未休  
翠鬢綠髮化紅愁  
雖憐弱女猶堪慰  
恨不爲男喚阿侯

撩亂朱藤似恨長  
夢殘蝴蝶也茫茫  
閉門猶恐梨花悴  
自拭千行與萬行

靈護附

四

牡丹花對夕陽開  
坐地看花把酒盃  
一哭直教花盡萎  
花魂還得再歸來

鷓鴣無端怨太頻  
舊闌干外綠爭新  
閨中最似薔薇雨  
紅淚朝朝泣向人

一窗愁雨浣春紗  
寂寂窗陰鎖影斜  
冷杜鵑紅血盡  
至今枝上不開花

千槌槌碎夜光珠  
不管人間愛惜殊  
欲問關情何處切  
掌中點點血珊瑚

海棠開遍曲欄新  
似怨如愁不耐春  
今日臨風憑弔客  
去年同是看花人

初時求療到金閨  
兄弟相隨十日裝  
漫說劉晨能採藥  
龍

宮無術欲傳方

蕭然除夕不歸家白髮孤燈夢亦遐憐得長兄畱伴汝今

朝同與哭天涯

洒淚長驚蕙草摧晨光倏忽夕陽頽當年悔不誅徐市海

上何曾覓藥回

落盡櫻桃又鳥啼斷腸門外草萋萋若將淚點隨流水碧

海遙通雪嶺西

夜來曾夢在西廊新築亭臺畫粉牆應是修文人住處故

畱汝在奏長楊

飄搖總幕掛堂東曾否魂遊到此中止有孤身雙淚眼鶯

花鵲月對春風

靈護附

五

春來無處不芳菲獨有楊花似淚飛試向風前相比看萬

千離恨兩依依

文壇方擬步時名月旦曾蒙父友評誰料玄穹能太忍半

天風雨折青萍

殘更未盡憶天明待到天明痛倍盈何似更殘猶有夢又

看日影望催更

傷心無日不霑襟好友相憐慰好音那得便教忘却汝一

當慰處一傷心

年少何嘗有業塵困中深自晰根因願畱病體皈三寶佛

法于今不度人

生成貧士福無緣伯紙安能買百千全是閨中綦縞婦嫁

時衣作拜經錢

古來長恨恨綿綿今日如余更可憐汝喪家貧身又老憑

將何術度餘年

次貧病十韻再哭亡俗

奉倩眉孤強耐貧西河又作哭兒聲繁霜黯黯重正月凍

雪悠悠誤老人薑橘親調初有婦俗婦亦能文如令芷離

空佩未稱臣中郎漫道書傳女何日松楸付阿新白香山

歲暮寒深霰雨飛片帆南去別荆扉蜡月十八日往嘉

歸鴨艇生耶死二月初一子夜人駕蚪車是也非上帝何

嘗公道在皇天真與好修違崩城忽似渾閑事黃鵠歌哀

靈護附

六

兩發幃乙亥偶兒未婚之婦

修文璇館碧宵重無路人間可再逢一自鶴湖驚斷雁至

今鴻冢訴秋蛩去秋先就半年賒藥傷心債除價至今未清故屋

招魂旅病容死于庵中試採前汀蘋葉看子規催化血芙

蓉歸至庵二

屢遭家難幾如子九載于今遡起居壬申至今白髮剪殘幽憤

血青燈炤絕斷腸書曾誇珠樹攀郊桂豈料瓊芝作惠樗

為訪三生石上話葛洪川畔越巫虛武林有活冥判人爭

紫臺冥漠若為家萬里崑崙遠未加俗曾作夢游護草堂

前先築室俗池塘春近可通涯俗軸裝金臂追心碎乙亥

勸公有君家雁行還有凋傷之語  
命畫準提佛事之至今像猶在也  
日思祇有木綿衫上點天台分得醉桃花  
井水借劉阮事醫往  
天台禮懺僧亦

往事閑題正莫消又驚異慘幾堪聊非慚先見同彪瘦自  
識多情竝衍饒泣簡詩文供世弔哭攜筆硯對靈燒安仁  
賦愴孤孩貌况是初生二十宵

貧骨如冰徹影涼病中焦火熱相當祇因槐市秋風促故  
爾松舟夜月忙覆考冒暑感病之絲做榻深深拋蠹粉遺篇寂寂閉  
殘陽欲知兄弟悲悽處滿架琴書一渺茫

賣田禮佛冀延生法海幡幢會不輕敢信文章能積崇豈  
緣骨相太傷清鍼挑左指慚公字陶侃左手有文直達中  
指上橫節相者曰若微

于上位極人巨佩以鍼挑  
作公字俗左手中指亦然  
淮舊明月何年還望逐虛名

白下歸來一病侵臘殘春到總浮陰廿年呼父人何在兩  
地隨兄夢亦深郡中武水兩處罪貫若盈須我受慶餘無

驗向兒尋天公肆毒真如此拚學共工那得禁共工頭觸  
天矣余曰餘亦何益不餘反無今日事耳

龍腰騎折謫當休還少塵寰十四秋地是瓶山無玉酒在嘉  
善居亭瓶山以酒瓶疊成

魂蹤杳細雨黃昏幕影悠三徑盡荒惟五柳條條泣淚向  
風浮

哭威期婿

沈憲英蘭支

奠俎空陳酒一卮天涯此訣見何期無端電碎春紅早忽  
遇霜凋夏綠悲燈炤雛嬰啼素幕風吹遺像響靈幃不堪  
癡想人如在惆悵還疑夢裏時

綠窗春盡雨闌珊故篋遺文意倍酸海外靈香魂莫返閨  
中隻影淚成癡百年露草孤山寂一載風花逝水寒笑語  
宛然猶在耳月明何處倚闌干

絕句十首

寒食煙多日欲西紙錢風逐落花飛棠梨題處金鈿碎門  
外吟魂歸不歸

忽遭荼毒訴蒼天血濺麻裾眼欲穿痛極哀呼身可贖不  
辭九死向重泉

靈護附

梧桐節影日初長靜對遺容漫斷腸問君君在渾無語凝  
徹雙眸送夕陽

物在人亡事事悽畫梁空落燕巢泥晚來更有傷心處無  
數棲鴉伴對啼

數竿修竹弄珊珊挑盡銀燈月滿欄子規枝上聲聲血血  
淚啼殘淚未乾

淑景如前獨掩扉深沈庭院影相依無情花草誰為主歷  
亂東風空自菲

獨對几前括碎腸腸迴百折淚絲長磁鑪香篆沈沈鼻總  
帳垂垂塵滿床

一去茫茫隔萬重泉臺渺渺信難通孤燈長夜空相泣泣

斷東風不再逢

叫破蒼天誰見憐嗟乎薄命是何緣從前世事茫茫影稽首金身學坐禪

琴瑟相和易促離祇君才器敢齊眉自慚蓬性原非匹天遣孤鸞泣數奇

哭威期弟

葉小紈 蕙綱

洞房琴瑟暖春風雙鳳簫聲對碧桐驟雨忽驚連理折彩雲流影去無蹤

秀質翩翩早請纓文闈初試未成名多應還恨乾坤小難轉雄才赴玉京

荆樓長共弟兄居慷慨擁書日自娛壯志未酬同一夢誰憐滄海墮明珠

晴雨懨懨總可傷簾垂寂寂舊迴廊從今花鳥徒增恨兩度春風斷雁行

日色荒荒怨鷓鴣窮泉冥漠痛難呼離情不學春雲斷未睹羊碑淚已枯

冷雨尖風度朔雲嶺猿哀嘯不堪聞臘前送我江頭別何意春來我哭君

寒暑無移守硯臺情懷端不為春開從來肺病原非一哭母傷兄想過哀

悲歌彈缺氣如霓何事才餘福不齊誰料蒼天能降毒鴛帷未冷變霜閨

依依斜日上簾鉤猶是當年把袂遊煙鎖北邙千古恨叫殘鷓鴣月冷荒邱

千遍相思千淚垂傷心怕作哭君詩憑誰喚醒紅塵夢碧海青山話別離

哭亡兄威期

十五歲 葉小紈 千瓊

自從閨閣別離侵幾度寒宵盼遠音簾外依稀春意曉春來徒得淚沾襟

兩地思兄恨不隨自憐今日泣蛾眉憑將夢逐天涯遠有夢歸來卻訴誰

書齋人去鎖蒼苔可歎離魂不復來總有遺容虛舊日江郎彩筆向誰裁

關雎昔日架前詩曾向紗窗教妹時猶剩餘文新讀罷怨雷湘篋莫重窺

花枝一夜向風凋此去仙槎弱水遙幾陣寒鴉歸度後再無雁字寄春宵

煙雨清明送落花靈几法轉妙蓮華紙灰空逐花飛散奠俎空陳一盞茶

午夢梧桐舊日非前生緣短易凋稀淒淒斜月黃昏冷空伴孤孩泣素幃

碧天雲散竟悠悠數載風光一日休笑語宛然難可問月明何處在書樓

哭亡弟威期

葉世佺 雲期

靈護附

九

靈護附

十

無邊幽悶對春凋零落花前淚暗饒自別芸几追夢杳惟  
留紙帳伴魂飄離羣雁影分雙羽叫月鶉聲共一宵堪歎  
相如終病渴茂陵秋雨最蕭條

不賦凌雲賦玉京空將擲地浪傳名禰衡有學虛期許賈  
誼無緣輔聖明半世文章荒筆塚十年才氣負書城蕭齋  
遂作招魂處寒月霏微落絳英

青田鶴去淚沾巾棠葉瀟瀟夜雨新共謂君才宜作棟豈  
知爾命故如塵煎香不渡瀛洲海遺佩難尋漢水濱中夜  
自悲情分薄三生石上恨前因

花堦連袂興偏豪自是文心瑞錦濤忽奏霄笳辭白日今  
來絮酒滴青蒿追思久恨游仙蚤弟有夢游崑崙山賦傳世徒誇賦

靈護附

七

殿高王延壽代父作靈光殿賦弟亦代父作泗洲寺碑文與賦俱刻集中一自金陵為逐客

至今風雨泣江臯下第南歸即病

憶昔飄蓬作旅游天涯到處是悲秋相依多病誰知苦剩

有同心對識愁越國雲山回首絕就醫武水秦淮風月望中休

可憐聊落生前事腸斷青松訴古邱

貧士從來天不憐題橋齋志向空煙窮愁燈火三千卷冷

淡風光二十年幻海枉牽情死眷人間漫說鬼才仙黃昏

哭斷寒窗影無數傷心待夢邊

讀書樓上雁驚殘是處魂飛是處寒白髮親傷衰影瘦青

春婦咽哭聲酸遺孤見父含珠後幼弟思兄故枕單惆悵

人生已如此一家今有淚相看

哭母方餘幾度春悽慘露百年身思親自昔還同爾陟  
屺于今少一人垂柳無情猶弄晚新柯何意復流晨信知  
舉目俱成慘冷落殘編滿屋貧

庭前繁綠長芳茸獨訪荆花蕊不穠書室前有紫荆一幾株兩年忽枝葉凋幾  
日草堂相再賞今朝楓渚隔千重鴿原舊恨追前夢鶴表  
雙歸怨曉鐘鄰架依然還未改可教異世更來逢

全家骨肉痛存亡聚散真如墮葉霜數載熟嘗永訣慘半  
生已是撫棺忙明知蒼昊關難叩漫道青年境可傷欲語  
不成悲滿塞傍人忍對此哀腸

哭亡兄威期

葉世侗 開期

靈護附

七

茫茫草成紅泥春寒紫塞龍沙冷一雁忽爾悲分離千里

萬里難相逐古戍渺渺無迴期荆花若為人恨別畫欄絳

雪摧芳菲含情欲向故人語故人何處徒沾衣有兄有兄

我威期志冲牛斗何磅礴至今英氣猶青霄倏忽一生朝

露薄憶昔連床二十年黃昏夜夜同書閣何期此日隨變

遷彩雲吹散長寥落寥落泉臺一去悠飄英無復綴枝頭

憐兄乍別高堂寢魂魄蒼茫入夜修江南春色生芳草湘

渚秋風送碧流流漸湘水最無情桂舟欲渡客心驚驚斷

洞庭湖上色征鴻嘹唳暮天橫吾聞自古亦多故豈無才

子歡平生或有烈士稱暮年功成豪傑垂英聲聞傳年少

氣方盛荆山玉碎悲珠沈賈傅懷沙曾賦鵬終童棄繻空



長纓然而已有明主知松楸拱墓還蜚名何獨於今生不  
天蚪車一旦催人早有志未酬身先死生芻零落同衰草  
讀書萬卷空已矣平津折劍知誰曉嗟天厚俾斯文章何  
爲又使中道天雄心壯懷成灰燼千古遺恨爲兄盡怨逐  
長江流不窮滔滔潏潏哀相引流哀流怨空自傷死生永  
訣終參商參商今夕呼重旻故園遙別隔年霜我兄去年  
與家別旅居卧病天一方梨雨寒光淒曙色梅梢凍影怨  
斜陽庭中物候已驚殘游子長征猶未還天涯遙數重歸  
日鶯花蝶草可闌珊無端帝檄來相迫英英從此悲聞笛  
歸來祇剩舊枝斜斷欄蔓草西牕壁尋梁燕子猶飛飛飛  
飛若問人幽寂清畫蕭蕭細雨寒殘宵黯黯荒明月明月

靈護附

七

多情炤影寥細雨寒扉似嗚咽嗚咽不聞何所之櫻桃花  
落暮鴉歸歸鴉飛入花陰裏宛出庭前延佇時倉皇欲覓  
又誰匿沾巾惟有淚如絲絲絲有淚念骨肉余渺何知慙  
樸嫩哭母悲兄日垂泣泣盡西風涕漣漣吁嗟再把玉樹  
埋寸碎肝腸何日續釋愁無計陳思文深情奈何桓伊曲  
清歌一曲哀雲起雨霰瀾天聞鬼哭對靈衣終惘然遼  
東歸鶴望青田青田鶴去遼東遠華表何年再一傳祇有  
啼鴉啼不住三更叫月淚涓涓

哭亡兄威期

葉世儵 書期

百年倏忽暮雲間長隔幽明有淚潛別夢空嗟春夜杳斷  
魂難問舊時還詩傳燕縷悲瑜塚人似羊碑泣峴山豈料

兄才稱蚤死漫隨流水去潺潺

一從殘臘別寒宵隔歲屠蘇不共朝空盼異鄉歸計好誰  
知禪榻去魂遙牽幃忍淚相愁勉執袂無言共寂寥何日  
緱山人再返塵懸紙帳影飄搖

欲問青天不可緣何仇何怨毒何綿哭兄死痛纔經日旅  
病生離已隔年雁影墮雲驚字裂荆枝泣雨墜花鮮望涯  
不見徒延佇莫道湘江恨獨專

傷心離別梵燈中紫管人虛再不逢瑟瑟寒風啼蜀宇萋  
萋芳草怨吳宮休言夢斷難回首卽有魂交枉付空可歎  
生來遜花蕊他年還似舊年紅

靈護附

七

似離人蒿里歸恨壓秦城悲杞婦怨遙楚渚泣湘妃惟遺  
子敬空琴在寂寞蟪蛄網玉微

書齋寂寂雨蕭蕭哭斷東風去莫招魂向天邊應自憤怨  
含地下料偏饒芳音欲問虛青鳥壯志何年折迅鴉誰道  
皇天憐積善賢豪從古半無聊

煙樹千重鎖覆埃無端人去不回來平生每負稱仙史致  
令今朝作鬼才剩有餘文供蠹簡獨畱新管賦瑤臺數年  
聚首長休矣惟藉澆靈酒一杯

月明曾炤故牕紗獨歎流光人已賒冷閉空幃成鬼境讀  
殘餘響卽天涯三更叫盡雙鴻淚并悼二兄五夜飄寒六出花  
未遂功名身枉死題橋深怨恨無加

空床猶似病時陳，祇剩西窗影尚新。  
幕燈昏渾是夜泉，臺漏杳不知晨。  
恢遼有志書生淚，報國無身草莽臣。  
回憶年來同學日，可憐煙雨付紅塵。  
九京一去痛難尋，濕袖啼痕夜夜侵。  
蔓草碧苔寒月寂，梨花細雨暮天陰。  
清歌無奈長愁絕，樽酒難澆疊恨深。  
此別祇須石上會來生，又恐昧于今。

哭亡兄威期

十四歲 葉世倌 星期

昔年共事謝齋前，今日分離歎棄捐。  
書帳無歸塵積網，硯几寥落冷淒煙。  
忽思欲信非真死，試想猶疑更可憐。  
此去休將有返望，祇留燕子故梁邊。

兄弟相安一室貧，豈虞遭此痛難伸。  
花朝聚袂商今事，月夜同床弔古人。  
語笑翻爲流涕淚，清談已作訴悲辛。  
追思莫挽徒嗟矣，沈日斜暉落水濱。

靈護附

甚

除夕他鄉隔闊嗟，斯時惟望好歸家。  
病離去歲違相待聚，不三朝卽慘加日落疏。  
櫳空設座月明春，樹但棲鴉未知泉。  
下知之否仰視高天泣暮霞，昔傷未久又今離。  
人世何其苦若茲，見室卽追同學日看花。  
忽憶共遊時傷心不忍翻遺卷，染淚無聊作悼詩。  
若報善人真不爽，吁嗟天道太堪疑。  
靜以思之莫奮飛，架邊還掛舊時衣。  
春風淑景愁皆是，明月空庭境不非。  
于今難會聚百花，從此莫芳菲回思昨夜殘燈影，猶似床前掩病幃。

幾年既翕忽，焉消故室淒。  
其付寂寥空，奠酒樽惟鬼饗虛。  
燒錢紙作魂招花，將欲謝同誰。  
看烏待重啼，亦黯銷恍惚音容。  
如在目，何時再與共良宵。

煙草淒淒曠遠天，滿庭光景最蕭然。  
生還哭死悲能訴，死去離生苦更煎。  
同酌風前可再日，共談月下永無年。  
我兄負志高于世，十載猶傷遜子淵。

不知重見在誰秋，一去昭昭就冥幽。  
自昔同居何識苦，忽逢分別不勝愁。  
蕭蕭細雨添人泣，瑟瑟悲風吹淚流。  
若訝若驚終未信，哭聲有盡恨無休。

哭亡兄威期

十二歲 葉世倌 工期

同居一室好相期，倏忽天涯頓別離。  
夜半夢中驚寤起，猶疑還是讀書時。

靈護附

未

憶昔兄初哭，母兄猶然泣涕恨。  
咿咿誰知兄，又爲人哭舊怨。  
今愁無數情，當年舊恨未曾消。  
又見兄今卽隕，洞骨肉半爲泉下鬼。  
惟畱遺跡冷蕭蕭，烏見人哀亦且悲。  
生離死別豈無思，幾年歡樂飄然過。  
一去于今絕會期，月明共聚喜娟娟。  
不道今爲涕淚漣，從此幽明兩境隔。  
欲逢惟在夢中天，輓威期姪 葉有震 仲起  
晤別瓶山隔，一句竟乘黃鶴去。  
無聞於時微念憂，偏切深。

歎賢昆痛可分筆蕊未能全吐彩墨池竟爾不生雲龍文  
遠逝殊堪悼况篆君翁德復殷曾養病瓶山精舍前數日  
操舟候之雷信宿別去旬  
日遂聞

豈須琴破已名歸何事修文帝命催鵬鳥賦成君絕筆鳳  
毛亡後世無才歸從蘭若初心解覽向蓮峯三乘該埋玉  
于情何可已徘徊清夜每生哀

輓威期表弟

嚴與敬聖與

河陽標格雒陽才勝質英文世共推不分丁年蛇召疾也  
知庚日烏徵災康成帶草淒應斷子敬絃琴痛必摧莫訴  
向來攜手恨擬書天問寄泉臺

最憐揖守似終童羈越雄心一夢空腸斷嚴親與昆弟淚

靈護附

花

垂逝水動寒風旌搖柏谷竟長往笛急山陽難再逢為語  
淒涼竹林伴涉江文在許誰工

哭威期表弟

嚴祇敬仲日

丈夫重意氣離別未忍輕鍾情正我輩如何隔死生一去  
不復聚千秋誰令名古今同慨歎况是弟與兄莞莞余小  
子提攜渭陽情弱少登高堂濟濟皆瑤瓊荀氏稱八龍顧  
子難為甥亂拋湘帙戲時共棗栗爭束髮知讀書邁往君  
有聲江上樂晨夕風概敵無勅睽違四三載帶水伴盈盈  
相逢歧路隅子雷我或行壯志素有期何必行跡并昨歲  
聞卧痾失意感和平致身苦不速大器鮮蚤成由來貴知  
命哲人當自明奈彼二豎何驅之若繞縈我時問君疾君

為強起迎神理既憔悴顏色猶鮮頰語我病恐殆聞言心  
怛怛觸目琅玕姿兼葭雜藍瑛前年碎一璧茲兆安可萌  
頰首問天公天公豈其盲日月方幾時念子中夜驚南方  
果卑濕鵬鳥飛來鳴蘭蕙俄摧折春風萎芳英惟彼蕭與  
艾何為盡敷榮櫻茲造物忌反復凋荃蘅平生今已矣一  
棺在兩楹拜君總帳前昆弟哭雨傾舅氏痛君切無言淚  
縱橫我欲前致辭不敢披微誠死者無可追此語他人評  
理玉著土中恫怛心骨營空床滅陳跡遺文發新劄肅肅  
豈歸來寒飈吹素旌白晝忽長夜中宵餘短檠荒郊自迥  
迥流水何清清掩涕返故廬悲吟不能賡

續郵

靈護附

索

君張以渭陽至情俯垂挽悼賜至時實六月十四日已  
鐫及二十餘紙矣不能攙入卷前又不敢同于伐木之  
求俟諸異日附于後簡  
心又不安列為續云

威期甥相法才而不壽曾向友人言之不幸言而中

矣仲韶姊丈哀慟之餘為索挽詩業以不文辭而情

又難已夫數既不移悲之何益首借公明之語用蠲

潛沖之傷

沈自友

精爽煙浮何晏姿才名富有少退期妖虹夜斷秦樓月飛  
電春摧謝院芝成佛定知先慧業修文偏要及芳時茂陵  
遺草應重緝死後沈檀香更奇

誄祭文

哀威期甥文并誄

沈自炳

嗚呼威期爾生而穎爾生而溫良爾生而孝友端恪慈愛  
惇信氣峻而志方爾生而軒朗英茂藻耀高翔孜孜黽黽  
力學而自彊器識傑然自拔卓乎不可一世意固未易以  
可量乃奄然蚤世芝焚蕙折天地悲涼親朋兩泣高堂冤  
痛幼婦頓絕而摧傷嗚呼哀哉何賦材之明淑乃厥命之  
難長集世德之餘祐胡善積而禍昌世固有食肉衣錦日  
如面墻奔鄙獷驚恇恚輕狂終身無恙志樂身康孰是束  
身飭行勤思刻礪當綺歲而死亡割肌膚之至痛掩壯志  
於泉下入修夜而不陽嗚呼哀哉昔余先君愛我伯姊歲  
在洽協投簪海畔晏處故里姊時歸寧攜抱于爾娟然玉  
苗能笑能嬉時余將婚先君志喜對姊命余曰汝婚而有

靈護附

苑

女必將以配此子予不敢忘逮先君陟遐而首誕蘭支君  
字乃終執箕箒于吾子嗚呼豈非天歟晏爾一載自春徂  
冬僕僕于道槐黃失意而遂齋志以終別鶴夜怨悲鸞曉  
空虛閨漠漠幼髮笄笄嗟弱息之無嗣撫雛嬰以永終誠  
天命之若斯何荼毒而多凶憶余秋居白下被詘棘闈同  
爾昆而慰余切切備至方掩涕而吁歎逮冬之初予遭沈  
疾困卧牛衣念爾昆友時及予惟惠我靈膏解我愁思閱  
我貧乏分稜苓以進台此時瞻爾顏色氣浮而聲嘶予實  
驚且懼爾謂予曰醫人告予以暑疾舅氏不必于憂疑予  
方信英年之無害孰意其彌留而難移嗚呼哀哉予至冬  
末雞骨乍興走力問予不獲爾音繼聞就醫以入越而翁

而昆時慰余以嘉音逮歲適盡而未返予實耿耿而憂深  
恨余疾之未艾不得匍匐執手而言心乃倉鵲寡術神巫  
鮮靈鄴侯仙樂旣戾止而不回王孫簪筆入閭闔以宵冥  
嗚呼孰謂向之悲予者予且死而更甦而今之不克自悲  
者遂一疾而隕其生能不痛哉吁嗟已矣生死長辭春旭  
頽紅珠魄傾輝華叢霜折丹翻風摧丁令一去歸來何期  
紆懷軫結疾首何知旣陳詞而引痛復永歎而誄之  
誄曰分裔雲夢表係江淮宋聯星耀明昭日回家聲淵渚  
國牒山巍魚組映棘蟬珥垂槐武繩孔揚翼燕有奕鳳謝  
世興龍荀鮮敵桂岫分紅草池凝碧玉勝王甥珠驚郗客  
母旣道韞林下風清妹亦令嫺幽蘭載賡姜被夙愛劉帶

靈護附

苑

兼誠分菓克讓易衣忘貧咏媿白鵝賦同黃雀警穎蚤年  
芳英紛薄囊錦心剗床繩膝削未齷通經成童入雒意平  
南斗氣過增城雄文痛哭厲志請纓一蹶不遂驟爾忘生  
鎮鄒易折豫章難成命也如何智豐福蹇簫鳳孤飛笙鶴  
獨遠風徑亡琴月隱餘卷丹槩煙霏墨花露翦遺詞若語  
畫影疑臨幃燈宵掩簾曦晝陰梧飈獨嘯竹霰齊吟紅薇  
落錦香粟飛金涼暄代祖悲恨靡訴嚶嚶孤女哀哀幼婦  
蘭竿徒陳金鑪虛炷帝魄難歸夫山空駐盤龍罷鏡比翼  
辭裳浥淚鑄墨韻楚激商才遜劉氏哀同敬姜兼葭自愧  
冰玉偏傷

清明祭文

葉紹袁

維崇禎十有三年歲次庚辰閏正月二十四日丙午第三子邑諸生世俗威期法名靈護年二十二歲卒于東邨家庵園通精舍稱佛鴻號送歸祖化者智靜智印寂通三上人越七日二月朔壬子還殯于家嗚呼痛哉又越十六日丁卯清明父天寥灑淚爲文哭奠之曰嗚呼痛哉俗兒胡然死耶我之所屬望于諸子者於汝最深而名塗友籍中亦以汝與兄侄爲雙龍之並起二驥之齊軌也而胡然死耶我年五十二而汝未哭我汝年二十二而我先哭汝耶嗚呼痛哉長沙有言烈士殉名汝爲名死是耶非耶非汝殉名名實迫汝已卯維夏衡文之使奉簡書而至則河朔初避之始也檄下郡邑更殿最前柱史所錄者戒期甚促

靈護附

三

而茫無定居汝與兄侄倉皇應之帆張笠澤旋看三泖之雲山望秦干又逾五茸之水一日夜間往復二郡跋涉至崑僅得一當焉扶桑施熾大火騰升汝病新起彤彤不勝暑矣猶幸試無汰額遂赴畱都家羞橐破之餘室困罄懸之久勉棄汗萊十畝稍治行裝我送汝兄弟與君服舅于昌亭之滸金風初動白月流天傾樽高士之墟弭楫真娘之墓清談並暢六簿分呼自以暮年寂景望汝兄弟一爲舒吐快慰也浸尋波苻光浮雲明如畫壺籌催曙清露零葭我棹來歸汝艇北發念言猶昨而今焉迺至此哉嗚呼痛哉迨八月二十二日金陵竣事返抵家廬我喜溢心飛歡生眉舞但見汝于坐間嗽聲頻咳我卽問汝致疾之繇

汝言傷風偶爾盈旬日矣亡何桂蕊香銷泥金夢阻萃笙曲罷瓊笈名遺汝于爾時能無鬱鬱噉原病本鬱又爲標術罕均良未識六微之技經虛涪釣誰探五療之方金液膏艱銀丸劑鮮嗚呼痛哉洎乎秋氣悲其蕭瑟草木落而變衰郡有桐君咸稱盧氏我聞聲致慕攜汝就診又恐汝以寂寞櫻懷兄侄弟僭結伴同往居亭專諸之市羈旅要離之堰原醫所言昉於暑毒而消暑之藥不參一二名高鵲視若矜虢國之神見愧龍心弗奏梁丘之效嗚呼痛哉北顧無徵南溟遂徙問巫彭於鶴渚訪神砭於鴛湖嘉惟汝兄侄與汝偕焉歲盡無歸臘殘不返觴椒泛酒符鸞圖金花開異地之春人是他鄉之客雖片雲尺水雁影非遙

靈護附

三

而古木寒風魚波終渺悽然愁別之襟愴矣分歧之涕汝兄弟既盤桓武水伺又低徊甥舍嗟日月之其除歎父子之各域幼兒在膝短髮鬢寥寥落黃昏何殊旅館誦愁鬢明朝之句黯然自傷耳因念汝兄弟二人侄也愁中守歲汝也病裏迎年游子無親寒閨有婦此時此景可忍思耶亦以汝朝瘥而暮卽返暫睽而永相聚也今焉至此可奈何哉嗚呼痛哉我于十二之午至彼看汝見汝兄弟悲喜交集隔年夜雨頓開阻闊之懷到處元宵獨守蕭條之况南枝發墅惆悵聊看東道張筵流連暫賞于時風淒雨橫雪霰雲迷所幸坐少簪朋戶稀人跡杜門靜對蕭蕭藥爐酒鐙間聊一娛情而醫人切脈亦云漸有起色膏肓已去

八九我與汝暨侄喜可知也未幾醫擬赤城于役計程廿  
日有餘欲留伯玉曾遺僧達之書空歎徐陵莫覩楊惛之  
報乃如之人何其忍歎書求嘉湖備兵願安彥年丈願辭不允醫遂決于台行我云  
或暫歸家當俟醫回再來而汝即流涕被面語辭哽咽必  
欲勿藥有喜方旋故園我不忍逆汝之意仍安假館之謀  
攻病而病彌深就醫而醫反去此正月二十三日也嗚呼  
痛哉我以此故日夕眷戀汝不思歸何能舍汝望吳山以  
踟躕依越水而偃薄十舅君晦每馳翰音我云平復有期  
第俟台刻人返非爲誕語以謾君晦也察汝于微茫之朕  
審汝于聽觀之外膚肉未充纖廉較緩爰拊心而自喜冀  
速效以圖全誤聽人言蚤投補劑人參進而火上升涼散

靈護附

卷

服而脾下泄桃膠艾葉影嗟弓角之難移麥麴芎藭濕悵  
河魚之不止真元從耗危殆尋侵嗚呼痛哉汝兄世侄乃  
言元正初夜噩夢多妖庭氏射聲之法不辨十輝士衡繞  
車之徵但驚三幕詎云恍惚恐或鬼神之通言念傍徨庶  
轉法華之藏禮敦蓮社義闡菩提虔禱神天祈延汝命香  
花讚供十有晝夜法鼓慧燈盡入光明之海華幢寶筏弘  
開仁壽之天四道莊嚴六時秘密兄弟矢願上疏東嶽各  
減後來之算續汝今日之生碎心隕首精誠終隔于幽明  
憑腑煎腸運數無回于冥漠嗚呼痛哉十九之日厲風冷  
雨兄侄不避陽侯之險無辭行路之難夙駕武林求所爲  
生冥判者苦情哀籲丹衷孰致于高天宿障叢身黑業方

纏于下地西湖人去未歸灑泣之孤舟東岱魂遊遽切傷  
心之逝水撫諸弟而言別思晤兄以無從嗚呼痛哉二十  
二日爲汝啟建道場二十三日風帆輕迅挈汝邁返汝整  
冠躡履舒徐上下亦知汝病體深矣強爲健容然念精氣  
還堪猶能磬折豈期奄忽即兆于茲嗚呼痛哉汝婦中旬  
生女未彌厥月而金光明會正初啟梵音故我雖與汝歸  
暫止圓通蘭若閭楹相望家聲入耳擬于朔日圓證維摩  
卽望衡門還栖環堵而二十四夜月落參橫奄然長逝命  
之衰矣可奈何哉半載愁眉幾見開顏片晷兩年離緒終  
于飲恨九原嗚呼痛哉是夕也貝篆初鐘星槎遲曉景勝  
朦于夢迴焰幢幢于人寂青衣夜起亟聲呼我我卽驚坐

靈護附

卷

推床心椎千擣揭帳視汝餘息憮然我以氣接氣抱汝連  
呼汝寂焉閉響歎焉淪謝亟欲救汝而丹無仙匕四顧茫  
茫將思代汝而死不繇人孤身惘惘腸游焦釜心寄危旌  
哭盡臆燈照死別生離之影叫殘口血斷青春白髮之魂  
敗手足其疑冰拊口目而不瞑嗚呼痛哉諸弟交哭僮僕  
咨涕我形雖生我心已死抵暮君晦同一友人江干來至  
笥藏赤餅草服頰鞭而汝魚符夕下蚪車曉馭贈瓊哈食  
斗黍停炊卽煮聚窟之香豈返蓬萊之吏嗚呼痛哉二十  
七日孝將來唁欷歔悲感追述泐公昔日君家雁行還有  
凋傷之語言猶在耳何遽忘心天平人歎咎焉疇委準提  
千印漫存黃絹之容湖公命以黃絹畫準提像圓相六觀遽缺青城之

鏡持準提咒各持一鏡嗚呼痛哉汝對諸弟云倘再得數年聚樂卽  
爲至幸又云恨不及見大兄一面在時又云我若獲起功  
名富貴長付滔滔弟生一子足矣又云如有起日卽當祝  
髮以報佛恩更何生子之云噫嘻天乎願後追前字字肝  
腸之血念兄訣弟言骨肉之悲嗚呼痛哉汝之灰祖二  
十僅二鷗飛駛逐固云促矣而父母拊汝鞠汝以迨于今  
日居月諸又豈旦暮心情易言及此哉憶昔汝母初將誕  
汝夢觀杲日光彩流暎煌煌煜煜從海上升升而復墮者  
三焉三墮而不復能升也母寤語我是徵佳兒第恐不得  
長大耳如何非弁突矣襦褌結矣闕宮彩節盈七載矣山  
龍銜燭終折若木之華天雞曉鳴亟閉濛汜之谷嗚呼痛

靈護附

蓋

哉汝三四歲時偶嬰疥疾醫人以藥滲塗汝曰其似漆身  
而爲癩者歟夫以四歲小兒胸中有豫讓故事豈非夙慧  
漢陰移柳無愧蘇頲瑯琊刈稻何慚百藥而造化忌才高  
明瞰鬼未曾賦夢齒僅比于徐份早擬神清灰遂符于何  
炯嗚呼痛哉汝生而玉皎軒朗映人唇若渥丹瞳如點漆  
外祖懋所公素性嚴重不狎兒女獨見汝深加鍾愛時君  
晦夫人有緩帶之喜公曰若女必以字甥于是太傅閨庭  
簾飄柳絮中郎內則慧解桐絃爰締婚姻無嫌中表悲夫  
玉鏡臺空徒感潯陽之送紫簫聲斷浪傳宅相之成夢託  
津亭寶釵折淑蕙還建業素俎悲嫺嗚呼痛哉汝年十一  
卽事操觚文品清貴而韶秀神姿俊潔以安詳攷矻芸牕

勁渠蒿屋樵蘇未繼先窵匡鼎之光山鏡微明還掃孫康  
之雪銅梁度雨卷對碧雞峴渚歸雲賦題黃雀青練身躡  
之函綠粉細暎之表萃簋玄詮航研輿理桃花疊片書盈  
范汪之床蒲葉裁巾漏永管窻之榻崑崙一賦拊石樅金  
泗洲片碣引商刻羽若使金閨鼎族生子盡汝足稱有後  
不忝象賢而況以我涼薄豈堪爲父宜其天奪英華地銷  
靈氣匣金刀以畫掩斫玉樹而長埋嗚呼痛哉我年十五  
青其子矜汝之曳裾亦于此歲襄陽諫書見奇庾翼平南  
哀誅不減謝莊汝才固遜于古人年庶同于往哲如名杜  
又曾來標令之稱因夢惠連或有池塘之賞而柴萼蠹芝  
烘熨焚桂在辰在巳孔授鄭玄之識非館非寺邢推房瑄

靈護附

美

之亡几冷殘芸瓶畱剩藥舊帳蛸紫于鼠跡故箱塵鎖于  
鴟裙嗚呼痛哉卽昨秋闈中棄牘擷藻披華風雅遺規琅  
琅如也自謂可以樹衣冠之幟振霄漢之游而乃賦擯甘  
泉音埋柯竹望剡山而有淚泣流水以無人揮彩筆于題  
愁悲征帆于失音遂遭沛道之虞頓困茂陵之渴嗚呼痛  
哉在昔戊寅之秋完汝室家之事我心窮拮据顏覿干求  
忍恥徒慙空似胡奴之米望門無路仍分季子之金不得  
借馮茂遠許我以米道遠不便取載窈窕初歸蘋蘩方託  
仍于家光祿處那移五十金用之標標梅實筐傾白奈之簪灼灼桃天片落紅香之雨嗚呼  
痛哉曹子桓阮婦之篇潘安仁楊姨之賦紡離哀于少寡  
泣異愴于孤孩昔固有之今胡及汝生人至慘何相類歟

燕繫今春之縷菱鑑霜寒熊虛舊日之棠蘭床月墜流黃  
 錦字化為寡鵠之歌彤管椒花更作孤鴻之序嗚呼痛哉  
 我自汝母亡後榮榮獨夫幸汝兄弟六人晨昏左右朝干  
 悲而語恨夜萬緒以言愁家無南越之裝一樽對雨樹有  
 北窗之蔭三徑臨風淵明詩共慰寂寥並堪清賞六龍在  
 御又摧荀氏之星五馬稱良止博扶風之目嗚呼痛哉汝  
 真死耶舍五十餘年之老父而死耶舍友于和樂之兄弟  
 而死耶舍二載新婚之婦而死耶舍鏤心刊血不朽之業  
 而死耶雖無封禪之文殊有太玄之草鮑明遠河清之頌  
 已矣張仲蔚蓬蒿之跡闐然嗚呼痛哉汝于僮輩無一苛  
 言加謫汝于交友無一迕色生詞仁恕開明恬夷潤朗餘

靈護附

五

甘墮粒深存惜福之思飭行修名屢切求全之惕程年則  
 方逾弱冠考志則實茂成人天道靡謔命途多蹇豈汝數  
 之宜歿諒我愆之致然我死則家門之禍已完汝死乃殄  
 瘁之殃方大我不為惡先民之言不爽家有餘慶大易之  
 訓豈虛然何追昔撫今非望者遙遙自古援人問天蓋高  
 者夢夢無憑爾也嗚呼痛哉汝病我典衣以市藥汝死我  
 賣田以買棺貧賤真羞欲告人而誰語死生此訣俟何地  
 以重逢我若獲汝母之存卽苦猶堪消遣元微之詩消遣  
 汝若為他人之子縱死亦免窮愁轉輾尋思徘徊引淚悲  
 風夜冽怨霧朝凝嗚呼痛哉暮雲千里極目增傷一水天  
 涯故鄉亦恨苑于紙飛蝴蝶半鑪人散之灰血漬鴛鴦雨

焰更殘之火鬢絲成雪誰人憐腸斷之人眼眊看朱何日  
 是淚乾之日嗚呼痛哉暮春三月江南草長雜花生樹羣  
 鶯亂飛見故國之旗鼓感生平于疇昔慨邱遲之寄歎恍  
 涕泗其沾裳而况年年芳草怨王孫之不歸歲歲江籬望  
 湘波而永別半生父子委深恩于落絮飄蓬數載弟兄對  
 傷情于零香碎墨由來期許祇此收場無限淒涼遂為結  
 局嗚呼痛哉沈翼生云汝未死時夢汝同偁來辭姊去昔  
 年旅雁猶依連理之枝此夜啼鵲不顧相思之樹想汝既  
 可同偁即當見母汝母亡後五年以來我之控地悲慘呼  
 天憤泣汝皆親見于生前豈無追遡于死後裙牽愛子石  
 慰望夫紫臺長杳重看遶掌之珠青鳥遙傳為寄離絃之

靈護附

五

淚黃泉隧下此日如生白首膝前何年還再嗚呼痛哉云  
 何吁矣心之憂矣我生不辰啜其泣矣降濡雨露又今朝  
 舊鬼焄蒿清明彷彿簾櫳是汝母生時悅日母生二日渺  
 渺以漸移恨荒荒而曷已繫受戒于台宗聊薦些于黍餌  
 嗚呼痛哉

五七祭文

維崇禎十三年二月二十九日世俗五七期也父復草數  
 言告之曰嗚呼痛哉我修金光明懺冀延汝生生不可延  
 而力固甚殫矣磬懸之室百金卽千鎰也且又不腆許田  
 易鄭伯之璧而用之用方告匱人已告亡嗚呼痛哉今織  
 阿之御又將觀奠矣鴉緹謝篋鸚啄辭箱資福何從金輪



莫轉日以哀喚當迦音之響淚零作天女之花爾茲者勉設伊蒲強宣欲口實本汝歸沈氏憲英嫁時簪珥平昔衣裳泣賣金錢苦營齋具一佰紙灰盡未亡人柔腸寸寸半杯淡茗皆閨中婦血點漣漣也嗚呼痛哉方今羣葩爛暎百卉葳蕤汝書室前海棠尤盛憶昨歲賞花之日是今春歌薤之時兄弟所以揮淚而淒酸周生于焉睠懷而太息誰獨無情能不悲哉凡諸戚族以及良朋交致款款咸深愴惻風流相悼詎止東亭棟梁哀折競如洗馬慨人琴其俱喪怨玉樹之長埋嗚呼痛哉我也何人其能晨夕朝榮萬慘暮結千腸望明月以拊心對飛雲于寄想而乃疏簾夜靜空落燕泥曉帳春寒但聽鶉雨曾無影響之餘慰我

靈護附

荒

焦灰之苦嗚呼痛哉自頃二十二日四叔慈仲偕來我與小飲牡丹花下人歸客散我醉頽然卧汝棺上歷號大慟雖悲來而忽發實憤極以成狂惟憤故誠惟誠能感遂于是夜始夢見汝在一畫廊西畔雕欄左側藥砌猶新花磚可數汝臨風斜倚俛首無言凝泣如愁徘徊似憶一月分離此焉恍惚而已是何地耶汝乃在彼恨不挈汝與夢同回嗚呼痛哉靈通匪爽冥格斯徵以我精誠猶能感汝而況法王廣大徧攝恆沙為汝瑜伽汝豈不至故鄉花草仍來昔日之人舊處亭臺還想平生之跡我念汝必為追感又惜汝反致傷心轉輾徬徨再三哽咽無絲握手罄我哀悰嗚呼痛哉二十二年一去消息茫茫二十五日於茲游

魂渺渺仗法來歸還入夢否父子深恩祇惟夢矣舍汝夢中更無望矣漏鼓聲沈幽明可接務使一床夜雨今宵為再見之期半盞孤燈此夕又重逢之會嗚呼痛哉

斷七祭文

三月壬午朔越十三日甲午俗七盡矣音容杳邈又四十九日矣汝父為文侑奠適五叔在不能詳言略紡哀情而告之曰嗚呼痛哉朝雲不停水流如夢天上青鸞人間紫鳳文銷金薤頌虛銀甕鶴駕無歸雁沙長凍門外花飛簾前春送十七日即日月幾何江山摧慟嗚呼痛哉緬言昔昨我杭遙旋往思晰汝生死因緣人之無良吐言奇癩幽冥莫稽中心悽然謔浪笑傲憾不臧焉依依楊柳渺渺風煙

靈護附

辛

西湖之水千古潺湲涕泣如雨與共涓涓嗚呼痛哉適也光祿春帆錦衣故園蘆荻喧闐羽旂齊竿趙瑟絃筦樂嬉二八迭進越女吳姬余胡不天灑淚淋漓蕭蕭汝幕哀哀索謫婦妹號擗弟昆咨洩嗚梵鐘與法鼓偕歌舞而同時是何一室之邇一日之期異悲歡于各別感氣候之參差叩天而天胡可問視人而人若非奇夫人固欣華而趨盛豈顧我汝而淒其惟斷腸焉已矣復何騁乎多辭嗚呼痛哉

百日祭文

五月辛巳朔越五日乙酉亡俗百日期也父又為文奠之曰嗚呼痛哉自汝徂亡一彈指耳又已百日耶今日五日

所稱弔三閭大夫之日也綵舟競渡縷華遺線糶九子而沈菰臂五色而繞釧夕辟惡而焚香朝裁紈而成扇昨汝婦之初來著靈符以相薦今汝安歸閨焉不見恫恍音容霑襟如霞嗚呼痛哉汝棺東壁我在西閭相依生死一室涼温白髮孤親之影青年愛子之魂對荒庭之綠草共細雨于黄昏何百日之歎爾淚潛潛于弟昆蘭湯誰沐艾虎辭門榴花虛發蒲酒停樽僧歸一磬灰佰空存嗚呼痛哉計日雖百我傷則一春風永訣宛其昨日頃儻試於芄支隨兩兄而並出指三徑以言旋睇趨迎於六七往無汝以偕行歸無汝以御膝歎我爾之奚雛獨杳焉其長匿倘一醉而狂號庶九迴以暫釋不然即日夕其漣洏徒悲愁其

靈護附

三

鬱抑雖大乘之皈依終遺哀而莫息洵父子之至情豈肝腸其鐵石嗚呼痛哉

祭亡弟威期文

葉世佺

嗚呼痛哉余聞天地之道福善而禍淫故善積者昌惡積者亡若夫志士懷憂壯夫嬰僂或哀歎而霜隕或籲泣而城崩則人之誠于中者天未嘗不為之感動也絲今以觀乃知妄耳嗚呼威期自我先世孝弟起家我祖令聞著燬我父清修自守泊如也故我諸兄弟臨淵執玉永思勿替不可謂不積善而曾無福善之報何歟遭家不造邁閱滋多三光幽昧鞠凶薦至自昔壬申始禍以迄於今我母無祿貌我諸昆惟父是怙凡而蝦虹冰雹與我父子兄弟相

為厄者匪伊朝夕履載之德余無獲焉我諸昆及季是用震悼于心皇天后土庶幾其恤之不可謂不誠而曾無隕霜崩城之感乃天未悔禍又殲我同氣何也惟爾威期生多奇異長蘊文采天姿性成人倫無關胡然一疾弗瘳降年不永人之云亡遽稱天折嗚呼痛哉憶余兄弟少相善長而敦行情誼之篤自謂罕比疇貽伊感乃邁斯慘昔歲薦殃已傷埋玉今滋淪喪復悼沈珠空慕姜被之風再隕恆山之淚嗚呼痛哉我父年始知命自爾之亡皓然霜鬢翹首悲風靡甘寧息嗚呼威期爾則死矣我為人子將如之何爾生既不能久世圖報罔極死又貽怨恫於昊天嗚呼威期爾忍乎哉初歸少婦始孩藐女角枕生悲錦衾啜

靈護附

三

泣燕啣縷而孤鳴鸞分鏡而獨舞凡斯慘狀鮮勿傷懷嗚呼威期爾又忍哉諸弟皆幼所與共事最久惟爾及聲期聲期又早歿數年以來入則秋風夜雨塵几斷簡出則長亭逆旅蕭然書劍非爾而誰今爾一旦長辭舍我去也嗚呼威期爾又忍哉猶憶聲期卧病時余與爾每夜篝燈坐于榻前各閱時藝或古文詞凡以更餘為度是時冬夜寒甚吾母賜以壺酒將睡則熱而飲之僮僕皆已先寢余與爾自為之耳此亦貧士寒齋光景天倫一樂也乃未幾吾母棄吾輩而爾今又繼聲期死亡回思此日黃犬東門可復得哉嗚呼痛哉余兄弟性不羈善謔笑每酒後則相與狂呼或以笑樂或以感憤間多有之爾又益自負一日與

余舟行遇大雪泊舟荒村索酒對飲飲竟爾卽狂叫大呼  
桓子野一往有深情今冥冥黃泉寧復得此豪興余又何  
忍復爲此態也嗚呼痛哉去秋余偕爾赴南都爾覽秦淮  
明月長干桃葉之勝脩然遠思何其壯也旣而賢書報罷  
江潭搖落之恨情不能堪淒慘一室間泣數行下相與讀  
聞牘岸然不顧雖世不我知我氣自足凌人耳其矜豪往  
往如此何物二豎乃敢爲孽膏肓入深遂云不起天乎天  
乎夫復何言且爾之疾本非沈痾揆厥所繇醫言傷暑遷  
延冬杪藥弗奏靈適聞武水有精倉公術者將往就焉爾  
癯然病體艱於獨行父以諸弟撫鞠萃於一身不能出戶  
命余偕爾同往羈旅孤踪他鄉客思我二人形影相依愁

靈護附

語

病之況言之有不墮淚者耶父雖身栖汾水心懸武邑迨  
乎獻歲來視爾遂畱弗歸我父子兄弟以憂惶憔悴之軀  
萍踪浪跡爲聚首者已盈旬月冀爾一旦霍然相與返故  
園喜可知也奈何日復一日奄奄如故然余私心念爾姿  
性高明才致磊落人方大器屬爾寧有他慮故爾雖死余  
惘惘然茫茫然疑爾不死也音容故在丰采畱人德量之  
俊偉賦情之慷慨宛然可挹無異生存旅寓中瀟風零雨  
悶景愁懷尙淒然于心目之間爾必不死旣又思爾形不  
見矣聲不聞矣爾病中呻吟之狀邈矣往矣繞床號哭而  
爾不知僮僕奔趨而爾不識然則爾眞死也嗚呼痛哉嗚  
呼痛哉爾寓武邑時人言武林有生人司冥錄命數之事

可以情相叩者余因爾病久請命於父特往謁彼倘或不  
幸如可哀求則續命非難返魂有術矣是時爾病已劇謀  
發歸棹我舟南往爾艇北還本擬弗藥有喜言旋故鄉今  
孱然病軀匍匐作歸計也豈不傷哉歸假舍於圓通庵中  
爾自料病必不起與諸弟訣別情詞忼爽于塵世諸緣一  
無顧戀惟恐不及余歸以不見余爲恨地分吳越人隔幽  
明游子未旋九京永訣悲夫痛哉余聞之肝腸寸裂尙復  
能爲生乎且余往杭或冀鬼力可憑碎首上蒼弗敢自惜  
孰知其人乃託術欺世者旣往無益徒使我不得視爾之  
含我之飲恨當復何如及余情迫兼道而歸則爾已瞑目  
五日矣嗚呼痛哉然余轉輾思之中夜籌之顧不以聚散

靈護附

語

無常哭爾不以天壽難測悲爾不以死生異路哀爾獨爾  
年甫弱冠行希往哲陳仲舉澄清天下之思爾素自負余  
雖不敏以一日之長謬相砥礪曰四海蒼生將爾自賴矧  
夫昌大衰宗其餘蔭乎凡我同人期共勗焉嗚呼有人如  
此天應寶之亦當宜死而生宜天而壽宜困厄而亨通矣  
如何昊天賜壽英年凋謝有志無時昔人所悲嗚呼痛哉  
造物忌才信非虛謬揆之古哲往往同符王弼州先生文  
章九命早天厯可指也彼何罪戾乃亦如斯爾卽多才何  
能倖免命之北辰天乎何尤嗚呼痛哉雁字霜殘棠花風  
隕天涯有淚故國無家句迷春草之夢望斷秋江之影賦  
盡楚些不回逝水流盈鵲血空怨寒更已矣不復言矣略

敘生平用伸夙昔嗚呼痛哉

祭三兄威期文

葉世侗

嗚呼何辜譴天奚罪負地禍難殷流大災薦臻殘花再折  
斷萼重摧疏逖之士莫不聞風傷感痛心入骨而不能忍  
也況同氣乎嗚呼痛哉神魂震惶精爽飛越羌難得而明  
也腸裂之餘欲叩天而相詰焉舉世闐牆之輩咸得白首  
衰年獨至于今頻肆奇毒將謂雁羽既多分飛不少則古  
八荀六卞鸞龍之盛竹帛所共載也俱享嘉名並列朝榮  
何其盛哉何雖寡德自謂聞風懷古可幸無罪而慙荀於  
昔愧卞于今厄運之來抑何酷也嗚呼痛哉追憶生平宛  
然心目夜臺一去總帷空懸伊昔同居多歷年所春階夏

靈護附

義

簞秋帳冬缸綴志篇章覃思文義同素光之夕照共彩筆  
之晨題翫新花之暎睇看落葉之辭樹時吟謝草或慕宗  
風覽前物以生哀觸萬類而共惻悲夫此卽南筠可罄書  
恨無窮予尚何言哉爰自壬申之歲遭家不造迭遭閔凶  
聖善靡依鶴鳴永歎當此之時天地幽昧士林憤痛余兄  
弟上懷蓼莪罔極之哀下悲棠棣匪他之義瞻彼祀之無  
津覽化離而啜泣死喪之戚共嘗之矣胡然長逝身爲階  
厲貽恨無窮兄其忍諸嗚呼痛哉猶念昔時姑洗紀節同  
游後館砌草承風雜花生野遙情共賞逸興遄飛餘樂未  
盡有懷二兄獨辭華屋零落山丘相顧而吁愴然傷懷因  
謂朝露易稀流泉永逝如斯聚首亦復何常莫不泣泣隕

涕悲懷慷慨觀景物之迥迴感風煙之依舊撫節思人寧  
不悲乎然亦謂倚伏迭用否泰相濟多難者興榮殷憂者  
肇福斯天道之好還人事之常然也庶或立身揚名光載  
前緒慰生報死斯爲可矣故當雄心憤薄涕淚橫流進取  
之志實厲於躬潛精墳藉靡敢隕越況復吾兄早擅英名  
視橫河漢紙落煙波范孟博之志身任澄清是雖茂陵消  
渴寢淫半載而量兄志概必不與瓦礫同埋浮雲共盡也  
何期夢夢彼蒼實邁斯戚殲殄良人以疑爲善萎絕高明  
以懼多才豈天威棗謀福豐有禮之符表乎雖長沙歆獻  
于湘水終童畢命于南越淪才之痛方斯蔑如也嗚呼痛  
哉自吾兄久羈武水契闊彌旬白雲間之青鳥空傳至於

靈護附

義

是月往望吾兄而吾兄容顏憔悴殊異平時淒然涕隕顧  
余語曰自殘冬言別謂歸期伊邇豈料淹留異地幾歷寒  
暄繁雲飛霞淡月懸燈流光暗騁病體彌臻迄今梅梢辭  
影芳草將羊猶復見吾弟於此旅館寒牕半床爐藥作膏  
肅愁話也終遙遙以奚極孰知返以何期言與淚俱嗚咽  
難勝情之悲矣何忍言哉旣而崦嵫日迫梁木將摧與兄  
偕歸辭越水之淒清望吳山以幽咽恨秦和之不效怨重  
還之偃蹇中流而歎語多悲切又云百年何恃忽焉短運  
相促一棺戢身萬事都已宣徽讀史之論可勝歎哉我今  
而後倘尙可延齡得復與諸兄弟相從舊館連情發藻卽  
人生至樂耳須富貴何益語訖掩面泣涕嗚呼言哀辭苦

宜感上蒼此時吞聲飲泣綢繆慰諭而五情崩噎當復何  
言嗚呼痛哉辭故國以安適訣親朋以何依半壁空涼榻  
塵虛影遺書縈網舊硯生苔使我兄弟相聚於斯盡日傷  
心終朝淚眼雖追隨相與猶有五人遂爾形影寥寂言笑  
無聊日色荒荒風聲颯颯名花爭笑有似悲秋春鳥啼晴  
如含淚雨嗚呼痛哉故死則一耳慘生萬狀昊天罔極不  
思圖報而深貽喪明之戚萬楚千悲況復城崩杞哭竹染  
班痕撫錦衾而歎息提孤孩以徬徨遭生民之至艱備荼  
毒之極哀者乎九原有知量亦伊鬱而興感愴快而難懷  
者也上天蒼蒼肆虐何殷嗚呼痛哉鵲搖搖而淚血草萋  
萋而隕黃狂風號而泣雨繁陰晦而凝霜腸一夕而九迴

靈護附

葉

心終朝而百慮涕流浪汗詎聞稷下之琴恨滿長平甯消  
曼倩之酒十年螢雪漫酬李氏之居半世英華遽掩滕公  
之室泣修文於荒碣悲遺韻於春風素幕輕飄彷彿閑步之  
欲出寒風乍捲僅瘦影之如橫感泉夜之悠悠覩靈衣之  
渺渺山陽舊笛惆悵徒聞子夜清歌寂寥空喚生平已矣  
茹恨何言

祭亡兄威期文

葉世儋

嗚呼痛哉家門不造橫罹多愆生聚未遙離憂驟剪控首  
蒼蒼何其酷耶豈以我兄弟相聚一室自念曾無敢放越  
將寶獲滔天罪戾用是昊穹不憫膺斯大戮歎抑造物夢  
夢而無情維陽年少隕玉于長沙龍門逸才泣珠于江水

從古其如斯歟抑豈我兄抗志絕俗非久畱塵寰子晉吹  
笙終歸嶺嶺延年靈散遂入崑崙兄果飄然而去歟非然  
者則何爲而逝歟再萎荆枝頻驚雁羽泣梨花之舊屋傷  
白楊之故園已矣已矣至於此矣夫復何言夫復何言念  
我兄弟相聚非一日也始稱八人永期長好亡何二兄不  
幸八弟繼殤然弟也尙幼昧焉寡知及今思之中心惻惻  
既又我護闈早世我兄弟六人數年之間冽風夜泣凝露  
晨悲至于今日越六年矣弟也又稍長立矣萼樓之相處  
日以深矣其間或挑燈以論古或啟簡以尋文或共寒月  
或對春花絲今以思豈伊異世哉而聚散無恆死生難測  
遂至于此遺書在架已歎人亡笑語如聞還疑夢杳餘絃

靈護附

葉

舊軫哀子敬之長遙修竹盈壚悼稽生之邈隔疑耶信耶  
以我兄而遽亡耶天消良淑物忌人英有如斯耶嗚呼痛  
哉以我兄高才宏志逸思殊尤摘文吐鳳麗管雕龍兼以  
李膺勁松邴原白鶴學重琅玕才爭武庫恆有范滂澄清  
之思梁竦封侯之志設使天假以年當必世蒙其益而顧  
子淵早死終軍少天豈不惜哉憑君意氣徒畱白草黃沙  
何代英雄從古焚書折劍學擬相如有恨凌雲未賦夢遊  
仙女可憐織錦無名天寶忌才言之非謬令人雄心壯志  
嗒焉灰懷固當燒書於秦坑碎玉於荆山矣嗚呼痛哉思  
之思之心之悲傷何日忘之念言昔日之情何如哉悲莫  
悲於生離哀莫哀於死別我兄弟自有生以來卽計歲月

之別亦未嘗一日分袂也長楊何日瀛洲未登則若上林  
遙信故鄉遠思我兄弟無之游子長征壯夫千里攀蕙草  
以傷心恨生南浦折楊柳以言別淚灑西陵我兄弟又無  
之也壁無疊卷素乏五車之書家乘蕭然實鮮石倉之籍  
惟是先世所傳一二一几共覽同案遞觀雖一刻半晌無  
不聚首自謂人之兄弟莫有若斯之樂矣何慕乎富貴何  
羨乎榮華是以嘗曰我輩若使百年之後萼花凋盡荆葉  
摧殘昔人何處故館徒寥雖獨壽比喬松亦何樂哉城郭  
猶是無異漢南之鳥人民已非奚取遼東之鶴斯言尚在  
而遠遭此慘能不悲哉能不悲哉嗚呼痛哉我兄自去年  
南歸得消渴之疾遷延冬盡扁公不遇盧氏無功至就療

靈護附

義

武水曰除夕必奏效歸家既而不效矣又曰上元上元又  
莫效而逡巡于不可定之期矣數別日而傷遙怨歸音于  
屢失所望和陽可奏念言旋歸而太簇再月之二十二日  
我兄自彼抵家亦謂倥然病體日望日深又復愁向故園  
逆數往日徒自感耳誰曰卽有此變哉嗚呼痛哉去年冬  
殘寒夜我兄以病中鬱久情況不堪且夜不能寐我數人  
爲兄握帷聚語西風入戶夜雨淋牕子野牢騷之賦簡文  
歎息之詩此時病愁作惡每言之涕下而自今思此樂又  
何如也嗚呼痛哉念言及此傷如之何廿三日我兄猶  
披幃起坐自料不能久持因歛歔流涕願謂弟曰自殘寒  
相別又踰六旬異鄉除夕旅病花朝或冀燕子來時差可

強起及今欄花又發桃柳相新矣不意我奄奄遂至于此  
大兄又往武林我意必不能待得相見死死亦無恨天涯  
遠隔人各一方望征雲以遙憶對飛雁而傷情我魂魄當  
往彼武林門外作杜宇啼使西湖潺潺爲流淚聲也因相  
顧泣下沾襟嗚呼痛哉卽旁人聞此言亦當爲之揮涕況  
手足之間乎夫人何敢怨天至此亦莫能已矣越有一日  
而遂永訣也呼天以莫應搶地以無追驚心叫斷一見無  
期血淚徒滋百身莫贖半庭春色無情之花遍開一夜西  
風入夢之草不綠逝水難迴胡香遠邈於西域離魂莫返  
靈根恨乏於瓊田採仙人之菖蒲九節無種訪漢帝之藥  
草三莖空傳桓山之翼一分田氏之枝不再夜夜猿哀無

靈護附

學

復姜公之枕朝朝鵲血羞稱卞氏之龍嗚呼痛哉我兄武  
水初去謂返日非遙歸期可卜是以圖書不卷筆墨盈几  
至春來日久弟恐案頭瑣瑣僕輩狼籍悉爲兄置之廂中  
匣藏綠管篋緘朱麝以俟兄歸也誰料卽永無覩此之日  
也哉嗚呼痛哉故書蛛網架上絲縈塵堆傅子之筆泥落  
蔡侯之紙今日庭前海棠正繁玉英爭秀蕪菁滿地芳草  
盈階兄其覩之否耶其神魄猶當依此耶月明遠樹疑魂  
影之猶來風雨臨花恍音容之如在叫盡子規之血難招  
望帝之魂相思空杳何年並夜之床別恨無涯莫共一樽  
之酒嗚呼痛哉試思二兄未喪八弟未殤世謂高陽人稱  
荀氏何其盛歟而今一旦昊天敷慘手足淪亡傷悲未已

痛恨重逢又何毒也慟深華亭之悲長隕峴山之淚生胡  
爲以忽歎死胡爲以忽離恨悠悠以莫盡痛渺渺以難窮  
悵幽明之不通歎黃泉之杳隔冷帳空懸紙帷人寂願三  
生石上世世相逢一敘今日斷腸話也嗚呼痛哉

祭從弟威期文

葉世儉

嗚呼威期爾竟棄我而長逝也耶憶我生不辰自幼失怙  
尤鮮昆弟故與爾之周旋最久而於爾之氣誼最深今雖  
不能覩子之形容矣猶能彷彿子之生平惟弟孝友出自  
性生事兄如父待弟如子偶有一得無不示之弟偶有一  
難無不質之兄以故快心失意之事則必相賞而相憐風  
雨晦明之間則必相啟而相發甚至寒暑飲食之際則必

靈護附

望

相維而相護戲言一及則必正色以隨之疑義相商則必  
婉容以晰之卽衰頹如不肖無不以誠相與以義相勗則  
弟之於我實嚴師也畏友也而今安在哉自弟歿後今昔  
異時死生異路日暗雲迷肝腸碎裂言及舊歡更添新憶  
憶爾之言貌何款曲而委婉憶爾之志氣何磊落而英多  
憶爾之向學何勤渠而孜孜憶爾之用情何渾厚而淵深  
憶爾之風神何冰清而玉潤憶爾之才藻何虎繡而龍雕  
則宜策名天府昂首天衢琴瑟之靜好蘭玉之森盈何竟  
奄然而逝也嗚呼痛哉煢煢之結髮仰望爲誰奄奄之幼  
女撫抱爲誰言念及之則又不禁淚之汪汪而下也雖天  
地者萬物之逆旅光陰者百代之過客而爾年幾何遽罹

此慘禍也憶弟病時吾過瓶山旅館語言如在也復至圓  
通精舍神情亦如在也會幾何時而恍如隔世矣卽欲如  
昔一握手歛吁豈可得哉豈可得哉所恃者弟之雁行有  
五後嗣必繁則弟雖無子而有子或可慰幽靈於地下乎  
是亦不得已之思也嗚呼痛哉

暮年祭文

葉紹袁

崇禎辛巳正月二十四日父告於亡俗曰嗚呼痛哉去春  
汝在武水也椒觴柏酒我不及見汝矣迨十二日往彼視  
汝是時雨雪瀾灑載途盈尺日于繁陰積霰中候醫買藥  
至二十二日汝云病來數月兩夕始爲安枕我聞汝語神  
飛心舞汝與兄侄並皆色喜泊于閏月初餘忽增重困遂

靈護附

望

爾淹淪捐兄背父嗚呼痛哉故汝死于閏月之二十四日  
圓通精舍非今日也今日是與汝瓶山相對望汝慰汝之  
日豈料隔年之後卽是誦貝焚錢哭汝奠汝之日也去年  
今日猶有一月之生今日今年已盡一暮之數景光胡速  
日月胡摧嗚呼痛哉醫于是日正來診脈云已萬無危慮  
惟有拭目平安置酒高會言猶在耳回首依然雪冷寒牕  
梅橫凍影兩度元宵淒涼宛似而居亭夢遠鐘磬聲新撫  
景興懷九迴摧裂嗚呼痛哉歲暮文宗校士爭茅競茹獨  
汝一棺總幃几塵硯網玉峯城外流水潺湲插遍菜莢閨  
其少汝悶宮探茹已去汝名嗚呼痛哉謝齋已歸五叔汝  
兄暨弟負笈東遷恐汝幽靈未知低徊繫想倘若羈栖故

處魂魄誰親依冷月之哀鵲對秋風于旅雁念言及此能不悲歎嗚呼痛哉昨日梵輪初轉夢汝歸來僮僕奔趨舉家環視汝舊衣敝服憔悴如愁我心怛怛默憂汝病正自徬徨盡焉驚悟真耶否耶何去何歸嗚呼痛哉二十二載父子深情去年先斷三百六旬衣冠凶禮今日已除杳矣渺矣寢以遠矣生矣死矣無復言矣湯若士云不知向後三生石更有杭州一斷腸片辭畱恨千古傷心嗚呼痛哉

靈護附

望

靈護附集終





二十 十 十  
十 十 十  
十 十 十  
十 十 十

吳興劉氏  
嘉業堂刊

豐草菴詩集自序

七月甲寅作焚研誓辭丙辰燒雜文丁巳理篋申舊詩  
己未授兒古樂府發學道十年不到古人大休歇地非  
獨神骨儒亦筆墨累之也因發憤夜登曉寒樓慟哭古  
佛之前作焚研誓辭其文曰稽首大覺尊玄潛不蚤背  
塵棲玄宅靜綺語自障今日已後永絕文字鏤骨銘心  
盡未來際不斷綺語崇高苦因不斷綺語道岸不登不  
斷綺語離叛佛心故越二日而燒雜文矣余年十六七  
輒喜手評古人之書評後輒悔悔輒更評更評復悔悔  
輒欲自焚乃不果焚也今已志在青鞵布襪因掩戶啟  
篋縱陳癸未已前手評諸書凡數百卷悉焚之是日誤

豐詩一自序

焚乙酉雜文一卷丙戌悲憤詩一卷其明日兒樵等集  
豐草菴長跪號泣曰大人何至是大人以求古出世聖  
人之道棄家遠遊小子何知豈敢以口舌爭也然大人  
平生欲身扶六經之墜日痛心風雅衰危也幸大人爲  
圖書緩行余呼兒前曰止我墮文字因緣幾三十年今  
復以未焚殘藁留是重自墮也樵未復泣曰大人縱未  
能改新誓濡牘長吟也聊集舊文布人間乎則樵等死  
而更生余歎曰我病不能斷文字緣斷人間緣矣我安  
能詰曲從人間世流布詩文也我少未嘗爲詩爲古文  
辭爲古文辭不一年二年輒自媿且悔悔輒欲自焚一  
焚于癸未之冬焚庚辰已前之文無遺也再焚于丙戌

之秋焚辛壬雜著及十餘年應制之文無遺也又甲申  
乙酉詩歌一編誤以爲應制文俱焚焉丙申焚書則余  
之三焚書也乙酉文丙戌詩之誤焚則余之再誤焚也  
遺文銷落意不存矣我故舊半死生矣我愁坐一室中  
絕往來尺牘十年矣世漸無知我者知我者一二人投  
以詩惟涕泣讀而藏之不敢答矣情之不能忘也往來  
于懷或中夜挑鐙私擬酬和之詩詩成又涕泣反覆長  
吟而藏之亦不復寄矣集中贈答非仲文初孝章諸詩  
是也今世之詩傳人間者無此例也且我不能如世之  
詩珠聯漢魏璧合三唐也不能如世之詩赫然假聲光  
於賢豪長者也不能如世之詩鬼言無帶沈墮秋煙也

豐詩一自序

耽情于方外合社于漁樵遊夢于山經孤癖于香法古  
人我不敢擬今人我不能以爲侶今世之詩傳人間者  
亦無此例也樵未曰傳詩文非以例也敢請余曰汝於  
詩文癖矣今不示汝汝謂我自匿於是出篋中未焚書  
紙亂編繁大索一日得庚辰已後雜文丙戌已後詩歌  
各十餘編手授樵等越一日復呼樵未來前授古樂府  
發未成之書一編謂曰我今年二月於律呂經緯邈然  
遠想得風騷情性之至讀古樂府如縱轡天衢也自我  
作古樂府發則不復作韻語蓋復自悔其詩矣

豐草菴詩集總目

人間可哀編

丙戌

丁亥

戊子

采杉編

庚寅

落葉編

庚寅

西臺編

辛卯

病孔雀編

辛卯

壬辰

紅蕉編

癸巳

登峰編

甲午

臨蘭亭編

乙未

雒陽編

乙未

洞庭雨編

乙未

豐詩

一總目

鬪韻牌編

乙未

丙申

豐草菴詩集卷一目錄

人間可哀編

人間可哀曲 憶昔 怨鶴行 白鶴怨 遙

題巢居 華山畿 讀曲歌 估客樂 子夜

歌 采菱曲 詠美人禮佛 采桑女 詠殘

燈 雜詩 染爪 詠香煙二絕 紅樓怨

門有車馬客 贈鄰居和唐人 芳樹 宛轉

歌 秋日幽居寄友人 得既方書 夢華詞

聽雨詞 夢鄉詞 無端語 寄友人 題

昭君圖 簪花美人圖 嚴生書來寄余新夢

故紙中忽見余八歲時手書梵冊因讀先人

豐詩 一人間可哀編日 一

示語感而成詠 夢至亂山深處清谿一曲夾

岸繁花人曰此紫谿也 秋日買武夷山志

夢大雪中行匡廬山頂 采蓮歸 錢王孫

漫歌 雨後 賁子詩 紀夢遊 暑夜

憶鹿山草堂 雁字 秋日夢卜何 題豐

草菴

豐草菴詩集卷一

吳興叢書

人間可哀編

吳興董 說若雨著

人間可哀曲 丙戌

四座且勿喧聽我歌人間未及言淚下何翩翩高

城鬱嗟峨青樓大道邊浮雲連馬影蹀躞桃花天露濯

通犀劍日炤珊瑚鞭飛聲震京雒結客到幽燕狹斜歸

騎擁雷轂音闐闐入門春樹合美女妖且妍尋芳同入

柳鑑影並窺川新眉圖五嶽峨髻寫飛僊烏棲曲未罷

垂手舞纏絲酷烈沈榆屑芳芬芍藥煎織翠紋簾皎流

黃珍簞鮮合情復送豔宛轉華鐙前重來不知處草木

空蒼然為君吹玉笛長詠招魂篇

豐詩 一人間可哀編 一

憶昔

憶昔鹿山中嘯讀樵人室鑿牖延危巒翦竹導新術日

隱遙松翠雨至眾山失僮僕喧奇雲穉子搜野栗幽巖

富藥苗草樹自儔匹父老四五人昏且來問疾濁醪不

足勉聊與論遺逸

怨鶴行

客有南州生少年遠遊不得意流館西吳聞

人鬱鬱以歎一日託形野鶴飛集生館值生

醉甚對鶴訴愁鶴忽墮淚生悶絕既而鳴咽

為聞人語云君不如歸去妾死矣魂魄渡江

尋君至此言訖而蘇鶴亦飛去余聞

其事為作怨鶴行復成白鶴怨二絕

白鶴復白鶴獨立兀如醉驅汝汝不飛那作仙人驥

不鳴亦不舞斜陽傍行子低頭語白鶴惆悵儂如爾

白鶴長鳴行客沾裳白鶴淚垂一何琅琅鶴鳴尚白可

鶴淚愁殺我 三解

呼郎來前念郎愁苦儂不慕封侯願君還故字欲知腸

斷絕衣上錢塘雨 四解

夜逐巫山雲搖蕩五湖裏天風知妾恨吹渡蘋洲水 五解

白鶴怨

幾回夢裏度金微此夜蘋洲喚客歸與君化作鴛鴦鳥

越水吳山只共飛

怨鶴唳痕染客衣愁魂歷歷是耶非從今添入相思譜

不羨當年老令威

遙題巢居

豐詩 一人間可哀編 二

崎嶇從夙慕夢訪巢居子俯視青鴻濛深竹隔漁市長

嘯五湖聞鉤簾千嶺峙觴飛宿鳥外碁落白雲裏何當

謝人寰領鶴同巢此

華山畿

華山畿黃河日夜流儂情無斷時蓮峰五千仞蓮子若

為知 一解

華山畿誰能長相思月明松柏路夜夜見題碑 二解

華山畿懊惱芙蓉清秋草語秋風銷落只為汝 三解

讀曲歌

歡是嶺上雲朝往暮來過斜陽炤殘雨儂處獨晴多 一解

皎皎三五夜日月遙相語千秋只望汝 二解

東風莫愁儂好向郎邊吹路旁折楊柳春日正長絲 三解

估客樂

鳥唳江月落遙村隔煙嶼天寒津鼓澀行人霧中語

送歡楊柳灣帆轉不知處不及嶺頭雲隨歡千里去

子夜歌

輕風拂華林宛轉環珮聲莫將團扇至憎殺合歡名 一解

鏡炤歡容顏歡去空持鏡連喚歡復歡鏡中不曾應 二解

郎在回雁峰飛書寄南浦擣藥染黃牋無處不辛苦 三解

儂家東海頭愁殺西風棗郎腰白羽箭不思刀環好 四解

采菱曲

江南日暮涼雲凝遊女盪舟歌采菱鬢學秋煙嬌不理

豐詩 一人間可哀編 三

波文羅綺光峻嶒蓮葉東邊畫橈澀渚平浪淺蜻蜒立

絲牽並蒂歌聲短葉摘連枝淚痕溼蘋岸風微珠翠香

影落澄江空斷腸炤見金釵雙孔雀可憐錦帶兩鴛鴦

宛轉中流弄櫂遲柳塘野雀傍人飛落花狼藉無消息

直唱菱歌更不歸

詠美人禮佛

環珮鳴清夜心空翡翠樓手垂分舞意聲緩落歌愁磬

斷風吹帶香殘雁報秋浣紗人悟妄藍色若為留 宋之問有

浣紗篇贈 陸上人

采桑女

南鄰女伴至邀踐采桑期開簾拂明鏡且復冶容儀花

簪鬟更理衣薰著故遲出門貪炤影還向水中窺

詠殘燈

黯黯愁眉聚沈沈清夜徂霜天聞別雁楊柳正棲烏某  
子敲還倦博山煙又無遙知玉門外邊月炤人孤

雜詩

枯葉鳴園林繁霜炤庭宇攬衣起躑躅憂來浩無主噉  
嗽南雁翔沈沈戍樓鼓延頸發長歎遠岫青可數高臺  
知悲風秋草識寒雨不逢遙夜愁安知別離苦

染爪

秋風來幾日安得擣衣砧爲敲金鳳花共立梧桐陰色  
憎脣朱淡影射晴霞深明朝寫眉角紅日透青岑

豐詩一

人間可哀編

四

詠香煙二絕

修竹娟娟月色新獨教鑪氣伴愁人那堪落葉秋風度  
吹作陽臺一段雲

秦樓曲斷夜偏長愁殺寒衣空自香最是篆煙知妾恨  
盤旋畫出九迴腸

紅樓怨

紅樓窈窕垂楊裏白玉鈎簾瞰江水錦石牀鋪玳瑁文  
流蘇帳挂葡萄紫樓中姊妹嬌芙蓉渠春風倦繡雙羅敷  
鏡裏蛾眉嘗對畫袖中纖爪正相如檀槽共撥烏孫調  
象口同鈎金錯書秦淮花滿紫騮驕白哲王孫箭插腰  
挾彈翩翩桃葉渡垂鞭兩雨赤欄橋誰家纖麗多輕薄

清歌暗結烏棲約燈前贈姊合歡襦趙家女弟甘寥落  
從此蘭膏炤獨眠博山縹緲鷓鴣煙江南誰解傷心曲  
一代紅顏空自憐

門有車馬客

門有車馬客躑躅青松邊寶劍搖秋水高冠切雲煙夾  
轂雙童子被髮光輝娟耿介發英論汎濫桃花泉呼兒  
前致辭主人非盛年庭中有枯樹相對日卷然壁上何  
所有銅鉢封苔錢牀頭何所有綠字仙人篇何以滌煩  
紆太古琴無絃何以託靈韻夢寐通幽玄復有高僧影  
鶴骨霜華顛焚香夜稽首結志芙蓉天壯圖長已矣上  
客空留連

豐詩一

人間可哀編

五

贈鄰居和唐人

田園晨夕並無復別離情得句喜相報看山約共行柳  
渠交鈞影雨閣合基聲總是迷人客寧煩問姓名

芳樹

芳樹煙華繞春深碧玉家紫騮嘶落日羌笛怨殘霞翠  
霧添池綠涼風拂鬢斜琅玕不足贈惆悵摘餘花

宛轉歌

秋氣清寒蟹夜復鳴江澄月皎愁心并非子之故誰爲  
縈歌宛轉宛轉聲正悲願爲芙蓉鏡含景對光儀  
睇行雲解佩復殷勤燈前羅袖光氛氳歡樂未極哀情  
紛歌宛轉宛轉涕無窮願爲黃金徽徘徊君掌中



秋日幽居寄友人

草色炤人綠開簾風滿樓家貧書亦借谿冷樹先秋竹  
杖高僧寄名山詩卷收近來廬嶽夢夜夜共君遊

得既方書丁亥

文章敢道似相如寥落真成揚子居病榻三年懷舊夢  
樵人五月寄君書只今野服堪投老何處青山對結廬  
記得渡頭離別恨蹇驢落日共躊躇

夢華祠

夢華潭口聽客話嘉隆  
開大內舊事韻語記之

月華門外轉靈旂夜銀盤碧藕肥祠罷天孫桐葉落  
君王新賜鵲橋衣

豐詩一人間可哀編

六

江南風景藥王灣霧縠單衣綠玉環紅芍花邊碁局罷  
自裁團扇畫秋山

蒲萄半醉出仙臺萬歲山前獵陣開千騎蒙茸貂鼠帽  
石橋飛雪帶狼回

柏葉千門苑柳青西宮簫鼓雨中聽桃箋不寫迎春版  
剪作鴛鴦貼翠屏

一封紅篆奏神芝翠輦朝巡玉棘池雲髻三千齊墮馬  
高玄殿下讀靈碑

水殿無聲玉漏遲宮奴掃徑髮如絲不須宛轉看紅葉  
自入霜秋懶賦詩

西苑秋風太液濤菊花初繡鳳羅袍牙牌走馬傳宮帖

旋磨峰頭賚玉醪

宮門過盡絳紗車環碧池清殿影斜拾得水精雙彈子  
黃鸝聲隔海棠花

繡巷春深勝隔凡晴雲寂寞度花巖夜來夢到承光殿  
銀燭高燒炤舞衫

蝴蝶珍繁出御廚秋聲夜繞護城湖竹簾涼月澄如水  
繡得秦樓跨鳳圖

聽雨詞

薜荔牆邊布穀鳴玉蘭樹底藥苗生雨中事事隨人意  
莫遣東風便放晴

門無剝啄病全蘇管領煙雲柳數株人間誰似王摩詰

豐詩一人間可哀編

七

要畫西窗聽雨圖

竹闌干外柳絲斜滴瀝頻摧欲落花愛聽雨聲真是癖  
米家石子陸家茶

薔薇架畔織斜文竹裏茶煙半惹雲殷勤寄語窗前雨  
一瓣清香專為君

鳩婦聲中急雨催水簾一片隔塵埃夢遊曾到香鑪頂  
借得廬山瀑布來

夢鄉詞

合眼何曾是病夫穿雲屐子不教扶春來五嶽都遊遍  
笑殺宗家壁上圖

人間底事覓封侯夢國消搖也破愁枕中一帙名山志

揀得仙巖次第遊  
客到柴關正夕陽相逢莫說少年場西窗對展流黃篋  
聊復同君夢石梁

無端語

竹杖芒屨野外裝蠹書一束壓藜牀此身便合爲僧未  
閒折黃花問法王  
浮雲東望益霑巾篋裏函書墨尙新眼前今日誰知我  
泉路他年有故人  
落葉鏘鏘覆綠苔野人長嘯讀書臺湘簾夜半呼兒卷  
明月還教入室來  
烏嘯葉落夜偏長江北江南枉斷腸夢裏幾回尋寺去

豐詩一

人間可哀編

八

亂山無路草茫茫

寄友人

處處桃花春可憐一牀書傍藥鑪邊門前風景君知否  
楊柳深維問病船

題昭君圖

天寒抱馬出邊頭袖拂胡霜雲正愁空有幽魂託明月  
年年長炤漢宮秋

簪花美人圖

墮馬新鬢髮半垂海棠片片溼胭脂簪花自愛花間影  
嬾向傍人問可宜

嚴生書來寄余新夢

剝啄玉蘭西斜陽鳥亂嘯門前尺素書來從餘不谿玉  
仍家在谿頭住閑緘迥是嚴生字嚴生數載匿空山露  
香何日攜琴至玉仍讀書處名書云避亂自今年東西南北  
空憔悴風雨遺敲破寺門蹇驢眞下窮途淚花落才過  
舅氏家玉仍爲嚴生舅幾回翦紙魂猶悸以茲感憤思夢遊夢  
裏同余到石樓青苔滿路行人絕瀑布飛寒古樹秋室  
中木榻平如砥無字禪經一千紙壁畫高僧坐石巖瓶  
鉢蕭蕭亂雲裏問余歷落彼何人笑言我輩前生是覺  
來寫夢西窗雨并入新愁寄潯水嚴生嚴生書辭婉轉  
情酸辛道人未是忘情人與君好續三生夢萬壑千巖  
更問津

豐詩一

人間可哀編

九

故紙中忽見余八歲時手書梵冊因讀先人示

語感而成詠

息心菴裏夢初醒二十年前是智齡記得竹牀殘暑後  
枇杷樹下教心經余八歲時暇聞谷大師錫名智齡  
出家又恐話成虛先人示語云自珍重高僧一紙書最  
是殺機能戒得滿園秋草不曾除

夢至亂山深處清谿一曲夾岸繁花人曰此紫

谿也

水邊茅屋半漁家撲地紅英竹徑斜他日夢鄉修實錄  
道人曾看紫谿花

秋日買武夷山志

城郭人民事事悲秋風秋草正離離名山自料無錢買  
隨著新詩到武夷

夢大雪中行匡廬山頂

小窗冷落對殘書竹外空勞問病車一事最奇人不信  
夜來蹋雪到匡廬

采蓮歸

江上晴峰起暮愁微風吹送木蘭舟可憐兩兩芙蓉蒂  
也學鴛鴦只並頭

錢王孫 戊子

茗翁錢生主書畫船客遊近隱於賈者也  
生藏錢氏善譜題詠然余爲作錢王孫

錢王孫一船書畫江南村霸圖銷歇龍巖冷文采風流

豐詩一

人間可哀編

十一

還自尊君到錢塘秋滿窗布帆無恙挂晴江射潮強弩

今何在八月濤聲撼鐵幢鐵幢浦在錢塘候潮門  
外錢王射潮箭所止處

漫歌二首

樵童翦紙補書籤落葉吟成也教黏詩律慣參無味話

明朝煮筍莫加鹽

選佛場歸獨閉門一鑪柏子老漁村心空及第知何日

風雨圖看畫狀元吳小仙曾賜畫狀元  
印有風雨歸舟圖

雨後

雨歇池塘集暮鴉夕陽秋水共澄華漁童貫鯉攀谿柳  
樺子囊螢翦碧紗荷葉風疏涼夜閣桔槔聲斷賀晴霞  
病夫欲問栽松訣尺牘閑投樵父家

責子詩 三首

少年曾結客晚作樵人裝問余何爲爾蹇劣心自量秋  
風響庭樹羣兒戲中堂生子無騏驎不如棄道旁阿奇  
得惡札阿辰得健忘阿來爲長兄得余愚與狂也復嗜  
禪誦時聞說夢鄉客從遠方來呼出裏衣裳行行結襪  
係車輪繞中腸問渠都不應羞人時面牆一事歷諸弟  
兀坐誠所長責阿來

童烏侍子雲九歲通太玄王郎讀漢書師古慚精妍阿  
辰但覓粟不盡易上篇分爻偷打瓦擲卦戲磨錢裂紙  
寫河圖鬱勃誇談天問義百不曉識字忘其偏那知媿  
兒戲空及古人年責阿辰

豐詩一

人間可哀編

十二

阿奇鈍隸法握筆不能使清晨授章句流目東西視思  
彈畫屏蠅愛破晴窗紙抽簪刻硯陰借筋敲鼎趾黃昏  
辭書堂及戶先呼姊燭淚聚城郭粉壁畫弓矢浮圖累  
石碁祭月陳土簋聯珠讚佛名梵曲巧能似燈前學家  
譙翦紙作桃李設醴詐傾杯藏闔握松子幸託先人廬  
篋筍富圖史童心爾如醉家聲誰復起責阿奇

紀夢遊

夢遊野寺路層層艇子蹁躚纜古藤半江殘日人收網  
兩岸鳴蟬正采菱

暑夜憶鹿山草堂

郭西曾作客山夜最難忘野艇維深竹歸樵話夕涼池

神傳飲馬橋古記書堂幾度蒲帆夢翻成憶故鄉

雁字 四首

高秋澹墨落寒閨路轉谿迴望欲迷般浩愁心天半度  
仲將楷法碧空題寫成紅葉風初緊賦就長門日正西  
繞樹吟魂何處泊白蘋煙霧草萋萋

西風獵獵墨痕飄點染秋空更寂寥  
梵影夜飛黃葉寺迴文曉挂綠楊橋  
吟斷碧雲愁日暮夢歸遼水賦魂銷  
鯉魚尺素誰還羨一片相思楚塞遙

斜逐西風數點橫倚樓客倦若為情  
攸形似繪悲秋影測韻應翻變羽聲  
才鬼魂遊天上去驚人詩逼華峰行  
從來南北傷心語到處模糊寫不明

豐詩一

人間可哀編

十三

好借秋空作素練湘江雲斷墨痕添  
情深宋玉翻投筆才盡江郎怕卷簾  
幾度敲斜風瑟瑟一行離怨月纖纖  
問奇枉載玄亭酒篆勢飄飄未可拈

秋日夢卜何

野渡相逢白苧單滿村黃葉夕陽天  
問余舊寄春王辨袖出新詞漁父篇  
並記夢中事翦燭幾時徵夢識揮毫此日  
記愁緣秋帆儻挂潯谿月料得臨池又借船  
卜何向寓右軍有借船帖

題豐草菴

碧玉藤陰影小廬磁盆秋水鏡紅魚  
牀頭一握崩霜劍銷作清鐘伴讀書

豐草菴詩集卷一

豐詩一

人間可哀編

十三

豐草菴詩集卷二目錄

采杉編

采杉曲 付樵童 豐草菴雜興 憶亡友侯  
 幾道 焚野人香敬夫坐睡 銅瓶換墨 讀  
 桂海巖洞志 投客苜蓿飲法 沈石田落花  
 十圖述 漫興十首 珊瑚枝 招魂曲 首  
 陽詠 敬夫過塔院訪此山禪師 豐草菴新  
 聲 浩歌

豐詩二 采杉編目

豐草菴詩集卷二

采杉編

吳興董 說若雨著

采杉曲 庚寅

余出新意采杉膚雜松葉焚之拂拂有清氣

苧衣夜換靈巖史館娃翠落蘋花水榭廊屨響梧桐秋  
 采香涇射香山趾千年唱徹吳宮謠刺杉不賣吹簫市  
 我家山童徐氏子春風曾擣桃花紙錦囊背冷樵船飛  
 慟哭空山古香死一瓣拈來豐草菴洞庭落日玻璃紫  
 付樵僮  
 護紗箬笠野樵裝馬後曾持古錦囊今日一端還賴汝  
 刺杉采作野人香

豐詩二 采杉編

嘉業堂校刊

豐草菴雜興

藤陰翠落護花籬屋角雲歸度影遲秦吉了誰聽鳥語  
 磨兜堅又教兒癡占移楓式還名射茅摘茶園正展旗  
 馬篆學成人莫笑草堂待勒夢鄉碑

憶亡友侯幾道

秋風幾度思疇昔葛衣白鶴江頭客素車白馬滿江南  
 野渡相看獨愁絕辛巳會弔西銘夫月初射生公舊講堂  
 樽前夜話秋山碧江東獨步謬推賞吳會論文書數尺  
 先是幾道寄余尺牘有吳會論文江東獨步之語雲煙一幅九疑青瀟湘卷入  
 霜藤瀉當時不解暮年悲只把懷賢羨麗詞幾道昔寄  
 若教續得秋聲賦省卻愁人落葉詩時余作落葉詩三十餘首

焚野人香敬夫坐睡

旃檀篤褥謬奇賞別調野香誰共憐敬夫夢蹋白雲去  
閒殺一鑪杉樹煙

銅瓶換墨

斷墨象苔石一片瀟湘青空齋無可遣垂淚向銅瓶

讀桂海巖洞志

瑤簪玉筍拔靈都獨秀峰高石室孤桂海寫將山影去  
從今鴈蕩不須圖

棲霞洞口七峰高疊綵巖寒影碧濤底事浮名正相似

北淵洞裏石胡朶

授客菖蒲飲法

豐詩二 采杉編

誰參九節石根禪補入茶經第八篇從此草菴添飲事

菖蒲香惹刺杉煙

沈石田落花十圖述

蝶滿南園花事休山頭雲溼雨初收黃茅亭小江帆遠

石板橋寒谿水流野色春深眠犢草綠陰晴泊釣魚舟

杖藜去問東家客底事堪銷一段愁第一圖

傷心南浦賦魂銷只賸垂楊學舞腰盡日鳥嘯深竹院

斜陽人過赤欄橋閑愁幾度添新夢野坐無端話六朝

極目水塘春草綠漁船曬網漾春潮第二圖

春茶新試陸家經落瓣空黏汲水瓶野渡人行還看濕

江天鶴去但遺翎筆牀冷落愁中賦藥杵了東竹外亭

指點亂紅飛欲盡隔江依舊數峰青第三圖

飄零終不受塵埃一曲清谿兩岸苔炤影鶴隨殘日去

白頭人抱短琴來他時黃葉還添淚此日江南正可哀

結客少年空往事乾坤寥落獨登臺第四圖

數聲柔櫓夕陽西萬點桃花野渡迷書畫船移春水綠

故人家近亂鶯啼隔江遠樹愁無數夾岸新楓青滿谿

漠漠晴煙村路盡一閒茅屋板橋低第五圖

繞屋飛花滿架書江南三月綠陰初草堂日永呼編帚

柳岸春寒看打魚帖展蘭亭還感慨窗遮枯樹正閑居

竹籬且莫教兒補淨埽門前候客車第六圖

雨歇池塘芳樹稀茅亭寂寞綠成圍青山斷處晴雲出

豐詩二 采杉編

野鹿聲中瀑布飛鬪草社開樵客路送春人立釣魚磯

新蒲細柳愁無限宛轉橋通村徑微第七圖

遊絲細逐暖風輕冷落殘香墜石枰到處鶯囀催日暮

一谿寒綠正新晴船頭撥棹人沾酒岸上吹簫又賣餠

白髮不禁惆悵意愁吟空繞樹邊行第八圖

谿聲歷歷石粼粼老眼看花恨轉新日暮愁心江上樹

春風扶杖白頭人誰家院落橫長笛若箇汀洲賦采蘋

拾得殘英獨歸去一甌寒瀑賽茶神第九圖

繞谿空有竹千竿狼藉東風春又殘突兀江頭新草閣

蕭條樹裏曲闌干紅橋隔岸人家少白鷺飛邊釣艇寒

搖落滿園誰復惜明朝卻怕卷簾看第十圖

漫興十首

衣借空階落葉縫杜鵑國裏買孤筇未能免俗朝評帖  
一事如僧夜打鐘眼底三千年舊蹟夢中七十二青峰  
人閒難著支離叟只合天台對古松  
縷縷杉鍼石鼎煙寒松一柄夜談玄夢華故國三千里  
蓮社新圖十八賢青眼自開深竹處白頭從老采蘋天  
卦錢莫付書船去留看前朝舊紀年  
竹籬疏處白雲垂結客歸來鬢已絲願作劍長隨季札  
恨無金可鑄湘纍當年徵夢還成讖昨夜聞鷄只賦詩  
榻得益州東晉帖野夫心事落峨眉

豐詩二 采杉編

四

志裏名山今是非垂柳門添新釣影問樵磯長舊松圍  
鹿山草閣舊名問樵西遊曾補虞初筆萬鏡樓空及第歸余十年前曾補  
鏡樓一則  
漁村網集草堂寒琴曲新翻行路難一杆長鐘飛木葉  
滿園秋雨溼闌干錦囊瘦僕挑柴賣應制文章換帖看  
屏上武陵圖半幅桃花不受大夫官  
繭紙烏絲石筆牀小橋流水帶書堂白蘋風裏思漁艇  
蟋蟀聲中話戰場窗記夢鄉初落葉客評書價又斜陽  
一庭雜樹無心理薜荔牆邊放竹長  
少年場裏唱陽春亂後遺忘記不真塔院青桐徵夢帖  
松陵暮雨買書人論交幾度思樵父余在鹿山時恨別喜樵者茅君

無端話野賓王仁裕有蝦名野賓其事令人悽斷豐草自題茅屋勝從來  
麋鹿性難馴

看續茶煙煮豆糜清緣正與老相宜白頭村媪談書譜  
余家有白頭短袖奚奴訪禹碑畫為貪山頻欲挂竹因  
遮暑又新移好奇多被兒童笑尋得珊瑚壓硯池時硯  
晴窗霞起

蝶巷誰復供莊周四壁名山足臥遊死去梅花須繞墓  
生前萬卷託高樓郭西路冷珠泉夢鹿山有靜嘯聲寒  
玉樹秋寥落滿懷人跡斷一村黃葉上簾鉤

豐詩二 采杉編

五

責券人來也聽鶯怪石染煙雲九曲落花聯句月三更  
家中祇怨黃金盡賦裏誰聞擲地聲

珊瑚枝

銅盤仙人泣秋露短瓢欲挂要離墓杜鵑淚染桃花雲  
飛落珊瑚海中樹十年飄泊垂楊渡夢中遠蹋扶桑路  
齊州九點琅玕青一把愁紅溼煙霧

招魂曲 中元日作

夢魂夜逐青桐葉飛落秋園作蝴蝶一星鬼火入江青  
法王院勝招魂帖靈旛剪紗錢翦紙月黑松搖古鬚鬣  
高僧入座呪音寒精靈百萬唬秋怯嘯聲認得故人魂  
猶帶生前舊豪俠

首陽詠

草笠古鬚眉首陽一樵子擔柴入都城閒話青峰裏云  
有兩男兒餓死西山趾白頭齊太公淚滴青蘋水還顧  
召公言采薇人已矣

敬夫過塔院訪此山禪師

數年不向寺中行石塔新開古院名一樹寒桐晴後綠  
幾迴茶鼎竹間聲高僧舊約嚴詩政落葉新詞定細評  
時敬夫落葉詩成應話西窗病居士滿牀書畫看雲生

豐草菴新聲

采蓮折柳代極情文桃葉竹枝辭分歡成  
事傳豐草體變新聲天下有情庶幾墮淚  
賣得鍼秧屋後田采香船是買書船誰人解愛杉煙鼎  
還許同參豐草禪

豐詩二 采杉編

六

爲繡青山買色絲他年長挂夢鄉祠珊瑚一把嘯鵑淚  
團扇新題落葉詩  
薔薇影裏種紅魚一尺盆松翠鬣疏不是舊衣偏稱體  
爲將白苧換新書

十年魂夢到峨眉補卻王家一段奇  
右軍思遊峨眉與  
人帖云若果此緣  
一段奇無端唱徹新聲曲到處風傳徵調悲

浩歌

蕉萃長添書苑悲  
杜詩中郎石經  
後八分蓋蕉萃從來古篆愛離奇陽  
冰死後無人識腸斷斜陽碧落碑

子規嘯處買孤筇昨夜魂遊落雁峰問我今宵夢何處  
天台橋畔看青松

秋雲依舊滿江南白髮丹楓老自憐何日亂山深處去  
千株松闢蔚藍天  
仙裝榭葉髮紛紛句曲長飄綠玉雲要蹋玄洲數盤路  
也披楓襖拜茅君

豐詩二 采杉編

七

豐草菴詩集卷二



豐草菴詩集卷三目錄

落葉編

落葉二十八首

落葉用友人韻五首

豐草菴詩集卷三

落葉編

落葉 庚寅

吳興董 說若雨著

滿眼寒雲帶夕鴉  
楓林無復客停車  
湘君降渚秋風緊  
謝朓題牋細雨斜  
谿閣卷簾通遠岫  
漁村吹笛漏人家  
蒼茫獨立空腸斷  
野鹿銜來認杏花

其二

寒階一夜雨聲長  
秋色明朝滿石廊  
野渡吹來鋪釣艇  
晴帆帶去挂瀟湘  
高臺送目空衰草  
古木橫雲又夕陽  
行藥莫愁遊興盡  
林塘屐齒正鏘鏘

其三

芳樹歌殘雁影橫  
西風嫋嫋暮雲平  
鶴歸涼月松巢爽  
僧蹋晴霜竹杖輕  
江上亂峰青縹緲  
鏡前白髮瘦崢嶸  
孤舟今夜楓橋客  
聽到寒鐘第幾聲

其四

愁聽哀蟬曲調翻  
洞庭波冷暮雲繁  
數聲長笛橫霜雁  
一樹寒藤挂老蛟  
寂寂松窗聽雨客  
蕭蕭秋草讀書園  
谿南古寺無人問  
隔岸疏林動遠旛

其五

木落寒江細雨收  
空山縱眺白雲秋  
新裁榭製裝仙像  
戲翦桐圭拜醉侯  
塞上曲中愁匹馬  
瀟湘圖裏看孤舟  
可憐白髮飄零客  
盡日長吟獨倚樓

其六

流水桃花事已非輕雲隴首澹柴扉鐘殘野寺人欹枕  
月轉西樓夜擣衣枯樹幾迴停賦筆秋風空自長松圍  
最憐昨日江頭見亂撲茅亭帶雨飛

其七

亭皋又著曉風吹一片愁心柳惺詩聊與客翻芳樹曲  
且呼兒補菊花籬騎驢野店行吟日翦燭西窗夜話時  
不盡長江搖落恨悲秋無奈鬢絲垂

其八

落花損盡碎濤箋又戀殘楓廢畫眠江上僧歸寒塔院  
白頭人坐洞庭船數竿竹影搖深樹一曲秋聲譜夜絃

豐詩三 落葉編

二

指點前朝舊陵寢幾堆黃葉夕陽天

其九

搖落聲兼急雨垂挑燈歷歷話堪悲貂裘出塞人腰箭  
團扇深宮夜賦詩野渡斷橋看挂網空山流水聽敲碁  
誰將楓落圖新樣十幅藤牋一段奇

其十

南山秋晚轉清稜倚杖宵攜蹋葉鏡白月半規懸野廟  
青松一色滿西陵斷碑缺字橫衰草石馬無聲絡古藤  
拾得霜楓紅似繡寫將新偈問高僧

其十一

數杵齋鐘木葉疏黃茅葢屋正巖居縛將竹帚閑看鹿

借得紅顏醉捕魚秋水喚船歸客渡霜天送橘故人書  
王右軍有送橘帖 老來愛種長松樹細雨珊珊學荷鋤

其十二

兩岸秋聲樹影稀白雲長挂釣魚磯空山石洞人攜鶴  
修竹禪房自補衣鏡下十年重憶舊邊頭九月正思歸  
愁心夜逐瀟湘葉吹向黃陵廟裏飛

其十三

幾樹殘楓映白頭丹青誰畫箇中愁半規落日山頭紫  
一帶長江天際流兩兩鴉嘯烏柏樹蕭蕭人倚讀書樓  
老懷作惡渾難遣悶把霜藤送晚秋

其十四

豐詩三 落葉編

三

為惜江楓逐水萍折將紅葉插銅瓶林空山鬼嘯秋雨  
牆短遙峰送暮青巫峽一章傳嘯旨風鑪三足注茶經  
風鑪三足見陸羽經 窗前夜半愁心度野寺雲寒響塔鈴

其十五

桐陰非復早涼時細雨瀟湘正別離江上孤帆何處泊  
南中橘柚幾人知窗含遠岫催吟筆嶺響秋蟻動暮思  
兒輩且停今日課老夫要寫落楓詩

其十六

淒鏘愁共暮蟬聞霜杵鐘遙木葉紛煙樹曉迷南浦雨  
秋風空繞洞庭雲谿橋送客稜鞵蹋山院評茶石鼎焚  
風味漢朝誰得似霸陵憔悴李將軍

其十七

拖屐尋碑嶺葉乾瓶添秋水話三玄空留繫馬斜陽樹  
還記嘯鶯渡口船伴影瘦筇青竹外一聲鐵笛白雲天  
幾迴鶴背遊仙夢五嶽峻嶒九點煙

其十八

墜綠蕭蕭漾古潭白雲秋樹滿江南催成野衲徵詩帖  
誤入山人采藥籃繞屋新藤敲石白一簾晴瀑擘黃柑  
疏林細出前峰路樵斧聲中好結庵

其十九

野樹鳴秋落日橫階前拄杖自鏗鏗隨風飄盡愁中意  
擲地聲傳賦裏清一把黃茅遮歲暮數莖白髮對霜晴

豐詩三 落葉編

四

出關憶得前朝畫石板橋邊蹋葉行

其二十

一聲搖落響空庭恰展枯林水墨屏霜滿別州山數點  
秋深屋角樹無青種松還挂分泉鉢看竹長攜相鶴經  
最是寂寥堪畫處草堂人靜數殘星

其二十一

石砌堆來墜葉深幾人江上賦愁心秋亭今夜添風景  
池館明年更綠陰訪客驟呼高齒屐入城新買斷紋琴  
空山賴有寒梅在早放疏花伴苦吟

其二十二

秋盡江南老淚枯姑蘇城外正嘯烏山頭瀑響樵聲小

橋齒霜寒杖影孤尺幅藤牋徵客夢一庭黃草學僧趺  
冬青冷落憑誰種空挂芭蕉雪景圖謝皋羽有冬青樹引

其二十三

疏林無奈撲新霜木落天高欲斷腸兩岸嘯鴉愁客路  
六朝宮闕滿斜陽風生夕浦江湖上老對秋山感慨長  
日暮漁樵歸未得短亭楓冷話興亡

其二十四

一天秋綠下寒園慟哭三閭薦白蘋脫髮人騎紅汗馬  
夜臺僧祭戰場魂丁東古鳥鳴山月薜荔精靈響樹根  
巫峽不須緩助淚洞庭霜滿水潺湲

其二十五

豐詩三 落葉編

五

杜陵秋盡賦空傳短髮飄蕭老自憐漠漠斷霞飛鷺影  
垂垂枯柳帶人煙一聲長嘯看山屐兩岸蘆花采橘船  
木葉縫成難贈客楓杉自挂蟹籬天

其二十六

白髮青山異昔時江楓五字淚空垂長亭日落攀寒柳  
野廟霜晴打古碑去國孤臣江上影登高送客畫中詩  
誰將疏雨梧桐句繪作秋屏副楚辭

其二十七

百巾行吟秋樹根烏棲一曲暮愁繁山塘客去初聞雨  
破寺僧稀只閉門霜落漁歌楓外艇煙消人影雁邊村  
錦囊盛取飄零葉青李來禽總莫論

其二十八

樹外輕雲一縷紗青苔路被亂楓遮猜成楚客辭中菊  
借作茅君袖裏茶茅君于手巾內解茶葉人與一葉客食之五內清涼曰此蓬萊山穆陀樹葉故謝幼貞曰摘寶文之初蕊拾穆陀之墜葉帳卷竹窗疏雨滴詩題桐影石  
欄斜莫嫌秋盡無風景錦繡還堆野老家

落葉用友人韻

霜樹真成無定姿樂天解道墜相思樂天詩涼葉墜相思偏宜野  
外彈琴社正是高人看竹時枯草一圍長已矣梅花滿  
林姑待之數莖白髮已垂暮從此深杯更不辭

其二

長松偏傲暮秋姿玉樹淒涼故國思江上空憐愁客賦

豐詩三 落葉編

六

西窗還話少年時寒山欲到最青處秋雨與君同聽之  
記得瀟湘送人去孤舟飄泊唱離辭

其三

西風歷落結寒姿囊取殘楓寄所思愁迫江南霜滿後  
聲繁硯北日斜時窗中遠山雁飛落樹外孤村水遠之  
樂府近來愁響絕晴秋自譜擣衣辭

其四

庭皋凋盡豔陽姿白髮青山結夢思江上草枯行藥處  
洞庭霜落送柑時某聲隔水乍敲斷琴價斜陽共勘之  
只待明年新綠後與君重作落花辭

其五

不妨翦燭寫秋姿落木無邊響暮思我輩情鍾秋盡夜  
前生應死葉黃時升沈閱世盡如此榮落尋僧一問之  
好補菊籬修蟹斲銜杯共唱感懷辭

豐詩三 落葉編

七

西臺編

讀西臺慟哭記和張非翁 再和前韻 金陵

故宮遺香 再和前韻 復和前韻 金陵故

宮遺香余三和湘人韻友人繼作余復和之

重和前韻 三和前韻 四和前韻 五和前

韻 六和前韻 敬夫宿水北菴聞竹聲不及

入林而返歸途紀事余用其韻 重和前韻

三和前韻 四和前韻 讀非翁石船存草有

感 種豆用前韻 卽事用前韻 夜景

寄友人次角韻 督治豆花棚次前韻 夜坐

豐詩四

西臺編目

復次前韻 童歸復次前韻 南村卽景 病

起課童澆藥用前韻 卽事用前韻 夜窗

獨坐復用前韻 聞竟孚吟聲次韻預和 從

非翁借書復用前韻 有感次前韻簡西谿客

讀孟樸先生存草次韻因懷舊事 卽事復

用垂韻 復用前韻作止詩詩 雨中簡故人

卽事復用前韻 首夏田園雜興用前韻

初夏紀事限韻 前題約西谿客同賦 夜

步藤棚復次前韻 客有和竟孚斜韻詩余用

韻得三首 重閱梅館存草感賦 雜興復用

齋韻 答西谿客用前韻

西臺編

吳興董 說若雨著

讀西臺慟哭記和張非翁 辛卯

買得遺書墨半推招魂一曲有餘哀春風竹徑門空閉

慟哭還登夢裏臺

荒祠門破雜編荆一片殘碑綠蘚生哭盡兩臺天欲雪

孤舟人影大江橫

再和前韻

空山野廟短垣推風緊潮寒助客哀日暮漁樵閒指點

無端白髮哭高臺

空有愁吟學楚荆相看華髮滿頭生男兒得遂酬恩志

豐詩四

西臺編

匹馬西風一劍橫

金陵故宮遺香

遇五先生歸自金陵得宮香一

結客場空憶少年故宮回首隔秋煙白蘋江上花如雪

瓦鼎焚香坐釣船

幾時攜箇看山僧白髮相逢說太平並建兩都誰作賦

賣香遺事記金陵

再和前韻

廬史銷殘又幾年君家須續舊湘煙漢宮香譜重箋處

人在斜陽江上船 湘煙錄查史一

宮人斜趾住殘僧帆漾春潮岸樹平不是玉臺宮怨意

莫將新詠繼徐陵

復和前韻

夢中宮闕記當年十幅蒲帆一縷煙本是浪遊無箇事

金山碑斷莫停船乙酉兵集金山碑版俱焚

蕭蕭瓶鉢願隨僧蹋葉尋秋江路平拈出袖中香一瓣

新詩滿軸祭昭陵

金陵故宮遺香余三和湘人韻友人繼作余復

和之

湧幢曾記世宗年香庫俄連祕閣煙忽報張家灣口

到龍涎十斛廣東船朱文肅公著湧幢小品

草巷人老未爲僧一曲悲歌恨未平南越數年消息斷

豐詩四 西臺編

莫教狼藉舊零陵

重和前韻

丹青板樣歷當年十種鴻書繡古煙四方得遇五翁刻本稱爲十種鴻書

圖籍已空離亂後江頭還認米家船

歸來隨著摘茶僧閑訪靈巖草樹平涇號采香人不見

一帆春雨過松陵

三和前韻

博山遺製曠千年誰解薰香不放煙宮餅擣成還寄我

春風好附借書舫

散客閒如退院僧江邊扶杖暮煙平休欺白髮憐香客

豪氣當年壓五陵

四和前韻

南國重來已暮年雙飛白鷺一江煙賣香客去行人少

立盡斜陽喚渡船

一半知交竹院僧鏡前看劍氣難平不如結箇蛾眉客

儘把遺香散廣陵

五和前韻

筆牀茶竈自年年領取西窗石鼎煙祕閣書從何處問

勸君重買渡頭船

鐘催江上夕陽僧寂寞春潮挂席平夢入瀟湘叢竹去

鷓鴣啼雨過黃陵

六和前韻

豐詩四 西臺編

蟬鳴兩岸日如年帆指苕谿挂暮煙打得象棋新勢就

薰鑪灰冷載書船

老去空依雲水僧垂簾永日似君平從教學取靈芳國

千樹桃花繪武陵靈芳國事見清異錄

敬夫宿水北菴聞竹聲不及入林而返歸途紀

事余用其韻

昔我在鹿山長鏡掘黃獨草堂渡頭西遮門一叢竹虎

跡探平沙松根挂危谷樵夫話晚涼山空語無俗隔竹

寒泉飛窗中數峰綠度嶺清秋天日落歸輿促丹青結

夢遊問樵圖一幅長吟聞竹詠重翻西堂燭

重和前韻

亂後故人存村荒一家獨西偏古僧廬空搖數竿竹磬  
斷聲鏘然髣髴隔巖谷展書借禪鐙感慨話風俗開門  
望遠樹斜月一潭綠竹徑不曾行遊侶晨裝促背帆坐  
支頤繭紙披長幅攜來豐草菴疊和幾銷燭

三和前韻

婚嫁畢無時長往不妨獨會當別爾去隨行一筇竹慟  
哭香鑪峰躑躅康王谷精廬託亂山瀑布隔塵俗飛書  
絕交朋一嘯秋山綠空懷遊嶽情徒悲年運促借樣製  
樵巾輕紗裁一幅姑遊水北菴踞薛還攜燭

四和前韻

他年埋我處水西村樹獨丙舍蓋黃茅墓石藏深竹松

豐詩四 西臺編

四

杉次第栽臨水結梅谷題曰夢道人生前不諧俗老去  
共傷悲相看鬢非綠坐學秋蟻吟自今年命促不如復  
徵夢烏絲續新幅手種竹三竿摩挲夜燒燭

讀非翁石船存草有感

千秋歷落人一二不能數吾家有石船逸事嗟未補推  
窗讀君詩嚼檠心自苦張墩續釣盟忘年定余許

種豆用前韻

種豆榜樹根曉指曙星數牆西屋三閒黃茅及閒補豆  
花涼自垂絡緯吟自苦秋草與秋蟲萬古愁如許

卽事用前韻 二首

牆透玉蘭梢初葉清可數西偏伐枯棠定種梅花補茶

杯祭孟郊稱君詩味苦後夜月魄升應喚柰何許  
青峰七十二秋宵夢中數潭小奔泉飛牆缺垂藤補人  
定話西窗燈昏寒月苦彈劍忽鏗然微軀定誰許

夜景

交藤如裂冰石子苔窠剝月影下西牆正射闌干角

寄友人次角韻

涼秋坐谿堂采菱共儂剝汝坐青藤根儂坐豆花角

督治豆花棚次前韻

插篠護初苗綠莢待秋剝正如盤中詩中央旋四角

夜坐復次前韻

月出藤棚西窗紙自偷剝蟋蟀避燈光竄入青菱角

豐詩四 西臺編

五

童歸復次前韻

童歸擔谿泉彈戶聲剝剝澆取一園花老我南村角

南村卽景

鳥啄櫻桃壓樹垂種秧歸屋屢懸籬水村補瓦迎梅雨

野廟酬神唱豔詩斷渚客呼漁艇渡落霞僧立石橋窺

鐙前細引兒童話寫作南潯卽景詞

病起課童澆藥用前韻

牆角休嫌薜荔垂放將寒絲亂藤籬便裝夏日田園樣  
須補庭中草木詩童曠不知松下問客來自隱竹邊窺

花名最動人煩惱一樹山鷓好製詞

卽事用前韻 二首

樵笠懸窗紙幕垂雙扉曲繞數層籬多憑夢去尋遊覽  
生怕醫來戒詠詩移竹艇衝斜雨放候茶童隔亂藤窺  
盡呼兒女花前鬧教唱新編豐草詞

一軸湘簾盡日垂賣書人到暫開籬藥欄砌學棊枰路  
海燕聲如蠻語詩種樹訣尋樵艇問蠹花蟲喚小童窺  
石湖舊本誰分與研紙先鈔雜興詞

夜窗獨坐復用前韻

晴江難放釣絲垂空學樵裝住小籬此日伴愁三足鼎  
他年祭我一編詩護紗笠破飛螢透古錦囊空野鼠窺  
教取雙童吹鐵笛白頭自唱夢遊詞

聞竟孚吟聲次韻預和

豐詩四

西臺編

六

松未離盆翠鬣垂野薔薇結繞窗籬吟成落葉渾忘夏  
話到廬山欲廢詩瘦竹杖求禪客相遠村花倩別人窺  
卦盤射雨添新詠短幅先郵和韻詞

從非翁借書復用前韻

授經一幅絳紗垂幾日南村蹋雨籬賤子能排京氏易  
高賢曾受遠公詩精廬何處堪雙結雁蕩他年約共窺  
肯乞異書三百軸不勞紙尾更批詞

有感次前韻簡西谿客

接翅昏鴉滿樹垂抽書獨坐晚晴籬土風四月聽收繭  
家世茗谿愛課詩得句且教兒輩寫愁心留放後人窺  
一編文苑詩刪就再辦閑情點宋詞

讀孟樸先生存草次韻因懷舊事

當年枯柳傍門垂艇載山僧過蟹籬滿眼故人同說劍  
三更白月坐聯詩那知送客都成識集中聯句詩同左  
別還記藏書許共窺石子洗清籬又結一甌茶薦奠君

卽事復用垂韻

囊墨纍纍滿室垂養埋退筆傍西籬遮風墨障圍謙卦  
石刻李陽冰謙除瘧新符帶杜詩草向結繩閒處闕劍  
當翦燭坐時窺田園雜事題多徧還少藤棚聽瀑詞

復用前韻作止詩詩

挂起西窗綠雨垂哀吟何苦鬧花籬袖香一瓣供枯坐

豐詩四

西臺編

七

合爪南宗饑詠詩池放呼名新鳴浴筆隨祝子野蟲窺  
從今文苑難拘束好拂長牋作賀詞

雨中簡故人

空庭水沒綠葵梢石子階深水藻交結夏擬投方外社  
愁霖思構半山巢賣書客到籬難閉挑菜人歸戶又敲  
算得黃鍾新樂譜添裁幾箇製笙匏

卽事復用前韻

四首

落樹花黏竹帚梢蠶天人靜蘚痕交思開石竇延僧話  
終入雲峰共鶴巢轉水車圍村市響賣漁鼓雜雨聲敲  
易名要學田園樣便擬從今號野匏  
廬結茗谿水市梢青梅磊落綠陰交斷橋古渡人撐艇



細雨斜風燕定巢  
藤架喚收殘網結  
釣鉤例拾繡鍼敲  
插花瓶愛山家樣  
快翦挑燈自鑲匏

黃鶯飛振玉蘭梢  
帖學稽康草絕交  
石路三叉營鹿柵

花籬一曲護書巢  
放翁名其室曰書巢  
牆藤薄處漁蓑挂  
急雨來

時藥日敲尋得東  
谿長柄種杖頭他  
日也懸匏

草堂空憶渡村梢  
樵社拋他方外交  
幸有夢鄉堪避世

卻將風角讓居巢  
蠻童偃蹇停書課  
野衲荒唐學塵敲

記得弄潮人怪事  
秋濤飛處挂空匏

首夏田園雜興用前韻

透盡蘆芽與筍梢  
歷查小滿卻新交  
蠶忙水店評桑價

雨識田家指鵲巢  
載竹船開壇預築  
煮茶煙斷石還敲

豐詩四 西臺編

八

陸璣草木誰添疏  
認取園中苦葉匏

初夏紀事限韻

黃磁斗放蕙芽尖  
歷歷風吹響菊籤  
試茗乍停三日夢

借書未害一生廉  
閒招野客樹根坐  
稍欠茅亭水角添

竹削詩牌分險韻  
不知句外味誰拈

前題約西谿客同賦

藥闌洗出石稜尖  
史架抽來盡綠籤  
坐徧藤陰忘是夏

貪看山色不曾廉  
擣香聲緩日方永  
水墨圖懸竹又添

放取雙童閑鬪草  
杜鵑花葉怕重拈

夜步藤棚復次前韻

石根斜放筍梢尖  
竹笈分標百藥籤  
繞屋谿清應號夢

沈文通因感異  
灌花泉小合名廉  
月看今夜藤陰漏  
架夢名谿為夢谿  
待涼秋荳莢添好  
續興公金石賦天  
台遊話莫空拈

客有和竟孚斜韻詩余用韻得三首

菊籤雁翅傍籬斜  
裝點南村野老家  
斑竹籠收新摘艾

黃磁斗種隔年花  
筆逢退穎似羸馬  
書到會心如飲茶

清事從來有真癖  
不堪持贈是煙霞

醉漁曬網豎竿斜  
鳧鴨聲中暫寄家  
秋晚每租鄰舍艇

日西去看別村花  
沙瓶未賣留燒筍  
樵笠新縫備采茶

碎石種成浦九節  
好題齋榜作青霞

荳棚霜壓菊籬斜  
兒學愁吟喜克家  
畫裏書堂懸瀑布

夢中秋葉撥蘋花  
琴牀角缺移攤藥  
石鼓苔青坐試茶

豐詩四 西臺編

九

記得鹿山村牧樣  
倒騎牛背看晴霞

重閱梅箱存草感賦

可憐清嘯靠湖齋  
屋任谿樵斫作柴  
杜甫亂來吟詠苦

謝翺老後姓名埋  
難忘澹墨傳吟帖  
忍憶圍燈鬪畫牌

孟村翁尺牘多澹墨戲  
十五國風曾踴遍  
平生幾鞞破

芒屨

雜興復用齋韻

石紋歷落繞空齋  
貧遣兒童學賣柴  
種菊譜編筠紙寫

養魚盆取樹陰埋  
意中草閣西山渡  
夢裏寒霞篆字牌

一思鹿山一紀七十二峰舊夢  
結束老來思朴野  
飛雲莫著屑香鞵

答西谿客用前韻 四首

隔架藤遮課子齋清泉一餅沒煙柴筆從落葉聲中絕  
骨揀梅花鬧處理結客有誰分馬券遊仙曾見挂麟脾  
江南惱殺黃梅溼高齒還穿屐樣鞵

短籬一尺綠圍齋枯樹藤垂只中柴說夢無徵隨筆錄  
鍊香依譜倒瓶埋青鐙夜集懷賢帖白玉新鑄止酒牌  
眼底漁樵家具足新絲結網草編鞵

蕭蕭寒葉響村齋米價難平又苦柴壁繪名山無惜臥  
書成離亂祇應埋買童約法先編帚養鹿呼名也刻牌  
明眼有人拈不借參宗問取兩芒鞵

一章巫峽嘯西齋種荳棚疏縛槿柴別館書衝殘雨借  
遠村樹借溼雲埋枯楓斲取規壬式石黛研成點卦牌

豐詩四

西臺編

十

痼癖自來同陸羽明年準蹋采茶鞵

豐草菴詩集卷五目錄

病孔雀編

病孔雀 聽雨 春日 四 聞警 春雪謠

感懷 憶既方 西谿客出訪友人 喜閱持

訥至 二 春日寄持訥翁書 老馬 蠶豆

移梧桐 一 絕 蒼頭借書未至 題豐草菴書

譜 菴居雜事 三 西谿客蹋雨南村 布穀

海棠杖 清明竹枝詞 張非翁為余買書

志感 買花 種蓮 錦邊蓮和非翁 喜持

訥至 感園客先生借書漫成二律 汲水洗

砌石偶賦 讀射堂詩 志園子山中寄藥苗

豐詩五 病孔雀編目 一

遠遊吟贈西谿客時西谿客將遊吳閫 架

屋詞 曉起 閱許有介米友堂集感舊 雨

齋 宮人入道和唐人 小童定名渡村思鹿

山也 秋夜夢至玉真仙觀閱古畫甚奇偉余

題其卷首云千門萬戶畫地成圖覺而異之適

敬夫有賣花之作因用其韻 欲結菴玄墓

夢夾山漾 虞聖民至自竹墩言二三月間東

林有燒野香故事余聞而異之 登樓書所見

遣信吳門買書未至 身後吟 畫漁船

今日日南至 寒日有感 風雪中話楊機部

先生 雪 蠟梅 歲暮 歲盡西谿客別去

土室詞 歸塵詞 祭竈詞 土室種蘭

命樵兒和種蘭詩復用前韻 書屋初成 歲

寒香 正月辛卯鄰家娶婦住船柳岸余欲移

海南莊便從借船 示樵兒 哭青藤 春盡

寄竟孚 寄不寐道人 病中晤王子 代簡

邀西谿客 樵兒病瘡 愁懷 何處難忘雨

夢裏

豐詩五 病孔雀編目 二

豐草菴詩集卷五

病孔雀編

吳興董 說若雨著

病孔雀 辛卯 壬辰

頻呼都護立江沙 孔雀鳴若 曰都護 翠尾新凋五色霞 死骨願

埋南海土 夢魂飛繞刺桐花 文嬰世網偏多悔 山谷題 畫孔雀

枕柳暗天蕉葉長 渴飲寒泉祇自嗟 杜甫赤霄行孔雀 終露文章嬰世網 未知牛角有角渴飲

寒泉逢 雁觸 憔悴形容人不賞 莫教圖畫入侯家

聽雨

梧桐滴瀝客心驚 撥盡鑪灰白髮生 雁落秋江愁萬里

燈青孤館坐三更 當年箬笠人何在 明日谿橋水又平

尋著漏聲當屋角 夜深百市繞書行

豐詩五

病孔雀編

春日 四首

蓋牆薜荔屋欹斜 適意圖書閱歲華 墨掃湘雲鎔鹿角

香拈百和煮梅花 余製墨名湘雲 又為山家百 庭前怪 和香與花瓣同焚 殊有清致

石堪成譜夢裏青山 便是家 快雪初晴春又綠 呢他新

雨長茶芽

獵獵淒風紙幕垂 琴臺塵厚石杯欹 蘭栽村市收鐙日

香擣鄰家打稻時 累月凝寒春 孟猶剛打稻 蟹劇已忘人 責券倦來

喜免客投詩 今年雨冷花開緩 為卜新梅又數著

野人蹤跡背時宜 新鑿牆頭漏一規 墨杵聲中臨丙舍

藤陰疏處曬辛夷 但箋香草能醫俗 祇話雲山也療饑

名是無名字無字 余有餘 無名印 不妨自草夢鄉碑

煮茶煙透綠陰中 遮屋黃茅間瓦松 但遣異書供研北

不妨野語聽齊東 周密著齊 東野語 香拈細雨招新夢 門閉春

風仗短童秋色 今年應更好 小窗移得碧梧桐

聞警

樵船載圖書 移家鹿山去 何以珍護之 斜閣松深處 歸

來春幾綠歎息空 往事藏書託新構 豐草名自署夜聞

鼓角聲 秉燭倉皇視摩訶 嶼嶼碑與汝待天曙

春雪謠

黃鸝無聲寒竹瀉 茶煙斷續西窗下 兒童拍手草堂前

湖頭雪壓看花船

感懷

豐詩五

病孔雀編

茅屋三間亂篠難 繡苔石落燕泥乾 蠶眠初起桑園鬧

茶價新高瓦鼎寒 樵艇許分父畫杖 竹牌喚揀釣魚竿

摘來姊妹花 偏豔白髮愁 看獨倚闌

憶既方

殘日立松影 春齋知對誰 看君騎馬去 是我別山時 有

手經堪授當年髮 尙垂只今愁 不見點筆記相思

西谿客出訪友人

野水危橋路幾層 借書卻拄看雲藤 閑過竹院思曾到

遙見春山惜未登 此去隨行還欠鶴 他時重訪合攜僧

南村回首高吟處 漁路垂楊挂短簷

喜閱持訥至 二首

喜閱持訥至 二首

故人老學野樵裝細雨輕舟住柳塘衣袖薄垂懷古賦

藥囊添重帶名香卜居我轉青楓式相宅君嫌薜荔牆

余為持詠作卦持詠喜談五行苦欲窮牆頭薜荔解道平生飛動意杜陵端的

是詩王杜甫少時受神話有詩王本出陳留國語

百規宮餅伴山裝滿篋新書并贈將十載空遊南海夢

今朝真續少年場時贈余許有介集元戎冷落看醫壘故國飄

零惜內香持詠復贈醫壘元戎六冊官香二篋翻話草堂門外事板橋春

色數垂楊余不見門前柳色數年矣

春日寄持詠翁書

懸知書到後心揣剝封時定劇清羸疾來徵野外醫斜

陽披小牘鄭重借新詩白髮淘華老呼筇出短籬持詠有淘

豐詩五 病孔雀編

華書

老馬

玉勒曾嘶出塞聲御前同奏戰功名老來一任無拘束

放在平沙細草行

蠶豆

誰賦田園雜興題琅玕記取夏初垂喜看桑底懸新莢

恰值蠶眠未吐絲細雨賣茶聲過後竹籬燒筍火停時

沙瓶漆欄分前詠豌豆今逢第二詩誠齋集蠶豆詩有沙瓶新熟西湖水

漆欄分嘗曉露腴又言蠶豆未有賦者蓋豌豆也吳人謂之蠶豆

移梧桐一絕

四月谿堂漸綠陰數章落葉倡哀音琴材待付雷家斲

移近西窗聽苦吟

蒼頭借書未至

錦囊初別故人居帆背蒼谿指舊廬細雨正逢南去雁

野航劣受借來書多應解事能懷古未必臨風獨怨余

簪笠已穿蓑又壞桃花流水亂歸漁

題豐草菴書譜

病來圖史喜偏增竹架玲瓏疊數層有日暫拋綠聽雨

他年終捨去為僧窗中磊磊西山石閣外垂垂百歲藤

目錄編成空自惜幾家傳得讀書燈

菴居雜事 三首

門掩谿南自種蔬十年不上看山輿漸遮窗影離盆樹

豐詩五 病孔雀編

忽蹴淡紋散子魚架借異書籤代換雨蒸舊畫軸頻舒

日長睡起茶煙冷蝴蝶花開夢客廬

童穉新頒種樹科擬鐫松歷石新磨空堂鍊墨擣茶臼

細雨借書披釣蓑畫帶乍驚銜蕊燕卦錢移買放生螺

竹枝拗作池邊柵為怕兒童摘早荷

歷亂苔生藥滿畦嬾將身世算枯蒼古人不見那須恨

俗客無來自一奇祇為山川增涕淚可憐風雅又衰危

哀吟坐盡三更雨文苑刪成欲寄誰時成文苑英華詩略

西谿客賜雨南村

羨殺看雲拄杖輕老懷空負賜春情人從燕子飛邊去

獨繞闌干曲處行江上愁心春雨綠斜陽歸路小橋橫

守門童出前谿候認得來時屐齒聲

布穀

布穀聲聲鈞艇開洞庭影沒亂雲堆牛羊歸盡江村黑  
渡口人喧雨陣來

海棠杖

虞聖民贈余杖曰此西山中海棠榦也感而賦之

稜稜骨相瘦節儻不似春風逐隊柔舊日繁華誰夢見  
老來憔悴伴僧遊傷心絕藻俄才盡忍對傾城又白頭  
莫挈少年場裏去只宜煙雨楚江秋

清明竹枝詞

客有從吳門來話風土近事韻語記之

豐詩五

病孔雀編

五

班首申衙舊擅場梨園白髮道家裝西樓樂府朝來演

老去風流是穆孌

聚頭扇子寫卿卿輕薄兒郎其結盟不是狹邪偏意氣

近來歌舞重虛名

布穀聲中喚酒船同春館去買新牋幅幅泥金描彩鳳

十王名帖揀紅鮮

碧紗轎駐水塘灣楊柳風吹燕尾鬢要赴鏡前絃子社

莫攜儂上虎丘山

張非翁為余買書志感

感恩聊寄綠葵牋重結他生文字緣門外苦催賒藥券  
人間誰段買書錢空登西閣日相望同在南村竟各天

萬卷子孫能永保只教世世頌高賢

買花

前裝梳子後山鵲纜結垂楊細雨天若肯載將書畫去  
病夫也坐賣花船

種蓮

今年五月晚涼天架上青松檻外蓮要定采蓮新曲譜  
卻煎蓮葉染藤箋

錦邊蓮和非翁

五月汀洲別樣妍澹霞一縷晚涼天證成白地元非染  
改作烏絲好製牋曲沼紅欄銷夏處紵衣繡帶采香船  
定口子夜添新詠解得相思莫問憐

豐詩五

病孔雀編

六

喜持誦至

索索梧栴響草堂鐘燒新製翠寒香余製翠寒香屑殊有遠韻高人  
坐仄添詩話病容秋深覺睡方書向種瓜村裏借余從  
先生借書持誦葉當賣藥艇前黃世閒幾箇清如許白  
髮飄蕭意正長

感園客先生借書漫成二律

借書前度雁初去此日寒村葉又黃解帙正當聽雨處  
酬恩欲寄擣香方不知何事謬心許相見無緣祇斷腸  
幸有先人敝廬在幾時來訪蓼花塘

舊本親鈔墨尚新寄來研北暫忘貧風流罪過曾何損

泉石膏肓有幾人兩世借書成故事先君昔從一家知

遇似前因亦人爲園翁命 疊山集望重抽架料得先  
生不厭頻時託持納借謝

汲水洗砌石偶賦

雨餘仍抱甕石子露文疏便與客同坐細商籟外書竹  
枯儲作帚泥潤中栽蔬雙鳥忽飛去隔牆人荷鋤

讀射堂詩

耆舊銷亡倍可憐射堂格老壓吳天詞場唱徹三千里  
詩統前空五百年芳草落花調馬地斜風細雨釣魚船  
高情澹蕩渾如此若箇承他夜半傳

志園子山中寄藥苗

七月故人來快說山水狀西村授經處開門對青嶂平

豐詩五 病孔雀編

生愛山癖餅餌挂藤杖穿石蹋杉影日與樵人兩路盡  
見高僧敲鐘水簾上法堂秋草深石鼎吃相向薄晚豹  
蚊飛焚蒿替幃帳語罷君出門蒼茫嚮西望藥苗昨寄  
與遊跡正清放

遠遊吟贈西谿客時西谿客將遊吳閫

那能送君行只作君歸語松陵雨望洞庭山模糊一片  
青蘆葦人背蒲帆立船尾

架屋詞

秋日以樵采餘材屋上架屋從望  
天西南角足當臥遊作架屋詞  
屋頭小架爨餘材草創村家竹裏臺借得蓑衣兼笠子  
雨中坐看亂雲堆

西弁峰青落日閒洞庭斜露碧煙鬢竹頭木屑無多子  
買盡吳山又越山

遠村一段夕陽愁祇是霜林葉未凋替種數株烏柏樹  
年年九月隔谿秋

鹿山空作夢中遊榭葉斜橋古渡頭雲斷郭西愁不見  
幾時再起一層樓

曉起

滅燭披書讀未明空庭著屐繞階行青藤一架雨初霽  
澹月半牆雞亂鳴種樹人肩泥鍤去撈鰕船觸水籬聲  
今朝擬補園林課竹徑教編石子平

閱許有介米友堂集感書

豐詩五 病孔雀編

身是君家弟子員喜看絕藻又空羣新裁釣笠酬知己  
曾著青衫論古文玉史先生往督學兩浙余以古文見知 斗酒未澆南越  
土爨香遙禮海天雲祇應地下還憐我豐草千篇擬自  
焚

雨齋

漁艇度聲溼谿寒雨一庭牆低看鳥遠窗破漏藤青釀  
荔添花譜糜榴驗墨經西偏堆石處少箇夢山亭

宮人入道和唐人

聽斷昭陽鼓吹聲道家衣向御前更從拋團扇三秋怨  
卻勝琵琶萬里行留錦祇謀裝祕笈買絲還擬繡飛瓊  
天家異日齋香使白髮宮監記舊名

小童定名渡村思鹿山也

榭葉響樵路斜橋水一灣渡村忘不得相伴夢青山

秋夜夢至玉真仙觀閱古畫甚奇偉余題其卷

首云千門萬戶畫地成圖覺而異之適敬夫有

賣花之作因用其韻

滿地松欒石齒斜樵夫指是玉真家人閒九月攢霜菊

洞裏千門著杏花散客倚闌方點筆短童卷袖笑擎茶

攀窠大字留題徧氣壓能書蔡少霞

欲結菴玄墓

掩戶話青山我心已馳往黃茅結亭子生賴煙雲養插

架萬書籤嘯讀松杉上

豐詩五 病孔雀編

九

夢夾山漾

新雨春樹綠放舟夾山漾帆偃谿風微船頭紫藤杖故

人卜何子遠立茅亭上相呼不能近蘋月生輕浪

虞聖民至自竹墩言二三月間東林有燒野香

故事余聞而異之

東林山口溼雲開盡插山花帶笑來燒罷野香人散去

青楓樹下紙錢灰

登樓書所見

疏林葉赤水生煙正是江南曬稻天鄰舍蠻童花插髻

柳陰撈出甯泥船

遣信吳門買書未至

思遠不成夢瑟瑟飛寒雨屢誤風窗聲嘔啞認歸櫓尖  
山梅未花留連定何取天明呼小童頂笠候漁浦

身後吟

共飲秋山茶聽我身後吟身前愁浩蕩身後言苦辛小

傳述窮愁寄賴平生親文章貴直筆要使大義申美惡

不相掩實錄寶天真逡巡徒諛墓高意成埃塵尺短寸

有長我質誠未純冷若九秋雨沒世無陽春自評確不

易瑛屑聊為陳手著一函書副入空山墳誰為理殘藁

寄與蘆中人我友嚴子自稱蘆中人蘆中人不來迴腸轉車輪吞

聲莫慟哭竊恐惱比鄰

畫漁船

豐詩五 病孔雀編

十

平生無畫才愁至筆聊及寫作小漁船磊落江濤立呼

兒兒不前僕老持紙述兒癡一何甚僕淚一何急共立

雨聲中南飛雁音澀

今日日南至

今日日南至前去三十年歷亂傷懷抱要踟尋山船漁

子甫三歲索索噓我前見我疊行囊牽衣問因緣嚙指

不能答掩淚向壁眠夜久燈燄微兒去人無喧起步躡

愁影細雨風相連平生忽兒女輕若秋蒂翩那知相決

絕腸斷呼蒼天間有飛形藥尸解亞神仙誰能乞刀圭

令我生乍捐死去冥無知生離實愁煎

兒女尚自可白髮親相憐恐傷慈母心負罪通於天止



止勿復道無令愁語傳欲去去未能欲止止無緣欲死  
魂未離欲生難駐年

吳興盛風雅清絕天下傳先人力振作知歷當年詩  
名屬我家磊落江南天樵兒年十四學語劣成篇作賦  
古戰場似有文章緣使我終教之家聲應未湮今當以  
愁死兒業遂棄捐

洗我缺角研穿我擲卦錢芒屨及箬笠瑣細那可捐書  
畫共藤笈錦帶互糾纏既無遠遊心行裝何燦然非無  
遠遊心水深渡無船登樓望西塘高帆去翩翩下山沒  
不見作雪雲滿天

平生著易發律呂表幾先不學漢京房納甲配兩弦斷

豐詩五病孔雀編

十一

石屬山匠匣祕書百篇草木及鳥獸名物欲細箋郭璞  
注蟲魚何必非古賢爾雅不磊落韓子言未然惜哉書  
未成投筆生難延

我有所生母地下音難傳中夜夢見之拭淚青松邊撫  
我謂莫去欲去宜早旋醒聞南雁飛背壁孤燈然明朝  
紙窗底莫寫遠遊篇

結交少年場立身慕先賢布衣不自媿偃蹇公卿前那  
知南村中俛受童僕憐童僕憐尚可買帖囊無錢

庭中有老樹醜菓枝不妍風霜逼歲暮坐對心苦煎村  
西三十里晟舍有高賢其人姓閔氏字客冠以園有子  
與同隱圖史許分箋五日遣奚奴十日寄樵船傾箱發

祕異胡爲獨纏絲死無報恩期吟與後人傳

復有非齋老講帳南村懸其尊爲父執高靜如古禪借  
書動百軸兼餉買書錢太湖村之東晟舍村西偏千秋  
表高行合璧稱二賢

敲門呼敬夫紙燭夜自然起起欲共語坐定忘其端敬  
夫爾知我安能復長年圖書藏副墨莫遣後無傳

寒日有感

藥券頻題已不靈風鑪灰冷側沙瓶柴門永閉人空老  
積雪半消山未青牌握象牙推納甲鋤攜鴉背教添了  
著書怕觸親朋諱座右須懸沒字銘

風雪中話楊機部先生

豐詩五病孔雀編

十一

當年野泊崑山下古墓草荒排石馬並船乍遇楊先生  
蕭蕭不是風塵者上書自請斬樓蘭拔劍燈前夜獨看  
囊中出塞一吟軸奇字歷落蛟龍盤薰鑪火冷撥灰坐  
話到英雄暫辟寒余遇機部先  
生歲在庚辰

雪

不來窗外看總道葉飛聲滴研水先凍讀書堂轉清人  
閒茶話細船聚板橋橫憶向畫圖見客騎驢子行

蠟梅

東籬寂寞斷幽香格外寒梅傲短牆小院晚風殘歲盡  
半庭澹影夕陽黃山家摘蕊添銅鼎野老穿花稱道裝  
不是氤氳聞別調卻疑秋葉滿林霜

歲暮

東偏門小蔽青藤作雪雲堆晴未能病骨朽如前歲歷  
老懷澄似退堂僧僕謀種菊嫌籬缺兒課鈔詩訴研冰  
保得數椽茅屋在年年寒竹漏書燈

歲盡西谿客別去

雀聚檐頭霜滿林兩年悔負看山心有同看吳山之約不果人當  
難別反無語日到歲除偏易沈生怕送行詩入俗只將  
落葉句長吟重來莫訝添離隔要護講堂深復深

土室詞

西偏書屋貧不能具地隔作  
土室詞使童子長歌自解

一片春苔籍竹牀亂藤侵遍畫山牆田園風景真奇絕

豐詩五 病孔雀編

三

書卷齊堆打稻場

休疑蜀道上青天行路崎嶇盡可憐實地蹋來心較穩  
從今拈出祖師禪

掃塵詞

吳俗十二月掃塵為  
歲除風景作掃塵詞

瑟瑟臘鼓掃塵時豐草菴空竹拂垂自信世間塵不到  
平生長隔庾元規

祭竈詞

祭竈鐙寒祝語疏自將功過默乘除風流罪業應難免  
偷寫人間幾葉書

竈王歸去海雲稠應記南村人正愁為上綠章封事奏

青山乞與半生遊

土室種蘭

土室貴返朴坐處春草生拔草種蘭窠躬學老圃耕銅  
瓶朝瀉水南窗初雪晴花向架書垂葉鬧春風聲春風  
發几研勝繞池塘行

命樵兒和種蘭詩復用前韻

有待覺為煩不遣一念生掃室種幽蘭及此未春耕仰  
視屋梁摧斜隙漏新晴花葉相向綠摩切清鏘聲當門  
不用戒齋室斷人行

書屋初成

九曲籬成自往還亂藤遮屋不須刪愁來草閣四窗雨

豐詩五 病孔雀編

四

夢裏江南萬疊山買艇劣容琴鶴共種松兼辦子孫閒

一九泥斷東偏路只遺清風夜扣關

歲寒香

松鍼柏葉采貴生調和棗膏荔子并擣之萬杵藏翠罌  
謚曰歲寒香莫京空堂風雨鑪氣清激發竹樹開秋聲  
孰始制作余無名

正月辛卯鄰家娶婦住船柳岸余欲移梅南莊

便從借船

竹窗幽夢自天涯夢蹋春山看采茶睡起日斜添怪事  
畫船簫鼓載梅花

示樵兒

晴窗弄筆累呈詩家有圖書善護持佛閣且隨余合爪  
人閒何事不低眉總拋得失騎牛外只較輸贏鬪草時  
依樣葫蘆定無害他年也作示兒詞

哭青藤

避屋青藤余苦愛之  
一日為鄰家翦去

碧葉玲瓏亂篠閒愛他翠疊似空山只供清賞那無罪  
不入時宜合受刪便減一分秋雨響直銷四面草堂顏  
從今但作秦郎夢醉臥藤陰杳不還秦少游詞醉臥古  
藤陰下杳不知南北

春盡寄竟孚

只道消搖屬夢遊架書緣懶怕頻抽豔香思殺海棠國

豐詩五

病孔雀編

五

涼雨作去聲成罌粟秋飛燕繞堂如說呢茶童雙髻稱騎  
牛高吟趁取長風便人在南村古渡頭

寄不寐道人

鐙點長明精舍幽江南鼓角亂邊愁奇文偏削睡鄉記  
佳茗還封不夜侯畫壁臥遊青嶂小紙窗聽雨綠蕉秋  
夢華一卷從頭錄眼底茫茫禹九州

病中晤王子

破例邀君坐水亭從教疑殺老園丁別來桐樹幾回綠  
話斷茶煙一綫青西漢藝文誰載道南村花木盡談經  
要裝落葉新詩軸乞取長歌當座銘

代簡邀西谿客

不及其聽雨新晴聊為來夏園詩未續寒釣軸初開茶  
劣議烹水盆閒欲種苔相逢無限話莫作借書猜

樵兒病瘧

南村屋老樹成鱗黃葉相看病裏身好點禪燈參冷暖  
試開藥裏辨君臣愁逢秋雨還成例句驗翁詩未有神  
何日籃輿蹋山影一家強健訪樵人憶鹿山舊樵  
故未韻及之

愁懷

石階放盡舊蘭窠雨探藤花借屐拖門向春風空自閉  
言逢快意又成訛香憐亞溼將詩換曲買冬青教子歌  
老去欲圓漁艇夢從今結網并穿蓑

何處難忘雨

豐詩五

病孔雀編

六

何處難忘雨涼秋細瀑垂小窗佳客在白芫試花時漁  
笛聲全合水村煙正宜谿山暮上好雨瘧少人知

夢裏

夢裏村人說秋江繞畫旗病隨新話減老惜太平遲出  
塞誰家曲從軍幾軸詩小遊能決勝試布九宮碁

豐草菴詩集卷五

豐草菴詩集卷六目錄

紅蕉編

詠紅蕉<sup>二</sup> 買童名如夢 春雨 閔持訥晤

余述棲雲禪師天台時事 出門 夜泊松陵

過包驚幾故宅 過吳王治軍處 木瀆道中

靈巖歌 浩歌別長嘯翁 示漁童愁文

古怨用孟東野韻 梅花乳 字釋 樵耒詩

示二兒 夏日晤長嘯翁斜陽別去 五月歸

自靈巖閱幃孺姪詠墨集 渡口與胎簪十兄

夜話 補籬限韻 反苦寒吟用孟東野韻

住住歌寄山中人 住靈巖峰頂 六月得夫

豐詩六 紅蕉編目

山和尚書長牋細楷詞義粲然末後數行述山

中近來多事無暇法語此靈巖一段新公案也

七月紀夢 黃鍾引答幃孺姪論易 行樂

夢華潭口 話鹿山舊事 擬徧遊吳越 浪

遊 雨遊 秋蟲 桃葉引 賒書戒 自題

草菴羣碎錄 賣田 秋夜吟 秋日將至靈

巖 偶拈陶宗儀詩依韻賦卽事一首命樵兒

和之 菴中童子夢至靈巖 待西谿客不至

還山吟 漫興用前韻 山夜晤友人 秋

齋雜興用前韻 樵兒和韻余復點筆 夜讀

石湖集復用前韻 擬闕四聲牌待竟孚不至

用韻促之 寄友人復用前韻 漆鏡堂雜興

答友人復用前韻 愁語復用前韻 夢華

潭卽事用非翁疏字韻 雨後放言復用前韻

其友人話元次山詩復用前韻 雨中約西

谿客復用前韻 聞非翁卜居滄土復用前韻

兒輩過豐草菴呈詩復次前韻示之 詠漁

婦復用前韻 有感復用前韻 自述復用前

韻<sup>一</sup> 夏日同竟孚快論六書復用前韻 答

兒輩問疾因話出門復用前韻 草菴紀事復

用前韻 感事復用疏韻 復用疏韻答竟孚

晨起復用前韻 贈方外交復用前韻

豐詩六 紅蕉編目

二

豐草菴詩集卷六

紅蕉編

詠紅蕉 二首 癸巳

吳興董 說若雨著

半籬涼翠擢新莖刺眼紅牽海外情色減每增南客歎  
愁多爲借美人名滴殘秋雨心還卷聽到寒蟬子未成  
閒把杜詩相傍讀也應腸斷蜀鵲聲  
南中山水錦成堆翠葉空將秀壁猜製譜客言蘭別種  
賣花人自日邊來落成紅雨飛鵲淚采得玄珠壓麝煤  
一百八穿蓮社樣石樓長伴梵聲哀

買童名如夢

寒峰七十二余昔夢見之篆牌凝石綠七字翦新詩

豐詩六 紅蕉編

嘉業堂校刊

前夢至石樓有七字篆 西山授經客杖揀海棠枝友人  
牌云七十二峰生曉寒 緘題送南村纍纍煩致辭相勸發遊跡苦惜  
中致書寄 海棠杖 少壯時五嶽待婚嫁青鞋空爾爲開書動長歎人世多  
傷悲昔負遊仙夢今捐塵外期秋山出畫廚田園聊構  
奇自號臥遊氏夢適覺亦宜是日買樵童髮短未遮眉  
安名定如夢馳寄良朋知

春雨

鹿眼籬新織村聲隔轉遙試鞋愁薛滑鍊句怯香銷瓶  
受養花雨谿修接寺橋夢中遊跡浪魂倩小童招  
閑持訥晤余述棲雲禪師天台時事  
空山兀兀坐禪僧屋縛黃茅柱借藤一陣腥雲龍過處

松鱗昏黑鬧青蠅

積雪埋龕徑不通地鑪煨芋火微蒙紅輪忽躍千山表  
身在琉璃世界中

出門

遊子出門日澹澹水楊掠岸風悽悽臨河莫奏公無渡  
別曲休彈烏夜啼三百丈瀑挂蓮社五千仞嶽拔天西  
山經繫著枯筇竹緊峭芒鞋路不迷

夜泊松陵過包驚幾故宅

識面是長訣婁江縞素時亂來尊獨行死後證相知岸  
閃漁舟火門飄野廟旗不曾攜斗酒祭友例憑詩

過吳王治軍處

豐詩六 紅蕉編

二

遙山一點黯如雲不見吳王舊水軍學得江村茅屋樣  
四檐繩網織斜文

木瀆道中

靠山結屋路斜出拜樹成籬葉倒生賣魚人蹋石楫影  
卸笠放船天晚晴

靈巖歌

泰伯南遊蹋海水身畫龍文混龍子靈巖開山第一人  
高風冠冕靈巖史敕山隄冷松杉香千古吳王歌舞場  
秋塘獵火閃旗影蛾眉結隊齊軍裝海靈宴散玉笙歇  
麋鹿滿山開野棠采香波定塔空挂響屨塵銷月轉廊  
一朝陡變青山格旋轉乾坤老黃檗挽得匡廬瀑布來

寒流倒挂三千尺蓮社高賢海外心洗盡吳宮綺羅跡  
列傳從來首伯夷世家次序先吳伯龍門奧府人不知  
史綱正眼誰開闢山房雲斷梧桐秋一窠香篆江天碧  
秦伯墓  
在山麓

浩歌別長嘯翁

夜半山堂唾壺缺切雲冠對春風裂身逃吳會少年場  
壯懷共立斜陽說寶刀鐵鑄荆軻心銷作清鐘龍鈕結  
嗚咽聲招杜宇魂薛花血染沙場血蘆中人長嘯客廬  
山許我問高賢四海憑君教豪傑

示漁童憨文

挂帆隨天風遊跡味南北船頭撥棹人飢顏秋草色飲

豐詩六 紅蕉編

三

眉問何之欲答忘所識獵獵菰蒲中良久相向默謂余  
太憨生憨遊自奇特鄭重告憨文機盡神無測試寫昇  
天謠仰視雲中翼

古怨用孟東野韻

小盡二十九夜黑渡秋水銷盡明月魂明月爲誰死

梅花乳

癸巳五月家中復舉一雄名之曰村字曰古  
雪索篋中得梅花落瓣一裹余出新意製先  
天玉液法令用梅花屑和  
乳飲之故乳名小梅也

三生不用話因緣冷澹家風第一立細擣梅花聚香雪  
鍊成寒玉補先天

單方玉乳莫輕傳送臘寒花格外妍他日阿翁浮海去

一村晴雪渡頭船

字釋

余既字六子作告其辭曰告樵牧未舫漁昨  
定小梅名思及汝等未野長者過愛不能曲  
鑿然我已置身方外萬一遠禽鹿之性亦合  
空山中使人死有恨結今定爾六人名字阿來  
名樵字裘夏一字視琴號鐵笛生大奇名未字江  
屏一字雲一字巖號退谷子小奇名舫字浪仙  
字散客號野渡生阿子名漁字蓑江一字通翁號  
隱號江湖長小梅名村字古雲一字通翁號  
寒峰野人青松白石實聞我言  
其明日復作字釋詩以俟家乘

拂手背延陵樵坡花竹窟披裘衝夏雲寧爲遺金出俗

外子山辭庚信贊披裘當  
夏俗外爲心藏名皇甫筆世乏龍宮方莫

惜煙霞疾釋樵字

豐詩六 紅蕉編

四

祝牧通榮聲援琴歌負戴山閨刻隱盟杏苑承仙賚曉

登雲外壘月泉吟不再放犢繪田園詞場動深慨釋牧

江暖吟翠屏夔州荷鋤雨灑西託草堂白頭悲杜甫不

如石戶農海山遊太古千巖及萬壑耕盡雲霞圃釋未

甫里散誕人志散江湖傳蓬席透茶煙泛宅蘋江面野

渡釣船橫那畏秋風戰浪看蒼雪雲仙遊應未倦釋舫

蓑影落空江拍手秋煙綠漁歌翻舊譜唱繞青山足一

竿脫是非千里無拘束謝翺記釣臺高情後誰續釋漁

耆舊歎張靈死憶梅花麓羨殺古林通晴雪圍書屋祖

德隱苔谿梅村老耕讀所以臥遊生氏借孤山族釋村

樵末詩示二兒

空山闢樵路太古無鳥跡雲梢斷復飛竹澆遙轉碧鐘  
尋煙外寺碑剔蘇中石卸笠數晴峰貪奇忘日夕樵  
肩鋤立板橋水村敲社鼓一片堯時雲數家秦代譜畦  
青麥浪翻窗白蠶絲吐擬畫田園詩春楊挂山雨未

夏日晤長嘯翁斜陽別去

舊事相逢話半忘樵船還望寄棧長數年長嘯翁東京  
錄裏尋漁浦鄭谷詩中憶草堂子孟元老著東京夢華錄  
何國姓何山海闊昔人非昔水田裝休將樂府題拈徧  
生怕傷心結客場

五月歸自靈巖閱幃孺姪詠曇集

草閣卸歸裝笠帶靈巖雨高松集涼翠堂空燕方乳西

豐詩六 紅蕉編

五

窗點詠曇人靜添香炷開卷慕嚴陵悲弦為誰鼓涉聽  
音和平其心良獨苦平生夢釣臺未進秋江艣昔遇長  
嘯翁蓮莊嚴子善嘯壯遊能自譜深嗟七里灘細石澄  
可數遊懷觸新句肯戀南村土與爾辦青鞋江南就紅  
樹握手共登臺斜陽慟千古

渡口與胎簪十兄夜話

北渚相逢漫品茶青山話斷話桑麻袖中未滅雙瓢字  
燈炷重開夜雨花余八年前曾寄兄書有雙瓢對挂之  
三更每戲指籤樂國高賢傳合璧慧持為遠廬江通隱  
花相為樹數公之弟  
恣柴車經生習氣銷難盡古韻三更證琵琶琵琶入聲  
余又據劉熙釋名字作枇杷證其  
通讀深夜偶談為鼓掌之資耳

補籬限韻

丁東藥杵喚停敲重織筠絲結舊巢杜甫收瓜除晚架  
天隨翦杞入秋庖放鬆承露出門仄避竹行鞭結角坳  
明日擬將書畫曬軸中仙影看三茅

反苦寒吟用孟東野韻

苦寒但敲火苦熱愁枯桑風炎退谿綠日猛銷藤光誰  
將冰雪文寄我南村陽報以涼心鏡背篆龍鳥章

住住歌寄山中人

住住無弦譜出幽琴趣萬戶千門拔地開百非四句先  
天注震納庚子坎戊寅花甲分明水東赴小坐山房几  
案空藤牀缺足安樵具自言翰墨少年遊辭場旗鼓江

豐詩六 紅蕉編

六

南樹一從探得桃花源指迷誓鑿漁人路龍爪空韜東  
晉書金聲擲擲天台賦斬新一片無字碑磨兜堅處青  
山露梅心不禁拍闌干廿年真為儒冠誤

住靈巖峰頂

家在松陵西復西樵船春放鷓鴣谿更生昔日元名向  
中散先人舊姓奚峰繞石樓遊是夢眼空雲海物真齊  
藥鑪茗椀生涯冷又盡禪房一甕齋

六月得夫山和尚書長屨細楷詞義粲然末後  
數行述山中近來多事無暇法語此靈巖一段

新公案也

雲截山腰青未舒金人緘口證真如定知兀兀元無事

始悟息恩不草書

後回觀面雁聲天柏子休拈骨董禪石壓木犀雙偃蹇  
蒼龍尾挂法堂前

七月紀夢

庚戌月落領新夢籬角南蕉放葉長穿雲直上一千尺  
綠葢江天草閣涼虬髯自訝拂階石倒挂松葉風飄揚  
垂楊左肘已奇僻種松領下誠荒唐不須長柳發占鏡  
白荳花前盡瓦觴神靈秘旨我能會要廣松牋補夢鄉  
余夢髮成松葉垂數尺仰見綠蕉蔽天

黃鍾引答幃孺姪論易

黃鍾不揭文韻劣世間絕倒南村說黃鍾道荒易運亡

豐詩六 紅蕉編

七

其笑狂夫病轉狂狂來竹翦雌雄管吹出屯蒙聽長短  
七十二律輪天環六十和鐘聞者罕宛止繼統華山仙  
卦繪方圓著書嬾殺恨神人付睡方全圖夢裏風吹散  
漢朝文苑領英華出震會無南指車李郎推律謬更姓  
遊魂納甲雕秋霞玄枵倒跨蒼龍去山腰谿口浮雲遮  
萬事不曉草玄老泰初末後揚塵沙長楊羽獵不須悔  
空識奇字排州家誰能喝住義和轡斃靠扶桑問易差

行藥夢華潭口

吟立西南角潭秋雲亂生浦思前夜釣樹露別村晴記  
補竹籬缺私拈客句評醉漁歌正好再轉後谿行

話鹿山舊事

閒度書堂橋青山影中坐紗飄樵笠來鉢響僧裝過雲  
放半邨晴松作千年臥童搖訪澗船又蹋蒼苔破

擬徧遊吳越

吳郡名山洗雙眼越中仙都鄰故園青鞋布韞只今始  
白石長松聞我言九十日春雨亦好三千年史辭何煩  
讀書裏足廢遊覽禽尙不如秋嶺蟻

浪遊

窮愁難募購書錢浪跡江邨詰曲穿西塞詞拈青箬笠  
樊川句說半晴天交多衲子偏尋寺社有漁郎慣借船  
莫榻鼠鬚修禊帖幾人感慨永和年

雨遊

豐詩六 紅蕉編

八

昔同長嘯客放船論今古帆落青楓村楚雨聽寒浦鏡  
輝撥不明寥寥四聲鼓近築逍遙遊近屋上梁屋名逍遙遊雲林  
坐中取幾點西南山碧浪浮可數高窗急雨來峰沒青  
無縷吳家畫狀元風塵素非伍購得歸舟圖潑墨鳴風  
雨闕石怒篙聲繳隙衣干補以此三因緣聽雨吟偏苦  
喚艇夢華潭潭春柳芽吐披蓑細雨中空濛響遊鱗

秋蟲

九品做班書創作秋蟲表寒蛩居上上石縫吟聲小同  
是鳴不平調澀愁偏繞如點孟郊詩能使有情天

桃葉引

余名貓曰桃葉作桃葉引



繡牀午倦綵雲凍寶釵膩滑飛青鳳睡足烏圓芍藥闌  
銀鈴敲斷遼陽夢流蘇癡拂綠蠻氈雙結盤龍壓勝錢  
爪拏巧作於菟戲軟舞真成獅子旋雲圖錦帶名不珍  
桃根桃葉轉愁人渡江無檝遠山綠兩岸繁花空暮春

賒書戒

合爪清香篆一窠休添公案結消譎頒行無字經中戒  
遊債臺前受羯磨

書滿家兼畫滿廚莫教慟哭為窮途喚醒惜懂高陵子  
聞道無期早破觚高陵子始未聞道其書滿家既聞道破觚朽腹見仙傳

打點收書欲募錢綾裝冊葉結清緣幾番呈似還羞澀  
誰仗文章種福田

豐詩六 紅蕉編

九

自題草菴羣碎錄

歲月頻仍疊紙繁南村碎事入清言憂愁壓倒孟東野  
山水平分鄙道元碧篆鐫牌裝白鳳昔人以白鳳名貓綠萼衝  
兩買金萱石幢擬傍松根豎一任秋風轉繡旛後四句並記草菴近事

賣田

余存豐草菴田三十畝頃復以  
十畝售人聊資瓶鉢作賣田詩

石湖雜興逐時催空賸田園紙一堆法味慣餐無米飯  
納袍還學稻畦栽王少伯詩手巾花丹青賦筆三都麗  
水墨圖屏五嶽開故國山河春寂寂斜陽芳草試登臺

秋夜吟

人行積水中踟亂青松影吹滅秋窗鏡月白飛光冷

秋日將至靈巖

芒鞋蹋葉寺重投去看晴雲繞塔流響屨仍飛吳苑月  
洞庭先結夢鄉秋有童負笈未孤客無事出門纔壯遊  
只唱漁詞記歸日楓林細雨轉船頭

偶拈陶宗儀詩依韻賦即事一首命樵兒和之

枯樹根撐維艇石水苔綠繡跨谿缸千巖萬壑遊偏獨  
竹裏蘆中影倒雙鬪雪藤巖吟霽月塞船書軸放秋江  
西湖詞愛梅花老吹學君山鐵笛腔

菴中童子夢至靈巖

背錦囊行樵路新同穿石竇碧嶙峋收綸放鶴渾閒事

豐詩六 紅蕉編

十

漆鏡堂添話夢人

待西谿客不至

仄硯曬池冰坐盡梅花月搜得無聲詩細與青藤說懸  
知蕭寺句瘦琢郊島骨望盡石橋南古墳花未折

還山吟

去聽禪房落葉聲更生老後易新名益安古石人稱怪  
庭有孤松欲證貞筆運鼠鬚珍舊榻蚊飛豹脚鬧新晴  
山空鹿散翠微響樵父村中小太平

漫興用前韻

涼心只遣聽松聲逃暑繇來似避名廬嶽種蓮僧許醉  
茅山香案吏偏貞元道士張伯雨號貞居子失真畫類點蒼石其隱

人如蜀道晴險韻擅場誰第一鬼才李賀句難平

山夜晤友人

紙卷松窗罷寫經  
癡忘縛帚掃空庭  
流觴三月年逢癸  
化鶴千年客姓丁  
牆竹遮遲東嶺月  
夜魚穿亂一江星  
兒呈新句也癡絕  
吟與高人把酒聽

秋齋雜興用前韻

山話青鞋舊所經  
雨敲木葉響秋庭  
借來笛譜傳銀甲  
製得魚牋記枕丁  
棊局子飛滇水碧  
藥銖秤刻古時星  
孫思邈千金方  
草堂粟盡空瓶倒  
還飽蛩聲一夜聽  
樵兒和韻余復點筆

老來愛讀種松經  
書譜乘閒習過庭  
修竹逕涼圓夢社

豐詩六 紅蕉編

十一

采菱渡晚集漁丁  
空悲法苑同文苑  
便補茶星配酒星  
森羅萬象中安知  
無狂料世閒容不  
得愁吟只遣綠蕉  
聽

夜讀石湖集復用前韻

霜園老後補騷經  
十二新詩草一庭  
集有霜後園中草  
木十二絕晚年詩  
也萬景樓圖煩畫筆  
萬景樓詩序樓在漢嘉城中山上  
登覽勝絕殆冠西州子令畫工作  
歸以過谿亭創惱山丁  
過虎谿對東林蒼巖翠樾下浸  
大澗宛似靈隱冷泉囑長老法  
才作亭名曰過谿且  
字譌真掃窗堆葉石湖集  
多譌字  
為牽山丁蕪草定基  
移竹罅星明日但教兒細讀翠藤陰  
底枕書聽

擬鬪四聲牌待竟孚不至用韻促之

人似飛來一片霞  
草堂鑿井擬投車  
水橫籬角瓢常滿

屋靠楓根柱舊斜  
趁市山樵談野歷  
圍鈿稚子品詩家  
豆棚涼綠催同賞  
莫返空牋灑墨花

寄友人復用前韻

老看樓西一段霞  
結交戴笠莫乘車  
風高秋浦笛聲變  
雲截小橋村勢斜  
八月江濤開病色  
茗谿山翠落漁家  
人閒那識聞還草  
只道抽條似蕙花  
背明之國有聞還  
草香如桂莖如蘭

漆鏡堂雜興

重拈瑞草表茶魁  
杜牧之詩茶稱瑞草魁  
石曰敲殘午夢回  
王子券收新便了  
董生行續古嗟哉  
王褒僅約奴名便了韓退之作嗟哉董生行爲  
董召南悼篆營奇體筆垂露  
琴斲名工樣學雷  
文藁不

豐詩六 紅蕉編

十一

須還作豕捩成紙燭看飛灰

答友人復用前韻

一代吳僊畫苑魁  
吳小仙賜畫狀元印  
圖開風雨報秋回  
隔江竿影懷蘭若  
協律禽鳴憶善哉  
鳳夜鳴日善哉  
客話瀟湘膚寸雨  
兒嘯天目一聲雷  
天日峰頂聞山下雷如嬰兒嘯聲  
牌分險韻詩才少  
料得君苗硯未灰

愁語復用前韻

從教鈍榜老掄魁  
塵外緣深性不回  
月惱諱秦聲易正  
書拈生魄韻譌哉  
陸德明尚書音義云哉徐音載  
搜神岱嶽思臣寶  
拭劍豐城話姓雷  
野衲雄心元跋扈  
不須煖律苦吹灰  
閒操壬式轉河魁  
爲卜樵童乞米回  
誰共宋忠尋日者

卻愁東野製傷哉  
貓睛綫直中天午  
象齒花生拔地雷  
萬一太平身沒後  
好尋骨塔告寒灰

夢華潭卽事用非翁疏字韻

白豆花陰藥杵疏  
閑忙爲曝舊藏書  
浮名徒益九重障  
草木曾參七不如  
秋圍縛帚難供埽  
石壁纏藤合受梳  
擬鑿小谿通釣艇  
從教野史補河渠

雨後放言復用前韻

草堂射覆未全疏  
一卷傳家卜雨書  
死後誰關羊叔子  
病來長媿馬相如  
松垂山夜露聞滴  
鶴立涼秋羽自梳  
開鑿六經同治水  
千秋十二賴新渠

共友人話元次山詩復用前韻

豐詩六

紅蕉編

十三

漫叟文章結響疏  
篋中集異世閒書  
伏羲古樂人難賞  
天寶臣謨總未如  
詩敵少陵同偃蹇  
詞疑東野廢爬梳  
繇來風雅通禪悟  
水影誰參我是渠

雨中約西谿客復用前韻

懸知僧舍茗煙疏  
試剝南村肩雨書  
覓得野航篷未蓋  
寄來樵笠樣何如  
過眉落落筇堪杖  
垂領蕭蕭髮免梳  
舊本如君勤掌錄  
疲秦設計暫穿渠

聞非翁卜居潯上復用前韻

一事猜君野計疏  
樵船疊架載圖書  
應憐山水茗谿好  
得見移家畫裏如  
蟹舍朱顏楓葉醉  
松窗綠髮雪晴梳  
木蘭製檝絲編纜  
相望柴門鑿小渠

兒輩過豐草菴呈詩復次前韻示之

共聽屋角竹蕭疏  
漫理清言摺舊書  
十九道中人世換  
三千年內夢鄉如  
青松霜剝龍鱗老  
水藻風吹石髮梳  
新寫西銘裝素軸  
從教舉眼見橫渠

詠漁婦復用前韻

水面鉗穿網眼疏  
夜聽夫子讀漁書  
鍼敲釣艇兒多戲  
影焰澄江鏡不如  
欸乃曲依元結唱  
春風醫學孟光梳  
浮家漫逐文禽隊  
石板橋南翠柳渠

有感復用前韻

奇峰雲散碧桐疏  
新斲楓盤遁洛書  
澗石止供樵斧礪  
春旗空展茗芽如  
桃源像惜南唐畫  
倦繡圖傳北宋梳

余見五代人明圖  
及周昉倦繡畫卷

只恐婆娑生意盡  
賦中枯樹早填渠

渠

自述復用前韻二首

語語膏肓事事疏  
臣癡難及戀收書  
絕交古帖摹來熟  
結客雄心老不如  
羨殺十洲仙枕夢  
拋將百齒養生梳  
儒林近日輕圖籍  
暫使僧龕做石渠

鼓吹筠窗山雨疏  
夢華自錄紀年書  
憂盆內柏半株槁

話海中山一髮如  
客避茶煙門絕斂  
童貪仙樣髻雙梳

鷓鴣水界人知否  
西屬放生東釣渠

夏日同竟字快論六書復用前韻

注家爾雅學偏疏  
西漢文人誤六書  
七調律差緣舊習

九疑峰亂爲相如卯金殺怪仙音謬温媪誰將滯義梳  
要定形聲翻許慎放船秋水快通渠

答兒輩問疾因話出門復用前韻

青松架滴雨珠疏累汝勤鈔十日書只把隱謠吟萬徧  
余住菴之初手書鄭所南不須精舍問何如筒郵樵子  
隱居謠命兒輩日誦一過儻求茗信到秋山省寄梳豐草他年畫前像衲衣人在  
百花渠

草菴紀事復用前韻

只有牙籤習未疏南村草木擬編書山看古記同游夢  
雨聽秋檐得自如吟苦刻香催點筆詩狂握髮幾停梳  
芙蓉手植前谿錦還喜同圍屋後渠

豐詩六

感事復用疏韻

江左風衰墨苑疏誰同討論未焚書典收舊楚珍雞次  
花買吳興重洛如吳興有洛如花注易硯枯承露寫遮  
州有文士則生窗竹亂借風梳食人馬腹今皆是不獨山經記蔓渠海  
經蔓渠之山有獸名馬  
腹人面虎身而食人

復用疏韻答竟字

青松葉散石紋疏揮塵谿堂論道書透沼蓮花西嶽小  
垂窗梧子藥丸如散人屋傲禽巢架東野風將病骨梳  
門喜鷓鴣谿水繞村西還少杜鵑渠

晨起復用前韻

寺打晨鐘雜雨疏起來仰屋只箋書顛無宋帖襄陽辨

瘦有唐詩賈島如待購寶犀重飾劍莫輕象齒漫雕梳  
珍奇滿架新籤富壓倒龍鱗西苑渠

贈方外交復用前韻

南村人似斷雲疏社結漁樵共讀書誰慕中華同吉了  
不須禱過訝瞿如禱過之山有鳥名  
瞿如鳥足人面老貪村角騎牛穩  
肯鬪時裝墮馬梳交遇素心成異瑞錦鸞細背出軒渠  
軒渠園  
出錦鸞

豐草菴詩集卷六

豐草菴詩集卷七目錄

登峰編

登峰變 雒陽變 蜀錦變 飛魚變 寶鏡

變 握籌變 畫樹變 采茶變 博山變

雨登靈巖山 重至靈巖呈夫山和尚 遊仙

詩 山行 石馬煙謠 讀列子 懊惱歌

從軍行 昭君詞 王孫遊 續子夜歌 秋

胡行 有所思 放遊 住菴 病中喜西谿

客至 憶張非翁 暮春讀後村落梅詩因賦

一律 秦吉了 蛺蝶花 續夢中句 詠古

劍限韻 曉坐 池上 與人論詩 看園丁

豐詩七 登峰編目

理菊 次韻答姚文初 詠懷用韻三首 寄

西谿授經客 非煙頌 水際芙蓉 詠古錢

題畫 紫牡丹 吳興漁人教子謠 夢華

潭雜事 樵兒呈史測因示 懺聽雨 掃石

吟 夢華潭謠 雨謠 鳩喚雨 追記靈巖

禪堂事 病中間煎茶聲 同竟孚傷持訥翁

述愁 感懷 鼠損璇璣卦圖客為余補之

是日大雨 與友人雜論律歷聲詩時友人有

種菊新詠因用其韻 再和 讀書曉寒樓上

村居述 秋齋獨坐喜友人忽至 示樵兒

病中 縛帚 讀友人近集 九月朔未兒呈

吟課 落日 夢侯幾道 重九竟孚別去約

冬盡相見先期而至驚喜有作 非翁擬遷潯

上詩以促之 答吳門金孝章 南村秋鬼謠

少時遇海上楊材官說邊事歷歷甲午秋與

竟孚試茗憶一二事 述與西谿客語 閒居

霜曉拈三韻課兒為唱一首 疊前韻示樵

兒 又疊前韻示未兒 甲午冬日兒輩集豐

草菴演四聲葉子得登字 復用前韻 兒輩

重集豐草菴 詠四聲葉子分得廿六宥 夜

坐聞空中環佩聲 甲午冬復擬遠遊 雪山

詠 莫履冰

豐詩七 登峰編目

二

豐草菴詩集卷七

登峰編

吳興董 說若雨著

登峰變 甲午

傷易學不明也

登日觀峰鷄鳴海豁九點古煙青若黛潑天地轉震圖  
扶桑萬年活堯亦不能裁紂亦不能奪古箋爻者編摩  
今闡易者執戈黃鍾十二雄管論羈勒飛龍柰爾何

雒陽變

傷周禮滅裂也

擬蹋雒陽道慟哭周公臺路遠不可到執卷有餘哀執  
卷餘哀西漢文哀考工補闕稱禮師琵琶玉磬元聲離

豐詩七 登峰編

一嘉業堂校刊

元聲離公知之請奠椒漿酒古曲奏哀絲誰明六十司  
空變斜絡義和駕並馳

蜀錦變

傷素問運氣之謬也

拂我蜀錦韜太古無塵筆珍我象齒籤不混甲與乙天  
門蕩蕩馳客車王冰剔燭著偽書

飛魚變

傷擬樂府者不知宗旨也

石不學言魚不學飛豈無石言其言者禩豈無飛魚其  
飛者稀故夏非古夏秋非古秋冬非古冬春非古春日  
躔已在箕三度抵掌衣冠作漢人

寶鏡變

傷七十二歲差之法不傳於世也

我有寶鏡一開闢元年作赤緯歷災限白月千春落東  
海昨揚塵光芒霧中躍背旋龍馬圖怪篆垂蛟腳摩掌  
不自置神寶將誰託

握籌變

傷太乙圖式之謬也

握籌炯炯秋鐙綠七十二峰排碧玉水精遷入羽林宮  
共算唐虞古天局

畫樹變

傷六詩不講也

豐詩七 登峰編

畫樹石者四面取之古風拂千春不可網與糜驅車至  
北邙古冢草離離死者日夜繁杉松動人悲死者不足  
悲哀哉生人冥漠泉下期君看章句客魂魄空爾為

采茶變

傷六書失傳也

采茶祭羽學書宗許羽出茶經萬古醒說文鍾鼎字不  
靈小兒覓梨栗耳畏霹靂飛秋登落雁峰同遊應復稀  
我罪許氏兮俗學譏蒼蒼四海兮行安歸

博山變

傷非煙香法自昔無聞使香草不早見於時也

非煙香鍊杉風涼自有天地無此香卻疑銀釜是丹鼎

園中露葉皆飛翔祇今芳草怨遲暮冷落千秋空野塘

右九變鷓鴣生傷心俗學長歌當哭日變者所謂正言之不足也

雨登靈巖山

雲瀾浩浩白不可埽抱樹長歎愁令人老惜無琴臺疑海中島

重至靈巖呈夫山和尚

空山洗鉢畢生期吟骨清羸託護持本草入禪才是藥  
瓣香出袖併緣詩宗生病恨鑪峰別杜子心悲布韞遲  
家世漁村慣蓑笠穿雲多是雨來時

遊仙詩

浮雲西北來中含萬古愁試逐秋鴻飛聊爲天上遊俯

豐詩七 登峰編

三

視雲茫茫聲作江濤流道逢駕鶴賓與子結綢繆塵埃  
不足道學易願深謀震圖及卦律墜地干春秋安得發  
仙藻紅日照齊州

山行

落日射背木葉滑橫挑拄杖懸詩囊海天二月發秋翠  
野廟斷煙生古香洞口楓樹根可坐山腰亭子名難忘  
垂藤松鼠或孤僻纔遇遊人竄道旁

石馬煙謠

傷煙滿 江南也

何處飛觴來醉落櫻桃前摩眼指東村新來石馬煙  
花落過千春不識名煙香嗟哉古江南何以爲樂方

繭紙裹絲煙並坐采茶舟漁村乞柳火翠管笑相酬

讀列子

列子湯問篇放言滅輪郭殷帝三寶劍虛空恣揮霍含  
光視無見經物不能著承影竊有聲澹澹物冥漠宵練  
見夜光駭然開脈絡隨過復隨合覺疾刃不赤急承第  
一句天秋海濤躍勿墮二與三電尾空閃鑠所以玄要  
旨古人喻韜略此義如白日箋注垂雲幕文拘且邴章  
報警煩卜度來丹彼厭我波瀾轉加縛張湛留音義夜  
象煩手摸休言厭勝術神異謬驚愕

懊惱歌

姊是大司命攝我神飛翔姊是龍雀乃寸寸斷人腸騎

豐詩七 登峰編

石鶴心蒼黃打瓦鼓聲不揚遠夢不到秋漏長江南江  
北天茫茫

從軍行

迎寒製戰袍九月邊霜酷染成五色絲長繡承紅旭當  
宵結麒麟雙袖飛黃鵠黃鵠萬里心麟閣勳名錄莫以  
紅顏故雄圖自拘束不惜繡芙蓉誠恐攢心曲

昭君詞

雁落天南第幾關胡霜秋冷響刀鏗愁中怨殺秦皇帝  
翻築長城隔漢山

王孫遊

綠樹徧江南歌樓應未覺憑誰玉觴前一唱江南樂

續子夜歌

催買紅綠絲繡得乘鸞女妒他冰雪顏郎求儂未許  
霜月聽驕嘶是歡新買馬馬底得歡心秋風忍儂捨

秋胡行

日晏畏蠶飢使君空爾為行行望煙舍戚戚樵徑遲上  
堂殘日射側館闢羅幃蠶生綠桑落春至庭草悲夫子  
執英操明月永心期何以諒高素練成白雪絲道遠不  
可贈王事日以縻豈若狂夫薄黃金桑下持秋胡行俱  
余獨述采桑歸路  
之詞或小補情事

有所思

我所思乃在明珠之浦翡翠之枝桐花鳳小嶺煙綠菜

豐詩七 登峰編

五

荊風寒香雨遲製笛裁修竹弦琴買素絲良人儻惜別  
萬里候光儀入門下馬拂離淚賤妾先歌三豔詞中婦  
吹楊柳小婦唱將雛大婦獨無事看山澹拭眉問妾何  
為爾相憐匪自私

放遊

胸中那可著南北千古遊人失遊法臥遊道人自開關  
船頭鎮日帆竿插雲腳東斜風勢高吹落靈巖花岸狹  
山花滿種黃資斗歸路江濤賴渠壓

住菴

得與遠山對何愁伴藥鐺郭公聽鳥語諸葛記花名寺  
近通晨梵漁親學放生石牆圍竹短鳥帽露人行

池角幽棲處水聲圍竹房紙依蘋色染筍刻杖痕量密  
諦參龍樹文闌護佛桑行時書一卷回授小童將  
濃藍苔路而砌石學谿冰髮落初縫衲詩寒早類僧說  
將聽雨法傳得看雲燈應勝隔凡字松南水一層

病中喜西谿客至

擣藥聲應戶外聞相逢訴病不須勤語因乍到端頻改  
鬢憶前來白數分舊社有誰同品水新題曾否擬從軍  
松根細與閒人說明日高帆隔浦雲

憶張非翁

歌勿歌行路難愁勿愁芒屨穿包腰浪跡自愉快兒女  
不如山水賢對面吞聲那可語蜀道不在西南天吳中

豐詩七 登峰編

六

高士張夫子睽離十載情纏綿借書不惜手鈔本問疾  
兼憂買藥錢往時寄贈兩吟軸古松流水同澄鮮一人  
知我死無恨且研秋雨終殘年

暮春讀後村落梅詩因賦一律

撲地寒香動客悲茫茫愁緒不勝思江天釣雪維舟處  
村市收鐙蹋蘚時碧水那留前日影瘦驢別續看花詩  
誰圖遲暮飄零樣白月三更只自知

秦吉了 用林霽山韻

前身讀忠經那忍習蠻語自謚曰漢禽結心報貧主死  
共鷓鴣魂雙飛哭秋水

蛺蝶花



暖日雙飛野草籬  
滕王圖樣未珍奇  
白團扇子輕相撲  
都恐青蛾作意癡

續夢中句

長柳書難讀  
憑誰問夢因  
遙天驚去客  
缺月慟詩人  
二語  
得夢  
積水雲終改  
時立春後十四日也  
揚塵海未真  
石橋垂老訪  
應悟句中身

詠古劍限韻

古淚溼銅花  
風雨夜聞叱  
收斂百世愁  
牀頭伴吟筆  
中有俠士魂  
鐙前呼欲出

曉坐

春夜不曾永  
空齋滅睡思  
遠雞殘杵隔  
短燭曉風吹  
愁

豐詩七 登峰編

至書頻卷寒  
添幕再垂石  
闌栽藥未吟  
客正清羸

池上

只欠玄眞艇  
子孳灘排釣  
石插竿斜紅  
魚陣散穿人  
影  
碧藻絲浮漾  
墨花一幅水  
村開別墅四  
窗煙樹簇浮  
家  
江鄉聽過杏  
枝雨隔岸雙  
樵話采茶

與人論詩

耆舊謝皋羽  
西臺留哭聲  
打破竹如意  
長慟天爲傾  
豈其吞聲時  
先辨宮徵名  
無端一慟哭  
千載聽深情

看園丁理菊

斷雲飛水村  
去作卞山雨  
開門值漁唱  
春潭緩歸鰲  
筠  
籟閱菊名秀  
族欺前譜園  
瓦插新苗莫  
遣秋無主

次韻答姚文初

高賢揮塵未親逢  
愁對樓西數點峰  
舊學晚周卑白馬  
新圖出震表蒼龍  
余著易發定出震全圖  
蘋洲花落風前艇  
漁浦春深病後容  
肯結煙波人外約  
筆牀茶竈定追蹤

詠懷用前韻三首

瀟湘那復故人逢  
深住茅菴當碧峰  
高柳亂蟬看飲犢  
孤村微雨話分龍  
帚呼灌藥人牢縛  
屋算藏書架劣容  
帖展蘭亭倍惆悵  
昭陵繭紙斷遺蹤

方瞳綠髮夢中逢  
倦客心飛島外峰  
池借研名稱墨海  
鹿依仙籍喚斑龍  
南村松植鱗全老  
北渚軒開膝暫容  
婚嫁繇來誤人事  
碧天鴻鵠有高蹤

豐詩七 登峰編

半壁殘書鎮日逢  
故交知隔幾青峰  
三章茶約頒銀鹿  
一曲花籬護籊龍  
睡如苦茗回來味  
病類秋山雨夜容  
杯酒本疏名已置  
漫憑僧史寄孤蹤

寄西谿授經客

一園綠雨四時秋  
縱有吟情孰唱酬  
花落年年思作客  
愁繁日白悔登樓  
懷人步繞冬青樹  
得句筒隨春水流  
欲約松陰共殘日  
高僧詩卷喜新收  
時新購皎然詩

非煙頌

自製香屑名非煙詳非煙香法

檀花細細松鍼柔  
杉子青磊落之蘋  
洲香之來輕風流  
是耶非耶研山寂  
寞不敢收渺然坐  
我秋江舟白石青

楓盡意遊

水際芙蓉

宜水亦宜秋品日豔而冷應惱玉顏人畏亂晨妝影

詠古錢

紀年何代號簡史益嗟吁字晦蕤層綠輪銷滅舊銖除  
痾隨藥杵壓勝伴桃符借問垂簾客成神事有無

題畫

山迴秋艣長夕風揚老髮浦口堯時雲松梢漢家月

紫牡丹

陸家新譜色絲辭繪出朝天別種奇捧研吟時爭石彩  
揚鞭飛處並駟馳綺裘倚醉唐供奉豔妓呼名杜牧之

豐詩七 登峰編

九

用紫綺裘紫雲妓二事一段落霞誰擬得綠珠碧玉浪題詩

吳興漁人教子謠

洞庭龍挂陣雲起阿二濁音修醫壓船尾老鯉吹濤菱

葉翻水廟簫聲祭山鬼大兒倒挈魚籃來蘸水畫字雙

眉開字成上大八與九漁父怒叱聲轟雷試問何從授

點畫賣魚因學書堂孩兒乎朝釣笠卸弁峰之下暮醉

落霞碧浪無價西船伯翁大莽鹵為覓女婿字滿肚我

惜阿因不肯許念書識字尚自可富貴辱人我忍汝空

自序其詩謂真詩乃在民間此言殊有意漁父不許大兒識上大人因及伯翁莽鹵珍重釣船錫館亦大風致

夢華潭雜事

夢華徑仄足蓬蒿帶髮僧披百衲袍醫說秋濤權發藥

客談山鬼補詩騷一篇成佛題黃鶴千首封侯賣寶刀

伯雜江南古風土園中藤架廢葡萄

樵兒呈史測因示

愁臥谿村心事違江南風雅古音微經傷漢代儒林變

詩斥唐人應制非印寶西清垂史學船撐白石補荷衣

二事並松風不改余身後家祭還來看釣磯

懺聽雨

海靈夜渡茗花浦蹋破吳雲漏春雨采桑謠咽小姑聲

西嶺茶旗不曾吐雙扉長閉魚鱗天詩癖狂題聽雨箋

悔來合爪蓮花前石鑪飛出瀟湘煙

埽石吟

豐詩七 登峰編

十

命短蒼天長雞鳴海月西無營恣遠賞絲來物理齊木

葉下秋綠雁天雲滿谿勞勞埽山石無乃風塵稽

夢華潭謠

鷓鴣生貧而嗜書一日遇南宋舊本紙墨既繁還書長懶故託為書賈愁望之聲

夢華潭口石齒齒枯柳身敲拜秋水夢華潭泊鸞書舟

客望殘陽立枕樓立枕樓見書屋菊籬中人抱書哭

雨謠

前水及後水同背青天馳前雨及後雨滴石不相知并

刀割水水不離石痕刻雨徒傷悲

鳩喚雨

鳩喚雨鳩喚雨莫向西飛向南浦南浦垂楊鵲新乳西

村女兒采桑苦采桑苦人打汝

追記靈巖禪堂

疏瓦漏丹楓滿堂秋瑟瑟霜冷戀跣跡香消卷簾出雞  
聲白雲底山市夜中失煙霽閃燈痕秋湖指漁窟

病中聞煎茶聲

遊目秋山圖瀑布瀉無響飛濤出茶鑪一段江湖想會  
當廢高眠漁路浮煙漿敲火碧蘆叢品水口花上

伺竟字傷持訥翁

還將阮籍窮途淚滴向故人西雨殘注畢難經余作序  
子孫留當祭文看

述愁

豐詩七 登峰編

三更抱愁坐卷盡不肯曙淒風吹白拂開門送愁去  
日出南谿東愁在雞聲中日高喧野渡愁在梧桐樹

感懷

鷓鴣十載閱風霜難問當年結客場妄想延齡裁白朮  
時友人從山中寄傷心厄閨撫黃楊幾時合社聽蓮漏  
白朮至種西藥闌 若箇分貨構草堂南史牀頭堆一角六朝如夢雨茫茫  
鼠損璇璣卦圖客爲余補之是日大雨

且停劾鼠廢言詮碧紙新裁綴薛錢海內未焚焦氏易  
眼前小補管中天犯到鉤陳彼敢爾忍將宣夜共無傳  
莫愁大漏同西蜀蜀有大漏天小漏天便挽星河復舊躔

與友人雜論律歷聲詩時友人有種菊新詠因

用其韻

詞場蕪沒亂煙叢風雅誰開草昧中繁露祇憂家學墮  
長楊多悔少時工菊緣地隔譜新舊人有歲差詩異同  
留取南村記幽事他年喚作種花翁

再和

村村社鼓響神叢半掩筠扉細雨中水經閑讀采茶候  
月令新添翦菊工朝暮異占徵六典屯蒙不悟負參同  
誰將易發西南去問取峨眉賣醬翁事見蜀志

讀書曉寒樓上

崎嶇待來哲秋淚研中滴飛盡瀟湘雲葉脫四山寂古  
人不著書當年空戚戚懸心百世下朽骨求良覲

豐詩七 登峰編

村居述

五嶽聊遊水墨屏江陵老去戶長扃松風午觸茶煙逆  
蘋葉秋黏釣艇青耆舊集中看故國田家識裏證殘經  
賣花人到話新事除卻看山總厭聽

秋齋獨坐喜友人忽至

遮壁黃茅亭石田畧珍跡畫中人看瀑霞落半山赤無  
言枉相對緒若秋煙積忽聆屐齒音雙扉啟松隙

示樵兒病中

不嫌類我瘦崢嶸祇莫呻吟損遠情花信有風編野歷  
書程積葉記秋更細參新夢權跌坐閒品晴雲試緩行  
病是傳家箴一字藥鑪煙畔定詩評

縛帚

生隔庾元規閒居塵慮損松退古時鱗蕉徙南天本山  
家亦勞瘁及此霜葉晚隔竹杵丁東還將茶臼付

讀友人近集

跋扈風塵中突兀開秋嶽玉露集辭林塵尾秋筵捉參  
空鬱禪藻搜立補仙學古來放言人濁世完其璞

九月朔末兒呈吟課

落翠又霜候詩心應轉奇記將楓路冷采取雁口悲秋  
領四時勝寒爲一字師汝兄吟骨就臥疾口清羸時樵  
甚

落日

豐詩七 登峰編

三

斷靄橫煙樹數株家藏舊有水村圖高人筆意眼前景  
不語下樓開畫廚

夢侯幾道

夢蹋老沙石路出枯柳腹秋松新冢青丙舍相持哭舊  
習墮浮名情話仍洄復才鬼泣江楓霜魂繞書麓

重九竟孚別去約冬盡相見先期而至驚喜有  
作

吟卷壓長袖行衝枯葉陣乍訝雁來遲翻嫌潮有信

非翁擬遷溥上詩以促之

茗谿古寓公詩筆例高秀先生冰雪文翠與晴峰鬪杯  
擎西鵑茶花種秋籬豆余將覓漁路敲門問奇籟

答吳門金孝章

歷落長歌賚草菴十年疏野話堪慙畫廚六月抽松雪  
樹影三更蹋石枰短髮免吹黃葉帽文犀未賣辟邪簪  
他時雨笠尋君去浪跡吳閩書自擔

南村秋鬼謠

妖狐拜月霜花青鬪驪騎馬空中行秋魂吹作塔鈴語  
叫斷東流一谿水鬼車曉喚精靈去綠銜移過江楓樹  
少時遇海上楊材官說邊事歷歷甲午秋與竟  
孚試茗憶一二事

雁天鬱律邊雲走竿亞神旛圖北斗帳門滿地簇霜栝  
直北風吹寶刀口

豐詩七 登峰編

三

述與西谿客語

昨夜立藤陰莽向鬼神說誓因訪梅花永與家人別函  
經老山寺石鼎焚松屑殘山井贖水觸眼盡嗚咽閉目  
萬峰頭一任飛雲滅古來英雄人不惜頸中血苟非爲  
情死那忍相決裂所以離騷經哀豔多急節千秋婉變  
情謬道心如鐵爲君述鬼言老淚不能竭

閒居

異書來眼底乍若故人逢香品賞沈水藤名愛忍冬貪  
吟催染紙畏客廢敲鐘無事坐新雨西峰綠倍濃

霜曉拈三韻課兒爲唱一首

老樹結霜文風西曉雲退秋閒督曝書檐際雙童對愁

詠意茫然悵望秋鴻背

疊前韻示樵兒

雲鱗逐霽生樹綠經秋退詩苑尙窮愁寒無東野對閒  
定擣香方夾注魚經背

又疊前韻示未兒

名谿定是愚住谷還稱退圖開山海心夢愜仙靈對漁  
社足雲煙秋艣菊花背

甲午冬日兒輩集豐草菴演四聲葉子得登字

曉寒開北牖曉寒樓名風厲不可登南檐集穉子寒髮垂崩

髻牆隅曬新穀屋角露霜罨韻牌出祕笈玉葉翦霜綾

團樂演清賞得失互升降角勝鼓朝氣捷鬪秋天鷹羸

豐詩七登峰編

十五

似飛嶺陟輸若敲岸崩松籌列左右童子司勸懲有時

誤平側十五錯除乘忘衝及失贈衝贈俱牌例名語笑喧相矜

我是鈍狀元百事拙不能韻牌消短日還其蹋谿冰

復用前韻

隱侯築詩壘繁響不敢登靈均祕未覩俗學空髻髻形

聲廣奇字不厭網與罨四韻刻楮葉錦籤包鶴綾如彼

選佛圖九品詫道升亦如古開士戲養馬與鷹草蟲分

甲乙署額秋雲崩細韻縷塵沙筆重輒自懲頤牌繪草

四部牌額署大字其下分列韻文字極細成佛許靈運從來卑小乘空堂響

奇句掉首吟自矜生難斷文字兀兀效南能肯容點易

研牢結一池冰

兒輩重集豐草菴

昨日因吟役新歌定賴諧緩攻五字壘只闕四聲牌漁  
給蒸香火禽銜試茗柴紙窗團野話真箇隱能借

詠四聲葉子分得廿六宥

山海榻前圖爾雅披新繡草木及蟲魚珍禽復神獸詩  
催席上聯聲沿江左舊年少蹋詞場結客紛馳驟往昔

閱輸贏人閒幾翻覆不如茅檐底韻葉看兒鬪

夜坐聞空中環佩聲

冷露溼松鱗天秋佩環響疑是董雙成騎鸞自來往

甲午冬復擬遠遊

清泉石鉢夢中寺細雨斜風江上邨弟子幾人工作賦

豐詩七登峰編

十六

莫將哀怨寫招魂

雪山詠

蜀道青天不可攀流沙垂涕玉門關兒童不道崎嶇苦

鬧疊檐前雪假山

莫履冰

傷履冰羣兒水死也

莫履冰雲消日出履不勝蜀道天高猶可凌男兒不蹋

冰山層甲午歲寒月建丑斧冰朝汲聲登登吳興昔號

水晶國歷落霜崖今有微鶴窠灣口村夫子蹙縮書聲

如凍蠅研枯筆禿學堂散風前短髮吹鬚髻出門死賭

凌波戲對岸漁家空撫膺天吳紫鳳杳何處竹馬鳩車

見不能莫履冰莫履冰十七小兒同日死化作風霜炤  
夜鐙

豐草菴詩集卷七

豐詩七 登峰編

七

豐草菴詩集卷八目錄

臨蘭亭編

臨蘭亭 題趙王孫古松圖 蟾子墜 戰城

南 戰城南古辭翼 姊妹花 五月菊 飛

仙國 題畫蘭首三 九巫釋 題張文通先生

古今經傳序略 賣兒行 舟居遙和石樹上

人 伏日示樵耒 紙盡 夢鄉散 秦良玉

詞 西谿客過期不至 迎涼浩歌 述志詩

欸乃曲 秋怨 和玄真漁父詞 麗京賣

藥謠 悲落葉 雁字 竹馬謠 莫愁變

子夜變 采蓮變 四蟲語 弔古檜和張非

翁 水仙花 築石塘 罷市歌 馬雙角

樂府參同契 兩言 反公無渡河 李夫人

後歌

豐草菴詩集卷八

臨蘭亭編

臨蘭亭 乙未

傷俗學詩  
文曲擬也

臨蘭亭古人骨已朽魂魄飛揚上天千秋萬歲人生不

愉樂自雄當須何年南山有鳥與雲俱來銜雲西歸來

投我懷爲我謂鳥兔絲不可以衣飛雲不可以裁在昔

起居郎褚遂良撫之縱放天筆良拜稽首欽承天王臣

不敢陷繩墨胡今之人角巾楓窗學古自惑永和九年

歲在癸丑暮春之初後之視今亦猶今之視昔悲夫蘭

亭蘭紙入昭陵吁嗟乎蘭亭 永和九年二十四字余所  
謂借婆伽子拜婆年也

題趙王孫古松圖

王孫畫松天下無王孫奈此秋山何白石語青松從今

已往勿復偃蹇青雲枝枝高葉布中圖書松乎奈此王

孫何

蟾子墜

蟾子吐秋絲墜我朝窗東晨風隄上來蟾子瑟縮從風

摧從風摧泣向滄浪之天怨飄風怨飄風銜絲屈曲子

口中

戰城南

戰城南日西落百重黃雲象城郭咄嗟飛騎何來中軍

擊鼓旗門開翡翠裝弓玉爲矢人非沙石有情相攜戰

場死人非矯翮飛鴻亦復何能違寒惜死謀身辛苦飛  
秋江男兒墮地孤矢射天地四方我甲冑護我我馬負  
我我都護撫我男兒不早塗地肝腦結髮持弓瘡死行  
伍中忽忽日戴滄浪之天下踐黃土男兒當少壯青絲  
絡馬生挾名王莫迫年命衰白日一去無時迴二月細  
戰城南經緯音數日兒輩學六朝韻語遂命用齊梁體  
擬戰城南余因言擬古有二一擬古樂府題如六朝人  
作宋驚芳樹五言古體是也一擬古樂府音調寫其鏗  
鏘之節是也吾儕欲操筆擬古樂府得風雅不墜自當  
遠想慨然望見古人情寄不當徒擬其音節鏗鏘且音  
亦未易擬也儻父擬古樂府拍裂鼓吹補綴清商正如  
王孫著假面舞市中自謂拍拍應令兒童婦女大笑之  
歸稱死字甚且疏句下余言死字自佳竟陵著語朽腐  
而杜撰非古人意余因復拈死字令各呈句見所長油  
甲麗明秋水兒輩詩都不得佳余口占一絕旗紅鬪落霞  
甲麗明秋水兒輩詩都不得佳余口占一絕旗紅鬪落霞

豐詩八

臨蘭亭編

二

是夕餘情纏絲枕上復作戰城南一篇擬古意也往予  
錄古山水書畫方外之文日題曰嶺雲集謂只可自怡  
悅耳異日擬古樂府積數十  
篇當別為一卷移嶺雲名之

戰城南古辭翼

戰城南死郭北飛鳥鳴風邊草白仰視飛鳥余心切切  
無憎余言勞勞戰場無弔客邊風蕭條落日如血汝且  
集枯柳之脇悲號烏乎戰場茫茫生居無堂戰場沙裂  
死葬無穴君不見截石之冰埋樹之雪戰場之骨不易  
白泣弔須臾為君食立望河無梁欲渡河無船非河無  
梁客死戰場非河無船客死不還江南野田多悲風稻  
梁滿野愁飛鴻願君加餐億萬年非君之故軀誰捐  
戰城南古辭取疏本義不繁枝葉益注之用韻者耳若  
日擬古賦同倫父。滄溟集中戰城南曲首云戰城南

走城北轉關不利號路側號路側三字有十丈塵次云  
謂我泉騎且行出攻寧為野鳥食不逐驚馬徘徊蒲葦  
中語惡至是風雅墜地矣又云水深鞠鞠蒲葦驚鷹磨  
土未臨上大人亦未得在又云鳥亦不自去客亦自不  
願為忠臣何可覆禾黍七字直是死語傷子良臣良臣  
誠可傷道之人枯骨何葬此一十七字讀之令人代  
君何食願為忠臣安可得此一節言橋梁何北禾黍不獲  
通則亦何南北之有蓋前言戰城南死郭北繼陳水深  
杏杏蒲葦冥冥故為橋梁通濟之語言城南郭北道深  
可無阻艱而客已死矣復代客為死不忘君之思言我  
而不可得矣下云思子良臣詩人思死客之良也于鱗  
此義

姊妹花

昭陽豔骨憶前生雙笑春風共目成搜得杜陵詩藁子

水邊三月麗人行

豐詩八

臨蘭亭編

二

五月菊

江南五月澹如秋離脚風疏菊蕊柔喚作辟邪添舊譜  
錯教銷夏動新愁畫開紅樹景相借笛落梅花調足酬  
白髮心驚霜雁候田園從此翦除休

飛仙國

樵兒夢至飛仙國甚奇

國號飛仙列水堂含煙蓄翠晚山長曼卿米老應尋著  
相近芙蓉與眾香

傳家夢癖定仙緣此日重翻徵夢篇  
真余癸未歲刻世間  
徵夢篇一幅

真有飛仙國與汝同携載月船

題畫蘭

三首



涼雨四窗靜懷人水一方墨花浮古綠冰雪動寒香寫  
此當秋佩瀟湘託意長

空山太古泉千歲無人汲寄書與江湖所慕甘幽集人  
生狎車馬風柳難自立應知畫蘭人懷香秋淚溼  
虞美人曲傳吳聲虞美人草如有情紅牙乍按美人曲  
美人草動春風生鍾情最苦知音少予將製清商一曲  
搖蘭草

九巫釋

巫更屯蒙朝暮改巫咸降宿辰所在式爲正卦目象海  
正表法程爲卦宰日定形儀露文彩巫易旌旗變軍壘  
兩兩相比巫比解比兼正變貞與悔巫祠神教龍爲楷

豐詩八

臨蘭亭編

四

飛龍所宮神雨灑巫參終始參相待是謂參伍聯未亥  
巫環策卦環磊磊天地三環測源委春官九巫人未知  
書付樵兒與耒兒

題張文通先生古今經傳序略

讀序略者聽之某世某年月日慎勿疾馳章句加深思  
始皇帝三十四年制可丞相斯非醫藥卜筮種樹之書  
皆燒之皆燒之六經不絕如絲故漢有京房故吳有虞  
翻故熙寧己酉孟冬望日文同有黃氏易圖後題故漳  
熙四年丁酉冬十月戊子序詩集傳新安朱熹春秋善  
惡並書聖如天覆無是非翁作序略師仲尼異同森列  
人自知敬識時日寓所悲

賣兒行

大兒十五勝犁目雙替中男九歲西牧豕惜此抱中孤  
兒有過長者教言慎勿答苦孤兒聞之垂涕如雨阿母  
攜兒出門行行前至龍祠吹洞簫打鼓柰何慘毒捨兒  
謂他人父母亂曰孤兒低頭觸屏風坐睡昏昏阿母持  
米出門探懷中米乞與傍舍爲兒市洞庭霜橋纍纍煩  
卿相勸孤兒莫唬悲度石梁蹋青莎行一二里涕泣復  
來不惜袖中三錢更爲孤兒置一摩睺羅摩睺羅泥孩  
兒也見武林

舟居遙和石樹上人

一任人猜米老舟莫教藤杖閣船頭筆從白鷺飛時點  
畫向青山影裏收小住不嫌尋釣侶移家明日換蘋洲  
臥遊寂寂終輸與落葉吟寒客未酬

豐詩八

臨蘭亭編

五

蓬窗挂幅小瞿曇柳岸焚香伴石函僧史他年添浪跡  
黃茅昔日悔營菴眼中天下名山五夢裏廬峰笑客三  
身在雲煙誰得並雒陽休復記伽藍

伏日示樵耒

文章墜地三千年孔門言詩不多許始知久矣詩無傳  
長聲三轉玉衡喪無射黃鍾誰正偏龜茲七調到中國  
四十二字開華嚴分司喉舌強宮羽那知問字滄浪天  
昔表文音歲在酉輟筆亂離書未全參同樂府漫銷夏  
扶起六詩秦漢前世間擬古愚可憫如呼豨與留離蘭

元聲寥寥在天地少陵昌黎寧棄捐西涯述史亦清絕  
唱歎餘音殊不然言前脫落竟誰是攜汝長嘯吳山巔

紙盡

咄咄書空日又曛鸞箋十樣有誰分妒他章偃雙松相  
泥殺羊欣數幅裙魚網悶翻東漢史密香長望海南雲  
三都覆醬從教免且擬王家腹藁文

老悔雕蟲慕太玄江南紙貴稱愁眠百篇斗酒當年事  
尺素相思三歲前沒字秦碑聊記錄無文宗旨任流傳  
西偏擬割栽松地多種甘蔗學綠天

夢鄉散

天無黃道斜七十二候春虹長沒蟬不鳴秋人生百年

豐詩八

臨蘭亭編

六

無夢遊三萬六千日日日如羈囚王公牧豎定哀樂頭  
白不敢輕封侯夢鄉有仙人雲中十二樓紅顏如海霞  
同唱白榆秋夢鄉樂復樂夢史書未休秣我馬脂我車  
男兒老蹋九州土莫笑婦女懷鄉閭

秦良玉詞

偶讀近人詠女將秦良玉  
詩心鄙其辭遂成一絕

追奔一點繡紅旗夜響刀鋌匹馬馳製得鏡歌編樂府  
姓名肯入玉臺詩

西谿客過期不至

往昔刻約言不食此迴遠遊心已貪夜來坐到露花滴  
更復望君蓮葉南眼底青天里四五夢中破琴弦十二

相見擬狂言說  
夢故引此二事  
豆棚放語自清絕莫待霜落分黃柑

迎涼浩歌

王孝孫貧不營家有牛一頭使子將車夜共宿車上歎  
滄海橫流余生長江南彼露車我有漁舟呼樵兒共載  
未兒狡獪汝迎風打槳牧拂吟牋舫潔茶甌吳越谿山  
恣意遊

述志詩

有黃野人如羅浮中黃野人葛稚川門弟子有友許邁如王右軍  
如張玄真漁童樵青如襄陽龐子慕鹿門樂而忘死飛  
神太清歌以言志書為座銘

欸乃曲

豐詩八

臨蘭亭編

七

小兒船頭打秋鳧大兒船尾念漁書老翁平生有香癖  
柏子拈炙樹根鑪

秋怨

聞道西洋鏡遙光見千里妾拔鳳頭釵買鏡炤湘水湘  
水炤君行此鏡還贈與君炤千里妾不惜秋風死

和玄真漁父詞

曬網雙雙歇柳磯兩家一樣綠蓑衣君奪角我斜飛隔  
箇船窗共其圍

麗京賣藥謠

涼雨吹枯澤涸不能按擢秋蘭倚麗京賣藥不能起豐

秋日得陸麗京書  
餉余恭壽堂診藉

草麗京賣藥三吳豐草抱疾蘋洲翦青松爲籌落梅爲  
點閉門偃蹇排河圖爾爲醫恭壽著書言怪奇我且爲  
卜不敢曰垂簾于蜀可以療飢不相見十年十年相思  
千秋萬歲謂我二人何爲乎

悲落葉

老根爲石高枝碧拂滄浪天風霜無親俾我決絕曠別  
萬年當復奈何首夏扶疏朱綠如帷繁華不自惜往不  
可追根株日已遠時命倖已晚秋風問落葉子去何時  
返

雁字

飄飄莫羨舊銀鉤一幅平沙別樣愁落筆天驚思華嶽

豐詩八 臨蘭亭編

八

回文峰轉記衡州音傳南國秋搔首篆愛凌雲暮倚樓  
歲晚瀟湘煙似墨短行黯澹句難酬

竹馬謠

蜀之紙可以爲鳶南山之竹可以爲馬吳興兒衣白紵  
小浮圖疊古瓦叱馬馬不行折柳箠苦汝

莫愁變

莫信莫愁名愁是儂所爲莫愁愁復愁儂名儂自疑

子夜變

青青古崖樹負霜立晴月誰疑儂天矯儂自霜晴柏

采蓮變

采蓮乏新聲儂唱采蓮變誰將其命鳥譜作西方豔

四蟲語

蟬語

思那峰西日墜志士嗟芍藥春風錦障遮

鼠語

卽足卽足卽事消搖人自束雲樓夜半講華嚴講案長  
留待誰續

螞蟥語

似我似我我誰似似太古太古之古無處所

絡緯語

嗟殺嗟殺殺人誠可嗟烏啄戰骨風揚沙殺人可嗟出  
塞入塞鳴絲車

豐詩八 臨蘭亭編

九

弔古檜和張非翁

空遺鶴骨傲湖濱忍逐飄搖陌上塵還倚枯根結亭子  
從今野老往來頻

水仙花

尋花艇子忒清憨拂拂寒香月滿潭積雪未消漁路冷  
肯憐憔悴倚江南

築石塘

築石塘新軍來築塘未畢府帖催府帖下鄉吏打門南  
村竈冷行西村西村十家無一存破屋無門僅梁柱傳  
道新軍三日屯吏索空村遇樵父樵父言卿報府主五  
月不打插秧鼓眼中良田半荒土築塘攝役添冤苦君

莫苦君不見塘岸油衣點簿書朝朝狼籍黃梅雨

罷市歌

罷市罷市新軍西至新軍至齊立馬哥入酒家彼高樓  
著我

將入門下馬紅兜挂壁刀挂戶我飢先陳酒脯兒善飼

我馬

馬雙角

馬雙角樹生粟鄉里有船官帖捉嗟哉民愚嗟哉爾民  
一何愚不見江防刻日造戰艦幾家墓柏留古株

樂府參同契

奎壁角軫天地門戶五運之鎮化於辰巳開聲為春發

豐詩八

臨蘭亭編

十

時為徵至於成均形而下矣故句第二音端律止短長  
入攝笙鐘是倚

雨言

巧歷日握籌雨點不可算鄰雞鼓翅鳴愁魂去難喚蒼  
茫三十餘憂患蝕其半夢作天台僧秋苔月中踐癡逐  
瀟湘煙南望青無岸嗟哉復嗟哉長夜何時旦

反公無渡河

為亡友玄趾也亦曰祭王子之樂章北兵至  
玄趾死玄趾將墜於江致書念臺劉先生曰  
門生已得死所矣  
書至先生亦自決

牘曰門生已得死所師當復奈何劉夫子發書慨然王  
郎死而念我公無渡河公竟渡河天行之馬必有帶劍

之魚儒衣冠南嚮再拜稽首會稽弟子員臣毓著二祖  
列宗先皇陛下當復奈何哀痛奈何再拜稽首下土章  
句臣著皇天后土鑒之臣著水死渡河而死當奈何  
嗟今之人孰不戴青天高履黃土

李夫人後歌

魂歸帷開悲歌徘徊靈念子其復來

豐草菴詩集卷八

豐詩八

臨蘭亭編

十一

豐草菴詩集卷九目錄

雒陽編

雒陽花 諸葛菜 雁來紅 翠雲草 夜落

金錢曲 望江南草 鳳仙曲 曼陀羅 鳳

尾草 二郎廟 百花王 蘆王述 草鞵郎

廣利謠 織女祠 韋蘇州 插花李 花

馬翁 河西傭 補鍋匠 東湖樵 雲門僧

華清招 殿下樹 海上牧羝曲 新豐曲

閩闖開 太古暑 歛九地 夢鄉樂 磨

兜堅 剪紙錢 孟蘭招魂詞 雒陽秋 打

葉子 立部伎 胡旋舞 反行路難 周宣

豐詩九

雒陽編

靈王詞 夢遊仙清角引

豐草菴詩集卷九

雒陽編

吳興董 說若雨著

雒陽花 乙未

宮門銅駝在荆棘雒陽新鬼傷春泣白月悲笳聽不得  
斷腸忍續麗人行空見麝香眠石竹魂隨楚雨夢江南  
羅衣夜繡春纖纖

諸葛菜

玉壘愁雲鵬血紫花落幾迴桐鳳死惠陵草沒石麒麟  
昭烈陵 八陣圖空咽江水蕪菁一握雁門秋葛山打鼓  
祠武侯

雁來紅

豐詩九

雒陽編

一嘉業堂校刊

玉關榆老飛秦月炤出千年戰場骨一聲海雁裂秋峰  
不管倚樓人白髮霜花夜染珊瑚雲清商重奏江南春  
翠雲草

翠華六月新歌凱鹵簿南行祭南海韶石峰頭一片雲  
江北江南青謁謁鏡歌空唱上之回三十六宮秋笛哀

夜落金錢曲

谿雨急柳絲垂出門惘惘何之歸來入門振衣還視餅  
中有粟錦囊中有詩 一解 餅中有粟囊有詩吏夜打門  
催租黯然銷魂不見顏清臣舉家食粥數月罄乏嗚飢  
乞米真帖世寶之二解 世寶之思古貧士貧士誠可思  
夜涼獨立露下沾衣誰忽金錢擲地為錢乎錢乎是耶

非三解

望江南草

桐風吹夢飛秋海仰視白榆低可采桃花鞦韆滿湘雲  
倒影蓬山石磊磊蟬聲截斷荔枝天石闌索索黃金錢

鳳仙曲

天孫祠罷敲花急小娥惜花秋淚滴紅樓聲亂擣衣砧  
守宮夜滅珊瑚色狡獪麻姑鳥爪紅幻出丹砂指掌中

曼陀羅

摩多樓子歌聲歇摩多樓子古塞上曲拈起優曇人不識慈氏遙  
棲兜率宮可憐雞足山中客眼中香雨曼陀羅誰能結  
束舞天魔

豐詩九 雜陽編

鳳尾草

四座莫喧聽鳳皇語不見儂五色文章愛儂翠尾

自雜陽花至鳳尾草九首為草九歌

二郎廟

刺俗淫也故為期所歡之辭猶園言吳封門  
內水起小洲土人立二郎神廟祭用白雞吳城輕薄少年結伴狂遊闌入珠翠叢中相隨拜起神了不異也

白雞青酒往祠灌口孃行在前笑儂逐後

儂逐後行孃行在前二郎照鑒雙心萬年

二郎醉止雙拜奉觴與子並坐涼堂水窗

百花王

蘇州府治即春申所造相傳為桃夏宮是也舊志郡圃地甚廣前臨池光亭後抵齊雲樓

唐時木蘭堂在祠圃之西圃中有土地神祠號曰百花大王宋韓熙中韓彥古欲毀不果嘉定中重建今雖廢而民間尚有祠百花大王者

圃通齊雲接池光西日照耀木蘭堂芳樹司命百花王  
招魂續魄千和香鬱金蘇合調都梁祓除邪穢年命長

蘆王述

譏承虛聲也一曰破蘆王詞

仁宗朝緹騎千侯孫表奉使琉球道白石磯秋風蘆荻  
滿洲指一鉅蘆拔類無儔可稱蘆王一解 伐鼓舟行蘆

乃自王雲帆高張長男剪紙作錢髻奴揮霍屠猪羊二  
解 海上人依洲結廟黑螭抱棟魚鱗堂孫侯畢使來歸

茲我昔日戲言入門大笑神茫茫 三解 憶昔嵩山破竈

豐詩九 雜陽編

墮聖從何合靈何繇憶昔嵩山破竈墮聖從何合靈何

繇 四解 蘆王一朝失宮殿侍衛去棲蜃樓不見石幢海

雲長流 五解

草鞵郎

杭有草鞵三郎廟伍伯之屬家祭戶享

百年如客敬奉君芒屨一兩大夢若脫

咄咄伍伯男兒不自閱歷冬春胡為惻惻自煎迫

寄聲三郎贈余青鞵雲門若耶

廣利謠

風也廣利王廟香火盛於嶺南廟中積貯刻契借人如世間子母錢

廣利王雖明神仁不及孟嘗君孟嘗家有馮驩廣利會

計子錢

織女祠

崑山縣東三十六里有黃姑渡渡口有祠曰黃姑廟今隸嘉定昔有牽牛織女二星降神其地織女以金釵劃水水溢俗遂稱百沸河立廟水上每歲七月七日土女盛集賽神乞巧各施繡鞵錦囊鞞帆流蘇之屬先拂神額後挂帳前繫纍不絕

織女廟前秋渡涼竹枝一聲人斷腸畫船窈窕珠翠香柳風吹帶蛾眉長紅玉闌干壓水堂燭花射眼珊瑚光流蘇五采雲錦囊女兒鉞絕嬌無雙繡成藕渚文鴛鴦鳳幃金鎖鉤杏梁阿姊乞巧儂拜旁擘香欲言聲半藏喚郎小名私祝郎神靈驅使思故鄉

章蘇州

豐詩九 雜陽編

四

章刺史應物死為吳神廟在蘇州府學有土人夜居學之西廡見章公著大冠絳袍車騎人馬旌幢蓋並從章公祠前大椿樹上冉冉騰空而去

章蘇州山空無人霜葉滿寶幢雲馬何時返

章蘇州山情水性詩骨寒安能局促為神官

插花李

常熟致道觀舊有梁朝七檜觀西廊李王廟最靈異昔觀門火發忽見火光中官舫數十被空而下篙師水手殆及百餘並挽天河中水以滅烈欲隱隱聞風濤之聲隊仗旌旗纓紛照耀而擁黃蓋著白袍立於舟首者驚是插花李王頃之火息明月視神梁所挂數十小舟若沾符漬土偶皆汗李王本長興李烈士也

插花李古觀風秋山葉紫七星檜老風雷痕鶴骨龍筋神未死插花感激少年場烈士飛揚心不已觀門騰火

朱霞起靈官提劍天門來鬼工鬪挽天河水明日空梁落蘋蘩

花馬翁

神賣菱吳閭擔夫爭道而水死也故託為采菱之詩猶圖云蘇城花筵中以插花馬公為五郎部下傷官巫祝稱馬福總管俗呼為馬阿公別置矮席先祭享之恩恩送去然後登歌相傳馬阿公者封門人以賈鮮菱為業每晨擔菱出閭門經過山塘宋相公廟首擇一雙為供暮年與人爭擔不勝登減渡橋自投於水適宋相公神舟過橋下收帳前驅使吳俗凡互衡市肆者龜事於家以昔嘗為擔夫又名福也

插花馬阿翁聽我采菱歌菱角刺儂心菱殼斷腸紅采菱復采蓮儂不識蓮葉呼作碧玉盤

怪風黑雨山塘道左歡攜儂去相公廟口

豐詩九 雜陽編

五

采菱花馬翁雙菱餉相公神舟收部下只念清菱紅

自二郎廟至花馬翁為野廟九歌。野廟迎神小巫詞穢暑日閱猶園感雜祀九事歌以紀之

河西傭

河西傭人不識朱夏毒日冬雨雪葛衣一領不肯脫葛衣雖裂忍與絕新衣雖樂不如我葛葛衣裏骨死不歸勿葬我棺當風揚灰

補鍋匠

補鍋補鍋天西南一角我以為家為汝補鍋為汝補鍋酒我食我勿與我錢我無家有錢則那教汝補鍋教汝補鍋我今蜀人不可不語蜀劍路天高五丁鑿教汝補鍋教汝補鍋汝慎勿疑補青天者女媧嗟乎汝慎勿疑

補青天者女媧

東湖樵

鷓子飛雲中遙亦鯉魚谿口眺武王據商雒邑南海神

來朝壬午秋新皇帝登極詔下溺死東湖樵

雲門僧

若耶谿賣薪二束吟若耶若耶谿上畫谿沙雲門寺筆

囊茶具隨童子詩成童子低吟爾雲門僧雲門僧若耶

有樵知未曾同時有若耶樵夫

自河西曠至雲門  
僧為建文臣四歌

華清招

巫執神旛作神語要入華清召天子不惜紅巾託大招

豐詩九 雜陽編

六

遙見聖人雲閣裏偃月堂虛滅華燭死授揚州大都督

李林甫扶疾從幸華清宮數日增劇巫言一見聖人差

減帝欲視之左右諫止乃敷林甫出於庭中上登降聖

閣遙視舉紅巾招慰之林甫不能與使人代拜於席翌

日國忠自蜀還謁林甫拜於牀下林甫垂涕託以後事

尋卒贈太尉揚州大都督余讀李西涯腹中劍一為身

林甫也腹中劍甘為勞生無遺憂死餘恨恨不作七十

焉逃一夜十徒甘為勞生無遺憂死餘恨恨不作七十

二豕藏山劫命題既遠古雅詩亦竄直故更其詞作華

招清

殿下樹繞樹翔行其下其下聊可駐右衛將軍上獻諛

辭異香氤氳色參差止止我思魏徵思魏徵言遠佞人

佞人之遠誠可思佞人何人卿自知唐太宗嘗止殿下

字文士及從而譽之不巳帝正色曰魏徵嘗勸我遠佞

人我不知佞人謂誰意疑是汝今果不謬西涯作譽樹

行云莫愛庭前樹一譽百譽隨向非諫臣言不知佞者  
誰不知尚自可不去安用知甘言終幸憐逆耳先防辱  
那將君王樹不及太尉足殊  
似史斷余更其辭作殿下樹

海上牧羝曲

海風蕭蕭吹墮節毛牧羝祝羝羝不乳生不願衛律見

羝可與語

子卿足下聽陵一言汝羝來前汝陵勿言

新豐曲

季平偃蹇為天子屠販少年安用此鬪雞賣餅蹴鞠場

千秋萬歲魂魄思歸故鄉太上為天子父慘懷不樂思

懷也西涯語涉暴

露余補其意作此

自華清招至新豐  
曲別西涯樂府

豐詩九 雜陽編

七

閻闔開一曰祀天神新曲悲下  
土也為天神俯哀之音

太一下閻闔開雙龍夾車從雲中來悲哉中野崎嶇泰

華嵩衡五點青苔黃河如絲人物死生今古夫奚為帝

告巫陽汝馳下土招魂歸來

太古暑

一曰  
笙詩

赤日經天毒九野逢逢澤雲曷來蔭我白移過樹煙耶

人耶

欵九地

一曰饗鬼之  
詩亦曰鼓曲



欽九地僕本恨人竊覽觀五帝三王周秦紀載自司馬遷次第古史帝王本紀世家列傳年表漢晉已下文苑墨林是為史例甲子庚申累數十年月日聚斂章句辭六七行而已悉哀哉勉事地下主唐虞何在鏡三千年之所逝

自蘭闈開至欽九地為雅聲三歌

夢鄉樂

雲邪青浮山帶匡廬耶彼何摩青霞而馳駕鶴之賓邪斑龍車邪折瑤華邪近邪遠邪天垂四野翠無涯誰嗜愁苦思還家

磨兜堅

豐詩九

維陽編

八

磨兜堅慎勿言雕龍炙穀聖煩冤帝遣呂政驅除難白  
尋夜埽文昌前嶽雲收盡滄海乾燒書已後一千年諸  
儒不悟箋注繁孰領太古默思玄

剪紙錢

當薤露歌哀世死生錢癖也

剪紙錢蹙紙山金作响嘍銀華山願君金魂玉魄相隨  
世世萬年

孟蘭招魂詞

靈風飄幢塔鈴語小玉魂歸立秋渚只言夜蹋陽臺雲  
蒼茫乍隔青楓雨擁髻來看水燈綠法王正奏無生曲

雒陽秋

庭中瞿麥歷秋餘花晚豔憶樂天秋游詩何事古今詩句裏不曾說著雒陽秋因用其意此賦

孟郊心向龍泉說東野詩欲識丈夫心曾將孤劍說磁斗繁花生秋髮  
紅樹青山別樣春壯心不為風霜歇一聲漁笛水如煙  
相約看花白雁天

打葉子

葉子格始於唐同昌公主為葉子戲集今其遺意也

打葉子帝子筵開廣化里同昌里名夜光珠轉琉璃盤僧那  
捧立堂如水同昌第冷寒蟹哭南唐金葉誰編續南唐宮中  
有金葉子格閨房雅戲墮秋煙空鬪宋江三十六

立部伎

豐詩九

維陽編

九

唐立部伎絕無性識者退入雅樂

綫髮垂垂動城舞假面崢嶸雕獸耳巧綴毛衣弄獅子  
秉拂崑崙疾風雨秦王破陣慷慨聲揮戈執戟銀甲明  
聖壽字舞十六變寶祚彌昌諛太平立部伎撼川谷立  
部不中操雅樂

胡旋舞

天寶開西國所獻樂天微之並譏旋舞余別其意作此

胡旋舞胡旋舞胡旋舞兮能悟主江湖競注野馬飄鼓  
古今天地皆旋舞天寶開元一刹那譜得風輪獻天子  
反行路難

淮南王鍊藥得仙雞鳴天上犬吠雲開東方騎馬吉雲

野繞日三市暮入關九州小不足步五嶽局促羞往還  
男兒拔劍辭家風浩浩勿惜青天劍門道

周宣靈王詞

傷冤難明也周宣靈王廟在徽州休寧靈異甚著蘇州寶林寺秀善亦有祠萬歷辛丑休寧少年與鄰婦通夜半夫至惶急拔婦銀簪鬪之被髮狂叫躍去突入周宣靈王廟忽失所在明日而銀簪在神鬢也神為無賴所免昭雪無地遂見形於蘇州寶林寺中重新廟貌而休寧禱祠無應矣

泰山松柏相隨而行入於海樓十二層豕翼而飛結藤

為龍耳馳日趨怪怪奇奇謂曾參殺人謂孔墨奔車

謂日月照下土日有食之謂靈祇執天刑書賞善災淫

周宣靈王鬱鬱陷網羅

豐詩九 雒陽編

十

夢遊仙清角引

藥珠玉簡紫霞文翠水層池徑問津紅篆一函開鳥跡

高座頑仙讀未真吟碧落悟天根雲表翻書逐字新人

閒四部才華儉空廢丹砂研露點千年城郭幾迴更海

塵飛盡秋霞斂余製此曲用蕤賓角為摩天之音凡合二均起清角入南離轉入北方閉調此

夢仙之元聲也不得純用飛揚亦不得純用幽沈高山流水世未必無其賞也

豐草菴詩集卷九

豐草菴詩集卷十目錄

洞庭雨編

洞庭雨呈靈巖和尚 韋馱杵 陳蒲鞵 大

小空 大慧爪 古錢囊 平涼志 倚松吟

入滅去 冬青飯 雪彌勒 石麒麟 亂

石子 冰釵 臘月扇 甘蔗屑 走馬鐙

舊書韜 紙燭 雪珠 紙錢灰 古廟香鑪

送菴中埽花奴

豐詩十 洞庭雨編目

豐草菴詩集卷十

洞庭雨編

洞庭雨 呈靈巖和尚乙未

吳興董 說若雨著

靈峰干仞門外俗子未敢妄役松煙虛空布  
彩惟是玄潛十年點易結習難忘私心實願  
祓除不祥重澄河洛屢蒙和尚垂問寶鑑難  
逃在讀和尙扇頭一得句輒有閒將一幅洞庭雨  
不自量賦洞庭雨一篇

一幅山房洞庭雨白石青松柘枝舞文章道喪及千年  
袖裏靈山香一炷鷓鴣點易營環堵古今成名笑羣豎

批抹龍圖心莽鹵相對婆娑兩枯樹漢武已來繁冊府

換象抽爻立規矩眼光誰透秦灰前冷落羲皇塗毒鼓

虞翻夢裏強吞爻易苑春風鬧鸚鵡祖述焦京六甲飛

豐詩十

洞庭雨編

嘉業堂校刊

錯遣張顛摹响嘍奎歷開文五星聚儒林恨缺飛龍譜

南北空爭先後天那知出震分賓主雒水明珠四十五

殺機用九威音祖無首羣龍十二辰黃鍾夷則輪宮羽

風雨雷霆彈指閒擊碎須彌無寸土泣抱遺經思小補

忍復雷同隸前古悲吟未向知音吐大鑿堂高聆玉塵

章馱杵

海鹽德藏寺在縣北五十里元時寺中樵汲  
僧真諦性若慧駿而恪守戒律國師楊璉真  
伽來寓寺中聲言欲發天女等基意別有屬  
也及楊下合果及雲閒陸左丞愛女朱提舉  
夫八二墓真諦聞之怒形於色眾僧懼致禍  
苦為陰勸及楊五鼓肩輿發眾出寺真諦忽  
起抽章馱杵奮擊楊命捨之時眾雖數百  
皆披蕩不能把傷者凡百餘人真諦於眾中  
超躍每踰尋丈若隼撤虎騰飛捷非人力可  
到一時鎗炬皆滅擾輒畚插皆為段壤揚大

懼謂是韋馱神威遂不敢往發鼓柁率眾而去亦不敢問此僧也後二年真諦行脚峨嵋所往

楓青雨黑唬妖鵬繁花古墳別鐙綠總統楊髡翻地軸  
搖動東南天一角妖魂癡夢玉鉤斜天女冢前邊馬蹴  
金鳧翅鼓思朝飛隧路雞鳴見華燭草馱木杵無端捉  
虎騰騰擊天魔伏飛揚俠骨梵王宮亂撲鐙光風謾謾  
珠襦不碎秦庭玉峨眉老放看山日

陳蒲鞵

道明睦州人俗姓陳入開元寺為僧契法於黃巖禪師常自織草履鬻以養親及施行路者黃巢兵壓境郡人洵懼明告以勿憂為大草履令標之三十里外木杪巢見之即舍去郡人益尊禮之宋元符中賜號悟空禪師

豐詩十 洞庭雨編

包腰遠躡千山雨幾箇酬恩念慈乳膝下依依短髮僧  
汲水開元身織履織履承歡端不惡樵路春風分客著  
黑雲壓城秋鬼哭分沒波濤委蛟鰐蒲鞵挂樹黃巢卻  
始悟微長在行腳

大小空

裴休訪潭州善覺禪師問有侍者否曰有一兩箇乃喚大小空空空忽二虎自菴後出師日且有去

大空小空山骨峭香火清緣忘踔跳室中無以資歡笑  
娥媚風前鬪秋嘯不羨羅浮黃野人安用漁童秋捧釣  
他年死骨隨他噍道搖肯受青蠅吊

大慧爪

大慧禪師二十四歲居湛堂侍者寮一日侍大湛堂視師指爪云想東司頭籌子不是汝洗師即承訓交代黃龍忠道者作淨頭九月終身不養爪甲纔長一菽不剪湛堂和尚便於手指上出現

東司籌子霜皚皚歷落寒風縐香海桑下曾無三宿留  
覺王要剪情花蕾剪爪無工秋骨改湛堂死布虛空彩

古錢囊

黃葉村漁家小兒布囊貯古錢或赤加丹砂或青如翠羽森森奇字誇示人人不識也余喜其古癖為作古錢囊助秋風牧唱也

儂蹋繩鞵汝跨犢杖頭一串苔花綠訪徧洞天三十六  
中有飛仙兩方目能識古文蟲瑟縮盡倒青囊夜深讀  
古帝編年轉秋穀醉拍玉闌干一哭歸來青草池頭牧

豐詩十 洞庭雨編

與汝栽松補漁屋有古先生在天竺

平涼志

賈人持平涼志入冊余例餅中粟易之作平涼志

明朝食粥那須計傾餅換得平涼志平涼要害古邊州  
難著書生閒習氣錦心繡口一字無只載古來豪傑事  
可藍山邊戎馬地赫連曾展秋鷹翅蒙恬蹟指鶉觚城  
會盟壇想貞元置誰人得似韓招討屹然身蔽蕭關道

倚松吟

菴中埽花奴一旦棄我而去草屋單丁雪珠  
破壁景象蕭然昔饒德操與其僕視髮為僧  
德操僧名如璧僕名如琳德操自號倚松道  
人嘗勸呂紫微學道詩云好貸夜窗三十刻  
胡牀跌坐究幅風因作倚松吟歎古今人相去之遠也

倚松道人陽九厄夜失如琳賸如璧竹簾朝卷撲霜花  
大小二空曾未獲洗研焚香且自勤孤坐夜窗三十刻  
肯寫癡禪勤紫薇死究風幡有何益

### 入滅去

文潞公鎮北京魏府老洞華嚴來謁別文潞  
公曰法師老矣復何往對曰入滅去潞公笑  
謂其戲語歸與子弟言其道韻深穩談笑有  
味非常僧也使侯之果入滅矣歎異久之  
及開維親往視火以琉璃瓶置座前祝曰佛  
法果靈願舍利填吾瓶言畢煙自空而降布  
入瓶中煙滅如所願潞公自  
是竭誠內典恨知之暮也

入滅去琉璃瓶滿煙消處平生整頓喫茶時肯重潞公  
陪戲語出格高流金石辭幾人談笑知風味磨兜堅慎  
勿言浩浩叢林苦浪傳

### 豐詩十 洞庭雨編

四

### 冬青飯

夢古貌僧授冬青飯法復贈冬青葉一握如  
翡翠綠因憶謝翱冬青樹引遠想慨然作冬  
青飯

珠玕夜築蒼梧溼淚簇冬青古花碧春風畫院萬年枝  
九泉泣抱蛟龍石冬青舊曲斷人腸晞髮集堆塵一尺  
一把琅玕夢中勸洞天不憶胡麻飯

### 雪彌勒

布袋無錢袖手閒天衣一色絕斑斕乍疑慧可安心日  
莫認瞿曇苦行山橘刻琉璃拈舊夢松撐樓閣護慈顏  
若為歲暮風霜後賒得癡猷冷放頑

### 石麒麟

休言五采舊形模松柏秋風對野狐豈有玉書煩繡紋  
麟吐玉書於闕里人家 誰憐血淚灑青梧 西京雜記青  
微在以繡紋繫麟角 梧觀前石麒麟  
麟二枚刻其肋爲文字是秦始皇驪山墓上物也東邊  
者前左脚踏折折處有赤如血父老謂其有神皆含血屬  
筋 徐陵早歲高僧記元狩初年瑞應圖莫共銅駝怨荆  
馬 棘河清留上太平符

### 亂石子

樵路崎嶇帶葉鋪幾迴秋澗憶樛蒲花前磊落仙人飯  
腳底峻嶒五嶽圖孫楚齒含苔翠漱初平羊立釣灘呼  
他年化作干峰去誰念看雲杖影孤

### 冰釵

無復千金索價難莫將麗玉錯傳看白瑤宮裏仙裝潔

### 豐詩十 洞庭雨編

五

姑射山頭寶髻寒舊夢腸迴金孔雀離愁敲斷石闌干  
若教出塞明君戴青豕春風滴未殘

### 臘月扇

隨首雲秋早自傷那堪歲暮不知藏飛揚燒葉松風鼎  
冷落尋梅骨董箱火鳳歌聲分曲豔天台雲影稱心涼  
休題往日班姬怨純素留將撲曉霜

### 甘蔗屑

炙冷尊殘過雁哀樵僮閒掃舊亭臺封侯敢並餘甘氏  
退隱還同落葉堆燕子樓空春寂寞長安花盡客歸來  
令人轉憶南州果苦諫森森味獨迴

### 走馬鐙

眼底周王八駿馳雲中雙鳳未全奇行空騎客家何處  
逐日神人影不離新英雄記千迴看古戰場文苑轉悲  
借問龍潭吹燭後燄輪曾有一絲移

舊書韜韜俗作套

莫是空函客誤齋傷心短笈日沈西篆留耆舊高人印  
墨染收藏故國題魏家妓老閒銅雀吳苑兵殘擲水犀  
我亦無家任飄泊遺書誰爲弔羈棲

紙燭

半幅霞箋月黑將那須吹滅證心涼誰家書具光明種  
幾處鐙傳翰墨場劫火一星愁呂政蜃膏五色憶同昌  
同昌公主有香蠟燭  
煙成五色蜃膏所成然他李杜文章豪舊燄重看萬丈

豐詩十 洞庭雨編

六

長

雪珠

洞珠滴翠碧鱗鱗折贈瑤華跡已陳南海同憐鮫室淚  
石家難換墜樓人招涼號擬寒山質記事光非紺色珍  
客振青絲聲歷落卻疑楚履侍春申

紙錢灰

鬼市蕭蕭竄野狐夜臺李白酒難沽堆成漢武昆明樣  
吹作滕王蛺蝶圖水祠冷落鴉聲亂古冢婆娑樹影枯  
白馬采蝦人去後春風不遣九泉蘇

古廟香鑪

向江寂寂斷飄煙日炙風吹若箇憐過客漫拈山骨句

霜天長伴死灰禪光分釣艇一星火冷貯秋霖幾寸泉  
菌蠢莫同枯樹賦耳旁還刻盛明年

送菴中埽花奴

十年埽葉伴孤吟落落身隨斷雁音豈有券文愁便了  
忍看壞衲卻如琳梅根曉放誰家鶴馬尾秋肩別院琴  
他日樵青雙隱處夢迴夙昔愛才心

豐草菴詩集卷十

豐詩十

洞庭雨編

七

豐草菴詩集卷十一目錄

鬪韻牌編

除夕鬪韻牌分得交梢庖三韻 剪燭限掌爽

網三韻 前題又限答衲拉三韻 元旦同樵

兒輩分得貪甘愁三韻 前題復得籤尖隘三

韻 前題又得膠包貓三韻 啜茶分得根痕

昏三韻 菜羹限涌種恐三韻 前題復用未

兒誦俸供三韻 腹痛限腹六粥三韻 前題

自和 正月四日同兒輩茶話限陣覺印閨四

韻 論詩復用前韻 前題自和 兒輩各和

余詩復用前韻 剪爪復用前韻 卽事復拈

豐詩十一 鬪韻牌編目 一

釁印二韻 復和前韻 詠橄欖限匹謚慄覓

四韻 前題復得哭卜戮牘四韻 前題復用

樵兒撞巷降慧四韻 前題復用牧兒呪漱繡

廢四韻 前題復用未兒貢鞋痛鳳四韻 前

題復用友人拜快壞戒四韻 雪中促友人險

韻詩限雪滅鐵訣四韻 自和前韻 再和前

韻 詠竹根彌勒限蘭扁輦癬四韻 前題自

和 前題復用樵兒鈕韭白酉四韻 前題復

用未兒診緊蚓隼四韻 前題用牧兒趙天小

沼四韻 穀日復雪再理雪韻寄友人并索竹

根彌勒詩 前題自和 磨鏡限太外貝繪四

韻 前題用樵兒鳳凍鸞夢四韻 前題用牧

兒澹暫啖探四韻 詠火樹限韻 前題復用

樵兒韻 前題用友人韻 前題用牧兒韻

前題用未兒韻 前題用舫兒韻 前題再用

友人韻 前題三用友人韻 前題再用牧兒

韻 詠四聲葉子限韻 前題自和 詠琵琶

葉 夜坐限孔桶董總四韻 立春日讀宗鏡

錄限韻 前題自和 梅花禁體限韻 前題

和友人韻 前題用樵兒韻 前題用牧兒韻

前題用未兒韻 前題再用未兒韻 鴛鴦

栗限韻 詠虞美人草限韻 前題自和 前

豐詩十一 鬪韻牌編目 二

題用未兒韻 前題用友人韻 前題用樵兒

韻 草履限孔桶籠總四韻 詹伯玉 上元

日詠琉璃燈 前題用樵兒韻 春日感懷限

韻 前題用樵兒韻 前題用牧兒韻 前題

用未兒韻 前題用舫兒韻 前題重用未兒

韻 隔年歷創四言律體限一東 前題用樵

兒韻 詠玉鱗茶四言律限五微 題鬪韻牌

編二律限韻示樵未

豐草菴詩集卷十一

關韻牌編

吳興董 說若雨著

除夕關韻牌分得交梢庖三韻

乙未 丙申

韻戲山家占新聲爆竹交團纒孤燭外突兀五言梢從來蔬筍味難入大官庖

剪燭限掌爽網三韻

漁屋漾如舟苔牋小於掌泛茗祭新詩短燄搖神爽燭淚桃花紅疑是珊瑚網

前題又限答納拉三韻

更長少孤唱韻險難乍答人寒類鳥巢屋補如僧衲吟立盡燈輝釣侶明朝拉

豐詩十一 關韻牌編

一嘉業堂校刊

元旦同樵兒輩分得貪甘愁三韻

丙申

病延家世癖吟遂夙生貪評史小班馬談天陋石甘鷓鴣亭子就篆版定詩愁

前題復得籤尖隘三韻

凍雀戮花蠹飢童數菊籤口逢覃韻閉筍指畫牌尖吟斷撥灰坐伴余棊兩隘

前題又得膠包貓三韻

燭銷吟筆走雲合暮天膠梅種仍拈臘山名每憶包欲驗夜何許花闌喚睡貓

啜茶分得根痕昏三韻

筆牀安水畔畫軸展樞根免將油具手污著墨山痕最

憶僧寮夜吹鐙缺月昏

菜羹限涌種恐三韻

鴟夷放帆葉湖峰碧如涌回首越山寒魂銷大夫種所以灌園人藿食神無恐

前題復用末兒誦俸供三韻

閒除酒政頌老廢魚經誦清真助研田雋永添僧俸繡得小金仙山蔬翦秋供

腹痛限腹六粥三韻

呻吟屈身首如坐枯樹腹虛心誦五千詩災逢百六休攢蓮社眉勉食顏家粥

前題自和

豐詩十一 關韻牌編

二

玉柄擲牀頭霜毫離研腹去日一萬餘夢遊三十六難分白石餐聊問防風粥

正月四日同兒輩茶話限陣覺印閏四韻

辭編玉露珠坐學秋鴻陣博山海水環銀葉龍涎覺葬骨梅花林傳家東觀印只愁枯木禪詩厄黃楊閏

論詩復用前韻

飛韻學奇兵圍鑪合圓陣方推北地旗愁開竟陵覺立言野鹿聽藻句仙靈印詩統正吳興相期斥偏閏

前題自和

竹葉作詩籌茶煙入雲陣風琴落葉參石磬清泉覺禽書啄木符鞞記尋梅印早覓藕花秧暑避今年閏



兒輩各和余詩復用前韻

句成賀凱旋韻酷多逃陣名山醉畫禪妙謔挑詩覺童  
愁學主吟女穉求兄印擬將雜體編聊作歲寒閨乙未冬盡  
有歲寒吟一卷  
亦日洞庭雨編

剪爪復用前韻

不羨通眉生嘔心營筆陣閒憶麻姑鞭端思湛堂覺畫  
展左手王書拈枝指印爪事儻徵奇二客歸餘閨

即事復拈豐印二韻

遊屐逐花荒詞鋒襲禪覺暖聲詩裏聞雁跡潭中印

復和前韻

彈碁竹下盟鬪草春風覺銅槃借漢鐙獸鈕珍秦印

豐詩十一 關韻牌編

三

詠橄欖限匹謚慳覓四韻

功推藥石儔色許琅玕匹滑異東方生高參皇甫謚雋  
句報眉攢登峰償股慳從來晚節香多向躄危覓

前題復得哭卜戮贖四韻

甘苦路無歧何必楊朱哭蘇卿徹定迴楚客居休卜玄  
賞慕餘香愚忠忌冤戮諫果錫嘉名南州廣秋贖

前題復用樵兒撞巷降憇四韻

鴻門獻玉斗亞父拔劍撞孺子不足謀楚纍歸永巷虞  
歌泣未終魯爵封新降清雋惜餘甘庶思老臣驚

前題復用牧兒呪漱繡殿四韻

南威字未行橄欖名如呪閒呼玉洗盛試汲珍泉漱銳

未抵鍼芒青章類苔繡澀如困鹽車甘若飛天殿

前題復用未兒貢鞞痛鳳四韻

艱比讀商盤澀同披禹貢亦似蜀道難苦將良馬鞞深  
夜味初迴甘言絕須痛竹實寧易求留渠飼青鳳

前題復用友人拜快壞戒四韻

杜鵑古帝魂曾下詩人拜低頭禮諫果雪鬪新詩快苦  
調各聲吞衲衣同色壞話將無味參綺語頌新戒

雪中促友人險韻詩限雪滅鐵訣四韻

曾聞雨催詩安得詩停雪況復文字禪無傷甘露滅洪  
範自號

甘露滅漁具和天隨竹枝翻老鐵傳筆笑哄堂余家辟  
寒訣

豐詩十一 關韻牌編

四

自和前韻

玉葉四聲分杉窗鬪晴雪韻散學飛觴思枯鄰入滅瑣  
欲注蟲魚苛如判鹽鐵也思渡谿橋驢背求詩訣

再和前韻

門掩聽寒鐘沈愁三日雪祇憂佳客蹤也逐谿煙滅凍  
筆穎飛霜枯梅枝屈鐵相期石鼎聯因復商茶訣

詠竹根彌勒限繭扁輦癩四韻

臃腫斲秋根神肥類重繭陶隱居云點學短則法  
瘦尊偏形刻螺書扁崔融碑曰龍畫旁分珊珊瓊骨人

白衣陪帝輦李泌子骨視此笨鈍軀陶隱居語亦愁

如嬰疥癩

前題白和

俊逸賞蘭亭難購昭陵繭或評鍾元常隸鈍微傷扁補處太慈生肥重不可輦寧知竹像癭鳥爪爬秋癩

前題復用樵兒鈕非日酉四韻

偃蹇寫癡禪屈如盤虎鈕膝尙別秋苔背可攢堯非蒲一名清供屑水沈丁東敲玉日料伊空洞腹藏書齊小西

前題復用未兒診紫蚓隼四韻

竹胎雕混沌眉目難細診苔龕笑口開風雪忘淒紫衣縵集秋塵座蹙縈春蚓持比摩睺羅誰能剖鸞隼

前題用牧兒趙天小沼四韻

豐詩十一

關韻牌編

五

木文憶指南傷心天下趙稽首苦節尊願為有情天齊州煙點青五嶽圖形小孤笑發瀟湘棲神藕花沼

穀日復雪再理雪韻寄友人并索竹根彌勒詩

孤樹兩童子誰蹋豐草雪詩留天地閒藁紙不須滅閒

張畫中琴一幅蕤賓鐵余家有蕤賓鐵琴圖妙指幾人傳來話無

絃訣

前題白和

野老畫春風殘若松枝雪谿村斷往來寒鐙鬼吹滅韻牌新染藤吟券難銷鐵借問草堂人誰授逃詩訣

磨鏡限太外貝繪四韻

清炤鬱金堂絲毫分少太形單滿月中思落秋砧外海

獸繞重輪珍銘像奇貝當年齋具人高風在圖繪

前題用樵兒鳳凍瓔夢四韻

團扇畫秦樓仙娥騎白鳳今來鏡裏看皓齒梨花凍旃檀寫梵龕碧玉雕香甕一段巫山煙風吹度雲夢

前題用牧兒澹暫啖探四韻

磨洗秦灰餘休嗟生活澹人閒易別離轉首千年暫卦氣雜焦京陽秋迷趙啖誰開古鏡塵章句思重探

詠火樹限韻

變滅難徵種樹經藥闌不用護花鈴雨香欲鬪諸天戲海市誰刊異草銘贈去不堪隨遠信折來難與插銅餅武夷再唱人閒曲瞥眼空哀俗骨腥

豐詩十一

關韻牌編

六

前題復用樵兒韻

誰道星橋句不祧金絲吹動小蠻腰詩拈蜀郡搖銀海畫憶唐人布雪蕉鐙市棚前隨走馬檣蒲局畔借鳴梟老生見異司空慣定把災祥記木妖

前題用友人韻

豔奪東陵五色瓜紅妝遊艇夜深拏落梅似聽樓中笛繡菊疑分內樣紗人簇看場圓蟻陣檐飄花雨誤蜂衙凝眸最是尊前妓錯著檀槽卻手琶

前題用牧兒韻

柳未垂絲菊未秧幻如楚雨夢高唐有誰皎並臨風樹莫是花生眯目糠不勞秋杵飄金粟便帶瑤華折米囊

閒指參星燈月爛會看弧矢向天狼

前題用末兒韻

幻因總似虎形鹽吐火三更誤漏籤細柳也愁江上杜  
空花難召畫師閻隸事詭思標瑞葉題詩豔稱入香奩  
眼中摩竭元宵戲室利光分滿月占

前題用舫兒韻

金樹遙分雁塔光火輪燄裏種清涼詩人雅謔銀花合  
楚客餐英落菊黃擁髻秋燈談錦帳淋鈴蜀雨哭香囊  
繁華自古無根蒂贏得葳蕤夢一場

前題再用友人韻

仙緣勿訝棗如瓜香撲春燈杳莫拏幻色重遊分筆夢

豐詩十一

闕韻牌編

七

看花如隔護窗紗飛成粟雨兼錢雨排得槐衙復柳衙  
野老倦看因肺病藥鑪霜葉煮琵琶枇杷古通琵琶所  
謂名同樂器是也

前題三用友人韻

髣髴銀河指瓠瓜浮名瞥眼任紛拏宛教天女散花雨  
似對高僧賦浣紗光分萬丈李杜燄麗遣千年屈宋衙  
山谷詩屈宋可作衙預借春風鬪紅藥肯將雙耳戀箏琶山谷詩  
滿堂洗

前題再用牧兒韻

休輕懶祭列魚秧綺麗詩如讀晚唐搖落樓頭疑折柳  
簸揚箕口類占糠先春訝擊催花鼓炤夜渾傾古錦囊

轉換形家方位眼九宮難復遁貪狼

詠四聲葉子限韻

兒女圍燈角贈穿闕四聲葉子法有贈有穿拈來送屋怕東先海南  
異物烏絲繡江左風流碧玉牋洪武韻書誰敢戲沈約  
牌用

年

前題自和

鬪韻難如九曲穿恰同棊子慣輸先催成繡虎雕龍技  
小就蟲魚草木箋余近著蟲魚箋草木箋二種石鼎聯分詩裏畫非  
煙譜合枕中編聲牙壓句教兒和甲子旁題缺紀年

詠琵琶葉

豐詩十一

闕韻牌編

八

風吹碧葉玉鏘然樂器同名舊譜傳野老怕聽新羽調  
無心催上四條絃

夜坐限孔桶董總四韻

昔聞蔥嶺中人行魚脊孔要學象骨師悟心如脫桶騷  
音析廟苗苗裔之苗本廟字古作苗雅字分萬董不如課圓覺癡比  
髮初總余兒時讀圓覺經

立春日讀宗鏡錄限韻

韻如漢將飛奇兵雪中角凍手喚誰呵玉塵寧暇捉譬  
若稻梁謀夜領羣雛啄獨腳憶香巖子覺成母殼香巖  
獨腳  
須有子覺母殼語祖葉慕南宗密諦荒西學情緣徹底空如將  
蕉綠剝休持白團扇蝴蝶夢中撲霜晴對宗鏡影炤鬚

眉確

前題自和

震旦一丸泥在天東南角人如狂李白江月醉同捉宗  
乘試舉揚草深無剝啄頗似邊州民愈瘡懸蟹殼少見  
多所怪侏離安俗學西天建赤旛鬪義如荀剝六朝尋  
舊譯繡字春花撲誰拈物不遷論比前人確

梅花禁體限韻

欲賽梅花神野曲聊迎送燒英入博山落瓣宜茶甕有  
時撲玉缸香寒酒偏中黃茅縛水亭苔枝借爲棟潭影  
射橫斜相對禪心空勝日清涼林雜華催夜諷暫止讀  
離騷獨飲不須痛故事憶歐陽雪戰傳詩闕

豐詩十一

鬪韻牌編

九

前題和友人韻

折得水邊枝擬作高人賻誰能範黃金還把夷齊鑄閉  
門夢鄧尉遠如花石成蜀中有花石成病負寒香期非緣畢婚  
娶死學吳仲圭墓石題明故銘旌寫梅花蓋棺三尺布  
丙舍集寒枝種樹不妨募只愁歌薤時更遣千秋妒

前題用樵兒韻

竹有醫俗名梅亦除塵雪若教賈島知采作新詩祭西  
塞綠萼人雨釣桃花鯨不如繞屋梅香海無漁稅勁枝  
龍爪拏字如評鶴瘞古澹敵清言輔嗣易略例偏宜讀  
水經夾注休嫌細寄言郭橐駝推尊號花帝

前題用牧兒韻

擬作梅花經滑稽參筆卦字文林苦琢冰霜文如著囚  
飲械招魂被塵垢使君無痛疥清絕冠江南僕願焚香  
拜警讀燕世家歲除逼亡噲香陣破風霜卷翮猶未鍛  
也貪構輞川寒林圍鹿柴不知玄墓旁誰有青山賣

前題用耒兒韻

風非弘景聽樹異稽康鍛頗如飛白書醉筆繁點竄渡  
頭吟石船祖德編家諺石船見先人吹景集豈獨桃花  
源不知前有漢擬將萼綠華補入離騷亂寒敵孟郊詩  
愁鳴如水鶴誰記凌波仙離落珍香蒜只愁東閣吟無  
聲學吞炭

前題再用耒兒韻

豐詩十一

鬪韻牌編

十

寒芒逼劍花如出干將鍛應迷白鶴藏未容玄鹿竄何  
當參星夕重理杏花諺如上李陵臺霜天愁望漢苦憐  
籬落枝新霽光凌亂田家學五行晴雨占鳴鶴魂飛風  
雪中人靜垂簾赫厄會弔梅災花事同塗炭

鴛鴦栗限韻

箕山異種合歡文贊展春閨意倍殷孤客拾來愁日暮  
哀猿采得哭離羣雙聲格破詩筵禁共命胎疑藕國分  
尊俎夜闌思漢將陣名空話戚家軍戚少保繼光制鴛鴦陣

詠虞美人草限韻

翠釜珍峰出紫駝麗人三月影婆娑名隨楚帳歌中馬  
鼓聽新聲拍後鼉玉露比垂河滿淚錦雲如而柘枝鞞

盧肇柘枝舞賦 一曲斷腸花歷亂妖姬不用舞天魔

前題自和

雒陽荆棘臥銅駝漢苑淒涼冷駁娑空憶烏騅飛血淚  
錯教紅袖醉鳴鼉斷腸楚調翻歌扇垂手春風試舞鞞  
贏得紅牙千古恨酒魔惹得又詩魔

前題用末兒韻

莫遣湘衡亂細辛杜衡亂細辛見魏文帝詩藥闌誰記斷腸人肯飛  
巫峽襄王兩宛戴蓮花道士巾李白詩吳江女道士頭帶蓮花巾香分  
北渚歌中豔曲借江南死後春一簇愁紅傳別恨崔徽  
何必自圖真

前題用友人韻

豐詩十一 關韻牌編 十二

斜陽如炤帳中燈紅葉搖風玉一層四面歌聲新涕淚  
八千子弟舊軒騰自憐死節驕平仲吳都賦木平仲君遷欲懺  
情緣傍聖僧楊梅一名聖僧莫道無心偏草木卻同老鶴憶堯  
崩

前題用樵兒韻

古戰場空滿日蒿霜鐘永夜泣蒲牢風前楚舞飄羅袖  
夢裏軍裝帶寶刀花史節應貞女諡繡牀樣稱侍兒袍  
若教招得芳魂醒項紀重將史筆操

草履限孔桶籠總四韻

江左墜風騷憂來移帶孔詩誰續浣花易少傳籬桶文  
錦製著囊青藤編藥籠隨身一鞦韆五嶽憑銓總

詹伯玉

江南爆竹有名詹伯玉者聲容雙秀戲成一絕命樵兒和之

詹家玉質立斜暉瓊骨神仙霧縠衣字借衛邊因底事  
喚醒四十九年非

上元日詠琉璃燈

詩斷元宵疊韻筒續燈新讀兩函終光分晉椀書千卷  
晉潘尼琉璃清壓秦牆地一弓大秦國以琉璃為牆西域法以畝為一弓隔岸  
釣船修夜網寒江鬼火逗青楓禰衡傳裏漁陽慘借和  
街頭鼓數通

前題用樵兒韻

豐詩十一 關韻牌編 十三

兀兀空懸字裏鍼字有垂露懸鍼閉門冷似賦愁霖傳成僧寶  
千秋鑑張九齡進覺得偷心雪夜掄雪夜掄吳元濟藜杖識圖  
文訂卯劉向傳上元夜人皆遊賞向獨在家觀書太  
老人著黃衣植青藜杖叩閣而進向請問姓名云我是  
太乙之精主天帝圖識天帝聞卯金之子有博學者下  
而觀焉卯金之卯楓天神式將移壬上元甲子正月十  
字當作卯古酉字周伯仁謂琉璃華燈錯認辟寒金  
不是禪龕太清徹周伯仁謂琉璃華燈錯認辟寒金

春日感懷限韻

鹿山曾撲鳥飛爻乙酉將移家鹿山渡記神官袖裏貓  
鹿山有貓兒渡山自筮得明夷初九神官遺跡也默取太常鐘號啞隱思焚上叟名聲  
元結自宗風何日傳雞足浪跡今年定虎跑清水靈珠  
如覺得濁河不用苦投膠

前題用樵兒韻

江左風流事已謬那堪寶馬憶盤陀書悲吳郡人投井  
技讓西川客補鍋夢裏舞筵翻破陣詩中鐵甲擣朝那  
死灰不解紅裙醉閒殺瀟湘六幅拖

前題用牧兒韻

歷亂松鍼與菌玎藥闌雜似五侯鯖仙經祇憶郭家葬  
郭璞著 野史愁開岳氏程 岳珂作 鬪韻喜臨花雨檻賣  
文思坐水窗胎鵝羣鹿脯多拋卻帖愛來禽字不腥

前題用耒兒韻

江南煙雨隔衡巫永日哀呼學祭雩句愛苔紋書側理  
蓑尋漁樣織夫須客來鬪韻同腰瘦兒勸吟詩似腹腴  
結客少年題儻擬茗杯合罰鷓鴣翰余家以苦茗爲詩 罰鷓鴣生余自稱

豐詩十一

鬪韻牌編

十三

也

前題用舫兒韻

狂拈禿管擊茶甌成佛虛同選格散鹽豔音誰攷阿鵲  
堅鞭字未定磨兜孤兒行豈塞牖舍石鼎序無高結喉  
少年磊落鄙章句老向蟲魚爾雅搜詩歸誤讀孤兒行 塞牖句高結喉則  
東坡詩 誤也

前題重用舫兒韻

韻牌戲罰絲濤甌創意重鐫擲卦散詩草亂堆藏藥籠  
梅花斜插看山兜柳家樣做書多骨水調歌成字轉喉  
言出狂夫依傍少客來一任枕中搜

隔年歷創四言律體限一東

弄筆冢裏同秋夢中祭思舊臘式改新楓往日無短寒  
山轉空誰能翦燭快讀一通

前題用樵兒韻

如荷樵斧與碁仙逢白石未爛寒雲幾重西風敗葉殘  
夢晨鐘響禱雨後泥人土龍

詠玉鱗茶四言律限五微

空山斜月寂寂寒飛白石危負清言澹依翠葉如荇晴  
霜滿扉誰翦玉茗以代采薇

題鬪韻牌編二律限韻示樵耒

詩似參玄絕百非悟如逃子乍知歸養成泉石煙霞癖  
脫卻天吳紫鳳衣石鼎共兒聯菌蠢錦圖課女念璇璣

豐詩十一

鬪韻牌編

十四

竹枝詩譜田園話纔了祈蠶穀又祈

綺語於今昧昨非卻如征客老忘歸賦心未厭吟添鉢  
詩法應思受祖衣葬骨只須耕筆研賣文幾箇識珠璣  
來生不識字殊樂共向樓中繡佛祈

豐草菴詩集卷十一

豐草菴前集自序

讀書當編年余集秦漢已來詩歌歲月可徵者爲一書  
曰風雅編年集野史雜集山經地誌事與正史相發而  
歲月可徵者爲一書曰通鑑翼集古今文章關天下治  
亂大故歲月可徵者爲一書曰古文編年集古今天官  
象緯歲月可徵者爲一書曰天象編年集古今五行變  
怪詳歲月爲一書曰災異編年風雅天象二書采拾略  
成未授副墨傷哉病也著書當編年余著七國攷則辛  
巳壬午之書也著昭陽夢史則癸未之書也當是時余  
有夢癖著聞書著野語則甲申之書也著文音發則乙  
酉之書也故余詩曰昔表文音歲在酉輟筆亂離書未

豐前集 自序

全著周禮緯律呂發則丙戌之書也著易發則丁亥戊  
子之書也著易運則庚寅之書也著運氣定論非煙香  
法則辛卯之書也著六書發河圖卦版則壬辰之書也  
著天官翼則癸巳之書也著問道錄殘雪錄則甲午之  
書也著禪樂府曉寒長語分野發則乙未之書也著詩  
發古樂府發漢鏡歌發埽葉錄則丙申之書也詩文當  
編年余自豐草詩文外別錄庚辰已後雜文爲前集三  
編五六年間愁病呻吟故人往返之蹟皆可攷而見也  
編年之益可以不悔其少作可以驗詩文之消長可以  
徵友德之異同可以立舍其前我我雖昔人非昔人也  
彼辛壬癸甲之文去我久矣嚮者猶戀戀爲篋中之藁

一旦推而遠之暴其歲月投置天壤毀譽存亡而我不  
與焉豈不快哉

豐前集 自序

豐草庵前集總目

乍醒編 庚辰 辛巳

七國編 壬午 癸未

茗文編 癸未 甲申 乙酉

七耀編 丙戌 丁亥 庚寅

樂府編 辛卯

文苑編 辛卯 壬辰 乙未 丙申

豐前集總目

豐草庵前集卷一目錄

乍醒編

趙長文先生乍醒草序 間書序 王按臺兩

澗觀風錄序代 李氏史論序 玄覽齋會業

序 壽朱公七十序 濔書序 壽顧公六十

序代 代同社祭西銘先生文 謁于忠肅廟

為西銘先生祈嗣疏代同 祭張夫子文 報

侯幾道書

豐前集乍醒編目



豐草菴前集卷一

乍醒編

吳興董 說若雨著

趙長文先生乍醒草序

庚辰

烈士暮年壯心不已悲夫往日無窮豈可長念始余爲童子從先生學鄒魯書先生蒼然容光古衣服隨風翩翻而動者南山冠也余雖童心識先生非常人先生以詩交先子三十年及余師先生先子每夜起坐令童子覆誦日所讀書覆誦日所讀書不一行二行先子輒掩卷呼童子休矣毋勞苦且卽爲先生語相樂也而余童子時性又不諸童子等絕不好晚起星粲粲且櫛且沐於是先子大憂兒若此德矣屬先生令晚起久之勿改

豐前集一 乍醒編

嘉業堂校刊

屬先生苦余令晚起顧先生勿忍苦余也則書以戒自是後童子不日出不得出悲夫靜嘯齋東壁上一十字點畫不改先子墓木已拱不肖余二舉子而先生老矣先生既不得志益縱心詩古文辭余居潯之南先生之廬潯之西日相過從數往時事皆泣下然先生春秋高意氣如壯自謂我十年後猶能策蹇驢走萬里外未衰也其爲詩歌莽莽然奇澹頃刻千言不竭詩者多矣莫能出先生上昔子瞻語劉景文生平少快意事惟作文章意之所到筆力曲折無不如意自謂人閒樂無踰此今先生雖老布衣雖貧雖歲晏且病雖故人晨星稀

有詩如此可以樂矣先生曰是病言蓋有贖草數百首

而先子所見也

閻書序

吾黨好爲古文辭且應制也則不得已爲應制之文於是旣方嚴于玉仍陳子相與彙之成編號爲閻書閻書者所以誌近也旣方之言曰文章盛衰大勢蓋不在多少之數與遠近之間矣一人二人而得也而盛數人而失也而衰百人千人萬人而失也而益衰一郡一方而得也而盛數十郡而失也而衰累而百郡而失也而益衰今天下之文衰矣植義者立奧不求人情植詞者苟同不端貞潔考理學者守濂洛之言供百歲尊奇僻者取僞書之語奉朝夕當世苟有獨斷之士必按繩法而

豐前集一 乍醒編

二

正之吾黨學則古學人則古人意氣無異本末離合各識大義自比屋而近以至於百里而遠莫不同事名節感聲相思是故其文無詭無細無浮不實無河閒數錢之譏其人無比無乖無險不測無松變爲枏之喻如此者亦旣免於衰風高據盛勢吾因爲之析文體論詞格取舍維正而不立異也不妄有譽也不褻也標樹高而不卑走獨而弗曹趣也詎非此之盛者日盛彼之衰者日衰乎嗚呼旣方之言行於海內外而士業文章一振矣已卯之役貴人車馬滿天下落落諸子有懿不錄無罪被放竟使明天子甲乙之科爲驅除吾黨之策以故諸君子莫不感憤盡棄其所爲應制之文獨爲古文辭

以自見嗟乎諸君子爲古文辭而應制之文可以不傳  
蓋諸君子應制之文爲之於得志不得志未可知之時  
不得志矣乃相率爲古文辭不爲應制之文又不傳其  
所爲應制之文是後之所以待應制之文之心爲薄而  
前之所以待應制之文之心爲倖也故應制之文不可  
以不傳也吳興爲浙山水之地古人今人代有華蹟先  
君子志吳興而補莛文意蓋在古文焉今旣方集今人  
之文鼓同社之氣又致書於余將以吾黨所爲古文辭  
集而問世是旣方且以其身爲今古重也憫余不逮欲  
續續先人之幽隱而二十年無成如一日悲夫

王按臺兩湖觀風錄序 督學許平遠  
先生命代

豐前集一 乍醒編

三

湖古吳越之地也初吳稱荆蠻弗能與中國通圭璧接  
盟好翦髮文身唯冠履是蔑其農夫野士亦不若唐魏  
邶邶之詠歌性情善發比賦而吳楚二國偏闕風詩知  
其少文焉越爲水國大勢與句吳近而越猶尊武任力  
男子夏種米冬鑄刀女子春治桑秋緝弩故曰被龍章  
者不悅以越目右武不右文也以余所見則不然漢唐  
以來世遠蹟敝多不具論自高皇帝混一六合澄清萬  
古浙中名士如宋潛谿以禮樂飾開基于節菴以忠孝  
奠社稷並皆崛起茅屋功業高建惟浙有材於茲絕盛  
嗣後陽明子以良知教天下通思奧深立本平澹四氏  
之書晦而復明濂洛之宗消而復長一時駕虛憑空浮

譎放浪之士無所昭著其邪說而四方賢人感聲興起  
者以千數上配先聖下啟后哲論者以爲有移易人心  
之功焉已卯適余有較浙士之役覽其俗無鄙無悍無  
飄飄起蕩心其人無椎魯無好奇服無外不內其文上  
者無涉無支無依憑次者無積無綴無黯無色無一言  
二言而盡其功名道學如彼其教化風流如此余是以  
歎今之吳越之深不似於古之吳越也直指王公於公  
事之暇觀士風於文而賞其良者而拔其尤良而集而  
行世計若干首屬余爲之序噫此余所以歎兩浙人材  
之盛者也雖然余嘗較士則知較士之難一曰士有奇  
正二曰士有虛實三曰士有趨背何謂奇正不爲少爲

豐前集一 乍醒編

四

其多不因己因乎人正也反是奇也天下同出於正一  
人子然而奇奇也天下同出於奇一人子然而正亦奇  
也故曰辨奇之難也何謂虛實士之發而爲文也者其  
動也動也虛也士之未發而爲文也者其靜也靜也實  
也動雖充若有餘若一往不可再發者動勝靜虛勝實  
也動雖儉若不足若內斂不願外馳者靜勝動實勝虛  
也故曰辨實之難也何謂趨背確然而不爲者背也確  
然而必爲者趨也無一言而不趨若有所甚苦而不樂  
者此以背爲趨者也無一言而不背若有所甚愛而不  
忍者此以趨爲背者也故曰辨趨之難也讀公所錄諸  
士之文莫不馳驟天情笙簧六籍無雜家鈎變之言有

大儒高明之度是公既以三難之辨辨士士亦皆以三難之辨自辨也噫諸士其有振潛矜節菴之風烈遡陽明之淵源者乎不然吾恐今之吳越之又不似於昔之吳越也諸士其勛之

李氏史論序

經史自古稱表裏太史史記本於尙書司馬通鑑本於左氏朱子綱目法春秋杜氏通典倣周禮唯易與詩未有循效而韓嬰之外傳邵雍之皇極分經合史事理炳察眉山蘇洵日經以道法勝史以事辭勝史不得經無以要其歸宿經不得史無以證其褒貶儒者一經白首不讀史日史不可讀不論史日史不可論抑悖矣李

豐前集一 乍醒編

五

子和梅治經治毛氏詩獨嗜史學標舉大略著論五卷義取於諷刺理歸于和平約而該似風怨而不煩似雅美而不溢似頌和梅以治經之學治史者也夫身布衣是非王侯公卿居賤議貴無所憚甚越當今天下排君子論史必重與君子昵小人論史必重不與小人甚犯春秋少壯沈落草野非有深練於經權成敗得失無端操五寸管論列千年古事甚驟越常不安犯世不詳驟言無功韓愈文章起八代及居史官子厚與書相推而愈懼弗敢任日不有人禍必有天刑和梅發憤疾書展情表性傑然無惜於三者之患此蓋古人所難迺和梅又爲余言今風雅廢闕解詁雜張詩無主事事無定時

將上逮玄鳥下訖宣平采其故事與年日月繫以章句號日詩史嗚呼是書幸成經史合矣

玄覽齋會業序

董生生田閒不知朝廷體妄觸忌諱擬陳政事六條其略日一惜人材臣伏讀高皇帝諭朕惜天下有遺賢不知天下有遺利文皇帝命禮部尙書呂震諭考試官楊士奇金幼孜日數科取士玉石雜進今取士勿過百人其務選擇散木累百不若良材一株大哉王言竊見今日執事知天下有遺利不知天下有遺賢知散木可收不知良材可用使祖宗寶訓不能實見行事草莽小臣獨有太息臣愚以爲今朝廷求賢不得賢士求官不得

豐前集一 乍醒編

六

官是非皇上不惜人材迺羣有司不惜人材與人材不自惜之過也臣謹按宋神宗熙寧二年議罷詩賦明經諸科以經義論策試進士蘇軾日自文章言之論策爲有用詩賦爲無用自政事言之則詩賦論策經義均爲無用然卒用王安石議罷明經及諸科進士罷詩賦各占一經兼以論語孟子每試四場初大經次兼經大義凡十道次論一首次策三道伏羲以來文章至此埽地滅絕然當是時猶取試義通經有文采乃爲中程今已不然諸生求進士以五經七緯爲仇讐諸子百家二十一史之文爲敵國尋其數卷枕祕之書不過一科貴人之業臣不知皇上亦安取是數百不讀書之人而進士

之也臣愚以爲可停科舉六年詔用秦火例焚盡天下士子家所藏比偶時尙之文仍諭天下士子非經緯子史通習貫穿者許改學農圃毋溷士類如此六年天下士風一變然臣又以爲不讀書之士子當屬不讀書之有司讀書之士子不當屬不讀書之有司臣不得不有後謀謹按宋司馬光曰試士之人當選明理事及經史成誦者朱熹曰士不通經果不足采有司不通經亦難采士高皇帝時宋濂求賢論曰以愚選智譬如以石式玉求玉如石多不可得求智如愚萬無一二臣愚以爲六年之後值鄉試歲乞皇上先刊試義文式頒行學宮不廢經義而體倣古疏尊論策而學貴原本詔天下監

豐前集一

乍醒編

七

察使者春三月先試諸有司當爲房考者取其博通經術文采古雅選擇進退唯謹仍乞皇上賜經史書有關實學者人各一冊令房考官自四月至八月不得復理吏事日讀書數卷或一二卷如此數月可以入試士矣春試之法亦如此例臣故曰教士子讀書所以惜各器教有司讀書所以借士子則人材可用天下可治此余六條第一也稿成爲辛巳辰月某日冒雷雨走示我家帷孺帷孺呼余叔然年兄弟也每相笑謔如輩帷孺讀未竟鼓掌呼某語大快某語矯過正然有勃勃壯氣因出一編示余爲立覽齋會業請書首端余受而讀之其一人幽立高澹之文也如金玉書不類人間一字其一

人深麗似風雅又似騷賦其一人逸貌莊思堅中秀外其一人文如周秦碑碣奇壯絕古其一人最不好因襲有人必無無人必有余願謂帷孺我欲焚盡天下此偶之文天下有比偶之文如此者而何可焚趣梓之趣梓之我亦緩我請矣立覽齋五人者陳子辛生顧子龍湫施子樹百及家帷孺又一余也余不能數日不見帷孺又辛生在往來立覽齋也

壽朱公七十序

辛巳

洞庭壽者朱怡庭少故儒者也一日讀貨殖傳慨然歎曰子貢結駟連騎名布揚天下越之浮江湖者不三致千金無以厚貧交兄弟君子行其德何必羞富哉迺治

豐前集一

乍醒編

八

家人產論貴賤善取與數年累至巨萬於是洞庭之人以怡庭雅慕朱公又精計然之策若朱公之居陶也其姓氏又同則謂之朱公朱公云朱公既以富名洞庭遂益重節義洞庭有重役役良苦朱公曰嗟乎此我用富之日也出橐中黃金爛爛置坐上曰我以與我子若孫則我子若孫利而我洞庭之人病我以免我洞庭之人則我洞庭之人利而我子若孫病雖然我終不以子若孫易我洞庭之人趣持黃金免役於是洞庭之人刻石紀朱公功皇帝某年月日朱公捐黃金如千爲民請命而山之人能文章者各歌詩一章頌朱公無終極當是時朱公壽矣傳曰以道壽者以萬歲紀以功業壽者以

千歲紀朱公功於洞庭雖千歲豈有量哉朱公今年年七十值歲荒洞庭有饑者復爲謀食甚周或問老人勞苦朱公曰咄我讀書我聞呂望七十而舉於州人我讀書曾氏子七十學成名立我且秉燭於是洞庭之人謂朱公之好義如廉將軍之好兵老而勿衰其子若孫又良能耕讀抑賢於居陶者一等矣涼秋九月山中橘黃松柏閒之望若圖書當朱公懸弧之辰爭持斗酒爲壽朱公方履碧綦之履冠青玉之冠左手杖古竹綠錢纍纍如貫珠右手舉客觴曰我今日知長生之樂也

壽書序

騶衍曰中國於天下乃八十一分居其一分耳中國名

豐前集 一作醒編

九

曰赤縣神州赤縣神州內自有九州禹之序九州是也不得爲州數中國外如赤縣神州者九乃所謂九州也夫九州之中有中國中國之中有嘗嘗之中有溥溥渺小哉鄉人董生年二十家甚貧不能裹千日糧徧足跡天下其性情憂愁又不能久鬱鬱因此土也於是謀所以重大溥者凡生於斯長於斯讀書於斯得四十四人而集其文謂之溥書或曰董生狂甚異時高皇帝版圖海內戶口六千餘萬其以文章名後世不過宋濂等三四人大大抵二千萬人一人也今以區區之溥一旦得四十四人積累之則縣可數百人又積累之則郡可數千人又積累之則中國可數十萬人伏羲以來未聞有數

十萬人文章之士者也此董生之過也或曰愚甚當今謀一方日禦盜日振饑董生既病且憊勿能提干戈備儒將軍之數又貧未嘗推飯飯人解衣衣人飲食二十年矣無尺寸之功於溥獨時時馳騁談說高下百家爲萬緩不一急之章句之事此董生之過也董生聞之曰狂董生者知董生者不知溥者也愚董生者不知董生者也古蓋有里社焉是役也不以古道重大溥而以文章此董生之過也

壽願公六十序 代

方公之巡漳南也粵寇無憚毒且滿三省銅鼓嶂萬險千阻寇唯是憑陵自以爲函谷虎牢公親提尺劍奔走

豐前集 一作醒編

十

海上之兵一捷於新渡再捷於丙邨三捷於巢穴賊兵悔罪稽首面縛獻旌旗轅門之下當是時萬里內外稱公儒將軍而公隱憂朝廷成功不驕旋復條疏事宜主於善後大略以險設而無兵與無險同故增兵兵增而無將與無兵同故簡將鄉兵雖不戰可以嚴亭障高聲威故聯絡鄉兵其所言皆金石之畫也余聞之劉生曰得道之人必壽古之名將相成功者亦壽得道之人壽者其性澹以泊名將相成功亦壽者其氣確以固確則一固則寧一則不擾寧則不失此一役也公可以壽初公之未巡漳南也實爲池州守其爲池州守非忽忽焉池州之守者也池有蕭相樓者在東南隅焉是大歷閒

刺史之所建也公去池池之士民日登是樓焉以望曰  
顧公顧公復來何蕭刺史之專千秋者乎今顧公果奉  
天子命旦夕且至池余爲池之民賀也語亦有之福萬  
民壽九州此一役也池可以壽池之壽公之壽也會有  
公之甥董生者乞余言壽公六十故具論公功名德政  
見公所以立不朽如此若夫蟠桃梅棗之說類於神僊  
者言不敢獻左右

祭西銘先生文 代同社

嗚呼百聖不作六經晦冥哲人挺生東南海隅斗之分  
野嶽嶽秦衡先生之道彌綸天地幽贊神明先生之文  
下振漢唐上凌姬嬴孔聖獲麟制作春秋惡辱善榮先

豐前集一 乍醒編

十一

生筆削白黑懸著褒貶大成經以律史二十一朝威稟  
法程史以佐經墳典正索祕奧表旌維彼姦諛人骨俱  
朽受戮墨兵維彼君子華袞一字天地廓清日星同見  
鼓鐘同聞震聾啟盲四海紳佩北面聖門洙泗齊聲先  
生秉道扶起正性忠孝畢張三綱砥平不利讒佞巧言  
如簧先生曰吁精白一心致身天王何必豺虎何必有  
北雲霧無嘗六合之內桓離不廟宣尼在堂孟軻賢者  
鳳立鄒魯不數臧倉崇高長世寬容廣包備德無疆譬  
若巨瀆百川之歸莫可度量律中夾鐘赤風雨沙朱日  
潛藏發書占之哲人將病國撓棟梁嗚呼先生五月夢  
楹天心孔章千秋萬古歿者無限我悲賢良哀哉尙寶

謁于忠肅廟爲西銘先生祈嗣疏 代同社

伏以萬國車書同倫者忠孝千秋海嶽不朽者文章綱  
常墜而赤縣陸沈墳典絕而蒼靈長夜惟公鼓鐘名教  
大義在三經緯本朝小心不二視生歿於春露等毀譽  
於秋塵晉帝茫茫孰惜鳩杯之哭嬴庭渺渺難憑鶴立  
之謳正笏行權拔刀洗恥鍊紫色之石而玉京補闕黑  
水之龍而冀州奠皇天后土鑒臨社稷之臣北斗泰山  
瞻仰孤危之節鸞戎復而雲霧障白羽靜而青蠅飛功  
往罪來國存身滅洵乎女媧之功重建義皇已來一人  
者也某等頌宗祏之無疆震陰祇之有赫伐瀟湘之竹  
勳業何涯展風雨之幃英靈如遶竊見西銘張子寰中

豐前集一 乍醒編

十二

冰鑑當代範模鳥策縱橫甲乙丙丁四部麟書褒貶君  
臣父子三綱九千仞華壁之巔聲名並峻五萬里雕城  
之外教化齊遙披丹悃則采奪朱霞懷白誠則光凝素  
月講堂擊鼓邈董春之威儀寒谷吹灰鄙孔公之嚴削  
擬哲之人濟濟示隅之術循循儒風盛而百聖之道盡  
東師表尊而四海之面皆北旣而姦邪羅織爭馳宋樹  
之謀聖主神明勿下秦阮之詔鳳有德而長嘯青雲狐  
善妖而驟迷紅鏡異日中原色改公之禦異域如小人  
數年君子運窮張子待小人如異域前哲後哲若合璽  
符相臣史臣共司斧鉞柰何西河一子失明之淚難乾  
北海三千無服之喪空議華陽市罷不見箕裘碣石宮

墟誰悲風樹虞夏商周在壁竹簡沈沈天官封禪藏山  
柱星澹澹桂種已慚於寶氏銀車翻羨於韓家無後張  
堪撫朱暉而靡託平生劉惔呼玄度而徒摧某等連壁  
舊游絕弦新泣山河邈而歎永琬玳缺而號長寶劍青  
松欲挂徐君之墓素車白馬未修元伯之墳費水空悲  
尼山代禱還逢丁卯之辰房中碎瓦願定嘗春之字門  
左懸弧天道寧論人心若此寧使楚薪荷負衣冠招孫  
叔之魂毋爲海果艱難溝壑報子文之善謹疏

祭張夫子文

維崇禎十四年八月辛酉門人董說謹致祭於西銘張  
夫子之靈曰嗚呼夫子何往哉歲庚辰之冬也吳羽三

豐前集一 乍醒編

三

來以夫子命命說長侍左右說東嚮載拜受命曰說萬  
警聾之人夫子教之庶幾耳目聞見死且不朽當是時  
勉圖如夫子命長侍夫子也既而不能如夫子命長侍  
夫子也蓋說甚貧矣家在潯谿去夫子二百里而遙歲  
饑也給薪米不暇無以供數往來輒不果說生八年稱  
孤兒說之母慈母也朝夕飲食相爲命使說東西南北  
說之母慘慘無所顧盼輒益不果嗟乎此說之罪也夫  
此說之罪也夫今日以往雖欲長侍夫子豈可得哉柰  
何兩不果抱終身之恨也說今年正月見夫子蓋再見  
夫子也說自束髮爲文不爲干祿之文性情類狂者勿  
能逃避毀謗夫子國士我於鬚眉不相識之日愛說念

說稱名說說一旦而此人數是夫子於說厚矣始見夫  
子庚辰之崑山再見夫子辛巳之婁水哲人其萎報德  
無路此說所以泣涕痛恨而不可止也說今年正月見  
夫子時說病新起死伍也夫子曰噫甚憊爲惕然懼久  
之而說之視夫子方強飯能達且不寐皆上壽之相私  
獨慶嗟乎嗟乎以夫子懼說之垂歿而有意外之生以  
說慶夫子之長生而有意外之歿說無大損益輕重於  
天下而有意外之生夫子身繫朝廷之安危人心世道  
之邪正而不幸有意外之歿此說所以泣涕痛恨而不  
可止也聞夫子訃之前五日也吳羽三歸自膠城出夫  
子手書三十餘字意懇懇大抵使說之之婁也必以八  
月今說之之婁固八月也升夫子之堂入夫子之室不  
見夫子此說所以涕泣痛恨而不可止也嗚呼哀哉尙  
饗

豐前集一 乍醒編

四

報侯幾道書

當今載書刑牲布滿海內同馳綠驥爭擅雕龍僕不量  
瞽陋欲倣班固人物表立爲條格編集百家其上上一  
等獨當盟兄如僕者欲爲古人則材勿許欲爲今人則  
志勿願桓譚有言中人而已迺盟兄手教飛墜贈言網  
繆奉讀循環媿心罔已盟兄所以警僕者過情矣僕之  
文辭自辨極察譬如兔絲燕麥乍可依稀非能升賈誼  
之堂入相如之室也僕少讀東漢書謂大丈夫生不爲

定遠侯投筆建功萬里亦當如仲長統釣魚弋鳥安保  
性命既而力惟鬪蟻自分無將軍之理才非吐鳳不能  
守太立之門與世浮沈改我初筮奈何郭外甯生徒傷  
牛角洛陽季子已敝貂裘未免有情之身便作無端之  
哭醉鄉日月遜劉伯倫之忘機枕調華胥闕寇朝一之  
混沌寶刀鳴而蒼天愁荆玉歌而災豎起又素不喜范  
子計然書至於乞絲無術抱劍日彈筆前綺繡寒不可  
裂祇爲衣架上稻梁飢不可煮字作食嗟乎嗟乎古人  
有錢癖馬癖左傳癖僕獨有貧癖古人嗜芟嗜爪甲嗜  
瘡痂僕獨嗜病僕不知盟兄亦何取此貧病不合宜之  
人而拂拭之也盟兄高情燭炤朱日齊暉振筆天文寶

豐前集一

乍醒編

五

山減色并包平蓬崖芸觀之藏淵源乎魯宮汲冢之祕  
扶七經之已墜集四科之大成伯喈騁步於銘碑孔璋  
鷹揚於表奏子建騰聲於詞賦公幹擗藻於歌詩雖霞  
飛而星爛或尺短而寸長方之盟兄前人永媿矧又讀  
二陸之文並憂卷盡聞八荀之美早已羣空一龍三友  
詎管寧之姓氏相乖連璧同與非潘岳之弟昆假借僕  
聞赤縣神州至眇小爾每三十歲爲一世世必生十人  
其餘戶口百萬草木而已矣盟兄一家十人半有定屬  
不知外數人又安歸乎僕雖不穀願作霜雁附於秋風  
黃河如帶泰山若礪盟好不渝此才二字者于鱗元美  
之所以誓也僕與盟兄勉之君家華萼虛想阜積苦乏

停雲之句寄子室遠之思統祈盟兄叱致

豐草菴前集卷一

豐前集一

乍醒編

六



豐草菴前集卷二目錄

七國編

七國攷序 黃觀只稿序 閔未孩稿序 吳羽三稿序 介盟序 卓子小試十藝序 計甫草詩序 吳海序制義敘 昭陽夢史序 夢鄉志 徵夢篇 夢社約 書桃花源記後

豐前集

七國編目

豐草菴前集卷二

七國編

七國考序 壬午

吳興董 說若雨著

皇帝十有五年冬十月癸亥吳興董說著七國考成凡十四卷自為序序曰周不祭天自藩臣始也周威烈王二十三年初命晉大夫魏斯趙籍韓虔為諸侯司馬光特書冠冕通鑑陪臣改命自帝其國威宣鼻祖實為齊桓工正使西垂大夫奉其藩守則咸陽終古不都楚為供包茅之臣亦丹陽子耳諸侯虎戰駕其天王罪當釁社朝廷柔德大司馬不行夏令九州七裂各置官司作職官第一周亡不如夏有桀殷有紂赧之為赧困窮而

豐前集

七國編

一嘉業堂校刊

已矣試使秦獻一年之賦齊分百鍾之鹽楚貢丹銀燕歸棗栗則周天子不憂貧作食貨第二周禮夏官以九畿之籍頒邦國之政職方千里曰國畿其外方五百里曰侯畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方五百里曰蕃畿太宰乃施典於邦國而建其牧立其監設其參傳其伍陳其殷置其輔方伯連帥之職是也五霸七王相嗣續星野不還舊觀秦號天府危關如函楚山尋雲漢水為帶作都邑第三周赧王方棲逃債之臺秦昭縱觀於六英楚襄慷慨於高唐孝成高

拱於信都安釐驕心於梁園燕之太子置酒於華陽之館齊之假帝朝會於梧桐之宮作宮室第四周命楚圭曰楚子楚曰楚王亦曰荆王趙稱邯鄲魏爲梁作國名第五周諸侯之禮亡我何所權衡哉秦惠更元魏惠先驅魏襄追王趙烈同符秦設九賓於廷楚畫先王之廟作羣禮第六周興鐘鼓管絃大備若夫西國鈞天之樂瀟湘洞庭之奏宣王金遲之響趙襄兵羽之舞文侯槌鑿之聲昭王祭塵之麗禮無聞焉作音樂第七周壞禮樂列國考工無度怪哉楚之金諸侯也筵陳智伯之頭冠插胡貂之尾則邯鄲變易特盛作器服第八周禮不淫於神作雜祀第九周無裸葬無以書葬作喪制第十

豐前集二 七國編

周不九伐秦作三軍楚崇戰車作兵制第十一周無寒歲謂刑戮廢也秦無煥年刀鋸繁也嘗讀秦書至十族之法及魏李悝法經不寒而栗矣作刑法第十二周無王九鼎震禮馮相氏掌十有二歲十有二月十有二辰十日二十有八星之位辨其敘事以會天位保章氏掌天星以志星辰日月之變動以觀天下之遷辨其吉凶以星土驗九土之地所封域皆有分星以觀妖祥以十有二歲之相觀天下之妖祥以五雲之物辨吉凶水旱降豐荒之祲象以十有二風察天地之和命乖別之妖祥眠視掌十輝之法以觀妖祥辨吉凶櫟陽雨金秦獲祥符周之妖也干乘墜血滑王嫪女爲丈夫張儀奔

作災異第十三周不南面秦未立石七首一身無有寧止作瑣微第十四終焉綱目祇承通鑑起威烈王二十三年至赧王五十九年尊周爲經緯以七國余作十四考傷列國不尋法圓變易宮府輿服正朔名號七王各有制度及秦并兼天下諸侯版籍盡入圖書之府項羽縱燒咸陽宮典故遂亡張華博物僅標形勢杜氏通典闕疑戰國數年索隱祇欲發明僞禮表章僭端周王寄食無政可書欲八國則不忍欲帝未亡之國則誣故與綱目異例先賢愛惜空名余亦庶幾實錄所以不考地理小國戶口藝文夷狄異端者嗚呼地理倏忽東西如雲如霞吾嘗披史記陳地圖而稽之若者屬秦若者屬

豐前集二 七國編

楚若者屬齊若者屬燕趙若者屬魏韓數行之後邯鄲遣一將軍寇東嶽之閒取數十城而去矣虎賁十萬出臨晉關魏王頓首獻鴻溝膏腴矣大淵獻之歲秦之士赤奮若之日楚之邑此疆彼界周髀莫算宋小國也亦自位北辰康王霸圖爲無顏之冠仰射血囊號曰伐天鞭笞宗廟社稷立政無道鄒穆公懸鳧雁之令食糝而不粟滕侯之修飾陵廟衛君之金贖晉靡皆附庸之奇典經營七國未暇枝流及吾讀古戶口書尙忍言哉尙忍言哉昔者周公相成王四海太平民口千三百七十萬四千九百二十三人侈於虞夏及西方不守莊王十三年五千里外非天子之御自太子公侯以下至於庶

人凡千一百八十四萬一千九百二十三人昊天降災  
戰國結兵君薨道路而無廟民死戰場而不祭考蘇秦  
張儀之書秦及山東六國執戈之民可五百餘萬推當  
日天下戶口不能千萬爲鳥獸草木之世藝文無傳中  
壘所錄國策數卷而已四夷運衰戰國周穆王時徐夷  
張號楚鳴鐘鼓討之至楚靈會申同奉盟盤其後東夷  
越遷琅玕僅蠶食彈丸之國楚武王時蠻與羅子共敗  
楚師將軍屈瑕雉經荒谷是爲南蠻荆蠻也及吳起用  
楚人遂吞蠻越版圖洞庭蒼梧之地西戎驕於驪山牧  
馬中國渭首有狄獠邦冀之戎涇北有義渠之戎洛川  
有大荔之戎渭南有驪戎伊洛有揚拒泉皋之戎潁洛

豐前集二 七國編

四

以西有蠻氏之戎後晉滅驪戎周襄王時秦晉自瓜州  
遷陸渾之戎於伊川允姓之戎遷於渭汭東至輶轅在  
河南山北者曰陰戎渾戎叛晉晉討滅之楚執蠻氏而  
投諸司敗周貞王八年秦厲公兵滅大荔趙攻北戎兵  
吏誅滅其王其後韓魏侵伊洛陰戎滅之嶽瀆之間無  
寇庭唯餘義渠苗裔屢震秦邊及秦昭一血刃置隴西  
北地上郡矣獯狁無王晉文公驅之西河圖洛稱爲赤  
翟白翟而晉北戎有林胡樓煩燕北戎有東胡山戎尊  
號谿谷魏絳運籌晉爲戎長安王之時趙襄子走馬雁  
門而破之及趙武靈王憲章厥祖長城天險絕胡馬馳  
道東夷朝鮮者箕子故國至戰國朝鮮準亦僭稱王全

燕時臣之爲置吏築障塞南蠻巴氏者秦惠王并巴中  
巴氏爲蠻夷封君其人歲出賦二千一十六錢三歲一  
出義賦千八百錢其人戶出帳布八丈二尺雞羽三千  
緡而閭中夷者秦昭襄王時夷廖仲等白竹弩射滅虎  
族秦刻石盟復夷人頃田不租十妻不算傷人者論殺  
人願死俵錢盟曰秦犯夷輸黃龍一雙夷犯秦輸清酒  
一鍾蜀王者當秦惠王時蜀有獻於秦蜀物爲土秦以  
爲得土瑞乃作石牛開伐蜀道周赧王元年秦惠王封  
子通爲蜀侯滇王者楚莊將軍頃襄王時將軍莊躡兵  
略巴黔以西會道塞留王滇中西羌無弋者秦厲公時  
羌無弋爰劍爲秦拘執奴隸之亡歸長諸羌其曾孫忍

豐前集二 七國編

五

當秦獻公初立忍季父印畏秦將其眾種人附落而南  
出折支河曲西數千里與諸羌絕遠不復交通北狄匈  
奴者與燕趙秦三國爲鄰趙孝成王時太守李牧殺匈  
奴十萬騎單于奔走然是時將相諸侯王彗除中國典  
刑冠帶鳥獸是懼夷狄非所憂也仲尼既沒異端興如  
波濤墨翟楊朱並峙楊朱華袞袞紂聞者震驚獨墨氏  
髣髴禹湯文武驛其邪說遂徧天下楊如月墨如日月  
有盈虧日常周滿於是秦神趙鬼楚農魏鑿邯鄲正月  
放生東魯雉門不帛又有隨巢胡非尸佼之徒永墨之  
傳惑亂正學妖於虹蜺他日搜討楊墨別爲一書廓清  
萬古之道統放殛二氏之雲裔不敢附七國焉當是時

浮屠之書未亂華夏化人雖來法律韜藏繇余佛神之說典籍無證時則有仙而無佛故威宣燕昭獨驅馳其心於神仙入海求蓬萊方丈瀛洲黃金宮闕望如雲中或築臺學道或遠使問藥專心洪崖未有佛也假使周鼎未遷震旦已化四教必崇於侯王慧燈炤曜於戰國青州有膜拜之君雁門有蔬食之帝隆佛創寺爲七梁武則伽藍一卷余又將濡筆而考矣

黃觀只稿序

請與天下論遊觀夫帝王之都衣冠壯麗渤海之闕黃金爲宮五嶽高尊布歛雲雨海爲水王沐日浴月此數者天下之鉅觀也故奇不必一族觀不必一方揚雄曰

豐前集二 七國編

六

說天者莫辨乎易說事者莫辨乎書說體者莫辨乎禮說志者莫辨乎詩說禮者莫辨乎春秋劉安曰五行異氣而皆和六藝異用而皆通文章之源出於六經六經殊塗則文章何同焉樵李黃子南國之冠冕修辭端王文采必霸立言成象立字成交仰天俯地靡深不鉤易之文也纂唐虞之實錄垂歷代之寶訓宗王祖帝明軌白範尙書之文也聲攷正變義攷厚薄志攷幽明辭攷諷諭連類含章爲詠歌之書詩之文也通達同異經緯朝野討戰國未亡之制作撰曲臺已上之威儀禮樂之文也斧鉞之嚴陸截虎豹水斷蛟龍賞罰一字萬古如璽春秋之文也大凡著述各象一經篇自爲體不相宗

師夫六經天地也黃子之文日月也日月不懸天地晦冥余賀天下哉

閔未孩稿序

竊怪膠西爲士不遇賦而曰彼實繁之有徒兮指其白而爲黑斯言過矣夫指白爲黑反而觀之則白黑判然吾等所歎者欲廢科目科目不可廢欲罪文章文章不可罪自漢元光五年徵天下有明當世之務習先聖之術者令與計偕今世試士經義所謂先聖之術策士時宜所謂當世之務壹循漢制而有司束縛繩墨甲短乙長論者以爲豪傑滿野實繇制科驅除然未孩一代卓異之材舉鄉進士旦夕對大廷條奏水旱陳畫廟謨山海寧而星辰靜可立而望故曰欲廢科目科目不可廢天下以制義爲文章易者憲章歐蘇祖述章句艱者策鼎彝之奇字竊洞冥之怪篇無不旌旗在門鐘鼓在堂是故志士投筆思蹈北海然以未孩之文性情主之六經輔之金質玉章規矩三代律以時尚世好法當貧賤而未孩以貴故曰欲罪文章文章不可罪白黑相淆而後士之不遇可悲也憶辛巳之秋余與旣方歸自婁江夜半坐舟中欲續天問旣方以爲狂勸而止之今日序未孩之文慨焉興懷致書旣方天問可續無相勸也

豐前集二 七國編

七

吳羽三稿序

羽三寓書於余曰始我與子事張西銘先生也先生之

愛我也如愛子春秋犯婁江之濤必與子偕而我歲讀  
書成上成上北三十里為潯谿雞鳴而發日中而至於  
是兩人數握手講文習行矣知我者莫若子將梓我文  
幸子序之余得書報曰僕聞學不若不相譽美不若不  
相稱僕有三不若羽三者今日之事不與焉羽三學采  
衣舞事尊大人至懽愉又羽翼成也而僕無父無兄無  
弟甚孤羽三才敏左手摘紙尾振筆捷書紙盡筆枯萬  
言霞列而僕意摹象擬字險句阻甚鈍羽三既以文章  
敵司馬復遊覽名山川奇氣踴躍而僕病又貧不能裹  
糧也一拳石支戶扉累月不出甚鄙僕何能稱羽三焉  
雖然誠知子羽三蓋古道立身而英雄之才也聲壓大

豐前集二 七國編

八

江以南貌益樸遇人益謹未嘗妄短長人然區別清濁  
畫一流品吾黨之柱石能急人之難難排紛解成功不  
居此羽三之爲人也華袞六經斧鉞百家放佛屏老朋  
程黨朱刻而不雕高而不危壯而不激正經奇緯古源  
今流譬將兵者戰勝之道非旌旗此羽三之爲文也居  
數日羽三復寓書曰子過矣子之譽人癖矣然知我者  
鮑子也遂書以爲序

介盟序

冬十月草木枯槁意氣淒靜南至樵李逃憂愁也豈論  
文章哉辛丑抵舅氏家客間余至來相笑語甚樂壬寅  
雞鳴渡南河遇風水立一尺舟不得進暮復抵舅氏家

遂晤燕銘夜黑如漆蓋不辨燕銘顏色也癸卯且風且  
雨燕銘至古貌道氣意勃勃欲論書契以來問周秦漢  
余曰戰國不古矣秦文霸漢文王問晉唐曰大文不飾  
問宋曰其濂洛乎蘇氏之文甲天下我勿敢耳食焉夫  
燕銘江南華裔不以鐘鼓裘馬而放其情於文章余竊  
私心異之甲辰至梅里乙巳復抵舅氏家而燕銘在也  
持其所選介盟乞余一言以爲序是役也論文章非我  
志也然觀介盟之文不爲雕繪不爲鬼神雕繪無實鬼  
神無端一切不犯筆墨置心太初欲還舊觀而燕銘言  
介盟之人讀書講道義寧古毋今寧異毋同故號曰介  
文端行立是亦余之樂見聞也

豐前集二 七國編

九

卓子小試十藝序

假使司馬遷主朝廷科目之柄相如視文采揚雄訂奇  
字賈誼董仲舒攷古今於前劉向匡衡討同異於後班  
固辨疏密之體於左蔡邕審清濁之理於右當是時使  
我貧賤自訟而已矣傷哉庸人被華袞奇士服斧鉞讀  
書無媿毀言如霆我友卓子天下才也嘗與余論遇合  
之故慨然曰千載上有知我者如古人已死何千載下  
有知我者如後人未生何又嘗語余曰使天下未有八  
卦當今之時有伏羲氏者出而畫奇偶定乾坤則人信  
之乎使天下未有六書當今之時有倉頡氏者出而象  
形會意轉注諧聲則人信之乎古人善創非善創也夫

人而好爲創也今人不善創非不善創也夫人而不好爲創也卓子之言蓋傷是非之不明也小試之刻志感也

計甫草詩序 癸未

既不得志於有司文士不可爲客有言神僊者輒欲學神僊叩其術必絕思慮禁悲憤所以思長生者欲用其才智不思不慮雖壽千歲土梗爾又天賦憤性見聞不合毛髮如戟神僊不可學也已而欲學兵負薪無力一旦棄儒衣冠左挾雕弓右佩寶刀國家練兵數十年豈需此羸將軍哉搖搖懸旌終日憂歎嚴子旣方寓書於余與甫草詩俱來甫草文章霸一代是能讀三墳五典

豐前集二 七國編

十一

八索九止與之言益人意氣豪傑士也不得其平憤發不可止拔劍擊地散髮問天當此之時怨而詩挾小四海卑視萬古或鼓或罷或泣或歌當此之時狂而詩榮乖衛逆多臥少起以藥爲漿日永夜長當此之時病而詩讀甫草詩余更欲學詩也

吳海序制義敘

論文則余病未能也請爲病說夫病驕氣雷作精神不宮人身鬼言病名爲狂經關絡封滿不可疏爲壅病羸則拘形束象膏去澤涸氣不續嗣蕭條爲符病浮則外騰中凋車驟馬馳神死魄生蕩蕩乎邪風周流血氣土崩股肱瓦解是病名爲癘也其中於人壽命不得長中

於文章經緯不揚所以知羣病之表者視其色宜赫然高明肅然以清視其色被玉緣石青黃雜糅立而望之使人目枯而志憊曰病徵其聲大言宜鐘小言宜琴徵其聲紛紛綸綸靜而察之寂寞無音曰病循其脈宜如海源瀆流循其脈首不宰尾無幹有枝且數且疏且短且長曰病是故聖人神明平康非獨自彊旌立旗奧以藥萬方吳子海序爲文章驅除天下之病廓如也布海序之文於天下而攻其病則軒轅乘艾岐伯操鍼也當此時余在病臥而讀海序之文使余情氣震驚焚惑竄違神靈不搖莫若五嶽聽宮商之疾徐覽經綸之周旋於是耳目大娛翹翹心思榮衛有官樂不可圖夫以余腹心憂愁之病海序治之以文章則應聲而除況病之中於文章者哉雖然令我緩須臾死尙能隨東流問海序之居相論文震澤波濤之上非病言而已矣

豐前集二 七國編

十二

昭陽夢史序

登崑崙山觀神仙之宮餐以百草之花扇以白鸞之尾雞鳴日出而後知其夢也故曰朝淪海濱暮陟玄都穀食形骸而眞靈爲徒大哉雲乎雲觸石而起奔走青天之下疑龍疑虎疑騰馬疑鴻鵠及燕雀疑鳥一羽疑車疑舟疑華蓋疑旌旗疑丈夫衣冠帶劍疑城疑闕疑層臺疑丹崖疑匹練疑寶篆靈書疑奇鬼妖螭疑樹疑石疑芙蓉芬葩疑編珠疑羣羊疑豕而人頭疑流水波疑

戰鬪疑神官肅然西馳疑龍鱗寶刀疑青疑赤疑白疑黃疑繡文錦章雲歸山川威儀潛藏皓皓太素不繪不雕賦之者曰或如鐘首之鬱律乍似寒門之寥廓金柯分玉葉散綠翹明巖英煥鸞翔鳳翥鴻驚鶴奮鯨鯢湖波蛟鱗衝遁故浮雲變化而天文常新夢寐飛揚而神靈不滅故雲如狂夢如醉古人嗜醉至頌酒德後之君子鑒余惜夢之心焉

夢鄉志

自中國愁苦達士皆歸夢鄉夢鄉之人無形骸不鼓羽而飛類仙也遵夢鄉西渡苦海登靈臺望天竺國號旃檀捷徑然迷者誤尋枝道周旋數百步入泉曲之府是

豐前集二 七國編

十二

名鬼國不復見日月星斗矣陶唐氏騎青龍登山舜擊雷鼓當是時夢鄉尊並五嶽天子時巡狩歷代多有幻蹟文在詩書夢鄉之名挈裘領而爲鄉者七如中國九州一曰立怪鄉此鄉鳥冠獸帶草飛樹走有人角而魚身二曰山水鄉是有崇山大川三曰冥鄉是鄉也岱遊之魂皆在焉四曰識鄉其中有情城思郭凝想所造五曰如意鄉高臺曲房金玉寶珠五綵翡翠奇禽異獸美人鐘鼓冕服未焚詩書希玩祕遘人人各如其意六曰藏往鄉舊事屬焉七曰未來鄉是可以知來使人不卦遠遊子既遊夢鄉三年爲太史管其國政以八佐清七鄉之境一曰藥鑪二曰茶鼎三曰樓居四曰道書五曰

石枕六曰香篆七曰幽花八曰寒雨以四科頒七鄉之書一曰司夢吏一童子職之二曰藏夢蘭臺其臺也高一尺而矩三曰夢鑑甲子必述以授司吏四曰夢社結朋同遊以三禁糾七鄉之典一曰不擇客而語褻夢之禁二曰不强記慢夢之禁三曰罔言誣夢之禁以六官紀七鄉之事一曰夢冢宰會七鄉之政考其吉凶美惡與其多少歲終考成二曰夢司徒掌七鄉山川道理遠近疆界三曰夢宗伯評七鄉之順逆辨其雅俗掌祠趾離四曰夢司馬遣紫戶將軍把鉞搖鈴而逐惡夢五曰夢司寇掌夢禁及鄙夢之罰六曰夢司空掌七鄉之役裁幻部之靈簡供枕中之刀筆則夢鄉大治

豐前集二 七國編

十三

野史氏曰眉山蘇子瞻作睡鄉記其曰土地平夷廣大無東西南北是也復云不生七情不交萬事蕩然不見天地日月其睡鈍矣余少遊睡鄉厭而爲夢鄉之遊故二鄉之閒明辨睡鄉前蔽實夢鄉之屏障有混沌海不寒不暑濟此海屈申臂頃抵迷家路遂行夢鄉道上睡前而夢後今子瞻憲章漆園吏誤引夢客此述古之濫蝴蝶栩栩豈睡鄉實錄哉

徵夢篇

悲哉赤縣神州放浪不推騶衍陋矣醉鄉日月和平誰數東皋席地帷天開闢大荒之世界衾車枕馬逍遙頃刻之樓臺名曰臥遊茲爲立覽夏禹氏斧鑿乾坤夢海

蒼茫何處漢武帝泥封嶽鎮夜城縹緲難求越國愁臣  
 茗谿夢史采藥十年莫奏餐松之績嘯飢終日空談辟  
 穀之方有楊子雲寂寞之亭乏蕭穎士愛才之僕福祿  
 無緣悟得衣冠皆獄吏文章多厄不貪鄉國大羈囚歸  
 去來人間不可以久居老母在此身未敢以許鬼聊作  
 冥通都監自稱幻影宗師分一半華山已成嬾隱慕四  
 明狂客便學飛仙笑焚卻夢之符長挂睡魔之印破瑤  
 蟾之月避暑瓊樓騎白鶴之雲看花紫府伏願巫峽高  
 禪邯鄲覺士共登夢社金蘭之簿咸聽顛民約法之章  
 尋過去商周漢魏安在人寰任未來壽夭憂懼不須天  
 問續王延壽非恆之賦詠謝靈運惜往之詩念糞土之

豐前集二

七國編

古

驚魂宜除錢癖悵金枝之比翼無溺情河審雨堂高誰  
 分蟻國忘家路曲但草鸞文神朝帝闕道書言觀到蓮  
 池西土法周官聘獻職司宗伯之科我輩流連相贈野  
 人之夢數行□□秉燭紀游字成蝴蝶之書寫用霞光  
 之練封以蛟龍之笈浮於震澤之洲幽琴彈混沌之調  
 遙寄知音立圖種迷徑之花留傳後世鼓鐘麟海使東  
 方曼倩立樹降旗髣髴神官料貞白先生趣燒石研北  
 窗之高枕重箋南嶽之黑基新譜素書頻剖貯以冰壺  
 夢歷初成鏤諸玉版碧天黃土之外草創靈宮蘭臺石  
 室之中孤標幻嶺桃源杳杳圖史千秋海市飄飄丹青  
 萬古增二酉之雲篆配六戊之倦經敢曰夢之董狐庶

幾俗之扁鵲

夢社約

周禮太卜掌三夢之法一曰致夢二曰旣夢三曰咸陟  
 與著龜同府而占夢掌觀天地日月星辰六部其夢而  
 占之爲正靈思寤喜懼季冬幣聘王夢獻吉夢於王王  
 拜受乃舍萌於四方以贈惡夢夢無形體幻如海旁樓  
 臺聘尊獻卑旦日朱明朋妖於國此與漢武帝嵩高萬  
 歲之聲東萊大人之跡神怪同符今禮藏太史職在春  
 官甚矣周人之崇夢也太玄博士逍遙絳闕左挈洪崖  
 右提浮丘道甚高其言曰夢酒食者旦而哭泣夢哭泣  
 者旦而田獵方其夢也不知其夢夢之中又占其夢覺

豐前集二

七國編

古

而後知其夢也且有覺而後知此其大夢是仙人之  
 夢書也後漢明帝夜夢金神飛行殿廷以問於朝傅毅  
 曰臣聞西方聖人其名曰佛帝遣郎中使天竺得佛經  
 四十二章白馬負經還漢藏於蘭臺佛道遂東佛威神  
 廣大徙海嶽如臂屈申及欲教化震旦必假夢漢帝故  
 知佛亦貴夢仲尼不以鬼道教天下其夢奠兩楹之間  
 山頽木壞歌聲感愴世傳孔子夢符而異日吁嗟吾衰  
 赫然在魯論故仲尼亦貴夢也董子曰大哉夢乎假使  
 古來無夢天地之內甚平凡而不奇豈不悲哉夢之道  
 似易夢者富貴大逸樂太平之人所不願貧賤憂愁亂  
 世之人所祭祀而求者也富貴之人貧賤夢則喪其富



貴大逸樂之人憂愁夢則喪其逸樂太平之人亂世夢則喪其太平貧賤宜夢憂愁宜夢亂世宜夢有從我遊者我能使得意去今與夢友約夢法四章騎日月而與天語萬雲下流蛟龍如魚身位仙靈或掌星斗梵王當前蓮華寶池爲出世夢夢部第一次曰遠遊懸車束馬一刻萬里五嶽周觀亦冥通之選或古想堅凝忽然神到漢唐或在商周余嘗夢爲晉征南將軍又見燕昭王坐鹿臺上儀衛精嚴是也或物換魂留時移象在髣髴過去之事夢若此者皆爲藏往亦有將會白衣霜傳縞素法當震恐雷告驚奇登靈臺而望後日懸寶鏡而炤無形此曰知來之夢凡我同盟咸聞科條必敬必戒夢

豐前集二

七國編

共

之明旦筆記勿遺寫以尺紙勿妄自欺無凌雜米鹽干支必詳寄於潯水之濱夢史藏之數年之後聚斂其夢四科從類析爲百卷題曰夢鑑千秋萬歲俎豆我於夢鄉

書桃花源記後

秦旣并天下瀟湘高士託身於桃花流水之間不可謂非楚忠臣丈夫進退濯如清風不能爲報韓之子房則當法避秦之楚客王元美曰達莫過於陶氏至荆卿一章而稍見其用余謂陶氏詠荆軻與桃花源記異用而同體慨然欲爲荆軻不可得然後徙而爲桃源避秦之謀嗚呼悲哉

豐草菴前集卷二

豐前集二

七國編

十七

豐草庵前集卷三目錄

茗文編

茗文大舒序 木香張氏譜序 嚴大夫死節  
 錄序 法苑題名記小引 夢連珠 泌園會  
 業序 高齋易業序 壽紀馮閔先生八十序  
 代 明義庵建古佛樓疏 本草釋略序 夢  
 本草 筆銘 楮鼎銘 飛翰將軍廟碑 虞  
 氏族譜序 病遊記 續病遊記

豐前集 茗文編目

豐草庵前集卷三

茗文編

吳興董 說若雨著

茗文大舒序 癸未

聞道家之言內觀乎陽升之想為龍為火為天為雲為  
 鶴為日為馬為煙為霞陰降之想為雨為葉為地為泉  
 為月為兔為泥為船及丹藥有功水火合配鳳鸞五采  
 恍惚墜地黃金為盤中有玉漿朱衣使者乘車循行東  
 西南北周徧九州或樓臺宮闕景物奇麗皆以握固存  
 神在心成象非有形質而西方書亦有觀無量壽經初  
 觀落日思日欲沒狀如懸鼓第二水觀見水澄清為觀  
 十六神靈為匠築成靈臺黃冠緇衣儒者勿道余獨以  
 為兩家內觀之說有大勳勞於文章司馬遷為二十觀  
 而本紀成又三十觀而世家成又七十觀而列傳成六  
 合之內黃帝以來古今盛衰治亂史記悉備山川風土  
 朗於圖畫衣冠談笑披文若新豈惟博物蓋亦存想之  
 周也文章之道精氣為帥造千門萬戶於虛無之境斂  
 山河星斗於方寸之內神明不存章句無主今之文人  
 好為浮誇走筆如馬而神氣萬里衣冠甚都其骨已朽  
 無本無末不宮不商皆知外慕不知內觀夫技亦然矣  
 古之畫馬者不知其身非馬而後馬可畫也余懷憂獨  
 處於潯谿之濱飲食之外唯有涕泣既方玉仍每以尺  
 書問愁近寄一帖云方與沈子公敘顧子端士集茗文

名大舒願君強起論定其文而序之亦欲以奇文爲載  
攻君愁城嗟乎愁城堅固不可攻也獨無以謝吾友則  
爲觀說

木香張氏譜序

天以木香錫張氏木香有三族素華而紫心臭如玫瑰  
而清其華也以四月名曰香雪佩之神開是爲甲族有  
異種焉亦素華而心青青如藍其香不勝其族爲次所  
謂白木香也又夏圃有黃華曰黃木香如棣唐而華繁  
圃師品之爲木香尾族而張氏木香亭記稱白萼紫心  
蓋香雪者也龍門百尺之桐匠氏斬之而爲琴形高毀  
來材魁自滅木香屈曲而藤其身泥蟠而不污譬古之

豐前集三 茗文編

君子隱於市朝柔德不折大采若素其唯木香乎樹以  
立志以觀後人其唯張氏乎夫木香萬條比偶而不傷  
有良兄弟之義枝歧葉蔓大小宗也張氏襲清叟沒而  
救其子孫曰木香高祖傳授儻被風雨吹損隨當整理  
毋得棄毀亦將以媿夫血氣而路人宗族者也余家故  
居梅林號梅林董氏梅林者宋金紫光祿大夫貞元公  
當蔡京執政棄官徙烏程梅村與老梅爲鄰梅相奇古  
其上皆成龍虎鸞鳳之象下可坐三百人當布葉如綠  
雲垂天公述志詩曰三槐九棘浮雲外一樹寒梅寄吾  
心遂終身梅隱高宗南渡車駕駐梅樹下飲酒賦詩而  
去田間民未嘗見天子幸上來名曰上林亦號上林董

氏而我仁壽公始居潯谿及余之身八世矣梅林渺渺  
古樹凋落讀木香張氏譜蓋傷心焉

嚴大夫死節錄序 甲申

大盜起而有死封疆之臣嚴大夫旣遷姑蘇郡丞行有  
期傳言賊且寇巢大夫復取巢縣印佩之指其身曰以  
此殉巢賊至大夫執戈介冑先驅斬賊二人戰於儀門  
復斬黃袍一人天地震怒塵沙蔽日無光大夫親執旗  
左右麾曰汝戰汝戰無一巢人應者舍旗擊鼓鼓聲不  
起大夫死焉莫孺人自經死季子有芑身蔽大夫亦死  
季之未死也其右臂在堂下猶以肩衛大夫肩與大夫  
之頸俱絕乃一手搏賊號呼左臂復斷身躍起十尺飛

豐前集三 茗文編

血如雨賊共殺之方季已斷一臂叔子牽衣長慟大夫  
曰而不可以二季子叔子受命不敢死卒千里負骨而  
歸叔子字旣方吾友也巢之變在今上御極之八年戊  
寅後四年矣余始交旣方旣方持血紀一卷泣而曰幸  
吾子序之余讀其書慟哭十日不能序又五年甲申自  
傷一身患難之鵠鬼神不佑妖夢再告恐忽然先朝露  
貧死病死憂愁死雖欲布紙濡筆天不假日甚自懼正  
月辛丑深夜秉燭敬述大夫死節本末辭不敢枝葉焉  
戴天履土皆爲王臣丈夫女子朝廷草野其義不殊嚴  
大夫不以姑蘇丞免其死國家社稷之臣孺人立死不  
再計國家礪節之臣季子甫十七而殉其父國家教孝

之臣既方枕尸漱血出萬死鳴孤忠於大夫身後寂寞之日國家表忠之臣異日爲君報讐爲父報讐既方臣子之心昊天罔極南山伐竹不足殫記將來讀書講忠孝余諸生也不以文章媚姦諛獨憤發忠臣孝子節烈之事奮其狂言亦學爲人臣而已

法苑題名記小引

雪航法師築靈臺於報國寺臺以無邊虛空爲基智嶽柱石旃檀成林覺花似錦忍草如芝七寶瓔珞墜若繁雲密雨金泥玉屑珠林蘭圃疏導性海爲清源池環臺周流慧日孤耀慈月高懸樹立法幢莊嚴妙殊飛煙湧座香霧成宇辨河懸水辭峰積石被不盡之靈衣供無

豐前集三

茗文編

四

生之玄饌瓊笈銀題鸞音雁字彈太古琴正韻清哀水鳥樹林念佛名號於靈臺中現大千世界各有山河星斗羣經之府眾義之都玉樓十二方此非儷法筵之大觀世匠不造雖聚五嶽爲筆以四大海水爲墨未寫靈臺之一隅請爲四方誦永明之賦賦曰一葉落時天下秋一塵起處厚地收向空門而及第於禪苑而封侯此爲覺王祕典茲臺實錄蓋心璽無文不遵篆刻魔宮頓破非假刀劍是以軒轅既沒醫王有天竺先生庖犧復起艮卦卽楞嚴一部法師釋門麟鳳東國琉璃鳴法鼓於惑城振慧鐸於夢苑邪嶺墜地靈臺配天但紫紺之樓升階未易珊瑚之殿入室爲難欲破昆明池底萬劫

迷灰先圖法壽堂中一朝供養

夢連珠

夢中作連珠四首異而錄之

蓋聞葵花幽谷猶申望日之懷飛蛾焚身克遂投明之志是以莽大夫之文絕麗獻賦新朝荆將軍之氣如虹悲歌燕市

蓋聞霞飛雲走響合波濤斗擊星鳴音傳律呂是以聖者有無聲之聽聰士垂絕絃之涕

蓋聞僊都縹緲不開戎馬之科夢國悠長孰覩干戈之迹是以臥遊海島絕勝桃源避世華胥幾更莫歷

蓋聞西山綠嶽不易朝鮮之封東海素濤不壯咸陽之闕是以命輕春雲故長生之嗜已緩心高秋天則遠蹈

豐前集三

茗文編

五

之盟遂烈

泌園會業序

家學廢天下無人才家乘廢天下無善俗何謂家學廢天下無人才父兄詔子弟以布衣爲辱身子弟慄慄承教一旦乘軒可幸無罪讀書十年不知所學天下霸綺麗則業丹青天下尊荒僻則業鬼神飛而逐俗爲道屢遷鸚鵡學言求人髣髴夫丈夫戴天志如江河古無蒼頡身造六書奈何爲人父兄驅子弟爲鸚鵡哉已有利劍不試牛馬他人陳言寶於夏璜文章墜地習見勿怪積家成鄉積鄉成國故曰家學廢天下無人才何謂家乘廢天下無善俗家乘之作有譜有傳勉其後人家傳

尤重砥節礪行鳳立百世道德可傳嶽嶽大勳金石旌  
旗名業可傳倦世飛遯身沈志升高逸可傳言滿天下  
星辰爭光文人可傳某某特書簡牘爲世法程某某草  
木腐歿而無聞或傳或否一辱一榮積家成鄉積鄉成  
國家各有譜譜各有傳則人人不寒而慄有身後名之  
思當今天下之所憂在人人無身後名之思也故曰家  
乘廢天下無善俗於是爲家學議議曰家有學家推一  
人以司謂之司學司學之職以三宗統家學一曰養心  
以爲氣宗二曰蓄氣以爲聲宗三曰治聲以爲言宗以  
六本正家學一曰本尙書以疏其學二曰本雅頌以敦  
其學三曰本易以微其學四曰本禮以端其學五曰本

豐前集三

茗文編

六

樂以和其學六曰本春秋以決其學以四禁固家學一  
曰杖葉之禁二曰因人之禁三曰徑路之禁四曰慢忽  
之禁東風來柳始穉族之人聚議於司學之室春夏文  
科其類有六其目六十曰制義曰策對曰論議曰經解  
曰箋表曰雜擬司學則書諸版而授之景風至鹿角解  
族之人則聚於司學之室獻其文於司學如所授之數  
司學受而集之數不盈則司學不受待其盈而後受素  
露下寒蟬哀族之人聚議於司學之室如春儀雁北嚮  
鵲始巢族之人則聚於司學之室獻其秋冬之文於司  
學司學受而集之謂之歲業司學則大會其業登降之  
言有非法亟黜曰此非我家之文也其叛於三宗五本

一字必黜曰此非我家之文也其有才高嶽鎮氣蒸海  
瀆舒爲雲霞鼓爲雷霆曰此我家之文也亟錄之其錄  
者可勸其黜者可戒行之數年家學小成一家之才燭  
炤數計某可補郡邑弟子員則試於郡邑而不補郡邑  
弟子員則有司之過也某可薦於鄉則試於鄉而不薦  
於鄉則有司之過也故家家有家學之設則人才盛而  
學校興矣仲秋之月刻泌園會業成此董氏之文也我  
家之人草創家學是其權輿乎夫家乘余難言之矣

高齋易業序

豐前集三

茗文編

七

相者爲費直之易詩傳於魯人申公爲魯詩傳於齊人  
轅固爲齊詩傳於燕人韓嬰爲韓詩傳於毛萇爲毛詩  
少時無識輒笑前人謂大儒斧鉞便當總裁萬書何至  
一經雄長小其疆域及讀漢藝文志易有韓氏二篇嬰  
所撰述漢臣封事亦引韓嬰易傳帝官王家文在策書  
韓氏治詩不廢爻象考東海舊事則蘭陵孟喜父號孟  
卿精禮春秋授后蒼疏廣天下傳后氏禮疏氏春秋皆  
出孟氏喜既善其家學復受易田王孫以陰陽災變名  
家不可謂禮春秋無助焉不學六經不足治一經故治  
經古人之所難也數年發憤欲約同志數十人分五部  
治經數人治易爲易部數人治尙書爲書部數人治詩

爲詩部數人治禮樂爲禮部數人治春秋爲春秋部月則各考其部歲則大會其成五部之司問難相起六經之義異同互見鎮漢唐以來未定之說鉤今日已上幽沈之書抱志無成鬱陶終日成上高齋諸子會同工墳丞弼三聖馳思揚輝有嶽瀆之象徐子仲謀陸子繡公沈子叔允彙其易業炤耀江左采玉玄圃無非夜光易有人矣彼四部者寂寞無音而余奈何勿憂也

壽紀馮閱先生八十序代

顯皇帝時海內畫一而治士大夫優游圖書爭長詞壇一時文章特起震澤之濱山水之國而紀先生以奧學獨聞藝文家稱紀先生治文如高密氏之治水導積石

豐前集三

藝文編

八

鑿龍門疏源達瀾經嶽紀瀆浩浩乎百川分流爛漫成章此天下奇麗極觀也當是時紀先生搖筆江表之士無不人人惴恐然先生竟不得賓鄉國晚以明經廷對高第分教靈壁四方瞻仰潼山如日觀天門已而司教靖江教靖江如靈壁至今鍾離延陵之人聞茗雪閒方言敬問紀公無恙則又聚而祝曰願公壽願公耄而康寧愛慕先生不衰先生去靖江分符太和盜震江淮閒先生曰國家太平於今數百年士至不能彎弓躍馬卽寇飄風來擁空城無以完父老子弟則鑄刀劍集弧矢柄戈矛造火車權金粟實倉廩當是時黃河以南漢之西都自古稱奧區神皋爲通遯藪嶠函以東至於滎

雒干戈日聞自江以北封豕長蛇飲馬於漢池鼓刀於濠水先生去太和而寇且至於是代先生者發武庫而陳利兵操矛佩劍登城禦寇寇鳥翔而不敢進細水之陽完其城郭先生之功也先生之在太和也未嘗走尺牘燕臺燕臺大臣爲先生布衣交先生爲弗聞也者人稱先生義至高而先生亦遷南海矣夫蒼梧憺耳之鄉古之遷臣大都發憤悲歌先生聞命怡然升車而去至則銅鼓晝鳴立遣騎禽滅其魁使龍川無早閉而晏開其地有丹銀玳瑁夜光之珠出焉及先生歸則一蒼頭負笈圖籍數編而已秋風黃落迺見竹柏居不忘韓山之愛去無慚酌水之廉天下知先生立德不朽矣先生

豐前集三

藝文編

九

野服歸來日與諸故人飲酒賦詩閒論列平生所見山川風俗車轍所經處述禹會村崇嶺嵯峨想見萬國諸侯玉帛環巖而侍歌眉山川鎖支祁之句慨然懷古久之說泗濱磬石之奇則又歎廟堂威靈明赫哉抵掌談海中羅浮飛巒四百石室七十夜聞鈞天音樂起雲頂和鳴泉輒飄飄然有凌青霞之思先生每對客意未嘗不在五嶽也身歷六朝名高百城異時朝廷修辟雍禮儀安車駟馬迎先生先生馮玉鳩之杖指畫天下事幸無日臣老矣無能爲上方賴黃髮遠謀壽我邦國軒轅經曰以養生則壽以爲天下大昌先生亦有意於斯乎余聞先生事其兄敦義讓束帶後語同衣後服天倫之

樂白首無違異於今之馳驅浮名者哉

明義庵建古佛樓疏

宋錄既南偏安自固讀書至此未嘗不流涕建炎初宗澤累表請帝還京其言回鑾汴京是人心之所欲妄議巡幸是人心之所惡忠臣之謀實於琬琰帝意指南聞言不用數年奔走終定都臨安錢塘霸國豈堪垂拱哉當高宗南渡駐蹕南潯明義庵書清風明月四字復留徽宗畫鷹一幅而去僧建閣藏之曰御書閣而元趙松雪爲明義庵書額畫滾馬圖遂稱合璧今皆不知所在過而問者感慨係之宣和怠政京貫爲妖訪求書畫以荒萬幾注心丹青彷彿蟲鳥殆與花石艮嶽神霄玉清

豐前集三

茗文編

十

同虧君德文敏宋室苗孫進退無度以翰墨役胡元青山紅樹負議天下南北新疆當年舊主詩辭雖婉無補慚疾自矜畫馬當與龍眠並驅筆匠而已假使二圖具在接徽宗之翰藝展松雪之遺墨不過長歎昏德吁嗟辱身釋氏之寶寂淨無爲法書名畫似非所急鷹馬存亡不足問也庵有四百年之古佛蓮眼珠眉金容矚躍某上人欲起小樓於庵東方以崇象教此其意良善較古建閣藏書弘願猶勝護持香阜敢告檀那乞余數言用當持鉢西方之書曰如來既化諸大弟子想慕不已遂刻木爲佛晨夕瞻敬以形象示人謂之象教象教之前依性成佛依佛成象象教既立因象見佛因佛見性

今天下之大患在形骸之見過重普天率土人各見性皆知四大假借不重形骸何勳業不可建何氣節不可立何朋黨不可消何國讐不可滅余嘗縱其狂言謂佛以空寂爲宗然悟其淵致往往令人忠孝學佛十年可道峰雪航師演楞嚴報國寺余作南潯社學說其略曰報國寺者今日南潯之社學也社學不存勢難驟復法師說經報國闡揚立義稍屈高論鼓鐘長夜社學廢詔令荒鄉人聞黑業之戒如誦律書社學廢長幼情鄉人間精進之勸如對師保聽余言者或信或疑今以上人之請復爲象教之說歸於忠孝以世閒語論出世閒法可爲知者道也

豐前集三

茗文編

十一

本草釋略序

昔毗舍浮之教曰假借四大以爲身說在本草神農氏萬古高禪之祖也假山斲以爲血假菟蘆以爲肌假戴縻以爲氣假地髓以爲筋假芫蔚以爲潤假伏靈以爲精身非草木奈何以草木佐之草木與我同借也髮毛爪齒既歸於地唾涕津液既歸江海煖既歸火動既歸風我何有哉身借草木者非身借草木以草木借草木借草木者非借草木借草木之所借所以廣借爲我有身至於無身我復何借秋山蕭條枝葉黃落披幽經以

驗物采上藥於崇岡朽草枯木形骸賴之故知永寶頂  
踵愚人而已神農氏正告天下以假而本草作不讀本  
草不知患身不讀本草不知賤形不讀本草蒙不悟真  
俞氏刻釋略而乞言余是以有假借之論

### 夢本草

夢味甘性醇無毒益神智營血脈關煩滯清心遠俗令  
人長壽但此藥五產其二最良一產於山水幽曠境一  
產於方外靈奇境皆療塵疾有功過去境產者名留夢  
服之令人憶其在未來境曰知來之藥今世嗜夢者咸  
稱此藥然易令人入俗亦足以增戚攀憂非良藥采藥  
者弗寶也其一產於驚鄉謂之驚境夢是能拔諸沈昏

### 豐前集三

茗文編

三

然令人狂達人以良夢療疾修製不假水火閉目即成  
采此藥者不問冬春夏秋然每以夜

廬山慧日雅禪師作禪本草予愛慕之夢癖已痼  
不以爲病而謂之藥故作此文禪欲解人縛今之  
禪者爲禪縛亦猶世人言夢持吉凶諸想者爲夢  
縛耳 自記

### 筆銘

剝兔續竹師伶倫吹之有聲書成文雲門咸池毫端生

### 楮鼎銘

古寶鼎惟爨器旋蛟饗刻文字世之楮受經籍作方鼎  
具雙耳擣魚網鑄牧金古非拙今非工告後人余作銘

### 飛翰將軍廟碑

國制鎮國輔國奉國諸將軍同姓王子孫驃騎金吾龍  
虎諸將軍武職官征南鎮朔平寇諸將軍邊帥大漢將  
軍帶劍列陛灑墨露文殿中都侍則有飛翰將軍將軍  
姓竹氏兔冠銳頭喜約束儒雅宣德中玄光大夫上箋  
曰天作奎星物呈科斗飛龍之書造六鷄首之體用八  
鶴頭詔版虎爪微文辭金遠石捐漆韜削編非汲郡之  
竹宣志毛州刻異岐陽之鼓成勳麟角韋經握其不敗  
柳帖選其長鋒竹氏圓和正直冉冉茂茂可授飛翰將  
軍天子從之天子御文臺召見將軍詔問將軍陣將軍  
對曰臣之墨陣風后不足道也命陣霜止將軍則親勒

### 豐前集三

茗文編

三

部伍奔旌怒馳鼓左左鼓右右望之如雨復分營四方  
矩正繩直井畫疆布望之如星復飭軍儀軒朱綠翥翥  
翠流采繁華望之如錦天子大悅命將軍兼待詔翰林  
院當是時天下誦御製招隱喜雪諸歌皆傳自將軍銘  
曰茂陵秋風寶跗雲浮宣和圖畫蟲鳥弘蒐漢詞宋匠  
秋毫之羞赫赫宣廟箴誥萬州波詩瀾詠藝林優游匪  
隆雕篆寶莊冕旒將軍震武如貌如猊死於黑水結廟  
龍湫

### 虞氏族譜序 乙酉

薦不喜爲人作譜序家有譜窮淵源區枝流別異同天  
下耀冠冕者何也三公膏梁令僕華腴苟非其人不尚



譜錄非百官表組織高位非題名記網羅魏科繇來誤  
讀孝經不領大義立身揚名求諸高車駟馬請若此不  
可序舊典荒落人人自誕苗裔上古聞人富有子孫  
生有言傳疑則可不知憲章山谷悉略難稽徒效法南  
豐遠宗曾點譜若此不可序應鍾之月邁疾彌深讀虞  
氏族譜則願緩死須臾而序之虞氏自秋崖草創家乘  
錄實表微慎獨啟手長懷傷心墜業以和纂述燦若星  
辰聖民後起譜牒三續夫崑崙寶玉刻畫雲霞藏以翡  
翠之櫝襲以鸞文之錦豈不欲子孫永寶用哉再傳而  
棄曾不如土是故成者匪易守之實難虞氏泮谿築室  
已歷三朝世經人緯並存簡牘賢子孫不慕人間紛華

豐前集三 著文編

古

克守家寶可驗也中奉大夫而上蓋闕焉聖民曰懼瀆  
黃冠方袍弗棄聖民曰愈於簪纓虞氏之譜爲天下式

病遊記

九月端五董子自筮得坎之節曰不出戶庭吾其蹇乎  
二日而病雖形骸拘悴飛神遊覽瓢飲豐周立賞清夢  
亦足坐而忘死矣辛酉夢山行緣崖細竹沈綠炤人疏  
林漏雲竹表橫流予采雲一握道逢行客各贈片雲而  
去甲子馳曠野中大石如人雄立銘曰豹渚丙寅釣於  
南浦西望有奇樹如飛天龍髯枝倒垂下埽磐石予大  
呼曰盛弘之小兒語耳石門天帝豈足道哉丁卯見天  
雨黃梅花癸酉復至鹿山別有曲樓精舍石壁可鑑皆

刻梵字或蛟鳥文戶牖開闢萬山奔舞遂至南澗澗中  
小石如錢美文章長老曰此華山石孫也往寄居鹿山  
不能忘近於因想乃石孫之名幽特矣戊辰騎松枝東  
走一里松忽爲牛騎行市上逢所憎迴牛牛復爲松魏  
起千尺身蕩然在雲中雖有惡客阻人暫違怡悅馳驟  
青松之上不嫌選夢矣辛未訪道士於空山煮菊羹餉  
予色味香殊戊寅晝寢餐白雲一盂一月之短雲夢頻  
煩也

續病遊記

十月猶病庚辰夢暮游曲渚落日炤臺柳風清瑟琴未  
作書寄故人自鳴蕉悴有漏痕在屋老不工書之句髣

豐前集三

著文編

古

髣憶之嗟僕年二十餘夢中自老亦躁矣戊子見小冊  
在架題曰字林首爲枝指生書次徐君次王君忘其名  
次皇甫姓而名裳次董立宰氏凡五紙最後有雲山圖  
類趙心山茫然無署己丑行遇大水茫蕩叢竹蔚然在  
波濤其間有舟道紆鬱九迴舟在竹枝中行如蘋藻游  
魚矣壬辰夢爲僧有冠山精廬坐處流泉長往鏘然鳴  
琴之音老槐爲門子語一道人古有轅門旌門棘門人  
門奇門哉對此槐門政覺草創深遠丁酉友人張子負  
子而遊報國寺寺在里南也未至寺數十步望見菊萬  
株黃華而松身皆高十餘丈怪問張子未見菊花如爾  
張子言無多言入寺東壁有字如盤爲飛白勢有四言

旒綴其下妙蹟希有庚子有人自稱天台客進其名紙  
題曰苔冠者予笑曰客不荷衣蕙帶而苔冠乎迎之門  
望其首青青揖予便去癸卯夢爲筆牀銘銘曰嗟女筆  
子不焚女女其長寢於此丙午築室深山童子應門運  
小艇從澗中來得石子一斛山中人聚觀其石子文皆  
爲人面子語山中人我聞安息月氏諸國錢爲王面條  
支尉賓爲人騎馬康國烏弋錢皆鑿人頭此石克配山  
中人風雨散而大笑皆曰董生謾余錢安得人面子復  
曰諸君來石安得人面子亦有言少見多怪惕然寤錢  
石之辨皆馮虛無矣然羣門討論周官人面綜諸錢品  
書卷習心除舊未畢與寢筆之思異乎

豐前集三

茗文編

夫

豐草菴前集卷四目錄

七耀編

七耀 虎官志 眞武像記 難經纂注序  
 春秋始隱公元年解 兩道人家語 文亡論  
 文術解 與友人論文書 文音論法解  
 酌中志序 志園記 復嚴旣方書 復計甫  
 草書 題嚴子春王正月辨 古醉說

豐前集 七耀編目

豐草菴前集卷四

七耀編

七耀 丙戌

吳興董 說若雨著

豐貞處士棲病茗花之浦澄華大夫聞而造焉曰先生何悴也處士曰在昔皇天平分四民予獨崎嶇與愁俱生紛窮爛漫巖憤崢嶸綢繆摧剝別離和平恆傷心於枯樹潛寄哀於暮雲是以雷氏投鍼而長邁韓休采藥而無勳大夫曰益聞鄒子之吹黍寒霜之谷雍門之鼓淚高臺之君故氣感則翩移風土情函則驟革衰榮矧先生之菸菀迺繁憂之斲屯於是豐貞處士徙席而請曰鄙人屏陋傾耳琅音

豐前集四 七耀編

嘉業堂校刊

大夫曰崇墉窈窕甲觀浮游樓迎遠岫沼帶滄洲漁葩獵砌琢錫瑩球闢竹房而隔暑起梧館而延秋爾乃梁飛耿介備互軫轡圖畫濼洄周章髣髴獸含環而鬱怒鸞集棟而舒翼鹿遊翠柎虎步蜿窅眩橘柚之夏垂驚芙蓉之倒植窺窗駕鶴之僊司戶吹簫之客流瞻則雲起千門雄嘯則山響四壁於是白日闕華鐙輝息閒廊饗曲池浮萍斷而樓影斜玉笙歇而風琴徐酒酣埽石列坐參差草承衣而雙碧花炤顏而並朱此宮庭之上麗也先生有意則執筆以從處士曰僕病安卑不願也大夫曰廊高門而進鏘車寫古臺而結豪客聯裘則貂鼠蒙茸接履則明珠磊落敷涼則木葉齊鳴攜麗則丹

霞滿室莫不響重青霄詞高白雪或能翔鳳翥伯喈中  
興或泉涌雲浮君苗焚筆月敲而文轄方投觴半而寶  
刀初脫於是鏗鏘竝奏尊彝在前飛藻與酒車同騁高  
言與舞曲俱宜近空四海遠轍千年梅花落楚賓之月  
霹靂響霜清之筵此亦少年之勝締也處士曰僕病居  
幽不羨也

大夫曰昔者天地缺裂鴻蒙沈沈撼海爲濤盪山爲雲  
豐隆擊而猶怒飛廉呼而未平爾其爲氣也蒼蔚勃鬱  
曉鶩倏忽濇汗布濩悽愴的礫晶晶晃晃淋淋淅淅於  
是降神於昆吾之野集靈於歐冶之宮鑄成寶劍名曰  
青萍皎乎如素蛻蜿蜒乎九天蕭瑟乎如洞庭秋波而

豐前集四 七耀編

草木零潔清乎如澄江靜而魚蜃無聲飄飄乎如崩霜  
裂雪磊砢而峻嶒靈犀冠首鳥篆騰文寢以琉璃之室  
照以夜光之珍或佩遊趙國或杖入西秦千天則斗牛  
氣紫渡江則蛟龍血紅有臨風而報公子亦借首而哭  
將軍此亦劍客之慷慨也先生欲之則匹馬唯命處士  
曰僕病耽枯不樂也

大夫曰西涼蒲萄河東桑落長安層醜仙家首藥或氛  
氲三雅或醇酣千日翠釜則乾坤并包玉漿則山海囊  
括爾乃榴房細隔瓜膚綠沈禾標雀瑞鹽示虎形羹炎  
州之袞翼肺九眞之蒼麟剖青鸞之孕擢縞鳳之筋鏤  
膾則繽紛雪聚雕蚶則偃蹇龍文銀蔬碧菜夢豈崑蘋

既鳴調於南國亦稽美於僊靈使伊尹呻吟於爽味易  
牙躑躅於無珍此亦嘉肴之選和也先生欲之則鸞刀  
奏音處士曰僕病崇虛不甘也

大夫曰平陽舞伎衛國佳人皓若廬山之瀑翩若瀟湘  
之雲凝如碧獻動似輕鴻於時妝成未出環佩鳴帷翠  
羽循鬢而擁翅孔雀掠鬢而低飛臨池則北風吹帶卷  
簾則青山寫眉承落花而乍笑倚修竹而疑悲旣而玉  
臺聲靜攜手椒隈睇交龍於機錦瞻合歡於庭枝纖腰  
敬而寶釵墜蘭澤聞而羅衣開望流蘇而徙倚擁墮髻  
而徘徊此亦姣麗之窈眇也先生無情乎哉處士曰僕  
病棲貞不豔也

豐前集四 七耀編

大夫曰將與吾子衣魚鱗之繡踐遠遊之烏冠裁白鹿  
之皮杖出杜鵑之國騎雲御霧追風逐翮索幽異於霞  
門蹟靈標於僊宅江南二月山花正繁停車問嶺緩棹  
存潭草何巖而不綠巖何鳥而不喧入王維之圖書訪  
謝客之詩篇於是空山日暮白雲未還望古人而遙戚  
展素琴而永歎歌曰春風寂兮春草閒懽短哀長兮落  
日炤顏千秋兮萬歲山高兮水潺此亦達士之瑰遊也  
處士曰僕病沈幽不暇也

大夫曰若乃驛情玄路飛賞天臯話白雲而晝永詩招  
隱而神超恆無賓而放鶴亦隔水而問樵於是誅榛道  
峻巖關枕陽峰以葺屋漱曲渚以程軒庭種挂瓢之樹

家富釣魚之竿焚柏葉而隸黃庭手松枝而詰楞嚴遊日茅君之史涼心浪跡之篇侯封則夢鄉萬里帝錫則秋雨一簾竹成城而禦客鳥集門而拒轅山雲來而晝室暝清風至而夏葉乾曾無歷日永謝人閒處士日物各有短情各有涯魚宮蘋汎禽館松崖敬佩末訓長撤紛華

### 虎官志

鹿山樵曰山蓋有虎官云虎官姓吳氏小字四君故稱吳四神少牧牛曠野日暮騎虎而歸父母驚欲逐之父樵也一日披荒林見四君坐白石南面百虎蒲伏徐與虎約日帝錫我此土經緯十里羸雞通豕勿得食不用

### 豐前集四 七耀編

四

命者脯之客虎來則禦之必報來不報犯而不禦截其左耳父神四君不果逐四君壯別築室空山其室但具梁棟不為垣牆夜使虎宿衛日範土為羊得千餘頭謂人日將以飼虎也山中人或見虎一耳明日問四君曰嚮至飲馬池彼虎前驅而情余有常刑自是鹿山無猛獸憂雖風雨道有人山中神之號日虎官嘗陳雞黍集客夜大雷雨有客道遠乞留虎官日貧無榻君可去今贈君雙符君第掌握無反顧走崎嶇中錯繆盤紆皆得馳道遽執客手書空左右各一字復誠日及門展握矣客遂行至家敬握未展家人望見皆反走客徐展左手左雷嘯而去展右手亦如之蓋二虎也山中為之語日

有酒勿醉吳君家二虎送客爭磨牙嘗求濟渡頭舟子難之虎官日第為我寄貓東村舟子受貓行一里許貓隆隆漸張則猛虎也後諡其渡日貓渡虎官飲食宴息壹如人獨裁荷葉製冠麻衣長袖袖中有靈壁石玲瓏層迴石穴各棲數虎其虎如豆虎官且死歎日我沒而為神終不令我土人饗虎我子孫當為參虎氏以旌神靈今山中立廟祠虎官然虎官再傳而絕不能氏其後世矣野史氏日余聞樵言虎官產嘉靖閒樵大父及見之昔漢武好鬼神之事牡馬乾魚並頒祀典上林甘泉柏梁銅柱之屬鬼言無方禮神君於壽宮候老父於海上羽衣將軍六印磊落公孫持節樓觀嗟峨吾讀封禪

### 豐前集四 七耀編

五

書及漢武內傳未嘗不歎怪迂成俗也肅皇帝錄異搜神雷宮龍都特起醮壇禮使悉命儒臣萬壽祈宮炳麟符錄履其朝者有元封太初之思天作虎官鹿山鳴異應時而出捷若影響山川鬼神皆以朝廷為樞方虎官神蹟琅然薄俗雕琢殆將奇貨視之令紅篆封章貢神闕下汾陰寶鼎方此非奇當日銷聲幽谷者鹿山之人漳樸哉

### 真武像記

大嶽之神提北方玄璽建威靈於二十七峰之上歷朝祀典與星斗並尊宋祥符閒廟堂方崇封禪作玉清昭應宮募天下名流丹青殿壁載筆試者三千人武宗元

爲冠宣和畫譜錄宗元渡海天王朝元仙仗諸圖十五  
眞武居一其畫祕世莫得見王生者善畫尤長道釋永  
樂初召至京師忤旨詔獄斷其手王生卽爲左手畫畫  
益工人稱爲左手王洺谿虞君以安以事留都門謁王  
生于獄王生爲作眞武朝天圖垂裳端冕肅然帝儀阜  
纛立旌望之如墨虞氏子孫世世永保益亦畫苑之英  
華也靖難繼統尤尊立天太和神宮黃銀殿闕玉虛興  
聖紫霄南巖五宮並建意者朝廷有眞宗繪像之思王  
生無宗元應命之媚始而召繼而獄可爲長歎然余觀  
宗元之畫眞武不過與王旦封禪之表丁謂祥瑞之圖  
參差輝映輔弼神怪王生身隸秋官罪興懷璧甘心虧

豐前集四 七耀編

六

體不損帝德獨留翰墨於山水漁樵之間雷霆破山而  
神色不震鼎鑊在前而筆端不改天子呼之而默然野  
老命之而飛動賢者立身重於五嶽惜乎耆舊無傳不  
能考其名字悲夫初虞君渡黃河而北洪濤爲憂心禱  
眞武故至都而有王生之請及奉圖歸里會里中父老  
建春社禮立帝謂之立帝社自爲社儀其儀曰二十家  
同社社有時維暮春社有主歲三人周旋往復轉如車  
輪族之長實司威儀尊嚴若神展靈圖樹雲旗震法鼓  
誦仙經時則有羽衣之賓賓初筵六簋蔬實四缶薦新  
賓旣醉豆纍纍餅一規左柿右棗或偶或奇無相奪倫  
守而弗失以誠後之子孫虞氏三百年保圖遵社不愆

家誥亦賢矣丙戌首夏聖民請余作記余方錄遜國諸  
臣遺事因語聖民曰匠師補鍋於夔市魯備被葛於河  
西樵父畫沙於谿上老僧攜茗於雲門王生者吾不知  
其何人召而不屈或亦畫史之夷齊乎然則非獨愈於  
宗元也

難經纂注序

往余移居鹿山圖書十篋壓樵船而西山中人望見皆  
大笑居數日病瘡良苦持訥先生扁舟過訪草堂余喜  
曰幸先生發藥先生笑曰子第覓方於我我且覓藥於  
子今羅列於子左右者皆藥也是時急雨新霽草木寒  
翠照人卷簾竹澗之上先生西嚮坐余坐短榻東嚮出

豐前集四 七耀編

七

元人水邨圖共展翫久之復抽架得南朝雜詩讀盡三  
十紙茶鼎熟山月上杳不知病所在先生躍起曰是安  
用苦口爲我將營書畫囊副藥籠焉歸數月復病道梗  
不相見則寓書先生曰昔者呻吟鹿山先生起我於筆  
牀茶竈之間甚善僕有書癖又山水癖今愁臥南邨角  
西望雲峰渺然愁生白髮夫青鞵布屨之日僕未敢搔  
首問天得徧讀人間未見書以當少文臥遊卽死不恨  
丙戌秋半余足疾一年矣一日先生細雨中來隔竹呼  
余笑曰渡頭之識成矣今篷底堆綠蓑纜君門前枯柳  
者乃余之書畫船也渡頭者鹿山邨名故先生戲語及  
之於是先生傾囊倒笈出所借書數十種陳列縱橫耳

目煥然先生則繞書徐行爲余指示曰某史余假之某氏某集余假之某氏無不歷時月廢書郵蓋先生之念余至矣一貧且病放廢苦嗜書之人無論爲鄉黨駭笑卽樵青漁童朝夕指研北而譏先生白髮深情爲之委曲縱無涯之覽使枯樹婆娑忘其憔悴余所以披書垂泣圖報而未能者也己又爲余撰方量藥曰頃用子之法覓子之藥旣持以爲贈雖然我慮子之執藥爲病今我用我法聊以補子藥之不逮也坐良久復出袖中書一寸許曰此我纂難經古注幸子序之余受讀歎其博奧賞其獨斷及剪燭夜話余論易及卦律黃鍾左右轉換之旨先生曰此合於元氣十二經三陰三陽之說也

豐前集四 七耀編 八

論陰陽五行四正四維變九宮巡六甲先生曰我於子言戊己無定位而印胃脈之周流論世所傳五運六氣圖式非軒轅法癸甲如環無端循行寒暑先生曰此東西南北虛實補瀉所以變化不測者也非子之言則鼓瑟而記其悲絃我爲子研秋雨子爲我記之此足以表越人之微言矣先生字觀我自號持訥閑居士

春秋始隱公元年解

周衰列國亂而春秋作讀周紀則春秋宜始隱公元年平王接驪山之禍東遷雒邑周室衰微諸侯相并政由方伯四十九年魯隱公卽位五十一年平王崩太子洩父蚤死立其子林是爲桓王隱元年則平桓之交也河

圖衍數窮於五十天之道也平王在位四十九年五十之期將至四海之望始絕此春秋所以悽愴而託始者也讀齊世家則春秋宜始隱公元年齊僖公九年隱公初立無知之亂禍絲僖作夷仲年死僖公以同母私恩假借無知陸其秩服襄公緇而無知始怨齊於是篡弑甲兵相繼而後定於桓公讀晉世家則春秋宜始隱公元年昭侯元年曲沃始封晉憂末大七年晉大臣潘父弑其君昭侯而迎曲沃桓叔桓叔欲入晉晉人發兵攻桓叔桓叔敗歸曲沃晉人共立昭侯子平爲君是爲孝侯誅潘父孝侯八年曲沃桓叔卒子鰭代桓叔是爲曲沃莊伯孝侯十五年曲沃莊伯弑孝侯于翼晉人攻莊

豐前集四 七耀編 九

伯莊伯復入曲沃晉人復立孝侯子郟爲君是爲鄂侯鄂侯二年隱公初立曲沃益彊無衣將作是晉之亂也讀鄭世家則春秋宜始隱公元年鄭莊公立二十二年矣莊公驕段弗圖至煩兵甲有弟則餽口人國有母則相見黃泉禮誼滅亡天倫毀棄是鄭之亂也讀衛世家則春秋宜始隱公元年當是時衛桓新立州吁出奔及桓公十六年而有弑逆之禍是衛之亂也其在於詩終風擊鼓皆怨州吁夫子錄而不刪蓋傷衛亂也讀宋世家則春秋宜始隱公元年始宋宣公病讓其弟和曰父死子繼兄終弟及天下通義也我其立和和亦三讓而受之宣公卒穆公和立穆公七年則隱公元年也九年

屬孔父立殤公而宋於是公子馮之亂讀楚世家則春秋宜始隱公元年是爲楚武王十九年也熊繹已來武王始僭於是楚爲中國患矣讀秦紀則春秋宜始隱公元年秦自襄公初受岐豐之錫用駢駒黃牛羝羊各三祠上帝西時僭端始見文公東獵卜邑汧渭十年初爲鄜時十三年初有史以紀事十六年以兵伐戎十九年得陳寶二十年法初有三族之罪二十七年伐南山大梓豐大特至秦文公四十四年隱公初立王室新界西方漸盛君子是以知秦將代周而有天下也夫春秋紀周及列國之大事而列國無大於齊晉鄭衛宋秦楚也論周之變則宜始隱公元年論齊晉鄭衛宋秦楚則

豐前集四 七耀編

十一

宜始隱公元年說者獨以隱桓之事當之此蓋魯國之偏亂非春秋之統義也且夫春秋霸書也齊桓晉文其盛也自有齊之亂故小白繼亂而霸自有晉之亂故重耳繼亂而亦霸春秋始隱公元年則亦著齊桓晉文之所以興也

雨道人家語

死之日欲以丹青累後人爲我作山隱圖空山結構茂松清泉畫我高冠布衣目送飛雲意出風塵外往見唐子畏畫山村茆屋下臨修渚隔谿樵人從樹隙中度窈窕如鹿如白石篤好之讀浪跡先生玄真子碑所居草堂椽柱皮節皆存無斧斤之跡輒復遠想慨然必斟酌

此義曲匠幽素我魂魄猶當縱遊其一爲風雨讀書圖雲煙瀾漫書堂寥廓山雨欲來木葉亂鳴執卷怡然余少而嗜雨每言歷人閒之樂未有如風雨者也然以餉人都不悟嘗欲作雨德頌自言劉伶酒癖余雨癖又欲作雨詩百篇謂處士梅花道人秋雨千載連珠然詩頌竟未有成後世鑑其孤賞在一幅風雨爾道人嗜雨天

豐前集四 七耀編

十一

下稱雨道人又嗜夢則又稱夢道人嘗語友人嚴子曰夢鄉廣大譬之詩我庚辰以前諸夢長吉也辛巳諸夢太白也癸未諸夢少陵也近年諸夢摩詰也可并爲山樓說夢圖復爲我畫夕陽慟哭圖高臥談經圖竹外籃輿圖對客攢眉圖築垣拒客圖客去長嘯圖志喜也注

文亡論

離騷圖病禪圖讀史拔劍圖斗酒祭莊周圖漁童掃葉圖隔花問漁圖乞米圖種松圖自篆墓碑圖夜雨護書圖肅拜薛荔圖學釣圖塞耳圖道人聞世間語必塞其耳夕陽而下皆實錄遇故人來高懸眾圖出我所著後庚集桐葉十書二餘雜藁昭陽夢史七國考周禮緯二代文獻文音九辨夢鄉語嶺雲集乙酉集豐暇錄數十卷書招魂歸來我與故人相見也



之學政而合國之子弟焉以樂德教國子中和祗庸孝友德教也以樂語教國子興道諷誦言語文教也大師教六詩曰風曰賦曰比曰興曰雅曰頌詩教也德之華者爲文文之節者爲詩方周之隆朝廷之典書四方之辭命鏗鏘鼓舞合陰陽而感心脾其度黃鍾太簇其象雲門咸池不知其章句之非笙簧琴瑟未嘗不歎大司樂教化幽深也周衰成均之法散而在野諸子百家爭鳴立言不軌先王多亂朱雅然讀其書往往見緩急高下抑揚之宜則猶律呂之遺也秦并天下不法三代政典始皇三十四年從丞相李斯議天下非醫藥卜筮種樹之書皆燒之禮樂遂崩漢興考求典籍六經廢闕樂

豐前集四 七耀編

十二

書無傳蓋古文自此衰微矣漢藝文志載樂記二十三篇王禹記二十四篇雅歌詩四篇雅琴趙氏七篇雅琴師氏八篇雅琴龍氏九十九篇又言制氏以雅樂聲律世在樂官頗能紀其鏗鏘而不能言其義夫鏗鏘樂之節也音節尚存樂未盡亡是故漢時文章近古猶有詩書之遺風其後樂音漸失聲教墜地曹操平劉表得漢雅樂卽杜夔所得於三百篇者惟鹿鳴騶虞伐檀文王四篇而已太和末又失其三左延年新得惟鹿鳴一篇謂之東廂雅樂至晉室而鹿鳴無傳矣鄭漁仲曰自鹿鳴一篇絕後世不復聞詩矣嗚呼自鹿鳴一篇絕後世不復聞文矣豈非天哉豈非天哉今夫赤縣九州操筆

布辭亦何可勝數也其言皆綴而無章其音皆濫而消亡蕩蕩中原聚斲爲狂千秋萬歲莫知其鄉夫衣冠帶劍而遊于裸國見者則鳥奔獸逝是何也人莫不怪其所無今天下無文矣雖有霖雨崩山亦可以破琴不鼓矣

文術解

陷堅拔固曰攻神武剖裂曰斷天矯馳驟曰行中流嶮峙曰立會同簡練曰斂刻削膚革曰剝屈鬱錯繆曰結逍遙棲泊曰息宣示珍異曰旌除舊布新曰濯復閣重關曰護遁甲潛兵曰伏援前翼後曰輔指此見彼曰鑑欣賞閒暇曰翫擬射的曰點假物結構曰象拔言震

豐前集四 七耀編

十三

驚曰警意氣鴻舒曰傾繩故增華曰演變易號令曰奪讚歎淋漓曰吟微言吐納曰漏絕道不攀曰奮飛翔浮涌曰躍髣髴形響曰傳倒行逆施曰擢避實乘虛曰衝頰仰編連曰絡異類感激曰交偃蹇旁戾曰挺積聚高危曰築層級徐引曰導轉運形骸曰蛻攻以闢其地斷以畫其域行以流其精立以鎮其瀉斂以貞其材剝以燭其幽結以儲其氣息以調其倫旌以榮其體濯以別其同輔以廣其助鑑以肆其風護以襲其寶伏以奇其寢兵翫以逸其志點以耀其神象以露其威警以發其寢傾以壯其居演以席其都奪以新其命吟以頤其想漏以惜其旨奮以驅其難躍以鼓其勢傳以永其思擢以

厲其勇衝以怒其鋒絡以總其權交以窮其變挺以蔚其枝築以迎其敵導以窈其徑蛻以昭其靈大哉惜乎非至神者孰與矣異哉交乎非至精者孰與矣文道悠遠通術三十有四得則文從字順失者章句崩逆敢告司墨

與友人論文書

東壁爲上帝圖書之府霹靂以爲音雲雨以爲容比肩奎宿則車騎戈戟之所都也文章精微必定之以武威故僕論文首攻而足下戚然有喪失和平之疑足下涉獵鄙言而不暴天官之訓也嗟乎僕豈敢叛六經哉六經和故僕不敢不和六經武故僕不敢不武武取而和

豐前集四 七 耀編

十四

守武始而和終今天下以弱爲和而僕之言和方扶強而抑弱故僕終日言和而人無聞也足下又言令人恍惚交息尤甚足下治尙書僕請陳禹貢會同交灘沮朝宗交江漢禹貢之交也高山大川息以奠雲土夢又息以作禹貢之息也禹敷土禹貢之交而點也島夷皮服禹貢之息而旌也不知交不知理不知息不知止足下於此恍惚則安所闢通門焉其餘三十二道各有藩籬之固僕恐足下窺兵之未周也

文音諡法解

文音之說自董子始也乙酉作文音辨於是文章疾徐清濁高下長短各有定位其後一年議文音諡法善惡

判離列諡二八變化無名曰神威靈定亂曰武進退直軌曰度達情不掩曰昭安樂優閑曰康溫柔敦美曰懿緩亟均定曰平齋栗不惰曰肅摧錯蒙翳曰隱怵迫不寧曰厲衰落崩折曰殤橫流無防曰荒騰躍不待曰躁左右軫輻曰戾宮羽紛裂曰惑情響不契曰繆

酌中志序

綱目天漢閒宜補書曰某年月日司馬遷作史記成蓋餘刑而述國史自司馬遷始也方漢武帝時承明著作金馬待詔如繁星麗天然史記百三十卷獨成於蠶室呻吟之士世運文章之一大變綱目闕而不書紫陽誤哉官者劉若愚從獄中著書二十三篇如內臣衙門職

豐前集四 七 耀編

十五

掌法百官表內臣服佩紀略法輿服志大內規制法三輔黃圖見聞瑣事法西京雜記其他是非短長不知於遷何似然皆幽創讀其書者如聽東方生縱談九天金題碧鏤飛忽靈異人間不易聞也余嘗以天文緯周禮內小臣之職當女宿度次闈人次寺人次內豎四官旒綴共聯嫠女奄人女子同德並位離珠屬女宿主藏府瓠瓜在焉主天子果園琉璃在焉主衣服明宦官宮妾但當承命起居奔走閭闔不得妄干外廷昔上官昭容一女子論詩高臺之上劍佩千官垂首聽命讀史者賞昭容之絕代而歎朝廷之乏人若愚翰墨褒彈亦非盛世之所有也異時整齊舊聞裁成野史余當特書曰崇

頑問宦者劉若愚作酌中志以昭世變

志園記丁亥

自中國愁苦達士皆歸夢鄉夢鄉之人無形骸不鼓羽而飛類仙也遵夢鄉西渡苦海登靈臺望天竺國號旃檀捷徑此余夢鄉志中語也癸未之歲余數有玄怪夢遊感而作夢鄉志趣刻之一夕小樓晴雪夜氣清微忽夢歷雲棧上所謂太古霜臺者俯看青梅花林花如翠羽又夢身在廬山至第三嶺極高峻見山腹雨氣縷絡如慧遠言雞初號復夢坐漁艇吹鐵笛作人間可哀之曲仰見數騎鹿仙人從落霞邊來覺而始大悔悟知夢鄉之不可志也夕三遷矣趣碎其板其明年湖上虞聖

豐前集四 七耀編

六

民氏館靜嘯授諸子鄒魯聖賢遺文謂余曰我悲夫世之車奔馬馳也而貧且爲志園願子記之余曰諾志園柰何聖民曰我園也志而已故名志園依山結屋環竹樹臨清流因出其圖示余圖如其言也余曰異哉此余所謂夢鄉者也昔司空南坦劉公神募樓居而貧未及構待詔文衡山曰吾能爲公遂成此樓乃畫樓貽公公喜而命之曰神樓於是射陂朱子作神樓曲而楊用修作後神樓曲有仙家五城十二樓樊桐方丈繞瀛洲長風引舟不可到環中根像空神遊之句而我先太史公爲司空作神樓序則謂公蚤樹勳業翩翩進退之際功成而不有其神在雲霄之上立言壹本聖賢壓諸仙靈

恍惚之說至於今司空神樓屹然在天地間夫聖民之

志園亦司空之神樓也雖然子姑俟之余亦將爲夢樓頃余在茗谿道中夢闕雨穿亂篠俄兩山拔立如門余從門中行過松陰十里遂登一石樓樓中几榻窗扉皆石也其上有石榜碧篆七字字如飛鳳形其文曰七十二峰生曉寒今余每飯意未嘗不在曉寒也余夢樓成當并爲子記之明年乙酉聖民徵前約曰我近得桃花源圖名畫也我將以爲志園余曰諾僕采藥未暇也又二年丁亥聖民復手一紙告余曰我志園又更矣此吳愍僧巖居讀書圖也我將以爲志園願子記之余乃笑曰此余所以記志園之不易也夫志猶夢也谿山各異

豐前集四 七耀編

七

而園烏能圖執圖以言志我未見其合也今聖民三更園矣余又安知聖民異日之園必無勝於今日之園乎雖然此足以記志園矣余家有石田沈先生黃茅亭子一幅古木蒼藤有人坐而觀瀑先生自題一絕曰黃茅亭子澗溪邊山色微陽遠映天中坐讀書人未了看雲不厭聽鳴泉余甚珍之此亦余之志園也

復巖旣方書

弟不操筆一千日兄方函其不朽之書使攀驥尾古亦有言精光銷亡傷哉傷哉旣方胸中尙有當時董生者董生憊矣弟初病時勉作數語則氣若懸絲偶對一客則神魂顛倒耳鳴目眩狀如隆臺故兩年來閉關孤坐

稿木形骸翼緩須臾死耳弟嘗言爲諸生不能讀書爲  
病人亦不能讀書今弟與兄幸俱不爲諸生然兄以曠  
世之才神明日強弟之淺劣而疾病靡止相去萬里矣  
已矣弟讀書之緣斷矣弟病中嗜夢益甚得一佳夢或  
遊奇山水或見古人或誦世外書輒喜病亦小損偶獲  
一人閒俗夢輒作數日惡至嘔不能食然以佳夢語人  
都不解至欲爲我占夢作吉凶語世人真可笑也又少  
有奇癖愛聞鐘聲所居與寺爲鄰不乏此響數年已來  
資其清供近寺中荒落僧事益怠鐘不復鳴弟頃自置  
一小鐘色黯黯有古光其音清凝以長每中夜寂寥臥  
而擊之以自怡快兄能爲我選一片地旁有水竹足當

豐前集四

七耀編

六

夢遊遠近有鐘聲可以娛耳弟便擔書來與兄耦耕而  
老矣雜稿度兄有存本欲留讀西望鯁塞

復計甫草書

弟爲天壤廢人如秋風團扇自甘捐棄又如洞庭落葉  
無復飛揚病之堅固如空桑之雪歷夏不消病之繁如  
經琵琶峽百嶺迂蔽千峰隱天又如郭子立登座清談  
懸河不竭病之僻怪如武谿射鹿人入石穴中路險谿  
新無人曾歷病之難述如畫漢家宮室千門萬戶時有  
闕遺病眼模黏對兄著作如叔孫通讀蒼頡石室記僅  
通數字又如看米家山水雲樹微茫又如夢中聽鈞天  
之樂鏗鏘震駭未可定其聲律又如頭白宮人見舞柘

枝色喜心悲讀古今臣表如良常山螢芝五采裁食一  
枚靈府洞徹又如仁壽殿前銅鏡寫人形體了了如五  
嶽圖結構嵯峨如渾天儀星辰錯落如照夜之珪如崩  
霜之劍詩草寄懷千秋如中郎彈愁女之絲聞者墮淚  
又如通玄仙人演洞真經語難告人間至憔悴如弟癩  
過嵇康肉緩之時才是江淹還筆之後兄念及鄙人謬  
加拂拭如劉邕嗽痂嗜性偏奇若使易牙論味固當不  
解深秋風雨黃草滿庭病榻晤言傷心離別如焚西海  
奇香招魂復返又如飲河東桑落頃刻醉人不須秉燭  
還如夢寐桃花千尺未及情深儻有山圖愈疾之年重  
爲禽向遠遊之約

豐前集四

七耀編

九

題嚴子春王正月辨

玄圃之上玉華神居中有靈籍未焚詩書次第萬古紀  
綱渾儀科斗鬱結虎章炳離道符黃玉歷鏡蒼姬如五  
嶽圖阜轉陵迴西眞授笈下土未窺如岫嶼山靈禹古  
碑字青石赤形摹怪奇是文所在綠霞紛披受而讀之  
神翺太虛

古醉說 庚寅

攝提格歲四月端五客有賦將進酒既而賦公無渡河  
醉者援醉者於是六七人纍纍魚貫而溺表微氏曰此  
古醉也古之醉者必溺考周禮秋官萍氏下土二人徒  
八人掌國之水禁幾酒謹酒禁川遊者說文曰萍無根

浮水而生淮南云萍植根於水陸佃埤雅曰萍一名萍無根而浮常與水平江東謂之藻言無定位漂流隨風故萍氏主水禁以不沈溺取名而兼稽籜酒輔相周誥故讀周禮萍氏知古人之醉必溺也大雅篤公劉執豕于牢酌之用匏崔豹古今注曰匏瓠也壺盧匏之無柄者也七月六章八月斷壺瓠也魯叔孫賦匏有苦葉必將涉矣是苦匏可剝以涉水故曰中流失船一壺千金而周有壺尊又禮曰其以乘壺酒賜人詩曰顯父饒之清酒百壺制器之意蓋以壺之性浮免於沈溺而天匏瓜星在河鼓東亦當天漢之濱象取濟河之義故讀大雅公劉知古人之醉必溺也崔浩漢記音義曰滑稽

豐前集四 七 瀧編

酒器也轉注吐酒終日不已若今之湯燧樽故揚雄酒賦鴟夷滑稽腹大如壺晝日盛酒人復借酤而史記伍子胥列傳吳王夫差取子胥尸盛以鴟夷革浮之江中應劭曰取馬革爲鴟夷榼形此明鴟夷之浮水也故觀酒器之有鴟夷知古人之醉必溺也宣和博古圖周鼎尊尊象鳧形復言鳧尊者古人用於飲宴之間非宗廟祭祀之器蓋鳧習水而假以況則閒於禮者也釋鳥曰鴈沈鳧沈鳧好沒大小如鴨青色長尾背上有文卑腳短喙水鳥之謹愿者也屈原卜居寧昂昂若千里之駒乎將汜汜若水中之鳧乎方言曰野鳧甚小而好沒水中者南楚之外謂之鴈鵠故觀鳧尊象形知古人之醉

必溺也螭水獸也而籜爲螭籜雲雷水象也而罍象雲雷舟取以濟水而副彝之器爲舟水物莫尊於龍而夔龍之文並飾故偏觀飲器知古人之醉必溺也尙書胤征之篇曰惟時羲和顛覆厥德沈亂于酒沈之爲言溺也故讀胤征知古人之醉必溺也詩大雅抑三章曰其在于今興迷亂于政顛覆厥德荒湛于酒湛之爲言溺也故讀抑知古人之醉必溺也易之兩濟上徵河漢未濟上爻厥象爲水有孚于飲酒无咎濡其首有孚失是象曰飲酒濡首亦不知節也此言飲酒而溺溺而濡首也故讀未濟知古人之醉必溺也坎水卦也爾雅釋器小罍謂之坎坎言水水言溺也故讀爾雅知古人之醉

豐前集四 七 瀧編

必溺也說苑魏文侯與大夫飲使公乘不仁爲觴政曰飲若不盡浮之太白文侯不盡公乘不仁舉白浮君浮沈也沈溺也浮之爲沈猶亂之爲治擾之爲馴也故觀強飲爲沈知古人之醉必溺也古人制字合水酉而爲酒大梁酉中則天船在焉此天之所以戒溺也故觀酒之從酉知古人之醉必溺也田藝衡網羅酒器謂琢金銀造酒船疊帆十幅瀉酒一分一帆舉銷一分一帆落又乾饌子葉鈞大口有銀海受一斗酒船酒海制器尙象是亦有溺義焉而吳鄭文淵願得美酒滿五百斛船以四時甘脆置兩頭反覆沒飲畢茂世亦言給酒滿數百斛船左手持蟹螯右手持酒杯拍浮酒池中足了一

生至唐皮襲美自名醉士晚居襄陽之洞湖以舫船載  
醇酌一甌往來湖上遇興卽酌復自諧曰酒民沈酣江  
海枕席波濤觀數子之志殆嗜醉而求溺者也杜子美  
飲中八仙歌李白一斗詩百篇長安市上酒家眠天子  
呼來不上船自稱臣是酒中仙而白月下獨酌詩天若  
不愛酒酒星不在天地若不愛酒地應無酒泉繼言蟹  
螯卽金液糟卽是蓬萊且須飲美酒乘月醉高臺故知  
章賞白謂之天上謫仙而唐書李白傳謂白長流夜郎  
後遇赦得還竟以飲酒過度醉死於宣城世遂傳李白  
水死醉騎鯨魚爲逍遙遊吾聞古之仙者本真練蛻軀  
質遁變故或以藥解或以兵解或以杖解或以焚解使

豐前集四 七耀編

三

白果以醉溺則仙人之酒解者也美哉醉而溺者之行  
古道也且襲美諸君能飲於水而不能溺則醉未古也  
李白能死于醉而不能復生則醉亦未古也彼飲而溺  
溺復不死忽聯袂而試波濤忽接手而攀柳岸美哉醉  
而溺者之行古道也東籬氏聞之曰此爲酒人解嘲也  
然古醉之說辯矣

自王無功開闢醉鄉皇杜康而帝劉伶後皇甫崧作  
醉鄉日月三卷條刺飲事自謂酒史董狐宋大隱翁  
朱翼中自釀西湖之上作北山酒經而竇革復爲酒  
譜唐人詩若使劉伶爲酒帝亦須封我醉鄉侯余以  
爲醉鄉既有侯王亦當有五嶽四瀆卽山靈河伯俱

難闕陷汨羅故事未必非醉鄉嘉話也自跋

豐草菴前集卷四

豐前集四 七耀編

三

豐草菴前集卷五目錄

樂府編

樂府擬 六詩測 六詩用 詩均徵 文章

形勢玉符 三正並建議 東字說 外字說

五德廣訓

豐前集 樂府編目

豐草菴前集卷五

樂府編

樂府擬 辛卯

吳興董 說若雨著

擬古樂府者有二一當也一擬也當者當其位也非擬也擬者擬其名也擬其聲也擬其辭也漢有朱鷺思悲翁等二十二曲列於鼓吹謂之饒歌魏文帝使繆襲改造十二曲曰楚之平戰滎陽獲呂布克官渡舊邦定武功屠柳城平南荆平關中應帝期豈熙太和謂改造新音當漢樂之位也楚之平者當饒歌之朱鷺也其辭曰楚之平義兵征神武奮金鼓鳴此與古朱鷺異矣不可謂之擬朱鷺也戰滎陽者當饒歌之思悲翁也其辭曰戰滎陽汴水陂戎士憤怒貫甲馳陳未成退徐榮二萬騎塹壘平非擬思悲翁也獲呂布者當饒歌之艾如張也克官渡者當饒歌之上之回也舊邦者當饒歌之翁離也定武功者當饒歌之戰城南也屠柳城者當饒歌之巫山高也平南荆者當饒歌之上陵也平關中者當饒歌之將進酒也應帝期者當饒歌之有所思也豈熙者當饒歌之芳樹也太和者當饒歌之上邪也如吳曰炎精缺晉曰靈之祥皆當饒歌之朱鷺而炎精缺曰炎精缺漢道微皇綱弛政德違則擬楚之平之聲也靈之祥曰靈之祥石瑞章旌金德出西方則擬炎精缺之聲也宋何承天思悲公篇思悲公懷袞衣東國何悲公西

豐前集五 樂府編

一 嘉業堂校刊

歸此擬思悲翁之名也梁王僧孺朱鷺曰因風弄玉水映日上金隄猶持畏羅繖未得異鳧鷖此擬朱鷺之名也晉傅玄董逃行歷九秋篇者此擬董逃之聲也夫樂府緣情結響不可擬也然楚之平當朱鷺則當而未嘗擬也或擬其名而不曲求其聲或擬其辭而不強傳其義則擬而不盡擬也世言古樂府宗于鱗氏余讀于鱗大風歌曰大風沸兮雲薄天驅萬乘兮紛來旋紛來旋兮沛之宮士桓桓兮福攸同李夫人歌曰寤耶夢耶就而視之包紅顏其弗明嗚呼于鱗氏烏知樂府于鱗之古樂府譬之若舊碑之臨摹也

六詩測

豐前集五 樂府編

風雅頌爲參伍視其所起者也陽道也興賦比爲參伍視其所成者也陰道也風雅頌三詩當既濟之三律其於卦畫風爲乾初以當震雅爲乾二以當坎頌爲乾三以當艮興賦比三詩當未濟之三呂其於卦畫興爲坤初以當巽賦爲坤二以當離比爲坤三以當兌體爲內卦用爲外卦一內一外天倡地和故詩有六十四變三百八十四爻當易之數也夫風雅頌三者始於詩之類至句而止興賦比三者始於詩之篇至字而止積字成句積句成章積章成篇積篇成類故風雅頌始於詩之類至句而止者天交於地之象也興賦比始於詩之篇至字而止者地交於天之象也以事辨類之風雅頌詩

之在侯國者風之類也國風是也詩之在朝廷者雅之類也小雅大雅是也詩之在宗廟者頌之類也頌是也以指辨篇之風雅頌緣事而起而言之指微風之篇也言之指顯者雅之篇也言之指奉重者頌之篇也以音辨章之風雅頌聲韻之動而流行者風之章也聲在動靜之間端以亮者雅之章也聲韻之靜肅而幽沈者頌之章也以義辨句之風雅頌義之出於無者風之句也義之出於有者雅之句也義之出於形容者頌之句也此風雅頌之辨也以思之遠近辨篇之興賦比其思之發達於事者興之篇也思之發近於事者賦之篇也思之綢繆於事而加擬議者比之篇也夫興生於無者也賦生於有者也比生於有之後者也故先興次賦終比則先後自然之序遲速之分也夫興者猶西方之書所謂威音已前者也賦者猶所謂現量者也比者猶所謂比量者也以辭之偏重辨章之興賦比辭之多興而少賦者興之章也辭之偏重於實者賦之章也辭之偏重於比擬者比之章也以託物辨句之興賦比託物而言而不可測者興之句也其可測而直者賦之句也其可測而曲昵者比之句也以六書辨字之興賦比字之太遠於本事者興之字也字之切於本事者賦之字也字之宛轉於本事者比之字也此興賦比之辨也周禮太師教六詩曰風曰賦曰比曰興曰雅曰頌其六詩之位

豐前集五 樂府編



則虛實陰陽之定分也風以無爲體虛之虛者也興以無爲體實之虛者也故風與興相當也賦以有爲體實也雅以有爲體實也故賦與雅相當也比以形容爲體虛之實也頌以形容爲體實之實也故比與頌相當也風雅頌爲參伍興賦比爲參伍然周禮六詩曰風曰賦曰比以風入雅比曰興曰雅曰頌以興入雅頌其故何也天地不交則萬物不生故風與興易位而交成者也亦示其通變之象也亦示其虛實之劑也以風與興同位而通也

六詩用

六詩之體易知其用難明也如既醉曰天被爾祿以事

豐前集五樂府編

四

辨類之風雅頌則大雅之詩也以指辨篇之風雅頌則既醉爲頌之篇也以音辨章之風雅頌則既醉第七章爲頌之章也以義辨句之風雅頌則天被爾祿爲頌之句也以思之遠近辨篇之興賦比則既醉爲賦之篇也以辭之偏重辨章之興賦比則既醉第七章爲賦之章也以託物辨句之興賦比則天被爾祿爲興之句也以六書辨字之興賦比則被爲轉注之字爲比之字也此六詩之體易知者也天被爾祿句之興章之賦也靜也體也天被爾祿句不必興章不必賦也動也用也沈湘之客哀傷君父爲之賦天被爾祿用之風也遊名王者爲之賦天被爾祿用之興也爲其天被爾祿也爲之賦

天被爾祿用之賦也祝其子孫之祿也爲之賦天被爾祿用之比也如此則天被爾祿不如此則不天被爾祿於是爲之賦天被爾祿用之雅也爲之賦天被爾祿以頌其德用之頌也沈湘之客哀傷君父逆其言以刺譏故謂之風也遊名王者義不涉也故謂之興也爲其祿也而賦謂竹曰竹謂木曰木故謂之賦也祝其子孫也而賦舉古言今也舉彼言此也故謂之比也如此則祿不如此則不祿煌煌然正大之言故謂之雅也頌德則形容之至也故謂之頌也漢書杜欽傳云佩玉晏鳴關雖歎之說者言后夫人雞鳴佩玉去君所周康王后不然故詩人歎而傷之又漢明帝詔云應門失守關雎刺世此言關雎之用也毛公曰微子至於戴公其閒禮樂廢壞有正考父者得商頌十二篇於周之太師以那爲首此商頌之體也史記宋世家言襄公之時修仁行義欲與盟主其大夫正考父美之故追道契湯高宗殷之所以興作商頌此言商頌之用而遷失其傳也夫正考父下闕

豐前集五樂府編

五

詩均徵

如波乍起而伏如雲忽斷而續此詩之妙於均也其遺聲未墜在古樂府也譜之失傳在古樂府之音節難知也故知古樂府之音知詩韻矣此從流溯源也知詩韻則知古樂府之音此從源及流也詩有隔韻隔句爲韻

也葛之覃兮施于中谷為韻之第一也維葉萋萋黃鳥于飛自協也此所隔之句也集于灌木木為谷之第二韻也其鳴啾啾句之孤行者也予曰有疏附附為韻之第一也予曰有先後予曰有奔奏後奏協也此所隔之句也予曰有禦侮侮為附之第二韻也此隔韻之略也詩有雙韻隔韻之雙行者也無已太康職思其居好樂無荒良士瞿瞿太康無荒康唱而荒和者也其居瞿瞿居唱而瞿和者也春日載陽有鳴倉庚女執懿筐遵彼微行爰求柔桑陽也筐也桑也韻之從陽者也庚也行也韻之從庚者也此雙行之略也詩有首尾韻第一句與末句聲相應也經始靈臺經之營之庶民攻之不日

豐前集五 樂府編

六

成之經始勿亟庶民子來第一句之臺與末句之來聲相應也詩有倒韻上句有韻下句無韻違習見而謂之倒也思齊之末章肆成人有德德為第一韻也小子有造下句之散行者也古之人無斃斃為德之第二韻也此上句之協也譽髦斯士土不協造此下句不協也詩有音和不同四聲之異以同音相和也雖離在宮肅肅在廟不顯亦臨無射亦保廟聲去也保聲上也明明在下赫赫在上天難忱斯不易維王天位殷適使不挾四方初上短聲也次王次方皆長聲也夫短聲者世所言聲之側也長聲者世所言聲之平也今執紅牙而度字者猶有音和之遺焉元人已末曲譜可徵也詩有孤行

謂散句不協於韻也文王曰咨咨女殷商人亦有言顛沛之揭枝葉未有害本實先撥殷鑒不遠在夏后之世揭撥協也世之句為孤行矣詩有回環之韻相續之句連如環而前後不協也載馳載驅前句之不協者也歸唁衛侯驅馬悠悠此二句者所謂回環之韻也言至于漕後句之不協者也詩有藏韻謂藏韻于章句之中而句尾不協也周頌於穆清廟肅雝顯相濟濟多士秉文之德對越在天駿奔走在廟不顯不承無射于人斯第一句之於字生第二句之多字以至於第八句之無字一韻也第四句之德字生第五句之越字以至於第八句之射字二韻也第四句之文字生第六句之奔字以至於第八句之人字三韻也此韻之伏藏而神異者也此數端者皆古樂府之遺法也

豐前集五 樂府編

七

文章形勢玉符  
拔地而出者文章之山也流行灌注者文章之水也厚重而平行者文章之地也出於山而揚布者文之煙雲也磊磊出沒於水之中者文之石也茂密而采著者文之草樹也歷然前後有車轍馬跡者文章之道路也其或展或縮山之屈伸也或正或反山之向背也或主或客山之通變也或隱或見山之遠對也或絕或續山之行止也或往或反山之首尾也或飛或伏山水之相生也或順或逆山水之以克為用也或通或塞水之行其

所當行也或暗或明水之緣勢而更也或流或聚水之情性也或太爲河海或小爲渠澗水之呼吸也或滴爲香露或飛流瀑布水之操縱也此數者文章之玉符也

### 三正竝建議

三正循環之說六經之疑藪也漢書律歷志顓頊命南正重司天北正黎司地其後三苗亂德二官咸廢而閏餘乖次孟陬殄滅攝提失方堯復育重黎之後使纂其業故書曰乃命羲和欽若昊天歷象日月星辰敬授人時歲三百有六旬有六日以閏月定四時成歲允釐百官眾功皆美其後以授舜曰咨爾舜天之歷數在爾躬舜亦以命禹至周武王訪箕子箕子言大法九章而五

### 豐前集五 樂府編

八

紀明歷法故自殷周皆創業改制咸正歷紀服色從之順其時氣以應天道三代既沒五霸之末史官喪紀疇人子弟分散或在夷狄故其所記有黃帝顓頊夏殷周及魯歷戰國擾擾秦兼天下未遑暇也亦頗推五勝而自以爲獲水德乃以十月爲正色尙黑漢興方綱紀大基庶事草創襲秦正朔以北平侯張蒼言用顓頊歷比於六歷疏濶中最爲微近然正朔服色未睹其真而朔晦月見弦望滿虧多非是至武帝元封七年漢興百二歲矣大中大夫公孫卿壺遂太史令司馬遷等言歷紀廢壞宜改正朔春秋稽耀嘉云夏以十三月爲正息卦受泰殷以十二月爲正息卦受臨周以十一月爲正息

卦受復三正紀云正朔三而改文質再而復又云十一月之時陽氣始養根於黃泉萬物皆赤赤者盛陽之氣故周爲天正色尙赤十二月之時萬物始芽而白白者陰氣故殷爲地正色尙白十三月之時萬物始達莖甲而出皆黑故夏爲人正色尙黑治律歷者祖述其辭遂謂三王之正若循環然夏寅商丑周建在子窮則反正秦當建寅而反建亥至於武帝太初始用夏正復循三統然攷六經之舊文索正朔之古義定四時之位則三代無不建寅紀天日之端則三代共循子丑鄭樵正朔論曰古今之歷皆建寅孟春正月朔旦立春會於天歷之營室顓頊帝之歷已建寅矣析因夷始於仲春終於

### 豐前集五 樂府編

九

仲冬是堯時之歷又建寅矣舜之正月元日禹之正月朔旦無非建寅矣商書曰元祀十有二月周禮曰正歲十有二月雖建子丑以命月而占星定歷修祀舉事仍按夏時皆不自用其制秦漢之建亥亦猶是也朝賀典禮皆有十月至於太初首用夏正迄於今而不能易也新莽嘗建丑矣曹魏明帝亦嘗建丑矣未幾而復建寅唐肅宗亦嘗建子矣未幾而復建寅蓋編年始於春秋改元始於秦惠文紀年始於漢武帝自武帝立年號以紀元改秦政而用夏吾知千萬世而下湯武復興不能易也何者漢非用夏蓋用古歷也殷周未有改元之法此子丑之所繇建漢武易之而爲年號有年號以明歷

數之歸己以示天下之從違雖易之法不過如此又何必復建子建丑以爲贅乎謂歷代建寅樵之言是也謂殷周建子建丑而自用其制猶不知三統之正義也攷周禮天官太宰之職正月之吉始和布治於邦國都鄙乃縣治象之法於象魏使萬民觀治象挾日而斂之小宰之職正歲帥治官之屬而觀治象之法徇以木鐸曰不用法者國有常刑注正月周之正月正歲謂夏之正月得四時之正以出教審令者也此汪之悖也以月紀者謂之正月此建寅之正也以日紀者謂之正歲此建丑之正也故凌人掌冰正歲十有二月令斬冰三其凌此正歲爲建丑之證也而七月之篇一之日鬻發二

豐前集五 樂府編

十

之日栗烈一之日者建子之月二之日者建丑之月也二之日鬻冰沖沖三之日納於凌陰凌人斬冰時當建丑卽七月所謂二之日也以建子爲一之日者此建子之正也通曆之日三百六十二紀之紀各三十初紀三十斗建在子爲一之日次紀三十斗建在丑爲二之日故冬至初日謂之正日當通曆之子位也周天之度三百六十冬至日躔起星紀之初至大寒初日日躔當亥枴之中故十有二月謂之正歲者大寒初日日躔當之子中也月有十二天有四時日月交乘故三月而成時歷孟仲季始於東北箕斗之鄉故以孟春朔日謂之正月者當朔晦之初元也古有三統之歷三正竝建一

日氣歷始冬至初日所謂建子之歷天統也一日黃道歷始大寒初日所謂建丑之歷地統也一日朔歷始孟春朔日所謂建寅之歷人統也故三代之歷無不建子三代之歷無不建丑三代之歷無不建寅史稱漢歷初起盡元鳳六年三十六歲而是非堅定至孝成世劉向總六歷列是非作三紀論向子歆究其微眇作三統歷此劉歆不知三統之義也其後沈括著書知廢朔而用氣而不悟氣朔之竝行也安氏論存知寅子之雙建而不悟建寅之用朔也三統並建歲準崇禎丁丑一日天統建子歷丁丑冬至日在乙丑時加巳初一刻是謂天統之端一日乙丑二日丙寅三日丁卯四日戊辰五日

豐前集五 樂府編

十一

己巳六日庚午七日辛未月朔廿一日乙酉月望三十日甲午日紀三十大寒日在乙未時加戌初三刻是謂天統丑中一日乙未七日辛丑月朔三十一日乙丑日紀三十一雨水日在丙寅時加卯正是謂天統寅中一日丙寅六日辛未月朔三十日乙未日紀三十春分日在丙申時加申正三刻是謂天統卯中一日丙申五日庚子月朔三十一日丙寅日紀三十一穀雨日在丁卯時加寅初一刻是謂天統辰中一日丁卯四日庚午月朔三十日丙申日紀三十小滿日在丁酉時加未初二刻是謂天統巳中一日丁酉三日己亥月朔三十一日丁卯日紀三十一夏至日在戊辰時加子正三刻是謂

天統午中一日戊辰月朔三十日丁酉日紀三十大暑  
日在戊戌時加巳正三刻是謂天統未中一日戊戌月  
朔三十日丁卯月朔日紀三十處暑日在戊辰時加亥  
初一刻是謂天統申中一日戊辰二十九日丙申月朔  
三十一日戊戌日紀三十一秋分日在己亥時加辰初  
二刻是謂天統酉中一日己亥二十八日丙寅月朔三  
十日戊辰日紀三十霜降日在己巳時加酉正初刻是  
謂天統戌中一日己巳二十七日乙未月朔三十一日  
己亥日紀三十一小雪日在庚子時加寅正二刻是謂  
天統亥中二十六日乙丑月朔三十日己巳日紀三十  
通期一周後歲冬至日起庚午循環終始以立天統一

豐前集五 樂府編

十三

日地統建丑歷崇禎丁丑大寒日在乙未是謂地統之  
端日躔牽牛則旅準玄枵之舊壤也地統初紀一日乙  
未二日丙申三日丁酉四日戊戌五日己亥六日庚子  
七日辛丑月朔畢於乙丑地統二紀時當雨水一日丙  
寅畢於乙未地統三紀時當春分一日丙申畢於丙寅  
地統四紀時當穀雨一日丁卯畢於丙申地統五紀時  
當小滿一日丁酉畢於丁卯地統六紀時當夏至一日  
戊辰畢於丁酉地統七紀時當大暑一日戊戌畢於丁  
卯地統八紀時當處暑一日戊辰畢於戊戌地統九紀  
時當秋分一日己酉畢於戊辰地統十紀時當霜降一  
日己巳畢於己亥地統十一紀時當小雪一日庚子畢

於己巳地統十二紀時當冬至一日庚午畢於庚子一  
日人統建寅歷正月一日辛丑日月合朔十一日辛亥  
時加丑而立春二十六日丙寅雨水日紀三十二月二  
日辛未十一日辛巳驚蟄二十六日丙申春分日紀二  
十九三月一日庚午十一日辛亥清明二十八日丁卯  
日紀三十四月一日庚午十三日壬午立夏二十八日  
丁酉小滿日紀二十九閏四月一日己亥十四日壬子  
芒種日紀二十九五月一日戊辰十六日癸未小暑日  
紀三十六月一日戊戌十六日癸丑立秋日紀二十九  
七月一日丁卯二日戊辰處暑十八日甲申白露日紀  
二十九八月一日丙申三日己亥秋分十九日甲寅寒

豐前集五 樂府編

十三

露日紀三十九月一日丙寅四日己巳霜降十九日甲  
申立冬日紀二十九十月一日乙未六日庚子小雪二  
十一日乙卯大雪日紀三十一月一日乙丑六日庚  
午冬至二十一日乙酉小寒日紀三十二月乙未七  
日辛丑大寒二十日丙申立春日紀三十此三統之略  
例也故七月之詩一之日觶發二之日栗烈三之日于  
耜四之日舉趾一之日于貉二之日其同二之日鑿冰  
沖沖三之日納於凌陰四之日其蚤獻羔祭韭此皆言  
建子之正日故變月而從日也七月流火九月授衣八  
月萑葦七月鳴鳩八月載績四月秀葷五月鳴蜩八月  
其穫十月隕摵五月斯螽動股六月莎雞振羽七月在

野八月在宇九月在戶十月蟋蟀入我牀下六月食鬱  
及與七月烹葵及菽八月剝棗十月穫稻七月食瓜八  
月斷壺九月叔苴九月築場圃十月納禾稼九月肅霜  
十月滌場此皆言建寅之正月故舉月以統日也周禮  
春官凡以神仕者掌三辰之法以猶鬼神示之居辨其  
名物以冬至致天神人鬼以夏至致地示物魁以  
禴國之凶荒民之札喪所謂三辰者建子建丑建寅三  
正之歷也不知三正並建而妄議建子天元謂非孔子  
夏時之意不知朔歷首寅而誤以日躔星紀爲章部紀  
會之元太初以來悠悠長夜矣

東字說

豐前集五 樂府編

十四

說卦傳曰萬物出乎震震東方也於時爲春於色爲青  
於位爲卯於行爲木於卦爲震其於方也爲東漢太尉  
南閣祭酒許慎受學賈逵作說文解字六藝羣書之詁  
皆訓其意而天地鬼神山川草木鳥獸蟲蟲雜物奇怪  
王制禮儀世間人事莫不畢載凡十四篇五百四十部  
九千三百五十三文重一千一百六十三解說凡十三  
萬三千四百四十一字畢終於亥字始於東所以表天  
日之運行明出震之經緯也說文曰東動也從日在木  
中日所升降在上曰杲在中曰東在下曰杳聖人法天  
著易結構兩儀其經卦皆八其別皆六十有四一日月  
儀自復至乾三十二卦以當日運自姤至坤三十二卦

以當月運傳曰天地定位山澤通氣雷風相薄水火不  
相射八卦相錯此易之日月儀也一宿位儀自坎至既  
濟三十二卦始子畢午自離至未濟三十二卦始午畢  
子傳曰帝出乎震齊乎巽相見乎離致役乎坤說言乎  
兌戰乎乾勞乎坎成言乎艮此易之宿位儀也宿位儀  
六十四卦是謂地易震爲長子位在東方蒼龍之宮太  
陽之所踴躍奮迅而出也以日月儀運於地易曰儀乾  
卦臨東方而加震此東方之所以從木古人所謂日在  
木中者也且北之爲北南之爲南西之爲西其義皆本  
諸陰陽其字皆象諸出震陰陽順逆分於正北乾右坎  
左天水違行故古人制字北同背義說文曰北乖也從

豐前集五 樂府編

十五

二人相背北方亦曰朔方以函終始二義也因義轉爲  
敗北之北借爲分北之北故觀出震旋圖而悟北字之  
象表暴陰陽也南當離方萬物皆相見也說文艸艸木  
盛水水然象形南艸木至南方有枝任也從水羊聲魏  
氏曰南離明之位天地之正面也於時爲夏矣陽極而  
陰生其盛也乃其所以衰也其上從水者陽盛長極生  
物畢達也其下從羊者姤一陰生遯二陰生有與於下  
進而侵陽也余以爲南上從水表艸木繁茂之形南下  
從羊著陰陽交午之象也故南之制字法出震圖之離  
與既濟也故坎治北而離治南也西兌也日生於東月  
生西方籀文囟象月之形也日在木中而爲東月光

射木而爲西故古文西字爲植也說文西鳥在巢上象形日在西方而鳥栖故因以爲東西之西夫古之諧聲本以東西之西演爲鳥棲之棲非以鳥棲之棲轉爲東西之西也此說文之誤也出震旋圖曰儀乾加於震而在東則月儀坤加於兌而在西此西之所以象兌而栖之所以從木也○從卜言測筮也故或兼木而爲栖或略木而爲鹵也

外字說

內卦爲貞外卦爲悔朝卜主貞自子至巳六爻自下而上得屯占屯得咸占咸其體順而爲內夕卜主悔自午至亥六爻自上而下得屯占蒙得咸占恆其體逆而爲

豐前集五

樂府編

十六

外故古人制字以夕卜爲外也六書精蘊曰內在中也道無中邊就形體論則有內外賓主辨焉故從口爲界限自外而入則內之爲主可知矣內陽而外陰天地之大義也朝陽而夕陰天地之大限也卜筮之法內卦爲貞體也主也外卦爲悔用也客也夕卜則主悔就動處求近應也取夕卜爲外何往而非尊陽善言內外莫如精蘊而許氏說文謂卜尙平旦今夕卜於事外矣此字說之崎嶇者也朝象日光旁射升而未高故從軌而諧月夕象月之初生夕見西方故示月之半體此夕所以從月而悔卦所以爲外也貞悔者卜筮之要也洪範七稽疑擇建立卜筮人乃命卜筮曰雨曰霽曰蒙曰驛曰

克曰貞曰悔凡七卜五占用二衍忒筮法不傳後人不知貞悔之義因左傳言蠱之貞風其悔山遂謂內卦貞外卦悔因國語言貞屯悔豫又謂本卦貞之卦悔使以外字證之則狐疑釋矣古人貞作鼎從卜從鼎悔作斟從卜從母故悔之與外文形相類而文義相通也

五德廣訓

滅從火從戌釋曰火墓於戌取以爲意故丙丁火運生寅墓戌滅字表之矣成從戌從丁釋曰萬物土生之土成之五行一而地六成水五行三而地八成木五行二而天七成火五行四而天九成金故戌巳中宮分王四時成字表之矣未從木從釋曰未木墓也故甲生在

豐前集五

樂府編

十七

亥乙不墓戌未字表之矣德丁以柔火寄生於酉火之亞墓應在丑宮滅字制文不當主戌使乙以柔木寄生於午木之亞墓應在戌宮戌中藏木不符火滅使癸以柔水寄生於卯水之亞墓及在西南未無水象不應文義使戌已長生攀申寄寅上德不綱附命水火以戌爲成象理安在此韓退之以識字勉人而前哲立言考古慨六書之不明也朝卜主貞自內而外夕卜主悔自外而內故字合夕卜而爲外蓋周易朝屯暮蒙七十二卦選來變化之運一外字而已矣日生於卯明啟東方帝出乎震乾臨長子故字曰乘木而爲東蓋遇師孚剝天易地易六十四卦出震之道一東字而已矣乾坎順逆

天水違行陰陽變遷生死交易故字兩相背而爲北蓋地易南離北坎三百六十周天星漢之象一北字而已矣日躔始斗度在建星大火西流實當秋候故秋字從禾而水流蓋歲差運斗迴箕七十二年分秒累積之數一秋字而已矣金德主聲西方金位庚爲陽金是司樂律故庚字象庸而主音蓋納音甲子始商六十律隔八旋宮之義一庚字而已矣秦燒六籍滅裂聖學奉著無貞悔之占陳圖亡出震之式歲差昧斗建之鄉律呂亂黃鍾之矩幸六書可攷大意猶存天下有深思好古之士則六經疑義可尋點畫而求也



豐草菴前集卷六目錄

文苑編

文苑英華詩略序 非煙香記 博山鑪變

眾香評 夢遊篇贈五湖客 林氏釋 釋分

野 旋宮釋 釋五行卦象 非煙香法自序

題曉寒合錄 題樵耒二兒雜文 書先君

贈非翁長歌墨蹟後 芝筠詩序

豐前集 文苑編目

豐草菴前集卷六

文苑編

吳興董 說若雨著

文苑英華詩略序 辛卯

余欲爲風雅編年而未成蓋以詩繫事以事繫年以年繫代古今大略可吟詠而見也如漢建安十八年以冀州十郡封曹操爲魏公以丞相領冀州牧又加九錫大輅戎輅各一玄牡二駟袞冕之服赤舄副焉軒縣之樂八佾之舞朱戶以居納陛以登虎賁之士三百人鈇鉞各一彤弓一彤矢百旅弓十旅矢千秬鬯一卣珪瓚副焉於是王粲作顯廟頌其首章曰思皇烈祖時邁其德肇啟洪源貽燕我則卒章曰無思不若允觀厥崇是帝廟之辭也建安二十年三月魏公自將擊張魯十一月張魯將家屬出降魏公操逆拜魯鎮南將軍待以客禮封閭中侯邑萬戶封魯五子及閭圃等皆爲列侯於是王粲作從軍行其首章曰從軍有苦樂但問所從誰所從神且武焉得久勞師相公征關右赫怒震天威次章曰涼風厲秋節司典告詳刑我君順時發桓桓東南征四章曰籌策運帷幄一絲我聖君恨我無時謀譬諸具官臣詞旨飄搖乍君乍相是王粲勸進之辭也晉大興元年三月癸丑愍帝凶問至建康晉王斬縗居廬百官請上尊號丙辰晉王卽皇帝位夏四月段匹磾留劉琨琨之庶長子遵懼誅與琨左長史楊橋等閉門自守匹

碑攻拔之代郡太守辟閭嵩後將軍韓據復潛謀襲匹  
碑事泄匹碑執嵩據及其徒黨悉誅之五月癸丑匹碑  
稱詔收琨縊殺之并殺其子姪四人朝廷以匹碑尙彊  
翼其能平河朔乃不爲琨舉哀温嶠表琨盡忠帝室家  
破身亡宜在褒恤盧諶崔悅因末極使者亦上表爲琨  
訟冤今讀越石贈盧諶詩曰功業未及建夕陽忽西流  
時哉不我與去乎若雲浮朱實隕勁風繁英落素秋狹  
路傾華蓋駭駟摧雙輶何意百鍊剛化爲繞指柔是江  
左喪亂之音也宋文帝元嘉二十六年二月己亥上如  
丹徒謁京陵三月丁巳大赦募諸州樂移者數千家以  
實京口於是顏延之有車駕幸京口侍遊蒜山之詩其

豐前集六 文苑編

二

詩曰睿思纏故里巡駕市舊垆陟峰騰輦路尋雲抗瑤  
費有車駕幸京口三月三日侍遊曲阿後湖之詩其詩  
曰虞風載帝狩夏諺頌王遊春方動宸駕望幸傾五州  
山祇蹕嶠路水若警滄流神御出瑤軫天儀降藻舟是  
延之侈諛之辭也唐玄宗開元十年夏四月己亥以張  
說兼知朔方軍節度使領單于都護府夏鹽等六州定  
遠豐安二軍三受降城閏五月壬申張說巡邊秋九月  
康待賓餘黨康願子反自稱可汗張說發兵追討禽之  
其黨悉平玄宗送張說巡邊詩曰端拱復垂裳長懷御  
遠方股肱申教義戈劍靖要荒命將綏邊服雄圖出廟  
堂三台入武帳八座起文昌是開元神武之略也雖然

其詞自揚可以考世變矣肅宗寶應元年建卯月辛亥  
朔赦天下復以京兆爲上都河南爲東都鳳翔爲西都  
江陵爲南都太原爲北都而杜甫有建都十二韻曰蒼  
生未蘇息胡馬半乾坤議在雲臺上誰扶黃屋尊建都  
分魏闕下詔闕荆門恐失東人望其如西極存時危當  
雪恥計大豈輕論雖倚三階正終愁萬國翻牽裾恨不  
死漏網辱殊恩永負漢庭哭遙憐湘水魂窮冬客江劍  
隨事有田園風斷青蒲節霜埋翠竹根衣冠空穰穰關  
輔久昏昏願在長安日光暉炤北原其辭沈是年代宗  
卽位高適官於蜀召還而甫有寄高適詩曰楚隔乾坤  
遠難招病客魂詩成惟我共世事與誰論北闕更新主

豐前集六 文苑編

三

南星落故園定知相見日爛漫倒芳樽其辭直代宗廣  
德元年正月史朝義屢出戰皆敗田承嗣說朝義令親  
往幽州發兵還救莫州承嗣自請留守莫州朝義旣去  
承嗣卽以城降送朝義母妻子於官軍於是僕固瑒侯  
希逸薛兼訓等帥眾三萬追之及於歸義與戰朝義敗  
走東奔廣陽廣陽不受欲北入奚契丹至温泉柵李懷  
仙遣兵追及之朝義窮蹙縊於林中懷仙取其首以獻  
僕固懷恩與諸軍皆還甲辰朝義首至京師癸亥以史  
朝義降將薛嵩爲相衛邢洺貝磁六州節度使田承嗣  
爲魏博德滄瀛五州都防禦使李懷仙仍故地爲幽州  
盧龍節度使而杜甫有聞官軍收河南河北詩曰劍外

忽傳收薊北初聞涕淚滿衣裳卻看妻子愁何在漫卷  
詩書喜欲狂白日放歌須縱酒青春作伴好還鄉卽從  
巴峽穿巫峽便下襄陽向洛陽其辭飛揚廣德元年冬  
十月吐蕃寇奉天武功京師震駭詔以雍王适爲關內  
元帥郭子儀爲副元帥出鎮咸陽以禦之子儀閒廢日  
久部曲離散召募得二十騎而行乙亥上方治兵而吐  
蕃已度便橋倉猝不知所爲丙子出幸陝州而杜甫有  
遺憂詩曰亂離知又甚消息苦難眞受諫無今日臨危  
憶古人紛紛乘白馬攘攘著黃巾隋氏留宮室焚燒何  
太頻其辭危苦大歷二年九月吐蕃眾數萬圍靈州遊  
騎至潘原宜祿詔郭子儀自河中帥甲士三萬鎮涇陽

豐前集六

文苑編

四

非煙香記

六經無焚香之文三代無焚香之器古者焚蕭以達神  
明爾雅蕭荻似白蒿莖麤科生有香氣祭祀以脂熬之  
詩曰取蕭祭脂郊特牲云既奠然後炳蕭合羶薌是也  
凡祭灌鬯求諸陰炳蕭求諸陽見以蕭光以報氣也加  
以鬱鬯以報魄也故古制字者香取諸黍稷馨香說文  
馨芳也從黍從甘會意魏氏以爲從黍從鼻以香從黍  
故古之香非旃檀水沈人間寶鼎皆商周宗廟祭器而  
世以之焚香然余以爲焚蕭不焚香古太質不可復焚  
香不蒸香俗太躁不可不革蒸香之鬲高一寸二分六  
分其鬲之高以其一爲之足倍其足之高以爲耳三足  
雙耳銀薄如紙使鬲坐烈火滴水平盈其聲如洪波急  
濤或如笙簧以香屑投之遊氣清冷細縕太玄沈默簡  
遠歷落自然藏神納用銷煤滅煙故名其香曰非煙之  
香其鼎曰非煙之鼎然所以遺恆香也若遇奇香異等  
必有蒸香之格格以銅絲交錯爲窗爻狀裁足鬲鬲水  
泛鬲中引氣轉靜若香材曠絕上上又徹格而用簞蒸  
香簞式密織銅絲如簞方二寸許約束熱性湯不沸揚  
香尤杳冥清微矣余非獨焚香之器異於人也余囊中  
有振靈香屑是能薰蒸草木發揚芬芳振靈香者其藥  
不越馥草甘松白檀龍腦然調適輕重不可有一銖之  
失振靈之香成則四海內外百草木之有香氣者皆可  
以入蒸香之鬲矣振草木之靈化而爲香故曰振靈亦

豐前集六

文苑編

五

曰空青之香亦曰干和香亦曰客香名客香者不爲物主退而爲客抱靜守一以盡萬物之變亦曰無位香歷眾香而不留亦曰翠寒翠言其色寒言其格也亦曰未曾有香百草木之有香氣者皆可以入蒸香之屬此上古以來未曾有也亦曰易香以一香變千萬香以千萬香攝一香如一卦爻可變而爲六十四卦三百八十四爻此天下之至變易也自名其居曰眾香宇名其圃曰香林天下無非香者我爲之略例者也頃偃蹇南村薰鑪自隨摘玉蘭之悶蕊收寒梅之墜瓣花蒸水格香透藤牆悲夫世之君子放遯山林與草木爲伍而不知其爲香也故記非煙香法以爲獻

豐前集六 文苑編

六

博山鑪變

焚香之器始於漢博山鑪攷劉向薰鑪銘嘉此正器巖若山上貫太華承以銅盤中有蘭綺朱火青煙而古博山香鑪詩曰四座且莫喧願聽歌一言請說銅香鑪崔嵬象南山上枝似松柏下根據銅盤雕文各異類離婁自相連誰能爲此器公輸與魯班朱火然其中青煙颺其閒順風入君懷四座莫不歡香風難久居空令蕙草殘至呂大臨攷古圖謂鑪象海中博山下有盤貯湯使潤氣蒸香象海之回環蓋博山承之以盤環之以湯按銘尋圖制度可見然余謂博山鑪長於用火短於用水猶未盡香之靈奇極變也火性騰躍奔走空虛千巖

萬壑繹絡煙霧此長於用火銅盤仰承火上水下湯不緣香離而未合此短於用水余以意造博山鑪變選奇石高五寸許廣七八寸玲瓏鬱結峰巒秀集鑿山頂爲神泉細別石脈爲百折澗道水簾懸瀑下注隱穴洞穿穴底而置銀釜焉謂之湯池湯池下垂如石乳近當鑪火每蒸香時水灌神泉中屈曲轉輸奔落銀釜是爲蒸香之淵一曰香海可以加格可以置簞其下有承山之鑪盛灰而裝炭其外又有磁盤承鑪環之以湯如古博山旣補水用之短亦避鎔金之俗怪石清峻澄泉寂歷曰博山鑪變夫香以靜默爲德以簡遠爲品以飄揚爲用以沈著爲體回環而不欲其滯緩適而不欲其漫清

豐前集六 文苑編

七

癯而不欲其枯飛動而不欲其躁故焚香之器不可以不講也

眾香評

蒸松鬣則清風時來拂人如坐瀑布聲中可以銷夏如高人執玉柄塵尾永日忘倦蒸柏子如崑崙玄圃飛天仙入境界也蒸梅花如讀酈道元水經注筆墨去人都遠蒸蘭花如展荆蠻民畫軸落落穆穆自然高絕蒸菊如蹋落葉入古寺蕭索霜嚴蒸蠟梅如商彝周鼎古質與文蒸芍藥香味閒靜昔見周昉倦繡圖宛轉近似蒸荔子殼如辟寒犀使人神煖蒸橄欖如遇雷氏古琴不能評其價蒸玉蘭如珊瑚木難非常物也善震耀人蒸

薔薇如讀秦少游小詞豔而柔蒸橘葉如登秋山望遠  
蒸木樨如褚河南書兒寬贊挾篆隸古法自露文采蒸  
菖蒲如煮石子爲糧清瘠而有至味蒸甘蔗如高車寶  
馬行通都大邑不復記行路難矣蒸薄荷如孤舟秋渡  
蕭蕭聞雁南飛清絕而悽愴蒸茗葉如詠唐人曲終人  
不見江上數峰青蒸藕花如紙窗聽雨閒適有餘又如  
鼓琴得緩調蒸藿香如坐鶴背上視齊州九點煙耳殊  
廓人意蒸梨如春風得意不知天壤閒有中酒氣味別  
人情懷蒸艾葉如七十二峰深處寒翠有餘然風塵中  
人不好也蒸紫蘇如老人曝背南檐時蒸杉如太羹玄  
酒惟好古者尙之蒸梔子如海中蜃氣成樓臺世閒無

豐前集六 文苑編

八

物髣髴蒸水仙如宋四靈詩冷絕矣蒸玫瑰如古樓閣  
榜蒲諸錦極文章鉅麗蒸茉莉如話鹿山時立書堂橋  
望雨後雲煙出沒無一日可忘於懷也

夢遊篇贈五湖客

五湖客遭疾愁苦甫辟寒而乞靈犀乍過暑而揮白羽  
如遊驪山阿房一日之閒而氣候無主鷓鴣谿董生就  
而問焉慚無猛將花卿之句竊慕枚生七發之投敢獻  
新夢以當臥遊五湖客曰願卒聞之董生曰嘗夢與子  
巾裁白鷺履織桃花水晶柄塵碧玉函茶追向禽之高  
跡采洞嶽之英華於是衣拂金雞筇鳴玉乳誦雲密之  
蟲碑瞻巨靈之掌路霞宮闕而漢興阪風雨而秦誤峰

向背而名九嶷草叱聲而宇神護覽眞形於西笈曾不  
違乎夙慕微名山之舊聞恍遊目其如故蹟華陰之靈  
嬪躡朱衡之寶露豔雙室之紫煙弔天門之爵樹莫不  
竊窈鬱結震蕩馳騫蒙籠續紛蚴蟉盤固怡神忘返涉  
歷無忤萬壑千巖慷慨奔赴笑昌黎之登嶽視險絕而  
先懼五湖客曰壯遊哉予歌行路難矣董生曰昔者夢  
遊春申城下高閣飛青層樓臨野酒渴求漿垂楊繫馬  
抽簪扣扉無人門者轉重閭之雲蔓睇珍館之修雅衣  
綵縵而乍聞微歎息于中廈窺梧桐之綠隙宛文君之  
新寡屏懸弄玉之圖研借雀臺之瓦羽帳並芙蓉之蒂  
紅拂刻珊瑚之把聊徒倚於碧闌憎楊花之漫惹度江

豐前集六 文苑編

九

南之哀曲抱琵琶而自寫方庭樹之垂榮忽秋聲之瀟  
灑藹藹都梁薰衣自香曲終日暮縱覽縹緲詠高唐而  
懷宋玉榻洛神而眷陳王腰緣愁而轉細眉乍斂而還  
揚雖金屋越構明珠夜量未足買此娉婷盈盈畫堂誠  
麗人之絕世玉臺之無雙者也五湖客曰予病倦遊不  
慕也董生曰復夢與子采藥層峰白雲乍披長松落落  
澗石離離卒遇道士髮短耳垂授一丸而未已裂黃素  
而敷詞灑南嶽之妙隸演洞庭之寶符唱樂府之升天  
執余袂而步虛俯視下土蒼茫可悲蔚藍天院乘風徘  
徊芳草如積契平子西京之賦嘉木繞川非魏國芙蓉  
之池其宮室則有朱火綺合琅玕空青易仙童初八景

赤城晨鐘之界蕊珠之宮圃著積石臺標七靈其策府  
則有玉案清誥錦囊祕文綠字玄閣之藉銀刻洞房之  
經九變虎書六戊帝音鳳璽封於別殿紫童典於素京  
其輿服則有班龍羽車白鸞霄輶握垂珠之仙節帶飛  
月之蛟鈴冠式綠霞衣飄鶴翎非錦非繡詭麗芳馨其  
音樂則有拊石靈華吹笙雙成持高春之短鼓撫謝妃  
之長琴曲曾傳於阿母聲昔奏於幔亭瑤花萬樹爛漫  
崢嶸救招仙之旌旗開玉筵而聚英羣神雁次碧落寒  
澄或藏鈎而引沆瀣亦對弈而輸麒麟於是五湖客有  
凌雲之思矣慨然曰仙乎仙乎此吾之逍遙遊也

林氏釋 壬辰

前集六 文苑編

十

定百世之大統者姓也別子孫之流派者氏也今天下  
不知有姓亦不知有氏天下所謂姓者皆古之氏也欲  
敦復古道其端有三一推本古姓是爲姓之不易當不  
祧之祖也一發明今日之姓爲古昔之氏歷世相承實  
爲今姓是爲姓之始變當本支之宗也一分別子孫旁  
出各創定今日之氏以辨于古氏爲姓之通變當枝葉  
之繁也古或以邑爲氏故有菟裘矍相吾丘令狐或以  
地爲氏故有陵陽少室城池橋關東方西郭市南社北  
瓜田桐里或以字爲氏故家繇家父方繇方叔子桑子  
服皇父事父或以名爲氏故力牧之後有牧伯奮之後  
有奮倉頡句龍季隨常壽或以次爲氏故有孟仲叔季

第五第二或以官爲氏故有爽鳩桑扈南史樂正太祝  
司馬調衡幸保訓諫粟謁或以爵爲氏故有公氏侯氏  
不更庶長或以德爲氏故冬日本趙老成著宋或以技  
爲氏故有巫屠甄陶參龍屠羊卜人干將或以事爲氏  
故有痛姬之痛語兒之兒青牛白鹿鸚冠乘馬或以謚  
爲氏故有文閔幽宣惠獻孝肅余之自別爲林氏則以  
祖德爲氏也亦曰以地爲氏亦曰以事爲氏亦曰以謚  
我始祖貞元公宋金紫光祿大夫良嶽方輿抽簪遠逝  
卜築茗谿梅村地富梅花公草堂之側有異梅天矯獨  
立鐵幹鏘鏘金石聲碧葉如掌下可覆小漁村公賦詩  
曰三槐九棘浮雲外一樹寒梅寄我心蓋紀實也公歿

前集六

文苑編

十一

而人稱梅花董公子孫私謚曰梅林先生而一時江左  
高人杖履道梅村望先生之故廬皆歎慕梅林董氏遂  
名其里曰梅林高宗南渡以五月五日駐蹕譙賞感舊  
京之榛莽嘉老臣之忠哲於是易名曰上林而橋其廬  
之東曰迎陽名其西橋曰御駕當是時車馬軋然西村  
也故名其西曰軋村劉汝一作上林賦云上林之墟大  
爲膏腴南臨官道北繞具區迎陽東迴御駕環西中有  
董園十丈之梅實爲海內千載之奇故曰以祖德爲氏  
而上林者里名也從地故亦曰以地爲氏此我家先世  
之高風吳興耆舊之盛事也故亦曰以事爲氏子孫私  
謚貞元公曰梅林先生故亦曰以謚乃余之自別爲林

氏實家規不易之法也我族人賢我子孫不賢我以我  
林氏爲界以限我子孫勿累我族人我族人不賢我子  
孫賢我以我林氏爲籬以隔我族人護持我子孫我慮  
我歿而子孫墮我祖德爲梅花之辱我以我林氏爲身  
後之訓我慮我修名不永不能以自別之林耀我子孫  
我以我林氏爲座右之銘壬辰歲寒梅花載新作林氏  
釋端告後人

釋分野 乙未

十二分野主人不主地所謂分野者其先世受封之日  
視其國之方所照臨之星爲國之司命者也其國之方  
則準於九土其照臨之星則準於初昏法先測封日之

前集六 文苑編

十一

中星則知分星矣周禮保章氏掌天星以志星辰日月  
之變動以觀天下之遷辨其吉凶以星土辨九州之地  
所封封域皆有分星以觀妖祥所封之分星謂所封之  
日其國之方初昏上見某星也封域之分星謂朱鳥蒼  
龍之正位也出震地儀是也建國之方初昏上見某星  
者十二分野是也星紀吳越也立枵齊也娵訾衛也降  
婁魯也大梁趙也實沈晉也鶉首秦也鶉火周也鶉尾  
楚也壽星鄭也大火宋也析木燕也周景王將鑄無射  
伶州鳩曰昔武王伐殷歲在鶉火月在天駟日在析木  
之津辰在斗柄星在天龍星與日辰之位皆在北維顛  
項之所建也帝嚳受之我姬氏出自天龍及析木者有

建星及牽牛焉則我皇妣大姜之姪伯陵之後逢公之  
所馮神也歲之所在則我有周之分野也月之所在辰  
馬農祥也我太祖后稷之所經緯也夫伶州鳩之言則  
保章氏之遺法也逢公后稷咸稱先世則分野爲先世  
受封之日國位上見之星可知矣逢公伯陵之後太姜  
之姪殷之諸侯封於齊地太公實因逢公而封齊故齊  
占立枵則逢公受封之日虛危昏臨齊國也帝堯舉棄  
爲農師天下得其利有功帝舜曰棄黎民始飢爾后稷  
播時百穀封棄於郃號曰后稷別姓姬氏故周占鶉火  
則后稷受封之日初昏上見柳星也宋主大火則殷之  
先世受封之日昏見房心也秦嬴姓少皞之後也以皋

前集六 文苑編

十二

陶爲始祖十世曰蜚廉生二子一曰惡來其後爲秦一  
曰季勝其後爲趙惡來之後五世曰非子初封於秦谷  
爲秦氏故秦占鶉首則非子受封之日昏見井鬼也季  
勝之後有造父穆王賜以趙城爲趙氏趙占大梁則造  
父受封之日昴畢昏臨趙國也魯之始封昏奎婁也故  
占降婁燕之始封初昏燕見尾箕也故占析木晉之始  
封晉見實沈衛之始封衛見營室東壁吳之始封吳見  
南斗越禹之苗裔封於會稽奉禹祀越占牽牛婺女越  
受封日臨越之星也楚占翼軫鬻熊受封之日臨楚之  
星也或曰昆吾氏夏爲侯伯始封命星鄭之始封初昏  
鄭見壽星也故占角亢分野大略主昏臨而不主地主

星而不主度自班固妄剖十二費直蔡邕訛言洋溢唐僧一行輒以雲漢始終傳之譬之若太乙七十二遁千年惘然而抱唐虞之式也

旋宮釋

旋宮遺法在大司樂起調爲角發揚爲徵畢曲爲羽運行而貫終始者爲宮降天之樂圖鍾爲宮黃鍾爲角太簇爲徵姑洗爲羽圍鍾者角聲也謂角聲爲宮黃鍾羽起調太簇下角司發姑洗高宮畢曲也地示之樂函鍾爲宮太簇爲角姑洗爲徵南呂爲羽謂林鍾清宮爲宮太簇角起調姑洗高宮司發南呂下商畢曲也禮人鬼之樂黃鍾爲宮大呂爲角太簇爲徵應鍾爲羽謂黃鍾

豐前集六 文苑編

十四

羽爲宮大呂濁宮起調太簇角司發應鍾濁羽畢曲也其所言宮角徵羽者始終賓主之虛位其所言黃鍾姑洗者宮角徵羽之異名不言商者宮動商應無異律也後世言祭尙柔商堅剛又謂周木德王避商聲者皆妄也太師掌六律六同以合陰陽之聲太師執同律以聽軍聲而詔吉凶夫太師執律之占卽大司樂旋宮之法也一言之微必有本末一章之成各有開藏始調候天發揚候事畢曲候地始調候首發揚候中畢曲候尾本宮候我外擊候敵同聲候合異管候離本宮候君在軍候主將起調候導發揚候兵甲在國候禮樂畢曲候成功共厲候殺戮本宮候中起調候表發候外而遠畢候

閉藏伏謀本宮候社稷角候臣佐發候車騎封疆畢候民物本宮候四季月角候春視起調發端候夏應徵畢曲候冬本宮候帥角候將佐徵候部伍羽候采薪本宮候軍營角候行徵候馳驅羽候旋候來周禮注引兵書曰王者行師出軍之日授將弓矢士卒振旅將張弓大呼大師吹律合音商則戰勝軍士彊角則軍擾多變失士心宮則軍和士卒同心徵則將急數怒軍士勞羽則兵弱少威明此特五音之影國未窺旋宮之奧府也

釋五行卦象

自畫卦之始一陽中坎而在北一陰中離而在南三陽之乾在西北三陰之坤在西南八方卦位定矣天一生

豐前集六 文苑編

十五

水陽卦左行坎得乾之中陽故坎次乾左行至於東北而爲艮則坎陽自中而升於上也地二生火陰卦右行離得坤之中陰故離次坤右行至於東南而爲巽則離陰自中而降於初也於是坎離會於正東當房心昴畢之道坎升爲艮升極必墜故艮一變而爲震而畫卦太始之位震在東方故坎氣終於東方而水道東行也離降爲巽墜極必升故巽一變爲兌而畫卦太始兌在西方故離氣終於西方而日運西行也陽趨於生而陰趨於殺趨於生故以坎就震震木者坎水之所生也趨於殺故以離就兌兌金者離火之所殺也兌者巽之悔也故風澤中孚兌者艮之伏也故山澤通氣風澤中孚離



降爲巽而就兌山澤通氣坎升爲艮而就兌故坎離始會於東震終會於西兌惟會於兌故坎水東流返於西北而出於乾日從天西行至於西南復稟坤元而遂黃道右旋之性者也此五象之奧也

非煙香法自序 丙申

屹然立非煙之法於天下可以翼聖學東西至日月所出入其間動物有靈無非聖人者人人皆爲神聖而後盡人之性百草木皆爲異香而後盡草木之性證聖之學六經是也六經非能使人聖也證香之方非煙是也非煙非能使草木香也故曰可以翼聖學黃鍾蔽六律荒余作律呂發考喉舌濁清之候定六十自然之音

豐前集六 文苑編

十六

而人或未悟易學自秦漢無統矣余數年前幸稍窺見出震門戶卦律周輪乃作易發古聖幽微澄若九秋之天而人或未悟律之不易悟者絲竹因人也易之不易悟者河洛不言也今非煙香法證百草木之無非香者風莖露葉指摘可徵繁非若絲竹奧非若河洛也學者撥灰立悟矣故曰可以翼聖學

題曉寒合錄

鷓鴣生曰往余作責子詩胎簪兄曰弟過矣我則數譽我兒余應曰兄何譽兒癡胎簪兄笑曰弟何不譽兒癡也相與大笑別去數年來樵等漸近筆墨余創爲草菴四體文冀拔蒙疾四體者一曰測則經學之文也一曰

演則賦頌之文也一曰斷則議論之文也一曰述則敘記之文也余嘗著易發律呂發詩發周禮緯諸書漁村野語未敢就正當世高賢稍令兒輩習之展其天情不束章句故兒輩近業文於四體中先測測於諸經中先易詩則其挑燈之課也曉寒者余家樓名也名曉寒者余昔夢至峰頂石樓有篆牌七字云七十二峰生曉寒故以名西偏小樓也又名其潭曰夢石樓潭矣曉寒合錄之刻則余愁病且死傷兒輩之未竟其學以志其深悲亦將進而勉之也雖然胎簪兄見之將無言譽兒余有示兒詩云經傷漢代儒林變詩斥唐人應制非胎簪兄昔坐斷腸洲畔所吟而賞也余將呼樵兒鼓蘋花之槳牧兒打瓦鼓未兒捧釣竿立兄左側余自唱吳興漁人教子謠一甌寒茗敬爲兄壽亦聊以自解其癡矣

題樵末二兒雜文

鷓鴣生曰乙酉夏余移家鹿山未兒始四歲耳一家聚樵船中惘惘西去未兒生未嘗見青山初望見郭西遠峰綠溼忽失聲曰彼青青者雲堆矣船中人收涕爲笑乃指而告之曰山也已寓鹿山草堂適晨雨卷簾雲滿天了無見也未兒復失聲曰山亡矣則復聚而大笑樵長於未三歲時能拾湖中石子布地作小洛書又喜縫榭葉爲綠蓑衣樣結草像漁父衣蓑持釣耽翫盡日晚則隨余立書堂橋上縱望紅霞縷縷余或裂紙寫唐人

豐前集六 文苑編

十七

遊仙曲命樵兒緩聲誦之亦悽放可聽也歷十餘年作  
石子小洛書者弄筆墨造山海卦緯矣狂論歸藏矣表  
周禮六夢矣失聲歎山亡者出新意製香箋矣能手定  
策卦十八變全圖矣嗟乎歲月新而齒髮改不亦傷哉

書先君贈非翁長歌墨蹟後

每欲搜羅舊文集先人遺事爲高暉堂家語一書如東  
生能始諸先生集中贈和之作爲詩文緣雲棲慈山兩  
大師法語爲出世緣與閔康侯先生讐書討論諸文爲  
著述緣先人集中前後遊覽名勝諸詩爲山水緣先人  
手跋碑版舊文名賢墨跡諸文爲圖書緣清緣畢集子  
孫永寶甚善恨病未就也先大宗伯手評兩漢書真本

豐前集六 文苑編

七

落人間非仲先生力購歸先人先人手書長歌爲謝非  
仲先生義甚高家語圖書緣此爲冠矣昔康侯先生家  
富藏書天性嗜學如劉伯倫之於酒謬謂余讀書無經  
生習氣辛壬己後或徵奇字或證異聞尺書日走溽上  
病甚猶強起寄書於余論同名錄二百餘字言微楷細  
也康翁於余家殆世有著述緣而數年來非仲先生授  
經南村憐余愁病則爲余買書故病孔雀編載志感詩  
有萬卷子孫能永保只教世世頌高賢之句非翁於余  
家亦世有圖書緣矣

芝筠詩序

唐書稱李白至長安往見賀知章知章見其文歎曰子

謫仙人也余獨謂知章一時豪語政未盡善攻神仙傳  
白石先生嘗煮白石爲糧謂天上多至尊相奉事更苦  
於人間時人呼爲隱遁仙人而十洲記言方丈在東海  
中與東西南北岸相去正等方丈面各五千里有金玉  
琉璃之宮三天司命所治處羣仙不欲升天者皆往來  
也夫神仙曲匿風塵俯悲文苑虛雲霄之位自放於山  
水文章是亦飛仙之高隱者耳安在其爲謫哉我家芝  
筠負仙才發爲文章去塵埃萬里與世人語如蜀道未  
關與芝筠語如海躍初日人間文字卑不足論高者如  
唐樞晉帖讀芝筠文蛟龍破山而出橫絕乎九天忽迴  
翔安流蕩蕩使人神悅人閒詩歌亂若風葉聲情背馳

豐前集六 文苑編

九

神理伏匿法古者愚自運迷惑風雅墜於地執卷慟哭  
讀芝筠詩實爲詩林之岐伯幽曠之言已人痼疾十五  
國風藉茲發藥甚矣人閒之幸也芝筠不求聞達如古  
白石真立吟詠示人表則余則土木形骸悠悠忽忽近  
戒綺語斷自七月作焚研辭與詩卷長訣頽我芝筠未  
倦聲律余亦幸甚是惠我以清緣逸我以山澤藉令芝  
筠揮手吟壇蕭條寂寞靈文祕藏與枯禪合轍余安得  
不痛心文喪孤峰坐寂把茅蓋頭悲結未釋故序芝筠  
之詩使余飛揚跋扈神朗志適飄飄然與山雲俱浮高  
鳥並越而筆亦從此絕矣

豐草菴前集卷六

豐草葳後集自序

往余病中痛念生死變姓名草衣芒屨走靈巖見我師  
夾山和尚和尙俯憐愁苦謂余天資近道許隨眾入室  
名之曰玄潛字之曰俟菴乃草木數易瞻道無涯無以  
承和尚遠大之期則玄潛負罪久矣丙申復上靈巖參  
請之暇草雜問十餘條披肝露膽冀拔膏肓其一曰雁  
過長空影沈寒水正是光影奔馳棒如雨點喝似雷奔  
猶屬門庭施設靈巖堂奧中事則不問新修佛殿作何  
指向其二曰禪樂府位置宮商樂府禪安排佛祖知音  
不必頻頻舉作者須知暗裏驚祇如屋北鹿獨宿谿西  
雞齊唳畢竟是何曲調其三曰嘗憶江南三月裏鷓鴣

豐後集 自序

嘯處百花新尋香逐色者死在句下無舌人在虛空背  
上唱出八萬四千陀羅尼未審誰爲翻譯其四曰權實  
紛紜主賓歷落三代而下以暴易暴不知其非而今追  
還太古不動干戈致太平馮何垂拱其五曰喫粥了洗  
鉢盂便道一切現成天帝釋駕百寶芙蓉輦在蚊子眼  
睫上左衝右突古墓前石羊石馬一齊發笑是平常是  
奇特其六曰百千萬億菩薩出廣長舌相各申一問只  
須咳嗽一聲答過了也近來春行秋令氣候不常街頭  
巷尾一箇箇傷風咳嗽大醫王慈憫眾生還用防風桔  
梗也無其七曰甲巳子午九乙庚丑未八滴露研朱點  
周易盡未來際講不了八卦五行無陰陽地上還著得

豐後集 自序

算子否其八曰十年磨一劍霜刃未曾試今日爲報不  
平先將第八識一刀畢竟捉刀之人具何謀略其九曰  
三世諸佛在火燄裏轉大法輪白馬廟冷灰堆裏撥得  
幾箇祖師其十曰檐頭雨滴分明歷歷趙州柏樹子從  
耳朵裏透過忽然囉靈東出望舒西御交互爭輝眼睛  
裏還著得一物麼其十一曰秦始皇三十四年燒盡天  
下圖書有箇漢大無慚媿上不襲古下不依今將條龜  
毛索子把他三墳五典八索九丘一串穿卻不知所讀  
何書其十二曰煙雲生背面星月繞檐楹無縫塔樣子  
被人借去王楊盧駱文采風流不復存造得一所空王  
殿上梁文若爲裁構其十三曰藏頭白海頭黑馬家父  
子使得人七顛八倒全沒些兒意智曾爲浪子偏憐客  
未審如何垂手其十四曰方行詰曲崎嶇路又聽鞦韆  
格磔聲行路難令人腸斷一丸泥封函谷關把斷要津  
不通凡聖遮裏還有出身一路否時山中諸禪長各有  
名言啟益和尚亦恕其狂瀆尊嚴閒批答一二語如倚  
天長劍而玄潛根凡習錮卒無以當和尚也及抱病歸  
黃葉邨益鬱鬱不自得輒思遠遊一夕夢夫山和尚同  
道峰山翁和尚坐怪松下執卷共讀玄潛長跪慟哭於  
前其明日壬辰時加於午自筮得離之既濟曰余遠遊  
其有待乎騰蛇附斗鄉挾南宮朱鳥入於險阻又十二  
次之伏位矣余安得立縱情山水閒其有文役乎火耀

內外丹雀飛則文字之符也及留豐草理殘文乃悟卦  
律之奇而益自悲學道之未成也

豐草菴後集卷一目錄

補樵編 此編皆論說雜文 次序先後仍依原稿

孟子言性善說上 孟子言性善說下 非權

讀大智度論 師統論 故論 種松記稌記

十二 七法頂三際表 七法頂演 七法頂

二十五輪圖 七法頂變數述 七法頂乾元

度 七法頂餘論 頂句 七法頂交 達摩

立教記 名聲發 不成名說 五宗名建記

楞嚴三提 楞嚴答一 楞嚴直 臨濟宗

統 揭第一句 句位 內紹外紹提

豐後集 補樵編目

豐草菴後集卷一

補樵編

漏霜南潛著

孟子言性善說上

孔孟之言性皆通三世余每以此告人而人驚其說驚其說者是不反復於孔孟之言者也孔子曰性相近也習相遠也習之為言是孔子之言性通三世也孟子曰人無有不善水無有不下人之為言是孟子之言性通三世也謂人之為言孟子之言性通三世者其故何也夫孟子之言性善亦言乎性之後而非其先也通乎孟子之所謂人者而可以言孔子之所謂習也已通乎荀子之所謂惡者而可以言孟子之所謂人也可荀子之所謂性惡者是習之說也孟子之所謂性善者是習之說也充孟子人無有不善之說則天為性上善人為性善三塗為性惡其較然者也孟近上而言而人之性善荀近下而言而人之性惡故曰皆習之說也告子曰生之謂性孟子曰生之謂性也猶白之謂白與曰然白羽之白也猶白雪之白白雪之白猶白玉之白與曰然然則犬之性猶牛之性牛之性猶人之性與夫犬之性猶牛之性牛之性猶人之性者此言性之先也犬之性非牛之性牛之性非人之性者此言性之後也告子主生之謂性而不知先後之說此所以不達于孟子之旨也孟子曰乃若其情則可以為善矣情之為言習之

豐後集

補樵編

嘉業堂校刊

爲言 故好 故全 也 夫金 子以 所自 之盛 道丁 也 乎一 從其 人之 塗之 惡也 孟少 以孔 性如 言言 之如

讀大智度論

龍樹菩薩大智度論云放光三昧者常脩火一切入故生神通力隨意放種種色光隨眾生所樂若熱若冷若不熱不冷照諸三昧者光明有二種一者色光二者智慧光住是三昧中照諸三昧無有邪見無明等又徧覆三昧者是虛空無量無邊是三昧力悉能徧覆虛空或結加趺坐或放光明或以音聲充滿其中又無邊明三昧者無邊名無量無數明有二種一者度眾生故身放光明二者分別諸法總相別相故智慧光明得是三昧能照十方無邊世界及無邊諸法又寶聚三昧者得是三昧所有國土悉成七寶問曰此是肉眼所見禪定所

豐後集一補撰編

四

見答曰天眼肉眼皆能見何以故外六塵不定故行者常修習禪定是故能轉本相又壞身衰三昧者血肉筋骨等和合故名為身是身多患常飢寒冷熱等諍是名身衰得是三昧故以智慧力分分破壞身衰相乃至不見不可得無色定三昧彼中無身離一切色故有人言但是諸菩薩三昧能破先世結業因緣不淨身而受法身隨可度眾生種種現形離著虛空觀放光徧覆無邊明諸三昧之說則先師火光神變龍樹菩薩之言可徵也觀寶聚壞身衰無色定諸三昧之說則先師火浴化琉璃寶相雖西天此土之所未有龍樹菩薩之言可徵也論又云是諸三昧未後皆應言用無所得以同般若

故如是等無量無邊三昧和合名為摩訶衍則先師平日禁絕神奇之事與南潛冒犯先師不能自己于記載之心皆可會通于龍樹菩薩之言要歸般若也又大智度論云迦葉佛般涅槃後有國王名吉梨姑爾時人壽二萬歲是王為供養舍利故起七寶塔高五十里又過去世有轉輪王名德主一日起五百塔高五十由旬言滿三千大千世界是事假喻有人言皆是實有如小國王隨力起七寶塔大王能起一由旬七寶塔或過一由旬小轉輪王能起七寶塔滿四天下大轉輪王能起七寶塔過四天下梵天王主三千大千世界是佛弟子能心生變化起塔高至梵天滿三千大千世界或有菩薩

豐後集一補撰編

五

得陀羅尼門諸三昧門深行六波羅蜜故佛滅度後能起七寶塔滿三千大千世界準龍樹菩薩之言則知先師寶聚三昧之實而非假亦菩薩之所記也

師統論

今日禪林切要莫大乎使師統之不墜欲師統之不墜莫大乎無所依而近世禪林日夕之所營又莫大乎有所依有所依故馳望馳望故卑卑故師統墜故禪林日夕之所營勞勞焉亦各藉口昌宗門之氣與盛法席之儀衛也而計禪林者日甚則墜師統者日益深嗟乎高車駟馬金玉錦繡不足以使師統之不墜也而不墜于獨坐雄峰三墳五典八索九丘不足以使師統之不墜

也而不墜于不立文字二祖之對膚統不墜風穴之單  
丁統不墜楊岐之雪牀統不墜妙喜之民衣統不墜然  
則師統之所在可知矣昔先師浮湘之前南潛侍大鑑  
堂偶觸見聞南潛曰夫此土聖學之統上古在朝堂至  
仲尼而師統在下自聖學之失緒也師統所在在我宗  
門宗門之主師統者殆不可一日而失師統之權衡不  
可一事而昧師統之利害不可因陋一時而輕千古師  
統之尊不可遷就風塵而虧名山師統之正先師戚然  
是之及壬子之秋先師病中復有所觸先師呼南潛曰  
此我與汝積數年之所深憂知憂者之憂眾人如弗聞  
者也眾人之所憂亦知憂者之所不知先師之言如此

豐後集一補樵編

六

則師統之所在可知矣明戊己而後知師統之所在戊  
之正位在戊戌者天綱之都也故戊文從戊而戊己巡  
宮四時位易春戊在辰而辰爲巡宮夏戊在未而未爲  
巡宮秋戊在戌而戌爲巡宮冬戊在丑而丑爲巡宮戊  
之所在謂之綱綱謂之統故太始天元五運六氣流行  
惟甲己之歲奎壁角軫戊己踐之爲南政司天者得戊  
己之正宮師統之顯而當位者也乙庚而下爲北政司  
天者取戊己之巡變師統之隱而位不當者也故明戊  
己而後知師統之所在明江河而後知師統之所以久  
而不墜江河之在天地間也上與日星雲漢配下與五  
岳相當經天東注自達長源故江河萬古而不憂其流

竭使河曰我必合于某水以大我河流江曰我且合于  
某水以大我江流流不增大而見其崩戾支離錯繆盤  
紆也已故曰明江河而後知師統之所以久而不墜

故論

所貴于佛祖聖賢之道者佛祖聖賢之道垂之天下萬  
世而一新天下萬世之人天下言佛祖聖賢之道者求  
佛祖聖賢之故而不知其新則何恠乎背而馳也夫新  
者何也佛祖聖賢之道近而同于天下萬世者是也故  
者何也天下萬世之遠而懸絕于佛祖聖賢之道者是  
也今求佛祖聖賢之道不求其近而同于天下萬世者  
而反求其遠而懸絕於天下萬世者以之崇高夫佛祖

豐後集一補樵編

七

聖賢之道則得矣而爲天下萬世謀所以善夫天下萬  
世者則未可謂擇術之審也臨濟大師曰法者是心法  
心法無形通貫十方目前現用人信不及便乃認名認  
句向文字中求其意度與佛法天地懸隔又曰只爲我  
見處別外不取凡聖內不住根本見徹本法更不疑謬  
今天下之喜言故者卽臨濟所謂認名認句者也佛祖  
聖賢之道之新者卽臨濟所謂外不取凡聖內不住根  
本者也夫庖犧之畫卦與軒轅之素問其事一也使軒  
轅所說天元大紀五運六氣祇可行之于軒轅之世豈  
守其故而不能新之於今日則亦何貴于軒轅之書也  
庖犧之易祇自鳴其庖犧之故易而無當于天下萬世



之新易佛祖之道祇自鳴其佛祖之故道而無當于天下萬世之新道吾知其必不然矣且天下飛揚跋扈而談綱宗之得失者亦無不各據其所見之故而埋沒佛祖之新夫道之所以不能無賴於說法說法之所以不能無賴于綱宗者爲其新也天下開言綱宗之故相趨以爲獲相競以爲高此正我佛祖所以設綱宗以簡別邪謬之大旨也而奈何世之自陷于邪也洪範之六七八九一二三四五者禹之所以治水而行其無事者也是新之說也洪範之逆而爲四三二一九八七六五者鯀之所以汨陳其五行者也是求其故之說也王安石所以立法以亂天下者安石非有亂天下之心夫安石不知求古帝王之道之新而求行其故此安石所以亂天下也

豐後集

補樵編

八

種松記

善寂菩薩集諸法寶最上義論刹那刹那時分轉易是故彼彼一切法性云何心能思惟生起一切法中差別事相當知無因亦無差別諸法本來無所造作雖作用相續當何有實是故所知諸法及能知者是二於刹那中不能和合彼如是性實無能取是中無所有亦無所得十毒花天數五起於智地數五起於相影終古無相見期所謂是二於刹那中不能和合者也  
大域龍菩薩佛母般若波羅蜜多圓集要義論頌云虛

假名言等彼法若分別聲義二非合彼非自性意又云般若波羅蜜佛菩薩亦然此所說唯名離實義分別又云所有聲義止此非事止遣如是餘亦知語中義決定又云此無所得正一切名實知如義性如是不止遣彼聲又釋論述頌言所有所有一切名彼彼諸法有所說而彼所說非實有即一切法同法性所有彼名名性空能名之名無所有而一切法本無名立以強名而表示一切唯名此當知一切想中強安立彼所聚名差別性當知彼名無所有此法頂七七用名之寶符也所有彼名名性空能名之名無所有說法以是爲總持  
七法頂五冊六同七七三用者即三無性也五冊爲妄想位則無真性也應真實性六同爲相位則無生性也應依他性七七爲名位則無相性也應分別性佛性論云三無性者一無相性二無生性三無真性此三性攝如來性盡何以故以此三性通爲體故無相性者一切諸法但名言所顯自性無相貌故名無相性無生性者一切諸法由因緣生故不由自能生自他並不成就故名無生性無真性者一切諸法離真相故無更別有實性可得故名無真實性故臨濟家法以無真爲一玄之位  
七法頂從如如已上步步是客此說法寶主之大界也佛法論云虛妄者是眾生過失過失有二一本無二是

豐後集

補樵編

九

客一本無者如如理中本無人我作人我執此執無本  
二是客者有為諸法皆念念滅無停住義則能罵所罵  
二無所有但初刹那為舊次刹那為客得此意則七法  
惟如如當主位二口便是主中賓位三昔為如如影為  
賓中主位四至為正智影為賓中賓位五冊為妄想為  
主中賓之應六同為相為賓中主之應七七為名為賓  
中賓之應故說法以客分為大用也故法以無返為義  
無返者步步是客以客離客而決不迴翔於主界法以  
無坐為義無坐者步步是客客隨客行而決不耽味於  
客鄉法以無二為義無二者步步是客定客為客而決  
不致疑於主客之分限法以無得為義無得者步步是

豐後集一補樵編

十

客客無得失而決不浪取於如前之少分故曰刹那外  
無餘法刹那外無餘說刹那外無餘說故刹那已外皆  
說地也此說法賓主之密義也

佛性論云想者人境者法不見此人法想境故名二空  
如是一切諸法如來悉見悉知由平等平等已通達如  
真實故境智等無增減是名平等觀欲明七法頂應知  
七位之中本無人法何故無人法八法已過其量量者  
十毒花不用之三位也不用之三毒花一日員者相影  
也二日日者名影也三日嶽者妄想影也員日當其境  
嶽當其人故七法之中本無人法也然本無人法而說  
法以三昔四至為法禁者此為量中說法一輩不洞知

其說時本過量而都說其不過量之法也故名頂為法  
之寶頂也知界則知量知量則知妄知妄則知妄即是  
法知法則知法即是名知名則知名即是頂

提婆法師偈意識三有本諸塵是其因若見塵無體有  
種自然滅三十機路天數地數各五而七法頂取天地  
之七而遺其三遺其三者即塵體也塵體無體故不用  
而為七法頂之本用故曰無一法可損無一法可增應  
見實如實見實得解脫由客塵故空與法界相離無上  
法不空與法界相隨

豐後集一補樵編

十一

緣生論頌緣生若正知彼知空相應緣生若不知亦不  
知彼空釋曰於前所說緣生若有正知彼知何異彼復  
何知謂知於空緣生若不知亦不知彼空者於此緣生  
若其不知亦於彼空不能解入得此旨洞然於七法頂  
二口之位二口在如如與如如影中間者知緣則知空  
知空則知緣故七法頂以二口為本位一台如如為法  
體而七七名為法用也

十毒花門分為三分地數自員而上三位為過去分七  
法頂之所不用者也其七法頂第一台至第四為現在  
分以智為本第五至七七為未來分以未來客位為大  
用也大乘成業論云滅無因故纔生即滅故知無有轉  
至餘方若謂生因不可得故知即此法轉至餘方此亦  
非理有生因故謂前與後而作生因如前念心與後念

心前念熟變與後熟變乳與其酪葡萄汁與酒酒復與  
酢等故無少法轉至餘方轉相既無何有行動又若有  
住則無行動既無行動彼應常住法若無住亦無行動  
纔生即滅無動義故若爾現見行動者何餘方所見非  
即本物何緣知彼非本物耶由彼彼方新新生故如草  
火燄及如影行非此方影餘方可見形質不動日等光  
明遠近迴轉便見彼影或長或短或移轉故故明相之  
無動而得七法頂之定序

龍樹大乘破有論彼一切法但有名字一切但於有想  
中住現前無實差別所生差別生法而無所有彼一切  
法本無有名但以假名而表了故當知諸法而無實體

豐後集一補撰編

十二

一切皆從分別所生此中若無分別者即同虛空離諸  
分別如說眼者能見於色作此說者是真實語世間有  
諸邪執心者執此所說如實而轉彼一切法聚類所現  
當知此說是佛所說是故應知此中義者眼不見色乃  
至意不知法若如是知是為智者此七法名頂之準也  
天親中邊分別論有無倒十種偈言言辭義思惟不動  
二相處不淨及淨客無畏及無高其客無倒偈云法界  
性淨故譬之如虛空此二種是客是彼不顛倒釋曰復  
有法界如真虛空自性淨故是二種法非舊法故名客  
先不淨後乃淨若有此知見是名客相無倒此論中發  
一客字可拈出為賓主之密符為法頂之先導

集大乘相論云所言無相者即彼真如說名無相而真  
如者但以名字假分別故於名字中性不可得當知我  
等性即諸法自性是故此中若人若法悉離諸相而同  
一相此一相者即一切法無對礙相離諸分別於第一  
義自性無動是名無相故說法者說一相法而二相者  
法頂七七是也

順中論云如汝說言一切現見有行去來此義不然現  
不成故問曰云何不成答曰此現者名或知或物此本  
釋若知應說何者是知是誰之現若六境界是可得者  
境界無故云何可得如是現耶有念念者彼則無現乃  
至不疑有現無現是則為勝知現之知此知非現知境  
界故知不成故說有物人則捨自法物云何現余往與  
人說七法頂而言從來無現在法人能諦信龍勝不駭  
我言也

豐後集一補撰編

十三

### 七法頂三際表

法頂七而其數五也何謂五所謂五法是也法頂七而  
其數十何謂十天數五地數五合十也法頂七而其數  
十五何謂十五一過一未合現成三三其五而為十五  
也法頂七而其數二十五何謂二十五超自心現量究  
竟未來以為法故未來未來五位未來五位現在五位  
過去五位過去過去五位合二十五也十數之中用其  
七而不用者三其不用之三則終古無可用之時也十

五之中過分用其一曰如如於現用其五未分用其一  
曰名也二十五位之中揭大用之三一日過去之相則  
第二輪不動之位也一日未來之如如則第四輪天究  
之位也一日未來之正智則第五輪不動之位也此三  
用者七法頂之所密依也相與正智終古不相見地數  
之相移而謂之相影者時爲之也時不留而相影成相  
影成而五影俱成影者七法頂之所驅除而建立其名  
頂者也退而尋其名影者此迷者之執妄也伸而用其  
名頂者此聖人之法印也

七法頂演

五數 (如) (名) (相) (妄) (想) (正) (智)

豐後集一補推編

十四

十數

化數

十五數

二十五數

其用七

十毒花者不用

不動二數

毒花名

Table with columns for '十數', '化數', '十五數', '二十五數', '其用七', '十毒花者不用', '不動二數', and '毒花名'. Each column contains terms like '如如', '名', '相', '妄', '想', '正', '智' with associated annotations such as '天數五', '地數五', '現在分', '過去分', '未來分', '天數用', '地數用', '天五不動', '地五不動', and '豆昔燕日員'.

大用一數

不用神用一數

七法頂

七法頂二十五輪圖

第一孤正智

第二

第三

豐後集一補推編

十五

Table with columns for '大用一數', '不用神用一數', '七法頂', '七法頂二十五輪圖', '第一孤正智', '第二', '第三', '第四', '第五', and '第六'. Each column contains terms like '如如', '名', '相', '妄', '想', '正', '智' with associated annotations such as '未來未', '過去', '未來', '現量', and '去'.

第七

如如(相) 妄相(正智) 未來(來) 如如(名) 妄相(正智) 未來(來) 如如(相) 妄相(正智) 過去(去) 如如(名) 妄相(正智) 過去(去) 如如(相) 妄相(正智) 現量(現量)

第八

如如(相) 妄相(正智) 未來(來) 如如(名) 妄相(正智) 未來(來) 如如(相) 妄相(正智) 過去(去) 如如(名) 妄相(正智) 過去(去) 如如(相) 妄相(正智) 現量(現量)

第九

如如(相) 妄相(正智) 未來(來) 如如(名) 妄相(正智) 未來(來) 如如(相) 妄相(正智) 過去(去) 如如(名) 妄相(正智) 過去(去) 如如(相) 妄相(正智) 現量(現量)

第十

如如(相) 妄相(正智) 未來(來) 如如(名) 妄相(正智) 未來(來) 如如(相) 妄相(正智) 過去(去) 如如(名) 妄相(正智) 過去(去) 如如(相) 妄相(正智) 現量(現量)

第十一

如如(相) 妄相(正智) 未來(來) 如如(名) 妄相(正智) 未來(來) 如如(相) 妄相(正智) 過去(去) 如如(名) 妄相(正智) 過去(去) 如如(相) 妄相(正智) 現量(現量)

第十二

如如(相) 妄相(正智) 未來(來) 如如(名) 妄相(正智) 未來(來) 如如(相) 妄相(正智) 過去(去) 如如(名) 妄相(正智) 過去(去) 如如(相) 妄相(正智) 現量(現量)

第十三

如如(相) 妄相(正智) 未來(來) 如如(名) 妄相(正智) 未來(來) 如如(相) 妄相(正智) 過去(去) 如如(名) 妄相(正智) 過去(去) 如如(相) 妄相(正智) 現量(現量)

第十四

如如(相) 妄相(正智) 未來(來) 如如(名) 妄相(正智) 未來(來) 如如(相) 妄相(正智) 過去(去) 如如(名) 妄相(正智) 過去(去) 如如(相) 妄相(正智) 現量(現量)

豐後集 一補准行編

第十五

如如(相) 妄相(正智) 未來(來) 如如(名) 妄相(正智) 未來(來) 如如(相) 妄相(正智) 過去(去) 如如(名) 妄相(正智) 過去(去) 如如(相) 妄相(正智) 現量(現量)

天數地數各返其位

如如(相) 妄相(正智) 未來(來) 如如(名) 妄相(正智) 未來(來) 如如(相) 妄相(正智) 過去(去) 如如(名) 妄相(正智) 過去(去) 如如(相) 妄相(正智) 現量(現量)

七法頂變數述

如如(相) 妄相(正智) 未來(來) 如如(名) 妄相(正智) 未來(來) 如如(相) 妄相(正智) 過去(去) 如如(名) 妄相(正智) 過去(去) 如如(相) 妄相(正智) 現量(現量)

豐後集 一補准編

以三際決七法頂之取舍不用過去之名而用未來之名者所以為前定也不用未來之如如而用過去之如如者所以為諸佛光印也以二不遷定七法頂之極要境智無相見期而過去初位相影不遷於現量現量初位正智不遷於過去此二不遷者七法頂之所自出也以名頂表七法頂之首出名者佛佛祖祖說法之密持也

於現量之名也究其用於現量之名者乃通其化於未  
來之名而名法神第三如如包正智妄想影妄想如如  
影正智影相名其數八也第四如如包正智妄想影如  
如影妄想正智影相名其數八也第五如如包名影正  
智妄想影如如影正智影妄想相名其數九也第六如  
如包正智妄想相如如影正智影名其數七也第七如  
如包正智妄想如如影相正智影名其數七也第八如  
如包妄想影正智妄想如如影正智影相名其數八也  
第九如如包妄想影正智如如影妄想正智影相名其  
數八也第十如如包名影妄想影正智如如影正智影  
妄想相名其數九也第十一如如包正智妄想相名正

豐後集

補樵編

六

智影其數六也此獨影蓋於名乃聖志之所深憂也莫  
不善於過去之影故三際以爲誠第十二如如包如如  
影正智妄想相正智影名其數七也第十三如如包妄  
想影如如影正智妄想正智影相名其數八也第十四  
如如包名影妄想影如如影正智正智影妄想相名其  
數九也第十五天地之數各當本位如如包五影通現  
量之如如而數爲十一也現量之名通於未來之名過  
去之如如通於現量之如如而名與如如之法義始備  
夫七法頂之用則取一如如於過去地數之中而表其  
印取一名於現量天數之中而展其用列正智之前二  
影以發其幽潛洞明利害而名相妄想正智如如逆數

之而適符其舊此七法頂所以爲宗符者也

七法頂乾元度

乾用九而坤用六乾伸而坤誦有先境之智而無先智  
之境故乾知用其全而得九坤作用其偏而得六也智  
入於三世故乾用九境止於現量故坤用六故卦律一  
升一伏而得六爻之卦三十二此陰陽分數之略也過  
去未濟卦一現量既濟卦一未來未濟卦一一升於中  
而兩伏於前後得十八爻之卦三十二此三際會通之  
數也及五位三十爻之卦則其一過去過去之位既濟  
卦一其二過去之位未濟卦一其三現量之位既濟卦  
一其四未來之位未濟卦一其五未來未來之位既濟

豐後集

補樵編

九

卦一得五位三十爻之卦三十二而三既濟卦天數用  
九兩未濟卦地數用六此原始反終之全數也徵於七  
法頂二十五輪則過去過去去輪當既濟而起正智過去  
輪當未濟而起相現量輪當既濟而起正智未來輪當  
未濟而起相未來之相所謂無相者也未來未來輪當  
既濟而起正智所謂智入於三世者也未來之相無相  
故坤不用九而用六也智入於三世故乾不用六而用  
九也故傳曰飛龍在天大人造也大人者用九是也用  
九首出庶物惟出於物而後造物大人之造顯乎名法  
夫名者造物之精微也

七法頂餘論

天童和尚以一棒起臨濟之衰者何也天童之一棒實  
用七法頂之七也而世之誤認天童之棒與誤用天童  
之棒者皆用七法頂之台也天童用其法之所當用而  
世之誤者用其法之不當用也此不可以不辨也三峰  
和尚提玄要揭臨濟久墜之綱者何也三峰之提玄要  
用止于七法頂之七而首更無首者也然世之謬妄流  
傳憑虛穿鑿錯用臨濟之舊文重玄疊要分三架六皆  
不知用止于七法頂之七而首加于首者也用止于七  
法頂之七故台轉而退藏于一爲分著返續不用之二  
策也不知用止于七法頂之七而首加于首於是台加  
于七而不退藏于密返續不用之一策與四十九策紛

豐後集

補樵編

二

糾錯出而無所統紀者也此不可以不辨也故昔者法  
眼妙于用七而不用台也而後之失法眼之傳者皆用  
七法頂之台而不用七法頂之七也雲門不用台而用  
七其用七之機最神也而後之有法授人壞雲門家法  
者皆不知晉鋒入博擬何憑雜用七法頂之台而謬爲  
七法頂之七者也古塔主之妄配揣摩七法頂之七而  
不見者也其說心性窟子禪誤天下參學眼目者單奉  
重七法頂之台而拈出者也此不可以不辨也

頂句

窮則變變則通說在易之未濟傳曰有過物者必濟故  
受之以既濟物不可窮也故受之以未濟終焉此的示

禪宗綱要也七法頂七位除第一位不用從第二至第  
四則既濟之時位也從第五至第七則未濟之時位也  
其頂句大用則未濟可用而既濟不可用也未濟者所  
謂先天而天弗違者也先天所以過物過物所以濟故  
既濟之濟無不賴未濟以爲用此頂句之奧旨也良禪  
客問欽山一鏃破三關時如何山云放出關中主看良  
云恁麼則知過必改山云更待何時良云好箭放不著  
所在便出山云且來關黎良回首山把住云一鏃破三  
關卽且止試與欽山發箭看良擬議山打七棒云且聽  
這漢疑三十年雪竇頌云與君放出關中主放箭之徒  
莫莽鹵取箇眼兮耳必聾捨箇耳兮目雙瞽可憐一鏃

豐後集

補樵編

三

破三關的的分明前後路君不見玄沙有言兮大丈夫  
先天爲心祖夫佛佛祖祖之所用者皆前後路也知箭  
後路之爲先天知先天之爲未濟則知頂句矣

七法頂交

七法頂之大要在交爲其無不交物之眾生而亦無不  
交物之佛祖者也觀於所交而天地萬物之情可見矣  
觀於所交而統天之旨可見矣七法頂之數七七起於  
五天數五地數五天數五者何也交於物之數也地數  
五者何也物交之數也法數在楞伽經其一曰名相妄  
想正智如如此言天數也順數也其二曰相名妄想如  
如正智此言地數也逆數也天數主交於物故先交其

名次交其相而後妄想次正智次如如此順而實是逆也地數主物之來交故物先有其相次有其名而後交成妄想次如次正智此逆而實是順也物始於相交於物者始於智此如天高地下之不可易也二者皆以妄想當中五之位者何也此明內外之辨也天數從名起名從外來因名交相而至於妄想故一名二相三為妄想從妄想而內求其正智從智得如如此天數以妄想為中五之不可易也地數從相起相從物始物各為內因相生名而至於交為妄想故地數從內數而至於一相一名三為妄想從妄想而外得真如從真如而推正智此地數以妄想為中五之不可易也故名相妄想

豐後集

一補樵編

三

正智如天數從外至內似順實逆之次序也相名妄想如如正智地數從內至外似逆實順之次序也天數自下而上則起於正智天數內外之正分也地數自下而上則起於相地數內外之正分也於是乃得天地數之交位而有三十機路所貴於法者去其影而已矣相影與正智本不相到

達摩立教記

達摩告二祖曰吾有楞伽經四卷亦用付汝即是如來心地要門令諸眾生開示悟入此達摩所立一大藏教之標準定盡未來際說法之格式者也此方相傳立教五門一立一音教二家謂後魏菩提留支姚秦羅什法

師並為教本不分之意二立二種教有四家謂西秦曇牟識立半滿教隋遠法師立漸頓教唐初印法師立屈曲教平道教齊朝隱士劉蚪亦立漸頓二教三立三種教三家南中諸師於漸頓加不定後魏光統律師立漸頓圓隋末吉藏法師依法華第五立三種法輪四立四教者有四家梁朝光宅法師依法華第二立四乘教陳隋天台智者立藏教通教別教圓教唐初元曉法師立三乘別教三乘通教一乘分教一乘滿教賢首弟子苑公依寶性論立四種教五立五教二家波頓三藏立四諦教無相教觀行教安樂教守護教賢首所立五教一小乘教二大乘始教三終教四頓教五圓教此數者或

豐後集

一補樵編

三

盛或衰或隱或顯人以為皆在立教之列者也而達摩所立楞伽心地要門諸佛之樞機大藏之的髓然籤軸之賢以禪宗限隔反不以為在立教之列者也此天下所以不知教意者也天台立教主法華賢首立教主華嚴達摩立教主楞伽夫達摩所以主楞伽者何也楞伽三種自性及八種識二種無我悉入五法五法悉歸名相而相悉歸于名名者即是如來心地要門令諸眾生開示悟入者也漸頓二教名統之矣三種法輪名運之矣藏通別圓名疏之矣小乘始終頓圓名該之矣故通于名之說而後可以洞明古來立教之門也通于名之說而後可以變革古來立教之門也變革古來立教之



門立達摩楞伽印心之教以經緯一大藏教夫然後教  
意以定

名身發

楞伽第二卷復次大慧當說名句形身相善觀名句形  
身菩薩摩訶薩隨入義句形身疾得阿耨多羅三藐三  
菩提如是覺已覺一切眾生大慧名身者謂若依事立  
名是名名身句身者謂句有義身自性決定究竟是名  
句身形身者謂顯示名句是名形身又形身者謂長短  
高下又句身者謂徑跡如象馬人獸等所行徑跡得句  
身名大慧名及形者謂以名說無色四陰故說名自相  
現故說形是名名句形身說名句形身相分齊應當修

豐後集

一補樵編

五

字爾時世尊欲重宣此義而說偈言名身與句身及形  
身差別凡夫愚計著如象溺深泥夫名句形三身並列  
而形生于句句生于名則一名身而已矣故冒天下之  
法者名也既有名身必有名壽于名壽也見法之時既  
有名身必有名宅于名宅也見法之位有名身必有名  
祿于名祿也見法之利有名身必有名子孫于名子孫  
也見法之變有名身必有名侶于名侶也見法之隨有  
名身必有名衣于名衣也見法之嚴有名身必有名甲  
冑于名甲冑也見法之衛有名身必有名敵于名敵也  
見法之別有名身必有名輪于名輪也見法之行法固  
未有非時非位非利非變非隨非嚴非衛非別非行而

妙天下之法者也大慧白佛言世尊言說妄想爲異爲  
不異佛告大慧言說妄想非異非不異所以者何謂彼  
因生相故大慧若言說妄想異者妄想不應是因若不  
異者語不顯義而有顯示是故非異非不異名之爲妄  
想也妄想之爲名也于名何與哉大慧復白佛言世尊  
爲言說卽是第一義爲所說者卽是第一義佛告大慧  
非言說是第一義亦非所說是第一義所以者何謂第  
一義聖樂言說所入是第一義非言說是第一義名之  
爲第一義也第一義之爲名也于名何與哉無與于名  
而名故法不自法而名以爲法也

不成名說

豐後集

一補樵編

五

易曰不成乎名此楞伽之旨也夫不成乎名而後名轉  
而爲法聖人無已靡所不已聖人無名靡所不名故楞  
伽欲蕩除凡夫之名也則先蕩除如來之名經曰如是  
大慧我於此娑訶世界有三阿僧祇百千名號愚夫悉  
聞各說我名而不解我如來異名大慧或有眾生知我  
如來者有知一切智者有知佛者有知救世者有知自  
覺者有知導師者有知廣導者有知一切導者有知仙  
人者有知梵者有知毗紐者有知自在者有知勝者有  
知迦毘羅者有知真實邊者有知月者有知日者有知  
生者有知無生者有知無滅者有知空者有知如如者  
有知諦者有知實際者有知法性者有知涅槃者有知

常者有知平等者有知不二者有知無相者有知解脫者有知道者有知意生者大慧如是等三阿僧祇百千名號不增不減此及餘世界皆悉知我如水中月不出不入彼諸愚夫不能知我墮二邊故然悉恭敬供養於我而不善解知辭句義趣不分別名不解自通計著種種言說章句於不生不滅作無性想不知如來名號差別如因陀羅釋迦不蘭陀羅不解自通會歸終極於一切法隨說計著此如來所以不成乎名者也達巷黨人曰大哉孔子博學而無所成名無所成名孔子之所以為大也此達巷黨人識見之卓也孔子聞之曰我何執執御乎執射乎我執御矣無執而執御執御而無執無

豐後集

一補樵編

三

所成名而不礙乎名也此孔子說法之妙也故曰孔子得楞伽之旨夫孔子不得楞伽之旨則不能為易繫辭

五宗名建記

五宗之所以建立者其名乎青原下有古文二篇其參同契曰暗合上中言明明清濁句四大性自復如子得其母火熱風動搖水溼地堅固眼色耳音聲鼻舌鹹醋然依一一法依根葉分布本末須歸宗尊卑用其語此參同契之善用其名也其寶鏡三昧曰雖非有言不是無語如臨寶鏡形影相觀汝不是渠渠正是汝如世嬰兒五相完具不去不來不起不住婆婆和和有句無句終不得物語未正故此寶鏡三昧之善用其名也南

嶽下創業垂統二大家其在臨濟曰大凡演唱宗乘一句中須具三玄門一玄中須具三要有權有實有炤有用立四料簡四喝四賓主其在馮仰曰是覺海變為義海立九十七種圓相一十九門施設此臨濟馮仰之善用其名也名者楞伽全部之一大水脈也自古立言者一句有一句之水脈一節有一節之水脈一篇有一篇之水脈一部有一部之水脈諸祖之所建立者蓋無不合楞伽之水源故循名者荒用名者昌名相妄想不可度量敢告大方

楞嚴三提

震旦國中有三大幹龍曰黃河曰長江曰鴨綠考之輿

豐後集

一補樵編

三

圖長江與南海夾南條幹龍盡於東南海黃河與長江夾中條幹龍盡於東海黃河與鴨綠江夾北條幹龍盡於遼海而楞嚴經亦有三大幹龍為楞嚴三提一提三摩提為說法之首一提根塵為藥病之要一提內外為邪正之辨三摩提當震旦之北條幹龍提根塵當震旦中條幹龍提內外則震旦之南條幹龍也大覺無門根塵者大覺之門也故世尊首問阿難我今問汝當汝發心緣於如來三十二相將何所見誰為愛樂阿難白佛言世尊如是愛樂用我心目於是發揮見性於是表章圓通於是告阿難汝欲識知俱生無明使汝輪轉生死結根唯汝六根更無他物汝復欲知無上菩提令汝速

證安樂解脫寂靜妙常亦汝六根更非他物卽迷卽悟  
卽真卽妄故提根塵以爲楞嚴之中條幹龍者也問心  
與目今何所在阿難白佛言世尊一切世間十種異生  
同將識心居在身內縱觀如來青蓮華眼亦在佛面我  
今觀此浮根四塵祇在我面如是識心實居身內佛告  
阿難汝今現坐如來講堂觀祇陀林今何所在世尊此  
大重閣清淨講堂在給孤園今祇陀林實在堂外阿難  
汝今堂中先何所見世尊我在堂中先見如來次觀大  
眾如是外望方矚林園此先導內外二字之源矣而後  
言縱滅一切見聞覺知內守幽閑猶爲法塵分別影事  
此楞嚴之言內守者也阿難一切眾生實本眞淨因彼  
妄見有妄習生因此分開內分外分阿難內分卽是眾  
生分內因諸愛染發起妄情積不休能生愛水是故  
眾生心憶珍羞口中水出心憶前人或憐或恨目中淚  
盈貪求財寶心發愛涎舉體光潤心著行姓男女二根  
自然流液阿難諸愛雖別流結是同潤溼不升自然從  
墜此名內分阿難外分卽是眾生分外因諸渴仰發明  
虛想想積不了能生勝氣是故眾生心持禁戒舉身輕  
清心持咒印願盼雄毅心欲生天夢想飛舉心存佛國  
聖境冥現事善知識自輕身命阿難諸想雖別輕舉是  
同飛動不沈自然超越此名外分此楞嚴之言內分外  
分者也於是廣說陰魔爲除心垢內之與外利害炳然

豐後集

一補樵編

五

震旦之書首易而坎中離中易之二綱自漢唐已來昧  
離中而言坎中者此不辨於內外之過也故內分外分  
有內分之內有外分之內有外分之外前所謂內分卽  
是眾生分內者內分之內是也所謂外分卽是眾生分  
外者外分之內是也斯二分之所不能攝者則外分之  
外是也外分之外者佛祖之分也外分之內與內分之  
內者眾生之分也故提內外以爲楞嚴之南條幹龍者  
也世尊在大眾中舒金色臂摩阿難頂告示阿難及諸  
大眾有三摩提名大佛頂首楞嚴王具足萬行十方如  
來一門超出妙莊嚴路三摩提者幻也幻而爲七處徵  
心幻而舉金色臂屈五輪指爲光明拳幻而爲百寶輪  
掌眾中開合幻而從輪掌中飛左右寶光幻而垂金色  
臂輪手下指示阿難言汝今見我母陀羅手爲正爲倒  
幻而指大講堂幻而敕羅喉羅擊鐘乃至世尊從肉髻  
中涌百寶光光中涌出千葉寶蓮有化如來坐寶華中  
頂放十道百寶光明一一光明皆徧示現十恆河沙金  
剛密迹擎山持杵徧虛空界大眾仰觀畏愛兼抱求佛  
哀祐一心聽佛無見頂相放光如來宣說神咒光爲幻  
明咒爲幻說幻說之說是眞說法故提三摩提以爲楞  
嚴之北條幹龍者也夫提三摩提以爲楞嚴之北條幹  
龍者此卽臨濟雲門諸老所以飛揚跋扈於宗門者也

楞嚴答一

豐後集

一補樵編

五

楞嚴問三而答一阿難見佛頂禮悲泣恨無始來一向多聞未全道力殷勤啟請十方如來得成菩提妙奢摩他三摩禪那最初方便此阿難之問者三也爾時世尊在大眾中舒金色臂摩阿難頂告示阿難及諸大眾有三摩提名大佛頂首楞嚴王具足萬行十方如來一門超出妙莊嚴路此世尊之答者一也一者何也三摩提是也三摩提者緣也幻也以緣與幻爲大佛頂者此楞嚴之所謂密因密其真而顯其幻也密其真而顯其幻千佛出世不易其法此緣與幻無量諸佛之所繇出生無量諸佛之所肅恭奉持此緣與幻實崇高而位無量諸佛之頂故曰有三摩提名大佛頂首楞嚴王而經題

豐後集一補樵編

三

大佛頂如來密因修證了義諸菩薩萬行首楞嚴經卽表世尊之示語則大佛頂者實指三摩提而無別指者也解者或以大佛頂爲指菩提涅槃元清淨體如來藏心而謂由此心體含吐十方彌綸萬有五日不能觀其形四辯莫能談其狀者非也經題大佛頂爲三摩提而世誤以奢摩他解之者也經題大佛頂爲三摩提而世誤以奢摩他解之阿難以妙奢摩他三摩禪那三名爲問而世尊以三摩提一名答之皆讀者所不察也夫舉楞嚴之始終本末皆三摩提也三摩提者幻也惟緣與幻爲法王頂故禪宗以說法之法者爲正傳而以說心之法者爲旁出說法之法者三摩提是也說心之法者

奢摩他是也

楞嚴直

有一言可以盡佛法者曰直直者法之異名也世尊最初示阿難曰汝今欲研無上菩提眞發明性應當直心訓我所問十方如來同一道故出離生死皆以直心心言直故如是乃至終始地位中間永無諸委曲相世間爲章句者都言提綱而此世尊自爲提綱世尊之提綱曰直提綱不已而復自剖其言曰心言直故自剖其言不已而復殷勤垂囑曰中間永無諸委曲相世尊之提綱者卽世尊之祕密也故直之一字佛佛祖祖西天東土歷世的傳之符信而世人之所攀攬無門者也七處

豐後集一補樵編

三

徵心世尊之言皆直也而阿難擬之以曲世尊曰阿難汝今欲知奢摩他路願出生死今復問汝卽時如來舉金色臂屈五輪指語阿難言汝今見不阿難言見佛言汝何所見阿難言我見如來舉臂屈指爲光明拳曜我心目佛言汝將誰見阿難言我與大眾同將眼見佛告阿難汝今答我如來屈指爲光明拳曜汝心目汝目可見以何爲心當我拳曜阿難言如來現今徵心所在而我以心推窮尋逐卽能推者我將爲心佛言咄阿難此非汝心世尊之說法直而阿難自由也其後阿難白佛若此見聞必不生滅云何世尊名我等輩遺失眞性顛倒行事願興慈悲洗我塵垢卽時如來垂金色臂輪手

下指示阿難言汝今見我母陀羅手爲正爲倒阿難言世間眾生以此爲倒而我不知誰正誰倒佛告阿難若世間人以此爲倒卽世間人將何爲正阿難言如來豎臂兜羅繇手上指於空則名爲正佛卽豎臂告阿難言若此顛倒首尾相換諸世間人一倍瞻視則知汝身與諸如來清淨法身比類發明如來之身名正徧知汝等之身號性顛倒隨汝諦觀汝身佛身稱顛倒者名字何處號爲顛倒于時阿難與諸大眾瞪瞞瞻佛目睛不瞬不知身心顛倒所在世尊之說法直而阿難自曲也垂手豎手初無正與倒者直也一倍瞻視而爲正倒垂手則以爲倒豎手則以爲正從豎則反其垂以爲準於是

豐後集一補樵編

三

垂手本一垂而有二垂從垂則反其豎以爲準於是豎手本一豎而有二豎如來之身名正徧知者直也汝等之身號性顛倒者曲也故曰世尊之說法直而阿難曲也然而世尊亦未嘗無言之曲也爾時世尊憐愍阿難及諸大眾將欲敷演大陀羅尼諸三摩提妙修行路告阿難言汝雖強記但益多聞於奢摩他微密觀照心猶未了汝今諦聽吾當爲汝分別開示此則世尊言之曲也大陀羅尼諸三摩提爲說法之直而言奢摩他微密觀照者曲也是亦世尊之不得已也然世無擇法眼而曲以爲直直以爲曲者久矣臨濟大師曰大凡演唱宗乘一句中須具三玄門一玄中有三要路夫三玄三要

臨濟之說法爲最直而不知者以爲曲也

### 臨濟宗統

臨濟一宗迥出常情而至於後世往往機不離位墮在毒海者此不知主中主一位故也夫賓主分列四位一曰主中主次日曰主中賓次日曰賓中主次日曰賓中賓原本賓主而有四喝有時一喝如金剛王寶劍主中主也所謂一要者也有時一喝如踞地師子主中賓也第一玄也有時一喝如探竿影草賓中主也第二玄也有時一喝不作一喝用賓中賓也第三玄也乃習聞不察者想澄潭之龍蟠而不思天矯乎九天莫不得主自驕拈出金剛堅其壁壘師師相授守其一而棄其三則何處有

豐後集一補樵編

三

臨濟也臨濟一傳爲興化興化初在臨濟爲侍者洛浦來參濟問甚處來浦曰鑿城來濟曰有事相借問得麼浦曰新戒不會濟曰打破大唐國覓個不會底人也無參堂去化隨後請問曰適來新到是成禪他不成禪他濟曰我誰管你成禪不成禪化曰和尚祇解將死雀就地彈不解將一轉語蓋覆卻濟曰你又作麼生化曰請和尚作新到濟遂曰新戒不會化曰卻是老僧罪過濟曰你語藏鋒化擬議濟便打此興化主中主之見未忘而不能與臨濟機用相接者也至晚濟又曰我今日問新到是將死雀就地彈就窠子裏打及至你出得語又喝起了向青雲裏打此臨濟不惜將他四喝一時露布

出來而興化曰草賊大敗濟便打則興化亦未嘗不了而未盡臨濟之妙者其了處猶坐主中主故也其坐處甚微其未盡甚難脫化後在三聖會裏爲首座常曰我向南方行腳一遭拄杖頭不曾撥著一個會佛法底人三聖聞得問曰你具個甚麼眼便恁麼道三聖豈是攪撥他坐個主中主底興化便喝此豈不是主中主出現也金剛王寶劍拈出來也三聖曰須是你始得三聖豈是印證他坐個主中主底會得三聖此語便會得一喝不作一喝用也後大覺聞舉遂曰作麼生得風吹到大覺門裏來同明同暗同生同殺化後到大覺爲院主我聞你道向南方行腳一遭拄杖頭不曾撥著一個會

豐後集

補樵編

三

佛法底你憑個甚麼道理與麼道料得只憑個金剛王寶劍化便喝豈不是主中主又出現也覺便打爭得不打化又喝定不是別一位覺又打料不是憑個金剛王寶劍化來日從法堂過覺召院主我直下疑你昨日這兩喝果然不憑著金剛王寶劍也化又喝依舊覺又打化又喝依舊覺亦打化曰某甲於三聖師兄處學得個寶主句三聖處是寶句是主句總被師兄折倒了也折到底是寶句是主句願與某甲個安樂法門主中主甚處去也覺曰這瞎漢來這裏納敗缺脫下衲衣痛打一頓會得大覺這話便會得三聖語化於言下薦得臨濟先師於黃檗處喫棒底道理決不是主中主一位也臨

濟侍者有洛浦臨濟嘗稱之曰此臨濟門下一隻箭誰敢當鋒會得三聖語方會得臨濟語浦自謂已足足其主中主之見也浦一日侍立次有座主參濟濟問有一人於三乘十二分教明得有一人不於三乘十二分教明得且道此二人是同是別主曰明得卽同明不得卽別浦曰這裏是甚麼所在說同說別濟顧浦曰汝又作麼生浦便喝濟送座主回問浦汝豈不是適來喝老僧者浦曰是濟便打此豈不是洛浦坐主中主也浦後辭濟濟問甚麼處去浦曰南方去濟以拄杖畫一畫曰過得這個便去此豈牢把著金剛王寶劍底搆得也浦乃喝濟便打浦作禮而去豈不是主中主出現到底也濟

豐後集

補樵編

三

明日陞堂曰臨濟門下有個赤梢鯉魚搖頭擺尾向南方去不知向誰家齋養裏淹殺此與臨濟門下一隻箭話何別浦遊歷罷直往夾山卓菴經年不訪夾山主中主又出現也山乃修書令僧馳往浦接得便坐卻再展手索僧無對浦便打曰歸去舉似和尚惟恐人不曉你個主中主僧回舉似山這僧若開書三日內必來來底不是主中主也若不開書斯人救不得也茫茫天下救不得者何限夾山卻令人伺浦出菴便與燒卻越三日浦果出菴來人報曰菴中火起浦亦不顧直到夾山不禮拜乃當面叉手而立看洛浦此時是主中主不是主中主山曰雞棲鳳巢非其同類出去浦曰自遠趨風請

師一接山曰目前無閣黎此間無老僧此如醫王之從  
治浦便喝依舊拈出金剛王寶劍山曰住住且莫草草  
恩恩雲月是同溪山各異臨濟在興化面前露布四喝  
底豈有兩樣截斷天下人舌頭卽不無閣黎所謂臨濟  
門下一隻箭誰敢當鋒者也爭教無舌人解語浦佗思  
主中主甚處去也山便打是金剛王寶劍不是金剛王  
寶劍因茲服膺方知坐不得主中主一位也此臨濟四  
賓主四喝三玄之標準也

揭第一句

急要明第一句謂三句是三句三玄要是三玄要又後  
來謂第三玄便是第一句一總不準臨濟之舊臨濟大

豐後集

補樵編

三

意三句實是三要而非三玄三要是三玄故三句統於  
一句終始祇用第一句故曰騎虎頭收虎尾第一句下  
明宗旨三玄統於一要所以三玄統於一句此第一句  
政當乾卦第七爻用九見羣龍无首實亦不是守住主  
中主一位故排列四賓主之位定三句次序第三句當  
主中主之半第二句當主中賓之半第一句當賓中賓  
之半故三峰師翁說做日用句亦不違臨濟血脈而當  
時僧問臨濟如何是第一句濟曰三要件開朱點窄此  
分明說第一句之統三要件爲一要件未容擬議主賓分此  
分明說第一句之不容分賓主也不容分賓主者第一  
句位全是賓中賓全是主中主古人有首山頌得最分

曉明示天下萬世可惜今人只杜撰三句三玄不曾反  
古所謂盲者之過非日月咎夫虎頭者何也賓中賓一  
位是也虎尾者何也主中主一位是也據第一句收盡  
第二第三句故曰第一句下明宗旨明宗旨者政明其  
未容分賓分主全賓卽主全主卽賓之一句謂之爲要  
所以乾元用九決不在潛龍之下而高高出亢龍之士  
潛龍之下主中主也亢龍之上賓中賓也以頭攝尾故  
謂之首出庶物也乾六爻得用九而變六爲七用九化  
一爲三而變七爲九變七爲九故第一句出三玄門也  
第二句第三句都收在第一句第一句爲一要件故曰四  
門通一要一要出三玄也九復變而爲一故三玄歸一

豐後集

補樵編

三

要也故以第三玄爲第一句者雖不大戾於臨濟立法  
之意而次序不可以不明也曹洞五位王子誕生王子  
當兼中到第五位而石霜頌欲識誕生王子父鶴沖霄  
漢出銀籠所謂誕生王子父者卽臨濟之第一句也不  
在正中來之下而在兼中到之上也此賓主之大義也  
曹洞五位中無正中正之一位臨濟第一句不守住主  
中主之一位敢告世之謬執主人公者

句位

句謂之位位謂之句不知句之爲位而執未開口已前  
爲第一句及以平常言句爲第一句或執金剛寶劍當  
頭截爲第一句者皆江河日下之禪風也夫句位有三

一事絕理不絕爲第三句一理絕事不絕爲第二句一事理俱絕爲第一句故歸宗有頌云歸宗事理絕日輪正當午自在如師子不與物依怙獨步四山頂優游三大路欠吐飛禽墜嘔呻眾邪怖機豎箭易及影沒手難覆施張若弓伎裁翦如尺度巧鏤萬般名歸宗還似土語默音聲絕旨妙情難措棄個眼還聾取個耳還瞽一鏃破三關分明箭後路可憐大丈夫先天爲心祖此歸宗之發明第一句之位也首山四賓主頌曰悟了卻從迷裏悟迷悟從來無差互始知本末至于今今古相承無別路無別路莫問人說今古問來事元是主從他人問賓主識得賓全是主主中賓賓中主更互用無差互

豐後集 補樵編

三五

賓中賓主中主兩家用莫讓主把定乾坤大作主不容擬議斬全身始得名爲主中主此首山發明第一句之位也所以先師舉僧問宏覺如何是沙門所重對曰心識不到處祇這心識不到處便說破五家之露布而先師又言一切現成何須心識所以雲門曰識得橈子天地懸殊此又先師發明第一句之位也故先師有云五六百年來難分曉底只是個第一句今且道第一句是受分曉底是不受分曉底所以祖師神機語默進退各各只用第一句今人看巖頭語亦有時錯會巖頭語蓋巖頭本亦發明第一句之位而錯會者便住在正句裏也巖頭示眾云夫大統綱宗中事須識句若不識句難

作個話會此正提個位字甚麼是句百不思時喚作正句亦云居頂亦云得住亦云歷歷亦云惺惺亦云的亦云佛未生時亦云得地亦云與麼時此正第一句之地分開是第三句將與麼時等破一切是非此正第一句之用分開是第二句又云纔與麼便不與麼便轉轉地此全是第一句出現也故曰須知句位也宗門武庫述佛眼禪師在五祖時圓悟舉臨濟三句語問眼一日忽謂悟曰我舉三句向你以手屈指曰此是第二句第三句已說了便走悟舉似祖祖曰也好咏今人都將說第二句不說第一句會了不知他佛眼曰我舉三句向你此六個字正是第一句出現也透此一句則千萬

豐後集 補樵編

三五

個第一句皆透更說甚末後句最初句第一句明句暗句殺人句活人句

內紹外紹提

內紹外紹王種此曹洞綱要之難明者也然準之五畫重離提九峰虔之發揮無不洞然者九峰虔之言曰若不知事極頭祇得了事喚作外紹是爲臣種此五畫重離之第四爻所謂偏中正也其曰紹向裏許承當擔荷是爲內紹此五畫重離之第二爻所謂正中偏也又曰須見無承當底人無擔荷底人始得同一色同一色了所以借爲誕生是爲王種此五畫重離之第五爻所謂兼中到也問如何是外紹峰曰不借別人家裏事曰如



何是內紹峰曰推爺向裏頭曰二語之中那語最親峰曰臣在門裏王不出門曰恁麼則不出門者不落二邊峰曰渠也不獨坐世界裏紹王種名外紹王種姓所以道紹是功名臣是偏中正紹了轉功名君是正中偏此五畫重離之總義也問誕生還更知聞也無峰曰更知聞阿誰曰恁麼則莫便是否峰曰若是爲甚麼古人道誕生王有父曰既有父爲甚麼不知聞峰曰同時不識祖問古人道直得不恁麼者猶是兒孫意旨如何曰古人不謾語曰如何是來底兒孫曰猶守珍御在曰如何是父峰曰無家可坐無世可興此吾所謂五畫之中無正位者也而寂音之言內紹外紹則異矣寂音曰雪竇

豐後集

補遺編

學

通禪師長沙岑大蟲之子也每謂諸同伴曰但時中常在識盡功成瞥然而起卽是傷他而況言句乎故石霜諸禪師宗風多論內紹外紹謂之臣種亦謂之借謂之誕生然不若絲毫不隔如王子生下卽能紹種謂之內紹謂之王種謂之句非借也借之爲言一色邊事耳不得已應機利生則成挾帶此寂音不知內紹之非王種而誕生一位錯謬者也至幻寄云人天眼目以五王子配五位以末生當正位既繆矣又以內生爲同誕生亦非也誕生猶有待者也內生生卽能紹種者也此幻寄不能正寂音之謬也

豐草菴後集卷一

豐草菴後集卷二目錄

補樵編 此編皆書序 次序先後仍依原稿

靈山一會序 椒菴和尚堯峰語錄序 喻葦

和尚棲賢語錄序 狀兄和尚靈巖語錄序

答人論七法頂書 答人問先師散錄書 答

人問禪林問話書 答人問五宗名統書 答

人問河圖洛書變化書 答人問臨濟第一句

書

按原稿有秋燈八書自序并目以上六書皆

在內尚有答人問周易卦序書答人問金剛

般若大義書原稿已佚

豐後集 補樵編目

靈巖去兄和尚語錄序 雪鑪禪師語錄序

答人問先天句書 答人問三十機路前後如

如書 答儒者問格物大義書 答人問老子

同異書 答人問名頂書 答人問六祖示志

常偈書 答人問參禪做工夫書 答人問居

家學道書 大覺和尚語錄序 序兄和尚眉

山錄序

豐草菴後集卷二

補樵編 漏霜南潛著

靈山一會序

先師退翁和尚已刻布語錄四十編南潛讀先師全錄

知先師全錄不易讀也一以先師所定宗禮之旨讀先

師全錄先師昔謂南潛曰吾欲與汝定宗禮一書使宗

門典禮後世有所法程其書未就而大旨見於語錄者

如能仁語錄卷末示祥符守寺者世尊制戒已下十六

行說山門接待禮國清語錄辭天台士民錦帳示國清

請主皆禮也雪舟集上養翁居士書後雪舟集還通州

襄葬臨行緇白請就狼山廣教禪寺陞座載事親之禮

豐後集二 補樵編

天寧語錄與綱菴居士書為處憂患之禮也一以先師

立言關獻徵者讀先師全錄如能仁語錄中復陳明府

寒山合瑞巖語錄與諸山尊宿論寒山為護伽藍神如

退翁近錄中文殊訶堂覺從禪師塔銘張無妄小傳孝

敏李先生傳國清韜長老傳無畏關主傳之類是也一

以先師立言關兩宗者讀先師全錄如報慈語錄中復

愚菴孟和尚復王雙白居士復徑山容和尚復祁季超

居士諸書是也一以先師平昔綱宗決旨讀先師全錄

如祥符錄中直指堂五宗門風垂問樹泉集與趙太史

景之書靈巖續錄中有靈巖六不容有六種成就有臨

機轉握八門及湘雲館散錄中諸說是也一以先師自

定大宗堂錄彙前後取捨同異之旨讀先師全錄或其錄富有篇帙而存不數條或其錄意在孤行而概無筆削或錄中語有世已傳誦者而錄彙不登或錄中語有難諧時聽者而錄彙亟采先師垂示後人意各有取也故南潛讀先師全錄知先師全錄不易讀也辛酉秋南潛舟居遇暑疾寄鉢囊古堯封冬青樹下大慈補菴兄來示我靈山一會靈山一會者補菴兄集先師諸門人之錄爲一書者也南潛感先師已刻布語錄四十編時各有說而晚年手定爲一書自說而自定之不易先師諸門人各有錄錄各異體而同美補菴兄合而定爲一書諸人說而一人定之尤難南潛喜寓目同門之大觀

豐後集二補蕉編

歎補菴兄之克體先師而力爲其難也故述平生讀先師全錄之語於前以爲序前住古堯封寶雲院法弟南潛

叔菴和尚堯封語錄序

從戊午寄鉢囊紫石時躡屨巖巖嶺拜先師塔下已至湘雲館俯仰悲歎嘗語叔菴兄曰我本瀟湘一釣客自西自東自南北先師自題柱一十四字亦法喻也記得先師湘雲館中說從上祖師建立一切法所謂劍自害劍劍劍相害劍亦不可得智自害智智相害智亦不可得子母俱喪亦復如是真正建立之人謂之掃蕩又曰石霜接黃龍是何等手腳黃龍一派說禪是何等眼目

何等作用何等個儻何等穩實揚岐後人必以正脈歸會祖以顯宗風者用甚麼眼目又曰我嘗說曹洞一宗權開五位善接三根是德山臨濟睦州雲門之一大成視也正見古人立法之心也僧問弘覺如何是沙門所重對曰心識不到處祇這心識不到處便說破五家之露布先師此等言句皆一世積久遺置而不問者歷耳無不震掉股栗而先師必鐘敲雷霆以告天下先師之心何心也因復語叔菴兄古人亦互有得失也寂音發憤孤鳴力挽臨濟宗旨可謂宗門之豪傑矣及其旁闡洞宗則卦象輕翻兼偏誤革寶鏡五爻之離雲霧從此始而寂音五宗綱要旨訣序中論仰山付法偈兩口一

豐後集二補蕉編

無舌當作兩口無一舌謂是馮山之牛一身兩號之意我不敢是寂音而移舊本也故我謂今人賴有古人者古人不可盡違也古人亦賴有今人者古人不可盡從也叔菴兄詭不鄙其狂愚而以余言爲然每爲座下人提唱山空雲冷石繡泉香不問世間離合同異立言大體都不謬湘雲館中夙昔究論指歸以此潔清家風廣揚宗奧勝矣世出世間老成凋落先師每言昔人去我遠漸成草木世界傷哉此言吳匏菴先生爲吳郡先賢冠冕文章德業卓然在世間則歎世間之耆舊不可復起在出世間則歎出世間之風氣今昔懸殊匏菴先生生護壽封泉石而藉重山門頗類米元章末後一段椒

菴兄爲菴菴先生之裔少讀書敦古實始脫白堯封今  
秉臨濟令主堯封院事說法挽江河之下無媿先賢法  
門之盛事吳郡之遭逢也而余復有野語一條欲進於  
兄前憶歲辛丑先師命職灑掃堯封寺門叢樹中古藤  
一曲誤傷於樵采先是聞先師曰凡住名山損山中一  
樹一石者如傷老僧南潛固守先師之令藤雖細必致  
其罰而是時更欲洗寺門苔石或以爲過先師聞之曰  
潛寶雲申吾懷抱也舊年葉落滿山時行過飛鏡臺見  
寺門洗石生面重開感恩舊事一喜一悲喜兄弟之同  
心而悲師音之日遠也前任寶雲法弟南潛書時辛酉  
秋七月既望

豐後集二 補樵編

四

喻葦和尚棲賢語錄序

洞於法用之奇正而後可以言法矣夫奇正亦甚難明  
也奇正相生如環無端法用在綱宗有時主張綱宗而  
掃蕩綱宗者奇也有時主張綱宗而建立綱宗者正也  
故五十年已前先天童爲其奇先三峰爲其正至先師  
建立先三峰之旨荷擔臨濟之綱宗藏於龍雲用出獅  
吼有時建立爲建立而尋先三峰之轍者正也有時掃  
蕩爲建立而似不尋先三峰之轍者奇也說在寂音之  
序大寧寬和尚語錄也曰但識綱宗本無實法又曰若  
以實法與人士亦難消巖頭說法指人甚要而語不煩  
亦何嘗鉤章棘句險設詐隱務爲玄妙哉故其得友如

雪峰有子如羅山於生死之際如洞視戶庭未嘗留情  
近世叢林失其淵源以有思惟心爭求實法唯其以是  
爲宗也故高則妄見勝妙之境下則波爲世諦流布而  
綱宗喪矣夫揭盡綱宗之要出法用於奇正之外者未  
嘗留情四字是也其綱宗墜地之因所以淪法用而奇  
正之皆無當者實法二字是也先師品題古尊宿一生  
絕賞巖頭其所懸示天下最嚴實法之禁吳山餘暑讀  
喻葦兄棲賢新錄如秋風之濯林壑也憶隨先師浮湘  
時一日先師立帆幅下呼南潛來前謂唐人許丁卯詩  
湘潭雲盡暮煙出巴蜀雪消春水來善詩品者斷後來  
改暮煙爲暮山之非是是則然矣而古人所亟稱湘煙

豐後集二 補樵編

五

者何取於煙也南潛俯首曰其有無之閒乎先師曰是  
湘煙之質也試進之南潛曰其去其留明與暗之難籌  
先師曰是湘煙之轉也更進之則進之以煙之爲湘湘  
之爲煙煙之爲山水山水之爲我而後先師歎之以爲  
此湘煙之大忘也觀止矣喻葦兄曾說法南岳則請以  
湘帆之家語爲獻湘煙之爲錄也錄之爲湘煙也惟忘  
情於實法者能別之

狀兄和尚靈巖語錄序

知法頂乎七佛已來無不準法頂者而法實非創而述  
述者述其古今天地萬物劃然不可易之情而法以建  
立覆物而物不能相覆成物而物不能相成摩物而物

不能相摩鼓物而物不能相鼓此之謂法頂法頂之七起於毒花之十截十爲七妙機開台十毒花者楞伽五法之雙布也經云佛告大慧五法自性識二種無我分別趣相者謂名相妄想正智如如此一名二相三妄想四正智五如如逆而布之自上而下爲天數之五又云復次大慧五法者相名妄想如如正智此一相二名三妄想四如如五正智順而布之自下而上爲地數之五地數藏往天數知來於是復分而爲二地數五起於相影天數五起於正智復爲之提二綱以決往來之用其一綱曰如如實以往爲體也如如退藏於密在古格而不許在今格或出於今者瀆也其二綱曰天名以來爲

豐後集二補樵編

六

用也先天而天弗違在進取而不許其守或守而孤限者沒也瀆者外裂沒者內窒所以古傳鐙錄以牛頭下一輩橫說豎說而列爲旁出者此不密其如如以說法說如如之法以瀆如如誤以地格中之天數爲天數用而兩傷天地往來之數故謂之旁出之說法者也其南嶽馬祖青原藥山諸家各各手提名符法陣森張長駕遠馭而爲祖花之正傳者此皆伸其名而詘其如藏於其用用於其藏能舉來格中之天數爲神機大用而壹不迴翔於地數超然首出故謂之正宗之說法者也夫謂言多去道轉遠此義亦非金石昔宋後宗風衰旌旗鐘鼓有秋色今殘錄流傳者言不能豐而往往寶惜古

人之糠粃塵垢後生得之不能鞭其驚而或使退入於窟此可以傲其多乎北宋宗門諸老典冊法書之表表天下者無不欣雲霧之乍披畏編簡之欲盡一字千門黃金非價此可以羨其少乎故言不貴多言亦不貴不多貴說法能高提法頂耳昔先師退翁和尚在湘雲館縱論古人法幢宗旨掃蕩建立同異之大故而終拈起弘覺答沙門所重心識不到處五字爲穿五宗之玉線此五字者前賢淺涉之而近疑其跡先師深發之而絕歎其神前賢浪測五字於如如而訛賞罰於既往先師懸示五字爲名用而通變化於鬼神故不知先師發明宗旨之心無以知七法頂不知法頂則無以聽法況說

豐後集二補樵編

七

法余觀首山頌曰四門通一要一要具三玄在賓全正令立主要須圓在賓全正令此首山表法頂之以天名而神也立主要須圓此首山表法頂之以如如不用爲妙於用也而余又以爲首山銅虎之半在臨濟氏之四喝而皆爲時世之所憚聞癸亥狀兄和尚初補住靈巖上堂拈四瓣香唱揚古符鐵券書轉見光芒玉鑰匙何曾繡澀余聞而踴躍歎爲得頂盛言日續皆不與臨濟首山及先師請建立古路背馳藏身於風雨雷霆耀眼於寒灰槁木琴臺冷石弦未絕也後世必有辨其格外之音者寶雲法弟南潛書於蘇臺樹下時山雨欲來

答人論七法頂書

來書謂七法頂杳渺如空雲不可追獲者此未究其實也請先布其天地數而大用見矣夫天如如者卽金剛經所謂如如不動過去之當位者也天正智者洞然見此者也天妄想者轉此見如之智而前行者也天相者轉此而化出先天之相者也天名頂者轉此而神變先天之名者也地數之相卽天如如之質是也故相影萬古不遷而如如亦永伏於地數相之不遷求其暫出於天正智之前而必不可得有暫出於天正智之前者名影也名影遷則必累四影而橫出然而無虞也名頂已建於先天第四矣此之謂杳絕夜行路也若天妄想未離於天正智而妄想影連類二影出於天妄想之前名

豐後集二補樵編

八

亦如前此之謂嶽瀆平分路也若妄想影出於正智之前二影出於妄想之前名亦如前此之謂赤水玄珠路也若妄想影合如如影出正智之前而正智影出妄想之前名在先天之第三此之謂插眼不入路也若妄想三影出正智之前妄想之後而名亦在先天第三此之謂包羅機略路也若正智穆然而如如影正智影出於天相之前名已在先天第四矣此之謂正令當行路也若如如影出天妄想之前正智影出天相之前名在先天第三此之謂伐鼓揚旌路也若如如影正智影出天妄想之前天相之後名在先天第三此之謂旋歸韜略路也若如如影近出於天智之前而正智影高出於天

相之前名已飛於先天之第二此之謂變化不測路也若如如影出正智之前正智影出妄想之前名亦如前此之謂屏息輪誠路也若如如影正智影橫出於天智之前妄想天相之後而名飛先天之第二爲七法頂之所準此之謂饒歌奏凱路也影無出於名頂之前者惟正智影一出耳然正智影不能害天名而天名能害正智影此之謂大瞞春風路也若正智影順於名頂之下出於天相之前此之謂玉衡垂一路也若正智影順於天相之下出於妄想之前而名居於頂此之謂移風易俗路也若正智影順於天妄想之下出於天正智之前而名居於頂此之謂耕鑿隨時路也然後先天如如之位定而名頂之功成矣此十毒花天地數之實也乃其所禁絕者則天妄想之不行而倒顧者也前行者行於先天之路倒顧者倒行而迴顧於伏匿之如也此不可不察也

豐後集二補樵編

九

答人問先師散錄書

有一言而可爲萬世說法之準者幾也幾者取於先而後者不覺幾者取於離而合者未親幾者見之孤而羣不之信幾者動之微而顯未之察如先師散錄中所論楊歧正脈是也先師曰如湛堂出真淨之門爲黃龍派下嫡孫法語妙天下拈頰驚世絕俗說禪病徹骨髓但嫌其下手不緊佛果老人較湛堂相隔豈止天淵湛堂

對妙喜曰果上座要你上堂普說小參拈頌件件來得祇欠一下在附近世人誰不讚歎此老真實相爲不知妙喜受累不淺矣這張口不是擔雪什麼人敢開此老之不到處祇在不明隨隨解脫三昧不識隨宜方便使後來人從這一句下錯認顏標作魯公刀頭只是向內所以于薰風南來句下死了不得活若非我勤祖用不疑言句之藥藥之妙喜至今猶打在杜撰長老隊裏此先師握幾之一字以定古今天下說法之準者也猶憶先師一日呼日月堯峰你但記吾語他日老人委骨亂石堆中滔滔叢林說法保無一箇曉得利害利中之害害中之利實亦難知也北宋時王安石朝野稱其賢天

豐後集二補焦編

十

子引參大政眾皆喜於得人獨呂誨獻可以爲不然將對於崇政殿而司馬溫公爲翰林學士侍講邈英閣亦將趨資善堂以俟宣召相遇於路並行而北溫公密問曰今日請對欲言何事獻可舉手曰袖中彈文乃新參也溫公憐然曰奈何論之而獻可正色曰君實亦爲此言耶安石雖有時名聽其言則美施於用則疏若在侍從猶或可容置諸宰輔天下必受其弊後來王安石當國誤朝廷溫公退居洛陽而深歎服獻可之先見此誠利害之微難明而先幾之不可失也湛堂法苑之偉人王安石誤國之僻相我豈敢以安石比倫湛堂祇爲先師利中之害害中之利實亦難知之遺訓略引獻可孤

彈爲幾之證耳高明欲料古今法錄者幸無逆耳於此言

答人論禪林問話書

士大夫舍其高車駟馬而來分席山林之片石其意亦或謂禪林者道之所在冀萬一於身心之益而下亦不失爲雲泉鐘磬暫時之自適也而世有一種高座悅人使利口衲子環而琢獻諛之詞謂之問話於士大夫則非士大夫初所以來之心而於禪林則損禪林以道自重之體彼非惟不知道抑大不知人情也已夫士大夫欲諛言之口聞則當就其賓客門下之人傾耳而聽而不當勞屐齒於山中索逢迎於衲子之口也若衲子愛

豐後集二補焦編

十一

獻諛於士大夫者則當變換田衣就朱門而從唯諾之後不當自附拈香擇火而曲折爲士大夫甘言之助也故住持必嚴問話住持者必書誓其眾曰問話習諛者出院如是而後以古之士大夫慕道之心待士大夫而待士大夫始不薄如是而後以古之禪林師弟子畫一以道爲務起禪林之模範而禪林賴以不衰宋佛眼禪師語錄卷末有誠問話一條其言曰近代問話多招譏諂蓋緣不知伸問致疑咨請之意後生相承多用祝贊順時語並非宗乘中建立如古人問若爲得出三界去又問聲色如何透得又問此間宗乘和尚如何言論並是出眾當場決擇近時兄弟進十轉五轉沒巴鼻語或奉

在座官員或莊嚴修設檀信俱不是衲僧氣味又抽身出眾便道數句或時云某甲則不恁麼道又云和尚何不道夫問話者激揚玄極也不在多進語三兩轉而已貴得生人信不至流蕩取笑俗子也佛眼之言如此其所謂後生相承多用祝贊順時語或奉在座官員或莊嚴修設檀信雖古今歲月之遠隔見人情習諛之相同佛眼爲之分別邪正決斷趨向往持指南其道不易故我謂在今日有法門之憂者必無以衲子不可教而不教之以歲寒松柏之操必無以士大夫不可行古道而不以古道爲江河日下之持必無以今定不能如古而觀北宋迄今人情不大相遠守道而弗徇其情必無以

豐後集二補樵編

十三

正定不能勝邪而取法佛眼住持惟在激揚玄極秉正而弗驚其寵辱然後視錄本之馳於四方者其所載座前問話是耶非耶固不待煩言而決也臆語無愕

答人問五宗名統書

我謂五宗大用統之以名而聞者疑之夫不能離玄黃牝牡以求其神駿此其人殆終身以玄黃牝牡爲相馬之真訣而所以失天下之馬者也我臨濟氏之以名爲用者臨濟上堂曰大凡演唱宗乘一句中須具三玄門一玄中須具三要有權有實有照有用汝等諸人作麼生用玄之爲名也名之爲玄也而傳法偈曰沿流不止問如何真照無邊說似他離相離名人不稟吹毛用了

急須麼惟臨濟神其名之用而後離相離名故申之曰人不稟也吹毛之麼全身名用矣後來興化卒風暴雨向古廟裏躲避得過此興化之名通其變也南院不上天堂則入地獄此南院之名通其變也雲門氏之以名爲用者雲門上堂曰光不透脫有兩般病一切處不明面前有物是一又透得一切法空隱隱地似有箇物相似亦是光不透脫又法身亦有兩般病得到法身爲法執不忘己見猶存坐在法身邊是一直饒透得法身去放過卽不可子細點簡將來有甚麼氣息亦是病此雲門不言名而以名爲大用者也所以妙喜曰不用作禪會不用作道會不用作向上商量此是雲門老漢據實

豐後集二補樵編

十三

而論我恁麼道有沒量罪過汝若簡點得出許你具擇法眼若點簡不出且向雲門葛藤裏參若妙喜者可與言名頂也已然我謂據實而論四字我還要合妙喜商量寶雲恁麼道有罪過也無當初睦州門縫裏秦時轆轤鑽此睦州投雲門以名者也放洞山三頓棒此洞山初誤入雲門之名者也瀉仰氏之以名爲用者瀉山得名頂於百丈之撥火後來上堂曰老僧百年後向山下作一頭水牯牛右脇下書五字曰瀉山僧某甲當恁麼時喚作瀉山僧又是水牯牛喚作水牯牛又是瀉山僧畢竟喚作甚麼仰山出禮拜而退此瀉仰之善用其名也而王常侍之畫圓相內寫日字不足當仰山之脚踏



西天羅漢素識字右旋左旋仰山謂不離隱身三昧父子子相與昌大其名盛哉曹洞氏之以名爲用者洞山五位君臣頌曰正中偏三更初夜月明前莫怪相逢不相識隱隱猶懷舊日嫌偏中正失曉老婆逢古鏡分明覲面別無真休更迷頭猶認影正中來無中有路隔塵埃但能不觸當今諱也勝前朝斷舌才兼中至兩刃交鋒不須避好手猶如火裏蓮宛然自有冲天志兼中到不落有無誰敢和人人盡欲出常流析合還歸炭裏坐觀洞山之頌兼中到而名頂之用了然矣其過水觀影偈曰切忌從他覓迢迢與我疏我今獨自往處處得逢渠渠今正是我我今不是渠應須恁麼會方得契如

豐後集二補樵編

十四

如蓋洞山過水觀影而後知如如之爲利爲害此名之用之所以大也曹山三種墮以名而墮者也曹山作四禁偈以名而禁者也而法眼氏之以名爲用者法眼因僧來參次眼以手指簾尋有二僧齊去捲簾眼云一得一失此法眼之名用也僧慧超問如何是佛眼曰汝是慧超此法眼之名用也而法眼爲華嚴六相義頌曰華嚴六相義同中還有異異若異于同全非諸佛意諸佛意總別何曾有同異男子身中入定時女子身中不留意不留意絕名字萬象明明無理事法眼得名之大用而名字絕也故曰五宗統於名不足疑也

答人間河圖洛書變化書

垂問河圖洛書大旨夫河圖之所起起於三際洛書之大用在申其知而詘其物此河洛之大綱也傳曰河出圖洛出書聖人則之又曰天一地二天三地四天五地六天七地八天九地十其數起於一者此述其已成之數積少爲多因耳若言河圖數之所起則當起於中央天五中五者現在之際是也畫卦亦始中爻故坎離受命而表生殺河圖始於中五故前後相生而具貞悔請先言中五之所以成其中五之最中一點者所謂現際是也現不但已因推而前之前有南一點而當未來未來非究因復推而前之前有西一點而當未來之究此現際之前三點也現不孤起因推而後之後有東一點

豐後集二補樵編

十五

而當過去過去有基因復推而後之後有北一點而當過去之基此現際之後二點也於是天五乃成倍其天五而爲地十故五與十居河圖之中央蓋河圖凡累三層起中一層天五地十之都也次爲最外一層欲其出中以御遠也次爲近中之一層爲其依中以附近也故從天五而出推而前之而得天七於正南最外一層復從天七推而前之而得天九於正西最外一層從五而七而九爲未來際之天數也從天五而追序推而後之而得天三於正東近中之一層復從天三推而後之而得天一於正北近中之一層從五而三而一爲過去際之天數也此河圖發揮三際自然順逆之數也至於洛

書則申其知而詘其物知者天數是也物者地數是也申其知者知入三世而無不知也詘其物者物不遷其位也故曰乾知大始坤作成物此先天之旨也蓋洛書宮分爲九而列分爲五列分爲五者九七爲一列中五爲一列三一爲一列所謂天數之三列者是也六八爲一列二四爲一列所謂地數之二列者是也參天兩地其數不易洛書者河圖之變也河圖變而爲洛書不起於中五而起於九起於九而大用在五其所以起於九者起於天數未來之究也先天而天弗違者也以天九起於正南次天七隨布於正西次天五定極於中央次天三隨布於正東次天一尾於正北此五宮之方皆正而參天之數在焉洛書以天九爲尊而十不敢凌也故去其地十而起地六於西北之隅隅者陰之位也地六起西北次地八隨布於東北次地二隨布於西南次地四終位於東南此四宮皆隅而兩地之數在焉洛書地數有過去未來而無其中中統於知而非物之所與也後天而奉天時者也洛書雖去其十而五藏其十故天數起於未來之究而畢於過去之一地數起於地十過去之六八而畢於未來之四以四接五而天地流行矣此洛書明先天後天進退神變之機也非漢唐已來章句之所講也幸仁者留神究古而弗奪於陳言

答人問臨濟第一句書

豐後集二補樵編

其

自天童有埽蕩之說而天下之言玄要者疑窒其口矣自三峰有建立之說而天下之言玄要者或鑿其辭矣其後有互不悅於兩家者武斷而爲之說謂三玄卽三句而玄以利人要爲自利聽其言若門戶貫穿而不留行者若現成而不造作者若流動而便易無礙者於是世之習天童而疑天童者皆欣然曰此說立而天童一槪頭之謗以免可一言而攝三句三玄三要無遺義也曰世之習三峰而疑三峰者亦皆欣然曰此說立而三峰蜀道之難以免提綱宗於平易也已蓋分句與玄則甚難合句與玄則甚易分句與玄則辭不能無煩合句與玄則辭可以不煩若之何不風馳雨驟而流俗之同

豐後集二補樵編

七

信也雖然臨濟氏沒七百年整頓佛祖之綱宗不務於快而已而惟求其當不趨其便易而已而必揭其眞寶雲以爲三玄必出於第一句而必不出於第二句第三句者故決謂以三玄爲三句之非也若第三句可出三玄而玄不成玄矣所以臨濟大師曰若第一句中薦得堪與祖佛爲師若第二句中薦得堪與人天爲師若第三句中薦得自救不了僧便問如何是第一句濟曰三要印開朱點窄未容擬議主賓分此臨濟以第一句爲指南針也三要印開者謂三玄各宗其一要而握先天之印朱點窄者朱點卽主字之隱身而窄言其不露也故後來首山曰四門通一要一要具三玄無違臨濟而

非戶牖之別開者也臨濟之答第二句曰妙解豈容無著問漚和爭負截流機答第三句曰但看棚頭弄傀儡抽牽全藉裏頭人臨濟分明謂第二句第三句之不可用而欲以三玄爲三句之轉換者何也句自句玄自玄句自句故從第一句出三玄而可以揀其下之兩句不至安於自救不了也玄自玄故以第三玄成就第一句而可以泯其跡於第一第二之兩玄以法門爲念者知我言之苦

秋鐙八書自序

秋鐙八書者寶雲病起而挑鐙答人之問有八也寶雲不喜尺牘往來馳都積牘不報而病中答人至八書何

豐後集二補樵編

十六

也寶雲曰汝是實問否曰是實問寶雲俯首曰我不知所以答

答人論七法頂書 答人問周易卦序書 答人問

金剛般若大義書 答人問先師散錄書 答人論

禪林問話書 答人問五宗名統書 答人問河圖

洛書變化書 答人問臨濟第一句書

靈巖去兄和尚語錄序

始去兄和尚住梁溪寶安歲丙午先師浮湘而舟過梁溪也去兄羈院子不獲隨行風雨中拜先師於舟中將別去復稽首慟哭不能起起而爲嬰兒啼者久之惟注視先師啟曰和尚早還吳時先師亦爲泣然也夫道之

重非定漠然毫髮無情而後道之重也觀我初祖達磨氏老矣不惜餘年筋骨衝流沙十萬里而至我震旦鞠躬盡瘁死而後已夫亦爲二十七祖般若多羅一言金石之重而不忍晏然高坐以負也故我謂達磨氏者古之傷心人也我去兄之輕其身而重其師重用其情於法門惻傷沈著痛哭流涕出於人情形跡之外者可謂知法門輕重矣庚戌余承乏寶安去兄菴居水木澄華相望去兄旦夕尺牘馳而或杖履過從獲聞清論記得早寒日色作紺碧踏樹影扣去兄之松扉坐定去兄浩然作天際想恨古人之不我見而同心日少舉目有江河之異也因出新詩以示余一再讀而歎謂道不與詩

豐後集二補樵編

十九

謀而負曠絕之見者吐一言必如日月終古之常新詩不與道謀而展出人之情可以爲雲爲雷感奮百世之下去兄豈以詩著哉乃試爲詩品而亦不能不伏去兄之孤調往余初著草鞋上靈巖望見我去兄稜稜諸兄弟中去兄面骨秋山瘦而聲如霜鳴之鐘琅然望而知爲歲寒松柏也聆其言若河漢之不可極當是時去兄入古今法奧最深其退然在先師會下最自韜匿芒寒色正至不能掩一世之覩見而後法言震驚冠冕南國去兄所以曲折傷心不能須臾忘先師出情眷注之意而能以其身爲法門之柱石者也戊午補住靈巖而去兄不改其素也高山峩峩邈然遠視念法苑之垂秋追

古人以爲侶洛陽苦寒何曾慙訝高峰瓊瑤粥可以自解去兄曰縱今人之不我知也而我豈敢今人之責責我之行道不得力而不能使今人之知我也去兄之言可謂得任持之古道者矣去兄說法益高遠南潛何能望見涯涘惟記其中懷所最敬慕於兄者以爲序

雪爐禪師語錄序

浮湘之返一年風霜中侍先師至陽山文殊蘭若華山槩兄和尚澗上徐昭法亦至夜集山軒中深更翦燭木葉倒飛作聲與窗中語相應和是時先師慨然品論古今法道同異盛衰而深致意於後起之有人也因顧槩兄而言我白頭穿衡山之雲一至德山爲原德山理其

豐後集二補樵編

三

身後使德山無嗣而有嗣夫得人亦甚難耳今祇舉我目前如槩華山之有雪爐諸人月堯峰之有古漁香谷他日可自效於法門者余與槩兄皆俯首不敢對又嘗侍先師過華山時雪公方職事禪堂晨夕爲堂中衲子發藥有緒口出禮先師雪公能惠崇山水墨法遇其得意超色象蹊逕而氣韻自出先師曰雪爐來前吾語汝畫夫說法亦猶畫也是必以微茫透脫爲妙詣若排當富嚴規行矩刻於高流胸次何關故我平時論說法亦尊氣韻徐元歎嘗述有人問鍾伯敬名園之品以何爲貴鍾曰園只要荒我歎此荒之一字乃近世禪林語錄之所不聞不見也先師言已又顧余而曰吾往與汝

擊節古人言句在有一唱三歎之妙此尤蜀之日而粵之雪安得後來一輩英靈重開此境嗟嗟政所謂提此話者亦難得耳時進曰南潛記得王介甫有詩云欲寄荒寒無善畫此老和尚論說法之前一段也賴傳悲壯有能琴南潛以爲介甫琴道之未深詣知有悲壯而不知古人一唱三歎之妙夫一唱三歎之妙此正琴之精微而通於說法者也壬子先師示寂先是槩兄和尚已遠栖黃山而余自癸丑已後自廢於山顛水涯前陽山頂先師所舉古漁香谷於二三年中皆沒未幾我槩兄和尚歸吳化去而聞雪公匍匐黃山營塔矣追山軒之夜集引家語之深長如夢境不可更復悲哉戊午後余

豐後集二補樵編

三

往來吳山聞雪公住虞山白雀寺說法有北宋之血脈非世體住持同眾勤勞能刻苦其身心以大其師門不負靈山老和尚之注望爲日夕之所慘澹經營者非世心余方以爲逝者不可復作而使雪公能終以其身爲古人則古人可以不亡也乃未幾雪公亦逝此豈惟爲我槩兄戚也實傷法苑之英賢衰落焉其後見雪公住白雀語錄一帙其人亡而語存語況可傳足以慰而壬戌九月先師十周遇雪公同法眼環禪師於古堯峰某公懇苦再四爲雪公遺錄乞一言爲序余心許之而病相接未就也甲子冬余寓蘇臺角病起坐石楠下思十五六年來我家父子祖孫兄弟叔姪離合存沒前後情

事而又感傷近代世出世間同氣幾等於路人歎眼公能重其師法不惜爲同門身後之乞亦足以敦古誼也乃爲條其本末爲序而寄之

答人問先天句書

古佛祖之法用未有不是先天句者也而言先天之句難明此不須徧引五宗言句以證只就你終日在眼前底七軸法華經無不是發揮先天者法華開卷爾時佛放眉閒白毫相光照東方萬八千世界靡不周徧下至阿鼻地獄上至阿迦尼吒天於此世界盡見彼土六趣眾生又見彼土現在諸佛及聞諸佛所說經法并見彼諸比丘比丘尼優婆塞優婆夷諸修行得道者復見諸

豐後集二補遺編

三

菩薩摩訶薩種種因緣種種信解種種相貌行菩薩道復見諸佛般涅槃者復見諸佛涅槃後以佛舍利起七寶塔夫東方者物出生之方也出生於未來滅於過去而光中所見彼土現在諸佛至於佛般涅槃以佛舍利起七寶塔所更時分亦甚久遠矣方現在而見其未來此法華提先天之句者一也賢劫譜咸卦經第九劫人壽百歲時釋迦牟尼佛出世直到恆卦任第十劫人壽減至八萬歲時賢劫第五尊彌勒佛出世故彌勒爲未來補處之佛也而華嚴末後善財煙水徧參至究投身彌勒樓閣彈指門開法華世尊放眉閒光而彌勒以補處之尊爲之騰疑啟問華嚴以彌勒爲要終法華以彌

勒爲原始皆當現在而經綸未來此法華提先天之句者二也佛告舍利弗佛滅度後如是等經受持讀誦解義者是人難得若遇餘佛於此法中便得決了此法華提先天之句者三也譬喻品記舍利弗汝於未來世過無量無邊不可思議劫供養若干千萬億佛奉持正法具足菩薩所行之道當得作佛號曰華光如來應供正徧知明行足善逝世閒解無上士調御丈夫天人師佛世尊而諸弟子異至提婆達多皆各受記未來作佛此法華提先天之句者四也見寶塔品云爾時多寶佛於寶塔中分半座於釋迦牟尼佛而作是言釋迦牟尼佛可就此座卽時釋迦牟尼佛入其塔中坐其半座結加

豐後集二補遺編

三

跌坐爾時大眾見二如來在七寶塔中師子座上結加趺坐各作是念佛坐高遠惟願如來以神通力令我等輩俱處虛空卽時釋迦牟尼佛以神通力接諸大眾皆在虛空以大音聲普告四眾誰能於此娑婆國土廣說妙法華經今正是時如來不久當入涅槃佛欲以此妙法華經付屬有在夫以過去多寶如來分座現在釋迦如來而大聲告未來妙法華經付屬之語此法華提先天之句者五也安樂行品云文殊師利如來滅後於末法中欲說是經應住安樂行廣說於後末世法欲滅時受持讀誦斯經典者此法華提先天之句者六也從地涌出品云爾時它方國土諸來菩薩摩訶薩過八恆河

沙數於大眾中起合掌作禮而白佛言世尊若聽我等於佛滅後在此娑婆世界勤加精進護持讀誦書寫供養是經典者當於此土而廣說之爾時佛告諸菩薩摩訶薩眾止善男子不須汝等護持此經所以者何我娑婆世界自有六萬恆河沙等菩薩摩訶薩一一菩薩各有六萬恆河沙眷屬是諸人等能於我滅後護持讀誦廣說此經佛說是時娑婆世界三千大千國土地皆振裂而於其中有無量千萬億菩薩摩訶薩同時涌出此法華提先天之句者七也又云是諸菩薩摩訶薩從初涌出以諸菩薩種種讚法而讚於佛如是時開經五十小劫是時釋迦牟尼佛默然而坐及諸四眾亦皆默然

豐後集二 補樵編

三五

五十小劫佛神力故令諸大眾謂如半日以靈山說法之一時而入未來五十小劫者此法華提先天之句者入也如來神力品爾時世尊於文殊師利等無量百千萬億舊住娑婆世界菩薩摩訶薩及諸比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等一切眾前現大神力出廣長舌上至梵世一切毛孔放於無量無數色光皆悉徧照十方世界眾寶樹下師子座上諸佛亦復如是出廣長舌放無量光釋迦牟尼佛及寶樹下諸佛現神力時滿百千歲然後還攝舌相其言滿百千歲則非說法之俄頃明矣此法華提先天之句者九也妙音菩薩品云華德是

妙音菩薩其身在此而是菩薩現種種身處處為諸眾生說是經典夫久滅度多寶如來與妙音相見者多寶為過去之尊妙音開未來之法而多寶佛告妙音言善哉善哉汝能為供養釋迦牟尼佛及聽法華經并見文殊師利等故來至此此法華提先天之句者十也能豁然於法華先天之句而古今佛祖之說法無所遁矣

答人問三十機路前後如如書

謂三十機路前後兩如如之不明此甚易明也昔洞山過水觀影作偈曰切忌從他覓迢迢與我疏我今獨自往處處得逢渠渠今正是我我今不是渠應須怎麼會方得契如如妙喜未見圓悟時讀此偈致疑曰有箇渠

豐後集二 補樵編

三五

又有箇我成甚麼禪遂請益湛堂堂云你更舉看妙喜遂舉堂云你舉話也未會便推出夫妙喜初疑亦只疑有渠有我而不知其有三也過水偈曰切忌從他覓者其一所謂他也迢迢與我疏者其二所謂我也我今獨自往處處得逢渠者其三所謂渠也他者何也即十毒花永在過去相輪中之天如如一位是也推而遠之而謂之他也渠者何也即將來相輪中之天如如一位是也就而近之而謂之渠也我者何也即現輪之初天正智一位是也渠今正是我者所奉重者乃未來之如如故可以合而為我者也如如者正智之所統也我今不是渠者過去之如如既不可不推而遠之矣即未來之

如如而亦功成而不有故始或合而終必離者也如如者正智之所寄也應須恁麼會方得契如如遠其後如如而後前如如之可契也如如貴前而不貴其後取未來而不滯於過去者也故明前後兩如如進退離合而三十機路與洞山之偈一時並了矣故誕生王子頌云欲識誕生王子父鶴沖霄漢出銀籠夫誕生在五畫卦之最上交也所謂誕生王子父者未來之如如是也誕生在上而與前相接也其內生王子頌則云九重密處復何宣挂弊由來顯妙傳祇奉一人天地貴從他諸道自分權紫羅帳合君臣隔黃閣簾垂禁制全爲汝方隅宮屬戀遂將黃葉止啼錢內生在五畫卦之最下也所

豐後集二補樵編

三五

謂九重密處復何宣者言過去如如之不可宣揚也內生在下而與後相接故謂之黃葉止啼錢也自洞山過水之偈義直而詞紆都不能明其曲折又五位王子相傳次序顛倒而非復五畫上下自然之位故前後如如之奧益不可問而楞伽古旨茫然矣故曰此甚易明也明洞山立法之意而無遺義者也

答儒者問格物大義書

昔石頭和尚因看肇論至會萬物爲己者其唯聖人乎乃拊几曰聖人無己靡所不已法身無象誰云自他圓鑑靈照於其間萬象體玄而自現境智非一孰云去來至哉斯語也遂著參同契而未言觸目不會通運足焉

知路進步非近遠迷隔山河固謹白參玄人光陰莫虛度此石頭不言格物而言格物也陸巨大夫向南泉道肇法師也甚奇怪解道天地與我同根萬物與我一體泉指庭前牡丹花曰大夫時人見此一株花如夢相似此南泉不言格物而言格物也黃龍晦堂與夏倚公立談至肇論會萬物爲己者及情與無情共一體時有狗臥香桌下堂以壓尺擊狗又擊香桌曰狗有情卽去香桌無情自住情與無情如何得成一體公立不能對堂曰纔涉思惟便成贖法何曾會萬物爲己哉此晦堂不言格物而言格物也自西漢已來儒者未盡古聖人之道者在不知格物朱元晦自遠於知而貪邇於物其

豐後集二補樵編

三七

自遠於知者恐其疑似於我佛祖之言也其貪邇於物者欲其詳於禮儀三百威儀三千也其自遠於知而終不能遠故困頓途程而不能無晚年之悔其貪邇於物瑣碎言格物而終不知物之格故執名著影而無端爲章句之勞朱元晦之格物非聖人之言格物也王陽明少年習格物爲宋人所誤取竹一物格之沈思成疾及至龍場悟入揭出致良知三字爲聖門正法眼藏陽明能不以疑似佛祖爲嫌矣而其論學每提四句爲教法無善無惡心之體有善有惡意之動知善知惡是良知爲善去惡是格物夫以去惡爲格物則未盡於格之妙也王文成之格物非聖人之言格物也聖人之言格

物莫察於易傳傳曰知至至之可與幾也知終終之可與存義也先天而天弗違知至至之是也後天而奉天時知終終之是也自西漢已來儒者能讀古聖人之遺書者周茂叔是也周子之言曰寂然不動者誠也感而遂通者神也動而未形有無之間者幾也誠精故明神應故妙幾微故幽誠神幾曰聖人夫知幾則知格物矣周子著太極圖說曰無極而太極明乎太極而知物矣明乎無極而知格物矣無極而太極周子之所及言也太極而無極周子之所未及言也朱陸不知無極而爭無極不知無極者不知十毒花前後之如如也率其臆以對

豐後集二補焦編

三五

答人問老子同異書

達磨之來爲震旦國有大乘氣象我往欲集一書名曰大乘氣象陳此土聖賢之遺言與佛祖相發明者六經而外老子其一也老子上篇之首以有無揭其真常此西天聖人之旨也其言曰道可道非常道名可名非常名無名天地之始有名萬物之母故常無欲以觀其妙常有欲以觀其微此兩者同出而異名同謂之玄玄之又玄眾妙之門今讀者至迷其句讀何論大義也第一字道爲句下名字爲對言道者道可道卽非常道名者名可名卽非常名故下卽言非常名之名法之大用在名名可離而不可離也其一言無此無之名名天地之

始也其一言有此有之名名萬物之母也故常非無也而常無生處卽滅盡無一時非無之妙而奈不能觀其妙也常非有也而常有滅卽滅其生無一時非有之邊際而奈不能觀其微也故無也有也常也三而爲一一而爲三此之謂揭其真常古文玄字下爲重環其上覆而貫之重環者一無一有是也天下之理未有出於有無之外者也而貫之以爲玄此有無爲重環而常則貫之故曰此兩者同出而異名同謂之玄玄之又玄眾妙之門天下之言玄者未有洞然如老子者也而佛祖綱宗亦可以不煩言而解矣又曰不尙賢使民不爭不貴難得之貨使民不爲盜不見可欲使心不亂得老子之

豐後集二補焦編

三五

旨道不拾遺可以入道此老子所以爲教也又曰吾不知其誰之子象帝之先夫帝之先者先天爲心祖而未來之所建立也此我所謂明朝盤古未生前也又曰天地不仁以萬物爲芻狗聖人不仁以百姓爲芻狗以萬物爲芻狗而知物之不遷以萬物爲芻狗而知如如之不用又曰谷神不死是謂玄牝谷神者無之以爲有者也又曰功成名遂身退天之道此洞山所以切忌從他覓而過去如如之必退而不可進必藏而不可出也又三十輻共一轂當其無有車之用埏埴以爲器當其無有器之用鑿戶牖以爲室當其無有室之用故有之以爲利無之以爲用此老子分明言無之以爲用而說者



多就體非本旨也夫無之以爲用此名項之所以獨重也又曰是以聖人爲腹不爲目故去彼取此腹者過而不留目者受而難化去取判矣然有時腹能納而不能出者此以目之道爲腹者也心生於物死於物機在目目有時善用其機此以腹之道爲目者也此又老子之所蓄言而未盡者也又曰寵辱若驚貴大患若身夫寵辱若驚者寵其辱而若驚也貴大患若身者貴其大患而如其身然者也辱本不足寵也而寵其辱故曰寵爲下大患不足貴也而貴之如身此言物之顛倒情也而學道之倒見亦有之又曰視之不見名曰夷聽之不聞名曰希搏之不得名曰微此三者不可致詰故混而爲

豐後集二補樵編

三五

一其上不皦其下不昧其上不顯言不以顯之而顯也明之不離暗也其下不昧言不以藏之而藏也暗之不離明也繩繩兮不可名復歸於無物是謂無狀之狀無物之物不可名之名者此名項之所以爲用也執古之道以御今之有能知古始是謂道紀我以爲御今之有之一今字直盡未來際而謂之今也如是而後知古始往往錯認古始者迴顧陳跡而不識其現在前也此不可以不辨也又曰夫唯不盈故能傲不新成此言隨處滅盡之不足顧也又曰萬物並作吾以觀其復並作之時滅之時也又曰孔德之容唯道是從道之爲物惟恍惟惚惚兮恍兮其中有象恍兮惚兮其中有物窈兮冥

兮其中有精其精甚真其中有信自古及今其名不去以閱眾甫吾何以知眾甫之然哉以此所謂恍與惚者猶夢與覺猶得與失惚者夢而恍者覺惚者有而恍者無其於五法天地數也則惚爲相輪而恍爲智輪窈兮冥兮是爲真常常爲精而精爲信也眾甫者惚恍之所周旋者也又曰曲則全枉則直窪則盈敝則新少則得多則惑聖人抱一爲天下式此聖人說法之式也又曰希言自然此遙接前章聽之不聞名曰希也希之爲言言自然耳而非毫髮之造也飄風不終朝驟雨不終日孰爲此者天地尙不能久而況於人乎此希之所以爲希也又曰吾不知其名字之曰道強爲之名曰大大曰

豐後集二補樵編

三五

逝逝曰遠遠曰反知逝知遠知反而法無遁矣龍樹中論云已去無有去未去亦無去雖已去未去去時亦無去此逝而遠遠而反之說也又曰重爲輕根靜爲躁君是以聖人終日行不離輜重雖有榮觀燕處超然柰何萬乘之主而以身輕天下此朱點之所以窄而如婦不可以輕出者也此說法之古規也又曰善行無轍跡善言無瑕謫善計不用籌策善閉無關楗而不可開善結無繩約而不可解此聖人之說法也又曰知其雄守其雌知其白守其黑此言說法之表也又曰大兵之後必有凶年善者果而巳不敢以取強果而勿矜果而勿伐果而勿驕果而不得已果而勿強物壯則老是謂不道

不道早已夫所謂果者言不爲因而爲果也因者不止而止於果也因者有待而果無待也竟於一而不至於二三此果之用也此言說法之究也又曰道常無名樸雖小天下不敢臣此言常之無名無名之爲樸樸者主也名者賓也顯其賓而藏其主也此說法之分也又曰執大象天下往往而不害安平泰樂與餌過客止適之出口淡乎其無味視之不足見聽之不足聞用之不可既夫往之爲言逝也天下之大害在逝而不知其逝而已矣樂與餌過客止言所以逝而不善逝者爲客心之著餌也故無味之爲貴也此說法之因也又曰邦之利器不可以示人此說法之深秘也謂老子立言之異

豐後集二補樵編

三

於西天聖人者此讀其書之未審者也聊舉其略以報

答人問名頂書

昔僧問洛浦供養百千諸佛不如供養一無心道人百千諸佛有何過無心道人有何德浦云一片白雲橫谷口幾多歸鳥盡迷巢但拈得洛浦一片白雲句子不消更問名頂也船子之語夾山曰絲懸綠水浮定有無之意此船子之善言名也夾山之語洛浦曰截斷天下人舌頭卽不無闍黎爭教無舌人解語此夾山之善言名也名有二夫相而後有其名者此名之出有而趨無者也十毒花地數之名影也名而後有其相者此名之從無而建者也有毒花天數之名頂也知牛角之不可

有則知出有而趨無之名之爲影也知兔角之不可無則知從無而建有之名之爲頂也惟名頂能造惟名頂能出惟名頂能開物惟名頂能獨尊大哉名之爲用古聖人所謂何思何慮者也名之爲文以夕加口夕者時之終也口者名之所出也物之名立而物之功畢矣此夕之說也然我以為古之制字者能言後天名影之名而未盡先天名頂之名之騰變無方也名頂能變其夕而鼓之以朝氣蟄戶不開而名雷發之也寒枝未動而名風披拂也此之謂先天名頂而易傳曰窮神知化德之盛也此言無思慮之名用者也聖人之說法曾非鑿空而建立也蓋亦以人情爲端焉古今天下之人情無

豐後集二補樵編

三

不餘塵之轆轤而窮神知化之闊絕者也餘塵之轆轤而名頂已起現量窮神知化之闊絕而名頂得意生身聖人說法以人情爲端而逆人之情逆人之情以順道此名頂之所以貴也

答人問六祖示志常偈書

六祖偈曰不見一法存無見大似浮雲遮日面不知一法守空知還如太虛生閃電此之知見瞥然興錯認何曾解方便汝當一念自知非自己靈光常顯現此七法頂所以不可緩也其實六祖也道得一半寶雲嘗和其偈曰不存無見法法見翻身透過浮雲面不守空知法法知飛龍移步晴空電後燄藥治前燄病蕩蕩乾坤底

方便都虛付與婁至佛從來現量曾無現六祖之言與雲門光不透脫一段如合虎符也五祖演和尚上堂云子丑寅卯辰巳午未申酉戌亥終而復始有厭有愛畢竟如何只管熟念好箇有厭有愛十二時辰乍得乍失以得召失以失扶得得則俱得失則俱失此用九首出之符也不知其說只作平常了之其謝監收上堂云人之性命事第一須是○欲得成此○先須防於○若是真○人○寶雲以爲此五祖發明前後如如之大利大害也第一須是○者此○乃概言如如也欲得成此○先須防於○者言欲成如如○而先防此○如如之知見爲無病之藥礙塞殺人蓋提相輪中一如如之不可出也非惟不可出終不可回頭一顧若是真○人○

豐後集

補樵編

五

○言若是真契如如之人祇是後一如如過去前一如如方來○兩如如相代而不相留相成而不相譬此亦得則俱得失則俱失樂則俱樂憂則俱憂者也又室中常問僧倩女離魂那箇是真底此一則閒言語徹上徹下通前通後皆足以補六祖偈之未及者也吾觀世間料理古人言句而誤者都纏絲於既往而不知奉重其先天既往者卽相輪中後一如如但知不見一法存無見之非者是也先天者卽智輪中前一如如我所謂不存無見法法見者是也如樺樹省禪師問洞山來作甚麼山云親近來樹云若是親近用動這兩片皮作甚

麼山不對後曹山聞舉乃云一子親得今漫言空劫曲守寒巖者皆不知洞山之不對曹山之親得者也僧問洛浦如何是佛法大意浦云雪覆孤峰峰不白雨滴石筍筍須生晴秋雨滴石筍參天洛浦之言則昔者六祖偈言不盡意之一半也惟高明鑑裁

答人問參禪做工夫書

問參禪做工夫須明的要一段的要者只是往來新故四字而已何謂往去而不可留者是也何謂來前至而不可拒者是也何謂新所未更者是也何謂故已謝之塵是也去而不可留者而人強與之合持其影而弗失前至而不可拒者而人不知以爲則反認作紛飛而恍

豐後集

補樵編

五

恍所未曾更者生生而不知其神之所以爲神化之所以爲化也目對遷移而自惑已謝之塵而樂與之交涉夫來而新者悟之門也往而故者迷之地也吾見天下之人本來無一人不飛翔於來新之路而苦不自知乃都拘牽關鎖於往故之中故開說參禪做工夫而參禪做工夫不能得力者也古人言及盡今時試思所言今時者往乎來乎新乎故乎今時非往非來非新非故吾見世之言及盡今時者欲離於今而反自入於往與故也離於今而反人於往與故則安得無默照邪禪安得無鬼窟裏作活計安得知日新安得知感而遂通天下之故夫所謂感而遂通天下之故此箇故字正是

新故之故大凡接於羣動未有感而非物之故者通其故而用其新故曰温故而知新新之爲言生也故之爲言影也生所以易而影所以坎吾悲夫參禪做工夫而相攜入於坎也故提此往來新故之說但依此用心自然踏著正脈又須知新之異名新之一異名曰超經新謂超現量是也新之一異名曰先所謂先天爲心祖是也新之一異名曰出首出庶物是也新之一異名曰頂所謂法頂是也故的要雖有四字而的要之的要一字而已一字者新也

答人問居家學道書

古來居家入道西天東土往往有非常之人其行事說

豐後集二補樵編

三

法琅然在天地間何論哉今所論者等而言之舉其例夫道一也非有在世出世之同異然吾以爲居家學道大路其要有三一曰愚世之人習於智而不習於愚其所爲智者鉤深刻鑿察利毫髮世智日長道智消削愚而後可以涉天下之故而無傷也盲聾啞佛法所許而老氏教民將以愚之易表聖功蒙以養正智不如愚也久矣吾願居家之人好愚習愚或小不利於愚而不悔愚此愚之爲學道之大路一也一日捨世之人意近於取而遠於捨知取不知捨卽是釋迦老子所謂妄想執著而不證得耽心盈箱撒手無日貪虛執影膠固不脫捨而後可以入萬花錦繡谷而一葉不沾身也捨功

忘功捨證忘證捨古忘古捨今忘今所以一部金剛經通身將檀波羅蜜爲說法之引喻故六波羅檀波羅蜜以爲始而般若波羅蜜以爲終者非檀不能成般若非般若不能成檀捨之爲義大矣哉吾願居家之人大小精粗真妄名相一捨而無不捨此捨之爲學道之大路者二也一日立世之人從來隨逐而不能前立立者先天而天弗違者也故曰雲從龍風從虎聖人作而萬物覩作之爲言立也故爲天下法爲天下則夫人不能以其身爲法則於天下後世而流浪以擲不能以一日爲法則於天下後世而虛度光陰不知惜故吾曰知前立而後魔佛不能感知前立而遂可以說法知前立而後開物成務知前立而後變化不測吾願居家之人自立以立物立天地之綱紀立佛祖之法脈此立之爲學道之大路者三也病筆不多及

大覺和尚語錄序

先師晚年慨禪林之秋凋每侍夜深翦燭篤論回復大略皆剗浮就實爲後學標的之說嘗言我佛祖家風看來與今時人趨路別也心頭有法門兩字者祇是事爲人而舍己已有一人刻不忘爲人底便是南岳下諸老祖吐氣底時節也先師生緣揚州其世族爲李而先師謂古李本理氏也嘗游戲爲人灑墨扇面自署其氏曰理而立一字之名曰損閒願南潛語曰古人以損爲益金

豐後集二補樵編

三

石言也吾敬承之而又戲自爲字曰去華亦曰又損嘗  
慨然曰著袈裟能去其華可以爲知識矣又嘗一眾前  
說你看古昔人在師家會下時便抖肺腸爲著兄弟重  
法門而切於同體如道吾血滴滴爲著靈巖不惜指頭  
咬破以疏野之華亭船子亦受其江湖去後之託而不  
疑浮薄者能之乎又古人皆料理饅頭邊事如百丈涅  
槃開田說法馮仰父子阡陌投機不似後來菜不擇一  
莖徒綺其談說以爲美到其身爲住持而壹不關衲子  
之休戚也先師寂於王子至今甲子又歷十有二年禪  
林聞見益非思先師砥柱法門之遺訓惟有俯仰流涕  
大覺微兄和尙與先師生緣同地得度於先師竭心力

豐後集二補樵編

三

爲眾勤勞成功不居甚有合於先師損之又損之義後  
來得法住山開古寺甚刻苦爲人意趣不異在靈山會  
裏時然後知先師敦古之家風不墜有躬行而得微言  
之表者矣夫語言者古人之不得已也不得已之言不  
委權於其言其言之路也曠法苑所以甚賴其言也得  
已而不已之言則委其權於言而言以迫迫則似附而  
不得切似捷而不得決法苑所以甚不賴其言也大覺  
兄法錄在透語言關者讀而見立言之本而知所取舍  
矣

序兄和尙眉山錄序

序兄菴於堯峰之下而自額之曰眉山南潛曰兄其遠

有我眉之思乎序兄曰非也我以爲天下之無用者眉  
也而蹇立乎驪珠兩目之上不慚其無用而終不借其  
用於口於鼻於耳於目適其分而已矣而彼口鼻耳目  
亦終不能學無用於其眉於是乎眉之道孤而眉之處  
也不卑而高居南潛歎曰甚矣序兄之言得法符也夫  
說法甚欲其閑也而眉則閑矣他日見序兄衲衣有霞  
氣而忽告我曰我更名我菴矣而以眉爲麋麋眉古文  
同也而我且長林之志之欣貴乎麋也麋乎麋乎山雲  
之與狎而木葉與藉南潛曰然我少之時別字遠遊而  
豐草以名其菴豐草者麋鹿之心也我鄉夾山草蕩之  
內有鹿山焉濛不足誇巨廬也而足以洗其耳塊石不

豐後集二補樵編

三

怪而枕聽松風以爲快故我二十年前刻鹿山二字之  
印記爲鈍榜狀元之配君爲麋我爲鹿雙笠穿雲歡不  
足我爲鹿君爲麋相呼得美草可以療飢於是序兄謝  
曰敢不同聲以長從南潛復歎曰甚矣序兄麋易眉之  
矯捷其趨也夫說法貴其野也而麋則野矣又一年序  
兄扣山角扉見其袖垂垂重而序兄曰我菴居所謂旱  
船者仍爲眉山而不爲麋仍爲眉山而不單取於眼上  
之眉倏而如眉者山也倏而如山者魚也此滄溟之浩  
蕩極觀也我游心而有當於懷頃者我集我積歲之殘  
語出之蠹口而留兩痕疊數十葉而名眉山錄存因出  
其袖以示南潛展誦已而曰夫說法至於不可合也而

跡絕矣浮天無岸如眉之山可謂不可合矣乃書以爲序

豐後集二  
補撰編

四

豐草菴後集卷二

潛之爲人不可知誦其書似由儒而釋者稽其宗則臨濟臨濟在勝朝末宗教衰喪與餘宗等幸 國初有天童老人起而振之今一綫之傳略有根據者皆天童後也而當時顧有一概禪之譏卽及其門者亦勦其說是書中亦及之夫天童振蒙發落壁立只靠此一著苟直契無生則世尊拈花迦葉倒刹竿青原米價子湖狗屎嗥古今真一鼻孔出氣天童一概乃是依樣畫葫蘆也噫至其文徑尙沿明季舊習爲元美之濫觴詩則一止一壑山水清音其苦心孤詣戛戛獨造處有郊島之遺可供尋幽索隱者之一快所可惜者以易釋禪乃波旬說爲潛之累云同治三年甲子中秋菩薩戒後學心師

豐後集跋

氏跋

南潛和尚字月函或作月巖浙江烏程人沈歸愚國朝別裁集王柳村江蘇詩徵均采其詩入集歸愚云本董姓說名貢生中歲出家吳之靈巖寺柳邨則云堯峰僧此六冊以賤值在金陵購得觀冊中諸作與國初吾吳遺老如金不寐徐侯齋諸高士均有還往是亦有託而逃者數百年後數百里外忽以瓶拂所遺默爲付託殆有緣法在耶合十頂禮不能自已宣統紀元八月二十八日長洲曙戒學人記

序

古來高賢遯世無悶如投淵鑿坏甘寂寥而忘繼匪發  
為嘯歌寫其曠懷者不乏矣未有如吾

世父西菴先生匿迹全道若此之甚者也先生博極羣  
書性尤嗜退壯歲居士林聲稱籍甚而逃名愈急至欲  
刊落家乘散去田廬卒從瞿曇家學得法濟上出世靈  
巖蓋嘗歷洞庭泛湘漢登祝融峰矣歸來吳越閒一葉  
身輕蹤跡若寄策嘗訝之謂此衡山一片雲飄蕭江滸  
已耳猶憶十年前與先生商挂瓢地笑指茗之郭西夾  
山草蕩以南微波雲流巒壑月映似此中有佳境業營  
片席踞一水而飛四香可以小憩而先生又他往焉噫

寶詩一序

嘻此後殆不可追矣愚嘗讀逸民傳儒家有顏曾簞瓢  
獨樂浩浩眉壽尚矣子房從赤松遊鄴侯隱嵩華終南  
皆似黃老之學若乃晉代宗炳周續之之流則廬山蓮  
社中人抗首霞衣蒸香滌鉢儼然方外然與陶靖節詠  
時命賦歸來同一高尚始信古之逸民迹雖不同而志  
趣則一也今先生糠粃世緣冥迹高蹈瓶錫所至唯恐  
人知故去而不留即所作詩亦澗澗紛華殆盡色生於  
無色味生於無味故澹而益永誦其詩可以知其人矣  
向所梓行豐草詩文易發等書數十種問世已久今年  
春裘夏江屏兩弟又刻寶雲詩集若干卷放雲閣仙同  
事較閱紀子大韶列在及門實與贊襄焉先生自丁未

寓堯峰以後為石屏為玉板為東石澗為菁山常照為  
東湖寺為紫石為陽羨南嶽皆挂瓢之地楚齒落梅靜  
睇鴻雪則有畫石編西荒編摻艇鳧蕩採藤嚙雪則有  
洗藥池編船子往來倏忽無礙松飄紅墮聲冥太空則  
有積雨編夕香編掛瓢集拂煙集迄乙丑歲杪而止噫  
先生之詩手自刪定意深遠矣孤行已意困苦何辭偏  
嗜得真豔生平澹彼衛國之稱志和隱而有名顯而無  
事廬陵之贊聖俞窮而愈工嗟乎是何足以頌先生哉  
時康熙己巳歲正月既望猶子漢策百拜撰

寶詩一序



寶雲詩集總目

畫石編

西荒編

洗藥池編

積雨編

夕香編

挂瓢集

拂煙集

寶詩一總目

寶雲詩集卷一目錄

畫石編

題昭法畫石 丁未八月同三峰僧兄宿靈巖

大鑑堂之東軒深更往返感慨係之 八月三

十七日南嶽老和尚竹輿至堯封江上張大圓

居士毘陵王雙老木瀆趙拜石華山壁兄和尚

及山中翼菴狀伊辛穴諸兄同集三律紀事

病目乞藥於拜石 寄巢端明 半塘晤黃復

仲 廣陵天寧遇井人 讀五牧劭兄風雨至

勿齋徐先生墓下有感之作次韻 曩作進道

解元哲合孝章諸名家文付裝匠而孝章書其

寶詩 畫石編目

額曰離文字相客有讀新詩疑六書擔子深屈

元哲余復自理 偶書 卽事 洗樹根籍兩

足 茗葉盡則飲薔薇 湖上村 雨中超侍

者歸自木瀆 夏至日讀春浮錄云政禪師韻

致清遠有錦谿集三十卷恨不及見之 超侍

者有插秧詩用其韻 西村雨來 水車詞

寄聲香谷在 九月尾聞佛巢逝矣 老和尚

有勿齋徐公墓下之作命潛和韻 落梅片子

歌 九月十七夜紫白兆在香谷及支石集補

船雁影堂明日將至鴻雪得乾字 軍吳漾

鴻雪後軒余額之曰雲荒 秋遂藏瓶匄真寂

大師手墨有坐香小食帖 雙林寺同白兆支

石秋遂聲宗諸子夜深坐話舊蹟已看天眉詩

本 天到橋 返補船重寄雲荒 和病目

題王勤中罌粟小幅 往湘中行一日與支石

立江上見神馬踰江而過大奇寓南林看鄭霖

巖畫馬扇面作短歌 九月先太史墓下作寄

幃孺 過石湖 老和尚示海苔詩命潛續詠

寶詩

畫石編目

寶雲詩集卷一

畫石編

漏霜南潛著

題昭法畫石

箬廬圖上遭鈍置畫我支筇看冷雲個是渠儂親寫照  
碧嶙峋繡古苔文

丁未八月同三峰僧兄宿靈巖大鑑堂之東軒  
深更往返感慨係之

聯牀話雜空階雨倒像東軒與雪堂老大情懷同作惡  
江山今古各飛揚六書苦論銷茶汁寶鏡平提鬪燭光  
時論寶鏡  
三昧同異欠我華亭舊船樣幾時點筆付滄浪

寶詩一 畫石編

嘉業堂校刊

大圓居士毘陵王雙老木瀆趙拜石華山巖兒  
和尙及山中翼菴狀伊辛穴諸兄同集二律紀  
事

白頭父子清湘轉四壁圖書秋翠分畫手小輪廬嶽卷  
遠公畫廬  
山圖一卷幔亭未羨武夷君高山流水同聲貴石瀑松  
風別調聞禮樂猶尊文獻在碧簪正繞洞庭雲

嶽面大風依竹杖湖天細雨又肩輿更煩柱下猶龍叟  
催補堯年封禪書大圓居士謂余當  
補放勳封禪書也蜃象樓臺留浩氣  
雲成寶鼎壯松廬散隨排日追游屐看到梅花歲未除  
病目乞藥於拜石

清眸還我一雙碧楓葉猶能十日留單等鏗然筇竹響

打泉煮茗說潭州

寄巢端明

補山座上說端明生死論交哭失聲湘中謬傳端明斜  
游道山已數月  
日半塘收別淚春風石佛待重行半塘遇黃復仲始得  
端明消息端明舊隱  
石佛射堂晴雨新家課草閣江湖舊畫評茗椀共持頭  
共白遮回判與盡三更

半塘晤黃復仲

郭西山水冠吳興清絕初平屋幾層我亦渡頭先借住  
恨于樵艇未同登余昔寓鹿山草堂時復仲兄弟  
築精舍郭西咫尺未接言笑文章  
畢竟誰酬價寺閣荒寒尙獨憑歸去寄聲巢父著堯時  
怪石不曾崩

寶詩一 畫石編

廣陵天寧遇井人

廣陵重見夜燈親總話山裝不話負雁蕩我縱看瀑笠  
武夷爾亦未游身晉鋒鬱律雲門篆蜀管飛揚雪嶺春  
不盡西軒枯絕句知希能與幾人論

作次韻

石庫英華憶碧峒十五年前夢至一洞天額曰碧峒邊  
有石庫藏書書皆述古今臣節余有  
碧峒石文關忠孝句偏尊提醒東壁圖書府身是南宗  
社稷臣勳兄有大勳  
勞於禪林放目湖山空百代論心澗上得三  
人得詩之日期共  
詣澗上人家松門風雨敲吟笠吾道從來本大倫  
曩作進道解元哲合孝章諸名家文付裝匠而

孝章書其額曰離文字相客有讀新詩疑六書

擔子深屈元哲余復自理

離交字相幾年餘肯把新詩觸忤渠黃石名成譚博浪  
武夷仙後獻乾魚苦寒汾祖殘山舍經緯周家舊隱居  
周續之通五經五  
縉有廬山隱居 底裏傾來遮不得可知離字也應除

偶書

王冰擅補天元論誰痛軒皇屈未伸看注內經林屋序  
妙高頂去叫斯人 蔡林屋序其弟內經注辨深明世說之訛

即事

到眼茶煙舒正素打身木葉勒秋紅風傳隔隄鐘三杵  
燭炤未成書一叢

寶詩一 畫石編

洗樹根籍兩足

放開天柱峰頭脚冷蹋吳山老樹根像獅子兒像伏兔  
客來判與細評論

茗葉盡則飲薔薇

雨窗夜渴傾茶帖曉起重吹瓦鼎灰奪得千峰杯裏色  
薔薇新剪嫩青回

湖上村

胸中雲夢誰酬價口角枯柴不佐炊四月梢頭湖尾冷  
棟花紫暗雨如絲

雨中超侍者歸自木瀆

已公巖畔雨點麤蒼苔滑躡雲模糊憑將木瀆歸裝寫

活現衡山冒雨圖

夏至日讀春浮錄云政禪師韻致清遠有錦谿  
集三十卷恨不及見之

禪林霧塞三千里墨苑荒來五百秋縱是錦谿真本在  
論文肯到政黃牛

超侍者有插秧詩用其韻

護秧天氣陰晴變帶溼黃鸝倍惹聽披搭半肩阡陌在  
輪他翡翠一分青

西村雨來

大幅東絹著水墨雨在陽山箭缺西陣雲未到枯棹卸  
冷綠一堆雜鳥嘯

寶詩一 畫石編

水草詞

天荒地老意難傳倒腹傾腸定那年爭似輓轡翻暮雨  
一時吐盡在君前

抽動寒泉百尺深綠楊曲處聽車音須知嗚咽聲聲訴  
訴盡千迴萬轉心

寄聲香谷在

神傷乍見阜菴說哭弟詩傳一百番雙槳打來乘九月  
接天秋水在西軒

九月尾聞佛巢逝矣

水窗版屋詩千幅黃土青松壁一雙才點遺文標絕筆  
昨拾電掃遺 又垂秋淚發吟箱雁門故事愁鴻雪 香谷菴名

鴻紙燭因緣黠漏霜佛巢參余補非復遊湘楚分隔煙

江何處叫蒼茫

老和尚有勿齋徐公墓下之作命潛和韻

磊落陽山骨高寒一墓專松門方外禮儀注野人傳往

哲留家法吳中首此賢幅巾同學後照法版老和尚豎

義轉澄鮮

點墨幽涼同沆漑不阡不陌晉書法褚虞顏柳空疆界

周詰殷盤最光怪龍門史記盪煙雲出迹以淡尤瀟灑

畫自唐開南北宗直到倪迂別宗派山情水性氣息無

淡來怡勝趙吳興雲閒親口丁寧誠玉窮巧極逗天真

法到盡頭如脫械世間萬事貴疏宕茶事新更非法壞

焙芽已奪龍鳳團廟後名高紫筍殺茶經枉自討精腴

蹙縮廉襜當日話洞庭茶法出意表掌大摘將如狡獪

肌分理卸焙温柔文火輕於冬日曬逸品誰將色味煎

五月松風同日賣放倒旗槍不著提落梅片子名聊疥

清微標致絕風塵侯以晚甘安肯拜還蒸豐草非煙香

副以清泉稱二快

九月十七夜祭白兆在香谷及支石集補船雁

影堂明日將至鴻雪得乾字

彈箏說著葦花灘蕩漾秋窗作許寒眼見黃牛追白馬

促教青士夾蒼官釘來堂額題還溼放下泥盤壁未乾

定靠蛾眉豆棚坐蜀中山水話更殘

聞道晴沙雪半灘秋吟聲透樹身寒何曾蔬筍關詩病

一向庖廚薄大官思要吐雲天日活句如入水石脾乾

概頭船子尖頭屋來趁江楓落未殘

有叢漁屋隔谿灘可構危樓像曉寒也學林逋餵鶴子

免隨楊朴賽蠶官殘僧幾個樹腰簇老雁一聲雲脚乾

苦向西風憶詩電句中神骨不曾殘電拂侍者能

秋漾荒荒白軍吳事杳茫詩緣隨窄艇風信委枯桑泥

塔雙橋串驚濤破寺當因之話黃鶴樓勢等孤翔泥上

鴻雪後軒余額之曰雲荒

枯柴儘數一冬煨留著膠脰老芋魁尙少谿沙堆覘殼

西風吹起紙鑪灰

煙裏鳧聲柳裏塘鱗秋浪隔漁莊漫將渴筆雲荒字

抵對花荒與月荒老鐵春作花

秋遂藏瓶匊真寂大師手墨有坐香小食帖

不睡關心夜竈柴禪林衰相苦安排蒲團刻漏嘍叨囑

香線還拈醉墨齋

雙林寺同白兆支石秋遂聲宗諸子夜深坐話

舊蹟已看天眉詩本

開元石像太沒興靈跡江浮又一回孺林兒林敲古額

慧遠慧持愴老懷指香谷弟佛巢睨人月向谿口吐出格話從

天際來大珠圓成小珠滾歷落滿盤驚異才

天到橋宋高宗南渡過此橋左有龍船嘴

軋村留輦道家乘記梅花更豔龍船嘴曾喧帝戚家櫻

輿懷潤幸粟玉已京華徽宗南幸至潤州御櫻頂轎子及還京服粟玉並桃冠見老學

記 白塔千年淚冬青溼冷霞

返補船重寄雲荒

小立凋騷禿柳灘相當骨相鷺鷥寒間來草木名皆藥

製得文章樣不官雨後山迎詩版綠田家樂取稻叉乾

筍鞭菜甲般般損贏得雲荒圃事殘

江聲磊落聽昭灘踟上朱陵步步寒詩佛新條頌四座

寶詩一 畫石編 七

樹王作氣擁千官一篇獄記文同闕幾朵廬峰想未乾

打點包腰補遊案相看鬚髮各凋殘

和病目

柳暗花明等是閒寫懷絲竹黯相關碁圖路路斜飛陣

畫牒番番惜懂山古今史事上心處長短更聲默數閒

老愛煙巒看無分尋碑屐子夢中還

題王勤中罌粟小幅

倒盡撐腸罌底粟來看透紙霧中花遺敲怪石星星火

翠潑頭網廟後茶

祗緣罌破難收煞剗地牽連黃粟留四月草花山似錦

惱他百鳥樹梢頭

往湘中行一日與支石立江上見神馬踟江而

過大奇寓南林看鄭霖巖畫馬扇面作短歌

小孤山下濤花灑浩蕩秋心滿秋野霧鬣風髯指顧閒

亂蹋長江一天馬當時苦恨無人寫見君畫馬青楓下

提起舊懷愁一把老鄭虔家克家者壯游莫惜衝人鮓

九月先太史墓下作奇幃孺

肅皇禮樂古無儔賜馬爭傳天路遊鳳翥鸞翔文六世

西清東觀史千秋傳成僧寶分家乘集集梅林補玉州

得汝采真成合璧竹林安獨擅風流

過石湖

石湖的是詩樣子淡到極頂顏色鮮吳興最冷夾山漾

寶詩一 畫石編 八

兩處可浮船子船

老和尚示海苔詩命潛續詠

麻姑鳥爪擘不得知是蓬萊殿腳苔二千年後水清淺

化作彌天翠玉來

寶雲詩集卷一

寶雲詩集卷二目錄

西荒編

西荒之始 隔歲不晤介軒雪後相見補船恣  
言山水介軒云一笑那可得此語可念介軒今  
年政七十矣 題涵侍者絡藤樹 雪後上堯  
封頂作澗上畫評 登縹緲峰半嶺得雨雲  
水月寺 南瓜 見茂倫近體驪珠集感賦  
立冬四日祭西園從庚村來夜集水堂 題湛  
思園中草木畫冊 又題畫冊後六絕 黃九  
煙居士重過寶雲 虞聖民七十作詩為壽聖  
民前病目 追和余鴻客首春雪中遠贈之作

寶詩二 西荒編目

冬青軒 前十年共幽棲石兄和尚山樓集  
話有結伴游湘之期今年辛亥兄一周甲子述  
遠懷以為壽 西田謠壽王太常煙客 聞大  
已上峰頂立望成詠 得脫菴江上信 吹雲  
廊月示霜樵 櫻桃歌 寄靈璧靈珏 燒  
葉語 懷鄭桐菴首夏從澗上見桐菴天論三  
篇 老人四影軸軸占一時老人命潛各述四  
句 壽箬廬處士 霜旦有客讀殿角碑 從  
研山返堯峰下竹輿一晤朗威而去時朗威病  
後 寒日 吾友不寐翁屬詠春草閒房久未  
寄也秋中七十初度設詠為壽 山館卽事

臘月見石谿兄臨岐畫跡 寒曉 往隨老人  
浮湘不及登廬山望山影歎耳汝晉兄頃從楚  
歸詩卷中有及廬山者觸余舊恨 代簡問拜  
石病目 雪獅子 菜花 春盡 四月晦日  
作 蠶豆 五月山房冷 新篁 山雨來  
插秧鼓 雨中點孟郊詩 暑中絕句 樵擔  
吟示霜樵諸子 得山中樵者問作五樵圖  
追昔遊寄井人 樵莊四詠 讀賈誼傳 示  
霜樵超書記 趙拜石至 兼樹複子中有靈  
源寺詩冊想見前輩訪公其祖也 遲季章定  
藥劑 靈珏未持趙心山先生畫幅來 水冕  
題唐子畏擁鑪小幅 聞荷 潭影 谿閣  
采菱苗 伯父季爽先生畫冊歌 乍涼  
讀漢饒歌雉子斑感之 詠藕葉 先令秋岸  
兼樹訪鹿山舊樵所 許君至說種香樟語殊  
旨 秋岸說東坡書院之勝 枯桐葉 哭江  
上脫菴逸子憶昔浮湘之役 洞庭鴻跡禪衲  
訪公之孫生緣若之上林侍者兼樹受業也歲  
在癸丑兼樹春返舊山會鴻跡三十初度請余  
言以為獻

寶雲詩集卷二

西荒編

漏霜南潛著

西荒之始

歲晏乞骸骨西山蹋凍雲一荒老將至百懶研先焚豐

飲合瓢相投林混石羣作書報巢父嶽屐儻余分辛丑寄巢

端明詩云會從本師乞骸骨五嶽與君同往還

隔歲不晤介軒雪後相見補船恣言山水介軒

云一笑那可得此語可念介軒今年政七十矣

略例視前哲登臨即勝場風流成二老不朽指叢篁茗

味消餘雪詩心逗遠湘橋名定今日傲古隸書堂舊居鹿山

渡頭村有書堂橋頭清臣同皎然簡書處

寶詩二 西荒編

題涵侍者絡藤樹

嚼雪衡雲中側腦見古樹至今瓔珞網垂青得偏勢

雪後上堯封頂作澗上畫評

雲山料簡到荒古如點韋郎五字詩淡而雋得味外味

積雪來看應倍宜

比於閣帖書逸品灑落王濛神似之老木寒沙是何許

孤游欲赴山樵期

登縹緲峰半嶺得雨雲

峰匿不易見層青沙道盤飛雲解珍惜含雨裏嶢峴縹

緲懸心合煙霄失路難緣知古人意名定弗輕安

水月寺

繞寺不能去碑看正統年感時遺刻重懷舊路松傳泉  
遠受山翠花孤眇眾妍誰憎一峰隔雲片望中連寺門碑記

南瓜

黃玉中函翠羽塗輪困野質委山廚判將枯梗隨豐草

贖有閒名合鷓鴣鷓鴣鳥一名懷南七箸麤充分曉杵中流憑

仗媿浮壺從今繪入田園樣定壓青門五色圖

見茂倫近體驪珠集感賦

姓氏驚看半已淪浪游天地媿閒身要從品外見神賞

頻向卷中呼故人詩入餘年裁善別交經亂後倍知真

婁江渺渺虞山近虎阜吞聲記水濱集中載王雙翁虎阜詩題有西銘先

寶詩二 西荒編

生及余一段評

立冬四日粲西園從庚村來夜集水堂

夾山漾綠蓼花丹細語朝饑百里難貧後詩囊留舊線

老來句味畏餘酸谿村茗竈憂松子秋館遊裝祕飯乾

引南朝高僧笈中飯乾事紙價最高風力緊一天柿葉又吹殘

題湛思園中草木畫冊

一架青光覆冷雲肯將紅墮怨芳羣祇因濯手三秋露

讀遍韓家大雅文舊薇折枝

瑣事誰徵越絕書浣花響屨幾乘除梧宮秋曉西風急

八月江聲怒子胥西施夢草

簾外春風玉翅蘇輕黃松粉染花鬢還將鳳尾山堂調



鼓吹滕王舊日圖

蝴蝶花 樂府有鳳尾草歌

歸去來辭入夢新一天字雨白如銀秋堂叫絕昭陽史

祇許衡山草記人

當歸花 天雨字成一篇歸去來辭黃九煙居

士絕賞此書九

又題畫冊後六絕

一曲虞兮水調哀苧蘿千古媿琴臺

吳人傳研山琴怡

如錯下龍門筆老子韓非合傳來

茗中閑紫瀾題虞美人草樣旁及五湖故事比之

合傳

南渡秋風叫嶺猿石湖雜興引田園高僧苦惜宣和墨

草白沙黃雪正繁

長生此和尚題畫絳緯有見徽宗草蟲樣感歎之語

白頭陶老碧湘中書及吳興問寓公待共祝融峰面立

寶詩一 西荒編

問他天上寄愁宮

黃九煙題萱草引埋憂之語項陶仲調書來寄聲九煙問游跡

司勳吟力起南朝東觀聯詩墨未銷欲向華山呼枸杞

當時仙隸記雲韶

皇甫堯臣題畫枸杞嘉靖中司勳與先宗伯文筆往復昔陳希夷在華山有仙隸二人一日黃精一日枸杞

吳興仙卉洛如花郡有文人色倍誇射眼杼山蒸五色

可巢霞起墨莊霞

毅夫翁題洛如花樣長君紫瀾印日可巢毅夫印日墨莊

宗工冠代宋潛谿昨見丹鉛氣吐霓寶玉大弓分署畢

一編爾雅又箋題

甚思年來事列朝文選昨從門人雲韶所見評論宋學士集

黃九煙居士重過寶雲

不朽文章感慨餘未成吳越卜新居北天簫鼓仙韶樂

夢國河山太史書

自言將製北俱盧傳奇又有夢史高一尺獄記清裁空左

馬禹碑真訣授樵漁

並錄九何年去挈東籬叟陶仲調

三笑重將旅抱舒

霧中花色晚晴時料得方瞳炯菊籬待注玉蟾鈔綠字

先催銀鹿畫烏絲神樓舊墨當年話

二十年前余為聖民作志園圖記引

先輩劉南游譜新編此後詩瓢飲差豐圖贈與堯雲一

片永相期

堯封頂有怪石名堯時一片雲

追和余鴻容首春雪中遠贈之作

江左聲銷感慨頻論交山水見斯人詩聯石鼎吟緣僻

雲洩香鑪畫樣真

鴻容作名香供故云苦擬二泉同茗味寄詩日

梁愁教四角礙車輪峻嶒一片堯時磬來坐楓林別調

寶詩一 西荒編

春堯封頂

有磬石

髮黷煙寒遠岫空檐冰敲徹玉丁東賞心事續西山後

絕妙詞開白雪中

得鴻容詩時方孤嘯不期逢阮藉放從西洞庭來

情何惜忤山公相從攀得唐詩例一個為雲一個龍

冬青軒

冬青誰記舊題名窗裏吳江煙際城饑禽啄樹寒日下

漏葉灑牀疏雨聲

前十年共幽棲石兄和尚山樓集話有結伴游

湘之期今年辛亥兄一周甲子述遠懷以為壽

江南好山都上心江南故人馳好音祇看髮共故人白

難得好山棲其深望衡對字情話長畫裏移居樂未央

我亦瀟湘洞庭客相期故人游故鄉楚山好並吳山好  
衡山紫月湘煙縞寫成雙笠看碑圖畫苑千年傳墨寶

西田謠壽王太常煙客

西田老人雙頰朱西田秀野天下無為督西田看雲約  
十年不寄西田圖花連鹿柴辛夷香輞川流傳圖卷長  
古今相望詩畫絕輞川整暇西田荒山水由來貴荒逸  
高人雅會從真率西田對話挂西窗霜葉聲中看點筆

聞大已上峰頂立望成詠

故人待未至木葉吹滿殿崖側青玲瓏竹樹長廊串吳  
山茲最深苔磴幾舒卷霜晴紫石灣林迴雲亦善山輿  
迫清詠逆料先鋪硯

寶詩二

西荒編

五

得脫菴江上信

前聞脫菴  
臥疾累月

夜窗三十刻鐙燄不支霜定思雲變躡嶺話蒼涼身  
在憑書到吟孤惜路長來聽龍嘴勝我已字西荒

吹雲

西風葉葉動松鱗吹雲作波波作雲不知萬古秋湖面  
誰管飛綃白鷺羣

廊月示霜樵

乍疑入峽路積竹儼蒼崖斜月晚西嶺流光依我儕高  
林自成晦孤照不妨埋殿角石泉滴泠泠清未涯

櫻桃歌

寒夜閣李君實先生紫桃軒集稱  
文與可櫻桃歌余遂點筆為和

綠陰射透江霞赤赤玉盤空驚一色麻姑狡獪撚丹砂

灑作桃花彈丸石桃花彈小藥一九只打黃鶯花石闌  
冥冥花氣飛花彈花彈鶯鶯含花未殘

答鷓鴣溪門人

王維小簇嘉陵片絹素春秋大同殿海水真投一滴中  
化工奪得無人見文章蒼莽無意求交加綠樹奔松鼉  
忽然點注元氣集一尺蓬山十二樓

燒葉語

雲濃葉溼煙不起獸炭人間鬪形似蟠花鴉鴿胡桃紋  
團話渡江供御事孫登生不愛風塵蹙口鸞聲太古春  
放渠散髮莫傳告分付西山作炭人

鷓鴣天懷鄭桐菴首夏從澗上見桐菴天論三篇

寶詩二

西荒編

六

誰把天論百迴讀拈提桐菴千古心異端滿地浪言命  
吾道經天須正音西學天主賦命之說老興山水跡疏  
放著書門館風蕭森麤成易發出少作肯與膏肓下

鍼

老人四影軸軸占一時老人命潛各述四句

橫杖鱗老骨珊珊灑袖餘香雪瓣乾一意嶺南風味在  
管他高處不勝寒春惜

滿殿寒青避暑來難尋觀史一分埃而今掃葉歌雲漢

恁大胸襟自解開銷夏圖

嫩桂當初只二株冷香秋曉四山鋪待看滿地黃金屑

更補靈山掃桂圖秋崖圖

肯將束皙補亡誇純孝難箋古白華掌大雪花風力峭  
辨知詩正不關葩歲寒

壽箬廬處士

蒼然寶雲樹寒射箬廬門引望念彌日到來忘所言市  
聲桐吹隔軒勢竹中尊待合匡山社東籬古製存

精寒霜且有客讀殿角碑

雲中舉指憑樵隊鷹外呼風遇獵師不知盤過幾重樹

滿履蒼苔來讀碑

從研山返堯峰下竹輿一晤朗威而去時朗威

病後

冬山靜默類高士古澗澄寒生遠聲病起書巢閒客座

寶詩二

西荒編

七

感懷野築話躬耕漆屏風暗添詩眼時讀屏上新詩花石闌圍

放竹萌句愛故交籬舊熟坐深忘了筍輿程

寒日

山寺日出簇煙翠曉堂人靜空風林瓏鬆窗紙松鼠影

搖兀牆藤凍蝶心雲腳斷處閃樵擔霜花濃來低鳥音

詩家雲門是李白豪氣辟寒抽架吟

吾友不寐翁屬詠春草閒房久未寄也秋中七

十初度設詠為壽

蕩漾波紋綠未消江南春晚繡茸嬌暄風客屐披三徑

微雨池塘夢六朝狼藉墨花分曉翠飛揚生色染輕綃

高年重把離騷注磊落文章雅學饒

山館卽事

索索冬山收綠澗冷冷暮館坐餘清耳邊乍得江村意  
風卷前谿鴨陣聲

臘月見石谿兄臨岐畫跡

垂盡苦拈示傳來楓葉圖秋令人短氣筆況出心枯湘  
路絕浮鷁白門曉曉鳥斷崖殘扇墨尋著淚重濡

寒曉

拂拂寒原白泠泠漸曉天鳴雞雙翅雪老檜一身煙不  
定掛瓢樹清空出縷泉蟹行琴調急窗紙受風偏

往隨老人浮湘不及登廬山望山影歎耳汝晉

兒頃從楚歸詩卷中有及廬山者觸余舊恨

寶詩二

西荒編

八

廬山入夢寐身尙未為僧及此一頭雪應為五老憎高

賢終寂莫飛瀑舊憑陵更復慚宗炳丹青學未能

代簡問拜石病目

一杵清鐘冷翠間雲生閉目竹窗關世間色件相當少  
挂起長蘅著雨山

雪獅子

出窟獅王玉一團喜逢大地展霜紈花迷笠澤西奈舞  
臘盡吳山咋愕寒西奈山端獅子在焉吳中獅山古名咋愕古路橫身羣色

避春風滴乳後來看摩挲會見藏牙爪柳絮漫天漾碧

瀾

菜花

花畦仍舊稻畦痕  
桃李同谿祗異根  
夕陽滿地連香海  
黃蝶春風鬧水村  
不辱泥塗留正色  
肯憐瑣屑念深恩  
繁絲急管雲天隔  
牧笛聲催社酒溫

春盡

谿雲將雨不多點  
山鳥送春無限聲  
放行稚竹過牆好  
貼體風松掠耳清

四月晦日作

乍伸四指月頻除  
長至輪來半歲虛  
花事闌珊看百藥  
感懷將次到三閭  
吳郎衣摺蓴條濶  
諸葛皮膚柏榦疏  
吳道子畫釋像衣摺如蓴條  
諸葛孔明手膚疏如松柏紋  
七箸驗來身對炤  
麥秋天好喚山輿

寶詩一

西荒編

九

蠶豆

落梅如豆豆初肥  
綠繡江南乍減衣  
采桑天氣青羅膩  
潑茗谿堂紫燕飛  
好賽蠶官同薦麥  
合遺孤竹湊山薇  
上沙孺子偏珍嗜  
知有斯人知未希  
吾友昭法  
篤嗜之

五月山房冷

五月山房冷憑高  
物候更圖中看積  
雪煙際指孤城叢  
石吐清氣幽泉飛  
雨聲菰蒲青滿眼  
思殺釣船橫

新篁

透空寒玉太清生  
跳脫人間草木評  
雲表未甘春寂寂  
夜深猶自玉鏘鳴

生成青骨冷難圖  
金錯刀寒篆法枯  
絕倒人間依樣畫

破牆燈影勒秋蘆

託根絕壑稱清羸  
脫卸寒煙逐節奇  
塵土才離判荷任  
滿身春雨不低垂

山雨來

樹綠飛寒沼似苔  
車聲隱隱澗西迴  
眼前移得煙波色  
雨在蒼谿一角來

插秧鼓

插秧鼓鼓聲沈沈  
入谿雨千山花盡  
不催花催得秧鉞  
向人吐向人吐時  
人半醉秋成重說  
明年事明年事春  
風狎獵鬪春旗  
吳布濶裁書社字

孟郊不在唐聲在  
吳山雨雨作孟郊  
聲聲寒味成苦苦  
雨打堯石慎莫入  
場圃入圃藥苗愁  
打石清音吐

寶詩二

西荒編

十

暑中絕句

催將暑退支藤架  
翫放雲歸開竹窗  
茶話新醅惟種藥  
路程舊本是湘江

種藥藥單尋遠志  
湘江江最說昭灘  
遠志志於山水好

昭灘灘子使篙難

樵擔吟示霜樵諸子

漏霜樵擔未卸  
苔谿谿路未遙  
苔山苔水如畫  
我本苔谿老樵

得山中樵者問作五樵圖

寒綠沒層軒軒中人亦綠樵斧礪青山秋林眼樵束五  
圖漏霜日補樵霜樵日霜樵青迴日青樵西  
瞻日秋樵兼樹日兼樵五樵皆冬青軒中人

追昔遊寄井人

苔水綠如煙苔花白如雪苔花與苔水清秋兩奇絕苔  
水似瀟湘湘煙江路長湘江忘不得家語斷人腸田田  
藕葉浮采菱西渡頭西風吹老淚轉船追昔游昔游入  
湘煙茲游入苔雨煙雨入秋詩詩成委南浦

樵莊四詠

雉山叢綠秀爛漫斷厓紅何須畫湘路撥上小屏風瀟  
岸

樵是江南僧只作江南語鄧尉及包山棲賢三處所梅  
花

寶詩二 西荒編

十二

風吹蒲葉低葉葉明秋雨風吹樵子衣一線一絲苦青  
壩

風霜切歲暮惻惻徒然已獨有歲寒林青青影苔水青  
林

讀賈誼傳

宣室承清問憐才漢帝真長沙從遠宦明主保孤臣痛  
哭身謀廢傷生國事淪空將遷謫恨百代慟詞人

示霜樵超書記

龍嘴石非石定是樓臺雲作記我心許筆渴無奇文舊  
年蹋落花尋我小西湖秋風打兩槩重去寫秋圖

趙拜石至

適逢樵老飯鍋熟乍迓穿松竹轎來急索箸廬圖洗眼  
畫箱藥籠一時開

兼樹複子中有靈源寺詩冊想見前輩訪公其  
祖也

南州遺老集往往歎訪公炫日苔編黑迴腸手澤逢借

詩在山川前輩異吟嘯五湖空秋寺詩能續梅花兩世

窮余過靈源

兼亦遲季章定藥劑

石牀虛設不安琴山水誰知絕調音西嶺浮青游子意

涼風貼體故人心軒轅書裏方應缺蜀道難時苦未禁

寶詩二 西荒編

十三

洗削肝腸投世好回生綫路此中尋

江屏持趙心山先生畫幅來

疏林依約雪谿灣索靖風神字畫間南渡後人誰復憶

水堂提起趙心山

水鳧

汗漫終何適呼名亦自藏柳絲千種護荇帶十分香野  
渡啄山影冷雲隨夢鄉浮家泛宅者煙水倘相將

題唐子畏擁鑪小幅

梅鬚凍損縮項看蟹眼聲遲蹙口呵不信北風吹馬耳  
層冰兀影渡黃河

聞荷

晚荷搖遠渚曲嶼逗樵風小立數人影都浮香氣中澹  
覺暑無力靜來谿轉空終思廬嶽樣秋沼一禪宮

潭影

影落寒潭中洗衣兼洗影洗衣秋摺清洗影山心冷洗  
衣衣有聲洗影雲花輕寄言潭上者不如洗淨名洗影  
不洗轍洗名人迹絕

谿閣

桐風高病色蘋路宕漁音借此閣游屐差爲中野心文  
章平處得山水淡中尋始信龍門史言奇讀未深

采菱苗

采杞亦有時采蓴秋客思采菱更替曲聽我菱苗詞受

寶詩一 西荒編

十三

月得涼骨承煙生雨姿沈妍自柔適婀娜谿風吹風吹  
菱葉醜葉葉秋心繁秋心與秋路繚亂不能言

伯父季爽先生畫冊歌

借菴先生童牙稿自敘所謂故人趙廣業諒士是我童  
子師南渡王孫長文氏一童子時聞師言神廟朝海內  
太平山川潔清同若父匹馬秋河昭王古臺下感慨久  
之同若伯父游學南畿二當是時南畿游學鄉中平涵  
相國司業望衡對宇歡若金石大司成某源源本本泌  
閣絳幃三季爽先生豪氣五千尺宋小侯置酒雨花臺  
擊筑筮篔飲酣耳熱大丈夫死未忍屈首抽黃對白四  
明日入謁大司成大司成曰起起昔大宗伯文章勳德

未墜黃門先生捐棄茅夫人教子義方天下聞五茅夫  
人教子子咸成名君逸才能作畫蟲書飛白網羅西山  
古文胡不攻應制文章一鳴空羣六吁嗟乎悲應制文  
章可爲也而不可爲季爽伯父所以散髮清潯孝養道  
尊攜手丹青宋石門七舊日畫廚石門對軸作手淋漓  
識者曰有筆畫莫微於筆墨不可以有墨而無筆況二  
者俱無何以爲八秋船問疾門人江屏持季爽先生畫  
稿江山咫尺古道猶存九我季爽先生哭王母嘔血死  
孝孝子節士斯文章書畫之大旨歌以言志敢告畫史  
十

乍涼

寶詩二 西荒編

十四

清谿曲曲樹如環疏受涼雲屋幾間數聲白豆花前雨  
一髮青菱葉底山

讀漢鏡歌雉子斑感之

更生傳中說煮石遁仙人天上足官府巖花畢隱淪飛  
揚黃鵠遠局促雉媒親悽惻捉翁孺山梁語倍真

詠藕葉

祇爲禁秋雨寒塘立不辭影添南浦靜香遺草堂知零  
落持殘綠鑄音赴曉吹山衣慎裁剪野製古來垂

先令秋岸兼樹訪鹿山舊樵所

書品喻山水應參大小王吳興能淡適此事右軍長氣  
勝嫌豪舉波迴取退蕞舊樵間健在行與問滄浪

許君至說種香樟語殊旨

勸我種樟樹移枝定指南鷓鴣谿上話名義許相參隔  
日綠到地披風香滿潭異材難攝護歎息意深含

秋岸說東坡書院之勝

老樹池上鳴饑虎池中浴眠石鞭不起仰視星光綠樹  
亦不知歲暑亦忘其酷夜深梵放寒泉聲與相續

枯桐葉

莫以獨憔悴林中葉盡更動搖秋浦色領袖歲寒聲聽  
處得琴理吹來如水清題詩舊時事索莫不關情

哭江上脫菴逸子憶昔浮湘之役

瀟湘往返路三千瑟縮悲歌篋屋船獅子吐雲鳴夜氣

寶詩二 西荒編

十五

魚山躍日語江天西荒雪窖吟聲隔破寺花籬句譜傳  
震喝臨歧人聞說可堪老淚滴遺編

洞庭鴻跡禪衲訪公之孫生緣茗之上林侍者

兼樹受業也歲在癸丑兼樹春返舊山會鴻跡

三十初度請余言以爲獻

謝公孫子杼山衲掇轉匡廬局勢新昔在書堂橋畔住  
憎他文苑老藏身杏花雨洗摩空翅柳絮風吹透網鱗

勸逐春雲試行腳賣鞋人是睦州陳

寶雲詩集卷三目錄

洗藥池編

述寓 潭上作 兼樹未迴 池舊名洗藥池

洗葉勝洗藥也 作南山詩 雨坐作 潭雨

謠 燒竹炭詩 江上遂典記欲更字字之遺

薪作說 飯畢所見 夜檐星見日炤泥星也

頃之煙埋照山 映山紅謠 遺秋二樵尋水

源不至歌招來之 弄橈一絕 穀雨前四日

長歌寄靈珏末 作船子歌示遺薪秋岸兼樹

得香谷書副之以詩卻寄 采茶籃 雨歇

開扉小立舊堂陞有包腰衝叢竹而出者雪舟

寶詩三

洗藥池編目

也 晦日從東澗出竹折入叢樹古祠路祠中

龕佛而墮社酒 吳門鄭桐巷舊年賦十律寄

研山頭敘述與先師離合思慕終始遠近情致

中有懷堯封月師兄一篇會病未答山中追憶

有作 遺薪兼樹樵泛 青迴在補船村念之

葛山日五色記 采藤花見草際抽花如玉

甚異 西軒 送雪舟返江西 籬門 詠白

頭公鳥 憶香谷隨余湘中時忽忽入寒暑矣

得香谷菁山札復之 山居 輓塔院此山和

尚 山夜示鴻讓二侍 石屏六詠 書堂橋

喫菱絲 小市人歸 立秋 述王安道華

山 補記石公山游 借社祠鐘 遊記 七

月朔曉課作 咏茄 葛鳴之勝以二水其一

鳧蕩一為洗藥池切洞池也入山問池池已垢

積日經營洗發而復潔清 山行 雲間太史

帖 種菜詩 鳳尾草 過雨 苦瓜詩 點

古漁支石存詩 憶里中趙長文先生 書感

鳧蕩中艇子 靈巖每遇三峰師翁忌日供

茄板湯先師昔在長沙夜述師翁所嗜泣然久

之 促織草 久不立澗橋上早涼踞露衫履

盡溼 南月 初涼山行 春渚紀聞云朱象

先少時畫筆嘗恨無前人深遠潤澤之趣一日

寶詩三

洗藥池編目

於鵝谿絹上作小山覺不如意急湍去故墨再

三揮染即有悟見自後作畫多再滌去或以細

石磨絹要令墨色著入絹縷者沈珪道人作墨

亦嘗因搗和墨蒸去膠再入新膠及出灰池而

墨堅如石遂悟李氏對膠法云 秋扇 中元

前一日夢先師明日樓窗下語鴻秋岸 感懷

示讓書狀 山影 直鳴 金燈花 寄虞聖

民 金鳳花 澗口 倚樹 轉竹橋西路

春日得周研農問七月遺薪遂野返江上寄懷

二絕 舊年乞解堯封在七月先師賜扇手墨

猶新白露前三日感痛筆記 感古 題李長



蘅谿山小幅 秋眺 夜聞報更鳥曉起畫眉

滿四山 鴻秋岸掃地 歲暮作 懷閔湘人

鴻還詩湖上有作余復用韻 歲盡示靈壁

樵 展靈源寺記示讓書狀 入吳不及晤昭

法 有呈探春詩亦示一首 編舊詩 靈壁

樵作止吟詩貽湘人和之 守歲 春草限韻

墨梅詩 雪珠 雪 自和 題鷺鷥小

負暄 詠橄欖 晴雪中題二子歲寒詩本

閱雲林詩集題靈巖寺壁云我到靈巖古寺

中雲煙樓閣鬱重重今朝醉倒山前石留取綸

巾挂偃松 板橋 懷包朗威 題瀟湘夜雨

寶詩三 洗藥池編目 三

圖 用韻寄示天眉 餘寒 蓮子用中州集

韻 水堂論詩 洞庭櫻桃葉 金鍼菜 聞

香谷又在雲荒 靈壁樵坐樵船來 湘人同

靈壁樵過漏霜論古慨然因及西江舊游倪迂

墨法 正月柳 自和村韻重寄湘人 復雨

用前韻 正月柳復用鴻韻

寶雲詩集卷三

洗藥池編

漏霜南潛著

述寓

葛翁久仙逝藥井空復傳窈窕一鴈綠春潭浮曉煙潭  
煙非雲族相入不知還憑高亦自可黃鵠在雲天古屋  
倚屏風屏風蒼且妍屏風無十二飛來應未全

潭上作

過雨松猶滴山影洗更好幽禽亦投閒弄春喧太早樵  
家切歲計山水經略少今朝結繩餘一話雲湘道  
高崖弗自異浮沈八九峰雖然同雁次朝煙不敢蒙遠  
心如遠峰青插春松中南山山缺處寄想不知終

寶詩三

洗藥池編

嘉業堂校刊

兼樹未迴

高樹無漏綠危根受芒履潭鳥鏡中飛戀坐不能起所  
思方遠道涼帆響新雨共結谿山緣勞嗟應免爾

池舊名洗藥池洗葉勝洗藥也

山空無所贈古鏡以相貽鏡瑩不受葉葉至風洗之水  
不白洗水風洗洗尤奇寄言洗心者照影來何遲  
野人進一籌長風為聽之柑葉丹砂紅反側咸可書憐  
之不忍觸曉拾雙袖垂秀采祕天地棄捐良足悲吹來  
被水面文波淡相隨勿同眾葉洗庶以發清輝

作南山詩

南山工盤紆不能阻我思我思遠何詣晴雲當知之擘

絮無續絲擘雲無勁枝雖然無勁枝葉葉從風吹婀娜  
青臺側綠地丹文施俗士不矯首去去狎蛟螭

雨坐作

夕響墮陰崖雨樹無定屬昨夜鹿長鳴領子竹中宿愁  
霖避何處未易辭煙谷

潭雨謠

巖鳥靜默草木鏘鳴行詣石橋會聞水聲泥滑不可行  
明朝谿怒平

燒竹炭詩

徑篠碧紛紜雜木不知名蒙茸翳文雉雙飛長避人桃  
花弄新晴花富家舊貧腹鎌較童稚相隨蠶月新蠶房

寶詩三

沈藥池編

二

畏蠶饑草色桑眼齊蠶寒畏寒雨竹炭燒可遲燒竹炭  
瑣瑣口爲樵家悲官吏知織竹作籠光陸離

江上遂典記欲更字字之遺新作說

閒步履其徑處處見遺薪一詠陵峰詩如覲荒古人自  
我來葛鵲寒裳迴素津嶺匿視乍轉源窮聲始親從來  
詣淵致藏顯蘊天真喧喧肯淪物遺委青嶙峋

飯畢所見

縹煙籠高嶂松杉如鏡中雨歇定峰影潭心清若空空  
潭煙倒入煙水神相通相通冥元化欲告言已窮

夜檐星見日焰泥星也頃之煙埋照山

巖花雨厄一百五晚晴不晴簾櫳間焰泥星出青一角

呼子鹿來雲滿山

映山紅謠

仙源自窈窕撲落桃花紅東風吹花無次序落花亂點  
青崖中崖花照天天入水明日晴霞蒸萬里君不見洞  
裏丹成白日飛騎得文鸞杏枝尾

遺秋二樵尋水源不至歌招來之

南高者山浮青氤氳北高者雲嵯峨積白二子尋源遠  
至落日蹋山有級履有聲蹋雲無跡不可聞

弄橈一絕

亂石倒影翳翡翠綠一幅清愁叢竹煙南浦乍移扶杖手  
春風閒弄蓋蓑船

寶詩三

沈藥池編

三

穀雨前四日長歌寄江屏丑

上無片瓦無卓錫道吾言句真大奇神機迅發雲鳥逝  
江口一橈嗟已遲生喜船子好節概野馬不慣黃金羈  
今年春領二三子風吹瘦骨枯松枝太湖南游復湖北  
天無四壁青漢垂春濤作山山作浪爛銀萬頃騰蛟螭  
石公勘破石母啞十二辰石蝦蟇敲歸來捨宅報小阮  
葛鵲一規山水宜夾山昨歲夢飲馬秋江寄扇承先師  
此中復圓石屏夢夢泉籟石花離離山樓瀑響冷毛髮  
終憶扁舟心素期作書屬綴看雲笠銷夏灣好行先之  
作船子歌示遺薪秋岸兼樹

硯屏九曲誇珍奇海淺碎網珊瑚枝人間眼不到山水

夜窗算子如彈絲青山從來亦偃蹇打併願合高人期  
窮搜最苦清景失山貪水惜迴颿遲邇來游事昧元氣  
亦如文章古法離煙程淡蕩自畫限雕琢應制捐秦碑  
茗谿泊宅遺制在到處雲山我所師前山後山紛揖讓  
遠山頓挫船頭馳忽然浩渺忽涼瑟典核宜史風宜詩  
長年投篙亦致歎劣勝俗客分雄雌始知乾坤有真本  
牙籤萬軸休長齋相攜葛嶺自寒食繁花滿地春樓危  
千山迎人作猛雨雷鼓百面匹練垂囊詩細響慎緘祕  
詎合唐突噴蛟螭石橋長嘯一唱和汝作向聲余不辭  
柳潭弄檝冒絲雨船子門戶須撐支

得香谷書副之以詩卻寄

寶詩三 洗藥池編

四

瓦礫南陽古基陟香谷詩中引南陽瓦礫自述青山紙中葛山語一  
規變滅菁山雲幻到葛山通爾汝高車駟馬羅翠屏近  
來名山尙樽俎我作清泉汝爲石兩兩煙蘿古人許谷  
乎胡不來葛山葛山谷口無雲遮山花離襪綴衲線花  
鋪洗藥仙人家望疑蛾眉千歲雪折笑房州三朵花東  
坡廬山舊例在閉壘不復開詩衙

采茶籃

茗筍其煙族筠籃展夙心千峰荷新挈一路近清吟露  
潤虛懷得芽柔密護深不辭君子側傾倒見幽尋  
雨歇開扉小立舊堂陞有包腰衝叢竹而出者  
雪舟也

乍訝樵裝異山腰失路來來從夾山漾雨色曉初開此  
會緣誰設谿程指推論心富潭飲放茗昨宵雷

晦日從東澗出竹折入叢樹古祠路祠中龕佛

而喧社酒

碧縷遙泉竹中注折挫吞聲幾迴吐風雨何曾落九天  
分明出在青松樹道傍叢祠雜梵放鐵鳳森嚴已非故  
豚蹠榼酒簇春社世尊塵埃得誰訴長年燒猪餵諸葛  
寄語山谷聊復護人間倒置難具論無言經本歸添注  
吳門鄭桐菴舊年賦十律寄研山頭敘述與先  
師離合思慕終始遠近情致中有懷堯封月師  
兄一篇會病未答山中追憶有作

寶詩三

洗藥池編

五

人間俯仰安足數翁作良藥非病僂桐菴病不嗟余遠良於俯仰  
愧銅梁秀詩贈閔正分輒語杜集贈蜀僧閔正師兄云  
少年場空同一師幾共琴臺泣塵土十年我夢武夷  
青韶石早打迴颿鼓酬恩有語各難盡秋雨秋風浩無  
主琉璃綠燄花冥冥白月滿天山夢醒迴腸寫上赤柑  
葉人在梅谿冷石屏

遺薪兼樹樵泛

畫眉嘯煙蠟嘴饑槎枒礙櫓雨滿衣學弄樵船作漁唱  
斜風可道不須歸  
沙明石細澗如秋只影青山不影樓中流莫照樵裝影  
流到人間影亦愁

相期影不到人間面面篙撐水底山載得銜花癡燕子  
破梁權與其松關

青迴在補船村念之

來共對山雨此中還是秋煙開定相望村遠苦無樓萬  
壑待新句一囊傾舊愁能傳棹歌否松下具樵舟

葛山日五色記

穀雨四日葛山墓午立第三株老松掠松健鶻矯雙翻  
仰頭驚看魚尾紅一規澄射日五色高天蕩蕩摩青銅  
松花黃表紺爲裏色繪不盡環中空錦輪在天池在地  
水光日彩輪相同危樓殘瓦寶珠色蕩摩破袖花玲瓏  
石湖毳衲峨眉頂煮泉萬古冰霜中大圓光現水墨影

寶詩三 洗藥池編

六

仙聖跨象金繩通洗巖雨歇異采集峰巒草木青春濃  
登州海市出霜曉重樓翠阜羣仙宮神工鞭龍幻雲海  
供養謫困東坡翁蜀郡蒼涼范老逝詩情記筆雙爭雄  
我生事事挫神氣豈獨人厄兼天窮餓吟添鉢透樵市  
雨漏黃茅哀竹風空山日華炫老眼盤折硬語誇詩筒  
苦無筆力退光采雨宋文章慚鉅公全資石屏巧遮障  
略分隙影烘枯桐

采藤花見草際抽花如玉甚異

翦冰琢瓣透空明問著無人道得名我頗識渠來處在  
峨眉頂上雪抽莖

西軒

瀑聲都入廬山夢白練飛邊萬卷堆可堪字誤經三寫  
不厭書殘讀百迴曉雨欲來峰綠正水禽雙去柳絲開  
平心更點蘭亭序東晉風流未易裁

送雪舟返江西

我喜遠公筆墨好小時上口廬山篇名山何曾乞文字  
世上碌碌驅松煙古文雅頌兩寂莫東晉高僧差足賢  
後來作者甘露滅豪氣尙在其神全筠谿緣熟脫未得  
石門軒軒文字禪半說匡廬半南嶽稱量卷中多兩邊  
浮湘往返八千里九江一望香鑪巔江西合眼入游夢  
耿耿此中雙舊緣東風掃雪山花然指眼飛上江西船  
大孤小孤青在指山樓重拍洪崖肩乾坤幾個肝腸在  
死不忘師殊可憐茗谿小住汝別去石塔苔文歸細鐫  
寄聲五老許縛屋來聽瀑布容高眼

寶詩三

洗藥池編

七

籬門

籬門一半綠桑侵趁市人歸鬧竹陰小滴谿風吹瀑帶  
冷香山日炙松鍼老拚江左且停腳只有湘西時上心  
得句旋忘搜未得雨餘聊復繞樓尋  
密結繩籬勝竹環斜紋繩絡靠池灣一迴入室隨風絮  
作隊當門著色山收拾樹根裝釣坐品題石子進清班  
背飛水鳥拍波去半似驗人閒不閒

詠白頭公鳥

未甘頭白澗邊身相慰枝間語所親曉來陣陣楊花過

雪髮蒙頭定未真

憶香谷隨余湘中時忽忽入寒暑矣得香谷菁

山札復之

塗路長沙集煙波笠澤歧香谷別余時余有西小湖之役谿山同戢影

哀怨各離師先師示寂于舊年九月寺古碑傳本菁山富古碑仙成藥

有池門前總饒景老覺種松遲

山居

召泉學洗烹花金吹火宵窺貯粟瓶個是山居新證入

向來度日太閒生

竹頭透脫新檐雨日脚消磨舊澗泉一事怪人瞋不得

鷺鷥飛破半池煙

寶詩三 洗藥池編

八

鵝黃鴨綠添描畫荷葉松花巧會稽有件藥頭人要否

落霞只在住居西

未須火急追清景聊且徐行蹋水聲思量接手功臣政

學買黃牛不遺耕

斜摺屏風青缺處遠山數筆米襄陽連朝泥滑不曾看

莫訝山僧老健忘

並山支澗逐人行暗谷蒙籠雜蕊明綠樹撥人無意緒

苦遮幽鳥只聞聲

解籜村村竹雨涼遠山新畫綠蛾長權停拍子鑪中火

消受焙茶樵舍香

楊白花鋪雪滿谿閣泥船著曉煙迷東風吹仄看山笠

老鯉衝濤蝶自西

輓塔院此山和尚

茅堂憶當水寺角癩癖悔成相見疏扇面清風修竹影

篋中淡墨餉茶書湘西歸來闕宵話臘尾哀歌開舊廬

憑藉巖松癯像在炤人冰雪昔年如

山夜示鴻讓二侍

湯過蟹眼不宜茗自候折足松間鐺灤洄仙洞幽鳥苔

窳率竹園馴兔行隔隄瀑雷喚人醒明朝涼雲遶樹生

詩成得稿撚九嚼肯問世閒閒品評

石屏六詠

白石白如霜峰頭曉月光月光射白石乍驚飛燄長火敲

寶詩三 洗藥池編

九

匹素下青天南山白雲墮練帶警樵聲飛過石柎樹拾

秋風來過遲山葉下何早嶺竹參天長矯首不能掃掃

開庭貯涼月此中橫藻苻要配洗葉池炤出危樓影削

難難蜀道難嶺名名左擔不如咬莖齋平挑山月淡挑

漱石水鏘鳴石齒噴花縷一簇翡翠青寒輝此中吐菜洗

書堂橋

書堂橋橫冷雲吳興畫天下聞勁松有風蓮有露山層

水複饒清芬人間韻海儘閒事何苦追陪顏使君

喫菱絲

還停采菱唱一翦碧絲紛匝岸影蒼木滿池鋪綠雲別

開高味淡況有冰霜紋圃外論清供山肴得備員

小市人歸

小市人歸荷藥苗秋風初響澗中條玲瓏山鳥沙如雪  
緩緩行過獨樹橋

立秋

貼體秋風一倍親嶺松吹共歲寒身證明白石心情冷  
洗發青山面目真暑退門如逃俗客雲涼天亦喜清貧  
危樓未怕冰霜壓結個黃茅倒稱人

述王安道華山

高士王安道華山游格奇作圖四十幅領要貴不移山  
詩一百五鐵鎖以為師少師夏圭畫士氣人歎之始悟  
三十年紙絹空自欺先正學師古師古古心師勿為馬

寶詩三

洗藥池編

十一

首緒此語千秋規華山圖未見與讀華山詩無乃未盡  
善尚為豪所持文章集清氣豪字非小疵詩慎勿為豪  
豪非山水宜人慎勿為豪天真淡無涯孟軻浩然氣知  
言永為期淵言賴孤賞年少聽相嗤

補記石公山游

匡廬五老岱丈人洞庭石公鼎足陳高冠峨雲接青漢  
想見曳杖鬚如銀堯年龍攫蘇髮脫霜筋雪骨飛枯皴  
方山滑削踞不得此公信是無懷民謬聯石姥吳俗謹  
打鼓落帆喧水濱挽回名山古題額苦口肯惜時流噴  
鑿開綫天漏翡翠不豔峽中曦月巡崖裂重開天一綫  
信乎我昔所言上古出奇未盡奇方新

借社祠鐘

秋社待秋風寒泉飲社公秋鐘先借我一扣曉煙中  
遊記

好山好水總澄練秋雨秋煙更打磨遊難歇脚老謀足  
淡到極頭生趣多無人受記自下語從此鳴榔温短歌  
綠篙一滴句分灑誰道吹毛須鳥窠

七月朔曉課作

秋首延驕暑峰頭激短更石爭開夜色鐘乍變涼聲宛  
與故人遇似穿危路平獻徵殘藁在葉葉照窗清

咏茄

野質承高露山盤曉摘初垂秋疑石乳坼日學蟲書含

寶詩三

洗藥池編

十二

苦蒂深紫棲卑葉未舒珠璣看剖腹懷抱肯全疏

葛鵠之勝以二水其一鳧蕩一為洗藥池切洞  
池也入山問池池已垢積日經營洗發而復潔

清

石藻冷光動滿池秋髮縈忍殺數年景殺去耐將塵土  
并山水有時厄潔心終自明來看南嶺月濯影此中行

山行

驕陽炙深谷雜樹吐微香何必蘭與芷中各抱芬芳蘊  
真貴自達匠斲表天良局促鬱清氣坐失天路長鴻鶴  
與秋雲分道共飛揚

雲間太史帖

雲間董太史寄聲紫柏師長安馬上交揮手早與離載  
之雜帖尾自謂得良規平生善紫柏茲言聊報之有印  
日畫禪丹青自矜奇永想帖中心書畫真淺窺

種菜詩

鑿鑿南山石堅中刻蛟螭蓬蓬原上土埃飛螻蟻馳朝  
來營灌園轆轤汲秋池池柳變青條倦暑從風吹澄流  
飲原土膏土榮嘉蔬石田安可耕石圃石當鋤灌土不  
灌石適用有良時

鳳尾草

虛名古難受見尾亦何心莫是身藏誤翻令物易尋青  
鸞修翅杳韶石舊聲沈不及高鴻去秋舒天外音

寶詩三

洗菜池編

十三

過雨

涼雲載急雨夜之南水村經過葛陽中喧喧集柴門輕  
雷乍以遠寂聽無車奔楚眉各仰視蒼天杳難論雨至  
會有時況得秋風恩風澄夜稍永鐘扣青山根

苦瓜詩

纍纍攢細乳銀磔的參差頗似刀劍飾周匝海鯊皮磊  
何不自帖無乃中含悲懷丹雖未剖朱綠文章離春風  
蕩湘水水寒煙散避送艇翼歸帆蓬窗過所齋所齋糜  
苦瓜下箸蹙其眉先師嗜深苦父子分甘之送者雲蓋  
兄其時前七期其役則浮湘歸日黃柳絲阿潛同啜苦  
屏山補製詩

點古漁支石存詩

乍承鳴角新檐滴還挂船窗舊雨絲點到魚山煙霽色  
七年秋淚一時垂

憶里中趙長文先生

鈔詩翻訂時文背作隸驚抽章草心憶著斜陽射遠水  
市樓句子有人吟斜陽射遠水先生  
乍醒草中詩句

書感

疏瓦漏山葉涼夕鳴空庭南嶺竹如簾瑣屑八九星古  
人惜清操彈與魚龍聽燈光潑秋水藥沼共泠泠

鳧蕩中艇子

紫燕飛邊翠蔓牽留泥秋曉蕩池煙關心江上秋峰綠

寶詩三

洗菜池編

十三

取樣尖頭繫柳船

靈巖每遇三峰師翁忌日供茄板湯先師昔在  
長沙夜述師翁所嗜泣然久之

思親一飯忍忘初話到瀟湘轉鬱紆硯寄微言羹紫蒂

硯寄者長沙  
理山丈室名堯封祖廟薦秋蔬鎮州物產霜同色羊棗

深悲例要書更有豆漿泮淡粥詩傳落木十年餘先師  
嗜蘿

道已亥冬元歎有臘八豆粥詩

促織草有序

有草焉青而歧其首鬪促織者撚草拂其鼻  
間踴躍鳴鬪江南名促織草

促織鼓秋翅感憤秋風前同聲亦何怨齧首誓軀捐高

鳴威勁敵露鏡持餘堅勝負裂須臾涼雲流遠天江南  
有秋草綠質歧其顛采入少年場毳剝絲少蠲茸茸散  
旌旄飄若竿首懸臂一鼓作氣拂齒聲填然相當決前  
陣戰罷委青甕秋蟲枉死勇秋草用能偏相看蟲戰場  
悲欣浪纏絲動植各矜長適性貴相全挑怒效微能勝  
殘思古賢

久不立澗橋上早涼蹋露衫履盡溼

東原折入澗橋路宿雨亂流藤葉低不來一月暗如許  
向日千竿綠未齊樵計老看諸子託權歌終想小船棲  
石屏風下秋吟足虎跡禽言等是題

南月

寶詩三

沈葉池編

十四

涼堂受北山藥沼樓南月茗火聚松鍼谿風揚石髮林  
中霜采濃雲表秋河沒清光樓背通面面窗櫺闕

初涼山行

青山不用巧相圍我戀松陰自怕歸會心九節瘦筇健  
清賞一聲枯葉飛

春渚紀聞云朱象先少時畫筆嘗恨無前人深  
遠潤澤之趣一日於鵝谿絹上作小山覺不如  
意急瀉去故墨再三揮染卽有悟見自後作畫  
多再瀉去或以細石磨絹要令墨色著入絹縷  
者沈珪道人作墨亦嘗因擣和墨蒸去膠再入  
新膠及出灰池而墨堅如石遂悟李氏對膠法

云

沈珪對膠法象先瀉絹理候其物性窮始得浮氣死今  
人喜輕涉著表不及裏所以論風詩幽閒以爲旨

秋扇

閒看燕子悠揚去老愛松風透徹涼單爲天台雲一片  
放將篋裏又思量

中元前一日夢先師明日樓窗下語鴻秋岸

燭影師顏夢語悲樓頭煙暗說孤危歌中蜀道銷人氣  
過後昭灘蹙斷眉絕跡喜看山四抱傷時淚共雨千絲  
浮雲不顧濛濛去舊事於今幾個知

感懷示讓書狀

寶詩三

沈葉池編

十五

洞庭西畔山如浪正是石屏風繁時往日落梅歌茗片  
今年飛雨錯蓊絲誰家書畫容尋看幾處谿樓得坐遲  
癖愛獨行霜葉下舊時艇子再教移

山影

東嶺如浮船西嶺波浩浩昇月射西偏插崖船亦好

直隄

秋雲蓋遙綠崖鳥無繁聲西風林暑卷聽澗曉中行支  
嶺蕩迴颺流細哀鳴叢條交素溜色石丹沙明征樵  
其雲徑谿市正煙生

金鐙花

金鐙搖晚紅絡緯紫宵作灼灼原上鐙淒淒澗傍絡冉



再役道途勞勞隔雲壑莫將垂領絲近照紅鐙著垂領  
亂絲那織著金鐙凝煙煙縷薄

寄虞聖民

書畫癖未損眼明清事貪思君埽苔壁枯墨挂秋潭味  
冷嚼谿雪行閒送暮嵐晴秋懷雋永詩餉代黃柑

金鳳花

金鳳立秋原叢類湘山矮啄露頸孤迴迎風翅雙擺秦  
臺紫煙隔簫聲秋淚灑茫茫海嶠塵遺世誰懸解

澗口

趁市人喧綫路遙西風甦醒藥欄苗秋羅翦翦花清絕  
也上樵肩過板橋

寶詩三 洗藥池編

十六

倚樹

灑葉旋清波倚樹待其定前嶺分餘綠倒影方池勝掃  
石刻秋課縛帚松門靜

轉竹橋西路

空潭煙盡鳥飛入下葉平溝澗聲澀草痕山市曉行多  
滿林松子無人拾

春日得周研農問七月遺薪遂野返江上寄懷

二絕

謝翺遊處好山水昨渡錢塘少徧巡釣臺雪與初平石  
共待冬青作賦人

峴山政道襄陽似詩裏梅谿得聖俞定完兩浙續游記

更埽吳興訪雪圖

舊年乞假堯封在七月先師賜扇手墨猶新白  
露前三日感痛筆記

乞身批答感師恩飲馬池秋水滿村隔個年頭開賜扇  
淚珠和露灑松根

感古

山秋涼候早嶺葉下鏘然飛飛亦相依未忍輕棄捐人  
生蕩朝雲詣道永其年周穆豔仙靈八駿圖以傳哀歌  
答王母白雲流素天巖松語桃李秀色一朝妍

題李長蘅谿山小幅

檀園集好文韻清正是此中崖瀑聲臨流艇子儻借我

寶詩三 洗藥池編

十七

便向先生記裏行長蘅先生集中有湖山諸記文境雙絕

秋眺

習野得山情歷變窮秋妙淺深詎定妍雲露增新眺空  
濛取微霽疏蕩亦斜照誰矜昏且殊轉矚無前肖遠神  
絕停暉靈姿鮮同調我來柳花中果證山如笑更秋涼  
候集風松簇青峭

夜間報更鳥曉起畫眉滿四山

更將蓮漏宵分報眉任秋風曉畫青變盡好聲山鳥倦  
迴風悉索綠蘿屏

鴻秋岸埽地

都緣爲法片肝腸父子谿山共渺茫執帚除他鋪地葉

擗眸看我滿頭霜歲寒雨字牢牢記暖叫三聲段段傷  
銀杏樹邊斜摺屋此中酬答可能忘

歲暮作

洗藥池旁屋雨淋落楓飄漏滿家金飛揚老後栽松手  
觸撥前賢愛馬心共喜淙淙尋玉澗相期緩緩碎枯琴  
眼中長短年頭尾消得寒寮翦燭吟

懷閔湘人

水市擔書借半巢茗谿漁隱話難拋葛衣幾個存先友  
杵臼何人更定交律髓新添身骨瘦銀鈎捷異舊時鈔  
湘中煙冷湘山淡名字分明合島郊

茗山清絕碧湖尖配得秋吟鏡一匳乍道詩王依杜甫

寶詩三

洗藥池編

六

更從字母入華嚴補鍋得伴還低語擲卦無錢只下簾  
貧士傳參文士傳寄言信史不妨兼

深柳堂空釣石孤筆花肯逐葉聲枯那知宗氏名山壁  
仍像唐人下第圖風流罪過書千軸翊璫情懷茗一壺  
最愛金山篤交詣苦將學道判髯蘇

鴻還詩湖上有作余復用韻

記得巢居句一巢廣陵絕後事全拋要吹寒谷灰重起  
親把吟囊手自交郭索斷開詩路入骷髏格破夜深鈔  
鈔來新詠歸來讀讀到銜寒雨滿郊

歲盡示靈壁樵

千仞高桐鳳許巢啾啾笙笛耳須拋肯將嵩少孤燈撥

便併峨嵋卦擔交整頓石船門戶大網羅種樹祕書鈔  
樵家單記樵名好未羨更名學宋郊

展靈源寺記示讓書狀

舊年維艇洞庭腳記裏靈源看始真到處佳山難著筆  
絲來好句不多人高僧去遠詩鐙在孫子行空馬骨新  
記得石屏楓色否杏花亂點夾松身

入吳不及晤昭法

濛濛舊事破山雷痛定重提轉自哀澗上垂垂泥路滑  
愁中番番竹與來同聞病榻聲三喚忍棄前言土一堆  
不道肝腸無分吐吳船風雪又空迴

有呈探春詩亦示一首

寶詩三

洗藥池編

五

歷過風霜信乍通情如病起故人逢同巡疏竹村初逗  
憶畫晴山墨就烘緩緩歸期行有腳瑟瑟鼓近酒泊鰲  
天涯紫燕巢泥在未必空梁逐夢空

編舊詩

谿山層疊夢中看句稱霜天葉樣乾俗簿書排題目好  
交疏爲走路頭寒章詩苦愛何心擬蘇帖頻收欲答難  
儘自崎嶇行不得那堪卷外更非韓

裘夏作止吟詩貽湘人和之

鬪傳詩陣握奇零直得英雄歎一聲總爲食貧愁島佛  
空傳祭酒屬荀卿賦中四壁秋風紫燭底雙眉抱膝縈  
豈似煙波蘋槩外松陵報罷舊時賡

九歌何苦續湘君放眼高樓日暮雲詩骨倒愁仙後換  
筆花生恨夢中分忘爲顏巷三年艾空是麗家一字勳  
落月屋梁逢李白此回也免細論文

守歲

撐起薔薇舊綠屏護霜雲是護花鈴開春池洗三番研  
守歲天留幾個星

春草限韻

雲邊雞犬笑劉安看輟晴皋穀盡丹遊子吟愁心寸短  
江南畫憶點苔乾平橋遠水詩千里紫燕青茸繡一灘  
屋角闌干饒苜蓿盤朝日任團團  
贏得遊絲逐地安丰茸碧擁水樓丹放犢笛催遊舫轉

寶詩三

洗藥池編

三

落梅風颺社旗乾平鋪綠錦春煙墅差抵銀沙曉月灘  
關塞莫將詩夢繞池塘吟社舊來團

墨梅詩

見

甲寅春正三日潑茗水堂聲倍秋岸兼  
樹夜侍請一言作氣次夕詠墨梅因示

紙窗燈火墨花浮冰雪容顏黯自愁一千年句落疏影  
三四朵寒偏聚頭月蝕詩鈔同點筆棲烏樹晚正登樓  
江南柳暗花明日儘放橫枝做淡秋

雪珠

圓逐詩聲瀉短檐彈丸休記舊時拈飛來天上千鳴佩  
織挂樓頭水一簾解賭玉塵棋局變盤傾仙淚渭城添  
珠林補隸宗風事縮項楊岐灑未嫌

不信朱門曳履難珊珊清響下更闌九天咳唾信如許  
一夜谿山采未殘明月焰門銀礫豔琵琶聲落玉盤寒  
西風儘意掀茅屋埽得珍珠喚客看

雪

落梅前頭出意新試手飛花一尺深天地於今真不夜  
古人就此好論心全彰文彩家風冷直接混茫詩力沈  
絕壑未妨鸞鳳嘯祗愁行路斷人尋

自和

千峰綺夜元氣集如悟古來琴旨深叫絕谿山無異色  
相投白石本同心餘聲蕭條聽乍有到地飛揚還復沈  
老眼忽驚花放盡雪中春勝霧中尋

寶詩三

洗藥池編

三

題鷺鷥小幅

拍翅劃開青冉冉掉頭對我白絲絲秋山老衲雙寥落  
料量相知只汝知

負暄

快雪時晴老不禁半牆殘照是黃金經營衲綫初伸指  
顛倒葵花只舊心遠遊夢境名山記過歲情懷畫角音  
尙有巡檐數寒雀繞人終似感恩深

慚媿羲和念槁枯春迴翻羨草根蘇揭開老後閒詩本  
話到元人密雪圖句釣牆頭聊矍鑠心驚屋角指柔榆  
霧中花市相將到未必雲煙過眼無

釣竿手在不須遮西日聊供說夢華老髮風揚酬積雪

枯藤影蹋自龍蛇  
牆頭竹亞看金碎  
天上鴻飛指字斜  
篋裏陶詩拈出曬  
出圍歲晚憶桑麻

遠山炤出碧嶙峋  
光射谿軒頓有神  
豪氣除來深惜日  
風霜過後重閒身  
垂垂黃柳疏遮屋  
落落平橋斷問津  
休道夜窗偏寂寞  
青天還要湧冰輪

澤畔樓分旭日輕  
曉寒名苦舊時名  
袖摹白石憐同病  
立共梅花曬晚晴  
檐影自描饑鶴相  
頭陀免置骨山評  
禪棲一畝宮難結  
愁殺茗谿是水晶

谿日荒荒黯自持  
茅檐風味幾人知  
鑿冰文字當年夢  
堦菜工夫正是時  
面學嵩山時對壁  
琴傳五柳不彈絲  
借車莫較移家具  
一片霜晴不用移

詠橄欖

遠山翠落玉盤霜  
果到南宗味信長  
茗椀乍沈青菡萏  
雨窗如夢小瀟湘  
顰眉僮父從拋擲  
賦手吳都錯比量  
格外何曾論甘苦  
清標兩字是心涼

晴雪中題二子歲寒詩本

湛堂悟入出師表  
元城參得寶頭禪  
一生受用不妄語  
司馬元來得正傳

楊岐家法自來誇  
荒草深村別一家  
詩在水禽飛落處  
板橋殘雪耀平沙

元無夜半傳詩法  
恰好春橋立雪天  
僧寶分鈔珍舊事  
始知北宋出眞賢

寶詩三 沈藥池編

三

沒來繇話句零星  
光燄文章貴杳冥  
知接混茫天上派  
不曾定乞草堂靈

閱雲林詩集題靈巖寺壁云  
我到靈巖古寺中  
雲煙樓閣鬱重重  
今朝醉倒山前石  
留取綸巾

挂偃松

偃松斫盡簇鍼枝  
古閣存看井畔危  
輪囷殿後兩株桂  
及見倪迂醉倒時

板橋

舍南舍北笞箆汎  
春雨春煙鷓鴣飛  
殘黃閃閃落未落  
皴綠溶溶歸不歸

懷包朗威

靈巖草堂背挂起  
紙窗看路積湖雲  
白亭圍霜樹丹詩  
筵團舊隱茗椀味  
幽蘭絕響深悲共  
琴知不忍彈

寶詩三 沈藥池編

三

題瀟湘夜雨圖

蓋船綠暗樹無名  
浦口風迴打二更  
髮共昭灘浪頭白  
吹鐙消受遠江聲

用韻寄示天眉

詩律還他古尺量  
眼中枯草似人長  
要看太古不消雪  
管得峨嵋路已荒

唱酬走筆送行句  
參了黃楊倒縮禪  
度驂驢前不難事  
古來絕路是真傳

詩人門戶怪浮誇  
唱歎遺音幾大家  
說與空明詩樣子

湘潭寒日透江沙

句在屋頭尤易失洞庭雨點白鷗天孫太初詩儘堪舉  
到處論交山最賢

餘寒

叫月饑鴻慘暮空柳條未與管東風遮春莫怨千山雪  
春在千山雪點中

蓮子用中州集韻

碧粒傾來共剖嘗借他仙佩喚青囊插天太華重包裹  
五月臨平舊冷香秋色也知含寸寸水聲真個到房房  
苦心屈折萌芽在一曲江南是故鄉

水堂論詩

寶詩三

洗菜池編

三五

東風不是無才思殘雪吹完又解冰疊得小池紋百皺  
鬪他詩話路千層

詩鬪清微不鬪穠隔湖縹緲雨中峰頭白詞人浪行腳  
不曾詩裏別南宗

雲林詩禁禁詩豪諫果風情出處高何事詩僧溫日觀  
苦心只畫墨葡萄

更休觀面錯詩鬪詩看春風掃雪閒記得浮湘侍師粥  
船窗飛過小孤山

洞庭櫻桃葉

輕紅瓊碎點青膠湖隔春漁燕未巢西山異樣秋光早  
楓葉分明二月梢

金鍼菜

春風綠透麥芒森遠較樽罍沒孔鍼花松葉底看同挂  
玉線拈來不用尋白石難磨塵土色黃金冷刺結交心  
箸頭要撥浮雲眼嚼著英雄淚滿襟

聞香谷又在雲荒

舊名鴻雪

惠崇蘆雁扁舟意禪髓分明在水窗未必涪翁詩派絕  
淡霜殘雪是西江

靈壁樵坐樵船來

曉寒破壁龍蛇影知漬漏痕樓雪消野航便趁谿日曬  
幾葉殘書攤束樵

湘人同靈壁樵過漏霜論古慨然因及西江舊

寶詩三

洗菜池編

三五

游倪迂墨法

社鼓浮雲其一村喚回古道數言存乾坤未易真同調  
男子休輕說報恩二千里外滕王閣三百年來水墨痕  
黯淡前賢心不死村僧滴淚寫招魂

正月柳

半谿殘日動春瀾縷縷輕黃顧影單挂到收燈絲更軟  
天邊飛絮夜來寒梅花曲間漁村笛社字旗飄野廟竿  
張緒愁魂銷不得風流憔悴一時看

自和村韻重寄湘人

約略林逋舊水村廬邊獨木尙橋存交投白社分寒色  
老託青山亦感恩古錦囊無童子背長天雁指去時痕

文通從此休傷別道眼誰消賦裏魂

復雨用前韻

目斷梅花開一村東風未肯與溫存門能限客流水在  
漏不到書春雨恩閑鑠鑪灰看火粒淋浪屏面拂詩痕  
風煙易下滂沱淚翦紙誰招杜甫魂

正月柳復用鴻韻

弄晴一握不禁風漾碧平川望似空白鷺幾絲銀綫遠  
青山兩點洞庭通情傷釣浦圍漁網例引鏡歌痛雉翁  
看殺玲瓏挂初日斷橋西畔棟花東

寶詩三

洗藥池編

三

寶雲詩集卷四目錄

積雨編

積雨限韻 蘭葉詞 白兆來續積雨詩復用

其韻 胎簪居士扶病訪余病中季姪侍而至

時許君同在坐許舊受業胎兄深醫學 茅屋

墩 乍晴 初晴日芝筠過水堂 病中寄訊

香谷代書 雨後詩 午晴 竹浪詩念鴻不

返也 四月十七夜焙茶 寄香谷在於鴻雪

六月初晚熱有作 清曉草木香陋近學也

桐 詠核桃 雲谿 寄王公範 祖弓至

補船渡水不得立沙際久之 小雪第四日寄

寶詩四 積雨編目

金孝章 挑齋 冬夜 秋岸兼樹歸自西荒

湖上秋遂來漏霜夜話 題研農畫扇二律

因馳遠懷 病中得人穀悟雪齋詩感詠迴環

簡羽南居士 霜樵從洞庭來 趙拜石結茗

谿游想病後復寄 題畫 書黃葉老人少時

事 深夜看天眉作題畫詩 茶花 憶昔

冬村野雀謠 夜及半聞寮中揭書葉聲 因

靈珏末有南雅之刻簡篋中新舊詩卷 細雨

中兼樵往石屏取藥器 墨盡 憶先師每深

秋過澗上輒命竹輿曉至堯封促潛同行從靈

巖後山路折入先師棄潛兄弟此事長絕甲寅

冬至前一日泣而筆記他日寄昭法讀之共愴

然也 萼花 蒲扇 與諸子雨坐 齋後出

坡獨行殿角 寄壽鄭桐菴八十 葡萄架

為青迴作野表堂詩 出坡 樵得芝草 僧

從山足來復得一小芝 得靈巖僧兄書 翦

落日嶺至松篁隔夾路草為閏月課 風雨中

立寺門 資慶寺 拾松子 面面峰 松篁

鳴 枯樹根 題壁 讀長江集題皇甫荀藍

田應句云竹籠拾山果瓦瓶擔石泉 四皓祠

落日嶺 采秋茶 浮家好 曉起見藤葉

蓋地 蒼舒居士來落日嶺寫余病影作短歌

寶詩四 積雨編目

更索畫漁舟圖 九月廿四日與鴻子坐西嶺

平沙作絕句一日黃葉之詩 出西湖履積雪

至落日嶺作詩別之 東嶂 絕句 栗葉謠

鴻讓侍樵堂 糊窗 鴻述毘陵有孤龕峰

頂者 名西軒曰半篷 語嚴方洲 樵止除

夕 曉挈鴻讓澗上行名其澗曰菖蒲石流

乞藥 乍暄 半篷雪 種火 簾水 寒

黃栗留 蝸牛耕 落梅時傷耿菴 同青迴

羽石澗洗茶歸樵堂即事羽昨日冒雨至自江

上 洗澗 遂野杉寄欲識小虎正 橘香同

兄至樵堂 松花 半篷病中 秋遂至樵堂

作詩漫和之 小茴香 枇杷樹 敗絮 杜

鵲花 種菜和黃葉村莊韻 秋花五詠和韻

殘雪 枸杞 蘿菔 雜詩 見張考夫舊

鈔農書 幻人銅印歌 檀香百合歌 白頭

翁鳥詞 看稻柝 補船斧歌 得吳郡問顧

云美亦逝 枯葉 白虹飲 酬臞菴自笑一

律騷菴舊有意名山遺蹟余以為單搜古碑尤

資核實感禪林之日衰傷異聞之不廣知我者

希有懷共勉 霜樵夜至時秋岸兼樹俱病臥

水堂 傷兼樹 秋岸扶病返江陰霜樵同舟

作詩送之 題桐正先生破荷葉小幅 蠶豆

寶詩四 積雨編目 三

花謠 村居 長慶上巖法姪過訪 貽潘喜

曾 得靈巖僧兄書有感 夜聞雨 歲寒翼

菴兄過水堂夜話其明日雞一鳴對飯下艇子

去 戊午元日得句 棟花 前題自和 田

園雜興用喜曾韻 始游菁山常照寺看秋遂

坐昭回閣有感詩用其韻 餘素許移諸藥

分龍日雨 月黑 補船村所見

寶雲詩集卷四

積雨編

積雨限韻

漏霜南潛著

濃墨雲痕蒼弁東昭潭響石夢還同水堂面面聽鳩婦  
涇樹灘灘叫郭公遲暮青藤難甲拆驚疑芒種乍壬逢  
天隨艇小茶煙壓為報松江蟹斷通

檐頭歷歷燭頻更耐把清聲入句評水遠四窗鳴北渚  
風掀萬卷冷南榮爭誇雨點如飛翰借問雷車可佐耕  
屏上西江路迴折茫茫指點未分明小屏風上西江路  
宋人語也憶桐子  
歸故云

寶詩四

積雨編

嘉業堂校刊

寒玉瑋琮水一廬上元聽到月重除早知花木同黃土  
悔不田園儘種樗杳杳情懷荒古上昏昏永日小年如  
摧頽賴領雲山衲耐得風窗亮榻虛

清渭無情只向東那知苔雪感懷同谿塘波擲分魚子  
野廟灰寒惱社公石鼎詩聯人黯黯桃花村冷鼓逢逢  
茅齋也想名安舫浩蕩從教四壁通

蘭葉詞

新時日  
魚體

木蘭嫩放看蘭葉蘭葉蘭花青可憐淺青深綠兩依託  
春風駘蕩花葉鮮

春風綏綏吹葉開花身側開吹轉來來與水堂主清供  
讀到樂府臨高臺

日色淡淡上人衣漁舍落落開水扉水扉蒸成茵釘紫



紫芝青蘭雙鶯飛

雲林墨冷一條冰分來詩鏡人畫鏡燈傳無人古香歇  
春山出沐水雲蒸

白兆來續積雨詩復用其韻

暗助文章雨最賢古來傳是鍊詩天靜依樞几憑來聽  
游恨春山記少鐫浮去詩瓢誰得價淹將石菊不成錢  
風光冷置黃磁斗蘭到更深香自圓  
捧釣煎茶想舊賢漁樵風氣沒鷗天青堆波浪山同疊  
淨洗琅玕句好鐫錦繡段看江面綺龍鱗紋點樹身錢  
思量畫譜梅花法鐵榦冰枝冷識圓

胎替居士扶病訪余病中季姪侍而至同許以

寶詩四 積雨編

嘉諸彥許舊受業胎兄深醫學

身要人扶氣未銷鳳鸞清嘯集船寮谿通綠漲侵門水  
柳未豐垂蓋舫條隱有韓康稱弟子游期葛鵲作雙樵  
水軒遣病連絲話興似錢塘過午潮

茅屋墩

圍潭最得蒹葭意四五里推茅屋墩更無橋板水中接  
指點鳥寒飛過村放眼樓嫌三面閉半枯松說六朝根  
經箱扇面題牆字春雨茫茫暗墨痕

巷有先翠榆先生詩并白華樓前輩

諸翁遺墨

乍晴

村裏獅看霽雪中平橋二月又垂終波晴鳥下呼雙浴

花緩藤先試小紅最後番風門口棟乍相當景屋西虹  
青苔上桁衣痕綠淡日移同細草烘

觸眼江湖碧一叢樹中帆葉影西東風揚絲網船還歇  
泥上桑園屐未通洗硯鳥隨沙際立抽詞蘭取調相同  
菜花減莫頻惆悵老眼看儂霧裏紅

初晴日芝筠過水堂

此政曬蘭葉汝來閒共評浮吹天末霧耦話郭西耕詩  
味雪谿水游心少室行相持病船子小住聽餅笙

病中寄訊香谷代書

春蘆透筍一湖綠噴雪浪花吹到籬布兜著肩黃面子  
挂了後窗閒坐時

寶詩四 積雨編

雨後詩

山門口蕩未成穀數里外松先作濤病起儘辜新雨色  
衝風難與撥輕舸

午晴 時讀王荆公遺事

蒼鷹翅摩霄志取在塵土誦書金石聲竭力叛鄒魯畫  
眉悅初晴宛轉呼樵父呼之何為爾巖花開日午

竹浪詩念鴻不返也

兼樵直隴歸自言悟竹浪尋名領空際乍得意所向風  
鋪綠參差聲至各清放路轉激寒鳴渺渺江在望因之  
念秋鴻遊蹤煙水上

四月十七夜焙茶

亦略近煙火終於山水親清夜盡浮質寒峰生遠神晚  
知書畫益心向此中凜氣候分深淺孤懷誰共陳

寄香谷在於鴻雪

寄聲賣菜船問汝碧蘆天身住惠崇畫貧居神鼎先山  
水癖類我高譚清尚然錦谿三十卷寫就放人傳

六月初晚熱有作

溼雲閣雨一堆頑逼射斜陽少樹環耐掩水扉三十度  
隔谿秋夢喚看山

清曉草木香陋近學也

清曉草木香谿窗動書葉古人不能言清風聲獵獵黃  
河跋扈行漢後幾迴摺誰能導安流九土功難貼江村

寶詩四

積雨編

四

困枯棹永夜勞歌法浩浩引憂長高言廢陳篋

桐

含霜吐雪韻蕭疏洗出新青宿雨餘落影四窗全慰我  
當頭明月最關渠祇言小坐題詩益不負先年帶雨鋤  
安得化身千億本濃陰冷盡水邊廬

詠核桃

風吹皺浪玉崢嶸五岳真形就裏擎腸日九迴愁結聚  
心經百折路縱橫髓疑王烈餐來石地記張騫得處名  
乍澀齒牙休擲棄從來皮相失丹誠

雲谿

柳動拂煙條風揚暑新退雲影與漁謳共落晴潭內

寄王公範

松底陶弘景瓜圃步子山古人還未墜清事喜相關密  
綠市聲隔空青鳥跡閒能來釣潭否雙炤共秋顏

祖弓至補船渡水不得立沙際久之

隔水看同沙鳥停斷橋秋霽樹冥冥呼將漁艇風初急  
影落蘋絲衲半青

小雪第四日寄金孝章

燭下方瞳綠猶鈔夾注書松窗興還爾藥杵定隨疏得  
報江楓赤憂羸掩戶如白頭悲兩地難共看山與

挑薺

清作碎冰聲北風吹岸草草中薺葉蟠綠若秋水藻含  
膏味深匿鬱秀貞自保所惜眾卉凋不共歲寒老誰能  
領其真警彼性靈天

冬夜

歲殘作惡舊情悰病感衰涼又一重淡墨昏昏煙入夜  
枯絲索索柳垂冬村綠船補偏宜水霜為菴名一倍濃  
我就西峰此誰賞蕭寒閒殺好谿容

秋岸兼樹歸自西荒

文章造微一合一離山情水性可喻而知我去西荒四  
換柳絲如嗜茶人輟飲長思分甘易合茹苦則歧荒何  
可愛窮寧共持彼二子者殆違于時

湖上秋遂來漏霜夜話

湖上秋遂來漏霜夜話

湖上秋遂來漏霜夜話

湖上秋遂來漏霜夜話

枯樹婆娑乍飛動相遭歲寒潯水西忍來一載言尤旨  
坐盡孤燈氣未低句到鏡歌愁讀破詩輕小序抹前題  
感懷不獨詞場墜祇說詞場意已悽

題研農畫扇二律因馳遠懷

好詩關鍵透入畫面面空濛筆筆涼紅淺微陽谿候變  
青深老葉嶺陰長游程得句秋心古茗會留僧野語香  
草蕩舊期經歲改屏圍人又在西荒

詩成不與公卿見清致當年愛石屏戴石屏題徐京伯  
通判北征詩卷不  
與公卿見徒幾個稻畦袍者在庶幾敲鉢句同醒廿年

離影樓中望一簇秋聲扇裏聽南雅思君作模楷要看

東晉舊黃庭清上門人有南雅  
之刻附求吟卷

寶詩四 積雨編

六

病中得人穀悟雪齋詩感詠迴環簡羽南居士  
病逢故人得上藥老追昔游眞隔生高文閱世聲猶定  
大雅傳家調未更阡陌忘來山格遠歲寒悟後雪香清  
重尋不惜蹋漁路柏子一鑪煙篆橫

霜樵從洞庭來

亂水輕裝正及晨一湖霜色驗清真身當殘病看逾冷  
句到隔年提更新稍廣異聞思晉帖笑經迷路合漁津  
敘來行路難深苦樂府懸知筆有神

趙拜石結茗谿游想病後復寄

心馳草蕩通遠夢圖挂長蘅空臥游山水書畫情一種  
收藏鑒賞難並優折肱成醫我安信藥杵經秋疾未休

側聞天隨肯放艇枯葦寒蘋煙彩浮

清絕茗谿艇又移西湖一角遠天垂巖腰去試登山脚  
麋眼重編灌藥籬招隱風吹飛葉信卜鄰話擬翦鐙期  
簇新縹緲冬遊記定異前頭草蕩時

題畫

蒼然古風氣老樹秋崖得夕陽宛轉情與他好顏色

書黃葉老人少時事

金明池頭初負笈梅花一株破窗入橫斜數尺掠書籤  
坐不翦除如熟習後來一寸黃葉集依舊冷香清獨立

深夜看天眉作題畫詩

吟路躡天半如支入嶺藤鐙光靈句采霜氣峭衣稜涼

寶詩四 積雨編

七

遠果深味浮華定不應從知老船子篙足慣敲冰

茶花

寒煙結古香不肯離崖石誰能受塵土搖蕩東風陌東  
風吹桃李不及巖頭茶巖茶避眾芳歲寒矜素花花亦  
不同妍香亦惟孤許同妍自成谿孤許誰赴汝

憶昔

憶昔西荒始落帆風力健盤雲敲寺門枯草霜一寸輾  
轆下佛火茗汁夜中勸堂空受嶺色寒綠發高論人影  
淡三更翦鐙花自噴

冬村野雀謠

野雀不知讀官歷暖日晴雲春至的櫻桃卸葉枝玲瓏

相喚枝頭啄花喫爲我謂雀方今歲寒明朝凍樹蹋不得  
頃刻晴光好把看

夜及半聞寮中揭書葉聲

青松與黃土未葬古人心新意陳編得孤光夜刻深味  
同烹曉汲路似訪高岑遠嗜不能已自忘霜力侵

因門人有南雅之刻簡篋中新舊詩卷

詩人自昔稱餘事南雅從今定古聲口碑歲晚徵文行  
吟軸鐙前半死生雁影寒潭思萬里竹梢晴雪灑三更  
遠心如許寒知許不放鍾磬浪品評

細雨中兼樵往石屏取藥器

未憎沾袖雨要沐過船山寒綠貌非昔輕煙飛甚閒去

寶詩四 積雨編 八

與谿光別看隨藥竈還幾家舊樵社離合尙相關

墨盡

漆無一點益詩眼惜著如金思畫評浪得谿山扶杖手  
沒銷磨處只閒行

憶先師每深秋過澗上輒命竹輿曉至堯封促

潛同行從靈巖後山路折入先師棄潛兄弟此  
事長絕甲寅冬至前一日泣而筆記他日寄昭  
法讀之其愴然也

後山秋訪路紅樹兩輿行入戶舊峰對坐深寒靄生逸

專此堪畫孤懷聽世評人間徐孺子隔地一吞聲

專花 端午前一日初子采專  
銷夏灣口得專花歸

所向在清柔離塵自高韞減樣碧笑渠涼房斂尤謹沈  
冥煙波中亦足名香隱寄言譜花人豔卉何凡近

蒲扇

能使山堂夜江湖風浩然分將持釣手重引浪游綠色  
隱前秋綠涼搖別浦煙何須玉柄塵坐握冷高賢

與諸子雨坐

未必暑全退眼憑藤架秋透磚驚逸筍下幙倦空鉤富  
各說山水貧惟缺一舟勸游新雨點飛綠小軒頭

齋後出坡獨行殿角

渡湖雲緩去未去蒸花日薄閒復聞人聲淨盡雙鳥語  
一尺東檐豆綠山

寶詩四 積雨編 九

寄壽鄭桐菴八十

廢詩頂切壽詩禁破例桐菴寫壽詩三十年深窺得易  
一千仞峭樹無枝耐煩眼明足磊落如此谿山要護持  
澗上前月寄聲我破除畫癖遵其師

葡萄架

打眼溫家一幅圖水雲潑著墨模糊相期明月含珠子  
亦有新涼到老夫闌葉鉤成顛草法濃陰錯把綠天呼  
青藤不要愁孤調潦倒題詩點畫麤

爲青迴作野表堂詩

古人去不遠天地留其野夕陽山外山亦昔能言者風  
吹縹緲峰峰樹綠瀟灑頗思開野堂遙心幾迴寫誰能

立其表老葉看秋楮

出坡

樵作水聲裏高林冷曉坡蓋頭雲共路灑袖葉無多提  
著古人話一迴崖石磨誰家定僧史荒外取新科

樵得芝草

若使終藏得從教百尺長浮名浪成瑞古路不辭荒一  
吐樓臺氣安身怪石旁西山足遺跡四皓舊篇章

僧從山足來復得一小芝

亦壯草堂色欣看子母芝文章幸無異風雨共寧辭異  
紫待才老爭奇此一時晒他真誥裏只作躡雲思

得靈巖僧兄書

寶詩四 積雨編

十

參差湖中峰鬱鬱綠相連相連亦相望不忍長棄捐孤  
峰煙以南孤峰煙以西兄弟同一根各峙雲濤間此夏  
五端九天上聲鏘然孤心託平昔紙短意那傳况復恥  
雷同懷匿不敢前

北宋惜古逝法書幸猶傳先師起其衰躑躅思後賢我  
欲竟此語鯁塞不可宣知不惜語少不知墮秋煙安得  
一執手泣對滄浪天兄能知我者我亦心相懸

吹燈讀兄書鏡暗墨彩鮮各承山水心銷此華髮年書  
中道西荒荒遠任絕緣便從靈巖始荒荒安足愆捧書  
讀三歎兄能知我然

翦落日嶺至松篁陽夾路草爲閨月課

輕雨濯樵徑永日秋心生餘雲作山影蓋我松中行仰  
嶠遺事佳刈茅人浪評西荒領諸子古韻欲一磨何必  
落子聲石路如紋枰懷高絕勝負灑耳幽鳥鳴樵客所  
不避小立村語清村語荒故好村煙夕尤明

風雨中立寺門

嶺頭落日連朝斷鳴裏松篁儘意吟籠煙樹惜留枝果  
冒雨巢悲哺子心

資慶寺

泉聲與木葉併作寺橋寒銷夏到門得前灣更路盤濃  
陰可留坐破殿黯相看乍似峽中日傾崖一角丹

拾松子

寶詩四 積雨編

十一

百尺歲寒心蒼然在其子不惜墮塵土嶄嶄經石齒伊  
作仙人名胡爲蓬蒿裏伊是仙人飯行蟻安可擬

面面峰

縹緲若花蒂層高始此峰一規攢瓣綠數匝亂煙重山  
水轉愈妙游心秋倍濃芒鞋任南北葉路那尋蹤

松篁陽

信是歲寒侶同心不棄捐雲留乍生白風激亦成連僻  
稱清音度春歸眾木妍何曾但岑寂涼雨鬧飛泉

枯樹根

千年之上古風雲飄忽酷裂無一存欲知其狀問枯根  
石如蟠龍蒼根走其中白日西下嶺月如水下視百世

如層谷底後不見我髮脫無已

題壁

垣石裂春冰西照射不消短草如老髮羨彼青綠饒古人不慟哭百世近可招寂若無後鑒焉令神氣超

讀長江集題皇甫荀藍田廳句云竹籠拾山果

瓦瓶擔石泉

落日遠青來相去三百里餘雨作湖煙煙村蕩秋水遠青與近青離合不相似煙水合村光詩心幻如此詩人與廉吏一淡同其旨孤往得清宗所遇咸足喜

四皓祠

煙水卽遺貌荒祠高樹根支門憑石鼎典譜有樵孫合

寶詩四

積雨編

十三

坐未孤立野心隨共論寧須繁俎豆柏葉古香存

喚得石公起應成五老人此中來避漢商洛向逃秦角里偏饒跡梨花作素春其餘三隱宅喬木豈終淪

落日嶺

往往祇叫絕作詩都未能此回遇其淡尤喜峰如澄到眼別州綠凌崖隔鳴僧秋新眺宜遠約上最高層

采秋茶

秋心吹亦遠綠樹圍不住所悅雲泉涼同味得新慕衣仍春焙香鞋已飛葉路崖荒日多永草木自爲度

浮家好

寄箬廬

浮家好西塞山頭江月小道士泐前花浪青苔谿縹冷

苔花繞在此在彼綠蓑衣蓋船頭得山便了賴滔滔大江之水將讀書眼目洗教清世間志書上一行兩行分

科夾註此生不復到刺頭索其分曉當年江上漁郎隨我侍埽葉老翁湘船桅下祖孫父子拍手高歌此樂人間更不過西荒人老短髮白其五六一船何處渺渺秋

鴻相視無言聽曉鐘經心尙有張墩如此風波不可行此中七十二大青大綠一高一下未必勸西荒截流而去老不强自作主聽青山語當年好凌駕漢鏡歌作古

樂府荒荒老不復能爲製得船歌不今不古伎奈何只爾寫村洞庭樵子爲余馳寄箬廬中人笑讀柴門裏

曉起見藤葉蓋地

涼鳥唱朝煙亦作春林鳴蕭條墜秋綠一一金石聲志士扣中懷歷變節益明西偏嶺口缺東偏崖勢紫斜月白在地墜綠相與清同途信所樂異亦足相成

寶詩四

積雨編

十三

蒼舒居士來落日嶺寫余病影作短歌更索書

漁舟圖

秋心遠放華亭水少個漁舟載船子蒼舒詩畫志和才楓葉蘆花涼滿紙筆牀廢置閒更閒松子一籃茶竈間

煩君擷掇篷窗口袖手衝雲看曉山

九月廿四日與鴻子坐西嶺平沙作絕句一日

黃葉之詩

斜陽黃葉互深淺沙脚坡陀倚坐低石上且看雙影在

黃葉之詩

斜陽黃葉互深淺沙脚坡陀倚坐低石上且看雙影在

老來孤字最難提

出西湖履積雪至落日嶺作詩別之

遠嶂如睇人孤煙不能合別非道里長思其寒波匪望  
望龍攪松耿介立窮臘無情亦傷離誰言嶺無答

東嶂

東嶂緩初日躍出試朝采殘雪漏濃青山容乍微改窄  
屋傲漁舟亦足蕩煙靄蹤知幾日留待此梅花蓄

絕句

一匝屋頭山翠涇兩廊埽地葉聲乾豕間樹下風規在  
華表空思鶴語寒

栗葉謠

寶詩四 積雨編

栗葉無文章疏挂猶八九風霜見相摧相視思相守

鴻讓侍樵堂

舊影寒燈下行書又解囊閒提十年事憑藉五更長灑  
雨倒如葉危崖復小牆茫茫花裏春至一扶將

糊窗

幅幅凝霜炤格裁樵堂飛不到塵埃白雲莫訝苦相拒  
清曉看山我自開

鴻述昆陵有孤峰龕頂者

裁受蒲團屋一間單丁敲火四圍山松身冷峭天風肅  
吹得銜花鳥倒還

名西軒曰半篷

四窗翠暗半篷霜六幅青蒲不遺揚玄眞簪笠天隨竈  
更載蒙茸蠹紙箱

從今不用繪華亭收拾絲竿靠紙屏只似停橈夾山漾  
玲瓏山鳥一叢青

凍雲靄乃似漁家卻怪樵裝出澗沙澤國魚龍寒寂寞  
一林頭角露槎枒

寒江釣隱雪消時繫在蕭梢栗樹枝手補蓑衣待春雨  
石鑪松火饌蓴絲

冷金瑣碎漾書籤東嶺浮來月一簾山鳥報更林影墮  
滿牆藻荇又新添

半篷新唱没人賡煙水從將鷗鷺盟還到鴛湖訪巢叟  
乞他匏種製樵筌

語嚴方洲

綠隱易成陰人間尙斜日高談且安坐畫品論未畢雲  
間那可輕古路清不失畫格以言書南宗定無匹山水

似論交以淡爲其質書畫如山水遠心無近筆

樵止除夕

過望三間屋餘年退院僧耐敲寒石火受理凍花藤山  
喜名非噪東石湖一聚峰巒未得勝概名故靜游忘具不勝樵堂春病減

扶入亂雲層  
曉挈鴻讓湖上行名其澗曰菖蒲石流丙辰元日

石氣潔寒暉雲根壽青骨得竹之高操九節老突兀香

得松之冷空明泉洗發天地間真氣結集那可沒行行  
繞霜澗清語動毛髮石流與佳名配立梅花碣清羸五  
十年尋藥行勃窣樵緣富仙餌寧獨山水窟詎余世棄  
捐造物未見忽昌陽聞辟邪醒目功並勒小立思其故  
契理安用咄邪穢若呆思苦障不可揭俗遣眼清空登  
峰觀溟渤同功自雙詣樵雅添新核近思作一書曰樵雅

乞藥

平原帖裏說干煩淡悶重將乞字翻祗有名山容我病  
又緣草木扣人門穿雲尙少沿谿積洗藥還思挂樹蟻  
除了菖蒲出東澗按方都在亂花村

乍暄

寶詩四

積雨編

十六

東風敗雪意梅開出非料夾以臘前花花氣雜而妙連  
朝集樵社一置峰頭嘯減衣沙路輕林光轉青峭

半蓬雪

只少蓑衣蓋居然釣影灘江湖連遠勢花事讓先殘豔  
在十分淡高分各樣寒懸知西白澗後日響飛瀾

種火

眾嶺蓋一綠雜樹無分暉寒雲裏山骨石火敲不飛青  
松冷無燄何以緩朝饑有待故為煩種火良足依飛揚  
抑其性覆之霜雪灰孤光永山夜非以耀須臾

簾水

簾水抑揚吟屋角縹煙跌蕩過梅花書堆抽得山家歷

又說清明焙早茶

寒

雪白鑪灰粒火圓襪襪破衲試晴天東風的是無情思  
過盡春寒撲柳絲吳語以久雨得晴為試晴

黃栗留

黃栗留李花如雪桃花稠桃花紅雪白雪栗樹留黃  
搖槁葉黃栗留鳴宛轉我歌不為鳥名歌君自清歌幾  
舒卷黃栗留宛轉歌寄言千載讀書者讀書不在多休  
執名言徒自訛

蝸牛耕

石牆磊塊蝸牛行且耕蝸牛慎弗耕使石牆為田不如

寶詩四

積雨編

十七

苔花狎獵垂青髻汝不見西家催租吏穴牆東家無田  
夜飼羊

梅花時傷耿巷

曾分寫書墨為染暗香圖那得喚教起春崖補數株病  
前吟骨瘦城角草堂孤恨我不諳畫畫來應未殊

同青迴羽石澗洗菜歸樵堂卽事羽昨日冒雨

至自江上

搜奇石譜拈松化侵早茶筐摘雨前還寫到門新結束  
蓋頭荷葉帶風偏

洗澗

舊傳洗泉法水果能洗水文石養清沙澄寒有深理遂



野欲洗澗荒言余所旨慎弗問世人人聞洗其耳菖蒲  
翦故叢石級排新齒廢書無十日功成壯樵史與汝共  
勉之況有寒谿子

遂野杉寄欲識小虎正

名亦分吳郡能無絃管愁出藍三白冷具體一磐秋樹  
欠圍行路軒宜像小舟相期終祕卻得免品題休東石  
澗有

橘香同兄至樵堂

不須重把燭識面眼明時合隱論交切彈詩罷茗遲心  
隨五湖曠雲共一山奇得此終鄰並梅花忍負之昔天  
界浪

寶詩四

積雨編

六

松花

不惜作雲煙從風一飄灑最好晴月中微黃在疏瓦

半篷病中

病恨漁船製未成半篷風味又新更破除燈火耽書習  
憶著江湖聽雨聲日記空行填甲乙澗泉隔樹村虛盈  
休提老後尋山興小虎正前久不行

秋遂至樵堂作詩漫和之

筆取溫柔想取寬江行緩出怒濤灘推篷乍喜齋如舫  
得路應嗟谷是盤紙葉飛聲忘著病燈花報雨不勝寒  
句圖待汝團樵譜要就雙崖綠未闌

小茴香

似懸一幅墨暮雨亦落半崖清水簾取隔名花更奇絕  
異香寒翠巧莊嚴

枇杷樹

白雪耀孤豔眾花寒未醒吹香幸能永短晷若爲停絕  
壁射餘翠甘蕉媿舊青祗愁濃葉影夜蓋一潭星

敗絮

壞衲貧船子飄零鬪急湍蘋花搖篋屋雲朵眼絲竿片  
段各生色相連亦護寒江湖煙浪濶荆棘避非難

杜鵑花

豔質層層脫春衣葉葉風名沿嗚鳥得情與斷蟻通怨  
承蜀天夢花分桃雨紅何當悟開落滅恨曉煙中

寶詩四

積雨編

十九

種菜和黃葉村莊韻

郭橐駝書術未尊賣花人似把空捫還將朴野王磐譜  
細刻平泉舊石根

圃學圍棋局道斜中央四角遞萌芽休疑漢武蟠桃核  
試看崑崙別樣瓜

秋花五詠和韻

雲朵瓏瓏合闌裝一聲憑賴喚朝陽銘心絕品秋山下  
珍重花圖說趙昌雞冠花

斷雲嶺半送寒鴉孤嘯鷺音出齒牙阮生去後孫登杳  
清氣長留作洛花鳳仙花

天寶淒涼說未休舊人憔悴蜀江頭荒煙一片簾前錦

籬落還封夢國侯 錦纏頭

脫帽張頭草未狂軒軒華髮五陵場江濤意氣秋筵話

帆葉乘風下馬當 老少年

曲終人在翠煙中雲母屏風隔畫櫳怕遣閒愁逐飛絮

盡情遮卻斷腸紅 夾竹桃

殘雪

打合江雲淡遠岑鱗鱗漁屋曉光侵飄零天地歲華晚

頓挫谿山惜別心難得幽琴傳素質感他白日是知音

寒香嚼愛枝頭片不和梅花味已深

天國字枸杞

聽唱昇天謠乍歇雲中吠聲仙館鄰泥蟠青城喜絕俗

寶詩四 積雨編

奴隸華山非辱身黃菊連翩金石友丹砂瑣碎蓬萊春

天隨宅荒不足歎一握頻看海外珍

蘿蘆

淡薄天資喜未凋書堂衣鉢素心饒俄驚切玉刀非異

都恐峨嵋雪不消結角羅成文爛爛清風吹老骨蕭蕭

相期判斷經霜味未許歌筵取次撩

雜詩

秋風試新頰吹雲作車蓋良苗仰其首乍與清陰會勞

人百年中歲月安可賴一照憔悴顏漱立澄谿外

見張考夫舊鈔農書

幸脫文字習別傳田叟書山秋靜隴首雲物涼以舒翫

翠結魚鱗風吹度高榆艾盤話晴雨互來谿上廬柴門

書月令不襲周秦餘我友古淡質未覺昔賢殊數行讀

批後聲情如與俱

幻人銅印歌 霜樵山行拾古銅印

千年銅花碧天色一寸形骸銷不得幻人出幻幻文章

幻作披身稻畦式神工智短窮雕鏤枉將幻字安心頭

不如空著頭陀腹放眼江湖萬古流

檀香百合歌

梅檀林空夢天古彈丸泥小香無主子山頭白樹婆娑

地上槎枒老焉取千搖萬落秋茫茫鬱結古香沈玉髓

松根入地浪百尺淺土幽心自風矩收起紅牙住金縷

聽歌百合移箏柱隔谷羞慚隴頭苦香豔輪囷好腸肚

不信人間謗有書莽道前身咽塵土

白頭翁鳥詞

我心如雪君不知滿頭花雪君知之雪滿頭銅盤淚滴

白榆秋心如雪思之只有千年竹冊天長地久無傾絕

生無苦最苦相知少珊瑚摧頽雲絮老

看稻柝 夜不能寢聞田間柝聲作看稻柝

秋島乖龍鞭不發悲七月良苗沐雨青如髮今年活今

年活不似上年八月禾頭沒今年憂早上年雨吳剛何

心斫香斧何不斫盡世間大山小山磊塊諸不平蚤遣

乾坤坦如土人生有情苗有肚紛紛哀樂元無主謝神

筆染墨蓮房作飛帛此法元同顛旭格酒濡其髮髮書  
壁桐正老子倒用印寫出枯荷聲索索日觀蒲萄能合  
璧千年快洗丹青癖

蠶豆花謠

行詞見蠶豆花開作  
謠時十一月十三日也

枯桑脫葉乾槎枒禁蠶天隔三山霞舞風柳絮望不到  
灑落滿村蠶豆花南園蝴蝶無消息冷翅煙鬚疑不得  
誰補田園冬日題采桑風味殘春色君不見鄰家海棠  
壓牆紅未闌草木于今不耐寒

村居

雁過村梢夜館空棟磯西畔篠林東榜聲續續頽牆表  
人語濛濛遠霧中敲落燈花閒擊節吹來譙鼓靜迴風

寶詩四

積雨編

三五

出情冷味全身荷記是堯封石澗同

霜鞋不信板橋通只坐茶聲輕轆中薛地染教天水碧  
雪花點破雁來紅病須藥品還沈種老廢詩郵不製筒  
提起青山編吳越卻如凍草夕陽烘

長慶上巖法姪過訪

華山翦燭幾黃葉溥渚推篷我自頭補處水雲從硯石  
祖翁田地舊揚州長慶舊籍疏一箸貧難匿竹簡千年  
業要留小待梅花傾底裏雪裝敲凍釣船投

貽潘喜曾

各生西漢後觸眼非舊章相逢哀古昔把卷怨秦皇秦  
皇那足怨七國圖書散不見出震輪華山殘一半所以

學多歧決在英雄資三千年砥柱厭厭安以爲

風苦塵路黃吹昏洞庭影板橋袖書人不憚冰谿冷冰  
谿漁屋稠語短情未休安得盡高論吐氣青山樓葉打  
寒塘急茗在鑪中泣古人骨似霜歲寒誰獨立文章須  
有神鍾情須後人無情恨俗學章句集風塵

輔嗣談魯論析字解老彭老爲藏室史此義不可輕軒  
轅大神聖孔老道和鳴異端斥二氏俗學論非平天壤  
有遷史茫茫讀未明謬謂尊黃老凡例欲紛更  
得靈巖僧兄書有感

卜居屢問知漂泊送藥煩煩冀永年片瓦無來行已老  
千峰夢去苦思船室中夜半當時共歲晚天寒心事連

寶詩四

積雨編

三五

安得掀篷石湖尾從頭傾與老兄前

夜間雨丁巳冬至  
前一日

飛絲斜整那辨得燈暈明滅將催吟誤人瑟瑟夜深語  
灑紙寥寥不住心階上落葉色難潤夢中江山氣未沈  
畫家南宗取摩詰閣筆三更寒雨音

歲寒翼巷兄過水堂夜話其明日雞一鳴對飯

下瓶子去

殘雪在瓦歷落白冷照交煙幾幾黃五年無多顏髮變  
百世極短心事長掛闌離起西荒臥著書待看雙澗香  
茶寒墨淡影搖壁箸筴舍胡吟送章

戊午元日得句

蒙茸壞衲枯柴鉢隨例經行爆竹天未謝花銜垂曉燭  
新糊窗祕煖身煙

棟花

廿四番風底自韜過時獨立類名逃道衣黯黯飄揚好  
古錦昏昏色樣高  
淺紫濃青未寂寥村村花柳夢春遙禁蠶天氣游蹤少  
燕子銜茸過板橋

前題自和

似枯似榮矜華木乍暗乍明發聽天欲知春風未後句  
不定沈姿著雨妍

碎擣瑪瑙散花手錯認丁香隔水間相當慘紫夕陽影

寶詩四

只有屋角洞庭山

田園雜興用喜曾韻 二首

望雨占晴準信潮射堂聲雜社歌嘈看飛雲朵低含溼  
似畫梅梢墨半焦花譜題窗行縝密農書教子句清寥  
采茶時過分秧近蛙鼓還將永晝銷

湖頭龍挂響春潮野館齊東語共嘈遜國瑣言提燕子  
汴梁花識憶芭蕉一蓑西塞漁家並九點齊州夢史寥  
料簡粘書舊蠶箔成仙脈望影曾銷

始游菁山常照寺看秋遂坐昭回閣有感詩用

其韻

擺落煙雲匹素開曉山高下一萼苔昭回欲拭冬青淚

飛白誰拈聖帚煤綠樹催教春色盡枯筇扶著病僧來  
如錐共指峰頭影更話當年拔地雷

餘素許移諸藥

飛雲不依人託與草木語風條吐清氣孤鳴若相許折  
爲藥一籬雁字摹秋序垂花瑣亦珍結實清中咀點書  
倚決明芎苗驅鬱暑盈間小牡丹文囊蹙吳紵灌園樂  
有助移藥通前渚明朝雨色微肩鋤門候汝

分龍日雨

煙裏谿楊暗幾重怕雷舊諺聽村農吳江記得中秋泊  
細雨鐙光溼紙龍憶十年前  
雨中事

月黑

寶詩四

月黑只聞新浪生蜻蜓打窗落葉聲漁乘殘雨放歌遠

鼠狎微鐙作氣行

補船村所見

船似半間竹屋平橋逗樹青疎載箇小船兀兀往賣前  
邨老漁

寶雲詩集卷四

寶雲詩集卷五目錄

夕香編

戊午六月尾理船子舊緣遂東行數日後留宿  
霜樵夕香 詠秋葵葉 急雨在雲口小軒得  
句云雨來橫引蓑衣蓋因名其軒曰蓑衣蓋  
老茶 畚樵 青迴裏江鴻骨來入堯封靈壽  
塢 椒菴兄住古堯峰椒兄為吳匏菴先生後  
人 寒日青迴至蓑衣蓋出江上周研農詩細  
楷自署時年七十有九漏霜與相去二十年隔  
二百里山水慨然燭下復展研農投贈扇頭之  
作因和其韻 兜率四詠 蓑衣蓋雜詩 橘

寶詩五夕香編目

皮湯 與吳既閒別十二年寒食後在補船村  
得竟陵信慨然 谿上與秋遂話 紙藥 治  
平寺異巧 昭昭法會昭法生日昭法以為相  
見一奇 募船 佛手柑 聞靈壁樵有十二  
月讀書樂詩寄短歌 見玉禾近詩 草有名  
萬年青者歎之 草決明 雞冠花 春雪時  
在紫石同超霜樵曉出嶺口振樹雪飛景絕奇  
也八月寓水村追陳其事 雨後靈壁樵來得  
準生和短歌復用韻 農山過水堂出和靈壁  
樵詩復用其韻 用韻寄喜會論詩 詠綫香  
示心受讀書堂 紅蓼 蘭草 前題自和

染香詞 喜會靈珏書田玉禾懷西過雁影

各出新詠久不見懷西懷西和詩有香骨二句  
歎述儀部先生諫草感懷作長歌寄靈壁樵  
舊年秋遂為營隱青山遇病不果行近復約游  
金蓋會余觸殘暑入吳山秋遂來船村相失惘  
然 還農山文稿野言重奇 谿口月 得秋  
遂山信寄小雪前一夕宿金蓋山一律同其韻  
埽地圖 霜曉從昭回閣周行院中 隨筆  
話吳中隨先師秋游天池山事 密雪中 歲  
寒寄秋遂 庚申正月從青山艇子抵蘇臺在

寶詩五夕香編目

夕香五日後同超霜樵出至小赤壁 方泉  
道堂粥 將返紫石寄秋遂語以近事 聞帷  
孺集朝元閣詩 石柗堂詩 菜乾 和華山  
確兄斷關詩三十韻 題紀大韶插田圖 水  
村寄靈壁樵兼示旨徑收旨勝舫 朱藤花詞  
染衣 華藏卑兄和尚七十時新受會稽能  
仁請 天台滌菴法姪初夏來蘇臺樹下述在  
鱸峰所見 題石湖泛宅緣起後 五月九日  
將舟居能仁卑兄過話別後愴然賦寄更約卑  
兄篷底煮茗一破涕耳 往來石湖十日未理  
吟事 硯石村口待確菴兄竹輿 歇東虹橋

與雪菴狀兒水窗簡舊畫冊 寶雲石縫茶

松鍼 作書寄湖上秋遂及得靈珏未報知秋

遂已逝二十日矣 陽山大慈補兄集靈山一

會垂成短歌志喜 惜槐 聞橘香同兄和尚

將過上方寒香堂見存 資慶寺 玉磬引爲

王處士作 心期泛宅重返西山歲寒至舊所

寓池上 立春明日貞遐冒雨晚至 壬戌元

日曉至觀水坪已展石門詩有追和帛道猷一

首因用其韻 將遊石公兩留萬涵樓 同江

上青迴諸子看花石公歸重至天王寺宿 新

安嶺尾 蓮花嶺 聞立來西山錄其師寒齋

寶詩五 夕香編 三

詩成返江上臨行出紙乞書 舊臘定名東湖

左嶺泉曰平遠泓也 題谿亭小幅 寄序香

兄序兄政六十 詠灰 茗語有兩留石柎堂

詩用其韻 三月從紫石過上沙澗上人家時

超霜樵就醫隨行 四月山堂雨中 晚晴

同字姪亦杉至飲馬池 絲泉 繡衣衲子歌

爲青嶼居士壽 橄欖核 超霜樵有人影五

言用其韻 破屏風 癸亥元日有感 將有

陽山行 華山確兄將至蓑衣蓋待之 樵堂

漫興

寶雲詩集卷五

夕香編

戊午六月尾理船子舊緣遂東行數日後留宿

霜樵夕香

歸老舊吳初意爾夕香草色況秋澄松投遠韻窗西角

山獻微青外一層未改家風船像屋相當鄰舍橐如僧

竹籬縛要遮殘暑憑仗樵童對結繩

紫石山名佳足戀莫將爲硯只爲牆從除尺牘身容散

放入漁樵心自涼花取雞冠曉不得草珍鳳尾暗中藏

濤聲切屋疏松裏誰道江湖老便忘

詠秋葵葉

寶詩五 夕香編

分煙擘霧綠槎牙點綴吟秋野老家疑是千年華表上

令威疏爪漬苔花

急雨在雲口小軒得句云雨來橫引蓑衣蓋因

名其軒曰蓑衣蓋

雨來橫引蓑衣蓋居陸居舟壹任猜莫問老翁魚賣否

投竿兀坐數年來

老茶

老茶葉苦硬嚼如味沙石不中人采錄榛荆與深匿老

人無倩韻老茶無秀色少年嫌老茶還合老人得得之

充夜煎涼雨鳴未息創體老茶詩清嗜聊爲式

畚樵

畚記其名雲口鄰樵來以行者自命近老而耳環

樵家愛兒癖穿耳帶環偏吳中不盡爾山灣風獨然畚  
樵問古字埽花泥佛前自擬伽藍民髻學荒古年喚之  
了不應偷鐙馘一編

青迴裏江鴻骨來入堯封靈壽埕

壞衲一囊骨獨行殘日黃當時團坐聽堯嶺半松岡乍  
見詎容默吞聲自不揚丁寧續鐙炷管得老懷傷

椒菴兄住古堯峰椒兄爲吳匏菴先生後人

延陵舊譜何須續都向堯峰託遠蹤峰頂舊有匏菴先生像及遺墨卷子  
在康樂有孫華法社平原遺墨祕孤峰還將最勝沾霜  
帚苦撼湘雲醒夜鐘等我五湖船子就試聽漁唱一攜  
筇

寶詩五 夕香編

寒日青迴至蓑衣蓋出江上周研農詩細楷自

署時年七十有九漏霜與相去二十年隔二百

里山水慨然燭下復展硯農投贈扇頭之作因

和其韻

擬看澄江墜葉天敲門竹裏學前賢船窗各面濤花紫  
釣綫同垂笠影圓野話都拈詩本事蒼崖偏作畫因緣  
浦城相倚宗風在無論雄文祇大年  
充庭草木侍無人泊宅蘇臺緩問津法句喜看心似水  
讀書幾個眼無塵秋山隔面千迴妬短幅馳聲一倍親  
恰好天台信同至新詩霞起赤城春

兜率四詠 江上

秋山絕世姿寂寞依鐘磬一稜瀟湘煙涼綠標新證女  
墩

夜靜一潭星飛光亂苔點愛此青陂陀小立歌聲閃  
橋

難拈雜樹名但記水清淺雲山潑墨中繞屋谿聲轉  
隄

吟苦冬青詩夢蹋西臺雪青雪耀青林空青人鳥絕  
冬

蓑衣蓋雜詩

閒殺萬年冰臺山清夢斷雪灑水扉開束素松鍼短  
祖  
昔隱萬  
年冰也

寶詩五 夕香編

我思巢居子讀書長夜醒安得雁聲中看雲對匏鼎  
懷  
明老

西風夜躑躅吹得嶺月枯月枯松影瘦鬪湊歲寒圖  
寓  
石累月未能  
詣澗上人家

軒中合三影殘卷青松我鳥鳴樵市歸一粒寒鑪火  
影  
松  
軒獨  
坐

蹋損無路山一步一步惜相次樵聲來應知過橋迹  
曉  
澗橋看對

巖雪樹  
炙背卷乍拋寒日色黃淡老眼花自生枯木那須  
屋  
轉殘  
冊子

我有船子伴生長共蘋洲鐵蓮花萬尺惜字滿船頭  
茗

石樹兄近寄文  
宇舍利塔樣

兀坐紙窗中竹影代說法此二上人者未許諸方插中  
坐

殘書亂籤疊故人夢中失尋著殘書看故人呼不出  
補

山堂主人明日亂  
紙中得舊所寄詩

行行上山頂山頂揀諸山又移名自定跨澗屋三間  
將

茅別嶺名其  
屋日又移

### 橘皮湯

微苦悟深嗜歲寒應共嘗囊藏喜中脫皮相亦無雙同  
調茶經候留身剝後香楚詞停注筆把盞一天霜

與吳既閒別十二年寒食後在補船村得竟陵

寶詩五夕香編

四

### 信慨然

孤雲未改散隨散野渡方營船子船春風吹我竟陵夢  
飛墮故人山水邊好山上心安足道故人不見令人老  
論詩當日搜南宋入道同心續僧寶揚大年張子韶濟  
水英雄未寂寥宗門文獻要商略心期一鼓秋江撓鼓  
撓先泊廬山腳老得廬山碑字摸一補山緣一見君樂  
府重題竟陵樂

### 谿上與秋遂話

最是青山習未消尚餘知我郭西樵柳絲打水花鳧散  
入眼還思沈店橋

### 紙藥

閒居廣見聞亦遺紆鬱舒紀子述紙藥得之游覽餘常  
山紙工手擘竹絲縷如杵白發清霜騰變秋水渠幅幅  
飛素雲臨風愁未疏紙病在離合藥使膠液除其樹若  
青桐密理中含虛玉膏以為潤清風以為梳深惟藥質  
妙渴筆聊一書

### 治平寺異丐

樵堂坐夕涼述異耐松吹言有異乞兒春過治平寺織  
竹像笊簪肩擔宛游戲頗類骨董箱零星文史備一頭  
著肴核具體藏茶器僧房乞晨粥樵唱聲無次宵眠金  
剛脚青氍布其地問是誰氏子不應兀如醉

晤昭法會昭法生日昭法以為相見一奇

寶詩五夕香編

五

澗上閉雙扉靈巖青在眼吾不來七年樵道登如棧入  
門問憂患往返覆書東一聲呼先師淚下不可緝人間  
忽師法雲煙蕩無限以君金石心一令浮薄報吳中諸  
高賢凋落去如鏟如翻舊本書一板復一板君言此故  
爾板去尤苦揀揀去必至要崩崖定誰捍紅葵射白髮  
湯餅花為饌飯畢始語我快事聊一莞今日會生辰相  
逢同茗盞盤中備星祝移供非以簡

### 募船

從今煙燼老能依到處家山不計歸隔面綠窗憑柳綫  
蓋頭青瓦是蓑衣難瞞祇許鷺鷥眼劃破那愁風雨圍  
撞撥華亭舊綠畢一聲欸乃冷雲飛



佛手柑

參差風露帶南州膠柱空將雪嶺籌豎指直教親見月  
展開知道不藏鉤人天免得花枝惑正倒安容一倍愁  
清絕豈須重入袖寒香壁散草堂秋

聞靈壁樵有十二月讀書樂詩寄短歌

老沙擦船挂苔髮菱葉遮魚鱗不沒忘在苔谿路裏行  
矮山叢樹湘江窟歲已未秋七月尾停篙鷓鴣橋口歇  
聞樵創詠讀書樂樂意編排十二月老僧樹下送年華  
思如涸井文彩竭古人正要汝曹敵好題入耳知風骨  
單疑所讀急何書決斷邪正休飄忽

見玉禾近詩

寶詩五夕香編

提劍往昔侍煙江結習留心老未降愛照磯頭垂釣影  
要浮水面讀書窗他時深柳舟同坐試聽秋濤石自撞  
從古文章偶諧貴蘆花吹點舊漁缸

草有名萬年青者歎之

五百年周策幾探無情有恨染青嵐定知傳道非韓愈  
曾記當年哭老聃花藥凋殘看似夢長生悠忽不妨貪  
年年照眼楓天赤冷骨終逃掃葉籃

草決明

聲高籬落綴青珠領得披雲肘後符但喜徑山留正眼  
不將橫浦惜雙趺樓臺面面新棋局花柳村村古畫圖  
拈起分明翦秋水并刀揣量費工夫

雞冠花

鹿眼籬邊夕照中思量品目舊非公相同怪石一分皺  
色借仙禽到頂紅椎結無心隨木筆軍裝何意學從戎  
從今喚作蓮房冷耐住東林秋澗東

春雪時在紫石同超霜樵曉出嶺口振樹雪飛

景絕奇也八月寓水村追陳其事

數道冷煙瀉松風吹倒飛光扶山影動舞合柳花圍蹋  
曉先樵跡衝寒重衲衣石灣清夢遠畫手近來稀

雨後靈壁樵來得準生和短歌復用韻

洗出吳山青一髮浩蕩新看白鷗沒老鐵花荒與月荒  
我有雨荒翻舊窟畫心在墨不到處雲林去後清響歇

寶詩五夕香編

七

空澹論詩知苦希繁星在天孤者月吟牋把讀夜忘深  
側盞秋燈膏盡竭江南詩苑空不得相期翠削秋山骨  
老安襪綫真難拆軒翥長風歎超忽

農山過水堂出和靈壁樵詩復用其韻

如抽架書得晞髮射月玉光青未沒賦家心腸裏天地  
蹙鳳蟠蛟繡詩窟漢鏡歌發狡獪事投筆吳山話銷歇  
坐中重唱鷓鴣聲渺渺去鴻驚歲月雁門市與古新豐  
神匠經營空力竭文章元氣塵譚中墨花玲瓏響山骨  
黃鍾秦火燒不得世人何知算杪忽

用韻寄喜曾論詩

草書鬧傳顛捉髮絕藝從來蹤跡沒覓句須通詩畫關

五言城在元無窟一往流行偏欲澀當其飛揚常似歇  
色老香清天地空洗眼江南秋九月臨摹滿紙唐宋塵  
祇爲英華難一竭著書手出讀書眼悟來自具煙霞骨  
言如枯柴聊舉贈老織蒲鞋慣荒忽

### 詠綫香

肯留色相到人評點注微紅伴佛聲眞見貫花通妙理  
本來西竺是經名梵語修多羅本消融閉日雲生後管  
領敲詩夜半程始悟返魂元俗調眾香絲縷總無生

### 示心受讀書堂

蔣蓮店口哦詩句聽難今良獨楊誠齋蔣蓮店見柳子厚詩句也碧落巖前刻  
到難羅浮碧落洞宋周夔一字不煩人定價閉門辛苦

### 寶詩五夕香編

八

### 自吟安

山髻乍更晴雨影樹頭漸變淺深青寄來莫作境話會  
要洗一雙詩眼醒

### 紅蓼

狎獵柔姿擺晚晴碎紅著雨照江清西風誇煞秋灘色  
不道峨眉更淺青峨眉山有淺青色蓼花

### 蘭草

古蘭也世稱醒頭草

名任千年沒香猶昔日如染將蘭葉片寫本楚臣書烈  
覺秋氣勝蒼分嶺色餘畫圖花瓣脆別調不關渠

### 前題自和

蘭花與蘭草種別不相如所以端古學亦先分僞書話

行采藥地香綫讀騷餘帶屋水如鏡安名好借渠

### 染香詞染紙名蘭葉也紙名蘭葉

千年風騷浩無主草□□□訛世譜古香魂冷招來歸  
屈宋何曾在黃土爲君分明識香祖綠煙曉蕩茗花雨  
香心付與剡谿藤染香手澀其心苦

喜曾靈珏書田玉禾懷西過雁影各出新詠久

不見懷西懷西和詩有香骨二句歎述儀部先

生諫草感懷作長歌寄靈璧樵

儀部先生心似鐵先伯父伯念先生青宮一疏臣之職

當年批荅中有出位之辭故云麟批案倒小年間一時江左冰霜色東

都諸賢生不媿范滂傳寫烏絲勒右軍筆法比干心斷

### 寶詩五夕香編

九

素殘碑飛寶墨水堂枯葉走廊鳴懷西詩版吟不得髮

字重拈叶香骨十四字將忠孝織少年懷抱深如許冷

峭勢與秋崖通天寶詩王詩史在一飯不忘真句則把

看老淚滴難收留待梅林家集出農山雄文玉禾秀璧

合珠聯根祖德學道空緣三十年□□□頭重鯁塞一

從賜馬西清直乾坤嶽瀆聲名特梅谿築室舊時心昨

到芝房轉傷臆我雖野心學船子六經宗傳望雲翼眼

中諸人盛文史况扶名教流忠惻詩苑功推先借菴易

圖愁亡曾拂拭世間父子兩憂勤出世硯山同惘悞如

絲心事秋風中村角惟有青桐識璧珪同門號二靈謂樵

未子姪弟兄才不測王謝風華吾家是珠玉一時眞在

側他年儻詩易永吾之志宗傳各得其人畢願江河長  
一默

舊年秋遂爲營隱菁山遇病不果行近復約游

金蓋會余觸殘暑入吳山秋遂來船村相失惘

然

幾番煙水縈茗上悶把圖經掩不看金蓋書巢傳姓古

昭回墨雨隔年寒可無雙影艇將去放過千山樹色丹

孤跡此時眞野鶴詩成正立棟花灘

還農山文稿野言重寄

祇許王通得指南秦灰前把六經探洗磨聖學煩公等

觸忤賢良勸力參橫浦鬚眉今日在東軒游戲不妨擔

寶詩五 夕香編

十

清涼山有遺臺趾周穆年來布法函

谿口月

碧螺照得洞庭清風卷衰楊切二更寒月未知時尙別

繞谿隨著老僧行

得秋遂山信寄小雪前一夕宿金蓋山一律同

其韻

閒中游計作波瀾蹋試山山翠浪乾衣染霜天分雁色

崖垂紅樹當花看舊吳塔遠嘯孤影新夢茗青閨曉寒

七十二峰生曉寒余往古堯峰夢七十二峰隨眼得爲

符也憶先師塔并及此一段緣

君倚閣數迴巒  
埽地歌題漏霜茗帚圖

孤游只共茗帚行得地不算煙水程埽治一片受足地  
罷遣亂葉紛縱橫百無所能昔鑄印老充炙背蹲南榮  
寺廊供職職自補帚輕臂緩猶堪擎煩將迂懶訴主者  
乞假寸晷聽黃鶯

寄華山僧兄乞題埽地圖

西奈北面更濛迂山寺長廊職埽除以我同行茗上坐

近畫漏霜須兄獨脫穎中書浮青冷塔荒荒日疊素迴

潭尾尾魚麤把谿山寫來看船窗春晤再鋪舒

霜曉從昭回閣周行院中

莫以收藏無畫軸現成妙繪可評量欄干暈鮮獅兒小

亭柱泥金龍爪長南宋御賜黃金觀音亭座尙存霜樓乍異日西躍樹

寶詩五 夕香編

十一

影緩留雲半廊待刻香公常照筆天申舊夢墨生香香在子曾作常照寺志

隨筆

半幅廚煙度閣西鋪庭脫葉埽教齊瓦溝一寸雪耐日

山鳥無聲松鼠嘯

去看等伴崖頭雪喚著同行壁角筇穿過深松碑額在

青藤織面字無蹤

話吳中隨先師秋游天池山事

年年脫葉天池路度嶺雙輿指舊蹤佛閣風搖泥像缺

先師垂淚杵殘鐘

密雪中

過經案冷驅烏散摸字碑昏紙燭擎獨兒也學尋遊戲  
銜著僧鞋繞殿行

歲寒寄秋遂

橙菴舊事菁山說苦惜建炎文字殘昏碑已著苔泉洗  
白晝重拈紙燭看親筆廚中零數葉愁心歲晚集千端  
飄飄埽葉龍鐘老淡日高窗冷寄單

庚申正月從菁山艇子抵蘇臺在夕香五日後

同超霜樵出至小赤壁

興亡去已遠山水儼當時所以浪游跡往往生古悲風  
塵建炎帝史筆事半遺天申碑石冷手摸夜讀之蛛絲  
啟南宋想見深松枝閣新題額古亦慨陽春楮寺以范氏陽春

寶詩五

夕香編

十三

樓材爲浪蹟穿軋村車聲浩難追自來姑蘇臺五日臥  
昭回閣荆籬今朝風日好石面行一窺谿名指越來花園暗吳  
姿五湖青鬢幾何處有鳴夷吳臺與茗寺同是愁吟資  
危壁照沈綠衰周無字碑歎惜行復坐夕陽射人眉顧  
名小赤壁提著坡仙詞江濤飛鶴影感古若相期去矣  
勿復恨歸聽林風吹

方泉

寶雲幸逃陸羽品不放名第留茶經方泉清閱寶雲腳  
寒規色借春崖青以方爲氏受菴記苔礎長臥泉終醒  
擔泉穿松拾松子歸洗茗甌吟紙襦

道堂粥

一日富春觀小兒語

道堂粥兒行前呼聲帶哭孃莫提攜兒行自足泥滑滑  
穿木瀆木瀆街長新靈霖參老單衣空曉腹孃往扶行  
先打粥道堂粥短拍音低長拍促小兒語譜吳荒曲

將返紫石寄秋遂語以近事

聞道桐江老曾翻鄭俠圖粥場山觀沓漁路竈煙無繪  
事乏此技流民景未殊寫來歎吳地臺儻訪姑蘇

聞帷孺集朝元閣詩

頃從軋村渡難訪石船詩況託菁山寺猶關南宋遺梅  
根樵話遠祖德卷中持小變竹林法譚容阮籍緇

石柎堂詩

拔身眾柔條森然金石氣丹翠射絕壁古光動人畏昔

寶詩五

夕香編

十三

賢重歲寒園池以爲貴今人驚薤露墓樹傳相諱疾馳  
天地間寒暑如經緯不朽不自鞭顛倒疑青蔚  
茅堂舊未名壁坼露阡陌有時屋漏痕瀾浪顏素畫堂  
前羅百藥其左安方冊草名亦療饑米囊或瞿麥高窗  
納清雨梅鱗蕩餘白肩鉏停茗火徙樹樵人宅柎枝不  
斌媚柎葉青鳳翻雷同免欣賞亦謝風塵責  
遠夢激游心武夷九其曲往尋名山圖紅崖錯奇綠一  
從煩藥杵間杖清游束溼雲截樹腰橫翠遙相屬西軒  
久假之柎翠矜新沃霽上屋後山游目庭中足石柎左  
右株落落立如鵠高文發霜采秋志與相助

菜乾

淺青色退帶冰霜冠冕山家俎豆行作伴白頭枯一樣  
論量黃葉味偏長飄搖恰對雲過嶺縹緲看同石滿廊  
相許肝腸舊無別莫輕擔入少年場

和華山確兄斷關詩三十韻

一規鑿牖綠陰東檻外隨他徑滿蓬百鳥無門花不到  
長天有路雁能通畫來芒屨穿峨雪夢去漁船蕩浦風  
文字舊緣新解脫遮回放眼竹窗中  
霜晴翠繞賴千峰更著谿雲疊幾重但遺宗風傳鐵壁  
不煩僧史記浮蹤紙灰插脚埋還淺門縫挨身授恨鬆  
山月四更暖叫絕孤吟未似老僧慵  
做得雲棲兩竹窗十年煙路冷湘江涼心珠定供銷夏

寶詩五

夕香編

十四

破俗城高築受降飛練丹青傳數疊轉丸鳥兔跳成雙  
壓枝幽鳥通清梵絕唱分明在樂邦

茅把孤峰舊所須婆娑枯樹庾家知遊山記在如拈夢  
選佛圖空漫鏤脂石馬嘶風無去跡珊瑚撐月有新枝  
擅場遠夢看前輩丹墜心慚俗手施

關名莫擬是耶非靠壁孤筇巾蘇衣客到聽疑身是病  
雲來如拔宅能飛連山誰辨偏和正半面憑傳瘡與肥  
鹿自飲潭暖守爨隔垣松影泥相依

記得林逋灑墨餘橋橫獨木結荒廬山家樂是終身默  
座右箴留一字虛釘鐵檝來無敵手織蒲鞋號是新除  
雖然片地差諸埽墜葉空廊任卷舒

帶屋谿名合是愚臨流擬種樸三株逍遙依舊思黃犢  
隆替無心算赤烏笨鈍石頭聊與對惺鬆鳥語自名呼  
何人蘸筆能描得閉戶瀟湘一釣徒

句路清真味子西山同太古靜堪棲歲稔壽蔓垂高樹  
郭索青筠響夜隄隔水空濛深見鹿茅茨隱現不聞雞  
孽窠重釘關前額儻把無門兩字題

鋪設茅堂野計諧天真骨董雁行排竹根茗瓊癯同我  
荷葉秋衣古有儕免洗是非珍石耳不沾粉黛喜松釵  
白雲巧會人心事慣把雙扉取次埋

柳標千峰信快哉穿雲那許首重回拓開今古提蕉夢  
指點風塵託雉媒洗硯墨看崖面灑卷簾詩賺雨絲催

寶詩五

夕香編

十五

布中火浣同微志顛倒紅鑪不肯灰

千巖萬壑敢言貧丹翠長圍老後身石竇種深煨芋火  
秋江收起釣車輪放懷不惜蒲團小留面休慚缺齒人  
松檜束天青一線打開孤調奏陽春

悠悠竿牘斷知聞自身將草木羣曉月風高鳴去鶴  
碧天飛倦看歸雲鱗皴松皴手同相瑣碎苔絲衲不分  
誰取北山暖鶴怪未妨法苑補移文

江流浩浩指東奔兢刻行舟覓劍痕把得一關言路絕  
教他面壁祖風存牀頽依樣鋪珠雪市遠何勞造雁門  
葉滿千山休拾級未磨古鏡不曾昏

破煙幽磬一聲寒乍引行人樹杪看一等住持贏得散

古來公案幾曾完雲巒如帶憑遮護草木無言亦寓權  
總道關門天塹樣都忘嚮被口門謾

禪林浪話白雲關未到渾移海外山矮矮窗無曲折  
蕭蕭瓶鉢例安閒秋聲且放喧中夜冷月還教住半閒  
篋裏藤牋行腳影垂霜不是舊時顏

肯羨詩名壓皎然高文無意石門禪養成格外煙霞疾  
自結園中草木緣硯蓋拾來松小蛻蔬盤揀淨蕨如拳  
坡公海角先同調異味丁寧莫浪傳

有時合眼夢金焦文勝江南逐段超久久利竿非我分  
休休車騎免相邀難鑄舊習還留茗乍改新銜只署樵  
四壁何須子雲墨一齋蕭甚也名蕭

寶詩五

夕香編

六

須知得髓骨應敲判與風松月澗交整頓名山歸靜穆  
典刑文字戒輕嘲馴將龍性雲中臥放出鸞聲樹裏巢  
百事懶兼忘畫癖惠崇煙雨老來拋

菜籬飛蝶雜蓬蒿不種繁花亦復聊老木蟲文全段古  
奇雲峰朵倍能高霜天瓜盡呼除架月下經完手自韜  
瑣事眼前誰不了出剏何必解牛刀

永日無人竹裏過倦將談旨鬪王何歲寒對照留峰雪  
舊夢飛揚蹋徑莎喚醒屠龍無用技消磨老驥壯心歌  
蜀天縹渺蘭舟息峽裏春濤賺木鵝

恰似歸來陶令家喧無車馬長桑麻一茅容膝謀全拙  
半夜當胸手正叉戰國規模禪鬪草宗風割據土分瓜

從來獨脫真豪傑不在朱門劍佩華

拆來襪線舊無長堯舜巢由一例忙鼓瑟那容攬社笛  
煎茶不合擣餘薑梧九滿掬真收藥山色朝餐未絕糧  
隨地斷關同幻住乾坤何處是他鄉

驪珠兩目翦波清枉殺三千布佛名勘破獲麟宗瑞定  
慚將山鬼隙光爭若教煮石腸同冷縱是移山志不更  
省得夜深吹暗去貧無紙燭手中明

就架閒抽相鶴經清羸物外合通靈鷲閑書法飛能白  
竹學神仙骨自青柳外祇容蟬咽露人間難覓鳳遺翎  
鬢髮百孔遮寒納尋片閒雲作補丁

寶詩五

夕香編

十七

定遣雞棲自伏膺谷口樹攢青地錦秋空雲碎一天冰  
山門舊日閒名字錯聽人呼嬾便應

伎倆狐靈儘足羞肯將記筆續神搜崢嶸雨陣空行蟻  
浩蕩江波看沒鷗漁唱元推船子放鬼才未取賀詩幽  
堂堂古道無亭障關吏從來枉釣鉤

狎獵詞華織語林錯教人認豕成金不辭石角營天險  
忍使南宗便陸沈老樹折成三疊篆輕煙鋪作一重衾  
閒來世事通樵問穩放安禪是好音

不妨掩戶種宜男多子仍將古塔參活計兒孫端在望  
出門祖父更何堪庭中樹大陰初覆脚下駒騰陣正酣  
聞道下方新月旦未廉猶說看山貪

畫筆猶然忌俗甜置身高嶺稱修織一堂晴雪天真麗  
千仞飛綃氣象嚴日晚饑禽請憂金歲寒炙硯有南檐  
偶時漏出梅花句未肯重拈韻脚添

題門不怕字成凡流水高山任譽譏五月松風孤喝價  
廿年天上共危巖鑿開荒路人應卻郵到詩筒切要緘  
六十清吟雙白髮放閒貝葉兩三函

題紀大韶插田圖

吾見松雪畫孤村水繞之橫靄縷眾色牧犢影如錐又  
五代人筆植杖柴桑湄晴籬晚花亞盈疇青蒨葵一從  
畫廚空歷歷記未遺舊年戲唱和田園雜興詩新情懸  
舊墨駘宕谿山思昨點石湖集觸類意合離欣賞四時  
絕初夏尤心期眼明見此軸插田聊新枝遂若語所夢  
亦如脫古碑雞犬互煙落乍斷新雨絲天上與雲中仙  
路會有時際此風日佳情話樂所知

水村寄靈璧樵兼示旨徑牧旨勝舫

谿堂猶寓在牆缺狎煙鳧曬藥避桐影了經開藥鑪山  
居卜草蕩易學背新圖近筆饒同韻無合此調孤  
要創寒樓體先登汝弟兄并銷書卷氣創合松杉聲路  
斷飛心遠煙空古綠生不能參味外點首莫嫌橫

朱藤花詞

百花低垂山影轉樹頭樹底殷紅撚溶溶谿水蕩絲寒  
澹澹日光烘色淺松窗走蠶餘粉黃鶯聲喚緊山日長

彌明石鼎詩未和一箸紅冰透齒涼

染衣

受采先教白一回臨流澹澹著松煤商量家法拈黃檗  
照樣山門色死灰

華藏卑兄和尚七十時新受會稽能仁請

聞當治水成功地重展南宗老將韜七十今年東晉帖  
三千結實古賢衰蟠桃三千年一結同聲吳越穿雲翼  
全力滹沱急水篙雁蕩未忘游癖在相期秋訪趁看濤  
天台滌菴法姪初夏來蘇臺樹下述在鑪峰所  
見

樵裝閃爍茯苓槍鴉背隨行藥氣香騎屋王孫孤叫月

寶詩五

夕香編

十九

偷梨子路一身霜

珍禽異草逐時更入耳松風古調成最是幽蘭如白雪  
采來樂府好題名

題石湖泛宅綠起後

經營住石湖篋屋居非陸緩漿蓼花秋安須飽帆腹吾  
祖幻住翁煙蓑漁唱熟華亭既獻章祖德江湖族水窗  
鑪氣浮未暇看山目單持晉書去曠跡閒來讀  
展亦未可擲秋崖登有時杖亦未可折高松量試之吳  
山足秀雲飛成鸞鶴姿煙波縱奇眺遠心人外馳少年  
嗜夢游游夢到武夷山水采相發清輝非易知

五月九日將舟居能仁卑兄過話別後愴然賦

寄更約卑兄篷底煮茗一破涕耳

垂老聯牀話恐稀同舟來看雨絲飛利竿不害添帆葉  
客座從今借柳磯一等住持偏浪跡長途勸勉各沾衣  
越中去與知交說白髮谿山錦繡圍

往來石湖十日未理吟事

石湖平遠舊風姿孤負煙波媿住持筋力猶堪閒去棹  
江山難助老來詩高低壓嶺羣松溼明滅堆雲一塔危  
小撥船頭向濃綠柳陰層處湊黃鸝

硯石村口待碓菴兄竹輿

風蘆碧乍翻水燕飛雙側琴臺切圖書壓船山翠色白  
頭離合緣往事思不得籠塔雨昏昏猶疑舊煙墨

寶詩五 夕香編

三

絕代石湖詩清空石湖境昨行詣荒祠摩挲碑石冷阜  
陵寶墨飛透水雙虹耿誰能爲喚起湖中古人影

石湖不可作懷古聊及之好事秉騶律一將寒谷吹滔  
滔營目前豪傑天表窺寄聲遠遊人拂拭一段奇

歇東虹橋與雪菴狀兄水窗簡舊畫冊

渴虹飲澄谿涼雨愛深靚高林覆漁路得閒塵自屏平  
生棄阡陌縱若秋煙避非格外置之孤情誰得鏡抱軸  
入船扉來論書畫病遣墨觀所持遠俗貴蒼硬藥園逸  
史詩老氣見先正思古吳耆舊鬚眉懍姚孟要他千古  
看詞翰非獨聖

寶雲石縫茶

寶雲并並茶名著石縫尤清摘製難消磨塵土含煙翠  
頌略泉聲鍊骨寒

松鍼

日華金碧散松枝攢簇鍼芒瑣碎垂縫成荷襖相當我  
繡出苔花莫是伊幽鳥蹋飛投鉢勢好風吹少年停時  
何曾柳綫攀緣得鐵骨冰心自一奇

作書寄湖上秋遂及得靈珏未報知秋遂已逝

二十日矣

橙菴棄我那堪學嶺月圓時惡信來豈知袖裏三年字  
倒作愁腸九轉迴浪擬菁山碑共打從今湖路眼難開  
江屏未忍申函讀要約天眉一慟哀

寶詩五 夕香編

三

陽山大慈補兄集靈山一會垂成短歌志喜

赤縣名山大者五五嶽真形圖是古華山不學日觀峰  
恆北嵩中各撐柱浮湘蹋到南嶽來莫大于衡親驗取  
天台匡廬嶽外奇使天地間清氣吐大江南北萬山奔  
競秀爭高能細數浪拈三字將無同起鳳騰蛟互飛舞  
靈山一會展秋窗老淚雙垂山月午竹風悉索紙葉乾  
併作新涼埽塵土吾因把袖話名山話山話錄符銅虎  
明朝高躡陽山雲重提堯峰山話補

惜槐 時寓西洞 庭東湖寺

高槐色偃蹇浪拔雲霄身青森落涼影亦與人意親吾  
來旅上方霜葉踐蕭辰山扉夕不掩入戶蒼嶙峋天王



塵埃中繳墮琵琶淪古殿儉風制石齒高下陳北風吹  
盡力圍樹巖中春已過槐葉密撫榦比交新晴窗駭樵  
斧老耳聆未真廢書詣一問入手危爲薪驚音不暇擇  
代乞容討論種樹惜往日蔭樹思後人願爲後人乞得  
意儻無嗔

聞橘香同兄和尚將過上方寒香堂見存

丹砂翡翠古鼎斑青地錦製橘柚山冬遊未蹋橘香葉  
舊事提起梅花頑梅花深情人亦爾推與梅花全作主  
放閒二老做冰霜浩蕩湖山客誰是爲看梅花到隱廬  
入手長歌數卷舒曉堂吹硯渴新句定寫寒香清話餘  
爲看梅花到華門同  
兄五年前贈詩之句

寶詩五

夕香編

三

資慶寺

遊資慶者五乃始定山評得路似入峽漸接樵唱聲蒼  
蒼兩崖繡照衣霜葉明乍疑前嶺逼隱日易西傾疏松  
疊遠翠不放遊目行晚悟山寺妙要得曠與情洞庭有  
其曠坐受湖山橫資慶專其奧合與常調更譬如品翰  
墨動靜意各生隸法鍾繇扁未可格黃庭

玉磬引爲王處士作

琳瑯小品雲韶部減樣沈明爲樂主綠雲不返蒼梧愁  
折枝輕玉皆黃土竹軒清耳鳴江南南華湘榻冷韻參  
暗香敲出梅花句鄭重茶煙翠一潭  
李建勳四友軒  
陽泗濱心友夢友  
謂琴磬南華  
湘竹榻也

心期泛宅重返西山歲寒至舊所寓池上  
風吹縹緲作高帆稱與船師穩舊街換得石湖煙浪濶  
借他觀水釣磯巉篁深不惜漁竿盡嶺曠欣將惡竹芟  
落日挑書擔重歇笑人幽鳥語喃喃

立春明日貞遐冒雨晚至

巖風墮餘雪吹活擁堂雲危嶺不易度清言此夜聞山  
容絲雨沐茗氣篆香分不信長林杳來參麋鹿羣

壬戌元日曉至觀水坪已展石門詩有追和帛

道猷一首因用其韻

輕煙漏寒日斜光射遙津高坪議樵築商略補青榛晚  
蜓帶之徑通鳥不通人支牀富拳石淪茗墜乾薪偶然

寶詩五

夕香編

三

削山牘一爲寄遺民

將遊石公雨留萬涵樓

儘把煙雲遠勢收萬涵題額信能耐尋花曲折湖三面  
看畫因緣雨一樓先哲從頭徵墨迹野心依舊託漁舟  
春山作意藏佳麗要遣新縫釣笠游

同江上青迴諸子看花石公歸重至天王寺宿

聯雲嶂遠波聲小歸路樵稀石齒間叢樹乍遮前宿寺  
冷煙又補一重山番番花信峰姿換黯黯詩懷客夢還

泉勘葛洪丹井味梅谿舊隄憶躋攀  
往同秋岸青迴兼  
樹住石屏葛鴻

新安嶺尾

歸來又是落梅候蹋蹋新安石磴高隔嶺杏花翻白雪

近湖楓葉借櫻桃參差鱗瓦雙煙市隱約歌聲一遠舸  
翦得瀟湘舊圖色幾人賦筆擬離騷

蓮花嶺

一簇花村真駿嶺名思借舊遊傳堯峰有殘山斷渚  
幾重色淺絳微青都是煙坐久樹腰分午霽話深帆葉  
轉遙天眼前對勘參寥景燕尾魚鱗句自圓參寥遊道場山詩兩  
漿差差搖燕尾干山漠漠散魚鱗

聞立來西山錄其師寒谿詩成返江上臨行出

紙乞書

裝成遺語蹋花去拂紙贈言無可陳不是橫斜學風雨  
昏花老眼寫難真

寶詩五

夕香編

五

舊臘定名東湖左嶺泉曰平遠泓也

上方新泓足瓢飲只少高松鳴石灘定名平遠餘冬日  
管領煙湖一面寒取他清淺照霜髮立待風林停素瀾  
記撥輪困見泉脈遙天雁落冷霞殘

題谿亭小幅

流水聲中孤笑好飄蕭巾樣學雲裁虛亭對設兩人坐  
明日評茶野客來

寄序香兄序兄政六十

笑指晴湖綠嶂中眉山不用讓坡翁早船亦羨同垂釣  
墨沼還思舊戲鴻序兄菴名眉山菴有屋為早硯石琴  
船雲間董太史舊游地也閒天上譜武陵花開故鄉叢洞庭再轉尋秋柁杖履期

開繡嶺楓

詠灰

冷分上古山門色死得深巖道者心最是唐朝寒食夜  
天街雞羽託知音

茗語有雨留石柑堂詩用其韻

草書戲作枯樹法花重雲遲墨氣香悉索紙聲聞鬪韻  
一船絲雨記浮湘

三月從紫石過上沙澗上人家時超霜樵就醫

隨行

柳已豐條草放茸白頭訪舊病樵從坐來澗上荒荒日  
吹到靈巖緩緩鐘醫訣也知從拙路是日老醫言醫畫宜拙不宜巧

寶詩五

夕香編

五

評自昔貴南宗無端飛動論文話除了知音幾個容

四月山堂雨中

香看吐氣壓簾後山自修容細雨中宣和書畫譜翻著  
花石閒愁到石公

晚晴

雨絲如翦篠風吹落日爭看嶺色奇青嶂與人同破睡  
白頭端合一題詩著書年晚忘才盡種樹心長託後知

他日秋崖游笈冷西湖暮靄軸還齋

同字姪亦杉至飲馬池

萬馬羣空岸草涼楓林簇出塞天黃月明後夜驚鴻影  
點破吳王舊教場

絲泉 在皋峰寺南七人  
名絲池以潔絲

未許霜蟻作意探依然無一挂空潭吹來如綺松風度  
染出微青柳影涵肯遺素絲愁墨翟好名太白壯伽藍  
從來廉潔心難易况復清泉不誨貪

繡衣衲子歌為青嶼居士壽

繡衣衲子頭如雪柳標干峰風調別松花荷葉話同聲  
北斗尚辰機獨絕冷心分得堯時雲蹴蹋落紅承旨訣  
畫船憶逢霜柳濱石田枝指墨妙陳鐙前雨潑湘江色  
卷裏雲藏炭庫身不減平生飛動意重逢梁谿水邊寺  
西山爽氣朝倚樓看君揮毫落煙翠玉塵譚筵曠十年  
分鐙各地法句傳禪樂府題重為續歲寒吟成繡衣曲

寶詩五 夕香編

三

橄欖核

請看此日堅牢骨要識當年苦諫心世上齒牙誰管得  
嚼無滋味有知音

超霜樵有人影五言用其韻

何曾容刻劃面目任人看孤閣隨吟熟干峰竝立寒飛  
揚遊記表熨貼瘦筇安看竹敲門夜憑君作探竿

破屏風

難把盧仝句子鐫頓看黑漆冷光穿巫山畫在聊充數  
骨格存來更幾年遮眼方知嫌舊日護身從此付霜天  
無端提著梅谿路腸斷鷓波釣艇邊 石屏山在梅谿相  
從幾人半逝去

癸亥元日有感

遺民幾個識荆蠻 倪迂有荆蠻民印  
印畫畫印以名 前輩規摹是底閒  
買紙拾將詩外話無人畫我夢中山夜來秉燭遊非誤  
眼見敲空響不關 時樵童庭中  
作爆竹戲 五月松風行價在堅牢  
最有舊時頑

將有陽山行

習氣依然舊散隨病來還嗜讀殘碑鄰多水眼遭逢幸  
峰帶雲名著我宜 余所居多得名泉  
陽山之峰名長雲 東篋情懷謀掘藥  
結繩手段試編籬算來仍到干將市鴉背鋤頭買自齋  
華山確兄將至蓑衣蓋待之

不遺芒鞋浪此生研山提著舊心盟古人作證空編簡  
海內求知祇父兄共坐可能留日住且停話到渡江行

寶詩五

夕香編

三

芋頭煨熟鑪灰腳單等籃輿頓一聲

樵堂漫興

寒林是處響松濤誰把昭灘箭水篙語到吞聲相視默  
笑從破涕不妨高茶拈一味終尊淡畫品千秋切忌豪  
呈劍可能投路客暮年空有壯心勞  
門口誰投鉢水鍼飛鴻渺渺託知音紙窗從破三冬眼  
孤燭難傾一寸心竹著曉風頭乍點石禁庭雪立來深  
連朝搜索圖經徧撐月珊瑚底處尋

寶雲詩集卷五

寶雲詩集卷六目錄

挂瓢集

挂瓢詩 自題挂瓢詩 帚忘 皋峰明覺堂

西軒有三醉芙蓉曉素午淡紅漸晚紅漸深

準提鏡歌 爲椒兄作堯峰洗石歌 確兄過

皋峰問病作詩謝井及著書之約 題朗道人

山亭短幅 山行 古堯峰壽聖寺起超然堂

於冬青軒上從土中古屋陞得紹聖舊錢 堯

峰柏 往余兩至南麻寺一癸卯華山僧兄初

住南麻時一先師甲辰至而來見也癸亥十月

寓鉢囊寺中感舊慨然 南麻東橋引 村居

寶詩六 挂瓢集目

詩 寒雲停宿曉登藏閣迎雪 石堆 華山

兄夜至 載書船返得夕香霜樵書 雞聲

鳥銜 上元前往禾中望弔葵石於鶴洲草堂

新柳 茗帚寮諸禪作庭中石詩余亦和之

茶盡用韻 燒葉 斫釣竿 亦杉扇頭梅

翰 靈珏未至 觀鬪草 村僧詩 挂網

香筒 寄介軒 與靈璧樵 寄示旨勝舫

老漁 寒食前三日 野廟 春夕谿堂坐

雨 柳絲 黑摩尼 窺語詩 題木芙蓉小

幅 爲洞庭蔣子方題墓松圖 簡兄扇上讀

小宋詩 江西禪子至言陶仲調逝矣 擔泉

到 憶黃鶴樓與些庵居士別 病起復用來

韻 破鞋 題曹桐工先生畫鶴鴿橫幅 還

子方居士畫卷敘失洞庭秋游之約兼寄古遺

方洲 夜聞水聲 三月從南麻來樵堂遇病

及寒而解書縛感歎作詩 近夜出尋楓葉遇

風緊行不遠 采楓實 冬青子歌 小幅

咸平有鱸鄉彙詠之刻歎美之作歌 王上明

居士過石柑堂咸平象賢也 雪蘭 山堂絕

句 寄懷茂倫 杏花 重釋响樓碑歌 寒

食前三日作 春雨乍晴方洲持白民墨竹來

駁小篆作歌 山行 述懷 木筆花 西

寶詩六 挂瓢集目

施夢草歌 春日一宿落木菴後華山確兄病

病起已逼夏矣重過落水而作此詩 詠芥

小雁蕩者天池之異名也雨後作小雁蕩短歌

池上絕句 確兄來共論古易久之 爲振

麓書琴名小築額 貽嚴三陽逸士 和曹桐

正題畫之句而爲漁社漫歌 樵乘 夕香門

改東籬 五日曉霽作詩方洲夜來宿山堂早

辭去 茗語至 述王允憲處士清事 題李

長蘅小幅 雨後靈巖狀兄餉椒餅 六月曬

書古堯峰同喻兄夜話 雨後山堂夜集有感

秋前破例作華山遊從喻兄借書夾 題畫

扇題畫

寶雲詩集卷六

挂瓢集

漏霜南潛著

挂瓢詩

癸亥秋記十年挂瓢之地也其地為石屏為玉椒為東石洞為青山常昭為東湖寺為紫石略陳所歷詩四十餘首存十二

紙窗補學稻田衣撲火宵攻巧破圍枉了秋蟲妬書卷  
老來眼力怯秋輝

打翻筆陣別生奇書法須他老樹知道是山僧愛枯筆  
倒穿石眼放危枝

相瓢相鶴一般評我相枯節部位清瘦來節節秋山樣  
合共孤雲浪此生

寶詩六

挂瓢集目

寶詩六

挂瓢集

一嘉業堂藏刊

高松落落澗潺潺鏡面盤陀坐怕還依稀二十年前景  
南嶽跟師過後山

隨身起箇挂瓢堂沒底衣囊沒底箱箱裏完全游藁在  
石屏前段是浮洲

要徵僧寶未成編碑版懸心幾十年葉脫微紅知殿角  
去看殘碣寺門前

篋屋彎環短冊齊雞聲山寺點秋谿船窗只把東邊閉  
潑黛峰巒總在西

碧森拔地密如環松檜堆青縹緲間轉換山林一奇絕  
山如林立樹如山

竹橋滑滑笠胎輕雨隔樵村黯澹生松聲作鬧引入去

小鳥前頭忽報晴

谿堂收得竟陵書怕我匡廬信又虛不讓既閑頭獨白  
定來其上看山輿

自題挂瓢詩

忘疾生成老更忘雲山恕我筆疏狂好山無數忘無數  
乍上心來便寫將

帶忘

高賢宗少文畫格亦清絕壁間圖所歷忍與名山訣臥  
游身既良入夢皆芳潔唐司空表聖詩人高氣節分畫  
古烈士滿壁飛秋雪吾欲畫名山名山非故轍吾欲畫  
古賢古賢誰與埒置畫亦無處尋山游未決江湖作四

寶詩六 挂瓢集

壁繪之以談說吐奇天地間凜凜不能滅

五人以爲伍伍各守所知所知亦不遠咫尺非所移部  
伍有古法不遷以爲師耳目與心志專一禁紛歧此理  
達朝野方外有清規一以御其眾補職量高卑眾各守  
其一分面視旌麾吾聞至人訓樞中握其奇羣賢定有  
分鉅人無所宜

昔者陸放翁朝路得遐契同舍二三君連鑣即松桂寂  
寥太乙宮無人花滿地古松流水間負琴一了髻相謂  
風致高吾輩慚空詣揖而前問之絕倒蒼苔砌高士往  
獻香上官生日計嗟哉渭南文述此憂非細  
客來挂臂浦不見捕魚郎金鱗躍其中顧之心惻傷放

魚轉復思無乃漁事妨枯魚幸滿船投一足以償漁來  
得枯魚驚絕傳蒼黃一時開野廟祀作枯魚王彼客迴  
棹過大笑破神荒枯魚客自挂疑決不思量馬不驚其  
影此事好推詳

動植各有分稱名浩難稽鳳尾字之鳳雞冠以爲雞玉  
簪以爲玉銀杏金石齊蛇何以有牀躑躅記羊躑紛紜  
視籬落未易剖端倪一悟聲輪妄青霄躡有梯

飛來白玉盤指之以爲月小兒不知名此語安可闕語  
有重正山亦或輕毫忽疊語駕重樓無事而旗揭脫示  
高山冠謂能藏白髮譽草春日青歎雲之無骨入耳笑  
疾增絡繹何時竭

寶詩六 挂瓢集

宋朝梅聖俞著書足傳錄有唐載一種爲卷二十六世  
上豔詩名拾錦而棄菽新舊兩書行唐載誰能讀古來  
文章傑立言貴其獨安能必世知浩氣收山麓

晉愷和殿中玉等等羣玉玉色次第排高下如燒燭以  
等等比之前定千秋目宗風分盛衰宋後鐙誰續北宋  
爲甲等南渡初乙錄宋末至於元丙等傷局促丁起前  
甲子諸老垂簡牘未必後遜前今古互迴復因革與損  
益發揮要沈篤法頂不懸示語必憂其瀆四部爲宗等  
後哲思應熟

書狀在侍寮法王之內史吾欲嚴其職記事言於紙某  
年某月日細大表終始要存百世下公非與公是其文

貴簡切不許近浮綺此職能力行庶其遵古軌

聖道憂無傳六經不妨續王通亦何罪宋人苦加辱立  
言浩無私漁樵語堪錄以筆舌爲市罪乃不可贖方內  
外著書少直多循曲老眼况昏花不如殘卷束

浙有小兒醫知近亦知遠視兒瘡黯然絕歎治之晚失  
在五日前養禍不能偃尙歷百晝夜刻期魂不返所以  
養禍者凝神少關鍵當其發越時忘守其根本以本爲  
末用渙汗難復卷已至所刻期醫來相對飯哭聲出自  
內奔車敗難輓書以告禪林發藥憂其反

唐刺史賈順一言能近道未聞世良醫能治人之老然  
有治老法傳方苦不早掌上撮山河打合池塘草寓目

寶詩六 挂瓢集

四

物無故生機來浩浩白頭果如新寒山青不天

名器不可假正名非計迂千秋下僧史失核慮將誣禪  
林浪稱謂頗亂魚目珠或隆名大師紫柏清涼俱或同  
門手度子姪汎以呼名山主法人直心不貴諛先師昔  
憂世宗禮要親扶此書編未及觸事淚沾濡

文穆夾袋冊温公薦士編甲乙丙丁集韓忠獻以傳禪  
林作輔粥愛士看前賢袖中須一卷衲子名細箋箋長  
簡所短揚抑見微權禪林之大要得人以爲先不見陳  
蒲鞋手開濟上天

宗風日以下滔滔逝百川挽之不在地挽之不在天挽  
在衲子心心開氣候先古來建法社舍此無異緣世衰

薄英傑自養不養賢憶先師有言衲子爲我田名山事  
凋落幾時得豐年

香至國王子禪宗之古俠崎嶇累萬里非關行路捷孤  
遊開震旦一掃浮雲牒大功寧望報葬骨不肯貼一以  
酬師恩一以傳後葉

柳州山水訣一曠而一奧吾添一韻字韻高方境到山  
水曠無韻平沙同浩浩若奧而不韻塞抑安足蹈韻從  
無意來緣澹而氣導政如謝安語調暢身所好

有人蓑笠至肩上著魚叉分明是漁者足印峰頂沙遇  
之愕不已言君投步差樵父熟樵斧田舍晏桑麻山頭  
足雲松安得魚與鰕所以駭未見皆由聞見遮

寶詩六 挂瓢集

五

揚雄卒元始何曾莽大夫文中子立言僞書之所無書  
雄莽大夫宋儒聞見拘謂文中僞書吹毛索其辜文章  
有真氣道術非暗途後有萬世人穿鑿空自愚

舉峰明覺堂西軒有三醉芙蓉曉素午淡紅漸  
晚紅漸深

換眼庭花別指呈芙蓉好替牡丹名曉風殘月柳三變  
冷落繁華夢五更共喜朱顏忘是醉相當西嶺夜來晴  
低頭感慨人間世幾個驪珠辨得清

準提鏡歌 舉峰所藏 唐鏡也

梅影軒中準提鏡神臂擎空無鈕柄鏡背仍傳良背形  
面入光明纔是正一輪雲簇梵天文點額珠光噓字進

大乘氣象掩不得震旦唐翻筆清硬西天此土一合璧  
顛倒縱橫誰道病吾觀鏡隸定唐賢漢尙分體六代妍  
三千歲事浮雲影看鑄神光是幾年

爲叔兄作堯峰洗石歌

堯峰不改堯時碧白龍飛去山開闢我曾灑掃役山門  
洗石無成心內責魏翁曾孫南岳子天荒地老煙霞癖  
一時難袖補天手自吞靈泉洗靈石寶雲井上結樓閣  
是石是雲誰實核洗來片片青鳳青捉住怕矯秋風翻  
不嫌飛去騁神奇白頭兄弟須吟席

確兄過皋峰問病作詩謝并及著書之約

漏雲日射堯峰背訪病肩輿寂寞身話到古人同下淚

寶詩六

挂瓢集

六

始知法苑重天倫錄鈔舊本尋南宋義取垂箴指北辰  
願命乍提僧寶字爭教石硯放生塵

題朗道人山亭短幅

龍嘴遊回菊花節大鑑堂前畫同閱吳郡醫王朗仲氏  
入門齒屐權幾折低頭就觀忽遠立躍起手指迴複說  
是時正展秋崖圖石門手筆籤明揭仲云前輩風格好  
起伏照應藏波謫畫心亦復似文心名山大川天造設  
近來墨痕溝壑斷血騰脈距神先絕自言論畫得家學  
兄朗道人親授訣此幅山亭道人筆往事回頭動哀切  
仲亦能爲潑墨山問道先師人似雪堯峰塔樹十迴青  
腸斷秋湖鴻影滅

山行

殿角楓林一等紅射來西照斷崖中秋山著色老僧澹  
水墨衣飄落葉風

古堯峰壽聖寺起超然堂於冬青軒上從土中

古屋陞得紹聖舊錢

聖恩鄭重識宗傳克紹端能起後賢分明表出禪林盛  
北宋風規紹聖錢

蝕礎苔磚歲月遷冬青古曲忍輕傳堂堂聖宋威儀在  
南渡前頭舊紀年

堯峰柏

堯峰三古柏其一作草字左紐忽橫枝枯身側青翅其

寶詩六

挂瓢集

七

一崖石腳插江神太悴小簇苔花偏亦復秋嫵媚其二  
獨翩然蒼潤能深致迴頭語其儔歲寒曾不異

往余兩至南麻寺一癸卯華山僧兄初住南麻

時一先師甲辰至而來見也癸亥十月寓鉢囊

寺中感舊慨然

漁鄉僻藏寺重至已衰年遠葦足秋雪平林養曉煙論  
交殘卷在舊夢畫圖傳浩蕩鷗波濶終思船子賢

南麻東橋引

居人言南麻地形  
如一片蓮葉浮也

翦來華山頂上一片圓荷葉皺綠堆青幾迴摺車輪花  
瓣作江霞湧出花宮紅狎獵荷花倚葉葉有莖碧筒小  
塘池草接雙橋玲瓏串煙樹清鐘敲霜寒玉貼



村居詩

撲曉霜花透髮根雁天風景向誰論空樓只有孤雲宿  
禿樹寒鴉與守門

浮綠真成一彈丸四圍似欠石欄干卻把蘆花當籬落  
晴欄堆裏葉聲乾

遠水平鋪一幅紗斜陽射處點漁家喧喧鬩雀輸贏後  
緩蹋樓頭啄瓦花

蕭疏澹墨舊名垂著色雲林更一奇淺紺水村紅殿角  
夕陽烘染柳風吹

寒雲停宿曉登藏閣迎雪

空樓花雨舊心盟老眼拋書試一行瘦骨已無山作對

寶詩六

挂瓢集

八

寒姿曾有雪堪迎不應同調猶千里未審飛來更幾程  
尋著蓑衣連夜補明朝獨釣最關情

石堆

石堆荒圃支離相匏繫枯枝跌宕聲惟有澹黃寒日色  
一條射得亂書明

華山兄夜至

打冰來就歲寒期夢裏梅花預折枝昨夢僧兄手  
梅花折枝論定

法門垂合甲談深出戶見參旗春回燭影茶聲外句得  
香消研凍時藕葉中間樓閣冷夜闌相對髮如絲南麻  
村浮

水中央如藕葉也

載書船返得夕香霜樵書

短燭山窗白事戩病餘瑣事足清緣掃除塵土間酬接  
補住煙波一釣船舉古無如山鳥當論交最是野樵賢  
歲寒莫怨雲山隔同在冰花雪葉天

雜聲

疊樹層煙當曉籌五更清喚荻花洲忽驚天地還朝氣  
可信英雄已白頭迫促風雲千局變打空今古一身浮  
少年場裏曉曾到只被笙歌掩畫樓

鳥銜

鳥銜飛葉來文羽臨風整啄葉矮闌干重啄闌干影

上元前往禾中望弔葵石於鶴洲草堂

共說臨行日都無願語繁別離惟倦鶴囑累有名園望

寶詩六

挂瓢集

九

弔出常禮論心指舊旛草堂顏色在老樹奈無言

新柳

何消寫態更支離黃葉難分絕妙辭定好翫維他日艇  
怕伊不要老人詩漁鄉窈窕漸濃去枯樹婆娑待賦之  
還有彌天晴雪在樓臺側畔一番奇

茗帚寮諸禪作庭中石詩余亦和之

石公相見來拍肩與攜袖以此遇漁鄉入眼如故舊然  
疑謔老僧白描顏百縷

茶盡用韻

此日簡遊裝水經空在袖如與故人別如隔青山舊樵  
社采茶期趁他旗小縷

燒葉

星星宿火要渠傳丹翠看飄小穗煙想到洞庭秋寂莫  
得來茗帚舊因緣雲林蹋記尋山屐石鼎投成買句錢  
落葉一編慚少作不如同擲茗鑪前

斫釣竿

貌得瀟湘痕墨汁隨意灑來朝釣春雨心向澄江寫漁  
竿不用鉤漁屋何須瓦

亦杉扇頭梅幹

斷崖荒渚託根者其品伯仲松杉間以枯爲文節如鐵  
我思唐人元次山

靈珏未至

寶詩六 挂瓢集

溼雲去前村落落行水底槐根響篙迹水綠亦新旨引  
古發籤疑叩言無一邇余亦舊隱招西指秋山紫

觀鬪草

沙面輸贏散隊遲看雲眼到小兒癡抽黃對白綠何事  
冷石孤松我自期飛來柳絮團成陣移去青山影不知  
牛角漢書翻幾葉戰場一樣不多時

村僧詩

挂瓢路近浙江頭埽石孤吟自唱酬斷續桑麻圍破寺  
短長鐘磬落漁舟古時錢在憑谿店別縣山來仗小樓  
孤負匡廬十年約架籤重把志書抽  
村裏工夫看古規村僧家法帶分癡弄來獅子空登座

跨了黃牛不廢詩圃學飛揚通本草睡方沈著問希夷  
請從北宋前頭看法苑何曾架屋支

谿光山色當揮犀景物村村是好題得意寒林千幅雪  
知時遠浦一聲雞西窗簾卷樵人小春水船危塔影低  
簡點鉢囊前輩錄定誰冷眼得全提

種松明歲拾松釵碧照谿堂水色佳望裏田皆依衲線  
移來菊也號僧鞋冷思石屋鄉情在險話天平萬笏排  
愛把清談佐農社水村風物未全乖

混迹漁鄉路那分一篇世外絕奇文釣來破夢千江月  
伴著橫秋萬頃雲遺累并疏毛穎氏絕交且逐白鷗羣  
因風說與天隨道摩著霜顛似勝君

寶詩六 挂瓢集

是處人家湊水扉放生卻有釣魚磯經行白石清泉路  
隨喜天吳紫鳳衣緩緩尋碑忘日永看看種樹又成圍  
最珍一幅天然畫小李將軍寫落暉

挂網

絲絲眼裏錦成堆霧閣雲窗一樣開杏花過了池塘綠  
兜住東風莫放回

香筒

折枝花已插瓶看香線還教就裏安位置不妨同研北  
相投只合撚詩丸殘經意味温存侍細雨情懷準備寒  
若比郵筒差穩在羊腸何用路干盤

寄介軒

舊時人物想秦餘兩載西山憶著渠角里家邊千樹雪  
伏生口裏未焚書江頭釣雨客孤坐別後垂霜髮並如  
料得稍閒注經手定來看荷種松鋤

與靈壁樵

邵氏傳家學先天式未全自余開出震賴汝洗坤乾漢  
代春秋正苔谿易象圓蜀中篋桶者嗟彼後無賢

寄示旨勝舫

止與古人對了無愁起時高鴻驚獨悟檐雪照題詩生  
白窗籠紙微黃柳變絲樓中谿上路得意不曾歧

老漁

野廟迎神酒色驕蚌杯重把市西橋閒題風月笑分手

寶詩六 挂瓢集

儂是漁郎你是樵

寒食前三日

紅雪春谿雨一灘燕來筍透未成竿不須寒具愁名畫  
漁舍煙疏一嚮寒

野廟

像古銷金碧荒荒對挾灣風揚旗字轉鳥立帳門閒鬼  
語松濤惡村聲廟舞蠻漏痕書未已壞壁郭熙山

春夕谿堂坐雨

話長雨細入初更感舊茫茫記不明老至詩篇忘句味  
夜闌燈火習茶聲峰思縹緲山程坦畫想雲林墨路輕  
明曉重將吟藁削竹窗鋪紙寫初晴

柳絲

茅卷三重雪滿天無人分給絮衣錢暖風到處銷寒粟  
盡日春城散柳絲

黑摩尼

黑摩尼者評詩之刑賞格也絲以為質墨以  
為澤盛之以在為點者一而雙墨環環虛中  
子而實者奪也限韻  
二十句寮中和之

夜窗響詩葉隔竹應茶杵清緒雖絲抽揚波方爾煮松  
煙染霜絮為君作玄語一規墨是懲白月標所許如前  
賢對棋頃刻輸別墅灑出驪龍珠風雷生片楮落落黑  
雨飛聊當詩檝楚慎弗迷南鍼同異隨朱呂貴闢風雅  
邪如秋拂殘暑比古學書程之字先草鼠

寶詩六 挂瓢集

癡語詩 夜間其聲 而作詩

恍惚話十洲類東方曼倩黃金臺上聽騶生陳赤縣事  
疑前世歷形是夢中見亂若春山雲絡繹不受串那來  
文獻徵已失正索面生長無是鄉直上子虛殿共付能  
畫手無此一匹絹若日月記之荒史不足羨如珠走出  
盤如汞之逃鍊蟠桃三尺核奇味不妨膳鈞天帝醉時  
沈如油入麪趙簡受天符中似繞枝箭後來楚漢壘史  
書看欲倦誰論夢與覺事往同秋電所以遐覽人林中  
坐能晏然西天東土謔發方成片嵩山摸澹影錯引宗  
風線嗟哉復嗟哉夢國添彩絢夢破語皆空擲磔等珍  
鈿始知竊說法書神告禪院

題木芙蓉小幅

紅縐霜天豔骨柔看宜水角又宜樓生來意氣寒江上  
不耐詩人做晚秋

為洞庭蔣子方題墓松圖

蔣處士叔璩子方十世祖也墓保孤松作

圖紀

蘇臺木葉半欲枯雁梢雲脚青模糊授經山市子方氏  
度嶺來尋阡陌迂衣上洞庭山翠冷出袖短幅高松圖  
軸中松影窗中客相對風霜一樣孤華表來歸鄉井改  
昆明灰黑更桑海鶴巢去作樓船身墓道風吹石磊磊  
還與草堂顏色在一枝脫厄偏神彩引來高唱秋蕭瑟  
吐出文章雲蓓蕾我亦餘年客洞庭三徑窈窕屐未經

寶詩六 挂瓢集

十四

君家故事傳暖谷道州温然心所銘道州有暖谷在寒亭之傍宋治平中大夫將琪名之將穎叔作記看君孤標古松格歲寒終  
盛寒中入此谷中其氣温然

簡兄扇上讀小宋詩

六年去絕東吳跡千里虛他小宋來余戊午前浪跡山水小宋來吳中題  
韻每著懷韻脚風流真獨唱扇頭今日怕重開記中山  
上他時壁社裏人同冷谷灰還有既閑逋欠在匡廬如  
約不消猜前四年寄吳既閑短歌許作廬山補遊既閑書促

江西禪子至言陶仲調逝矣

易發知音少空山歎絕絃真思毛髮動迂有語言傳諸  
老星稀日清湘落木天頻書問黃子彼早著鞭先仲調尺牘

勤問九煙九煙前四年沒

擔泉到

方家泉到色如冰茶帖開看惜未能月仄重生瓦鑪火  
轆轤放下佛前燈

憶黃鶴樓與些菴居士別

黃鶴磯下江水流黃鶴去存黃鶴樓我共些菴樓上別  
別淚灑作江聲愁些菴白頭臨水哭樓中雲飛浪如屋  
哭聲常在天地間十載西風吹墓木春江起柁還吳遲  
篷窗一路動離悲堯峰塔冷補山杳重話樵堂掃葉時  
病起復用來韻

寶詩六

挂瓢集

十五

籬花都背草堂開單留藥嶠三條篾誰撥咸陽一窖灰  
還喜當窗枿葉開做巢雙鳥不曾猜

破鞋

雨痕苔點舊爛斑移曬牆根漠漠閒底裏何曾瞞白日  
故交到處託青山飛揚誰復追風健零亂空將壞衲攀  
更有相當兩般物殘楓黃落石頭頑

題曹桐正先生畫鶴鶴橫幅

茂林青森饒古味樹有連枝比同氣無情況作有情看  
癡鳥有情真足貴世名鶴鶴日癡鳥癡鳥不癡人自癡骨肉忍  
被錐刀移揮毫點出兄弟樂桐正一幅無聲詩分甘梨  
栗舊惺惺兒女情深古道零前賢搜得根源著不畫鴛

鴛畫鵲鴿

還子方居士畫卷敘失洞庭秋游之約兼寄古

遺方洲

縹緲隔水引秋望孤松開卷吹清音想應知我幾人在  
還與青山一樣心漫道草鞋能似虎惜他黃葉浪如金  
村村打稻愁霖雨老衲關門也苦吟

夜聞水聲

打斷殘書響隔牆澗花一道繞林長夜窗太寂乍來好  
老耳雖聾賴洗將想見飛揚投笠澤不放坐睡夢瀟湘  
何年展意千山裏如許聲中立草堂

三月從南麻來樵堂遇病及寒而解書縛感歎

寶詩六

挂瓢集

作詩

落花圖裏挂帆初下載樵堂未展渠敢便絕交疏舊藥  
且將解脫賀殘書古人喚起儻知我往日周旋難漠如  
滋味餘清要相入肯辭冒雨剪寒蔬

近夜出尋楓葉遇風緊行不遠

老貪秋翠轉前岡古墓邊穿石馬行歸路背將殘日炙  
嶺雲脚借暮煙長納些敗闕風吹轉門裏家珍葉滿廊  
要補今朝遊記短峨眉夢去整山裝

采楓實

狡獪神仙霜葉戲亂撒丹砂不知貴疏林刻劃鬧風騷  
繡谷千花消意氣不信生芝解笑人祇應領略蕭條味

采來九曲已穿珠歲寒坐遣鑪煙慰

冬青子歌

女貞安名帶閨閣秋翠雄芒浪埋卻分明揮霍丈夫心  
灑血寒林風索索明珠百串珊瑚紅贈君起衰籠底藥  
冬青子起衰好白頭秋望心草草挽回風霜須及早

小幅

小幅斜陽竹影成投窗癡笑凍蠅聲孤煩羣木長留侍  
老覺千山尙有情羽調哀鴻誰與聽書痕屋漏浪相呈  
歇心未得垂垂老還取高僧傳一評

咸平有鱸鄉彙詠之刻歎美之作歌

東風吹夢入瀟湘二十年頭雲路長余隨先師浮湘在歲丙午湘中

寶詩六

挂瓢集

遺老天際想謂湘江些菴仲調諸老憑仗故人存故鄉吳江煙波

青染指缺著湘山有湘水故人心眼并州刀快翦吳江  
百番紙蘇臺野觀花濛濛要借天隨舊釣篷綠蓑習氣  
未多讓注目湘煙在此中

主上明居士過石柈堂咸平象賢也

眼底詩名又屬將高情配得嶺雲長鱸鄉中立東西浙  
藝苑分稱大小王賴有梅花一鋪供參他墨雨四窗香  
時展新刻石泉試手煎同啜可合松江風味涼

雪蘭

白雪幽蘭緒各端兩般琴道一時看埋藏絕谷心還吐  
縞素千山香正寒積減幾分沈綠色銷成何處冷花瀾

思量南宋遺民畫天地茫茫遺墨難

山堂絕句

歷落澗聲新雨足悠揚梅片午風微  
棋子拈來閒研紙  
手生十九路中機

風頭料峭嶺容更吹得雲歸葉樣輕  
歸雲歸後還遊否  
若到匡廬我共行

芟繁於古有知音浪葉隨流不用尋  
一迴擺落襍裊片  
記取風前擇菜心

松還留子隨頑石菜已垂花作碎金  
穿過樵村射丹翠  
方知西照念人深

破椽政喜疏星漏花徑長看布鮮重  
松風作合更解事

寶詩六 挂瓢集

五

吹轉靈巖跌宕鐘

欄干夜拍短長吁法苑驚秋泣露珠  
一把江河難挽淚  
方袍何處覓唐衢

寄懷茂倫

雖同江左十年隔何處白頭重見來  
一事讓古虎谿笑  
草堂媿乏雁門才詩鐙已決南宗旨  
法社須追雅調回  
作想煙波攜釣笠五湖載月話天台

杏花

名滿詞人集知伊應未深清華林下氣  
一澹歲寒心坐  
雨得相領谿桃恥共尋丁寧補花史洗  
發貴從今

重釋响樓碑歌

禹陵寂莫禹廟局龍蛇滿壁飛秋螢  
神留銜雲不磨石  
七十七顆古帝青名山大川掌握裏  
呼吸聞闔吹雷霆  
神愁鬼械避不得劣遣點畫傳其形  
不須九鼎鑄百怪  
寒碑一片搜精靈陋儒剪鐙苦注釋  
蟲魚眼目難高撐  
效力古怪煩不憚洗滌天地文重明

寒食前三日作

社字旗新野廟涼樵村寒食又相將  
敲頑逐日烹新火  
怨別無心賦折楊花信幾回淹雨點  
禽言為我細商量  
一叢蝴蝶手自翦看放莊周踴夢鄉

春雨乍晴方洲持白民墨竹來

小立平沙洗研餘帶煙八法得遺渠  
移來船子垂竿手

寶詩六 挂瓢集

五

捧著張芝竹葉書

駁小篆作歌

鈞天帝醉秦猖狂既滅七雄欺百王  
祖龍毒燄李斯助  
典墳一炬灰咸陽黃農虞夏忽焉沒  
天長地久相嗟傷  
古文埽蕩出小篆巧偽結束非垂裳  
漢朝雖然崇小學  
不過丞相斯故方修羅隻手掩紅鏡  
星河晝燦天茫茫  
儒林好舉秦敗闕井田封建言琳琅  
何為無人駁小篆  
家傳師授狼虎章其體困迫不調暢  
削瓜舉陶面狹長  
嚴家餓隸安足喻銀鑄不遺形飛揚  
寄言有心起衰者  
放眼先秦知大綱响樓碑存石鼓在  
背逆趨順休徬徨

山行

新雨琮琤澗道催石柵透葉赤成堆  
茆檐未見巢泥換鮮筍攔街賣燕來

菜花寒裏釀朱藤背籠山樵作隊登  
一齊指話高坡上昨日聽泉是此僧

渡船頭景夢中看入眼吳山一色寒  
拋閒四十年前筆狼藉雕蟲到虎官

往年在鹿山作虎官志

冰輪仄出屐初回密葉瓏瓏嶺路開  
行行且作梅花觀枯樹枝頭碎月來

述懷

雲山流寓歷年頻依舊相將杖與身  
織履情懷空往事卸歸天氣又經春

寶詩六

挂瓢集

行

老覓唐碑箋碧落感他哀子報親人

游裝翻喜老無家祇累圖書輾轉車  
白石敢期能聽法蒼苔且喜不垂花

槎牙南國身全槁瓜葛西天族尙華  
喧耳春風偏意氣土牆午放蜜蠶衙

木筆花

西麟獲後書痕絕蚪斗銷沈古文滅  
秋毫拔擢到中山徒隸奔馳文陣結  
闕文史冊不可見漢唐紛紛多雜說  
老人才盡空哀歌翻喜木筆三摩挲

西施夢草歌

一日梧宮秋警

吳王秋臺料歌舞塗抹簫韶翻舊譜  
采香隊歸眉月吐雄雞叫轉扶桑輪  
花霧引入無愁春曲廊屢響花滿身

起來谿綠谿雲凍越絕書攤尋古夢  
五湖飛鴻空目送春日一宿落木菴  
後華山確兄病病起已逼夏

其意矣重過落木而作此詩

擲地鏘然金石吟誰拈落木舊時音  
生耽放浪騎牛癡略識殷勤愛馬心  
蔬翦香分庭藥品茶傾綠染架藤陰

天衣要與書新額蠅匾工夫恨未深

菜未成臺借閣眠重來政及采茶前  
波紋蕩漾櫓加冷篆勢飄蕭樹鬪妍

池上有凡夫先生小篆

感舊論年頻倒指臨池

孤憤俯窺天五湖釣雪遊心在別字  
聲吞忍再宣時將為五

遊湖

詠芥

寶詩六

挂瓢集

王

骨借青霜葉有稜歲寒風味合孤僧  
和同未肯隨仙李娥媚從來見魏徵  
玉版相參高節似石泉乍洗冷煙凝

不消九錫尋花例一介題名品自應

畫法曾聞甜字禁蔬經定取介相宜  
山家本色盤中在烈士肝腸味外知

浩氣豫章分劍紫大名慶歷有詩垂  
齒牙驗著錚錚鐵石爛松枯性未移

小雁蕩者天池之異名也雨後作小雁蕩短歌

小雁蕩補吳地記以天名池更鳥名龍湫倒飛白日雨

此亦怒瀾傳其聲蓮花十丈開池北秀冠江南山水國

天池名舊不難尋便著異名尋亦得

池上絕句

密樹不妨通語鳥短牆未欲拒青山聞道綠陰詩滿地  
惜他只得暫開關

確兄來共論古易久之

傷懷竹簡付秦煙漢後箋經總未然卦譜舊翻焦氏法

詩心未得續之傳遠公授詩義于周續之雷次宗書來天竺飛龍在話

記靈山返檣圓王子春先師有答洞庭野眞要黃金鑄

鍾子琴臺去其鼓新絃

爲振麓書琴名小築額

古存當日定琴名楓樣蕭疏水樣清翻著穢來人會否

小窗安隱坐秋聲

貽嚴三陽逸士

寶詩本 挂瓢集

先賢王電目王光菴吳中醫隱少善鑿人江湖呼爲王電目也古蹟詠吳中光菴

集有吳中古蹟詩 定拾遺民記重開澗上風尋碑煙路引采藥

綠阡通矮屋蘇臺下思君清話同

和曹桐正題畫之句而爲漁社漫歌

畫之逸品曹桐正動名翰墨一等視雲浮愛他江魚方

育子獨坐不垂鉤宕漾看山一白頭我本茗谿人與說

茗谿話西奈北宋端師子披師子皮婆婆娑舞了踢仄瀟

湘舊釣舟管他漾之夾山湖之碧浪透得漁歌唱便休

憑誰喚起桐正太史問百年前漁樵風味將眼前贖水

殘山試較籌一聲欵乃收綸去正是洞庭秋

樵乘寓紫石作

南朝傅粉借風流誰把樵裝逸事收穿林山髻都黃髮  
只爲松花撲滿頭

樵歌唱轉墓門邊清散松鍼刺紙錢笑騎石馬圍樵伴

妄意嘶風試著鞭

蓋世勳名土一堆樵餘感慨撥莓苔思量八角茶名好

還把功勞件數來

濃青亂點水煙重一綫盤雲正挂龍樵路明朝新雨過

四山老樹沐秋容

夕香門改東籬二首

偶然門改仄怡受外眉山華表不足避危青俾守關鄰

菴遙出牖樵籠晚迎還一綠我深許茅堂雜樹環

寶詩本 挂瓢集

綠癖得隨順藤扉開麥秋五湖緣未定一角樹新收種

藥方書證看雲畫譜求樵朋亦延話不是例關休

五日曉霽作詩方洲夜來宿山堂早辭去

天容曬藥收絲雨客爲看雲渡曉湖浪跡十年思縹緲

遭逢今日有菖蒲桑珍返老拈重綠草取刊華采夏枯

佛前拳石聊修供頑字家傳一字符

茗語至

隔個嶺頭緘帖少也知洗鉢外頻頻破除寒暑聊搜句

閱歷榮枯賴灌園餘潤齒牙梅子嚼生涼談席竹風繁

乍來語路無阡陌忘了山堂五月喧

述王允憲處士清事



底須梅鶴染詩腸聞道長焚燭坐香婚嫁免愁羈五嶽  
無家偏喜壓襄陽好山歸路煙盈衲新句收來雪一囊  
濠上懸知魚樂在雲棲社集要提綱

題李長蘅小幅

此景尋思何處見湘山飛不起秋煙若將蒼莽齊詩品  
三百年來沈石田

雨後靈巖狀兄餉椒餅

乍卷雲衣晴色嫩半黃梅子綠陰饒定憐同味分餘餅  
儻悉孤懷更慘椒含辛天地禪風薄洗鉢湘潭舊夢遙  
拾紙寫來巖句報牆頭賸合過鄰樵

寶雲詩集卷六 挂瓢集

寶詩六

挂瓢集

五

鞠躬盡瘁當年話述舊在大鑿堂侍先師雨坐自誓之語白髮吞聲祗淚  
垂湘館追風今獨羨茶寮吹火我猶支壓肩擔子殘書  
累撲袖湖光冷翠宜提到衡山飛動意冬青閃鑠剪燈  
時

雨後山堂夜集有感

眼向青山未肯垂竹根鑪畔集新知相當細雨閒評帖  
小損春風為勸詩時為山中諸禪第韻語耳草菩提斷穿尋綫井輓  
轆聲淚欲糜坐中偶語及過去門人兼樹縹緲石屏眉疊夢挑燈說  
著舊癡兒

秋前破例作華山遊從喻兄借書夾

水牌新樣出書坡排日吟涼樹下多又向湘雲借書夾

蓮花底有看書窩

題畫扇

遠峰一抹雲大古崖勢仄吟聲出書屋秋心傳所得

題畫

疏林深淺相當半嶺陰晴乍變湘西煙翠飛來染著漁  
帆一片

畫品亦如棋品局局風流各變看他奪角衝關演得秋  
光成片

寶雲詩集卷六

寶詩六

挂瓢集

五

寶雲詩集卷七目錄

拂煙集

曬書用韻 松鍼 草菩提 聞蟬用韻 啞

蟬 詠啞蟬用韻 往荆谿南嶽寺華山雄兄

有詩贈行和韻 為友山釋字 補衣 補衣

復和華山兄 華山和尙秋日題友三扇面溪

亭依韻卒成 秋日卽事同華山兄 華山兄

垂和秋夕卽事復用前韻 前題重和華山兄

韻 作止和詩次韻呈華山兄 掃地 戲詠

行脚龜 題拈花圖卷 打新栗 詠扇篋

青香椽 詠苔錢 詠炭 補窗 煎茶聲

寶詩七

拂煙集目

鳳仙花 華山鳥道 石布袋 同禪者從澗

橋下至華山初地感古有作 秋田 燕菴歌

夜坐用笠侍者韻 八月尾宿堯峰頂聞喻

兄說嶺半虎事 寄紀大韶 靈壁樵易說未

成詩以促之 寄靈珏末 九日雨色中子深

喜曾過訪子深留新詩一幅去 櫟菴歌 木

犀香裏同以翼倚拙祖明諸公軒中語 詠木

魚 雁字 華山之頂有石名曰雲父 詠靈

巖饅頭石 中秋雨 前題復和華山兄 和

敘兄和尙韻 書見桃禪衲扇面 枯木 伏

虎碑 補進山詩 夜述西洞庭舊事 漢壘

南嶽村 山雨感懷 夜霖雨垣傾一絕

病日 南嶽樓中有感 寺閣吟 往余畫婦

地圖至南嶽半月而不能舉帚也自嘲作詩

題畫 二 澗邊 感事 敘兄貽香簃 山居

破布衫 夜燒山藥 蔬盤 松影 洗腸

池看瀑 瑞香花 豆苗 題閣後壁觀 白

蛇洞 指南堂 登傳病後作詩慰之 素皋

脫虎口一絕記事 除夕示振麓登傳 拙菴

南公五十 振麓和山閣吟余復用韻 首 二

燕菴 同華山兄尋石林禪院歸路作詩 戴

長者七十 題扇面雨景 題畫 中秋甚雨

寶詩七

拂煙集目

友人忽有新鮮雨之歎華山和尙為作新鮮雨

二絕余亦和之 題鳥窠吹布毛圖卷 詠青

香椽 越中某禪者乞書 秋海棠 雨中念

雄兄道路 擇茶 同類公法姪雨坐譚及天

童祖龍池閉關夜樵逸事 無底書箱 松路

初秋和華山和尙韻 朝煙 樹影 前題

復和雄兄 煎茶聲 山厨

寶雲詩集卷七

拂煙集

漏霜南潛著

曬書用韻乙丑

拂將煙篆與蟲絲書腦排齊一展眉攤在滿身苔薛石  
倒疑無字舊殘碑

青簡堆堆髮似絲桐風苦句憶通眉愛書愛馬雙清癖  
山尾山頭兩豎碑

松鍼

冷簇小規青芒垂數枝勁指南一路非吹亂方無正拈  
與付詞人繡出秋煙竟

有頭而無尾穿罅無一髮投之滿盂水鍼浮終不沒誰

寶詩七 拂煙集

呼龍樹起看刺青天骨

草菩提

居高不能卑尊貴翻成過委之在荒榛菩提非自墮所  
以持勝輪貴擊虛空破

從來千佛名渺若秋雁過草座亦不居白玉臺真墮譬  
如黃鶴樓崔顥曾題破

菩提作何味幾箇親嘗過休如嚼橄欖澀口擲地墮撥  
草屬知音一抉浮雲破

堂名憶靈巖量字加之過落草更一回那惜成雙墮誰  
拈一莖草打得瓊樓破

入草亦不辭此是諸佛過一葉儻遮睛名身隨以墮撥

動光明珠一粒一塵破

我有先天句剎那剎那過過則現量超佛頂青不墮拈  
他小彈丸立把宗綱破

聞蟬用韻

高樹吟風合墮樵千推萬抑響山寮巧將斷續傳心事  
恰似龍眠與白描

啞蟬

無舌人言啞一同肯將啞病等盲聾看他自敘真堪笑  
某甲生成啞老翁

琅琅殿鐸響秋空恰恰松聲奮曉風萬物有功甘退嘿  
口門不用更開封

寶詩七 拂煙集

詠啞蟬用韻

臨高無復喚蘋風枉了谿青夕照紅坐待秋窗絕餘響  
不關雙耳老來聾

悲秋口角付西風薄翅搖空等葉紅留得吟窗孤響在  
不教徐積只推聾

往荆谿南嶽寺華山雄兄有詩贈行和韻

浮湘提起祇長壘南嶽跟師夢裏身吳地寺名偏續楚  
舊時游記忽翻新乍攜破笠衝霜葉單倚青山作故人

訪我重聯舊吟筆湖橋曲處葢叢筠  
為友山釋字

損益論交道曾聞闕里書師伸二指苦汝把百非疏潔

徑秋編帚穿松雨荷鋤關心一趨步事事慎其初

補衣

照人瘦影月斜出伴著孤鍼竹一叢相當衲縫頭絲白  
乍報風霜嶺樹紅

指甲鈍來移舊綫補丁湊著像知音有時渴睡迷離眼  
錯把虛空劄一鍼

補衣復和華山兄

別後雲峰意向關舊衣片段一堆頑依稀綫路瀟湘雨  
提起衝寒夢裏山

配得山門色似灰衲頭百孔蘚花堆穿鍼只備支風雪  
肯換眉山玉帶來

寶詩七 拂煙集

華山和尚秋日題友三扇面溪亭依韻卒成

亭子像浮葉苔花滿衣綴安得移遠山吟看飛鳥背

秋日卽事同華山兄

漸看紅繡落楓春瘦削千山未覺貧背冷喜憑松作蓋  
眼花笑見月重輪何須點首分橫豎慣把舌聲當指陳  
他日谿亭名二老瀑花飛濺髮如銀

華山兄垂和秋夕卽事復用前韻

三十番花換綠春研山往日共忘貧腸中難免車輪轉  
指上愁將歲月輪詩路打開端要別遺言苦述不妨陳  
宵深措眼重相問誰賣銀城的是銀

前題重和華山兄韻

糝花枯木歲寒春錦繡成堆說甚貧巧合古來珍合璧  
無雙天上有雙輪盤雲白鶴周旋久乙丑七月望後四  
鶴來蓮花峰頂

作止和詩次韻呈華山兄

拋琴從此罷陽春詩亦如人貴守貧截住合流迴澗道  
生他四角礙車輪秋山閣筆無窮好小弟忠言不再陳  
打掃詩林停韻脚重門新鑰要裝銀

掃地

卷廊秋葉韻鏘鳴把帚吟來與和成老漸虛懷習恭謹  
空山且學折腰行

寶詩七 拂煙集

看他天上掃浮雲

橫披豎抹夕陽中帚染苔青并葉紅不是秋山逃錦繡  
單提潔淨舊家風

立斜樹影月盈庭折得搖空鳳尾青祇爲紅塵飛不盡  
銀河邊有簸箕星

戲詠行腳龜

曾共魚星天上行秋河翹首看雲生千山亂蹋空塵土  
脫甲高飛枉舊名

琴中大小蟹行行不道游心爾也生硬自承當花滿背  
九宮飛跳本馳名

題拈花圖卷

賢劫第四釋迦佛撒沙隻至那邊行誰將一笑春風面  
聽做頭陀痛哭聲

打新栗

喚拾青青栗棘蓬楊歧打眼也冬烘兩手雖然無著處  
會看到口玉玲瓏

渾身翠蘚裹泥團未剖泥團卻被瞞一味綠攢傷手刺  
沉團休弄只堪觀

詠扇篋

祇道清風無住處元來摺向此中藏明年花信番番過  
把出重新爲舉揚

青香椽

寶詩七 拂煙集

未降霜時得未多黃柑那許與同科配著滿林香翡翠  
濃青箬笠綠漁蓑

風霜心事舊囊藏竹柏青蒼共寺廊僧老面紋同百皺  
比量輸我幾分黃

詠苔錢

蹴蹋青錢自在行卻疑腳下有雲生買山無計空囊老  
方信虛名誤一生

詠炭

畫炭曩看沈石田橫斜寸寸抹松煙不曾寫到紅鑪鍛  
打徹光明黑暗天

補窗

斜斜整整紙痕聯照樣僧衣挂水田後夜長空新雁過  
免將殘影落燈前

劃斷寒光片紙中裏頭光借外頭紅傳語茫茫門外漢  
從今休怪不通風

煎茶聲

竹鑪吹火入初更調合松風分外清昨日瀑花飛百尺  
熱時聲比冷時輕

鳳仙花

谿雲吹出舊秦樓天上簫聲付碧流小鳳蹋花紅淚溼  
漢唐池館幾迴秋

華山鳥道

寶詩七 拂煙集

穿雲鳥道透重關跳脫鸞飛鳳舞閒之繞轉頭看倒筆  
知音畢竟趙寒山

石布袋

擘不能開袋口寒街頭故事又更端大地山河裝未入  
勸君莫向裏頭看

同禪者從澗橋下至華山初地感古有作

話斷還相視秋泉照影時花看龍爪攬路想馬蹏遲往  
事山經在新名石貌疑歸開右軍帖人外定誰期

秋田

秋田蹋蹋喜初晴黃染殘陽綠漸更君看青山影中稻  
垂頭都學老人行

燕菴歌

黃茅未是藏名地且停茶杯論燕字燕安燕樂詎心期  
温飽男兒非所志絲來所悅以為安乘危不用逡巡避  
不見嵩山積雪中接續西天人斷臂吾論燕字更深層  
要發宗綱提古義室內閉閑樂未央兒孫得力須牢記  
子順於父臣輔君寶鏡分明勞逸事春風不上玉簾鉤  
落花遊絲遠天翠只教燕寢靜凝香功成灑落翻秋翅  
燕菴歌歌未備古來漁父忌棲巢隔水問樵應有意打  
掃精藍法界寬一袈裟地何容易

夜坐用簪侍者韻

也想黃牛買一頭谿山好處跨來休而今且把書遮眼

寶詩七 拂煙集

七

鑿鑿孤鐙一檻秋

八月尾宿堯峰頂聞喻兄說嶺半虎事

半山瞋睡醒鑿鑿坐來遲打瓦葉飛急鐙前說虎時

寄紀大韶

學的紅心幾個穿天荒地老疊殘編知音尤喜生同世  
定論真須到晚年永叔浮雲石門破黃牛枯墨少游傳  
不消評史勞勞問看畫名山話始圓

靈璧樵易說未成詩以促之

鐵障千年易學盲華山一半互陰晴圖成吾已垂垂老  
算合何堪緩緩程斷爛綠文傷兩漢革除亥正為秦嬴  
杏檀吹得沈灰起不負寒樓舊短檠

寄靈珏未

長空雁影去來身喜汝能將祖意陳免水舊曾分半偈  
曉寒早已籍門人羣空西極來天馬法到神州感獲麟  
只嚼枯柴病僧話宗風家學轉雙輪

九日雨色中子深喜曾過訪子深留新詩一幅

去

破堂九日彈詩苦宿雨高梧緩滴殘蹋葉又隨秋浪遠  
翦鐙來共夜窗寒青山難喚石湖起是日始點石湖詩本俗禮幸  
逢乖叟寬博古品評誰正眼袖中珍重玉螭蟠

樸菴歌

吾昔衡山遇樹王樹無名字身昂藏樹王無名以為用

寶詩七 拂煙集

八

無名之名名乃揚又嘗親見松化石鱗甲鍼芒成石脈  
名松名石等空名用著空名見標格此二樹者真絕奇  
無甚高論從其卑曲轅蔽牛樸社樹臨山千仞才橫枝  
匠石不顧樸不怨檀梨橘柚徒堪悲古來大用在無用  
繩墨不中天年持藏於龍雲用獅吼天山聖謨亦有之  
珍重藏身舊家法翡翠秋枝雲外插

木犀香裏同以翼倚拙祖明諸公軒中語

一院秋香集素心單提冷字是知音玲瓏尤喜藏身綠  
瑣碎從看滿地金撥著秦灰思古鼎收來宋歷當遺簪  
華山兄述見南宋舊歷刻本無端浪跡無端話留句詩教後日尋

詠木魚

肯負香餌逐青蘋出水紅鱗定有神搖撼千山一聲吼  
始知枯木口含春

雁字

望江南曲唱初殘和雨和煙寫段酸配得巴江新疊筆  
倚來卮字舊欄干祇貪草草斜行去不管茫茫老眼看  
傳語天衣問秋影寒潭摹得幾分寒

短亭橫浦浪秋辭淡墨斜飛幅幅奇讀未成文添遠想  
風來吹側更多姿疑今疑古何年體江北江南幾箇知  
注目衝雲天上去玉樓聞道要新碑

莫是飛來答惠崇斜題一幅雨煙中蘆花隊裏茅菴額  
秋水澄來墨法空萬卷浮雲橫嶺上六朝如夢寫江東

寶詩七 拂煙集

九

若教撞著功臣政免得塗雅學小童

鳥道霜寒鶴夢醒隔層煙樹篆痕青誰疑平仄篇頭韻  
只聽丁璫殿角鈴端的無言垂古調分明天上布新銘  
從來解讀推漁父只在秋蘆水一汀

華山之頂有石名曰雲父

戀子非無意爲霖那緩飛何曾全不顧祇是未教歸霜  
喜遮紅葉風看動白衣閒閒得安坐身遣綠苔圍

詠靈巖饅頭石

清齋壓倒露葵烹宰九誦訛攷未成千縷白雲權作甑  
一坏黃土愧同名安知腹內能容否不耐形模太冷生  
礪齒可能真漱石這回咀嚼試行行

中秋雨

莫倚梧桐更問天秋光打斷雨絲連應知月在浮雲上  
也恨人無覿面緣

前題復和華山兄

燭短吟長澹墨天情如蜂蜜釀黃連明年西塞山邊月  
翻轉斜風細雨緣

和敘兄和尚韻

秋山繡簇未成貧充作伽藍白髮民短技自量齊襪線  
舊交相似合絲緒坐提研石看雲話同侍衡峰執帚人

洞壑從今決游約樵車肯碾世間塵敘兄二十七年  
前同余在靈巖侍寮  
雲山自此不教分老去相當遠岫曠一段配兄詩絕妙

寶詩七 拂煙集

十

千峰圍得翠紛紜名傳蜀郡思鄉夢畫蹋倪迂澹墨雲

況說騎牛田舍樂功臣風味願同羣

書見桃禪衲扇面

蒸出紅霞海市樓落英飛到釣船頭好拈一幅惠崇雨  
換眼青蘆白雁洲

枯木

飛來蝴蝶作秋蕊斑剝滿身蟲篆鋪誰見風霜搜骨苦  
打成文彩費工夫

伏虎碑

伏虎唐代碑舊埋崖腹裏裂山自何年露石文宛爾骨  
藏渺斷雲高僧跡奇詭合有騎虎圖傳觀毛髮起不知

好事誰重與搜畫髓洗腸留寒泉借以潔人耳吾來秋  
正深碑前葉如綺

補進山詩十月望日

茗谿習漁樂初棹荆谿裏茗谿與荆谿相當一秋水十月

三日抵荆谿

心同谿路迴懷積未能散把手論心深不知交日淺水際

遇懷夢老居士

昔賢愛馬處頃自彼中來支許篷窗話相期古路開日朔

離華山明日宿段莊四日至郭外也

行行及水窮問名云大澗摩挲數縛書樵車應未慣船住

樵車雨中止車路曲能尋去冬才六日楓隱正楓深道遇

寶詩七 拂煙集

急雨樵車過楓隱

留得古雷痕稠錫經殘樹寺門隔澗橋一橋黃葉雨寺至

夜述西洞庭舊事

破鍋炙手冬茶炒土盞攢眉苦椽丸不信燈前青縹緲

夢中疊翠換銅棺

漢壘

依稀戰壘傳炎漢轉換衡雲記赤烏晨鐘杵醒鴻溝夢

寫幅寒崖脫葉圖相傳漢王戰壘而名漢也

南嶽村

樹光晴亦溼綴屋劣成村石頭排雁次樵事坐來論

山雨感懷

秋裝卸定雨絲絲合眼吳山尚未離垂老遊程真秉燭  
就間句譜類殘棊出師表要輪番讀船子歌留浩蕩思  
絮語臨窗二三子青山宜我更無宜

夜霖雨垣傾一絕

古來琴操寫崩山霖雨垣頽意政關打合老僧癡界內  
石頭大小一堆頑

病目

雲浮四壁訝新晴觸樹寒花歷亂生句法能留詩裏眼  
江山儻助老來情古人未忍隔相見殘卷得開須覓明  
閱簡方書餐菊外也思尋藥澗邊行

寶詩七 拂煙集

南嶽樓中有感

說著浮湘淚幾揮三閒樓窄竹笆圍剗來退道坡全坦

減樣匡廬布亦飛

書籤木葉共秋聲山帶西谿淺綠橫準備釣蓑衝雪去

白頭柔櫓耐煩行

茗谿接壤總漁鄉里語年來半已忘風土記中詳寫未

粉蛇紅燭祭蠻王

卜居陽羨事飄零山水空傳筆墨靈不信千秋蘇玉局

天邊泥著破鞋星

古松蠶動澗花飄轉憶梅谿立板橋幾個江南一江北

雨中同話仰山欽



從來泉石煙霞疾問著醫門袖手多急須料理看山眼  
痼癖膏肓一任他

寺閣吟

補處身何敢衡峰號媿同湘帆隨向背吳地乍西東舊  
衲手山雨新巢一字楓老師題榜與還在侍寮中

余給侍靈巖時先師爲題楓巢二字

寺故鄰楓隱山山楓色齊小樓隨意坐孤笑不勞梯對  
石眼同冷評雲首未低會心前輩墨選勝說荆谿

往余畫埽地圖至南嶽半月而不能舉帚也自

勵作詩

離言幾度從忘帚識字無人解寫箕那知埽地圖中影

寶詩七 拂煙集

浪作談天座上詞

籬圍鹿眼葉空積松靠龍鱗雨自飛磨墨也曾遭敗缺

先師把手笑言非

白頭廢學難重學埽地無長更底長袖手且收雙眼翠

任他蛛網布吟箱

題畫 二首

搖枝挂松颺窺人目還仄小停圓月上樹影虛窗得  
層層縛屋牢步步綠花仄松間亭子寒無使雲先得

澗邊

得徑就樵席竹中宜小軒低留雲宛坐嗚咽澗如言本  
務課編帚閒心嗜灌園老藤鬚鬚古往往學垂螻

感事

晨星幾點食堂偏遠把家風冷澹傳蕭條南嶽三聲板  
省卻汾州一陌錢

敘兄貽香贊

一器香贊傳手帖寫言要配竹根鑪依稀相識雷文角  
樣在宣和博古圖

山居

退院僧來赴寺招量才只合逐行樵藥備夜煎收木屑  
飢煩執侍饋鍋焦尙留釣具重栽竹廢撚詩九只挂瓢  
多恐蓋頭雲片笑出坡又把破書挑

面面峰名憶洞庭此中來倚四窗青打眠學樣松根碣

寶詩七 拂煙集

無舌真看殿角鈴雲絮難裝鐙下衲月輪伴了畫中經

詩牌影壁紛多件暇日思量遍作銘

老來膽小靠前聞碎事猶堪寫贈君茶重水評元取澹

藥尋火候也須文瓢樹還同茗帚挂硯池新向洗腸分

松風澗月從來富更贖牀頭一甕雲

廚慣無鹽圃少蔬荒涼像住石屏初堂空待補單條字

葉脫容看來注書采來椽足鍋催洗拾得詩迴草督除

清事更番政無暇寒山課和不曾疏

紅樹梢頭早雪時看花霧裏老休悲

秋後病日

平提世事慵

開眼單爲青山又覓醫舊路湘江留段夢故鄉石屋有

編詩渡頭喚起當年句雲帶鐘聲出嶺遲

心難喚起古人論樹有搖霜幾葉存解事雨聲供展卷  
可人木樨稱支門水尋天目高源路雲看銅官出處根  
裝點漁樵社中景山童掘藥鬧孤村

舊圖憶遣高人墨忽到山窗潑眼明孤閣擁青文待詔  
段雲橫白李長蘅昔年藏此二圖遺去經三十年較晴較雨分農話銜

草銜花驗鹿行最是療飢希有事齋堂板喜一聲鳴

北宋猶傳古調琴石門妙總立言深青山只葬高人骨  
白日難埋大雅心落葉誰將豐草續梨花還記角頭尋

竟陵書督匡廬約遊債茫茫負至今

西塞桃花繞路霞生緣我本是漁家伸眉萬卷挑燈蕊  
留髮三冬鬪雪花省轉湘帆來嶽寺擬尋穴路上樵車

寶詩七 拂煙集

十五

地頭茶器收藏易陸羽傳經定未差

憔悴門風聽自嘲拚將枯樹與人描雞毛筆買愁空橐  
鴉嘴鋤攜晚定交聽瀑有時拖客屐絕糧無計解僧包

獻徵零落禪林事悶把鐙前禿管敲

破布衫

破衫故事苦絕少近事零星聊足誇碎荷葉畫曹太史

補綠萹詩陳白沙曹桐工太史有碎荷葉一幅數年前余爲作歌陳白沙詩老妻連夜補萹衣天上浮雲飄蕩似青州斤兩重輕差關心畫壁朝陽

衲點燭來看山月斜

夜燒山藥

洗閣銀砂映月灘鑪頭分得冷花湍入地肝腸還似雪

夜深拈在箸頭看

蔬盤

曉堂隨眾粥例有小蔬盤乾蔬備筋骨入口咀嚼難老

人苦齒脫白粥自勉餐禪子或念我列坐默而歎椒鹽  
分別器聊供老者安空山食同堂一味共甘酸無齒斷

朝蔬敢煩眾慮殫入道共休戚土盞誓同懽念老意勤

厚我媿坐自瞞食堂收異器莫遣古風寒

松影

屋瓦綠鱗鱗側臥高松影松身屋上嗚呼他影不省

洗腸池看瀑

挽得銀河一道寒匡廬布水夢初殘思量尙欠東林集

可惜曾無李白看驗古人腸濤似雪隔風塵路谷如盤

飛湍鳥道稠青樹留在風霜過後觀

瑞香花

壓枝瑣瑣白含香梅蕊前頭蘭未長何事名高比鱗鳳

爲他歲暮矯風霜

豆苗

山堂一夜生冰絲蛟館織綃綃所遺或疑滅樣細玉箸

陽冰吞聲但道奇湖中蓴條沒青骨谷口水簾垂凍糜  
實頭指出全不爾移換淵明種豆詩山家蔬譜豆苗雋

盛以玉壺貽所思

題閣後壁觀

南嶽高閣當崖半閣開東軒青影亂後來思好軒子名  
行隸題之爲壁觀當年壁觀婆羅門屈殺達摩罪妄判  
二字非佳名大佳此中立言奇一段鐵壁鐵壁自己看  
已是鐵壁金不換譬如玉手點青蠅曉用薔薇香露盥  
作是觀者名正觀壁非是壁觀非觀

白蛇洞

白蛇知愛茶風韻蛇有凌雲仙骨分曾聞鶴作仙人驥  
蛇亦僧坊效搬運陽羨茶名在天地茶子銜時誰解問  
幽宮應在卓錫泉冷含山雨飛秋煙

指南堂

小築崖當面開窗綠一方指南南孰是留與側身商

寶詩七 拂煙集

七

登傳病後作詩慰之

冷未敗人意谿山病後清放懷雙眼碧餘力五言城小  
技文猶障孤峰頂要明夜鑪同撥芋期把舊鐙評

素舉脫虎口一絕記事

虎口翻身意氣麤爪聲拂袖葉聲枯籬笆缺陷低牆接  
此地曾經捋虎鬚

除夕示振麓登傳

銅棺匿其峰老翠眉如翦雪寺逢遲暮詩丸不能撚先  
師憶瀟湘旅亭猶自區況我習吳山扁舟思不淺

拙菴

拙者能言拙余將無所辭巧非書法貴野最草堂宜指

此一條路刊成無字碑雕龍亦何取古不急人知

南公五十

閱世換衰盛一身分古今禪風驚別調吾道貴孤尋游  
取新程淡書探舊帙深還思研山集鐙火雁天心

振麓和山閣吟余復用韻一首

遙情縱孤領游亦要人同點筆白雲背斷崖朱閣東譚  
醫拈鹿草射雨轉神楓碎事備蔬筍拾來秋翠中  
百尺樓非峻高言不易齊退之詩裏說太華采無梯語  
鳥緣中暗崖松影乍低斜陽善提示一縷射前谿

燕菴

林壑曠須與文章奇在閒息還當六月塵不到三山所

寶詩七 拂煙集

六

以會心遠都將枝葉刪高窗收冷綠應隔亂雲間

同華山兄尋石林禪院歸路作詩

山雨飛絲故緩行行行珍重看山程煙林得許可無恨  
兄弟嚮來同此情苔走石能粗作字風高松亦有時鳴  
夢中雞犬天邊路隔五年頭記不明

尋碑貪繞寺邊行秋把山程作課程樹暗龍池生雨色  
杖投鳥道放詩情廊拈憩負名全假橋合雙流澗一鳴  
要做茗谿編里語吳中瑣事記分明

戴長者七十

浙西煙壑總清華黃海高人託志遐劉向傳中間采藥  
葛洪圖裏看移家詩成爲種南山豆僧至同評顧渚茶

最是牙籤舊來癖白頭還把著書誇

題扇面雨景

畫山山雨中潑墨皆成雨懸知開葉聲書籤清共數

題畫

樹身擁腫不能媚山骨麤疏神有餘有人背手高着眼  
定想唐朝顏柳書

中秋甚雨友人忽有新鮮雨之歎華山和尚爲

作新鮮雨二絕余亦和之

三語新鮮雨亦新雨中眼換舊時人直教新到長松樹  
閃爍蒼龍變老鱗

廬山瀑布不新鮮換得銀河挂九天茶筵不用新鮮果

寶詩七 拂煙集

十九

只聽簷聲送晚年

題鳥窠吹布毛圖卷

佛法光光達者愁髮鬆撮在指尖頭可堪逐隊從風走

柳絮蘆花春復秋

詠青香櫞

留來一色迎霜綠藏得連房入骨酸莫將秋蒂輕分剪

要看同心碧玉丸

越中某禪者乞書

洗鉢年年新玉露紙衣點點舊詩斑古人痛悔離師蚤  
耐剪秋鐙在故山

秋海棠

冷紅留作晚秋看老去風華擲置難憔悴肯將衰柳並  
滿身山雨不知寒

雨中念雄兄道路

出門記上竹輿時說欠臨行別我詩而今倒用蓮華印  
唱句催歸和莫遲

擇菜

如許饒風味能無揀別精江西備鹽醬葉葉取英靈  
莫訝隨流葉飄零暗自推看取天廚供都經毒手來

同類公法姪雨坐譚及天童祖龍池閉關夜樵

逸事

破箱隨浪跡心碎著書中坐盡一迴語憂看千古同錦

寶詩七 拂煙集

二十

楓扶嶺色珠雪重家風樵譜傳遺事龍池憶祖翁

無底書箱

祇緣空洞大文舒說什蓬山與石渠直透錄衣銷後劫

能收龍樹棄來書乍擔肩上清風過不點地頭塵土除

放浪蠹魚無約束未成脈望已蕭疏

松路

平看白鳥雙去倒相長松頂頭踢着簇新句子澗邊步

步清秋

遊帶詩中活眼山看畫裏髻頭載得松風澗月五湖去  
賣新秋

初秋和華山和尚韻

元來天也要知音辦取批山抹水心待看秋風擅場手  
山塗翡翠葉塗金

石牀閒殺綠錢疏待我思量點綴渠掃葉帚兒安一角  
靠松根閣幾堆書

朝煙

朝煙赴亂雲去雲無一尺欲辨煙雲者煙青雲是白

樹影

好將一匹絹移此眼枝着題曰支離叟字用元和腳

前題復和雄兄

誤他倦鳥心繞枝踟不着一陣落葉吹元飛兩山腳

煎茶聲

寶詩七 佛煙集

三

提着浮湘父子行迴腸百折轆轤鳴此夜茶煙不須避  
分明嗚咽聽灘聲

天風掀動海濤新石鼎秋輪碾夜塵祇恐波瀾太狼藉  
一時搖撼捧鑪神

山厨

守火無青猿看雲獨盤膝起來隨雲行去打西岩栗

禪樂府目錄

臺山編

臺山路 洞山麻 吹紙燭 永字法 輓轢  
 鑽 黃鶴樓 牡丹夢 禾山鼓 雪峰球  
 高安灘 芭蕉杖 魯祖壁 迦葉舞 青州  
 衫 吹布毛 華亭船 東海鯉 處士畫  
 呼小玉 破竈墮 五通仙 捧鑪神 飯袋  
 子 洗鉢盂 汝水流 寫戲來 南山茆  
 輓繡球 靈樹碑 虛空鼓 水盆劍 露柱  
 餅 書梵字 望州亭 隔江招 弄師子  
 鼈山雪 銀彈子 子湖牌 小脫空 赤梢  
 禪樂府 臺山編目  
 鯉 無底籃 風旛動 塗毒鼓 白馬廟  
 鷓鴣香 嶺中去

禪樂府

臺山編

漏霜南潛著

敘曰一聲漁父瀟湘江上動吟魂別樣風流錦繡  
 幃中酬豔曲宮沈羽振玉轉珠迴然法苑笙簧疊  
 奏聯珠之頌詩林鼓吹未聆天樂之音義取鐙元  
 辭分鍾律禪樂府之名請從此始佛法曲之外差  
 有微長

臺山路

僧遊五臺問一婆子曰臺山路向甚處去婆  
 曰葛直去僧便去婆曰好個師僧又恁麼去  
 後有僧舉似趙州州曰待我去勘過明日州  
 便去問臺山路向甚處去婆曰葛直去州便  
 去婆曰好個師僧又恁麼去州曰歸院  
 謂僧曰臺山婆子為汝勘破了也  
 禪樂府 臺山編 一嘉業堂藏刊

歷落長江流不住芒屨一編無遮護樂府休翻蜀道難  
 千秋眼底臺山路金烏無情玉兔速短亭不管楊朱哭

洞山麻

僧問洞山守初宗慧禪師  
 如何是佛師曰麻三斤

麻三觔吹作瀟湘一段雲僧繇笑展丹青手難繪長天  
 鳥跡文寄語春風翰墨場莫將觔兩錯商量睦州有箇  
 輓轢鑽一併投他骨董箱

吹紙燭

德山禪師初往龍潭至法堂曰久嚮龍潭及  
 乎到來潭師不見龍潭又現潭引身曰子親  
 到龍潭潭師無語遂棲止焉一夕侍立次潭曰  
 更深何不下去師珍重便出卻回曰外面黑  
 潭點紙燭度與師師擬接  
 潭復吹滅師於此大悟

古鏡重磨墨如漆蚩尤旗掃精靈窟黃鶴樓碎鸚鵡翻  
大地山河眼中失龍潭神俊老無匹天馬嘶空善奔逸  
六螭紅輪夜中出

永字法

睦州龍興陳尊宿因秀才相看云會二十四  
家書師以拄杖空中點一點云會麼秀才問  
措師云又道會二十四  
家書永字八法也不識

須彌染雲如染墨倒卓虛空適筆力四海飛濤秋研滴  
塗抹星辰天地黑鬼哭無聲倉頡匿鐵畫銀鉤空記勒  
蘭亭真帖憑誰得

轆轤鑽

睦州陳尊宿因雲門敲門乃問誰門云某甲  
師開門便拴住云道道門擬議師便推出云  
禪樂府 臺山編 二

秦時轆  
轆鑽

轆轤鑽天無岸鑽轆轤芙蓉鏢雲門一字運斗樞威靈  
未改秦時符是辟不祥名瑞圖海枯露出紅珊瑚磨兜  
堅錯入儒林作話傳如呼豨樂府轉音人不知陳蒲鞅  
情性乖翦拂青松當古釵門前好挂賣癡牌

黃鶴樓

長沙因秀才看千佛名經問師曰百千諸佛  
但見其名未審居何國土還化物也無師云  
黃鶴樓崔顥題後秀才還曾題未  
曰未曾曾師云得問題取一篇好

鸚鵡洲空黃鶴去百千諸佛棲何處南浦離魂微雨中  
樊山幽絕江天曙黃鶴樓黃鶴樓衙官屈宋丈夫事那  
管崔顥題詩在上頭

牡丹夢

南泉普順禪師因陸巨大夫云肇法師也甚  
奇怪解道天地同根萬物一體師指庭前牡  
丹云大夫時人見此  
一株華如夢相似

南園蝴蝶飛如雪長柳書中收不得片時踢盡江南山  
誰將枕子輕推出華清遺事無消息魏國姚家難復覓  
空向元輿賦裏看占斷春風名第一護花闌冷鈴聲絕  
無人重鼓南泉瑟

禾山鼓

吉州禾山無般禪師僧問習學謂之聞絕學  
謂之鄰過此二者謂之真過如何是真過師  
曰禾山解打鼓曰如何是真過師曰禾山解  
打鼓問師曰如何是真過師曰禾山解  
師曰禾山解打鼓曰如何是真過師曰禾山解  
向上市師曰禾山解打鼓

禪樂府 臺山編 三

白鳥飛邊斷秋雨漁家一簇煙如縷歷落乾坤無寸土  
禾山鼓綠楊古岸青裴舞

雪峰球

福州雪峰義存禪師因玄沙問某甲如今大  
用去和尙作麼生師遂將三箇木球一時拋  
出沙遂作斫碑勢師云你親在靈山方得如  
此沙云也只是自家事師一日升座眾集定  
乃觀出木球玄沙遂  
去捉來安於舊處

七輦妙舞飄輕裾遊龍驚鶴變態舒燭花四焰雜戲作  
舍利翻騰比目魚百尋巨獸號曼衍神山鬱律通仙車  
咽刀吐火畫河洛跳九躍劍身凌虛四筵歷落掉神魄  
北斗可攀山可漁象骨峰頭老狡獪逢場拍手春風餘  
木球輓出無聲曲祇有玄沙愛水嬉

高安灘

鎮州臨濟義玄禪師初在黃檗會中行業純  
師時睦州為第一座乃問上座在此多少時  
知問個甚麼州日會參問否師日不曾參問不  
佛法的問大意師便去問聲未絕某便打師  
下來州日問話作麼生師日某甲問聲未絕  
和尙便打某甲不問會州日但更去問師又問  
承激勸問法累蒙和尙賜棒自恨障緣不領  
深旨今且辭去州日汝若去須辭和尙了去  
師禮拜退州先若到黃檗處日問話上座離是  
後生卻甚奇特若來辭方便接伊已後為一  
株大樹覆蔭天下人來在師來日辭黃檗  
日不須他處祇往高安灘頭參大愚必為汝  
說師到大有處思日甚處來師日黃檗來愚日  
黃檗有為言句師日某某甲有過無過愚日  
大意三度被打不知某某甲有過無過愚日  
大與麼老婆心切為汝得徹日元來黃檗問  
有過無過師於言下大悟乃日鬼子適來道有  
法無多子愚務住日遣尿淋鬼子適來道有

禪樂府

臺山編

四

過無過如今卻道黃檗佛法無多子你見個  
甚麼道理速道速道師於大愚肋下築三拳  
愚拓開日汝師  
黃檗非干我事

高安灘頭石鑿鑿高安灘上波聲惡有鞦韆不踢高安灘  
莫信青天蜀道難

芭蕉杖

鄧州芭蕉山慧清禪師上堂拈拄杖示眾日  
你有拄杖子我與你拄杖子你無拄杖子我  
奪卻你拄杖子  
靠拄杖下座

有拄杖渡海鐵船輕蕩漾無拄杖螺螄吞卻南州象撥  
起芭蕉兩道眉雙峰倒插青天上

魯祖壁

池州魯祖山寶雲禪師尋常見僧來便面壁  
南泉問乃云我尋常向僧道佛未出世時會

取尙不得一個半  
個他消麼驢年去

碧雞黃馬成塗轍炙穀談天謬分別塞斷清辭玉露銷  
嗟峨壁立銀山截走九俊辯談無舌日月雙輪熾然說  
滔滔萬里河流折盡滴祖師悲願血人間不信冰花熱  
眼中添得黃金屑

迦葉舞

世尊因乾闥婆王獻樂其時山河大地盡作  
琴聲迦葉起作舞王問迦葉豈不是阿羅漢  
諸漏已盡何更有餘習佛云實無餘習莫謗  
法也王又撫琴三遍迦葉亦三度作舞王云  
迦葉作舞豈不是佛云實不曾作舞王云世  
尊何得妄語佛云不是妄語汝撫琴山河大  
地木石盡作琴聲豈不是王云是佛云迦  
葉亦復如是所以實不曾作舞王乃信受

禾山打鼓雪峰球秉笏義蕩釣舟大戲場中顛不了

禪樂府

臺山編

五

打從迦葉弄虛頭

青州衫

僧問趙州從認禪師萬法歸一一歸何所  
師日老僧在青州作得一領布衫重七斤  
青州衫重七斤呼牛呼馬非煙非雲左手握霧與影平  
分

吹布毛

鳥窠道林禪師見秦望山長松盤屈如蓋遂  
棲止其上故謂之鳥窠禪師復有鵲巢於側  
自然馴狎亦日為鵲巢和尙有侍者會通一  
日欲辭去師問日汝今何往對日會通為法  
出家和尚不垂慈誨今往諸方學佛法去師  
日若是佛法吾此問亦有少許日如何是和  
尙佛法師於身上拈起布  
毛吹之通遂領悟玄旨

一莖草上瓊樓現萬戶千門飛紫電等瑟筵侯法樂身



餅盤釵釧黃金面鳥窠破的忘歸箭白羽飛鳧安足羨  
霹靂弦開天地變梵語唐言穿一線

華亭船

道吾到京口遇夾山上堂僧問如何是法身  
山曰法身無相如何是法眼山曰法眼無  
瑕道吾不覺失笑山曰便下座請問道吾某甲  
適來祇對這僧話必有不是致令上座失笑  
望上座不吝慈悲吾曰和尚一等是出世未  
有師在座不吝慈悲吾曰和尚一等是出世未  
某甲終不說請和向人往華亭船下無卓錫  
日此人如何須易服而往山上無片瓦下無卓錫  
和向若夫須易服而往山上無片瓦下無卓錫  
華亭船子纔見便問大德住甚麼寺山曰寺  
即不住任即不似師曰甚處學得來山曰非  
不是目前法師曰一句合頭語萬劫繫驢  
之所到師曰一句合頭語萬劫繫驢  
問垂絲千尺意在深潭誰釣三寸子何不道  
山擬開口被師一撓打落水中山纔上船師  
又曰道道山擬開口被師一撓打落水中山纔上船師  
禪樂府 臺山編 六

點頭三下師曰竿頭絲線從君弄不犯清波  
意自殊山迷問拋綸釣師意如何師曰絲  
懸綠水浮不定有無之意山曰語帶玄而無路  
舌頭談而不談師曰如是如是遂囑曰汝向去直須  
乃掩耳師曰如是如是遂囑曰汝向去直須  
藏身處沒蹤跡沒蹤跡處莫藏身吾三十年  
在藥山祇明斯事汝今已得他後莫住城隍  
聚落但向深山裏鑽頭邊覓取一個半個接  
續無令斷絕山乃辭行頻頻回顧師遂喚闍  
黎山乃回首師豎起橈子曰汝將謂別有乃  
覆船入水而逝

三泖煙銷峰影碧舴艋為家任狼籍荻花楓葉秋滿天  
絲綸帶月垂千尺覆船老遂風波癖千秋靈骨無蹤跡  
釣灘曉射晴霞赤

東海鯉

越州乾峰和尚問十方薄伽梵一路涅槃  
柴門未審路頭在甚麼處師以拄杖畫云在

這裏僧後請益雲門拈起扇子云扇子跨  
跳上三十三天築著帝釋鼻孔東海鯉魚打  
一棒兩似  
盆傾會麼

火中之髮必有峰頂之船扇子跨跳上三十三天東海

鯉魚打一棒兩似盆傾殊不然仙人赤松奉藥一九飲

以陸海之水令無舌人端唱真言陛下和樂億萬年

處士畫

大陽明和尚問梁山如何是無相道場山指  
觀音云此是吳處士畫陽擬進語山急索云  
這個有相底如何是無  
相底陽於言下有省

萬里遙山鑿數尺劍花歷落天官壁揮毫氣挾裴將軍

慘淡風霜鬼神立畫山分主客畫樹兼正側畫龍怒爪

石畫馬夜踞齧轉換山魂移水魄無手精靈弄丹碧鐵

禪樂府 臺山編 七

馬嘶秋曉無跡

呼小玉

昭覺寺克勤佛果禪師在五祖侍者寮會部  
使者解印還蜀諸祖問道祖曰提刑少年曾  
讀小豔詩否有兩句頗相近頻呼小玉元無  
事祇要檀郎認得聲提刑曰應啼啞祖曰且仔  
細師適歸侍立次問曰聞和尚舉小豔詩提  
刑會否祖曰他祇認得聲師曰祇要檀郎認  
得聲他既認得聲為甚麼卻不是祖曰如何  
是祖師西來意庭前柏樹子聲師忽有省遠  
不見雞飛上闌干鼓劫而鳴復自謂曰此豈  
不是聲遂袖上闌干鼓劫而鳴復自謂曰此豈  
銷錦繡繡帛歌叢裏醉扶歸少年一段風流  
事祇許佳人獨自知祖曰佛祖大事非小根  
劣器所能造詣吾助汝喜祖徧謂山中者舊  
日我侍者參得禪也緣此所至推為上首

聲聲小玉檀郎認著多應錯銀箏厭撥相思曲紗窗日

落淚痕寂寞菖蒲葉作瀟湘綠

破竈墮

嵩嶽破竈墮和尚不稱名氏言行匪測隱居  
嵩嶽山鳴有廟甚靈殿中惟安一竈遠近祭  
祀不輟烹宰物命甚多師一日領寺僧入廟  
以杖敲竈三下曰咄此竈只是泥瓦合成聖  
從何來靈從何起恁麼烹宰物命又打三下  
從前師曰是甚麼人曰我一人青衣我冠設拜  
業報今日蒙師說無生法得脫此處生在天  
中特來致謝師曰汝木有之性非吾強言  
不蒙示誨竈神得甚麼徑旨便得生天師曰  
我信無言師曰會麼僧曰不禮拜師曰破也  
性為甚麼不會侍僧等乃禮拜師曰破也破  
也墮也

銀河瀉透虛空壁鏗鏘敲斷秋風骨真靈夜築冰華宮  
殿脚齊堆補天石高山竈鬼無英魄塗毒未鳴先辟易

禪樂府 臺山編

八

誰看太古新開闢夜叉老髮椽欄碧

五通仙

世尊因五通仙人問世尊有六通我有五通  
如何是那一通佛召五通仙人五通應諾佛  
云那一通  
你問我

打瓦鼓撞泥鐘狼籍瞿曇那一通鼠膏不信善治聾雞  
鳴天上大吹雲中

捧鑪神

王太傅入昭慶煎茶時朗上座與明招把鉢  
翻翻卻茶鉢太傅見問上座茶鉢下是什麼  
朗云捧鑪神太傅云既捧鑪神為什麼翻  
卻茶鉢朗云仕官平日失在一朝太傅拂袖  
便去明招云朗上座與明招了卻去江  
外打野裡朗云和尚作麼生招云非人得其  
便雪竈云當時  
但翻倒茶鉢

捧鑪神碧漢迢迢莫問津小遊誤入天羅巡南離朱鳥  
鳴司晨騰蛇天矯旋其身洞林卦氣著法新風天地火  
三變屯誰踟珊瑚火燄輪電埽五行開古春

飯袋子

襄州洞山守初宗慧禪師初參雲門門問近  
離甚處師曰查彼師曰八月二十五日湖南  
汝三頓棒師不知過在甚處問師曰飯袋子和  
放三頓棒便恁麼去師於言下大悟遂曰他後  
西湖南便恁麼去師於言下大悟遂曰他後  
向無人煙處不蓄一粒米不種一莖菜接待  
十方往來盡與伊抽釘拔楔拈卻炙脂帽子  
脫卻鶻鼻布衫教伊灑灑地作個無事衲僧  
豈不快哉門曰你身如椰子大開得如許大  
禮拜

飯袋子無絃琴上誰排指江西湖南恁麼去楓落紅亭

禪樂府 臺山編

九

暮山紫鵲臭布衫安足恃炙脂帽子輕拈耳此言不信  
如江水

洗鉢盂

僧問趙州學人乍入叢林乞師指示師云喫  
粥了也未云喫粥了也師云洗鉢盂去其僧  
因此大悟

招搖西指蔓菁布子日巡箕尾采萸采杞喫粥了洗鉢  
耳青天雲淨瓶水

汝水流

并州承天院三交智嵩禪師參首山問如何  
是佛法的大意山曰楚王城畔汝水東流  
師於此有省

楚王城畔汝水東流慈明水上挂鐙球額上無鬚死不

休幾時東海乾枯盡百丈蓬塵擁屋樓

寫戲來

劉宜翁嘗參佛印頗自負一日見真淨禪師便問長老寫戲來得幾年師曰專候樂官來日我不入這保社師曰爭奈即今在這場子裏劉擬議師拍手曰蝦蟇禪祇跳得一跳又坐次劉指禪衣曰喚作甚麼師曰禪衣曰如何是禪師乃抖擻曰抖擻不下劉無語師打一下曰你伎倆如此敢勸老僧耶

新編院本唐堯始三千餘歲優場裏春風結束弄參軍紅牙刻句排宮徵保社逃來無處所大石黃鍾祗者是君休矣樂官補職緣誰起

南山茆

仰山慧寂通智禪師在滄山為直歲作務歸滄問甚處處去來師曰田中來滄曰田中多禪樂府 臺山編

少人師插鉢叉手滄曰今日南山大有入劉茅師拔鉢便行

算博士南斗七星心宿二點鬼簿茫茫古墓花無主插

鞦韆球

僧問浮山和尚師唱誰家曲宗風嗣阿誰山云八十翁翁輕鞦韆球僧云恁麼則一句迴然開祖曹三玄戈甲振叢林山云李陵元是漢朝臣

八十龍鍾鞦韆球驚鸞度曲上秦樓不見江南秋牧馬

悲笳霜月古揚州

靈樹碑

僧問靈樹知聖禪師如何是祖師西來意樹默然遷化後門人立行狀碑欲入此語問師曰先師默然處如何上碑師對曰師

靈樹遷化後門人議遺事先師默然處如何上碑記轉令典冊中添載商量義

虛空鼓

鹽官謂眾曰虛空為鼓須彌為椎甚麼人打得眾無對有僧舉似南泉泉云王老師不打這破鼓笛

須彌槌虛空鼓打三更日卓午跨紫驢插白羽桃花谿

殺石虎積葉腥紅吹黑雨秋海茫茫響樵斧

水盆劍

潭州石霜楚圓慈明禪師平生以事無礙行心凡聖所不能測室中晏坐橫刀水盆之上旁置草屨使來參叩者下語無有契其機者

水一盆劍一口一綱草屨穿古柳拄杖橫安打蒼狗應

禪樂府 臺山編

菴拔劍青蛟吼夜喝黃河水西走誰莫長星一杯酒

露柱餅

雲門問明教今日恩得淺深弟曰五個餅日露柱喫得幾個日請和尚茶堂裏喫茶

白日琵琶作鬼語餠拈來分露柱山門廚庫凱歌回

帝釋中庭柘枝舞球打馬馬打球露柱困時風滿樓飢

餐餠餅一飽休煙透茶寮別樣愁

書梵字

趙州一日見僧來便面壁書梵字僧展坐具禮三拜州轉身僧收坐具便行州云苦苦僧撫掌呵

拈禿帚一丈六掃粉壁珠百斛畫卦臺前秋鬼哭結縛谿風作書籠馬三蹶車一軸與人書不能讀寶鐸含風

響霜竹

望州亭

雪峰上堂諸上座望州亭與汝相見了也鳥  
石嶺與汝相見了也僧堂前與汝相見了也  
保羅與汝相見了也僧堂前與汝相見了也  
祇如望州亭鳥石嶺甚麼處相見鷓鴣湖驟步  
歸方丈保羅  
低頭入僧堂

望州亭鳥石嶺笑捉晴洲杏枝影弗於逮客彈筮篔十  
洲老仙雲鬢整白玉樓傾散花冷赤虬版去秋魂醒

隔江招

襄州高亭蘭禪師參德山隔江纔見便云不  
審山乃搖扇招之師忽開倍乃橫趨而去便  
頭

東風剪綠春無迹澹漁帆半篙碧青山影裏摘楊花

禪樂府 臺山編

笑擲千年舊桃核紅羅扇障神仙容黃鶴飛去花濛濛

弄師子

安吉州西余端師子始見弄師子發明心要  
往見龍華受印可遂歸里中合綵為師子皮  
時被之因號端師子到華亭眾請上堂師陞  
座曰靈山師子雲間吟吼佛法無可商量不  
如打個劬  
斗便下座

弄師子虛空劬斗秋山舞哮吼能教霹靂藏齊州九點

飛青雨野干窟死狐狸無家獨行無伴安用爪牙漁歌

老逐瀟湘客南北東西蹋浪花

鼈山雪

雪峰與巖頭至澧州鼈山店阻雪頭每日祇  
是打睡師一向坐禪一日頃日師見師兄且  
起來頭曰作甚麼師曰今生不著便共文遂  
個美行師到處被施帶累今日到此又祇管

打腔頭

打腔頭鳴曰啞啞去每日點人家男女去在師自  
裏上座他時後日摩魁人敢自誇頭曰我將  
點管口我這裏未穩在盤結草菴插揚人教  
謂你他日向孤峰頂上我實本穩在頭日你若  
猶作這個語話師曰我一通來是處與你證明  
實如此據你見處師曰我初到鹽官見上堂  
不是處與你過人處師曰此去三十年切忌  
舉色空義得個過水僧曰我切忌從他覺道  
舉著又喜洞山過水僧曰我切忌從他覺道  
與我疏渠今正是我後日問德山打一棒道  
麼自救也未徹在師又曰後日問德山打一棒道  
甚麼我當時如桶底脫相似頭曰你何不問  
道從門入者不是家珍師曰他後如何即是  
頭曰他後若欲播揚天蓋地一從自己覺道  
流出將水與我蓋天蓋地師曰於言下大悟  
便作禮起連聲叫曰師  
兒今日始是崙山成道

鼈山雪鳥道無蹤泥車轍相思不用瑤華折休憶嚴寒

人跡絕玉塵萬斛誰提挈君不問空道無難惟嫌揀擇

禪樂府 臺山編

靈鍼熟刺虛空血

銀彈子

南泉謂座主曰你與我講經得麼座主曰和尙  
為某甲說禪某甲與和尚講經師曰不可將  
金彈子換  
銀彈子去

金彈子銀彈子馬蹏碎蹋桃花水東村小兒垂髮美斜

絡竹弓青柳裏泥丸擊落虛空齒笑殺王孫多比擬翦

波雙燕驚飛起

子湖牌

獨州子湖嚴利蹤禪師於門下立牌曰子湖  
有一隻狗上取人頭中取人心下取人足擬  
議即喪身失命臨濟會下二僧來參方揭簾  
師喝曰看狗僧曰願師便歸方丈或有人問  
子湖狗師曰啾啾僧  
無語師便歸方丈

子湖脚上霹靂交寶書夜救天將軍天狗吐火闔闔焚  
羽林壘破虎豹分湘君折竹占靈氛劍截麟角抽獅筋  
通明鼓響攢紅雲

小脫空

應巷田尙示既禪人法語云道既達即無累  
生之患是可得而名狀耶便能顯示七佛已  
來威音那時一個人脫空五祖謂一切妄言  
綺語小脫空是也親見本來面目大脫空是  
也

小脫空釣絲絞斷鯉魚風大脫空經未翻譯只念人間  
小脫空小脫空敲答臘石湖辛苦賣癡獸白口何如歌  
踴躍

赤梢鯉

禮樂府 臺山編

禮州洛浦山元安禪師出家通經論具  
成爲臨濟侍者濟當稱之曰此臨濟門下  
隻箭誰敢當鋒後辭臨濟聖口臨濟下  
下有個赤梢鯉魚流波頭擺尾向南方去不知  
向誰家齋養寒澆波頭擺尾向南方去不知  
得便空卻再與手索僧無對便打歸去  
舉似和尚不問舉似僧無對便打歸去  
內必來若不出手與燒師越三日果出山  
人報師出中火起與燒師越三日果出山  
拜乃當而父手而遠趨風請師一接山日  
無因案此開無老僧師便喝山日住且  
早草息無雲月是同俗山各異截斷天下  
活頭即不無罔黎爭教無舌人解語師仁  
山便打因

赤梢鯉何事理身齋殺死無舌人傳碧落書千金誰購  
虛空紙腸斷一聲河滿子回首江山暮霞起

無底籃

雪寶明覺禪師因普請問僧甚處來云窮茶  
來師云人摘茶茶摘人不問你無底籃子重  
多少代云  
價得其便

無底籃兒聊賤賣價等河沙大千界不用家懸白澤圖  
平消山海諸靈怪雲月谿山誰帶芥相傳款識西天派  
樣子難教摩詰畫竹師近日習襟隘只劈青筠編鹿寨

風旛動

六祖至廣利法性寺值印宗法師講涅槃經  
寓止齋廡開慧夜風颯利幡問二僧對論一  
日幡動一曰風動仁者心動一眾悚然  
風動不是幡動仁者心動一眾悚然

不是旛不是風蝶螟眼裏擊金鐘不是風不是旛一片  
征帆兩岸猿非旛動非風動梅花墮井泥牛痛風動非

禮樂府 臺山編

旛動非柳絮悠揚信口吹

塗毒鼓

臨濟曰大凡演唱宗乘須一句中具三玄一  
玄中具三要有玄有要寂音尊者云余昔菴  
於高安九峰之下有僧問余曰臨濟會中兩  
僧要會臨濟賣主句問取堂中二禪客僧便  
問那僧是賣那個是主臨濟曰賣主歷然余  
大哉無爲寂滅之幢也雖百千世有聞之者  
偷心死盡況余去大師餘二百年哉作偈曰  
一句中具三玄門一玄中具三要路細看卽  
是陷虎機忽講一聲塗毒鼓偷心  
死盡眼麻迷石女夢中毛卓警

□□□□頭顱葬無上亂翦齊州數十峰小摘□□  
□□□持贈虛空擊鼓人梵天日日飛紅雨

白馬廟

下闕

京兆府製了相尚不用何許人也  
居無定所自印心於湖山泥俗開川不畜道  
其不循律儀冬夏准披一衲遂日沿江岸采  
撥蝦蟇以充其腹替印宿東山白馬廟紙錢  
中居民日為觀子印尚華嚴靜禪師問之欲  
決真假先請人紙錢中深夜歸巖把住曰  
如何是祖師西來意師遂答曰神前  
酒臺盤嚴放于日不虛與我何根生

禪樂府 臺山稿

禪樂府


豐草庵詩集十一卷文前集六卷寶雲詩集七卷禪樂  
府一卷文後集二卷明董說若雨撰若雨號西庵遐周  
先生子自稱鷓鴣生同里人明季諸生幼稟家學後出  
太倉張天如門精研五經尤達於易方言地志星經律  
法釋老之書靡不鉤纂工古文詞江左名士爭相傾倒  
而姿稟孤特與俗寡諧更國變棄諸生改姓名曰林蹇  
皈靈巖僧繼起名之曰元潛屏迹豐草庵其時志節之  
士有託而逃率以南嶽和尚退翁為依歸辛卯之難聞  
寺星散若雨獨負篋杖策入山以從由是東南名宿益  
高其行丙申秋削髮靈巖更名南潛字月涵主堯峰寶  
雲庵所至之地縉素宗仰於是海內無不推月涵為禪

跋

門尊宿矣月涵於傳鉢開堂飛錫住山之輩視若蔑如  
而身心融悟得之典籍每一出遊則有書五十擔隨之  
雖僻谷之深洪濤之險不暫離也其志豈在竺乾哉年  
六十七示寂吳之夕香庵少未嘗作詩丙戌始為詩以  
寫其空坑崖海之音樂府出入漢魏文境亦清潔如其  
為人自序七百餘言純是磊落不平之氣集刻於康熙  
二十九年距今二百餘年罕有傳本予初得前二十  
五卷亟壽之木嗣從長洲章式之外部假得豐草庵後  
集二卷則先生手稿也皆祝髮後所著洞玄扶輿得於  
臨濟宗為多唯以易入禪尚是波旬語耳先生遺著至  
是端末始具殆亦時節因緣有歟與相會者耶其豐草

庵故址亦歸於子每當星初露晚衰羊其間猶想見藜  
牀坐擁抱膝長吟時也辛酉中冬吳興劉承幹跋

跋





張蒼君水滸集

四明張氏釣園開雕

序

昔歐陽公五代史不為韓通立傳君子病之然天下後世莫不知周有韓曠日清修明史號稱詳備雖甬上四烈婦亦為之列傳而獨於蒼水先生遺之史臣之不職也然天下後世莫不知明有張蒼水蒼水先生書生也當明亡時不過一舉子耳乃瞻薪彌厲璵璣自甘義幟縱橫凡二十載其言曰所爭者天經地義所圖者國恤家仇所期待者豪傑事功聖賢學問嗚呼漢之武侯足以擬之顧其行誼雖不錄於明史而見諸私家著述者

張蒼水集序

一四明叢書  
約園刊本

美矣備矣獨於世德之所自猶付闕如壽鏞竊不自揆既得先生遺集於其族裔張世倫所謂海濱遺老高允權本者殆其侍卒史丙所藏者歟爰依歲月重為編次更稽諸譜乘得清池張氏世德錄復詳考其世系蓋自宋文節公知白六世孫自然老人紹宗著有自然齋雜言以懲五戒循五美垂訓又三傳至伯祥以雍睦名其堂是為先生六世祖錫之從子而先生之曾祖尹忠實作世德錄者又二傳至兩如為人嚴毅正直當先生絕裾去自慰曰不負生平讀書也張氏於有明三百年中

以自然老人開其始以蒼水先生保其終豈偶然哉因而歎夫官家之記載不如譜牒之流傳今蒼水後人雖無可考而雍睦堂子孫實能寶其遺文修其家乘壽鏞以疏族猶得補闕拾遺豈不重可貴歟抑聞之先生好士士多歸之有葉振名者時所稱葉六腐氣也先生欲作陶潛論以斥逍遙泉石者振名曰人心胥溺幸二三遺民高尚其事留此面目先生乃止羅子木者佐先生開屯南田既被執先生與趙廷臣語次往復子木抗聲曰先後死耳何必與若輩絮語先生初欲絕食子木笑曰大丈夫死忠任其處置可也二人固奇士然先生捨命從善亦可見矣壽鏞既編先生遺集惜明史之無傳遂取其犖犖大者補之更敘其得書之由來先生之風與雍睦之澤竝千古矣民國二十三年一月後學張壽鏞序

張蒼水集序

一四明叢書  
約園刊本

楊天驥

張蒼水先生遺像



原序一

於乎何天心久不定耶何狎於穢德耶開辟未三百年而日月復晦蝕耶明室當再興著於圖籙非誣也其果有驗耶其終不可問耶漢之中圯乃以春陵之氣鬱然而世祖名在讖緯固協天人之符矣諸葛公始出師北伐而其自表曰成敗利鈍非所能逆睹然其遺碑祕計後世猶傳以為神則非不知也知其不可為而為之者也江陵淪陷蕭梁遂亡王子珩以一州之力聲義抗旌雖兵敗身奔益以復讎為事終不北面於陳君子哀其

張彙集原序

一四明叢書約圖刊本

忠焉南宋之末文信公忠貞冠江左今勿論已鄭所南悼宋國之覆作心史錮之井中三百餘年其書始出書中猶然宋室中興有日也然則所南生固不知宋之不復中興矣夫興亡者天也亡而復興亡而不復興者亦天也君子不恃乎天亦不阻乎天諸葛公所云竭股肱之力繼之以死斯乃志士之準則也虜馬南侵普天同仇死忠之臣項背相接於今十有八年而舉旗鳩眾以俟時熙者猶可指數而知若栖遲山海漢臘周冠不為羶族所羈縲亦所在而有豈前代所可及哉余於丁亥

秋始與余同年少司馬張玄著相見於南國賦詩贈答

銜杯抵掌無閒晨夕其時以為中興大業指顧可定既而玄著與諸勳偕至南海亦以為藩罕北發神州豪傑必有響應者迨師之北入登金焦燿火達高皇帝園陵題詩蘭若中此博浪沙之一擊矣屯於北海者有年己亥之秋延平王以舟師取瓜步下京口而鎮之玄著自以所部義從數千人舍舟登陸復姑孰宣州新安銅陵諸郡邑沿及江以北歷陽皖口橫江諸險要大抵皆傳檄解綬無堅城矣今我師蹶於金陵城下倉卒南還而

張彙集原序

一四明叢書約圖刊本

玄著方經略北方未之知也及乎大勢崩潰聲援莫接於是幅巾芒鞋混跡緇流夜行晝伏久之始達浙海復歸行營樹纛鳴角散亡乃集昔有梁將陳慶之以兵入千北伐乘勝而克魏數十城直據洛陽其事與玄著相類及勢失兵燧閒行得達江南亦與玄著相類蓋孤軍難久持也然溯往跡者多偉之斯亦可矜頑起懦震蕩中原矣於今又二年江之南北尙爾寂寥四七之讖為存為亡玄著雖復枕戈將何所待以成大功近緝綴其所著詩名之曰奇零草而問序於余夫秉旄鉞以佐中興

者玄箸之志也耽翰墨以畢餘年者不肖遠之業也乃  
輟軍務而留意於此將意謂世事汗漫特以暇日勒爲  
成書以俟後世之知也耶余聞詩能窮人又聞窮而後  
工於詩今玄箸之詩其氣宏偉而昌高其詞贍博而英  
多蓋明堂之圭璧清廟之賁鏞也長離一鳴世以爲瑞  
況律呂之相宣乎夫氣有盛有衰先動於人心取玄箸  
之詩而詠歌之不特審音可比於夔曠矣我明之再興  
可以推矣何必反覆前代之已事而爲憂恤哉華亭徐  
孚遠題於四明之西墉寓永曆十五年歲在辛丑九月

張蒼水集原序

二四明叢書  
約園刊本

之望

原序二

尙書詩古文詞皆自丁亥以後才筆橫溢藻采繽紛大  
略出華亭一派明人自公安竟陵狎主齊名王李之壇  
幾於扼塞華亭陳公人中出而振之顧其於王李之緒  
言稍參以神韻蓋以王李失之廓落也人中爲節推於  
浙東行其教尙書之薪傳出於此及在海上海上徐都御史  
閻公故與人中同主社事而尙書壬午齊年也是以尙  
書之詩古文詞無不與之合雖然尙書之集日星河嶽

所鍾三百年元氣所萃也而予以藝苑之厄言屑屑攷  
其源流之自陋矣嗚呼古來亡國之大夫其音必淒楚  
鬱結以肖其身之所涉歷蓋亦不自知其所以然者也  
獨尙書之著述噲咄博大含鐘應呂儼然承平廟堂巨  
手一洗亡國之音故閻公之序欲以尙書所作而卜崦  
嵫之可復此其故良有不可解者豈天地間偉人固不  
容以常例論耶當是時以蠲灘鼃背爲金湯以鮫人蜃  
戶爲丁口風帆浪楫窮餓零丁而司隸威儀一縷未絕  
遺臣故吏相與唱和於其間其遇雖窮其氣自壯斯其  
所以爲時地之所不能囿耶嗚呼尙書之集翁洲鷺門  
之史事所徵也吾聞尙書既被執籍其居無所有但得  
箋函二大籠皆中原薦紳所與往來送入帥府薦紳輩  
懼遣說客請帥焚之帥府亦恐搖人心如其請投之一  
炬火既息有二殘冊耿耿不可燕左右異而視之則尙  
書之集也說客因竊置懷而出遂盛傳於人間嗚呼尙  
書之身可死集不可泯殺其身者梁父亢父所以成一  
代之純忠存其集者祝融吳回所以呵護十九年之心  
氣夫孰非天之所爲哉乃爲銓次審定其奏疏書檄諸

張蒼水集原序

四四明叢書  
約園刊本

種曰冰槎集其古今體詩曰奇零草曰采薇吟其已亥紀事曰北征錄共十二卷附以鄉薦經義一卷予又為作詩話二卷年譜一卷以詳其集中贈答之人與其事云全祖望序

原序三

余得此於定海命謝子大周鈔別本以歸凡五七言近體若干首今久失之矣聊憶其大概為之序以藏之嗚呼天地晦冥風霾晝塞山河失序而沈星殞氣於窮荒絕島之閒猶能時出其光焰以為有目者之悲喜而幸

張集原序

五十四明叢書  
約園刊本

睹雖其揜抑於一時然要以俟之百世雖欲使之終晦焉不可得也客為余言公在行閒無日不讀書所遺集近十餘種為選卒取去或有流落人閒者此集是其甲辰以後將解散部伍歸隱於落迦山所作也公自督師未嘗受強藩節制及九江遁還漸有掣肘始邑邑不樂而其歸隱於海南也自製一棹置寺中實糧其中俟糧且盡死門有兩猿守之有警猿必跳躍哀鳴而閉之至也從後門入既被羈會城遠近人士下及市井屠販賣餅之兒無不持紙素至羈所爭求翰墨守卒利其金錢

喜為請乞公隨手揮灑應之皆正氣歌也讀之鮮不泣下者獨士大夫家或頗畏藏其書以為不祥不知父子之性根於人心而徵於事業發於文章雖歷變患逾不可磨滅歷觀前代沈約撰宋書疑立袁粲傳齊武帝曰粲自是宋忠臣何為不可歐陽修不為周韓通立傳君子惜之元聽湖南為宋忠臣李芾建祠明長陵不罪藏方孝孺書者此帝王盛德事為人臣子處無諱之朝宜思引君當道臣各為其主凡一切勝國語言不足避忌余欲稍綴拾公遺事成傳略一卷以備惇史之采猶懼

張集原序

六十四明叢書  
約園刊本

蒐訪未徧將日就放失也悲夫慈谿姜宸英西溟氏題原序四  
昔錢希聲先生敘晉井心史云吾人不可一日無此心吾人不可一日有此事夫此心此事初無二理所遭者順則存此心所遭者逆則行此心蓋當明季流賊犯闕神州陸沈烈皇帝殉國起義幟於江東聚兵南海以至流離困苦齎志而卒於海嶠若錢先生真可謂行不愧於言也然吾鄉同時起義先輩指不勝屈其閒抱孤貞而至死不變者惟獨蒼水公哉公自魯王監國永曆繼

統踟躕行在無日不以戮力中原爲念以故三入長江  
不幸而同仇兵衄卒不能申中興之志及天下事已全  
去無可挽回一腔熱血猶崎嶇起蹶於萬死一生之間  
卒至途窮南田從容齒劍以還天地之正氣嗟乎豈非  
所遭非其時乎吾因有思夫海之爲海誠忠義之藪耶  
宋之季則陸秀夫張世傑諸君子奉小朝廷於海嶠卒  
至厓山颺起遂亡宋祀明之季惟公一人縱橫海島留  
漢臘者二十年向使宋無厓山諸君子則宋季乾坤亦  
太落莫明無公則明季生氣遂至銷沈公不幸而生明

張蒼水集

原序

七四明叢書

約園刊本

季明季猶幸而生公爲之震動於晚也跡公之行事惟  
宋之文山管足相似然信公猶有詩文垂世卽正氣一  
歌已足彪炳日月而公可無詩文傳世乎雖公之忠不  
朽不必以文而文自不可朽而公凜然孤忠皦如白日  
故其文激憤而高亮沈雅而痛快其詩痛而不摧鬱而  
愈壯公之詩文自可垂於天壤也余之藏茲集非僅爲  
吾鄉存文獻也蓋將使信公不獨有詩文而長煥實爲  
有明一代存文字與正氣歌其垂千古耳第不識他日  
留傳亦有如錢先生之敘心史如其人爲之敘否時在

口第二甲辰歲季春望前七日臥雪齋書同里後學五  
峯沈光宁題

張蒼水集

原序

八四明叢書

約園刊本



原跋一

甲辰七月望後余病暑偃臥牀中有客忽來告曰蒼水張公被執至矣余驚起問故客曰公自延平既歸孤軍海上音援俱絕六月閒散遣士卒隱居島中而每資糧於普陀提督張杰知之即令僧為導率健卒數十偽為僧衣服奪米舟以濟島中不知也遙望以為米舟至及至公帳下始覺而公遂被執矣余亟望覘之見公葛袍晉巾直立牙門外神色自若左右令公自角門進公不為動杰知之令啓中門延入公長揖杰答揖遂延公入

張蒼水集 原跋

四明叢書 約園刊本

內上坐且以好言慰公公仰視屋梁歎曰此沈文恭公故第耶二十年前予嘗會文於此終無他言杰令僦民舍處公列卒守之至夜半忽一校隔窗唱牧羊記蘇武罵李陵詞音調激楚公擊節稱善校亦有心人哉越旬日檄公至省杰命以四人與公前後列騎導從至城門公令駐下與北面稽首曰臣志畢矣復向城拜曰某不肖徒苦故鄉父老有辜屬望又再拜曰自此不復見張氏家廟矣道傍觀者數千人無不流涕至杭總督趙廷臣不見令盛設供張以禮待之且令諸降弁曰爾輩舊

主也盍往見之於是爭以酒食饋公公是以有聞放歌

諸詩臨刑口占絕命詞令人書之偶譌一字不能改正

公笑曰他日自有知之者客羅子木童子楊冠玉皆不

屈同死時甲辰九月初七日也公之被難始終如此此

奇零草乃公所自定而採薇集乃釋兵後作公自注起

甲辰六月而七月被執矣讀斯二集公二十年之行事

始末具可概見時同往一卒為余言公帳下積書充棟

旁置棺一棺中貯米數斗牀頭利劍一被執時遽起拔

劍而以帳蒙公遂不及公之志何如哉嗚呼公之功業

張蒼水集 原跋

四明叢書 約園刊本

天下其知之矣公之文章天下未必見之也公之慷慨

赴難天下其見之矣公之從容就義未必盡知之也茲

於其卒幸購得公草而採薇集更幸為公手稿復於降

弁得公之遺文因彙錄成集記其始末以俟後之採焉

海濱遺老高允權錄畢記

原跋二

盛世之音和以平衰世之音哀以促此言聲音之道與天運通也維詩亦然吾郡張玄箸先生當天步艱難之世從亡海島志在中興自丙戌至甲辰十九年間飄泊

於波濤颯浪之中竭蹶於干戈顛沛之際履危蹈險辛  
苦萬端宜其音之哀且促矣今觀奇零草文辭和雅氣  
韻平舒有從容瞻就之風而無淒颯倉皇之態有慷慨  
奮起之情而無卑靡挫折之念至若興趣所臻風流跌  
宕冠裳所集意象崢嶸體製有直追嘉隆盛時諸  
作者何其音之不類也噫我知之矣昔者典午凌夷江  
左繼祚新亭之會四座興悲而王茂弘獨曰當共戮力  
王室恢復中原奈何作楚囚狀邪玄箸之意蓋在於此  
推其志直以別室中興可操左券故家亡不悔身喪不

張集原跋

二四明叢書  
約園刊本

顧雖王謝偏安之業猶不屑言詎肯以德祐諸君子自  
況邪發諸歌詠固宜與盛世同符而天心夢夢力不從  
志豈其始願哉夫人以詩傳者王維儲光羲非不名家  
而本領未正忠義之道疑矣詩以人傳者淵明飲酒皋  
羽晞髮千載下讀之猶沁人心脾是草亦作如是觀若  
王李鍾譚各標壇坫特雕蟲小技之倫耳未可為忠義  
者道也余之書此將傳諸不朽也歲在甲子中秋日奠  
邑秦川題夏啓芬曰奠邑合為鄭字秦川合為溱字即  
慈谿鄭溱所稱為平子先生也意國初藏是  
集者恐有忌諱故隱其姓名耶張美翊曰鄭寒  
村父秦川府君行狀云先君丙戌以後別號秦川

原跋三

全庶常祖望既定尚書詩文集十二卷附鄉薦經義一  
卷又為作詩話二卷年譜一卷以詳其集中贈答之人  
與其事可謂有功表章矣勳嘗見之而未及錄忽忽十  
餘年重見年譜於姚江黃氏附錄詩話即假歸手鈔旬  
餘而畢尚書以康熙三年甲辰殉節於杭從死者故參  
軍羅子木侍者楊冠玉及舟子三人尚書嘗賦詩欲葬  
湖上岳忠武王于忠肅公二墓之閒於是鄞人故御史  
紀五昌捐金令尚書甥朱相玉購首領而杭人張文嘉

張集原跋

四四明叢書  
約園刊本

沈璜書等殮之有朱錫九錫蘭錫旂錫昌兄弟者預為  
買地經紀而鄞人萬斯大等葬之南屏荔子峯下從公  
志也姚江黃公宗羲為之銘子木等三人附焉後七十  
餘年道士吳乾陽修復墓道全庶常復為神道碑銘又  
三十餘年為乾隆四十一年詔定勝朝殉節諸臣錄尚  
書以原官喪諡忠烈越十六年壬子鄞萬斯大之孫福  
謀立石於墓之門海寧陳鱣大書曰皇清賜諡忠烈明  
兵部尚書蒼水張公之墓勳等輸財設祀春秋薦以蘋  
繁迄今已未歷有八載忽見離墓丈餘有新冢二查係

士人翁耀卿與謝上達私賣并削餘地耀卿故守墓者  
勳謂同社曰是不可長也於是公請之方伯謝公署廉  
使秦公委縣丈量徵地一畝七分五釐畫界繪圖立張  
忠烈公祀戶入冊遂上之大中丞王公將建坊湖上以  
昭朝廷獎忠之典以示地方禁塋之防先是勳摹尙書  
遺像於杭蓋甲辰錢塘獄中所畫藏於萬氏者並附記  
於年譜之後以備參考時九月七日正向書殉節日也  
擲筆不禁泫然鄉後學鄭勳謹跋

原跋四

張蒼水集 原跋

五

四明叢書

約園刊本

從來鼎革之際殉難者惟勝國爲盛而於四明之產爲  
獨多蒼水張公其尤從容就義者也公絕命詩云我年  
四十五偏逢九月七大廈已不支成仁萬事畢則公之  
倡大義也年才二十六耳是時我世祖已受命而作之  
君乃不肯順天應人而跋涉山海至十有九年甘喪元  
湛族而後已蓋自古亡國大夫之所罕觀也余嘗畫公  
像寶藏之頃于役江南由京口至蕪湖追想公領軍長  
江凡瓜洲燕子磯觀音門諸勝皆駐師之所而尋其遺  
跡渺不可得爲慨然者久之蕪關受降最早公居之幾

近一月余以君子過化之地神必存焉擬請當道於江  
口睢陽祠附祀之以公忠烈足媲美也恩恩返棹而中  
止家居曝書得奇零草爲先副使所手鈔蓋公自定之  
詩殉難時以重價得諸老兵而流傳者然所存雖鈔全  
豹已見且當日軍旅往來於長江一帶歷歷可數其詩  
不媿作者殆所謂必窮而後工乎公固不藉以詩傳而  
卽此一編足長留天地閒矣夫公梗化亦爲其主當不  
諱之朝文字無所疑忌謹鈔此冊以廣其傳附以北征  
錄者俾後有所考云道光五年冬慈谿後學鄭喬遷識

張蒼水集 原跋

六 四明叢書

約園刊本

原跋五

張忠烈公一生大節與文信國並峙千古先賢作志詳  
哉其言之矣至其文采風流歌思人口大率片鱗寸甲  
僅藉一斑以窺全豹然流俗已無不敬愛余少時竊聞  
之公與余先世大夫兩世姻好誼篤通家嘗有隸書對  
聯贈余家云君親恩天地之大聖賢道日月並明乃公  
所手書至今奉爲寶貴噫爲此言也豈有一點塵俗氣  
所能彷彿哉閒嘗讀黃山谷之文有云臨大節而不可  
奪此不俗人也則攬公之餘芳亦可以撲去面上之斗

俗塵矣夫公之大節比於文山而公之從容就義又豈讓稽叔夜哉試卽以其軼事論之公被檄赴省道出望京門外有士人作詩送之曰此行莫作黃冠想靜聽先生正氣歌公大悅曰此王炎午之流亞也當時固無不以文山況之矣及赴市曹覩風景歎曰鳳凰山好山色也非卽叔夜之揮琴而歎廣陵散耶臨節如是此所以發於翰墨無一點塵俗氣耶家君以祕鈔文彙若干篇命余校錄因焚香拜讀三復之餘愈想見其書君親恩聖賢道之語也詩集尙未探得必有出而顯於世者而

張彙集

原跋

七

四明叢書

約園刊本

此殘簡斷篇繕寫成一帙正可大振俗矣歲在丁巳後學費照謹跋

原跋六

余嘗謂蒼水張公眞天地間奇人也轉乾坤於再造扶日月於重光雖天數終窮惟知畢命劍芒騰躍詎計殞身事成在我事敗在天國而忘家聞之熟矣又何待後人以大數妄議公也苟云數有所在則武侯之出師表可以不作信國之正氣諸什可以不傳則蒙垢忍恥之徒且將彈冠相慶藉氣運以爲知幾笑孔明文山不識

時務者矣噫其何不倫之甚也我於公之行事重有慨焉十九年之操持薪膽彌厲方寸心之籌畫手足俱瘁

昔也夢繞錢塘與子胥文種而馳驅今日墓瘞南屏與

忠武忠肅而遨遊眞靈不滅在地爲河海在天爲星辰

雖千百載猶一日也公之功業文章先賢作志詳哉言

之矣今不復贅余求公之集十餘年渺不可得諸耆老

雖能言公之事而終無有藏公之集今年春過姊氏家

見甥鈔錄公集不勝狂喜足以見費氏世裔之弗腆也

因袖而歸焚香披讀三復不已漫云正氣歌能泣鬼神

張彙集

原跋

八

四明叢書

約園刊本

今觀詩集能化風雷矣遂繕寫成帙欲付剞劂因全謝

山先生載公丙戌以前文字皆無存者儻天地間尙有

足本余日望之謹賦七律二首以附於後敢云跋詞聊

當碑銘

啼鵑遺恨歸南屏義鉞堂堂十九齡但識乾坤全浩氣

豈知日月竟陰暝成仁慷慨丹心裂抗節縱橫碧血冷

一木撐天猶挽數千年國事有餘馨

縱然大數莫能回志在成仁死亦恢碧血支天寒鼎鑊

鴻毛殉國化風雷昔時夢繞文山祠

公生平夢謁文信國信國降階相迎

今日墳留武穆陪

公墓在南屏與忠武忠肅為鄰

同是丹心懸日月九

京相對莫悲哀

擬弔墓詩一首

名留千古死猶生浩氣依然冢上橫  
樹草秋風鳴劍鏗  
空山夜雨戰兵聲  
智窮力盡埋孤島  
身死天昏失大明  
緣覺忠魂垂宇宙  
相將攜酒弔先生

董懋遷

原跋七

一經兵燹失而不可復得者書籍翰墨之禍烈焉余家

張集原跋

九四明叢書約園刊本

藏書雖不甚富然世有蓄積今顧不能滿行篋至先世著述精神節行之所寄託往往可以不朽力不能俾行世亦焚毀不可掇拾心竊痛之每過坊肆雖殘編墜簡蠹蝕黹損必一寓目而忠烈是冊適雜殘破碑帖中塵胃塗附觸手慮穢見字畫蒼勁拂拭讀之乃大驚益搜得十餘紙雖損壞尚可比次所失多寡未之或知詩詞悲壯憤鬱未學又奚贊一辭哉顧念先太常公於順治丙申授命舟山則海上經營與忠烈共事先車駕公左右魯王毀家饑士事終不濟乃逃於禪則亦忠烈之居

懸譽也而所著陶菴集二十卷無刻本逮予世已亡六

卷今僅史論四卷雜文一卷蓋逆氛又亡其大半矣夫

文視謝琴僅一器用後之人猶或撫其形式播之詩歌

不見其物羣相珍重矧是冊為忠烈手藁雖不無佚闕

而完而可誦者猶三十有七篇梨洲誌公墓已云翰墨

流傳視為至寶矧經兵火煨燼之餘幾淪斯擲哉余不

自意得之收輯潢治與陶菴集同藏篋衍知孤忠遺蹟

偶留天壤雖世變迭遷有決不磨滅者誌云九月七日

遇害而放歌行乃書十月七日梨洲不應有誤則亦如

張集原跋

十四明叢書約園刊本

毛羽之書羽毛祖之書祖忠烈偶未改正歟同治丙寅

仲春二十七日山陰後學陳爾幹

原跋八

殘明餘烈至甬東而極微然其間義士頑民惓惓故國之心久而未熄藐爾翁洲浮泊海上君若臣倉皇遁竄窮而無歸甲乙之後忍死圖存其忠毅之氣摧喪殆盡乃至懸譽一老與狻狙共居此中聲息卒不能隱如蒼水先生之全節於武陵尤可哀也當先生歿時閩粵滇中諸小腆多已消滅雖堂堂致身授命與朝甚禮重之

惟一時不能卽子衰卹東南懲艾方急無敢控烈以乞  
異恩閱百年而始蒙通諡在遺獻黃先生志墓之初與  
謝山全先生撰碑之日皆尙未知有日後之表章也若  
其生前官階或傳已加之台輔又傳正命爲自經遺獻  
無此言自係傳聞之譌俱未足據矣吾門陳生爾幹其  
先世與先生同事監國舊有令緒今幸收先生獄中詩  
歌草彙錄南雷之銘而合裝之爲一冊舉以示稷辰稷  
辰先世亦曾有從亡海島者是皆患難與共之人古誼  
相關追述無盡讀此冊不禁爲之曩歛也同治六年三

張蒼集原跋

十一四明叢書  
約園刊本

月後學宗稷辰謹題

原跋九

張忠烈公北征錄冰槎集潘文慎公刻入乾坤正氣集  
其采薇吟則散軍以後之作而蒙難諸詩附焉甬上有  
傳錄本而蒙末之見此手書殘彙十八紙紙七行行字  
不等凡詩三十四詞三向爲陳柏堂孝廉所藏歿後其  
家人鬻諸市蒙購得之第九紙孤竹餐周粟一篇墨蹟  
媽恨  
之二首失其題不知以上亡若干紙字多塗乙紙微損裝  
潢時波磔闕蝕幾不可辨未敢臆補放歌自注時甲辰

十月七日墨蹟本作  
八月七日按忠烈正命在康熙三年九月七

日是年閏六月時憲術與大統術置閏不同故書十月

陳跋以爲筆誤非也忠烈被執辭故里詩凡五篇沈梅

史纂公傳載其一其三與明季南略三岡識略字句微

不同計氏又載其二曰何事孤臣竟息機魯戈不復挽

斜暉到來晚節慚松柏此去清風笑薜薇雙鬢難容五

嶽住一帆猶向十洲歸疊山遲死文山早青史他年任

是非其四曰擲揄一息尙圖存吞炭吞氈可共論復望

臣庶興夏室祇憑帝眷答湯孫衣冠猶帶風雲色旌旆

張蒼集原跋

十一四明叢書  
約園刊本

仍留日月痕贏得孤臣同碩果也留正氣在乾坤其五

曰不堪百折播孤臣一望蒼茫九死身獨挽龍鬚空問

鼎姑留堂臂強當輪謀同曹社非無鬼哭向秦廷那有

人可是紅羊剛換劫黃雲白草未曾春當在所亡數紙

中計氏失載其三又以爲臨難絕命詩爲微誤耳徵君

纂王翊傳載公挽詩云憶君被褐草閒來慷慨論兵未

易才溥海誰堪師畫邑下江應許畫雲臺星沈漢壘貪

狼耀風競胡營戰馬哀仗劍猶聞歌正氣心懸陵母亦

哀哉明詩綜錄從陽謠云八尺風帆百丈牽從陽湖裏

去如煙江南米價秋來長喜殺桐槽寶稻船沿湖下網  
蕩湖船網得織鱗錦樣鮮燈火湖光兒女笑魚秧種得  
不須田皆奇零草也羅參軍字諸家作子木柳亭詩話  
作自牧此作子慕當以公手書爲定侍者楊冠玉柳亭  
作楊貫或其名云光緒丙子正月二十三日山陰平步  
青跋尾

原跋十

是編從丁松生明府借讀暇日手校數過是正頗多惜

所載祇奇零草采薇吟卽散附奇零草中北征錄鄉薦經義暨全氏

張藎集原跋

十三四明叢書  
約園刊本

所撰年譜而冰槎集全闕爰據湖郡李氏舊鈔潘文慎  
乾坤正氣集補所未備彙鈔一帙以贈較之昔人還書  
一瓶之事意似少厚附識以博松老一笑光緒甲申仲  
冬下浣大興傅以禮識於臨漳行館

集內諸文皆有時事可考而李氏舊鈔乾坤正氣集兩  
本均先後失次殊不可解爰合奇零草采薇吟北征錄  
參證明季稗野重加排比勒定張忠烈公文集十二卷  
而以經義年譜附之視謝山張尙書集序所載祇闕詩  
話一種耳他日當將嫌諱字句刪潤繡梓以永其傳識

此聊當息壤甲申嘉平朔日燈下以禮又記

原跋十一

吾郡南屏山麓張忠烈遺墓在焉庚辛兩劫幾於湮沒  
匪賊既平余訪其遺址言於四明諸君而重修焉顧塋  
域距城稍遠歲時瞻仰人以爲艱於是公之鄉人卜地  
於眾安橋南岳鄂王祠之側釀資別建一祠春秋奉祀  
士女來者連袂接踵所以成公志也顧公集先無刻本  
爲人所祕全謝山竭力搜羅僅得八卷當日傳鈔亦鮮  
遺本余不忍公集湮沒求之故家偶得舊鈔數冊喜而

張藎集原跋

十四四明叢書  
約園刊本

欲狂顧編錄失次者雜不可整理因寄示傅節子太守  
太守與余同有志於刊校公集者也太守費數月之力  
編成十二卷因併經義及年譜墓志合成一集而公之  
詩文所遺者寡矣篇章未泯光燄萬丈世有闡揚忠烈  
者知必有亟刊是集以慰後學景仰之志者余將拭目  
俟之光緒乙酉辜月松存老人丁丙謹識

原跋十二

丙午冬鄧秋枚自杭州丁氏借鈔張蒼水全集十二卷  
附經義一卷年譜一卷又附錄二卷編首冠以全謝山

矣其文存則其志存矣悲夫然則是集之刊也願與讀蒼水文者毋忘其被難時所望有知於他日之人之一正其謬云爾己酉六月戊寅朔越四日後學順德黃節校畢謹跋於廣州

原跋十四

蒼水公全集余於丙午冬鈔自杭州丁氏善本書室人事勞芬未遽刊丁未春余同學友黃晦聞來自粵中與余同居藏書樓謀共刊古人遺書迺舉此集以屬晦聞校勘編補刊而行之晦聞用力於是集甚勤綴拾微茫

張蒼水集 原跋

十七 四明叢書

約園刊本

一字一句必細心考訂復從此本謝山年譜內尋出詩話蓋詩話一種後人即散附於年譜之內於是而謝山所編十二卷原本迺復其舊蒐補既竟旋校旋刊月成一編未幾晦聞別余歸粵攜其彙而南一卷校竟仍郵其彙至滬中間或刊或輟蓋自丁未春以訖己酉秋全彙始畢刊已歷三年矣乃於己酉八月晦聞方以其全彙寄滬刊成將發坊而余復於滬遇蒼水鄉人奉化孫玉仙鏘赴杭州九月七日之祭者叩以蒼水集迺出慈谿人王棠齋慈所編本見眎於是取王編本校此本凡

此本所無者增補遺一卷題詠上下各一卷姓氏考略一卷傳略補一卷更囑公鄉人爲雇工拓取蒼水祠堂壁間石刻各墨蹟墨蹟內詩有羈恨二首梅花第一首憶菊一首爲集中所無及蒼

水遺硯拓本甬上三忠墨蹟內蒼水手札并攝影蒼水之墓爲之鏤銅石印冠之卷首繇是而蒼水全集可稱完本矣顧予獨怪蒼水殉節後二百餘年間士大夫皆知寶其遺著家有鈔本王棠齋云據所見有鄭氏二硯齋本有蔡氏墨海樓本有何范明經本有蛟川夏佩香本而夏氏本所采輯復爲古董徐董諸陳本然亡有爲之鏤版以行世者直至今而餘杭章氏得鈔於甬上張氏始爲刊

張蒼水集 原跋

十八 四明叢書

約園刊本

行願缺略尙多至今而予友晦聞始編補完善天假之緣集將刊成而適遇公之鄉人得王氏本墨蹟等而後公集乃大備嗚呼豈非公之精靈歷久不泯適於是時默爲呵護者哉然則公集雖晚出而愈顯蓋可信矣抑余猶有感者二百年來文網尙密故士大夫贊公集者寧不避傳鈔之勞而亡敢爲之刊印今文網疏闊矣而士大夫方馳心域外豈復置意於鄉邦文獻余與晦聞合二人之力此區區十餘卷之書以迫於人事及刻工江海浮沈亦必歷三年之久始成使不幸而中輟而有



意外之變則此集卒不成而卒成之豈非幸歟已酉十月二十五日後學順德鄧寶謹識於滬上

張蒼水集原跋

十九四明叢書  
約園刊本

張蒼水集目錄

卷一

奇零草

閒居丁亥

九日陪安昌王黃補虜虎凝張定西侯服張太

傅鯢淵朱太常聞玄徐給諫閻公及沈公子

昆季登鎖山和韻

丁亥留節翁城同諸公行長至禮

戊子元旦步張鯢淵太傅韻戊子

張蒼水集目錄

一四明叢書  
約園刊本

懷古二首

和肅虜侯黃虎凝承制頒曆韻

送黃金吾馮侍御乞師日本

輓楊玄石侍御

侍御室人從容就義

追輓屠天生兵部己丑

天生元配投繯殉夫臨終有詩

輓楊瑤仲廣文

輓華吉甫明經

輓董若思明經

答古虞偽令 乃祖官尙書

余自丙戌蹈海奉違家君定省已四載矣茲待

罪軍次每一念至爲之黯然

勸農遇雨時余屯兵山寨

暑夜獨坐

鹿走勿逐自復戲成

卜天種晝寢戲成

建夷宮詞十首

張蒼水集 目錄

閏元宵 辛卯

賦贈翁永年中翰燕爾之喜

壽鯢洲張相國

春暮張鯢洲相國招賞玉樓春向晚更酌漫賦

端陽喜雨呈張相國鯢洲

遊芥瓶庵贈希聞上人

輓張鯢洲相公

輓大宗伯吳巒樾先生

輓朱聞玄少宰

四明叢書 約園刊本

輓安洋將軍劉胤之

輓王完勳侍御

輓馮躋仲侍御

弔肅虜侯黃虎癡

弔沈五梅中丞

秦吉了

翁洲行 壬辰

贈駱亦至二首

登湄洲

張蒼水集 目錄

步韻答徐閩公

舟中聽雨分得長字

同姚興公萬美功過訪陳齊莫小酌

送萬美功還越時其弟靜齋將赴行在

沈彤庵閣學艤舟南日山遭風失維不知所之

雖存亡未卜余猶望其來歸也

書懷

同諸子步月

飲酒

三 四明叢書 約園刊本

送萬靜齋復命行在

步富萬靜齋留別韻兼以勸駕

贈徐闇公年丈三首

舟次清明拈得青字

贈馬爾毓職方奉表行在後不果行

擬別義陽王

四月八日過仙洞訪石田和尚

遊龍教寺

我師圍漳郡余過規之賦以志慨

張蒼水集目錄

四四明叢書  
約圖刊本

閩南行

絕炊

讀史

同陳文生坐雨步韻

端陽客鷺門

感懷二首

壽安福伯鄧如盤

弔熊雨殷相公

弔義興侯鄭履公

贈金門蔡元戎

馬爾毓有從軍之歎戲成一律詰之

將朝王阻颺不果

暑雨同諸子限韻仍禁江銜二字

夏日過鼓浪嶼飲程瑛嘉將軍署中

新秋鼓浪嶼納涼分得簪字

飲吳山人

立秋同諸子限韻分得鹽咸二字

七夕微雨

張紫集目錄

五四明叢書  
約圖刊本

與蔡無能論興復

感遇三首

別陳齊莫

舟次中秋

夢內

步韻答沈東生

師次滄島諸勳鎮行長至禮余以服制不預志

感

至夜傳王師出東粵志喜

壬辰除夕寓湄洲禪院

癸巳元日和友人韻癸巳

人日立春客湄島二首

春到

憶余在翁島與張鯢淵吳巒穉朱聞玄諸先輩

從遊一時情文宛然在目今三君皆以國難

殉而余在行間猶偷視息然蹙蹙靡騁蓋不

勝興廢存亡之感矣

追往八首

張蒼水集 目錄

登湄洲謁天妃宮

賦贈琴師

過仙洞訪石田和尚出荔枝為供

賦贈東山子禱兩端陽有應三首

壽忠靖伯陳燦珠兼統師北伐

送姚興公北還

送徐闇公監軍北上二首

送謝仲彝元戎

壽閩安侯周九苞

六 四明叢書

約園刊本

郭聖竑見訪出詩相示依韻酬之

重經南日弔沈彤庵相國

舟次瓊琦謁錢希聲相國殯宮

北還入浙偶成

贈盧牧舟大司馬

舴艋行

楊芳生以徐闇公高弟浮海來晤於東甌爰贈

一章

寄紀石青年丈

張蒼水集 目錄

七 四明叢書

約園刊本

入吳

入吳見雪忽憶車駕南巡

癸巳除夕

卷二

奇零草

立春日大雨雪時駐師吳淞甲午

樓船燈火

上巳舟中

舟次圖山

和定西侯張侯服留題金山原韻六首

同定西侯登金山以上游師未至遂左次崇明

二首

哀閩

再入長江

和于湛之海上原韻六首

崇沙宋子猶端士也為閩帥所籍既出厄詩以

慰之

馬爾毓職方改署幕府騎兵參軍未免半落戲

張蒼水集目錄

八 四明嚴書

約園刊本

贈

即事柬定西侯張侯服二首

師次燕子磯

寄懷徐閩公二首

晚泊漫成迴文

追慕二首

鬢有絲

得友人背道內子艱難狀

朱伯遷將避地小溪索詩口占授之

壽英義伯阮季友

壽誠意伯劉復陽

妒婦津 乙未

孤桐吟

寄紀石青年丈

客有談故園花事者感而有賦

自嘲

清明感懷

朝議以諸勳鎮積苦行間宣救慰勞余益不勝

張蒼水集目錄

九 四明嚴書

約園刊本

疏迷之感

病中遣懷

步韻別朱子成

暑雨舟中遣悶分得柴字

七夕同諸子限韻

秋懷三首

大安沙坐風雨復疊前韻三首

答紀石青年丈二首

寄懷徐閩公年丈

送程璠嘉將軍還閩南

舟行阻風口號二首 丙申

登菩薩頂

贈傅惕庵二首

哭定西侯墓

送陳立之還閩

一紀

馬爾毓不應幕府辟召

卽事有感

張蒼水集目錄

十四明叢書  
約園刊本

扶風

夢中得句云集候秋蟲偏解語失途老驥亦長

鳴似有感起而成之

重經羊山憶舊與定西侯維舟於此

中秋與賓從小飲步朱夏夫韻二首

歸思寓郡望姓氏

舟次三山

壺江卽事二首

重登秦港天妃宮

寄遠

丙申除夕

丁酉元旦余駐師秦川 丁酉

旅愁

弔旅墓

愁思

枯魚過河泣

戊戌元旦 戊戌

舟山感舊四首

張蒼水集目錄

十一  
十四明叢書  
約園刊本

聞行在所遣使至營宣慰有感二首

徐闇公入覲行在取道安南聞而壯之二首

得家信有感二首

春江花月夜值微雨 限韻

春雨望茅舍炊煙 限六魚韻

白燕次友人韻

春暮有懷

歲在戊戌余行年已三十九矣撫時感事遂以

名篇

吳佩遠遊雁宕山歸備述名勝因爲詩紀略亦

志余企望之懷也

贈別陳文生還三山

王師北發草檄有感二首

五月既望行營恭祝監國魯王千秋有感

苦雨吟

述懷二首

冬懷八首

寄金二如兼訊朱建武

張蒼水集 目錄

贈客還里門

喜從弟至兼寄中表

張書紳與范子瞻論余十餘年來戎馬頗爲勞

苦孤危有詩見贈讀之愴然因成二首

薤露吟

蒿里曲

鴻門歌

卷三

奇零草

十二四明叢書 約園刊本

己亥元旦 己亥

海上觀燈限十五刪十五咸二韻

閩元宵 限十四鹽

閩元宵排律十四韻

泊馬蹄擗戲成

泉穴魚

代內人獄中有寄

擬答內人獄中有寄

聞貴陽失守

張蒼水集 目錄

答徐閣公信以交行詩刻見寄二首

會師東甌漫成

江上聞笛

師次觀音門

師次蕪湖時余所遣前軍已受降

師入太平府

姑熟既下和州無爲州及高淳溧水溧陽建平

廬江舒城含山巢縣諸邑相繼來歸

驛書至偏師已復池州府

十三四明叢書 約園刊本

師入寧國時徽郡來降留都尙未克復

閒行雜感二首

經烏江二首

從陽謠二首

黃湓謠二首

新安溪行

寄宿石塘菴與居人道定西侯往事

生還四首

海濱居民聞予生還咸爲手額且以壺漿相餉

張蒼水集 目錄

十四 四明叢書 約園刊本

余自慚無似何以得此於輿情也

僕還

月夜同陳文生過黃粹伯留酌

贈陳文生侍御返命閩嶠

苦饑

庖焚

萍踪同邱舍山感賦

送邱舍山還長亭山房

得姚興公書以舫音集見寄

卜居

溪行二首

島居八首

索居島上童子折梅來獻喜而有賦限十三元

二首

賦得相逢俱是歲寒人

立春用杜韻

己亥除夕

庚子元旦駐師林門 庚子

張蒼水集 目錄

十五 四明叢書 約園刊本

庚子新正二日坐雨島上

遊小巖草菴

得朱子成書

寒山

聞監國魯王以盜警奔金門所

贈張書紳還錢塘

上巳書懷

春晚

重過桃渚



復屯林門

中秋有懷

步韻和曹雲霖滄島秋懷二首

秋夜舟中聽雨

新河口雨泊二首

愁泊

長鯨行

次韻酬林荔堂

歲暮得蔣馭鴻信兼見其新製寄贈二首

張蒼水集 目錄

十六 四明叢書

約園刊本

島上祀竈

辛丑元旦偽虜僭號已十八年矣 辛丑

見友人詠懷詩有感遂依韻和之二首

春島霧雨次壁間舊韻

雨中寒甚再疊前韻

送黎大行瀕行以途窮為恨賦詩見示仍用前

韻答之

維揚姜張二友浮海來晤賦贈

偽庭小汗天亡復以六歲餘孽僭號擅位

春暮悵然有作

三月十九有感甲申之變二首

得徐閻公書為之喟然

促織

寄張書紳時聞在越

送黎大行南訪行在

送吳佩遠職方南訪行在兼會師鄖陽

秋日傳蜀郡克復瓊海反正喜而有賦

感事四首

張蒼水集 目錄

十七 四明叢書

約園刊本

三過沙關

沙關感懷

送羅子木往臺灣二首

愁心

莫指

南國

雜感三首

輓董天鑑孝廉

梅花和中峯大師韻四首

辛丑長至舟次祝聖二首

除夕行營沙關

壬寅元旦軍次仍行祝聖禮 壬寅

元夕金鄉道

元宵舟次步寶從韻魚字

辛丑秋虜遷閩浙沿海居民壬寅春余艤棹海

濱春燕來巢於舟有感而作

春心

北回示將吏

張蒼集 目錄

卷四

採薇吟

入山 甲辰

清音

林中漫興

小猿畜之久矣以病抱樹而死爲之惻然

山中初度用子木韻

清秋憶從弟嘉言

山中七夕限韻得廉字

十八 四明叢書

約園刊本

又疊前韻

懷古

山居卽景四首

山中屢空泊如也偶讀淵明饑驅句猶覺其未

介遂作反乞食詩仍用陶韻

擬古三首

懷王媿兩少司馬徐闡公沈復齋中丞

聞孤鳥而有作

入定關 在懸巖七月十七丑時被執作也

張蒼集 目錄

羈恨二首

被執歸故里 甲辰七月

將入武陵二首

宿官亭 八月

放歌 八月七日書於杭之獄壁

憶西湖 八月

牆角紅梅九月發花一朵偶成四絕時羈獄舍

用鹽字

武林獄中作三首

十九 四明叢書

約園刊本

又一首

甲辰九月感懷在獄中作

絕命詩

屯懸密後啼有感

附詩餘

柳梢青

長相思 中夜聞箏

前調

前調 秋

琴書水集 目錄

二十四明鏡書

約園刊本

滿江紅示同難賓從羅子慕於武陵獄耶

前調 步岳忠武王韻

卷五

冰槎集

祭海神文 禁林代敕 辛卯

復偽提督田雄偽鎮張杰偽道王爾祿書

祭建國公鄭羽長文 丁酉

賀延平王啓 戊戌

海師恢復鎮江一路檄 代延平王 己亥

復偽總督郎廷佐書

山頭重築海塘碑記 庚子

徐允巖詩集序

上監國魯王啓

與偽鎮張維善書

羅子木詩集序 辛丑

上延平王書

上行在陳南北機宜疏

祭定西侯張侯服文

琴書水集 目錄

二十四明鏡書

約園刊本

答曹雲霖監軍書 壬寅

曹雲霖詩集序

祭山神文

奇零草序

祭四叔父文

上監國魯王啓 七月

上監國魯王啓 八月

上監國魯王啓

卷六

外編一 遺詩

招趙友飲禪院

七夕前十日贈少年合卷二首

寄紀侍御衷文二首

海上二首

闕題

感懷步扇頭韻

湖心亭書壁

顯甥奔至 壬寅

張蒼水集 目錄

三四明叢書 約園刊本

聞家難有慟四首

得故人書至自臺灣二首

驚聞行在之變正值虜庭逮余親屬痛念家國

心何能已

悲憤二首

傳聞閩島近事

感懷兼悼延平王

海月

夜泛

重陽偶成

甌行志慨三首

野人餉菊有感四首

舟行立冬

舟行望野燒

讀史二首

和秦淮難女宋蕙湘旅壁韻

有所思 癸卯

憶菊限屏字

張蒼水集 目錄

三四明叢書 約園刊本

復趙督臺

甲辰元旦

虜庭以余倡義既久屢復名城遂逮及族屬且

開告密之門波及親朋擄掠備至聞之泫然

月夜重登普陀山二首

卷七

外編二 遺文

自用研銘

李陵論 剌叛臣洪承疇

張子房報韓論 刺叛臣吳三桂

陳文生未焚草序

梅岑山居詩引

答毛參謀書

與林用圭書

祭平夷侯周九苞文

答延平王世子經書

答閩南縉紳公書

復盧牧舟司馬若騰書

張蒼水集 目錄

二五四明叢書  
約園刊本

答偽部院趙廷臣書

答偽安撫書

答唐枚臣書

送馮生歸天台序 癸卯

祭監國魯王表文

祭延平王文

僧履端詩集序 甲辰

貽趙廷臣書

卷八

北征得失紀略

卷九

鄉薦經義

附錄

附錄一

年譜 全祖望輯

附錄二

年譜 趙之謙纂

附錄三

張蒼水集 目錄

二五四明叢書  
約園刊本

傳略

附錄四

墓錄

附錄五

題詠上

附錄六

題詠下

附錄七

人物攷略

附錄八

校訂清池張氏世系圖表

世德錄

張蒼水集 目錄

二六四明叢書  
約園刊本

張蒼水集卷一

明鄞張煌言玄著撰 同縣後學張壽鏞編次

奇零草

自序

余自舞象輒好為詩歌先大夫慮廢經史每以為戒遂  
輟筆不談然猶時時竊為之及登第後與四方賢豪交  
益廣往來贈答歲久成篋會國難頻仍余倡大義於江  
東藪甲敵干凡從前雕蟲之技散亡略盡矣於是出籌  
軍旅入典制詰尙得於餘閒吟詠性情及胡馬渡江而

張蒼水集 卷一

一四明叢書  
約園刊本

長篇短什與疏草代言一切皆付之兵燹中是誠筆墨  
之不幸也余於丙戌始浮海經今十有七年矣其間憂  
國思家悲窮憫亂無時無事不足以響動心脾或提槩  
北伐慷慨長歌或避虜南征寂寥低唱卽當風雨飄搖  
波濤震盪愈能令孤臣戀主游子懷親豈由亡國之音  
庶幾哀世之意乃丁亥春舟覆於江而丙戌所作亡矣  
戊子秋移節於山而丁亥所作亡矣庚寅夏率旅復入  
於海而戊子已丑所作又亡矣然殘編斷簡什存三四  
道辛卯昌國陷而笥中草竟靡有子遺何筆墨不幸一

至於此哉嗣是綴輯新舊篇章稍稍成帙丙申昌國再  
陷而亡什之三戊戌又覆舟於羊山而亡什之七己亥  
長江之役同仇兵燹余以閒行得歸凡留供覆瓿者盡  
同石頭書郵始知文字亦有陽九之厄也年來歎天步  
之未夷慮河清之難俟思借聲詩以代年譜遂索友朋  
所錄寶從所鈔次第之而余性頗強記又憶其可憶者  
載諸楮端共得若干首不過如全鼎一變耳獨從前樂  
府歌行不可復攷故所訂幾若廣陵散嗟乎國破家亡  
余謬膺節鉞既不能討賊復仇豈欲以有韻之詞求知

張蒼水集 卷一

二四明叢書  
約園刊本

於後世哉但少陵當天寶之亂流離蜀道不廢風騷後  
世至名爲詩史陶靖節躬丁晉亂解組歸來著書必題  
義熙宋室旣亡鄭所南尚以鐵匣投史晉井中至三百  
年而後出夫亦其志可哀其精誠可念也已然則何以  
名奇零草是帙零落凋亡已非全豹譬猶兵家握奇之  
餘亦云余行間之作也永曆十六年歲在壬寅端陽後  
五日張煌言自識

壽鏞謹案先生之詩詩史也一再散亡僅存者此  
耳願奇零草爲先生手訂時在壬寅端陽後五日

凡在是年是月是日以前始得入之乃見眞面目  
而拾殘廢於散亡之餘當以最初之本爲依據雖  
全謝山亦後定者也今壽鏞幸得海濱遺老高先  
生允權錄本於先生後人先生詩文略備謹依其  
所註年歲分年編定不復分體更參校張丈讓三  
謂得鈔本於黃東井後人徐闇公孚遠各印硃色  
爛然尙是永曆間舊帙餘杭章太炎據以付印者  
爲之互勘次其後先以丁亥閒居爲始壬寅北回  
示將吏爲終以復先生手編奇零草之舊壽鏞謝

張蒼水集 卷一

二四明叢書  
約園刊本

陋譬諸畫家力求神象之肖而能肖與否惟力是  
視倘更得畫工潤色之使襄鄂皆眞尤所望也

閒居 丁亥

揮手歸鴻望已乖風塵依舊兩芒鞋人居閒處非佳境  
事到難時且放懷無限興亡看越絕何妨奇怪說齊諧  
孤踪轉覺支離甚一任蒼苔自上階

九日陪安昌王黃肅虜虎癡張定西侯服張太傅  
鯢淵朱太常聞玄徐給諫闇公及沈公子昆季  
登鎮山和韻 丁亥

龍背霜寒菊自開欣看莫佩宴吹臺尚書履近東山駐  
大將旗聯西府迴香冷金華雙使至秋明玉樹二難來  
追陪誰復題糕字媿向鑾坡問筆才

丁亥留節翁城同諸公行長至禮

幾年臥節夢金鑾綿蕞猶班舊握蘭葭管初開周甲子  
蔥珩重見漢衣冠嵩呼恍覺爐香近海曙還疑扇影寒  
惟有臣心冰雪淨誓將絲線續雙丸

戊子元旦步張鯢淵太傅韻

椒花幾度頌千春惆悵瞻雲祇遠臣海國尚留桑版舊

張蒼水集卷一

四四明叢書  
約園刊本

山家又見柳條新三年嚼雪雙蓬鬢萬里乘風七尺身  
賴有老成遲劍履相看端笏對楓宸

懷古二首 戊子

我懷申大夫哭秦卒復郢人定能勝天一言重九鼎亦  
有張長史唐室賴藩屏當其語江中籌畫先井井古人  
秉忠貞謀國無微倖操此左券言勳名終彪炳如何通  
播臣智勇不得騁廢興寧有運吾欲訟青冥

雲本依龍翔風亦附虎烈古來王佐才往往待聖哲白  
水產真人乃能顯高密先生自梟雄隆中願蕩滌卓哉

一臣靡赤手挽禹曆澆泥既迭生郭灌且並滅君方振  
有仍臣也奔有鬲國亡四十年興滅復繼絕祀夏伊誰  
功萬古冠臣節

和肅虜侯黃虎癡承制頒曆韻

戊子 壽鏞案高本繫戊子全譜非

駿馭遙巡斷赭鞭孤臣頻歲紀星躔曉籌冷落雞人唱  
寒管驚回龍子眠舊放梅花知漢臘新添莫葉是堯年  
義熙何用陶潛載日月中天正朗懸

送黃金吾馮侍御乞師日本

戊子 壽鏞案高本與趙譜合全譜非也

中原何地足依牆惆悵徵師日出方龍節臥持牙斧客

張蒼水集卷一

五四四明叢書  
約園刊本

魚書泣捧豹衣郎黃河北去浮青雀滄海東回獻白狼  
佇聽無衣萬里客繡弧應復挂扶桑

輓楊玄石侍御 戊子

避莽爭誇漢兩龔道臣浩氣正如虹何期士雅鞭元著  
轉覺寶王檄未工華表應歸千載鶴夜臺誰避五花驄  
獨憐江左風流盡禾黍依然滿故宮

侍御室人從容就義 戊子

何人重上望夫山血影模糊不可攀漆室有憂曾曳縞  
崩城無計竟投繯沈來婺彩光猶映揮到湘筠淚自斑



多少鬚眉中，懶態卻留形。管歎紅顏

追輓屠天生兵部已丑 壽鑄案以下繫年悉依高本凡全譜誤者均更正

雉壇曾記探陰符，共挽天戈指羯胡。我似魯連還抗節

君為翟義竟捐軀，旄頭應避祁連家。七首空藏督亢圖

歸去延陵須掛劍，只愁零落是楷模

天生元配投繯殉夫臨終有詩已丑

碧血流乾滄海塵，深閨誰是未亡人。曾聞脫珥都忘緯

豈惜磨笄並化燐，荀女尙慙珠未碎。明妃莫怨玉難春

臨危猶作離鴻調，字字遺丹在縞巾

張葦水集卷一 六四明叢書 約園刊本

輓楊瑤仲廣文已丑

澤國絲來已墜天，敢云補缺有青氈。欲逃東海波難挽

縱餓西山蕨亦羶，屋上幾時曾集鵬。堂前從此不升鱸

相遭猶記言珍重，豈意歸吟薤露篇

輓華吉甫明經已丑

魚檄纔傳身已危，英魂烈骨任披離。華夷兩字書生辨

節義千秋史氏知，逝去玉樓堪作賦。投來鐵匣尙留詩

更聞鍛鍊神偏壯，慷慨如歌易水辭

輓董若思明經已丑

昨夜貪狼炤越軍，早嗟玉折與蘭焚。孤臣錯擬清河客

力士空求滄海君，函谷丸泥封未得。豐城劍氣杳難分

悲歌不獨為姻婭，雁影遙天柰失羣

答古虞偽令乃祖官尙書 已丑

漢幟年來半壁標，何期賢令賦同袍。睢陽自昔猶瞠目

彭澤於今暫折腰，好為家聲看魏笏。還將國恥問蘇旄

龍荒多少江南客，老皺胡顏說北朝

余自丙戌蹈海奉違家君定省已四載矣茲待罪

軍次每一念至為之黯然已丑

張葦水集卷一 七四明叢書 約園刊本

獵火年年急羽書，飄零子舍竟何如。不因閫外驚投袂

那見庭前歎絕裾，燕語空梁泥自落。鶉啼細柳血應枯

遙知今夜關山月，獨照龍鍾人倚闥

鐵衣何事換斑衣，朔雪炎風歸未歸。莫慰兕觥娛畫錦

聊憑龍盾報春暉，停雲轉悔辭家易。夾日還慙報國微

記得青箱多舊訓，丹心玄髮敢相違

勸農遇雨時余屯兵山寨已丑

濃雲似墨滯行旌，點染春郊最有情。話到桑麻風自古

災餘草木雨還生，土龍不用胡僧咒。竹馬偏喧穉子迎

烟火幾家寥落盡空山布穀一聲聲

暑夜獨坐 己丑

炎熇如酷吏入夜氣猶蒸晞髮涼初透  
捩鬚興欲乘風  
斜穿密牖月午漏疏藤四壁蟲聲咽  
誰堪一語冰

鹿走勿逐自復戲成 己丑

失鹿何曾得鹿期重來豈獻牡丹枝  
障中蕉葉原非夢  
為待仙人夾轂隨

卜天種畫寢戲成 己丑

新秋蕭颯北窗涼一枕羲皇夢亦長  
試問漆園蝴蝶影

張集卷一

八四明叢書  
約園刊本

可曾逆旅鬧黃梁

建夷宮詞十首 己丑

平明供奉入彤闈亦舞霓裳唱羽衣  
千騎驂驪知侍獵  
揮鞭馳道擁明妃

毳殿春寒乳酪香近臣偏得賜新嘗  
老璫不解駝酥味

猶道天廚舊蔗漿

盤龍小袖裊身裁馬上雕弓抱月開  
太液池邊金彈落

疑從紫塞射雕來

弓靴椎髻儼天麾胡文宮妝新樣多  
醉捧官家還笑問

燕支山色近如何

朝罷翟曇次第迎內庭深處說無生  
不知鸚鵡能胡語  
偷向金籠誦佛名

十部梨園奏尙方穹廬天子亦登場  
纏頭豈惜千金賞  
學得吳歛進一觴

上壽觴為合巹尊慈寧宮裏爛盈門  
春官昨進新儀注  
大禮躬逢太后婚

掖庭又說冊闕氏妙選嬪闈足母儀  
椒寢夢回雲雨散  
錯將蝦子作龍兒

張集卷一

九四明叢書  
約園刊本

六曹章奏委如雲持敕新書翻譯聞  
笑殺鍾王空妙筆  
而今鳥踪是同文

玉几憑來顧命新負展聞道有家臣  
從今賭卻鑽刀咒  
不信華人信滿人

閏元宵 辛卯

斗柄春來又幾旋昨宵今夕倍堪憐  
一年那得燈重滿  
五夜何曾月再圓星漢依稀火樹裏  
風光次第杏花前  
上元別是佳游節選勝還疑小有天

賦贈翁永年中翰燕爾之喜 辛卯

豔陽玉樹正堪攀一捻柔枝翠幙間賦就梅魂誰競爽  
廣來柳絮自幽閒鷺回欲寫輕蛾樣燕婉偏諧小鳳班  
最是流蘇春煖夜餘香宜傍御爐還

壽鯢淵張相國 辛卯

扶桑之國蓬萊鄉日月所胎生氣長遙與九峰三泖接  
神仙窟宅天地房乃有格人降箕宿兵甲胸羅腸篆籀  
鳧鳥先從闕下飛鷹冠獨向殿中駮天祐庸公爲洗兵  
朱旗玄鐵仗南征日鼓朝扶辰極正星鉞夜掃書蹕平  
乾坤有待銅馬帝制闔旌旄橫海濟蚩尤欲殄夢吹塵

張蒼水集卷一

十四明敏書

約園刊本

胥靡爰登歌作礪丹心洞達八荒開黃髮溫恭萬屢愀  
謝棋墅上時時賭狄李蹊邊處處裁先生花甲今復始  
考擬中書二十四鼎內和羹手自調馬用金鹽與玉豉  
況對仙山咫尺間徐市曾尋大藥還避芥子真丹井在  
安期醉墨桃花斑卓哉先生能壽國鯢柱孤撐挽百六  
虞淵倒景浴咸池上台含曜融寒谷君不見吾家三載  
世風流杖履從容燕子樓自是綸扉同噉蔗何須海屋  
復添籌又不見漢興正賴子房策封留高蹈求黃石世  
間更無卻老方不朽功名綿史冊宗風千載先生存轉

軸旋樞裕後昆婆娑彌覺朱顏駐園綺衣冠安足論

春暮張鯢淵相國招賞玉樓春向晚更酌漫賦 辛卯

曲江花事已闌珊春富名園色可餐香韻乍經羞後見  
風流恰向醉中看不妨豔質偏叢綠卻羨芳心自渥丹  
小雨疏窗遙望斷輕綃低護絳雲團

看花相對數花籌綺谷偏宜清夜遊欲比酒容來葉底  
頻疑燈影上枝頭妝殘蓮粉精神別夢入梨雲顏色淨  
暮靄迷離渾一片湘簾掛處隱朱樓

端陽喜雨呈張相國鯢淵 辛卯 詩補案高

本繫辛卯趙譜非

張蒼水集卷一

十四明敏書

約園刊本

海國懸符爲辟兵驅來雷檄又縱橫中天雨露天中節  
半夜風雲夜半晴繁露何須災異對商霖原爲相公生  
憂民幸慰祈年意笑把萸蒲泛酒觥

遊芥瓶庵贈希聞上人 辛卯

斲人雲根便臥雲禪師真可鶴爲羣數竿漸覺龍孫長  
一徑斜從鳥道分山似骨餘原太古僧無肉相卽斯文  
膽瓶印處應如許我亦來參未得聞

輓張鯢淵相公 辛卯

一身真可繫危安垂死威儀尙漢官魂返黃墟應化碧

顏留青史卽還丹千秋其惜遺金鑑十載何慚戴鐵冠  
也識公歸箕尾上定依日月倍芒寒

紗籠姓氏迴無瑕晚節何如五柳家欲報君恩餘白髮

祇留相業在黃麻樓空燕子從風墜門冷龍孫帶雨斜

先生諸姬盡殉一孫被囚故云一自墨胎歌斷後華亭鶴唳更堪嗟

輓大宗伯吳巒穉先生 辛卯

冰稜玉尺倚容臺一片孤忠天地哀儼爾鬚眉留四皓

黯然彗孛入三台引年難遂懸車去逐日徒悲化杖回

深負先生歸骨望吳江楓冷鶴還來 先生吳江人

張蒼集卷一

十四明叢書

一掌河山亦踐蹂老臣霜雪正盈頭掀髯猶抱滄桑恨

扼吭甘從孤竹遊自是澤宮堪薦俎 先生畢命于學宮豈無夜

壑可藏舟趨朝當日稱先達惆悵生芻何處投

輓朱聞玄少宰 辛卯

風流名節總相兼冰鑑高從北斗瞻老去漢臣猶避莽

歸來陶令本名潛一官直與夔龍並七尺甘隨豺虎殲

試向星辰還聽履炎輪應爲返西岷

極目烽烟點鬢毛閭闔已識兩難逃黍離社稷無薪膽

草昧朝廷有節旄自許孤忠遺海岸人悲啟事失山濤

臨風不盡招魂賦那忍重看舊佩刀

輓安洋將軍劉胤之 辛卯

羽聲落日泣兵殘斗大孤城獨據難虎體拚隨朝露盡

龍精空向暮雲寒數奇偏少封侯骨力竭惟餘報主肝

歲歲芳洲腥草綠飛燐猶繞舊登壇

輓王完勳侍御 辛卯

憶君被褐草間來慷慨論兵未易才薄海誰堪師畫邑

下江應許畫雲臺星沈漢壘貪狼耀風競胡營戰馬哀

伏劍猶聞歌正氣心懸陵母亦悲哉

張蒼集卷一

十三十四明叢書

輓馮躋仲侍御 辛卯

一夜烽烟五丈原文星早共將星昏埋肝尙擬扶宗社

灑血何辭濺廟門同穴先悲梁上燕覆巢早泣峽中猿

只今大樹還零落異域誰招馮母魂 躋仲妻縉子穆隨母被沒入故云

弔肅虜侯黃虎癡 辛卯

百年心事總休論墮淚憑看石上痕竹帛早應傳魏勝

河山終不負劉琨當時杖履知何在此日衣冠賴孰存

一自將臺星殞後胡塵天地尙黃昏

弔沈五梅中丞 辛卯

香臺咫尺渺人琴萬里寒潮送夕陰報國千年藏碧血  
毀家十載散黃金名山難瘞孤臣骨瀚海空磨戰士鐔  
留得荒祠姓氏古春歸唯有杜鵑吟

秦吉了 辛卯

秦吉了生爲漢禽死漢鳥塞南塞北越禽飛悵望故山  
令人老載鳴鳴華首載飛飛華土翮折翅垂夷敢我侮  
生當爲鳳友死不作雁奴我自名禽不可辱莫待燕  
婉生胡雛 鷓鴣嚇鵲徒喑倉庚空格磔哀哉不能飛  
起視來禽嘗歎息

張葦集 卷一

十四 四明叢書

約園刊本

翁洲行 壬辰

自從錢塘怒濤竭會稽之棲多鍛翮甬東百戶古翁洲  
居然天塹高碣石青雀黃龍似列屏蛟螭不敢波間鳴  
虎鬚爭如秦婦女魚旄半是漢公卿五六年間風雲變  
帝子南巡開宮殿繇來澤國仗樓船烏鬼漁人都不賤  
堂怡穴鬪幾經秋胡來飲馬滄海流共言滄海難飛越  
況乃北馬非南舟東風偏與胡兒便一夜輕帆落奔電  
南軍鼓死將軍擒從此兩軍罷水戰孤城聞警蚤登陴  
萬騎壓城城欲夷礮聲如雷矢如雨城頭甲士皆瘡痍

雲梯百道凌霄起四顧援師無螻蟻裹瘡奮呼外宅兒  
誓死痛哭良家子斯時帝子在行間吳淞渡口凱歌還  
誰知勝敗無常勢明朝聞已破嚴關又聞巷戰戈旋倒  
闔城草草塗肝腦忠臣盡葬伯夷山義士悉到田橫島  
亦有人自重圍來向余細語令人哀椒塗玉葉填管井  
甲第珠璣掩劫灰而今人民已非況城郭櫛髀跳號寧  
復肉土花新蝕遺鏃黃石苔早繡缺斯絲嗚呼問誰橫  
驅鐵襖褫翻令漢土剪龍荒安得一劍掃天狼重酌椒  
漿慰國殤

張葦集 卷一

十五 四明叢書

約園刊本

贈駱亦至二首 壬辰

客自涪州至蕭然野鶴姿青雲猶冉冉日雪故離離混  
俗原無我廉頑更有誰蒲輪指日下莫漫採江離  
唐室當中葉君家有右丞雄文堪討賊苦節亦爲僧踪  
跡今相似遭逢古未曾會須扶日月滄海見鱣升

登涓洲 壬辰

不盡滄浪興孤洲眺晚暉海翁稱地主野父說天妃  
舫風前出鏃鋤雨後歸侏僂雖未解一笑亦忘機

步韻答徐闇公 壬辰

窮塗長日更難消，賸有圖書伴寂寥。伯業徒看秦望氣，客愁似瀉廣陵潮。其歌叢桂山中發，誰識焦桐爨下燒。潦倒未應猶倔強，丈人久已學承蜩。

舟中聽雨分得長字 壬辰

小雨江天倍渺茫，翩然有客度鳴榔。坐來知己忘觴薄，話到英雄看劍長。殘角分明悲渤海，孤篷輾轉憶瀟湘。相憐身世真飄泊，豈為春風欲斷腸。

同姚興公萬美功過訪陳齊莫小酌 壬辰

回首鄉關北海濱，南來猶見故鄉人。君因久客翻為主

張蒼集 卷一 四明叢書 約園刊本

我亦同仇況比鄰，八載滄桑愁欲老。一罇清酒話相親，其悲吳楚烽煙急。太史占星正聚閩，姚吳人萬楚人故云

送萬美功還越時其弟靜齋將赴行在 壬辰

令弟將南邁，元方又北征。炎荒萬里節，越絕一歸旌。欲聚非麋鹿，難分是鵲鴿。祇應山鬼語，但見送人行。

沈彤庵閣學艤舟南日山遭風失維不知所之雖存亡未卜余猶望其來歸也 壬辰

昨夜驚濤勢轉雄，孤帆何處御長風。沃焦不信膠舟解，博望初疑銀漢通。欲問馮夷愁莫應，倘成精衛恨何窮。

袖歸當有支機石，豈遂騎鯨向碧空。

書懷 壬辰

一劍橫磨近十霜，端然搔首看天狼。勳名幾誤乘槎客，意氣全輕執戟郎。圯上書傳失絳灌，隆中策定起高光。山河縱破人猶在，試把興亡細較量。

同諸子步月 壬辰

醉餘散步興逾飛，挈伴耽看素月輝。濠濮自然成獨往，關山幾處照人歸。橫襟坐嘯風微至，曳履行吟星漸稀。清影自憐同鶴瘦，可能肥遯遂初衣。

張蒼集 卷一 四明叢書 約園刊本

飲酒 壬辰

世事驚心強自娛，蕭條旅館日提壺。嘗言諸葛真名士，猶作高陽一酒徒。座上何須分雅俗，杯中原不入榮枯。且須杖策春陵去，王粲登樓賦有無。

送萬靜齋復命行在 壬辰

聞君攬轡向蒼梧，三月椰花媚客途。星漢初迴英蕩節，風流未減繡螭弧。嶺梅見使歡相接，岸柳懷人強自扶。莫怨胡塵連瘴雨，王師傳說下荆湖。

步倉萬靜齋留別韻兼以勸駕 壬辰

經旬客邸正相尋君去應嗟徑草深帝子偏安猶半壁  
王孫盡報只千金梁鴻自是難分手范蠡何堪有隱心  
好向屬車勤獻策楚材莫作楚騷吟

贈徐闇公年丈三首 壬辰

王謝風流誰更傳雄文廿載國門懸胡牀高踞談經日  
漢室初徵射策年每擬珊瑚爲架筆雅聞纓組並當筵  
豈知把臂蓬壺外江左衣冠傲昔賢

竹箭東南橫得名飛來龍劍卻爭鳴誰云四海同科第  
自是中原一社盟懸榻君應稱快事乘槎我亦歎勞生

張蒼水集卷一

十九四明叢書

約園刊本

他年若遂尊臚興擬共山陰道上行

吾道滄洲任所遭豈因標榜益名高重逢尙握蘇卿節  
久別誰彈鍾子操明月開尊皆勝侶春風入座似醇醪  
偉長未便從軍老已羨文章晚更豪

舟次清明拈得青字 壬辰

春光客路轉飄零擬踏平蕪探小菁自覺草生偏入夢  
可憐花醉未曾醒松楸雲隔千峰斷楊柳烟迷兩岸暝  
欲隱尙違慚介子年年寒食臥江汀

贈馬爾毓職方奉表行在後不果行 壬辰

頻年北極未迴鑾萬里朝宗行路難孝直終當扶蜀鼎  
太真時亦奉劉丸垂風共聽尙書履近日應隨御史冠  
此去君家銅柱在長纓好請繫樓蘭

擬別義陽王 壬辰

紫橐玄戈事幾秋傷心忠孝竟何酬投閒肯寄通侯廡  
招隱空登學士舟滄海拂來惟兩袖赤霄攜去有雙鉤  
月明儼下緱山鶴準擬追陪伊洛遊

四月八日過仙洞訪石田和尚 壬辰

炎鄉白晝苦難眠也逐孤雲學問禪行到精廬知浴佛  
坐來古洞憶飛仙遠公暫向名山住管子初從遼海還  
不是宰官能說法疏泉品石總隨緣

張蒼水集卷一

十九四明叢書

約園刊本

遊龍教寺 壬辰

雲林次第望中收碧澗清泉曲曲流山勢有情留古寺  
海潮無意到孤洲素冠卻許黃冠伍芳草渾同衰草愁  
自覺行踪猶廓落五湖烟雨釣魚舟

我師圍漳郡余過規之賦以志慨 壬辰

溟南見說築金臺長揖諸侯壁上來地險分明形似米  
天驕竊據勢如鬼愁登廣武論劉項倦向梁園逐馬枚

卻聽雄風歸楚望聊當飲至一銜盃

閩南行 壬辰

閩南自古龍蛇孽犬羊闖入為窟宅元公仗鉞起海東  
劍躍蜿蜒弓霹靂一戰築京觀再戰解椎結三戰合圍  
漳州城萬竈星羅盡樹柵彈丸小醜向陸梁登陴不畏  
河魚疾迴看百雉蚤懸燈照耀闔閭光為赤城頭刁斗  
寂不聞惟聞死聲動筆策我軍鼾睡聲如雷戰馬高嘶  
待橫擊平明兩軍仍相持似借人命膏鋒鏑嗟嗟狡虜  
何其愚何不肉袒轅門行自絕憶昔秋深胡馬肥燒荒

張蒼水集 卷一

二十四明叢書  
約園刊本

獵火天成血橐駝九陌換銅駝指顧中原鮮堅壁不數  
年間殺運回漢人復藏胡人滅區區阱獸與金魚天戈  
所指應無敵應無敵多鹵獲或獻俘或獻馘此時龍戰  
血玄黃功成誰念溝中瘠兵家奇正鮮常形頓軍堅城  
豈善策試籌遁甲探陰符大武何嘗窮矢石

絕炊 壬辰

炎涼雖世態不信在同舟自去梁間燕真同水上鷗婢  
原無赤腳僕已鮮蒼頭亭午炊烟絕何能免百憂

讀史 壬辰

故人即非寒使者殊不薄交滿天地間綈袍何落莫

同陳文生坐雨步韻 壬辰

經春作客傍龍門春去猶憐蛺蝶魂花醉可曾澆白墮  
草成盡道勝玄言江河滿地愁偏入湖海頻年病尙存  
正為陸沈慙石隱那堪風雨更煩喧

端陽客鷺門 壬辰

偶逢南海菖蒲節轉憶西山薇蕨生風俗不殊鄉國異  
年華一去夢魂驚何須繫縷為長命安得懸符盡辟兵  
客況淒其聊對酒莫辜好景是朱明

張蒼水集 卷一

二十四明叢書  
約園刊本

感懷二首 壬辰

滄江一臥已心灰避地何人賦七哀欲遣新愁悟後去  
翻招往恨醉中來六橋歸夢催衰柳五月寒巖聽落梅  
擬學冥鴻差強意回看玄髮又徘徊

浮名世上長蓬心我自商歌獨抱琴流水非因鍾子調  
陽春只合郢人吟乾坤大抵分王霸治亂繇來半古今  
轉悔十年塵事拙不如經濟在山林

壽安福伯鄧如盤 壬辰

鵲石文垂早建牙歸來長嘯何丹砂漫言赤社千秋恨



且種青門五色瓜  
匣內芙蓉堪捧日  
杯中薏苡當流霞  
興朝若復論人物  
自是雲臺第一家

弔熊雨殿相公 壬辰

怒飛夾日勢排空  
蠻觸何云又伏戎  
半壁雄才終抱石  
三台殺氣已成虹  
高名未許容周顛  
正色繇來忌孔融  
猶憶錢塘留戰血  
至今春草帶殘紅

弔義興侯鄭履公 壬辰

五陵豪客徹侯封  
翼折天門第幾重  
陳勝亡秦先發難  
劉琨爲晉竟罹凶  
稽山甲盾從今散  
橫海樓船不自容

張蒼水集 卷一

二五 四明叢書  
約園刊本

一似鷗夷乘浪去  
我來何處吊遺踪

贈金門蔡元戎 壬辰

炎風吹客到窮途  
慷慨逢君意氣孤  
此日高才追大樹  
多年長劍枕陰符  
金城不獨留天險  
銅柱還應入地圖  
最羨祭遵饒雅度  
時時緩帶一投壺

馬爾毓有從軍之歎戲成二律論之 壬辰

一劍南來說曳裾  
鉞聲早怨出無輿  
粉曹回憶馮唐節  
汕幕閒誇阮瑀書  
應悔鶴翎先自翦  
翻憐雞肘轉成虛  
烟霞清供難分寄  
恐爾蓬心尚未除

北山柰何又移文  
投筆雄情誰似君  
掉舌尙能高揖客  
掀髯誰許薄參軍  
嘗秦白璧歸何處  
間楚黃金費幾觔  
始信臥龍明出處  
草廬先已定三分

將朝王阻颶不果 壬辰

擬向平臺一問津  
驚濤無奈拍江濱  
去留轉覺隨龍子  
來往何能逐雁臣  
似放沅湘猶戀主  
非關河朔肯迎賓  
緣知歧路風波惡  
決計尋山學隱淪

暑雨同諸子限韻仍禁江窗二字 壬辰

張蒼水集 卷一

二五 四明叢書  
約園刊本

夢回煙樹繞吳艘  
蕭條莫怪壺堪碎  
鏽澀慙憐劍自雙  
客路幸逢好友在  
且須乘興倒春缸

幾年辛苦擁油幢  
留得閒身鼎漫扛  
風雨似爲驅熱至  
衣冠終不受魔降  
沾來濁酒卮如斗  
賦就新詩筆若杠  
最憶鑑湖晚霽後  
採蓮人盡唱吳腔

夏日過鼓浪嶼飲程璵嘉將軍署中 壬辰

入林偏愛晚涼生  
灌木疏疏墜月明  
鶴夢到山原獨醒  
蟬聲繞樹有餘清  
不堪歸興逢人急  
眞覺炎趨較世輕  
相對素心聊一醉  
盤飧何用五侯鯖

新秋鼓浪嶼納涼分得簪字 壬辰

孤嶼蒼涼沁客心偏宜散髮坐長林山川戰後形容改  
草木秋來情性深影亂鞦韆知墜葉聲飄絡緯似鳴琴  
披襟已在芳洲上塵俗何能解盍簪

飲吳山人 壬辰

柴門巷口碩人寬盡日相尋河朔歡說劍不妨煩脫轄  
懸壺何必學投竿主賢高擁烏皮几客醉同彈紫箆冠  
佳興邇來真半減為君一笑譜幽蘭

立秋同諸子限韻分得鹽咸二字 壬辰

張蒼水集卷一

二五十四明叢書  
約園刊本

客擬巢居為避炎曉來秋氣忽窺簾山因寥寂容偏肅  
水到澄清意自廉荷蓋初低看墜粉蓴絲乍憶下晶鹽  
滄江物色撩人甚刷羽丹青莫久淹  
肺病朝來謝酒監迎秋偏愛試單衫樓中豈獨愁王粲  
林下何曾醉阮咸清露微微沾薜荔涼風澹澹拂松杉  
故鄉消息渾無據滿望鴻來寄一函

七夕微雨 壬辰

碧漢生波蕩素秋良宵又向客中流銀鈎暗處虛穿巧  
玉璽分來總織愁天上何嘗須駕鵲人間那得似牽牛

故鄉風物空回首誰買羅喉戲綵樓

與蔡無能論興復 壬辰

塵纓濯罷便投綸忍道風雲起孟津豈有龍文成五色  
猶然鹿走在三秦赤符奉去應非謬黃石傳來自是真  
安得此身生羽翰高搏橫擊待攀鱗

感遇三首 壬辰

自憐錯節尚干盤信是人間行路難落拓何曾誇馬骨  
淹留豈為戀豬肝交遊亂後知誰在故老閒來傍若看  
多少雄心空對酒能無清淚滴琅玕

張蒼水集卷一

二五十四明叢書  
約園刊本

相傳霸越有神山國破空留匹馬還赤堇純鈎難復鑄  
黃閒勁弩似堪彎此時始識通侯貴何事翻令傲客閒  
總是是非千古定好將腐史手重刪  
片石誰能砥亂流冠裳無計且依劉未須名附青雲顯  
祇覺心同白日留避地幸存周甲子論人漫著晉春秋  
微軀慮向風塵老後死終慙清惠侯

別陳齊莫 壬辰

偶乘越榜向南飛客夢驚回起拂衣瀛海屢經龍戰後  
滄江漸見雁來稀杜陵入蜀悲難去枚叟遊梁笑未歸

今夜刀頭明月滿臨歧那得竟忘機

舟次中秋 壬辰

淡蕩秋光客路長  
蘭橈桂棹泛天香  
月明圓嶠人千里  
風急輕帆雁一行  
此夜啣杯慙庾亮  
幾年持斧笑吳剛  
視濤豈必錢塘上  
碧海銀潢自渺茫

夢內 壬辰

到處青山足住家  
無端歸夢繞天涯  
中宵細語蘋蘩節  
滿地離愁蘆荻花  
約畧刀環窺月影  
分明砧杵喚霜華  
遽然一枕成何事  
亂逐秋風向若耶

張集卷一

五十四明發書  
約園刊本

步韻答沈東生 壬辰

木落江皋闔闔風  
翩然尺鯉下雙東  
已知種菊惟陶令  
誰復圍棋似謝公  
三柳霜深丹葉老  
雙鋒星散紫霓同  
書郵卻問迷虛客  
詩律何如在剡中

師次湄島諸勳鎮行長至禮余以服制不預志感 壬辰

棘人經歲解朝簪  
憂國江湖一片心  
太史徒然吹鳳律  
諸侯空自噉鸞音  
風塵飄泊隨南北  
雲物淒涼變古今  
慰藉新陽來六管  
朝霜朔雪不須侵

陽回曙鼓動樓船  
遙憶千官上壽年  
漢殿微侯原裂地  
周廬亞相盡朝天  
香爐重傍疑難望  
綵線初添喜復憐  
猶恨身違冠帶會  
心隨日影到虞淵

至夜傳王師出東粵志喜 壬辰

土圭才見景初長  
忽報天聲出五羊  
始信玄陰消北陸  
懸知赤伏耀南荒  
金魚尙自唐分錫  
銅馬翻爲漢辟疆  
此日孤臣淹漲海  
衣冠拂拭待從王

壬辰除夕寓湄洲禪院 壬辰

浪跡天涯又歲寒  
強將枯影對辛盤  
鄉思暗逐鯨波寫  
世事明隨漁火看  
柏葉尊前催律呂  
蓮花漏上換支干  
江山百戰渾非舊  
留得磻溪把釣竿

張集卷一

五十四明發書  
約園刊本

癸巳元日和友人韻 癸巳

靈槎容易度流年  
海角春雲思黯然  
地近虹津堪浴日  
潮生蜃市欲黏天  
東來已識陽當震  
北望誰云歲在燕  
先甲後庚應有象  
抽毫預擬中興篇

人日立春客湄島二首 癸巳

勞生了不解宜春  
梅笑重驚物候新  
俗人秦餘疑近古  
時從夏正識生寅  
土風薄似村醪惡  
海錯鮮兼寒具陳

野草年年依舊發王孫何許一沾巾

海外行藏不計春起看天地亦維新  
鼓鞀往歲聞呼癸斗柄今年說指寅  
讀禮每思箋大戴授書尙擬續君陳  
東風似爲羈人至煖氣偏吹白氈巾

春到癸巳

春到何關鄉國情無言芳草自分明  
一經作客流離久幾度逢人嫵媚生  
雄劍攜來空顧影祥琴彈罷不成聲  
閒身總絕浮雲意特爲鬚眉未放行

憶余在翁島與張鯤淵吳巒穉朱聞玄諸先輩從

張蒼水集卷一

五十四明叢書  
約園刊本

遊一時情文宛然在目今三君皆以國難殉而

余在行間猶偷視息然蹙蹙靡勳蓋不勝興廢  
存亡之感矣癸巳

年來灑淚看桑田陶謝風流已盡捐  
伊昔幾人陪後乘我今何處競先鞭  
未消肝膽堪誰託無恙鬚眉祇自憐  
轉覺諸君真羽化夜臺杖履亦珊珊

追往八首癸巳

棄繻猶及到燕關慘淡風雲十載還  
狼鬣自從當日舞龍髯能得幾人攀  
漢陵弓劍存亡後晉室衣冠興廢間

轉眼書生成故老慚無媧石補江山

六朝遺跡雨花臺舊識先皇草昧開  
南渡尙留龍種在東遷祇避犬戎來  
卻悲羯鼓荒原動不見羊車複道迴  
國破何人猶抱膝當年應有管蕭才

長驅胡騎幾曾經草木江南半帶腥  
肝腦總拚塗舊闕鬚眉誰復歎新亭  
椎飛博浪砂皆走弩注錢塘潮亦停  
回首河山空血戰只留風雨響青萍

王業分明記昔年乾坤日月尙雙懸  
虹霓初互牽牛際雨露遙承附鳳偏  
握節可曾干斗象持籤時亦傍爐烟

張蒼水集卷一

五十四明叢書  
約園刊本

繇來國脈難調久自省原慚士雅鞭

浮生踪跡笑勞薪倒挽天河又幾春  
細柳屯中稱漢使扶桑洲上避秦人  
曾嘗虎口身仍在爲歷羊腸性已馴  
窺鏡每憐形影瘦誰從百折飽風塵

幾投珥筆幾瑀戈屈指滄桑意若何  
金狄豈愁王氣盡銅焦誰說死聲多  
五千甲盾收餘燼百二山河挽逝波  
天夢到今疑未醒沈吟轉憶採薇歌

曾掛星槎滄海東冠裳涕淚捧重瞳  
禹餘風物成離黍越絕功名類轉蓬  
早歲頻書惟羽檄經年徒讀是檀弓

無家況復鵲啼急腸斷江花爛漫紅

危峰斜日照疏墩往事蒼涼那可論司馬名因方外貴  
臥龍才合世間尊一時市道看梁苑千古交情問翟門  
高踞繩牀還睥睨幾回海沸與山奔

登涓洲謁天妃宮 癸巳

蒼茫一曲帶烟霞聞說飛仙此駐家石髓沁香流乳酪  
雲根滄霧想鉛華樓前縹緲凌波襪檻外參差貫月槎  
湘女雜妃多往蹟曾無精爽徧天涯

賦贈琴師 癸巳

張蒼水集 卷一

三四明叢書  
約園刊本

入夏園林長新綠小庭疏雨黃梅熟主賓雜坐觴數巡  
清言玄論驅煩燠座中有客伯牙倚起撫瑤琴弄寒玉  
初彈秋意滿瀟湘再彈忽唱陽關曲揮絃振軫轉繁音  
往鶴來雲節更促我聞三湘烟景自蒼涼淚痕斑斑猶  
在竹得君譜入龍門桐無數離情紛相觸况復驪歌織  
指間羈人聽之淚盈掬願君翻作洞庭聲莫怨孤鴻與  
寡鷓君不見少文動操響原山又不見中散絕唱廣陵  
寒寥寥同調千載難今遇知音爲一彈

過仙洞訪石田和尚出荔枝爲供 癸巳

丹竈朱纈亂垂壁上蓮生總不奇君自瞿曇我自客  
相逢疑是嶺南時

賦贈東山子禱雨端陽有應三首 癸巳

真覺星辰可換移端陽寧復亢陽時幽風畫出田家樂  
續命何須臂上絲

霹靂車中咒孽龍炎靈直欲捲靈犀馬鬃一滴濃雲黑  
失卻榴花一樹紅

繁露春秋說大雩誰憐五日欲無禱杯中似有樂巴酒  
灑作千家攝水符

張蒼水集 卷一

三四明叢書  
約園刊本

壽忠靖伯陳燦珠兼統師北伐 癸巳

曲逆勳名蓋代才卻從祖帳獻霞杯威弧自昔懸仙嶠  
寶劍新經掛將臺桃實偏隨榴火焰星精正向陣雲開  
歸來燕喜歌鐙日席上還應張仲陪

送姚興公北還 癸巳

客中送客復何言門外驪歌酒一尊芒屨故應尋帝子  
藜牀豈必戀公孫只愁白社高風散况看滄洲落日昏  
吳越交遊如見問雞聲竟夜舞劉琨

三山幾度費逢迎今日重辭萬里行短髮雖凋猶晉士

長裾不繫是侯生蒼茫掛席供圖書蕭澗空囊贖墨兵  
此去莫愁無遇合姚崇原有救時名

送徐閣公監軍北上二首 癸巳

魚檄朝來幕府傳夕攜龍節上樓船元卿未許先開徑  
士雅還期共著鞭始識山中留宰相非關海外覓神仙  
佇看露布橫飛處不是涼州倚柱年

幾年獨立金華省此日重登青翰舟準擬真人開北極  
豈容高士臥南州錦帆直指天聲壯羽扇輕揮王氣浮  
匏繫如余甘瓠落秋風倘許脫鸞鞞

張蒼水集卷一

三五 四明叢書  
約園刊本

送謝仲彝元戎 癸巳

疊鼓鳴笳出飲飛將軍此日掛征衣千屯夜失櫓槍耀  
萬壑朝揚組練威其喜龍驤臨溟渤已知鶴唳動淮淝  
捷書好向潛夫寄批趁輕帆便北歸

壽閩安侯周九苞 癸巳

倚天秋鏑老芙蓉鼎內神丹碧色同露浥滄洲饒爽氣  
烟飛赤壁想雄風大椿不獨傳蒙叟細柳還應拜上公  
此日轅門羣獻壽饒歌取次奏平戎

郭聖竑見訪出詩相示依韻酬之 癸巳

誰云仲蔚長蒿萊白板雙扉隨意開掃石我饒籠翠輿  
磨嵐君擅草玄才杖頭時掛干峰月篋裏爭鳴萬壑雷  
自是主人能慰客頓忘鴻雁已南回

重經南日弔沈彤庵相國 癸巳

木落天空肅氣森重來海岸悵人琴從秦狐偃空投壁  
去越鴟夷枉鑄金渭出璜隨雙鯉逝延津劍化一龍吟  
只今桑下誰相語獨倚孤篷淚不禁

舟次瓊琦謁錢希聲相國殯宮 癸巳

瓊江東去水如油拜墓停橈古渡頭赤手曾扶板蕩運  
黃腸猶帶黍離愁波濤腥壑蛟龍蛻風雨荒塋麋鹿遊  
懸擬轉車歸兆日同天應已靖旃裘

張蒼水集卷一

三五 四明叢書  
約園刊本

勾餘霸氣已成灰轉憶當年漢幟開王謝聲名原伯仲  
溫劉事業總追陪自從化劍分豐獄誰復調琴到夜臺  
戎馬南方猶未息故人空負炙雞來

北還入浙偶成 癸巳

南洋北泛幾經春死別生還總此身湖海尚容奔爾客  
山川應識報韓人國從去後占興廢家近歸時問假真  
一寸丹心三尺劍更無餘物答君親

贈盧牧舟大司馬 癸巳

自昔公為兵使者於時我作上書人鑑湖一曲皆棠樹  
碧海重逢並葛巾劍氣終當開日月履聲早已傍星辰  
并州正有來蘇望忍說桃源可避秦

舟艤行 癸巳

乘舳艤載餘艤槌鉦拋鼓走風檣滿船兒郎抹額黃人  
言若輩真鴛鴦揚餓則攫人飽則颺江村雞犬絕鳴吠老  
穉吞聲泣道旁罄我瓶中粟使我朝無糧斷我機上琴  
使我暮無裳我亦遺民事耕織當身不幸見滄桑入海

張蒼水集卷一

三四四明叢書  
約園刊本

畏蛟龍登山多虎狼官軍信威武何不恢城邑願輸夏  
稅貢秋糧

楊芳生以徐閩公高弟浮海來晤於東甌爰贈一

章 癸巳

楊生美髯白接離來自雲間映少微自言年少曾問奇  
南州高士則我師南州迢迢不可極且去杖藜看山色  
永嘉山水稱妙絕君獨掉頭噴耳食既疑雁宮構虹橋  
復怪龍湫剪鯨綃著屐扶筇何太苦丹崖翠嶂枉相招  
古人相馬惟相骨君今看山但看笏想君胸中自有五

城十二樓安用嘒舞鸞飛之突兀楊生能酒復能棋酒  
亦不辨賢聖棋亦不辨雄雌左手一枰右手一卮掀髯  
大噱誇兵機兵機無過古遁甲君已稍稍知涉獵願君  
持此覓封侯男兒豈肯長彈鋏君家子雲太糊塗那曉  
春陵赤伏符今君不向玄亭老差勝當年莽大夫

寄紀石青年丈 癸巳

歸帆一掛驚江濤紫氣南迴望轉高關塞羽書偏間隔  
乾坤蓬鬢正蕭騷山中到處巢玄鶴海外何人釣大鰲  
極目寒雲空在抱不知鴻雁為誰勞

張蒼水集卷一

三五四明叢書  
約園刊本

入吳 癸巳

萬里寒江一棹過連天野燒奈愁何風雲矯首憐毛羽  
霜雪攢眉羨薜蘿閩嶠歸骨自好滇池龍起瘴猶多  
年來出處渾無據見說蒼生倍輒軻

入吳見雪忽憶車駕南巡 癸巳

往歲南中不見雪今年吳地雪偏濃繁華轉逐冰心冷  
瑞色還疑鎖甲同湖海看來元復且江山戰後漸成翁  
穆王此際猶巡狩黃竹歌詞總漫工

癸巳除夕

八載他鄉蜡鼓催鄉心撩亂鼓聲哀無情天地猶擗甲  
有意山川獨畫灰兒女藏鈎離別後君臣投壁播遷來  
年華如許人將老辜負春風又幾回

張蒼水集卷一

三六四明叢書  
約園刊本

張蒼水集卷一

張蒼水集卷二

明鄭張煌言玄著撰 同縣後學張壽鏞編次

奇零草

立春日大雨雪時駐師吳淞 甲午

春信驚催玄臘殘江梅猶帶六花蟠屠蘇飲出冰餘冷  
組練光浮木末寒吹垢豈期風入夢洗兵自合雨成溲  
征人感荷東皇意且逐年光奮羽翰

樓船燈火 甲午

澄江春色夜猶明雲漢微茫星斗橫銀蒜萬條垂甲帳

張蒼水集卷二

四明叢書  
約園刊本

火珠千結挂霓旌燭龍救水張鬢出彩鷁凝煙啣尾行  
何處香塵空雜選卻教燈市滿蓬瀛

上巳舟中 甲午

不解芳菲節人傳上巳時何須脩禊事蚤是弄濤兒

舟次圖山 甲午

長江如練遶南垂古樹平沙天塹奇六代山川愁鎖鑰  
十年父老見旌旗陣寒虎落黃雲淨帆映虹梁赤日移  
夾岸壺漿相笑語將毋俟後怨王師

和定西侯張侯服留題金山原韻六首 甲午



漢壇左鉞授宗臣飛翰傳來消息眞壁壘象橫開北極  
餘艦流斷接南閩雙懸日月旄幢耀百戰河山帶礪新  
從此天聲揚絕漠還應坎會是臨津

朝宗百谷識君臣江漢依然拱赤眞烽靖三湘先得蜀  
瘴消五嶺復通閩水犀飛渡扶桑遠燧象橫驅貫竹新  
指顧樓蘭堪立馬肯令胡騎飲江津

鍾阜銅駝泣從臣孝陵弓劍自藏眞猶聞雄雉能興漢  
豈似乾魚僅祭岡天入金焦鎖鑰舊地過豐鎬鼓鐘新  
何人獨受蒞征詔賜履繇來首渭津

張蒼集卷一

二四明叢書  
約園刊本

自古匈奴屬外臣降王禘殿敢稱眞千屯烽燧聯吳楚  
萬軸波濤下浙閩北固雲移龍節近西陵潮湧虎符新  
焚庭絕漠尋常事銅柱先標若木津

白草黃沙笑雁臣衣裳鱗介已非眞豈知捧翟猶賓粵  
未必分茅可擅閩南國羽書氛欲淨西京露布墨應新  
上游誰擁龍驤節日轂親扶出漢津

飛椎十載誤連臣喋血憑誰破女眞竊就鴟夷原去越  
兵聯牛女正當閩投鞭不覺江流隘傳檄兼聞鏡吹新  
正爲君恩留一劍莫教龍氣渡延津

同定西侯登金山以上游師未至遂左次崇明二

首甲午

割雲半壁倚中流天劈東南形勝收鐵甕湖函飛鷲嶺  
牙橋影撼浴龍洲畫江何代空鼙鼓橫海今來駐虎旂  
咫尺金陵王氣在可能瞻掃問松楸

相聞赤伏啟重離一詔敷天並誓師萬里鯨波趨錦纜  
兩山鰲柱擁金羈已呼蒼兕臨流蚤未審玄驂下瀨遲  
瓜步月明刁斗寂行人猶指漢官儀

哀閩甲午

張蒼集卷一

二四明叢書  
約園刊本

聞說西郵還帶甲愁看南紀尙橫戈朱門久已辭翁仲  
黃屋胡然擅尉佗空際蜂衙誰北里隙中蟻陣總南柯  
試將班管論王命漢鼎於今火德多

再入長江甲午

江聲萬古似聞鼙天際依然渡水犀涿鹿亦曾經再戰  
盧龍應復待三犁瑠弓挽處驅玄武鎖甲環來失白題  
兵氣至今猶未洗自慚無計慰雲霓

和于湛之海上原韻六首甲午

黃埃胡騎獵桑乾長狄笳聲九塞寒金雁俄從別殿識

銅駝幾向故宮看星槎飄泊留旄節雲樹依棲拂羽翰  
不是孤臣甘浪跡曾將獨繭著漁竿

貪狼夜指紫雲高鵬鴉痕腥淬寶刀鼈極人傳曾補石

龍荒天限莫投醪翠華迢遞千星漢青翰浮沉捲雪濤

澤國自來冠蓋好鬚眉誰不共仙舸

海門潮咽越王城伯業蕭條風雨驚獨少囊金堪結客

猶留袖鐵足鑿兵馴來龍性崢嶸在狎龍鷗心汗漫行

若論兩河豪傑客登壇豈必讓齊盟

飛流江左半凋殘孤鶴橫空轉自歎瀚海不妨逃漢尉

張蒼水集 卷二

四 四明叢書  
約園刊本

神山未必誤秦官瑠戈北嚮慚推轂銅柱東遊憶據鞍

留得完身真百折河清人壽古來難

芥舟天地竟何如賦就三閩未卜居淚比鮫人長泣蚌

官輕狗監擬焚魚繡弧空指燕然石雕管將成越絕書

忽聽哀吟清夜發旅魂長繞墓門廬

長因縞帶重論交把視吳鉤未忍拋慘淡中原誰牧馬

蒼茫絕壑尙潛蛟才名似爾依劉表詩律何人壓孟郊

青眼樽前倍感慨春風旅燕且南巢

崇沙朱子猶端士也爲閩帥所窘既出厄詩以慰

之 甲午

兵聲誰遣向江濱狼籍樵蘇及隱淪可是風塵迷物色  
到來天地失陽春鑿坏亂後無全計飄瓦傷餘亦愴神  
轉覺桃源非世外漁郎猶自覓秦人

馬爾毓職方改署幕府騎兵參軍未免牢落戲贈

國破蘭香已半消侯門誰復贈皮刀頗憐宦拙同牛阜

正覺官閒借馬曹渡落籬金應易散陸沈襲粟恐難叨

相攜賴有紅顏在枚叔遊梁興尙豪

卽事柬定西侯張侯服二首 甲午

張蒼水集 卷一

五 四明叢書  
約園刊本

誰提玄鉞向燕雲姓氏江南草木聞已指黃龍磨戰士

何勞青雀擁迴軍兩河父老猶揮涕六詔乾坤正策勳

縱有魚符帶亦得只今豈少信陵君

十載冰霜誓枕戈豈應歧路轉風波和戎魏絳終當謬

結客燕丹恐亦訛剖竹已非秦郡縣分茅可是漢山河

孤臣獨有干將在紫氣青雩自不磨

師次燕子磯 甲午

橫江樓櫓自雄飛霜伏雲塵盡國威夾岸火輪排疊陣

中流鐵鎖關重圍戰餘落日鮫人窟春到長風燕子磯

指點興亡倍感慨當年此地是王畿

寄懷徐闇公二首 甲午

蹇子信娉脩始服邁天步擾擾風雲馳念之徒心怖四海選交游椒蘭漸非故會合總泥塗乖違漸衢路所貴膽與肝在遠彌相附寒江已腹堅鴻雁莽南鶩太息物候遷含情託毫素

黃鵠翔漢表厲氣何崢嶸朝餐方壺實暮撥圓嶠英網羅不得掛稻梁安所馨俯視滄溟流驕語鴟與鵬萬里毋迺隘千仞奚足驚豈意彌天且礙爾莫長征明時重

張蒼水集 卷一

六四明叢書

約園刊本

羽儀雲路詎冥冥

晚泊漫成迴文 甲午

寒潮晚落半江空燒帶羣山亂映紅殘角霜聲愁雁斷難將送掛一帆風

追慕二首 甲午

國難驅人出家傾待子歸可能磨墨盾其奈冷斑衣金革三年淚冰霜寸草暉髮膚雖不毀猶恨故園非廿載嗟何恃長銜杯椽愁節旄看盡落斧鬣悔遲謀燕去巢應改烏號屋僅留在堂有委蛻無計翦青楸

鬢有絲 甲午

曉起看雙鬢衰容變二毛鬚眉長自照筋骨總徒勞物態離情換年華苦節銷自憐蒲柳質秋意蚤蕭騷

得友人書道內子艱難狀 甲午

尺牘胡然至寒溫不自通殷勤報闔外辛苦歎閨中鎗金原兼絕機梭亦屢空鹿車誰共挽羞殺是梁鴻家計深行惻朱顏亦固窮漸來應化石遮莫但飛蓬寄託誠交道支持仗女工可憐織箔手不得到從戎

朱伯遷將避地小溪索詩口占授之 甲午

張蒼水集 卷一

七四明叢書

約園刊本

賀監抽簪去君恩賜鑑湖至今高尚宅猶在四明無此地能真隱斯人亦不孤所愁溪鳥笑閒殺輞川圖

壽英義伯阮季友 甲午

蟠桃塢上小陽春飲至筵開介壽頻共識天台前度阮還知靈嶽又生申王恩玄髮承三錫將畧丹心動八閩笑我尙爲籠鶴客相期何日捧龍鱗

壽誠意伯劉復陽 甲午

燕喜初成介壽詩捧觴細論國恩時侯封雨露留年表祖武風雲蔚帝師舊佩金魚分陝出新橫鐵馬謁陵遲

元臣自古多難老帶礪行看疊紫泥

妬婦津 乙未

妬婦死津頭津亦名妬婦少女相經過風雨不得渡或為蓬垢顏竊恐逢彼怒古云粥倉庚可以療此痼惜哉彼婦愚雖死猶弗悟

孤桐吟 乙未

孤桐產嶧陽百尺巢風雨時作白龍吟天然發宮羽斲為爨下材遂與棗栗伍中郎秉玄鑿勿因積薪阻飾以琬琰姿摩娑一再鼓清聲動天地神物煥今古士誠貴

張耒集 卷一

八 四明叢書 約園刊本

知音此道已如土

寄紀石青年文 乙未

憶昔公車歲在午太乙飛精掛河鼓閩南紀生豈其儔搏風遂奪吳剛斧余亦持鋒起越中謬于文章稱跋扈乾坤排蕩會有人日月沈淪忽無主言也左袒一奮呼五千甲盾色如土此時屬縣望漢官君獨躬耕吟梁父終繻不棄意何深賈組長擐節殊苦迫余收燼赤堇山錫涸銅乾抑何補低眉始作下邳遊屈指誰向中宵舞短衣阜帽乍相逢濁酒素筭安足數玄理能令萬象開

鴻文直並三墳吐別來國步向滄桑藉甚襟期在幹盤聞君曳履近夔龍笑余衮衣逐羆虎寂寂溫劉竟屬誰悠悠絳灌徒為伍甌越玄雲自卷舒勾吳落月空分割何時功成歸去來重與尊前說破虜

客有談故園花事者感而有賦 乙未

故園春意滿花枝解照人馱筮還出郭燒荀或呼鄰此事真無價吾行未有津繁華豈不愛天步屬艱辛

自嘲 乙未

一擲年華三十餘鬚眉對鏡復何如鄧禹殊有封侯骨

張耒集 卷一

九 四明叢書 約園刊本

虞卿空留解相書不食雞肋猶爾爾徒羨驥尾亦區區若待功成始歸去溪山主人笑我愚

清明感懷 乙未

江天小雨恰清明杜宇聲中故國情傳蠟祇成前代事藏烟何意異時名蓬蒿三徑荒應廢松柏千年黯自驚狸首只今傷暴露一杯空擬醉佳城

朝議以諸勦鎮積苦行間宣敕慰勞余益不勝疏

述之感 乙未

中朝新復下追鋒為問神州息戰烽漢將自驕黃石法

胡人尙畏紫泥封但留大義垂千古敢望虛名到九重  
稍待盤迴掃境後五湖烟雨儘從容

病中遣懷 乙未

潘鬢蕭疏已自驚何當二豎復縱橫漸安藥竈同丹鼎  
早廢詩瓢共酒鎗俠骨風中添骯髒雄心雲外失崢嶸  
明朝把鏡還相看華髮星星又幾莖

步韻別朱子成 乙未

如烟芳草色還飛有客乘槎欲賦歸拂袖曾經罷醴未  
鳴橈偏爲弄濤非蒼茫越劍龍文暗慘淡燕臺駿價稀

張葦集 卷二

十四明叢書  
約園刊本

若到會稽應大笑朱君那得老鳧磯

暑雨舟中遣悶分得柴字 乙未

扁舟蒸暑悶難排況復霉氣欲埋豈意薰風能解愠  
乍來好雨足開懷炎雲向晚多於岫病骨兼愁漸似柴  
忽憶采蓮人已去荷香十里趁芒鞋

七夕同諸子限韻 乙未

七夕明河帶露痕驚秋長自問天孫斗間槎到應非誤  
壁上梭騰且莫論興至正須浮玉斝愁多何必弄銀樽  
年年此夜傷離別獨有西風識故園

秋懷三首 乙未

秋色來何許滄江對晚潮宜人偏淡蕩似我總蕭條  
隼憑誰健狼心尙爾驕也知雲意薄聊自擬丹青

屈指金行半流光不我予鱸膾味信美雁足耗全疏  
散黃金盡兵饑白粲虛只愁綿力弱何以慰皇輿

天方尊肅氣人已苦兵聲高枕真無事扁舟似有情  
靜同仁者壽隘得聖之清遣放應如此毋勞造物爭

大安沙坐風雨復疊前韻三首 乙未

風雨添新漲荒洲幾尺潮場禾悲滯穗渚荻響叢條  
茅

張葦集 卷二

十四明叢書  
約園刊本

舍炊烟淡蓬窗暝色驕秋颺毋迺妬未敢說摩霄

不解因人熱新涼忽起予單衫輕自好雙鬢落應疏  
冷

暖秋中節升沈覺後虛九州多怪事無復問堪輿

尋常悲旅況可復雜秋聲砧杵千家夢蓴菰八月情  
寒

蟹啼露重健鶻喜霜清始識乘除理玄心了不爭

答紀石青年丈二首 乙未

秋雲一片自蒼涼千里鴻心對夕陽蘭蕙年來宛似雪  
蒹葭露下正爲霜驚聞尺素干戈淚賦得聯珠襟袖香  
解道安危關出處可能無意掃天狼

十年心事半江湖浮泊真同五石瓠多難交游渾陌路  
至尊警蹕尚泥塗已知世態供談虎豈爲微名重憶鱸  
蚤晚封題通動定報余旌旆指勾吳

寄懷徐閣公年丈 乙未

洛下仙舟不可尋長因秋水憶橫襟雲翔閩嶠誰高枕  
楓冷吳江獨抱琴歧路行藏空扼腕亂流聞見倍關心  
尊絲千里猶無恙那得君來共醉吟

送程璵嘉將軍還閩南 乙未

聞說君廬傍若耶卻從閩嶠問歸槎十年許國懸旌節

張蒼水集卷一

十二四明叢書  
約圖刊本

千里徵師點鬢華過越新霜憐客冷留吳舊雨恨人遐  
興朝還有掄侯賞莫羨東陵五色瓜

舟行阻風口號二首 丙申

十載曾經犯斗槎天門昨夜特宣麻乘流只恐排閩闔  
故遣長鯨鬪浪花

敕水鞭潮勢自雄此身原不畏蛟龍明朝鷁首還東指  
禁得誰搏萬里風

登菩薩頂 丙申

絕磴凌虛嵌佛龕捫天拄笏恣豪探蒼茫遠水橫空碧

歷亂羣峰倒蔚藍雙屐俄從銀漢落一卷幾與石梁參  
如來肉髻原非幻最上何須駕鶴驂

贈傅惕庵二首 丙申

多君姓字動芳郵一揖高踪豈浪投經濟東山殊未起  
文章北海豈無儔風塵把手沾衣袂霄漢論心睨壁鈎  
更向樽前問鄉土幾時扶醉六橋遊

孤劍蒼茫十載餘扁舟東過重躊躇黃金客散韓何在  
白壁人歸趙自如大澤魚龍聊混跡中原豺虎正端居  
莫嫌介子勳名晚麟閣而今席尙虛

張蒼水集卷一

十三四明叢書  
約圖刊本

哭定西侯墓 丙申

牙琴碎後不勝愁絮酒新澆土一抔冢上麒麟那入畫  
江前鴻雁已分儔知君遺恨猶瞠目似我孤忠敢掉頭  
來歲東風寒食節可能重到剪青楸

送陳立之還閩 丙申

鷺江一別榻空懸滄水槎來意惘然君較虎頭原獨步  
我甘龍尾尙高眠天聲到處憑揮羽國恥談間欲置鉛  
若問歸帆何所載祇應圖得越山川

一紀 丙申

一紀戎衣有寸塵到來江漢只孤臣龍編未達劉琨表  
蛟島空存豫讓身甌墮妻孥寧復惜劍懸朋友更誰親  
頻年慚負蒼生望敢向桃源別問津

馬爾毓不應幕府辟召  
爾毓向受知於熊相  
國張定西  
丙申

何勞帷帳借前籌司馬於今已倦遊但做自知無媚骨  
得閒還許且科頭雙扉斜日眠黃犢一榜兼雲伴白鷗  
只恐存亡猶有恨莫教沈醉過西洲

卽事有感  
丙申

久矣浮萍寄此身倦遊何意轉風塵卽看蓬鬢難逢世

張耒集卷一  
十四四明叢書  
約園刊本

沉到灰心懶應人一旅尙堪扶共主百年誰肯鑿孤臣  
也拚海岸投簪去自有桐江足釣緡

扶風  
丙申

長爲扶風惜羽翰年來八翼夢中看呼牛翻覺人情媚  
歌鳳深疑物論寬末路勳名難自料他鄉親故強爲歡  
祇應一曲高荆筑唱徹蕭蕭易水寒

夢中得句云集候秋蟲偏解語失途老驥亦長鳴  
似有感起而成之  
丙申

一枕新涼夢自成詩魔偏向睡魔生從來幼態蜉蝣似

未必人情蝴蝶輕集候秋蟲偏解語失途老驥亦長鳴  
世間何限榮枯跡底事通人眼劇明

重經羊山憶舊與定西侯維舟於此  
丙申

海國天空一柱撐重過畫鷁似逢迎雙牙舊憶聯翩駐  
八翼新看跳盪行化去鸞旂難入夢分來龍劍尙孤鳴  
羊山亦有羊公淚片石應同峴首情

中秋與賓從小飲步朱夏夫韻二首  
丙申

海若秋高賦壯遊開尊此夜景全收坐來爽氣原蕭散  
醉後清光可拍浮拾桂不妨同着屐傳柑何惜且擎甌

張耒集卷一  
十五四明叢書  
約園刊本

年來戎馬眞塵夢坐嘯輸君已一籌

盤空鵬鷲恣天遊極目雲霄淚未收幕下風流名自擅  
樓中月滿興誰浮行厨玉糝無兼味促席金莖更一甌  
佳客莫須嫌草具欲將樽俎問前籌

歸思寓郡望姓氏  
丙申

兵甲破天來巨樊亦改氣中田一揮手十年悲捐棄  
啼髮扶桑津希踪渺無儼胡爲歲寒心古今迥自異  
弦月掛霜空玄禽沒雲際俛俛歎余行人生竟安寄

交游漸已乖父書將終廢幼穉儼成行刀環徒縈繫

等身五岳間寸土焉留滯睹物起離情日斷歸鴻去

舟次三山 丙申

每擁麾幢欲淚漣萍踪無奈又三山才非命世空沈族  
事向因人亦強顏猿鶴秋深悲別岫魚龍夜舞泣關  
途窮未盡行藏計華髮年來已半斑

壺江卽事二首 丙申

倦飛無路且投閒滄海人來第幾灣真覺壺中留日月  
猶疑畫裏對江山飄流蟹戶還相笑偃蹇柴門長自關  
閩越波濤千里闊那能有夢寄刀環

張蒼水集卷一 十六 四明叢書 約園刊本

壺天乍可一枝安歧路危機轉自歎駭浪扁舟輕似葉  
重圍匹馬跳如丸創深已信傷弓數痛定應愁捲土難  
但使胡塵終隔斷餘生猶足老衣冠

重登秦港天妃宮 丙申

郡山依舊枕翁洲風雨蕭然雜暮愁梅蕊經寒香更遠  
松枝帶燒節還留荒祠古瓦興亡殿絕壁迴潮曲折流  
身世已經飄泊甚如何海外有浮鷗

寄遠 丙申

寒燒荒原映夕烽海槎猶阻石尤風故園梅信今何似

可有鴻書雲外通

丙申除夕

亂後年光似客郵每逢蜡日更生愁傷心繞樹猶三匝  
屈指浮槎又一週國事存亡關正閨人情冷暖逐春秋  
銜杯卻問東皇信應為催花出嶺頭

丁酉元旦余駐師秦川 丁酉

閩國旌旗越國船春風奚倖到江天未能捧日真虛歲  
且復占雲似往年辛苦椒盤一紀後衰涼菱鏡二毛先  
夜來見說旄頭暗拂拭吳鉤競祖鞭

張蒼水集卷一 十七 四明叢書 約園刊本

旅愁 丁酉

故園花候已辛夷夢自惺忪涕自洩雁去燕來相笑語  
何年客子是歸期

弔旅墓 丁酉

荒墳三尺土宿草幾經秋鬼亦離鄉賤人胡渡海遊鹿  
場殘炤淡蟻埕野花幽不用山陽笛淒然淚自流

愁思 丁酉

楓落紅殘秋漸橫楚臣芟製正寒生晚香愛插黃金菊  
倚醉思調白玉笙風急鼉鼉吹浪走雲高鵬鷲負空行



欲知我獨淹留意露掌西京無限情

枯魚過河泣丁酉

枯魚過河泣道上陽侯掛此方介族難與立

戊戌元旦戊戌

扶曦初拂上枝寒曙海春回歲月寬塞柳江梅香次第

朱旗玄鉞影闌干獨驚馬齒垂垂長卻把魚腸細細看

要識嵩呼南極近而今天末是長安

舟山感舊四首戊戌

孤雲兩角委漁磯極目滄桑事已非隔浦青燐相掩映

張蒼水集卷一

十八四明鼓書

約園刊本

傍蹊紅雨自霏微檣鳥轉逐危舟宿社燕空尋舊壘飛

獨有采芝人尙在天荒地老不知歸

十洲三島憶登攀烟火仙源半閨闈豈意晉陽仍禍水

枉傳越國有神山荒城睥睨眠還立虛殿采恩廢莫關

誰與海翁爭地主到來卻讓白鷗閒

江臯烽盡燼猶紅獵火歸然滿故宮樓閣總隨蜃氣散

鼓鼙進入角聲空田橫島上淒涼月杜若洲前零落風

翹首靈光何處是五雲應復捧南中

島嶼微茫兵甲殘十年碧血恨漫漫空村人跡疑毛女

野寺僧閒說漢官獨喜亡秦三戶在翻憐興夏一成難

只今漲海胡塵裏莫作當時天塹看

聞行在所遣使至營宣慰有感二首戊戌

傳聞使節下牂牁天語銜來識聖波南國衣冠猶似昔

北門鎖鑰竟如何時危還說依銅馬道阻徒勞想玉珂

料得楓宸能燭遠黃麻紫綵不須多

頻年東國賦無衣百粵猶然狩六飛彤管幾曾參講幄

玄戈空復仗戎幃時余官少司馬兼學士徵師已審皇情重掃境

猶慚臣力微從此羣公須努力星輶到處即天威

張蒼水集卷一

十九四明鼓書

約園刊本

徐閣公入覲行在取道安南聞而壯之二首戊戌

益部星文紫氣纏遙知雙馬入朝天孤臣白髮還投闕

眞主黃衣尙備邊五嶺新衝春瘴癘九溪舊闕漢山川

旌旗只在昆明裏好說中原望凱旋

萬里行朝古夜郎從龍敢復憚梯航使車合浦愁風黑

賈舶交州怯日黃白馬侯王今異姓青牛令尹久炎荒

多君不負溫劉約玉珮先歸銅柱旁

得家信有感二首戊戌

漫向空閨問別離年來翟茀已難期失林應惜飛蓬早

出獄仍悲曳縞遲豈爲留賓還斷髮聊因佞佛故低眉  
天涯亦有刀頭夢恰是巫山化石時

浪跡何如五岳遊尙平累在轉生愁佳兒天幸猶完卵  
弱女人憎似宿瘤敢望童烏能接武祇令老蚌自含羞  
故園尙有歸來候最好沙頭趁野鷗

春江花月夜值微雨 限韻 戊戌

春光何處不迷離江月江花帶雨時玉暈浮波千萬里  
檀痕浸水兩三枝人行濛濛清輝濕天人滄浪翠靄奇  
若使扁舟乘夜去暗香疏影更相宜

張蒼水集 卷一

二十四明叢書

約園刊本

春雨望茅舍炊烟 限六魚韻 戊戌

江村烟雨復何如埜外人家雲外居松巖蒼寒春杜曲  
茅檐清迥古秦餘水雲半入漁樵宅烟火堪傳風俗書  
最愛陰晴剛社日銜泥小燕傍精廬

白燕次友人韻 戊戌

燕燕何來素質稀寒光曉幕正熹微銜泥自合棲銀蒜  
掠水分明曳縞衣月滿空梁偏失影雲封舊壘倍增輝  
羽毛自愛天然種不傍尋常王謝飛

春暮有懷 戊戌

嗟予初衣柔翰勃舉國難驅人衽金袖鐵日月如駛跨  
地踟天汎汎滄海盤桓小年薄暮酒歌愴焉彼美安得  
九還以慶靈紀山川竊窕爰奏素琴琴言維何寫此春  
心

歲在戊戌余行年已三十九矣撫時感事遂以名  
篇 戊戌

人生百歲安得有我今草草三十九猶憶中原蕩赤風  
結束辭家歲在酉銀魚嘗掛鐵兩襜金馬長懸玉七首  
江東霸氣倏蕭條純鈎鏃澀沈槍朽縱橫露布浪飛書

張蒼水集 卷一

二十四明叢書

約園刊本

突兀星槎莽犯斗風雲縮朒帝應嘆日月膏肓鬼亦吼  
丈夫意氣豈勳名何況文章等芻狗頭顱如許可奈何  
慷慨悲歌還自詎太史公牛馬走鯨涎蛟沫日攢眉虎  
符龍節憑誰手擲揄齷齪里中兒纍纍黃金竊佩肘帶  
礪山河安在哉五侯空縮龜文紐自昔英雄多妙年隆  
中圯上相先後如彼南陽鄧仲華丹青獨畫雲臺右其  
人鬚眉尙宛然咄咄微軀真傲帝古來何代無廢興雌  
伏雄飛更某某上不爲富春澤畔羊裘翁下卽爲山中  
宰相天子友不見故侯原上瓜請看徵士門前柳誰能

出處兩無憑躡躡千秋笑雞口莫論兵且飲酒今人爭  
羨古人賢後人亦羨今人否

吳佩遠遊雁宕山歸備述名勝因爲詩紀畧亦志

余企望之懷也 戊戌

名山繁蕙業遐覽情亦怡恭聞永嘉勝拱掛乃失之吳  
子骨森秀獨往良所私白袷被蒼烟短筇橫指揮歸來  
氣色騎嵐光生鬚眉磬折前問訊抵掌登眺奇雲根插  
萬笏一一翠靑霓梯霞轉磴道眾妙來參差靈巖割元  
氣陰洞礙朝曦巖中何所妙萬象迸葦蕤林立丈人峰

張蒼水集卷二

三四明鏡書  
約園刊本

高冠蕭羽儀危岑古形容箕踞各隨宜洞中何所妙復  
道夾軒墀宛轉石竇間髣髴陰風吹居然天地房日月  
安敢窺更復捫浮屠寂觀豁天機老僧相候門爲告山  
靈疑飛柯攢石棧叢棘闕天池所以迴雙屐恆懼鬼神  
詭但見飲長虹蜿蜒挂翠微時或展湘簾散作千珠璣  
聞言殊嘆惜兩腋出寒颺豈無濟勝具而爲塵鞅羈拍  
手問愚公茲山詎可移

贈別陳文生還三山 戊戌

平生重意氣定交在班荆忽忽經亂離風雨晦雞鳴得

友剡洲上傾蓋襟已橫一奏蘭薰曲相辭戒北征青峰  
千萬仞家枕古榕城將歸省松菊寧爲猿鶴驚瓊瑤鮮  
雜佩何以贈君行屋梁一片月三山兩處明珍重陳孺  
子善刀俟漢興

王師北發草檄有感一首 戊戌

似聞天地悔瘡痍片羽居然十萬師走檄故嫌阮瑀拙  
射書正覺魯連遲丸中但說明三表麾下寧忘試六奇  
要說遺民垂涕處當年司隸有威儀

張蒼水集卷二

三四明鏡書  
約園刊本

期門取次出貔貅首路軍聲胡騎愁何獨止戈非廟算  
還應聚米是邊籌嚇蠻事往疑虛語諭蜀才窮媿老謀  
自古殊勳歸躍馬幾人談笑得封侯

五月旣望行營恭祝監國魯王千秋有感 戊戌

寥落吹臺望紫宸上觴此日正干春乾坤縹緲靈光殿  
江漢滌洞黯黠津一自玉輿蒙霧露遂令金鑑轉風塵  
可憐節下遙稱慶獨有瑤池舊從臣

苦雨吟 戊戌

商聲八月何勃窣破雨兼旬復泥滑魚腸寂寞生紫鱗  
鷓首依稀長綠髮榜人停棹且臥蓑天公倘或倒銀河

萬里陰霾猶未掃霄漢飛騰奈我何

述懷二首 戊戌

王室方板蕩萬里颯颯風南紀亦泊泊島嶼有羣雄羣  
雄苦不成歲月坐冰融五侯並九伯化爲蒿與蓬樓船  
出閩越軍聲正及鋒金符剖異數玉牒綴強宗非云優  
晉錫所以厲康功孤臣懷其主髣髴五雲封九關踞虎  
豹閭闔不得通回槎天漢際躑躅倚王公顧念命卿微  
一旅甘附庸蒙恥期匡濟敢言蹇匪躬但慮踪跡異復  
慮踪跡同悠悠千載下誰更想孤忠

張耒集卷一

三四四明叢書

約園刊本

弱齡尙遐異辟穀慕青鸞骨肉相驚涕時復勸加飡因  
緣誤烟火塵鞅日以攢上書獻天子索米走長安義和  
忽云匿烽燧起樓蘭萬古有綱常肯爲廢興寬橫戈希  
雪恥屹柱誓迴瀾原妙富貴氣終鮮妻孥歡蕭然世外  
味曾無九還丹仙靈重名教忠義固其端所惡精已搖  
何以生羽翰神理或不滅毋勞白玉棺

冬懷八首 戊戌

故國玄陰沍未開蕭條景物總堪哀龍蛇蟄後天方屈  
草木凋殘地亦災禿節誰留蘇武窖名流幾上李陵臺

賓鴻獨解朝宗義依舊隨陽渡海來

九邊鎖鑰斷胡烽醪續先朝費歲供猶夏已無秦塞險  
防秋豈復漢家封黃河凍解應回馬碧海揚揚欲起龍  
寄語金微多舊戍草枯蓬折爲誰從

鍾山紫氣隔黃塵石馬金鳧倍愴神縮酒不聞供楚子  
藏冰空憶典凌人雲寒輦道橫瓊帳火照臺城臥鐵輪  
賸有孤臣依漢臘海天何處答明禋

張耒集卷一

三五四明叢書

約園刊本

溟池洱海共行畿王輅遙巡正式微蕙苾林間屯組練  
桃榔花底度旌旗中朝夢遠難歸節大澤寒深少賜衣  
矯首嶺頭春信好南枝爭似北枝稀

清角悲笳思黯然長因滄海問桑田越王臺榭風雲暗  
禹會冠裳日月鮮黃屋建時曾割據朱弓受罷亦依遷  
只今冷落蛟螭窟雪夜徒吟兔苑篇

樓船兵甲自羣雄指顧扶桑可掛弓豈意空填精衛水  
頻年猶御石尤風田橫避去偏多客徐市歸來恐似翁  
見說斗杓回北陸敢將消息問蒼穹

何須南國更招魂甌脫江山幾處存豫讓有身還未漆  
要離無族已先燔最憐燕子來孤島獨負梅花到故園

總使鬚眉仍健在嚴風朔雪不堪言

朝暎慘淡夕飈寒痛飲豪吟且自寬萬里高槎真汗漫

十年長劍總蹒跚先鞭未許終輪祖前箸何妨借報韓

安得三塗還帶礪卻令百粵盡衣冠

寄金二如兼訊朱建武

戊戌

越絕衣冠已入胡年來故老盡瞻烏吹簫江上虹誰變

棲甲山中月自孤似我鬚眉還戴漢多君姓字欲逃吳

羣豪獨有朱家在猶向西京結客無

贈客還里門

戊戌

張東集卷一

三四明叢書

約園刊本

鑑湖揮手十年餘里社誰尋舊草廬今日相逢皆後乘

高風端不為長裾皁比暫向龍門設麈尾聊從虎帳舒

惆悵君歸當雨雪故園梅信復何如

喜從弟至兼寄中表

戊戌

玄雲蕭瑟望鄉臺雪影霜聲雁自哀消息鶴原家難後

行藏蜃市國仇來孤踪橫被黃金笑晚節爭禁白髮猜

回首故園花萼冷誰知三徑總蒿萊

張書紳與范子瞻論余十餘年來戎馬頗為勞苦

孤危有詩見贈讀之愴然因成一首

戊戌

屈指勞生四十強驚魂歧路總堪傷河山蕭瑟平原幟

江海蒼茫下瀨航國破龍蛇都失穴時危狼狽每依牆

盟壇今日誰雄長敢說邢茅亦雁行

相業侯封非我望霸圖王命向誰論頗憐節在旄全落

獨恨交亡劍尚存上客攝衣空有缺孤軍裹甲已無禪

也知戈巧難迴日誓死何妨絕影奔

薤露吟

戊戌

赤風蕩海宇弱水羣飛揚日月長麗天中有蓬萊鄉桓

桓國虎臣據圖畫封疆火生木必焚害金自相戕屏藩

張東集卷一

三四明叢書

約園刊本

既已撤干戈及履皇白日竄野馬黃昏號國殤貴賤同

一骨誰為送北邙

蒿里曲

戊戌

猛獸在深山藜藿亦壽考況也濟亂流干城國之寶一

朝捐賓客三軍哭孤島李代桃亦儘剗易絲逾擾吁嗟

周遺民去作流離鳥路逢故鬼語死生何草草野死媚

烏鳶水死蛟龍飽哀哉失所天人命不自保

鴻門歌

戊戌

項王怒漢王畏鴻門宴罷鴻溝潰漢人喜楚人恚玉玦

謀空玉斗碎重瞳隆準兩英雄天意有興必有廢成豈  
噲也一莛肩敗或亞父疽在背不殺沛公豈云誤此事  
卻有霸王度當時長者號漢王俎上老翁不相顧既無  
父子況君臣三軍縞素為何人

張蒼集卷二

天一四明叢書  
約園刊本

張蒼水集卷二

張蒼水集卷二

明鄭張煌言玄著撰 同縣後學張壽鏞編次

奇零草

己亥元旦 己亥

海雲冉冉曙光催百穀新口旭日開筮得革來原遇己  
春從臘至似方孩聲靈共識尊中夏氣象初驚動上台  
自笑封侯安有骨為言強仕更徘徊

海上觀燈限十五刪十五咸二韻 己亥

島嶼微茫午夜閒魚龍漫衍出塵寰蘭缸射水翻星漢  
蓮幕傳烽破玉山香擁虹橋千里外芒寒巖市九霄間

張蒼集卷二

天一四明叢書  
約園刊本

遙憐歌舞長安地銀鑰今宵自不關  
極目滄波明鏡函火珠獨見燭龍啣鮫人夜貢珊瑚樹

雲母春開錦繡帆金谷未須誇富貴瑤池應不隔仙凡  
自來三五傳柑勝莫惜霞觴付酒監

閏元宵 限十四鹽 己亥

每惜春宵未可淹天留倒景上元添燈毬前度何時再  
簫鼓平分此夜兼靈雨故遲桃李候春風仍入柳梅占  
不愁曉箭相催急只恐金吾令已嚴

閨元宵排律十四韻 己亥

獻歲杓頻指良宵獨稠東皇添玉曆南陌駐銀鈎  
莫羨應雙吐椒花已兩浮小年燈市永午夜漏聲悠月令  
初中節風光第幾籌蟾輝看倍皎鶯語聽全流復擬傳  
柑會偏宜秉燭遊流黃連夕怨拾翠隔旬愁柳弱先披  
拂梅寒故逗迢乾坤分正閩夷夏辨春秋只此尊天統  
因之念帝憂耗磨何足論伏臘豈相謀金鑰方重闢銀  
缸可再鐫香塵還冉冉歌吹幾時收

泊馬蹄器戲成 己亥

張東集卷二

三四明叢書  
約園刊本

問馬蹄春風陌上走銅鞮誤被秦皇驅入海玉勒金鞍  
不敢嘶龍媒自是波間種何用天閑錦障泥

笑馬蹄骨亦千金志千里追風逐電何處來卻與鯨鯢  
鬪江水安得飛騰去渥洼依然負圖獻天子

泉穴魚 己亥

南有鮒魚實生泉穴臣于鼃君鼃行仰沫水族失歡暴  
腮勿活豈其櫻鱗貪餌故絕

代內人獄中有寄 己亥

國破已飲泣家破復間關自君之出矣妾媵君亦鰥兒

女雖有情不在別離間上堂潔脯脰下堂代班欄知君

驅汗馬豈敢怨紅顏夷官張羅網忠義委草菅奄忽大  
椿謝君滯滄海灣兀然生死魂并作鮫珠灣君行寶膚  
髮奔跣安所還妾自感百羅飛蓬任雙鬢衰門既零落  
空閨誰貞艱哀哉井臼婦終年困狴狴非不輕微生將  
雖實且屏圍扉滋味惡燐青碧血殷古稱東海婦嚴霜  
暑路班胡天嘗夢夢莫辨玦與環如何貫索星獨照望  
夫山視彼磨笄峰高名良可攀難將妾巾幘往佐君羽  
綸報君還祝君旂常樹人寰

張東集卷二

三四明叢書  
約園刊本

擬答內人獄中有寄 己亥

盛年不惜別客久始懷慚我非蓬蒿人江湖遂屢淹況  
復避豺虎誰能解征衫孤雁自西來影鬢墮書函書中  
寄珍重書外淚重緘恍見閨中秀吞聲寫素縑卿今陷  
虎穴雙魚何從探珊瑚魂魄來關河諒非諳棘林魍魎  
鄉骨肉各生嫌穉子亦囊頭狼狽形影兼憶我初行役  
兵戈未戒嚴驅馳悲九折輾轉歲華添白雲空繚繞長  
此傷烏銜水鷗雖忘機安得比鷓鴣名教自束躬柔情  
匪所耽憐卿持門戶鼎俎心已甘豐獄有埋劍紫氣若

烟炎莫邪獨掩抑干將慘不銛神物庶終合造化焉能  
殲生當挽鹿車死當駕雲驂

聞貴陽失守 己亥

百粵河山已自愁播遷此日更堪憂方傳檣杙從南竄  
豈意機槍自北流險阻莫能關象郡炎荒何處割鴻溝  
一成賴有滇雲在捲土誰爲借箸籌

得徐閣公信以交行詩刻見寄二首 己亥

天南消息近成虛一卷新詩當尺書誰看墜鷲偏擊權  
似聞鳴犢竟迴車蠻夷總在天威外越鬪應非王會初

張蒼水集 卷三

四四明叢書

約園刊本

讀罷瑤篇還涕淚行吟何獨有三閭

瘴海誰堪汗漫行知君五月在舟程鯁人鼓鬣驚濤暗  
烏鬼含沙宿霧生溫嶠已乖歸闕望張鷟徒負泛槎名  
武陵溪畔桃源客故節依然蘇子卿

會師東甌漫成 己亥

甌越江聲動鼓鼙霸圖南北似雞棲誰爲揖客稱司馬  
獨將遊兵是水犀箸借自來非爲漢瑟操猶恐未工齊  
十年種蠶成何事敢向人前說會稽

江上聞笛 己亥

江濤日夜堆雲屋有酒難向江瀨漉忽聞笛韻橫江來

金山數峰愛青簇笛聲不似水聲幽聲慘湖生響飛瀑  
月痕淡洗天爲空一曲瀟湘醒倦目亦有鷓鴣人青雀舫  
穩載客愁二千斛起舞鸚鵡江影底四顧蒼茫復慟哭  
獨汲江心水一盂活火烹來滌煩燥餘情嫋嫋笛轉清  
拍手長吟和孤竹歌者有意吹無心嘈然那分竹與肉  
嗟嗟江上聽笛人獨抱琵琶就人宿知音若我世所稀  
鄰舟逋客眠初熟

師次觀音門 己亥

張蒼水集 卷三

五四明叢書

約園刊本

樓船十萬石頭城鍾阜依然拱舊京弓劍秋藏雲五色  
旌旗夜度月三更中原父老還扶杖絕塞河山自寢兵  
不信封侯皆上將前茅獨讓棄繻生

師次蕪湖時余所遣前軍已受降 己亥

元戎小隊壓江關面縛長鯨敢逆顏吳楚衣冠左袵後  
蕭梁城郭暮笳聞王師未必皆無戰胡馬相傳已不還  
寄語壺漿休怨望懸軍端欲慰民艱

師入太平府 己亥

天驕取次奉冠裳畿輔長驅鐵襠王業昔誰開采石



霸圖古亦起丹陽百年禮樂還豐鎬一路雲霓載酒漿  
此去神京原咫尺龍蟠虎踞待重光

姑熟既下和州無爲州及高淳溧水溧陽建平廬

江舒城含山巢縣諸邑相繼來歸己亥

干將一試已芒寒赤縣神州次第安建業山川失帝闕  
皖城戈甲魏軍壇東來玉帛空胡虜北望銅符盡漢官  
猶憶高皇初定鼎和陽草昧正艱難

驛書至偏師已復池州府己亥

赤羽飛馳露布譁銅陵西去斷胡笳橫流錦纜空三楚

張翥集卷二

六十四明叢書  
約園刊本

出峽霓旌接九華歌吹已知來澤國樵蘇莫遣向田家  
前驅要識王師意劍躍弓鳴亦漫誇

師入寧國時徽郡來降留都尙未克復己亥

千騎東方出上遊天聲今喜到宣州威儀此日驚司隸  
勳業何人愧徹侯舊闕烽烟須早靖新都版籍已全收  
遺民莫道來蘇好猶恐瘡痍未可瘳

閒行雜感二首己亥

鐵幢纔解又芒屨姓氏逢人且自理夜踏巉巖驚伏虎  
朝披霧露避羣豺乾坤蒼莽投金懶徑路蕭涼阻玉階

贏得風衣兼雨帽相看不是舊形骸

一椎可奈誤秦車蕭瑟秋風圯上書伏匿那能忘鐵馬  
潛游猶覺負銀魚荒村雲擾難敲枕單衾霜深已做裾  
總是姓名隨地變任呼牛馬亦何如

經烏江二首己亥

楚歌聲裏霸圖空四馬歸來勢自雄四百年餘炎火斷  
誰知隆準一重瞳

旌旗垓下亦堪翻戰士其如憶故園縱向江東收燼去  
應無子弟到中原

張翥水集卷二

七十四明叢書  
約園刊本

樅陽謠二首己亥

八尺風帆百丈牽樅陽湖裏去如烟江南米價秋來長  
喜殺桐槽賣稻船

沿湖下網蕩湖船網內纖鱗錦樣鮮燈火湖邊兒女笑  
魚秧種得不須田

黃湓謠二首己亥

妾家生小住黃湓亂挽烏雲刻著禪九月魚腥湖上熟  
自搖蘭槳過前村

黃湓買客百金裝湓口長年醉索郎聞說江干烽火急

停橈一曲古襄陽

新安溪行 己亥

曲曲溪流面面山青峰千折水千灣山亭擁霧遙疑塔  
水碓春雲巧作關越榜下灘雙槳疾吳鹽到界一帆閒  
卻看兩岸楓林晚似送離愁照客顏

寄宿石塘菴與居人道定西侯往事 己亥

漢臘誰留十五年琴亡島嶼尚蒼然野人偏愛甘棠樹  
義士猶吟華屋篇海有浮鷗憐後死村無眠憶前賢  
請看緱嶺今宵月可得將軍勒馬還

張蒼水集 卷三

八 四明叢書  
約園刊本

生還四首 己亥

落魄鬚眉在招魂部曲稀生還非眾望死戰有誰歸  
險身謀拙包羞心事違江東父老見一一問重圍  
痛定悲疇昔江臯望陣雲飛熊先失律騎虎竟孤軍  
莽焚舟計虺隤汗馬勦至今頻扼腕野哭不堪聞  
本以揚旌去胡為棄甲旋名城空繡錯故老盡株連  
百折終何補千秋倘復憐亦知收燼易蕭索媿金錢  
奔北誰能殿圖南我亦迷翻令百步笑未得一枝棲  
孤島搖烽燧登壇恃鼓鼙風雲蹉跌後無計展霜蹄

海濱居民聞予生還咸為手額且以壺漿相餉余

自慚無似何以得此於輿情也 己亥

虛名浪說逐羣雄垂翅何心得楚弓每把金魚羞父老  
豈應竹馬笑兒童衣冠不改秦時俗雞黍相遺晉代風  
正覺漁樵多厚道不將白眼看途窮

僕還 己亥

僕貞良不易旅瑣更為難已任辭鞫去還同戀棧看做  
帷原有待墮履未應拚自是無銀鹿猶勝形影單

月夜同陳文生過黃粹伯留酌 己亥

張蒼水集 卷三

九 四明叢書  
約園刊本

為妬秋容愛晚行明河如練月初更當關忽報雙笳過  
入座先驚一榻橫此夜冰壺堪濯魄誰家紈扇獨關情  
風流笑殺黃山谷廚傳居然阮步兵

贈陳文生侍御返命閩嶠 己亥

益部今何似孤懸一使星滿思匡漢室虛擬乞秦庭  
鶴立孤臣淚龍潛舊主靈倡予還和汝天夢倘然醒  
恨別還如昔憂危較獨多孤槎偏踟躕故節已蹉跎  
羽翼猶吾否鬚眉奈爾何南陽雄雖在努力向滄沱

苦饑 己亥

登彼三神山慨焉思遐舉  
蘆荻風蕭蕭白石不可煮  
絕粒固所宜躡躑傷徒侶  
驪首視烏鳶青天嚇腐鼠  
不念山中人耕磬亦聾恥  
豈乏稻粱謀卑棲因鍛羽  
安得有蕨薇療飢待明主

庖焚 己亥

已自傷餘燼何勞廚傳災  
早應防厝火空復翼燃灰  
鼎俎渾輕擲盤盂且盡墮  
明朝添菜色那得爨烟開

萍踪同邱舍山感賦 己亥

蕭瑟干戈事浮踪已似萍  
半牀留破席一室欠疏櫺  
霜

張葦水集 卷二

十四明叢書

約園刊本

月窺人白漁燈入夜青天  
涯知已在猶自歎零丁

送邱舍山還長亭山房 己亥

投老猶垂髮忘歸未拂衣  
江山雙淚迸家國寸心違  
作

客悲王粲爲郎憶紫薇  
入林還悵望吾道已全非

書舍人 任中

得姚興公書以舫音集見寄 法號獨耀公 己亥

何處纖鱗至瓊雲落滿雨  
虎溪聞卓錫鷺島憶歸帆  
詩

律隨人老禪鋒已不凡  
慙予塵夢在兀兀趁征衫

救世嗟無具爲僧亦自嘉  
只愁新舊雨總屬暮朝霞  
楓

落江烟淡梅橫溪月斜  
何時雙鳥下相對飯胡麻

卜居 己亥

荒洲小築笑焚餘結構新  
茆再卜居性僻故貪鷗鷺  
侶地偏猶偏虎狼墟寒蘆  
瑟瑟秋張樂宿火熒熒夜  
讀書正憶普天方左衽此  
身那得混樵漁

溪行二首 己亥

扶筇到處見山晴峰色  
溪光次第迎滿徑莓苔人  
語靜畫眉宛轉兩三聲

小立寒林意獨醒清泉石  
竇自泠泠撥雲更望前溪  
去

張葦水集 卷二

十四明叢書

約園刊本

樹底飛來一片青

島居八首 己亥

天地勞何甚空山足息機  
玄黃悲鼎沸蒼莽看帆飛  
誤

世芙蓉劍撩人薜荔衣  
迷途知未遠還復臥鳧磯

島事幾滄桑何勞更辨亡  
人能扶日載我且挾雲囊  
傲

骨甘鷗鷺雄心怯虎狼  
誅茅還闢土海外有封疆

古賢多大隱豈必盡攀龍  
所惜辜三輔其如礙兩雄  
計

疏憑鑄錯道廢漫書空  
仰止羊裘客千秋一冥鴻

山中仍逐鹿卻喜少雄雌  
蟹戶供新錯蜃樓獻秘嬉  
整

坏聊偃蹇拜石故支離試問門前雀何如翟尉時

閭闔不可極投荒小有天行藏疑橘叟變化媿梅仙野

火漁鑽外樵風雁字前到來生百感太息理詩篇

浮槎非我好戀戀爲衣冠豫讓橋應近田橫島正寬蘆

中長磬折圯上獨盤桓雖未成嘉遁人呼管幼安

十洲曾卜築師過化爲薪荆棘任公宅蓬蒿夸父津老

麋避客去舊犬逐人親不忍乖初服茅簷又日新

鳩工嚴部勒治屋亦猶兵據水軒轅法依山壁壘橫短

垣繚卻月中雷貫長庚只此扶桑國居然細柳營

張蒼水集卷二 十三四明叢書 約園刊本

索居島上童子折梅來獻喜而有賦限十三元二

首 己亥

芳信天涯誰過存一枝瞥見慰離魂寄來庚嶺應無驛

疑到羅浮別有村仙史輕華宜淡墨故人蕭散足清尊

巡簷爲弄陽春曲羌笛何須惱故園

絕島凝寒氣未溫忽傳春信到蓬門蒼寒猶帶烟霞韻

素魄時留冰雪痕欲探隴頭愁遠樹卻看牆角喜孤根

疏枝冷蕊仍堪把何遜揚州且莫論

賦得相逢俱是歲寒人 己亥

相逢俱是歲寒人遲暮偏驚搖落辰鴻雁接天關塞影

漁樵滿地雪霜身論交四海慚兄弟抗跡千秋泣鬼神

此日炎趨應不少道旁裝馬正紛綸

立春用杜韻 己亥

臘殘海嶠懸桃日正是山家爆竹時寂寞兩京寒玉瑄

蕭疏雙鬢點銀絲干戈回首都成夢杖履隨身那免悲

不飲也應春酒笑強邀石凍助新詩

己亥除夕

湖海椒觴十五星故園咫尺卻揚舫流年與日相將去

張蒼水集卷二 十三四明叢書 約園刊本

歸夢兼愁總未醒蜡鼓何如鞞鼓急閩船猶並越船停

春來消息茫無據起把菱花仔細聽

庚子元旦駐師林門 庚子

中華正朔古相傳永曆於今十四年玉几南荒新日月

聞乘輿播 遷緬甸 金戈北道舊山川春來水逐桃花長老去人

憎柏葉先猶幸此身仍健在擬隨斗柄獨回天

庚子新正二日坐雨島上 庚子

纔望晴雲布歲朝漸來仙嶠雨瀟瀟山烟繚繞蒼堪滴

海氣模糊白欲飄撥悶屠蘇隨意醉滯寒檣柁逐時燒

故人天際誰相問總爲春風尙寂寥

遊小巖草庵庚子

春郊彌望盡蒼烟選勝還探小有天  
荀亂新篁饒玉版花迷野菜似金鈿  
客來漸與山麋狎僧去惟留海鶴眠  
堪笑阮生幾兩屐桃源總在萬峰前

得朱子成書庚子

書來惜分手正憶皖城秋入海仍精衛  
還山尙蒯緱參差非恨事倉卒少良謀  
異日傳心史孤忠冀見收

寒山庚子

張蒼水集卷二 十四 四明叢書 約園刊本

寒山一息影歧路總忘機敢望充藜藿  
其如斷蕨薇徘徊貪有髮惆悵賦無衣  
此地兼烽火孤踪何所依

聞監國魯王以盜警奔金門所庚子

揮淚東南信初聞羣盜狂扁舟哀望帝  
匹馬類康王流彘終何限依樹倘不妨  
只今謀稅駕天地已滄桑

贈張書紳還錢塘庚子

歸棹蕭然入虎林論兵十載愴知音  
千金散盡仍彈鋏四海交空且碎琴  
戶牖陰謀天地忌夷門奇計古今深  
風塵何處躬耕好垂老還爲梁父吟

上巳書懷庚子

九十春光強半空今朝禊事媚東風  
亂紅過雨應千點新綠含烟自一叢  
曲水無觴娛鳥上遠山似笏拱簾中  
子規歲歲啼成血不道勞人太轉蓬

春晚庚子

芳洲春晚徧蘼蕪一抹烟光掛綠圖  
好鳥弄晴聲劇膩野花吹暖氣流蘇  
中年豪舉還多少來日佳遊定有無  
可惜豔陽閒謝卻祇應吾道在江湖

重過桃渚在台州臨海縣 庚子

張蒼水集卷二 十五 四明叢書 約園刊本

一棹天台依舊迷重來秋爽足攀躋  
苔衣粼粼偏美石磴鱗鱗齒未齊  
夢到赤城霞氣近感深滄海水聲低  
臨流空作桃花想愧殺仙源是武溪

復屯林門庚子

十年兵甲滿滄洲此日迴戈又上游  
人去鹿場仍舊跡秋高蟹脯足晨羞  
空山餓犬聲如豹失路窮黎狀似鳩  
自笑經營何太拙誤將島嶼作并州

中秋有懷庚子

去年拾桂英山裏今夕浮槎漲海東  
關塞每憐鴻雁影

江湖應悵鯉魚風金鷄玉露原無異躍馬乘舟已不同  
明月當前人在側持螯把醖莫辭從

步韻和曹雲霖浯島秋懷二首 庚子

荒烟殘燒越王臺憶昔雄圖今倍哀丹葉三秋何事老  
翠華六詔幾時迴纔從鷺島懷人遠忽得魚書對客開  
詩律邇來知漸細高吟低唱且徘徊

天長地闊總傷秋閩嶠寒雲路更悠戴漢節旄空自脫  
沼吳薪膽向誰謀百年形勝留天塹一望風烟達帝溝  
堪笑魚龍還寂寂祇應陵樹鎖江流

張蒼集 卷三

十六 四明叢書

約園刊本

秋夜舟中聽雨 庚子

不盡蕭蕭意還從子夜生草枯沙積氣木落洞庭聲敲  
枕聞疏密敲篷辨濁清渾疑刁斗靜鐵騎暗縱橫

新河口雨泊二首 庚子

一水眞衣帶金行報幾籤迴颺何震盪飛沫更廉纖噉  
岸潮聲壯膠舟風勢嚴叢祠堪蔽雨分旅向山尖  
四時冬不用况乃問舟程自與泗人伍還令鷓母輕枯  
槎粘水骨虛枕掛魚睛珍重陽侯意毋勞費送迎

愁泊 庚子

蕭風苦雨逐潮來慘淡危舟倍足哀身比僂僂長似曲  
心疑混沌不知開海翁蜃蛤還相餉山鬼挪揄且莫猜  
往事分明堪擊筑浮生那得數銜杯

長鯨行 庚子

南海長鯨何橫絕吞吐波濤噴日月鼓鬣俄成赤羽旗  
披鱗都變黃金穴初依海市現樓臺旋上天關守宮闕  
天狼忽從西北來旌爲蚩尤鞭爲李長鯨稽首稱波臣  
玉皇香案皆羶羯希恩豈望鳳凰池論功敢乞蛟螭窟  
那識狼心最不仁組繫長鯨離溟渤跳梁寧復昔睚眦

張蒼集 卷三

十七 四明叢書

約園刊本

涸轍應憐舊鬢長鯨有子類龍種起代靈龜震列缺  
銀河朝犯織女機珠浦夜泣鮫人血天狼跋扈還叱咤  
僉謂鯨鯢本遺孽疏屬山頭貳負屍鍾離村內專車骨  
殘魂幾處聽蒲牢遺醢何年化彭越嗟嗟長鯨爾何患  
如彼異類終屈節神龍不臣臣貪狼抉目塗腸坐自滅  
昨夜星躔弧矢明卻喜機槍影欲沒天狼天狼莫漫驕  
海宇會有眞龍出

次韻酬林荔堂 庚子

日日天南望五雲家亡國破友朋分廿年血淚枯崖島

三度孤師哭宋文力竭臣靡難復夏聲哀望帝痛思君  
西臺幸有同心侶愧殺投繯終子軍

歲暮得蔣馭鴻信兼見其新製寄贈二首

蔣舊授  
御史今  
入道 庚子

海嶠玄雲入歲除遠從茗水下雙魚少微慘淡愁無奈  
中散蕭疏調有餘仙鳥不妨神武外法冠何似惠文初  
鑑湖珠樹今何在黃鶴摩天未卜居

梅花一寄起相思聞向江湖學采芝吳市尙留仙尉跡

青門何限故侯悲鴻冥豈爲飛揚倦驄瘦還應行步奇

張葦集卷三

十八四明叢書  
約園刊本

獨怪槎來十二載只傳柱下五千辭

島上祀竈

絕島寒宵亦薦陰聊從越俗祀非淫曾聞五祭尊益益

卻憶西歸賦釜鬻老婦倘能來絳節少君空說致黃金

只憐漢臘無多地柏葉梅花自古今

辛丑元旦僞虜僭號已十八年矣

春回島嶼海天波紫閨其如赤伏何晉室新書題甲子

周家舊曆紀其和金沙日暖朝迴輦玉巖雲開夜止戈

聞王師出  
滇克蜀 聞說今年莽臘盡椒花頌裏雜饒歌

見友人咏懷詩有感遂依韻和之二首

梨花春雨半含秋太息當年桑下謀國事幾番真似弈

人情到處盡如鈎金雞雲樹空瞻闕石馬風榛自滿邱

未必策勦先上賞綿山一過汗應流

漫從季野定陽秋霸業誰堪孫仲謀末路行藏關漢鼎

中朝興廢仗吳鈎杜鵑影重迷荒徑謝豹聲多恨故邱

此日河山猶破碎敢言江左有名流

春島霧雨次壁間舊韻

輕寒三月恰春陰蒼霧青嵐苦滯淫客至梅花初滿鬢

張葦集卷三

十九四明叢書  
約園刊本

官貧柏子尙充鬻櫻桃紅暈枝枝玉楊柳黃疏樹樹金

笑語東風何惡薄獨遲芳信到於今

雨中寒甚再疊前韻

浮雲何意結層陰海氣朝來越浸淫誰解催花能節鼓

豈逢寒食欲懸鬻春衣襤褸還如鐵鳥樹槎枒轉似金

可是大荒猶殺運難將變理佐當今

送黎大行瀕行以途窮爲恨賦詩見示仍用前韻

答之

柳色河橋弄晚陰臨歧攀折思偏淫乍來紫氣原干斗

此去皇華爲旣驚殿上未歸利氏璧囊中誰賜陸生金  
飄零莫漫愁書劍六傳平驅正在今

維揚姜張二友浮海來晤賦贈 辛丑

廣陵春擁雪濤來萬里江聲亦壯哉忽訝龍文臨越嶠  
何須駿價起燕臺陰符欲捲滄溟闊借箸能令瘴癘開  
帝室只今還卜獵飛熊好待後車回

偽庭小汗天亡復以六歲餘孽僭號擅位 辛丑

頻年長狄掃黃圖此日狼星斂角無石矢未曾賓肅慎  
金人猶自祭休屠雖然下殿當天象可復穹廬滿帝都

張蒼集 卷三

二十四明叢書

約園刊本

獨笑中華皆婦孺幾回膜拜捧胡雛

春暮悵然有作 辛丑

蕭條春事又今年島樹江籬最可憐悲至淚因孤燕下  
閒來魂在杜鵑前雄圖誰復能窺足雌節何如且息肩  
記得古人曾化杖鄧林孤影亦參天

三月十九有感甲申之變三首 辛丑

燕山春老泣啼鵑屈指號弓十八年闕里麟遊書莫載  
橋陵龍逝鼎仍遷玉衣晨舉黃塵染銅狄秋眠碧血捐  
欲賦黍離無限恨依稀風雨故宮前

當年羣盜滿長安倉猝宮車棄百官旗散黃龍爭解甲  
析虛朱雀罷鳴鑿鑿髯猶惜鬚眉少壓紐空悲羽翼單  
獨使至尊殉社稷千秋青史未曾寬

漢家天仗肅仙班一擲金椎不復還首借祇肥秦塞外  
櫻桃誰薦晉陵間魂招蜀望花同碧淚染姚華竹盡斑  
何處旌旗皆縞素好傳露布到陰山

得徐閣公書爲之喟然 辛丑

長看北極望南陽傾日依風總渺茫愁過魏牟還戀闕  
病同莊舄肯投荒應憐牛酒遲江左莫道魚鹽擅海王

張蒼集 卷三

二十四明叢書

約園刊本

倘去三山須問訊君家大藥在何方

促織 辛丑

促織促織微吟聞夕緯婦驚秋停機太息織練苦短織  
纒苦密萬縷千絲織不成疋

寄張書紳時聞在越 辛丑

雁到寒沙一片秋聞君猶作下邳遊江山雄視渾綿最  
湖海輕裝只蒯緱醉後諫書多逐客愁中詩史盡離憂  
赤城霞氣今依舊何必衣冠禹穴求

送黎大行南訪行在 辛丑



誰登仙嶠問皇輿十載驚傳典象胥英蕩難歸萬里節  
輜軒徒積百蠻書越人翡翠應無恙漢使葡萄總不如  
惆悵五雲橫焚道看君卻上指南車

送吳佩遠職方南訪行在兼會師鄖陽 辛丑

何處中宵哭星槎滄海回依牆悲鶴立戀闕夢鑿迴黑  
焚黃圖闕烏蠻紫氣來孤臣芒屨好敢望畫雲臺  
哀牢原有國聞自夜郎移輦路應千折旌臺亦九疑駿  
歸何日事翟捧幾人知君去排闥將毋恨執羈  
鄭江稱斗絕咫尺向夔門雲棧凌霄起霓旌插壁屯金

張蒼水集 卷三

三五四明叢書

約園刊本

貂皆上將鐵馬足中原一見隨何檄還應報國恩

尚有臣靡在其如天步何涼州方倚柱盟府孰揮戈刁  
斗孤軍細香盆夾道多憑君馳蠟表早晚聽鐃歌

秋日傳蜀郡克復瓊海反正喜而有賦 辛丑

商聲八月愁萬木盡凋秋空谷音初到同袍賦足酬珠  
崖仍復漢玉壘亦宗周從此投天際羣雄好兆謀

感事四首 辛丑

箕子明夷後還從徼外居端然殊宋恪終莫挽殷墟青  
海浮天闊黃山裂地虛豈應千載下摹擬到扶餘

聞說扶桑國依稀弱水東人皆傳燕語地亦關靈叢華  
路曾無異桃源恐不同鯨波萬里外倘是大王風  
田橫嘗避漢徐福亦逃秦試問三千女何如五百人槎  
歸應有恨劍在豈無嗔慚媿荆蠻長空文採藥身  
古曾稱白狄今乃紀紅夷蠻觸誰相關雌雄未可知鳩  
居粗得計蠶市轉生疑獨惜炎洲路春來斷子規

三過沙關 辛丑

五載真如夢秦川恨舊遊地分山閩越天闊水沈浮鴻  
鵠難羈紕蛟龍空負舟包胥洵國士復郢便辭侯

張蒼水集 卷三

三五四明叢書

約園刊本

沙關感懷 辛丑

飄泊終何濟蕭然一撫襟呼童刪白髮結客鍊黃金擊  
水垂天翅依風縮地心得閒聊把卷非敢學書淫

送羅子木往臺灣二首 辛丑

中原方逐鹿何暇問虹梁欲攬南溟勝聊隨北雁翔鸞  
帆天外落蝦島水中央應笑清河客輸君是望洋  
羽書經歲杳猶說袞衣東此莫非王土胡爲用遠攻圍  
師原將略墨守亦夷風別有芻蕘見迴戈定犬戎

愁心 辛丑

一片秋明遶萬山愁心似水轉相關虬髯空擬浮家去  
雁足虛傳屬國還聲入鼓鼙龍自鬪夢回砧杵鶴難攀  
平原一旅真孤掌可有天戈靈武間

莫指辛丑

莫指招搖望秦階小戎同澤已難諧三山波浪盧敖跡  
半壁烽烟祖逖懷紀事可能無鐵匣班師豈復有金牌  
皇天倘識匡扶義萬古臣靡獨我儕

南國辛丑

雲肥大澤正高秋南國旌旄何處留良會偶逢偏易失

張葦集卷二

三四四明叢書  
約園刊本

好音頻致恐終浮海中似有金銀闕城外曾無麟鳳洲  
祇惜漢家懸異數每將白馬誓王侯

雜感三首辛丑

越國年年教習流朱旗玄甲總沈浮歲星不識今何在  
依舊機槍挂斗牛

卽看江鳥盡流離精衛何從借一枝最恨蹄林秋祭後  
天騎猶自灼羊脾

平陵疇昔富梧桐聞說樵蘇樹已童華表亦含千載恨  
空傳鶴夢到江東

輓董天鑑孝廉辛丑

三策天人罷董生誰憐日馭已西傾遊從麋鹿身將隱  
識應龍蛇意未平晉代猶留靖節諡漢家原重孝廉名  
卽看墓石封題處尙有賢書是大明

入洛衣冠江左餘逋臣肯復待公車風雲早冷三鱸兆  
日月長懸五馬居結客黃金良不易修文白玉竟何如  
茂陵今日皆禾黍遺草空留封禪書

梅花和中峰大師韻四首辛丑

閒從寂寞露精神絕世風流換玉眞夢入梨花渾一色

張葦集卷二

三五四明叢書  
約園刊本

看來松雪成三人等閒標格成凡種多少芳菲步後塵  
最是枝頭元臘破鶯聲還報上林春

自是天工巧入神不將醋醋混眞眞開從嶺外誰爲主  
折與江南第幾人鐵骨珊珊疑有韻玉鱗寂寂迴無塵

醉餘好弄柯亭竹吹徹揚州萬樹春

野鶴仙姿別有神僊昭端的禮羣眞已開香國堪稱聖  
若貯瑤臺便可人淡月模糊檀作暈清霜窈窕玉生塵  
相探莫漫輕攀折元賞應澆竹葉春

一泓秋水翦瞳神紺髮纒鬚看逼真冰雪聰明林下客

烟霞色相畫中人，騷魂取次宜呵凍。道貌出來欲辟塵，卻笑化工難免俗。半留綺語到陽春。

辛丑長至舟次祝聖二首

朔氣行將盡，今來復一陽。書雲存珥筆，挽日仗冠裳。社稷千帆影，乾坤一劍芒。微臣無限恨，稽首儼天王。  
歲華方剝極，何意泰重來。國脈真如線，天心未似灰。山呼愁節脫，海宴待槎迴。賴有黃鐘動，梅花雪自開。

辛丑除夕行營沙關

十年三度到閩關，風急星迴客未還。漢臘總來殊越俗，

張蒼水集卷二

三十四明叢書  
約園刊本

屠蘇那得破愁顏。春符競貼黃龍榜，新曆虛銜丹鳳班。悵望故山雲物改，歸心不斷歲時閒。

壬寅元旦軍次仍行祝聖禮

壬寅

蒼輅青旗不可望，海隅猶得奉冠裳。吹塵夢逐條風遠，思漢情隨旭日長。萬里越人迷貢朔，時滇黔陷已二年百年真主闕。當陽也知報國心，無補願續春王正月章。

元夕金鄉道中

壬寅

海若波俱惡，春陰意倍寒。征帆渾出沒，窺鏡盡闌珊。燈謎憑誰賭，棋聲讓客彈。勞生兼浪跡，節物肯爲歡。

最是蹉跎恨，都從此夕來。幾年春爛熳，其月影徘徊。每擬銀鈎滿，當看玉曆開。逢時還寂寂，辜負夜光杯。

元宵舟次步寶從韻魚字

壬寅

春濤擁艦儼宸居，雪舞風迴寒滿裾。簫鼓浮空停曉箭，樓臺幻境隱仙輿。帳中絕少盤龍戲，幕下偏能倚馬書。共道六鯨來海上，如何照夜只鯨魚。

辛丑秋虜遷閩浙沿海居民壬寅春余舫棹海濱

春燕來巢於舟有感而作

壬寅

去年新燕至，新巢在大厦。今年舊燕來，舊壘多敗瓦。燕

張蒼水集卷二

三十四明叢書  
約園刊本

語問主人呢喃語，盈把畫梁不可望。畫艦聊相傍，蕭羽恨依棲。銜泥歎颺颺，自言昨辭秋社歸。比來春社添惡況，一片靡蕪兵燹紅。朱門那得還無恙，最憐尋常百姓家。荒烟總似烏衣巷，君不見晉室中葉亂。五胡烟火蕭條千里孤，春燕巢林木空山啼鷓鴣。只今胡馬復南牧，江村古木鼠鼯鼯。萬戶千門空四壁，燕來亦隨檣上烏。海翁顧燕三太息，風簾雨幙胡爲乎。

春心

壬寅

滄江歲月深，老去惜春心。花到辛夷候，人歸杜宇音。閒

眠遲獨醒繁恨寄孤吟天骨原蕭散能消許事侵

北回示將吏 壬寅

利鈍寧能料孤軍又北回同仇計左矣遺老思深哉破  
斧烝徒義持籌參佐才古來忠孝事天地每相哀

張蒼水集卷二

三六四明叢書  
約園刊本

張蒼水集卷三

張蒼水集卷四

明郵張煌言玄著撰 同縣後學張壽鏞編次

采薇吟 壽鏞謹案公自註起甲辰六月而七月被執  
讀人定關詩此去清風笑蕨薇可以見公志

入山 甲辰

大隱從茲始悠然見古心地非關勝覽天不礙幽尋石  
髮溪頭長雲衣谷口深此中有佳趣好作採薇吟

清音

倚杖綠天中清音自不窮鶯枝傳古調蟬葉散玄風谷  
響丁丁發溪聲曲曲通由來塵夢斷遮莫是心空

張蒼水集卷四

一四明叢書  
約園刊本

林中漫興

幽棲得名理雙屐轉從容渴澗捫龍乳荒蹊采鹿茸振  
衣空翠襲擁樹蔚藍封不識鴻濛外蒼嵐更幾重

選勝非吾意長林一送窮天供青玉案人坐碧紗籠道  
貌癯人似機心海鶴空獨嫌遺世晚所以遜龐公

小猿畜之久矣以病抱樹而死為之惻然

升木何須教犇林豈為驚胡然嬰一疾不復聽三聲腸  
斷巫山暗魂歸楚水明爭如孫供奉能報主人情

山中初度用子木韻

曾向洪崖乞大還  
榻來烟火混人間  
幾回擲劍橫青海  
一笑攜瓢掛碧山  
煮石似應消壯氣  
斲苓尙欲壯頰顏  
峰頭紫氣朝如蓋  
爲問猶龍可渡關

賦罷初衣往復還  
伊人宛在翠微間  
幸無白璧粉榆價  
可有丹名桐柏山  
種似麒麟徒掩淚  
舞同鸚鵡且開顏  
尊前莫論浮雲態  
回首風烟滿漢關

日鬱崦嵫去不還  
客星慘淡五雲間  
自非和扁難醫國  
誰似巢繇易買山  
百谷烟霞憐馬齒  
二陵風雨識龍顏  
桑弧半老成何事  
只合壺天獨掩關

張蒼水集

卷四

二四明叢書

約園刊本

倦飛玄鶴亦知還  
白石蒼苔咫尺間  
車馬自然多易水  
衣冠原只在商山  
雲漿夜酌金人掌  
黛色朝披玉女顏  
已覺閒身堪羽化  
何須八翼夢天關

清秋憶從弟嘉言

秋聲蕭瑟到空山  
悵望驚鴻去不還  
離別紫荆生死際  
平安黃犬有無間  
寒蛩織月思千縷  
孤鶴巢雲影半關  
多少長林搖落態  
獨憐愁緒未能刪

山中七夕限韻得廉字

青山詩思入秋添  
愁對雙星韻漫拈  
紈扇自來驚少昊

雲駟何處御飛廉  
七襄枉乞天孫巧  
五緯虛傳漢使占  
要識太清塵穢淨  
莫將河鼓擬香奩

清秋一暈挂涼蟾  
渺渺銀潢天漢淹  
烏鵲橋成誰問渡  
嫦娥宮近尙生嫌  
冰機爭似雲情薄  
金掌依然露氣廉  
卻笑兒童偏解事  
排瓜擲果向鉤簾

又壘前韻

斜風斜月正纖纖  
買得秋光價亦廉  
繡幕何人愁遠別  
綠車今夕喜重瞻  
星前錦似千純麗  
雲外香來百和兼  
明日內家應看巧  
蛛絲金盒共誰覘

張蒼水集

卷四

二四明叢書

約園刊本

懷古

伊昔東陵侯浮沈  
在青門種瓜皆五色  
不肯負亡秦故  
侯何足道羞與世  
間羣及爲文終客  
教以報功勳似得  
黃老術知亡亦知  
存存亡會有時出  
處要有期借問五  
色瓜何如三秀芝

山居卽景四首

結茅在山椒面面  
皆鼓薄獨坐微涼  
生高情欲採綠  
平楚殊蒼莽眾峰  
亦窈窕清輝來撲  
人引我發長嘯  
空清不可極俯視  
但雲光眾妙含其  
中疑爲天地房

朝光來窺牀樹影綴羅帳推枕一摩挲天然淡墨障

山中屢空泊如也偶讀淵明饑驅句猶覺其未介

遂作反乞食詩仍用陶韻

悲風變陵谷余行將安之浩然懷黃綺燁燁紫芝辭清  
聲在金石孤情獨往來彭澤何人斯東籬戀酒杯微祿  
已不耽沾沾乞食詩乞固自有意可以觀其才吾則變

吾鼎白雲倘分貽

西山有餓夫褰裳欲從之或言舉世腴君癯寧有辭流  
水淡鬚眉天真所繇來況也朝市改志士寡深杯療饑

張蒼集卷四

四四明鼓書  
約園刊本

託薇霍寧識招隱詩今古多肉食誰為天下才珍重墨

胎氏靈龜幸見貽

三旬九遇食我聞古有之不食以為寶無受故無辭奈  
何饕餮者朶頤鼎鼎來乞哀在暮夜餘羹僅一杯斟酌  
既飽滿猶吟和陶詩緬維珠樹鶴高情未易才芝田諒  
足耕嘉穀聊自貽

擬古三首

蕭蕭巖畔竹亭亭澗底松植根非不高孤峭慮難容骨  
肉絲枝葉分飛類轉蓬非關恩義薄根株良不同越鳥

棲南枝代馬立朔風菟馬長愴惻道阻誰適從

晦明本如轂日日相推移寒暄亦如環歲歲迭乘除白

雲自西來告我商秋期林皋色慘淡蛩聲哀以思昔也

苦炎威今舍搖落悲天氣始肅殺草木詎能違百卉歎

披靡寧復豔陽時豈識持晚節獨有凌霜枝寄言桃李

子慎勿恃芳菲

百蟲恆吟秋百鳥恆吟夏人生百歲間炎涼倏代謝常

憂時命乖榮名不相借時命亦何常經綸貴權藉所志

豈顯榮擔負容可卸感此結中腸擧衣起視夜高天明

張蒼集卷四

五四明鼓書  
約園刊本

月輝爛熳繁星舍願言披微襟幽懷得暫瀉

懷王媿兩少司馬徐閩公沈復齋中丞

詩鑄按墨蹟作憶友

昔我曾上嘉禾島島上衣冠多四皓方瞳綠髮映朱顏

紫芝一曲何縹緲年來滄海欲生塵烽煙亂躡商山道

杖履流落似晨星天長地闊令人老南望銅陵又一山

風帆千尺鯨波間不然疑乘黃鶴去去去麟洲第幾灣

聞孤鳥而有作

孤鳥孤鳥聲愴憶風雨中宵我心惻似聞鳥言生不辰

空山寥落無顏色在昔雄飛向九霄金眸玉爪行胸臆

巢雲曾傍萬年枝，擊水寧需六月息。風雲蹉跌幾星霜，宛轉枋榆困枳棘。東門旗鼓爲誰觴，北海木石徒爾塞。杜宇漫語不如歸，鷓鴣疾呼行不得。予心卒瘡予尾焦，卻來山阿欲遊弋。一飲一啄孰將雛，雙飛雙宿誰比翼。寒枝獨抱月黃昏，島樹蒼茫林影黑。橫絕四海會有時，敢告羈縲還努力。嗟乎此鳥亦非凡，鸞歌鳳舞誰能識。但將孤鳥伴孤臣，悠悠蒼天曷有極。

入定關

在懸壘七月十七丑時被執作也

何事孤臣竟息機，魯戈不復挽斜暉。到來晚節慙松柏

張蒼水集 卷四

六四明叢書

約園刊本

此去清風笑岌岌，雙鬢難容五岳住。一帆仍自十洲歸，疊山遲死文山早。青史他年任是非

羈恨二首

莫道輕生易，應憐速死難。聯牀皆候卒，傾座只奚官。魚  
睨巖宵柝，拘攣異燕衍。歐刀安得借，虎穴正漫漫。  
孤竹羞周粟，余懷胡不然。暫將吞炭恨，并作茹荼憐。一  
七分甌雪，三杯酌乳泉。終當從辟穀，豈羨赤松仙。

被執歸故里

蘇卿仗漢節，十九歲華遷。管寧客遼東，亦閱十九年。還

朝千古事歸國，一身全予獨。生不辰家國，兩荒烟飄零。近廿載仰止愧前賢，豈意避秦人。翻作楚囚憐，蒙頭來故里。城郭尚依然，彷彿丁令威。魂歸華表巔，有覩此面目。難爲父老言，智者哀我辱。愚者笑我頑，或有賢達士。謂此勝錦旋，人生七尺軀。百歲寧復延，所貴一寸丹。可與金石堅，求仁而得仁。抑又何怨焉。

將入武陵二首

義幟縱橫二十年，豈知閭位在于闕。桐江空繫嚴光釣

震澤難迴范蠡船，生比鴻毛猶負國。死留碧血欲支天

張蒼水集 卷四

七四明叢書

約園刊本

忠貞自是孤臣事，敢望千秋青史傳

國亡家破欲何之，西子湖頭有我師。日月雙懸于氏墓

乾坤半壁岳家祠，慙將赤手分三席。敢爲丹心借一枝

他日素車東浙路，怒濤豈必屬鴟夷

宿官亭 甲辰八月

漫道詩書債未償，滿身枷鎖夢魂香。可憐今夜官亭月，無數清光委路傍

放歌

時甲辰八月七日書於杭之獄壁

吁嗟乎滄海揚塵兮，日月盲神州。陸沈兮陵谷崩，藐孤

軍之屹立兮呼癸呼庚子憫此子遺兮遂息機而寢兵  
方壺圓嶠兮聊稅駕以埋名豈神龍魚服兮罹彼豫且之  
醫予生則中華兮死則大明寸丹爲重兮七尺爲輕維  
彼文山兮亦羈紲於燕京黃冠故鄉兮非予心之所欣  
欲慷慨以自裁兮既束縛而嚴更學謝公以絕粒兮奈  
羣詠之相并等鴻毛于一擲兮何難談笑而委形憶唐  
臣之嚼齒兮視鼎鑊其猶冰念先人之淺土兮忠孝無  
成翳嗣子於半籠兮痛宗祀之云傾已矣乎荀瓊謝玉  
亦有時而凋零予之浩氣兮化爲風霆余之精魂兮

張蒼水集卷四

八四明叢書

約園刊本

化爲日星尚足留綱常於萬禩兮垂節義於千齡夫何  
分孰爲國祚兮孰爲家聲歌以言志兮肯浮慕乎箕子  
之貞若以擬夫正氣兮或無愧乎先生

憶西湖

夢裏相逢西子湖誰知夢醒卻模糊高墳武穆連忠肅  
添得新墳一座無

牆角紅梅九月發花一朵偶成四絕時羈獄舍用

鹽字

秋嚴霜氣薄於鹽誰道官梅早放尖一點壽陽丹的笑

不須口額臥春權

奇葩香韻自廉纖不壓冰霜瘦轉添只恐枝頭滋味貴  
他年調得許多鹽

何用高吟昔昔鹽也應索笑到巡檐獨驚梅菊爭先吐  
東閣東籬韻兩拈

寒枝堆盡水精鹽欲捲孤山雪一簾何事西風能點綴  
先吹霞片到花尖

武林獄中作三首

壽鏞案高本作灑血  
四首茲依墨蹟改正

灑血今何地紅殷苦漢冠雲臺圖畫杳雪窖夢魂寬豈

張蒼水集卷四

九四明叢書

約園刊本

望黃羊乳無勞白鹿餐廣陵有絕操琴碎不堪彈

曾聞古俠士相送白衣冠生死關原重興亡案肯寬空

思供橐餖誰識報壺餐羞殺無魚鉢從今莫浪彈

文山不柴市故里一黃冠此意誰非屈何人可自寬羽

微誰石飲舌在任刀餐今古綱常事因吾好細彈

又一首

壽鏞案墨蹟無末  
一首今別錄之

乾坤竟如此刺眼盡猴冠射鼻天方醉騎箕地較寬難

中慚館穀夢裏憶堂餐一笑甘兵解何曾有淚彈

甲辰九月感懷

在獄中作



口碑載道是還非誰識蹉跎心事違既熟熊蹯寧復待  
縱生馬角竟安歸綸巾原當蘇卿節葛帔猶然晉代衣  
得與墨胎相把臂九原應不恨知希

羈縻斗室尙何爲慷慨從容我亦疑豈是殷頑能革面  
雖然漢阨肯低眉鞞鷹躑躅堪誰語鍛鳳躊躇只自知  
莫道故人多玉碎蓋棺論定未嫌遲

棘林宛轉盡針氈便擬寒灰豈易然空有沈湘魂黯黯  
幸無入洛影翩翩鸞刀欲下何須挽雁帛當前不用傳  
惆悵才陰真是歲小樓爭禁坐三年

張蒼水集 卷四

十四明叢書  
約園刊本

一曲銅鞮自繞梁主賓相對不尋常莫言簫管空悲墨  
豈信囹圄是福堂唱罷秦青誰避席悲深凝碧且停觴  
請君休訝河清嘯司馬於今正斷腸

詩鑄案高本題坐次  
問樂有感今依墨蹟

絕命詩

我年適五九復逢九月七大廈已不支成仁萬事畢

屯懸巖猿啼有感

黃葉秋風落木繁雲峯日落憶寒山橫流絕渡憑班馬  
壁削枯藤亂叫猿桂樹千秋懷故國銅駝臥處泣中原  
鰲江南望豈爲遠吾欲乘槎赴楚門

詩鑄於癸亥冬在杭垣得先生墨蹟題屯懸巖猿  
啼有感詩一首以索價太昂未購因將原詩錄出  
今徧查舊鈔各本無

此詩爰附於采薇吟

附詩餘 壽鏞謹案謝山編先生集不別立詩餘  
一目以詩餘皆獄中作也今附采薇吟

柳梢青 張美翊曰墨蹟作調蝶戀花自  
係冰槎誤記又云當作柳梢青

無數江山何人斷送雨暗烟蠻故國鶯花舊家燕子一

樣闌珊 此身原是天頑夢魂到處也閒關白髮鏡中

青萍匣裏和淚相看 壽鏞案墨蹟兩暗雲烟茲依高  
本雲烟改作烟蠻餘依墨蹟

長相思 中夜聞箏

炙鳳笙彈鸞箏弄入陽關第幾情銅壺滴漏明 一更

張蒼水集 卷四

十四明叢書  
約園刊本

更一星星都是商聲與羽聲離人不忍聽

前調

品瑤笙按銀箏換兩移宮無限情秋天不肯明 幾更

更幾星星半是商聲與徵聲羈人和夢聽

前調 秋

秋山青秋水明午夢驚秋醒未醒乾坤一草亭 故國

盟故國情夜闌斜月透疏櫺孤鴻三兩聲

滿江紅 示同難賓從羅子慕於武陵嶽邸

蕭瑟風雲埋沒盡英雄本色最髮指醅酥羊酪故宮舊

闕青山未築祁連家滄海猶銜精衛石又誰知鐵馬也  
郎當珣弓折 誰討賊顏卿檄誰抗虜蘇武節拚三台  
墜紫九京藏碧燕語呢喃新舊雨雁聲嘹唳興亡月怕  
他年西臺慟哭人淚成血

前調 步岳忠武王韻

屈指興亡恨南北皇圖銷歇更幾個孤忠大義冰清玉  
烈趙信城邊羌笛兩李陵臺畔胡笳月慘模糊吹出玉  
關情聲淒切 漢苑露梁園雪雙龍游一鴻滅賸逋臣  
怒擊唾壺皆缺豪氣欲吞白鳳髓高懷肯飲黃羊血試

張蒼水集 卷四

十二四明叢書  
約園刊本

排雲待把捧日心訴金闕

壽鏞謹案獄中諸作公之手稿為多今均入采薇  
吟以見公之志蓋采薇吟固公未竟之稿也

張蒼水集卷四

張蒼水集卷五

冰槎集

明鄭張煌言玄著撰 同縣後學張壽鏞編次  
冰槎集引

於戲此子槎上作也昔之乘槎者或為客星而直犯牛  
斗或入女宿而得支機故至今羨為勝事予獨不然浮  
踪浪跡當淒霰嚴霜不得已而棲託靈槎筆墨所及都  
成冰聲則是槎也非貫月也亦非挂星也而茲集所存  
又皆晚節所依于是以冰槎名嗟乎水澤腹堅矣天根  
盡見矣乃從凌陰千丈間而欲論列古今辨正華夏不

張蒼水集 卷五

一四明叢書  
約園刊本

失君臣父子朋友之義不其難矣哉異日者東風解凍  
尚有相見此槎中人而興歎者否歲在壬寅菊月朔張  
煌言自識

壽鏞謹案海濱遺老高先生允權跋以奇零草乃  
公所自定而採薇集乃釋兵後作公自註起甲辰  
六月而七月被執矣獨未及冰槎集顧先生自作  
引言既在壬寅菊月朔則凡以後之文皆非先生  
作引言時所編之文也今通行各本類皆屬雜則  
仍宜依據最初之本壽鏞得先生文集於其後人

張世倫者卽與奇零草同一筆墨錄副者也蓋亦高本也今依之編年略參黃氏本卽章刻本始辛卯終壬寅九月然仍非眞面目也得其似而已

祭海神文 禁林代收 辛卯

予大明高皇帝之九世孫也自高皇帝驅逐胡元奠寧方夏懷柔百神凡江河川瀆之神無不崇祀而神於水中最尊且大春秋命所在有司致祭惟謹蓋三百年於茲矣神豈忘之耶近者醜虜肆行懇謁都邑未知其曾致祭如故與否若陳牲列俎而羅拜於下者皆髡髮左

張世倫集 卷五

二 四明叢書 約園刊本

衽之人知神之必憤然而起吐棄而不享予起義於浙東與新膽俱者七載而兩載泊於此風不揚波雨能潤上珍錯品物畢出給鮮又知神之不忘明德予實受其福也今義旅如林中原響應且當率文武將吏誓師揚帆共圖大事潔誠備物致告行期啓行之後日月朗滌星辰爛陳風雨靡薄水波不驚黃龍蜿蜒紫氣氤氳權楫協力左右同心功成事定崇封表靈是神且食我大明之馨香於萬世也今日爲伊始哉其顯承之

復僞提督田雄僞鎮張杰僞道王爾祿書 辛卯

竊聞兩間自有正氣萬古自有綱常忠臣義士惟獨行其是而已不孝一介書生遭逢國難初學季眞避世久同去病忘家忠孝已難兩全華夷豈堪雜處區區此志百折彌堅不過以恪守人倫卽是深明天道緬維執事或爲本朝專閫或爲昭代魏科今雖逢場作戲而河山之感諒彼此同之近窺象緯知胡運業窮於陽九必有起而驅除者爲執事計拔趙幟立漢幟蔡人卽我人微但大樹勳名不得專美於前而梁公夾日行當再見尙有何嫌何疑而以不入耳之言來相告耶夫新莽篡位

張世倫集 卷五

三 四明叢書 約園刊本

河北羣盜皆以興復漢室爲名今日山中義師大率類此故執事得以折柬招之不孝本來面目何如亦欲以此術相籠絡誤矣昔王景畧告符堅曰江南正朔相仍願勿以爲意是真識時之語淝水之役堅不能從而果敗秦亦隨之以亡是可爲明鑒今日之域中存亡正未可必抑未聞秦未始亡楚未始存之說乎況水陸自有長技戰守早有定謀縱執事以全力舉勝敗亦未可知也總之大明無不中興之理非晉元宋高可比我輩相晤正自有期不孝未便以文文山自況執事正不必以

留夢炎輩自居耳

祭建國公鄭羽長文 丁酉

於乎我兄飛熊上將汗馬元公樓船海外鉦鼓江中屏藩帝室帶礪侯封會逢喪亂益懋勳庸謀雲猛雨擊水搏風西江射虎南服從龍登壇受鉞錫鬯銘鐘豈繫心膺允矣股肱浙事既壞閩疆旋覆再展霓旌重扶日轂不惜破家以襄監國九伯咸征六師是督功在衣冠威行牙纛僞吏角崩名酋面縛底績扶桑揚聲貴竹爰拜泥金遂膺璜玉憶昔在翁同盟聯翩珠盤玉敦實惟九

張蒼水集 卷五

四四明叢書 約園刊本

賢定西昆季肅虜姻聯安福差長相國比肩中丞司禮雁行周旋媿余下乘亦競先鞭或沒王事或終天年惟兄與余靈光歸然兄既解兵余尙誓旅渺渺參辰盈盈帶水千里片鴻經年尺鯉北顧旌旗南詢杖履奏凱相期加餐足喜懸擬壯猷東山復起夫何訃聞遽騎箕尾感切同仇痛深後死嗚呼哀哉山陽哀逝士衡辨亡交此百憂云胡弗傷兄所未暝野馬黃羊余所爲慟封豕天狼庶憑靈爽默贊一匡些詞不文聊以薦觴鷺江滾滾鷺島蒼蒼忠精義烈山高水長

賀延平王啟 戊戌

伏以秉鉞仗旄蒼姬崇呂周之典分茅錫土皇唐重郭李之勳況績茂中興則禮優同姓當茲王封之肇啟允爲仕籍之咸惟恭惟殿下三台捧日一柱擎天運掌上之奇謀星飛電繞倡寰中之大義海沸山奔係屬籍而衍天潢不數李勣之在唐叟敬之在漢收版圖而還帝室何殊岐陽之征北黔寧之征南北者北極遠念舊勳東藩新膺殊禮金符銀冊等邁公侯茲矢彤弓寄專征伐在耿弇略定北道不過典畀屏藩卽寶融保據西州

張蒼水集 卷五

五四四明叢書 約園刊本

未聞榮超蒲藪是惟樹不世之勳猷所以受非常之名位際斯盛事洵足誇揚某一介書生十年義旅會稽甲盾已愧種蠡之徒栖江左衣冠每託桓庾之後乘敢言助籌帷幄實望受蔭畔幪伏願威揚四裔烈炳千秋賜履增璜遠表東海之碣建邦啟宇先消南國之氛庶幾挽日月以重明而某亦得依風雲而益顯矣

海師恢復鎮江一路檄 代延平王 己亥

昔五胡亂華僅一再傳而滅今東虜應讖適二八秋之期誠哉天道好還況也人心思漢慨自李賊猖叛神京

陸沈建首本我屬夷屢生反側爲乘多難竊據中原衣冠變爲犬羊江山淪於戎狄凡有血氣未有不拊心切齒於奴酋者也本藩奉天倡義罰罪弔民卧薪嘗膽法古用兵生聚教訓已踰十年正朔雖仍僅存一綫茲者親統大師首取金陵出生民於水火復漢官之威儀爾僞署文武將吏皆係大明赤子誰非中國紳衿時窮勢屈委質虜廷察其本懷寧無隱忍天經地義華夷之辨甚明木本水源忠孝之良自在至如遼人受我明三百年之參養遭逆虜三十載之摧殘祖父既罹其駢戮母

張督水集 卷五

六 四明叢書  
約園刊本

妻盡被其宣淫爾二三孤兒尙爲旗下之奴百千弱女竟作胡中之媼報仇雪恥豈待異時歸正反邪端在今日則張良報韓先揮博浪之椎朱序歸晉遂成淮淝之捷誠先機革面或臨敵改圖以全省全部來歸者不惜分茅裂土以一鎮一邑來歸者定與度地紀勳或率兵而至則論其多寡而計功掄升或潔身而來則就其職掌而量才超擢若蒙古女真人等世受國家撫賞之恩原非一類其在天地覆載之內亦有同仇無懷二心視之一體不特休屠歸漢名高日磾且如回紇扶唐烈光

葉護矣本藩仁義素著賞罰久明先機者有不次之賞後至者有不測之誅一身禍福介在毫芒千古勳名爭之頃刻師不再舉時不再來布告遐邇咸使聞知敬故特諭永曆十三年七月二十日給

復僞總督郎廷佐書 己亥

某復書於遼陽世胄郎使君執事前夫揣摩利鈍指畫興衰庸夫聽之或爲色變而忠貞之士則不然其所持者天經地義其所圖者國恨家仇其所期待者豪傑事功聖賢學問故每瓊雪自甘膽薪彌勵而卒以成功者

張督水集 卷五

七 四明叢書  
約園刊本

古今以來何可勝數如僕者將畧原非所長祇以讀書知大義痛忍胡氛左袒一呼甲盾山立區區此志以濟則賴君之靈不濟則全臣之節故爾憑陵風濤之中縱橫鋒鏑之下迄今踰一紀矣同仇漸廣晚節彌堅練兵海宇正爲乘時今何時乎兩粵天聲三楚露布以及八閩軍書何啻雷霆飛翰而清人則烏夷外侮西虜內侵左支右吾將見其立消滅也僕方當起而匡扶帝室克復神州此正忠臣義士得志之秋也卽不然謝良平竹帛抗黃綺衣冠亦之死靡他豈復煩詞曲說足以動其

志哉乃執事儼然以書通是以僕亦庸庸者流可以利鈍與衰動者虎狼戒途雁奴視夜既受其役竟忘其哀在執事固無足怪而僕聞之髮且衝冠矣夫執事固我朝勳舊之裔而遼左死事之孤也念祖宗之恩澤宜何如悲傷思父母之深仇宜何如報雪稍轉一關不失為中興人物顧以陵律自居華夷莫辨竊為執事不取也且即來書恩仇之說言之自遼事起而征調日繁催課益急以故潰卒散而為盜賊窮民亦聚而弄干戈是釀成寇禍者清人也乃乘京華失守屬國興師誠能挈舊物而還之天朝則是吐蕃回紇不足專美於前柰何拒虎進狼既收漁人之利於河北長蛇封豕復肆蠶蕞之毒於江南則果恩乎果仇乎執事亦可憬然自悟矣以來函溫潤諒執事非憤憤者比遂附數行以復若斬使焚書適足以見不廢僕亦不為也

山頭重築海塘碑記 庚子

台之緱城枕山負海其東鄙即尾閭也有鄉名長亭吞吐潮汐居民日與魚鼈為鄰而地脈湧出贅附一沙與龍山相峙對地號山頭寶沮瀾場也後以馮袁諸姓來

張蒼水集 卷五

八四明叢書

約園刊本

卜築於此為澮以瀦山泉為塘以捍海潮而其族始盛其俗樹藝之外皆魚鹽為業久之亦遂殷阜當我國家盛時海波不揚邑多賢長吏濱海九封又鮮戎馬驛騷故上農亦以力田舉科蠶戶亦各以網罟益牢著姓氏且家禮樂而戶詩書或冠進賢或補博士弟子員蓋彬彬乎盛哉但邑介山海間田阻山則多礎恆苦曠田阻海則多鹽恆苦潮於是鄉之人聚族而謀伐木畚土隆其隄復其障微但滄海一變而為桑田即瀉涵胥化而為膏腴矣迨國變頻仍鱗介易我冠裳十餘年來義旌徧海外戎服繁興海濱遺黎朝秦暮楚供億竭於兩國民力用是益殫而保據茲邑者文則猴冠武則虎翼民向室家不保遑問封泚哉由是沈潦內潰洪濤外嚙向之膏腴者仍歸瀉涵桑田亦幾變為滄海矣余自乙酉倡義飄泊海曲有年近復鞠旅於緱城外島聞之悵然曰國事固滄桑矣而民事寧可緩乎且山頭地勢污下洪濤噴薄無論阡陌巨浸即廬舍亦蕩漾波濤中倘不急為修繕民其不為魚乎乃出金五十為倡鳩工經始而義士馮某等為之醵金錢聚土木以虔其事大抵富

張蒼水集 卷五

九四明叢書

約園刊本

者輸財資者輸力靡不奔走恐後因就其故址增以新  
防凡埤者崇之圯者累之闕者修之薄者豐之自冬徂  
春蓋三閱月而工始告竣猶慮人情之易媮也申約以  
今時捐財之多寡爲他日授田之廣狹亦可謂計及久  
遠者矣義士馮某等以功由余始思勒諸石且徵文於  
余余曰天下事變孰有甚於滄桑者乎今乾坤陸沈余  
旣不能塵滄海而挽皇輿而獨能使一方之桑田不波  
乎況爾之自今得以踐土食毛者皆父老子弟力耳余  
何知遂銓次顛末以應其求若夫董其役者則有參軍

張蒼水集 卷五

十一四明叢書

約園刊本

某執金吾某例得並書

徐允巖詩集序 庚子

自戰國封君以盛賓客高名譽相誇尙而從衡之士莫  
不奔走侯門取一時富貴然其間亦有奇策祕計爲諸  
公子排難解紛是足稱矣漢晉以來公卿俱得辟除僚  
屬幕府弘開名流之飄縷曳裾者亦復不乏一代人才  
往往由之而出迨至宋室則不復有參軍記室之制矣  
而文丞相開府南劍乃廣羅英俊置之幕中及潤江從  
亡尙有杜架閣周旋忠難間至於國亡身殞而王炎午

謝臯羽之徒或操文以祭或登臺而哭斯以見文山之  
知人能得士矣夫士之窮達亦何常之有幸則短缺長  
裾傲睨王侯如侯嬴魯仲連之流是已次之飛書走檄  
如陳琳阮瑀袁宏之流是已不幸而生逢離亂蹙蹙靡  
騁因人成事而山河破碎踈踈隨之如杜許鄒瀨其人  
豈不大可慨也哉我明選舉旣行薦辟遂廢一命必由  
銓衡三事莫敢幕置士之磊磊落落者不得志而邀  
公卿間僅堪婉於西園之賓而不敢躋於東閣之吏亦  
功令然也然三百年來卒未聞有揖客而能急國仇振

張蒼水集 卷五

十一四明叢書

約園刊本

物恥者邇者蠻夷猾夏六飛越在天末牙門鈴閣始多  
曳裾彈鋏之士余謬膺節鉞思士如渴賓從亦不乏人  
惟徐子允巖相從最久余高其節猶侯生魯仲連先生  
不欲煩以吏事而徐子故曾請纓挂組居然逋臣也已  
亥秋從余入江余下名城數十徐子多所贊襄迄延平  
王兵衄於金陵城下余提孤軍走英霍山徐子擔登躡  
屬倉皇山澤中幾欲與余共嘗秦軍格鬪以死回視杜  
架閣輩古今若出一轍而重趸不前余遂勸其祝髮伏  
匿山中土人疑爲亡將多金榜掠備至較杜架閣之身

目白刃其相去幾何既而我師竟潰余以間道還海上  
徐子復間關來歸出其新製皆酸楚不可讀是為幸乎  
為不幸乎夫以徐子之才豈不能草露布如袁宏作燕  
歌如琳瑯革而孤吟以當慟哭且將與田橫賓客為伍  
彼所為奇計祕策足以排難解紛者安在豈所從非其  
人耶抑時為之耶余自愧不逮文山遠甚倘河清難俟  
則徐子雖不得為鄒杜諸人吾知其必為王謝兩賢矣  
因書而授之以冠其詩

上監國魯王啟 庚子

張彙集 卷五

十四明發書  
約園刊本

右臣某啟竊臣萬里孤踪一軍特立睽違潛邸曩易星  
霜雖傾日有心而瞻雲無路又恐旁疑他始未敢輕達  
封章已亥夏於東甌晤錦衣指揮陳貫曾附疏轉達豈  
意陳貫隨踪北上後因南師挫衄流落江上聞今已往  
山東矣若臣自入長江先驅直奪鎮江磯口即復孤提  
本轄船兵深入上游傳檄而下徽寧池太四郡和州無  
為二州及招降溧水溧陽高淳建平廬江巢縣舒城含  
山諸邑通計得江南北府州縣三十餘城遂駐劄蕪湖  
且撫且恢水陸兵至萬餘豈意延平藩師潰於金陵倉

猝南還臣之孤軍竟陷重地虜酋百計阻截歸路貽書  
招誘臣遂焚舟登陸入英霍山寨以圖震蕩中原提三  
千餘眾轉戰千里相持二十七日屢有斬獲楚豫之間  
蠢蠢欲動終以勢孤援絕士卒疲勞而敗臣單騎突陣  
遁伏山谷中由間道徒步二千餘里賴義士扶衛始得  
生還海上皆賴主上福蔭也然志猶未已力圖收燼以  
冀桑榆之效幸而散亡漸集正在整槩俟時而動奈囊  
空釜罄力不如心茲藉延平藩同仇誼篤分地給兵或  
可厲秣俟時而動耳其如虜警頻仍窺伺日迫倘浙海

張彙集 卷五

十四明發書  
約園刊本

決不可支亦當南帆一覲睿顏也昨差官至自思明州  
歸始知主上移蹕金門之信當此漢厄未迴即遵養時  
晦尚無其地是臣所為日夕徬徨者也臣垂翅之餘百  
事艱難芹曝之獻客俟後期竊有錦衣張士魁楊澄亦  
經患難俱得生還現在臣營合并具報茲因便帆具啟  
上候睿安臣曷勝悚惶瞻依之至

與偽鎮張維善書 庚子

竊慕英名也久矣南北相隔未遑識荆使人夙夜依依  
昔年使者至舟山備道足下忠義即欲奉迎復以喬遷



致失良會至今悵快不佞聞之智者識興亡于未形仁  
者懷君親于既往勇者決去就于先機若世俗之常見  
以虜今有全盛之勢必能圖磐石于永久然不知內實  
虛弱發號施令全無開國規模貫滿賤漢吏雜官貪兵  
疲糧乏民困財空人心莫不思亂豈久安長治之徵哉  
英雄之士明華夷之辨莫不以被髮為辱雪恥為懷所  
恨力不從心是以待時而動惟海上羣雄聲大義于天  
下十有七載矣去歲長江之役倂得復失皆因人事不  
齊豈曰天意有待如今者胡阿達里從浙而出不知費

張蒼集卷五

十四四明叢書

約園刊本

幾許民膏傷幾許民命兵未一舉而名酋番部病疫過  
半遂不及接戰而遁此足見天意之亡胡矣達素自閩  
而出不知費幾許民膏傷幾許民命矢纔發而水陸三  
路同時覆沒胡甲滿酋虜所恃為衝鋒陷陣者為我殲  
滅殆盡此又足見人事之亡胡矣況虜捨鞍馬而仗舟  
楫與我爭勝于風濤間何不量之甚耶如足下忠謀義  
概誠識時俊傑不於此時改圖更何待耶且虜貪暴無  
常有賄者超遷有功者罷黜近復重文輕武掣肘倍常  
足下當世賢豪豈能俯首聽命受文墨吏之侮弄哉若

馬李高三公舍逆取順聲名赫赫膾炙人口但李高二  
公直至兵臨城下然後來歸方之馬公以無事之秋奮  
然反正不無軒輊故物望因之亦有重輕若足下原為  
國家宿將更當先著祖鞭且明春大軍必至鐵騎金戈  
如雲而下黃龍青雀蓋地而來以此攻摧何所不克正  
可共建奇功首膺茅土此足下之素志亦不佞所翹望  
者也古人有言當斷不斷反受其亂今足下反正之形  
未著謠傳已喧于遠近而嵩門失事鎮防禦能免咎第  
恐虜中疑忌橫生典守見責寸符片檄便足以解兵柄

張蒼集卷五

十五四明叢書

約園刊本

而從吏議雖欲飛騰不可復得矣如吳淞馬維善殷鑒  
不遠不佞竊為足下惜之亦為足下危之大丈夫見機  
貴于明決既有良謀義無反顧倘不以鄙言為棄幸密  
遣信使確定師期如欲據台以取寧則不佞當統水師  
入定關相應如欲據台以取溫則不佞當檄陳阮二鎮  
進黃巖相應倘以浙東四戰之地易取而難守不若會  
師海道共圖金陵亦祈明示或從陸地而發則拱迎于  
桃渚或從水道而行即遣舟海門以候敬佈腹心惟祈  
台照不宣

羅子木詩集序 辛丑

曩歲義師北指瀨水羅生謁余於江上年雖少指陳山川形勢甚悉余業以清河客擬之然竟引去曰親在身未敢許人也余遂亦揚帆西上收復姑熟宛陵聞羅生已應延平王招從其叔父將軍往徇吳會而延平師潰踉蹌挂帆又聞羅生涕泣遮說不克留於是奉其父隨大軍道江浮於海夫海固今日忠義淵藪也中多古嶠逋臣處士率抗節其間而越嶠與閩嶠蜿蜒錯落相距數千里雲岫微茫風潮噴薄鰲柱之離奇巖樓之變怪

張蒼水集 卷五

十六四明叢書

約園刊本

眞足洞心駭目羅生將縱覽焉因奉其父而南未幾羅生愀然有所思恍然若有所失則又奉其父而北舟次閩之三山猝與虜遇羅生促其舟人鏖戰思以死衛乃父格鬪踰時矢集鎧如蝟墜永得生而乃父竟被執以去羅生流離滄溟宛轉島嶼間欲出奇計以救父卒不得乃父生死音耗然後稅駕於余行營焉悲涼酸楚至於嘔血故其所爲詩篇清峭蒼寒一如夜猿秋鶴可聞而不可聽斯足悲矣余聞之瀨水實伍子胥投金處也方子胥躬丁家禍違命而奔鬚髮爲白彼非不知父死

之當殉也而懼夫父仇之不得復瀕死者屢矣賴蘆中

丈人瀨上女子危其身以相援僅僅得達吳市然終不免吹篥乞食而後乃稍稍見用也始能入郢以報家仇及橋李之役師敗君亡又能相其嗣君入越以報國仇此其人爲何如者哉今羅生所遭國難家難兼之矣是誠不共戴天之仇也而困頓顛躓亦無以異乎蘆中人豈天將老其才以報復君父之深仇耶抑生不逢辰坎壈終身移其孝以成忠耶固不可與清河客同年而語矣然則羅生始以親在未敢以身許人而終不免以身

張蒼水集 卷五

十七四明叢書

約園刊本

許者許國也以身許國而因不能全其親究之親不獲全而身將焉許是誠古今之所深悲也欲知羅生盡讀羅生之詩

上延平王書 辛丑

竊謂舉大事者先在人和立大業者尤在地利故晉武以獨斷而平吳苻堅又以獨斷而敗於晉尉陀以僻處而據粵劉禪又以僻處而亡於魏則人和地利審之不可不精也卽如殿下東寧之役豈誠謂外島可以創業開基不過欲安插文武將吏家室使無內顧憂庶得專

意征勦但自古未聞以輜重眷屬置之夷而後經營  
中原者所以識者危之或者謂女真亦起於沙漠我何  
不可起於島嶼不知虜原生長窮荒入我中國如適樂  
郊悅以犯難人忘其死若以中國師徒委之波濤浩渺  
之中拘之風土狂獠之地真乃入於幽谷其間感離恨  
別思歸苦窮種種情懷皆足以墮士氣而頓軍威況欲  
其用命於矢石改業於耰鋤胡可得也故富興師之始  
兵情將意先多疑畏茲歷暑徂寒彈丸之地攻圍未下  
是無他人和乖而地利失宜也語云與眾同欲者罔不

張蒼水集 卷五

十八四明叢書  
約園刊本

與與眾異欲者罔不敗誠哉是言也今順酋短折胡雛  
繼立所云主少國疑者此其時矣滿黨分權離畔疊告  
所云將驕兵懦者又其時矣且災異非常征科繁急所  
云人怨天怒者又其時矣兼之虜勢已居強弩之末畏  
海如虎不得已而遷徙沿海爲堅壁清野之計致萬姓  
棄田園焚廬舍宵啼露處蠢蠢思動望我師何異飢渴  
我若稍爲激發此並起亡秦之候也惜乎殿下東征各  
汛守兵力綿難恃然且東避西移不從僞令則民情亦  
大可見矣殿下誠能因將士之思歸乘士民之思亂迴

旗北指百萬雄師可得百十名城可收矣又何必與紅  
夷較雌雄於海外哉況大明之倚重於殿下者以殿下  
之能雪恥復仇也區區臺灣何與於赤縣神州而暴師  
半載使壯士塗肝腦於火輪宿將碎肢體於沙磧生旣  
非智死亦非忠亦大可惜矣矧普天之下止思明州一  
塊乾淨土四海所屬望萬代所瞻仰者何啻桐江一絲  
繫漢九鼎故虜之虎視匪朝伊夕而今守禦單弱兼聞  
紅夷構虜乞師萬一乘虛窺伺勝負未可知也夫思明  
者根柢也臺灣者枝葉也無思明是無根柢矣能有枝

張蒼水集 卷五

十九四明叢書  
約園刊本

葉乎此時進退失據噬臍何及古人云寧進一寸死毋  
退一尺生使殿下奄有臺灣亦不免爲退步孰若早返  
思明別圖所以進步哉昔年長江之役雖敗猶榮已足  
流芳百世若捲土重來豈直汾陽臨淮不足專美卽錢  
鏐竇融亦不足竝駕矣倘尋徐福之行踪思盧敖之故  
跡縱偷安一時必貽譏千古卽觀史載陳宜中張世傑  
兩人喪貶可爲明鑑九仞一簣殿下寧不自愛乎夫虬  
髯一劇祇是傳奇濫說豈有扶餘足王乎若箕子之君  
朝鮮又非可語於今日也某倡義破家以來恨才力謏

薄不能滅虜恢明所仗殿下發憤爲雄俾日月幽而復明山河毀而復完某得全髮歸里於願足矣乃殿下挾有爲之資值可爲之勢而所爲若此則某將何所依倚故不敢緘口結舌坐觀勝敗然詞多激切冒觸威嚴罔知忌諱罪實難追願殿下俯垂鑒察有利於國雖死亦無所恨謹啟

上行在陳南北機宜疏 辛丑

奏爲胡運已終王師宜奮謹陳南北機宜伏望刻期親征以伸國威以鼓士氣事竊臣本書生遭逢多難自經

張蒼集 卷五

二十四明叢書 約園刊本

倡義十有六年雖棲山橫海備嘗艱苦而恢興未奏但覺有罪之當誅實無功之足錄蒙主上綸綽頻頒節鉞謬寄臣感極生慚憤極思奮故於己亥五月追隨延平王臣成功直擣長江仰仗威靈瓜鎮克捷臣分道疾趨孤軍深入半月之內遂蕩定徽寧池太四郡兼下和陽漸收廬鳳屬邑竊謂迎鑾有期奠鼎匪遠不意延平王金陵挫衄倉猝班師臣之孤軍竟陷重地臣念上游父老夾道遮留奮不顧身沈舟破釜與虜轉戰兩旬終以援絕勢孤遂至潰敗臣突圍間行始得完節而返復蒙

主上遣監臣劉之清齋到嵩敕一道時臣方收燼于浙而使臣又停棹于閩未獲具疏陳謝至今悚仄嗣聞虜氛流突行京不審六飛今駐何地但稽之天意參以民心漢阨當興勢過時可順首天折孤雛蒙位足知中興有象臣日夕圖維自恨力綿不能長驅迅掃幸而舊部盡歸新軍漸集山東河南以及兩淮三吳義勇無不遠通期約摩厲以需在延平王亦更加選練謀定而戰則桑榆之收當亦未晚第兵有犄角則敵勢始分使敵若潰難則兵威始振況數年之間遠邇聽聞久不知天南

張蒼集 卷五

二十四明叢書 約園刊本

確信恐報韓之念倏衰思漢之情旋冷則事機得失關係非輕伏乞主上親統六師出臨滇蜀仍敕諸王公分道大舉先遣信使星馳宣諭直省俾天下曉然知報仇雪恥之義將見忠臣義士必且雲合景從矣臣雖駑鈍亦當枕戈以待捲甲而趨斷不敢逡巡卻顧以負國恩茲以職方郎中臣吳鉏不憚萬里間關願得陞陳恢復大計特具疏附奏曷勝翹企感泣

祭定西侯張侯服文 辛丑

於乎我兄墓草已宿矣墓木已拱矣回念乙未之冬棄

捐資客距今僅七載耳其間廢興存亡之感月異而歲不同如我兄既歸三尺土而尙不能保百年墳致有發冢開棺之變余聞之痛何可言哉幸我師入定毀逆民之廬屠逆民之族英魂其亦可稍慰獨余以飄零患難之身入閩入吳浮江海數年間屢蹶屢奮徒深挂劍之懷每阻豕雞之願空山寂寥知兄當慨然而悲矣茲憑仗靈爽駐師林門苦以軍滯未遑瞻掃高塋特備椒漿遣員代侑於乎翁洲孤島今存荒壤丁鶴歸來徒有華表耳能不痛哉

張蒼水集 卷五

三五 四明叢書 約園刊本

答曹雲霖監軍書 壬寅

徐兄來接有手教想徐兄掛帆時敝差官尙未到臺城故社翁不審北方消息耳然敝差官去後浙事又一變及徐兄至弟已移師寄寓沙關矣種種虜情已具在前日報文內不必更贅獨是僞令遷徙沿海居民百萬生靈盡入湯火中洶洶思動惜無一勁旅爲之號召以致顛連莫告我輩坐視其荼毒而不能救真愧殺也弟栖遲沙關幾三月矣金盡粟空誰能爲景升仲謀者只得仍圖北返兩番鼓棹又以石尤留滯今春風至矣決計

回浙亦且晚間事弟非不知兵力單極況二阮一陳俱徘徊閩境則弟聲勢更孤然弟之區區以爲寧進寸母退尺寧玉碎毋瓦全其素志然也但不知果能自存否近有小詠云虬髯空擬浮家去雁足虛傳屬國還又云平原一旅真孤掌可有天戈靈武間感慨係之矣弟中夜自念一片孤忠是天地間一男子而時勢交迫終不克一昂首伸眉夫亦命也已竊意延平王爲千古第一流人欲爲千古第一等事又何忍使同仇陷危而不策應耶閩海遷徙十已八九將來南北魚雁必愈闕疏握手之期杳未可料幸社翁努力努力倘張生或以鬪死或饑餓而死社翁能不一爲表揚否耶徐兄適會弟於阮塗勿克稍爲分潤何梁伯鸞偏遇范萊蕪乎一笑

張蒼水集 卷五

三五 四明叢書 約園刊本

曹雲霖詩集序 壬寅

甚矣哉懽愉之詞難工而愁苦之音易好也蓋詩言志懽愉則其情散越散越則思致不能深入愁苦則其情沈著沈著則舒韻發聲動與天會故曰詩以窮而益工夫亦其境然也余自丙戌夏浮海抵昌國未幾曹子雲霖從雲間來葛衣芒屨不問而知其爲晉處士宋逋臣

也蓋雲霖先從本徹荆先生倡義來海上荆先生死於兵雲霖遂還吳及由吳復入越黃侯虎癡以國士遇之遂盡護諸軍爾時張侯侯服與黃侯同據守昌國余亦奉命持節護張侯軍與雲霖旌相項背然未深知雲霖也顧余性劇鈍於軍中一切不問而雲霖籌兵策餉無寧晷問嘗進三泖號召事蹶始還坐是竟未暇索雲霖所為詩歌而讀之計雲霖軍需勞午當未遑制作即有所作亦不過如建安從軍諸什雖懽愉未必工也戊子之秋余入山寨踪跡與雲霖稍疏踰年黃侯以部曲

張蒼水集 卷五

二五四明叢書

約園刊本

生亂齋志僵死余在山中聞之驚惋累月雲霖此時將為臧洪乎抑為豫讓乎潛鱗敢羽幸舟逢鄂君而寶車同廣柳遵海而南偶陷虜穴至幽囚憂思萬死而得一生其愁苦可知矣歲在壬辰余避地鷺左雲霖儼然在焉歎然道故余時欒欒棘人耳故不輕有贈答而雲霖囊中草多感時歎逝亦不肯輕以示人工不工余何由知之迄癸巳春余附樓船北歸雲霖留閩踪跡又相遠既而聞其自閩次楚圖入覲行在道梗不得前復自吳至聞風塵蕭瑟孤身愁苦雲霖固備嘗之矣適昌國再

陷余舟過三山復與雲霖相勞苦而張侯墓草已宿矣雲霖與余論國事之廢興悲人風之存沒感動心脾稍出舊什新篇相示余既歎其工而未始不哀其節苦而神悲也年來雲霖膺帝眷秩中丞或佐雄師入江或從名藩汎海山河之感切中湖海之勝娛外累牘連篇無非騷雅余方聚旅北道與雲霖踪跡離合恆相半雲霖每以新製見寄輒作十日喜復作十日愁是何其思深入其情沈著也工固至此哉觀止矣然後知愁苦之音果勝於懽愉之詞也茲雲霖將削稿以付劖劂氏貽書問序於余余謂余非知詩者即雲霖亦寧待以詩傳惟是雲霖之境遇余與雲霖之交游不可不借詩以序次其大概耳若夫太白之詩而仙少陵之詩而聖以及沈宋沈鬱王孟悲涼擬之雲霖或同或異則余同年徐闇公必有定論矣

張蒼水集 卷五

二五四明叢書

約園刊本

祭山神文 王寅

竊聞盛德在御而四靈可畜至誠所格則百獸皆馴余自倡義以來思挈山河而還帝室揭日月而返重明神之聽之亦既有年迨從閩嶠回師駐節茲土神所憑依

將是在是矣乃疇昔之夜忽有猛獸傷我畜牧是胡爲乎  
來哉昔者空山寂寥猙獰之輩張牙舞爪得借此爲逋  
逃藪余今芟舍於此計當滅跡潛踪矣而猶然不戢是  
亡等也聞毛蟲之長制命山靈神職在彈壓而使若輩  
暮夜縱橫將典守之謂何或以余老在島上未及薦馨  
聊遣山君以儆匱祀則神亦饜饕者流又何正直之足  
云夫五岳視三公等而下之封內名山各有分限余奉  
天子之命開府東南論階辨秩山神應受節制用是遣  
官傳飭神其速顯威靈非我族類卽遣之境外或其惡  
貫滿盈不妨自斃山中倘挾彼負嵎之技仍肆伏莽之  
奸余當焚其林掃其穴惡獸斯盡神亦震驚令在必行  
神其毋忽

奇零草序 壬寅五月

余自舞象輒好爲詩歌先大夫慮廢經史每以爲戒遂  
輟筆不談然猶時時竊爲之及登第後與四方賢豪交  
益廣往來贈答歲久成篋會國難頻仍余倡大義於江  
東敍甲敵于凡從前雕蟲之技散亡畧盡矣于是出籌  
軍旅入典制誥尙得於餘閒吟詠性情及胡馬渡江而

張葦水集 卷五

三六四明叢書  
約園刊本

長篇短什與疏草代言一切皆付之兵燹中是誠筆墨  
之不幸也余於丙戌始浮海經今十有七年矣其間憂  
國思家悲窮憫亂無時無事不足以響動心脾或提槩  
北伐慷慨長歌或避虜南征寂寥低唱卽當風雨飄搖  
波濤震盪愈能令孤臣戀主游子懷親豈曰亡國之音  
庶幾哀世之意乃丁亥春舟覆於江而丙戌所作亡矣  
戊子秋移節於山而丁亥所作亡矣庚寅夏率旅復入  
于海而戊子己丑所作又亡矣然殘編斷簡什存三四  
迨辛卯昌國陷而笥中草竟靡有孑遺何筆墨不幸一  
至于此哉嗣是綴輯新舊篇章稍稍成帙丙申昌國再  
陷而亡什之三戊戌又覆舟于羊山而亡什之七己亥  
長江之役同仇兵燹余以間行得歸凡留供覆瓿者盡  
同石頭書郵始知文字亦有陽九之厄也年來歎天步  
之未夷慮河清之難俟思借聲詩以代年譜遂索友朋  
所錄寶從所鈔次第之而余性頗強記又憶其可憶者  
載諸楮端共得若干首不過如全鼎一鑿耳獨從前樂  
府歌行不可復攷故所訂幾若廣陵散嗟乎國破家亡  
余謬膺節鉞旣不能討賊復仇豈欲以有韻之詞求知

張葦水集 卷五

三七四明叢書  
約園刊本

于後世哉但少陵當天寶之亂流離蜀道不廢風騷後世至名爲詩史陶靖節躬丁晉亂解組歸來著書必題義熙宋室旣亡鄭所南尚以鐵匣投史督井中至三百年而後出夫亦其志可哀其精誠可念也已然則何以名奇零草是帙零落凋亡已非全豹譬猶兵家握奇之餘亦云余行間之作也永曆十六年歲在壬寅端陽後五日張煌言自識

祭四叔父文 壬寅

於乎叔父其死獄中矣其得疾而隕耶抑感憤引決耶

張蒼水集 卷五

三九四明叢書 約園刊本

姪自丁國難倡義辭家迄今十有七載吾父見背路隔華夷奔喪無所至今抱恨終天嗣是門衰祚薄猶幸叔父支持歲時伏臘祖宗血食不絕如綫今則已矣春仲姪提師北還始知叔父於正月下澣被虜拘執業赴省獄矣姪聞之痛心疾首計叔父篤老南冠泥首形影龍鍾其能久乎未幾而訃果聞矣吾弟昌言以虜網四張幸而得脫潛鱗戢羽將母蘆中旣不敢彙饋相救亦不敢含斂躬親故叔父易簀之期竟不可聞而訃音亦得之友朋之書及六月三日弟來始知叔父以四月十三

日捐館方敢爲位而哭叔父年已垂老因姪抗節遂以瘐死是叔父因姪而亡姪寧不痛心乎古來教子弟者動以忠義爲訓豈意忠義可爲而不可爲耶自古何代無廢興其間必有忠臣義士仗節抗旌思扶王室因以傾家者往往有之若尊行受禍亦不少概見今逆虜棄天經斃人倫株連波累致叔父畢命圍扉姪獨何人寧不肝腸寸裂耶姪自倡義以來屢蹶屢奮幾於嚼雪吞糞卧薪嘗膽虜招之不應購之不克始逮及妻孥故新婦與祺兒錮獄已經十載姪義不返顧自分爲劉琨爲

張蒼水集 卷五

三九四明叢書 約園刊本

卞壺矣何其復貽禍叔父耶前此叔父之得免者虜視姪無甚輕重也及己亥姪入長江連下名城數十虜遂畏姪恨姪且忌姪而誅求不遺餘力卽吾姊與姊丈暨二三故交亦在不免而況叔父耶於乎痛哉叔父雁行有四吾父居長止生姪一人二叔父早亡無嗣三叔父以壽終生從兄弟三人長嘉言次昌言又次德言叔父無所出昌言遂爲承祧然初無家人產今叔父已逝姪與嘉言俱在軍次歸里無期季弟德音尙穉弱恐不任箕裘則高曾之不祀忽諸是姪未能報國先已亡家矣



於乎痛哉近者聞共主蒙塵而姪且重遘家難天道其  
果有知耶其果無知耶豈春秋大義徒虛語耶姪不能  
爲復楚申胥必須爲奔鬲臣靡矣但既無秦庭可哭又  
鮮有鬲可奔恐終當爲伏柱豫生耳於乎歸櫬何時拊  
棺莫望徒有泣血而已於乎痛哉

上監國魯王啟 壬寅七月

右臣某啟爲國難已極天命宜還伏乞早定大計以存  
正統以圖中興事春末閱虜邸鈔知去年十一月緬夷  
內變道虜入緬致我永曆皇帝蒙塵一時扈從宗室官

張蒼水集 卷五

三四明叢書

約園刊本

員無一得免惟吉王自縊以殉而晉藩李定國入海鞏  
昌王白文選亦遁深山臣聞變之日肝腸寸裂猶謂狡  
虜詐傳疑信參半及四月中旬聞宮眷竟從鎮江北轅  
矣思惟我太祖高皇帝聖德神功豈意後王禍等微欽  
辱同懷愍或者剝極而復天意有歸故虜亦厚其毒而  
速之亡也但中華正統豈可久虛只今虜亦以諸夏無  
君徧張偽檄熒惑視聽四顧敷天止海上尙留左袒臣  
以爲延平藩必當速定大計以伸大義亟誓大師以報  
大仇而至今寂寂道路謠傳又有子弄父兵難信之事

臣中夜徬徨竊恐孤島孤軍難以持久況復加以他故  
辟羸尪之夫胸胃轉增雜疾其能久乎只今虜遣僞招  
撫於浙閩廣每省二人以解散海上若不及早經營則  
報韓之士氣漸衰思漢之人情將輟臣惟有致命遂志  
以了生平獨所倦倦者主上羈旅島嶼不獨與閩人休  
戚相關亦且與閩海存亡相倚萬一變生肘腋進無所  
依退無所往有不忍言者矣既恨臣力太綿不敢輕爲  
迎駕復顧臣心獨苦又不敢輒行趨扈計惟在閩勦鎮  
正在危疑之際不若急用收羅之術以爲擁衛之資然

張蒼水集 卷五

三四明叢書

約園刊本

後速正大號俾天下曉然知本朝尙有眞主中國自有  
正統在屯之稱建侯在渙之言享帝正此義也於是傳  
檄省直刻期出師雖強弱懸殊利鈍莫必而聲靈宣布  
響應可期尙皇天未忘明德則興滅繼絕端在至上此  
非欲邀福也免禍亦宜然卽未暇雪恥也圖存亦宜然  
臣今擬上詔書一道伏乞主上密與寧靖王及諸搢紳  
謀之發憤爲雄以慰遐邇臣曷勝激切翹望之至

上監國魯王啟 壬寅八月

右臣某啟八月初八日御史臣陳修奉綸音至臣營臣

焚香開讀知主上薪膽憂危較昔倍甚臣南望倉皇罔  
知所措獨念臣違顏以來忽經十載百折千磨壯心未  
已原非動念勲名特以越國義旅魯邸侍從止臣一人  
尙在軍次雖乖哭庭之志尙圖埽境之功苟良會可乘  
則迎鑾豈遠大命克集則奠祚非難尙以皇上當陽故  
謳歌有缺且以主上養晦則潛躍宜權臣何敢妄思推  
戴以啟猜疑區區之情盟之幽腑何期行闕游染胡氛  
攀髯莫逮而延平藩忽捐賓客秉鉞無人論國勢疑與  
漢益艱察人心幸莫周轉切近來虜中亦喧傳主上親

張蒼水集 卷五

三四明叢書

約園刊本

征北發故臣於七月中具有密啟專官馳奏茲奉異命  
渙頒倍增感奮但臣以孤軍子處荒壤虜艘星列十倍  
於臣而臣又無蟻子之援臣日夜枕戈與死爲鄰亦以  
死自誓若輕爲移陣則風鶴頻驚臣罪難諉尙仍棲渚  
島竊恐號召稍遠復與臣呼應不靈伏乞主上與諸搢  
紳勦鎮熟籌妙策或揚帆海上或保據沙關結納忠義  
聯合勦爵俟羽翼旣成然後旌旗四出仍乞斂鐔韜光  
以絕敵人窺伺臣亦得趨覲睿顏稍將芹曝也猶有慮  
者尙魏絳之策得行則華戎錯雜尤宜戒備不虞主上

必得勁旅數千巨艦近百常相擁衛方爲萬全鷲門牙  
蘇纍纍相望就中豈無耿弁其人伏乞主上并覽前疏  
深思臣言臣愚幸甚爲此具啟附奏不勝踴躍翹企之  
至

上監國魯王啟 王寅

右臣某啟八月十五日御史臣陳修返命曾具疏附奏  
以去冬緬甸之變君亡臣死天下已無復有明室矣止  
海上猶存一綫而主上尙在潛龍真乃天留碩果自當  
誓師討賊以維繫人心以嗣續正統昔莽移漢鼎光武

張蒼水集 卷五

三四明叢書

約園刊本

興師丕廢山陽昭烈踐祚懷愍北狩晉元稱制徵欽蒙  
塵宋高繼立以視今日誰曰不然願島上勦貴罔識春  
秋大義而臣實兵微將寡金乏糧窮孤掌難鳴旣見宗  
國之亡而不能救猶幸舊主之存而不能扶所以中夜  
椎心淚盡而繼以血也尙望諸搢紳或能旋乾轉坤臣  
已在秣厲以候但得南國首爲推戴臣敢弗協力扈從  
伏惟主上潛算雄圖以凝景命茲恭進膳銀特具本差  
官齎獻臣不勝激切悚惶之至

張蒼水集卷五

張蒼水集卷六

明鄭張煌言玄著撰 同縣後學張壽鏞編次

外編一 壽鏞案先生之詩既入奇零草采 薇吟矣日外編者二集外之編也

招趙友飲禪院

清酒今朝買百壺擬邀佳客醉屠蘇玉山倒處人爭看  
可有連城一壁無

七夕前十日贈少年合登二首

玉澗檀暈自生妍綠幘青鞵正少年恰是雙星銀漢渡  
風流卻占一旬前

張蒼水集卷六

一四明叢書 約園刊本

蘭湯浴罷不勝衣一曲菱歌百兩歸自是合歡憐子夜  
玉山對倚照羅幃

寄紀侍御喪文二首

憶昔同堂勉聖賢正當國難慨滄田桃源有路君知避  
博浪無椎我欲顛臥雪中堅晚節揚波海上怒衝天  
赤松游在安劉後郭李功名史並傳

識得深山可避秦豈容高蹈樂天真夏興猶賴臣靡力  
楚復還憑包胥身應念同仇多死友休言有母不售人  
陸沈誰向中流砥天闕招尋鍊石神

海上二首

仗劍浮身幾度秋關河徧誓客孤舟一尊酒盡千山曉  
七字詩成華谷謳浩氣填胸星月冷壯懷裂髮鬼神愁  
龍池一日風雲會漢代衣冠舊是劉

屈指蒙塵近十秋每懷若作濟川舟公卿寧憶朝元暮  
士庶空餘思漢謳報越有君誰共難椎秦無力獨勝愁  
螭龍豈是池中物文叔當年自謂劉

闕題

青山疊疊晚烟迷幾點疏燐斷澗西夜雨寂寥山鬼泣  
春風無主鷓鴣啼酒鑪如故生荆棘畫棟淒涼落燕泥  
開謝桃花誰過問萋萋芳草牧羣歸

感懷步扇頭韻

誰復高樓醉月筵到來天半落青霞葡萄宛馬風塵暗  
蘆荻驚鴻雪影斜山寺磬中吟桂子江城笛裏賦梅花  
可憐燕趙多游俠不及投金一浣紗

湖心亭書壁

風吹野火火不滅老鴉夜啼山鬼泣菰蒲秋晚閩汀洲  
斷樹殘枝不堪折蘇公隄上衰草黃愁雲慘淡鎖垂楊

家家夜雨鳴砧杵處處秋聲欲斷腸空有好花簪不得  
萬條弱柳垂金色紅塵埋殺合歡枝春風自解同心結  
翡翠堂前明玉璫佳人雲散泣蓮芳至今惟有湖心月  
猶自娟娟上粉牆

顯甥奔至

王寅 壽鏞案據高本註柳  
堂曰顯甥即傅蓉鏡小字

初聞購孺子何幸脫蘆中執手哀吾姊囊頭並若翁死  
生盡一別忠孝已雙窮淒絕青山外鵲啼血倍紅

聞家難有慟四首

王寅

仇國言終驗衰門祚亦危痛心惟骨肉毫及受參夷白

張彙集

卷六

三四明叢書  
約園刊本

首青楓暗黃腸廣柳遲百端交集處能不碎心脾

家破原因我何堪玉並焚亢宗空有子函夏已無君左

衽興亡決南冠生死分拊棺猶未得揮淚結玄纒

孤竹行吟後家無四壁存更聞宗欲墜不但族先燔

躋孤臣節踰賒孝子魂願爲雙白鶴飛去叩天闈

淫威何太甚原外鵲鴿鳴空擬班昭疏甘成聶政名肝

埋有處士腸斷是零丁遙識江胥路霜飛獨滿城

得故人書至自臺灣二首

王寅

炎州東望伏波船海燕銜來五色箋聞有象耘芝朮地

愁無雁渡荻蘆天息機可是通臣意棄杖誰應夸父憐  
只恐幼安肥遯老藜牀阜帽亦徒然

杞憂天墜屬誰支九鼎如何繫一絲鰲柱斷來新氣象

蜃樓留得漢威儀故人尙感襄裳夢老我難忘伏櫪詩

寄語避秦鳥上客衣冠黃綺總堪疑

驚聞行在之變正值虜庭逮余親屬痛念家國心

何能已

王寅

自分孤臣九死應國仇家難轉相仍埋名恨不同梅尉

誓旅知非擬駱丞芳草王孫歸莫望蒼梧帝子去無憑

張彙集

卷六

四四明叢書  
約園刊本

枕戈此日將何待仰視浮雲一撫膺

悲憤二首

王寅

越裳行闕復爲烽痛哭敷天左袒空結約更無燕太子

匡扶那得寶周公祚移雲夢誰收燼勢屈微盧亦伏戎

豈是十旬還帝醉故教三日借神叢

漢家磐石重天宗奕葉金枝並翦桐入塞烏孫騎射日

開基赤帝冷歌風虛傳馬渡江臯外尙憶龍潛海嶠中

卻望絳衣愁不見春陵夜夜氣成虹

傳聞閩島近事

王寅

南荒烟嶂百蠻天別有山川紀漢年仗鉞每勞紆鎖鑰  
降旛何事閃樓船似聞徐偃軍皆散豈憶田橫客未捐  
四海總憑孤劍在紫霓應傍斗牛躔

感懷兼悼延平王 壬寅

擬將威斗卻居延捧罷珠盤事渺然龍鬬幾人開貝闕  
鶴歸何處問芝田引弓候月爭相賀掛劍寒雲轉自憐  
想到赤符重耀日九原還起聽鈞天

海月 壬寅

海嶠看明月蒼茫練影多不知鄉國夜皓魄復如何

張集卷六 五四明叢書 約園刊本

夜泛 壬寅

秋雲何淡淡影入夜波清倒作銀河看依然星斗橫

重陽偶成 壬寅

九日素秋晴霜容淡倍明香孤知菊傲寒逼覺衣輕蕭  
瑟茱萸佩躊躇鴻雁聲不愁吹帽落華髮故多情

甌行志慨三首 壬寅

甌水秋堪掬頻來五兩輕豈知魏勝壘欲化李陵城苦  
口吾同澤甘心彼喪名張陳千古恨誰更負今盟  
不信炎靈斷遺留七尺身吹笳悲自壯擊筑和誰親故

主呼迎苜遺民泣避秦所愁惟甲脆徒倚倚清巾  
行矣河梁別翻爲送隴西胡天應誤雁漢地孰亡羝冰  
雪危孤膽風雲怯四蹄玉關雖咫尺敢復望芝泥

野人餉菊有感四首 壬寅

戰罷秋風笑物華野人偏自獻黃花已看鐵骨經霜老  
莫遣金心帶雨斜  
柴桑杯酒寄東籬種菊書成在義熙今日風光如昨否  
殷勤且自把花枝

張集卷六 六四明叢書 約園刊本

幾人插得滿頭歸

天寒萬木盡悲秋誰殷羣芳闕未休寄與黃花應努力

須知搖落有黃州

舟行立冬 壬寅

寒暄原物候忽忽且揚舲歲月偏如鶻乾坤總似萍江  
聲浮碧落海氣混玄冥笑問銀河上曾無犯客星

舟行望野燻 壬寅

朔氣偏蕭瑟千山落木聲征帆殘燒外隱隱見孤城

讀史二首 壬寅

秦鹿橫飛六國殘，狐鳴篝火亦登壇。留侯若也歸強楚，更有何人解報韓。

清秋蕭瑟井梧寒，在莒齊襄淚未乾。七十二城猶在望，卻無舉火是田單。

和秦淮難女宋蕙湘旅壁韻 壬寅

獵火橫江鐵騎催，六朝鎖鑰一時開。玉顏空作琵琶怨，誰教明妃出塞來。

有所思二首 癸卯

堯封禹貢幾滄桑，海外何當有大荒。銜燭地惟留野鹿，

張葦水集卷六

七 四明叢書 約園刊本

採香人亦類文狼，空將漢法頒司隸。獨少周原紀職方，

寄語居夷諸將帥，秋風萬里待歸航。

天星歲歲在餘皇，一去延津劍渺茫。最誤文皮包甲冑，

漫誇卉服奉冠裳。望鄉臺上分羹冷，建業城邊遺鏃黃。

閩嶠祇今皆蔓草，不知三矢有誰囊。

憶菊限屏字

秋酣寒骨自亭亭，借問東籬夜醉醒。不為嚴威憐晚節，

正因雨色憶孤馨。全開丹面嬌堪摘，半吐金心淡欲零。

想像高人清影瘦，黃鞋道服倚圍屏。

復趙督臺二首 癸卯

不堪百折弔孤臣，四望蒼茫九死身。難挽龍髯空問鼎，獨留燐臂強當輪。謀同曹社非無鬼，哭罷秦庭那有人。可是天方從閏位，黃雲白草未生春。

擲揄一旅尙圖存，吞炭吞氈可共論。敢望臣靡興夏祀，

祇憑帝鑿答商孫。衣冠猶帶雲霞色，旌旆長懸日月痕。

贏得孤軍同碩果，也留正氣在乾坤。

壽鏞謹案復趙督臺一作答趙廷臣廷臣降北者先生何以有此詩意者冀其感悟乎

甲辰元旦

張葦水集卷六

八 四明叢書 約園刊本

江花島樹影參差，海日晴開萬象時。正朔應非堯甲子，

孤軍猶是漢威儀。真人白水何年事故老，青山幾處詩

雲物禳祥誰定得，且憑玉曆辨華夷。

虜庭以余倡義既久，屢復名城遂逮及族屬，且開

告密之門，波及親朋，擄掠備至，聞之泫然。甲辰

宗國既飄搖，家門遂顛覆，感此多難，心欲泣不成，哭我

生實數奇，乾坤方百六，契驗滿中原，赤靈社已屋，逋臣

骨可糜，豈敢惜孳戮，所悲諸父行班白，櫻三木女兒與

所天株連，遭萃枯幸，或作流人，否恐登鬼錄，穉子竟何

辜十載尙淹獄此離有寡妻墨幪兼緇幘國亡家亦亡  
我固甘湛族邇聞告密風舊游復被錄白虹慘欲垂黃  
金貧莫贖天地豈不寬誰念忠之屬唯應千秋名芬芳  
追王蠋灑涕慰親朋安知此非福

月夜重登普陀山二首 甲辰

孤情深一往初夜捫雲峰古色空山樹玄音暮海鐘衣  
痕盛月淡香蹟踏花重漸覺浮生冗何勞來去蹤  
海岸眞孤絕青青三兩峰月圓清梵塔潮上翠微鐘鶴  
夢來何處龍吟隔幾重迎門有鎚火僧話舊時蹤

張蒼水集

卷六

九四明叢書

約園刊本

張蒼水集卷六

張蒼水集卷七

明鄞張煌言玄箸撰 同縣後學張壽鏞編次

外編二 壽鏞案先生之文既入冰槎集矣曰外編者冰槎集外之編也

自用研銘

投鼠支牀幾經磨劫堅貞不渝何嫌破裂託我知音長  
此昕夕

壽鏞謹案定海曹義吧偉皆得先生遺研於長安寺左有銘二十四字隸書旁蒼水二字正書

李陵論 刺叛臣洪承疇

世以李陵報蘇子卿書出自史遷之筆蓋遷欲掩其保

張蒼水集

卷七

一四明叢書

約園刊本

舉之矢而所云欲得當以報漢者陵則無有也余謂不  
然余觀其河梁諸什未始不歎其風波之失所而瀏漓  
感慨無一懟漢之辭是亦豈遷所僞製耶就陵當日之  
事言之方陵之出塞也初非疆場不靖而亭障不守也  
漢武特欲示威四夷故窮續其兵千里而趨利陵不過  
偏裨提不滿五千步卒深入荒漠殺傷相當而又鮮伏  
飛貳師爲之後勁其勢固已危矣迨矢盡力折而後降  
其志亦可哀矣夫陵之罪在不能死耳與棄師辱國者  
稍有閒與事仇噬主者更有閒矣而漢連坐之不少貸

則安望陵之能為朱序哉設令漢武聞陵之敗臨軒而歎側席而思為之卹其母撫其孥或誤傳陵已死事更為招魂以祭馳典以贈之陵雖犬豕當亦愧悔自裁矣敢忘漢恩德哉夫何功罪不明陵卒以族無怪乎論者之謂漢少恩也倘陵而心懷逆節氣結重誅或教匈奴以盜邊或引華人以助虐不特子卿故節難留雪嘗而匈奴控弦十萬直可長驅中土豈僅僅烽達甘泉而已哉然陵於子卿之歸國纏綿反覆贈之以詩而曰陵之罪上通於天其亦可哀也已夫陵當漢時起偏裨提孤

張蒼水集卷七

二 四明叢書 約園刊本

軍出遠塞戰敗而降族屬輒蒙顯戮當時士大夫無一言為之辯解惟司馬遷稍稍言之而亦下蠶室此足以見國憲之有常而軍律之不可追也向使陵荷節鉞之重會匈奴鴟張玉門淪陷漢家掃境內甲兵以託陵不幸而被圍遂倒戈解甲屈膝偽庭則其罪何等也又使陵受賜恤之殊恩冒祭賻之異數而乘潢池弄兵反戈相向覆漢之宗社毀漢之衣冠甚至牽犬羊以芟薙漢之子孫黎民則其罪更居何等也由此觀之陵之罪不當未滅而平反之也哉雖然刑者劍也成而不變故君

子用心焉春秋之義美召陵城濮者深內夏外夷之防也恕仲遂季友者甚亂臣賊子之罪也明乎此則知余之所以論李陵矣

張子房報韓論 刺叛臣吳三桂

自古稱子房始終為韓先儒論之詳矣今世事偽庭者多借此為口實以建酋固嘗驅賊遂以沛公亡秦子房事漢為擬噫何其不猶之甚也夫子房在韓未嘗通籍也特以五世相韓散金結客於時六國已無餘燼矣博浪一椎不過抒其憤鬱無聊之氣豈謂其必能碎祖龍

張蒼水集卷七

三 四明叢書 約園刊本

之車哉藉令偶中而扶蘇尚在蒙恬輩皆宿將咸陽之火固未可覬覦也迨副車誤擊下邳潛游子房智勇亦幾交困然而鎬池壁返羣雄共起亡秦子房更出而將兵略地與沛公遇于留以兵屬焉韓尚未有王也迨沛公至薛與項梁共立楚懷王子房求得韓諸公子而曰橫陽君成賢說梁立之子房遂以梁司徒徇韓地其從漢入關懷王命也夫亡韓者秦也亡秦者楚與漢也子房仇秦則欲亡秦欲亡秦則必德亡秦者若是乎子房德楚則宜事楚德漢則宜事漢何必韓公子又何必韓



司徒乎且韓之成不過諸公子非真當立者而子房卒相之欲借之國嗟乎斯其所以報韓也且羽留韓王彭城勿遣而韓司徒不得不徘徊以觀其變觀史載漢王歸國子房送南鄭辭歸勸以燒截棧道此時雖爲畫策尙未委贄也未幾楚竟廢殺韓王子房間行歸漢於是不得不以仇秦者仇楚既仇楚不得不借漢以滅楚然子房終不欲用於漢乃擇留以自謝辟穀以自詭焉然則楚不留韓王子房固不爲楚用楚不殺韓王子房安肯爲漢用耶或者曰子房嘗阻漢立六國後矣爲韓者

張蒼水集 卷七

四四明叢書 約園刊本

固如是耶抑知漢王還定三秦已無公子成矣使酈生計行而漢益弱漢弱而楚終不得滅懷王孫信又齷齪不足輔而韓仇終不可報子房之爲漢蓋有大不得已於是而間歸焉至於我明則大異於是當闖賊之犯關也烈皇帝身殉社稷所陷沒者不過秦晉燕冀耳非若三韓之盡折入於秦也有子房者必倡大義於天下較沙中狙擊之功相萬也況天潢之在東南者何止一公子成金陵擁立以至閩粵推戴中華正統方與日月爲昭彼中原士大夫者卽不爲太真歸闕而四皓可攀卽不爲

仲連蹈海而兩生可耻獨奈何以衣冠之族爲左衽驅策哉夫建酋固我明屬夷也一舉而踞北都再舉而竊南紀其主蒙塵寧藩化碧而亂臣賊子顧曰彼沛公也亡秦者也我子房也報韓者也則是闖賊得比始皇而沛公實殺韓公子也則是子房當事楚霸王而建酋可稱漢高帝也嗚呼誣子房矣

陳文生未焚草序

祖龍一炬六籍烟飛然博士掌故猶未焚也迨咸陽三月火而經史無餘燼矣乃後世不罪羽而罪政何哉殊

張蒼水集 卷七

五四四明叢書 約園刊本

不知樞不朽流不腐文章一道倘陳陳相因毋寧付之祝融氏之爲快也究之秦皇焚書而書存漢儒窮經而經亡嗚呼是豈焚之罪也哉況乎風雅之林日趨於新而動輒刻畫開寶步趨慶曆譬之寒灰其能復然乎夫焦尾之桐出爨而宮徵始發火浣之布經燄而色澤彌新物固有待焚而成其貴者矣胡陳子文生則又以未焚名篇乎嘻吾知之矣年來烽舉燧燔奚啻秦楚之際幾疑此日乾坤劫火洞燒而文生夷猶其間每遇名勝輒欲焚魚凡經倡和都令焚硯一吟一詠簇簇生新若

鑽燧榆槐遞相遷代非未焚也蓋有不可焚者在焉余因謂文生法言有之火滅修容戒之哉火攻固出下策矣

梅岑山居詩引

從來儒墨分席然詩律可通於禪禪鋒每寄於詩是何以故蓋詩家格律甚精不遜虛空三昧而禪家機鋒相觸原具風雅三摩故禪有魔而詩亦有魔而詩稱聖禪亦稱聖超悟者本無殊趨也芥舟上人以遠公宿根得生公妙解振錫名山玄風晦暖禪悅之餘遂成梅岑新

張蒼水集卷七

六四明叢書

約園刊本

詠騷耶偈耶讀之如坐光明藏矣是使騷人雕風鏤月總似拈花釋子說乘參宗無非夢草提起法幢掀翻騷戲直疑大士現身豈僅老僧饒舌則滿恆河沙皆詩也滿恆河沙皆禪也有聲有聞者當作如是觀無色無相者亦當作如是觀

答毛參謀書

蓋聞赤驥騁衢蹶弛故難御青蠅玷壁磨濯則重晶日者貴督主樓船襄義知雨謀雲不佞縞紵交歡昆金友玉豈惟左提右挈方將北伐南征睠此先鞭自愧同舟

碌碌瞻彼後乘每懷記室翩翩爰聞留後之司遂達師中之吉老謀壯士詎意星隕前營重地孤軍亦幾珠沈滄海迨蘇武生還之日正鄒陽見收之期禍及池魚知欲甘心于往事疑成市虎恨莫緩頰于當塗幸而照起覆盆愈覺悲深掛劍乃琅玕遺賁綺縠遙抒隄華屋之篇益信羊曇於今日拜景升之墓難忘伊籍于當年但叢薄靡蕪豈託搏風之翼而行潦涓滴何煩興雨之鱗若僅油幕從容仍恐鹽車困厄伏希台照曷勝神馳

與林用圭書

張蒼水集卷七

七四明叢書

約園刊本

弟自奉簡書還越雖投閒冷署亦每以馳驅往來矢石間否則化庖制敕坐是失疏候問弟之罪也第憂時冷眼濟世熱腸苟有利於國家有益於桑梓無弗竭蹶以告當事縱未必盡為吾鄉所知總求無愧此衷足矣每想盟翁具大學問大經濟尙爾穩卧東山焉得不令艱難困關所以區區說項者不過仰藉老盟翁一起支柱南天耳接手教慰誨之情泉湧髓發謬及揄揚弟何克承此若夫盟翁鶴舉雞羣弟所素諗而復且抱膝長吟惟占風於白水真人更足羞投關抵壁一流昨見象老

題疏首列尊銜殊增封事之邑但臚敘太繁晝老殊費  
平章再四與弟躊躇如盟翁業擬覆於謁銓時優授京  
秩此弟推轂前私蓋未糾台之先遂有是議然疏列百  
位覆亦不上十人惟由一勦朋兩兄同預此例他不及  
也邵曹之論容再圖之發羽勿次率勒上報不文之謂  
統特鑿在弟名正具左裕

祭平夷侯周九苞文

於乎天荒地老達人每等視於電光琴亡劍化哲士或  
寄慨於星芒然而苑枯者且暮修短者陰陽委形順命

張景集卷七

八四明叢書

約園刊本

夫何用其悲涼獨廢興存亡之感交切於中而不能自  
解者其在公之喪蓋公之勳名如橫海下瀨則英威不  
可謂不張公之壽考幾營平新息則景福不可謂不康  
公之胤嗣如瑤林玉樹則承家不可謂不昌公之部曲  
皆鐵肝石腸則報國不可謂不莊惟是鯨鯢雖盛而中  
原之豺虎尙狂帶礪雖盟而中興之旄鉞誰勦奚不懋  
遺一老以九合一匡而遽騎箕尾以上翔然則慰公者  
以高節稀齡全名完節而所以惜公者未及搏風細柳  
捧日扶桑卽公之當自惜而不能自慰者猶有遜於銅

桂之平蠻金城之平羌鹿鹿如余列公之盟壇亦謬稱  
夫雁行冀公之義旗或庶幾乎鷹揚忽聞舟壑之移不  
禁悽惻而涕滂愧行營之羈阻弗克執紼以趨踰敬遣  
一介陳詞而告奠兮聊寫余心之盡傷倘炎輪之匪遠  
兮尙來格乎椒漿

壽鏞謹案自用研銘至祭平夷侯周九苞文八篇

無年月可稽因列入外編

答延平王世子經書

王寅 壽鏞謹案延平雖卒於五月而此答書高本原註爲癸卯改本爲壬寅然在九月以後無疑也以下文六篇雖爲壬寅作均入外編

張景集卷七

九四明叢書

約園刊本

不肖某以王人之微荷先王殿下客卿之禮圖報未遑  
昨知肇基東土正擬躬執鞭弭稍效馳驅差役南返捧  
執訃音震動魂魄無論國恥家仇尙稽報雪而五侯九  
伯誰爲指揮在不肖空瞻帷帳似失擘幪更不禁淚之  
霑霑下也幸而老世臺不承前業壁壘維新昔禽父在  
喪專征誓眾伯符英銳遂霸江東以視今日豈異入任  
不肖託在同仇待罪軍旅夙仰仲謀之器今聞亞子之  
風自當竭此孤忠報茲舊誼但荒汎孤軍當上游勁敵  
伏望提攜庶聯聲援倘虜情叵測尙圖溯洄南下求一

支於萬厦安插兵眾則奉令承教諒亦匪遙恭聞續緒  
撫軍不勝雀躍緣在大故未敢稱賀統希崇照可任瞻  
依

答閩南縉紳公書 壬寅

候牘久虛疏節殊甚不肖以孤軍扼上游日望天南好  
音以爲聲援昨差員至自思明驚傳延平王殿下遽捐  
賓客私衷怛幸聞伯符英銳已出臨戎元勳舊德同  
心夾輔不但鷺門有磐石之固而長驅迅掃直且暮間  
事又不覺悲喜交集日來浙直老穉喧傳鷺左勳鎮紳

張蒼水集 卷七

十四 明 叢書

約園刊本

衿復奉魯王監國正在疑信間及捧老先生公函諄諄  
以魯國主玉食爲商猶憶壬辰之春不肖同定西侯張  
公扈從南下蒙延平王誼篤瓜瓞慨然安置則不肖輩  
之擔已卸矣今不幸延平王薨逝大喪未畢費繁難支  
卽軍儲尙恐不給何暇言及宗祿旁觀者豈不諒當事  
苦心若不肖梁園舊從敢愛方物之獻但南北相距動  
輒數千里近來賊哨出没孤艇難行安得時時供億再  
四躊躇倘國主能輶光斂跡移寓海山或沙關之間則  
不肖尙可稍將芹曝而浯島亦免窺伺之虞否則鞭長

莫及雖智者亦難爲計矣然我輩所爲何事而致親藩  
流離瑣尾饑餓於我土地非特諸勳公之責亦諸老先  
生之羞也若新府肯敬承先志敦厚天潢哀王孫而進  
食又何煩不肖之片片寸曝哉惟老先生裁察之

復盧牧舟司馬若騰書 壬寅

十餘年來南鱗北羽往來如織每於老祖臺曠焉聞問  
豈其疏節知老祖臺閉門卻掃尋常寒暄不足以塵典  
籤也近聞蒼梧不返炎鼎幾燼而飛熊星隕適與輻湊  
國瘁人亡何能無淚今虜實徧布楚歌焚惑觀聽正恐

張蒼水集 卷七

十二 明 叢書

約園刊本

成紀茂陵今亦不可復得自非乃心王室以申大義卽  
號召必且不靈未審尙有竇周公在否某才非鎖鑰勢  
單援絕孤危特甚倘老祖臺肯執耳齊盟則元老臨戎  
軍勢克振况并州士女誰不感切棠陰若糾一旅溯泗  
流而北百里之內牛酒日至天下事尙可爲也祈早商  
同志勿使祖鞭先著幸甚幸甚

答偽部院趙廷臣書 壬寅

台翰儼頒寶深內訟豈僕一片愚忠猶未足以取信於  
天下也執事爲新朝佐命僕爲明室孤臣時地不同志

趨亦異功名富貴既付之浮雲成敗利鈍亦聽之天命  
寧爲文文山決不爲許仲平若爲劉處士何不爲陸丞  
相乎設云桑梓塗炭實爲僕未解兵則僕何難斂師而  
去但未審執事果能保障否耶區區之誠言盡於此間  
使說辭請從茲絕冒復不莊

答偽安撫書 壬寅

不佞明室孤臣也有死無實與執事非有同朝之雅義  
無外交何必復通竿牘但天理民彝及不佞生平不可  
不正告天下故勒書附使者以報竊觀古今來何代無

張蒼集 卷七

十三四明叢書  
約園刊本

廢興其興也天啟其機其廢也人基之謀或興而復廢  
或廢不復興然有志之士尙謂人定可以勝天彼漢厄  
十八年而光武重昌夏亡四十載而少康復祀蓋不特  
覆楚復楚事在俄頃間也即使曆運推移朝市遷改興  
王每每賓禮勝國君臣錄用前朝宗室不但開基忠厚  
卽爲享國長久之符亦將使忠臣義士戴新朝之盛德  
慰故國之悲思且其當鼎革之際軫念瘡痍莫不省刑  
薄賦偃武修文與天下更始所以四海謳歌羣雄歸命  
其間雖有疾風勁草不以盛衰改節不以成敗易心者

無非欲爲萬古留綱常爲兩間存正氣英君察相尙能  
略其跡而原其心感其誠而哀其遇故漢高以之封雍  
齒蜀主以之禮劉巴唐太宗有堯君素之旌我太祖有  
余闕福壽之祠祭其或不忠所事縱歸附獨先必擯斥  
恐後如丁公可誅危素可謫前軌昭然豈好爲顛倒哉  
帝王大度原欲扶名義以培風教故也今則不然夫昔  
日之北庭非本朝之屬國乎建州之甲已忘休屠之恩  
矣遼左之烽胡爲乎北平之旗似同回紇之義矣南牧  
之馬又胡爲乎舊都嗣服正朔相承冠蓋方達乎剡門

張蒼集 卷七

十三四明叢書  
約園刊本

鼓鼙已震乎吳會自是而蠶食東南翦滅之不遺餘力  
凡我天潢雖在遐荒靡勿芟薙夫以高皇帝駿德鴻功  
而使其子孫禍酷微欽祀荒祀宋官人心之不服者一  
也從來更姓改物皆因處置得宜然後人心豫附今不  
過宋室之逋臣而稱爲僞命無非晉家之遺老而被以  
惡名甚至一人抗節而逮及一家一姓守義而株連他  
姓遂使抱慙懷忠不忍逃避卽欲埋名變姓亦恥趨風  
而喪師辱國者率秩以三公嚮主求榮者反爵以五等  
是以不忠不義令也開國規模固如是乎宜人心之不

服者二也邇來清人初無招攜懷遠之誠止有納叛招  
亡之術或使同輩操戈或令下人棄甲此豈足以訓型  
天下而奸詐之徒以為仕宦捷徑往往私鑄印符偽刊  
牌劄以覬壘斷之功名當事明知其然亦陽為網羅陰  
行羈縻以冒招徠之功績殊不知黃綺衣冠必不輕出  
商山夷齊薇蕨豈肯頓易周粟宜人心之不服者三也  
若以近事而論濱海遺民既苦朝秦而暮楚乃安邊勝  
算惟聞竭澤而焚林俾百萬生靈棄田園毀廬舍捐墳  
墓而又不知所以安插之蜚鴻滿道碩鼠興嗟將以為

張蒼水集 卷七

十四四明叢書

約園刊本

清野耶而野未必清將以為堅壁耶而壁未必堅豈我  
旌旄甲盾果繇蜀道遷人耶抑彼網罟益牢亦是新豐  
鉅族乎名為息黥補劓實則救燎助薪宜人心之不服  
者四也它若征求無藝殺戮非辜選將遷官先論賄賂  
登賢黷俊亦藉苞苴償帥掩敗以飾功驕兵宣淫而肆  
虐兼之毀裂冠裳崩壞禮樂蓋不待智者而知胡運之  
不長矣如謂此日域中幅帙盡入版圖華夷庶幾一統  
獨不見強秦方啟霸圖何竟亡於二世暴隋既成王業  
亦遂失於再傳况賴宗廟社稷之靈吾國已自有君行

當迎楚昭於雲夢奉齊襄於莒城又何煩執事之恫疑  
虛喝故至於不佞本末固可得而言矣不佞夙承先學  
謬獵時名自遭國難輒棄家園始聲大義於江東既抱  
孤忠於海曲自分戴髮含齒之倫幸南服尚同左袒倘  
蒙踐土食毛之誼於北朝原等風牛矧豫讓漆身其妻  
不識張良破產惟敵是求而有司不察籍我田宅矣未  
幾囚我妻孥矣用是依牆乞援淚盡申胥啟治鑄兵誓  
深祖逖然志匡王室豈恃兵威念切神州尤愴民瘼如  
長江之役樵蘇不驚市肆靡易凡搢紳之家韜鈴之族

張蒼水集 卷七

十五四明叢書

約園刊本

效力清人者概無誅求以示寬厚諒執事之所聞也及  
同仇挫衄不佞遂間道言還彼時豈不能提數千勁卒  
以震蕩中原據數十名城以號召天下正慮鋒鏑橫及  
無辜是以旌旗不妨左次何意泰運將開屯期尚篤枕  
戈待旦又歷歲時但三戶亡秦讖緯已兆一成祀夏曆  
數可徵不佞方以孤臣卓帽待真主黃衣安所事解甲  
投戈俯首屈膝者哉即或赤符未歸暫作隆中之卧黃  
石已遇猶為圯上之遊則為龍為蛇不佞進退固有餘  
裕矣雖然不佞之所以百折不回者上則欲匡扶宗社

下則欲保捍桑梓因國事之靡寧致民生之愈蹙十餘  
年來浙閩諸郡芻蕘糴之供樓櫓舟航之費可謂百  
孔千瘡敲骨吸髓而曾不得鋒銷燧息波靜潮平執事  
亦可惕然矣尙復重之遷徙貽以流離哀我人斯汔可  
勞止今執事既銜命而來以保境息民爲意莫若盡復  
海濱之民卽以海濱之賦畀我海上之師在清人旣能  
開誠布公捐棄地以收人心在海上亦何惜講信修睦  
且休兵以待天命不佞與執事輩從容羊陸之交往來  
僑胥之好旣省整堡守望之戍更免舟楫營繕之需藉

張蒼水集卷七

十六四明叢書

約園刊本

我外兵以備他盜因而煎熬則鹽鹵可行矣因而采捕  
則魚鮮可給矣因而貿遷則商賈可通矣匪直暫解兵  
爭抑且稍甦民困是珠厓雖棄休息宜然朝鮮自存艱  
貞斯在特恐執事畏耳畏則無成也又恐執事疑耳疑  
則亦無成也不佞何心必欲重困此一方民耶則請與  
執事約但使殘黎朝還故里則不佞卽當夕掛高帆十  
洲三島莫非生聚教訓之區嘗膽卧薪別有扶危定傾  
之計恐臣靡尙在天意未忘禹功諸葛猶存正統終歸  
漢胄惟執事實圖之

答唐枚臣書 壬寅

某生也晚不及見盛明典型始策名而輒遭國難故署  
名削牘之儀益爲闕焉然自垂髫遙企岱斗久矣倡義  
以來南北各天遂弗獲親奉光塵茲捧雲翰驚與媿俱  
孔北海亦知世間有劉備耶獨計某一書生耳朽戈鈍  
甲與虜相持者十有七年濫膺節鉞之寄尺土未恢徒  
然傾家沈族誠天地間罪人而老先生顧以孤忠見許  
得毋愛瘦嗜茄之癖乎所幸垂翅之餘舊部復集兼僞  
庭奪魄胡雛蒙襲正可乘時奮袂奈兵單援寡惟有枕  
戈泣血而已大刻諸體並繅鐘呂而樂府直追漢魏以  
上奉教之下眞足移情佩服溯回杖履展謁難期專員  
肅候愧乏侑緘不備不莊統希鑒在

送馮生歸天台序

癸卯

夫髮者血之餘也於人身宜若駢枝贅瘤然然而無髮  
吾未見其爲完人也所以羽毛鱗介總成異類而戴髮  
含齒則獨鍾於保靈譬如百辰麗天萬卉附地蒼蒼莽  
莽振古如茲已則夫髮者亦人身之百辰萬卉也是故  
古今來元公以握髮稱名卿以濡髮著高士以散髮爲

張蒼水集卷七

十七四明叢書

約園刊本

放達逋臣以晞髮爲艱貞卽使箕子佯狂滿頭霜雪左徒顛頽雙鬢風塵未始不以髮短心長睥睨千載將人以髮重乎髮以人重乎以是知凡有血氣者有髮則形骸非幻無髮則鬚眉不揚蓋有老而禿者矣未聞有童而禿者也惟魑魅之鄉龍蛇之族始號窮髮之地故斷髮者蠻俗也祝髮者胡教也辮髮者夷風也華戎所分莫不於髮取辨焉今則敷天魁結率土髡鉗獨山阿海湄猶然櫛風沐雨與鱗介爭此冠裳乃赤城馮生則謂與其被髮而祭野毋寧披髮而入山含華隱曜殆將十

張東集 卷七

十八四明叢書

約園刊本

九年一日渡海來謁余衣冠甚偉鬢髮如漆儼然桃源中人也且出舊製數篇相示其採芝之曲歟其採薇之歌歟蓋不待卒讀而髮已上指矣余因以馮生之髮較蘇卿之節則十九年畫粥斷齋固無愧於吞檀啣雪也異日明天子出而詢茲黃髮馮生雖顛毛種種乎而對鏡彈冠卽一髮千鈞矣

祭監國魯王表文 癸卯

伏以龍逝橋陵璫珩結攀髯之痛麟游闕里桐珪含解紋之悲況欲執羈勒而無從祇覺納筦鑰之莫逮魂銷

閭嶠淚灑越臺欽惟我主上位膺乾四德備成三青社雲從蔚矣東藩佳氣赤城霞起巍然南紀靈光屬以國難頻仍遂爾義師首倡栖秦侯之甲盾豈僅虎賁三千建梁孝之旌旗共仰龍飛九五而志梟逆虜故功高讓皇月羽星鋌射江湖而立四極白旄黃鉞橫海嶠而總六師迨浙閩之瘡痍尙圖收燼適滇黔之擁戴是用歸藩風雨飄搖悲五蛇之失散波濤振撼悵六鷁之退飛雖潛邸依樹瞻薪彌厲而許田易鄭髀肉漸生方期再回靈武之鑾誰意遽返蒼梧之駕八音遏密百里震驚

張東集 卷七

十九四明叢書

約園刊本

臣才愧鄒枚任同種蠡十九年之旌節屬國不殊廿四郡之鼓旗平原無恙恨哭庭而未效嗟掃墓以何時投壁還秦早慚孤偃扁舟去越敢學鴟夷徒蘊扛鼎之懷逾抱號弓之慟於平蕪垣墜曜楓陸垂靈穆王馭駿以來歸已孤此願望帝化鵲而猶在莫慰餘思

祭延平王文 癸卯

惟王金符啟曜玉牒分光勳追武肅忠貫汾陽昔在草昧翊我隆皇寵承西第謨建東廂山河茅社日月旂常將壇專制甥館齊行赤靈幾斷丹腑彌彰難回駿馭益



厲鷹揚玄圭錫命黃鉞開疆電旌鐵騎錦纜牙檣聲馳  
沈木威震扶桑貫胸貫腹增璜始開朱邸仍總碧  
幢蠱思幹父謙撝讓王乃戒韎韜爰整舳艫肅將九伐  
勤宣一匡醜夷面縛雜虜屍僵陵遲展謁城高受降中  
原冠帶夾道盡哀悲笳復動鳴鏑猶強盟津雨洗閩島  
雲翔再插水犀以射天狼溫禺鑿鼓屠耆染斯壘基東  
鄙拓地南荒乾坤獨闢夷夏咸康竚班師旅終仗尊攘  
夫何月掩忽焉星亡九關翼折百谷瀾狂吹臺寂莫疑  
冢淒涼樹還糜漢系尙存唐豈無雙鳥載彼歸航應有

張蒼水集 卷七

二十四明叢書  
約園刊本

三矢捧茲遺囊繫惟善繼厥後克昌某焦桐爨下苦李  
蹊旁萬間庇履十載依牆驚聞劍化痛切舟藏所愧匏  
繫徒結中腸薤露在紙絮酒在觴匪敢告莫聊志不忘  
彷彿袞衣翩然帝鄉

僧履端詩集序 甲辰

世之關佛者率謂浮屠氏爲外教而瞿曇氏亦往往逃  
於枯空謂不如是則非禪也然東林惠遠白社風高未  
嘗不陶情吟嘯則詭於禪之外非禪而拘於禪之中者  
亦非禪也夫善易者不言易今使進禪而賦詩而字學

貝葉句勒曇花則亦偈而已何名爲詩夫詩本性靈禪  
亦本性靈要自有活潑潑地者此卽禪機也普陀端公  
吾未知其禪理何如而微吟高詠絕非枯空者可比彼  
豈欲以詩名哉毋亦禪機所觸不禁其洋洋洒洒矣余  
偶得其數什而諷之固無貝葉曇花風味以是知端公  
能超於禪而不拘於禪者也端公之師朗公有秋興數  
十首清微婉澹業剗剗傳世而端公復能繼其宗風真  
不愧傳衣鉢矣是爲序

貽趙廷臣書 甲辰

張蒼水集 卷七

二十四明叢書  
約園刊本

大明遺臣某謹拜書於清朝開府趙老先生臺前昔宋  
臣謝枋得有云大元制世民物維新宋室孤臣只欠一  
死竊以疊山業經市隱賣卜宜可以遠害全身而元參  
政魏天祐必欲招致之乃疊山有死無隕招之不來餽  
之不受卻聘書尙在可考而知也卒觸天祐之怒執之  
北去疊山遂不食而死蓋未嘗不歎古人守義之堅殉  
節之篤也況某今日南冠而繫視疊山所處已自不同  
而臺下尙欲貸其餘生屢遣貴屬存注有加勸之加餐  
嗟乎此固臺下襄忠錄節之盛心較之天祐真不啻霄

壤顧某自律斷不可因此而苟延旦夕也所以每思慷慨引決而為館伴者防閑嚴切不克自裁絕餐三日迫於貴屬勸勉稍稍復食他人聞之寧不以某寡廉鮮恥晚節可嗤哉揣臺下之意不過欲生膏斧鑕始足為忠義者戒然大丈夫冰視鼎鑊慷慨從容原無二義故鬱鬱居此耳猶記去歲華函見及某之報書有寧為文山之語非但前識蓋齋心居念時已早辦此至今日敢有食言夫自古廢興亦屢矣廢興之際何代無忠臣義士何代無遭臣處士義所當死死賢於生義所當生生賢於死蓋有舍生以取義者焉未聞求生以害仁者也某之憂患已過乎文山隱遯殆幾于疊山矣而被執以來視死如歸非好死而惡生也亦謂得從文山疊山異代同遊於事畢矣獨惜臺下之經綸仁厚可稱一代名賢後世不察猥云與張宏範魏天祐比倫不重可歎息乎哉謂某散兵在先歸隱恐後可以覬覦賒死殊不知散兵者憫斯民之塗炭歸隱者念先世之暴荒謬思黃冠故里負土成墳然後一死以明初志原非隱忍偷生自留賒死何期擁兵則歲月猶存解甲則旦夕莫保箕山

張蒼水集 卷七

三三四明叢書

約園刊本

不有安瓢而潁水弗能高枕身為繫囚貽笑天下是某之忠孝兩虧死難塞責者矣臨難苟免非我本懷偷存視息更何所待今羈留旅邸被累賓從並膺鎖鍊以日為年生不如死伏冀臺下立賜處決俾某乘風馭氣翱翔碧落或為明神或為厲鬼是誠臺下大有造於某也不則某當追隨首陽之後塵必不俟炎午之生祭毋以館伴者不善調劑而譴及之幸甚

壽鏞謹案此書為高本黃本所無本擬不錄蓋先生一生未嘗稱清朝今既在獄中求死而已豈復

張蒼水集 卷七

三三四明叢書

約園刊本

肯致書於開府哉況開首即引謝疊山云云語氣亦復不合意者趙廷臣必欲得先生書以為重而先生姑妄應之乎抑或趙廷臣左右冒先生名為之乎未可知也錄之於外編之末以俟後之君子評定焉

張蒼水集卷七

張蒼水集卷八

明鄭張煌言玄著撰 同縣後學張壽鏞編次

北征得失紀略

壽鏞謹案諸家藏本有作北征錄者惟高本作北征得失紀略或先生原題如此今從之

余自乙酉倡大義於甬東距今已亥十有五載矣其間棲山蹈海艱險備嘗俱無足論猶憶丁亥歲持節監定西侯軍西征遭颶風覆舟陷虜中七日得間行歸海上嗣後三入長江登金山掠瓜儀而師徒單弱迄鮮成功至戊戌追隨賜姓延平藩北伐抵羊山復遇風碎舟返

張蒼水集 卷八

一四明叢書 約園刊本

旆踰年歲在己亥仲夏延平藩全軍北指以余練習江上形勢推余前驅抵崇明余謂延平崇沙乃江海門戶且懸洲可守不若先定之為老營不聽既濟江議首取瓜步時虜於金焦間以鐵索橫江夾岸置西洋大礮數百位欲遏我舟師延平屬余領袖水軍先陸師入余念國事敢愛軀命遂揚帆逆流而上次礮口風急流迅舟不得前諸艘鱗次且進且卻兩岸礮聲如雷彈如雨諸艘或折檣或裂帆水軍之傷矢石者且骨飛而肉舞也余叱舟人鼓棹逆入金山同艚數百艘得人者僅十七

舟而本轄則十三疇危哉次早藩師始薄瓜城一鼓而殲滿漢諸虜殆盡乘勝克其城延平即欲直取石頭余以潤州實長江門戶若不先下則虜舟出沒主客之勢殊矣力贊濟師鐵甕而延平猶慮留都援騎可朝發而夕至也余謂何不遣舟師先搗觀音門則建業震動將自守不暇何能分援他郡延平意悟即屬余督水師往且以直達蕪湖為約夫蕪湖固七省孔道商賈畢集居江楚下流為江介鎖鑰重地況踰金陵歷采石懸軍深入此不可居之功也余一書生耳兵復單弱何能勝任

張蒼水集 卷八

一四明叢書 約園刊本

雖然倡義之謂何顧入中原而不圖恢復耶余何敢辭於是江潮縮昞水下如駛海舟行遲余易沙船牽挽而前未至儀真五十里吏民齎版圖迎王師蓋彼都人士知余姓名有素故遮道來歸迄余抵儀真先一夕延平已遣李將軍單舸往撫余輒欲引去闔郡士民焚香長跪雨中固邀余登岸不獲已登江濱公署延見慰諭之眾以李將軍無兵恐虜騎突至則無以捍牧圉咸稽首留余保障余迄不可遂行鷁首所向遺民無不具辦香相送者而江濱小艇載果蔬來貿易如織若不知有兵者

余顧而樂之以爲儼然王師氣象矣舟次六合得報藩師已於六月二十四日復潤州余計潤城已下藩師由陸逐北雖步兵皆鐵鎧難疾趨日行三十里五日亦當達石頭城下卽作書致張茂之卽所號爲五軍者謂兵貴神速若從水道進師巨艦逆流遲拙非策余恐後期因晝夜牽纜士卒瑟瑟行蘆荻中兼程而進抵觀音門乃六月二十八日也不意藩師竟從水道來故金陵得嚴爲之備余艤棹觀音門兩宿藩師戰船無一至者余乃發輕舟數十先上蕪湖而身爲殿泊浦口七月朔虜

張蒼水集卷八

二四明叢書  
約園刊本

偵我大鯨尙遠遂發快船百餘載勁虜侵晨出上新河順流而下擊棹如飛余左右不滿十舟且無風戰不利幾困忽一帆至則余轄下犁艘也余卽乘之復戰後艘續至虜始遁去而日已曛矣詰朝整師前進虜匿不出余部曲馳報江浦已破蓋方余與虜對壘也先一哨越浦口旁掠止七卒抵江城城中虜騎百餘開北門遁七卒遂由南城入亦一奇也捷聞延平止余毋往蕪關而且扼浦口以撫江邑此七月初四日事也翌日延平大軍亦抵七里洲正商量攻取建康而余所遣先往蕪

湖諸將捷書至蕪城已降矣爾時上游聲靈丕振而留都守禦亦堅延平謂余蕪城又上游門戶倘留都不旦夕下則江楚之援日至知非公不足辦此余謙讓至再延平但促余旋發於是率本轄戈船以行而幕府之謀自此不復與聞矣七日抵蕪城傳檄諸郡邑江之南北相率來歸郡則太平寧國池州徽州縣則當塗蕪湖繁昌宣城寧國南寧南陵太平旌德貴池銅陵東流建德青陽石埭涇縣巢縣含山舒城廬江高淳溧水溧陽建平州則廣德無爲以及和陽或招降或克復凡得府四

張蒼水集卷八

四四明叢書  
約園刊本

州三縣二十四焉先是余之按蕪也兵不滿千船不滿百惟以先聲相號召大義爲感乎騰書摺紳馳檄守令所過地方秋毫不犯有游兵闖入剽掠者余擒治如法以故遠邇壺漿恐後卽江楚魯衛豪雄多詣軍門受約束請歸襁褓相應余相度形勢一軍出溧陽以窺廣德一軍鎮池郡以扼上游一軍拔和陽以固采石一軍入寧國以備新安而身往來姑熟間名爲駐節鳩茲而其實席不暇暖也余日夜部署諸軍正思直取九江然延平大軍圍石頭城者已半月初不聞發一鏃射城中而

鎮守潤江將帥亦未嘗出兵取旁邑如句容丹陽貫南  
畿咽喉地尙未扼塞故蘇常援虜得長驅入石頭余聞  
之卽上書延平大畧謂頓兵堅城師老易生他變亟宜  
分遣諸帥盡取畿輔諸郡若留都出兵他援我可以邀  
擊殲之否則不過自守虜耳俟四面克復方可以全力  
注之彼直檻羊奔獸耳無何石頭師挫緣士卒釋戈而  
嬉樵蘇四出營壘爲空虜諜知用輕騎襲破前營延平  
倉卒移帳質明軍竄未就虜傾城出戰軍無鬪志竟大  
敗時余在寧國府受新都降報至遽返蕪已七月廿九

張蒼水集 卷八

五 四明叢書

約園刊本

日矣初意石頭師卽偶挫未必遽登舟卽登舟未必遽  
揚帆卽揚帆必且復守鎮江余故彈壓上游不少退而  
虜酋郎廷佐哈哈木管效忠等遣書相招余峻詞答之  
太平守將叛降於虜余又遣兵復取太平生擒叛將伏  
誅然江中虜舟密布上下音信阻絕余遣一僧齎帛書  
由間道款延平行營書云兵家勝負何常今日所恃者  
民心耳況上游諸郡俱爲我守若能益百艘相助天下  
事尙可圖也倘遽舍之而去如百萬生靈何詎意延平  
不但舍石頭城去且棄鐵甕城行矣留都諸虜始專意

於余百計截余歸路以爲余不降必就縛各將士始稍  
稍色變而刁斗猶肅然余欲據城邑與虜格鬪存亡共  
之復念援絕勢孤終不能守則虜必屠城余名則成於  
士民何辜而轄下將士家屬俱在舟擬沈舟破釜勢難  
疾馳欲沖突出江則池州守兵又調未集忽謀報虜艘  
千餘已渡安慶余慮其與虜值眾寡不敵因部勒全軍  
指上游次繁昌舊縣池兵亦至共議進退咸言石頭師  
卽挫江楚尙未聞也我以艤艘竟趨鄱陽號召義勇何  
不可者若江西略定回旗再取四郡發蒙振落耳乃決

張蒼水集 卷八

六 四明叢書

約園刊本

計西上初七日次銅陵海舟與江舟參錯而行未免先  
後失序余一軍將抵烏沙峽而後隊尙維三山所與楚  
來虜舟果相值余橫流奮擊沈其四舟溺死女真兵無  
算以天暮各停舟夜半虜舟遁往下流礮聲轟然轄下  
官兵誤爲劫營斷帆解纜一時驚散或有轉蕪湖者或  
有入焦湖者西江之役已成畫餅矣余進退維谷遂沈  
巨艦於江中易沙船由小港至無爲州擬走焦湖聚散  
亡爲再舉計適英霍山義士來遞說焦湖入冬水涸未  
可停舟不若入英霍山寨可持久余然之因盡焚舟提

師登岸至桐城之黃金湖有安慶虜兵駐守此地乃入山隘口余選銳騎馳擊之奪馬數十匹殺虜殆盡遂由奇嶺進山一望皆危峰峭壁矣余轄下將士素不山行行數日皆趼且多攜眷挈輜日行三十里余禁令焚棄輜重而甲士涉遠多疲余雖知必有長坂之敗而赴義之眾何忍棄置亦按轡徐行八月十七日已入霍山界去縣治七十里之遙而所稱陽山寨者直咫尺間耳寨在山巔可容萬人饒水泉向多義旅近爲虜招撫有一褚良甫者亦義師受虜符據寨中余令將佐先以書往

張蒼水集 卷八

七四明叢書

約園刊本

通欲借寨屯眾而彼已聞石頭師挫有向背心堅不納而寨居險萬夫莫能仰攻余遂移札東溪嶺思走英山入將軍寨但將士疲甚偶語沙中俱以途窮爲憂余強起按行占一數四應皆空陷余大驚因申令詰朝早發是日余率騎兵前驅但慮前有敵人而豈意追騎之躡其後哉余方踰嶺後軍忽報虜奄至急回馬而旗靡轍亂士卒皆驚竄山谷中虜騎已當面矣余顧左右止二十餘騎步卒不滿百因勒馬高坡以待後軍稍集而擊之詎料後軍已爲截斷首尾不相顧矣虜騎復合余念

鬪死無名單騎突圍走止一僮攜印相隨焉嗟乎余之入山非避死也尙圖控聯江楚收河南之大俠雲擾中原天下事未可知也奈何孤軍無援鼓聲不振卒以潰敗京溪不爲控扼者幾希天耶人耶余去敵稍遠而土人利散兵財皆手挾烏銃游奕四山余牙門將逃而復返與余值呼之偕行紆迴山岡間迷失道士人在山麓者覘知卽趨至山椒阻去路余出百金爲壽土人卽送余山广期以日暮導余出山三人始變服而余將欲趨行下惟恐土人之叵測也余曰死固我分也藉土人叵

張蒼水集 卷八

八四明叢書

約園刊本

測吾當明言姓氏令昇至建康從容就義耳不然者脫虎穴矣是蓋有命焉及酉土人果來導余復裹脫粟相餉食畢乘月而去一夜行七十里皆羊腸鳥道崎嶇特甚初余在馬上著靴後舍騎而徒偶得雙鳥納之實不容足中宵涉水履益加窄迨曉十指血殷踵盡裂余尙竭蹶奔趨而腹且餒乃望門投止謀朝炊主人問所從來導者答余爲館師余將爲買客也皆以兵難避去而導爲之往送因具盤飧余爲之進一七復行適余散兵十許遇諸塗見余驚喜欲相勞苦而導者恐耳目大駭

疾走余恐迷失道亦躡導疾走而村中豪傑觀者如堵  
竟相遮問蓋村中惟聞余兵入山風鶴甚驚見蹶者趨  
者必謂兵之躡其後也故執途之人而問之導者見村  
中遮余疑必事露計不返顧并余襜被亦負之而趨回  
顧余之將與僮尙鵠立隔溪余既失導不得不反就余  
將與僮步履倉皇鄉音復異村中心疑余爲虜卒敗遁  
益環擁索金錢余恐村中或有他變亦姑妄應之且傾  
囊分贈諸人始稍稍解去余視其中貌厚者俾之導行  
強而後可其人姓胡昆季三貌厚者伯氏也時余但欲

張蒼水集 卷八

九 四明叢書

約園刊本

導出山達康莊他不遑計是日又行三十里託宿焉逆  
旅主人胡族屬也忽胡之季粹至招其兄出耳語已而  
主人咸出余意其識余行踪必甘心於余然已無可如  
何胡卻人語余曰君從海上來非虜卒也余曰然子何  
以知之然則奈何胡曰君適在村中不見有數人過我  
門乎避于旁舍子季問之知君亦海上人也恐吾等導  
不力是以來耳然胡終不知余爲何許人也胡之老人  
重具雞黍爲余言此村中豪傑向年亦舉義旗卒不成  
受虜殘虐故今莫有敢窺左右而動者不料石頭師挫

君輩又敗績吾儕不復覩漢官威儀矣嗟泣久之復前  
要盟余易姓氏里居相告兼謀所向僉曰當從安慶渡  
江當余之離蕪關而趨江上也余舊時賓從歛人朱君  
來詢叩其近狀云變姓名賣藥於安慶之高河埠市中  
仍欲從余戎行余謂事已裂矣此行利鈍未卜贈以金  
糜之使去至是余憶前語遂令胡導至高河埠而胡亦  
云導至高河埠能事畢矣余益不得不訪朱君而問道  
焉信宿達高河埠已薄暮余令導與童子先之問朱君  
藥室所在詎知朱君別余後他往尙未返高河市人見

張蒼水集 卷八

十四 四明叢書

約園刊本

童子之問朱君也覺有異咸踪跡之市中豪傑徐某金  
某皆歛產與朱善偶從橋上聞童子之問朱君市人之  
踪跡童子亦覺有異竟以數語解散市人故余得無恙  
然朱君未返無居停主轉投逆旅逆旅嫗亦歛人聞余  
爲朱君來故止余宿而胡之導余者將於次早別余偃  
偃無所問津益無聊晨興忽憶安慶向有賣稻舟往來  
江南北必取道樅陽湖而高河之樅陽一水可通遂令  
胡代余覓便帆將渡江出池州登九華山徐圖歸計買  
舟既定舟人期亭午鼓棹余故暫止逆旅而徐某金某

自外入與余聯榻坐問余何來余告以館穀歸江南便道訪朱君逆旅中無賴子遂詰余訪朱君胡爲者余亦謬爲應對而金與徐素昧平生語言時陰左右余頃之金目余起引入空倉中問余曰君得毋姓張乎余詭曰吳姓金曰不然日者吾與朱某來江上從鄰舟窺見君丰采君固司馬公也業提師入山矣何以至是將何之蓋金同朱至江上余方作焚舟計事旁午金無從晉謁而朱別去金亦踉蹌而歸以故朱君與余交誼金稔知之而金與朱君行踪徐固熟聞也先一夕余過市金固

張蒼水集 卷八

十一 四明叢書

約園刊本

疑之與徐謀曰茲二客之訪朱君得非山中使者乎盍往物色焉故是晚之解市人及是晨之過逆旅殆有天幸及見余徐不識也金識之余亦不諱告以故金轉告徐徐曰江上未解嚴誰能爲蘆中丈人者倘疏虞可若何固要余至其家匿之始通姓名備道夜來與朝來事如此二君其誠有心人哉適安慶虜兵經高河士民畏虜如虎盡室避村野余不得已亦相隨避兵至一何姓家亦金徐密友也翌日虜去金徐二人另買賣稻舟載余藏舟次令何某伴余出樅陽出江渡黃湓抵張家灘

登岸而金與徐別從安慶來相會於張家灘灘屬池之東流徐之兄賣藥於村中故問津焉於是山建德祁門兩山中走休寧羊腸鳥道較霍山尤甚余復病瘡扶疾而行頭涔涔汗下如雨形容枯槁幾作溝中瘠矣東建延袤高山多小寇出沒或乘夜剽掠土人相率持兵守嶺頭凡遇客皆權金名爲禦寇而實爲寇也余冒險奔馳道路以目將次祁門江右義旅陳九思屯朱橋村舍逋逃商旅裹足而獨余行行不止人多怪之顧導皆歛人得無他計程兩日可抵休邑買棹溪行即可達嚴陵未

張蒼水集 卷八

十二 四明叢書

約園刊本

至休寧三舍輒聞有兵阻抵郭外果蜂屯蟻聚闔闔晝閉蓋虜之叛將新復歸僞長吏慮有變登陴余緣是不得入止郭外招提戢羽潛鱗雖子胥吹篴不是過也而耳目漸集乘間抵城中寓徐之諸父家其諸父善岐黃有隱君子風余至盛爲治具然亦謂余館師與其猶子善不知爲余也兵退買棹嚴陵過新安亭亭長呵止之索篙師金始放行達街口有巡司廨邏卒登舟譏察見余將北音魁梧疑爲亡虜持之急徐起而與邏卒鬩而巡司適之郡不在廨是以事得解遂解維過淳安已入



浙矣會省有文符插民艇載虜兵絕浮梁余船藏他港不獲進卒爲所司插去行路難一至是哉余乃紆道走遂安凡兩買棹始達嚴郡余既入浙晦跡益難計惟山行可無恐乃自婺之東義出天台以赴海壖然羊腸鳥道較微更甚時余將已令取道於杭而金徐諸人皆不諳浙道里向者導導余而茲則余導導然余實茫然問途已經得至海濱居民咸來問訊遠近闕然知余得生還矣回思霍山奔走以來之安慶之池之微之嚴之婺之浦江之義烏之天台之寧海計程二千餘里間關百

張蒼水集 卷八

十三四明叢書

約園刊本

折何其窮也復追思向者崇明進師而瓜步而潤江而太平而寧國而徽而池而廬之諸邑州乘勝長驅又何其壯也然而轉瞬成敗異勢榮瘁殊形是又戲耶夢耶余自丁亥迄己亥前後入江豈歲在雙魚而一再躋疑若有數焉然以十五載之簡練揣摩既得之而復失之人壽幾何河清難俟不亦重可慨也夫永曆十三年己亥歲嘉平月書

張蒼水集卷八

張蒼水集卷九

明郵縣張煌言玄箸撰

鄉薦經義

君子務本本立而道生

君子以一本同天下故大業因之時起也蓋人莫不有其本事而立之自君子則固處於日生之勢矣又寧必他道之務歟今夫倫品至殊而唯翼宣性緒者舉夫大其而其勢恆足以納天下於軌物蓋神明日茂則萬肇之源以開樸略寡文而百行之端莫越故雖操乎至約

張蒼水集 卷九

十三四明叢書

約園刊本

而亦可相觀以類也以今思孝弟行而犯亂不作何道之隆也意即君子豈能舍是而他務與夫君子鴻明庶績必敷賁其天意然逆折之不必其有功而順習之每覺其多福則節節而懿曾不若一節之罔乖也所以君子泯其勞於至一而遂有羣相孳息之氣抑君子區觀眾類必肇定其人彝然眾酌之未免爲沿流而獨惇之適全其公溥則人人而胥匡曾不若一人之有覺也所以君子制其動以相深而因有環相會通之意然則君子亦惟務本焉而已而本立道生有斷斷不誣者天下

事不有所起不能有所濟故神靈之質格頑解悖而鏡  
其源特建端於近類以其近者物本乎天之情而放而  
準焉始有其權利君子行雖可矜不以留枝葉德雖可  
賜不以外根概人未始不疑為平淡而進之至於明察  
則經緯萬端具是矣天下理不有所尊不能有所統故  
辰耀之業藝極尋常而衷其要特開麗於庸經以其庸  
者人本乎祖之彝而推而行之始有其功名君子報所  
自生可以感琴瑟反所自始可以致羽干人未嘗不矜  
為究圖而原之繇於敬凜則綱紀四方舉是矣而君子

張蒼水集 卷九

二四明叢書  
約園刊本

正非務之以表異於物也其銘之几杖歟於此悟迪同  
焉其勒之杯棬歟於此宏式訓焉觀夫怯夫慕義身不  
出閨窻而克廣其內心況君子之有倫有脊者哉而君  
子正非務之以尊行於己也其載之衿佩歟為之蒸順  
氣焉其躐之戶牖歟為之尚樸衷焉觀夫蒙士辨志守  
不離宮庭而適懷其內則況君子之無憚無教者哉是  
則一氣所召先率者為能多功而大猷允升肇修者所  
繇寡過君子尚何他務歟抑自父兄之教不先而孝弟  
其榛蕪矣務本君子蓋將圖蔓固蒂以存水木之思者

乎

用其中於民

虞帝不自用其知使民協於中而已夫中者舜自允執  
之而且以用於民彼曷嘗以知自務哉嘗謂物情之難  
受齊也廣之以僉謀慮其紛紜而莫定伸之以獨斷又  
患其扞格而難勝唯本之於作稽而又不至過炫其聰  
靈天下所以服時又之猷耳如舜既好善而執其兩端  
矣萬幾之責而欲萃之一身則經文緯質大懼不治於  
民庸乃廣集宏謀而內秉之為心裁者外即奉為邦憲

張蒼水集 卷九

三四明叢書  
約園刊本

一日之理而欲垂諸百年雖忠箴懿獻有時不適於時  
宜乃參觀庶理而上建之為皇極者下即稟之為民彝  
若是乎舜之中一民之中也今日用之矣彼其協濬哲  
於欽文得毋過恃其賢明而舜則謂上哲之務施諸愚  
人而嘗苦也勿謂民頑從星惟好勿謂民愚就日惟瞻  
史之所以稱順則也夫空鑑平衡哲后豈有意為參調  
而羣品適協所不俟劑以五方之氣矣彼其耀光華於  
震且得毋自飾其寬聰而舜則謂至一之業歷諸紛途  
而始定矣疇為降中稱天而處疇為建中近帝而居書

之所以紀從欲也夫訓勅采菲聖人原無患其紛馳而眾方克調所不庸執爲一人之憲矣故有以參酌爲中者而不知非貞憲之度矣疆友變友狃習各有柔剛而惟神明其意者雖持疏觀而不毗其衡引旁斷而不爽其等也所謂上有哲謀之君而風雨從象者此哉抑有以混同爲中者而不知非式敷之軌矣會極保極制事具有幾微而唯平康厥心者卽值彝撫而不病於迂達權事而不詭於正也所謂上有化裁之主而錯綜盡變者此哉蓋總諏謀度隨在可以見知而必歸諸度量

張有本集卷九

四四明叢書  
約園刊本

者用獨不若用眾之神極淺深高下觸緒可以稽中而先詳其委典者任己不若任人之夫遐哉舜乎能不景思大知而服之無斃哉竊意允執厥中者堯舜相授之法也而十六字之傳又輔之以人心道心則用中云者其卽精一之旨也夫

權然後知輕重然後知長短

稽器而得其情亦平施之明鑿也夫輕重長短皆有其情而稽非權度亦奚由知之哉是可爲稱施者之驗且王者之於民等勢絜量以爲意之所轉耳而實爲情之

所緣故失平衡之智者事格於所懸而抱咫尺之義者力窮於所赴彼豈未明於工器之用歟胡不可引喻以鏡也大凡參劑王氣者莫過乎執方此君子有絜矩之察也而其溱於紘糾之域則非藉應圓者無以準裒益之施覽揆人情者莫貴乎司直此古人有執繩之治也而若其推於參錯之塗則非庸稱平者無以律高下之宜故權與度兩者並乎要之不可不察也今夫權始亦辨之毫芒而已而推算於黃鍾爲萬事之本故王者以之生律焉乃等其洪纖則嘉量平而鍾石準考其銖兩則

張有本集卷九

五四明叢書  
約園刊本

宮候正而聲永依夫寧闔於大較乎昔者盛王當治安之餘而猶借關石和鈞以宣其德意遂得與掌於王府者並昭典則之垂夫亦有取於權也哉今夫度始亦謹之尺寸而已而測數於周官爲萬化之原故王者因之制曆焉乃稽其贏縮斯圭表修而算數永積其空圖斯累黍定而規式昭夫寧煩於指畫乎今之世族挾喚咻之術而猶假豆區釜鍾以達其惠澤遂得因設於量人者共察章程之合夫亦有審於度也哉所以官曲之能其端原不恃旁斷以爲安迨一人於輔相之宜而裁成

悉利將所云制器以尙象者其道或出乎此也器巧之末其初亦不在外摩以爲智迨一物協於曲折之勢而本末大明所云稽器以展事者其道不出於此歟今卽以天下推之執杓而運亦足廣茲條教之風而一毫以乖遂爲輪鞅輻輳之所誤故操權度者不敢因任而憚推致之勞折衡而治亦可得其整施之序而相智相形斷在權奇質劑之所託則法權度者烏容抑牽而越公虛之量竊聞之執藝事以諫者師之職也孟子將無同乎

張蒼水集 卷九

六四明叢書 約園刊本

### 君子以容民畜眾

繹師象而撫眾貴養之於不試焉夫民與眾異實也容之卽所以畜之矣宜君子觀象而深有取乎爾且古之設兵原以衛民也昔人謂其不得已而黷之故以廛卽田功者寓其流禽鹽利之意而卽以載績武功者示其表貉誓眾之心自後世伍兩之制異諸鄒鄙之政而兵農始判然矣君子觀地水之象而曰民與眾未始無異名也然亦不可使有異實也以素不相習之民而戒以鉦鼓則挾不祥之器眾皆奮於攻擊張克詰之威眾皆

力於拘原是教之師者爲黷武之端也抑以素不相馴之眾而責以干城則墜弧矢之利民勿急其公上黜免置之用民勿扞其君侯是不教之師者爲玩寇之漸也此其權有所隱而事有所陰誠莫善於容畜之方矣夫師之時哀旅方旋懷桃棘者方自力於壯事而君子唯講蒐苗之節將無謂其弛備歟夫國非寢兵之足患而弄兵之足患也君子嚴黨塾之令則耕獵同乎田而精勇秉虔於步伐飲射同乎學而俊秀厲志於弓矢又孰非其成城之志也哉師之時藩封未建詠桓鬯者誰其

張蒼水集 卷九

七四明叢書 約園刊本

奏其敵愾而君子惟明井牧之制將無謂其忘戰歟夫國非武滿之足憂而人滿之足憂也君子篤比閭之慶則禮以治乎兵而甲冑表容於羽翟樂以行乎軍而金革寓理於宮商又孰非其同袍之氣也哉嘗見過劉之代衅甲功高於泮水而夷氛孔熾猶薄伐而言歸若止戈之武業潛於息事寧人豈有附土未堅致繹騷而動者乎夫民猶水也瀦之則爲安瀾斯其容之義歟又見鞠旅之世脫劍祀美於明堂而國本先搖奚采薇之治外若出車之期典示於型仁講讓豈有地著未廣以召

募而充者乎夫眾猶地也尊之則為樂國斯其畜之旨歟由是極容畜之經雖迎貓迎虎作之可以授戰烈而揆民眾之名即成旅成聚進之可以寄軍令彼君子豈誠無所取哉先備有言井田為兵法祖故國家有事而象弭魚服卿士亦履行間虎韞龍眉婦女皆識戎事亦容畜之道得焉耳

天地解而雷雨作雷雨作而百果草木皆甲坼解之時大矣哉

隆解道以察時當知所以敬奉矣甚矣解至天地而物

張蒼水集 卷九

八十四問 張蒼水書 約園刊本

無不受其澤矣乘其時者庸何忽諸聞之庶徵之應上究天心羣彙之升下占節序明平時之所趨造物者啟之也然而處輝盈之終者極則必散而遭震盪之始者謹乃善承此古人設卦若與月令同紀焉夫時至於解為何如時乎前此者凝陰墜戶水泉涸而氣斂於藏則實落材收天地亦憂其鬱而未暢而未嘗助宣之者恐干其紀也前此者農祥緯耒土膏脈而機出於穉則伏萌振稿天地亦患其滯而未舒而未敢升長之者恐爽其候也至於解矣而雷雨始作矣恩覃霖雨蕭艾等其

敷榮氣盪驚雷蕩稗同於華實夫解之時百果草木有不甲坼者哉雖然祁祁之雨膏彼黍苗斯物得以滋長其丰容若將之搏擊而沾潤由之摧折亦由之也然積瘁之後不先以震迅而生氣不全則撫異植而感同榮何不可仰壽維而頌歲功焉湛湛之露蔭於杞棘斯物得以暢遂其膚理若過為鼓潤而禎祥由之災稜亦由之也然久塞之餘不極以降騰而亨嘉未會則啟朝華而振夕秀何不可推穹昊以察時序焉然後知解之時誠如此其大也氛靄方夷非壯猶難發六宇之蒙故解

張蒼水集 卷九

九十四問 張蒼水書 約園刊本

有時可以糾刑而要非云過虔也天地之德方應平緩令邁其時者為之剽疾焉品彙何以有廣瑞之升引義於此亦愈知匡時之非細矣因而知屯時乘滿盈之會柔剛交而草木節解故雷雨之動正以試草昧之經綸乃解時際西南之運陰陽和而草木甲坼故雷雨之作遂足介庶靈之繁祉此吾所謂解者如此夫春秋紀災異凡震雷雨雹殺草之類不勝紀豈天地之未欲解也或亦其時為之也

易知則有親易從則有功

本人情以爲端可斷言其所效矣夫易知易從者人情之所聚也端乎此而親之與功可環至而立效則易簡誠尙哉且夫有元后之體者不恃其有不可拔之勢而恃其有不忍叛之心是豈可矜功虛願率己意以行之者乎蓋深父母之戴由無炫其神明而效奔走之能在不侮於矜寡所以羣心一而大順章也則且爲易知易從者計之天下形氣之倫仇后罔定耳或者聯以臂指而不動數以腎腸而亦不歸此必有作聰明之君也非然則尊卑之情也疏非然則君臣之體也遠及乎降

張蒼水集 卷九

十四明鼓書

約園刊本

大君而篤以家人之懽夫豈不躬被嘉祉乎宅命降康黎民莫違風雨之詔紀宗撫夏興王無俟雷震之文則其昭景飲醴者至矣極之省方以作樂而其情親辨俗以制禮而其性親蓋莫不函以如天之度也是以昔王十二年會朝方岳而又斂時錫福以優游嘉氣之洽則見裘笠者感尹媯於東都觀籥翟者念美人於西國張美翊曰此下易世猶親之況身沐其澤者歟天下瞻望之似奪五字眾去來靡常耳或者歆之以厚利而不嚮惕之以明威而不附此必上任詐力之臣也非然其蜡索之利未阜

歟非然其刑罰之禁未寬歟迄乎去其猜忍而隆以蕃輔之司夫豈不俗革風聲乎定銘迎書歸仁非關玉帛之惠立監惇史凱樂非由鐘鼓之娛則其開誠示懷者深矣推之建國以受球而多康功經野以置畝而多田功蓋莫不祖於配地之行也是以昔王十五國辨定風謠而又養欲給求以庶幾眾志之孚則金玉爲相四國雖遠而必依雲漢爲章六師雖武而必及家邦之相保荒服猶從之況耿揚其光者歟夫然而易知易從之至於有親有功豈逆計其效之如此者而道有相連亦何可疑也蓋撫有一國者懼其威尊而命賤故必屬之以親以明人情之由而泣有兆民者恐其體異而情殊故必嚮之以功以識王道之本信乎易簡之理若是其有效也聞諸古云君不天則下不徧覆心不地則物不尊安是則有親有功之一鑒

張蒼水集 卷九

十四明鼓書

約園刊本

### 天地之大德曰生

好生之德惟天地有其撰焉夫天地以生物爲心而生卽其德所由推本言之而見其大焉今夫民物之命皆基於函三而或至忘其誕育之宗將世之馮形翼氣者

能無憂其顛隳哉雖然清寧之貺原不設度劉之心而高深之撰何所外亭壽之意此在天地每不以受德成其大而吾因得而指之曰生也原諸陰陽之始天地既以分形畀性者行其噓植之仁原不欲使短折之徵並考終於福極則聰羽毛麟介不必有局高踣厚之思矣卽稽乎王林之後天地又以節性防淫者寓其邪郭之度絕不忍以傾覆之情別栽培於同類則等聖頑愚慧亦可知藪異履地之寬矣斯其爲德不誠大哉有上古之天地焉其時法令罕雜俗進康樂爲一書民皆登乎

張蒼水集 卷九

十二四明叢書

約園刊本

富壽之域天地已不事其匡扶故雨露之施象其仁霜霰之流象其義若無意鄰於殺者而生乃安夫生安而天地之澤何普汜矣况春養秋育有降此而法其事者歟有中古之天地焉其時功利漸紛國靡生聚者十年物皆遵乎悔吝之途天地益不勝其振救故園邱之祀告以譴泰折之享降以誓若有心閔其危者而生始全夫生全而天地之惠何休宏矣况歲和月吉有贊此而佐者者歟乃或者謂舒慘之形天下未嘗悖馳也不知人道攸虧則用違日德王事將啟斯治本月刑在王者

猶不能以生而廢殺故有斷獄治兵之事况其爲樞極之朕哉蓋卽以棄毀觀天地而究不失其遂生之功又或者謂哀榮之事天地亦所並存也不知四靈可畜仍不礙猴鱸三葉先殄亦無傷嶽降王者猶不克以生而矜死故有斬木伐獸之期况其在而蓋之宥哉蓋卽以剝落求天地而究不爽其舍生之理不然聖人亦何所取而必祖天地以爲德哉從來稱天地者曰大生曰廣生而史之頌舜則又曰好生之德洽於民心吾謂其卽言洽於天心亦可

張蒼水集 卷九

十三四明叢書

約園刊本

壽鏞案公二十三歲爲明崇禎十五年壬午舉於鄉主司房考姓氏已見於趙譜往歲王翼林復以其叔謀道所藏浙江壬午科公鄉試硃卷見贈開卷署第八十二名寧波府鄞縣學增廣生張煌言習易本房座師錢批褚河南書如瑤臺嬋娟不勝綺靡乃其人以大節著宋廣平鐵心石腸而賦情獨豔治此先輩於文章家神骨之外兼登氣體然必以茂美韶令爲入格此卷勢如驚鱗躍波情如翔鴻接翼步驟益閒符采倍耀取其章美足以衣

被天下矣論開創微言表聲出金石判比度不失分寸五策敷陳時事條達通明知爲才識兼茂之士竚看大受者也亟薦大座師左給事范批不事高深澹然自足大座師編修吳批雅思雋筆萬籟俱澄第一藝房師總批氣古質清如見禮樂器三代以還無此體制矣散批榮昌愷樂之氣芊芊然鬱鬱然動盪夫筆墨閒又批擲地可作金聲又批包舉眾類彌見高深又批運圓成璧運方成珪無不敏妙大座師批一痕都血百鍊皆金第二藝房

張蒼水集 卷九

十四四明叢書 約園刊本

師無總批其散批云體莊傳以雋筆自足超勝又批典雅高亮定非恆製又批朱絃之音疏遠又批收法能束全題無一漏義大座師批典重第三藝房師總批舉體淵深而氣溫詞惠真文章之雅範散批如玉溫潤而栗又批分疏昭晰而不損旨趣又批淡蕩足以自娛又批皆探源陟顛之論大座師批考同經術不減固鴻第四藝房師總批風規嚴重若其顧盼遨翔則又逸情雲上散批分疏清老又批議論迥不猶人又批容與而軒翔又批便

見經濟深心第五藝房師總批發論皆在虛處而名勝間自翹翹秀出散批頓折有致又批按接如舞又批兵刑豎義善詮卦旨又批千門萬戶對答如流同於江都繁露矣第六藝房師總批和中清理幽激多姿顧彥先八音之琴瑟也散批含吐有姿又批美哉銀乎如斷又批一折警絕又批每於結處謹嚴望而知爲紀律之師第六藝房師總批太虛廓落不復纖塵散批文情流澹又批秋水春霞淡濃一碧又批芳潔溫栗如蓮荷被水秀實可

張蒼水集 卷九

十五四明叢書 約園刊本

玩又批戰酣猶能透甲百重豪哉今校公經義取殊卷對勘之改正一二字並錄原批如右以誌翼林投贈之惠惜翼林墓本已拱矣爲之悵然又案殊卷如寧字如竚字均避清諱則爲清代重刻可知非原本也

張蒼水集卷九



張蒼水集附錄一

年譜

鄞縣全祖望紹衣輯

公諱煌言字玄箸號蒼水爲宋宰相張文節公知  
白裔孫文節之後自滄州徙平江又自平江徙鄞  
居鄞九世避元季亂泛海至於高麗明初始歸故  
里時號爲高麗張氏張氏兄弟孝友世所稱雍睦  
堂者也又六世生尹忠尹忠生應斗應斗生圭章  
公之父也登天啟甲子科官刑部郎

張蒼水集附錄一

一四明叢書  
約圖刊本

明神宗萬曆四十八年庚申六月十九日公生有作四日者訛

太夫人趙氏中年艱於子禱漢壽亭侯祠得異夢  
生公故小字阿雲是年八月以後稱泰昌

熹宗天啟元年辛酉公二歲

是年遼左失事

思宗崇禎元年戊辰公九歲

崇禎四年辛未公十二歲

太夫人趙氏卒

崇禎八年乙亥公十六歲

補邑諸生時天下多故朝議欲重武略命學使者  
於經義之後試以騎射諸生從事者新莫能中公  
挽強弓抽矢連三發皆貫革意氣閒暇學使者大  
奇之

崇禎十三年庚辰公二十一歲

公少好黃白之學嘗絕粒運氣困殆幾斃已而游  
於椎埋拳勇之徒扛鼎擊劍日夜不息忽又縱博  
無以償所負則私斥賣其生產刑部恨焉

崇禎十五年壬午公二十三歲

張蒼水集附錄一

一四明叢書  
約圖刊本

公舉於鄉

大清順治元年甲申公二十五歲

國難報至

順治二年乙酉公二十六歲

江南失守六月同錢公肅樂起兵邑中時浙東義  
旗四出姚江則孫公嘉績熊公汝霖會稽則鄭公  
遵謙東陽則張公國維金華則朱公大典臨海則  
陳公函輝慈谿則沈公宸荃公奉監國至越詔以  
翰林院檢討張美翊蔡日黃黎洲墓志銘作編修掌制詰兼行人司

事

錢公肅樂字希聲鄞人崇禎丁丑進士知太倉州  
事以循吏稱遷刑部郎乙酉起兵郡中拜都御史  
督師晉兵侍從亡入閩與鄭彩  
杵嘔血而卒諡忠介年四十二  
孫公嘉績字碩膺餘姚人五世祖燧諡忠烈祖如  
游大學士登崇禎丁丑進士第授工部主事調職  
方司郎中遭讒下獄從徐忠襄授易踰年起為九  
江道僉事乙酉大兵東渡閏六月九日東浙創為  
卽墨之守歷官左僉都御史東閣大學士  
丙戌六月二十四日卒于海外之翁州  
熊公汝霖字兩殷餘姚人崇禎辛未進士知福建  
同安縣事以考最補戶科出督上江漕糧敢言忤  
旨謫福建按察司照磨南渡起原官晉吏科復與  
權要不合因奉使歸乙酉起兵邑中是時江上方  
王請大將皆頓兵自守縮朒不前公身提孤旅從  
小登徑發直抵海寧分營別汛浙西響應而諸將

張蒼水集附錄一

三四明叢書

無繼之者屯兵置守而還公軍最弱每戰多挫而  
氣益銳一時號為熊兵累遷兵部尚書督師扈從  
入福建拜閣學時鄭建國彩專威權與平夷侯周  
鶴芝交惡公票擬恆右鶴芝彩恨之彩又與義興  
侯鄭遵謙相仇彩之部將李茂守琅琦與公奴子  
爭口蓋從亡諸臣之室皆保琅琦元夕公以休沐  
至琅琦熊鄭兩家同鄉相餽茂即以合  
謀告彩公遂為所害暨幼子俱投海中  
鄭公遵謙字履公會稽人僉事之尹之子偶儻任  
俠輕財嗜酒與東陽許都為死友大兵南下奄人  
屈尚忠至紹劉左都宗周凡迷官皆可斬也于  
守道穎字瀛長金壇人崇禎辛未進士遂繫尚忠  
以待公卽出而縛殺之因謀起兵盡縛降官斬之  
召故所結少年三千人與孫熊兩閣部應殺招撫  
使於江上迎監國至挂義興將軍印進伯分守小  
臺累捷有功方王爭柄公鬱鬱不得志江上失守  
福州遣使召之甫至公扈監國於長垣與鄭彩爭  
洋船交惡熊閣部死公不平彩恐襲己遂誘殺之

因赴海而死

張公國維字其四號玉舒東陽人天啟壬  
戌進士官至大司馬相東浙尋死國維  
朱公大典字廷之一字未孩浙之金華人也萬曆  
丙辰進士知章邱縣治最天啟壬戌入為兵科給  
事中轉工科又轉兵科逆奄用事出為福建副使  
轉參議以病去官崇禎三年起山東參政備兵天  
津適有登萊之難遂晉右僉都御史巡撫山東晉  
兵部侍郎兼副都御史流賊焚中都禍及陵寢詔  
公以漕督兼淮撫攻賊以行軍不持小節於公私  
囊橐無所戒謗大起御史姜琛等言之下法司勘  
問公以功過不相掩請以家財募人勦寇公子萬  
化募材武之士助之而許都變作公從京口馳歸  
則許都已破東陽義烏浦江三縣進圍府城時浙  
撫新任未至巡按左光先在江上推公主兵知東  
陽縣徐調揆舊部誣萬化以交通有狀公以縱子  
通賊再被劾有詔逮治會國變而止後江上師起

張蒼水集附錄一

三四明叢書

時則張公國維與公主金華孫熊兩公主紹興錢  
公肅樂主寧波浙東之兵首推三府監國以張公  
輔政而公以閣銜建行臺督師閩中詔至張熊二  
公議弗受公與錢公謂宜受之兩議各有所執卒  
主張公議隆武聞亦授公閣銜公表謝張公與公  
分地治兵公轄金華蘭溪湯溪浦江張轄東陽義  
烏武康永康而方國安等以潰兵列江上縱暴無  
狀國安卒潰欲執監國以降監國航海遂引王師  
攻金華公堅守三月外無虬蟬子之援於是國  
安以大礮攻城城中亦以火藥禦之大火日夜濟  
師而城中人漸疲紛投坑塹城遂陷公應愛妾幼  
女及萬化妻章氏投井死走與郡將吳邦璿何武  
二人入火藥庫中環坐公子萬化尙巷戰力盡見  
執有告者公子死矣公命從者舉火頃刻藥大發  
加地震王師反走火止  
陳公爾輝字木叔臨海人崇禎甲戌進士  
越中初立公以少宗伯從事其後死節

沈宸荃字友蓀慈谿人崇禎庚辰進士考選山西道御史馬阮亂政公連上十餘疏論時政安危得死從兄其旋亦崇禎進士殉難台州時號為二忠

順治三年丙戌公二十七歲  
浙東失守富平將軍張名振守石浦棄之扈監國  
至舟山威鹵侯黃斌卿不納名振乃奉監國入閩  
適永勝伯鄭彩至聯艦而行公留舟山

順治四年丁亥公二十八歲

公在舟山時定西侯張名振歸詔公以右僉都御史監其軍是年松江提督吳勝兆乞師威鹵侯欲

張蒼集附錄一 五十四明故書 約園刊本

卻之右都御史沈公廷揚勸定西行公與馮御史京第同往至崇明颶風大作全軍覆焉公閒行至

海上

公有送黃金吾馮侍御乞師日本詩 按日本乞師之舉始於平彝侯周鶴芝者號九玄龍清榕潭人也少讀書不成去而為盜於海其人饒機智儕輩皆聽其指揮嘗往來日本以善射名與撒斯瑪王結為父子日本三十六島各有王其所謂東京者乃國主也國主擁虛位政令皆聽之大將軍其三十六國王則如諸侯之禮撒斯瑪於諸島為最強與大將軍相首尾鶴芝尋受撫得官乙酉閩中詔以水軍都督副黃斌卿守舟山其冬遣人至撒斯瑪曰中國喪亂願假一旅以助軍將軍概然許之期以明年四月發兵三萬一切軍資戰艦器械自備其國之餘財足以供大兵中華數年

之用自長崎島至東京三千餘里馳道橋梁驛遞公館皆大脩葺以待中國使臣之至鶴芝大喜益以珠璣玩好為賂遣參謀林鶴舞將命而斌卿止之日監國命余向書煌來言此三桂之續也且不見世宗之倭患乎鶴芝怒而入閩日本待鶴芝不至其意漸衰丁亥鄭芝龍降督師張肯堂乃行鶴芝之說請安昌王恭棟行鶴芝遣其義子林臯從之不得要領而還於是馮侍御京第自松江歸言日方北都借兵時尚有東南可乘今我無可失之地比之前者不倫況世宗朝乃海盜耳我乞師國王其又何害斌卿乃遣其弟孝卿隨京第往至則適有歐羅巴之事初歐羅巴欲行其教於日本其教務排釋氏所謂天主教之學也日本倭佛乃盡殺之埋於土中焚其船置銅板於通衢刻天主像踐踏之囊橐有歐羅巴物搜得即殺無赦歐羅巴精火器發摧數十里舉國未攻日本日本謝罪乃退京第至長崎島則方戒嚴不得登陸京第朝服哭於舟中會東京遣官行部如巡方者見之因收其

張蒼集附錄一 六十四明故書 約園刊本

書撒斯瑪王聞長崎之拒京第謂大將軍曰中國喪亂我不遑郵而使臣哭於吾國國之恥也乃議發各島罪人以往令孝卿待命長崎而遣京第先還致洪武錢數十萬以助軍需舟山之行洪武錢以此日本故多妓居大宅無壁以綾幔分為私室嘗日夜各懸琉璃燈諸妓爭賽琵琶孝卿溺焉日本以是輕之出師之意中輟己丑有僧湛微自日本來為蕩湖伯阮進述請兵不允之故且言金帛不足以為動之誠得補陀山寺慈聖藏經為贄則兵必發進與定西侯張名振疏請以澄波將軍阮美為使齎經以往其王聞之大喜已知舟有湛微則悲湛微故嘗犯法於日本日本法不殺中國僧有犯則逐再至則戮及同舟始知為其所賣遂載經而還公有和黃虎癡承制強曆韻詩 初閩中班詔至越江干諸臣會議朱相國大典首奉詔具表稱謝錢相國謂樂言今日事宜合力不宜違示爭端張相國國維恐滄人心力持不可熊相國汝霖亦以

為然遂罷開讀之禮由是頗生嫌隙馬士英又構之已而相繼失守諸軍皆至海上鄭招討成功自以福州舊官不欲推奉監國用路相國振飛曾相國櫻計援天祐天復例頒東武四元曆以文淵閣印印之時錢相國願魯大統曆海上遂有二朔

順治五年戊子公二十九歲

公在舟山鄞故主事華夏等乞師威函侯請公偕

行至則事泄謀內應者被執不克而還

華主事夏別號默農鄞人為諸生時即受知於倪文正公元璐黃文忠公道周乙酉與董主事志寧陸觀察宇端張職方夢錫等同起兵于邑中所謂六狂生者也錢相國肅樂署為監軍降紳謝三賓惡之謀敗其事不克遂與夏深讐夏之在江上不受官丙戌逃歸里中謀再舉時馮侍御京第密連

張蒼水集

附錄一

約園刊本

慈谿義士聚眾夏與焉復為三賓所告遂拘獄中以賂得免已而復乞師于舟山以屠主事家營弁為應并聯李侍御王職方軍三賓聞之大懼陰竄得帛書告于巡方夏被執庭鞫詢其同謀對曰大行皇帝造謀某見殉難諸忠臣共焉在獄神色自若遇害時夏夫人聞變絕粒夏母尚在堂夫人奉甘旨如故既聞行刑則密語夏諸友託以遺孤時議逮及妻子林時躍詭出墮子以聞而匿其子于家夫人手杵米數斗膺進其姑因從容投縊云公有挽屠天生兵部詩屠主事獻宸者一名宸鄞人乙酉棄諸生走江上從熊閣部汝霖孫閣部嘉績軍時寧波向未起兵也郡中師起復歸傾家助餉已而失守匿于曾王父大司馬之故居與華主事等謀再舉時故居已半為營弁所踞海道中軍陳天寵仲謨者皆北產也屢邀獻宸過飲醉後感慨故國事歎曰勿謂吾輩異國實皆故閣部史公舊將也當維揚決別時閣部各屬一印相誓曰

異日無忘舊盟此為左券即從衣領中出閣部印以示獻宸且指天曰公若能招海上軍以薄城若吾輩不翻城應者有如此日獻宸大喜會與華主事謀洩為降臣謝三賓所告而諸父相繼被逮矣已而海師入海道孫枝秀日海師不發矢第仰視城必有內應令諸營嚴守凡巷口市隘皆以馬兵紛馳有妄出者即射殺之天寵等不敢動師退獻宸遇害方庭鞫時獻宸誓死不承天寵等得無恙然天寵等左右獻宸之力亦多

公有挽楊仲瑤張美翊案日海東逸史作瑤他廣文詩楊推官文琦者鄞人諸生乙酉以流寓閩中得與陸武從龍恩充貢舊例以推官用進補監紀推官丙戌與弟御史文瓚聞道鄞華主事之謀舉兵也文琦實為介紹聯絡李侍御長祥王職方翊兩軍其後謀洩被逮時文琦適出城不獲遂逮其父有勸之遁者日俱亡無益文琦哭曰天下安有倡義而陷父於理不願而去者亟赴之抗辭不

張蒼水集

附錄一

約園刊本

屈同華主事遇害文琦夫人沈氏亦自縊公有挽董若思明經詩董主事德欽者鄞人右都御史光宏之孫大兵南下德欽納衣領于文廟哭而焚之錢閣部起兵邑中以家財助餉華主事慈谿之獄德欽以千金脫之方事之殷德欽與屠主事皆謂華日人心不可知慎勿輕易託以肺腑華性坦直卒用是致禍其時同謀十人為首惟董主事志寧得脫幸卯死于舟山之難王詳事家勤杜秀才兆石借杜秀才懋俊施秀才元於相繼遇害

順治六年己丑公三十歲

公募軍結寨於平岡時蕭山會稽臨海天台慈谿奉化之間山師大起惟公與李公長祥王公翊軍

不事劫略居民安之連破新昌上虞諸邑浙東戒

嚴

公時屯兵山寨  
有勸農遇雨詩

順治七年庚寅公三十一歲

公年三十時監國軍潰於閩定西侯以師迎扈會

諸勦鎮討威爾侯殺之而奪其地因屯師焉公以

所部入朝晉兵左侍兼學士

公有弔黃虎癡詩 黃肅爾斌卿字明輔別號虎  
癡與化衛人甲申乙酉間累官鎮南將軍總江北  
兵福州改元斌卿曾以向為舟山參將上言舟山  
形勢即命以伯印賜劍屯其地便宜行事時張定

張蒼水集附錄一

九四明鼓書

約園刊本

西名振駐南田因結姻焉請用平彝周鶴芝自引  
斌卿猜忌而平彝慷慨下士士多歸之由是見忌  
而歸嘗出師嶺崇明戰敗以周閣安瑞救得免斌  
卿怯于大敵而勇于害其同類荆監軍本微建義  
松江以兵敗至舟山其將士皆號斌卿忌之因  
鄉民之怨率而攻之監軍避害江上失守張定西  
名振護監國至不納寧國公王之仁至誘擊之得  
并其眾寧國將張國柱因來爭斌卿傾師出禦勢  
不能當時阮蕩湖進為定西將精于水戰乃求援  
焉國柱大敗而去斌卿并得其軍斌卿因說蕩湖  
背定西已而賀君堯等至復擊殺之有兩王子至  
復殺之而奪其貫又劫義師將軍來貢船斌卿思  
仿南土司例世有其土令民年十五以上即充鄉  
兵男子死妻即嫁其田入官年六十無子者則收  
田別給口食時定西由崇明敗歸斌卿頗侮之定  
西積恨復歸駐南田王平西朝先亦不得志于斌  
卿別屯鹿頸適蕩湖以軍飢乞糴舟山斌卿不應  
蕩湖怒遂與定西平西連營時監國失閩地諸將

因往迎之張相國肯堂曰將軍不奔同官乎而與  
諸雄為仇某竊危之不聽斌卿標將黃大振者海  
盜也以得罪奔平西勸令攻之遂奉監國來討斌  
卿大懼求援于安昌王恭棟張閣部肯堂皆為上  
章待罪又議和于諸營會部將叛出洋蕩湖縱力  
劫之沈屍水中 按陸宇燾所作傳盛稱斌卿之  
才略忠孝刻厲勤王不遜聲色力以恢復為志并  
辨定西平西之事皆以偶誤之嫌非其本心自斌  
卿死舟山遂不可守與前所載不  
同讀公弔虎癡詩亦甚惋惜俟考

順治八年辛卯公三十二歲

八月聞有北師定西侯以恃險失備北兵悉抵城

下定西乃分軍扈監國北行直入吳淞欲以牽舟

山之勢而舟山已陷時公從行

張蒼水集附錄一

十四明鼓書

約園刊本

公有翁洲行詩 大兵之下舟山也使松江張天  
祿出濠關金華馬進寶出海門而陳錦總督全師  
以出定海張定西自恃習熟形勢謂諸將曰蛟門  
天險誰能飛渡吾坐而覆之此易事耳八月大兵  
試舟海口舟山人以三舟突陣獲樓船一隻戰艦  
十餘敵十人而縱之踰日天忽大霧咫尺不辨  
大兵輕帆直下時阮蕩湖先詣海門請和欲以緩  
師大兵將誘之蕩湖適歸擊大兵于洋以火球  
投樓船風轉反焚其舟蕩湖面創甚投水而死遂  
往抵螺頭門城上方覺定西以王跟踰而去諸將  
背城力鬪大兵殺傷雖眾然寡不敵城遂陷文  
臣則大學士張肯堂禮部尚書吳鍾錫兵部尚書  
李向中吏部侍郎朱永祜通政使鄭遵儉兵部尚書  
志寧兵部郎朱養時吏曹楊思任戶曹江用楫林  
英禮曹董雲兵曹李開國朱萬年王顛顧欽工曹  
顧宗堯戴仲明中書蘇兆人武臣則安洋將軍劉  
胤之左都督張名揚楊錦署衛指揮王朝參將林  
志燦守備葉大俊定西參謀顧明楫內臣則太監

劉朝諸生則林  
世英俱死之  
公有挽張相國肯堂詩 華亭相國在舟山時內  
司文話外調軍機鞠躬盡瘁刻無寧馨而吟咏之  
事不機亭臺竹木手自葺灌又有寓園秋色詩礪  
灘鯨背之間詩筒唱和可以觀所養矣其雪交亭  
者植一梨一梅開時花嘗時相接覆於亭上有寓  
生居繞屋皆種續斷續斷名寓木也并為文記其  
事

公有挽大宗伯吳繼稭詩 宗伯晚年嘗曰吾與  
馬文忠世奇最善而李忠毅昇則吾弟子錢忠介  
肅樂則吾門生皆死國難吾叔子福之乙酉起兵  
以殉難死吾負吾君是負吾友吾友是負吾  
子時復告老居補陀聞變曰吾從亡之臣當死行  
在即入城中與張相國分城而守城陷作絕命詞  
曰只為同事催行急故遣臨行火浣衣  
遂自焚于學宮宗伯所著有雉幽集

張蒼水集

附錄一

十一四明叢書

約園刊本

公有挽朱聞玄少宰詩 朱少宰永佑字爰啟號聞  
玄華亭人籌鑄案海東逸史作上海人崇禎甲戌  
進士授刑部主事晉吏部郎閩中以太常寺卿出  
監平彝侯軍力勸鄭芝龍無降將遣力士刺之已  
而不果丁亥借張相國肯堂徐給諫字遠至翁洲  
晉侍郎加尚書城陷病不能起或謂之曰難髮則  
生罵曰吾髮可雉何待今日遂遇害僕負其尸出  
郭流血不止僕號泣曰主生前好潔今無知耶應  
絕聲而

公有挽安洋將軍劉胤之詩 劉將軍胤之名世  
動江寧人也丁丑進士為人奇偉倜儻精于戰陳  
復好儒雅能詩福邸命以副將安撫浙東因隸肅  
鹵麾下累有功監國進都督挂安洋將軍印舟山  
圍亟世勳開門詐降內伏大砲大兵前隊  
爭入砲發死者千人力竭終陷自刎而死  
公有挽王完勳侍郎詩 王完勳名翊餘姚人初  
從軍西與無所知名西與師潰翊歸餘姚私求壯

士家貧授經以館數量資分給人感其意魯王在  
海上遣人授翊御史使舉兵穀結壯士十餘人起  
下管轉相號召液旬得千餘人發揚士至舟山說  
黃斌卿同攻寧波寧波諸生華夏以帛書來告內  
應未幾夏等謀洩斌卿至寧波後期歛軍退翊遂  
入四明與公同邵一梓李長祥等分營互應而翊  
軍最強以王江司餉沈調倫毛明山孫樹領部卒  
兩破上虞殺攝令得其縣印於是大帥檄四明村  
落結團練自為戰守大兵踰清賢嶺攻丁山翊卒  
死者四百人孫悅戰歿御史慈谿馮京第自湖州  
軍敗間行入翊軍屯兵于杜巖為團練所破邵一  
梓亦戰敗于下管翊乃自天台收兵還擊團練破  
之收散卒隨道招集得萬人使京第乞師日本將  
會兵由海道入長江會斌卿弟孝卿敗其謀遂與  
斌卿絕攻奉化不克戰于河泊所還入四明順治  
六年魯王次健跳翊往見加僉都御史次舟山再  
見加兵部左侍郎時嚴我公為招撫使湖州柏襄  
甫會稽顧虎臣降之大兵將渡海發使者入四明

張蒼水集

附錄一

十一四明叢書

約園刊本

山翊部將黃中道邀殺之翊謂京第曰今與我持  
角惟舟山我破舟山無援舟山破我亦孤事未可  
知然豈可孤乘梓之望哉明年破新昌越餘姚拔  
許山紹寧道梗大兵將取舟山惡翊反內地乃分  
兵二道金礪自奉化田雄自餘姚會擣大嵐翊戰  
敗京第被獲于灌頂山翊至北溪為團練所執過  
奉化賊絕命詞軍府廷鞫之翊不屈總兵劉進忠  
射之中肩田雄中賴金礪中脅不動貫植木絕其  
吭乃仆毛明山暨鄧人陸宇燾購其首葬之王江  
及調倫俱戰死于四明山翊執後一月舟山破魯  
王奔

順治九年壬辰公三十三歲  
廈門  
按順治十一年甲午張閣部會定西軍直抵金山  
遙祭孝陵偕王御史江等題詩蘭若中此王江豈  
另一人耶抑  
記載誤耶

公復扈監國入閩延平不肯奉魯但以廩餼供之而已時王去監國號以海上諸臣皆受慎命也惟公於王不改節是年刑部公卒

公有讀史詩 初延平以閩越膏嫌不欲臣於監國然監國在長垣在健跳在翁洲皆有諸軍護衛時亦無藉于延平幸卯之後延平軍勢日盛遂執牛耳定西平彝閩安諸公皆稱邦莒而監國為寓公矣故不得已而去尊號乾侯之辱良可悼也浙邸舊臣惟公始終一節不與延平附和公有讀史二首蓋情見乎詞矣公在海上当事防守其家刑部密遣人謂公曰吾寧為李通之父不作姜維之母至是病卒李徵君

公有閩南行詩 是年鄭成功圍漳屬邑俱下獨郡城以援至不克成功防鎮門山以水之堤壞不

浸城中食盡人相食枕藉死亡者七十餘萬時又遭派梁索餉之慘夜敲瘦骨如龍瓦聲千門萬戶莫不洞開落落如游墟墓饑鼠飢鳥白晝充斥圍解百姓存者數而指溝中白骨非其父兄即其子弟歷數告人然氣息僅相屬言雖悲不能下一振也時有一人素慷慨率妻子閉戶一櫛而絕鄰舍兒竊煮噉之見腹中累累皆故紙字畫隱然鄰舍兒亦廢箸死延平陸梁海上以來沿海居民受荼毒亦至矣然莫暴於漳州之師總督陳錦實死於是役焉

順治十年癸巳公三十四歲

公在廈門時有言思文帝未死在五指山為僧尋以敕書通問公疑其偽已而卒無可考還浙次於東甌尋入吳淞

壬辰八月前刑部侍郎王虞石至島言來自五指山思文帝實在彼為僧初思文帝蒙難有告路相國振飛者云被執者非帝也至是皆信其言繼而勅使至廈門故臣皆不能決是年二月復遣使存問使言思文帝今離五指駐平遠不日起兵諸臣乃具公疏請勅驗觀卒不可得

順治十一年甲午公三十五歲

公在吳淞會定西侯軍北行時諸軍直抵金山遙祭孝陵三軍慟哭偕王御史江等題詩蘭若中南都震恐而上游人待接應者愆期不至諸軍不敢深入左次崇明

順治十二年乙未公三十六歲

公在吳淞再合定西軍入江掠瓜州儀真抵燕子磯卒以師徒單弱中原豪傑無響應者還軍於浙

是年延平以去年出師未盡得志乃以正月祭旗大演陸師六月祭海大演水師遂下福之安平鎮漳州及惠安南安同安三邑墮其郭因破廣之揭陽澄海普寧峻揭陽城毀澄普又發師下浙之分山國朝復遣使撫之不聽是時延平專任閩事朝議割漳泉湖惠四郡并賜延平不受世祖初遣鄭賈遠等封爵令島上薙髮延平不受世祖初遣鄭賈兩漢大臣繼遣葉阿兩滿大臣撫之延平乘機登岸措餉縱橫福興漳泉之地世祖怒安置芝龍于高俎延平不願是冬大發水陸諸軍于揭揚應廣東李定國軍十二月攻降泉州漳屬縣十降其九泉屬邑七降其六延平遂置六官分理庶事

順治十三年丙申公三十七歲

張蒼水集 附錄一

約園刊本 十三 四明叢書

張蒼水集 附錄一

約園刊本 十四 四明叢書

公在東甌間至閩中時定西侯以前年卒其部落無主者公盡統之軍勢漸振復還秦川

順治十四年丁酉公三十八歲

公在舟山初舟山既失守延平以兵取之丙申復陷是年中朝以舟山不可守遷其民於內公屯兵焉

按舟山自辛卯後國朝以巴臣興守之乙未延平遣部將督諸軍圍舟山巴臣興降丙申八月國朝復取舟山部將之守城者俱赴水死丁酉國朝朝以舟山不可守乃遷其民過海遂空其地

順治十五年戊戌公三十九歲

張蒼水集 附錄一

十四 四明叢書 約園刊本

公在舟山滇中遣使慰勞晉閣部會延平師北行已陷樂清等縣碇羊山孽龍為禍海舶碎者百餘義陽王溺焉羊山者海中小島羣羊乳其上見人了不畏避然不可殺殺則風濤立至軍士不信執而烹之方熟而禍作復還舟山

是年五月滇中分道出師李定國下湖南馮雙禮副之劉文秀下四川王復臣副之以楚事急選兵俱隸定國六月定國駐軍武岡雙禮駐寶慶連戰皆捷恐孔有德在廣西或躡其後於是定國出新寧雙禮出祁陽分趨全州別遣一軍先趨桂林雙禮先之全州克之與定國會軍而前桂林方發軍救全州南師畢集遂閉城守諸軍攻入其陣孔有德自焚死踰時定國軍復趨湖南蹶敬謹王於衡

川東南大震會與孫可望構隙遂不克終劉文秀入川以乘勝不備為吳三桂所敗復臣死之蓋滇事大債矣 是年永曆駐蹕雲南依李定國以居孫可望已降矣前年已開緬甸為省以沅江十一府為總督不果 是年永曆遣漳平伯周金湯航海晉成功延平郡王甘輝崇明伯萬禮建安伯黃廷永安伯郝文興慶郡伯王秀山祥符伯餘俱拜爵有差公有聞行在所遣使至營宣諭有感詩自述時子官少司馬兼學士乃自述其故官非謂是年始授也是年乃晉閣部銜故詩中有黃麻紫綵不須多之句墓誌及諸傳俱訛

順治十六年己亥公四十歲

公在舟山尋會延平師北行以失利還海上見北

征錄

張蒼水集 附錄一

十六 四明叢書 約園刊本

公有會師東甌漫成詩 戊戌七月延平全軍北指甲士一十七萬習流五萬鐵人八千習馬五千號十萬戈船八千相國亦以所部並發延平推相國為監軍至浙江攻陷樂清縣次于羊山是年五月復由溫州而上 公有次觀音門詩 是時閣部為前軍合延平師取瓜州諸將即欲直趨留都閣部以鎮江實大江門戶若不先下則避舟出沒主客之勢異矣力請先取鎮江延平猶慮留都來援閣部謂何不遣師先搗觀音門則留都自守不暇矣延平因即請閣部往并以直達蕪湖為約已而延平果克鎮江閣部次觀音門業已兩日貽書勸乘破竹之勢疾趨留都會延平以水道進巨艦逆流留都遂得嚴為備之 公有師次蕪湖時予所遣前軍已受降詩 閣部待延平不至乃發前軍先上蕪湖而以戈船繼之



遣部曲七人掠江浦大兵以不備開門走閣部乃扼浦口會捷書至前軍已受蕪湖降矣閣部乃親

按之傳檄郡邑大

江南北多響應者

公有師入太平府詩

太平即占丹陽郡

公有姑熟既下和州無為州及高淳溧水溧陽建

平廬江舒城含山巢縣相繼來歸詩 時閣部師

所過吏民喜悅爭持牛酒進勞父老扶杖炷香挈

壺漿以獻者終日不絕見其衣冠莫不垂涕閣部

撫慰悉惻入謁先聖坐明倫堂長吏故官或青衣

待罪或角巾抗禮考察黜陟如州牧行部故事閣

部之趨燕也軍不滿千船不滿百至是聲勢頗盛

相度形勢一軍下溧陽以窺廣德一軍鎮池郡以

絕上游一軍拔和陽以固采石一軍入寧國以通

徽州江楚豪杰多詣軍門請歸馮旗以應大帥而

身往來蕪湖間

實席不暇煖也

張蒼水集 附錄一

七四 明 嚴 書

約園刊本

順治十七年庚子公四十一歲

公有驛書至偏軍已復池州府詩 閣部駐軍海  
上最與居民相安師行所過野人童子或折名花  
以獻或攜濁酒以迎至是益嚴軍士之禁秋毫無  
犯有游兵隔入剽掠者即擒治如法遠近翕然故  
有歌吹已知來澤國樵蘇莫遺過田家之句閣部  
整軍將取九江以留都尚未下乃胎書延平謂事  
久易變氣竭則衰守鎮江諸師宜分兵取旁邑如  
句容丹陽皆畿輔咽喉地必加扼塞勿使援兵得  
入而大軍圍留都者日挑戰以困之勿使援兵得  
出俟吾四面克復收兵鱗集留都而中物矣延  
平不能用 北征錄曰初意石頭師即偶挫未必  
遽登舟即登舟未必遽揚帆即揚帆亦未必遽出  
海乃遣人間道致延平書勸其再戰并欲令益百  
艘以為上游之助不意延平竟棄鎮江以去其時  
休寧方有兵阻閣部方有戒心賴導行皆緣人故  
得無恐既入淳安已是浙境遂由海上達海甯

公在林門舊時部曲漸復來歸間至桃渚

順治十八年辛丑公四十二歲

公在林門是年滇中盡喪所有之地旁皇徼外公

與海上諸臣謀結鄖東郝李之兵一道出蜀一道

出黔以牽其勢使無急進乃推吳職方鉏南行然

滇中已不可守矣

延平渡海取臺灣公力阻之不聽會沿海民居有

令內徙懋墳墓者或不願往公謀以軍撓之因再

貽延平書欲令回軍相應延平終不能用 張美翊

張蒼水集 附錄一

六四 明 嚴 書

約園刊本

年十二月紅夷食

盡延平始得臺灣 羅參軍子木者

公有送幕客羅子木往臺灣詩 羅參軍子木者

名綸溧陽人也海上水師提督蘆章之姪已亥閣

部師入長江參軍謁于江上指陳形勢閣部大奇

之曰李清河之客也將留用之以父老固辭去既

而以告延平延平使水師強起焉署為參謀軍事

即令從營將東下詢吳會會江師潰參軍請再戰

不聽至于涕泣乃奉其父浮海而南時閣部自蕪  
湖收散亡屯林門參軍將往從之舟次三山忽遇  
大兵參軍率家丁力關矢集鎧如蝟墜水得生而  
其父竟被縛去參軍大慟銜皇滄浪間思出奇計  
以救其父卒不可得拔刀自殺為人所救送之閣  
部行營閣部以伍胥之事慰之嘗為詩序然參軍  
每思其父輒椎胸哭至于嘔血其後奉閣部命入  
臺鸞致書延平不聽甲辰同殉難葬于閣部墓旁  
公有送吳佩遠職方南訪行在兼會師鄖陽詩  
吳職方鉏嘉興人也東林復社名士乙酉謀起兵

應太湖不克逃去遍走山寨海島之間嘗南觀慎  
中北依魯即謁韓王于巫峽朝益藩于江西以至  
通城瑞昌諸營無不畢到瀕于死亡者屢焉家亦  
以是落晚年江上烟沈海中潮落逐迹柴桑間與  
閻孝廉爾梅徐孝廉枋等為夕社游不媿謝臯父  
一輩初桂王以己亥入緬至是三年李定國連  
戰不利公集中送吳職方黎大行皆海上所使以  
探消息者其冬緬人獻王明年至滇遇害然是時  
定國諸軍皆在微外安得有會師耶陽之舉按流  
賊將郝永忠等反正北保湖南巴東之問駐軍屯  
田自為號令時有李來亨劉體仁等十三家分據  
興山巫山房山施州均州治州諸寨聲勢相倚所  
謂鄖陽之師者也後都御史洪中丞有龍總督湖  
南諸軍當桂王駐安陸時疏言十三家抗險據衝  
觀釁而動方今楚蜀雖失諸軍未有貳志若有征  
行可以兵應時蓋海上諸公之計謀結鄖師以扞  
滇患忠臣區區惴惴出于無可奈何事雖不成亦  
可憫也諸野史皆失記賴閣部詩得以攷見 鄖

張蒼水集

附錄一

十九

四明叢書

約園刊本

陽諸師雖與桂王連和然別奉韓王本鉉為主改  
元定武移書序長幼而不稱臣滇事既平陝西總  
督李國英等以七將軍出湖南分道討諸寨諸寨  
據險拒守癸卯來亨以疾困甚合諸寨軍力闕四  
晝夜國英大挫甲辰巫山不能守有龍死之諸寨  
繼破韓不終公有長鯨行詩為鄭芝龍而作是  
年十月有告鄭芝龍在高祖密謀不軌前此長江  
之役與其子通有詔棄市張美翊案曰南天痕鄭  
芝龍傳是年芝龍為家人尹大器所首十月磔於  
市林太常時對曰芝龍為海盜之首令行島上既  
就撫後海船不得鄭氏令旂罔敢往來每舩例入  
二千金歲入億萬以此故富敵國其擁立隆武也  
非有恢復大略不過以權勢自雄而已諸大臣頗  
不悅隆武亦漸忌之堂廉遂積相忤又畏天兵之  
盛知力不能抗潛思歸款而兩招撫洪承疇黃熙  
胤故皆福人因與芝龍通問許以閩廣總督之官  
芝龍喜于順命而兼得自莅其土也遂盡撤守禦  
是即詩中所謂不望鳳凰之池但乞蛟龍之穴者

也及貝勒至縱兵殺掠負約挾之而北芝龍亦大  
悔矣成功少為隆武所奇既有知己之感素薄其  
父之有貳志遂不顧去芝龍入京授精奇尼哈番  
甲午招撫開島以海澄公封成功并賜芝龍同安  
侯爵成功不受芝龍遂入高  
祖辛丑被入所告終不免焉

康熙元年壬寅公四十三歲

滇中赴至 張美翊案曰永曆帝以辛丑十二月公  
被執是年四月望日蒙難年三十八公

在東甌哭臨三日軍中縞素乃定策復奉魯王監

國然閩中自延平卒 張美翊案曰是年五月初八  
日延平卒於臺灣年三十九

諸將多暮氣雖曰推奉具文而已

公有贈陳文生侍御返閩嶠詩 是時滇中報至  
相國哭臨三日軍中縞素適延平亦卒相國歎曰

張蒼水集

附錄一

四明叢書

約園刊本

所謂人之云亡者矣因貽閩南諸將書議其奉魯  
王稱尊號復告延平世子以推戴之事遂具啟上  
詔書一道王遣陳侍御修報之侍御返命相國復  
上書於是諸將復奉王監國然不過虛名而已  
公有傳閩島近事詩 延平之未卒也忠匡伯張  
進守銅山為部將郭義蔡祿所挾以叛進自焚死  
忠勇伯陳霸守南澳延平忽得蜚語遣將討之遂  
入廣降世子嗣位既殺其世父蔡泰弟鳴駿子續  
緒降忠靖伯陳輝及蔡鳴雷蔡協吉蔡原楊富何  
義杜輝等相繼歸命故閣部有船閩軍散之語暨  
于甲辰周全斌黃廷林  
順等降臺灣之勢遂衰  
公有得故人書至自臺灣詩 是年延平入臺灣  
張美翊案曰當在辛丑十二月國朝適有遷徙之  
令相國使羅參軍輪貽書以臺灣遠在海外得之  
不足為重而以內地兵遠出是無經略中原之志  
况紅夷欲乞師萬一內外夾攻思明寸土亦未可  
保又以沿海居民憚于遷徙東逃西竄鮮從命者

若乘其機而圖之此良會也然延平以長江之敗  
喪氣自度無若國朝何以得臺灣為休息之計故  
不聽相國之言是時盧司馬若膺王司馬忠孝徐  
中丞孚遠沈中丞任期皆在延平軍中相國望其  
激發延平使之回軍西指故有只恐幼安肥遯老  
蔡牀阜帽亦徒然寄語避秦島上客衣冠黃綺總  
堪疑

公有北回示將吏詩 按辛丑冬閣部有復曹監  
軍書曰弟樓遲沙關幾三月矣金盡粟空誰能為  
景升仲謀者只得仍圖北返兩番鼓棹又以石九  
留滯今春風至矣決計回折亦且晚間事早閣部  
之北回在是年春也書中又曰沿海遷徙居民百  
萬生靈盡入湯火洵洵思動惜無勁旅為之號召  
以致顛連莫告我輩坐視其荼毒而不能救真媿  
殺也時部閣欲止延平臺灣軍專略海上而延平  
不能用是以有  
同仇計左之語

張蒼水集

附錄一

三四明叢書

約園刊本

公有陞行誌慨詩 溫州自戊戌為延平所克次  
年江所敗歸守溫州將到猷與官軍戰敗績死之  
是後已歸國朝今閣部詩有日豈知魏勝壘已化  
李陵城又曰行矣河梁別翻為送隴西似前此為  
海軍所有而是時有以溫州降者 是詩為延平  
世子而作島事自延平沒後世子無意西出親族  
兵將大都望風投款以取封爵於是朝議銳意南  
征合紅毛夷夾攻鄭人退守銅山官軍人島墮中  
左金門兩郭收其婦女寶貨而北兩島之民爛焉  
世子入臺郡分諸將地頗有菟裘之志度曲徵歌  
偷安歲月軍不滿千船不備百兵甲戈矛  
一切頓闕相國兩詩深有慨乎言之矣

康熙二年癸卯公四十四歲

公在東甌前年有台州鎮將張承恩者潛謀通海  
公以書招之至是將窺浙東不克

是年招撫王總督趙皆以書招閣部閣部答招撫  
書曰執事既銜命而來以保境息民為念莫如盡  
復海濱之民即以海濱之賦畀我海濱之師在執  
事既能捐棄地以收人心何在海上難息蠻爭以  
待天命使殘黎朝歸故里則不佞夕挂高帆矣其  
答總督書曰不佞功名富貴既等之浮雲成敗利  
鈍亦委之天命寧為文文山決不為許平仲若為  
劉處士何不為陸丞相國朝知不可屈遂收帛書

康熙三年甲辰公四十五歲

公在舟山監國卒於海上

張美翊案曰據神道碑  
銘監國卒於壬寅十一月

月趙譜卒於壬寅九月此作甲辰非是 癸  
卯公有祭監國表文則非卒於甲辰明甚 六月

公遂散軍七月降校欲致公以為功從邏者暗中

執公并及羅子木楊冠玉舟子三人公至寧波方

張蒼水集

附錄一

三四明叢書

約園刊本

巾葛衣轎而入觀者如堵牆至省供帳如上賓每

日求書堆積亦稱情落筆九月七日公賦絕命詞

云我年適五九復逢九月七大廈已不支成仁萬

事畢遂遇害子木冠玉舟子三人從死子萬祺先

公三日戮於鎮江夫人董氏先時被繫獄中削髮

為尼以例當徙燕因尼得免今以再從子鴻福為

後武林張文嘉甫東萬斯大與僧超直葬公於杭

州西湖南屏之陰

公有入山詩 是時海上諸軍零落散亡殆盡鄭  
氏既入東寧祇存閣部一旅然閣部以監國尚存

誓死不替是年監國薨于東寧閣部哭曰已矣吾其誰與事者遂以六月散軍入山世皆言閣部以援絕勢窮不復自持而不知使監國一日不亡則閣部一日不罷監國以是年亡閣部之命隨之可謂君亡與亡者也讀閣部之詩者尙其知閣部之心焉監國之死諸書失記以閣部之祭表定之有云十九年之旌節則甲辰矣近有造為誣史謂鄭延平弒王於甲午是因延平不肯臣王而構之者王寅演中蒙塵閣部三疏請王即真今其在可攷也漫無證據信手捏造翻天覆地誰其是之公有懷王媿兩少司馬徐閣公沈復齋中丞詩按王侍郎忠孝字媿兩沈都御史佺期字復齋皆以從亡入東寧與盧尙書若騰辜都御史朝薦郭侍郎貞一徐都御史孚遠紀儀部許國為鄭氏國老凡有大事待訪而行當時謂之七公其後並卒于島

張蒼水集附錄一

約園刊本

于此今其子孫何在提督閣中門延入請閣部東向坐曰遲先生已久今得一見對曰國亡不能存父死不得葬今日之事但期速死提督更有所問閣部不答時提督僦民舍為閣部寓列卒守之有一下夫長者有心人也夜半隔窗唱牧羊記傳奇蘇武罵李陵詞音調淒涼閣部擊節賞之呼與共坐倚歌而和相已淚數行下提督聞之乃令諸將選優人奏樂以娛閣部至省趙總督廷臣不見傳令獄中盛設帳具吏卒無得失禮司道府縣以總督命相繼來慰諭閣部坐胡牀但拱手不起舊時部曲多為幕府僚屬總督謂曰此爾輩故主也何妨一見於是庭謁者踵至省中士民各路守者入見

張蒼水集附錄一

張蒼水集附錄二

年譜

會稽趙之謙搗叔纂

鄧張忠烈公年譜題全先生祖壘輯其書出自鄭氏鄭氏言得之姚江黃氏董君孟如修鄧志時嘗據以校正之謙乞孟如段寫以歸今反覆讀之有大疑焉全先生所著書其弟子輩未純稱三餘種年譜有作則見於張尙書集序然鮎埼亭集與外編所存文字於忠烈畢生志節行誼求之惟恐

張蒼水集附錄二

約園刊本

不盡忠烈之女為全先生諸母行先生年十八時已從之問遺事補黃楊二徵士志記闕失糾吳星叟嘯臺集謬誤一見之神道碑銘再見之與萬九沙趙谷林書蓋至審且慎矣年譜晚出一人之書復相違異若此或謂昔信以是今知其非先生之學擇精而語詳亦必識所據依明失得之故矣有絕異者忠烈賜諡在乾隆四十一年距先生之歿已二十年全先生以乾隆二十年卒今既特書首簡猶可曰點竄者過也北征錄奇零草冰槎集忠烈所自

作也而顛倒其歲月遂易其事實何為者也鄭氏  
又稱附錄詩話諦審之不類也文字屏且拙不類  
也抑淺夫因先生原稿久佚鈔撮成之託名焉虞  
後儒之滋議也不辨可也誣之不可也之謙年十  
三開從祖占旗先生談忠烈懸壘被執時事忽改  
容而前從祖嘗晒之越六年於沈氏書攤得奇零  
草殘寫本七葉雖斷闕不可讀繹之略存頗末辛  
酉寇難復失之自乾隆中東南收繳禁書遺黎私  
記窮里複壁罔敢伏匿抽燬既定殘廢百一今亦

張蒼水集附錄二

二三四明發書  
約園刊本

半歸滅沒幸故鄉耆宿猶及此者每酒酣耳熱間  
述舊聞以息諸謔三十年前口耳之師默記四五  
雖老而健忘尙能說約略也忠烈之自序奇零草  
也曰思借聲詩以代年譜竊仰斯旨聞疑載疑願  
有述焉證諸本集期可徵信旁及異聞有資考察  
仍其是者去其誣罔別為年譜一通以竟全先生  
之志亦慰忠烈於九京也

明萬曆四十八年庚申 一歲 是年九月光宗改元泰昌

公諱煌言字玄箸號蒼水浙江寧波府鄞縣西北

廂人全祖望撰姓張氏宋文節公知白之後全祖

上族元時避兵入高麗全譜文節之後自滄州徙

九世避元亂以家世仕宋明初始歸稱高麗張氏

無名氏今稱雍睦堂張氏傳高祖伯祥起家孝廉

伯祥即築雍睦堂張氏為令族望表知靖安縣

堂以居兄弟者曾祖尹忠祖應斗父圭章思舊錄

圭章字兩如甲子舉人嘗教授余家謹圭章官刑

部郎按公祭四叔父文曰叔父雁行有四吾父

居長止生姪一人二叔蚤亡無嗣三叔以壽終生

從兄弟三人長嘉言次昌言又次德言叔父無所

出昌言遂為承祀今叔父既逝姪與嘉言俱在軍

次德言尚稚弱恐不任箕裘則高曾之不祀忽諸

是姪未能報國先已亡家矣公之家世略具於此

祭文又稱吾姊與吾姊丈暨一二故交亦在不免

則公尚有姊公奇零草有顯甥奔至一詩繫年王

寅詩云初聞購孺子何幸脫蘆中執手哀吾姊囊

頭並若翁死生盡一別忠孝已雙窮淒絕青山外

購公首者朱相玉全氏書公甥或為一人又全氏

張督師畫像記公從弟從軍海上人山以後不知

張蒼水集附錄二

二三四明發書  
約園刊本

以六月初九日生公神道碑銘譜作十九日父生

時夢五色雲見故小字雲

天啟元年 辛酉 二歲

天啟二年 壬戌 三歲

天啟三年 癸亥 四歲

天啟四年 甲子 五歲

天啟五年 乙丑 六歲

始就塾 傳幼善病輒瀕死六歲就塾書上口即成誦

天啟六年 丙寅 七歲

天啟七年 丁卯 八歲

崇禎元年 戊辰 九歲

張蒼水集 附錄二 四 四明叢書 約園刊本

能詩 奇零草自序余自舞象輒好為詩歌先大夫慮廢經史每以為戒遂輟筆不談然猶時時竊為之

崇禎二年 己巳 十歲

崇禎三年 庚午 十一歲

崇禎四年 辛未 十二歲

母趙氏卒 傳十二喪母父判河東離署解州篆為壯繆故里煌言謁祠下撰文祭告以忠

義自矢

崇禎五年 壬申 十三歲

崇禎六年 癸酉 十四歲

崇禎七年 甲戌 十五歲

崇禎八年 乙亥 十六歲

補邑弟子員 傳思陵以天下多故令諸生於試經

義後試射莫能中公執弓抽矢三發三中 神道碑銘

崇禎九年 丙子 十七歲

崇禎十年 丁丑 十八歲

崇禎十一年 戊寅 十九歲

崇禎十二年 己卯 二十歲

崇禎十三年 庚辰 二十一歲

張蒼水集 附錄二 五 四明叢書 約園刊本

喜呼盧無以償博進則私斥賣其生產父怒全美

樟售己田為清其通勸以折節讀書 神道碑銘靈

擊絕粒運氣困殆幾斃已而遊於推埋拳勇之徒

打鼎擊劍日夜不息忽又縱博無以償所負則私

斥賣其生產全望穆翁先生墓志張督師蒼水

為諸生放誕不羈呼盧狂聚窮畫極暮自其父兄

以至師友皆拒之先生一見曰斯異人也盡賣負

郭田三百金為償其負而勸其折節改行穆翁諱

美樟字木干其仲子公增也避地居台州黃巖縣

按公述懷詩其二有云弱齡向還異辟穀慕青

鷲骨肉相驚涕時復勸加餐因緣誤煙火塵鞅日

以攢上書獻天子索米走長安黃白之學當指此

崇禎十四年辛巳 二十二歲

崇禎十五年壬午 二十三歲

舉於鄉 按是科主司為翰林院編修吳國華字蔡庵南直隸宜興人吏科給事中范淑泰字

通施山東滋陽人房考知諸暨縣錢世貴字聖清南直隸青浦人崇禎庚辰進士

崇禎十六年癸未 二十四歲

國朝順治元年甲申 二十五歲 明崇禎十七年三月十日流賊李自成陷京師懷宗殉社稷五月一日南都諸臣史可法等奉福王監國明年改元弘光 大清定鼎

京師

順治二年乙酉 二十六歲

張書集附錄二

六四明叢書

王師下江南 李介天香閣隨筆許定國殺高傑傑款請兵己為鄉導時攝政王初定北都得定國乃決策南下豫王以輕兵進行千里直抵揚州詳重

照甲乙彙略五月丙申開洪武門大僚統百官獻冊行四拜禮請豫王進城乙巳劉良佐奉豫王令

追至坂子磯黃得功中弩自刎浙西郡縣咸望風死良佐入其營挾福王回南京

下閏六月十有三日浙東士民競起無所期會城守以外窮鄉僻澁各自為屯

王家勤張夢錫華夏陸宇燭毛聚奎與刑部郎錢

肅樂會鄉老合兵沈宸荃馮元颺亦起慈谿十八

日奉箋迎魯王監國 全祖望撰錢忠介公先至肅國神道第二碑銘

樂即遣公迎於天台監國授公行人至會稽賜進

士加翰林院編修兼官如故入典制誥出籌軍旅

神道碑銘 謹云詔以翰林院檢討掌制誥兼行人

司事 傳云授檢討知制誥 按魯春秋記同時並

起者會稽鄭道謙王紹美王璽周晉王襄鄭之瀚

張玉鉉餘姚姚汝霖孫嘉績縣吏王翊仁和陳萬

良馬雲龍道士范大倫富陽陸方侯於潛俞文淵

海寧朱大剛左尹周宗彝及弟啟琦沈陵俞元良

及兄元禮金華張國維朱大典東陽陳倉嘉興徐

石麟王焜張翊嘉善錢梅海鹽王雲鶴及弟雲龍

雲鳳韓萬象平湖屠象美陸清原倪長吁馬鳴雷

朱大定湯雲章崇德呂宣忠長興金鑑歸安韓茂

貽王光祚德清蔡瑞法蔡子標永嘉張實孚臨海

陳爾輝柯夏卿翁明英其江南江西響附者不勝

書諸人或絕脰捐軀或避荒以死 閩中詔使至議

事蹟久湮今日無能舉姓氏矣 七四明叢書

開讀不合公請充報使入閩從之 神道碑銘

順治三年丙戌 二十七歲 大軍已克浙東江上師潰 魯春秋監國奔台州宮

柱龔執以降元妃張氏見害復傳有妃周氏破盜 樂批喉死覆劇苞南疆佚史跋七據魯春秋今魯

史江東閩位紀舟山紀略以資樂自到為 公倉卒 張氏事蓋據戴周二家未見左升書也 馳歸拜父曰兒將隨主航海竟去 入翁洲從富

魯春秋是年秋七月鄭芝龍降鄭彩入鷺門成功  
畫漳泉為守八月鄭彩迎監國保鷺門傳檄言入  
海賊風舟覆登海島飢困待斃夢神告日削吾干  
年鹿俟十九年還我詰朝果得一鹿炙食之人嘗  
一鷺歷旬不飢  
遇他舟至獲免

順治四年 亥 二十八歲

夏四月蘇松總鎮吳勝兆約張名振為外援魯春秋  
故都御史沈廷揚御史馮京第與公並勸名振應  
之公監名振軍以行至崇明大風覆舟廷揚死之  
公與名振皆被執有百夫長導使走至公壬午房  
考錢氏七日間道按北征錄云遭颶風覆舟陷復

張蒼水集 附錄二 八四明叢書

歸翁洲神道碑銘請勝兆乞師黃斌卿欲帥之沈  
崇明颶風大作全軍覆焉春秋勝兆與舟師期  
會夜中殺同知楊之易推官方重助號眾以待適  
海師破震潛蛟舟覆失約勝兆為中軍篤世勳所  
縛就法按沈寓白華莊稿五梅公紀事略廷揚  
字季明別號五梅乳名百五南都亡後斂眾舟山  
丁亥春統舟北上四月十四日颶風大作舟膠於  
福山之徐六涇灘遂見執姪元昇麾下七百人從  
焉同行諸人皆易服雜亂軍中逸去巡撫土國寶  
坑七百八於姑蘇婁門之李王廟廷揚檻送金陵  
按察司獄七月二日受刑元昇從焉全氏撰崇明  
沈公神道碑銘述廷揚言兵至必駐崇明禁打糧  
然後可至崇明食盡名振重違前約乃趨壽生洲  
打糧泊舟鹿苑五更風作舟自相擊軍士溺死者  
過半大兵逆之岸上名振與煌言京第雜降幸中  
逸去未嘗獲全軍也是年公在翁洲有九日陪安  
昌王黃虎癡張侯服張鯨淵朱聞玄徐閣公沈公

子昆仲登鎮山和韻詩又留節翁城同諸公行長  
至禮詩云幾年臥節夢金鑾絲最猶班舊握蘭葭  
管初開周甲子蔥珩重見漢衣冠嗚呼恍覺鑪香  
近海曙還疑扇影寒惟有臣心冰雪淨誓將綵綫  
續雙丸

順治五年 子 二十九歲

義與餘校復起出沒林麓魯春秋公集義從於上虞  
之平岡神道碑銘按山寨之起以錢肅樂在閩連  
至姚張都御史當以平岡之師會可得三百人則  
集義從正在是年及夏六月肅樂已卒矣公撰曹  
雲霖詩序云戊子秋余入山寨此確證也譜以山  
師起公軍平岡繫已丑大誤又肅樂之卒全氏書  
五月魯春秋書六月攷是年閏四月黃斌卿使弟孝  
月時海上未奉正朔置閏遂異耳

張蒼水集 附錄二 九四明叢書

卿隨馮京第再乞師日本公以詩贈行按魯春秋  
日本時同行者有凌士宏公送黃金吾馮侍御乞  
師日本詩云中何何地足依牆惆悵徵師日出方  
龍節隊持牙斧客魚書泣捧豹衣郎黃河北去浮  
青雀滄海東回獻白狼佇聽無衣萬里外穢弧應  
復掛扶桑奇零草此詩  
編年戊子譜繫丁亥誤

順治六年 丑 三十歲

公屯山寨奇零草己丑有屯兵山寨勸農遇雨詩  
又答上虞偽令詩其端陽喜雨呈張相  
國鯨淵詩云海國懸符為辟兵驅來雷檄又縱橫  
中天雨露天中節半夜風雲夜半晴繁露何須災  
異對商霖原為相公生憂民幸慰祈年意笑把菖  
蒲泛酒鎗魯春秋是年秋七月張名振議迎監國  
駐台州臨壘八月監國至舟山黃斌卿不即納王  
朝先殺斌卿名振遂統其軍監國論名振總督諸



師阮進治樓櫓東閣大學士兼吏部尚書張肯堂  
加太子太保以吳鍾繼為禮刑二部尚書兼左都  
御史李向中兵部尚書朱永佑兵部右侍郎  
郎向中永佑自鷺門依監國至舟山者

順治七年庚寅 三十一歲

公入衛舟山超拜兵部左侍郎魯春秋神道碑銘  
所部入衛加公兵部右侍郎兼官如故譜稱云以  
授左侍郎桂藩進授尚書旋晉大學士全氏神道  
碑銘於歷官年次皆不誤惟左右字誤遂為官止  
尚書以浙督所上印文為信鄭志辨之是也譜則  
左字不誤而以授尚書之年為加閣部鄭志遂據  
譜以正神道碑之誤非也碑既泥舊制譜  
又無確證蓋兩家皆未見左尹書故也

順治八年辛卯 三十二歲

張東集附錄二 十四明鼓書

公奉監國命治兵鹿頸頭魯春秋 九月朔大軍克舟

山公以鹿頸兵同張名振軍衛監國入閩魯春秋

軍治舟艦從蛟門向舟山神將江天保為阮進先  
鋒以四船迎戰定海沈十三舟餘人斷右臂縱還  
監國詣蛟門祭江夜半見大星從西北隕舟山無  
數小星隨之即還舟山未至聞警或請取二王子  
長宏柁次宏棟入舟張名振曰如是恐寒守者心  
監國不強時舟山精銳分應南北洋越五日大軍  
復出天大霧咫尺不辨阮進戰於螺頭洋風逆不  
得前手發火桶倉卒觸桅焚進船進創甚躍水起  
之不能言燈日怒視三日死月之廿一日也名振  
弟都督名揚閣部張肯堂猶擢城隍歷十晝夜  
名振等護監國由外洋南泛監軍主事金允彥邱  
元吉內款言城中虛實導攻益急守者猶醢允彥  
子傳示四門九月一日午南門開肯堂一門皆死  
名揚被執不屈死戚屬五十餘人焚死監國妃張

氏赴井死宮眷十三人從死一內監死并旁失其  
名尚書吳鍾繼李向中朱永佑給事中董志寧御  
史朱養時梁隆吉主事蘇兆人林之瑛劉午陽董  
元楊鼎臣李開國郎中李國楨中書顧玠江中記  
陳所學皆閩戶自焚死溫州義德林伯起張瑞初  
都督焦文玉及妻張同死總鎮劉世勳格闕死煌  
言名振護監國走三沙國姓成功迎入廈門尋居  
之金門按全氏神道碑銘大兵下翁洲名振奉  
王親搗吳淞以牽制舟山之師拉公同行翁洲陷  
公扈王再入閩次鷺門譜亦云公軍北行入吳淞  
舟山已陷注則稱阮進舟焚投水死名振以王跟  
踰而去諸將背城力鬪眾寡不敵城遂陷張督師  
畫像記云名振自以習熟形勢謂蛟關天險不可  
旦夕下乃悉其銳師奉王揚聲趨松江以牽舟山  
之勢聞變遽還則不及矣謂其輕出則可謂其奉  
王以逃則誤此定論也舟山同殉諸人譜注所載  
尚王文臣鄭遵儉楊思任顧宗堯戴仲明武臣楊  
錦王相林志燦葉大俊又顧明楫林世英內監則

張東集附錄二 十四明鼓書

劉朝也楊氏佚史跋六有岐陽王裔李錫祚李錫  
貢錫祚佐阮進守螺頭洋進創甚錫祚救亦被  
創赴水死城破錫貢巷戰馬蹶被獲斬於四明又  
浙江通志有婁文煥舟山破痛哭共坐海邊沙上  
潮至隨水湧去 又按監國妃張氏據全氏舟山  
宮井碑為陳氏鄭人楊氏佚史跋七云陳氏監國  
紀年作張氏謂即元妃之妹舟山興廢記雪交亭  
錄鮫埼亭集皆作陳氏魯春秋記王寅秋九月十  
七日監國魯王以海蕘於金門年五十四繼妃陳  
氏明年生遺腹子宏甲周支長楊王術桂今改寧  
靖王收養棲於東寧豈又一陳氏耶劉獻廷廣陽  
雜記明宗室從鄭克塽降者九人有王八子朱柏  
後與寧靖王子朱儼鈐皆安插湖南墾荒 公有  
翁洲行一篇自從錢塘怒濤竭會稽之棲多艱溺  
甬東百戶古翁洲居然天塹高碣石青雀黃龍似  
列屏蛟螭不敢波間鳴虎鬚爭如秦婦女魚旆半  
是漢公卿五六年間風雲變帝子南迴開宮殿由  
來蜂國仗樓船烏鬼漁人都不賤堂怡穴闕幾經

秋胡來飲馬滄海流其言滄海難飛越况乃北馬  
非南舟東風偏與胡兒便一夜輕帆落奔電南軍  
鼓死將軍禽從此兩軍罷水戰孤城間警早登陣  
萬騎壓城欲夷砲聲如雷矢如雨城頭甲士多  
瘡痍雲梯百道凌霄起四顧援師無幾蟻裏創奮  
吁外宅兒誓師痛哭良家子斯時帝子在行間吳  
崧渡口凱歌還誰知勝敗無常勢明朝閣已破嚴  
關又聞巷戰戈旋倒闔城草草塗肝腦忠臣盡瘞  
伯夷山義士悉到田橫島亦有人自重圍來向子  
細說令人哀椒塗玉葉填智井甲第珠璣掩劫劫  
而令人民已非况城郭斷隳跳號復肉土花新  
蝕遺鏃黃石苔早鏽缺折綠鳴呼問誰橫驅鐵兩  
當翻令漢土剪龍荒安得一時提督田雄總兵張  
劍掃天狼重辭椒漿慰國殤

杰巡海道王爾祿皆以書招公不可屈公復書略曰兩間自有正氣萬古自有綱常忠臣義士獨行其是而已區區此志百折彌堅不過恪守人倫即是深明天

張蒼集 附錄二

約園刊本 十三四明叢書

道又云河北羣盜皆以興復漢室為名今日山中  
義師大率類此故足下得以折東招之不孝面目  
何如亦欲以此術相籠絡誤矣矧水陸自有長技  
戰守自有定謀縱以全力來勝負未可知也我輩  
相晤正自有期不孝未便以文山自況足下不必  
以夢炎輩自居爾 按是時有司亦令公父以書  
論公公復父書言願大人有兒如李通弗為徐庶  
他日不憚作趙苞自贖故復書中自稱不孝云

順治九年 壬辰 三十三歲

公與張名振及義英將軍阮駿阮進從子 按魯春秋辛卯夏四月

馬進寶使人密招蕩湖進於南田併拉從子義英  
將軍駿同往駿不從以露富平名振名振涕泣留  
之進感 誠意伯劉孔昭諸軍入長江登金山望祭

孝陵時上游有宿約不至左次崇明魯春秋監國居金門遣名

振以己意乞師廈門成功不許名振露其背所刺  
盡忠報國字數之並指腹為期得助師二萬與煌  
言及駿孔昭等直溯金塘獲金允彥礫之以祭舟  
山諸死事者待約失期不進題詩金山寺而遺有  
十年橫海一孤臣之句 按名振詩奇零草別本  
誤為公作首句橫作淮末二句遙望孝陵應有感  
會將大纛抵龍津遙望句作松柏陰陰兵編素會  
將作崎看抵作碼下又注用前韻繫年甲午一作  
壬寅皆誤惟和張侯服留題金山原韻六首繫甲  
午不誤張美翊案曰據計六奇明季南略卷十張  
名振題詩金山在甲午孟春月蒼水和作亦當在  
是年又甲午立春日大雨雪駐師尖崧詩注會名  
振之師初入長江登金山望石頭城祭孝陵時上  
游有宿約不至左次崇明乃追述前事語公有同  
定西侯登金山以上游師未至左次崇明二首不  
繫年其一曰割雲半壁倚中流天劈東南形勢收  
鐵甕潮合飛鷺嶺牙檣影撼浴龍舟畫江何代空  
鼙鼓橫海今來駐虎旂咫尺金陵王氣在可能瞻

張蒼集 附錄二

約園刊本 十三四明叢書

掃問松楸正是年事也公北征錄言丁亥後三人  
長江登金山掠瓜儀師徒單弱迄鮮成績皆在戊  
戌以前全氏神道碑銘言癸巳冬復間行入吳淞  
尋招軍天台於翁洲明年軍行吳淞會名振之  
師入長江趨丹陽掠丹徒登金山遙祭孝陵上游  
宿約不至左次崇明甲午再入長江掠瓜州侵儀  
真抵燕子磯而所期終不至復東下駐翁洲按癸  
巳之明年即甲午也既書明年下復繫以甲午誤  
矣其云再入長江者據公甲午再入長江一詩蓋  
全氏因北征錄三入長江之文而未嘗考定初入  
長江為何年又不知甲午之自春徂秋二人長江  
故倘視其詞否則癸巳字誤然以左次崇明屬之  
明年於事仍不合譜則以癸巳甲午乙未三年分  
紀復與神道碑銘相左又全氏撰定西侯張公墓  
碑直以癸巳甲午兩入長江為說則北征錄三入  
之文為不足據矣此實一大疑案賴左尹書於三  
次入江詳記始末耳左尹與於乙酉義師曾官兵  
部畫江之役身在行間浙東事敗猶遜荒野又後

公數十年毀雖其書不傳舉  
憶一二甚資考證非燕說也  
是歲公父卒於家公  
屯涓島曹雲霖詩序歲在壬辰余避地鷺左雲霖  
在焉默然道故時樂棘人耳故不輕有  
贈答癸巳春余附樓船北歸譜注公父病卒李  
微君鄴嗣葬之城南傳云既聞父亡一慟而絕比  
甦不再與念已破家殉國父死不葬妻于顛連無  
以存活終身不蓄姬侍公甲午有遺慕二首曰國  
難驅人出家傾待于歸可能磨墨盾其奈冷班衣  
金革三年派冰霜寸草暉髮膚雖不毀猶恨故園  
非甘載嗟何恃長街杯捲愁節旄看盡落斧鬢悔  
遲謀燕去巢應改烏號屋僅留在堂有委蛻無計  
剪青楸按公是年有長至  
志感除夕宿涓洲禪院諸詩

順治十年 三十四歲

公自涓島至琅琦經南日北還入浙尋入吳淞是

張蒼水集附錄二

十四四明叢書

有次琅琦謁錢希聲殯宮重經南日弔沈彤庵及  
北還入浙入吳見雪忽憶車駕南巡諸詩譜言次  
於東歐尋入吳淞者自闕入吳淞海道也公癸巳  
除夕詩曰八歲他鄉臘鼓催那心撥亂鼓聲哀無  
情天地猶環甲有意山川獨畫灰兒女藏鉤離別  
後君臣投壁播遷來年華如許人將老幸負春風  
又幾

順治十一年 三十五歲

春正月公與名振會成功全師復入京口公立春  
日大雨

雪駐師吳淞詩曰春信驚催元臘殘江梅猶帶六  
花蟠屠蘇飲出冰餘冷組織光浮木末寒吹斷豈  
期風入夢洗兵自合兩成團征人戰不利淹四日  
威荷東皇意且逐年光奮羽翰  
退軍成功復令陳六御程應蕃等協攻崇明不克

還觸吳淞關掠戰艦二百九十名振以沙船九百

泛登萊及高麗乃還秋八月公復與名振合成功

所遣水軍總制甘輝再窺吳淞公再入長江詩曰  
江聲萬古似聞鼙

天險依然渡水犀亦當經再戰盧龍應復待  
三翠瑯弓挽處驅玄武鎮甲環來失自題兵氣至  
今猶未洗自慚

無計慰雲霓 遣風變旋師移攻舟山鎮將巴臣

興陳虎禦之陳虎戰歿巴臣興降魯春述成功軍  
入京口戰敗喪

副將阮甲旋由平洋沙攻崇明夫利平原將軍姚

志卓自剄死按巴臣與本名成功降始改名  
是年名振卒 魯春秋名振卒於舟山 公辛丑祭  
名振文云甲午之冬棄捐賓客距今  
僅七載又哭定西侯墓詩注卒於甲午祭文別本  
作乙未誤全氏定西侯墓碑書甲午卒畫像記則

書乙未 遺言以所部付公公平岡入衛部下不滿

三百至是始盛神道碑銘 按成功陷舟山遣我  
政司馬陳六御及義英伯阮駿守  
之公既統名振軍是年當在翁洲 公閒居詩有  
云人居間處非佳境事到難時且放懷壽院季友  
云笑我尚爲籠鶴客相期何日捧龍鱗又海上二  
首其一有云浩氣填胸星月冷壯懷裂髮鬼神愁  
疑亦作  
於是時

順治十二年 三十六歲

公屯臨豐神道碑銘乙未成功臨書於公謀大舉  
魯春秋乙未秋九月成功還廈門改爲

思明州設四屯屯公駐臨豐陳文達駐玉環山阮

春雷駐楚山牛頭門亦置勁旅遙爲犄角相聲應

東南遺黎 走集甚眾

順治十三年丙申 三十七歲

公移軍秦川神道碑銘丙申公軍於天台是冬軍於閩之秦川魯春秋丙申八月大軍

破舟山阮駿舟膠淺敗績劉永錫赴水死陳六御

張洪德自剄死太常少卿陸九徵被執不屈死永錫

孔昭子也按公奇零草自序云綴緝新舊篇章

稍成賦丙申昌國再陷而亡什之三是大軍攻

舟山時公當自臨暨至既被乃入閩公盡江即事

詩其一曰倦飛無路且投閒滄海人來第幾灣真

覺壺中留日月猶疑畫裏對江山飄零蛋戶還相

笑偃蹇柴門長自關閩越波濤千里閩那能有夢

寄刀環又云駭浪扁舟輕似葉重圍匹馬跳如人

創深已信傷弓數痛定應愁捲土難又夢中句云

集候秋蟲偏解語失途老驥亦長鳴又舟次三山

云每擁麾幢欲淚潸萍踪無禁又三山才非命世

空沈族事尚因人亦強顏猿鶴秋深悲別岫魚龍

夜舞泣間關途窮未就行藏計華髮朝來已半斑可想見當日情事

張蒼水集附錄二 約圖刊本

順治十四年丁酉 三十八歲

公還翁洲神道碑銘丁酉大兵遷翁洲之民公還軍翁洲時魯王已去監國號通表嶺中

按公戊戌冬懷八首中潛邸一作有句云只今冷落蛟螭窟

雪夜徒吟兔苑篇正謂此也魯春秋時海禁嚴沿海居民內徙四十里限期勿後懸山廬

違限者火之徙所許借居寄食於其姻族拒者有法公有丁酉元旦駐師秦川詩

順治十五年戊戌 三十九歲

公在翁洲桂王遙授兵部尚書魯春秋按神道碑銘戊戌嶺中遣使加公兵部左侍郎兼翰林院學士己亥告敗嶺中且引咎嶺中專勅慰問加尚書兼官如故譜於

是年書嶺中遣使慰勞晉閣部又據公聞行在所遣使至營官諭有感詩注中時余官少司馬兼學士謂自述其故官非是年始授良然取詩中黃麻紫綵不須多句為晉閣部之證皆誤譜於詩注兼侍講作學士尤誤鄧志辨己亥告敗嶺中真中專勅慰問為誤以晉閣部為前一年事己亥則承明入緬何有往來之使是也不知全氏乃誤會公辛丑上桂藩疏中語而以加尚書云云牽連書之故有此失若以往來之使為疑則是年嶺使為周金湯據公疏又有劉之清當時諸臣崎嶇險阻帛書蠟表出死入生極非意計所及弗可議也七月成功以師會公北行

泊羊山風濤碎船復還翁洲北征錄戊戌隨賜姓延平王北抵羊山遇風碎舟返旆神道碑銘成功仍推公為監軍泊舟羊山羊山多羊見人馴擾不避然不可殺殺之則風濤立至軍士不信殺而烹之方熟而禍作碎船百餘義陽王擲馬魯春秋成功以舟師大掠招寶

張蒼水集附錄二 約圖刊本

山兵部尚書煌言計資延平大力勇圖恢復舟山敗後凡大舉必與延平合議時監國往來鷺門無定職是年公有撫時感事詩句曰人生百歲安得有我今草草三十九又縱橫露布浪飛書突兀星槎莽犯斗風雲縮胸帝應嘆日月膏肓亦吼丈夫志氣薄動名何況文章等芻狗樂府薤露吟赤風蕩海宇弱水羣飛揚日月長麗天中有蓬萊鄉桓桓國虎臣據圖畫封疆火生木必焚害金自相戕屏藩遂已撤干戈及寢皇白日窺野馬黃昏號國殤貴賤同一骨誰為送北邙蒿里曲猛獸在深山藜藿亦壽考況也濟亂流干城國之寶一朝捐賓客三軍哭孤島李代桃亦僵臍易絲愈擾吁嗟周遺民去作流離鳥路逢故鬼語死生何草草野死媚鳥鳶水死蛟龍飽哀哉失所天人命不自保又舟山感舊四首一日孤雲兩角委漁磯極目滄桑事已非隔浦青燐相掩映傍溪紅雨自霏微橋鳥轉逐危舟宿社燕空尋舊壘依獨有采芝人尚在天荒地老不知歸三日江臯烽

盡燼猶紅獵火歸然滿故宮樓閣總隨蜃氣散鼓  
馨迸入角聲空田橫島上淒涼月杜若洲前冷落  
風翹首靈光何處是  
五雲應復捧南中

順治十六年 己亥 四十歲

夏五月公會成功舟師從大江突京口即嚴家沙

為壇禱告入七里港攻陷瓜洲直趨蕪湖

其師領前鋒開府蕪湖傳檄千里上印者三十有  
七時餘餘大小八千餘號大將張茂之總五軍令  
嚴掠一季者死斷鎮江鐵索城中擲帽與堞齊市  
肆不驚商旅如故北征錄己亥仲夏延平以余練  
習江上形勢推余前驅抵崇明余謂延平崇沙乃  
江海門戶懸洲可守不若先定之為老營不聽既  
濟江議首取瓜步時金焦間鐵索橫江夾岸置西  
洋大礮數百位延平屬余領水軍先陸師入遂揚

張蒼水集附錄二

約園刊本

帆逆流而上次礮口風急流迅不得前諸艘且進  
且卻兩岸礮彈如雨水軍傷矢石者骨飛肉舞余  
叱舟人鼓棹逆入金山得入僅十七舟而本轄則  
十三次舟師克瓜城延平欲直取石頭余以潤州  
實長江門戶力贊濟師鐵纜延平慮援騎朝發夕  
至余謂何不遣舟師先擣觀音門延平意悟屬余  
督水軍往約直達蕪湖時江湖縮狹水下如駛易  
沙船牽挽而前未至儀真十五里吏民遮道來歸  
舟次六合得報六月廿四日復潤州余計潤州既  
下由陸逐北雖步卒皆鐵鎧難疾趨五日亦當達  
石頭城下即致書張茂之謂兵貴神速水道進師  
遲繼非策余恐後期晝夜兼程抵觀音門乃六月  
廿八日也賊棹兩宿戰船無一至乃發輕舟數十  
先上蕪湖而身為殿泊浦口七月朔戰不利忽一  
航至則轄下犁艘也乘之復戰後餘繼至始去而  
日已曛矣詰旦整師前進部曲馳報江浦已破捷  
聞延平止余毋往蕪湖且扼浦口撫江邑此七月  
初四日事也翌日延平亦振七里洲商取建康而

余所遣先往蕪湖諸將捷書至矣延平謂余蕪城  
尤上游門戶促余旋發七日抵蕪城傳檄諸郡邑  
江南北相率來歸者府四州三縣二十四焉按  
是時公所部義從凡六千人見徐孚遠所撰奇零  
序草

七月大軍破成功於江寧誅其將甘輝余新

日洪復等成功遁營被劫大戰石灰山復敗績失  
萬人沿江數百里舟師咸退去廣陽雜記賜姓攻  
南京余新為梁化鳳所愚遂不為備值其時日開  
神策門攻之余新甘輝洪復皆成擒余新跪請降  
甘輝不屈死洪復罵而死復泉州同安人丰姿如  
婦人而勇冠三軍賜姓攻漳州值劫營失思文所  
賜七印復獨騎自敵後入營中按印囊走追者至  
發三矢連斃三人以印反命舊春秋既執甘輝責  
輝勸降成功酬大爵輝傲睨曰國姓父不能奪國

張蒼水集附錄二

約園刊本

姓乃仗輝且輝亦安肯勸國姓也請速死公猶在  
無他言怒叱日新丈夫得死所當忍何為

蕪湖江南江西總督郎廷佐等遺書招公公峻詞

拒之庸夫聽之或為色變而忠貞之士則不然如  
僕將略原非所長止以讀書知大義左祖一呼甲  
盾山立區區此志以濟則藉君之靈不濟則全臣  
之節故不惜憑陵風濤之中縱橫鋒鏑之下迄今  
逾一紀矣同仇漸廣晚節彌堅此忠臣義士得志  
之秋也即不然謝良平竹帛抗黃綺衣冠亦之死  
靡它豈復存詞曲說足動其心哉乃執事儼然以  
書進似以僕為可利鈍與衰動者虎狼戒途雁奴  
伺夜固無足怪來書溫潤諒執事非憤憤者遂附  
數行以復斬使焚書適足以見不廣僕亦不為也  
按公是書集中編年戊戌據北征錄則在己亥  
入蕪湖後上魯監國啟亦及此事全氏神道碑銘  
書戊戌江督郎廷佐以書招公公峻詞拒之凡兩

見按江南通志順治四年設總督轄江南江西河  
南三省六年以後總督不轄河南會典九年總督  
又移駐南昌亦稱江西總督未幾復歸江寧郎公  
以十一年任江西巡撫十三年授總督戊戌為順  
治十五年公方與延平入東甌舟覆復退翁洲未  
踰浙境即公為江南江西總督已越置涉海貽書  
勸降疑非事實集中編年傳寫易謬或係後人據  
書中逾一紀之久而改之不知戊戌以後皆得言  
逾也茲從北征 既知成功全師入海援絕路阻遂  
錄仍繫是年

棄舟登岸潛行山谷復歸臨豐北征錄余之按蕪  
也兵不滿千船不

盈百惟以先聲號召大義江楚魯衛蒙豫多諸軍  
門受約東余相度形勢一軍出溧陽窺廣德一軍  
鎮池郡扼上游一軍拔和陽固采石一軍入寧國  
備新安身往來姑熟問名為駐節鳩茲實帶不暇  
暖正思直取九江然延平軍圍石頭城者已半月  
余聞之上書大略謂頓兵堅城師老易生他變無

張蒼水集 附錄二 二十四明叢書

約園刊本

何石頭師挫時余在寧國府報至遲返蕪湖已七  
月廿九日矣初意石頭師即挫未必遽登舟即登  
舟未必遽揚帆即揚帆必且守鎮江故彈壓上游  
不少退而郎廷佐哈哈木管效忠等遺書相招余  
峻詞答之又遣兵復取太平然江上下音信阻絕  
余遣一僧齋帛書由間道款延平乞益百艘相助  
詎意延平不但舍石頭去且棄鐵纜行矣余欲據  
城邑念援絕勢孤終不能守余名則成士民何辜  
欲沖突出江池州守兵又未集因部勒全軍指繁  
昌池兵亦至其議以藤艘竟趨都陽乃決計西上  
八月初七日次銅陵一軍將抵烏沙峽後隊尙維  
三山與楚船相值余橫流奮擊沈其四船溺死無  
算以天暮停舟夜半楚船遁下流礮聲轟然轄下  
兵誤為劫營起帆解纜一時驚散或轉蕪湖或入  
焦湖西江之役已成畫餅余進退維谷遂沈巨艦  
江中易沙船至無為州擬走焦湖聚散亡道英霍  
山寨義士來說焦湖冬凋不若入山寨可持久因  
焚舟提師登岸至桐城黃金磯選銳馳擊奪馬

數十由奇嶺進山十七日已入霍山界陽山寨在  
咫尺先以書通褚良甫堅不納移札東溪嶺思走  
英山將軍寨將士疲甚余強起披衣行占四課俱  
空陷因申令詰朝早發余率騎兵前驅而追騎躡  
後方踰嶺後軍報奄至士卒竄山谷中余左右止  
二十餘騎步卒不滿百勒馬高坡後軍已截斷首  
尾不能顧余念闕死無名單騎突圍走上一童攜  
印相隨去稍遠牙門將逃而復返呼之偕行三人  
紆迴山岡間迷失道土人導余乘月行夜走七十  
里望門謀朝炊主人問所從來導者答余為館師  
余將則賈客皆以兵難避導為送往進一七復行  
途遇散兵十許見余驚喜欲相勞苦導者恐駭耳  
目余亦躡導疾走村中豪傑竟相遮問導者謂事  
露不反願導被亦負之而趨余既失道復失導傾  
所有分贈諸人稍稍解去視其中貌厚者俾導行  
其人姓胡昆季三人是日行三十里宿逆旅主人  
胡族屬也胡之季粹至招兄耳語卻入語余曰君  
自海上來余曰然爾何從知之胡曰君在邨中不

張蒼水集 附錄二 二十四明叢書

約園刊本

見十數人過我門平余季問之知君亦海上人也  
恐吾導不力所以來耳胡之老人為余言此邨向  
年亦舉族卒不成今莫敢動余謀所向余云當從  
安慶渡江余憶舊時賓從歛人未君變姓名賣藥  
高河埠至高河朱君他往未返市人見童子之問  
朱君也蹤跡之得朱君友徐某金某陰左右余令  
密友何某伴余由樅陽出江抵張家灘登岸金與  
徐別從安慶來會難屬池之東流徐之兄賣藥於  
邨中故問津焉於是建德祁門山中走休寧余  
復病瘧扶疾而行冒險奔馳道路以目將次祁門  
江右義旅陳九思屯朱橋鎮導皆歛人得無他  
計程兩日抵休邑未至三舍聞兵阻不得入止郭  
外招提乘間抵城中寓徐諸父家其諸父善岐黃  
有隱君子風余至盛治具然亦謂余館師與其猶  
子善不知為余也兵退買棹嚴陵過新安亭達街  
口邏卒登舟見余持之急徐起與鬪事得解解維  
過淳安已入浙矣會省符插民艇載兵絕浮梁余  
船藏他港卒為插去乃迂道走遂安達嚴郡計山

行無恐後自發之東義出天台以赴海墻鳥道羊  
賜較徽州更甚時余將已令取道於杭而金徐諸  
人皆不諳浙道里向者導導余茲則余導導然余  
實茫然問途已經得至海濱居人咸來問訊遠近  
聞然知余得生還矣晉春秋煌煌言師不統於鄭自  
請先登以是深入成功不爲營援急全師去煌言  
不得退提殘校入霍山界歷險巖衝擊死散殆盡  
至棄駒僞爲失路賈往往得故義健曲護之蓋是  
時中原婦豎無不知  
大司馬煌言忠者  
是年桂王遙授公東閣大學  
士兼官如故

張蒼水集

附錄二

約園刊本  
三三四明叢書

之亦遂殷阜國家盛時海波不揚邑多賢長吏濱  
海九封尤鮮戎馬驛驛故上農以力田舉科蛋戶  
以網罟牢盆著姓氏家禮樂而戶詩書蓋彬彬乎  
盛哉但邑居介山海間田阻山則多磽恆苦曠田  
阻海則多鹹恆苦潮于是鄉之人聚族而謀伐木  
畚上隆其地復其障微滄海爲桑田即寫齒胥化  
膏腴矣十餘年來義旌徧海戎服繁興民力用是  
益殫家室不保違問封表由是沈潦內潰洪濤外  
嚙向之膏腴仍歸蕩鹵桑田亦幾爲滄海矣余自  
乙酉飄泊海曲近復鞠旅于緱城外島聞之愴然  
日民事寧可緩乎乃出金五十爲倡鳩工經始義  
士馮某等爲之釀金錢取土木以度其事大抵富  
者輸財貧者輸力靡不奔走恐後因就故址增新  
防堦者崇之圮者累之闕者修之薄者豐之自冬  
徂春蓋三閱月而工竣慮人情之易愉也申約以  
今時捐財之多寡爲他日授田之廣狹亦可爲計  
及久遠者矣  
公新安溪行詩  
山青峰千折水千灣山亭擁霧遙疑塔水碓春雲

巧作關越榜下灘雙漿捷吳鹽到界一帆閒卻看  
兩岸楓林葉似送離愁照客顏  
浮蹤同邱舍山  
感賦詩  
蕭瑟千戈事浮蹤已似萍半牀留破席  
一室欠疏榻霜月窺人白漁燈入夜青天涯知己  
在猶自  
時大吏已籍公家夫人董氏及子萬祺逮  
繫鎮江  
公有代  
人獄中有寄詩  
國破已飲泣  
女雖有情不在別離間  
上堂潔脯庭下堂代班  
知君驅汗馬豈敢怨紅顏  
夷官張羅網忠義委草  
菅奄忽大椿謝君帶滄海  
灣兀然生死魂并作蛟  
珠潛君行寶鬘髮奔跳安所還  
妾自感百罹飛蓬  
任雙鬟衰門既零落空聞誰  
貞艱哀哉井白婦終  
歲困狂非不輕微生將維  
實且孱羸屏滋味惡  
麟青碧血殷古稱東海婦  
嚴霜暑露斑天胡嘗夢  
夢莫辨玦與環如何貫  
索星獨照望夫山視彼摩  
笄峰高名良可攀難將  
妾巾帕來佐君羽綸報君  
還祝君旂常樹人寰  
又擬答內子獄中有寄

張蒼水集

附錄二

約園刊本  
三三四明叢書

盛年不惜別客久始懷慚我非蓬蒿人江湖遂屢  
淹沉復避豺虎誰能解征衫孤雁自西來彷彿墜  
書函書中寄珍重書外淚重絨恍見閨中秀吞聲  
寫素練卿今陷虎穴雙魚何從探珊瑚魂魄來關  
河諒非諳棘林臆魅鄉骨肉各生嫌稚子亦囊頭  
狼狽形影兼憶我初行役兵戈未解嚴馳驅悲九  
折輾轉歲華添白雲空縛繞長此傷烏銜水鷗雖  
忘機安得此鷓鴣名教自束躬柔情非所耽  
持門戶鼎心已甘豐獄有理劍紫氣若煙炎莫  
邪獨淹抑干將慘不銛神物庶終合造化焉能殲  
生當挽鹿車  
死當駕雲驂

順治十七年庚子 四十一歲

公在臨壘  
是年公有上魯監國啟略曰臣萬里孤  
封章己亥夏於東甌晤錦衣指揮陳賈曾附疏轉  
達豈意陳賈隨踪北上因南師挫衄流落江上聞

今已往山東臣自入長江直奪鎮江破口傳檄而  
下三十餘城駐札蕪湖水陸兵至萬餘豈意滿師  
潰於金陵倉卒南旋臣之孤軍竟陷重地虜酋百  
計阻絕歸路貽書招誘遂焚舟登陸提三千餘眾  
轉戰千里相持二十七日終以勢孤援絕士卒罷  
敗臣單騎突陣竄伏山谷中由間道徒步二千餘  
里賴義士挾衛始得生還海上然志猶未已力圖  
收儘散亡漸集奈囊空斧傾力不如心倘浙海決  
不可支亦當南帆一觀昨差官自思明州回始知  
移蹕金門之信遵養時晦尚無其地是臣所為日  
夕旁皇者也臣垂翅之餘百事艱難芹曝之獻容  
俟後期錦衣張士魁揚澄亦經患難俱得生全現  
在臣營合併具報得朱子成書詩書來惜分  
手正憶皖城秋入海仍精衛還山尚刺緜參差非  
恨事倉卒少良謀異日傳心史孤忠莫見收按  
子成疑即高河賣藥朱君字又重過桃渚詩  
一棹天台依舊迷重來秋爽足攀躋苔衣慘慘鬚  
偏美石磴鱗齒未齊夢到赤城霞氣近感深滄

張蒼水集 附錄二

約園刊本

海水聲低臨流空作桃花想愧煞仙源是武溪  
復屯臨壘詩 十年兵甲滿滄洲此日迴戈又上  
游人去鹿場仍舊跡秋高蟹浦足晨羞空山餓犬  
聲如豹失路窮黎狀似鳩自笑經營何太拙誤將  
島嶼作并州

順治十八年 辛丑 四十二歲

公引軍入閩次沙關神道碑銘時成功取臺灣公遺參

軍羅子木致書阻之成功不聽公與成功書略曰

和立大業者尤在地利故晉武以獨斷而平吳符  
堅又以獨斷而敗於晉尉陀以僻處而據粵劉禪  
又以僻處而亡於魏則人和地利審之不可不精  
也殿下東寧之役豈誠謂外島可以創業開基不  
過欲安插文武將吏家室無內顧憂庶得專意恢  
勦但自古未聞以輜重眷屬置之外夷而後經營

中原者或謂女直起於沙漠我何不可起於島嶼  
不知女直原生長窮荒適彼樂郊悅以犯難人忘  
其死若以中國師徒委之波濤浩渺之中拘之風  
土狂榛之地真乃入於幽谷其間感離恨別思歸  
苦窮種種情懷皆足以墮士氣而頓軍威況欲其  
用命於矢石改業於耨鋤胡可得也茲歷暑徂寒  
攻圍未下無他人和乖而地利失也誠能因將士  
思歸乘士民思亂回旗北指百萬雄師可得百十  
名城可取矣又何必與紅夷較雌雄于海外哉況  
大明之倚重於殿下者以殿下能雪恥復仇也區  
區臺灣何與於赤縣神州而暴師半載使壯士塗  
肝腦於火輪宿將碎肢體於沙磧生既非智死亦  
非忠大可惜矣思明一塊土何啻桐江一絲繫漢  
九鼎今守禦單弱兼聞紅夷乞師萬一乘虛窺伺  
勝負未可知也夫思明者根柢也臺灣者枝葉也  
無思明是無根柢矣安能有枝葉乎此時進退失  
據噬臍何及古人云寧進一寸死無退一寸生使  
殿下奄有臺灣亦不免於退步孰若早返思明別

張蒼水集 附錄二

約園刊本

圖所進哉昔年長江之役雖敗猶榮倘尋徐福之  
行蹤思盧敖之故蹟縱偷安一時必詭譏千古觀  
史載陳宜中張世傑兩人褒貶可為明鑒夫虬髯  
一劇祇是傳奇濫說豈真有扶餘足王乎若箕子  
之君朝鮮又非可語於今日也 公是年有感事  
四首句云筆路曾無異桃源恐不同童女三千笑  
孤兒五百嘆鳩居初得計蛋 滇中事急公復草疏  
市轉生疑蓋為成功作也

遺職方郎中吳鉅南訪兼會師鄖陽謀救滇神道碑銘

公孤軍襲回兩島滇中事急成功方得臺灣不能  
行乃遣職方郎中吳鉅挾帛書間道入鄖陽山中  
欲說十三家之軍使撓楚以救滇 公陳南北機  
宜疏略曰臣本書生遭逢多難自經倡義十有六  
年雖棲山橫海備嘗艱苦而恢復未奏但覺有罪  
之當誅實無功之足錄蒙主上綸綍頻頒節錄謬  
寄臣感極生慙憤極思奮故于己亥五月隨臣成  
功直擣長江分道疾馳孤軍深入不意金陵挫衄



會卒班師臣念上游父老火道遮留奮不顧身持  
戰兩旬援絕勢孤遂至潰敗臣突圍開行始得完  
節而返復蒙主上遣監臣劉之清齎到專敕一道  
時臣方收燼於浙而使臣又停撓於閩未獲具疏  
陳謝至今悚仄數年之間遠適聽聞久不知天南  
確信事機得失關係非輕茲以職方郎中臣吳鉏  
不憚萬里開關願得陞陳大計特具木附奏公  
有送吳佩遠職方南訪行在兼會師鄖陽詩其三  
曰鄖江梅斗絕咫尺向夔門雲棧凌霄起旌旗插  
壁屯金貂皆上將鐵馬足中原一見隨何檄還應  
報國恩譜注桂王己亥入緬至是三年李定國  
連戰不利公集中送吳職方黎大行皆海上使探  
消息者其冬緬人獻王明年至滇遇害是時定國  
諸軍皆在徽外安得有會師之舉按流賊郝永忠  
等反正北保湖南巴東之間時有李來亨劉體仁  
等十三家分據興山巫山房山施州均州涪州聲  
勢相倚所謂鄖陽之師者也後都御史洪有龍總  
督湘南諸軍事桂王駐安隆疏言十三家抗險據

張蒼集附錄二 二五 四明叢書

約園刊本

衝觀鬯而動楚蜀雖失未有貳志若有征行可以  
兵應蓋海上諸公之計謀結鄖師以抒滇患出於  
無可奈何事雖不成亦可憫也諸野史皆不載賴  
閣部詩得以考見又曰鄖師雖與桂王連和別奉  
韓本鉉為主改元定武移書序長幼不稱臣滇平  
陝西總督李國英以七將軍出湖南分討諸寨據  
險拒守癸卯來亨以疾困甚合諸寨力鬪四晝夜  
國英大挫甲辰巫山不守育龍死之諸寨繼破韓  
不終按吳佩遠名祖錫嘉善人與於復社  
全氏吳職方傳別號稽田晚年亡命更名鉏

康熙元年 四十三歲

公還軍臨豐 神道碑銘 按公復曹監軍從龍書

誰能為景升仲謀者只得仍圖北返兩番鼓棹又  
以石尤留滯今春風至矣決計回浙亦且晚間事  
弟非不知兵力單極況二阮一陳俱徘徊閩境則  
聲勢更微然弟以為寧進寸毋退尺寧玉碎毋瓦

全其素志然也但不知果能自存否近有小詠云  
虬髯定擬浮家去鴈足空傳屬國遠又云平沙一  
旅真孤掌可有天戈時滇中已平夏五月成功卒  
靈武間感慨係之矣 於臺灣公三上書魯監國不克行 公一書言春來  
十一月緬夷內變導虜入緬致我永曆皇帝蒙塵  
扈從宗室官員無一得免惟吉王自縊以殉李定  
國入海白文選亦遁深山臣聞變之日猶謂狡虜  
詐傳疑信參半及四月中旬聞官督竟從鎮江北  
較矣臣以為延平藩當伸大義而至今寂寂道路  
謠傳又有子弄父兵之事臣終夜旁皇恐孤島孤  
軍難以持久況復加以他故警羸危之疾胸胃轉  
增維病其能久乎只今遣招撫於浙閩廣每省二  
人以解散海上若不及早經營則報韓之士氣漸  
衰思漢之人情將輟臣惟有致命以了生平所倦  
倦者主上羈旅島嶼不獨與閩人休戚相關且與  
閩海存亡相倚計閩動鎮正在危疑不若急用收

張蒼集附錄二 二七 四明叢書

約園刊本

羅之術以為擁衛之資此非欲徵福也免禍亦宜  
然即未暇雪恥也圖存亦宜然伏乞密與寧靖王  
及諸指紳謀之發憤為雄以慰遐邇二言臣違顏  
以來忽經十載百折千回壯心未已原非動念動  
名特以越國義旅魯邸侍從止臣一人尚在軍次  
雖乖哭庭之志尚圖掃境之功以主上養晦潛躍  
宜權區區之情盟之幽腑何期行闕游染胡氛攀  
髻莫逮延平忽指賓客秉鉞無人臣以孤軍子處  
荒壤又無蟻子之援日夜枕戈與死為鄰亦以死  
自誓若輕為移蹕則風鶴頻驚仍棲涪島竊恐號  
召既遠復與臣呼喚不靈乞與諸指紳勳熟籌  
妙策或揚帆海山或保據沙關結納忠義以絕窺  
伺三言去冬緬甸之變君亡臣死天下已無復有  
明室矣海上猶存一綫真乃天留碩果願島上勳  
貴固識春秋大義臣實兵微將寡餉匱糧窮見宗  
國之亡而不能救幸舊主之在而不能扶中夜椎  
心淚盡繼血而得南國首為推戴臣秋九月監國  
敢勿協力扈從恭進膳銀差官齎獻

魯王卒於金門神道碑銘作冬十一月魯王薨於  
有十九年旌節語為證皆誤按魯王以甲申襲  
封至壬寅正十九年冬字或草書九月二字之誤  
十一月則十七日三字因冬而改當時紀載傳寫  
魚虎往往有此惟全氏畫像記亦云甲辰卒與碑  
不合此當是年朝命招撫使書按公上魯監國第一  
從左尹書是年朝命招撫使書按公上魯監國第一  
二人在閩中則一為洪文襄承疇一為洪熙允見  
林氏時對記鄭芝龍事浙中招撫據盧氏宜述公  
答招撫書署為岳岳招撫王兵道趙督院書全氏  
神道碑銘又書招撫使王公皆不著其名疑浙中  
二招撫一為岳岳王兵道則巡海道王公爾祿兼  
任其事爾祿湖北黃陂人明進士浙江通志順治  
六年爾祿已任巡海道公前與書有足下為昭代  
魏利語必其人也至康熙六年海上事靖缺亦裁  
矣岳岳無攷又是時分守寧紹海道有王廷璧與  
河南祥符人然守道無兵備不當稱兵道也

張蒼集附錄二

二六

四

明叢書

約園刊本

浙江總督趙廷臣書招公公答書凡一千七百

七十餘言終不屈公有聞族屬被逮且以告密波

遂顛覆感此多難生欲泣不成哭我生實數奇乾

坤方百六猥猢猻滿中原赤靈社已屋通臣骨可糜

豈敢惜擊戮所悲諸父行班白櫻三木女兒與所

天殊連遭萃枯幸或作流人否亦登鬼錄稚子竟

何辜十載尚淹獄此離有寡妻墨幪兼緇帽國亡

家亦亡我固甘港族邇聞告密風舊游復被錄白

虹慘欲垂黃金貧莫贖天地豈不寬誰念忠義屬  
惟應千秋名芬芳追王蠋破涕慰親朋安知此非  
福

先是公自編所作詩為奇零草至是復編其

文曰冰槎集公冰槎集引曰嗚呼此子槎上作也

入女宿而得支機故至今羨為勝事余獨不然浮  
踪浪跡當淒嚴霜不得已而棲託靈槎筆墨所

及率成冰聲則是槎非貫月也亦非掛星也而茲  
集所存又皆子晚節所作于是以冰槎名嗟乎水  
澤腹堅天心盡見乃從凌陰千尺間而欲論列古  
今辨正夷夏不失君臣父子朋友之倫不其難哉  
異日者東風解凍尚有想見枯槎中人而  
興歎者否歲在壬寅菊月朔張煌言自識

康熙二年癸卯 四十四歲

公遣使入閩祭告監國公表文有日十九年之旌

鉅平原無恙恨哭庭而未效嗟掃墓以何時投壁  
還秦早慚孤偃扁舟去越敢學鷗夷又曰穆王馭  
駿以來歸已孤此願望帝時大軍已克思明島師  
化鵲而猶在莫慰餘思

散盡臨豐牛頭門楚山玉環山諸島師皆解按  
公詩有國行志慨三首譜疑指溫州事又疑為鄭  
經作皆非也魯春秋言思明敗諸島多內款受職

周全斌先殺馬得功兵敗亦降詩中苦口吾同澤  
甘心彼喪名謂成功父子也吹笳悲自壯擊筑和  
誰親謂無同調也行矣河梁別翻為送隴西謂解  
甲諸人也冰雪寒孤胆風雲怯病蹄玉關雖咫尺  
敢復望芝泥謂終不  
可為也當在是年作

張蒼集附錄二

二九

四

明叢書

約園刊本

康熙三年甲辰 四十五歲

夏六月公散軍居懸壘魯春秋作花七月提督張

杰執公神道碑銘提督張杰募公故校使居補陀

傑出刀背之其將赴水死又擊殺數人最後乃告

之以夜半出山背攀藤入暗中執公并羅子木侍

者楊冠玉舟子三人七月十七日也十九日公至  
杰以轎迎之方巾葛衣而入魯春秋是月廿有三  
日煌言令裨將吳國華哨探至陶家尖會寧波人  
孫惟法伺得之國華被創投水死舟子林姓者至

死不言一火者導之執煌言及監紀羅綸字子才  
勇士葉雲門者冠玉并二持梁者煌言素袍朱履  
就道按無名氏錄遺集記言云張美湖案曰此  
高斗權廢翁所記甲辰七月望後八日有客來告  
蒼水張公被執至矣子亟往視之見公方巾葛袍  
直至牙門外神色自若左右令公從角門進公不  
動杰知之令啟中門延公入上坐此云望後八日  
則廿三日為公至郡之日可信也懸壘居海中不  
能朝發夕至公以十七日被執二十三日至郡非  
十九日左尹書廿三日執公又誤以至郡日為被  
執傳聞不若親見也全氏書同執者三人左尹則  
書五人裨將及舟子故校姓氏全氏不詳左尹則  
著之記言從死者僅舉客羅子木及童子二人鈕  
秀舫同子木作自牧趙世安仁和縣志則云客  
羅子木僕楊冠玉等五人徐逢吉清波雜志載從  
死二人注阜隸葉雲侍者冠玉無羅子木子木  
溧陽人本名綸以字行公羅子木詩序曰師指懶  
水羅生渴余江上陳山川形勢余以清河客擬之

張蒼集附錄二

約園刊本

然竟引去日親在身未敢許人也余揚船西上聞  
羅生應延平招從其族父軍將往吳會延平師潰  
跟踉挂帆又聞羅生涕泣遮說不肯留遂隨軍道  
江入海未幾舟次三山岸遇塵戰思以死衛父格  
鬪逾時矢集鎧如蟬墜水得生而父就縛以去羅  
生流離滄溟宛轉島嶼欲出奇計救父卒不得  
父生死音耗然後稅駕於子行營悲涼酸楚至於  
嘔血子木出處具見於此冠玉鄞人公鄉人子故  
家後裔父母死從之海上臨刑當事見其幼欲釋  
之冠玉日司馬公死於忠某義不忍獨生延頸就  
刃見無名氏撰傳又全氏神道碑銘言公被執時  
有王居敬黃岩人以計得脫林氏時對記曰公幕  
客王畏齋黃岩諸生令披緇名超遜語子云公被  
執前一日夢金甲神符稱帝命召公次早向畏  
齋詫其兆俄有白氣一縷衝所居茅廠畏齋親見  
之夜半蒙難又公客徐允岩相從最久己亥入江  
多所贊畫延平師遁公走英霍徐亦相從幾以格  
鬪死公勸之視髮伏匿山中公還海上徐復來歸

見公所作允岩八月以公至杭州  
詩序附記于此八月以公至杭州  
命以四人與公至城門台駐輿北向稽首曰臣  
志畢矣復向城拜曰某不自徒苦故鄉父老二十  
餘年有辜屬望又再拜曰自此不復見張氏家廟  
矣道旁數千人無不流涕按盧氏宜曰公少自  
哲後乃高顯長髯嶽嶽干仞宜家去公宅僅三  
四十武幼時猶及親公色笑知之最詳亦最確總  
督趙廷臣羈公於請室按傳云至武林處於舊府  
居蕭寺公上總督書亦云羈留旅邸則未嘗置之  
狴犴也舊春秋煌言至武林總督高其義禮延之  
煌言抗賓座拱手曰昨蒙尺一下及賦性拘執不  
知悔悟致煩使者左右進茶搖手曰從不知此味  
或覆以衣必不可譜注云至省總督不見傳令  
獄中盛設帳具吏卒無得失禮司道府縣以總督  
命相繼來慰諭閣部坐胡牀但拱手不起神道碑  
銘時部曲內附者皆得來慰問官吏願見者弗禁

張蒼集附錄二

約園刊本

杭人爭賂守者入見或求書公亦應之  
總督書曰昔宋臣謝枋得有云大元制世萬物維  
新宋室孤臣尚欠一死竊以疊山業經市隱賣卜  
可以遠害全身而元參政魏天祐必欲招致之乃  
疊山有死無二招之不來餽之不受卻聘書尚存  
可攷而知也卒觸天祐之怒執以去疊山遂不  
食死未嘗不歎古人守義之堅殉節之篤也某今  
日南冠而縶視疊山所處已自不同而台下尚欲  
貨其餘生屢責貴屬存注有加嗟乎此固臺下喪  
忠錄節之盛心較之天祐奚啻霄壤顧某自律必  
不因此苟延旦夕也每思慷慨引決館伴防閑嚴  
切不克自裁絕粒三日迫於貴屬勸勉稍稍復食  
他人聞之寧不以某寡廉鮮恥晚節可嗤哉揣台  
下之意不過謂某生膏斧鎖始足為忠義者之戒  
殊不知大丈夫冰輕鼎鑊慷慨從容原無二義猶  
記去歲華函見及某之報書有寧為文山之語非  
但前識蓋齋心舉念時早已辦此至今日敢有食  
言自古廢興屢矣廢興之際何代無忠臣義士何

代無通臣處士義所當死死賢於生義所當生也賢於死有舍生以取義者焉未聞求生以害仁者也某之憂患過於文山隱遁殆幾於山矣被執以來視死如歸非好死而惡生也亦謂得從文山疊山異代同遊於事畢矣獨惜台不重可歎息乎世不察猥與張宏範魏天祐比倫不重可歎息乎或謂某散兵在前歸隱在後可以觀觀除死殊不期推兵則歲月猶存解甲則且夕莫保致箕山不有安瓢而穎水弗能高枕身為繫囚貽笑天下是某忠孝兩虧死難塞責矣臨難苟免非我本懷倫存視息更何所待今羈留旅邸波累賓從并攔鎖鍊以日為歲生不如死伏望台下立賜取決俾某乘風馭烝朝朝碧落或為明神或為厲鬼是誠台下大有造于某也否則某當追隨首陽之後塵不

張蒼木集附錄二

三三四明叢書約園刊本

九月初七日公赴

市口占絕命詞曰我年適五九乃逢九月七大厦

已不支成仁萬事畢遂受刑子木等從死夫人董

氏子萬祺先公三日戮於鎮江

傳云夫人董先死  
中削髮為尼得免魯春秋煌言妻子久禁錢塘有  
僧淡齋募飯活之十年張美翊案曰僧淡齋事亦  
見南雷文案卷四書淡齋事後移獄至鎮江就法  
公絕命詞各本互異傳作我年四十五今朝九月  
七含笑從文山一死萬事畢陳景鐘清波小志補  
作我年四十九卻逢九月七大厦已不支成仁事  
始畢譜則乃作復僅一字異耳今從魯春秋按記  
言公臨刑口占絕命詞令人書之偶訛一字不能  
改正公笑曰他日自自有知之者鄭故御史紀五昌捐金令公甥朱相玉購公首張美翊案曰紀五昌字衷文江上受

監察御史事去歸隱太白山麓張司馬被執至省

其甥朱相玉貧不能從侍御資其襪被且以質首

之資付之相玉奉侍御之教得收葬於西湖僧超

直清波雜志僧問石法名超直鄞陳氏子年二十

九月七日就義從者二人同死其收而瘞之南屏

漢中兄弟並稱至好乙卯三月忽自經按全氏撰

碑不及超直清波小志補云王先生即蒼水初時

錫旗錫昌兄弟鄞萬斯大收瘞於杭州南屏山荔

子峯下昌化伯邵林墳西按公被執後有憶西湖

張蒼木集附錄二

三三四明叢書約園刊本

以端溪石研背刻公姓名旁及羅楊姓名納墳以

志滇字克生杭人按朱彝尊靜志居詩話公葬

乾隆王子杭人勒碑表其墓錢廣伯弔忠烈一絕

云華表何年立豐碑此日題從教樵采者不到邵

墳西廣伯名韻海寧州布衣有小學蓋遺棄嘗為

張忠烈公墓募田說略曰蒼水張公就義之百十

三年皇帝命廷臣撰勝朝殉節錄公得諡忠烈王

子季秋與同人樹碑墓上春秋祭祀居省垣者以

時舉行費率捐於臨期恐久而或輟也莫若同志  
各隨願力輸銀置田每歲所入納糧奉祭外為  
積累以廣祀產則公之享祀不替而祀堂坊表可  
次第舉矣傳曰人之欲善誰不如我好義之士其  
樂此盛舉乎慈谿鄭勳年譜跋云公葬七十餘年  
道士吳乾陽脩復墓道王子鄞萬斯大之孫福謀

立石墓門海寧陳繼大書曰皇清賜諡忠烈明兵部尚書蒼水張公之墓勳等輸財設祀春秋薦以

張蒼水集附錄二

三四 四明叢書 約園刊本

張蒼水集附錄二

張蒼水集附錄三

傳略一

明史

東閣大學士兼兵部尚書張煌言鄞縣人初以舉人奉表迎魯王至紹興監國復以兵從至海外後桂王遙命為大學士聞滇南平散遣部曲遁居懸壘為大兵所襲執諭降不從死

仁和縣志

張煌言字元箸別號蒼水明州之鄞縣人崇禎時舉於

張蒼水集附錄三

一四 四明叢書 約園刊本

鄉國亡嘗舉兵海上總督趙公廷臣遣札招諭不降康熙三年竄身懸壘懸壘海中小島在普陀之東極荒僻無民居煌言與客羅子木僕楊冠玉等五人結廬其上蓄二猿以候海舶每見有舟近則猿登樹顛哀呼號鳴煌言等輒避去趙公偵知之先伏兵於普陀一日煌言遣小舟買米遊擊某即登舟叱縛二人不肯言隨殺之舟子懼告其處引兵夜至懸壘煌言坐處置一劍有警即欲自裁是夜聞蘆葦颯颯有聲急呼從者起時我兵已入室不及避遂就縛趙公尚勸其降煌言曰惟速死

為幸九月初七日斬於市臨刑顏色不變且賦詩杭人哀之

光緒鄞縣志

張煌言字玄箸號蒼水圭章之子母趙感異夢生煌言

案全祖望撰張忠烈年譜母蔣漢壽亭侯祠得異夢生公故小字阿雲神骨清挺豪邁不

羈能文章善騎射思宗以天下多故令諸生於試經義

後試射煌言三發三中崇禎十五年舉於鄉常感憤國

事願請纓及錢肅樂起師煌言先至即遣之天台迎魯

王授行人王監國紹興賜進士加翰林院編修入典制

張蒼水集附錄三

二四明叢書

約園刊本

誥出籌軍旅閩中頒詔之役自請為使釋二國嫌既歸

晉侍講兼兵科左給事中累有建白丙戌師潰汎海將

之舟山道逢富平將軍張名振扈王入閩從之行招討

鄭成功不奉命乃勸名振還石浦與威虜侯黃斌卿為

犄角加右僉都御史明年松江提督吳兆勝請以所部

來歸斌卿不樂從煌言說名振應之魯王給印二百道

命煌言監其軍至崇明颶風覆舟煌言脫身走閒道歸

海上己丑復集義旅駐上虞之平岡諸山寨咸事鈔掠

煌言獨履畝勸稅相安無擾庚寅王居舟山名振當國

召煌言入衛加兵部右侍郎辛卯秋舟山破扈王再入

閩次鷺門時成功縱橫海上奉隆武年號於魯王則修

寓公之敬而已惟煌言以名振軍為衛成功因之加禮

煌言極推其忠嘗曰招討始終為唐真純臣也成功亦

曰侍郎始終為魯與吾豈異趨哉癸巳冬返浙招軍於

天台明年復會名振之師入長江登金山遙祭孝陵三

軍慟哭失聲烽火達江寧以上游師失期左次崇明四

年再入長江掠瓜洲儀徵抵燕子磯而所期終不至遂

乘流東下聯營浙海是年名振卒遺言盡以部下歸煌

張蒼水集附錄三

二四明叢書

約園刊本

言於是軍容始盛丁酉王去監國號通表滇中戊戌桂

王在雲南遣使閒道赴海封鄭成功延平郡王命煌言

為東閣大學士兼兵部尚書案桂藩紀年以為官兵部

從之非也別有案語詳大事紀七月監成功軍北行抵羊山孽龍為虐

海船碎者百餘義陽王溺焉乃回舟山修葺己亥成功

全師犯江寧煌言以所部數千人並發謂成功曰公不

如先取崇明崇沙江海門戶懸洲可守脫有疏虞進退

有據不聽以煌言為前軍同提督羅蘊章充長江鄉導

使官兵已於金焦間以鐵鎖橫江所謂滾江龍者譚家

洲岸皆西洋大礮煌言出入其間令善泅者截斷滾江龍將奪上流木城而舟多爲礮所擊不得前乃登舵樓焚香祝天以十七舟翦江渡木城俱潰直抵瓜州明日成功至官兵出禦死者千餘乘勝克其城先是議師所向成功欲先江寧煌言欲先鎮江成功曰吾頓兵鎮江金陵援騎朝發夕至爲之奈何煌言曰吾以偏師由水道薄觀音門金陵將自守不暇豈能分援他郡成功然之卽請煌言往未至儀徵五十里吏民迎降六月二十八日抵觀音門成功已下鎮江水師畢至七月朔哨卒

張蒼水集 附錄三

四 四明叢書 約園刊本

七人掠江浦取之五日煌言所遣別將以蕪湖降書至成功虔江楚援師且至也請煌言控扼蕪湖以制上游乃至蕪湖相度形勢一軍出溧陽以窺廣德一軍鎮池州以截上流一軍拔和陽以固采石一軍入寧國以逼徽州傳檄郡邑江之南北相率來附郡則太平寧國池州徽州縣則當塗蕪湖繁昌宣城寧國南陵太平旌德貴池銅陵東流建德石埭青陽涇縣巢縣含山舒城廬江高淳溧水溧陽建平州則廣德無爲和陽凡得四府三州二十四縣煌言令甚嚴諸軍肅然秋毫無犯

所至城邑考察黜陟長吏如州牧行部事江楚魯衛人士多詣軍門受約束歸許起兵相應亡何而江寧之敗聞煌言方受徽州降乃返蕪湖初煌言語成功曰師老易生他變宜遣諸帥分徇郡邑金陵出援我則首尾邀擊如其自守我則堅壁以待倘四向克復收兵鱗集金陵如在掌中矣成功不聽自以爲江寧旦夕且下士卒釋戈而嬉縱飲奏樂官兵諜知之以精騎襲破前屯成功倉卒移帳質明軍竄未就官兵傾城出戰眾無鬪志成功亦遂乘流出海并撤鎮江之師而去於是橫江之

張蒼水集 附錄三

五 四明叢書 約園刊本

艘皆屬官兵煌言歸路已梗乃引舟趨鄱陽八月七日與楚師遇而兵潰焚舟登陸軍士尙數百人歷霍山英山登東溪嶺追師奄至士皆竄止一僮一卒迷失道路賂土人爲導變服夜行天明而蹤跡者以導者亦去茫然不知所嚮念有故人買藥於安慶之高河埠求一人導至其所至則故人他往而故人之友識爲煌言憐其忠義教之由樅陽湖出江渡黃溢抵東流之張家灘潛走建德祁門兩山中煌言方病瘧力疾趨休寧買棹入嚴州恐浙人熟其面改而山行自東陽義烏出天台以

達海墻樹巖鳴角散亡復集成功聞之遣兵來助煌言  
巡視海上有長亭鄉者多田而苦潮乃募義民築塘捍  
之至今猶蒙其利尋遣使告敗於澳且引咎桂王專敕  
慰問案此事誤姑依碑  
昔之語詳大事紀庚子移師林門旋軍於桃渚辛  
丑入閩次沙關成功將謀臺灣已抵澎湖煌言遣幕客  
羅子木以書挽成功謂軍有寸進無尺退今一入臺則  
將來兩島恐不可守是孤天下之望也不聽時成功雖  
東下而官兵尙懼其招煽沿海之民遂有遷界之役民  
多不願以威脅之猶遲延不發煌言頓足歎曰棄此十

張蒼水集 附錄三

六四明叢書  
約園刊本

萬生靈而爭紅夷乎已而滇中事急成功方得臺不得  
行煌言乃遣職方郎中吳鉏挾帛書入鄖陽山中說十  
三家使之撓楚救滇而十三家已衰敝不敢出壬寅滇  
中陷成功亦卒煌言大哭還軍林門適閩南諸遺臣復  
謀奉魯王監國貽書來商煌言喜甚則以書約故尙書  
盧若騰等勸以大舉并約成功子經勉以亞子錦囊三  
矢之業復厲兵束裝以待是年浙督與中朝所遣安撫  
使各以書招煌言煌言復安撫書略曰不佞所以百折  
不回者上則欲匡扶宗社下則欲保捍桑梓乃因國事

之靡寧而致民生之愈感十餘年來海上芻蕘糗糲之  
供樓櫓舟航之費敲骨吸髓可爲惕然况復重之以遷  
徙詎以流離哀我人斯亦已勞止今執事旣以保兵息  
民爲言莫若盡復濱海之民卽以濱海之賦畀我在新  
朝旣捐棄地以收人心在不佞亦暫息爭端以俟天命  
當與執事從容羊陸之交別求生聚教訓之區於十洲  
三島間而沿海藉我外兵以禦他盜是珠厓雖棄休息  
宜然朝鮮自存艱貞如故特恐執事之疑且畏耳則請  
與幕府約但使殘黎朝還故土不佞卽當夕挂高帆不

張蒼水集 附錄三

七四明叢書  
約園刊本

重因此一方也又復督府書曰執事新朝佐命僕明室  
孤臣區區之忱言盡於此是冬十一月魯王薨於臺案  
譜甲辰公在舟山監國  
卒於海上年分互異煌言哭曰孤臣之棲棲有待徒  
苦部下相依不去者以吾主上也今更何所待乎癸卯  
遣使祭王會故將阮春雷據閩之東蚶長腰各島窺福  
寧煌言率五十餘船往與之合適總鎮林國梁謀降大  
清機洩煌言圍之國梁以礮碎其船斬煌言之弟嘉言  
案煌言有憶從弟嘉言詩在甲辰散軍以後玩其詩意  
似未審存亡者蓋嘉言必被擒而死當時海島隔絕故  
不知殉節  
確耗也復乞援於福寧總兵吳萬福萬福遣游擊李



應先劉成海等毀東蚶長腰寨甲辰三月煌言與春雷復集百餘艘泊三都三山等島萬福約水師總兵夾擊追至大洋陣斬及溺死者甚眾春雷赴泉州煌言回浙六月乃散軍居南田之懸巖懸巖在海中荒瘠無人煙山南有汶港可通舟楫煌言結茅以居從者祇羅子木門生王居敬侍者楊冠玉案鈕玉樵賦作羅自牧楊寶玉均誤將卒數人舟子一人是時閩粵俱靖惟煌言獨存議者謂煌言不死海寇且復逞也朝旨急購之係累其妻子族屬以待總督趙廷臣乃遣騎將徐元等詐為僧人服案釋史南天痕

張蒼水集附錄三 八四四明叢書約園刊本

煌言小校降欲致煌言為功走普陀偽為行脚僧則小校當即徐元也率健丁潛伏普陀山朱家尖蘆花嶼三路伺之值煌言糴者至急擊之獲其將使言煌言竄處出刀脅之其將赴水死又殺數人最後者乃告之曰張公不可得也公蓄雙猿覘動靜敵舟在十里外猿輒鳴樹杪得為備矣乃即駕所獲船以夜半至懸巖出山之背攀藤上煌言坐處置一劍有警即欲自刎是夜聞蘆葦颯颯有聲急呼從者起而官兵已入室不及避遂就縛并執子木冠玉舟子三人七月十七日也比至杭州廷臣勸之降煌言正色惟求速死

廷臣知其意不回命寄獄中供帳甚盛許其舊時部曲得來慰問官吏願見者弗禁杭人爭賂守者求入見或求書煌言亦應之九月七日起市遙望鳳凰山一帶曰好山色賦絕命詞挺立受刑年四十五子木冠玉舟子並從死案南天痕作子木冠玉并二水手從死子木名綸以字行溧陽人冠玉鄞縣人案無名氏撰張公傳云冠玉臨刑當事見其幼欲釋之冠玉曰司馬公死於忠某義不忍獨生子萬祺先三日死鎮江煌言精於六壬兵屯東溪嶺時占得四課空陷方大驚而追騎已及糴舟未返占課大凶徘徊假寐夢金甲神來招與王居敬案原作王

張蒼水集附錄三 九四四明叢書約園刊本

采薇當係居敬之字今據神道碑改正言之言未既而罹難案神道碑公被執居敬以計得脫煌言既死故御史紀五昌杭人張文嘉沈璜書等殮之而鄞人萬斯大與朱錫九錫蘭錫旂錫昌兄弟復葬之南屏之陰案清波小志煌言遺骸及楊羅二骨俱為煌言同郡釋問石暨武林好義之士所葬據是朱氏兄弟當係杭人國朝乾隆四十一年賜諡忠烈

兵部左侍郎張公傳 闕名

明之亡也死義者連鑣接衽若播遷窮海而之死靡他稱一代碩果者則有宋文丞相而後推明之張司馬煌言云煌言字玄箸號蒼水鄞縣人遠祖當元時逃入高

麗以家世仕宋故至明初始歸籍甬東稱高麗張氏高祖伯祥起家孝廉爲令列郡志孝友傳父圭璋號兩如甲子乙榜母趙孺人艱於嗣虔禱關壯繆生時父夢五色雲現故小字雲幼善病病輒瀕死六歲就塾書上口卽成誦十二喪母父判河東嵯署解州篆爲壯繆故里煌言謁詞下撰文祭告以忠義自矢年十六補邑弟子員迅筆皆驚人語性豪宕喜聲歌六博兼致談兵挾策之徒父庭訓甚嚴屢杖之勿改年二十三中壬午鄉榜卽操選政令其集曰銘燕名大噪乙酉寧紹兵起躡屬

張蒼水集 附錄三

十四 明叢書

約園刊本

走台郡迎魯藩諱以海孝王第八子癸未兗州破孝王與世子咸殉南渡襲封僑居台州授檢討司誥救時豪帥擁兵自衛曰無其主士驕民困雖有建白勢不得行煌言感憤時事恆聲淚俱咽丙戌六月朔錢塘師潰倉卒馳歸拜其父曰兒將隨主航海竟去監國駐舟山爲行在雖有城郭人民而彈丸地孤峙海中諸豪帥若王之仁方國安輩或死或降餘皆市儈菜傭惟老將張名振一軍獨全且擁戴無二心煌言依名振與之協力希爲一成一旅計張歿代統其兵晉少司馬王兵道爾祿以書招之不應俾親屬開諭百端又

不應令其父諭之降終不應最後報曰兒不孝寧爲趙

苞不爲徐庶大人善自爲計聞者痛之舟山破監國往

依閩帥鄭成功其父芝龍故海中劇盜崇禎初受招安

倚海爲窟歲以番船通日本琉球暹邏諸國積金錢無

算陽奉唐藩子冒賜姓跋扈甚性實恇怯無大略丙戌

仙霞關不守芝龍投款倏而北去弟鄭彩子成功踞厦

門海島以嫌殺閩部熊汝霖他若名搢紳之從亡者如

錢肅樂沈宸荃皆悒悒死煌言決其無成不往獨以孤

軍留浙海忠信所孚鄭亦敬而愛之不敢犯也旣聞父

張蒼水集 附錄三

十四 明叢書

約園刊本

亡一慟而絕比甦不再哭念已破家殉國父死不葬又

妻子顛連無以存活故終其身不畜一姬侍蓋刻厲如

此吏議拒命久籍其家家屬發京口養贍冀其來歸而

卒不動初煌言入海時遇颶風舟盡覆登海島飢困待

斃夢神告曰餉君侯千年鹿侯十九年還我詰朝果得

一黑鹿炙食之人嘗一嚮歷旬不飢遇他舟至獲免已

亥鄭成功下鎮江犯金陵煌言亦率其部下樓船揚帆

直抵安慶未幾成功兵敗宵遁煌言聞報勢不能獨留

而江路已截舍舟從陸入霍山縣境止一童子相隨紆

迴山谷間迷失道乃賂土人爲導日暮飯脫粟棄足上靴易雙履乘月而行至黎明走七十里履不容足中宵涉水益加窄足趾血殷踵盡裂腹且餒望門謀朝餐凡有問者皆以館師避難對村中聚觀如堵導者尙隔水遠見村民之遮道而問也必謂事露遽逸去既失道復失導主僕兩人步履惶惶鄉音又異皆疑爲逃卒盤詰紛然仍以館師對久方解視其中貌厚者胡姓復賂以金使導行強而後可是日又行三十里宿旅店亦胡族屬也忽胡之弟至招兄出耳語良久卻入而曰君從海

張蒼集 附錄三

十二 四明叢書 約園刊本

上來非館師也問何以知之曰頃有十數人過弟舍子弟固問之知君爲海上人吾兄弟意本無他不須過慮也胡之老人聞之亦具雞黍焉凌晨謀所向僉云應從安慶問渡當煌言之離蕪關而趨江上也有舊時賓從朱某來謁叩其近狀云賣藥於安慶之高河埠市中因囑胡導往其地令童子先問朱某藥室所在市人見童子之問朱也覺有異羣踪跡之市豪徐某金某皆歛產夙與朱善偶從橋上過聞童子問朱君市人又蹤跡童子亦覺有異以數語解散市人竟去而朱適他往未返

無居停主投宿逆旅媼亦歛人聞爲朱君來乃下榻而胡姓導者將於次早別去勢不可留益悵悵無聊俟記安慶向有賣稻船往來江南北必取道樅陽湖高河之樅陽一水可通令胡賃便帆渡江出池州將登九華山徐圖歸計買舟既定暫止客店金與徐又自外至引入空室問曰君得毋姓張乎詭曰吳姓金曰不然君固司馬公也日者與朱某同謁公江上而軍務旁午余無從晉謁竊於舟次窺見丰采耳遂不諱而告以故金固要至其家始通姓名詰朝令一何姓者爲伴由樅陽渡黃

張蒼集 附錄三

十三 四明叢書 約園刊本

溢出江抵張家灘池州東流縣所轄也再歷建德祁門山中走休寧皆何姓所熟識逐伴同行惟鳥道羊腸較霍山尤甚又患瘴扶病走頭岑岑汗下如雨蹣跚而前東建延謫高山多小寇出沒或乘夜剽掠土人相率持兵守嶺頭凡過客皆擲金爲費有戒心焉將次祁門江右有兵出屯朱橋村舍遁逃商旅裹足賴同行多歛人得無他計程兩日抵休寧即可買棹溪行信宿達嚴陵矣乃休邑有客兵過闔閭盡閉乘閒得抵城中寓徐之諸父善岐黃者家治具相款然實認爲館師與其猶子

善而不識其根柢也兵過買棹將趨嚴陵過新安亭亭長呵止之索篙師金始放行達街口有巡司廨邏卒登舟譏察睥睨久之而去解維過淳安乃入浙省會有文符捉民艇載兵紆道走遂安凡兩買棹纔得嚴郡而晦迹益難乃自婺之東義出天台以赴海壖烏道羊腸視徽州爲更甚而辛苦艱難亦復倍之遡自霍山奔走以來之安慶之池之徽之嚴之婺之浦江之義烏之天台寧海計程二千餘里間關百折志不少挫歸而招集散亡寄身孤嶼在南田臨壘間飄泊數年恆以一劍自隨

張蒼水集 附錄三

十四 四明叢書 約園刊本

誓死不貳甲辰秋邏者獲二卒爲導突往執之被執登舟所畜一小猴相向哀鳴躍入水死至郡城提督張待以客禮角巾葛衣輿而入張曰張先生何以屢邀而不至答曰父死不葬不孝國難無匡不忠不孝不忠羞見江東勸之降不答次日送之赴省前此投誠諸將卒送者幾千人齊聲號慟煌言神色自若出西門曰姑緩望北四拜辭闕也望郭門四拜辭鄉也隨與岸上送者拱手而別登舟左右翼而行慮其赴水笑曰無庸此非我死地至武林處於舊府時總督趙勸之降甚力始終不

答自被執卽不食日賦詩自娛守者叩頭哀懇煌言徐曰既辦一死何苦累苦等乃復食亦惟啖時果數枚而已一日督院赴館筵額曰老先生部文到矣煌言卽起肩輿至官巷口口占曰我年四十五今朝九月七含笑從文山一死萬事畢端坐於地而正命焉會城義士朱直生張文嘉等葬其遺骸於西湖南屏山杭人稱爲淨慈寺左邵皇親墳翁仲後之左側遙與岳武穆于忠肅兩墓相望煌言詩西子湖頭有我師從初志也夫人董先死子萬祺前三日亦被刑於京口幕客句容羅綸郵

張蒼水集 附錄三

十五 四明叢書 約園刊本

人楊冠玉與煌言同死俱葬於左右三冢巍然楊冠玉者大家後裔與煌言比鄰父母死從之海上臨刑當事見其幼欲釋之冠玉曰司馬公死於忠某義不忍獨生延頸就刃今寒食酒漿春風紙蝶歲時澆奠不絕而部曲過其墓者猶聞野哭云自丙戌至甲辰蓋十九年矣煌言死而明亡

林時對曰公幕客王畏齋黃巖諸生今披緇名超遯語余云公被執前一日夢金甲神持符稱奉上帝命召公次早告畏齋詫其異俄有白氣一縷直衝至所

居茆廩畏齋親見之夜半子時卽蒙難嗚呼公之生死固非偶然也

盧宜曰蘇子卿之使漠北也十九年公之處海上也亦十九年而公所歷有倍難者其一生一死固可勿論也公少白皙美丰姿後乃高顙長髯嶽嶽千仞宜家去公宅僅三四十武幼時猶及親公色笑知之最詳亦最確當執公時得一篋滿中皆書札提督張慮連染滋禍取火焚之適里中朱氏婦在署中爲女紅師乞得公詩文名奇零草兩帙今與北征記祭張侯

張蒼水集附錄三

十六四明叢書

約園刊本

服名振 文答王招撫王兵道趙督院書並傳於此然

則天地之正氣固鬼神所呵護也公誠文山之後一人而已嘗攷文文山小字雲孫而公降生之兆適與文山同是又一奇也

張美翊案曰見續表忠記

張公蒼水傳

沈冰壺

張公煌言字玄箸號蒼水浙之鄞縣人宋相知白之裔也父圭章天啓甲子舉人官至刑部郎公生而頎岸秀眉削面吐音如洪鐘目瞳炯炯有光顧盼非常輕財結客喜陳法務瑰瑋大節不修邊幅細行漁酒色時時從

博徒游擲立盡輒大噉稱快爲笑樂數私斥賣其生產刑部公恨之不能禁也然風骨稜稜不可一世識者早以國士許之年十六補邑諸生莊烈帝以天下亂欲諸生習武備著令試文後較射一時諸生非素習多倉卒應故事觀者皆匿笑不止公引滿三發皆中一時驚服膺壬午鄉薦申酉兩都之變舊臣奉魯王監國於紹興郡人錢忠介公肅樂舉兵應之公與同事受翰林院編修丙戌浙東師潰魯王航海公依肅虜伯黃斌卿於翁洲次年我松江提督吳勝兆陰與吳中士紳定謀復歸

張蒼水集附錄三

十七四明叢書

約園刊本

明魯王命定西侯張公名振往援公以侍講兵科給事中拜右僉都御史持節監其軍至崇明遇颶覆舟幾被獲匿於房師故諸暨令錢公世貴所得免閒道歸海上戊子移軍上虞之平岡山與四明山王少司馬翊相犄角焚上虞破新昌浙東列城爲之晝閉庚寅魯王入居翁洲公朝見次年翁洲破扈王至閩海時延平王鄭成功遙奉永明正朔王居金門爲寓公而已癸巳冬返浙復監定西侯軍北權入長江登金山遙祭孝陵三軍皆慟哭失聲定西侯題詩山寺公屬和一時軍聲大振以

上游師未至左次崇明甲午復入長江掠瓜儀抵燕子磯金陵震動終以孤軍無應迄無成功乃乘流東下聯營浙海戍永明王自滇中遣使授公爲兵部左侍郎兼翰林院學士我總督即廷佐寓書招降公答書曰夫揣摹利鈍指畫興衰庸人聽之或爲色變而忠貞之士則不然其所爭者天經地義所圖者國恤家讎所期者豪傑事功聖賢學問以故覆雪自甘膽薪彌厲而卒以成功古今來不可勝計如僕者將略原非所長祇以讀書知大義痛忿虜氛左袒一呼甲盾山立區區之心以

張蒼水集

附錄三

十八四明叢書

約園刊本

濟則賴君之靈不濟則全臣之節豈繁詞曲說足以動其心哉乃執事儼然以書通似僕亦庸庸者流可以利鈍興衰動者譬之虎狼戒途雁奴伺夜既受其役竟忘其哀在執事固無足怪而僕聞之髮且衝冠矣且執事固我朝勳舊之裔而遼左死事之孤也念祖宗之厚澤宜何如悲傷痛父母之深讎宜如何報雪稍轉一關不失中興人物甚爲執事不取也云云是年七月從成功北伐抵羊山復遇颶覆舟返權踰年夏五月成功以公練習江上形勢令率所部數千人爲前驅次崇明公謂

成功曰崇沙江海門戶也且懸洲可守盍先定之進退可以有據成功不聽後卒爲守將梁化鳳所襲始悔不用公策云將取瓜步時金焦間鐵索橫江夾岸置西洋礮公揚帆逆流而上風息行遲礮聲雷錙洪波爲沸水軍傷者甚眾且進且卻公叱舟人冒險徑進同艚繼之時得入者僅十七舟而十三舟皆公轄也於是直薄瓜洲城下次日成功師始至會戰斬獲我滿漢兵無算乘勝入其城成功即欲取金陵公請先京口成功曰奈金陵援師朝發夕至何公曰吾以偏師先擣觀音門則

張蒼水集

附錄三

十九四明叢書

約園刊本

金陵奪魄將謀自救不暇豈能分援他郡成功然之且以直達蕪湖爲約未至儀徵吏民齎版圖迎降五十里外公紀律甚嚴瀕江小艇載果蔬貿易如織若不知有兵者六月二十八日抵觀音門而成功於二十四日下京口矣七月朔公哨卒僅七人掠江浦取之初五日公所遣先往蕪湖別將以降書至成功謂公曰蕪關居江楚下流爲江介鎖鑰重地倘金陵不旦夕下則江楚之援日至可虞也非公遏之不可遂行傳檄郡邑江之南北皆歸附恐後府則太平寧國池州徽州則廣德無

爲和陽縣則當塗蕪湖繁昌宣城寧國南陵太平旌德  
貴池銅陵東流建德青陽石埭涇巢含山舒城廬江高  
淳江浦溧水溧陽建平旬日間凡得四府三州二十四  
縣當是時公所過兵不血刃吏民爭持牛酒以獻深山  
窮谷中遺老來見日數輩竟莫測所自來公皆款顏慰  
勞莫不歎息泣下每入城必先謁先聖廟坐明倫堂招  
諸生勉以忠孝大義不宜忘三百年養士之報莫不人  
人思奮而江楚魯衛豪傑亦詣軍門願受約束爲響應  
公亦自以爲功在旦夕相度形勢一軍出溧陽以窺廣

張蒼水集 附錄三

二十四明叢書

約園刊本

德一軍鎮池州以扼上流一軍據和州以固采石一軍  
入寧國以備新安無何而金陵之敗書聞矣初成功之  
既取京口也公謂兵貴神速若從水道進師巨艦逆流  
遲拙非策使敵得爲備而成功竟從水道進及圍金陵  
復上書成功謂屯兵堅城師老易生它變宜激勵將士  
一鼓下之不能則宜分遣諸帥盡取畿輔旁郡若城中  
出援我師首尾邀擊如其自守我則堅壘以待俟四面  
克復乃以全力注之蔑不濟矣而成功狃於屢勝士皆  
釋兵而戲我師諜知之出不意發輕騎掩擊之人不及

甲遂大敗公方在寧國受新安降報至乃返蕪湖時七  
月二十九日也初意師卽挫未必遽登舟卽登舟未必  
遽揚帆卽揚帆必且復守京口故彈壓列城無有變志  
我帥卽廷佐哈哈木管效忠等以書相招峻詞拒之遣  
人至成功所請立益百艘相助天下事尙可圖也而成  
功竟踉蹌歸海矣北艘千餘截於下流歸路旣梗公計  
江楚敗問未至姑引舟趨鄱陽以爲後圖八月七次  
銅陵與楚師遇兵潰有言英霍山寨可投者乃焚舟登  
陸霍之陽山寨方就撫拒不納將之英之將軍寨公精

張蒼水集 附錄三

二十四明叢書

約園刊本

六王占數世應皆空大驚俄而追師突至士卒皆竄去  
公單騎脫走止一僮一卒相隨崎嶇山谷間迷失道厚  
賂土人得導以出變姓名易服夜行曉伏遇故人之友  
金生徐生陰左右之始得全方病瘡力疾奔走閒道至  
安慶之池之徽之嚴之浦江義烏之婺之天台寧海得  
達海壩計程二千餘里足指血殷踵盡裂當是時索公  
急有詣軍門自稱曰我明朝張司馬也來就死談笑受  
戮一時嘖嘖皆鬪傳爲公已死而不知實陰爲公規脫  
死者也公既歸樹森鳴角散亡復集庚子駐師林門辛

丑入閩海上啓魯王陳恢復大計勸其親征使天下曉然知報讎雪恥之心時成功方經營臺灣與紅夷構難不復措意中原公遣客羅子木寓書諫之曰殿下東寧之役豈誠謂外島可以創業開基哉不過借以棲息文武將吏家室使免內顧憂自古未聞以輜重眷屬置之外夷而後經營中原者所以識者危之況大明之倚重於殿下以殿下之能雪恥復讎也區區臺灣何與於赤縣神州而暴師半載使壯士塗肝腦於火輪宿將碎肢體於沙磧生既非智死亦非忠亦大可惜矣且今日普

張蒼水集 附錄三

三三四明叢書 約園刊本

天之下止思明州一塊乾淨土何啻桐江一絲繫漢九鼎故思明者根柢也臺灣者枝葉也無思明是無根柢矣能有枝葉乎古人云寧進一寸死毋退一尺生倘尋徐福之行蹤踵盧敖之故跡縱偷安一時必貽譏千古卽觀史載陳宜中張世傑兩人喪貶可爲明鑑殿下寧不自愛乎夫虬顛一劇祇是傳奇濫說寧有扶餘足王乎若箕子之君朝鮮又非可語於今日也成功卒取臺灣復作感時詩四首以諷遷界令下公痛萬姓流離予我安撫書云但使殘黎朝返則不佞夕挂高帆十洲三

島莫非生聚教訓之區嘗膽臥薪別有扶危定傾之計何忍重困此一方民也明年永明王爲吳三桂所害宗室勦滅皆死惟吉王自縊以殉太后中宮送北爲尼公復上啓魯王乞速正大號以存正統不果俄而成功卽世魯王亦薨公憤悒不得志復歸浙海居懸輿懸輿在海中荒瘠無居人山南有汶港可通舟其陰則峭壁千尋林木蒼翳公結茅其中人莫能窺從者惟羅子木楊冠玉餘惟舟子役人而已甲辰我聖祖仁皇帝卽位之三年是時海宇寧謐鄭經東匿不出八閩安瀾獨公風帆浪楫傲岸於明台之間議者益忌公於是索公愈甚械繫公之妻子族屬懸重賞購之公之校降於我朝者欲致公以自效與其徒數人僞爲行腳僧投普陀山寺會公遣羅舟至以其僧也昵之竟爲所縛齎告公處擊殺過數人而後肯言曰雖然公不可得也公所居畜雙猿時緣木杪以候動靜船在十里之外則猿見急號公得爲備矣乃從中宵繞山之背暗中猿不及覺遂執公并及子木冠玉舟子三人時七月十七日也方羅舟未返公占數主有非常之變衰稟假寐竟及於難豈非命

張蒼水集 附錄三

三三四明叢書 約園刊本



乎十九日公至寧波方巾葛衣乘肩輿而入觀者嘖嘖  
歎息同於畫錦入提督府顧盼謂人曰此沈相國第也  
我昔曾會文於此今忽忽二十年後不勝丁令威化鶴  
歸來之慟耳張帥舉酒屬公公曰父死不能葬國亡不  
能救死有餘辜今日之事速死而已八月送至會城作  
詩辭故里曰義幟縱橫二十年豈知閨位屬于闔桐江  
空繫嚴光釣震澤難迴范蠡船生比鴻毛猶負國死留  
碧血欲支天忠貞自是孤臣事敢望他年青史傳其二  
曰國亡家破欲何之西子湖頭有我師日月雙懸于氏

張蒼水集 附錄三

三四四明叢書  
約園刊本

墓乾坤半壁岳家祠慚將赤手分三席敢爲丹心借一  
枝他日素車東浙路怒濤豈必屬鴟夷既至供帳如上  
賓公南面坐故時部曲降我朝者雖參將提鎮皆行庭  
謁禮司道郡縣至者公但拱手不起一時皆望公爲天  
神士民欲得覩公面爲幸賂守者絡繹不絕求翰墨者  
積几案如山公稱情揮灑應之無倦色作歌書獄壁曰  
嗚呼滄海揚塵兮日月盲神州陸沈兮陵谷崩余生則  
中華兮死則大明寸丹爲重兮七尺爲輕惟彼文山兮  
亦羈紲乎燕京黃冠故鄉兮非余心之所馨等鴻毛於

一擲兮何難談笑而委形念先人在淺土兮忠與孝而  
無成繫嗣子之牢籠兮痛宗祀之云傾已矣乎荀瓊謝  
玉兮亦有時而彫零余之浩氣兮化爲風霆與日星尙  
足留綱常於萬禩兮垂節義於千齡何分孰爲國祚孰  
爲家聲歌以言志兮肯浮慕乎箕子之貞若以擬夫正  
氣兮或無愧乎先生九月七月公詣市復賦絕命詩曰  
我年適五九復逢九月七大厦已不支成仁萬事畢遂  
死年四十五武林張文嘉石門呂光輪甬江萬斯大與  
僧超直葬之南屏之陰符公三席一枝志也公憶西湖  
詩亦云夢

張蒼水集 附錄三

三五四明叢書  
約園刊本

裏相逢西子湖誰知夢醒卻模糊高墳武穆連忠肅參  
得新祠一座無似非偶然故誌銘有一時發言皆同識  
語公娶董氏陷獄中久之得解子萬祺先公三日戮於  
京口以再從子鴻福爲嗣所著有奇零草冰槎集子木  
冠玉舟子皆從死子木名綸溧陽人已亥之役謁公於  
江寧陳山川形勢甚悉公異而欲留之曰親在未敢以  
身許人也既而從成功招將徇吳會會成功兵敗欲還  
子木遮說不肯留於是奉其父隨軍浮於海未幾父苦  
風濤眩暈奉之北歸次閩之三山猝遇我兵子木以死  
衛父鬪逾時矢集鎧如蝟墜水得出而父竟就縛以去

子木慟哭嘔血流離跋涉百方求出奇計以救父卒不  
得父音耗乃復投公營膂力絕人能詩與公相倡和悲  
歌慷慨有古烈士風冠玉鄞人年少美姿容諧媚謹愿  
公絕愛幸之臥起飲食必與其居恆邑邑得冠玉立解  
及公被難流連不忍去旗人有豔而欲得之者堅不可  
乃同被害

論曰華亭徐孚遠聞公公同年生也敘公奇零草引梁  
史江陵淪陷王子珩以一州之力聲義抗旌雖兵敗身  
執益以復讎爲事終不北面於陳陳慶之以兵八千北

張蒼水集附錄三

二六四明叢書  
續園刊本

伐乘勝下元魏數十城直據洛陽及勢失兵燿閒行得  
達江南此二人者其行事與公絕相似而其志與日月  
爭光則徐公又擬之諸葛武侯文信國矣夫公之才遠  
不及武侯望亦遜於信國而時之艱境之奇則更甚於  
武侯信國自丙戌航海甲辰就執三度闔關四入長江  
兩遭覆溺首尾十有九年其經營爲倍蹇矣已亥之役  
功在漏刻而復敗之天也然而談其事者迄今猶慄慄  
有生氣何耶

張美翊案曰冰壺字清玉號梅史山陰歲貢生性孤

峭於時寡合熟於勝國諸老軼事曾舉乾隆鴻博報  
罷壽鏞案蹇叟校及沈傳託其友余霖檢查山陰縣志  
志余報書云沈冰壺見縣志卷十五鄉賢傳云性  
亦峭喜博覽家貧無書恆借書披閱有所著述以一  
缸貯之往往爲人取去最熟勝國諸老軼事著有古  
調自彈集今原書猶在可想見蹇叟旁搜之勤矣

觚牘

張玄箸先生於康熙甲辰被執不屈與愛僕楊冠玉幕  
友羅自牧同死於杭所著詩詞貯一布囊悉爲邏卒所  
焚有遺在僧寺及民家者僅數篇其律詩云何事孤臣  
竟息機魯戈不復挽斜暉到來晚節慚松柏此去清風

張蒼水集附錄三

二七四明叢書  
約園刊本

笑巖薇雙鬢難容五嶽住一帆任向十州歸疊山遲死  
文山早青史他年任是非

傳略二

壽鏞案孫寶編公集別有傳略補今編爲傳略  
二惟於首行題自來與傳略一稍有不同焉

張玄箸先生事略

行朝錄

張玄箸先生即煌言寧波舉人先從魯監國監國敗率殘兵數  
百人飄蕩海上延平招之入島表爲兵部尙書俱至金  
陵王謂煌言蕪湖上游門戶儻留都不且夕下則江楚  
之援日至控扼要害非先生不可七月初七日煌言率

師至蕪湖馳檄郡邑江之南北相率來附未幾延平敗走煌言趨銅陵與楚師遇兵潰變姓名從建德祁門山中出走天台以入海仍與延平同定臺灣見延平甘王扶餘不復與太原公子角逐為詩刺之曰中原方逐鹿何暇問虹梁曰圍師原將略墨守亦夷風曰只恐幼安肥遯老藜牀阜帽亦徒然曰寄語避秦島上客衣冠黃綺總堪疑延平一笑而已未幾延平薨會東寧有難不能出海年餘鄭經定位益庸劣無比不足與謀乃散其部曲拂衣竟去浮海涉江竄至杭州西湖上覓山僻小

張蒼水集附錄三

二六四明叢書約園刊本

庵隱焉瞻望邊藩猶有所冀為杭守臣覩得與健僕楊貫玉愛將羅自牧同被執兩人皆萬人敵就逮之日先生烏巾葛衣不言不食越數日唯啜水而已臨刑二卒以竹輿舁至江口先生從輿中出見江上青山夾岸始一言曰大好山色因索筆硯賦絕命詞三首付行刑者端坐受刃自牧貫玉同斬笑一振臂紉索俱斷立受刃屍不仆刑者惟跪拜而已正甲辰年中秋日也故東莊聞而誅之所著詩詞貯一布囊悉為邏卒所焚其絕命詞曰張美切日下詩非絕命詞也第一第二甲辰八月辭故里詩第三甲辰七月十七日被執進定關詩

義嶽縱橫二十年豈知閭位在于闔桐江空繫嚴光釣笠澤難回范蠡船生比鴻毛猶負國死將碧血欲支天忠貞自是孤臣事敢望千秋青史傳 國亡家破欲何之西子湖頭有我師日月雙懸于氏墓乾坤半壁岳家祠慚將赤手分三席真不愧三賢特為丹心借一枝他日素車東浙路怒濤豈必盡鴟夷 何事孤臣竟息機魯戈不復挽斜暉到來晚節慚松柏此去清風笑薜薇雙鬢難容五嶽住一帆仍向十洲歸壘山遲死文山早青史他年任是非

張蒼水集附錄三

二六四明叢書約園刊本

思舊錄

黃宗羲

張煌言字玄著其父圭章字兩如甲子舉人嘗教授余家玄箸為人躍冶而明敏過人故能就死從容有文山氣象當其被獲也已散遣士卒懸洲獨處亦如出橫之在海島而已而補陀僧有借之以媚大帥者遂遇難

張煌言列傳

羅綸葉振名

東南紀事

張美翊曰餘姚邵廷采字念魯康

熙開人撰東南西南紀事二書  
張煌言字玄著寧波鄞縣人崇禎壬午舉鄉試時年二十二僑適自喜常著絳衫已聞寇勢迫更刻意勤苦澹

泊求論兵事乙酉五月南京敗與同郡錢肅樂沈宸荃  
馮元颺等倡義奉魯王監國紹興授翰林修撰掌敕令  
丙戌師潰歸別父母妻子扈王石浦明年以右僉都御  
史持節監定西侯張名振軍援吳勝兆於松江龍颺覆  
舟陷敵中七日再戰黃巖北軍射而圍之以數騎突免  
於是益習騎射又明年丁亥移節上虞之平岡山與王  
翊等犄角結寨庚寅以平岡兵授劉翼明陳天樞率親  
軍朝王舟山屢請益兵當定關辛卯父艱訃至晨夜痛  
哭大清提督田雄海道王天錫以書來說使解兵煌言

張蒼集

附錄三

三十四明叢書  
約園刊本

復言不屈其年舟山破及名振奉王南入金門閩政自  
鄭氏出煌言和謹調護王賴以安壬辰監名振軍過舟  
山抵崇明沙指金山江淮響應癸巳上洋山再駐崇沙  
冬破崇明步騎萬餘於平洋中午再入鎮江觀兵儀真  
夏逼吳淞戰捷皆與名振俱乙未延平王未成功遣阮  
駿陳六御與名振復舟山台州守將馬信舉城降使煌  
言以沙船五百迎之名振卒信棄台州明年丙申舟山  
再破煌言移軍秦川時魯邸舊城皆盡而孤軍流寄窮  
島鄭氏部曲陵暴煌言惟御之以忠誠阮美陳文達爭

餉地爲媿解曰大敵在前何暇私鬪美軍有犯輒曰我  
大臣寧與麾下爭曲直獲內地選謀亦好語酒食遣之  
由是主客浹和邊溢感悅遺黎亡卒多爲耳目者戊戌  
大清兩江總督耶廷佐以書陳說天命曉諭利害復之  
略曰夫揣摩利鈍指畫興衰庸夫聽之或爲變色而貞  
士則不然所爭者天經地義所圖者國恤家仇所期待  
者豪傑事功聖賢學問故每甌雪自甘膽薪彌厲而卒  
以成事自古以來何可勝計若僕於將略原非所長祇  
以讀書知大義痛恨災氛左袒一呼甲盾山立區區之

張蒼集

附錄三

三十四明叢書  
約園刊本

意以濟則賴君靈不濟則全臣節遂憑陵風濤縱橫鋒  
鏑之下迄今踰一紀矣豈復以浮詞曲說動其心哉來  
書溫慎故報數行如斬使焚書適足見吾意之不廣僕  
亦不爲也煌言勸成功取南京日與偏裨較射鹿頸頭  
神氣勃厲羅致中土名士商度方略山陰葉振名三渡  
海從煌言其年奉桂王命以兵部尙書視師浙直同成  
功北舉復抵羊山遇風碎舟還故延佐等急招之而煌  
言措置開廣成功亦以是重之謂其知江上形勢使前  
驅己亥六月成功師至崇明煌言議崇沙江海門戶懸

洲可守宜先定之爲老營不聽大清於金焦間用鐵索橫江夾岸置西洋大礮煌言次浦口風急流迅且戰且卻露香祝江神遂鼓棹而入詰且成功克瓜洲欲取鎮江慮南京援騎至煌言議舟師先擣觀音門則建業震動自守不暇何能分援他郡卽屬煌言西上至儀真吏民賣版圖迎進次六合聞成功已拔鎮江卽作書致五軍張英謂兵尙神速若由水道遲拙非策煌言已抵觀音門令輕舟數十徑抵蕪湖身爲殿自浦口轉戰而前七日掠江浦入之次日成功抵七里洲先所遣蕪湖諸將捷書至蕪湖已降成功趣煌言急趨蕪湖以遏江楚之援於是江南北相率來歸太平寧國池州徽州廣德及屬邑皆下無爲和州含山舒城廬江高淳巢遣吏請降凡得府四州三縣二十四時煌言兵不滿萬船不滿百惟以先聲號召大義感孚騰書縉紳馳檄守令所過秋毫無犯入謁先聖坐明倫堂長吏故官或青衣待罪或角巾抗禮考察黜陟如州牧行部事父老望其衣冠莫不流涕江楚魯衛豪雄多詣軍門受約束請歸禡旗相應方部署諸軍思直取九江而南京敗書聞先是瓜

張蒼集

附錄三

三

四明叢書

約園刊本

鎮既下不出兵攻略旁邑丹陽句容皆虛無埃蘇松援騎平行陸走南京成功師圍南京二旬耶廷佐哈哈木管效忠守益堅煌言馳書成功謂頓兵堅城下師老易生他變宜分兵盡取畿輔諸郡若金陵出援可邀擊殲之無何原書無此二字據北征錄加入大兵盡出再戰成功大敗煌言在寧國得報急返蕪湖思彈壓上游與瓜鎮掎角鎮江書生羅子木亦勸成功乘敗出不意轉帆復西成功遽退師并棄瓜鎮上游兵因遂潰太平守將首變志煌言遣兵復取太平斬其將大清軍水陸邀煌言楚將羅八戰艘數百已渡安慶煌言恐眾寡不敵勒全軍指繁昌欲以朦朧徑趨鄱陽合召義旅回旗再取四郡進次銅陵眾散與麾下數百人至無爲州焚舟登岸歷銅城黃金棚入霍山界以書通於陽山賊帥褚良輔求借屯不納移札東溪嶺思走英山爲追騎所及將士疲困皆竄山谷煌言突圍得土人爲導乘月變服夜行兩日至高河埠投逆旅有徽豪金某徐某揣知煌言入見曰江上未解嚴誰能爲廬中丈人者乃匿煌言於家數日由樅陽出江渡黃溢走徽嚴山行道東陽天台以達海埔海

張蒼集

附錄三

三

四明叢書

約園刊本

濱人傳張兵部得生還相與悲喜久之先是羅子木在江中遮說道路屬目遂奉其父從大軍入閩庚子煌言收燼於浙駐師林門子木復奉父北行至三山父被執去子木詣林門以家國之難慟哭告煌言邀成功再舉兵煌言曰吾力不獨克彼意似不欲本朝復興徒以我素謹弱為彼禦定關通中原音息故不我圖且彼無愛民之心來亦正毒百姓姑待之子木遂留事煌言及大清遷界海上餉絕佐煌言開屯南田順治十八年辛丑成功攻臺灣煌言以書力諫是年移軍沙垵康熙元年

張彙集 附錄三

三五 四明叢書

約園刊本

壬寅聞緬甸信欲復擁戴魯王上啓言莽移漢祚光武中興丕廢山陽昭烈踐祚懷愍北狩晉元稱制徽欽蒙塵宋高繼立以視今日誰曰不然顧島上勳貴罔識春秋大義而臣實兵微將寡餉匱援窮既見宗國之亡而不能救且幸舊主之在而不能扶所以中夜椎心淚盡而繼之以血也謹遣官齎獻膳銀南望倉皇罔知所措時成功已入臺灣僭帝制王在金門不免飢寒煌言以舊從歲時供億又慮鄭氏見疑十年未敢入覲成功死海上解散煌言益不振眾議入雞籠島煌言謂偷生朝

露寧以一死立信卒不行癸卯王殂於金門甲辰移營

桃花山 張美朝日移營南田懸器作桃花山誤 買米缸為補陀僧所獲降

人孫維法引張杰襲煌言遂被執從者羅子木及守備

葉雲王發侍童觀毓 案即楊冠玉 七月十九日至寧波方巾

葛衣轎而入觀者如堵牆張杰舉酒屬煌言曰遲公久

矣答曰父死不能葬國亡不能救死有餘罪常進功謂

子木海上知我名否子木曰但識張司馬何知常進功

他有所問大笑不為語至杭州總督趙廷臣禮以上賓

聽故部曲來庭謁司道府縣至者但拱手不起列坐於

張彙集 附錄三

三五 四明叢書

約園刊本

側士民賂守者求視煌言翰墨酬接無虛日九月七日死於粥教坊有絕命詞曰我年四十五恰逢九月七大廈已不支成仁萬事畢候卒致詞請坐與子木同畢命觀毓大聲曰我亦不跪者雲發面煌言跪是日驟雨晝晦杭人知不知皆慟哭同郡萬斯大仁和張文嘉與僧超直葬之西湖南屏山夫人董與嗣子先羈管杭州防久而疏煌言遣力士引嗣子出曰母可借乎我獨往母必死敬拜力士而辭有勸煌言納賸者曰吾妻子如是何忍倡義以來未嘗一近女色且死生成敗殊未料多

累何爲馬信將陳木叔女奉煌言謝曰忠臣之裔不可  
以辱吾義不再娶厚贈遣之病不飲藥大洋中能自運  
舵每歎曰沿海膏脂盡矣幸其出戰勝則進取否則一  
跳海中畢吾事耳嘗與葉振名論古今人物曰紹興死  
事者多吾慕之清夜嘗愧之歷十九載卒踐其言故其  
經故里詩有蘇武管寧求仁得仁句云自煌言仗節寧  
波士風振起同時如諸生華夏楊文瓚等皆以死殉義  
知名當世子木名綸嘗爲書責成功浙中傳之振名字  
介韜以隻雞哭煌言於越王岑其文累數千字死於康

張彙集附錄三

三六四明叢書

約園刊本

熙壬戌窮無子女壽七十餘見張司馬二客傳按此云壽七十

下又云六十有八未知孰是

論曰王文成公有言死天下事易成天下事難此責成  
於可成之日不以一死塞也若以律文天祥張世傑豈  
其然哉世傳已亥長江之役有壬午舉人方會試下第  
歸對其家人如醒如嚙咄咄仰天曰同年作何等事而  
我自顧爾乎信由斯言煌言固死而不死不成而真有  
成也余未得見先生而曾讀冰槎集奇零草悲其志又  
從介韜翼明兩君悉先生生平乃鄉人尙有不爲徐庶

加之罪者於平九原可作其何敢辭

附錄逸事

煌言壬午舉人出山陰令吳淞錢世貴之門下朱夏  
夫兆殷曾受知於知府于穎穎遷寧紹台分守與煌  
言同謁穎以意氣相許談朝政得失朝臣覆餗狀不  
勝髮指勸穎招技勇備不虞亡何有東陽許都之變  
事寧肄業駝峯 十七年秋至南京交劉伏陽按伏陽奇  
零草作孔昭子永錫見伯溫先生遺書祕記 金陵  
不守于穎移檄浙東煌言來會同盟於學宮誓以死

張彙集附錄三

三七四明叢書

約園刊本

衛社稷 至杭州候巡撫張秉貞議所立上路王璽  
綬王長齋繡佛無帝王氣概大失望煌言別祖廟聯  
絡紳士痛哭於王之仁張名振散家財俟大舉田雄  
導大軍東下潞王率文武降閩六月七日煌言合錢  
肅樂沈宸荃馮元颺元颺同之仁名振舉兵寧波移  
檄遠近九日孫熊舉兵姚江十一日鄭公子舉兵紹  
興 先是于穎命徐允升募兵金華使夏夫募舡沿  
海會內臣高起潛引所部五百餘輜重數萬自海道  
至白洋夏夫留之不果得其副將余應元都司王有

功守備孫勇等數十人與遵謙約日舉事于穎駐兵西郭使夏夫促遵謙出兵曰公在驛候進發今張慄彭萬里已授首事至此寧可緩乎杭城一葦朝發夕至何以處之遵謙以事未集需後期夏夫曰若爾浙東魚肉矣于穎自率團練兵五百道陸至西興而夏夫水師由海道會遂統應元等并鄉兵百餘船百艘薄暮抵錢塘值大軍半渡邀擊斬其前鋒六十餘級而退于穎至又調蕭山團練五百配以中軍郎文明任朝督張宏兆寧波義師亦來會乃定守江之計

張彙集 附錄三

三五 四明叢書 約園刊本

于穎督師丙戌移屯三江夏夫以護軍從時大軍在前內多悍將眾歎悲時事不支煌言獨慷慨必矢興復酒閒歌嘯義形詞色侍者莫不髮指衝冠迨五月富春竊渡士卒不戰而潰于穎疾馳留方國安王之仁固守不可煌言與張國維護魯王過曹江歸別父母妻子從駕石浦越日孫熊鄭三家繼至聞于穎以船溺微服去魯王至舟山黃斌卿曰臣受先帝命守舟山主上猶的也的所在思射之矣乃幸補陀夏夫同王有功孫勇聞道歸戊子越中鄉兵復起夏夫

使魯恂至舟山候定西肅北二藩進止煌言以定西護軍同肅北護軍曹從龍將軍黃朝先入三江煌言復大會諸將於駝峯亡何二藩構隙阮進護魯王至閩日迎定西至林壘曹從龍大掠而歸煌言不得已上會稽山列營平岡與王完勳王虎等唇齒以書招夏夫會魯恂被胡錦首死獄中不果行庚寅夏魯王至舟山有旨召煌言歸山中諸將以不相統攝散亡辛卯吳淞定關分道入海煌言同定西護魯王親行先退大軍於崇明以阮進守大泥灣劉世勳守舟

張彙集 附錄三

三五 四明叢書 約園刊本

山陳錦田雄規知精兵北去乘霧而出進不之覺及至接戰倉卒擲火毬遇桅反擊自焚下水被擒輿之以說城中進至言煌言等已大捷旦夕凱旋令城中死守被圍十日礮火俱盡定西中軍金允彥踰城降具告虛實遂百道攻城夜分星隕如雨九月二日城遂破定西太夫人全家自焚定西聞報急返至火燒門止隔兩潮無及遂護魯王入閩明年春討舟山守將巴臣輿降乘勝入長江煌言同英義將軍阮駿先登陷陣崇明鎮江二戰俱捷為文祭孝陵三軍縞素



哭聲雷震徹城中會以閩師被撤無援而退大軍以  
巨艦鐵鎖橫金山逼之大戰沈舟截鎖而出是役也  
以少擊眾士氣百倍明年復統師入江江北豪傑聚  
眾歸者接踵適謀者聞於鄭撤回閩來歸者慟哭別  
事遂不可為矣及至與鄭極陳利害謀不可信和不  
可從鄭疑之乃再引兵北上駐舟山以圖恢復密檄  
四出招徠人心響應乙未馬信以台州降值定西以  
馮卒信聞訃大慟遂棄城入海以煌言在鰓挾陳木  
叔女奉之曰忠臣之裔不可以辱且室人董為我陷

張魯集附錄三

四十四明叢書  
約園刊本

獄義不再娶厚贈而遣之葬定西舟山之沈家壘由  
是權歸陳六御而將士解體 煌言屯鹿頸頭以書  
招夏夫由臨山航海至咨以軍旅宜帥出海八月廿  
四日大戰於蛟疊阮駿恃勇輕敵陷陣失水自辰至  
未大軍番休疊戰遂不支并喪劉永錫張晉爵陳六  
御張宏德降顧忠王有才舟山復破夏夫從煌言至  
沙埕而還

葉羅二客傳附

越有志節士曰葉振名字介韜山陰湖塘里人少方

迂行六人呼六腐氣獨喜自負家貧居環室做帷結  
席不能拒蠅蚋旁一土爐管冷不燃几欲朽雜疊爛  
編數本目不遠矚行持一短檠藉鄰火煨柏葉代茗  
餽餅啖客不廢酒客不飲則自盡之外扉粘心喪謝  
客寶無喪也柱上署聯大約以死為樂擇死之最首  
者迅雷事親孝母吳垂革時泣曰使名終身困窮可  
也否則此心之痛何如耶嘗娶婦婦逝即不續過人  
即索酒取架上書徧讀讀竟輒哭能古文謂自周秦  
至今不入九家而自詡充其數書法解學士前無古

張魯集附錄三

四十四明叢書  
約園刊本

人已書足紹之冠道士冠行道上穆穆如無人張煌  
言屯鹿頸頭渡海訪之煌言曰比年無一端人至  
君來吾輩其有興乎攜之觀射酌以大觥因歎息人  
才難得振名謂煌言取人當以守為尚煌言曰軍中  
須才智不須道學道學何與兵事振名曰忠道學不  
真耳真道學必善用兵且昔烈皇帝尙才劉子尙守  
其後國破君亡未見才之效諸殉難者悉有守清節  
士豈非明鑒時振名以煌言委信非宜左右或緣奸  
偽故語及之煌言作留侯李陵論譏切時輩又欲作

陶潛論以斥逍遙泉石無意當世者振名曰人心胥  
溺幸二三遺民高尚其事留此面目公論出無乃激  
使往乎乃止己亥夏候煌言金堂陳三策大約欲暴  
延平之罪擒斬之奪其兵以圖興復言多闊迂不可  
行其秋師潰安廬島上未得煌言消息符文煥遣官  
延請振名暫護視師之署振名至會煌言返晤於鹿  
頸辛丑正月又謁煌言林門至秋而歸其後鄭氏東  
入臺灣煌言竟被執死杭州振名持隻雞黍酒獨登  
越王嶺哭祭爲文六千五百餘言時京口羅子木隨

張蒼集附錄三

四三 四明叢書  
約園刊本

侍煌言同殉節君爲作行略振名官翰林修撰兼兵  
科給事中生萬曆戊午卒年六十有八無子友人王  
某爲之殮葬

案張公傳未種葉死於康熙壬戌此云  
生萬曆戊午核之則六十有八當作六

十五  
侯考

羅綸字子木鎮江丹徒人或曰應天溧陽人性尚義  
家貧授徒蘇州一日讀史可法安攘疏大慟不止延  
平王朱成功師度金焦亟往觀變謁煌言於儀真一  
見器之命草檄諭江南北煌言欲留之子木曰親在  
未敢許人也族叔羅蘊章時爲成功左鎮乃入其營

不數日成功東奔子木在金山猶疑陽敗已望見大  
踪過焦山乃乘小艇徑奔成功船大呼曰我羅總兵  
姪也超登曰公何以費十年之力率天下望成功不  
答子木大慟曰公兵勢尙強柰何以小舫挫志彼戰  
勝而情轉帆復進南都必破失此事機欲再振其可  
得乎持成功手頓足號慟不已成功默然竟令左右  
扶去乃急入鎮江扶父隨蘊章至溫州尋到廈門中  
所知成功不可恃復奉父北行至三山父被執去慟  
哭詣林門叩煌言告難請邀成功北出煌言曰彼力

張蒼集附錄三

四三 四明叢書  
約園刊本

憊而神眊不來也子木曰小子以書請何如煌言曰  
可遂自作書奉成功不報在煌言帳中遇事直言左  
右皆忌之會遷界禁下餉絕佐煌言開屯南田甲辰  
煌言移桃花山實佐多散子木朝夕敬護不去左右  
已同被執入定關常進功款宴問子木曰海上知我  
名否曰但識張司馬何知常進功他有問大笑不爲  
語至杭城會議府不跪次煌言席地坐煌言與總督  
趙廷臣語次往復子木抗聲曰公先後死耳何必與  
若輩絮語煌言初欲絕食子木笑曰大丈夫死忠任

其處置可也飲啖如平時九月七日死於粥教坊  
論曰張公恭以禮士士不憚險阻歸之然所得客獨  
葉羅二人爲最羅之從死天下業見之矣葉先生無  
日不以死自處者偶不死也余三過先生湖塘被其  
容接出濁醪酌余語及興亡之際言隱而慮深同坐  
者不知也朝議方事臺灣先生輒上姚督書勸其緩  
攻事雖不行然於故國之義亦已盡矣附舟人遙示  
書彙署其函曰葉六腐氣受而展之滔滔萬言不可  
窮竭其意氣之盛固與羅生同其壯哉

張蒼集附錄三

四十四明叢書  
約園刊本

張煌言列傳

子萬祺甘輝羅子  
木侯楊冠玉附

海東逸史

張煌言字玄箸號蒼水鄞縣人刑部員外郎圭章子少  
時跌宕不羈常負博進錢醉臥社祠中夢神謂之曰君  
宜自愛他日成大事者君也由是感悟折節讀書崇禎  
十五年舉鄉試明年下第歸京師陷憤不欲生乙酉閏  
六月錢肅樂等舉兵移檄會諸鄉老煌言先至即遣迎  
魯王於天台授行人至會稽賜進士出身加翰林院編  
修改兵科給事中入典制誥出籌軍旅頗見其優紹興  
破泛海入舟山道逢富平將軍張名振扈王入閩從之

既至招討使鄭成功以前頒詔之際修寓公之敬於王  
而不爲用煌言勸名振還石浦謀再舉加右僉都御史  
自立一營曰平岡軍時黃斌卿守舟山名振以石浦之  
軍與爲犄角明年春小腆紀年作丙戌  
四月監國紀同吳淞提督吳勝  
兆請以所部來歸斌卿不欲往煌言勸名振應之遂監  
其軍以行抵崇明大風舟覆煌言等皆被執乘閒脫歸  
已諸將殺斌卿王至舟山煌言以所部入衛拜兵部右  
侍郎辛卯八月紀年作九月  
監國紀同舟山破煌言與名振扈王  
再入閩次廈門時滇中已封鄭成功爲延平王軍容甚

張蒼集附錄三

四十五明叢書  
約園刊本

盛不肯奉王煌言獨以名振之軍爲王衛時時激發諸  
藩使爲致貢然煌言極推成功之忠嘗曰招討始終爲  
唐真純臣也成功聞之亦曰侍郎始終爲魯豈與吾異  
趣哉故成功與煌言所奉不同而其交甚睦癸巳春會  
名振之師入長江烽火逮金陵江南震動時上游故有  
宿約而失期不至左次崇明甲午再入長江故誠意伯  
劉孔昭以軍來會或以孔昭南都亂臣宜絕之煌言曰  
孔昭罪與馬阮等然馬阮再賣浙東而孔昭以操江親  
兵棲遲海上累年則其心尙可原也明年名振卒遺言

以所部歸煌言時王已去監國號通表滇中桂王遣使  
加煌言左侍郎兼翰林院學士己亥成功與煌言會於  
天台悉師北上六月成功攻鎮江煌言以偏師薄觀音  
門乘虛入江浦會所遣別將以蕪湖降書至乃至蕪湖  
傳檄郡縣大江南北相率來歸其已下者四府三州二  
十四縣而成功以累捷又聞江北如破竹謂金陵可旦  
夕下前鋒將余新銳而輕士卒樵蘇四出營壘一空北  
師諜知之以輕騎襲破前屯擒新去成功倉猝移帳諸  
營瓦解其將甘輝紀年云澄海人以馬蹟被擒死之軍遂大潰

張燾集附錄三

四六四明叢書  
約圖刊本

竟撤鎮江之師出海煌言歸路已梗乃引舟歸鄱陽八  
月七日與楚師遇而兵潰焚舟登陸士卒尙數百人歷  
霍山英山度東溪嶺追兵奄至士卒皆竄止一童一卒  
從迷失道乃賂土人爲導變服夜行由縱陽湖出江渡  
黃湓抵東流之張家灘陸行建德祁門兩山之中由休  
寧入嚴州旣而山行自東陽義烏出天台以達海墘樹  
蘘鳴角散亡復集遣使告敗滇中且引咎桂王手敕慰  
問加煌言兵部尙書兼東閣大學士命仍奉魯王監國  
而成功自喪敗之後不能自振思取臺灣以休士煌言

貽書挽之謂軍有進寸無退尺今入臺則將來兩島皆  
不可守孤天下之望矣成功不聽王寅春滇中陷五月  
成功亦卒於臺北安撫使以書來招煌言煌言復書略  
言不佞所以百折不回者上則欲匡扶宗社下則欲保  
捍桑梓乃因國事之靡寧而致民生之愈蹙十餘年來  
海上芻蕘糗糧之供樓櫓舟航之費敲骨吸髓言之慘  
然況復重之以遷徙訖以流離哀我人斯亦已勞止今  
執事旣以保民息兵爲言則莫若盡復濱海之民卽以  
濱海之賦畀我在貴朝旣捐棄地以收人心在不佞亦

張燾集附錄三

四七七四明叢書  
約圖刊本

暫息爭端以俟天命當與執事從容羊陸之交別求生  
聚教訓之區於十洲三島閒而沿海藉我外兵以禦他  
盜是珠崖雖棄休息宜然朝鮮自存艱貞如故特恐執  
事之疑且畏耳則請與幕府約但使殘黎朝還故土不  
佞卽當夕掛高帆不重因此一方也十一月魯王薨於  
金門煌言泣曰孤臣之栖栖有待徒苦部下相依不去  
者以吾主上也今何望乎甲辰六月遂散軍於南田之  
懸密小腆紀年作懸山寨其地在海中荒瘠無人山南有汶港可  
通舟楫而其北爲峭壁煌言因結茅居之北帥懼終爲

患募得其故校以夜半從山背緣蘿踰嶺而入暗中執  
之七月十七日至寧波紀年云十七日被執越二日至寧波北帥舉酒屬  
曰待公久矣煌言曰父死不能葬國亡不能救死有餘  
罪今日之事速死而已何必多言至杭州供帳如上賓  
自督撫而下無不敬禮之浙人賂守者得覩一面為幸  
煌言方巾葛衣終日南面坐不言不食唯啜水而已見  
者以為天神九月七日臨刑赴市在竹輿中遙望鳳凰  
山一帶始一言曰好山色因索筆賦絕命詞數章挺立  
受刑年四十五參軍羅子木僕人楊冠玉殉焉子萬祺

張燾集

附錄三

四十八

四明叢書

約園刊本

已先三日死鎮江子木名綸以字行溧陽人已亥煌言  
師出長江子木挾策上謁煌言奇之欲留之幕以父老  
辭成功因強其奉父泛海子木至海上不欲參成功軍  
事因奉父北行將赴煌言軍猝遇北兵格鬪子木墮水  
得救起而其父被縛去子木展轉閩南思出奇計以救  
父逾時不得音問嘔血幾死復赴煌言軍煌言勉以立  
功即為報讎遂相依不去竟同死冠玉鄞人

張煌言列傳

羅子木楊冠玉王居敬附

南疆釋史

張煌言字玄箸號蒼水鄞縣人崇禎壬午舉於鄉父圭

璋州部員外郎母趙感異夢生而神骨清頰豪邁不  
戰能文章善騎射思陵以天下多故令諸生於試經義  
後試射矢三發三中常感憤國事願請纓及錢肅樂集  
師檄會諸鄉老煌言獨先至肅樂且喜且泣即遣之天  
台迎魯王授行人紹興監國賜進士加翰林院編修入  
典制誥出籌軍旅閩中頒詔之役自請為使釋二國嫌  
既歸累有建白丙戌師潰泛海將之舟山道逢富平將  
軍張名振扈監國入閩從之行招討鄭成功不奉命乃  
勸名振還石浦與威鹵侯黃斌卿為犄角加右僉都御

張燾集

附錄三

四十九

四明叢書

約園刊本

史明年松江提督吳勝兆請以所部來歸斌卿不樂從  
乃與故都御史沈廷揚御史馮京第共說名振應之遂  
監其軍以行至崇明颶風覆舟廷揚死煌言名振等皆  
被執有百夫長者導之走閒道復還入海時肅樂已奉  
監國出師於閩浙東山寨亦羣起遙應煌言復集義旅  
劄上虞之平岡諸山寨咸事鈔掠獨大關王翊東山李  
長祥與煌言而三履畝勸稅相安無擾己丑從居健跳  
庚寅閩師敗諸將以監國退保舟山名振當國召以所  
部入衛加兵部右侍郎辛卯降將田雄官浙江提督以

書來招峻拒之是年秋大兵下翁州名振奉王揚吳淞  
冀有所牽制邀與俱舟山城破虜監國再入闕次鷺門  
時成功縱橫海上軍獨強遙奉陸武為號於監國則修  
寓公之敬而已惟煌言以名振軍為衛成功因之有加  
禮煌言亦極推其忠嘗曰招討始終為唐真純臣也成  
功亦曰侍郎始終為魯與吾豈異趨哉癸巳冬復開行  
入吳淞尋招軍天台明年軍吳淞會名振之師入長江  
趨丹陽掠丹徒登金山望石頭城遙祭孝陵三軍慟哭  
皆失聲烽火連江江寧震動而上游有夙約失期不至

張蔡集附錄三

五十四明叢書

約園刊本

乃左探崇明俄復入江掠瓜洲儀真溇燕子磯而所期  
終不至師徒單弱遂乘東流下仍駐翁州是年名振卒  
遺言盡以部下歸諸於是軍容始盛乙未成功書約大  
舉內申駐天台冬又駐秦川丁酉大兵還舟山之民煌  
言還軍舟山王去監國號通表滇中戊戌永明王遣進  
使成功延平郡王加煌言兵部左侍郎兼翰林院學士  
江督郎廷佐具書相招峻詞拒之七月成功與師以監  
軍會之北行泊舟羊山山故多羊見人馴擾然弗可殺  
殺則風濤立至軍士不能戒烹之羊熟而禍作碎船百

餘義陽王溺焉遂返旆之翁州治舟己亥五月會於臺  
悉師以行游軍至鄞之東鄞師次崇沙煌言曰崇沙為  
江海門戶有懸洲可守不若先定之以為老營脫有疏  
虞進退可據不聽因請以所部為前軍時大兵於金焦  
閒以鐵鎖橫江所謂滾江龍者潭家洲岸皆西洋大礮  
雷鞫而煌言孤軍出入其閒成功遣將助之令善泅者  
截斷滾江龍將奪上流木城而舟多為礮沒不得前乃  
登舵樓焚香祝天飛火夾船下遂以十七舟翦江渡木  
城俱潰明日成功至城中山戰不利成功欲趨金陵煌

張蔡集附錄三

五十四明叢書

約園刊本

言欲先鎮江成功曰我頓兵鎮江金陵援騎朝發夕至  
為之奈何煌言曰我以偏師水道薄觀音門金陵自救  
不暇豈能他顧成功請即行煌言遂襲儀真未至五十  
里而士民迎降六月二十七日成功來告鎮江之捷煌  
言兼城還抵觀音門致書成功請以步卒陸行赴白下  
時江督郎廷佐懼甚不意成功仍從水道來而大兵之  
征黔者凱旋聞信馳至請同城守於是嚴備已具秋七  
月朔以哨卒百人乘虛掠江浦取之初四日成功水師  
方至次日蕪湖降書至煌言所遣之將也成功慮江楚

援師且及必得控制上游蕪湖往來要道也七日煌言  
至蕪湖相度形勝一軍出溧陽窺廣德一軍鎮池州截  
上流一軍拔和州以固采石一軍入寧國以區徽州傳  
檄郡邑大江南北相率送款郡則太平寧國池州徽州  
縣則當塗蕪湖繁昌宣城寧國南陵太平旌德涇  
縣貴池銅陵東流建德青陽石埭台山巢縣舒城廬江  
建平高淳溧水溧陽州則和州廣德無爲凡得四府三  
州二十二縣煌言考察官吏黜陟廉明江楚魯衛人士  
多詣軍門願受約束歸許起兵相應八月方諸徽郡受

張蒼集 附錄三

至三四明叢書  
約園刊本

降而江寧之敗乃聞亟返蕪湖初煌言貽書成功曰師  
不可老老則生變宜速遣諸將分徇近邑如金陵出援  
我則首尾相擊如其自守我則堅壁以待如四面克復  
則收兵鱗集金陵在我掌中矣成功以累捷自驕又聞  
江北如破竹勢謂城可旦夕下但命八十三營牽連立  
設屯雲梯地雷置木柵釋戈開宴軍士率捕魚縱酒爲  
樂而官軍之各路援師已長驅偵至其不備乃以輕騎  
穴城出襲破前鋒擒其將余新倉猝聞士氣已餒拔營  
遁壘隨猶未安大兵復傾城出諸營瓦解成功之良將

甘輝馬蹶被擒死遂大敗成功亟登舟流乘下海鎮江  
諸師并撤去先是鎮江之捷有漕督以援兵中道溺死  
松江水師提督密以書請降自巡撫而下皆欲出走以  
故力勸成功持久觀變至是江督即廷佐復以書招嚴  
拒之廷佐乃發舟師扼其歸路下流已梗煌言與諸將  
議將入鄱陽招集故楊萬諸子弟號召江楚八月七日  
舟次銅陵與援師之自楚來者遇奮擊之沈其四舟已  
而夜戰不利義士魏耕請赴英霍山寨乃焚舟登陸士  
卒尙數百人初之霍山已受撫轉乃入英山甫度東溪

張蒼集 附錄三

至三四明叢書  
約園刊本

嶺而追者至眾皆竄相從止一童一卒迷失道路土人  
爲導變夜服行天明而跡之者夥導者亦脫去以賂散  
諸迹者然茫茫無所歸念皖有故人賣於藥高許埠復  
賂一人偕之姑投之投則故人無在也故人之友亦以  
觀變自江上來識者爲張司馬憐其忠悃教由樅陽渡  
黃溢湖江而上抵東流之張家灘登岸走建德祁門亂  
山間比又病瘡力疾趨休寧買棹入嚴陵浙之人熟其  
貌仍作山中行自東陽烏義出天台達海壩復樹蘆鳴  
角招集亡散成功聞之遣兵來助海上有長亭鄉者多

田而苦湖乃募義民築塘捍之至今猶蒙其利遣使告  
敗於滇且自引咎永明王專勅慰問晉本部尚書庚子  
駐師林門尋駐桃渚辛丑入閩次沙關時成功已抵澎  
湖乃遣幕客羅子木以書責成功出師謂軍有寸進無  
尺退今一入臺則將來兩島恐并不可守是孤天下之  
望也不聽時成功雖東下而大兵尙忌之懼其招搦沿  
海之民於是遷有界之役民多不願以威脅之猶遲延  
不發煌言頓足歎曰棄此十萬生靈而爭紅夷平復以  
書招成功謂可乘此機以取閩南卒不聽乃遺書故侍

張集附錄三

五十四明叢書

約園刊本

郎王忠孝都御史沈佺期徐孚遠監軍曹從龍勸其力  
挽成功而終不能用於是孤軍徘徊兩島間已而滇中  
事急復遣子木入臺苦口責之成功以方得臺不能行  
無已乃別遣職方郎中吳鉏挾帛書入鄖陽山中說十  
三家軍使之撓楚救滇而十三家已衰敝不敢出王寅  
滇中陷成功亦卒於臺乃哭曰已矣吾無望矣復還軍  
林門會閩南諸老以成功卒謀復奉魯王監國貽書來  
商喜甚卽以書約故尙書盧若騰而下勸以大舉又擬  
上詔書一遣并約成功子經勸以亞子錦囊三矢之業

復厲兵束裝以待是年浙督與中朝所遣安撫使各以  
書相招煌言答簡謝之略曰不佞所以百折不同者上  
則欲匡扶宗社下則欲保捍桑梓乃因國事之靡寧而  
致民生之愈蹙十餘年來海上芻蕘糗糧之供樓櫓舟  
航之費敲骨吸髓可爲惕然況復重之以遷徙訖以流  
離哀我人斯亦已勞止今執事旣以保兵息民爲言則  
莫若盡復濱海之民卽以濱海之賦畀我在貴朝旣捐  
棄地以收人心在不佞亦暫息爭端以俟天命當與執  
事從容羊陸之交別求生聚教訓之區於十洲三島間

張集附錄三

五十四明叢書

約園刊本

而沿海藉我外兵以禦他盜是珠崖雖棄休息宜然朝  
鮮自存艱貞如故特恐執事之疑且畏耳則請與幕府  
約但使殘黎朝遵故土不佞卽夕挂高帆不重因此一  
方也又復督府書曰執事新朝佐命僕明室孤臣區區  
之誠言盡於此閩南消息旣杳鄭經則偷安海外因悒  
悒日甚甲辰六月乃散軍居南田之懸壘懸壘在海中  
荒瘠無人煙惟山南有汶港可通舟楫而其北則峭壁  
巉巖人不能及遂結茅以居從者祇故參軍羅子木門  
生王居敬侍者楊冠玉將卒數人舟子一人是時閩粵



俱靖惟煌言獨在議者謂煌言不死海寇且復逞也奉  
旨構之有司繫累其妻子族屬以待募得其故校使投  
翁州之曹陀偽爲行脚僧以伺會煌言告羅之舟至羅  
人昵其故侶且爲僧不之忌故校遽出刀脅之其將赴  
水死又駢殺數人最後者乃告之曰雖然公則不可得  
也公蓄雙猿覘動靜船在十里外猿輒鳴樹杪公得爲  
備矣故校乃於夜半潛出山背緣蘿踰嶺而入暗中執  
煌言并子木冠玉舟子三人七月十七日也越二日至  
寧波提督張杰以轎迎蓋故校之募出杰意也煌言方

張彙集附錄三

五十四明叢書

約園刊本

巾葛衣入歎曰此沈文恭故第今而爲厩乎杰延以客  
禮舉酒屬曰遲公久矣曰父死不能葬國亡不能救死  
有餘罪今日至此速死而已比至杭州供帳如上賓督  
撫而下皆敬之凡故時部曲之內附者許得存問官吏  
願見亦勿禁省中人賂守者以得覩一面爲幸九月七  
日赴市遙望鳳皇山一帶曰好山色賦絕命詞挺立受  
刑年四十五子木冠玉舟子並從死子萬祺械至鎮江  
先三日死煌言精王邁之學己亥渡東溪嶺占得四課  
空陷方大驚而追騎至羅舟未返課象大凶徘徊假寐

夢金甲神告曰上帝日中取汝方呼居敬告之言未既  
而兵入浙人張文嘉萬斯大等爲舉其骸葬諸南屏山  
麓子木等三人附焉

勘本曰吾於蒼水張公傳勘補初畢而惻乎有動於  
中也觀其孤行守忠投荒落海蓄猿備警神夢告終  
非一片至誠所格耶全氏云公解軍後將以懸壘爲  
首陽向非張杰生事微功公似可以無死然是時年  
未五十非甘心以黃冠老者若留至十年以往三藩  
之禍起亦決不肯晏然坐視而謂中土能忘情於公

張彙集附錄三

五十四明叢書

約園刊本

乎此文山之所以不見保於夢炎也 案壬寅冬十  
一月魯王薨於臺公哭之曰孤臣之栖栖有待徒苦  
部下相依不去者以吾主上也今更何待乎癸卯遣  
使祭告於王初公之航海也倉卒不得盡族行我世  
祖以公有父命勿籍其家但令公父以書諭之公乃  
復之曰願大人有兒如李通弗爲徐庶兒他日不憚  
作趙苞自贖父亦潛寄聲云汝弗以我爲慮也壬辰  
父以天年終有司又強公夫人及子招以書不發趣  
焚之己亥家始被籍然猶令鎮江將軍善遇之勿囚

嗚呼自來亡國大夫所未有者我世祖之所以待公也至矣其先入海時嘗遭風絕食飄至一荒島夢金甲神告曰翌日贈君千年鹿遲十九年還我果得一蒼鹿食一櫛積日不飢及被執神又來招蓋十九年云赴省時大吏遣官護行公出寧波城載拜曰某不肖有孤故鄉父老二十年之望比登舟有防卒史丙者中夜坐篷下唱蘇武牧羊曲公披衣起扣舷和之且酌予酒勞之曰爾亦有心人也吾志已定爾無慮後公之詩文集皆丙所藏或有從而購之者丙曰公

張蒼集

附錄三

五九四明叢書

約園刊本

之真蹟吾日夕焚香拜安得付子是不可謂噲等無奇士也渡泉塘時於船中拾一箋句云此行莫作黃冠想靜聽先生正氣歌公笑曰此王炎午後身耶夫入董公子萬祺送鎮江先公三日受刑死杭有朱孝廉璧嘗投狀請以百口保其母子不得公著有奇零草冰槎集北征錄采薇吟 羅子木名綸以字行溧陽人已亥公在江上乃披策上謁以其年少負奇氣欲留之幕下以父老辭金陵之役其族父引之見成功及敗子木頓首涕泣固請勿遽去成功弗聽且強

令之奉父入海既而不樂參其軍復奉父赴公營中道與大兵遇格鬪墜水得救起則父已被縛去因展轉閩南思出奇計以救父久之不得嘔血瀕死公以立功卽屬報仇遂相依以及於死楊冠玉鄞人制府謂其年少也將脫之固請從死卒死之王居敬字畏齋一字采薇黃巖人公被執以計得逸後爲僧名超遜頗能道遺事亦不負於公者前張杰所募之故校以誘執公功授千戶後奉師巡海島猝遇公之舊將憤其害主也突刺殺之此與熊公汝殷錢公肅樂兩傳同列第十六卷古高易氏吳郡李瑤勘本於目錄後各有論案茲就論忠烈公者附錄於後曰張司馬蒼水則顯事監國而其節尤苦始也在江上則力爭頒詔自請使閩釋嫌在海上則轉移鄭氏化舊隙以致用洎至晚歲以蒼頭異軍流離山海間屢起屢蹶末復欲奉王再舉逮夫力必不支而後撤軍避世是蒼翁之始終爲監國結果也謝山全氏曰公奮安撫書前半如謝疊山之卻聘後半如陳文龍之請漳泉三郡以存宋祀凡此數大節目皆爲蒼翁十九年中

張蒼集

附錄三

五九四明叢書

約園刊本

之最大作用也觀其堅持苦節百死不移而惟我仁祖膏卹孤忠惓惓無已直是亘古所罕觀備之詳之正所以見我朝列聖如天之度拾遺補闕攬溫氏之本則陋矣慈案吳興溫西園氏原本釋史作失史而勘本作釋史云借釋為佚者非龔馬驢之稱蓋以此為尋釋諸史以成之書爾說詳李氏自序又案本朝之不遠籍公之家及籍而不遠殺蓋欲降公耳及公卒不肯降而公之夫人與公子卒不免全氏謝山乃謂本朝待公厚豈其然哉

明季南略

張煌言字玄箸號蒼水鄞縣人崇禎壬午舉於鄉魯王監國授翰林院編修丙戌師潰泛海己丑從魯王居健

張蒼水集附錄三

六十四明故書

約園刊本

跳庚寅閩師潰諸將以監國退舟山張名振當國召以所部入衛時鄭成功縱橫海上遙奉隆武為號於監國則修寓公之敬而已惟煌言以名振軍為衛成功因之加禮煌言極推其忠嘗曰招討始終為唐真純臣也成功亦言公始終為魯與吾豈異趨哉迨後勢孤力竭與心腹十餘人將至普陀落伽山祝髮為僧內一人欲降大清遂私見浙江趙部院趙曰汝欲為官必先建功為進身地其人以某日張煌言至普陀告羅達率師擒獲公方巾見趙略敘寒溫蓋趙曾入海與公會者只論海

中事降公之意絕不談久之趙始曰公若肯降富貴功名可致公正色曰此等事講他恁的在小弟惟求速死而已趙知公意不同遂館公疏聞廷議有謂宜解京斬之者有謂宜拘留本處者又有謂優待以招後來者久不決部覆云解北恐途中不測拘留恐禍根不除不如殺之臨刑挺立俟死乃曰陣上交鋒被獲死亦甘心今如此死於心不服作絕命詩四章張美翊曰非是眾競傳之方殺時刀折為兩咸大異焉其詩曰義幟縱橫二十年豈知閩統屬于闕桐江只繫嚴光鼎震澤難迴范蠡船生

張蒼水集附錄三

六十四明故書

約園刊本

比鴻毛猶負國死留碧血欲支天忠貞自是人臣事何必千秋青史傳張美翊曰據墨蹟此係將入武陵二首之第一首何事孤臣竟息機暮艾不復挽斜暉到來晚節慚松柏此去清風笑蕨薇雙鬢難堪五嶽往一帆猶向十洲歸疊山遲死文山早青史他年任是非張美翊曰墨蹟此入定關之作擲揄一息尙圖存吞炭吞氈可共論復望臣靡興夏祀祇憑帝眷答商孫衣冠猶帶雲霞色旌旆仍留日月痕贏得孤臣同碩果也留正色在乾坤張美翊曰墨蹟此復趙督臺之第二首不堪百折播孤臣一望蒼茫九死身獨挽龍髯空問鼎姑留螳臂強

當輪謀同曹杜非無鬼哭向秦庭那有人可是紅羊剛

換劫黃雲白草未曾春張美翊曰此復趙督臺之第一首附記當鄭

成功趨圍南京張煌言一軍抵蕪湖令甚嚴一兵買麪

價直四分止與十錢店主哄起白張張問兵曰誠有之

時無錢耳張曰汝食大糧何云無錢將藍旗投下曰拿

下去左右縛兵兵問故曰張俞令斬汝兵大驚曰吾罪

豈至此乎容吾回稟張曰吾有諭在外卽一錢亦斬况

四分乎遂斬之諸軍肅然秋毫無犯商舟數百隨張張

俱給一小旗白心玄色鑲邊豎舟前軍士望見卽呼曰

張蒼水集

附錄三  
六三四明叢書  
約圖刊本

此船板張翁船也賈舟雖出入兵閒無不獲全者凡舟

壞俱稟張總管故兵呼船板云

### 小腆紀年

臣肅曰煌言仗劍起義跋涉海隅部卒僅三百人歷年

幾二十載痛厓門之流離私草文山之檄憤錢鏐之玩

愒再投羅隱之詩迨至塞樹鳴猿信孚異類荒島贈鹿

誠格皇天戍兵錄零丁之詩弟子志西臺之慟史傳忠

義如公幾人純皇帝之諭曰諸臣瑣尾閉關有死無二

人臣忠於所事實爲無愧大哉王言垂教萬世而明史

不爲煌言立傳謂非史臣之不職哉

案紀年一書詳敘明季諸王始末近六合徐彝舟檢

討車撰於咸豐閒者書例如通鑑綱目而一條之後

多自爲評論則劉氏書法尹氏發明又兼而有矣所

紀張公事實例屬按年分隸語雖詳備自與列傳之

體不同其說且時見於他書亦未容修合爲一篇也

抑攷原書別有紀傳未之刊行慈故祇錄公遇害後

評論數語而已惟書中復載公受刑時一振臂綁索

俱斷屍不仆行刑者跪而拜之此說據慈所見均未

張蒼水集

附錄三  
六三四明叢書  
約圖刊本

之及爲附紀焉至注中所攷引行朝錄及南略所載

絕命詞後稱按行朝錄謂詩詞貯一布囊爲邏卒所

焚而南疆繹史勘本謂煌言所著有奇零草冰槎集

北征錄采薇吟又謂詩文集皆防卒史丙所藏有購

之者曰公之真蹟吾日夕焚香安得付子或丙死後

遂無傳歟觀此則公集殆徐氏未見乎然吾郡藏書

家實多什襲而儲矣案徐氏攷異復有一則茲亦錄

而存焉考曰煌言久抗朝命竄伏海隅有謂己亥之

役兵敗出赴官軍曰我侍郎張煌言也死當於明處

遂遇害

慈案此疑是以北征錄所稱死固我分也藉土人叵測吾當明言姓氏命昇至建康從容

就義耳云

李世熊寒支集張玄箸先生傳則誤以元

著為定西侯張名振所敘事蹟亦誤合名振煌言為

一人傳聞異詞謬誤如是賴黃宗羲全祖望萬斯大

諸人表章之有功先生不淺王慈識

### 明季殉節諸臣事迹

張煌言字玄箸父圭章刑部員外郎煌言年十六補諸生莊烈帝時多命學使於試文之後校射煌言三發皆破的舉崇禎十五年鄉試錢肅樂之起兵遣煌言迎魯

張彙集附錄三

六十四明叢書約圖刊本

王於天台授行人魯王至會稽賜進士加編修魯王敗

奔閩煌言聚眾於上虞之平岡聞魯王保翁洲以所部

入衛加兵部右侍郎大清兵破翁洲復以兵從魯王入

閩次鷺門時鄭成功兵最強自以唐王舊臣不肯奉魯

王煌言亦稍稍籠絡冀收其用尋返海上數以舟師由

海道入江窺伺京口桂王在滇南遙授兵部左侍郎煌

言後據翁洲順治十六年與鄭成功合兵由海道入煌

言以所部攻江浦抵蕪湖諸城頗有響應者及成功敗

於江寧遁入海而煌言之眾亦潰變服間道歸天台部

眾復集桂王加以兵部尚書東閣大學士煌言移軍林

門往來海島聞滇南平散遣部曲遁於南田之懸壘

輿在海中惟山南汶港可通舟楫從者惟故參軍羅子

木門生王居敬侍者楊冠玉將卒數十人舟子一人浙

江提督張杰慮煌言終為患募故校為僧者偵之乃以

夜由山後襲執之諭之使降則曰父死不能葬國亡不

能救今日之舉速死而已賦絕命詞從容就義子木冠

玉及舟子三人亦同死鄞人紀五目出資購其首葬於

西湖之南屏乾隆四十一年賜諡忠烈

張彙集附錄三

六十五四明叢書約圖刊本

### 張煌言列傳

象山縣志傳

張煌言字玄箸號蒼水鄞縣人崇禎壬午舉人乙酉與

錢忠介同事師潰泛海至翁洲依黃斌卿旋監定西張

名振之軍入長江遇颶風舟幾覆斌卿為名振等所誅

大兵破翁煌言至閩復監定西軍再入長江登金山遙

祭孝陵而還時閩事皆主延平而煌言與之抗禮順治

十六年延平統舟犯內地煌言亦掠寧國等郡總兵梁

化鳳等大破之未幾滇南潰乃散兵歸象山之南田結

茅居焉從者羅子木王采薇其僕則楊冠玉也康熙甲

辰七月十七日孫維法等夜半緣藤穿後壁踰入執煌  
言自石浦至邑錢司寇祠方巾葛衣觀者如堵至杭總  
督趙士麟勸降當以原官大司馬起用煌言抗節不從  
九月七日畢命於杭臨絕詩曰我生適五九更逢九月  
七大厦已不支成仁萬事畢葬於岳墳于墳之閒子木  
冠玉俱從死子木名綸句容舉人冠玉鄞人采薇為僧  
不知所終同時有史謀者參名振軍陳峽字壁園鄞人  
參陽信王軍皆坎壈而死

附錄軼事

張蒼水集附錄三

李六四明叢書  
約園刊本

張玄箸寓懸壘畜一猿奴候動靜其性通靈每海舶  
在十里外猿輒呼鳴樹杪公得為備若僕卒之護其  
主然故以奴目之後降卒以夜出山背不令猿知遂  
獲之猿竟失所在或云跳躑而死當時學士家  
為作猿奴行

張煌言列傳

定海廳志寓賢傳

張煌言字玄箸號蒼水鄞縣人崇禎十五年舉於鄉常  
感憤國事願請纓及錢肅樂起師遣煌言之天台迎魯  
王授行人王監國紹興賜進士加翰林院編修入典制  
誥出籌軍旅丙戌江上師潰煌言泛海入翁洲道逢富

平將軍張名振扈王入閩從之行招討鄭成功不奉命  
乃勸名振還石浦與威鹵侯黃斌卿為犄角加石僉都  
御史庚寅王居舟山名振當國召煌言以所部入衛加  
兵部右侍郎辛卯九月舟山陷扈王再入閩晉兵部尙  
書兼翰林院學士乙未名振卒遺言以部下歸煌言於  
是軍容始盛戊戌七月監成功軍北行抵羊山孽龍為  
虐海舶碎者百餘乃回舟山修葺已亥成功全師犯江  
寧煌言以所部二千並發連下徽州等處四府三州二  
十四縣旋以成功江寧之師釋戈縱飲為官兵所襲破  
成功倉卒移帳遂乘流入海并撤鎮江之師而去煌言  
歸路已梗乃變服潛行二千餘里出天台以達海墻樹  
纛鳴角散亡復集壬寅十一月魯王薨於臺煌言哭曰  
孤臣之栖栖有待者以吾主上在也今更何所待乎癸  
卯遣使祭王甲辰遂散軍居南田之懸隩提督張杰懼  
煌言終為患募得其故校詐為僧人服使居普陀以伺  
會煌言糴舟至故校出刀脅之詢以所在遂導以執焉  
監紀溧陽羅子木綸故人子鄞人楊冠玉等俱被執煌  
言烏巾葛衣途中吟詠不絕至寧波張杰以客禮延之

張蒼水集附錄三

李七四明叢書  
約園刊本

煌言求速死至杭總督趙士麟再三勸降煌言正色答

曰二十年窮海孤臣豈至今日忽改節耶九月七日起

市賦絕命詞挺立受刑鄞萬斯大與朱錫九兄弟葬諸

南屏之陰國朝賜諡忠烈

參南疆釋史南天痕臺灣記

祖望撰神道碑殉節諸臣錄附錄諸縣志寓賢傳全

云張煌言號蒼水鄞縣人壬午舉人初煌言與錢肅樂

同事授翰林編修出籌軍旅入典制誥丙戌泛海依肅

鹵於翁洲後復往來於閩海溫臺之間己亥金陵軍敗

王寅復歸浙海甲辰兵散居懸壘海中西荒瘠無人

處結茅於巉巖峭壁之下從者為深陽羅子木繪鄞人

楊冠王有降卒欲致煌言以為功與其徒數人偽為行

脚僧蹤跡之夜半出山背緣藤蔓而入執煌言及子木

冠王時七月十七日也十九日至寧波方巾葛衣坐竹

輿觀者如堵至省供帳如上賓總督趙士麟勸煌言歸

張象集附錄三

誠煌言抗首陽節不從有善答趙督海內傳誦詩勝曩

山卻聘書也九月七日戮於武陵之西市子木冠玉皆

從死子萬祺先

三日死於鎮江

### 節附遺事

舟山既平凡海外浙閩之境皆屬偽延平王鄭成功

節制獨煌言一軍自屯鹿頭不肯隸藩下延平亦

以主賓禮待之延平死煌言率舊侶數人捨舟登懸

巖斬茅居之諸部多散去康熙甲辰七月十七日孫

維法及曼和尙夜半緣藤蔓穿後壁踰入生獲煌言

解至寧波有以瓦礫寫詩投之者云此行莫作黃冠

想靜聽先生正氣歌九月乙亥受戮於省城此從舊縣志節

鈔者 慈識

### 四明人物傳

蛟川 劉慈孚 午亭

張公諱煌言字玄箬號蒼水鄞縣西北鄉人舉崇禎壬

午鄉試當宏光出走南都既覆公家居聞之慷慨而起

與同里刑部郎錢公肅樂立魯王於紹興思為畫江以

守大兵東渡江干失守公偕張名振奉王退居翁洲且

招義兵屯四明山遙與鄭延平相呼應尋大舉入內江

圖京口薄金陵軍聲所播幾搖動東南半壁閩師敗績

張象集附錄三

六九四明叢書

公出入萬險僅以身免歷重險保彈丸冀為厓山之偏

局而終以勢去不能挽回魯王薨於臺公乃散部曲遁

入南田為提帥張杰購獲執赴杭州防守卒史丙者夜

坐船頭唱蘇子卿牧羊歌公披衣起扣舷而和之至守

獄中終日南面坐諭降不從正命以死遺民數人覓其

骸骨葬南屏山荔支峰下公舉義凡十九年魯王朝賜

進士晉翰林院編修加兵部右侍郎權兵部左侍郎兼

翰林學士乾隆間高宗純皇帝以勝國諸忠臣繫於綱

常名教賜諡忠烈公著有冰槎集奇零草采薇吟北征

鄞志大事紀

聖祖仁皇帝康熙三年六月年月據張張煌言散遣部

曲居懸壘為官兵所襲執降不從死之勝朝列節

煌言散軍居南田懸壘壘在海中山南有汙港可通

舟楫而其北為峭壁提督張杰懼煌言終為患期必

得而後已煌言部將孔元章符瑞源等皆內附全集

書總督趙廷臣赴定海與杰議邀水師由寧台溫三

府出洋搜剿降副將陳棟知煌言竄海島選徐元張

張蒼水集 附錄三

七一四明叢書

公午○案二人飾為僧率健丁潛伏普陀朱家尖蘆

花壘三路以伺國史趙會煌言告糴之舟至張尚急

擊之擒林生陳滿誘使言煌言竄處即駕所獲船乘

夜至懸山自山後潛入擒煌言獲其敕印趙廷臣傳

定海二縣志並云孫維○案鎮海數日送杭州煌言方巾見廷

臣略敘寒溫久之廷臣曰公若肯降富貴功名可致

煌言正色曰何出此言弟惟求速死而已廷臣知其

意不回遂疏聞○案廷臣疏云張煌言盤據浙海抗

徐元張公午扮成僧民獲活口林生等知煌言現在

懸山花壘即駕所獲賊艘乘夜進小港從山後覓路

突入帳房遂擒煌言及其親信餘黨有謂宜解京師

斬之者有謂宜拘留本處者有謂宜優待以招後來

者部覆云解北恐途中不測拘留慮禍根不除不如

殺之南略九月乙亥斬於市鎮海臨刑挺立俟死刀折

為兩咸大異焉南略詳見人物傳

西渡僧擲詩瓦 四明談助

冰槎之被執也舟次西渡有和尚特擲詩瓦於前疾行

而去其外有紙裹之紙上有詩今僅傳其二句云此行

莫作黃冠想靜聽文山正氣歌冰槎笑曰此王炎午之

張蒼水集 附錄三

七一四明叢書

後身也然此和尚究莫知為何人吾鄉遺民爭物色之

不可得亦異人也見續者

早隸葉雲 茶香室續鈔

國朝徐逢吉清波小志云甲辰七月王先生被執至武

林九月七日就義從者二人同死焉自注云早隸葉雲

侍者冠玉按王先生即張蒼水也當時諱之故曰王先

生攷觚臚所載從蒼水死者一姓羅一姓楊此乃云葉

雲冠玉知之者罕故表出之慈案觚臚作羅自牧楊冠

玉楊冠玉諸書多載及之惟葉雲詢知之者罕矣又據

新鄞志張公列傳注中引清波小志有煌言遺骸及楊



羅二骨云云觀此則同死二人小志亦  
常作子木冠玉而此注忽出葉雲何也  
魯東南紀事所載又有王發其人均作守  
備殆鄧志注中所引為陳氏小志補歟  
世此與桃花扇傳奇所載徐公子之為阜隸而薰猶異  
矣

張監門供招敘

查伊璜

余擬東海爰書為張監門作也以其罪無可逃斷當播  
告天下萬世夏書六律律已不赦三宥弗及矣一律曰  
海若真無賴姑容遜遜兒箕狂作客後連蹈帝秦時浪  
拍窮微動風哀水族疑長才無不可竟爾畔時宜二律

張蒼水集附錄三

七三四明叢書

約園刊本

曰望歎汪洋在蛟人故不平生魂依屈子死黨結田橫  
冒險遭蓬鬢癡心待鼎烹匹夫不解事溝壑欲成名三  
律曰虞兮久不臘天祐尙存年孤竹原無粟蓬萊不見  
仙為貧一是字錯讀六韜篇此案豈容沒由他百世傳  
四律曰掉頭六合外痼疾一身中潮弩終無力蟹樓久  
自空氣曾凌北固乞不與東風未審王警句能存雍齒  
功五律曰求藥三山去俄揮落日戈人雖工擊楫解竟  
不揚波顛覆追厓島從容共汨羅黃冠如可託其柰古  
人何六律曰自負潢池大空教雨露寬天南誰起霸地

底欲偏安敢附睢陽籍私題武穆看廿年流水事東望  
只漫漫於是集其諸供招之在范澳者以見其一不合  
二不合以至三四不合有如此嗟非主法者之失入而  
故誤之也不省氏識

壽鏞案查氏有張司馬供招輯略葉君譽虎所收  
藏者也借鈔一過其供招皆見於集中惟原敘為  
世所罕見因附錄於此

張蒼水集附錄三

七三四明叢書

約園刊本

張蒼水集附錄卷三

張蒼水集附錄卷四

墓錄

乾隆杭州府志

兵部尚書張煌言墓煌言既就執受刑制府趙清獻公殮而葬之雷峰之右至今有包麥飯而祭者

光緒杭州府志

兵部尚書張煌言墓乾隆四十三年賜諡忠烈墓在九曜山陽昌化伯邵林墓左

兩浙防護錄

張蒼水集附錄四

一四明叢書  
約園刊本

東閣大學士兼兵部尚書張煌言墓煌言字玄箸鄞縣人崇禎甲午舉人奉表迎魯王至紹興監國復以兵從至海外後桂王遙命為大學士聞滇南平散遣部曲遁居懸壘為大兵所襲執諭降不從死國朝乾隆四十一年賜諡忠烈墓在城西二圖南屏山之麓

附請入防護冊呈

竊維鞠躬盡瘁道著忠貞表墓式閭事關節義況聖德廣如天之度斯人心殷好德之誠如故明兵部尚書鄞蒼水張公者篤生浙地初舉孝廉暨事魯王游

加閩部維泰運值龍飛之日炎劉火井敢與日月爭

光且中原非鹿走之場趙宋匡山行與風濤俱逝遂

使鞞榭懸壘滿目蠶沙赴義杭州甘心斧鑕北征有

集全謝山追紀其書東市無歸萬充宗助營其葬一

方殉視三百年正氣所鍾四尺荒墳十九載艱貞可

想聖祖仁皇帝愛之而不忍殺也特諭降以試其心

高宗純皇帝憐之而有所取也爰賜諡以彰其節墓

門木拱應知帝澤宏深棘陛麻宣共仰皇仁浩蕩惟

是先賢之祠墓防護例有明文惜茲忠烈之幽墟登

張蒼水集附錄四

一四明叢書  
約園刊本

載猶虛縣冊倘其黃腸不保馬鬣徒封任樵豎以行

吟作隄礎之窟穴是錫命之榮已銘泉壤而犁田之

歎莫保佳城冥漠君之稱良可傷矣王先生之號其

可繼乎昔齊王禁展禽之墓士著美談宋帝修卞壘

之墳道光史冊用敢聯名叩請上體易名旌獎之天

恩庶幾入冊流傳永為此地湖山之勝蹟遠接梅花

嶺畔舊叨賜祭史公應跨鶴而來近觀荔子峰頭新

沐仁風張公亦驂鸞而笑矣敬瀝輿情上祈鈞察

有明兵部左侍郎蒼水張公墓誌銘

黃宗羲

語曰慷慨赴死易從容就義難所謂慷慨從容者非以一身較遲速也扶危定傾之心吾身一日可以未死吾力一絲有所未盡不容但已古今成敗利鈍有盡而此不容已者長留於天地之間愚公移山精衛填海常人藐爲說鈴賢聖指爲血路也是故知其不可而不爲卽非從容矣武林張文嘉甬水萬斯大與僧超直葬蒼水於南屏之陰余友李文允謂文山屬銘於鄧元薦以元薦同仕行朝也今行朝之臣無在者蒼水之銘非子而

張蒼水集附錄四

三四明叢書

約園刊本

誰余乃按公奇零草北征錄及公族祖汝翼世系次第之以爲銘公諱煌言字玄著別號蒼水宋相張知白之裔也曾孫集賢修撰襲白滄州徙平江集賢子籲又自平江徙鄞九傳至景仁避元末之亂泛海至高麗洪武初始返鄉里又四傳而張氏以雍睦名長伯祥舉成化癸卯賢書次珽次玠次璟里人以孝友名之玠生錫錫生淮淮生尹忠尹忠生應斗應斗生圭章字兩如天啟甲子舉人仕至刑部員外郎公之父也妣趙氏封宜人公幼頗跡弛不羈好與博徒游無以償博進則私斥賣

其生產刑部恨之然風骨高華落落不可一世年十六爲諸生時天下多故上欲重武試文之後試射諸生從事者新射莫能中公執弓抽矢三發連三中暇豫如素習者觀者以爲奇崇禎壬午舉鄉試江東建義公與錢忠介同事授翰林院編修出籌軍旅入典制誥丙戌師潰公泛海依肅魯於翁洲明年松江吳勝兆反公以右僉都御史持節監定西侯軍以援之至崇明颶風覆舟公匿於房師故諸暨令家以免得間道歸海上又明年移節上虞之平岡山寨與王司馬相犄角焚上虞破新

張蒼水集附錄四

四四明叢書

約園刊本

昌浙東列城爲之晝閉庚寅翁洲爲行在公復從之翁洲墮扈蹕至閩海時閩事主於延平遙奉桂朔監國爲寓公而已公激發瀆鎮改鶴首而北之癸巳冬返浙明年復監定西侯軍入長江登金山遙祭孝陵三軍皆慟哭失聲燿火通於建業題詩蘭若中以上游師未至左次崇明頃之再入長江掠瓜儀抵燕子磯南都震動而師徒單弱中原豪傑無響應者亦遂乘流東下聯營浙海戊戌滇中遣使授兵部左侍郎兼翰林院學士延平北伐公監其軍從羊山孽龍爲禍海舶碎者百餘義陽

王溺焉羊山者海中島羣羊乳其上見人不畏避然不可殺殺之則風濤立至軍士不信執而烹之方熟而禍作於是返旆明年五月延平全師入江公以所部義從數千人並發至崇明公謂延平崇沙江海門戶懸州可守不若死立之爲老營脫有疏虞進退自依不聽將取瓜洲延平以公爲前茅時金焦間鐵索橫江夾岸皆西洋大礮礮聲雷鎗波濤起立公舟出其間風定行遲登舵樓露香祝曰成敗在此一舉天若昨國從枕席上過師否則以余身爲壅粉亦始願之所及也鼓棹前

張蒼水集附錄四

五四明叢書

約園刊本

進飛火夾船而墮若有陰相之者明日延平始至克其城議師所向延平先金陵公先京口延平曰吾願兵京口金陵援騎早發夕至爲之奈何公曰吾以偏師水道薄觀音門金陵將自守不暇豈能分援他郡延平然之卽請公往未至儀真五十里吏民迎降六月二十八日抵觀音門延平已下京口水師畢至七月朔公哨卒七人掠江浦取之五日公所遣別將以蕪湖降書至延平謂蕪城上游門戶倘留都不旦夕下則江楚之援日至控扼要害非公不足辦七日至蕪湖相度形勢一軍出

溧陽以窺廣德一軍鎮池郡以截上流一軍拔和陽以固采石一軍入寧國以偏新安傳檄郡邑江之南北相率來歸郡則太平寧國池州徽州縣則當塗蕪湖繁昌宣城寧國南陵太平旌德貴池銅陵東流建德青陽石埭涇縣巢縣含山舒城廬江高淳溧陽建平州則廣德無爲和陽凡得府四州三縣二十四江楚魯衛濠傑多詣軍門受約束歸許禡牙相應當是時公師所過吏人喜悅爭持牛酒迎勞父老攜杖炷香挈壺漿以獻者終日不絕見其衣冠莫不垂涕亡何而金陵之敗聞

張蒼水集附錄四

六四明叢書

約園刊本

公方受新安之降乃返蕪湖初公語延平師老易生他變宜遣諸帥分巡郡邑留都出援我則首尾邀擊如其自守我則堅壁以待四面克復收兵屬至金陵如在掌中矣延平不聽自以爲功在刻漏士卒釋兵而嬉樵蘇四出營壘爲空大兵諜知以輕騎襲破前屯延平倉卒移帳質明軍竈未就大兵傾城出戰兵無鬪志大敗延平亦遂乘流出海并撤京口之師而去公之聞敗也亦謂雖控未必遽登舟卽登舟未必遽揚帆卽揚帆必且退守鎮江故彈壓列城無有變志遣人至延平請益百

艘天下事尙可爲也已而知其不然大兵千餘艘截於下流歸路已梗引兵趨鄱陽以集散亡八月七日次銅陵與楚師遇兵潰有言英霍山寨可投者乃焚舟登陸士卒尙數百人十七日入霍山界縣有陽山寨在山巔可容萬人饒水泉故義師所據已受招撫聞公至拒之英山有將軍寨轉而至彼渡東谿嶺追師奄至士卒皆竄公相依只一篋一卒迷失道上人止之公賂土人爲導變服夜行天明而蹤跡者眾導脫身去蹤跡者得賂乃解然茫然不知去向念有故人賣藥於安慶之高

張蒼水集附錄四

七四四明叢書

約園刊本

河準求一人導至其所至則故人他往而故人之友識公爲張司馬憐其忠義導公由樅陽湖出江渡黃溢抵東流之張家灘陸行建德祁門兩山中公方病瘧力疾零丁至休寧買棹入嚴陵浙人熟公面目改而山行自葵之東義出天台以達海塘樹蘇鳴角散亡復集庚子駐師林門辛丑冬入閩海道客羅子木至臺灣賁延平出師時延平方與紅夷構難殊無經略中原之志公作詩誚之云中原方逐鹿何暇問虹梁明年滇事敗延平師旣不出公復歸浙海甲辰散兵居於懸壘懸壘在海

中荒瘠無居人山南多汶港通舟其陰巉巖峭壁公結茅其間從者爲羅子木楊冠玉餘惟舟子役人而已於時海內承平滇南統絕八閩瀾安獨公風帆浪跡傲岸於明台之間譏者急公愈甚係累其妻子族屬以俟公之小校降欲致公以爲功與其徒數十人走補陀僞行脚僧會公告羅之舟至羅人謂其僧也呢之小校出刀以脅羅人令言公處擊殺數人而後肯言曰雖然公不可得也公畜雙猿以候動靜船在十里之外則猿鳴木杪公得爲備矣小校乃以夜半出山之背緣藤踰嶺而

張蒼水集附錄四

八四四明叢書

約園刊本

入暗中執公并及子木冠玉舟子三人七月十七日也十九日公至寧波方巾葛衣轎而入觀者如堵牆皆歎息以爲畫錦張帥舉酒屬公曰遲公久矣公曰父死不能葬國亡不能救死有餘罪今日之事速死而已後數日送公至省供帳如上賓公南面坐故時部曲皆來庭謁司道郡縣至者公但拱手不起列坐於側皆視公爲天神省中賂守者得睹公面爲幸翰墨流傳視爲至寶每日求書者堆積几案公亦稱情落筆九月七日幕府請公詣市公賦絕命詩我年適五九復逢九月七大廈

已不支成仁萬事畢遂遇害于木冠玉舟子三人皆從  
 死子木名綸溧陽人冠玉鄞人公生於萬曆庚申六月  
 初九日年四十五娶董氏子萬祺先公三日戮於鎮江  
 今以再從子鴻福為後公精於六壬兵屯東谿嶺占得  
 四課空陷方大驚而追騎已及糴舟未返占課大凶主  
 有非常之變徘徊假寐卒遭束縛問嘗以公與文山竝  
 提而論皆吹冷燄於灰燼之中無尺地一民可據止憑  
 此一縷未死之人心以為鼓盪然而形勢昭然者也人  
 心莫測者也其昭然者不足以制其莫測則亦從而轉

張蒼水集附錄四

九四明叢書  
約園刊本

矣惟兩公之心匪石不可轉故百死之餘愈見光彩文  
 山之指南錄公之北征錄雖與日月爭光可也文山鎮  
 江遁後馳驅不過三載公丙戌航海甲辰就執三度閩  
 關四入長江兩遭覆沒首尾十有九年文山經營者不  
 過閩廣一隅公提孤軍虛喝中原而下之是公之所處  
 為益難矣公父刑部管教授余家余諸父皆其門人至  
 余與公則兩世之交也念昔周旋鯨背蠟灘之上其此  
 艱難今公已為千載人物比之文山人皆信之余屈身  
 養母茆茆自附於晉之處士未知後之人其許我否也

銘曰

廬陵之祠四忠一節文山自許俎豆其列誰冠貂蟬增  
 此像飾曰惟信公終焉是揭西湖之陽春香秋霧北有  
 岳墳南有于墓公亦有言竈窳是附同德比義而相且  
 暮前之廬陵後之甬水五百餘年三千有里一時發言  
 俱同識語天且勿違成人之美

明故權兵部尚書兼翰林院學士鄞張公神道碑

銘

全祖望

世祖章皇帝之下江南也浙東拒命雖一歲遽定而山

張蒼水集附錄四

十一四明叢書  
約園刊本

海之間告警者尙累年吾寧之首事者為錢忱二公其  
 間相繼殉節者四十餘人而最後死者為尙書張公方  
 錢忠介公之集師也移檄會諸鄉老俱未到獨公先至  
 忠介相見且喜且泣既舉事即遣公迎監國魯王於天  
 台王授公為行人至會稽賜進士加翰林院編修兼官  
 如故入典制誥出籌軍旅公雖與忠介共事而持議頗  
 不盡同閩中頒詔之使至議開讀禮張公國維與熊公  
 汝霖為一議朱公大典與忠介為一議公出揭以為當  
 如張公之言因請自充報使入閩以釋二國之嫌王從

之及自閩還累有建白不見用江干之破也公泛海入  
舟山道逢富平將軍張名振扈王入閩公從之既至招  
討使鄭成功以前頒詔之隙修寓公之敬於王而不爲  
用公勸名振遣石浦招散亡以謀再舉乃偕還王加公  
右僉都御史時威虜侯黃斌卿守舟山名振以石浦之  
軍與爲掎角明年松江提督吳勝兆請以所部來歸斌  
卿心不欲往而都御史沈公廷揚御史馮公京第與公  
竝勸名振應之遂監其軍以行至崇明大風覆舟沈公  
死之公與名振等皆被執有百夫長者識公導之使走

張蒼水集 附錄四

十一 四明叢書

約園刊本

乃得至公之故壬午房考知諸暨縣錢氏七日間道復  
歸舟山時忠介已奉王出師於閩浙東之山寨亦羣起  
遙應之公乃集義從於上虞之平岡山寨之起也因糧  
於民民始以其爲故國也其餉之而其後遂行抄掠民  
苦之其不以橫暴累民者祇李公長祥東山寨王公翊  
大蘭山寨與公而三履畝輸賦餘無及焉庚寅閩師潰  
諸將以王保舟山名振當國召公以所部入衛加公兵  
部右侍郎兼官如故辛卯浙之提督田雄總兵張杰海  
道王爾祿竝以書招公公峻辭拒之是秋大兵下舟山

名振奉王親搗吳淞以牽制舟山之師拉公同行舟山  
陷公扈王再入閩次鷺門時鄭成功軍甚盛既不肯奉  
王諸藩畏之亦莫敢奉王而公獨以名振之軍爲王衛  
時時激發諸藩使爲王致貢然公極推成功之忠嘗曰  
招討始終爲唐貞純臣也成功聞之亦曰侍郎始終爲  
魯亦豈與吾異趨哉故成功與公所奉不同而其交甚  
睦癸巳冬復間行入吳淞尋招軍於天台次於舟山明  
年軍於吳淞會名振之師入長江趨丹陽掠丹徒登金  
山望石頭城遙祭孝陵三軍慟哭失聲烽火逮江寧時

張蒼水集 附錄四

十二 四明叢書

約園刊本

上游故有宿約而失期不至左次崇明頃之再入長江  
掠瓜州侵儀真抵燕子磯而所期終不至復東下駐舟  
山是役也誠意伯劉孔昭亦以軍會或曰孔昭南都之  
亂臣也公何以不絕之公曰孔昭罪與馬阮等然馬阮  
再賣浙東而孔昭以操江親兵棲遲海上者蓋累年矣  
則其心尙有可原倘疾之已甚使爲馬阮浙東之續將  
何補乎聞者服之是年名振卒遺言以所部付公自公  
平岡入衛之後部下不滿三百至是始盛乙未成功貽  
書於公謀大舉丙申公軍於天台是冬軍於閩之泰川

丁酉大兵遷舟山之民公還軍舟山時王已去監國號  
通表滇中戊戌滇中遣使加公兵部左侍郎兼翰林院  
學士江督郎廷佐以書招公公峻辭拒之是年七月成  
功以師會公北行仍推公爲監軍泊舟羊山羊山多羊  
見人馴擾不避然不可殺殺之則風濤立至至是軍士  
不信殺而烹之方熟而禍作碎船百餘義陽王溺焉復  
還軍舟山治舟明年五月成功會公於天台悉師以行  
游軍至於鄞之東鄙師次崇明公曰崇沙江海之門戶  
也且懸洲可守不若先定之以爲老營倘有疏虞進退

張蒼水集 附錄四

十三四明叢書

約園刊本

可依也不聽而請公以所部爲前軍向瓜洲時大兵於  
金焦間以鐵索橫江所謂滾江龍者也譚家洲岸皆西  
洋大礮雷鉤而公孤軍出其間成功遣水師提督羅縉  
章以所部助公又令善泗水者斷滾江龍而支軍進奪  
譚家洲礮相約滾江龍既斷則公即進踞上流奪其木  
城以夾擊之滾江龍雖斷然舟多應礮而沒不得前公  
登舵樓焚香祝天飛火夾船而墮遂以十七舟竟渡公  
渡而譚家洲守礮者亦走木城俱潰操江都御史朱衣  
祚被禽明日成功始至城中出戰不利提督管効忠走

攻城克之議師所向成功欲直趨江寧公請先取鎮江  
成功恐江寧之來援也公曰吾但以偏師水道薄觀音  
門彼將自守不暇何援之爲成功即請公行未至儀徵  
五十里士民迎降六月二十七日成功來告鎮江之捷  
公兼程晝夜進次日抵觀音門而致書成功請以步卒  
陸行赴白下時江督郎廷佐懼甚不意成功卒以水道  
來大兵之征黔者凱旋聞信倍道而至入同守城於是  
嚴備已具七月朔公哨卒七人乘虛入江浦初四日成  
功水師方至次日公所遣別將以蕪湖降書至成功謂

張蒼水集 附錄四

十四四明叢書

約園刊本

蕪湖爲江楚所往來之道請公往扼之公頗以成功年  
少恃勇爲憂欲留軍中與之共下江寧而後發辭之不  
得乃至蕪湖相度形勢一軍出溧陽以窺廣德一軍鎮  
池州以遏上流之援一軍拔和州以固采石一軍入寧  
國以逼東道休歛諸城大江南北相率來歸其已下者  
徽州寧國太平池州四府廣德和無爲三州當塗蕪湖  
繁昌宣城寧國南陵太平旌德貴池銅陵東流建  
德青陽石埭涇巢含山舒城廬江高淳溧水溧陽建平  
二十四縣初公之至蕪也軍不滿千船不滿百但以大



義感召人心而公師所至禁止抄掠父老爭出持牛酒犒師扶杖炷香望見衣冠涕泗交下以爲十五年來所未見瀕江小艇載果菰來貿易者如織公軍人以船板援之而上江濱因呼爲船板張公之軍公所至城邑入謁先聖遺臣故老赴見者角巾抗禮撫慰懇至守令則青衣待罪考其政績而去留之遠方豪傑延問策畫勉以同仇多有訂師期而去者日不暇給於是徽州降使方上謁而江寧之敗問至初公貽成功書以師老易生他變宜遣諸將分取句容丹陽諸城邑如白下出援則

張集 附錄四

十五 四明叢書

約園刊本

首尾夾擊之如其自守則堅壁以待倘四面克復收兵日至白下在掌中矣成功以累捷又聞江北如破竹謂城可旦夕下雖有遣水師提督羅蘊章招撫吳會之命而未行但命八十三營牽連立屯安設雲梯地雷并造木柵而蘇松總兵梁化鳳等以馬步兵相繼至浙之駐防兵亦來援長驅入城莫之遏者前鋒將余新銳而輕士卒樵蘇四出營壘一空化鳳諜知之以輕騎襲破前屯擒新以去成功倉卒移帳質明軍竈未就大兵傾城而出諸營瓦解成功之良將甘輝亦以馬躡被禽死之

軍遂大潰初議取崇沙甘輝之言與公合及議過蘇常援兵輝言亦與公合而成功皆不聽以致敗公之聞信也以爲雖敗未必遽登舟雖登舟未必遽揚帆雖揚帆亦必入鎮江以圖再舉故彈壓列城祕不使諸將知而更貽成功書以爲勝負兵家之常乞益百艘以相助不知成功并撤鎮江之師竟入海先是鎮江之捷漕督以師援江寧中道溺死松帥馬逢知密以書請降其自巡撫而下皆欲出走故公勸成功持久以觀變旣不得請江督即廷佐等復以書招公公峻辭拒之廷佐乃發舟

張集 附錄四

十六 四明叢書

約園刊本

師以扼公歸路期必得公而後已公與諸將議以下流已梗而九江一帶尙未知我之敗我麾下已萬餘前此豪傑來見者又多成約不如直趨鄱陽招集故楊萬諸家子弟以號召江楚八月七日次銅陵與大兵之援白下者遇公奮擊敗之沈其四舟是夕大兵以不利引而東下礮聲轟然而公軍誤以爲來劫營遂潰或勸公入焦湖慈谿義士魏耕遮道說公以爲焦湖入冬水涸不可駐軍而英霍山寨諸營尙多耕皆識其魁請入說之使迎公乃焚舟登陸士卒願從者尙數百人十七日入

霍山寨已受撫不納乃次英山甫度東溪嶺而追至士卒紛竄相依止一童一卒迷失道路賂土人爲導變服夜行天明而蹤跡者多導脫身去又以賂解散諸蹤跡者然而茫然不知所之念有故人賣藥於安慶之高河復賂一土人導以往至則故人適他出而其友有識公者蓋亦以觀變從江上來至安慶者也遂導公由樅陽出江渡黃湓抵東流之張灘陸行建德祁門山中公方病瘧力疾零丁至休寧買棹入嚴陵又恐浙人之多識之也改而山行自東陽義烏以出天台公之在途中也海

張蒼水集

附錄四

十七

四明叢書

約園刊本

上人未知所向或曰抗節死安慶或曰殞英霍山寨中或曰爲浮屠矣父老多北向泣下者及聞公至婦女皆加額壺漿迎之人謂是役也以視文丞相空阬之逃其險十倍過之而其歸則郭令公之再至河中也遂駐節天台樹蘇鳴角故部漸集成功聞公還亦喜遣兵來助公公巡視天台海上有長亭鄉者多田而苦潮乃募諸義民築塘以捍之至今猶蒙其利乃遣人告敗於滇中且引咎滇中賜公專敕慰問加官尙書兼官如故明年移師林門尋軍於桃渚時大兵兩道入海討成功皆失

利而成功以喪敗之餘雖有桑榆之捷不足自振乃思取臺灣以休士公聞之不喜辛丑引軍入閩次於沙關成功已抵澎湖公遣幕客羅子木以書挽成功謂軍有進寸無退尺今入臺則將來兩島恐并不可守是孤天下之望也成功不聽成功雖東下而大兵尙忌之懼其招煽沿海之民於是有遷界之役沿海之民不願遷大兵以威脅之猶遲延不發公頓足歎曰棄此十萬生靈而爭紅夷乎乃復以書招成功謂可乘此機以取閩南成功卒不能用公遺書侍郎王公忠孝都御史沈公荃

張蒼水集

附錄四

十八

四明叢書

約園刊本

期徐公孚遠監軍曹公從龍勸其力挽成功而卒不克公孤軍徘徊兩島要其劉琨祖逖之志未嘗一日忘也而滇中事急公復遣子木入臺苦口責成功以出師成功方得臺不能行公乃遣職方郎中吳鉏挾帛書閒道入鄖陽山中欲說十三家之軍使之撓楚以救滇十三家已衰敝不敢出師王寅滇中遂陷成功亦卒於臺公哭曰已矣吾無望矣復還軍林門會閩南諸遺老以成功卒謀復奉魯王監國貽書來商公又喜卽以書約尙書盧公若騰而下勸以大舉又擬上詔書一道又以書

約成功子經勸以亞子錦囊三矢之業於是公厲兵束裝以待閩中之問是年浙督趙公廷臣與中朝所遣安撫使各以書招公公復安撫書大略言不佞所以百折不回者上則欲匡扶社稷下則欲保捍桑梓乃因國事之靡寧而致民生之愈蹙十餘年來海上芻蕘糗糲之供樓櫓舟航之費敲骨吸髓可爲惕然況復重之以遷徙詒以流離哀我人斯汙可勞止今執事既以保境息民爲言則莫若盡復濱海之民卽以濱海之賦畀我在貴朝旣捐棄地以收人心在不佞亦暫息爭端以俟天命當與執事從容羊陸之交別求生聚教訓之區於十洲三島閒而沿海藉我外兵以禦他盜是珠厓雖棄休息宜然朝鮮自存艱貞如故特恐執事之疑且畏耳則請與幕府約但使殘黎朝還故土不佞卽當夕挂高帆不重困此一方也又復督府書執事新朝佐命僕明室孤臣區區之誠言盡於此閩南消息旣杳鄭經偷安海外公悒悒日甚壬寅冬十一月魯王薨於臺公哭曰孤臣之棲棲有待徒苦部下相依不去者以吾主上也今更何所待乎癸卯遣使祭告於王甲辰六月遂散軍居

張蒼集附錄四

十九四明叢書約圖刊本

南田之懸壘懸壘在海中荒瘠無人山南有汶港可通舟楫而其北爲峭壁公結茅焉從者惟故參軍羅子木門生王居敬侍者楊冠玉將卒數人舟子一人初公之航海也倉卒不得盡室以行有司係累其家以入告世祖以公有父弗籍其家卽令公父以書諭公公復書曰願大人有兒如李通弗爲徐庶兒他日不憚作趙苞以自贖公父亦潛寄語曰汝弗以我爲慮也壬辰公父以天年終鄞人李鄴嗣任其後事大吏又強公之夫人及子以書招公公不發書焚之己亥始籍公家然猶令鎮江將軍善撫公夫人及子而弗囚也嗚呼世祖之所以待公者如此蓋亦自來亡國大夫所未有而公百死不移不遂其志不已其亦悲夫於是浙之提督張杰懼公終爲患期必得公而後已公之諸將孔元章符瑞源等皆內附已而募得公之故校使居舟山之補陀爲僧以伺公會公告羅之舟至以其爲故校且已爲僧不之忌也故校出刀以脅之其將赴水死又擊殺數人最後者乃告之曰雖然公不可得也公畜雙猿以候動靜舟在十里之外則猿鳴木杪公得爲備矣故校乃以夜半出

張蒼集附錄四

二十四四明叢書約圖刊本

山之背攀藤而入暗中執公并子木冠玉舟子三人七月十七日也十九日公至寧杰以轎迎之方巾葛衣而入至公署歎曰此沈文恭故第也而今爲馬廐乎杰以客禮延之舉酒屬曰遲公久矣公曰父死不能葬國亡不能救今日之舉速死而已數日送公於杭出寧城門再拜歎曰某不肖有孤故鄉父老二十年來之望杰遣官護行有防守卒史丙者坐公船首中夜忽唱蘇子卿牧羊曲以相感動公披衣起曰汝亦有心人哉雖然吾志已定爾無慮也扣絃和之聲朗朗然歌罷酌酒慰勞

張蒼水集附錄四

二三四明叢書

約園刊本

之而公之渡江也得無名氏詩於船中有云此行莫作黃冠想靜聽先生正氣歌公笑曰此王炎午之後身也浙督趙公寄公獄中而供帳甚隆許其故時部曲之內附者皆得來慰問有官吏願見者亦弗禁公終日南面坐拱手不起見者以爲天神杭人爭賂守者入見或求書公亦應之嗚呼制府之賢良在張宏範之上然非聖祖如天之大度則喪忠之禮亦莫敢施非公之忠亦無以邀聖祖之惓惓也九月初七日公赴市遙望鳳凰山一帶曰好山色賦絕命詞挺立受刑子木等三人殉焉

公諱焯字玄著別號蒼水浙寧波府鄞縣西北廂人也父刑部員外郎圭章祖應斗曾祖尹忠太夫人趙氏感異夢而生公公神骨清削勁挺生而跡跡不羈喜呼盧無以償博進則私斥賣其生產刑部怒先宗伯公之中孫穆甫雅有藻鑒曰此異人也乃以己田售之得金三百兩爲清其逋而勸以折節讀書思陵以天下多故令諸生於試經義後試射諸生從事者新莫能中公執弓抽矢三發三中舉崇禎壬午鄉試感憤國事欲請纓者累矣而卒以此死公初以爭頒詔事與同里楊侍御

張蒼水集附錄四

二三四明叢書

約園刊本

文瓚忤遂不復面及戊子侍御一門死節公哭之慟曰負吾良友所親有失節者公從海上貽之書曰汝善自衛勿謂鞭長不及汝吾當以飛劍斬汝公之初入海也嘗遭風失維飄至荒島絕食夢一金甲神告之曰贈君千年鹿遲十九年還我次早果得一鹿蒼色人食一嚮積日不餓及被執又夢金甲神來招之蓋十九年矣雅精壬遜之學己亥之渡東溪也占得四課空陷方大驚而兵至糴舟未返卽以金甲之夢占之大凶方呼居敬告之而兵至生於萬曆庚申六月初九日得年四十有

五娶董氏子萬祺並先公三日戮於鎮江女一卽歸子族祖穆翁爲子婦子族母也初杭有舉人朱璧者抗詞作保狀以百口保萬祺母子不得今以再從子鴻福爲公後公之未死也嘗賦詩欲葬湖上岳忠武王于忠肅公二墓之間於是鄞人故御史紀五昌捐金令公甥朱相玉購公首而杭人張文嘉沈橫書等斂之有朱錫九錫蘭錫旂錫昌兄弟者豫爲公買地經紀之而鄞人萬斯大等葬之南屏之陰從公志也姚江黃公宗羲爲之銘子木等三人附焉至今七十餘年每逢春秋佳日游

張蒼水集 附錄四

三四四明叢書

約園刊本

人多以隻雞絮酒酹公墓下者而吾鄉亦以公忌日祭之羅子木者名綸以字行溧陽人也己亥公在江上子木挾策上謁公以其少年而負奇氣有清河李萼之目欲留之幕中以父老辭及公之燕關子木之族父蘊章故在成功軍中引見成功江寧之敗也子木涕泣頓首固請成功無遽去而不能得成功因強子木奉父泛海子木至海上不欲參成功軍事旋奉父北行將赴公營卒與大兵遇格鬪子木墜水得救起而其父被縛去子木展轉閩南思出奇計以救父逾時不得音問嘔血幾

死復赴公營公勉以立功卽爲報讐遂相依不去以死冠玉鄞人制府以其年少將脫之固請從死王居敬者字畏齋一字采薇黃巖人也公被執居敬以計得脫其後爲僧名超遜頗能言公遺事亦不負公者而前此誘執公之故校得以功授千戶奉大帥命巡海島猝遇公之舊將憤其害公執而殺之予嘗謂公解軍而後已將以懸壘爲首陽向非張杰生事微功公似可以無死然是時公猶未五十非甘心黃冠以老者也若留公至十年以往三藩之禍公決未肯晏然坐視者而謂中土能

張蒼水集 附錄四

三四四明叢書

約園刊本

忘情於公平此文山之所以不見保於夢炎也且天下無惜死之忠臣剖肝絕脰正所以全歸也公丙戌以前文字皆無存者今所存者奇零草甲辰六月以前之作也冰槎集其雜文也北征錄己亥紀事之編也采薇吟則散軍以後之作而蒙難諸詩附焉其八卷公旣愛防守卒吏丙之義遂日呼與語因得藏公之集有宜與人徐堯章者從丙購之曰公之真跡吾日夕焚香拜之不可以付君堯章乃鈔以歸嗚呼吾鄉死事諸公公爲最後而所成亦最偉然世人但知誇公之忠誠而予更服公

之經略故涉歷山海之間且耕且屯而民樂輸賦招撫  
江北三十餘城而市不易肆小住縵城而陂塘之利傳  
之無窮惟其深仁以成遺愛斯在古人中諸葛孔明涓  
南之師不過爾爾諸葛有荆益之憑藉所以得成三分  
之業而公無所資終於齋志以死則天也嘗有盜公之  
衣者部下禽而獻之公曰衣在我爲我煖在爾爲爾煖  
其煖一也卽以其衣賜之其大度如此姚江黃公之誌  
其敘公北征稍詳而前後多所罣漏至於公之官階終  
尙書浙督趙公會以其印上之而高氏雪交亭集以爲

張蒼集附錄四

三五 四明叢書

約園刊本

閣學黃氏墓誌以爲侍郎皆不合翁洲新志則謂公於  
己丑已官尙書亦不合若杭人吳農祥所作公傳尤誕  
妄不足取信予乃攷公集中諸事跡合之野史所紀并  
得之先族母之所傳者別爲碑銘一篇或曰公子萬祺  
在鎮故嘗有侍婢舉一子守者憐其忠嗣私爲育之然  
今無可攷矣張美翊案曰蒼水自後詳見嘉慶三年浙  
江提督蒼保其嗣裔也其銘曰

天柱不可一木撐地維不可一絲擎豈不知不可聊以  
扞丹誠亦復支吾十九齡啼鵲帶血歸南屏他年補史

者其視我碑銘

清波小志

僧問石法名超直鄞州陳氏子來錢塘薙髮湖南白蓮  
洲甲辰七月王先生被執至武林至九月七日就義從  
者二人阜隸葉雲侍者冠玉同死焉石公其收而瘞之  
南屏之原陳景鍾曰徐先生忠中所稱王先生葬  
處卽蒼水先生也其初人多諱言之云

清波小志補

雍正丙午予遇四明董小缶胡駿於遂安縣署言蒼水

先生死節事甚詳方其被執至杭送居蕭寺足下常著

張蒼集附錄四

三五 四明叢書

約園刊本

木屐臨刑時亦然至市口占四語云我年四十九卻逢  
九月七大厦已不支成仁事始畢其遺骸及楊羅二骨  
俱爲先生同郡釋問石暨武林好義之士收葬南屏山  
原邵皇親墳外郡士胡克生滇以一端石硯背刻張先  
生姓名旁刊羅楊二諱藏諸壙中其詩文集名奇零草  
至今鄞人尙有藏其副本者

雍正乙巳春予外父俞公漢卿曾誤買其墓前地欲營  
葬太岳後土人告曰此忠臣墓也訪之得實急退還不  
索其值予是時偕外父過其墓松柏鬱然馬鬣之封尙

無恙因奠一卮而返近傳遺骨已爲萬九沙先生攜回  
四明卜地改葬者誤也

張忠烈公祠堂碑銘

董 沛孟如

前明張忠烈公正命於杭州實我聖祖皇帝康熙三年  
九月七日越二百十二載爲今天子光緒元年同郡諸  
君始建祠於仁和巖安橋之側與岳忠武廟毘近又十  
七年八月沛以事赴省垣拜公於祠諸君請爲記公以  
勝國遺臣飄泊海上幾二十年亦嘗深入長江震動半  
壁世祖幸南苑將議親征而以延平金陵之挫列城崩

張蒼水集

約園刊本

潰倉卒揚帆公亦流離轉徙一蹶而不可復振嗚呼豈

非天也永曆主殉於滇魯監國殂於金門明史本楊陸

王爲成功所沈全氏張公神道碑則云薨於延平之子

鄭經偷息於臺灣公始無望散軍居南田踰月被執又

兩月被難完名一死以作三百年來忠臣之殿公之有

光於明何其偉歟方公之逮杭也總督趙公廷臣延入

賓座與之抗禮忠烈年譜注總督不見公誤也

盛設供帳處公於舊府

神道碑云寄公獄中亦誤公與總督書云羈留旅邸其  
非獄舍明甚陳景鍾清波小志補則云送居蕭寺亦非  
獄也○張美翊曰公實寄獄墨蹟放歌注云書於獄壁  
又有武林獄中作三首甲辰九月感懷在獄中作諸詩

司道守令以次入謁公終日南面拱手不起舊部歸命  
者皆來慰問杭人爭賂隸卒以一見爲榮或出緜素求

書公亦應之總督有意生公而疏入於朝刑部議不可

公遂就市挺立受刑故御史紀五昌捐金購公首杭人

張文嘉鄞人萬斯大等收瘞於南屏山荔子峰下乾隆

四十一年高宗皇帝予公諡忠烈杭人陳鱣鄞人萬福

等始書故官立石於墓門議爲公設田以供祀事而遂

巡未就及是祠成桐城吳大令廷康與鄞人范教授樾

倡其議按察使蒯公賀菘主其事鄞人錢理問鄞包同

張蒼水集

約園刊本

知傳萊襄其役集資於眾而鎮海方君義路復出千金

佐之堂宇竣工奉安神版衣冠俎豆歲祭如典例洵鄉

國之盛舉也沛昔閱盧宜續表忠記謂公少白哲中年

以後高顛長髯嶽嶽干仞迄今過公祠下徘徊瞻仰猶

恍見當年羈管杭邸巍然高坐方巾葛袍鬚髮森動之

槩公死此邦公祠亦此邦千載而下猶凜凜有生氣而

况相去僅二百餘年耶至公墓在湖上乾隆中一修於

道士吳乾陽嘉慶中再修於秦臬使瀛道光中三修於

慈人張君梅咸豐中四修於慈人馮君珪同治中五修

於鄞人陳君政鑰今建靈堂與城內之祠同時告成預其事者亦附及焉銘曰

矯矯張公起自甬東始終為魯仗義從戎左拍錢沈右擊孫熊西陵一潰乃駕艤幢指揮鯨鱷策蛟龍銜石填海噓氣成虹昆倚大木儼若附庸監國降號通表安隆再登金山題詩苑宮遙祭孝陵涕淚沾胸長驅入江逞其軍鋒魯陽揮戈日幾再中天實厄之大舉無功隻身南歸草澤潛蹤告敗於慎爵秩加崇明代樞輔公乃其終東王訖命西主席蒙一線已絕公亦櫜弓散軍未

張蒼水集附錄四

三十四明叢書約園刊本

久遠入羈籠斷頭瀝血慷慨從容公魄在土公魂在空願以祠祀表厥精忠岳廟之右堂庶垣墉丹心報國前後符同我作此文維石斯礪下馬過者式茲英風光緒壬辰四月吉立

張蒼水先生墓圖識補

張美翊

南雷文案卷一陳葵獻偶刻詩文序云今年秋月與余同寓吳山尋張司馬墓桑間土堆乃精衛口中一九也葵獻案形家書謂後來香火當不下鵬舉節閣二公徘徊者久之按年譜梨洲至南屏尋蒼水墓在康熙十八

年己未梨洲年七十矣上離康熙三年甲辰蒼水正命之歲已十五年據此梨洲蓋長蒼水十歲云宣統二年庚戌九月廿八夕蹇叟記

張蒼水先生祠廟志補

張美翊

杭州眾安橋側有張忠烈公祠寧波鄞縣學西偏有精忠廟前殿祀錢忠介張忠烈兩公後殿祀先後同難諸公

象山縣志卷十張忠烈公廟在縣西四十里蚶舉乾隆年間村人於舊址創建嘉慶年間重脩

張蒼水集附錄四

三十四明叢書約園刊本

象山姜炳璋尊鄉集張公自南田被執至城各官餞於錢司寇祠為康熙甲辰

象山縣志七參軍廟在縣西四十里周俞舉嘉慶年間創建相傳七人皆張烈公麾下公南田被執七人自殉於淡港縣西三十里等處墓在烏岩其廟分建一在閩舉一在雙汪隴一在西塔一在黃家塘一在長坑一在紅斗山原案云張公將士散處即在蚶舉亦相傳有屯兵之說

案象山蚶舉有張公廟及七參軍廟分建七處皆附



錄所未及特補錄於此甲寅五月二十二夕蹇叟記

時客上海

重修西湖張蒼水祠紀實

張壽鏞

壬子之秋壽鏞既奉檄司浙計政展謁蒼水先生祠蓬蒿滿目感極而悲時吾甬人士若范仰喬賢方若陳季衡時夏均先壽鏞在杭已創議重修公祠而仰喬尤汲汲期其速成顧省款既無從撥而寧波軍政分府甫經裁撤積有公款遂由仰喬商諸六邑人士提款壹萬元為興修之資六邑人士諾焉於是不足者更募諸旅杭

張蒼水集 附錄四

三三四明叢書 約園刊本

人士凡募得之款為幣貳千柒百陸拾貳圓購置鄰近地為五畝七分八毫建築大樓一座樓三層可供遠眺其下為饗堂供奉畫像即鄭氏勳墓於杭藏於萬氏者是也顧以款止於此公之祠既別建於眾安橋而墓祠遂不獲改作仍其舊構而遷於墓之旁時吾甬人居鄉者頗以鄉先生死明難於杭者有三忠曰魏白衣畊志注霞傳封土為牧馬所壤好義者面骨葬之靈隱西之五寺橋大同鳴題曰慈翁魏長白山人夫婦之墓曰楊職方文琮周世緒南屏拜張忠烈墓曰蒼水今大漢光復以公款修墓宜及三忠不應僅及蒼水一人且

公款尙未見報銷羣相指摘時仰喬已亡命海外壽鏞與張苞船善厥後款項由苞船主之而隨時告於壽鏞都凡建築饗堂及牆宇茅亭為幣伍千捌百元購益地畝為幣捌百叁拾捌元捌角填地濬蕩種樹為幣柒百伍元伍角駁砌築路遷碑假山為幣壹千肆百叁拾壹元肆角修墓為幣伍百元遷祠為幣貳百叁拾元玖角搭棚木器用具為幣貳千肆拾陸元叁角雜用為幣陸百壹拾壹元玖角統為幣壹萬貳千壹百陸拾肆元捌角以收抵支尙餘伍百玖拾柒元貳角存作善後之需

張蒼水集 附錄四

三三四明叢書 約園刊本

此款項支銷之大略也祠前有地七分二釐有奇為西湖南冷亭故址因由莊菘甫景仲李霞城鏡第張苞船世杓等商諸杭縣知事陶鏞易以祠右瀕湖地一方為之重建新亭湖山既得點綴祠宇亦昭隆重此又易地之大概也爰附錄重修西湖南冷亭碑記於後

重修西湖南冷亭碑記

西湖名勝甲天下自白文公蘇文忠先後刺杭以撩葑築隄治湖灌溉為當務光兩朝之史冊為百世之利賴厥後官斯土者則之倣之若惟恐其不及焉循

良之選往往而有逮南宋建爲行都紛華靡麗媿於  
兩京敷歷三朝迄於清季足履其陸舟行乎水其勝  
景何可譚護計耶自乾道咸淳兩志而後言西湖掌  
故之書約略記之當在二百種以上又何可殫竭述  
耶今試以亭言之曰斷橋殘雪曰平湖秋月曰花港  
觀魚曰薦菊曰蘇隄春曉曰曲院風荷曰湖心曰三  
潭印月曰來鳳曰雙峯插雲曰月波曰夢榭曰聽水  
曰集賢曰柳浪聞鶯曰南屏晚鐘曰南山曰雷峯西  
照曰聽泉曰丁山曰振衣曰見湖曰可汲曰依雲要

張叢集附錄四

三三四明叢書

約園刊本

皆記載習見樵牧能言其建於祠堂別業梵宇琳宮  
者猶不與焉更進而言五冷之亭若東冷若西冷若  
南冷若北冷若中冷冷各有亭亭傍各有社額曰某  
冷福主爲鄉人伏臘報賽之地焉而何以名不挂於  
士夫之口事不見於地志之中蓋築亭立社者一鄉  
之服田力嗇耳春蒸秋嘗者城闔之販夫走卒耳孰  
爲載筆孰任題碑迨乎凶年饑饉水旱薦臻疇爲徹  
彼桑土綢繆牖戶者乎於是亭圯矣社墜矣悠焉忽  
焉冥焉漠焉而歸於無何有之鄉矣然白頭宮女詎

無能談天寶之人今之能指某冷亭者殆類是耳南  
屏之麓舊有亭曰南冷鄰於蒼水張先生之祠歲久  
湮滅明州莊君景仲張君壽鏞李君鏡第會角之薦  
紳新忠烈之祠修其墓道列入地方祀典結社於杭  
顏曰張社匪特維桑與梓必恭敬止所以建謀猷利  
邦國而宏濟艱難者靡不於此集焉彼僅視爲流連  
文謙敬業樂羣之地猶淺之乎視斯社也諸君退食  
之暇僉以南冷舊址揜隱於叢薄之中故址多爲民  
居侵占地不濱湖又爲左右屋宇所蔽卽建而新之

張叢集附錄四

三三四明叢書

約園刊本

無以供遊客之眺覽行人之偃息謀諸鏞令掾吏清  
丈猶存地七分二釐有奇以畀張社而易祠前園地  
一方重建斯亭於甲子歲冬月落成井然翼然足以  
卻炎日而蔽甚雨亭之外林密翳鬱鳥叫鉤軻夏之  
旦荷香襲人秋之夕菱角分甘於是行者息其足耄  
者駐其杖肩者弛其擔相與喟然歎曰斯亭也何愛  
旅人之深而慰旅懷之摯乎余爲之檄亭長陳疆吏  
白其移建之情示以與人之樂大府曰可因記其事  
而勒於石嚮所謂悠焉忽焉冥焉漠焉者至是而可

免也此皆甬人士點綴湖山保存古蹟之盛心吾民不能忘者也據事書之以諗來者

大中華民國十四年歲在旃蒙赤奮若立春日杭縣知事陶鏞撰新州葉爲銘書

南田張蒼水公祠堂始末紀實 范賢祥

南田自前清光緒初年弛禁清廷設官建治開闢依山田地出示招墾勸富戶興築海塘關沿海窮黎衣食之源時墾務委員杜冠英有幕賓王炳號芷汀鄞籍人也辦錢穀丈量土地事宜履勘各島見桃源蓬萊兩鄉天

張蒼水集 附錄四

三五 四明叢書 約圖刊本

漲沙塗甚廣興築塘工可得良田五六萬畝詳報於省招人建築王炳奉令赴鄞敦勸鄞地紳商設法進行多經贊同於是在籍工部主事梁秉年知縣陳勸及孝廉施瀛芳張世訓富商史久銘等邀集資本家二十餘人合資興築蓬萊鄉龍泉塘桃源鄉鶴浦塘關成熟田二萬數千畝當建築兩塘之始乏地辦公商同駐南提標中營參將段生福購得樊嶼山平基地二十餘畝就其間建築正屋三間餘屋五間定名曰古鄞公莊嗣後兩塘次第告成按資分派田畝各立田莊而公莊虛懸王

炳等建議謂我鄞人張蒼水先生抱民族主義與清廷奮鬪到底敗居南田懸壘

即花

被執之所古蹟猶存不

屈成仁瞻仰忠風頑廉懦立我鄞人來此築塘幸賴先生神佑得以告成顧念孤忠無祀廟之存非所以聯梓慰先賢也議定莊屋改建張忠烈公祠撥助田產供奉春秋祭祀並將公莊前後基地二十餘畝及龍泉塘杏字號田抽助一百二十畝鶴浦塘畝字號田抽助一百畝議立章程設董經理又將公莊改祠助產辦法詳請省道府立案以垂永久當時公推莊董史久銘經理

張蒼水集 附錄四

三六 四明叢書 約圖刊本

其事詎久銘因營業不振錢業倒閉公產被抵經施瀛芳之子施仁緯向鄞縣控訴涉訟多年規復公產其後南田政治改變光緒十六年浙撫奏請南田戶口不上五千田地山蕩祇有六萬九千畝設官治理徒耗公帑遂將南田委員裁撤歸石浦同知兼管以節糜費汛地兵役一律遣散南田盜匪因之猖獗鄞人有田產在南田者爭欲售脫冀免危險經管公產之鄞幫司帳王明山乘此時際盜賣鶴浦塘公田數十畝潛逃回鄞至意大利覬覦三門灣鄞縣張給諫嘉祿奏請自闢商埠廷

寄浙江巡撫飭議其時重設專員派兵防守盜匪斂跡  
鄞邑業戶公舉施仁緯爲古鄞公莊董事整理公產改  
變章程所有公產歸鄞邑大業戶經管藉免盜賣宣統  
三年清政府遜國民國成立南田縣知事孫乃泰擅將  
張忠烈公祠宇基地收回官有請撥省帑建造施仁緯  
等竭力抗爭邀同鄞士范賢方赴省幹旋恢復舊業整  
理內部而公莊前後隙地因失管被居民佔爲已有按  
冊考查已十之七八施仁緯以公莊基地被佔殆盡思  
用石作圍牆藉清界限卒以經費支絀欲提公產出息

張蒼水集 附錄四

三七四 明叢書  
約園刊本

及存款爲強力者把持未竟全功民國三年南田縣設  
立聖廟呂耀鈴知事不問情由擅將張忠烈公神主改  
移下席而中堂兩廡設立聖賢神主多位施仁緯力爭  
無效因呈控於省巡按使屈映光派員調處由南田縣  
政府議立借約期以三年爲限嗣後屢經催遷各任縣  
長多置若罔聞借約存施仁緯處民國十一年施仁緯年老回  
籍十三年鄞幫業戶史經緯房司帳顧子雲盜賣樊廩  
公莊教場後地十餘畝以史三多戶名義出售於周士  
武經王廉清查實先後起訴此案至今未結自施仁緯

回籍後張公祠事乏人管理田畝因失管而被人侵佔  
盜賣者甚多十八年十月賢祥充玉泉場知事山寧波  
旅滬同鄉會委託整理張公祠事查得在樊廩祠宇一  
所基地二畝七分二釐五毫平地一畝五分八釐七毫  
並剩餘龍泉塘田十畝鶴浦塘田三十三畝八分八釐  
九毫零卽由賢祥以鄞縣公民名義與何祥熊陳隆福  
具書向毛縣長請求備案其經人盜賣及侵佔俟查得  
確有證據再行呈請縣政府設法追回經毛縣長核准  
在案十九年毛縣長卸任後在厲縣長任內縣政府屢

張蒼水集 附錄四

三七四 明叢書  
約園刊本

次欲將張公祠宇舊產收歸公有經賢祥力爭保留不  
敢動益疊催將祠宇歸還二十年夏厲縣長始將先聖  
賢神主遷移他處歸還故址而忠烈公得以正位當時  
祠宇正殿三間勢將傾圮由賢祥鳩工修繕於是年秋  
後完就照相帳目報告寧波旅滬同鄉會有案惟正殿丹牓之費及祠宇  
側餘屋修理所需由賢祥暨張壽鏞等募集捐款正在  
加修以冀留一古蹟藉慰靈魂此南田張蒼水公祠始  
末之大略也

張蒼水集附錄卷四

張蒼水集附錄卷五

題詠上 詩詞

哭兵部左侍郎兼翰林院學士鄞縣蒼水張公壬午

舉人 鄞縣 林時對 對 爾庵

浴日扶桑不計年難將振旅賦闐闐宜中已遁占城島

君實終沈碇海船只有精誠酬國士空留熱血答皇天

孤臣軼事憑遺老寫向瓊函萬古傳

遙把生芻一奠之五坡吞腦是今師丹心百折還扶鼎

直道千秋應奉祠從此星躔高北斗也知花發向南枝

張蒼水集附錄五 四明叢書 約園刊本

素冠祖祭懷炎午莫向西山飯伯夷

君以孝廉從龍上台授翰林簡討越城潰卽棄毫父

及妻子入海依張元戎名振振歿代統其兵己亥入

江公長驅至蕪湖赴義者踵接題詩金山以擬燕然

事敗復微服至象山隱於百丈街在臨豐南田中間

孤懸絕島甲辰七月解甲散兵將披緇行遁道標弁

駕小艇訪舊識於翁洲令爲嚮導爲邏者所獲引至

百丈街夜半就縛不屈解至武林遇害有致命詞我

年四十五今朝九月七含笑從文山一死萬事畢幕

客句容羅綸童子鄞人楊冠玉從死會城好義者爲

釀金葬於西湖南屏之麓君蒙難著有北征記與文

山指南錄竝傳又詩鈔名奇零草蟹庵先生哭殉難 諸公詩百餘首合

爲一卷此其第七 首見鄞陳氏鈔本

哀蒼水南雷詩歷 八哀之一

廿年苦節何人似得此全歸亦稱情廢寺釀錢收棄骨

老生秃筆記琴聲遙空摩影狂相得羣水穿礁浩未平

兩世雪交私不得只隨眾口一閒評

尋張司馬墓

張蒼水集附錄五 四明叢書 約園刊本

草荒樹密路三义下馬來尋日色斜頑石嗚呼都作字

冬青憔悴未開花夜臺不敢留眞姓萍梗還來酌晚鴉

牡礪灘頭當日客茫然隔世數年華

哭蒼水見兩浙輶軒續錄 續錄 高允權 辰四 作斗權蓋高公原名也

壯心未得同狐偃大節還能愧李陵十九年來精衛恨

故人永夜哭寒燈

甬上擬薤露詞以下四詩均 見勾餘土音 全祖望 紹衣

試一擲張尚書呼盧 尚書少喜呼盧 以此爲其尊公所怒幾乎破逐

百萬亦僭石何妨試一擲阿翁懼我不保家小草遠志

定難測他年更一擲幾幾席捲大江北

蘇卿諒弗聽小校勸忠 蒼水尚書被逮有小校在其船首唱蘇子卿牧羊曲尚

書笑曰有心哉 中夜起而和之

穹廬雲冥冥下有李陵說蘇卿蘇卿諒弗聽我懼蘇卿

稍愛生莫將百鍊精一旦喪令名蘇卿諒弗聽我假清

歌為寄聲

重九前二日張尚書忌辰設祭 全祖望

少陪九沙萬太史春秋歲祭南屏山九沙忽騎白鶴去

南屏漸恨絮酒艱去年燕子磯下泊訪求題字渺禪關

張蒼水集 附錄五

三四明叢書 約園刊本

燕子磯寺中有尚書題名今為僧剷去 菊香正茂薇露馥故園酒熟倘可

攀

甬上雜歌 全祖望

羊山吟為蒼水尚書作昌國大洋有羊山多羊然不可烹蓋神物也尚書泊軍山下軍士不知而烹之未熟而風濤大起軍士溺者無算義陽王亦與其禍

殺函失鹿鹿有歸芒碭斬蛇蛇弗違赤烏白魚歸新命

陳倉雌雄寶雞雙雙飛孤臣徒搏雕虎將何為爾羊來

思角戢戢馴擾直似鷗忘機鷗兒軍士偶不戒誰知忽

震天狼威鞭龍龍髯墜駕鼉梁疲騎鯨鯨尾赤跨龍

鼇背危神鱗出沒封豕隨水犀百萬聲如雷鶴乎鴉乎

一網盡爾羊助天為虐是耶非孤臣獨抱啼鵓悲吁嗟

乎孤臣獨抱啼鵓悲羊山以羊得名今謂以唐之羊府君得名謬府君固有功於吾土然

今海上香火之盛則以山神 並非府君也 案府君名僕

燕子磯蘭若尋蒼翁題字 全祖望

江東王氣已全枯豈有重興赤伏符半夜秋風出靈谷

千船軍火竄焦湖孤生逐日空三足碧血沈淵向一壺

此日彌甥輯遺事可憐題字竟模糊

予約同人每歲為蒼水先生設祭今年將有渡江

張蒼水集 附錄五

三四明叢書 約園刊本

之行先期舉之 全祖望

此行定是過南屏為道寒山片石成時新為公 撰墓碑故社莫

虛黃犢唱同人豫擬白鳩聲神傷土室袁閔泪謂先儀 部也

公親家共事其後盲 膈斷碣州杜滸兵 謂先侍御也 香 者者二十年得免 殷勤雞黍展微忱

火敢忘先子命先王父贈公遺命 以公祀事為屬

蒼水先生墓道漸湮道士吳乾陽謀修復之和鈍

軒韻 全祖望

一區發鳩巢千年夸父宅豈期世外人而念此窀穸在

昔正氣歌三分席自擇紀朱張萬沈相與成勝迹栽栽

南雷銘光照長虹白久久未開雕貞珉眠荒陌我續第

二碑遺事吐格格一從小跛亡張美翊案曰小莫問南

屏魄何家新貴坐邗連肖層碧應憐寒谷中隻輪獨運

策編詩錄許劍諒屬我之責紀九峰朱穆生兄弟張文

東莊浮屠超逝

我聞形家言茲邱真吉宅渺渺流泉流藹藹夕陽夕天

定妥忠魂楊癩不及擇他年萬香火鄂王其靈迹冬青

花未開我亦已頌白中為颯颯居旁為狐兔陌翩翩有

羽衣高情見風格朽骨尙關心何況此毅魄吳君方埋

屏當年雪竇翁茲山先埋碧丸土不可尋誰為問故策

行當更訪求與君共此責謂魏山人耕也

長至日展替公墓同江聲用離合格張美翊案曰

金志章字江聲

九沙仙去後瓣香過者希觀察真多情借我踏山蹊謝

聲致江今日正南至一陽氣霏霏太史多雅懷來看朱鳥

飛謝山墓前麟辟邪亦是故園儀一枝借孤忠星火

以為依謝承聞豐狐筆已草黃絹碑明年速上石長作

山中輝江聲

逸田以人日祭蒼翁得三絕句 全祖望

春來猶自怯霜風人日題詩酌信公畢竟學蘭家法在

細挑七種菜叢叢

最憐民部遊仙日正是元樞授命年地下雙雙埋碧血

人間久發陳編

華屋山邱一望中誰來城北弔遺忠張徐楊葉都零落

賸有平陵松柏桐張遺民徐石耕楊竹欵葉天益皆居

戊辰元夕苻庭以其世父忠介公生辰為替水先

生設祭即用替水琅江殯宮韻 全祖望

泱甸春色碧於油崧嶽神靈在上頭丞相尙傳弧矢怒

中樞誰寫蕨薇愁冰槎客散重修祀苻泚堂高續紀遊

落落通家幾子弟隻雞猶克溯弓裘

故國當年事未灰五千甲盾傍江開卧龍伏鳳成羣出

鯁壑蛟宮取次陪一自遺民湛絕島更無過客上西臺

琅江死別吞聲後重見南屏白馬來

七夕鈍軒集祭蒼翁於隱學山房 全祖望

今夕是何夕良辰好祭忠秋江潮汐壯銀漢女牛通耿

耿扶韓志堂堂磔下功我歌降神曲天半吐長虹蒼翁正命  
之辰重九前二日也同人聚散無常故不能盡同此日

為歎五君子天中畢命時其美宜母教樞使有孫枝姍

姬清門重賓寮合食宜多情仗羣從聊以慰陵夷是日配食

為若思先生其美若思母周太安人也大節詳予所傳姍姬即見蒼水哭若思詩

正翁洵舊德扉屢幾傾家掉首辭塵劫低眉查法華微

應清似粟梅亦大於瓜此日陪靈馭寧慚博望槎鍾軒曾祖

正先大行晚受戒於大楠法幢禪師與桐城方子留輩並稱上座是日別設伊蒲饌以配之

招魂如可作移榜不須嫌故國無星史伊人在水兼欲

張蒼水集附錄五

七四明叢書約園刊本

推辦香力遍為國殤拈竚待禮成日新題樂府時余方議

合祭甲乙以後二十八忠為之立祠

道光壬辰八月朔日同葉二元塔姚大變詣張忠

烈公墓下并置公詩卷祭之

定海厲志駭谷

南屏颯秋爽蒼陂鬱迴環中有張公墓石碣立嶺岨墓

傍松林樹樹經千年悲風來眾響凄切裂人肝勝國

當叔末大運固不旋用公監國初諸鎮豈足患九州四

府地或挽半壁天千鈞既已墜一髮烏能援徒使忠悃

枕披露楮墨間波濤觸憤猛縲絏結貞堅湛湛一握血

化碧灑九淵平生萬甲兵宇內駭聽觀斂納成文字與

望孰推詮嗚呼不朽業小儒難仔肩探懷出諸有經綸

本自然鄉里慕諸葛私祭列孟盤精誠信難邀鉅製猶

赫煊惶恐龔曠子疏擒邁流源明州後起人奮力偕躋

攀姚子蛟門秀奉公心拳拳同來熱瓣香倒地拜空山

層雲積不行夕鐘咽潺湲逡巡返徑路四望野漫漫

南屏拜張忠烈公墓調寄金縷曲

鄞周世緒克延

張蒼水集附錄五

八四明叢書約園刊本

便濺刀鉞血尙從容胡頭遙望鳳凰山色席卷大江南

北去快比呼盧一擲怪樹梢雙猿聲澀采獻南山吟未

罷牧羊歌完了蘇卿節秋九月初七吾家素近先

生宅慘蕭條楊家河畔滿門荆棘岳墓于墳留隙地補

種松楸青密更殉義三人同穴明日孤山梅下拜再東

頭靈隱尋殘碣先酌酒麗牲石

楊天壁職方葬孤山魏雪竇山人葬靈隱

謁張忠烈公墓

海寧吳騫桂客

南屏山頭樹撐鐵下有孤忠埋碧血山空雲散樹亦摧

碧血團成鐵同熱君不見浮萍一昔遭雨擊海水羣飛



白於雪何處輕船尚可紫背荷金鼇立宮闕公時獨把  
魯陽戈欲挽羲和麾列缺百里朦朧蔽江下千仞石頭  
飛礮燕雞鳴埭畔露香焚鐵甕城高亦掀揭白雲遙望  
一軍哭桴鼓榮陽況連結羽書競欲名城射烽火旋看  
西浙達天於宋德久已厭運去空坑終一蹶八公山色  
寒蒼涼鐵鎖游龍滾江絕十九年來金甲破還汝迦羅  
不留脫飄流懸瘞軍已散并命江城皆空裂即今孤冢  
鄰棲霞寒食年年芳草茁故鄉路隔遺裔盡夜祭播間  
定誰齎聖朝寬仁超萬禩易名曠典昭忠烈相從卻憶

張蒼水集附錄五

九四明叢書

約圖刊本

諸義士穴傍田橫葬猶渴謂朱相玉張文嘉諸人英雄事往雖已  
矣牧豎樵童忍輕褻人心不死在後死麗牲特表穿中  
碣江海可塞天柱傾此石君看終不折

南屏拜張忠烈公墓

公諱煌言號蒼水前明累官兵部乾隆四十三年賜諡忠

烈墓在九曜山昌化伯邵林墓左

仁和仇養正

黃葉秋風路青山異代臣易名榮國典拜墓哭詩人碧  
濺湖邊水花殘海上春英靈欣會合于岳兩家鄰

湖上展張忠烈公墓

德清戴高綠疇

懸壘孤臣淚滿襟南天風雨晝陰陰星河難挽猶援手

國脈微延未死心夜壑已隨銅馬陷霜鐘還應鐵龍吟  
牧羊和曲聲悲壯欲問蘇卿何處尋  
園土南冠尚漢官斷魂山色繞江干潮回滄海黃塵捲  
日落荒原碧血寒四鎮蟲沙誰撫劍八公草木舊登壇  
行人指點南屏路岳墓千墳一例看

謁張忠烈公墓

海寧查揆梅史

魯藩兵氣黯翁洲丞相祠堂叱牧牛雁宕寒深虹貫日  
龕山濤落雪驚秋頭顱已送田橫島妻子虛隨范蠡舟  
更向江南懷閣部梅花嶺上暮雲愁

張蒼水集附錄五

十四明叢書

約圖刊本

西湖謁明權兵部尚書蒼水張公墓

鄞縣張庭學詩農

收拾殘灰劫火餘茫茫天運竟何如山頭羊肉烹難食  
樹上猿聲慘不舒墓地兀參雙少保海天遙寄一尙書  
我來敬謁鄉前輩正是西風落木初

落日南屏暮色闌羣峰不改舊時觀西湖碑碣諸忠聚  
東浙河山一局殘迹恥爲遺老便殉身兼及僕夫難  
纍纍高冢傳千古松柏蕭森風雨寒

南屏弔忠烈公墓

煌言墓 鏡塘汪端允莊女史

窮島猿聲嘯遠林翁洲兵氣結秋陰孤臣自抱餐薇志  
節士同堅蹈海心就義江頭寒浪急遺墳湖畔暝煙深  
青山落日留殘墨一樣東皋浩氣吟謂瞿忠宣

南屏山謁張忠烈公墓

錢塘 吳鼎元 右卿

南屏山上愁雲黑黃土一抔埋不得八尺豐碑三字存  
大書特書好山色忠烈寄命百里時地維欲絕擎一絲  
江干已破崇明陷海天一角猶支持招降有書詞激切  
一日再至紛如雪精鐵雖堅尙可磨此心更欲堅於鐵  
英霍山下浮屠高文山幸作空坑逃誰說浮屠瘞毅骨

張蒼水集 附錄五

十一 四明叢書 約園刊本

壺漿爭見迎師勞滔滔莫挽狂瀾勢魯王旋逐秋風逝  
大厦安能一木支持時豈作偷生計結茅懸壘刑春蒿  
散軍解卻金獅袍草木無聲萬籟寂長鳴惟聽雙青猱  
沈沈星月夜將半附葛何人來枕畔夢醒鐙殘鹿已亡  
奈何徒事同聲喚牧羊一曲誰歌公十有九載墜奇功  
滿腔熱血灑何處鳳皇山外苔花紅御史捐金購公首  
賃地者誰朱錫九歸然古冢南屏陰償公素志事非偶  
君不見西泠橋邊岳武穆八盤嶺下于忠肅一片孤忠  
兩地同與公鼎峙成三足

南屏張忠烈墓

鄞縣 王 燾 梨門

秋風白草亂荒墳獨向南屏拜夕曛亡國山河留正氣  
中原涕淚泣孤軍頭顱可斷無降將魂魄相依有舊君  
賜劍不關天子事莫將于岳論三分

弔張忠烈墓

海寧 錢 馥 廣伯

華表何年立豐碑此日題從教樵采者不到邵墳西  
詩據梁玉繩管記乾隆王子杭人勒碑表  
墓後作也錢爲海寧布衣有小學齋遺藁

南屏山謁鄉先輩張忠烈公墓

鄞縣 徐甲榮

張蒼水集 附錄五

十二 四明叢書 約園刊本

十九年來事漫論荒塋藁紙奠清尊穴中老狄應腸斷  
林外啼鴉尙淚痕于岳至今成鼎足湖山自古屬忠魂  
我來更有傷懷處黃檗何人拜墓門錢忠介公葬黃檗山  
再過錢司寇祠兼憶張司馬司馬被執南田各官  
餞於此祠案寧波府志錢公名唐字惟明象山人官刑部尚書洪武時諫廢孟子配  
象山 姜炳璋 白巖  
有明三百年之蠶忠司寇開其始司馬收其終有明三  
百年之學案司馬以苦節司寇以苦諫憶昔司馬起行  
時衣冠再拜司寇祠合城官府望威儀里老至今能言

之我曾拜讀司馬集司寇遺文不存一作志幸有黃南

山南山簡要志載公坦腹事甚悉後為楊誠之所刪墓

碑恨少梨洲筆梨洲有張吁嗟忠義聚吾鄉前有錢公

後有張白石山青甬水蒼司寇號白石山黃魚正熟白

蟹香我欲建祠祀二公土羹一孟永蒸嘗

擬謝山先生甬上雅露詞

徐甲榮

好山色張忠烈公煌言

一食千歲鹿遲以十九春大厦既不支殺身以成仁柴

市當年日昏黑鳳皇今日好山色山色蒼蒼染宿草翹

張蒼集附錄五

十三四明叢書

首湖頭兩少保企前型歸南屏瀝丹誠問青冥

南田篇弔張忠烈公

象山陳維垣澹川

南田之田稱沃壤彭姥諸峰氣滂泱境緣磽僻轉荒蕪

地以紆回得宏敞尚書忠義頌文山周粟不食殊殷頑

永明殘局已灰燼復何恃此軍力屏當年逐鹿中原走

露紛提師下京口睢陽竟失賀蘭援玉壁難為孝寬守

蒼頭四潰如隼颺拒車弱臂悲螳螂麻鞭千里血流骨

止無陌路歸無鄉左右從者羅王楊誓死不去同踉蹌

新輿所轄無首陽白雲何地供遊翔八排天墜通雌浪

大小浮圖作屏障甌瓦東趨暗礁鈴佛頭西俯諸峰讓

千年老竹宅狺獠一握懸瓠絕依傍公來託足羶姓名

簞冠荔帶清風清飽餐薇蕨枕書卧犇濤落木猶疑兵

三聲淚竭靈猿死縋壁姦奴入金齒未容嘯傲隱蘇門

竟絀銀鐙赴柴市駁犖林巒蜚霧包誰翻小海續離騷

祇今合甯門邊水猶似錢唐白馬塵

南田篇弔張忠烈公

象山歐景岱仲真

南田界象南較象居大半沿革溯宋元回浦隸鄉貫洎

自朱明興洲島撥叢亂遂禁民居山遷徙絕薪爨禾黍

張蒼集附錄五

十四四明叢書

積莽榛巖器錯圩埠傑哉湯信公握籌有成算似識三

百年當來義師竄吾郡蒼水公英毅等曹冠甲申京師

陷憤起挽狂瀾瓜步初進師戈矛礪乃鍛蕪湖繼登城

旗幟奪防扞孰意延平藩督練殊怯倭同仇非腹心一

挫輒背畔反俾單弱軍整旅作絳灌成敗既異形寤寐

深扼腕霍山困奔走踵裂頭亦汗劇覺行路難行行抵

鄉閭原非黃冠旋聊作遊汗漫翁洲暨缸片禁山跋步

苦昏旦遂入甌瓦門窮樓謝羈絆奴養猿一雙出入驚

鳴喚託此無糧區版籍不能按孤忱效采薇餓作首陽

看不知天戈揮翼翼下飛翰日出罔率俾河海詎清晏  
搜擣窮其區方等不庭餘六位共占空原早識交彖成  
仁古所難取義今已斷官爵不能糜刀鋸非所惋舉首  
好山色正氣肅嚴憚但瞻明社屋雅比中谷煥嗟嗟公  
雖死讀集尙薰盥回望洪濤中佛山卓天漢

南田篇弔張忠烈公

象山 王蒔蘭 滄山

結壤何顯僻所爭忠義居叢爾一丸島疣贅鄉南隅風  
濤礪危石榛莽盈暗衢遐哉抗吾想張公曾託軀明鼎  
際淪沒羣英咸義趨我郡更多士奮鋏爭前驅公亦縱

張蒼水集 附錄五

五十四明叢書  
約園刊本

踪起憤氣胸臆據魯藩始監國請纓厲行興退則守崇  
沙進則摩蕪湖拈棊剖枰盼著著籌贏輸得機便乘勢  
偶躋還引辜心力縱云瘁山水敢思娛海島地偏僻何  
來結吾廬因人非善策厦木難獨扶食言勢瓦解痛彼  
無術夫謂延平 霍山逃險來身命幾見屠豈惜藐躬徇後  
事將誰圖覓地得首陽不受興朝效年惟永曆紀志有  
羅王孛觀時切興寐占課驚噬膚風波起不測故校心  
眞狐扼運挽無術雉乃罹置學遂令一片壤卽爲致命  
途斧鑕任加彼山色殊悅吾就刃氣何壯許國心猶初

是時暗天日慘淚乾眾徒正氣藉扶立文山今不孤從  
義有雙猿猶應媿降奴今餘二百載事已滄桑徂公名  
滿天壤童穉猶能呼眇茲懸壤境頽陽遮壞郭居人久  
絕跡誰爲芟荒蕪

南田篇弔張忠烈公

象山 歐景辰 星北

諸藩盡離叛大厦難獨支自分化外身顛顛終采薇南  
田荒確區宅蜃畫生瘴俛處同狔獠懸洲四無傍壯哉  
忠烈公樹節何嶙峋遙奉永曆朔再監定西軍雁石與  
鯢淵所事兩不遂滇南一旅孤復聞遭亂潰皇朝既定

張蒼水集 附錄五

十六四明叢書  
約園刊本

鼎遍域搜亡遁或乞旦暮生靦顏投降書否則抗大義  
頸血濺屬鏤公知事已債散軍奔崎嶇竟效魯仲連長  
蹈南海隅鉤峙開石堂牛盤坦沙磧龍虎夾兩疊於中  
結茅宅朝作采薇吟夕校冰槎詩兩猿趨箚杪和以商  
聲悲眞宰下呵護夔魑不敢闕成則天之功不濟豈臣  
事亦旣千鈞沈難爲一髮繫蒼頭夜縋壁暗藤淒鴉鴟  
竟受意外禽反接爲囚俘毅然赴臨安刑脅志無奪決  
背看南屏猶言好山色載賦南田篇南田今崔巍甍霧  
百八塊精靈相往來

南田篇弔張忠烈公

象山 陳致新

天兵如龍不可角且抱丹心潛舉確恥遵新制改衣冠  
抗命窮洋違奉朔惟公夙受前朝恩官雖未服科目存  
天台泣拜魯王詔帥五千旅馳八閩十九年來百餘戰  
凍雪彫髯沙陷面羽書聽報滇南平灑血林門投誓箭  
東瀛懸塊兀以孤蹊荒土瘠人煙無兩沙紆港通一島  
暗礁牙錯舟難踰坦塘北豎森鴉馬童下瞰如懸壺  
誅茅且學魯連蹈有書可讀田可鉏友者誰羅子木僕  
者誰楊冠玉更有門生居敬王箐月松廳競歌哭幅巾

張蒼集 附錄五

十七 四明叢書  
約園刊本

大布稱遺民抵向空山尋結局不警巢中雙守猿竟庖  
夢裏千年鹿後來錫謚褒殊忠白浦彤庵望竝崇箬魚  
山邑今無恙開遍愁花躑躅紅

南田篇弔張忠烈公

象山 鄧克旬 譜葬

魄魄巍巍大佛頭嶼溟鬱峴寒雲浮四十六山戲穀獲  
一百八塊呼鶴鶴未須薜荔唱山鬼忠魂毅魄茲千秋  
當年勝著置棋局不資援應難度劉大小壺盧扼要害  
南閩綫水通咽喉上龍潭背耀芒戟下龍潭背排長矛  
標飛燭發出新壘鷹隼視驚鳴騶獵佻忿竝疾馳騁

左龍石虎相虻蠕矧伊鴨嘴大八丈靈狻守隘丹其頰  
延平王亦萬戶侯背盟左計無良謀臺灣一去不復返  
分營各竄車飛輶獨木支厦尙何補孤軍枵腹誰傳餽  
風聲鶴唳結疑陣瞻望弗及中心愁沈陰凝沍霧逢淖  
一朝被執如楚囚竊比蘇卿仗漢節十有九載潛蛟蚪  
褚淵之生不足齒采薇遺集長歌謳一寸丹心照懸海  
求仁得仁何怨尤遙空獨立恣流覽蒼茫但見林與邱

題張忠烈公遺像

歸安 王 棟 講泉

張蒼集 附錄五

十六 四明叢書  
約園刊本

天力竭岨山世傑空餘碧血

錢唐 高廷蘭

冬穎凌飈其節不屈崇蘭委灰其香不滅矯矯張公忠  
炳日月劫逢龍漢運當陽九天步方艱義兵倡首張旃  
舉幟嘗膽枕戈率爾組練鞭爾龍鼉奮然聞鼓遑知其  
佗頽陽西邁乃欲挽之大厦方傾以一木支其愚難及  
功墜名垂舍生成義厥維在斯南屏之麓祁連巍巍天  
馬雲掩明湖鏡開岳于精魄與爲往來聖朝表微哲人  
藏像四明淑靈百代瞻尙

張萱

不朽有三太上貴德指柱彝常為民之則有明末造魯  
邸蒙塵南畿失守賴有孤臣三十一城藉以恢復一十  
九年力支危局維公仗節凜然枕戈義旂直指邊顧其  
佗欲憑赤手廓清函夏豈知一木難支大厦鸞門振旅  
馬嶼興師臣力既竭以死繼之西子湖光南屏山色維  
岳與于貞珉竝勒盛朝褒卹炳烜乾坤衣冠故國碑碣  
新恩非絲之繡非金之鑄留貌丹青寶茲尺素

仁和 孫世學 文伯

張蒼水集 附錄五

十九 四明叢書  
約園刊本

天柱將傾一木何以撐地維將裂一絲何以結知不可  
為而為之秀夫文山公其師集著冰槎詩草奇零丹心  
碧血歸葬南屏

錢唐 朱成毅

孤著圖殘局遺容儼若生翁洲伸大義馬臬簡精兵地  
色三吳略天難一手擎南屏荒塚在高與岳于爭

東洽 林則徐

聖代重褒忠諡典光泉壤耿耿心不磨臨風每弔往憶  
昔明季時張公人共仰卅城不日收中興如指掌一木

竟難支精忠委叢莽至今展遺容神姿何英爽焚香一  
再拜臨風起虛愧

孫燮勳 鐵樓

紅日出海天宇清中涵搏雲跋浪之蛟鯨長星十丈忽  
墜地天門鼓角如雷鳴我聞明季有忠烈義旂轟舉鬼  
神泣三十一城不日收狼烽飛亂羽書急天心不與九  
廟靈竟使孤軍作雞肋英霍一潰大勢傾雨覆雲翻江  
月黑嗚呼秀夫蹈海拚一死鳳山血染苔花紫西湖往  
往見漆燈古來忠骨多埋此忠武岸北忠肅南鼎足三

張蒼水集 附錄五

二十 四明叢書  
約園刊本

忠相對峙惜哉簫鼓降靈旂不識真容空仰止喧傳公  
像出甬江英英凜凜蒼水張畫工極意摹壯烈忠憤滿  
腔摹不得惟餘嶺上萬枝松不改蒼蒼舊顏色

朱文翰

忠介集師迎魯王首先舉事蒼水張自天台還奉監國  
籌軍整旅殊威強翁洲之役廣集議上虞山寨從平岡  
田雄張杰王爾祿招徠峻拒詞堂堂鄭招討軍勢最盛  
要約莫肯相扶將孤軍獨出樹一幟滾江氣截長江長  
大義感人爭拜道船版張公姓氏香無奈天心判鼎革

子子孤忠暗自傷黃湓偷渡次祁門長亭召募空徬徨  
成功死矣大事去散軍懸壘走遐荒遙望南屏好山色  
于墳岳墓同褒揚

海鹽 崔以學 蒼雨

閣部收明局東南又有公讀書思往哲瞻像拜英風魯  
國相終始唐藩竟合同延平如聽筴半壁掌心中

獨與李<sup>長</sup>王<sup>勳</sup>軍屯田不擾民師中無義餉海角有純

臣荔子峰頭月鮎埼亭畔春朗歌文謝句一體共成仁

公<sup>有</sup>疊山遲死  
文山早之句

張蒼水集 附錄五

三四明鏡書  
約園刊本

十九年心事何如蕉夢長蘇卿寧貶節信國豈歸鄉鍾  
阜悲龍虎臨安感鳳凰好山千里望如畫亦蒼涼

已定采薇志蕭然滄海湄警關仗猿子賣主恨雕兒<sup>用</sup>

費史筆石園闕碑文雙韭彌騎箕今慰否正氣凜須眉

王 燾 梨門

曾向南屏拜墓門空山荒草夕陽昏餘生肯作黃冠想  
大地難消碧血痕海外冰槎歌正氣墳前杜宇哭忠魂  
畫圖省識英雄面重酌尙書酒一樽

草沒銅駝玉殿寒孤臣猶是漢衣冠平生事業皇天在

再造河山赤手難萬里滄波雙鬢白十年烽火寸心丹  
鬚眉不改英靈氣擬向凌煙閣上看

董 沛 覺軒

留得忠臣像鬚眉萬古新地無奔鬲路天重報韓人膽  
水殘山局峩冠博帶身凌煙高閣上肯與鄂襄鄰

謁忠烈墓卽以拜題遺像 無錫 秦 瀛 小峴

孤臣夜向翁洲泣要保殘明一點血淚痕滴海海已枯  
化爲精衛心不滅白楊何處弔西冷雲車風馬來南屏  
荒墳月出山鬼叫荔支峰下楓林青

張蒼水集 附錄五

三四明鏡書  
約園刊本

題張忠烈奇零草 鄞縣 王 燾 梨門

漢祚終難復英雄劇可傷君臣悲草莽生死繫興亡風  
景河山恨乾坤戎馬場千秋留正氣不獨是文章

書張忠烈公<sup>煌言</sup>采薇吟後

會稽 張 邁 哲夫

風雨厓山噩夢催運丁陽九總堪哀山中甲子隨春盡  
海上魚龍跋浪來辛苦不慚文相節艱難休說武侯才  
長江不盡東流恨占得湖山土一抔<sup>慈案公詩集曰奇</sup>

甲辰六月七日已被執矣詩數首耳茲張君  
詩題曰采薇吟殆於奇零草未獲一見耶

明張忠烈公手書睢陽聞笛詩墨蹟

仁和 李紹城 淡畦

睢陽城下援兵絕城頭笛聲夜嗚咽軍中聞笛氣慷慨  
吟成五字皆沾血前明張公竄海甸手提孤軍猶轉戰  
時危懷古更堪傷磨盾餘閒親筆硯嗚呼殺身成仁同  
一死千載忠魂竟相似君不聞金陵馬阮工填詞白綾  
小冊寫烏絲家山慣唱無愁曲長笛雖悲總不知

題張忠烈公石刻遺札

郭傳璞

光緒乙酉八月偶客西泠晤慈谿鄭君海曙以

張蒼水集 附錄五

三四 明叢書 約園刊本

所刻張忠烈公冰槎集手蹟訂本見遺敬賦長

律二十四韻奉報繕請點定

北極櫓槍互南都日月昏擎天摧一柱負海撤重藩命  
世丁衰運虜兵募宿屯六狂生竝起三佛地稱尊密布  
山爲寨分縹水作壘少康期反正靈武勦逆奔走檄傳  
江上全軍覆浦濱不圖高克潰空有褚淵存獨湖中流  
楫潛棲破瓦門假假新鼎革役役莽乾坤賣主遭青犢  
尋仇到白猿株連甘舊幕簿對殉司閹敢幻黃冠想奚  
鳴楮服冤倡酬娛請室餽問枉高軒赴義堅臣志成仁

懷聖言九歌追汨澤三表抵平原幽壤于墳拱穹碑岳  
墓鄰易名邀曠典觸諱救殊恩久歎冰槎軼常疑翠墨  
髡忽然披訂本直欲廢兼殮書勢含飛動精誠鬱際燭  
誰招蒼雪隱儘借絳雲燭小影摹鸞筆哀辭酌鶴魂多  
勞詒谷口寶貴百瑤琨

張忠烈遺硯詩

見磨齋詩集

定海 曹偉皆 莪肥

余於長安市得公遺硯裂紋斜圻完好如初左  
有銘二十四字隸書旁蒼水二字正書謹作詩

紀之

張蒼水集 附錄五

三四 明叢書 約園刊本

憶過夔天居讀公聞笛詩同鄉范我事秋江寒月  
落慷慨憶憂思宮井水已湮雪交亭久缺惟公激豪帥  
海上猶連師湖江越金陵傳檄到彭蠡一旦失所援傾  
厦無人支國步已云蹙臣節無可虧當時事戎旅何暇  
文字爲被逮繫錢塘揮濡幾忘疲聊以寄素志非欲求  
人知要其獨到處神采紛騰飛布囊富篇什一炬稀留  
遺公在錢塘獄時有求詩者大吏後輩得遺迹一字猶  
鐘彝詎意一片石流傳天之涯舊紋逾圻裂藉落存銘  
詞購求竟入手如接公光儀慚余愚且賤何足付畀之



願惟景仰心忠魂或憑依遂令扇與硯均爲同里私珍  
藏返句甬壁合交光輝

張忠烈遺硯歌

時避地舟山  
西垣屬作歌

上元

劉雲俶 寶函

吁嗟乎倒傾海水濡長毫難寫義士心勞切編摩崖石  
揮墨汁難爲孤臣罄歌泣有明忠烈蒼水公間關來往  
滄溟中百折不回冀恢復是何氣概真英雄千秋姓氏  
傳黃海一硯猶存甬水東吁嗟乎萬里河山都破裂多  
文士徒消滅無功筆硯直須焚百戰疇能挺奇節提師  
憶昔抵蕪城號召大義騰先聲傳檄幸能通郡縣貽書

張蒼水集 附錄五

三五 四明叢書

約園刊本

不克挽延平石頭鐵甕倉皇走英霍途窮空欲行痛心  
家國無收拾惟將一硯託平生讀公采薇吟一片忠貞  
鐵石心讀公北征錄載磨載勵何堅確讀公冰槎集淚  
痕隨筆淋漓溼讀公絕命詞不磨血性死何辭締結石  
交非一日竟與成仁萬事畢毅魄長留天地間歷劫不  
渝剛正質王君奇士非好奇讀書論世擴襟期感公忠  
義寶公硯珍藏重若鼎與彝我來海外探奇跡獲觀公  
硯爲深情不是尋常滑澤光墨漬爛斑凝血碧難與燕  
然竝勒勛數行古篆銘心赤吁嗟乎赤心與石結精誠

百計深圖事未成古來大節文山竝此硯何殊玉帶生

張忠烈公遺硯歌

楊泰亨

硯藏定海王西垣明經榮沐家余於咸豐辛酉

八月朔見之長八寸有奇高厚稱是西垣屬余

作歌

蟾蜍一滴蛟蛇擊誰其用者張忠烈哀哉故國無片土  
茲硯不與山河裂崎嶇馬角十九年中原虛喝張空拳  
側身天地成孤注采薇吟罷墨漬鮮公心如石不可變  
半壁南朝廷一綫補天無力起媧皇落落銘詞鑿石硯

張蒼水集 附錄五

三六 四明叢書

約園刊本

讀銘二十有四字字字如銘公素志忠肝鐵石夙研磨  
海上孤軍公舉義小臣拚爲高皇死瓦全不得玉碎耳  
視硯爲海筆束雲血戰龍腥上激水三十一城旦夕復  
鸚鵡往歌來卽哭蠟丸閒道失師期鎖鑰金焦坐棄速  
師行不戒羊山濤何物石君能遁逃壁友竝聯羅子木  
摩挲盾墨天爲高徵兵一紙淚眼枯偷安鄭經總非夫  
匆匆海水梵音亂糴舟未返公已倅山色好向南屏望  
青花未殉孤臣葬故老猶談劫燼灰世軸掀翻硯無恙  
吳山物色萬九沙海內典型文獻家多善陶法奉以走

夢隨飄瓦落天涯三甕老人亦好事得之陝右如彝器  
攜歸海嶠經兵燹瓦礫斜陽秋草地王郎博古翰墨藪  
購求公硯窮不醜我來海外訪成連翁洲風雨驚龍吼  
自昔石交零落存雪交老梅爲公壽南田不死死西湖  
湖海不枯石不朽吁嗟乎玉帶生卜卦硯文山疊山竟  
不面公之忠魂石一片

張忠烈公遺硯歌

王元圻 芹香

王郎寶硯踰珪璧重爲殘明忠烈惜忠烈苦將敗局爭  
補天無功遺片石衰尺有咫廣如之二十四字隸劃劃

張蒼水集 附錄五

二七 四明叢書  
約園刊本

磨劫不渝銘勒在明明爲表堅貞姿昔公誓師赴海縣  
移檄長江幾鏖戰陣雲翻墨天水昏氣振軍聲晴曜電  
無何陽九厄運遭一十九載心徒勞慨從被逮甘就義  
詞成絕命猶引毫殉身友僕惟恐後轉恨不予一攜手  
南屏悵別陝右奔滿目風塵眾增醜九沙三甕賞鑒精  
後先歡結文字盟物色今從楊太史招邀昌國歸四明  
人言神呵護我道忠魂附碧血爛斑繡石花二百年來  
質如故吁嗟乎志雖未遂名不湮錢唐義合柴市仁玉  
帶生應笑相慰吾曹亦復同千春

題張忠烈公遺硯

王迪中 硯雲

硯藏年伯楊理莽太史家長八寸有奇裂紋斜  
坼左有銘云投鼠支牀幾經磨劫堅貞不渝何  
嫌破裂佐我揮濡長此昕夕計隸字二十四旁  
題正書蒼水二字

山河破裂石猶靈想見揮濡照汗青片念同堅天日曠  
一軍傳檄海風腥負嶠自盡孤臣力入地難寬勝國刑  
可惜當時好山色不曾蘸墨向南屏

題雙忠書畫冊

一倪文貞公畫蘭石圖一張  
忠烈公自書江上聞笛詩

張蒼水集 附錄五

二六 四明叢書  
約園刊本

厲志

靈武靖康不可爲大江日落寒濤推攀髯駉龍追帝馭  
出郭望山遺賦詩二公心迹揭日月遺墨暗慘生塵埃  
媯皇束手已莫補睢陽在圍空自哀姚江董江水縈迴  
江頭蜀魄啼陰霾柳棺雙停無人哭南鎮冬青花又開  
倪文貞張忠烈兩公書畫卷爲范大我亭 永祺題

邵志純

南都事尙可爲倪尙書語史冊垂南都事不可爲張尙  
書起荒江陞兩尙書先後死名節兼通書畫旨倪公畫

蘭破陳格不著繁華著孤石張公手書聞笛詩中字  
字精光射嗚呼兩公書畫餘事耳長卷裝成誇合美姓  
氏由來重天壤後人寶貴良有以盡日空齋把卷看回  
首春燈與燕子

題明倪文貞公蘭石畫筆張忠烈公江上聞笛詩

幾合卷為葉琴樓作

尹元煒

鼎湖龍去頽陽滅滄海橫流大地裂誰歎慷慨誓捐軀  
前有文貞後忠烈兩公勁節世罕有一死長安一浙石  
只今遺墨留人間尙覺英光射牛斗祝融回祿不敢篡

張蒼水集附錄五

三四明叢書

約園刊本

輾轉今落琴樓手琴樓嗜古好弄賦閒來示我千縹緲  
沉復忠魂墨氣所凝聚尺素烈烈含秋霜我觀倪公畫  
嶢嶢一卷峙疾風勁草知勿渝石可朽爛心不死我讀  
張公詩江聲笛嗚咽舳樓焚香發長嘯老魚出聽潛蚪  
泣珠聯璧合聚光怪倏忽風雷起暗噫君不見衣雲閣  
下竹蕭蕭落日翁洲響暮潮萬事回頭如轉燭百年劫  
火已全銷此卷流傳至今獨不滅以手摩挲三歎息請  
君珍重慎勿褻此中恐有千載未化長宏血

題倪文貞元璐蘭石便面張忠烈煌言自書江上

聞笛詩合裝册子贈琴樓光祿 王 燾

琴樓手持畫卷長百尺呼我焚香拜毅魄摩挲雙眼翦  
燭看滿幅淋漓血痕碧知是忠烈之詩文貞之石殘牋  
賸墨落人間惆悵江山分半壁蘭葉森森不著花清風  
江上聞孤笛英雄豈屑事雕蟲聊借霜毫寫胸臆憶昔  
龍飛鼎湖水黃狐跳梁遂封豕杜鵑啼老海棠秋銅狄  
銅駝相對愁孝陵白日高皇哭寧武雄關亂飛鏃姜瓖  
唐通降表來大同宣府城門開題詩抱石淚如霰綱常  
羞殺卑田院藍袍跣足出宮門相隨只有王承恩天留

張蒼水集附錄五

三四明叢書

約園刊本

倪公作男子赤手攀髯髮上指破碎山河奉魯王南都  
更有張蒼水十九人中嗚嗷力挽天河回大造朗讀  
文山正氣歌丹心嘔出奇零草霜清月白城如斗鐵騎  
依然向南走五色文章鍊不成空費媧皇補天手血戰  
歸來白袍紫報國無成天意耳天意不諒人孤臣投繯  
死談笑謝羅生從容赴柴市海枯石爛孤竹裂一片精  
誠留素紙石勢崢嶸軒欲舉詩情激烈聲淒楚天半陰  
風捲雨過啾啾似聽忠魂語此卷舊藏石湖家卷係范氏舊物  
文綾玉軸籤紅牙名公鉅刺爭題跋陸離文采披雲霞

光燄上燭祝融怒號召喧呼紛攫捕萬卷灰飛獨無恙  
定知遺蹟神靈護琴樓君家翰墨高充屋六朝金  
粉半腰束千秋浩氣在乾坤莫共尋常書畫讀

題甬上范氏所藏雙忠卷卷爲倪文貞公蘭石畫

張忠烈公江上聞笛詩墨蹟各一紙調寄百字令

孫德祖

浙東人物染前朝碧血儘多同調殘局崖山全局汴殉  
國何論遲早玉碎蘭焚江淒笛怨合寫孤臣照海雲如  
墨幾人到此憑弔遺記旭始堂前壁策文錦渴筆題鴻

張蒼水集附錄五

三四明叢書

一約園刊本

寶文貞爲先院判公題旭始堂額辛酉已前尚無恙那更湘纍描恨譜印向奇

零殘藁紅藕湖秋白蓮舉夕綠遍孤墳草憑誰呵護劫  
餘此卷完好

范莪亭孝廉得二扇面一爲倪元璐畫石一爲張

煌言自書江上聞笛詩合裝成卷索題敬書於

後

趙翼

巡遠睢陽哀張陸匡門厄皆因同死事連傳在史策此  
卷兩忠臣先後廿年隔一攀鼎湖龍一銜精衛石死固  
非豫訂生井或未識手筆乃各傳無端作合璧四明范

莪亭夙有嗜古癖書畫廣購藏兩篋快新獲歎其義烈  
同聯之幅盈尺我閱倪公畫片石寫寒瘠想見骨力堅  
卓立千仞壁我讀張公詩聞笛秋江夕和以激楚音直  
迸煙竹裂二公染翰時豈意其素册遺墨一朝聚相映  
光愈赫遂覺橫卷中淋漓滿紙熱石無巨罅戴笛有老  
蛟泣當年滄桑痛耿耿尙如結兩氣化一虹雙血凝一  
碧自非搜剔勤曷萃此名蹟殉節前賢事表忠後人責  
縑素垂千秋應可慰毅魄

張蒼水集附錄五

三四明叢書

一約園刊本

張蒼水集附錄卷五

張蒼水集附錄卷六

題詠下文

張督師畫像記

全祖望

吾鄉傳張督師畫像者頗多其遺集卷首亦有之而神氣骨相各不同先伯母自黃巖歸予以叩之則曰無一肖者嘗聞先公於甲辰錢塘獄中曾寫一像當有存者汝盍訪之予乃貽書訪之萬九沙先輩而九沙曰有之因摹寄焉先伯母曰是已予遂取姚江黃先生之志楊徵士述之記及吳農祥傳讀於旁先伯母曰惟吳傳舛

張蒼水集附錄六

四明叢書  
約園刊本

戾無可信者然吾所記軼事雖毫忘十九尙有足以補黃楊之闕汝其識之先公生平不執宿見畫江之役閩中以詔書至張公國維熊公汝霖謂不宜開讀以阻軍氣朱公大典錢公肅樂恐啟爭端相持未下當時庶僚疏論此事者李侍郎長祥與先公有張而楊侍御文瓚右朱先公卽出揭力排楊由是相爲水火及議遣大臣入閩先公方以翰林兼行人請得輔行以折閩人之詰難已而楊之兄弟姊妹一門死義先公在海上貽書汝諸祖以爲媿良友今其牘尙有存也舟山之陷也張名

振初聞大兵三道竝出自以習熟形勢謂蛟關天險不可旦夕下乃悉其銳師奉王揚聲趨松江以牽舟山之勢是時先公亦爲所拉同在行間不料蕩胡失守以火攻死一夕昏霧大兵畢渡名振已抵上海聞變遽還則不及矣謂其輕出則可謂其奉王以逃則誤也是時名振老母愛弟妻子俱在城中卒以一門殉使其逃則何不盡室而行乎甲午名振邀先公入長江誠意伯劉孔昭亦同行或言孔昭先朝巨奸豈可與共事先公曰孔昭之亂南都擢髮不足罄其罪然當趙之龍輩迎降恐後獨全軍出海則尙有可錄者今託同仇之義以來疾之已甚恐其爲馬士英之續也聞者懼焉乙未名振病卒遺令以部卒來屬先公麾下始盛鄭氏遣人來通好先公言監國乾侯之辱鄭氏修唐藩頌詔之際也然鄭氏不肯負唐吾又豈敢負魯故雖與鄭氏合從而終爲魯鄭氏亦諒先公之誠也以公誼相重焉是時鄭陽山寨有所謂十三家軍者滇事之急先公嘗遣吳職方祖錫往說之令出兵撓楚以救滇而不克壬寅而後先公貽書汝諸祖以事不可爲欲散其軍然日復一日以王

張蒼水集附錄六

四明叢書  
約園刊本

在也直至甲辰王薨而後決計入山故采薇之吟自此而始先公有從弟從軍海上入山以後不知所終聞有冒其名至錢唐者為諸遺民所詰而去先伯母之所傳如此是時年八十矣牙齒俱脫懸畫像於房喃喃然且泣且語每語又於邑聞者皆泣下而督師之鬚眉亦浮動紙上予時年十八據觚而聽聽已即記之然其文章草未就也未幾先伯母返黃巖踰年而卒雍正己酉始重為詮次而記之畫像之首歐公記王彥章畫像多正舊五代史之謬者予文雖劣亦不為無補也

張蒼集 附錄六

三四明叢書 約園刊本

與趙谷林辨嘯臺集中紀蒼水事迹書

全祖望

吳農祥嘯臺集其文散漫冗長固不足言而所紀明季事尤失實如謂劉閣部中藻與李尚書向中揮戈海上大樽死於丁亥隆武亡於瞿臨桂死黔中陳大樽之殉節隆武贈官丙章格庵為閣部少宰信口妄言欺世人之不知愚不能屈指數也請但以張侍郎一傳言之其曰監國賜公進士出身授兵曹按公釋褐官檢討掌制詰事兼行人使閩非部郎也其曰改兵科監張名振軍出松江颶風

覆舟六日錢唐失守扈監國出舟山依名振名振死公領其眾舟山破扈監國至廈門按公由檢討擢僉都非兵科錢唐破監國至舟山黃斌卿拒不納監國入閩至長垣而公始監名振軍出松江斌卿敗監國始入舟山舟山破名振尚未死農祥所言無一不錯其曰是時隆武亡鄭成功聞監國至而喜來受約束迎公廈門按監國再由舟山入閩成功起兵已六年謂隆武至是始亡異矣成功以隆武與監國不相能始終不奉監國謂受約束異矣公與成功雖往還而未嘗合軍謂迎入廈門異矣其曰己亥之役琉球日本師皆會按周崔芝嘗使日本乞師不得阮美又嘗乞師俱在舟山未破之先成功未嘗乞師也其時成功全軍而出公以所部別為一營無外番之師也其曰河北圻南響應輦下議遷都以避則野人之言矣公師欲下九江以取楚聲息何能達近輔襲曹魏畏關公之語不知本朝德威之盛也其曰公之散軍脫歸九死一生惜無記錄之者然則農祥并公北征錄亦未見而妄為公傳無惑乎其妄言也至謂公屯田林門島中被執則不知公被執時已散兵謂公

張蒼集 附錄六

四四明叢書 約園刊本

子死白下則不知其在京口總之無一語足據者郢書燕說混淆信史吾不知其何意也農祥自負博物近則方文軒杭大宗皆力推之不知其言無足采也

張忠烈公遺像徵詩啓

徐淳泗亭

乾隆四十有一年我高宗純皇帝追諡明臣蒼水張公曰忠烈易名異代猶炳丹青補傳勝朝長留氣概廿載之孤忠斯慰千秋之曠典恭膺以視赦季布之誅崇余闕之祀者不尤幸歟何其盛也公有遺像藏自先人什襲以珍六丁斯護鬚眉勁挺骨格清癯寫警欬而如生

張蒼水集 附錄六

五四明叢書 約園刊本

覺憔悴其可憫惟公慷慨尙義跡弛不羈一騎若飛三發皆貫當鄉薦之伊始卽國步之方艱濤翻炭海日隕煤山魚羊食人龍蛇厄運烈帝遐升北闕赧王失守南畿乃有遺臣圖存故國爭迎魯邸新唱錢來稽山之甲楯五千江岸之軍屯十七公招兵媽魯扈主翁洲流離鼇島之間屯練鷺門之下諸將已皆挫衄鄭氏且有訾嫌爲唐爲魯旣各奉其君若張若黃更交構其隙公獨周旋悍帥之府籠絡義旅之心潛入吳淞頻居台越合清河之眾出沃海之師遂掠丹陽進窺白下遙瞻石闕

望祭孝陵乞九廟之威靈誓三軍而慟哭顧乃上游失信左次空還旋統名振之軍再結成功之約山羊啖而銅棕碎江龍斷而鐵鎖開礮火灼夫舵樓雪浪濺其巖帳秣陵烽急瓜步雷轟鄭自京口而南趨公自蕪湖而東徇時則艘未盈百兵不滿千連下三十一城祇及旬有五曰神機捷於風雨黎獻慰其雲霓幾幾乎大義同伸中興可冀矣不謂成功敗北變計東歸遽撤鎮江之舟圖霸臺陽之島公以孤軍獨留重地遂潰師於英霍爰遁迹於岩巖還駐天台仍集故部惠溥陂塘之利恩結隴畝之歡有茲一旅一成終欲十盪十決旣乃親王弗祿率土皆平清涼夏社祇有巢人斬絕姬宗寂無宣靖天柱難擎於一木地維詎繫乎單絲公卽解散部曲棲遁巖阿參軍侍史猶從從叔家人早逮仙鹿隨夢神而逝靈猿引邏卒而來桐棺之餘米未餐竹籬之遺編若燕西市就鳳山之麓南屏崇馬鬣之封蓋從公之命欲與岳于而爲鄰而論公之忠則較文謝而尤苦也恭際不諱之朝每興追慕之感尙書集在笑貌猶新遺挂圖存清高可仰所冀學林威鳳韻府文獅惠以瑤華泐

張蒼水集 附錄六

六四明叢書 約園刊本

之石墨搜軼聞於浙水傳寶繪於甬江益增松柏之榮  
抑亦粉榆之幸也道光甲午夏

壽鏞案蹇叟以斯啓文筆庸陋似不足存竊謂徐  
泗亭家藏先生遺像出而徵求海內題詠使忠義  
之氣不致泯沒豈可以文之優劣論耶

張忠烈公像贊 并序 宜興 吳德旋 仲倫

勝國之季鄧張忠烈公事魯王以一身膺重任歷艱危  
者十有九年卒之從容就義忠蹟彪炳史乘黃梨洲徵  
君既誌公之葬其後全謝山太史復撰公神道碑銘益

張蒼水集 附錄六 七 四明叢書 約園刊本

詳哉其言之矣徐君泗亭夙秉懿德之好尤切桑梓之  
慕以公遺像徵題敬為贊曰

烈烈張公遭時之艱有赫帝命曷知其遷大厦之傾許  
身一木孰與為旁疇員於輻豈曰失圖險不可踰日之  
暮矣云何其吁臨危致身既鞠既瘁困上滅頂志亦云  
遂廬仁襲義終焉處休舍生獲所抑又何求仰瞻光儀  
式欽遺則頌聲洋洋垂之無極

題張忠烈公遺像 童 槐 尊君

前六十年吾宗老以六月九日會同人城北祀蒼水公

歸語客曰往年但剪紙為神主今乃有人出公獄中像  
瞻拜幸甚因具道公狀貌客色駭連詰像藏誰氏蓋一  
發難將立禍者宗老笑斥之喻以朝廷曠典方專諡公  
曰忠烈矣乃逡巡避去既而有書備受富人雇為繕公  
奇零草竝代覓工繪像卷首者忽相約獻之官欲以違  
悖制富人良久方解是時錫諡蓋已十載餘猶尙如此  
及嘉慶戊午余在武林以寒食拜公墓則丙辰詔舉孝  
廉方正之徵士吾浙十一人咸在或議樹碑以彰褒諡  
且欲購公像上石萬近蓬先生福其祖父故謀葬公者

張蒼水集 附錄六 八 四明叢書 約園刊本

私謂余曰當時之人度朝廷視公為擾攘草澤故從而  
詬病莫敢贊公一詞豈知聖度如天披發白日若此哉  
余因對華表占句云神化留丹青人情枉翻覆蒼蒼南  
屏山見公真面目此數事常往來余胸中不能釋者今  
徐孝廉忠代其宗人屬題此卷余思公事詳南雷鮚埼  
兩集鴻筆之人自必能藉以發藻抑天褒震耀萬古奚  
更需揚挖為獨數十年來國恩所被收藏家得無意外  
之虞以至於今是其可深幸而更宜慎守之者觀縷書  
此誌幸也道光己亥九月朔



錢唐趙之琛次開

忠烈張公大名垂於宇宙史冊昭昭奕禩無不景仰曩在吾杭何丈春渚家見有小傳一本係陳句山太僕所作載公生平行事甚悉余甚愛之惜以價重未得購求余家亦舊藏有公手書尺牘及詩彙裝潢成冊寶若連城暇日燕鷓鳩斑偶一展玩令人欽仰不已今林君雲樓從甬上歸來出示公像云是徐泗亭所藏鬚眉蒼古忠義之氣湧於眉端何時得三者合成一冊即南面王不易也道光丙申二月十九日觀於補羅迦室并識數語以質雲樓并質之泗亭

張彙集附錄六

九四明叢書約園刊本

句吳錢泳時年八十有七

余自乾隆四十一年以後即往來杭州每至湖上必謁表忠觀及岳鄂王于忠肅張忠烈諸公墓下仰瞻松柏俯視几筵輒令人慷慨悲歌而不能自已也偶見甬東徐君泗亭所藏忠烈蒼水公畫像而又屬西梅顧君縮臨小卷即以刻石適余將回吳門不及賦詩作讚於後聊書數語以志泗亭博雅嗜古表揚前哲之義云

翁洲厲志駭谷

往從諸君子與祭於佑聖觀瞻公遺像烏帽緋袍面長

一尺眉高於目寸有二分顧與耳齊鼻中懸如柱鬚五出索索如有聲目平視而微俛黯然若有憂色夫公與定西侯奉魯王出翁洲定西死而兵屬公十九年任大責重公之有憂色也固宜至其道服乘輿來武林正命之日猶歎賞南屏山色之佳則可知公之知不可為而為之者特以求遂其志而已矣此小像甬上徐君泗亭家藏謂是其先世留遺當時繪於獄中者公獄中所為詩文讀之悠然怡然如在江湖不覺其為縲絏中人今觀其標石兀坐悠然怡然又可想見公在獄中作詩文時意像信在江湖非縲絏中人也以此為獄中所繪或可信歟

張彙集附錄六

十四明叢書約園刊本

胡敬

甬上徐氏寶藏蒼水張公像云已三世今從馮君秋田郵示索余跋語夫公之為人誠千古所景仰而徐氏又遍徵題詠使忠義之氣不致泯沒於天壤其志誠可嘉也天下忠義男子孰不當鑄金事之丙申四月題

陳勸詠橋

吾堇城北徐氏舊藏張忠烈公遺像已歷三世復倩顧君西梅摹為橫卷廣徵題詠童尊君師特著乾隆嘉慶間近事為收藏家幸時為道光己亥越成豐辛酉粵賊寇郡此卷輾轉流落明年寇退有攜此求售者純舫童君素欽張公忠義大節且以先人手澤所在出重價購之屬題數語使展卷者知流傳之緒焉

案童君二字原作五世兄

任邱邊葆誠仲思

明季死事諸臣如張忠烈公及瞿留守被執不屈從容就義迹略相類然留守時永曆尙在据粵西地猶冀可

張蒼水集附錄六

十一四明叢書約園刊本

以有為公則監國已亡故地已失蒙犯險難獨以其身著人臣之義而持明運之終此固論人者所深惜而千古所同悲矣公會駐兵林門至其被執稱在懸壘同治乙丑秋海寇竊踞南田官軍往勦余身在行間訪公遺迹偏歷南田一百八嶼無所謂懸壘者惟樊輿一島峻拔雄奇据全山之勝意公結茅當在於此樊與懸音相近載記所傳或語訛耳余嘗議於樊輿林門兩地為公建祠公弟嘉言子萬祺及從難之羅子木楊冠玉均得附祀因地屬禁山不果迨南田得請弛禁而余亦旋去

官矣歲戊寅余將移官江蘇同年童純舫農部出公小像屬題薰沐展卷肅然起敬公之書法鄞故家尙有存者尙異日建祠南田卽以此像及公墨蹟上石俾垂久遠庶公之靈爽可遇諸層巖疊嶂間乎

楊泰亨理菴

光緒庚辰九月七日為張忠烈公康熙甲辰正命之日童純舫農部集同人於舊第中像設而祭泰亨與焉因得瞻禮是卷急請歸屬工別摹一幀以為辦香之奉公之事蹟具在史冊正氣彌綸於兩間非唯浙東人士所

張蒼水集附錄六

十一四明叢書約園刊本

得私其欽瞻泰亨為公鄉人同治甲戌秋郡人醵貲祠祀公於會垣眾安橋宋岳鄂王廟右以公獄中詩遺蹟上石寘諸祠壁且營享堂於南屏山墓所至丙子春次第落成泰亨得襄其役嚮往之私竊用自慰曩者多方購致得公墨蹟巨幅一屏幅八比又得公遺硯一方於翁洲王氏篆二十四字則公手製銘也忠肝義膽一展觀而如或遇之謹什襲以為家寶附志於此以誌後之景慕我公者

南屏社簿序

童揆尊 純舫

同治壬戌郡城初復王英甫舍人茂煥於營卒處得忠烈張蒼水公遺像一卷示余因出重值購之昨歲七月章葉卿舍人蓋攜一立幀來則慈水鄧簡香勳所藏余又購之見狀貌清癯兀坐石上面帶憂色與前卷逼肖余既珍藏前卷將此幀重付淩池糾合同志結會以祀公每歲值公生辰六月九日及成仁之期九月七日皆設祭夫公生卒設祭自雙非全氏始踵之者已不乏人余之斯舉專為輪藏遺像而設定海厲慕韓學潮謂其先人駭谷先生志有題誌決為獄中所繪此幀蓋即摹於此

張蒼水集附錄六

十三四明叢書約圖刊本

卷者冠履衣飾曾不少改余先君亦題於卷端述乾隆初欲以像嫁禍事甚悉則斯像顧不重哉因名其社曰南屏凡簿正祭器皆列於冊願我同志永傳是會以保是像於勿失焉壽鏞案斯序據蹇叟刪節者刊之

雙忠硯室記

會稽孫德祖彥清

物聚於所好珠玉錦繡服玩之屬之可以財力致者不與焉其在圖書金石彝器古人靈爽之所憑固將呵護於冥漠而出之於歷劫之風霜水火待其人而傳之世有專所好者神與迎斯合矣嗟夫植兩間之正氣扶

千古之大節而片石磨其碧血貞珉勒其忠肝有若雙忠硯者由勝國已來閱二百餘年而聚之於慈谿楊太史泰亨之室非偶然也太史勵學好古尚友襲哲鄉先正之以忠節傳者尤珍其手蹟寶若球琳嘗以兼金購得鄧張忠烈公草書巨幅什襲藏之洎光緒己卯而獲忠烈遺硯於定海王氏視之脩可四寸廣有其三之一裂紋斜上勒銘其左公手筆也有曰堅貞不渝何嫌破裂蓋奇零屬草石亦慘傷固已金甌俱缺矣萬九沙得之吳山書肆不知何年流轉入陝嘉慶朝定海曹偉皆

張蒼水集附錄六

十四四明叢書約圖刊本

官於其地物色以歸英吉利之燹淪棄荆礫王榮沐收之而歸於太史明年而趙戶部家薰獲上虞倪文貞公之硯硯之銘凡十二言亦文貞所自製兼勒小像於其背須眉疏逸紫拂豪芒拭背方畫僅乃可察然而淳淵崎嶇英氣儼然洵瓌寶也中間收藏者凡幾姓亡所於攷意其再更夷粵之變不玉碎者幾希乃完而屬之戶部太史以為得是而忠烈之硯不孤也從而求之戶部亦無所斬從而歸之乃合二硯置以文檀設以蕃錦潔精舍而並弄之謂其室曰雙忠硯室又明年以示會稽

孫德祖爲之記德祖文貞郡人先人院判府君文貞執友也文貞嘗爲先院判顏其堂曰旭始而以百年燕翼承前哲萬卷貽謀啟後人題其楹楮寇之難做廬燼焉寶墨劫灰蓋精氣猶懸於心目而鄞范氏所藏文貞蘭石畫簞忠烈江上聞笛詩草合之以爲雙忠卷者德祖嘗填詞於其尾及觀斯硯有以贍先正之遺容想見我祖之與其晨夕而以文字相贈貽也可不謂厚幸哉慨夫有明甲申之事攀胡髯而上升者吾越施忠介周文節諸公光照汗青而文貞實爲稱首渡江而後則明州

張蒼水集 附錄六

十五 四明叢書 約園刊本

忠義肩比踵接至忠烈就逮於懸壘而後朱家殘局死灰不然太虛浩氣畢萃於浙東矣二公者居之相去百有餘里文貞之以大司馬筦中樞也忠烈方罷公車居於鄉其生平殆未有一日之款曲何況正命之日中更三紀乃雙忠之卷既合之范氏而雙忠之硯復聚之於太史之室竊謂谿上界乎明越之間東望赤堇不隔雲煙西瞻稽陰僅限帶水將使江山故宅魂魄猶存手澤所經精神斯屬茲二硯者勿亦二公之靈寶式憑之而聚而傳之於太史之專所好尋常財力之所能致者固

不可同日而語也抑亦有以見太史之嗜好殊俗而聚之之洵非偶然焉

張忠烈遺硯跋

萬經授一

讀銘詞見公忠烈之氣隨在流露經於吳山書肆得之裂文斜圻完好如初手澤所存默有呵護者矣雍正甲寅九沙萬經敬識

王榮沐

忠烈公遺硯經萬氏之後不知流傳幾姓嘉慶間吾邑曹潛齋先生偉皆自號三瓊老人爲陝右貳尹得之如

張蒼水集 附錄六

十六 四明叢書 約園刊本

獲拱壁徧告同鄉徵詩紀幸道光庚子三瓊後嗣攜歸故里會遭兵燹復遺棄於瓦礫間沐百計購得之每於明窗淨几焚香端坐摩挲舊物雜誦銘詞并朗詠采薇吟奇零草北征錄數過精神激越如聞警教之聲而公之正氣乃長留於宇宙間矣勿僅作文房寶玩也咸豐十一年辛酉八月四日定海西垣王榮沐敬識

緒己卯秋歸慈南經畬塾楊氏以百金質之云

王慈案硯於光

前明張蒼水尙書煌言破硯題詞

臨海 宋世舉 礪山

蒼水自銘曰投鼠支牀幾經歷劫堅貞不渝何  
嫌破裂佐我揮滿長此听夕八分書款蒼水二  
字昌國曹少府偉皆得之陝右市肆中索題

天枯海竭曾訂石交投鼠支牀猶留墨繡摩挲太息  
縷長言去以尙誓志切移山技窮返日礪厓已覆憐塊  
肉之僅存種蠶并殲矢裏尸以報國當夫烏沈匪壑螳  
奮當車招揭竿斬木之徒支牀水殘山之局蠟丸封去  
烽火倏達於金陵羽檄草來樓船尙環於幕府惟此硯  
供其揮灑鑒厥忠誠助墨海之波濤走筆鋒之精銳鳴

張蒼水集附錄六

十七四明叢書

約圖刊本

呼何其壯也洎乎長城竟圯大厦全傾崎嶇趨鱷之鄉  
破碎山河之痛贖芙蓉之一片浪說補天弔羅薛於三  
生幾時填海歌成正氣鳳味爲之銜悲賦就懷沙唯眼  
爲之滴淚旣而林猿不叫楹虎就擒後至終戮夫防風  
先鳴難貫夫郭最攀龍髯而有路甘作周顧騎箕尾以  
長征仍持漢節而此硯未淪海底尙存人間氣欲貫夫  
白虹名直齊夫玉帶休嫌破裂試招屈子之魂怪底爛  
斑定染萇宏之血三百年蠹沙劫換百不能言廿四字  
鴻爪痕留銘遺可讀

壽鏞案此篇見  
嶼山駢體文鈔

題張忠烈公石刻遺札

孫德祖

德祖自束髮習史事竊聞之先大夫謂宋之亡也以厓  
山明之亡也以懸壘兩張公者一息尙存雖天命有歸  
而兩朝統系猶未絕也由是始知有鄭張忠烈公歲己  
巳與修郵志於范氏獲見雙忠卷其一爲忠烈公江上  
聞笛詩爲題百字令一闕今來與修慈谿志於楊氏雙  
忠硯室獲見忠烈遺硯又爲之作記則皆與吾越倪文  
貞公爲合璧蓋自聞庭誥於今餘三十年再克遂其嚮  
往之私矣今年冬志事告竣且別去鄭君海曙以冰槎

張蒼水集附錄六

十六四明叢書

約圖刊本

集見遺則楊氏所刻海東逸史忠烈傳附注七律五首  
及江上聞笛一律皆在焉蓋忠烈就逮後獄中手書亦  
范氏所藏海曙購以兼金不可得因假以摹勒上石者  
也忠烈正命武林墓在湖上宜有祠粵難後建造墓祠  
又修復岳鄂王廟當事者議以廟墮隙地助爲忠烈祠  
海曙力任興築祠成而此石刻適斷手遂奉以嵌之祠  
壁祠之建海曙旣出資爲倡其工力皆出自四明吾聞  
江上之役明州忠義爲多宜其風烈所傳至今多好義  
之士不惟敬恭桑梓私於其鄉先正也海曙名寅慈谿

半浦人其族祖秦川先生濠亦明室遺老行蹟類天水所南翁舊志有傳今志德祖所修訂也

張蒼水先生墨蹟跋

錢維喬 竹初

右張蒼水先生遺翰前後無款惟首署玄著印一先生諱煌言字玄著國朝康熙間

張美湖案曰此誤

追諡忠烈此彙

乃先生手贍雖改竄塗抹字字皆有規矩不失常度實為奇蹟洵足寶諸盥讀之下令人肅然起敬想見孤忠大義益然溢於天地間矣至其時事詳載誌乘茲不復贅我亭范君出以示予因識數語乾隆四十八年歲在

張蒼水集附錄六

十九四明叢書

癸卯九月望日昆陵錢維喬跋於四明官舍

跋張忠烈公墨蹟

王家振

張忠烈公墨蹟藏鄭范氏光緒初元鄭君海曙借摹上石揭諸忠烈祠壁為文一詩四十三詩餘七所謂被執在獄中遺稿也忠烈所著奇零草采薇吟詩也冰槎集北征錄文也其書未付削氏傳鈔之本遍于鄉國此册乃公手書流逸之中時露勁氣間有塗乙點竄處核以請本齟齬尚多莫知適從予謂奇零草冰槎集宜錄其長者若采薇吟則當以此册為定本以出公手書故也

忠烈生平世以方文信國其忠義氣節真不相下即詩若文亦文山之亞以此知匹夫雄民能激一時之義至夫春容計畫百折不回非知道而能文章者不足與於斯也今夏四月邂逅鄭君於邑西善堂予與棠齋詢以此册鄭君見遺一帖遂跋數言於後

再跋張忠烈公墨蹟

王家振

壬辰午日日下遷會虞君印軒棹西津詣周氏觀藏卷周君瑞卿出示蒼水先生遺墨凡二十頁予取教忠孝堂石本讎之多七律一首題為感懷步扇頭韻遍檢全

張蒼水集附錄六

二十四明叢書

集無有也其紙幅實於石本者寸字亦較大明窗展玩

光彩奕奕逼人視石本索然矣大抵雙鈎雖極精工恆形不副神况未必工乎詩中途乙改竄間有不同莫辨為初定本其非贗本則斷斷無惑也未附乾隆癸卯前鄭令昆陵錢維喬跋語謂范君莪亭出以示予石本則錄范君自跋兩册似不相謀先生當日稱情落筆其遺翰或尚不止於此而范君先後獲此雙璧而其子孫不能世守物以好聚聚無不散良用惋歎感懷詩曰誰復高樓醉月筵到來天半落青霞葡萄宛馬風塵暗蘆荻

驚鴻雪影斜山寺磬中吟桂子江城笛裏賦梅花可憐  
燕趙多遊俠不及投金一浣紗似亦羈囚中作異日有  
爲先生全集計者次補采薇吟後可也

祭蒼水張公文

以下文三篇均見  
鮑琦亭集外編

全祖望

嗚呼十九年之旄節此日全歸三百載之瓣香一朝大  
去漢皇原季布聖朝之大度如天柴市瘞文山異世之  
孤忠若一爲問南屏深處孤魂已爲忠武忠肅之鄰試  
看朱鳥飛來野祭半在重三重九之日惟茲枌社雖甲  
乙之侶無存瞻彼蠅灘顧蘿葛之遺未替適逢忌日薄  
薦生芻泐遺事於七十八歲之遙若存若歿夸豐功於  
三十一城之捷可涕可歌固知此志之長存更幸熙朝  
之不諱重歌薤露以當平陵

台祭錢張二公文

錢公以六月五日卒  
張公以六月九日生

嗚呼瓊琦江上溯往事以魂消雍睦堂中間遺年而腸  
斷豈意上相歸魂之日正值元樞降嶽之辰前輝後光  
同符合撰悲風來黃檗百年尙有孤兒夜雨落南屏一  
綫更歸何處古稱忌日不著生朝屬在故人何妨台席  
敬陳二簋以迓雙車

張蒼水集

附錄六

三

四明叢書

約園刊本

四明談助蒼提督保一條又云公苗姓世爲旗弁嘗  
語黃東井曰吾姓非苗也祖上爲鎮江都統有故明  
忠臣張氏者其子執於鎮江祖上憐其忠密爲娶婦  
生子而以爲己子以至於今吾張氏也東井聞此語  
筆於蒼公傳後以爲世傳蒼水有子存於旗下其言  
猶信慈放蒼公任浙江提督時在嘉慶三年此說謝  
山先生固未之聞也故文中有一綫更歸何處句王  
慈識

台祭錢張二公於砌街李氏文

張蒼水集

附錄六

三

四明叢書

約園刊本

嗚呼義公魯公爲梓里忠貞之重此堂此祭原砌街文  
獻之遺黯淡南雲魂魄化爲朱鳥蕭寥北郭精英猶在  
蒼宮唯甲乙之子弟尙存卽蒿薤之哀思弗替敬陳明  
水酌茲忌辰謹以李氏宗海先生某堂先生配席尙享  
旌忠廟祭正室錢張二公文

黃桐孫

孤臣九死之心莫扶墜日聖代十行之詔深恤遺忠恭  
承綸綍之頒宜潔蘋蘩之薦惟神畫江翌主浮島麾軍  
勵身世於滄桑幹乾坤於板蕩志同張陸在天籲十三  
世之靈事異宗韓亡國綿十九年之緒一呼而摧閩嶠

三度以震吳疆風馬雲車頻戰怒濤於東海心城血路  
幾開半壁於南天碧血終埋丹忱未折久蒙盛典敢布  
明禋嗚呼返文山之骨燕市招魂收國子之元齊廷著  
節今則瓊琦南驚羅刹西流空思表墓於他鄉幸奉崇  
祠於故土廟麗膠庠之右近接馨香時逢霜露之需同  
歸屏蠻衣冠漢相羣瞻舊日之儀型介冑殷遺其沐興  
朝之雨露魯社則僮殤竝祀下家宜父子同登某等居  
梓里以仰精忠卜良日以陳俎豆春秋時獻與雙湖日  
月而俱長檐宇憑依偕泮水宮牆而竝永敬奉侍從某

張蒼水集附錄六

三三四明叢書  
約園刊本

某耐席尙饗

見四明談助

楊氏經畚塾祭文

楊家駒

嗚序維公大節異代孤忠維公偉烈震耀浙東緬公降  
生明敏軼類奉使行人錢來起義從魯入閩成功合兵  
遵漢正朔響應諸城大事再去遐迹南田妖僧偵謀飲  
刃呼天頭則可斷膝不可屈文山疊山庶幾志節天子  
褒公崇封綽楔士民仰公享祀勿替南屏荔子靈爽式  
憑山川修阻鞠踞不勝爰就鄉塾肅奠椒漿敬恭桑梓  
鑒此馨香

明張忠烈公墓石記

邵志純

皇帝御極之四十一年詔定勝朝殉節諸臣錄凡三千  
六百餘人其通諡忠烈者百二十四人鄭蒼水張公名  
煌言者赫然在其列越十六年壬子公故人萬斯大之  
孫福謀立石於墓之門海寧陳鱣大書曰皇清賜諡忠  
烈明兵部尙書蒼水張公之墓嗚呼公亡百三十年矣  
當我大清兵之南下也名城大邑望風瓦解其時重臣  
宿將投戈棄甲北面新朝爲前驅以圖功名者豈勝數  
哉公顧以一孝廉逆魯王爲建國管率所部集譚家洲

張蒼水文集附錄六

三三四明叢書  
約園刊本

舟皆衝飛礮以渡及鄭成功圍金陵公別略地至蕪湖  
而成功驕不受要約師先潰下流道梗公乃間行走天  
台以集散亡軍復振厥後魯王被成功害公始竄海上  
然且招之不至威之不降殺其身而不悔夫豈不知魯  
王之弱成功之驕不足與有成歟大厦之傾非一木所  
能支歟又豈豫計身後之榮名而好爲其難歟乃自起  
義以迄於亡積十有九年之久自古亡國大夫抗命新  
朝未有如此之烈者洪惟我皇帝度越天地德邁隆古  
發史家未有之公論植萬世忠義之大綱凡皆之爲前



驅以圖功名者類標其名曰貳臣分爲甲編乙編矣如馮銓龔鼎孳輩之曾給美諡者且按名追削矣梁雲構衛周祚之曾祀鄉賢者又廷議撤出矣而十九年抗命之孤臣轉得邀國家易名之典則今立石表墓之舉所以昭聖度之宏勵臣道之防者甚鉅志純幸與斯役執筆以紀誠非有私於公爲之闡潛德而發幽光者比也公字玄著蒼水其號墓在西湖南屏山荔子峰之下北嚮塚凡三公居中旁則葬其幕客羅子木侍者楊冠玉及舟子一人間之長老言渴葬時以尺許端硯刻姓氏

張蒼水集 附錄六

三五 四明叢書 約園刊本

天子廣大之恩以表其墓者志純尤樂得而記之也  
書張忠烈公墓石記後 無錫秦瀛小峴  
國初浙東鄞縣錢公肅樂以勝國舊臣首創義旅起海上而張公煌言實襄其役公之死以康熙三年甲辰於殉節諸臣中死最後故參軍羅子木門人王居敬侍者楊冠玉及舟人從公死鄞人紀五昌出貲購公首葬諸西湖之荔子峰下公死後閱百十三年特荷今皇帝褒錄賜諡忠烈乾隆五十七年其鄉後進萬福陳鱣等立石墓門而錢唐邵志純爲之記嗚呼天之棄明久矣方公督師行間明命已訖公詎不知事不可爲而乃流離遷徙之死靡他其自九江遁還歸隱海南嘗自製一棹置寺中俟糧且盡死有兩猿守之有警猿必跳躑哀鳴蓋公之精誠亦足以動天地泣鬼神矣姜西溟氏序奇零草謂齊武帝令沈約立袁粲傳元爲宋李芾建祠明長陵不罪臧方孝孺書三者皆帝王盛德事今天子詔錄遺忠其抗命本朝者均予易名之典尤爲度越千古而浙中士夫尙節好義訪公之墓設祭立石其事皆可書公官或稱兵部尙書東閣大學士或稱兵部侍郎或

張蒼水集 附錄六

三五 四明叢書 約園刊本

稱權兵部尙書兼翰林院侍講學士今墓碑稱兵部尙書者蓋以公之死浙江總督曾以其尙書印上之以是稱兵部尙書云至公之事蹟已見於黃梨洲先生墓志全吉士祖望神道碑銘及志純所爲記不復詳

按梨洲先生墓志全吉士嘗其多疏漏且當公藁葬時未識曾納諸墳否吉士文甚詳備而辭太冗今公神道亦無是碑得邵子是記公不朽矣 又記

張蒼水集

附錄六

三七

四明叢書

約園刊本

張蒼水集附錄卷六

張蒼水集附錄卷七

人物考略

國朝黃仲則先生兩當軒集附錄先友爵里名字考一卷其以先友稱者考爲黃氏後人爲之也茲援例以作考略於名無取焉故但曰題中人物而已說所從出隨所見書紀之惟傳列明史者則曰明史有傳不更詳他書所出如府志有傳者則不稱及縣志焉有所不知蓋從闕如但仍列其目曰某某而紀未詳俟考四字於下 後如別有考得者擬此條下注曰補

張蒼水集

附錄七

一四

四明叢書

約園刊本

見後三字至於次序先後隨見隨錄不復以詩文篇第爲準凡重出者從省不復列目云慈禱昧遺漏多人愧未詳盡獨念張公所與交者爵里名字藉見一二斯則知人論世之微意爾所期諸君子匡我不逮他日作爲重考俾後之讀者一無缺憾豈惟是慈爲之快靚已哉歲在光緒乙未孟冬全泮王慈識

案王氏考略原分冰槎集奇零草雖云隨見隨錄不復以詩文篇第爲準然細爲勘比條理井然攷

四明清詩略續稿君字學洙絲谿人已酉徵舉孝廉方正著有蒼水集校勘記四卷散見於鄧刻本考略其一也今重付梓仍其原文惟全集編次先後既易則人物參考未能悉循舊轍更爲編定綴補一二若云作重考固未能也癸酉夏張壽鏞識

奇零草  
安昌王 名恭楊楊或作棍爲周藩安昌王長子淨海朝唐

王封安昌王張公肯堂議行日本乞師之說嘗請王偕行張定西王朝先輩討黃斌卿又嘗與張公

張蒼水集附錄七 二四明叢書 約園刊本

肯堂上章待罪且爲之議和於諸營見張公年譜及海東逸史東南紀事

黃虎癡 名斌卿字明輔福建莆田人海東逸史作興化衛人其

先以禦倭功授千戶父奢死崇明之難又晉世襲

崇禎末爲翁洲參軍福王時陞九江總兵改廣西

征蠻將軍未赴唐王立擢水陸官義兵馬招討總

兵官封肅鹵伯太子太師賜尙方劍印屯舟山後

晉爵威鹵侯性沈毅好聚書夜讀史雞鳴治軍日

以爲常著有來威堂存彙東南紀略駢麗疏鈔閩

浙雜詠凡數十卷己丑九月全撰張公年譜作庚寅年爲諸將所討沈於水死國朝賜諡節愍海東逸史東南紀事及福建通志均有傳

張侯服 名名振山西人南京錦衣衛籍鮑琦亭集作南直隸江寧

崇禎末以副將任臺州石浦游擊封富平將軍

乙酉杭州失守潞王降浙東起義以兵赴之魯王

監國封富平伯江上師潰棄石浦扈王出海投黃

斌卿於舟山不納遂飄泊海外反王居廈門晉爵

定西侯討斌卿後王駐舟山加太傅當國政舟山

張蒼水集附錄七 二四明叢書 約園刊本

陷居南田屢經提師北發乙未冬卒遺言以兵歸

張公張公爲葬於蘆花畧海東逸史東南紀事及

南疆釋史均有傳據朱氏讀書志稱張父曰少溪其弟曰名甲名揚名遠繼榮則

爲名衣見帝里人文略一篇

張鯤淵南疆釋史小賦紀年鯤均作鯤名肯堂字載寧華亭人天啓

乙丑進士崇禎末以僉都御史巡撫福建乙酉南

都亡鄭氏擁唐王入閩以勸進功擢兵部尙書改

掌都察院事尋復加少師少保兼戶工吏三部尙

書丙戌八月閩陷飄泊海外嘗出私財募兵己丑

十月至舟山魯王拜為東閣大學士加太傅張定  
西奉魯王搗吳淞以為留守舟山破衣蟒玉南向  
坐從容賦詩自縊死國朝賜諡忠穆明史有傳

朱聞玄 名永祐字爰啓南直隸上海人崇禎甲戌進  
士授刑部主事改吏部文選司罷歸南都亡豫於  
松江陳夏之事唐王立以郎中召改戶兵二科都  
給事中遷太常寺卿兼原官張公肯堂薦為北征  
監軍閩中破魯王擢拜刑部侍郎監軍如故尋轉  
吏部左侍郎舟山建國晉工部尚書仍兼吏部事

張蒼水集 附錄七

四 四明叢書  
約園刊本

辛卯城破執之令跪挺立不屈大罵而死國朝賜  
諡烈愍海東逸史及南疆繹史有傳

徐闇公 名孚遠號復齋南直隸華亭人南京刑部侍  
郎涉曾孫崇禎壬午舉人兩京陷與夏允彝陳子  
龍謀勤王不克遂間道入閩唐王時由司李加兵  
科給事中閩浙繼陷魯王航海從之至舟山擢祭  
酒從至廈門拜左副都御史滇中遣使通問隨使  
入覲至交趾而返有交行詩彙松江破死島中公  
死所其說非一詳楊本海 明史有傳 張美翊案曰  
東逸史注中茲從明史 全謝山外編

有徐都御史傳黃東井文鈔有書鮑琦亭 著有  
集徐闇公墓誌後以傳為墓誌殆誤記也

釣璜集行世 壽鋪

沈公子昆季 疑是慈谿沈公彤庵子若崇明沈公五  
梅子据海東逸史稱丁亥松江之役有嗣子元泰  
同就戮一語夫曰嗣子似崇明無子而以從子為  
嗣者則即稱嗣子為公子恐無昆季之說未知是  
否

黃金吾 疑是黃斌卿弟孝卿考海東逸史監國紀己

丑三月黃斌卿遣其弟孝卿偕僉都御史馮京第

張蒼水集 附錄七

五 四明叢書  
約園刊本

乞師日本今觀題與馮侍御並列則金吾為孝卿  
蓋可知矣故全撰詩話亦舉以為說孝卿官金吾  
無明文可据以補他書之闕

馮侍御 名京第字躋仲號篔簹浙江慈谿人福王立  
以禮部主事召未赴南都亡與浙東諸公起義魯  
王擢御史尋晉僉都江上師潰從王航海入閩已  
而結寨四明山中山寨破為其叛將所縛致之寧  
波諭降不從死之海東逸史及鄞縣寓賢志有傳

馮貞羣輯其遺著曰馮侍郎遺書 壽鋪

楊玄石鮎崎亭集  
玄作圓

名文瓚字贊玉瑤仲季弟也崇禎

己卯舉人父秉鼎監紀推官畫江之役嘗率諸子

從軍魯王授玄石監察御史閩中頒詔力言宜合

不宜分入閩命掌貴州道又力言當聯絡以為同

仇閩浙繼亡乃返故里戊子豫於翻城之役事洩

被執不屈死魯王還舟山贈右僉都御史國朝賜

諡烈愍海東逸史南疆繹史及鄞縣志均有傳夫

人張氏名玉如杭人工翰墨侍御死負屍歸以紉

聯其身首慟哭盡哀已衣其故時衣服題絕命詞

張彙水集附錄七

六四明叢書  
約圖刊本

一首拜謝太公前遂解所佩帶自縊而絕寧波府

志有傳海東逸史南疆繹史  
史事載玄石傳中

屠天生 名獻宸一名宸本張公  
年譜初名懿忠本屠氏  
見聞錄鄞

縣人小腆紀年  
作定海人兵部侍郎大山曾孫以諸生從軍

魯王授兵部車駕司主事江上師潰失守而歸戊

子豫於翻城之役事洩被執不屈死魯王還舟山

贈大理寺丞國朝賜諡烈愍海東逸史南疆繹史

及鄞縣志均有傳夫人朱氏賢而有文天生死姥

恐其殉也守之夫人好言如平日潛賦絕命詞俟

姥歸自縊死鄞縣志有傳 族孫屠用錫輯六經

堂遺事六經堂者公所居也詩鑑  
補

楊瑤仲 名文琦號楚石鄞縣人鏡川文懿公之後唐

王立以貢生召對授惠安訓導尋加監紀推官視

惠安諸軍閩亡返浙豫於翻城之役事洩被執不

屈死魯王還舟山贈兵科給事中海東逸史南疆

繹史鄞縣志均有傳

華吉甫 名夏一字過宜號默農世為浙江定海人今

鎮海後遷鄞以恩貢入太學嘗與王石雁同受業於

張彙水集附錄七

七四明叢書  
約圖刊本

倪公元璐黃公道周又並參劉公鼐山講席乙酉

與錢忠介起義蓋時所稱六狂生之一也魯王授

兵部司務晉職方皆不受請以布衣從軍江上師

潰慟哭歸戊子復謀翻城之舉事洩被執當事詰

問同謀者慷慨獨承之在獄中鼓琴賦詩如平日

絕命時有白光一縷衝天而去魯王還舟山贈簡

討門人私諡曰毅烈海東逸史南疆繹史及鄞縣

志均有傳 所著存過宜言八卷詩鑑  
補

董若思 名德欽鄞縣人小腆紀年  
作定海人兵部侍郎光宏孫

南都亡納衣巾於文廟慟哭及浙東起義以諸生  
從軍海上魯王授監紀推官不受師潰乃歸戊子  
豫於翻城之役事洩被執不屈死魯王還舟山贈  
兵部郎中海東逸史及鄞縣志有傳

古虞偽令 疑是施鳳翼字子翔考上虞縣志職官表  
載國朝知縣順治朝首朱應鯤江南崑山人次劉  
方至山東人次即施江南上元人順治丙戌進士  
表雖未詳年分而張公詩作於己丑時丙戌進士  
自可爲令矣詩旁注有乃祖官尙書五字明史表

張景集 附錄七

八 四明叢書  
約園刊本

宣德十年有施禮任刑部尙書或禮爲鳳翼先世  
又鮎埼亭集諸書載王公翊事稱戊子三月破上  
虞殺其署縣事者據縣志兵事稱是年三月破上  
虞視篆劉方至遇害然則繼之者即施鳳翼雖諸  
書有再破上虞走其知縣云云亦在己丑春意者  
張公貽詩後施仍居是官故再破而走之耳案上  
兵事所殺者既爲劉方  
至走者爲施鳳翼無疑

卜天種

翁永年

希聞上人

吳巒穉 名鍾繼一字峻伯別字穉山學者稱爲霞舟  
先生南直隸武進人少爲諸生海內推爲名宿晚  
以明經教諭光州從河南鄉舉崇禎甲戌成進士  
年已五十八矣授長興知縣辛巳謫紹興府照磨  
踰年移桂林推官福王立授禮部主事南疆釋史  
作吏部  
未至而南都亡轉赴閩中唐王以原官召轉員外  
郎痛陳國事王不能用出爲廣東副使而閩又亡  
魯王監國入朝拜通政使尋晉禮部尙書原官如

張景集 附錄七

九 四明叢書  
約園刊本

故兼督學政辛卯舟山破賦絕命詞至文廟右廡  
奉先師神位舉火自焚死年七十有五國朝賜諡  
忠烈海東逸史及南疆釋史有傳

劉胤之 名世勳南直隸上元人好儒雅能詩崇禎末  
以武進士歷官都督僉事助防舟山魯王時晉安  
洋海東逸史  
安作平將軍辛卯張定西奉王出海而使爲  
城守城陷朝服北面望海拜謝自刎死國朝賜諡  
忠烈海東逸史及南疆釋史有傳

王完勳 名翊號篤庵慈谿人越殉義錄作上虞人少  
南疆釋史作餘姚人

孤爲諸生有智略魯王監國因與王公江同起兵  
海濱爲江上諸師聲援授兵部職方主事浙東失  
守航海至舟山已入四明山結寨於大蘭居之號  
大蘭洞主設五營五司己主五營之軍而五司主  
餉俾江任之魯王次健跳擢河南道御史及朝見  
行在拜右僉都御史魯王駐舟山再入朝陞兵部  
侍郎兼官如故尋晉尙書大兵惡山寨積年倔強  
遂分道進伐乃爲圍練兵所執在獄中賦絕命詞  
從容束幘謂守卒曰使汝曹見漢官威儀也及諸

張蒼水集附錄七

十四明叢書  
約園刊本

帥會訊不屈死國朝賜諡烈愍海東逸史東南紀  
事及南疆繹史均有傳 馮貞羣輯其遺書詩鑑補

沈五梅 名廷揚字季明南直隸崇明人少爲諸生崇

禎中山國子生爲武英殿中書舍人以海運功擢

郎中尋加光祿少卿仍督運駐劄登州京師陷福

王立命以海舟防江尋命兼理餉務南都失守航

海入浙魯王加以戶部侍郎兼右僉都御史總督

浙直未幾爲時相所忌乃至舟山閩中亦授以總

督海東逸史云唐王在福建授以兵部右侍郎總督水師丁亥以應松江吳

勝兆之師被執不屈死之年五十三後贈戶部尙  
書國朝賜諡忠節明史有傳

駱亦至 嘗從桂王於梧州又嘗爲僧

姚興公 夏校本云法號耀公名翼明鮎埼亭集錢忠

介公碑文稱葉尙寶謀葬公海寧故職方姚翼明

披緇海上尤力助之又云姚爲僧卽所稱獨耀上

人也見葬錄題詞

萬美功 鮎埼亭集外編李杲堂先生軼事狀云癸巳

黃岡僉事允康來吾鄉及別去先生餞之座客爲

張蒼水集附錄七

十四明叢書  
約園刊本

筮易得睽之三皆大賊先生因固請僉事潛身甬

上僉事不可行至吳中楊崑之變作先生終身痛

之觀詩爲壬辰所作又過訪陳齊莫詩注萬楚人

與李狀黃岡合美功或允康之字義亦相近据南

疆繹史允康名曰吉崇禎庚辰進士知崑山縣罷

去乙酉起爲僉事分巡建寧事敗遂遊江左楊崑

以禎中敕存問舊臣七人曰吉與焉已而巡按獲

崑曰吉爲人所告故死之觀此則允康非美功名

也然曰吉或一字美功

陳齊莫 名士京號佛莊先世為浙江奉化朱氏明初

遷鄞改姓陳崇禎末京師陷浙東盡江之役薦授

職方主事海東逸史戊子魯王在閩安擢兵科給

事中遷光祿寺卿奉表粵中桂王加都察御史作

重授職固辭不受而歸己亥鄭成功入長江參豫

島上留守事觸疾卒年六十有五國朝賜諡節愍

海東逸史及鄞縣志有傳張美湖案曰南雷餘集

英作

沈彤庵 名宸荃字友蓀東南紀事錢公肅樂慈谿人

張蒼水集附錄七 三四明叢書 約園刊本

崇禎庚辰進士授行人奉命旋里福王立復命南

都擢山西道御史時馬阮亂政上疏論之出為蘇

松兵備僉事未赴而南都亡與浙東諸公起義魯

王授以右僉都御史及江上師潰從王入閩累官

至兵部尚書南疆釋史東閣大學士復從至舟山

加太子太傅舟山破又從王泛海抵中左所及金

門後遭風沒於海國朝諡忠節明史有傳

萬靜齋 美功第

馬爾毓 官職方改署幕府騎兵參軍詩注向受知於 熊相國張定西

義陽王 名朝墀戊戌溺於羊山見鄞任光復海上記

及張公年譜海上記慈得諸夏校本而小腆紀年 引有汪光復航海遺聞是否一書俟

考再

石田和尚 當是黃宗會字澤望考南疆釋史黃宗炎

傳末附載澤望事有石田先生性更狷介國變後

嘗髡髮作頭陀狀云云故張公以和尚稱之

陳文生 名修福建榕城人官侍御竝見張公年譜

鄧如盤

熊雨殷 名汝霖浙江餘姚人崇禎辛未授同安知縣

張蒼水集附錄七 三四明叢書 約園刊本

擢戶科給事中以諫謫福建按察司照磨福王立

以原官給事中起用轉吏科南都亡起義浙東魯

王擢右僉都御史防江嘗由海寧渡江與浙西義

軍相應加兵部右侍郎兼左副都御史總督義師

閩中頒詔出檄拒之江上師潰扈王出海晉東閣

大學士海東逸史作丙戌五月事在江防未失以 前且云晉兵部尚書兼大學士茲從南雷

文約行狀及東 南紀事諸書 戊子次琅琦為鄭彩所害投之海

中而死國朝賜諡忠節明史有傳

鄭履公南疆釋史紹興 府志公均作恭名遵謙餘姚人父之尹進士



官山西提學公事徙家會稽履公少為諸生跡弛任俠南都亡浙東起義為集其徒號義興軍以從魯王詔為義興將軍已而拜中軍都督府左都督封義興伯江上師潰從王入海次琅琦晉爵為侯熊公為鄭彩所害心不平彩亦使部將擒之遂躍入海死南疆釋史傳附熊傳後國朝賜諡節愍海東逸史東南紀事及紹興府志均有傳

金門蔡元戎

程瑛嘉 官將軍歲乙未山浙還閩南公贈詩有十年許國懸旄節語

張蒼水集附錄七

十四四明鼓書約園刊本

吳山人

蔡無能

沈東生 据本詩有婁東及三泖云云當是吳人

琴師

東山子

陳燦珠

疑當是陳輝字海東逸史朱之瑜傳缺楊刻本据朱氏家傳補之据傳中稱張名振死以兵屬

鄭成功與忠靖伯陳輝云云當即一人

謝仲彝

周九苞 當是周瑞字考結埼亭集錢忠介公碑有閩

安伯周瑞與海東逸史監國紀同今觀奇零草本

題作侯雖微有違異然考逸史瑞為平夷侯周崔

芝弟崔芝之字為九元小腆紀年元作京是九苞當為瑞

字蓋兄弟均用九字作字至冰槎集祭平西侯周

九苞文一本平西作平夷恐是閩安之譌

郭聖竑

錢希聲 名肅樂一字虞孫號止亭鄞縣人崇禎丁丑

進士授太倉知州遷刑部員外郎丁憂歸乙西南

張蒼水集附錄七

十五四明鼓書約園刊本

京亡與時所稱六狂生者起義畫江而守奉魯王

監國擢為右僉都御史尋晉右副都御史復加兵

部右侍郎江上師潰航海至舟山唐王召之甫入

境而延平陷丁亥魯王入長垣召為兵部尚書戊

子王次閩安拜東閣大學士時鄭氏專權遂憂憤

作疾卒於海外琅琦山贈太保賜諡忠介後六年

葉尙寶葬之福清黃檗山國朝改諡忠節明史有

傳 全祖望編忠介公遺集二十卷壽鏞補

盧牧舟

福建志舟作洲

名若騰字閑之福建同安人崇禎庚

辰進士召對稱旨即授寧紹台道僉事京師陷南  
都命以都御史撫鳳陽未行而南都亡閩中拜兵  
部尙書撫軍永嘉甫至而事勢已瓦解遂航海至  
舟山間行入大蘭山寨後依鄭氏以終海東逸史  
及福建通志有傳

楊芳生 徐閣公高弟

紀石青 名許國考福建通志選舉志崇禎壬午舉人

有泉州同安人紀許國今觀詩中云云石青爲壬

午同年七律中又明有年丈之稱且曰閩南紀生而通志是年

張蒼水集附錄七

十六四明叢書

約園刊本

舉於鄉者紀氏祇此一人又鮎埼亭集錢忠介公

碑文中稱故儀部紀許國據此則其職官爲禮部

主事或郎中也後卒於島見張公年譜

于湛之

宋子猶 名龍號菊齋崇明人諸生留心救世之學錢

忠介公一見奇之置諸門下上座未幾大亂嘗泛

海至舟山祝髮歸爲閩帥所窘出厄後遷居太倉

以醫術自給寓鄞時居陸氏湖樓蓋明室遺老云

鄞縣寓賢志有傳

朱伯遷

阮季友 當是阮駿字考海東逸史駿初官英義將軍

既加封英義伯舟山破與張定西扈魯王出海屯

廈門乙未與總制陳雪之共復舟山丙申又陷與

雪之竝赴海死今觀本題伯作侯雖微有違異當

卽一人

劉復陽東南紀事復作伏

名孔昭浙江青田人襲誠意伯官

操江祖尙忠歿世父萊臣以年幼爲孔昭父蓋臣

襲其爵蓋臣歿孔昭又冒襲之崇禎時與諸督小

張蒼水集附錄七

十七四明叢書

約園刊本

相比及南都立復與馬阮亂政說見明季南略明

史名附劉基傳

朱子成 趙子謙撰年譜按子成疑卽高河賣藥朱君

字也

傅惕庵 据本詩有鄉土六橋云云當是杭人

陳立之 据本題送還閩或爲閩人

朱夏夫 名兆殷曾受知於于公穎者甲申後爲于公

募船領水師有功見東南紀事張公傳後附錄逸

事

吳佩遠 名祖錫號稽田晚年亡命更名鉏浙江嘉興

人吏部文選郎昌時子為世父貴州按察使昌期

後資地鼎盛才具軼羣尤喜結納豪俊見中原大

亂思有以自見與劍客豪士講求出奇應變之學

在滇中任職方郎中辛丑鄖陽十三營尙保殘局

嘗赴勸其出師撓楚以救滇也詳見全撰詩話鮎埼亭集

外編有傳

金二如

朱建武 初擬卽北征錄中所稱舊時賓從歙人朱君

張葦水集附錄七

十八四明叢書約圖刊本

也金二如或卽逆旅中所遇金某亦歙人故張公

作詩竝為寄訊歟則詩當屬己亥以後今列之戊

戌年觀詩中語意所擬殊亦近似

張書紳 据本題贈遺錢塘或為杭人

范子瞻

黃粹伯

邱含山 名子章一字梅仙浙江鄞縣人九歲卽援筆

成文尋為諸生而卒不得一第及魯王監國以薦

授中書舍人江上師潰從亡入舟山復從至廈門

已而轉輾遷徙難一二記最後教授東洞庭山中

歸則年已七十矣未幾卒於家鄞縣志有傳

監國魯王 名以海太祖第十子荒王檀九世孫也父

肅王壽鏞以崇禎丙子襲封己卯薨子以派嗣王

午兗州破自縊死甲申二月王嗣立尋京師陷南

奔乙酉四月福王命徙江廣暫駐台州南京亡潞

王居杭州亦出降浙東起義迎魯王居紹興諸軍

畫江而守丙戌六月江上師潰張定西以舟師扈

王出海投舟山黃斌卿不納鄭彩奉之如廈門改

張葦水集附錄七

十九四明叢書約圖刊本

次長垣既或次閩安次沙埕及諸將殺斌卿乃居

舟山時定西為政舟山陷定西扈王至廈門厥後

鄭成功奉王居金門又次南澳澎湖諸地王寅冬

薨於臺葬金門城東鼓岡湖西見海東逸史東南

紀事南疆釋史諸書

曹雲霖 曹從龍字鮎埼亭集張公碑文有遺曹監軍

從龍書云云而雲霖詩敘稱其膺帝眷秩中丞佐

雄師陪名藩復曹監軍書一本作答曹雲霖書從

龍字雲霖義相台也

林荔堂 名時躍字霞舉鄞縣人特進保之後私謚孝

介名文燮子生而穎異於書無所不讀與華王輩

為講社所稱鶴山七子者也乙酉入太學錢忠介

薦為大理左評事直制誥晉御史未上而江上師

潰遜入桓溪山中猶恆豫時事晚年輯甲申以來

死事諸公各為小傳而取其平生著述之有係於

名節者附之曰正氣錄及卒同志私謚曰端節鄞

縣志有傳 著有朋鶴草堂集十二卷壽鏞補

蔣馭鴻 當是漸遠字或一字漸遠考徐公交行詩彙

張蒼水集附錄七

二十四明叢書 約園刊本

有贈蔣漸遠詩云我入交州何所得君來相訪若

有覲不巾不履神貌殊自言混迹無人識一從去

國幾何年往日冠簪今渺然姓氏直同梅尉隱方

書多自葛洪傳知君夙昔有兼才筆墨紛紜入手

裁且莫伴狂長避世遙聞天殿選龍媒張公二律

語意與此相似

黎大行 瀕行以途窮為恨南訪行在

姜張二友 維揚人

羅子木鈕氏觚贖 徒人或 名綸以字行應天溧陽人

作句 容人家貧授徒蘇州性尚義年少有奇氣張公一

見器之留之不可既而以父為大兵執去誓欲為

父報讐遂詣張公行營相依不去以死見全撰張

公碑文東南紀事諸書 別有傳附集中壽鏞補

董天鑑 名德傳字平之鄞志引墓表之作子一字銘存鄞縣人

同知應圭子諸生少負氣節與族兄守諭齊名世

稱守諭曰北董稱天鑑曰南董乙酉畫江之役破

家輸餉魯王授以戶部主事時適居憂故不受官

事敗後而山寒海槎時通消息晚年目疾猶終日

張蒼水集附錄七

二十四明叢書 約園刊本

手鈔書不倦為詩感慨身世原本忠孝云寧波府

志有傳

中峯大師 元時錢塘人或作朱氏子或作孫氏子或作李氏子釋名明

本一作年十五祝髮於天目山嘗至鄞之海會寺

開法仁宗賜號廣慧至治三年歿英宗賜謚智覺

鄞縣志仙釋有傳顧嗣立元詩選二集有明本中

峯廣錄梅花百詠

宋徽吟

從弟嘉言 字未詳案冰槎集文稱為三叔長子又据

國史吳萬福傳載嘉言為閩島總鎮林國梁所斬

今觀詩意似未審存亡者疑當時被擒而死海島

隔絕故不知確耗耳大雲山房集暹庵先生家傳稱張公與鄭成功圍江寧

賊走訛傳其弟鴻翼為先生門人從師匿云云附注備考

王媿兩 名忠孝與徐公孚遠輩以從亡入臺為鄭氏

國老其後並卒於島見張公年譜

沈復齋 名佺期亦為鄭氏國老見張公年譜

冰槎集

永曆皇帝 桂藩永明王名由根南疆釋史根作榔神宗孫桂

張蒼水集附錄七

三四明叢書約圖刊本

恭王常瀛子乙酉冬恭王薨請諸唐王以王襲爵

丙戌九月唐王陷於汀州兩廣閩報總督丁魁楚

巡撫瞿式耜等大會肇慶請王監國是年十一月

即皇帝位以明年為永曆元年壬寅四月卒於滇

都張美翊曰為吳三桂所殺見西南紀事及南疆釋史

田雄 字明宇宣府左衛人本靖南侯黃得功左協部

將南京陷負宏光降附國朝官提督見明季南略

張杰 字鴻勳遼東人明季降附舊臣國朝康熙元年

任浙江提督以擒張公有功別無善政後入名宦

祠全謝山先生案四明談助但云一鄉先生從全氏年譜考得之始游庠

謁學宮見之憤甚取其主捶碎之擲諸泮池見四

明談助

王爾祿 字天錫號念尼保定人海東逸史沈崇掄傳稱黃陂王爾祿云云

明季舊臣據鄭志周志畏傳注崇禎癸未進士國朝順治六年任海

道副使迄癸巳數載間除害賑饑禮士卹民立倉

置田仕終刑部左侍郎崇祀名宦祠著有麻姑洞

主人詩文集懷社同聲集不二真詮明州賑饑紀

事救荒卹貧錄又輯刻保陽張氏殉難錄聞子鑑

張蒼水集附錄七

三四明叢書約圖刊本

湖七觀見四明談助

鄭羽長 夏校本云名彩考海東逸史監國紀魯王二

年丁亥正月晉彩建國公考唐王嘗封為永勝伯故此曰晉也與本

題所紀封爵合羽長陳本作羽祥案彩與羽義相

近夏說是也

延平王 鄭森字大木福建南安人生有異表父芝龍

攜之謁唐王唐王奇其貌賜國姓改名成功命典

禁旅以駙馬都尉體制尊寵之丙戌春封忠孝伯

福州破芝龍議降持裾泣諫不納及北去因與其

客及所部乘巨艦入海踞南澳居焉竝攻閩之沿

海屬邑下之己丑桂王封為廣平公戊戌晉封延

平郡王嘗偕張公大舉以入江南即張公所紀北

征錄中事也庚子攻荷蘭於臺灣及克臺以安平

鎮名之遂自立為國王寅五月卒年三十九事詳

賜姓本末東南紀事南疆釋史

郎廷佐 漢軍廂黃旗人先世居廣寧父熙載以生員

歸國朝廷佐由官學生授內院筆帖式順治二年

擢侍讀尋遷祕書院學士已而出為江西巡撫晉

張蒼集 附錄七

二五四明叢書 約園刊本

江南江西總督嘗以事革職繼復原官後以福建

總督卒於任祀江西名宦祠國史有傳

徐允巖

張維善

四叔父

壽鏞案詳封章字季超 詳見清池張氏世系圖

外編一

紀衷文 名五昌號九峯鄞縣人年十六補諸生乙酉

舉鄉貢畫江之役入錢忠介幕府多所贊畫題授

行人司行人陞監察御史忠介航海以親老不行

遂奉父母入太白山卒年六十二寧波府志有傳

顯甥

傅攀龍也字替鏡一字容敬

据鄞志注案奇零 草小字阿顯故知

此鄞縣人有雋才諸生隨父從軍海歷患難亂定

遨遊諸幕府後設教鹽官以自晦鄞縣志見其父

奇遇傳

趙氏年譜謂購公首者 公甥朱相玉或為一人

宋蕙湘 金陵人宏光宮女也年十五南京既破為兵

掠去題詩古汲縣前潞王城東旅壁云風動江空

羯鼓催降旂飄颻鳳城開將軍戰死君王繫薄命

紅顏馬上來 廣陌黃塵暗鬢鴉北風吹面落鉛

張蒼集 附錄七

二五五 四明叢書 約園刊本

華可憐夜月筵篋引幾度穹廬伴暮笳 春花如

繡柳如煙良夜知心畫閣眠今日相思渾是夢算

來可恨是蒼天 三 盈盈十五及笄初已作明妃別

故廬誰散千金同孟德鑲黃旗下贖文姬 四

趙督臺

名廷臣字君鄰

一作時麟

漢軍鑲黃旗人國朝順

治二年由貢生知山陽縣遷江寧府同知十年洪

承疇薦授下湖南兵備道十五年定貴州遂授巡

撫明年擢雲貴總督十七年以勦平土酋功加兵

部尚書康熙元年調浙江總督八年卒於官諡曰

清獻國史有傳並見李氏先正事略

毛參謀

林用圭

延平王世子經

延平王成功長子東南紀事作錦卒於康

熙二十一年壬戌壽滿

唐枚臣

僧履端

張蒼水集附錄七

三六四明叢書  
約園刊本

張蒼水集附錄卷七

張蒼水集附錄卷八

世系

校訂清池張氏世系圖表

始知白——子思——範——襲——顙

字用晦諡文節有傳 入繼 子思公次子字君模

字世勳仕集賢殿修撰謫蘇州判官遂家於蘇

張蒼水集附錄八

四明叢書  
約園刊本

承貴——用明——允益——琇

端一

右圖表為壽鏞攷證雲龍青石兩譜及原譜所載世德錄而得之者也至清池譜原圖似多失攷茲列原圖如左

清池張氏宗譜世系原圖

始知白 範思 襲 顙 承貴

字用晦 宋開府

儀同三司中書門下平章事諡文節世居滄州清池

用明

允益

琇

端一

始築室於鄆地名鹹塘

原案始祖文節公居滄州清池縣其孫襲位侍

張蒼集附錄八

二四明叢書約園刊本

郎謫居蘇州遂家焉厥後以兵亂播遷世系遂不可考而始遷於鄆居武臺山之鄒谷築室於城則自端一府君始舊有家譜乃元學士袁公梅爲序其間所載世系來歷名位隱顯甚詳因自然府君國初以閩右隸籍於江寧洪武二十九年府君奔喪制終以先世所遺攜之復往渡錢塘值風抵岸舟覆所攜先世神主遺像家譜等物咸漂溺焉故自端一府君以前莫考其詳今立譜姑自端一府君爲一代始云

壽鏞案右爲清池宗譜世系原圖及原案語今取雲龍青石兩譜互證之

雲龍譜云知白公行乾三配索氏封燕國夫人

無出以乾二知明子子思承繼

青石譜云公諱知白配索氏封燕國夫人無嗣

以乾二府君用明用字誤應從雲龍譜作知明子子思爲後

是知白公之嗣子爲子思兩譜所載彰彰明矣

又取宋史本傳未載無子以兄子子思爲後證

之益知因鈔寫誤書範思沿訛至今此可考證

張蒼集附錄八

三四明叢書約園刊本

者一也

雲龍譜云子思文節公嗣子行坤二治禮記於

淳化初補滄州庠生登景德甲辰李迪榜進士

仕至工部侍郎生卒無考配田氏子三節範簡

葬文節公墓右

青石譜云子思坤二知白繼子治禮記宋淳化

初補諸生登真宗景德元年甲辰李迪榜進士

仕至尙書工部侍郎生卒無考配田氏封淑人

子三節範簡附葬於文節公墓右



是子思公科名仕履葬處子嗣均有可稽生子三人其二範斷無知白之子曰範思其孫又名範之理此可考證者二也

雲龍譜云節子思公長子範子思公次子字君模宋祥符癸丑科李爽榜進士配顧氏子一襲簡子思公三子仕至金部員外郎

青石譜云範載四子思次子字君模治禮記宋咸平中補諸生登真宗祥符六年癸丑李爽榜進士未授職卒配顧氏子一襲

張蒼集附錄八

四四明叢書  
約園刊本

是子思公有三子雲龍譜均詳載之青石譜雖僅載範蓋以其為襲之父重宗派也此可考證者三也

雲龍譜云襲君模公子字世勳號輔國行履六宋由官生仕至集賢殿修撰謫蘇州判官遂家於蘇配汪氏子三頤頤頤又附注云案谷山譜子五顛頤頤頤頤居蘇顛頤頤來鄞居十七甲張村次既不同名亦歧出存備一說以俟考核青石譜云襲履六行範子一名世勳字輔

國登天聖二年甲子王拱辰榜進士仕至集賢殿修撰謫判兩浙路平江府遂家焉配汪氏子三頤頤頤

雲龍譜云頤輔國公長子世居蘇州天井巷○頤輔國次子字由仁行欽十一宋自蘇遷鄞居十七甲張村配李氏子二承雅承貴公承先人之遺訓兄弟怡怡時大寇屠明州士民鮮少官遷富庶補其籍以是自蘇來鄞○頤輔國公三子世居蘇州天井巷

張蒼集附錄八

五四明叢書  
約園刊本

是襲為遷蘇始祖兩譜同之實為文節公之曾孫黃梨洲墓志銘云曾孫集賢修撰襲自滄州徙平江是也未可因袁士元槐隱軒記稱襲為文節公之孫而遷就之此可考證者四也

由此四證則清池宗譜之世系應改定如左  
一世 二世 三世 四世 五世 六世  
知白—子思—範—襲—頤—承貴

七世 八世 九世

用明—允益—琇

壽鏞案用明公以上與雲龍青石兩譜為同祖至用明公以下允益公為谷山一派即清池一派之所祖也

雲龍譜云用明承貴公長子字晦之號誠甫行克三十賦性冲澹好學慕古不求聞達而放情山水間因置別業於雲鄉遂徙而家焉是為後族荻埭雲龍碑之始祖生於宋仁宗元豐五年壬戌五月初七日某時卒於孝宗隆興元年癸

張彙集 附錄八

六四明叢書 約園刊本

未二月十二日某時年八十二歲娶金氏子二允泗允滸女一適著作郎宋慶元二年進士樓汶合葬白雲山又云案谷山譜載用明公娶黃氏生子四允益允球允琳允瓊惟允益之後世居谷山意者黃氏所生世居谷山金氏所生世居雲龍碑云

青石譜云用明克三十遷雲龍碑本祖承貴長子號誠甫

置別業於雲龍碑因家焉生宋元豐五年五月初七卒隆興元年癸未二月十二日年八十二

歲贈金紫光祿大夫有傳配金氏贈郡夫人子二允泗允滸女一適慶元二年進士樓汶葬於鄞東陽堂鄉太白里明堂舉白雲山距城五十五里

是雲龍之譜已據谷山譜詳載洵為可貴與清池譜正相符合至青石譜則第載其本支而已觀此則雍睦堂張氏祖雲龍而宗谷山又無疑也此可考證者五也

張彙集 附錄八

七四明叢書 約園刊本

壽鏞又案用明生允益允益生琇琇為第九世與雲龍譜珩瑄為允泗公子青石譜珩為允泗長子適合至琇以下其排行第十世為辰十一世為應十二世為象十三世為川十四世為岳岳字輩如雲龍譜綱字端振紀字端肅青石譜亦載綱字端振則清池譜所謂端一者疑為知白十四世孫但清池譜所錄自然老人事實名紹宗字允恭為宋文節公十六世孫父景仁是為十五世孫祖榮是為十四世孫曾祖端是為十三世孫未可因雲龍譜之端振端肅而遂斷

定端一公為十四世孫也今以清池譜所載事實記傳以證知白公傳世之次第應改定如左

九世 十世 十一世 十二世 十三世

琇 — □ — □ — □ — □ — 端一

辰行 應行 象行 川行

案雲龍譜十三世宣儀公構水閣二十間行樂

宴客以娛白首時人名曰水閣張鄭忠定公題

云潮到荻江九曲繞山臨水閣萬重朝生於宋

理宗端平元年甲午卒於元泰定帝泰定二年

張蒼集附錄八

八四明叢書約園刊本

乙丑則十三世兄弟之生卒當在宋末元初之

閒長幼相差上下百年清池譜之端公據袁士

元槐隱軒記我朝至元閒其大父錄事公端解

任還自永昌僑寓於此上有來籍於鄞之十七甲族盛分徙武臺山之

陽因築室三楹以居槐隱軒記所謂郡城東渡門之內有巷曰官柴是也

迨今蓋六十有餘年矣云云時在至正戊戌前

六十年為元至元之間即元初也荻潮槐隱魏

巍兩張惜袁清容譜序既已失傳而鄒谷舊譜

猶未見焉今姑就雲龍青石兩譜證以清池譜

考證如此壽鏞雲龍碑地房裔也修譜時作雲龍存疑一篇今刊蒼水集更就清池譜證之蒼水公固亦吾族祖也更述端一公以下世系如

左

一世 二世 三世 四世

端 — 榮 — 景仁 — 紹宗

任永昌錄事解官後築室於城 字仁輔號槐隱居官柴巷早游郡岸及元季罷 字九恭號自然

張蒼集附錄八



九四明叢書約園刊本


科舉乃泛海游高麗故里人至今稱高麗張氏

五世 六世 七世

莘

字孟埜號大鎔無子以弟補次子壯為後莘即





封章 生萬曆十四年十月十六日卒 順治庚子四月十三日 字季超 號元白 爛漫天 眞樸誠 無二有 隱吾子 風晚年

德言 生崇禎十五年八月十八日清 池譜一作錫言 行次表 與世系 兩歧未 知孰是

因姪倡 義被逮 殉節獄 中卽蒼 水祭四 叔者是 也

壽鏞案清池譜蒼水一脈傳至鴻福其後不著卽 蒼水之父圭章公弟三人其後亦僅著鴻忠鴻孝 再傳亦復無考其卒也亦未書年月蓋當清康熙 之時蒼水倡義歷時最久拘繫族屬網鉗綦嚴顛 沛流離情狀至慘且有不願人之聞問者清池譜

張蒼水集附錄八  
 十三 四明叢書 約園刊本

二月

重修時在道光十七年距康熙年月已遠采訪未周因而遺漏可測而知未可謂蒼水後裔無人也願後之人詳考焉壽鏞既得清池譜於其後裔張愛棠喜出望外窮十日之力為校其世系如此惜谷山譜猶未見也今附刻於蒼水集以徵明德所自云時癸酉八月

世德錄

清池張氏世德錄引

張尹忠

續世德錄序

張肇治

張蒼水集 附錄八

十四 四明叢書 約園刊本

文節公傳

宋史

槐隱軒記

袁士元

槐隱軒記誌後

張紹宗

自然老人事實

張紹宗

自然齋雜言

張紹宗

自然軒記

周禮

自然軒詩

周禮

周翰

謝瑾

張得中

全樸

倪維哲

邱達

陶恭

洪常

明故頤菴處士張公妻陸氏合葬墓表

張伯祥傳

張伯祥傳

張伯祥傳

張圭章傳

張圭章傳

張圭章傳

明處士四岑張先生墓幢文

壽鏞案清池張氏宗譜於譜序之次載有世德錄引續世德錄序更別為張世遺傳一卷壽鏞以為蒼水生有自來德澤淵源要宜追溯因取其先世傳記詩辭彙為世德錄名沿其舊凡所錄蒼水傳志則因已錄概刪之惟四岑處士為蒼水族曾叔祖國難作有改易章服之令遠索酒飲百餘杯往

張蒼水集 附錄八

十五 四明叢書 約園刊本

竈下得炭滿甕和以木屑置牀下爇之投身其上  
覆以重衾時方盛暑酒力填盈而絕其死義在蒼  
水之先謝山所謂獨行之士竟罕有知之者因附  
焉

清池張氏世德錄引

張尹忠

聞之經云世德作求又曰繩其祖武蓋言先世之德貽  
之後人爲不朽者唯其克繩武之爾否則弗肯弗構不  
緒其曷光顯哉尹忠嘗讀我祖自然公識厥考槐隱軒  
記兢兢惕厲所以繼乎先啓乎後者其慮何深遠也令

張蒼水集 附錄八

十六 四明叢書

約園刊本

我後獲知其所自實賴茲識也吁先世貽謀若是其至  
後人其庸不自念哉尹忠竊期自奮於以用光胡身困  
泮芹屢值數奇第恐已矣然一念耿耿莫能自柅蓬牖  
馳神仰思世德於自然公所傳軸卷謹用編錄以便覽  
閱以識永久因名曰世德錄凡我後人當知先世之德  
其來甚遠其祐甚厚服膺不懈以冀昌大夫是之謂有  
曜一或不爾祖是念甘於下流其玷辱也何如可懼哉  
可畏哉萬曆六年戊寅歲四月十世孫尹忠百拜謹撰  
萬曆二十三年乙未歲仲春十一世孫應炳百拜謹錄

續世德錄序

張肇治

昔昌黎作張許合傳惜其無譜廬陵作王彥章記必舍  
史而從譜然則祖宗功德譜載宜詳惜吾宗舊譜僅載  
文節公傳槐隱公軒記自然公軒記及事實而自自然  
公下歷代祖德宗功俱未之及至世遠年湮使子孫無  
從追溯可勝慨哉夫祖父有善而不知不明也知而不  
揚不仁也治故於先世所遺傳誄碑銘及郡邑之誌一  
一搜羅續編於舊傳世德錄後其不可考者闕之其有  
可稽者詳之昭慎重也若夫見聞不廣脫漏尙多惟俟  
我宗人暨後人補闕拾遺以光世譜是余之所深望也  
夫道光己亥歲仲呂月十五世孫肇治百拜謹撰

張蒼水集 附錄八

十七 四明叢書

約園刊本

文節公傳

公諱知白字用晦滄州清池人幼篤學中進士宋史中進士第  
累遷河陽節度判官咸平奏疏言史咸平中疏言當今要務真  
宗異之召試舍人院權右正言獻鳳宸箴出知劍州逾  
年召試中書加直史試館面賜五品服判三司關史關作開  
折司江南旱與李昉史作昉分路安撫及還權管句京東  
轉運使事周伯星見司天監史無字以瑞奏羣臣伏閣稱

賀知白以為人君當修德應天而星之見伏無所繫因陳治道之要帝謂宰臣曰知白可謂乃心朝廷矣東封進右司諫又言咸平中河湟未平臣嘗請罷郡國所上祥瑞今天下無事靈貺並至望以泰山諸瑞史瑞下置有圖字

玉清昭應宮其副藏祕閣陝西饑命按巡之尋知鄧州

會關右史作內流傭至境知白既發倉廩又募民出粟以

濟擢龍圖閣待制知審官院官再遷工部郎中史再遷尚書工

部郎使契丹知白以朝廷制官重內輕外為引唐李嶠

議遷臺閣典藩郡乃自請補外不許遂命糾察在京刑

獄固請知清史作青州還京師求領國子監帝曰知白豈

倦於處劇耶宰臣言知白更踐中外未嘗為身謀乃遷

右諫議大夫權御史中丞拜給事中猶班史無猶班二字參知

政事郊禮成遷尚書工部侍郎時同列王曾遷給事中

猶班知白上知白心不平累表辭之曾亦固請列知白

下乃加知白金紫光祿大夫復為給事中判禮儀院曾

罷還所辭官史王欽若上有時字王欽若為相知白論議多相失

因稱疾辭位罷為刑部侍郎翰林侍讀學士知大名府

及欽若分司南京宰相丁謂素惡欽若徒知白南京留

張蒼水集附錄八

十九四明叢書約園刊本

守意其報怨既至待欽若加厚謂怒復徙知白亳州遷

兵部仁宗即位進尚書右丞為樞密副使以工部尚書

同中書門下平章事會靈觀使集賢殿大學士時進士

唱第賜中庸篇中書上其本乃命知白進讀至修身齊

史作治家之道必反覆陳之知白在相位慎名器抑徼倖

史無抑徼倖三字無毫髮怠史作私常以盛滿為戒雖貴顯史作顯貴

其清約如貧史作寒士然體素羸憂畏日侵在中書忽患

風眩輿歸第帝親問疾不能語薨為罷上已宴贈太傅

中書令禮部謝絳議諡文節御史王嘉言知白守道徇

公當官不撓可謂正矣諡文正王曾曰文節美諡矣遂

不改知白九歲其父終邢州殯於佛寺及契丹寇河北

寺宇多頽廢殯不可辨知白既登第徒行訪之得佛寺

殿基恍然識其處既發其衣衾皆可驗眾歎其誠孝嘗

過陝州與通判孫何遇讀道旁古碑凡數千言及還知

白略無所遺天聖中契丹大閱聲言獵幽州朝廷患之

帝以問二府眾曰備粟練師以備不虞知白曰不然契

丹修好未遠今其舉史作舉者以上初政試觀朝廷耳豈可

自生釁耶若終以疑史作若終以為疑莫若因令河決發兵以

張蒼水集附錄八

十九四明叢書約園刊本



防河爲名彼亦不虞也未幾契丹果罷去無子以兄子  
範思史作兄子後仕至尙書工部侍郎致仕

壽鏞案右傳載入清池譜悉本宋史因取宋史勘  
比校註之字句無關宏旨子嗣未堪沿訛宋史本  
傳既曰以兄子子思爲後徵以雲龍青石二譜世  
系分明仕履詳備則作範思者誤大矣別有攷證  
錄在清池張氏世系表中

槐隱軒記

袁士元

吾郡城東渡門之內有巷曰官柴雖四達市廛而入幽

張蒼集附錄八

二十四明叢書

約園刊本

僻爲逸人君子棲跡之地余友張君仁輔者文雅慷慨  
讀書尙禮不嗜仕進余嘗觀其世譜其先滄州清池人  
宋平章事文節公知白君十五世祖也文節公之孫襲  
謫於姑蘇子孫遂家焉後以閩右來籍於鄞之十七甲  
族盛又分徙於武臺山之陽我朝至元間其大父錄事  
公端解任還自永昌僑寓於此因築室三楹以居迨今  
蓋六十有餘年矣君乃增築數楹稍西闢一小軒清致  
絕俗庭植巨槐一本千柯萬葉濃陰覆軒蔭鬱晦靄如  
翠幄然雖城居雅有野趣一日訪君舉觴命酌徜徉其

間顧謂余曰軒清矣而槐之清又與軒稱於我心若有  
契然軒未有名子其爲我表之余爲之名曰槐隱君曰  
得其名不聞其義可乎子盍爲我言之余曰槐之爲物君  
子可比德焉蓋黃中色而玄黃又天地之正色槐得天  
地中正之氣故黃中外懷其花黃其實玄君子得天地  
中正之氣之最秀者也故中德在內而能懷萬邦英華  
發外而本體渾然易曰君子黃中通理而暢於四支發  
於事業此之謂也彼槐之黃中外懷譬則君子之中德  
在內而能懷萬邦也槐之花黃實玄譬則君子英華發  
外而本體渾然也矧其亭亭子立不偏不倚且能生丹  
不凋身潤骨香亦有似乎君子之成德獨立不懼悠然  
不息心廣體胖而馨香自如也君子有如是之德而見  
用於世猶槐之植於朝而不植於家也有如是之德而  
不見用於世猶槐之植於家而不植於朝也周禮外朝  
之法面三槐三公位焉者此也今君有德乃闢軒槐下  
以隱適有以稱矣以是君之軒豈不當夫君曰噫斯名  
也斯義也美則美矣第不肖何足以膺之請併記諸此  
俾吾顧名思義以自勉可乎余曰諾哉故書此以遺之

張蒼集附錄八

二十四明叢書

約園刊本

君名景仁字仁輔時至正戊戌夏四月朔旦鄒山書院  
山長同邑袁仁元撰

壽鏞案襲爲文節公會孫袁記以爲孫誤也仁輔  
公爲文節十五世孫則其父榮爲十四世孫其祖  
端爲十三世孫別攷證於世系表中

槐隱軒記者先君槐隱處士之所遺也先君性好讀  
書遭時多故不仕其先本滄州清池縣人始祖仕宋  
至平章事謚文節其後謫於蘇播於鄆徙於武臺山  
之鄒谷曾大父錄事府君始築室於城乃作家譜一

張蒼水集 附錄八

三五四明叢書  
約園刊本

通元學士袁公桷爲序公所自書其間所載世次來  
歷名位隱顯班班可稽又有思本堂記一篇亦述其  
略迨先君於舊室之西槐樹下別築一軒以居故復  
爲記以紀之國朝洪武十五年先君卒二十五年紹  
宗以閩右隸籍於江寧時困窘以此軒暨先君所築  
餘舍出賃借季子雷以往屬長子莘仲子璠幼子刻  
侍妣何氏守其舊二十六年先妣卒紹宗奔喪歸二  
十九年秋制終復往其家譜思本堂記暨先世神主  
四楹遺像九幅曾大父家居宦遊時所受慶賀餞送

詩詞序文帳軸十三幅先君自述涉歷高麗事蹟一  
通與凡書籍器物悉攜以行渡錢塘值風抵岸而舟  
覆所攜咸漂溺焉由是先世所遺爲之蕩盡而無復  
可稽可勝痛哉幸惟此記藏於長子衣篋中行時遺  
忘弗拾故存猶可稽其概耳永樂十二年冬紹宗以  
老歸得於長子而讀之悲喜交至嘗欲以此記徵諸  
滄蘇鄒谷之宗人耆老以譜之願今年邁病篤恨不  
能及焉況此記歷歲久遠裝軸殘毀故取附錄以貽  
永久庶俾吾之後人得因此而卒吾志焉耳永樂十  
三年乙未歲季冬望日男紹宗謹識

張蒼水集 附錄八

三五四明叢書  
約園刊本

壽鏞案元學士袁公桷清容集序張氏宗譜者二  
十爲高沙東昌之張氏書張子仁少監族譜後者  
卷四爲宋侍中張耆宋史列傳四十九曾孫張克戩張確  
宋史忠義傳一之子孫入南一在四明一在福唐皆非文  
節公後也所謂世次來歷名位隱顯班班可攷者  
均未著集中卽所謂思本堂記一篇亦無稽焉是  
清容之文固多散失而清池一系世次因之莫考  
洵大憾也

自然老人事實

張紹宗

自然老人者四明鄞邑人也姓張氏名紹宗字允恭爲宋文節公十六世孫父景仁仁輔槐隱君娶定川夏氏爲室生男四人長名莘娶城西陳氏次名礪娶定川王氏又其次名雷名剡雷娶閩人梁氏女於京邑剡尙幼女三人一適同里倪氏子字以饒一適東錢湖之唐氏子字平友又其一適謝氏之子字東山亦邑中人也內外孫凡若干人洪武壬戌歲父卒塋葬於城南清道鄉之原母氏之壽塋附焉壬申歲例以閩右實京畿故老

張蒼水集附錄八

三四四明叢書約園刊本

人偕夏氏暨季子雷隸籍於赤縣江寧儀門之郭乃屬其母何氏於莘礪輩至癸酉歲以病卒葬於壽塋老人乃告縞奔喪所司弗予告越一霜累懇請方得歸盡其哀感之情徇俗之禮庚辰歲夏氏卒命子莘亟至歸葬於先隴老人幼讀書涉史之要者與人語輒援古今而問辨喜清事解音律客至具杯酌盡歡其待人也謙而和其處事也謹而詳其度量能料事之重輕而式中焉壬午歲天兵渡江眾皆奔潰老人與眾曰儂爲百姓只依天命何以去爲眾頗失業而老人晏然如故老人年

壯時嘗涉歷湖海間凡所作爲或用智自私者則反違而行其所無事者則迪吉於是晚年皆聽其自得觀其近之一事尤驗故以自然扁其室而或者因以爲號云

自然齋雜言

張紹宗

君子之道不見其有爲也不見其有行也與天地並運與四時並行與日月並明有以見天下之動而觀其變極天下之故存乎通知周於萬物存乎誠澹然若寂沖然若虛淵然若深蕩蕩然若不可以名言處之無不知用之無不窮惟其不知是以變化若神惟其不窮是以有終

張蒼水集附錄八

三五四明叢書約園刊本

術智慧巧乃德之優澹靜默密乃德之一是故君子愛而不偏勇而不亂敬而不煩明而不察動而不忘不偏則愛仁不亂則勇義不煩則禮敬不察則明智不妄則動信五者不失則德之成木之直也攀之則折水之平也激之則潑目之明也翳之則睛性之善也伐之則惡人欲矯揉以全其性得乎哉

山阜非爲鳥植木木茂而鳥自棲湖海非爲魚鑿潭潭深而魚自處君子非爲人樹德德盛而人自依皆非所

招勢之然也

鴉鵲之鳴也吉凶記之薰蕕之生也香臭澤之德之臧否人之善惡而不之察惑之甚矣

夫道大矣哉天乎其高淵乎其深日月乎其明蕩蕩乎其不可窮惟君子為能斂之於心心斂則誠誠則明明則聖聖則無不通是故君子存心貴乎誠禮樂與天地相通動靜與陰陽同體知動靜則可以極陰陽之理明禮樂則可以贊天地之化非天下之至精其孰能與於此哉

張蒼水集 附錄八

二五 四明叢書 約園刊本

君子有弗言言必善而後發有弗為為必善而後行發其言之善則吉吉則足以保其身行其為不善則凶凶則亡故曰言行君子之樞機樞機之發榮辱之主也可不畏哉

君子之道自近而可以及遠由內而可以達外守簡而可以御繁處寡而可以服眾無他推是心而已故君子以仁存心以禮存心不用則已用則天下化水以風而文草以風而偃民以風而化水之必文草之必偃順天也然而民有不化者逆天也故曰逆天者亡

君子有五美而有五戒焉故曰知足以知是理才足以表其能言足以道於人行足以得乎眾寵足以榮其身是之謂五美以知斯人者凶以才自逞者禽以言矯人者禍以行自翹者詐以寵自驕者危是之謂五戒懲五戒循五美則足以保其身

龍江之濱有老人者世莫知其姓名蓋嘗以自然老人自號人亦以自然老人稱之又深慕老人之循其自然者咸詠歌以美之而屬予為文以紀其實予謂天地間一動靜則凡天地之所以覆載萬物之所以生成草木

張蒼水集 附錄八

二五 四明叢書 約園刊本

之所以蕃江河之所以流莫非自然之理而不知老人得是理與否得之與否固不暇論故因書其大略為之勉云耳永樂丁亥歲八月朔

自然軒記

周禮

盈天地之物互古今之理無一不本於自然也蓋物之得其自然者則為理之常而失其自然者則為異矣日月星辰得乎陰陽寒暑之常者此天之自然也山川草木得乎榮枯消長之常者此地之自然也人之處乎兩間靈於萬物可不察乎自然之理乎是以聖人之立教

也亦必因夫自然之理以爲法則於天下後世若八卦之書也必因夫河圖自然之數矣九疇之敘也亦必因夫洛書自然之數矣父之於子也有親愛焉故必教之以慈孝君之於臣也有名分焉故必教之以忠義大而非本於自然者不可以爲法小而日用之微而盈天地互古今之物理無一不本於自然者也予游京國至石城之北秦淮之右訪鄉之舊因宿多者屢日有班白之叟邀予入室問其姓氏始知其吾鄉之右族

張蒼水集 附錄八

三九四明叢書 約園刊本

張允恭氏也洪武壬申例以閩右來寓於斯扁其所居之軒曰自然予觀其禮貌也中規矩之節而自然合乎其宜聆其談笑也援古今之實而自然合乎其理置圖書几席於一室之內自然可以樂乎心而不事乎雕琢列花木盆池於一隙之地自然可以悅其目而不事乎矯揉於以見夫陰陽寒暑榮枯消長之常者非天地之自然而何哉於以知夫八卦九疇人倫日用之常者非聖人之自然而何哉於乎天地之自然卽聖人之自然也聖人之自然卽天地之自然也叟之自然其有合於

天地聖人之自然乎將得其自然以爲常乎將失其自然以爲異乎叟以予言爲然請筆之以爲記故告之以平昔之事實既書於卷首載作歌以歌其自然之趣書於末以求名公鉅儒之大筆庶乎可以知其萬一云耳  
永樂四年夏五月

自然軒詩

周禮

莫笑蹉跎到白頭一生隨分閱春秋憂危不解容心避禍福何曾向外求醉後欲眠須遣客興來乘健且登樓百年身後無他事令子賢孫是遠謀

張蒼水集 附錄八

三九四明叢書 約園刊本

周翰

大化無停機眾萬日以息修短各有期高下隨所適冥靈八千春朝菌不知夕斥鴳決榆枋詎比圖南翼蓬心尙未捐逍遙寧自得達人亦何爲此理默而識任真樂有生與世成莫逆衣冠足風流矍然老山澤素琴發天和蒼崖墮秋色流觀溪上雲靜憩松間石日暮澹忘歸焉知事形役

謝瑾

鋤去町畦適自然但將順受樂餘年一塵不入身心慮

萬事都歸性分天庭草春風隨意錄衡茅秋月爲誰圓  
紛紛射利江湖客回首窮途雪滿頭

張得中

一氣判清濁兩儀奠坤乾羲娥迭往來寒暑互推遷川  
流山則峙獸走禽斯騫虎豹隱叢木蛟龍藏深淵浮者  
由其竅轉者由其圓悠悠品彙多理勢皆自然先王制  
法則本末相因緣因下爲陂澤因高爲原田陸行御牛  
馬水處乘舟船盛夏服絺葛嚴冬被裘旃揆時授曆象  
協律調管絃動合自然妙初無拂逆偏嗟哉混沌氏六

張藎集

附錄八

三十四

四明叢書

約園刊本

擊相攻鐫未離七日後遽爾終其年鳧脰雖云短續之  
則爲愆鶴頸雖云長斷之非所全舉火燠井底引淮灌  
山顛茲皆失其性反爲機械牽若人斲天倪白髮垂青  
肩行藏蹈實地窮達付蒼天扶犁或耕隴抱甕還灌園  
寧知秋葉落不管春華妍牀頭釀麴榼架上堆簡編興  
來呼酒飲醉後枕書眠既不慕富貴亦不求神仙自然  
猶寓號高識迺稱賢我亦忘機者天游空八埏爰題自  
然句爲續逍遙篇

全樸

萬事紛紛屬有爲老人恬澹自忘機醉醒古木雲深處  
唼到疏桐月落時三徑黃花猶采采半簪華髮已絲絲  
此生俯仰應無愧方寸何曾有所思

倪惟哲

羨君樂天性塵俗何相侵慕外非常志安然自素心  
謫居爲客久環堵歷年深令德兼終始聲華耀自今

邱達

天地生萬物萬物皆自然自然何所見分明在眼前碧  
草萋萋春滿地紅葉蕭蕭秋滿天草木一榮復一謝春

張藎集

附錄八

三十四

四明叢書

約園刊本

去秋來知幾年張公老矣雪滿顛眼看萬物多變遷龍  
江之上秦淮邊自然揭扁名其軒應得自然趣自然胡  
可言龍江之流萬里源秦淮之水千尺淵自然之趣正  
如此孰云滄海成桑田孰云滄海成桑田

陶恭

目若分明耳若聰有開有見自然翁浮雲遠在青山上  
幽鳥深鳴碧樹中萬事任他多智巧一生隨我只從容  
夜深月白江清處不是無塵鑑自空

壽鏞案自然軒記及諸詩後題正德十一年丙子

歲五月端陽日嗣孫璵薰林謹錄又題萬曆十年  
壬午歲八月十世孫尹忠百拜再錄於一經軒  
明故頤菴處士張公妻陸氏合葬墓表

洪常

處士諱刻字叔溪姓張氏頤菴別號也其先滄州清池  
人十七世祖知白仕宋至同中書門下平章事諡文節  
十五世祖龔仕侍郎謫通判蘇州遂家焉其後來籍於  
鄞高祖端元永昌錄事曾祖榮祖景仁父紹宗本□□  
因景仁無子以□□後之□□□處士性至孝嘗年父

張蒼水集 附錄八

三三四明嚴書  
約園刊本

母以閩右從實京畿屬伯兄撫育之既聞母喪驚仆幾  
絕及長奉伯兄如父或兄嫂有怒處士事之愈謹父老  
還鄉嗜羊首喜賓客處士竭力營辦皆得其歡心迨父  
疾處士親嘗湯藥每夕禮星辰以求代及沒哀毀骨立  
斂葬如其禮初伯兄無嗣處士爲行□□兄嫂卒卽以  
居室器皿付其嗣子旺不一取焉處士雖至老念及父  
母輒流涕終日每時祭享必潔必敬教子姓擇賢師友  
務俾其有成遠從商見人有遺失物必守待以還之親  
鄰有急難趨赴之恐後貧乏無依而□食者七人喪不

能舉而爲棺斂者三人處士家獲盜乃戒之曰汝固迫  
於饑寒胡不□□生理而爲是若□□命不保矣遺之  
米令速改過盜感謝而去又與鄉之士大夫中書舍人  
金公寅翁行人司副金公□□爲尙義之會輸財以  
濟不足至於□□則□而密待人則謙而恭受人惠雖  
終身不忘其視名利紛華□□子孫欲廣產業處士  
則曰舊有田汝曹苟爲其勤足供衣食奈何求贏餘以  
圖安逸乎天順甲申處士年九十朝勅與冠帶於是郡  
歲行鄉飲必位處士於三賓之首云生於淇武乙卯四

張蒼水集 附錄八

三三四明嚴書  
約園刊本

月二日卒於成化九年七月十九日享年九十有九妻  
同邑孺人陸氏諱良善字秉彝元松江判官義甫之孫  
今士人彥宛之女生而婉婉□□王氏所鍾愛孺人  
自幼知爲人仲兄良高爲郡庠生夜歸孺人□□燭  
習女紅以伴其誦讀年及笄來歸處士恭執婦道□□  
□□□□□□於兒嫂好生而樂施孺人□□相  
助之雖傾竭資裝不較也孺人教子女慈而嚴待僕□  
□□□□□□紡績以佐贍姻戚咸多之於處士  
之將卒也孺人與訣曰吾爲君平生少過□□□□

□□□□□□憾君其死矣吾亦不久於世也越二  
十一日孺人以得疾□□家人曰吾命止此□起□□  
□□□□卒於十一月十一日□距所生洪武辛未正  
月三日享年八十有三子男二長曰顒次曰頤女一適  
胡肅□□孫珽璞玠瑞璟琳瑛珽先卒曾孫男八鈇錫  
鉞鐸總錄鎬鎧女三人以成化乙未十一月十五日□  
葬於城南清道鄉先塋之右顒與頤捧漳平教諭屠□  
□□□□詣余請表其墓余曩童時與顒同研席□□  
□□俊士孺人之懿德□行施諸已而及諸人者不□

張彙集 附錄八

三四四明叢書  
約園刊本

□□未嘗不歎服其賢於人人遠甚也余得□□□□  
□□□□處士孺人雖皆壽考康寧子克幹蠱□□□  
□□□□□□人爲食其報□□□□□□□□  
□□□□□□□□以顯之者寧不在於後人□□  
爲之表成化乙未十一月日

壽鏞案墓表闕字原譜皆空格今仍之表首題賜  
同進士出身奉政大夫修正庶尹兵部武選清吏  
司郎中致仕同邑洪常撰文賜同進士出身通奉  
大夫河南等處承宣布政使司左布政使致仕同

邑章繪書丹□□大夫太僕寺寺丞前中書舍人  
直文華殿致仕同邑金湜篆額

鄞縣志孝友傳

聞性道

張伯祥少有志操清苦自厲授徒得束脩輒公之諸弟  
領成化癸卯鄉薦知蕪湖縣已改靖安致仕歸居官凡  
十二載聲著循良家無私積僅築一室額曰雍睦與諸  
弟同居以承歡膝下鄉人因號爲雍睦張氏嘉靖己未  
冬隣室火盡焚惟伯祥子孫之居獨免鄉人異之

鄞縣志人物傳

錢維喬

張彙集 附錄八

三四四明叢書  
約園刊本

張伯祥原名瑞以字行少嗜學有志行中鄉舉謁選知  
蕪湖縣有巨商犯法夜餽千金卻之曰爲吏若得人一  
錢卽不值一錢矣竟按其罪改知靖安作省民條約與  
相清淨縣中大治將入覲聞劉瑾擅權遂解組歸性孝  
友事父色養備至兄弟四人雖一果片脯必與同味食  
指約五十餘門無異煙嘗作雍睦堂里人稱雍睦張氏  
寧波府志人物傳 曹秉仁

張圭章字兩如天啓四年領鄉薦屢上南宮不第謁選  
得河東鹽運判官殫心鹺務著賢能聲以淡於仕進致



仕歸爲人剛毅正直嚴於訓子處鄉族皆有義行晚年坎壈窮困室廬盡傾簞瓢不繼處之泊然

鄞縣志名賢傳

聞性道

張圭章字兩如領天啓甲子鄉薦屢上南宮不第謁選得河東鹽運司判官致仕歸爲人嚴毅正直處鄉族皆有恩德晚年變值滄桑其子絕裾而去乃自慰曰不負生平讀書也繇是室廬盡傾簞瓢不繼處之怡然年七十餘卒無以爲殯鄉人重義者卽其先墓之南郊祖闕者耐葬於側焉

張蒼水集附錄八

三才四明叢書約園刊本

壽鏞案世德錄蒼水公父圭章有傳祖應斗曾祖

尹忠卽作世德錄引者高祖淮九世高高祖錫八世七

世祖玠六世祖頤五世祖剡卽頤菴先生有合葬

墓表四世祖紹宗字允恭卽自然老人有事實有

記有詩三世祖景仁字仁輔卽槐隱處士有槐隱

軒記二世祖榮一世祖端所謂錄事府君是也自

錄事府君下至蒼水公爲十三世此世系之可考

者也由錄事府君上溯之據自然老人自述紹宗

爲文節十六世孫則錄事府君爲文節十三世孫

矣今本此別作考證於清池世系表中至張伯祥

原名瑞乃蒼水公世祖頤之弟頤子頤菴合葬表

子男二長頤次頤孫瑛瑛玠瑞瑛琳瑛考清池譜

瑛瑛玠爲頤之子瑞卽伯祥瑛琳瑛爲頤之子黎

洲作蒼水墓志云又四傳而張氏以雍睦名長伯

祥舉成化癸卯賢書次瑛次玠次瑛里人以孝友

名之玠生錫錫生淮淮生尹忠尹忠生應斗應斗

生圭章其世系竝不誤但黎洲未見頤菴處士合

葬表以同祖兄弟爲同父兄弟未免稍有舛錯全

張蒼水集附錄八

三才四明叢書約園刊本

譜混言之至趙譜注傳高祖伯祥起家孝廉爲令

云云則大誤矣然雍睦堂張氏實以伯祥得名而

伯祥爲頤菴處士之孫蒼水七世祖玠同祖兄弟

也今取其二傳錄於兩如先生傳之前以著雍睦

堂張氏所自始云

明處士四岑張先生墓幢文

全祖望

同里張生之祐持其曾叔祖殉難事乞余表墓出臬堂

先生所作壙志爲據予少時聞處士之事而未詳及之

祐之請遲之又十年其曷敢辭處士名槌字子隆號四

岑浙之寧波府鄞縣人甬上之張爲四姓之一其最著者曰文定公之宗次之曰君子堂則經略都御史楷之宗由慈水來者而處士之宗名位稍不逮顧以孝友著里中稱爲雍睦堂張氏曾祖璟祖錄長汀知縣父瀛處士七歲能作大書稍長工爲文詞爲人恂恂與物無忤家貧同產兄梗旣析居處士每互相緩急或米數升或薪一捆蓋浹旬之中而更僕難計顧喜飲酒雖囊中困甚弗爲止醉卽陶然而臥客每過之欲有所語見其方醉則坐待之久而未醒或至彌日其坦率又如此會國

張蒼水集 附錄八

三五 四明叢書 約園刊本

難作日咄咄尋有改易章服之令閉戶坐室中取牀頭酒獨酌旣醺繞牀而走復索酒飲之連舉杯百餘自摩其頂而歎曰彼曲局者惡可以兵之乎乃往竈下得炭滿甕和以木屑置牀下熱之投身其上覆以重衾時方盛暑俄頃酒力墳盈而絕家人昇尸而出則遺骸已紺色矣嗚呼改易章服與朝之制也違制而自甘於逆天至殺其身以從之於義則過然其志可原矣就其中或尙有以好名而死者若處士之死更無豫乎此也殆謝翺所謂獨行之士者耶吾里中以開雍死者趙秀才天

生爲最著然世傳天生之死本末多舛予始考而正之處士則竟罕有知之者悲夫處士生於萬曆六年六月十七日歿於順治丙戌六月初九日娶汪氏續王氏陳氏子汝爲葬於城南祖關大墓旁今無後之祜爲修其祀銘曰

大好糟邱是死所一醉而死定無苦下策火攻亦有補

丹心丹顏映千古花廳沈沈存舊戶雍睦高門光世譜

雍睦張氏所居乃元時方平章花廳至今存其名

壽鏞案四岑先生乃頤菴處士之次子頤之裔也

張蒼水集 附錄八

三五 四明叢書 約園刊本

考清池譜頤子四瑞卽伯祥璟琳瑛璟生錄錄生

瀛瀛生四子樾樾梗樾樾卽四岑先生也於蒼水

爲族曾叔祖四岑爲十三世清池譜傳略云早遊

費序晚值滄桑尋有開雍之令盛夏飲火酒極醉

賦絕命詞擊茲曲局者而安可兵之故吾且喪盡

請從糟邱辭乃置火臥炕下覆以重衾酒力與火

力交作俄頃卽成紺人詳志傳崇祀旌忠廟

張蒼水集附錄卷八

張蒼水先生集余嘗得永曆辛丑鈔本於郡城黃東井先生後人凡二鉅冊徐闇公序後名印爛然嗣展轉爲餘杭章太炎借去因於光緒辛丑鉛印後序稱爲得之鄙人當時嘗購數十部分貽知好迄今原本尙未見還不知流落何處此本則順德鄧秋枚鈔自錢塘丁氏而其友黃晦問所編校增入附錄自較完備然失之穴蔓而校字尤草率海上遇鄧君勸余重行編輯校印誠鄉後學之責也壬子仲秋月蹇叟記

張蒼水集跋

四明叢書  
約園刊本

嗚呼昔全謝山有言尙書之身可死集不可泯姜西溟則謂侯之百世雖欲使之終晦焉不可得也當文網嚴密之時士大夫明知收藏其集爲不祥而展轉傳鈔猶往往流布人間則全姜二君之言信矣考其最初之本當卽所謂傳之防守卒史丙者也海濱遺老高先生允權嘗得其稿爲之跋云茲於其卒幸購得公草而採薇集更幸爲公手稿復於降弁得公遺文因彙錄成集是高氏此本爲得之防守卒者固確乎其可信焉而謝山爲公神道碑稱有宜興人徐堯章者從丙購其書不與且曰公之真跡吾日夕焚香拜之不可以付君堯章乃鈔以歸是徐氏別有鈔本必與高氏同出一源也壽鏞搜羅公集歷廿餘年先後所得不下十餘種反復勘比實以高本爲最勝鄧本爲最詳而致力搜校專且久者厥惟張丈讓三當甲寅五月張丈寓上海寶樂公旅館與壽鏞縱談刊行鄉獻遺書因出示所校鄧本蒼水集且曰昔周布衣琢隱嘗鬻田以刻公集續用上者舊詩周布衣章泰字憲臣一字琢隱諸生昌時子也布衣生於丙戌以後而時以其父志節未伸終身不求進取張尙書水樵集布衣賣田刻之每歲九月必至杭之南屏君既有志於斯展尙書墓家居喜深衣幅巾可謂畸士

張蒼水集跋

四明叢書  
約園刊本

盍速圖之遂以校稿相付今距甲寅夏忽忽廿載此集始刊成而丈之墓有宿草者久矣故凡丈所勘校之語今并注見集中不敢沒先輩搜校之勤卽亦所以不負曩日付囑之意也至編次年月雖依高本而大體不出鄧本範圍蓋鄧君秋枚與黃君晦聞合力共訂此書歷時三載之久而黃君致力尤勤搜求極富若視爲冗蔓輕率割棄則甚負二君搜集之苦心矣故茲刻凡於鄧本之善悉仍舊貫惟謝山年譜或云非謝山所作其閒年月多有舛錯壽鏞謝陋何敢遽言校正然以晚出之

張集跋

二四明叢書

約園刊本

本有爲謝山所未見者既獲互相參稽期歸信實故於全譜之年月未敢悉從卽黃傳所敘趙譜所注亦復多所更訂他如稽考世系則清池原譜確有錯誤今亦未敢苟同凡此區區皆壽鏞所以聊竭其愚而已近三年來日事勘校編次今年春始繕錄葺事甚矣編輯之難也而清池之譜得之張君愛棠蒼水畫像得之張君安甫皆雅睦堂裔也讓文與壽鏞則皆蒼水先生之族裔也盡其責於斯也固宜書刻旣成謹復敘述搜集編錄之顛末如此云甲戌七月張壽鏞跋



林

衣

集

四明張氏約園開雕

序

明萬曆間甬上豪於文者屠緯真余僧果也余讀白榆  
由拳農丈人諸集一以詞勝一以法勝卓然推為東南  
大家矣及天崇之際慈谿又有錢仲舉文薦與秦虞卿先  
生仲舉詩奇於文先生文奇於詩仲舉靈快不拘拘於  
格律而先生雖倚馬萬言未嘗不遺執於法也故陳眉  
公表之曰配食由拳農丈人之間匪其質矣而馮明仲  
以為有緯真有僧果有仲舉而復有虞卿月旦之評彰  
彰於當世者已如此顧余於林衣集受而讀之文章固

林衣集序

一四明叢書  
約圖刊本

奇矣其考徵鄉獻為尤足重也當天啓慈志之修列傳  
多出先生筆即如慈谿袁懋中焯讀史者但譏其為青  
詞宰相誰知其有營救楊博一事乎明史修於清輒為  
清諱雖萬季野史稿亦不敢昌言況王鴻緒輩先生作  
邑志袁焯傳時在明季頗詳密傳中直書虞闢入牆子  
嶺寇通州楊公博急調發逐之出上怒博不克報公密  
疏云不報之罪可原逐虜之功可贖怒遂解又云每為  
時宰言輔臣即無他善狀令明主有殺諫臣名誰為貸  
斧鉞地下者更言焯入相時前政濁後政鷺獨頡頏其

聞皎皎無所避避云是可辨明史之誣矣惜乎季野未  
見也余特表而出之以見先生立言之不苟焉攷慈谿  
藝文志林衣集八卷有文無詩眉道人序中所謂詩草  
尚扁家櫝是也別有鈔本詩賦具在先生族裔潤卿既  
出抹雲樓所藏者示余因合兩本編校選為六卷諸壽  
序賀序僅存一二而詩與賦則備錄焉余豈敢妄刪先  
生之文哉蓋酬應之作固知非先生所欲存者也顧如  
錢仲舉墓志載於慈谿志傳而兩本皆無之益歎可存  
而未存者多矣先生性孝有德有言文以人重何可聽

林衣集序

二四明叢書  
約圖刊本

其溷泯爰梓而序之時民國二十九年一月後學張壽  
鏞



慈谿志本傳

秦彝昌字虞卿

○秦氏譜號勳澤

以孝聞母常病瘖彝昌不解

帶不下樓者浹歲雲閒陳繼儒序而傳之自幼博聞強識

善為文崇禎閒

○原作萬曆中據雍正志改秦氏譜亦云崇禎改元選貢成均

以貢授

台州府學訓導喜獎進物類士多懷之

○雍正府志○馮若愚撰林衣集

序虞卿幼負異姿自總角即綜覽百家之言目光炯炯能辨五色於百步之外夏穴秦山石鼓汲冢聲牙棘齒

者一過輒記經久不忘

林衣集

傳

四明叢書  
約園刊本

林衣集序

屈大夫離騷本於忠猶孔子春秋本於孝經無德之文  
李華以為詐卓哉乎其言之也四明秦虞卿先生卓蹠  
冠羣英偉拔世恂恂自將一以淹雅玄勝為主余嘗讀  
其林衣集濃華媚秀精辨澄泓孫吳兵法在律庖丁刀  
妙在解其吉人之辭仁人之言哉先生性至孝母氏病  
瘖欠仙榻前不褻帶不下樓者經餘年雖有忤意未嘗  
見其怒時門生弟子羔雁成羣去為通人大吏先生不  
欲造次投訪藉口通家為賓客嚆矢所居巖重費文無

林衣集

序

四明叢書  
約園刊本

虛日先生憑几懸筆應之皆駢麗貫串璧合珠聯一似  
別有鱸鱠宿具於胸中者稿成掣去散落人間大小馮  
君搜訪採集僅得十之二三而詩草尚扁家積未曾與  
文章並懸國門先生嘗拈昌黎句云多情懷酒伴餘事  
作詩人詩匪男子第一事惟學謝太傅嘗自課兒耳諸  
子文彩映當代試輒冠軍比之荀氏六龍少其一河東  
三鳳多其一大要皆先生庭訓陶冶中來也衝沁蕭然  
父子吟誦之聲比於鄒魯郡邑干旄士大夫呵殿而過  
坊巷者呼為秦先生而不敢名先生孝似曾閔而兼游

夏之文有德有言當于古人獨行傳求之而配食於由  
拳農丈人之閒匪其質矣故眉道人表而出之友弟陳  
繼儒撰

林衣集

序

二

四明叢書  
約園刊本

林衣集序

予鄉蓋有僧果緯真兩先生云緯真以軼才奇藻橫鶩  
一世而僧果引古法繩之字劇句鉅非西京以上語不  
復道世於是知東南有兩作者矣乃余友復有虞卿幼  
負異姿自其童牙時卽已備歷五經四部史漢諸子百  
家之言無不畢覽眼光炯炯能辨五色百步之外嘗反  
黏細書于室壁上與子隔窗隙試之予方瞪目不能舉  
一語虞卿輒朗讀七行下也夏穴秦山石鼓汲冢聳  
牙棘齒難竟誦者余百過未卽解虞卿一過輒能記記

林衣集

序

一

四明叢書  
約園刊本

輒須久不忘余因是益心折之當是時同塾故有錢仲  
舉故喜譚古文詞仲舉豪甚每舉觴屬虞卿四明風雅  
獨僧果緯真耳吾才不埒緯真而縱橫有之君其爲僧  
果乎予笑謂仲舉毋涯量我虞卿虞卿何所不有然政  
不耐爲今耐爲古耳聞嘗私爲兩君月旦評仲舉才虞  
卿法仲舉詩奇于文虞卿文奇於詩仲舉靈快自喜數  
幅之後稍不自禁矣虞卿斷斷持格律卽率律下勿研  
詢萬里未嘗不還軌於法也今仲舉旣應制科以故業舉  
其所爲古文詞亦已噪海內獨虞卿尙困頓諸生閒未

卽舉世獨傳其應制時藝所爲古文詞又未卽傳而虞卿雅不好名每有作輒自棄去其存者復多漫滅予故命兒子颺從子仲搜諸逸藁得什之一校梓之使知東南作者有僧杲有緯真有仲舉復有虞卿也友弟馮若愚書於謬風堂之翠沈閣

林衣集

序

二四明叢書  
約園刊本

林衣集目錄

卷一

賦頌贊

登臺賦 有序

滌懷賦 有序

方竹賦 有序

方石賦 有序

鳳覽棠陰頌 有序

百歲翁劉念庭先生寫真贊 有序

林衣集

目錄

一四明叢書  
約園刊本

碑誌

明故馮季君甄甫墓誌銘

明故尹母呂安人墓誌銘

卷二

傳

馮長公傳

別駕蓋庵秦公忠節傳

仲父方伯懷庭公小傳

邑志小傳

袁公焯

周公大昌

楊公孫仲

葉公本

王公萱

秦公金

劉公士遠

劉公志伊

張公學

林衣集

秦公汝際

錢公維垣

秦公吉

陳公茂禮

劉公廷儀

卷三

序跋

芙蓉館集序

世澤錄序

目錄

二四明鼓書  
約園刊本

詩經鼎來序

大小馮君合稿引

白雪草堂師生合稿引

醉鄉小史引

隴西選貢文錄引

卷四

贈序

贈觀察楊公祁陽先生治兵海上序

送司理周使君應召入朝序

林衣集

送邑大夫巴西向侯入覲序

贈郡司農林公署篆慈邑序

賀大觀察洪公亨九先生擢江西副臬序

賀邑侯雲岡李若鶴先生奏績序

賀定邑侯長洲顧巖叟先生考績序

賀郡伯楊公擢巡海兵使序

賀鄞邑侯沈公奏最序

賀參藩楊公以邊功奉詔晉秩序

卷五

目錄

三四明鼓書  
約園刊本

雜記 雜著

重復杜白二湖碑記

四三二

儒學修衙碑記

舉中丞張公楷憲副張公昂祖孫鄉賢文

舉湖廣方伯馮公叔吉鄉賢文

四三四

卷六

詩

苦寒行

四三五

塞雁行

林衣集

目錄

四四明叢書  
約園刊本

古別離

人日坐月

四三六

馬上見

送無相上人歸越聞其淨廬近若耶溪戲有此贈

喜範明偕令姪至

石榴

桃花

初歲晚賦

獨坐湖亭待酒不至

夏日臧拔翁移樽東湖邀同寅諸友賞荷卽賦

夏閨情

四三七

感懷

見雁

雜詩六首

秋夜

四三八

花別語

燕別語

覽鏡

林衣集

目錄

五四四明叢書  
約園刊本

大隄女

襄陽曲三首

江南曲

閨怨二首

歸雁四首

石上松過僧舍偶題

四三九

江干曲

怨歌

讀陳木叔紅樹詩漫題四絕

菊花

林衣集

目錄

六四明叢書  
繪圖刊本

林衣集卷一

明慈谿秦舜昌虞卿著

賦頌贊

登臺賦 有序 天啟三年

余以壬戌之秋度關而西歷公劉之舊疆隄烏崙涉  
白豹稅鞅靈武頗稱壯遊然未獲周覽塞上意未慊  
也越二歲又復西征從環夏以東至于長榆客御史  
中丞之署著故有臺歸然曠焉四望游目無際千里  
龍沙若在宇下自秋徂夏每從登眺覽物興懷匪朝  
伊夕雖志靡託于長纓而跡頗同于出塞感而賦之  
志所親聞政繇仲宣荊州之寓亦是士龍鄴宮之旨  
爾其詞曰

粵呂贏之拓宇阻河山以為埔掃白澤之荒裔蒙塵闕  
乎榆中於皇聖代隆熙六葉誼遷帥閩牙昨交接抗柏  
寺之龐鴻控戎旃而震疊乃構崇臺位當玄武重壁侔  
姬章華慕楚用察祿祥雲物斯親爰始造其取則黃輿  
陋一柱之徒巧累十成而非虛爾其鏐戶雙闌左城紆  
徐拾級以升終而坦如前除爽塏則蕩乎空曠華棟軒

翔則屹乎環壯繡栢霽霞兮拱北辰以開堂綺疏籠日  
分分曲房而晃亮依稀乎夔夔測于歲功齊昕旰而騰  
望若乃林木連抱蒼若扶桑枝蒙九夏之日幹挺百禩  
之霜珍桃晶瑩豔燄燄架懸紫玉階翻紅葉靡不繞  
斯臺而上下紛應接其胎勝至于龍吐芳泉淙淙涇涇  
滋畦百漚浮厄九曲既鬱茂乎赫蔬亦鬚鬚乎絲竹于  
是乎肝衡寥廓眺徘徊迎暈暈于青阜映麗譙而靡  
鬼宰堵之參峯刺漢祗洹之璇拱飛翬跂連廢而戰士  
顧飽想積葉而握馬堪肥右睇龍沙迴環雉堞成壘突

林衣集

卷一

三 四明叢書

約園刊本

兀于金虎樓櫓雙窺于閭闔其弘開都市也有無遞遷  
羌胡雜選擢毛則獮獍豨羴毳羽則鸚鵡鴟鵂紛紛籍  
籍不可殫名者儼長楊之校獵及乎凱風泠泠引囑朱  
明闕塵鱗次循術縱橫若畏壘兮崇尸祝之遺貌疑井  
幹兮題凱歌之嘉石別有鵠印鱗緋之族鍾鳴鼎食之  
家門施行馬閭冠雲霄泐笙歌欲誇郭令侈甲第爭陋  
嫖姚爾乃回首玄胡懸欄縱目大漢濛濛若出宇下而  
渺不知其所窈也則森森武庫穆穆宗廟蕤金碧錯  
落交映者非祈靈保障之宇則玄極淨樂之宮至其陳

師旅訓苗猶越雁列鄭鷺聯聚雷震散飛煙匪投奇于  
石壘庶蕤跡于方員于是啟鞬轡之譯廣象胥之隸納  
呼韓之款圖王會之制式以鐘鼓賚以金幣雖彼左賢  
之驕塞闕氏之妖麗罔不屈膝貢費頻首受事而我名  
尊二漢媾意通乎絳利蓋忿蓋焉溲次焉總關隘之勢  
勝與戎夏之情形遞紛紜而贊目一徙倚而無贏矣故  
登斯臺者躡景中天鶩精域外環四氣以開襟應八風  
而宣籟絃叶棲鳥之府曲度離鴻之塞又或瑤席時陳  
山嶽並載暢賓主之歡悰淹良夜之未艾至若關山月

林衣集

卷一

三 四明叢書

約園刊本

朗碧宇無雲羌笛遙送哀角俄聞望故鄉兮千里牽離  
緒兮絲琴斯足雪朱歧之泣消羈客之魂是以僕慚代  
馬情本鳥吟覽疆場之虛廓嗟萍梗之浮沈匪登高而  
能賦聊寄想于南音系曰黯素秋兮驚沙亂朔風兮悲  
笳豔陽逝兮移檠朱景綴兮霜華悄怳兮中惻悠悠兮  
天涯

滌懷賦 有序

太常馮公明甫與予少同研席居接閩塵肝膈相傾  
宛如一氣荏苒春秋沆躑三紀雖升沈殊路而素交

彌篤往余道經滁陽公命使逆之境上流連醫中者  
累日夕已送之臨歧且預訂旋車之約握手滋然情  
可知已其明年夏杪予還過滁而公已逝矣嗟嗟仁  
賢凋謝素交零落旅邸涕淚怨不能已因援筆爲賦  
命曰滁懷志千古別云詞曰

繫予言邁杖策二嶠自西旋返兩度南譙覽山川其如  
舊悵風物兮蕭蕭望圍臺而闕若懷伊人而已遙憶往  
歲之良晤維閔茂之首秋念睽離于二稔欣下榻以淹  
留續紛張其傾倒尊貞醉紀瑯琊之勝恍嗣習池之遊

林衣集

卷一

四四明叢書  
約園刊本

及乎言別各懷惆悵津津後期歸來莫忘詎乍隔于河  
梁倏寢門而悲愴今我來思衰柳淒淒眺懷嵩兮煙冷  
履凝香兮雨濼尋飛花兮澗溟聆牧馬兮長嘶噫暗與  
懷哉國喪蘭陵鄉摧萬石詞澗潘江酒枯彭澤嗟遊子  
以何之空斷腸兮征陌爾乃轉憶君懷肫仁純樸與不  
宜惠賜無受獨嘗破產以字孤亦開門而延復汪洋叔  
度之隙空洞周侯之股乃若羊眼誠于敵壘簡拯厄于  
廣門寬解犢而徒步參吏歡而呼樽渾穆穆于載誰  
倫至其義憤摧鋒威稜破柱折負嶠之左瑞縛金吾之

翼虎病切民艱躬擢上怒涕可泐于峴碑澤且瀾于率  
土噫嘻與懷哉竊憫交難嗚呼鳳匿心軫絕絃悲增聞  
笛立馬踟躕去來奚適想太巨兮寒山桂燼思玄度兮  
空階月黑匪途窮而欲慟忍扣策于西州涉環滁之瀟  
列涕泗以交流

方竹賦

有序

客有遊雲峯者以方竹見示予舊閱天台志有之惜  
未及覩今見標格稜稜特出姬媼高節之外信此君  
復端人也爲作小賦記之

林衣集

卷一

五四明叢書  
約園刊本

粵始震房肇發蒼琅森夢澤之節簞攢汗渭之質簞紛  
堅貞以植性亦慈薄而殊俗幻或雉頭靈通鳳喙然皆  
體圓質以儀天孰斷觚稜而方幅唯是東南之美厥有  
會稽標赤霞而胤季挺紫筠以爭奇爾其不伍羣筍自  
呈峭格稟大塊之端嚴法黃輿之正則畫四序以標芳  
削三峯其如式噫嘻是直以方疇與爲刊播清音兮應  
賀山之棋局迎涼颺兮掃平石于仙壇試移湘清不受  
英娥之淚倘牟靈壽肯扶子夏之冠庶幾哉影入圓池  
似禮青方之蒼璧綸垂海曲定投折旋之瑞滯若遇賞



音于高遷寧羨魯宮之松栢將使棲鸞鳳圃允諧韶節  
化龍葛陂猶存鬚角

方石賦 有序

台之委羽山相傳仙人劉奉跨鶴飛昇處也有方石  
焉巨細等埒擊之應手而碎雖千百如一可稱介石  
君子也感而作賦其詞曰

登崇山之翠嶽玩磊石之嶽崎兀侵霞而柱聳翫出雲  
而香披錦文紛其五色城彩敷而陸離別有詰曲枝莖  
參差蓮萼零陵雲而燕翔皋塗然而鼠燭奇峭殊名可

林衣集

卷一

六四明叢書

約園刊本

怡可愕差賦形之瓌異孰范模之截然雖摧之而靡勁  
詎碎之而體全厥惟委羽逗靈鶴僊特秉方正曾靡敲  
偏蓋其受質也稟純德于土精謝大圓之光濟匪繩削  
于公輸等洪纖而合契爾其大若割肪折旋寸許細則  
鉅釘著如綵綵繼百千兮迸裂仍整齊兮一矩藉令幻  
形鵲印夫奚假于磨礱授目長鯨儼仙人之綠瞳新焉  
坊表肅兮端公繇斯以觀寰區正氣不僭不忒落落如  
斯四方維則彼而發華陰徒傳祕匿笥開古牒猶疑傾  
側是以搜奇禹貢不列青州之怪向日若邪不曝夷光

之解進令嗽齒者益礪子荆之操投分者亟下南宮之  
拜

鳳覽棠陰頌 有序

蓋聞鸞集香泉尙爭輝于神爵柳繁謠館亦比帶于  
召南良以跡異者眾詭其靈悶醇者俗安其理流傳  
輿頌自昔猶然何況聲實兼茂循卓雙標者哉維我  
邑大夫新都汪侯家崇列戟世嬗韋箎周楨自王國  
奇秀全孕龍蟠彩筆軼江郎麗藻芬飛花雨是以代  
傳治譜才裕必琴芝顏晬穆謂初日于冬溫素節稜層

林衣集

卷一

七四明叢書

約園刊本

傲凝霜之秋肅軫民艱則請蠲浮稅寧謝職以抗臺  
移酌征輸則一洗侵漁至捐蠹以代課額定賦役而  
平衡殷耗萬口共頌神明清讞牘而併貸蒲鞭兩造  
畢傾肝膈至于聿新蠶序弘獎羣英霄懸水鏡卽永  
叔題才之日宜避前幕門集鳳鸞若權公刈楚之柄  
允堪竝駕唯是海濫根楨頓作河陽花縣九苞異采  
映白鳥已卜三公六月冰壺聽清徹長流萬里樹蘭  
蕙棘不數范忠宣著作之林金璽緋衣旋看卓太傅  
徵書之召某銓伏丘莽誤辱品題樽植空山豈勝輸

削虛號韓國竊附甯歌敢僭頌言式昭詠艾其詞曰  
穆穆神君興于豐芭詞揜六朝望隆九枳帝惠海邦鳳  
輝棲只薰風叶絃春膏浹相昭靡察淵寬能飭紀僑惟  
眾母賈恆字子有斐譽髦實藉父師岱斗宗韓吐握倅  
姬如索玄珠象罔無遺亦若范金冶化惟僱泱泱東海  
飲水知慈佇擁烏鵲而陟龍夔載廢康壤以式來茲

百歲翁劉念庭先生寫真贊

有序

先生心遊邃古道廣太巨含元氣于混龐作邦家之  
彝鼎寄託漢陰豈謂膏育泉石夷猶里社真稱煙火

林衣集

卷一

八

四明叢書  
約園刊本

神仙玄晏之著述富矣猶遜期齡景山之中聖恬然  
尙慚溫克正如河浮五老表符瑞于嘉年所以岡等  
三朋堪繪眞于喬嶽某分邈淵霄幸承光霽瞻眸容  
之寫照竊擬贊于曲江蓋子壽之言曰工繪其事見  
盛德之形容士頌其功知和氣之旁達鯁生之于先  
生亦云詞曰

謂舊德五朝儼召爽焉而勇退獨先謂香山九老白傅  
猶然而未足隨肩其銜杯樂聖以爲杜吾德權而閉戶  
著書又與副墨之子洛誦之孫而爭傳夫何以名先生

亦仍求之纂著曰髣髴柱下若五千言

碑誌

明故馮季君甄甫墓誌銘

邑薦紳先生稱好文喜士亡若方伯馮公其子姓多才  
賢文業闡著亦亡若方伯公門爲最始公以弱冠成進  
士所至樹聲績及爲政於鄉者垂五十年而仲氏水部  
公亦後先通籍以廉潔長厚聞已伯子東流君若呂仲  
子比部君若舒水部之子襄陽君若愚競起鼎貴比於  
王氏琳琅不啻矣不佞舜昌故辱方伯公知俾受書家  
塾如子姓行因得徧交東流諸昆季及公壻憲副張君  
相與切劘研席其歡如昆弟無間也甄甫爲方伯季子  
於諸子中最少其交最晚然其意氣不後於諸君迺不  
幸歿其相失最早惜哉當甄甫歿而方伯公葬之文溪  
之陽欲自爲銘不果後二十五年而甄甫有遺孤元仲  
業爲諸生負雋聲故從不佞受經且暮欲獻謂不佞曰  
不孝孤背先人甫四歲惟是一二遺行惜然無所覩記  
迄於今非先生誰復知先人者幸哀而賜之一言俾黃  
壤猶生卽不孝孤如見先人矣不佞固遜謝不敏而元

林衣集

卷一

九

四明叢書  
約園刊本

仲欷歔泣請益迫曰傷哉墓門之木拱矣而猶未得  
所爲不朽者是不孝孤終死先人不得爲人子也且先  
生亦安忍稿壤泉下之靈而棄之不佞亦爲泫然曰嗟  
乎余信知甄甫矣今聞子言使人山陽之感倍深然先  
是未有狀甄甫者余念之宛在心目閉謹憶而誌之甄  
甫生而魁梧廣額隆準豐下目光注射如電性倜儻饒  
膽智膂力過人自羈卯時能馭惡鬻馬縱轡馳上下山  
阪見者亡不辟易而意氣揚揚殊自得也其讀書務涉  
獵大旨不能頻首受帖括其操觚亦如之十五出應有

林衣集

卷一

十四明後書

約園刊本

司試輒占高等其上學使者業已錄名會書卷小註誤  
竟罷去然中故豪爽不屑屑芥蒂失得少善飲飲必酣  
暢客遠巡告困更以大白沃之必使爾客往往大窮如  
孟公閉戶周侯舊對時甄甫更自歡暢其跌蕩多如此  
而方伯公素嚴庭範慮年少豪舉不無闖入狹邪者其  
程督倍嚴甄甫進而奉教唯唯步趨惟謹退亦跡弛自  
放不復拘檢桉矣小試之家政亡不當方伯公指閒有  
所受令舍人子力不任者以語甄甫能以意消息不盡  
如方伯公公亦心是之弗問也與人交率伉直不能面

藏人過不知者憚其凌厲然至片語解釋輒歡洽如初  
人以緩急請慷慨應之無難色其脫略邊幅不自知衣  
冠垢敝禮節闕疏尤恥爲驕蹇修富貴容則紈袴子弟  
不數數見也性雅好古喜集法書名畫不吝捐囊購之  
嘗得古名琴能爲雅操時賞玩以爲適他若六博投壺  
蹴鞠管蕭之技往往不習而工然非久輒棄去而其喜  
豪飲故自如乍卽之口語小啞酒後耳熱輒歌呼調笑  
不至驚四筵亦傾其坐客至主觴政顧曲誤則躍然自  
喜雖燭跋斗闌興逾劇矣然坐是中二豎崇下痢十日

林衣集

卷一

十四明後書

約園刊本

卒時萬曆壬辰之七月三十日也距生隆慶壬申二月  
十一日得年僅二十有一初名若臯已更臯爲陶甄甫  
其字別號遂昌方伯公諱叔吉世稱修吾先生母周封  
恭人備內德有大夫概論者以方鮑司隸王司徒兩夫  
人云水部公諱季兆王父封中憲公健齋翁燮大王父  
寒谷潛夫禾其先世詳家乘中不具述娶陳爲尙寶公  
鯨子光祿丞筠女以節孝聞臺使者屢下檄優異尋待  
命旌其門生子一卽元仲敏慧嗜古文辭駸駸欲世其  
家娶海豐尹葉公維榮子太學生長春女孫男一嶠聘

庠生周君紹恩子懋寅女女孫一瑀許字主政錢公文薦子庠生昌齡子玄錫兆曰牛山葬以卒之年九月四日負甲抱庚南望方伯公墓里許右去比部君墓百步不佞既爲甄甫志復得其至性者三每醉歸子舍必令人司方伯公起急盥櫛趨侍膳及問周恭人寢以爲常恭人頗善病不喜醫藥獨甄甫手調以進輒欣然受之當其臥病時病已棘猶強起疾行如馳以寬二尊人憂其志可悲矣嗟乎甄甫名行未成他無可稱述然其志故豪已落落不羣矣今天假之年未必不雁行伯仲氏

林衣集

卷二

三四明故書

約圖刊本

縱卽不然亦何必滅驃騎乃并第五之名而滅之惜哉秦舜昌曰自諛墓之詞侈而世無不徼尊貴人名位以誇閭里固未有微言于士者卽有之亦必求仁人之言而元仲獨以屬不佞不佞媿非其人然于誌甄甫不溢矣抑昌黎有云生而不淑孰謂其壽死而不朽孰謂之歿古今以爲知言蓋昔謝煥之不死也實維有子曹世叔之名聞後世曰有賢婦嗟乎甄甫斯亦足不朽矣是宜銘銘曰疇詒而穀胡受之亡祿疇鄂而棗胡名之獨替將子者人而奪者天耶抑蘭者摧而隄者絲耶孰短

修孰厲冰燄而光爾幽爾亦寧止以施孫子于千秋

明故尹母呂安人墓誌銘

余少侍先大夫每聞薦紳先生有躍川尹公者醇德君子也已公卜居同里巷則時時接顏範其內政井井有萬石君遺風余既爲諸生復與公嗣子游狎知呂安人賢矣安人者公繼室也家世鄞人當憲廟時其先侍御公炯與郡伯公欽廉憲公和後先鼎貴以勳名赫燿家乘稱甲族云侍御公有曾孫綸博學工詞章嘗射策浙闈至十舉不第乃與南禺豐公結社爲歌詩以泄其牢

林衣集

卷二

三四明故書

約圖刊本

騷之氣則安人父也母某孺人生三女一子安人其仲生而沈靜勤敏夙嫻女紅常閉戶綴紉竟日不聞笑語聲父母賢之閭黨有藉蹇修進者曰非吾女匹也輒謝去而是時尹公既貴爲刑曹郎元妃封安人陳既有子若女矣陳安人抱羸疾久在牀第間慨謂公曰吾病且不起君必繼與冥漠而以是孱子女遺之不可知何人死不暝矣亡若當吾世而擇賢有德者授之死且不朽公不可則絮泣請益迫公不得已領之而最後聞呂女賢遂納篋焉安人歸而陳安人見之喜謂公曰真賢媛

也亡慮不宜家矣時子某甫六歲女甫四歲命之拜曰  
眞而母也已手筭鑰授之曰眞內主也蓋自是陳安人  
疾小損亦時有起色室中雍雍無閒言安人事陳安人  
如姊陳視之如妹子女之事安人一如陳而公左右兩  
安人閒夷然靡二志一如陳未病呂未入室時安人之歸  
七年而後陳安人歿其拊子女慈愛有加汔於婚嫁猶  
然一日矣已安人自有子女不辨其孰爲己出也公之  
再補刑曹郎出守咸陽皆以安人從爲慎局鑄飭僮僕  
虞虞惟謹雖米鹽果蔬之細躬節蓄以佐公廉以故公  
得專精吏事所平亭疑獄郎署推名法家其治郡多惠  
政尤以廉潔聞皆安人力云公懸車蚤藁裝蕭然安人  
且暮操作佐公營第宅拓旁畝林居十五年不自知宦  
之拙矣安人不及事舅姑歲時伏臘夙興潔精蘋藻不  
貸手一人其祀陳安人亦如之公篤愛二兄生爲之治  
田宅歿爲之具棺衾葬爲之營邱壟婚嫁爲贈資斧諸  
子中才可教者爲延明師訓之成立常先後其意一一  
贊助焉性安澹素居恆椎布無異里媪至賙恤孤惻亡  
所吝呂氏中葉弟有遺孤以子畜之終其身有瘳而歸

林衣集

卷一

十四

四明叢書  
約園刊本

者油然而與之處歷寒暑七難色訓子姓諄諄無墮先志  
雖篤老猶爲之綜家政無令妨學業長子守宇遘危疾  
坐臥榻前至瘳迺已生平素健絕不近醫藥偶下痢謂  
家人曰吾已矣促治具取所御簪珥衣襦一一注記分  
遺支屬皆徧取故翟禕霞帔授某曰此而母命服也善  
藏之當屬續時子孫環泣請治命曰務孝弟勤讀書無  
一語及亂其明達知大體如此有子三俱庠生長卽守  
宇娶某及長女皆陳出安人出者守宅娶某守宸娶某  
女適某孫男七三爲庠生云云曾孫云云安人以嘉靖  
某月日生以庚申歸歸二十四年而公背後三十四年  
而卒時萬曆丁巳七月七日也享年八十有一又三年  
爲萬曆己未嘉平之某日守宇等將啓公南山之兆合  
焉乃泣血頓顙請銘其墓余向已狎知呂安人賢矣復  
何辭謹按某所手次行述輯而誌之安人未被綸命然  
跡其賢懿不忝爲公妃無負陳矣於禮得並稱安人云  
誌曰易睽之繫二女同居志不同行固未有耦俱而無  
猜者也又寧有繼而耦室者乎徵陳安人之賢而達生  
安得有呂安人徵呂安人安能使其疾小損至七年而

林衣集

卷一

十五

四明叢書  
約園刊本

終豈不難哉嗟乎嗟乎以一呂安人而令伯子之孝不  
名為伯奇二仲友愛不必為王覽郡伯公刑于之政優  
于君家吉甫豈不尤賢乎哉是宜銘銘曰書美于媯邈  
矣二女不可追次乃在晉式下叔隗用克媯于冬日之  
衰千載而下嗣者其誰斯藏斯徵是惟呂之音微

林衣集

卷一

十六四明叢書  
約圖刊本

林衣集卷一

林衣集卷二

明慈谿秦舜昌虞卿著

傳

馮長公傳

馮長公者諱若呂字溱甫世為慈甲族其先多顯者詳  
家乘中父曰方伯修吾公叔吉政績烜著所在尸祝而  
其守池陽及為江防治兵使者尤著自留都三輔雖婦  
孺亡不習其姓名者有子三長即公次刑部主事若舒  
次若陶公美丰儀廣顙豐下神采奕奕見者皆竦甫受

林衣集

卷二

一四四明叢書  
約圖刊本

書過輒成誦下筆儻期韶秀灑然絕塵未弱冠補邑諸  
生試輒高等嘗一不得志於省闈輒扼擊起去而游南  
雍其試南雍又輒高等當是時先後兩司成為故相頴  
陽許公洪陽張公並負倫鑑其賞識傾天下士一見以  
國士遇之謂生真方伯子矣壬午舉應天鄉試上春官  
不第已主事公以壬辰從弟太僕公若愚以乙未並成  
進士而公待公車故自如方伯公貽書促之選公負氣  
豪甚猶芥視一第慨曰違命非孝也違志尤非孝也無  
寧從志乎自是凡三上而最後奔方伯公喪歸哀毀如

禮服除再上又不第乃泫然曰吾不能負懸地下矣遂  
謁選人授池之東流故五柳先生菊圃地也公躍然喜  
曰吾飲菊江水以滋先人芾棠何快如之時江南大澇  
邑受浸尤酷至則躬自節蒿捐月俸及約諸經費益以  
贖緩市湖湘粟以振之而單車徧都鄙計口分給心力  
爲殫於四郊廣廬舍以弼饑民所全活者以萬計邑介  
江南北楚婺之交居民雜糅其土著者不能半訟則移  
牒旁郡邑無可究詰而前令多飢餓偷取滿歲以去民  
視令如尉視尉如嗇夫公奏記臺使者訟必屬令諸自

林衣集

卷二

三四明叢書

約園刊本

旁郡邑移逮者禁不遣而旁郡邑無以奪公諸訟者苦  
不決卒頻首就訊公衷情法剖決如流案牘如洗邑自  
是知有令矣先是主藏吏貯賦私家取什一息而公帑  
顧枵如公微知之示將檢括者吏恐急丐貸以入乃納  
諸大櫝扁鏑甚周令自後上賦者得自投其中不復問  
他羨非解發不得啓櫝不峻法而宿蠹一清有艘泊江  
泔密遣游徼偵之獲大盜十有七人亡一得脫者諸菴  
荷之奸爲遠徙不敢近東流界鄉有陂池一屍浮出莫  
知誰子令暴於中途往來屬目者竊指云某生而左趾

闕一今亦知之公於是窮竟果婦翁殺黃瑁墜之池具  
服抵罪其發摘姦伏多類此一時循聲流傳畿輔謂大  
小馮君昔兄弟而今父子也而適聞母周恭人病立遣  
婦子歸侍疾而亟乞休終養諸監司察公治行獨最持  
不可而周恭人病亦良已乃奏績錫綸命如甲令而是  
時方伯公去池陽可五十載池人追思之爲請祀學宮  
而公亦偕父老羅拜祠下人稱兩世甘棠爲盛事云邑  
濱江而城其南隅滂下夏秋水漲則輕舸與睥睨等乃  
伐巨材杙其趾甃石爲長隄以障之屹然狂瀾砥柱費

林衣集

卷二

三四明叢書

約園刊本

且不訾功垂成而去惜哉公治凡五年積薦剡至七八  
章尋當內召而會淮離使者素器公有所咨於旁郡邑  
其事頗洩大觸當事者忌用蜚語中之公聞而喜曰吾  
乃今而得爲人子矣夫夫齧我而愛我也遂拂衣歸歸  
而侍周恭人匕箸甚歡至隄入秩終其哀毀如方伯公  
時公爲人慷慨負氣節意所不可百折不撓至片言相  
合輒傾倒無間而孝友天性不事緣飾方伯公及周恭  
人內政嗃嗃務盡其歡主事公以王事卒於旅邸蒲伏  
災暑數千里持其喪歸撫二弟之孤如子方伯公有遺

崖未析呼諸子誠曰此而輩業也任汝分之我弗與知矣而諸子亦體公意交相遜讓戶以外弗聞也其廓落好施自浙以東西及兩都人士無間識與不識爭慕馮長公千里誦義人有緩急若取諸寄其故交負責多至數百千金置弗問已與人交好游賢豪閒嘗受業郭司

馬青螺先生之門於燕善相國方中含公於楚善中丞汪靜峯公於吳越尤眾初鄉薦時諸同門載酒樓霞而虞山陸公化淳卒中惡客皆驚走獨公與宣城葉公永盛急呼湯藥調治久之始甦汔送之還乃去眾皆媿服

林衣集

卷二

四四明叢書  
約園刊本

馮生平最好客客至必流連竟日繼之以夜且日復然其飲自謂得酒中趣花晨月夕徵歌度曲足令高陽奪色竹林生氣其拍浮豪縱時雖江東八達不過也歲戊午公年六十有五於中秋日徧過諸宗戚殷勤款密夜則命酒暢飲極歡閒以絲竹申且不寐因示微疾至七日且革家人環泣笑曰奈何作兒女態相向耶遂瞑初方伯公舉公于令署生有貴徵因自號曰泰源志所自也子元奮元宣並有文學能世其家

逸史氏曰世稱仙令若勾漏丹沙事誠有之於今未有

聞也長公少慕松喬之術見石室丹經手自詮纂有味乎其言之晚遇異人彭翁授以積氣鍊形金丹玉液之法試之頗驗遂飄飄然有凌雲意予習長公生平故義俠人也其卒也又若蟬蛻塵墟豈稚川抱朴之流與然其得全於酒於彭澤儂乎有餘矣

別駕蓋庵秦公忠節傳

公諱碧字仲文別號蓋庵少博學工文辭與從父煜齊名每試遞相甲乙弘治己酉御史將入棘先期都試士以周禮儀禮家禮發策公條對詳覈為全浙第一人而

林衣集

卷二

五四明叢書  
約園刊本

煜居首遂同薦於鄉屢上春官不第最後謁選人判江西饒州府事著廉能聲會萬年縣姚源賊反勢猖獗甚督撫陳公金討平之其黨尙眾而巨魁王重七等陽聽招撫實懷異志公受檄署萬年時縣署初建百務草創吏胥皆為賊耳目上下洶洶公苦心經畫眾稍戢而兵使李情謂亂民宜重典特用嚴罰繩之益不能堪遂復叛殺兵使縣佐指揮等官幾十人公亦被執賊帥號眾曰秦爺清廉好官不可害公厲聲罵曰我朝廷命官豈向賊奴求活耶汝不敢殺我我必寸斬汝矣因顧左右



曰官兵何在賊驚疑有伏公遂遇害時正德癸酉十月也事聞詔立祠旌忠廕一子散官議贈諡未果士論至今惜之後二十年從姪中丞鉞撫江西自爲文祭祠下忽有風靈之異人謂公精靈不朽云

仲父方伯懷庭公小傳

公諱鈞字鳴和別號懷庭嘉靖庚戌進士性和而介與人交逡巡退讓接童穉必以禮至辨是非嚴法守雖勢焰薰灼不移如山筮仕南太常博士故事有事太廟中貴人與堂卿並南向坐而博士侍公始至見設席如故

林衣集

卷二

六四明叢書

約園刊本

怫然欲去中貴人曰先生難我乎此例也公曰非國典誰能遵之自是博士別燕他所著爲令晉南吏部郎考功丁巳大計持議侃侃冢卿恚曰司官何動相左耶公曰某知公道宜爾不知其他嘗考績至燕所執羔雁惟幌筵諸要津目之胡盧曰吏部郎何挾之奢也公對之夷然然坐是滯留曹十餘年不調嘗除夕家人覓百錢市薪不得以問公笑曰元旦突無煙一歲中清寧最爲吉祥已晉山東副臬治兵青州青故盜藪懾公威名諸椎埋作姦者匿影行旅野宿亡恙期年以內艱歸齊民

巷哭揮涕如雨輒車至十舍不得發時恆王好賢雅重公每宴賜算器食外未嘗以幣交至是以古研贖辭曰姑爲鬱林裝若何公不得已受之比啓函則百金藉其下公驚并研返之王媿悔特爲書謝答服闋補湖廣辰沅兵使適紅崖苗叛公輕身往撫之首眾盡降於是旁二寨相繼納款所省兵力不訾亦絕口不言功尋參藩滇南所治銀場又地饒珍寶先任者無不滿贏公獨垂橐歸右轄陝西轉江西左帑藏出納屬郡佐廉能者更任之俾署名封識未嘗一啓其緘有羨額悉申貯爲經

林衣集

卷二

七四明叢書

約園刊本

費不染一塵時撫臺姑蘇楊公有所受囑勸行錢法民稱不使其督責頗急公與議不協至仇詞不屈遽上疏乞休諸藩臬友寮固留之曰聞已推公中丞矣矧考最且及獨不能少待耶笑曰士固有志乃卽日登舟直指君亟挽其維則已揚帆逝矣里居杜門埽軌片牘不入公府布衣蔬食蕭然如寒士比卒至不能具棺衾閭里皆爲隕涕云生平至性純篤事繼母以孝聞伯兄鐸績學敦行爲世儒宗公受業其門終身事之如父自少博極羣書下筆氣格滿瀚如高江急峽下瀨瀕不可以舟

其成進士爲本房第一人時關中王太史允寧以文章高視一世鮮許可每見公輒歎曰惜哉令我得公卷必冠南宮矣與同邑顏侍御冲宇先生爲同年友最善恆以道義相規其氣節絕相類云敷歷凡三十年所至樹聲實於清操尤著嘗曰吾清夜自思所不及孤竹二君子不能食西山薇耳公歿後督學劉公採輿論祀之學宮江右志名宦別有傳

邑志小傳

袁公燁

林衣集

卷二

八四明叢書

約園刊本

袁燁字懋中建極殿大學士謚文榮少負異資英敏絕世嘉靖丁酉省試第二戊戌冠南宮廷對及第第三人由編修游歷清華入參政府皆出手救特簡受知世廟最深每機密重務不以咨元輔而以密劄咨燁所匡正亦最多外廷祕莫知也而其披瀝忠赤無大於定國本者先是儲位久虛二王並居外邸人情洶洶時以禮卿入直西齋宮諄諄爲言天倫定序上不能無動而難于冊立因切言冊立可後景王之國不可後耦俱相猜人心疑慮上深然之亡何傳命景王就封中外鼓舞稱慶

而不知納牖功也他日忽遇閣臣議傳繼事語多叵測力陳仁孝天性曲爲解悟疑始釋潛邸乃安初冢卿闕分宜欲用其鄉人歐陽德廷議無不唯唯燁爲少宰獨持筆不肯署眾皆愕眙虞闌入牆子嶺寇通州上方有祈年祕祝莫敢聞本兵楊公博急調發逐之出已偵有伏復大創之而上怒博不先報又不早計使寇深入欲寘之辟公微聞之密疏云不報之罪可原逐虜之功可贖卽罪博今誰能代博者怒遂解燁亦絕不言而最後楊司徒俊民每言于先人有不報之恩今猶耿耿其爲德如此居恆每爲時宰言輔臣卽無他善狀令明主有殺諫臣名誰爲貸斧鉞地下者而自是擢鱗者亦稍稍得輕譴嘗兩主鄉會試所得多名世士如壬戌鼎甲三公皆相前此所未有也慈故運糧輸廣積倉航海險遠而諸倉場徭役之隸餘定者俱借派于慈自丙辰中寇始成城民力倍困于是畫便民三事上之得改運廣安倉就近易凡徭役之借派者各歸其縣留稅銀七千四百有奇募兵爲城守慈民始甦眞百世利也燁旣以知遇非常鞠躬盡瘁卒上震悼累日諸卹典加峻而素峭

林衣集

卷二

九四明叢書

約園刊本

直多取憎同官故僅得中謚論者謂焯入相時前政濁後政鷺獨頡頏其間皎皎無所遜避而孿孿若遇特在恩威不測之主卒能善始終如一日凡爲焯者亦難矣哉諸著作多散佚門人故相王公錫爵稍爲詮次得若干卷藏于家

### 周公大昌

周大昌字德茂中正德丙子鄉薦時年二十有三凡九試南宮里居幾三十年絕不以事干邑庭初任江西樂平教諭陞贛之瑞金令行莅任已入境矣適鄰郡司理

林衣集

卷二

十四明叢書

約園刊本

以事至其人嘗執弟子禮于大昌於體不便卽返棹旦日家人怪問鷓舟胡復西也曰吾歸矣先是其父驎以貢爲汝州司訓其郡太守馮志者同邑通家子也聞前驅至道經汝州意難之遂解職歸而是時昌初下第卽取道趨汝遇諸途曰兒緣何至此答曰馮子爲郡大人安得留政來負擔耳相慰勞欣然昌博學工文章其解經爲世詩宗

### 楊公孫仲

楊孫仲字敬伯少負志節有世父柳塘公遺風以嘉靖

壬午舉鄉薦累上公車不偶授儀真令邑當江淮要衝商賈輻輳號稱財藪仲奉柳塘公所輯治縣諸事皆稟式門如止水有巨商以珍餽不得開囑閩人密置案席見之痛扶屏逐焉自是雖交游篋篋絕跡矣諸郵傳絡繹以仲廉無敢橫索一勢瑞翁劄甚迫用微言輒引去異日還過戒從者毋得犯楊令君秩滿當奏最以忤臺使者竟歸橐裝蕭然室無別構畝無旁拓非公事不至邑庭非知交不赴宴飲以不獲貶封先人自念潛然非大節序不一御冠帶有腴田歷邑城不受補地遇橫

林衣集

卷二

十四明叢書

約園刊本

侮者輒避之可謂清修醇德君子矣子世思宗慈湖學與仲並祀學宮孫守勤會試廷對皆第一

### 葉公本

葉本字敦叔性至孝十八應省試僞傳父嶺南有他卽辭歸督學嘉而許之嘉靖壬午薦于鄉五舉授南樂令俗故輕生小忿爭輒雉經或自溺乃嚴救鄰里不救解者罪之俗頓革所生全無算屬大蝗率民廣捕以易粟歲不爲災駕幸承天檄本治行宮六百里勞績爲多尋考最定擬南臺矣以失學憲意調知上蔡憂歸再補雲

山大壑翠巖曠遠臨池如靚妝倩女閒雅娟秀直逼晉人嘗語人曰二京三都之後無賦兩漢之後無史卽以我明之盛猶闕焉將無令後代起乏才之歎乎而是時屠緯真入爲儀曹郎兩人相推重傾動都門諸子墨客卿無不心豔其聲以得其尺楮爲珍異葢亦以此自喜酬對忘機而又雅好客居恆引觴選韻大酬放歌且暮相續猶未嫌丙戌持節冊封晉藩歸省封樹賓客日益進其飲酒賦詩興亦益劇遂病病稍聞尋報命至潞河卒時年三十二所著有雲山日記采真篇季孺詩選喬

林衣集

卷二

十四四明叢書

約園刊本

雲館全集並行於世

秦公金

秦金字懋南初治毛氏詩以春秋第嘉靖癸未進士用憂歸服闋謁選人時無錫秦司徒與同名諷之改且得要署金曰禮子生三月父命之名先人在猶不敢矧旣歿忍以一官易乎卒不改司徒大恚銓曹亦以是授南京刑部主事戊子分考南畿得士如唐太史順之汪都憲南寧皆爲名臣尋轉南祠部郎時分宜爲宗伯金伉直事多與忤甚憾之有靈國寺僧黠而穢私請僧綱司

印分宜許之金堅執不可其隙愈深每借他事欲傾之不果壬辰出守吉安甫莅郡遂以計典中之金歸留心桑梓有利弊多所建白其於敦倫睦族宗祀典禮尤所重聞島夷寇上海黃巖等邑豫策悉必中寇亟倡議成城以築室謀止後三年寇至受禍最酷人始服其先見云貌清癯瘦削如鶴立抵掌娓娓不休壽九十有三季子文潛乙卯舉人德藩長史

劉公士達

劉士達字伯鴻嘉靖壬辰進士初改翰林庶吉士以中

林衣集

卷二

十四四明叢書

約園刊本

貴譖當事者命再試遂與呂光洵等俱溢額筮知長樂縣未三年以察廉擢山東道御史出按畿輔權貴斂手會章聖皇太后梓宮耐陵擇壘臣負才望者扈蹕首與焉至通州輒劾內官閹綬緹帥趙俊貪橫不法事得旨逮問一時宦寺以下無不凜慄奉約束唯謹比回蹕復條上三事曰嚴吏治普文教紓民力皆切當時利弊俱報可遂自以得際聖明益自發舒乃摘吏禮兵工積蠹上之語侵靈寶許太宰而是時上方嚮用靈寶且欲大拜遂以排陷大臣外補臨淮令蓋猶念扈蹕功也達治

臨淮如治長樂不以遷臣自放尋判汝寧再知合州所  
至尸祝中外方跂望賜環且大用而靈寶已入政府憾  
猶未釋竟以襄府長史終老矣遠風裁峻挺才具警敏  
遇事咄嗟立辦浮沈二十餘年若長沙膠西齋志以歿  
歿而家無遺產所居不蔽風雨寢巨之賦不贍饘粥士  
論惜之遠曾祖焯正統間爲名給事與林聰齊名以直  
節世其家

劉公志伊

劉志伊字可任生而清慎外和中毅仲父方伯廷誥甚

林衣集

卷二

上四明叢書

約園刊本

器之嘉靖丙辰成進士授吉安推官以廉明最召拜山  
東道御史視長蘆薩時景藩之國分宜私人鄒懋卿爲  
總理所至繹騷伊靜鎮之商民安堵再補河南道按山  
西未至出僉楚臬備沔陽兵築新隄三萬六千丈修舊  
隄三萬丈有奇開馬臺淤河三十里諸所建暨詳荆西  
政略中隆慶改元晉閩藩少參庚午副滇臬發黔公朝  
弼不法事奪爵逮至京峻拒土司饋風紀肅然擢參廣  
藩適倭寇雙魚與趙可懷合兵擄斬五百餘級又設伏  
半渡擊之殲其眾制臺殷正茂以大捷聞已大征羅旁

以總憲督二帥搗巢深入功最多先後皆以俸錫金晉  
湖廣右轄尋轉左時計臺何心隱上書諷江陵終喪直  
指希旨捕繫將陷之暱謂伊曰心隱本吉水人梁汝魁  
公司理時以無行訊決故牒存否伊直指曰某在吉未  
嘗訊梁汝魁脫有之安知其卽何也直指語塞士論快  
之己卯入計所留羨金六萬有奇以失江陵意投閩南  
中歷京兆廷尉三載江陵歿改北尋陞工部右侍郎言  
官摘張懋修楚閩事詞連伊伊辦閩中事甚晰太宰楊  
巍合疏留之竟致政歸絕跡公府亦不輕發一言時同  
年顏鯨雅同志操每爲郡邑陳說利弊無諱或以諷伊  
曰顏兄已言之矣使吾兩人一爲杜密一爲劉勝不亦  
可乎歷任三十年廳事僅旋馬如故自題其柱曰正直  
忠厚夙佩名言恭敬溫文力行古道其素志如此以萬  
曆壬辰卒六十五禮官議予全卹賜祭葬如制

張公學

張學字維勉治春秋爲諸生高第以奔母喪嘔血幾殆  
父歿毀瘠遂得痲疾不能應制科然其淹通六籍愈遠  
家故貧舌耕以資二弟割數椽畀之爲季授室又復鰥

林衣集

卷二

十六四明叢書

約園刊本

并挈其子哺焉字伯兄之孤如子仲父無嗣序當及學  
屬有旁睨其產者輒讓之弗與較憐從弟縲絏非其辜  
特捐貲贖之其篤於倫義多類此嘉禾見沈羨苦饑將  
自溺急周之至垂囊歸倭躡王江涇逐一叟及諸河急  
鼓棹往同舟者弗許此曰等阨耳忍弗濟是代爲寇也  
去刃尺有咫卒與俱脫有貴介子挾麗妓夜藏之家塾  
莊坐達旦學憲包檀芳故門人也嘗歎學七十年處子  
斯實錄云以子九德貴累贈陝西按察使祀鄉賢

秦公汝際 案卽庚卿先生之祖

林衣集

卷二

十七

四明叢書  
約圖刊本

秦垠字汝際少攻文業族子中丞鉞與同研席甚嚴重  
之一試有司不偶輒棄去隱于耕性端方寡言笑是非  
侃侃雖宗老丈人行見之凜如每宗祠燕饗垠在坐眾  
皆默然他日鄰媪聞歡語輒詫曰此君不在耶何嘈嘈  
也其信于宗黨如此王父朴庵公以齒德賓於鄉至九  
十餘事之盡孝會病嘗雪夜獨行訪醫藥虎伏道左不  
知也後數人踵至忽咆休驚走有母弟頗傲愈益愛之  
無幾微見詞色嘗深夜有叩門者啓之其人投案曰吾  
負責多將挈妻孥遁獨不忍負君握其手欲與言竟去

不顧生子四皆業儒季鈞仕至左方伯冢子鐸字道鳴  
鈞異母弟也以明經教授里中學者稱爲道鳴先生故  
其字獨著幼失恃事繼母以孝聞生而嗜學自六經子  
史及濂洛諸儒書無不手自詮纂其少時嘗客樵李某  
氏家塾偶犬銜刺繡履墮牀下主見之疑其妻有私悲  
甚手利刃夜令妻潛叩門門啓將殺之妻亦無以解也  
如其言鐸詈曰安得婦女聲至此急呼取火主皇遽去  
旦日詰之但唯唯崩角謝罪已問知其故卽日去終其  
身不遠遊而里中從遊者日益衆尊之若西河河南無  
論通德里門矣嘗於逆旅見門人落魄呼與俱載其人  
故無行居一二日乃眩篋去置不問絕不言其姓名方  
伯旣貴遵其訓如授經時敬之如父云

錢公維垣

錢維垣字完甫幼聰敏隄成人年十三補邑弟子員歷  
試不偶事王父封翁至孝父僉憲公照卒于官伯素封  
季亦蚤達然封翁獨安孤孫養朝夕愉愉若不知仲之  
早世與二子之在者比八秩以稱觴肅客誤折足僵臥  
牀第聞維垣躬率繼婦任晨起代之盥櫛匕箸代之舉

林衣集

卷二

十六  
四明叢書  
約圖刊本

衾禱代之覆至爲承大小遺必親必謹如是者十有三年當道聞而異之旌其閭爲順孫而未及於任以從夫之義也子文薦萬曆丁未進士工部主事以詩文名于世

### 秦公吉

秦吉字敬夫正德癸酉與從子中丞鉞太守金同舉于鄉五上公車不第授萍鄉令歷七年蠲潔如一日偶流賊猝犯境劫帑金五千邑民號呼令廉安得償又恐遂引罪去爭相勸輸助其數反溢於前吉謝曰罪獨在令

林衣集

卷二

十九四明叢書

約園刊本

死寇死法等也敢煩父老一一慰勞還之時監司素重其清以此益歎異曲爲解釋得奏最擢知濮州居數月當入計自旅資十餘金外不攜一幣亦不謁一人當軸者謂矯矯非人情遂左遷龍巖令又以介特忤觀察錢世賢意卽致政歸一時中丞直指使者皆盛祖帳送之郊世所未有也家居蕭然環堵獨與劉世龍馮志結社東山卽景賦詩徜徉自適各以清節相尙爲士林所宗

### 林衣集卷二

### 林衣集卷三

明慈谿秦舜昌虞卿著

### 序跋

### 芙蓉館集序

不佞自歲丁酉辱收師門獲侍吾師致吾先生與縱談古今經世大業大都原本六籍馳騁二京躡躑百代而要歸輸寫性靈疏瀹事理以獨啗其所得者而已其斤斤摹古工壘悅弗取也某聞之唯唯竊歎先生當代作者與何言之衷也已釋褐爲郎則先生有典試之役四

林衣集

卷三

一四四明叢書

約園刊本

方傳蜀錄至爲紙貴都人士稱師水鏡不啻今德操云已治餉治兵樹疆場之績則吏士超距名王脅息乞去塞上閱數年而厥功愈著至勤天子嘉勞特詔增秩則又歎先生眞社稷干城非沾沾工文人薄技已也今先生所莅越越濱海諸郡邑方藉屏翰文武恬熙而鈴柝之暇爲輯芙蓉館集梓成屬某序之因得縱觀所撰著其大指如前所持論若合符契而體莊節和理澤思逸菁藻時時豔發而味其旨復遷雅馴其中闔闢縱橫復有語所不傳之致諸繪景詠懷之什於境靡不收於情

靡不暢不斲刻畫古人而於古靡不合是爲難耳昔城  
孫稱不朽者三言爲後先生早歲敷歷吳楚燕趙之墟  
轍跡幾徧天下其德深其功偉畏壘鼎鍾之業駸駸日  
新並在不朽而願自託千秋於竹素何也夫言與德功  
局殊而用一也以文人之技工言而立者皆虛以經世  
之業工言而立者皆實今睹集中所具若紀治行軫時  
艱恤民範士與夫輻軒所涉竿牘所馳往往參半焉則  
先生生平所豎立可知矣蓋先生遜前二者不任而姑  
託之言某誦先生言而知三立具是矣昔子瞻舉廬陵

林衣集

卷三

三四明叢書  
約圖刊本

公門下所闡揚師業振起一代文明之運傳之到今今  
某序先生文滋慙負耳雖然先生有太翁蓉江先生鬱  
爲詞宗而伯氏中祕君雁行著才名先生家自爲眉山  
奚藉門下士羽翼爲也先生有他集久行世世爭慕好  
之如某言烏能重先生政託先生以不朽矣

世澤錄序

不佞故聞天台有林恭肅公云其立朝風節稟德謙  
君子也至內行醇備尤以克孝聞心竊嚮慕焉而比從  
邑博士鄭君所得其世澤錄讀之而益有慨也台固多

世家然泉溪林最著自宋初迨我國朝歷世二十歷禩  
五百其閒賢達聞人代起不乏大都敦彝常砥名節送  
巡篤行而其博雅好文往往卽境會心發爲歌詩如錄  
中所具概可觀已不佞受而卒業其人不必盡列於書  
升然皆湛思載籍詩不必盡嚴於格律然皆直寫性靈  
蓋林氏淵源所潛發深矣夫自古纓紳之族赫煇譜牒  
閒至家稱列戟里著鳴珂盛矣藉令名德無聞文獻不  
足於世澤何取焉故西京之盛亡若金張而世著忠孝  
必推稭侯東京之盛亡若袁楊而家傳清白必首關西

林衣集

卷三

三四明叢書  
約圖刊本

唐之盛亡若房竇而象賢繼起必推太尉則所重可知  
已茲錄所輯者詩其所繇傳世者非詩也閱是編者知  
恭肅而上其繇來遠恭肅而下其流澤長將望泉溪德  
門與華頂玉霄並而爲林氏子姓者於以保世承家尙  
亦有遐思哉抑不佞載考鄭之先侍御公貴模先生與  
林考功公同年舉最相友善其所贈詩具錄中故稱通  
家累世今復見博士君益歎台故多世家矣

詩經鼎來序

有搜珍於縣圃者符采溢目不勝收也閒取一焉曰此



如白虹天也有簡乘於黃澤者越影聯翩不勝圍也聞  
取一焉曰是河之精其神乎或詫之曰胡所取之約也  
曰吾非求約也求博也吾以一天琛當百珉瑊以一神  
駿當上駟數十乘此之爲侈而況其多乎予邑大小馮  
君擅臨淄之軼才秉維摩之朗鑑一壘一篋自相師友  
其言詩也攬菁華不斤斤菁華程法脈不斤斤法脈裁  
格調不斤斤格調往往從筆墨之妙外領風神意象之  
表獨標玄賞或峻而整或幻而奇或雋而葩或峭而古  
或漾瀚鴻篇或幽微遠景要於情靡所不鬯於境靡所

林衣集

卷三

四四明叢書

約園刊本

不臻而於品靡所不備其有天機耶其有神靈耶雖作  
者亦不自知其所至而入二君之品目高可以立幟詞  
壇次亦不失鼓吹風雅詩曰維其有之是以似之是則  
二君之爲詩選也是編也選才則羅寓內之名儒徵文  
則窮藝林之奇藻積牘至數十千所汰者十之八得文  
八百有奇余得而寓目焉其光怪異狀變化無端不覺  
愾然躍然曰是從珞華中覓白虹權奇中索河精卽所  
汰者猶堪奪珉瑊敵上駟而矧此之爲天琛爲神駿哉  
昔抱朴子之評文曰無非夜光而作典論者曰騁騏驥

於千里予於鼎來之輯亦云

大小馮君合稿引

昔稱謝庭之秀盡皆蘭桂王氏之雋觸目琳琅吾邑之  
於諸馮亦云乃今觀兩君可知已言仲才如驥馳峻阪  
騰驤超忽千里一瞬而和鸞之節自如又如支公說法  
微詞玄解總歸真諦而靈通處可使天花亂墜石皆點  
頭爾波才如獨鶴摩空俯視一世非惟不受箴籠兼亦  
不假風力又如清鐘大鏞蒼然古色淵然曼理不待諧  
宮商測音響望而知爲重器言仲知名逾十年一時才

林衣集

卷三

五四明叢書

約園刊本

俊皆爲避席爾波最後起遂與齊驅是爲奇耳馮自方  
伯水部二公鴈行爭鳴鬱爲名碩而襄陽公兄弟繼踵  
不啻三珠樹云今兩君則襄陽子水部孫也襄陽公醇  
德如太丘風節如陳仲舉惠澤如羊叔子文章政術風  
流俶儻又如杜元凱山簡遺風卽異時王謝諸名公未  
易過此淵源流暢以及兩君宜然哉宜然哉世徒見兩  
君一旦奮起旗鼓相當輒欲從詞壇拔漢幟共詫爲奇  
乃襄陽公之有兩君固未爲奇也

白雪草堂師生合稿引

本願於世味落落雞壇之盟亦豈投契然閉戶片語傳  
響藝林凡四方恢奇淵穎之士靡不稱僑札之分恨相  
知晚即執經北面者盡江以南北才儁也而最後於里  
社中得高足馮次牧氏相得歡甚不啻南郡之有康成  
明略之奉眉山矣比歲下帷卒業本願既不窺董園而  
不佞獨時尋蔣徑因獲縱觀近藝大都湛深閎肆覓出  
筆墨町畦之外其高曠孤詣如中宵鶴唳頓令塵囂境  
界廓然開滌若從風相和清音競發則次牧爲之九皋  
今所梓白雪堂稿是已是編出當令長安紙翔郢中曲

林衣集

卷三

六四明鏡書  
約園刊本

寡國門之價自在異時沆瀣一氣其以白雪爲前茅端  
自今日定之矣

醉鄉小史引

陳思王稱子雲酒賦辭甚瑰瑋頗戲而不雅今觀醉鄉  
小史亦諸君戲筆耳然義取真率引人著勝地一何彬  
彬雅馴哉蓋自昔風騷之士率以白墮逞豪高陽之侶  
亦以翰墨生韻夫其酣暢於詞乃其得趣於酒也或曰  
鑑辟遠恨諸作不啻臚僕區於樽前幾令歡伯無色何  
趣之足云予曰此政諸君之所爲戲耳閱是編者將謂

是賓筵之南董抑詞客之庖膏與

隴西選貢文錄引

侍御高公之按塞上也風猷振肅聲靈遐暢諸鎮將吏  
亡不濯磨矜奮於絳騶青橐之下諒哉文武爲憲矣則  
之部歷試臨鞏都人士士亡不濯磨矜奮若百昌之鼓  
冷風潛鱗之應豐隆蒸蒸乎盛矣先是諸試藝業有彙  
刻而其中茂材異等遴而上之司徒則奉詔令所選貢  
士也又拔其儁梓之而不佞獲寓目焉其結撰固人人  
殊其斐豐多姿靡不汰陳爲新砥鐸爲穎斌斌澤于爾雅其

林衣集

卷三

七四明鏡書  
約園刊本

致一也國朝廣厲學官首崇文教惟兩畿甸特命直指  
使董之他郡國不敢望也今上不以西陲鄙遠用簡蘭  
臺石室之重臣廣蒐而薦進之其重與兩畿等宜多士  
之斌斌質有其文稱茲盛典不虛耳世人局於耳目輒  
以風氣固人人亦以風氣自固綜其實不然夫今之西  
陲猶昔西陲也其山川封域未改也諸生亦聞而之鄉  
諸先生乎遠不具論唐若端卿稱三絕君虞每一篇出  
即進之供奉宋則趙莊叔對策第一稱天子門生皆在  
人耳目間也今諸生衰然稱上國之觀不可謂不遭時

矣如前數子得無饒爲之哉不佞又聞之劉夢得云銘  
範之內無非祥金蓋爲關中韋郇公言也今侍御公主  
持文柄遠勝郇公觀是編所輯可知已第願諸生不讓  
鄉先哲哉

林衣集

卷三

八

四明叢書  
約園刊本

林衣集卷三

林衣集卷四

贈序

明慈谿秦舜昌成卿著

贈觀察楊公利陽先生治兵海上序

公旣以治平奏最當選者屢矣會巡海使者闕郡邑士  
民吁衡而呼曰必畀我公幸得久怙公也已銓曹果以  
公名上而屬當上計諸士民意公可無行公毅然曰此  
臣職也臣備備焉待命之不敢知而敢有他觀於是公  
遂行則又以治郡第一爲計吏最而巡海之命下矣諸

林衣集

卷四

一

四明叢書  
約園刊本

士民間而喜可知也凡臬使者持節率多治兵而寧鎮  
三垂枕海與島夷爭陽侯而治實全浙安危之門視他  
鎮特異卽郡太守得受命副臬事亦屬恆調而公獨建  
牙故郡玉斧彤鉞之靈不移鎮而式臨之視他擢又異  
其在四履自浙以東列城以十數文武將吏以百數鑿  
弧長蠶之羣以千萬數而獨吾郡故以祀事公也今進  
而曾高矣分彌尊德彌厚視事他使者則尤異蓋一郡  
五屬邑之氓無不歡呼相慶而下邑之最近曰慈谿慈  
薦紳先生相與移書不佞徵文以賀不佞自頃歲里居

習公政最詳被澤亦最溥即欲有言何敢先諸長者無已則質之縉紳之在燕中者僉曰公治仁聲四訖其清靜寧壹之理於海內寡二矣茲蒞政必且大更約束易置將吏赫然以剛稜風采聞賢者固不可測哉予曰唯然有之不佞向頗習掌故家言吾郡前爲太守最著亡若寇侍郎公天敘爲兵使者最著亡若譚司馬公綸寇公治郡嘗稱愛民如子處事如家汔後經畧邊鎮惟鎮靜持大體譚公秉憲雖不純任寬然沈渾博大不爲苛小刻厲其往蹟章章可考已故文武無二道張弛不殊

林衣集

卷四

二四明叢書

約園刊本

軌漢稱吏治不以延年之武健先次公唐稱治軍不以臨淮之震盪先汾陽何者天下事治辦易鎮定難也今國家不爲無事矣疆場之任一彼一此余每見今任事者不患不敢決患不便晰利害不患不喜功患不持重當機公爲政大指約畧如二公無疑矣然涂水惠澤及民固無論其節鎮之功不在東海襄毅當島夷猖獗時勳績獨茂其初固未嘗得拊循父老子弟也今公以涂水先以襄毅後蓋二公所不能兼者合併而迭用之其於鎮定東海寧有涯哉且公未授節鉞海波恬然者已

三年矣今寄憲臬之重卽以治郡者治兵又寧有異道哉抑又聞之寇公在西陲時御史請進秩撫陝以酌經畧之勞譚公爲本兵每對客言念未嘗不在海上也今縣官方急才有足任選圉者輒不次超拜公茲蒞鎮如天子終惠顧東南後三年而襄海上成勞尙亦有開府在於斯時也則又爲寇公更後此入典樞柄身係天下安危猶不忘吾郡於斯時也則復爲譚公敷歷循環以二公終始此真郡邑士民所盱衡稱慶意也不佞不嫻於詞以耳目所睹記竊願公如此試以是質之薦紳先生其亦以爲頗有當否

林衣集

卷四

三四明叢書

約園刊本

送司理周使君應召入朝序

使君之爲理蓋蒞明越兩州云而其後先蒞明越也又代兩太守治故其聲績最著惠澤及於民最溥諸章縫之士被教思亦最廣與人之誦云自有司理無論全浙於海內無兩矣當使君之初釋褐理吾郡不佞某一再承接則見仁心爲質中坦而外詳卒遇之喜怒哀不爲動屹然有古大臣風其爲政神明洞達可使伏匿無遺照然不欲訶刺毛舉取察察名見文法能輒取雖老吏莫

敢上下然多所縱舍不爲深文峭刻遇事能立剖斧斷  
理解靡不中窾會然務與民休息不爲紛更矯革以敏  
給自慰也蓋使君之治可二年而諸父老子弟無不人  
人加額曰真吾慈父也他史胥宿猶若里中豪備備幸  
毋敢撓法曰真神君也博士弟子員進而受教退而欣  
然意得曰真賢師也而亡何適以憂去環一郡五邑之  
眾無不人人號呼狂走軼行車不得則相與旦夕司使  
君闔海之濱以爲庶幾異日復師帥我也比服闋則旦  
夕司山公啟事之書以爲當宁復予我使君也已聞越  
州之命則且悲且喜謂縱不得使君猶及芑宇下矣而  
使君之治越盡如明越人之誦之盡如明父老子弟即  
明父老子弟仰怙使君壹如異時坐堂皇之上旦夕受  
教令時也今歲己未天子旣大計吏殿最有差使君旣  
用卓異聞復有詔更遷司理邑令之尤異資及格者備  
臺垣法從之選則使君首應詔當入朝於是諸孝廉某  
某輩皆使君所舉闈中士也相與徵不佞一言以先乘  
車不佞故不文無能爲役然被沐膏澤熟於使君之政  
久矣而長兒某往從諸生謀藝中辱使君首拔之今幸

林衣集

卷四

四四明叢書  
約園刊本

復出使君門下即仲兒某亦得謬廁諸孝廉後受知特  
深何敢以不文辭伏念今使君行矣行則必列諫垣稱  
禁近耳目之臣還視郡邑不啻屑霄懸矣將操何術以  
往哉不佞嘗竊歎人臣受職內外崇卑殊要以精白一  
心真誠體國無兩也遠弗具論聞考宋名臣勲業茂著  
身繫天下安危若呂文靖公夷簡韓獻肅公絳其始皆  
爲理官識者已知其爲宰相器而當時人主之信之不  
在執政之日而在爲潁川爲開封時矣今天下自不乏  
名司理亦不乏名諫議然當其鷹擊毛鷲自矜執法糾  
彈綏訐自負敢言吾不知於庇民福國何如也使君仁  
心爲質其聰明才畧可無所不擊斷而特以寬和博大  
聞慈不失姦厚不失法不佞向所謂有古大臣風者也  
使君行矣用此而司理無所不得民即用此而司諫無  
所不得君端於此行券之哉今使君蒞明越明越之人  
誦之如二公之任潁川開封無疑也異日自掖垣而上  
日益柄用任鼎樞統均之重知必爲文靖獻肅無疑也  
不佞樵不文敢謂能盡知使君以昔賢之知二公於理  
官知必取券於使君又無疑也諸孝廉曰善請書而載

林衣集

卷四

五四明叢書  
約園刊本

之乘車

送邑大夫巴西向侯入覲序

國家振飭吏治率三年上計用周官法殿最之天子臨軒褒表卓異以次引上殿賜大官法醢及不次超拜或自令長擢給事御史典最重云蜀向侯莅慈之四年復當入覲邑薦紳先生及諸孝廉賢良文學之士念侯待徵日久是行也必在掖垣無從且暮觀繡袞九或鴻飛之詠謂何則並以言屬不佞不佞謝不敏竊覩侯治行澤在部屋歌在康衢績在考功之牘夫人而能言之無

林衣集

卷四

六四明叢書  
約園刊本

論不佞詞不工又何敢先諸長者無已則請徵之民日鄉三老數十輩謁不佞曰往者庚戌之役幸得請於部使者辱留我侯至今猶一日也今侯又復行不獲終庇宇下矣卽不敢效漢河內廣陵故事乃民則猶吾民也昔胡得請今胡不可且赤子怙慈母乍奪之則戚久而奪之則倍戚今正民倍戚時也先生何以寬之不佞曰輯玉肆覲上以尊朝廷下以肅臣紀禮莫大焉非疆圉之故歲時之不若孰敢不共自侯莅事東海之波最巖不揚四年於茲矣歲比稔公私之庾殷然山積父老卽

欲輒侯何以爲詞矧計吏之典舉一而勸百堂陛之交

用邇而風遠我皇上英明獨斷往往出人意表比者臺省之命沛然渙發以寓內延頸數年一旦歡呼踴躍頌神明不測今六服羣工鱗集輦轂下皇上亦且厭深宮選密特御明堂朝萬國延見大僚問政治得失次及親民之吏究所疾苦舉蕭湛露盛事褒表卓異則侯其首也推擇耳目風紀之臣充臺省復煥明旨則侯其繼也夫旌一侯以厲百職侯一居禁掖以全福天下將在於茲豈惟吾邑不終芘宇下哉三老憮然曰先生言良

林衣集

卷四

七四明叢書  
約園刊本

是野人不知廟廊大計第言畎畝之私抑侯莅邑如甘雨焉朝以施則朝受夕以施則夕受異日望侯在九天之上卽慷慨言生民利病膏澤所出不知視今日及民幾何不佞曰不然爾知天道乎天之生物使雨司澍潤雷司震動各效其職而相爲用雨雖澍則漬入傾注則旁流然霽焉所不及卒解潤焉雷一作而勾者蓬螿者起繼者舒虛空所鼓百昌立蘇是以無及爲無不及也故解之象並取雷雨而雷之用尤神今侯雨一邑四封之外其及有限異日列紫垣之內則司震者也用今日

所試灼見而極膏之豐隆所動宇宙沈陰鬱決之象廓然頓開彌成皇土百年更始之治使舍生被澤更捷於身試之卽慈民永賴焉况侯終不忘吾慈也於是鄉三老欣然慷慨而去薦紳先生曰聞公斯言豈惟慈民卽東人九域之慶予自今日共之矣

贈邵司農林公署篆慈邑序

清源林公始任吾郡郡大夫輒爲題輿表雅望諸屬邑仰見屏篋皆嚴重與太守等屬有權關之役則商旅歌於塗主上賦則農民歌於野已代校文之柄一時矜禱

林衣集

卷四

八

四明叢書

約圖刊本

譽髦之士人人歸水鏡焉蓋朞年而循聲奕奕出諸郡上矣適慈令闕監司及中丞臺念非持重通敏練達大體者莫能治慈則以公署篆事朞年政平訟理邑中歌呼誦德更什伯於前曰安得長留我公惠吾慈也會新令至公還郡事父老子弟旣無計攀轅然猶及芘宇下冀公終不忘吾民而薦紳先生亦競爲歌詩志輿誦於是邑博士松陵某君天台某君樵李某君率諸弟子員造不佞徵言不佞辱在編氓何敢以不文辭蓋嘗歎吏治之難非直才具少也大都傳舍其官而故紙尺一屈

指歲月冀得代選以去耳其在署篆則更以爲固然吾受事而有所振刷未幾而委其柄去則以暫故弛吾事成以其績予人事未成以其咎予已則以臆計弛且人情事不責躬孰取其難勞可轉貸孰甘其瘁有不媿取自便者誰乎則以幸得釋負弛故署篆而靳悉民利病實心任事百不能二三勢固然矣乃公之署慈獨不然公爲人坦易宜人情洞達幽隱旣明習吏事而壹以經術潤飾之初莅邑觀學宮圯輒慨曰是何以廣厲教化育才賢稱首務哉邑事雖劇孰有急此者卽捐俸斥贖

林衣集

卷四

九

四明叢書

約圖刊本

鍍庀材鳩工埽歷年之朽蠹而更新之令邑人復瞻廟貌功最偉云公夙以文章推重閩海尤嚮意文學謂邑有子弟而廢課程不舉疏俊彥不錄師帥之謂何則進諸生親試而甲乙之其持衡務根本六籍與彈射得失豐豐不倦也夏秋亢旱四郊如焚民皇皇靡挾公徧羣望徒步赤日中歷長途僕僕亟拜未始告劬不旬日大雨如注歲復有秋農民歡呼加額謂公精誠直令天雨粟也而是時公方病瘍古稱憂民至痾瘵切身而公不知痾之在已尤難之難矣公善政種種未易枚舉大約

民取休息事取理解賦取完額訟取息爭民麗法者未始屑屑窮竟然義所不可雖暴豪桀點撓之不爲動論者謂公外寬而中毅有古名臣風焉不佞嘗覽史稱士元非百里才使處治中別駕始展驥足謂非通論夫別駕視令誠尊何至視縣事竟以不治世有優洽郡難百里者哉公惠臨下邑不難抑尊重親煩劇非獨其才饒爲之其實心任事悉民間利病視士元不啻過之今當守慎用人器多闕員令署篆蓋如我公卽無憂代庖廢業令人人任職如公署事又豈有冀旦夕遷代媮取自便者哉昔王太保休徵方爲別駕時輒有佩刀之兆復與其弟覽曰後必有興者其子孫遂貴盛累世爲江左名宗今公既有子上公車公爲德於慈若此知公奕世多才賢當不藉度刀爲券矣

賀大觀察洪公亨九先生擢江西副臬序

公之初奉璽書蒞浙學也掄才則歸水鏡章教則尊法矩其激揚風紀則江海砥柱而士林斗杓也而於不腆下邑弘獎諸生又特甚卒用魁解額蓋寓內推師儒名哲未有兩也會巡海兵使闕當守推文武爲憲足任鎖

林衣集

卷四

十四明故書

約圖刊本

鑰者宜莫如公則又以憲節鎮海邦蓋重寄也先是吾郡援遼之役卒驕蹇不受令勢且脫巾而海上亡命剽掠無禁寢寢闖入內地憂叵測已公以廉潔風厲百城吏士無不洗心奉約束則申令卒伍受餉者月按籍指計而分給之無愆期無貸手凡鞋韋而弁者無敢賸索子錢家無所取倍息人人踴躍用命士宿飽矣將自偏裨而下爭自淬礪拊循其部曲無庸巧取行媚以希眄睽一時債帥屏跡矣以其聞遣戈船下瀨之士擒劇盜縛其魁十餘人懸首藁街餘黨亦脅息遞去鯨波頓戢矣屬亢旱則躬虔步禱爲郡邑先甘澍立應歲復稔農氓樂業矣蓋莅鎮才二年而外之剝牀者皆覆孟也內之跋扈者皆安瀾也儲胥之瑕毀者皆堅壘也自浙以東亡不顧呼加額願公遂開府全浙屏翰東南得長有寧宇而適奉命晉副臬鎮豫章於是諸將吏士民又亡不顧呼狂走以不獲攀臥軹公行爲恨不佞某往歲嘗承乏鎮九江雖號稱雄鎮然不若東海爲尤重憲副雖尊顯於公第循資擢非破格超拜酬殊績也且復用治兵胡不仍故節終惠海邦以觀三年之成更若何而重

林衣集

卷四

十四明故書

約圖刊本



煩前驅僕僕也既又念公成進士時年最少去爲諸生未五年而儼然爲全浙師其莅浙未四年而左敦詩禮右統鈇鈴隨試立效則天子之所以用公與公之所以見才良最捷矣今以海濱乍定業有成勞故暫移之內地俾小逸之其自憲節而上彤弓朱鉞游錫而重寄之由前事以觀固且暮閒耳不佞故聞公之鄉具文武才以清節著者亡若張襄惠公岳嘗董浙學留參藩尋以中丞撫江右而公且自江右還撫浙先後兩公風裁名節絕相類而宦轍旋轉亦復如環不亦休哉矧公春秋

林衣集

卷四

十四明徵書

約圖刊本

鼎盛勳業日隆視襄惠當踰勝之矣不佞持是說話諸薦紳皆曰君言良是然公家初韋先生亦自學憲莅節鎮固以是爲世家而吾儕得世徵字下子弟亦世爲公門桃李其終惠海邦豈惟今日予日望之矣

賀邑侯雲間李若鶴先生奏績序

公之甫下車也則以精敏習吏事洞哲民隱翕然稱神君矣比三載當上計邑父老旣不忍且夕釋公而兩臺念濱海巖邑非賢令誰爲砥柱全浙者特疏留之又閱歲當奏績兩臺公治行空爲天下第一所推美薦揚

備至又特疏留之於是邑父老喜公之政成也其被澤深也今奏最天子特下璽書褒崇卓異其地典渥也相與歡呼鼓舞競徵文以賀而不佞故從雲間辱公知膏澤最渥子姓又辱公陶鑄稱門下士能無效一言之贈今天下不乏才賢亦不乏循良之吏然當其爲政新各任其才識之所至或嫗煦固左取慈惠聲未見德而因以長姦或摧抑右戾取風厲聲未見威而因以駭俗或孤立行意取仇直聲未見節而因以滋戾此其治皆欲舉弊高自表異而其效若是要以妙張弛之運酌寬猛之宜機權在握而非任臆孽畫宜民而非徇情則未有若我公者也公風裁凝重屹然嶽立而坦衷慷慨使人人得自盡雖田庚禍暨對之未嘗峻聲色而人不敢欺接士大夫巡禮讓然不可干以私邑土瘠而民貧長賦者或藉手猾胥姑隱額以爲遁地公鉤稽夙蠹劑其賦額而什一之限輸其一毋得參差上下不假椎扑而歲課畢登訟牒紛如出片言立折其奸然時有縱舍不欲窮竟於法訟庭常虛無人屬當編役十年爲計人思巧營以自脫而公已豫晰人戶高下里區殷耗狀參

林衣集

卷四

十四明徵書

約圖刊本

輿論衷之不旬日而定而他邑至累月猶未竟公夙以  
文魁南國其衡鑒不失彙黍每試鄉社子弟彙筆亡慮  
數千人公日理案牘應賓客無異平時而以其聞校閱  
若象罔無憾遺珠卽奚落者得公評騰皆心折去而又  
時時蒞學宮進諸生談經課藝人文蔚起遂以解額冠  
全浙會援遼之役狂卒揭竿至白晝行剽一郡皆震公  
密憚其裨校令衙枚過慈邑秋毫不敢犯越鄰壤輒騷  
然矣公他善政種種悉數之不能終物其躬自節蓄食  
不重肉燕不過五簋雖重客無加適至有廢必舉有利

林衣集

卷四

十四

四明叢書  
約圖刊本

必開有奸竇必剔敗羣者必翦肢髓之盜必戢而比且  
留心邑乘詒千秋不朽之業他可知已蓋公治三年而  
問之窮簷皆冬日也其於市魁宿猾皆嚴霜也文學衿  
禕之士皆時雨也薦紳大夫挹公之言論丰采皆光霽  
也今聖明更始吏治蒸蒸卽寓內多才賢度亡能異公  
指稱循良卽稱循良度亡能軼公而上者今旣奏三年  
績天子徵治行高第必首召公語云宰天下亦如是公  
用其治治慈三年可百世利也卽用其治慈者以毘天  
子爲國家剖陳利弊糾飭官邪不競不絀不剛不柔建

萬年中和之極有異今三年者哉不佞不文請持是言  
爲他日券

賀定邑侯長洲顧巖叟先生考績序

公之始成進士也其文傳響藝林若麗雲漢而垂琳琅  
藝林爭購得之卽予邑操觚之士亡不人人誦習奉公  
教猶在門牆也已受命令蛟川與予邑錯壤而治其流  
膏四溢若東海之注百川所在濡沫慈民之被公賜猶  
在宇下也公治未幾輒以卓異聞直指使者推轂治行  
必舉蛟川第一比三年當奏最定之薦紳先生及賢良

林衣集

卷四

十五  
四明叢書  
約圖刊本

文學競徵文以彰殊績卽予邑亡不人人踴躍思得當  
以昭輿誦猶在編黔也不佞自放田間不復與聞當世  
之務亦不復以筆札滓人耳目唯是在野言野公之善  
政里中父老能言之則以頌言屬不佞不佞旣不獲辭  
則念定邑枕海而城爲全浙砥柱國家置大帥徧重兵  
鎮之與民居錯中丞臺歲以春季行部遣戍艾船下瀨  
之士詣所調劑供億率倚辦令故他邑治民定兼治兵  
他邑治賦定兼治餉他邑斤治疆域之內定所治直  
出鯨波鼉蝮之外故定令難令於今日之定則尤難予

不能悉數公之善政姑舉近事所棘環海所虞者言之  
先是援遼之役悍卒驕蹇予之餉小不慊輒揭竿起勢  
且震鄰以公廉明什伍素警服徐出片語慰解之竟頻  
首受約束去當是時事起倉卒非公復作涇原脫巾矣  
海上亡命復繁有徒剽掠賈舶無算駸駸闖入內地公  
嚴訓刺摘發如神卒睥睨不敢動而比且駢首就縛海  
邦幸有寧宇非公又復作會稽水仙矣定故斥鹵厥田  
下下民歲入不能供賦額自軍興發摻括苦不支而比  
以黔稅至爲罷市公特捐月俸佐之民感激羣然樂輸

林衣集

卷四

十六

四明叢書  
約圖刊本

非公又復作楊可告緡矣凡此非能盡公政然皆近事  
所最棘緣海最剝膚者公咄嗟辦之卽鄰邑與被其澤  
豈惟定他若興學造士折獄戢姦虔榮雩恤孤惇晰利  
弊種種善政定人能詳之無俟予言至其清標絕俗嘗  
權陶不染一塵則楊伯起孔君魚常事非公所難以是  
頌公淺矣今聖明更始吏治聿新度寓內循良高第亡  
能軼公而上者奏績宜爲天下第一天子下銓曹覈治  
行獨最需次徵召備掖垣法從之選其誰能先公哉不  
佞言無能重公竊念公之先世爲江左名哲若德望則

尙書令元嘆風節則常侍彥先博綜則黃門野王治行  
則山陰令凱之今公奏績直以長康始自茲以往當不  
啻兼前數公而上之洵公家多名公卿哉

賀郡伯楊公擢巡海兵使序

在臬使者持節治兵則邊鎮重而寧郡砥柱東海屏蔽  
全浙其重與九邊等故浙之治兵海上爲節鎮者三而  
吾郡尤重兵使者闕內非諸曹卽積資著聲實者不得  
遷外非太守高第及藩臬遞轉負重望者不得遷其自  
吾郡守輒授節鉞開府其地前此未有也自今楊

林衣集

卷四

十七

四明叢書  
約圖刊本

公始公爲人醇厚豈弟外寬而中辨與人恂恂無論薦  
紳大夫下至閭左氓隸無所得公峻辭頰色而又雅好  
文學其獎拔士類藹然若家人父子孳孳不倦其治務  
崇大體畧苛細要於吏事無所不精覈而不必窮於才  
於訟獄無所不剖決而不必窮於法於諸曹蠹穴及他  
奸猾無所不撻剔而不必窮於察談者謂公廉潔如劉  
會稽利澤如張漁陽清靜如尹東海至先教化後誅罰  
獨用寬和爲名則潁川次公而後一人而已公旣奏三  
年最當遷而先是兵使者以海氛故多移病去天子難

其人中丞直指至坐名以請不得銓曹以爲莫如今守  
良遂報可蓋聞命而父老子弟相慶曰幸哉終惠我公  
不煩借寇也則踴躍喜將自大帥以及裨校相慶曰公  
故嘗翼芘我今不移鎮而受憲令如日之照有私暄焉  
則又喜兜整組練戈船下瀨之卒相慶曰吾屬者宿飽  
而嬉疇乳哺我此其節鉞新而覆幬如故也則又喜而  
公同年友芘宇下者爲咸仲張君孟博韓君其喜更倍  
於父老子弟及諸將士則馳使數千里緘書布幣曰以  
不穀之夙奉公教佩澤深且有天造於子姓也亡若中

林衣集

卷四

十九四明叢書  
約園刊本

藏之而不能吐也敢藉太史氏之一言以爲公賀蓋不  
佞之辱在宇下與二君同而頃自闕庭伏覩公以治行  
高第旌已親奉璽書乘六乘傳以往竊津津豔之其喜  
更甚於二君又惡能無言則嘗竊觀自古國家用人其  
必爲才賢固無論然必人與地相習而後其績彌隆下  
與上相習而後其澤彌厚卽在宋若張忠定公自知益  
州其勳業多在蜀而爽之分陝至歷成而康我國朝如  
周文襄撫江南至進爲尙書垂三十年今天下不乏喜  
事躁動之臣輕國事於一擲勢不得不更易而國事固

未可知也若遼左其前車已吾郡固重鎮也而今疆圉  
多故島夷不無生心則其重尤急誠得公之重以寬和  
博大坐而鎮之而且習熟鎮事視環海而戍者諸要害  
雖在鯨波數百里外猶堂奧也視諸將吏猶家之亞旅  
也視卒伍猶其故拊循之孺子也而又益以鍾鼓幢纛  
之靈何所不便晰何所不輯寧不佞卽欲有言更何所  
願公第願廟堂之上得久借公須之歲月或增秩賜金  
仍故節治兵自如如垂崖之於蜀勳業當益著更進之  
旬宣俾南國之歌猶召芟焉又進之以中丞鉞撫綏吳

林衣集

卷四

十九四明叢書  
約園刊本

越如異時周恂如故事將全浙永有賴哉則豈惟吾  
郡自今以往爲浙寧久得公徇足賀也如第以一兵使  
者賀公無庸贅矣

賀鄞邑侯沈公奏最序

當公之始莅甬也以子奇之齡擅賈生之文其丰儀又  
翩翩河陽也一時三老子弟翕然相慶曰異哉仙令其  
造福當不淺矣比視事則便晰利弊迎刃輒解若習名  
法而老簿書者雖史胥宿猾亡敢以疑事嘗則又懔然  
驚曰異哉神君邑自是有永賴乎蓋不數月而流聞浙

以東西於治行無兩矣不佞方于役河漕不獲旦夕承  
宇下然客之至自甬亡不噴噴令公之治不容口大要  
謂公豈弟詳雅乍卽之坦焉無崖異而中有特操其政  
務與民休息不爲缺急取治辦名訟取平亭時有所縱  
舍至桀黠巨豪法無貸賦取充額卽鞭蒲若可棄置然  
巧胥蠹穴錙銖必剔焉造請賓客取披見情憐逡巡退  
讓然不可干以私律已取廉潔不蘄刻厲標戾俗聲然  
筐篚之使亡敢闕入雉門者而其雅好文學時進子衿  
之士彈射藝文津津不倦都人士亦亡不人人意得謂

林衣集

卷四

三

四明叢書  
約園刊本

塾師擁皋比受丹鉛不是過已蓋公之治三年而四民  
樂業百廢具舉環視壘畝熙然其中牟與視澤宮煥然  
其禮殿與閭井穆然其浚儀與不佞聞而喜可知也於  
是歲之庚申秩滿當奏最邑薦紳先生及賢良文學靡  
不頌言以志與人之義而諸孝廉輩皆公所舉闈中士  
也其人不必盡爲勤然其爲父師均也相與微不佞言  
不佞念公治行夫人而知之亦夫人而能言之今上績  
書考功天子且渙恩綸錫賜典王言赫奕何所藉不佞  
言雖然諸君之受知于公者文也不佞姑略公之政而

論其文夫文章政術有殊用無殊體今天下文章之變  
極矣譬之政其爲刻深詰曲卓詭不倫使人見之矐眙  
者則亦文之鷹擊毛鷲也其爲洞朗瑩粹元氣盎溢使  
人心神怡曠者則亦文之祥鸞神雀也予曩得公公車  
牘讀之大都根柢六籍澤于爾雅雍乎郁乎金玉諧而  
雲霞蒸也今試諷其文絕類其人觀其政絕類其文諒  
哉文章之道與政通也遠弗具論卽近代文章典雅爲  
世宗工必首廬陵其知貢舉當世能文之士比比出門  
下然概其生平令夷陵則稱循良知諫院爲右正言則

林衣集

卷四

三

四明叢書  
約園刊本

稱伉直最後居政府弼成慶曆之治則稱詰輔故永叔  
文人也其服官莅政卽有宋諸名賢赫煇勳業未有能  
險勝之者諒哉文章之道與政通也今公旣奏最天子  
且下尙書尺一徵爲掖垣法從之選異時慷慨上封事  
如麟州忻代之議以固圉馭黠虜商湖六塔之議以深  
識折河患此皆國家今日最急務也能無披瀝言之乎  
卽無論公後此鼎柱之業更何若斯亦何渠遽遜文忠  
公哉諸君業受公知亦尙思文章之變克廣而善用之  
宜不減廬陵門下士矣

賀參藩楊公以邊功奉詔晉秩序

國家威靈旁鬯四裔率俾頃虜首復款關受封賞保塞如初天子嘉邊臣後先勞績制詔主爵自督撫而下以次增秩賜金有差而楊公先是備兵塞上有綏靖功則自今官加秩副臬蓋明主重邊計紀勞臣甚盛典也於是郡太守某君暨僚屬某君謀爲公賀而屬不佞致詞不佞竊歎公資望深重於疆圉最著往自司馬尙書即主邊餉已持節鎮雲中諸縉紳稱明習邊計未有出公上者令今日尙在邊鎮授鉞建牙又孰有越公而前者今

林衣集

卷四

三十四明發書

約園刊本

茲秩直公所固有未足賀公不佞所賀有關國家大計者三而晉秩不與焉國家所惑重急才賢無若九邊而邇來聲實相左上下相匿亦無若孔邊堪今以名王內附天子綜核功實剗高下稽久近有勞必逮若燭照而衡量之使邊無虛冒賞無虛額肅疆圉而尊朝廷此爲大計一主上慎用人銓曹啟事率遲迴不下或更歲月今渙然下明詔褒崇封疆之臣諸爵秩采廷議斷自上裁令行如流使天下知明主賞罰必行無虞益爲此爲大計二人臣負才愚不及樹功樹功患不獲受知知矣

又思持短長者齟齬之公先是三晉功最著偶以他語量移內地今離鎮數易歲再易官功狀益白天子不牽浮議不泯成勞卒以優敘使忠貞才略之臣咸濯磨自奮務策勳報國廣折衝禦侮之績此爲大計三是三者固不可無賀然非爲公一人賀也太守曰先生之論偉矣蔑以加矣然某等屬公宇下祇奉憲令幸毋墮厥職更謀所以賀公不佞曰子聞公太公常持節鎮東粵乞今康壽爲國元老公早歲以文章世其家嘗分校浙闈典試巴蜀宇內方仰公若眉山父子而明詔所褒復用武功進如天子復西顧而思安壤之烈念公歷藩臬旣久旋授中丞鉞以修疆場之功山斗干城並萃一門俾邦家藉有世臣爲泰維重不綦盛甚休乎哉是可以賀公矣

林衣集

卷四

三十四明發書

約園刊本

林衣集卷四

林衣集卷五

明慈谿秦舜昌虞卿著

雜記 雜著

重復杜白二湖碑記

慈濱海巖邑也地瀉鹵厥田下下秔稻之利惟水泉是資其東西南襟帶紆江支流足自潤其北鄙為鳴鶴鄉當勾餘之交肘山而背海蓋江流所不能通焉古有杜白二湖受眾山之水以資灌溉田可萬頃自昔稱為二天利可知矣杜湖廣凡三千七百畝白洋湖廣凡一

林衣集

卷五

四明叢書  
約園刊本

千七百餘畝上下二區互以金隄為礙為閘以時啟閉旱潦無虞鄉稱殷庶而並湖諸豪窺湖田之利時穴其隄因淤為田湖日塞灌日阻淫雨卒為汗稍亢陽則赤土矣先是邑大夫往往釐正無慮三令五申載復載阻鄉人訟牒如山至曉曉相格鬪以死而莫可竟邇豪家且以利蠱上官借籽粒佐賓興覲因為永業用塞言者口當事者率於小利莫能一割蓋弊所從來矣歲庚寅太倉黃侯甫下車問民疾苦狀鄉三老羣走控於庭侯慨然曰利百則法必守害百則法必更畜瀦之與淤阻

利害奚啻百十且稱名籽粒不可訓矣柰何以一鄉之務官授之柄與豪為政哉為白其狀於中丞臺御史諸監司俱報可則之部趾履湖山之麓量侵田廣狹定以尋丈約以期日盡復二湖之舊令諸豪家不得擅攘自封蓋自唐刺史任侗宋吳潛浚築而後復覩二天侯之功誠鉅矣昔李栖筠復鄭白二渠毀水磴以灌萬頃孫曼叔禁竊渠黠蒙致萊畝卒成沃壤二子者傳所稱慈儉吏其始未嘗不犯怒速謗迄其後而守約束不忍弛也侯今用人和完地利跡因于前而功倍于初其情歡

林衣集

卷五

四明叢書  
約園刊本

豫不俟異日以公視二子不亦遠乎是役也垂永澤以惠祉積蠹以義燭利害以明奮獨斷以任輯強梗以和一舉而五善備焉侯他善政多類此不具論記所以復二湖者如此斯父老請命于監司意也非我侯意也侯名某蘇之太倉人萬曆己丑進士

儒學修衙碑記

國家建學儲才崇師儒敦禮教蓋重地也慈邑自罹兵燹學宮多草創自殿閣堂廡而外他無所貯掌故即祭器亦無專藏寄衙署陋室中有事則設已則置焉而署

更湫隘故撤廢材構之歲久而圯先是任博士者苦不蔽風雨然亦適廬視之不欲割囊裝治也歲壬辰姚江呂君以待次公車署教事始至諸生以贄進君謝曰予不佞無所辱諸生為也諸生固請曰不腆羔鴈敢以是溷我師乎固禮也於是君諦視諸生貧者悉歸之餘不能卻者數十金殊不欲自有之也則仰屋詫歎曰是類然者以居師儒何陋奈何委邊豆草莽哉即承做襲蠹易去耳何以春秋修吾禮事於是出贄金及捐廩祿之餘庀材塤瓦繕葺焉廳事前左右个相偶塗蓋惟謹度

林衣集

卷五

三四明叢書

約園刊本

俎豆其中左藏案牘後為便房庖廡更置楯欄易檝檫煥然一新屬不佞記其事予惟公家之務多所廢壞非盡力不能任類苟且旦夕媮自便耳故功無論修砌慮遠則巨費無論多寡捐己則難君為人坦易嚴於大體義所不取一介不渝尤慷慨任事動依名節本之忠誠不為粉飾媮媮之態即是役也尊祀典以禮裁贄幣以廉善居室以惠成遠慮以信四善具風厲廣矣他如建射圃於南面遷倉舍於西隅畜泮池之魚水關文昌之廟門所以飭宮牆培風氣甚厚不具述著所為修衙者

如此以後後之君子有所考覽而興起焉是為記

舉中丞張公楷寇副張公昂祖孫鄉賢文

為公舉功德懋著崇祀名賢乞賜轉批以式鄉閭以重風教事本縣永樂甲辰進士歷任南京都察院右僉都御史今祀鄞學鄉賢張公楷筮為御史以糾彈著風節總督閩浙有蕩寇功勳業文章詳小傳中伏念本官才兼文武勳績累著旂常學究天人著述博綜經史直節蚤伸于柱下人驚彙筆搖山神明洞燭于覆盆世頌燃犀照膽掃猖獗之巨寇八閩兩浙至今猶奠安瀾樹安

林衣集

卷五

三四明叢書

約園刊本

攘之宏猷三輔九邊到處均垂永賴所最難者功成身退罹讒六七載絕口不道前功尤可重者殉國忘家歷仕四十年終身不問生產至其羽翼道厥如四書糠粃易禮正要等書真可鼓吹六經赤幟詞壇如詩賦雜體武經小學諸作並堪雄峙千古試擬壯猷于周室足班方虎之儔俾參文學于聖門庶幾游夏之列成化壬辰進士歷任四川按察司副使今祀府學鄉賢張公昂清操絕俗為政精通天地化行異類以直道忤時致仕歸窮且益堅晚節愈峻異政廉節詳小傳中伏念本官貞



介可摧金石精誠真格鬼神雪獄婦之沈冤竟揖明神  
于白晝燭寺僧之淫慝遂感蛇孽于當車正氣塞兩閒  
坐令猛虎伏辜淫詞竄匿成千古劫見之奇剛腸堅百  
鍊卒使妖巫碎首叢神剷跡殄萬姓沈迷之祟迨南臺  
抗疏而力折權璫汜副臬賦歸而家徒立壁方菽水之  
未厭唯圖史以樂飢荒而卻振致令中丞不得以餽問  
加恩義不受餐直使邑令不敢以銜環語報至爨寒數  
日而投珥之志彌堅縱身歿千秋而茹檠之心如在若  
嚴一介于莘野未或過之令追孤竹于首陽真無愧矣

林衣集

卷五

五四明叢書

約園刊本

舉湖廣方伯馮公叔吉鄉賢文

爲公舉名碩鄉賢以崇祀典以重風教事本縣已故嘉  
靖癸丑進士歷任湖廣左布政使馮公叔吉天倫篤摯  
風節稜層敷歷三十年勲業每徵于畏壘林居二十載  
齒德久重于鄉閭筮宰泰和窮盜藪以絕禍原摘發眞  
同虞詡繼守池陽務振施以起溝瘠救荒不減富公其  
勛立江防則戈船列成長江千百里至今影戢萑苻其  
奠安畿輔則禦礦屯兵徽寧諸郡邑到處民安桑柘疏  
三吳之水利如長橋七浦諸役猶歌永賴之功覈楚省

之田糧如飛派藩祿等弊咸服精明之治至雪猗氏卜  
俊之誣出銅陵孫氏之獄頓甦大辟于沈淪擒雲間越  
獄之盜定休寧激變之民立止亂萌于呼吸若乃力折  
權貴如扶歐少宰桀黠之奴令移書致謝抗殷司徒絲  
絹之議致擊鼓登聞可謂執法如山折節才賢如識蹇  
少保理吾于下僚特爲推轂矜瞿孝廉九思于文網亟  
與昭蘇可謂好賢若渴迨夫敦倫尙義尤足厚俗維風  
事父八旬凜嚴訓猶然孺子喪弟早歲撫遺孤何啻屬  
毛終制居廬壹屏公庭之跡分財振厄每勤宗黨之施

林衣集

卷五

六四明叢書

約園刊本

賢賢則助田學宮盛事倡百年所未備親親則聿新祖  
廟仁風聯九族而無遺當儉歲而平糶粥飢拯萬靈之  
待哺值礦使而調停酌議免一邑于剝膚他若遷縣治  
修邑城梁江門輒先捐貲以成大役建議冢施棺衾助  
婚嫁尤急傾囊以恤孤惻方二子成名遂折券棄負復  
減租以惠農及婿姪偕顯益掃軌杜門更循牆而應客  
卽其衣無重帛室無二姬泊乎有君子恬淡之風言必  
慷慨行必激昂儼然得天地剛大之氣蓋生平文章政  
事歷宦輒雅擅二長汜沒後頌德歌功于士林可稱三

立在學校無忝鄉賢況池陽已祠名宦據彼移文本府  
與古召伯之思千餘載如一轍再闔志中特傳自唐崔  
衍而後三百年惟一人尤公道之可憑而實錄之有據  
允宜崇祀以光俎豆以式鄉閭者也

林衣集

卷五

七

四明叢書  
約園刊本

林衣集卷五

林衣集卷六

明慈谿秦舜昌虞卿著

詩在長榆時作

苦寒行

長榆北枕濁河曲野無青草肌有粟白日偏攜陰氣升  
未冬持斧斲層冰一夜凝霜綿蓋折階前有石如紙裂  
胡兒半死泣重氊宿鳥辭巢入深穴嗟予越客棲荒園  
如聞白鶴當年語安得葛翁口中噓安得漠北來磧鼠  
主人愛客興偏豪常于深夜醉葡萄應知戍士眠甌脫  
尺玉不貪貪短褐

林衣集

卷六

一

四明叢書  
約園刊本

塞雁行

連翩胡雁辭連海西風陣陣渡關壘長空一飛復一鳴  
只恐參差相失輕及至南來煙水闊歷亂菰蘆紛播越  
恰于夜靜宿江浦遠得風波親網罟月黑驚飛何處棲  
蒼蒼莫訴離羣苦好乘春雪卻飛還歷倦千山與萬山  
只道胡兒凍欲死猶覩瑠弓急欲彎

古別離

珠絡明光帳蒲桃合歡綺深閨獨掩扉愁心日千里只

言人去似飛蓬誰道蓬飛在鏡中春絲歷亂空機杼夜  
香零落冷薰籠幾憐明月當朱戶寒光不到陽關路幾  
怨淒風蕩繡幃狂吹不逐歸帆度惆悵年華屢改更且  
將消息付閒情待得新來風景換畏說庭前春草生

人日坐月

雪浣春初月清光共我圓已能相伴飲何忍獨爲眠一  
望晴空千萬里冷浸衣襟情未已坐來寂歷悄無聲客  
心此際清如水不知塞上幾人看應惜春光此夜難何  
處忽然羌管急吹落空庭素影寒

林衣集

卷六

二四明叢書  
約園刊本

馬上見

錦鞦玉鐙送春妍暗拂香風逗早蓮隄柳欲舒分翠黛  
林鶯不語學花鈿驅車漫道逢魚嶺作賦應須繼洛川  
可柰長途回首處無情最是隔離煙

送無相上人歸越聞其淨廬近若耶溪戲有此贈

歸去香臺越水涯苧蘿小徑入煙霞三車幻出采蓮曲  
百衲同觀浣女紗片片白雲迎棹遠森森修竹到窗斜  
已知行腳遊應徧曾見維摩幾散花

喜範明偕令姪至

長榆正喜挹薰風遠道攜琴自海東柏寺乍看雙壁合  
竹林更羨一樽同登臨月映高臺迴指顧天連絕塞雄  
聞說囊餘黃石祕可能飛屑慰飄蓬

石榴

昔傳佳樹自塗林移向園亭樾蔭深豔發珊瑚爭日麗  
苞含火齊傲霜侵漫誇文杏迎春早應笑來禽共水沈  
輝映環臺堪作賦君家原是孟陽心

桃花

穠華灼灼鬪紅芳細雨窗前裊豔妝春滿長榆初散錦  
枝分上苑欲生香乍疑溪洞浮漁艇還想瓊臺醉羽觴  
知是東君加護惜莫將移向歷陽傍

初歲晚眺

高臺縹緲意何之滿目蕭條隔歲期乍拂春風寒未破  
幾懷明月影初窺他鄉對酒愁偏入故國緘書望轉遲  
欲慰相思無處所可堪敲枕獨醒時

獨坐湖亭待酒不至

炎夏尋芳向碧湖閒亭清興坐來孤浮波菡萏香疑蒸  
疊嶂煙嵐翠作圖漫折芳口聊自賞獨憐啼鳥爲誰呼

回看兩岸垂綸者竟日臨洲定有無

夏日臧拔翁移樽東湖邀同寅諸友賞荷卽賦

香風拂拂漾漣漪載酒應須勝習池朱景青蓮薰苜蓿  
異鄉同調愜墟簾傾卮幾借山陰墅濡髮渾忘白接羅  
無那村前煙霧暝欲尋歸路惜分攜

夏閨情

寂寞從前久非關此日長已惜芳菲去何用芟荷香憎  
鶯語深樹妬燕乳雕梁空懸消暑珠焦心轉自傷半捲  
流黃簞淒切不堪涼不信朱景心顛倒誤陰陽聞說玉

林衣集 卷六 四四明叢書 約園刊本

關冷未秋先隕霜慙勤謝青女相爲貸戎行

感懷

青山意自淡白雲非所營九衢做輪鞅雨雪催逢迎  
寂既已異得喪由我情何必悔讀書誤人逐浮名何必  
仇時命牢落此生平欲存達者心試看鴻冥冥

見雁

朔風何凜烈吹此征雁飛矯然刷羽翰雲路渺何期何  
必華堂燕去去還復往別有羣飛槍時則旋控地漫言  
知此遊亦各從所志

雜詩六首

鮮雲出高岑幽泉鳴湖底兩者亦何心升沈若有以山  
居翫物化氣運誰能擬持此問解人定云有真理

涉世鮮歡悰遠俗生孤慮辭喧愜我情尋幽得所據自  
古有達人皆以誇獨豫茫茫宇宙寬安知孰來去閒雲  
日悠悠終亦何所與

桂父淺紫煙丹經啓神祕仙蹤信可尋洞冥由早智誰  
令骯髒骨結束半騷意渺渺三山芝雄主暮來覬爾欲  
餐朝霞亟挽青陽轡

林衣集 卷六 五四明叢書 約園刊本

開山延白雲鑿石注通川妙得幽棲趣巧結煙霞緣空

山從古來往往住神仙亦有秦人洞深居忘歲年試問

山水意豈求人別穿所以有真隱買山亦徒然

有鳥翩翩起一去無停翼寧辭霜露零但信長風力匪  
爲稻梁思豈從雁鷺息偶爾憩空山一望煙雲黑未知  
寥廓心于何有所極

七雄收奇策器儀與秦炎精折羣力錚錚張與陳未  
酬時主願鬪爭已信信還想生平意相棄如飛塵世人  
重契誼慷慨薄秋冥慎勿趨羶途金石仍可論

秋夜

秋色何來早蕭疏幾雁羣邊聲杯底落客緒鏡中分亂  
葉依蛩響長河淺白雲書生無限意翫麟欲從軍

花別語

已悵芳辰去寧忘欣賞心香憐題句雋影寄酒卮深搖  
曳從風妬低徊待月臨與君邀淑景次第許相尋

燕別語

豈能辭大廈無伴盡清秋絮語猶難竟低飛幾欲留將  
離同漠漠羨雁轉悠悠不是驚嚴節惟應春盡遊

林衣集

卷六

六四明叢書  
約園刊本

覽鏡

幾度看明月頻逢白雲飛客懷空自遠愁鬢不知輝今  
日參差見還疑是也非

大隄女

芳鬢照綠波繡袂嬌初柳香風盡日吹不出大隄口莫  
是有遊人乞得明珠否

襄陽曲三首

漢渚悠悠煙水迷萬山潭影日初低近得春遊女兒伴  
新聲翻盡白銅鞮

五三〇一五〇一五

青樓如綺酒如餉簇簇千帆未解維笙歌到處留人醉

猶說當年倒接羅

郡城南望岷山尊蕪沒殘碑掩淚痕行人來往頻相問

何處煙霞是鹿門

江南曲

江上風高花亂飛飛花逐鳥送春歸蜂尋香氣撲人衣  
幽思結繞羅幃誰能對落暉

閨怨二首

獨上高樓悲遠天又看飛絮逐飛煙邊庭應是無楊柳

林衣集

卷六

七四明叢書  
約園刊本

不識春光更一年

門前芳草厭秋霜望斷南來是雁行到底期君一相見

還時定覓月支香

歸雁四首

東風迢遞半春陽碧落題來復幾行聽得天南聲斷續  
不教孤客住他鄉

煙棲水宿自青秋好趁光風謝客遊矯翼不辭蓬海闊

呼羣豈羨麥畦稠

相從雲侶去無涯一片歸心對日華別後寂寥空鷺渚

五三

望中縹緲見龍沙

飛向榆關整復斜  
數聲嘹唳應胡笳  
恰遇燕來還共語  
不知消息寄誰家

石上松過僧舍偶題

聞說深公不買山  
故將拳石伴經閒  
栽松不是資談柄  
記取西來幾日還

江干曲

送郎江上一孤舟  
夢見舟行天際頭  
安得西風吹夢去  
與郎相並泊汀洲

林衣集

卷六

八四明叢書

約園刊本

怨歌

妾心如孤鏡  
暗中光更徹  
君心如層冰  
日中不可熱  
不恨有心今是冰  
只恐冰寒處處凝

讀陳木叔紅樹詩漫題四絕

誰從素景遙朱顏  
那得深林醉玉環  
扶荔浦邊春望斷  
焉支山下晚來還

一片霞光萬葉鮮  
都緣青女曉妝妍  
為牽騷苑淋漓興  
不受深宮寂寞憐

丹崖瑤樹不知秋  
春色殷然豔客眸  
登臨莫漫愁沾酒

賸有林端琥珀浮

蕭蕭楓葉小山寒  
恍似中傳赤玉盤  
此日繽紛題彩筆  
應作洞雲禁裏看

菊花

名園綺閣帝城隈  
曲徑寒花處處栽  
為愛晚香登月榭  
故移春酒近霜臺  
高秋鴻雁從風度  
遠口菰蘆卽境開  
莫向□驄□御李  
且淹車馬罄深杯

林衣集

卷六

九四明叢書

約園刊本

林衣集卷六

先生時有撰著輒削其藁或甫就簡人又取去無一存者蓋非徒全子樓之三焚唐球之燃稿納大瓢已也所幸博雅好文之士競相傳寫猶有兼本傳在菽苑中耳不肖舅弟俱辱在弟子之籍而元仲得侍先生爲日更長每當講誦之暇購募散逸撫裘興思因爲文以徵之自邇及遠徧探冥搜凡耳之所聞目之所見隨手鈔錄八年於茲裁得十之四三而已且其閒朽編脫簡闕略彌多帝虎陶陰躋誤殊甚元仲復爲刊定眞僞手自排纘繕寫以呈先生先生更復刪除其半僅取林衣名集

林衣集

識

四明叢書

約園刊本

志謙也不肖舅弟相與糾工付梓覆校者七閱月者四始告成事待歲之更始求敘於本寧李先生眉公陳先生見可徐先生仲舉錢先生與吾師武林黃先生而後懸諸國門其它詩賦尺牘副在名山者尙俟異時補輯彙爲全編若夫斂衽贊述則具家世父敘中仲也不敏蓋不能贊一辭云門人馮元仲頓首百拜識